


Júu 'mîi e cacuo
fidiée



New Testament in Chinantec, Comaltepec (MX:cco:Chinantec,
Comaltepec)

Júu 'mí e cacuo fidié

New Testament in Chinantec, Comaltepec (MX:cco:Chinantec, Comaltepec)

copyright © 2002 Wycliffe Bible Translators, Inc.

Language: Chinantec, Comaltepec

Translation by: Wycliffe Bible Translators, Inc.

Chinanteco, Comaltepec [cco], Mexico

Copyright Information

© 2002, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Chinantec, Comaltepec

© 2002, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 21 Feb 2024 from source files dated 29 Jan 2022

30c6f873-0dee-5863-8883-ba3c5eaa988c

Contents

Mateo	1
Marcos	63
Lucas	102
Juan	169
Hechos	220
Romanos	279
1 Corintios	306
2 Corintios	330
Gálatas	345
Efesios	354
Filipenses	362
Colosenses	368
1 Tesalonicenses	374
2 Tesalonicenses	379
1 Timoteo	382
2 Timoteo	389
Tito	394
Filemón	397
Hebreos	399
Santiago	420
1 Pedro	427
2 Pedro	435
1 Juan	440
2 Juan	447
3 Juan	448
Judas	449
Apocalipsis	451

E lab júu^ quiá'- Dsea` Jmáang- e cajme' MATEO

*Jaléng`'lii~ yáa~ quiá'- Dsea` Jmáang-`
(Lc. 3:23-38)*

¹ I lab jaléng`'lii~ yáa~ quiá'- Dsea` Jmáang- i líng' siju~ 'lii~ yáa~ dseata~ Daví'^ cóo~ gui 'lii~ yáa~ Abraham. ² Jo Abraham calisí tiquiá'^ Isáa' jo Isáa' calisí tiquiá'^ Jacóo^ jo Jacóo^ calisí tiquiá'^ Judá cóo~ jaléng` rúíñ'. ³ Jo Judá calisí tiquiá'^ Fares cóo~ gui Zara jo niquiá'r^ calisí` Tamar. Jo Fares calisí tiquiá'^ Esrom jo Esrom calisí tiquiá'^ Aram. ⁴ Jo Aram calisí tiquiá'^ Aminadab jo Aminadab calisí tiquiá'^ Naasón jo Naasón calisí tiquiá'^ Salmón. ⁵ Jo Salmón calisí tiquiá'^ Booz jogui niquiá'r^ calisí` Rahab. Jo Booz calisí tiquiá'^ Obed jogui niquiá'r^ calisí` Rut. Jo Obed calisí tiquiá'^ Isaí. ⁶ Jogui Isaí calisí tiquiá'^ i dseata~ Daví'^ jo íb` tiquiá'^ Salomón jogui niquiá'r^ i calíng- dseamí quiá'- Urías.

⁷ Jo Salomón calisí tiquiá'^ Roboam jo Roboam calisí tiquiá'^ Abías jo Abías calisí tiquiá'^ Asa. ⁸ Jo Asa calisí tiquiá'^ Josafat jo Josafat calisí tiquiá'^ Joram jo Joram calisí tiquiá'^ Uzías. ⁹ Jo Uzías calisí tiquiá'^ Jotam jo Jotam calisí tiquiá'^ Acáz jo Acáz calisí tiquiá'^ Ezequías. ¹⁰ Jo Ezequías calisí tiquiá'^ Manasés jo Manasés calisí tiquiá'^ Amón jo Amón calisí tiquiá'^ Josías. ¹¹ Jo Josías calisí tiquiá'^ Jeconías cóo~ jaléng` rúíñ'. Jo ie~ job mi~ cató- dsea` i seeng` fí Babilonia fíng' dsea` Israel fí góor` e 'núuñ' do.

¹² Jo mi~ cangí gui lajo, Jeconías calisí tiquiá'^ Salatiel jo Salatiel calisí tiquiá'^ Zorobabel. ¹³ Jo Zorobabel calisí tiquiá'^ Abiud jo Abiud calisí tiquiá'^ Eliaquim jo Eliaquim calisí tiquiá'^ Azor. ¹⁴ Jo Azor calisí tiquiá'^ Sadoc jo Sadoc calisí tiquiá'^ Aquim jo Aquim calisí tiquiá'^ Eliud. ¹⁵ Jo Eliud calisí tiquiá'^ Eleazar jo Eleazar calisí tiquiá'^ Matán jo Matán calisí tiquiá'^ Jacóo^. ¹⁶ Jo Jacóo^ calisí tiquiá'^ Sé^, jo i Sé^ do íb` i calí- dseañ` quiá'- Yá'; jo i Yá^ do, íb` i líng' niquiá'^ Jesús i líng' Mesías e guóng': Dsea` i caguíng` Fidié`.

¹⁷ Jo caliséng` guiquiá' 'lé' íng' dsea` catí mi~ caliséng` Abraham jo cartí mi~ caliséng` dseata~ Daví'^, jo jíe'gui guiquiá' 'lé' catí mi~ caliséng` dseata~ Daví'^ jo cartí mi~ cangojéng` dsea` Babilonia jaléng` dsea` Israel fí góor` e 'núuñ', jo jíe'ng'gui guiquiá' 'lé' catí mi~ cangí e cató- dsea` Babilonia jaléng` dsea` Israel fí góor` jo cartí mi~ caliséng` i Mesías do i caguíng` Fidié`.

*Mi~ caliséng` Dsea` Jmáang-`
(Lc. 2:1-7)*

¹⁸ Lalab calí- mi~ caliséng` Dsea` Jmáang-. Jo ie~ jo seeng` jaang` simí i sii` Yá^ i nininéé júu^ quiá'- cóo~ jaang` siming` i sii` Sé^, dsu' ná' gui e nigüear` colíng` cangoquieeng` i Yá^ do yáa~ la'eáng` cóo~ Jmiguí quiá'- Fidié`. ¹⁹ Jo i Sé^ do líiñ` jaang` siming` i dsíng` guíung-, joba' ja' calíiñ` fa' e cajméer` dsee- quiá'- i Yá^ do fí quini` dsea`. Joba' ca'f` dsíir' e nitiúung- neiñ` do e ñm`jiu e laco' ja' niliñ` dsea`. ²⁰ Jo lajee` e í dsíi' i Sé^ do e nijmér- lajo, lajee` güiñ` jo caquir' e cajnéng- jaang` ángel i líng' guotí- Fidié` i casíng` dsea` do. Jo í casí'r- i Sé^ do jo cajíñ`-:

—Sé^, siju~ dseata~ Daví'^, ja' jmoo' 'gó' e nicøn' Yá^ e niliñ- dseamí quiá'-, dsuco' i jiuung` i quíeeiñ` na ca'uíñ- cóo~ Jmiguí quiá'- Fidié`. ²¹ Jo niliseeng` jaang` yáa~ siñuá' quiá'r-, jo 'nu` nitó' e nilisiir` Jesús, jo nilisiir` lana dsuco' nileáñ- jaléng` dsea` quiá'r- jee~ jalé' dsee- quiáñ`-.

²² Jo jalé' e cajíng'- i ángel do calí- e laco' caliti~ júu^ quiá'- Fidié` e café' jaang` dsea` i café' cuaiñ` quiá'r- malí gui eáng` mi~ cajíñ` lala:

²³ Jaang` simí nidsiquieeiñ` jaang` yáa~ siñuá', jo mi~ niliseeng` i yáa~ do, nitér- e nilisiñ` Emanuel e guóng':

Fidiéé seeiñ` cóo` jneaa`aa'.

²⁴ Jo mi` cajné` dsíi` i Sé` do, joba' cajmée`bre jalé` e cajíng` i ángel do jogui cacóm`bre i Yá` do e nilí` dseamí` quiá'r`. ²⁵ Dsu' ja` caquiain` cóoiñ` do cartí` mi` caliséng` i yuu` i quíeeiñ` do. Jo mi` caliséng` í, joba' catéé` Sé` e calisiñ` do Jesús.

2

Mi` caguiling` dsea` i jmitíng` quiá` jaléng` núu` fí` Jerusalén

¹ Jo caliséng` Jesús fí` cóo` fíi` e sii` Belén e née` lí` se` Judea. Jo ie` jo líng` jaang` dsea` i sii` Herodes dseata` dsea` féng` quiá` jalé` fíi` e sea` fí` jo. Jo ie` job cajo caguiling` fí` Jerusalén tú` 'ní` máng` dsea` i jmitíng` quiá` jaléng` núu`, jo i dsea` do huíb` eáang` jaliñ` fí` lí` lí` guo` iee`. ² Jo mi` caguiliñ` fí` Jerusalén, cajmingí` jaléng` i dsea` seeng` fí` jo, jo cajíñ`:

—¿Jnang` i dseata` dsea` féng` quiá` dsea` Israel i nicaliséng` do? Dsúco' nicanéeng` naa' núu` quiá'r` fí` lí` lí` guo` iee`, joba' ne`naa' e nicaliséiñ` jo lana nijáa`naa' e nijmiféng`naa're.

³ Jo mi` canúu` dseata` Herodes e júu` jo, dsíng` jo` tii` seeiñ`, jogui lajobi cajo jaléng` dsea` i seeng` fí` Jerusalén. ⁴ Joba' i dseata` do cató'r` jaléng` fí` jmidsea` quiá` dsea` Israel cóo` gui jaléng` tifa` quiá` júu` quiu` ta` quiá` dsea` Israel jo cajmingí` reiñ` do jo cajíñ`:

—¿Jie` fí` lí` niliseeng` i Mesías?

⁵ Joba' cañíi` i dsea` do quiá` i dseata` do jo casí` reiñ`:

—I dsea` í` niliseeiñ` fí` cóo` fíi` e sii` Belén e née` lí` se` Judea; dsúco' lajob cajme` jaang` dsea` i café` cuaiñ` quiá` Fidiéé` malí` gui eáang` mi` cajíñ` lala:

⁶ E fíi` pí` e sii` Belén do née` fí` lí` se` Judea, dsu' e fíi` jo ja` 'ga' lí` níng` lajee` lajalé` fíi` e sea` fí` jo, dsu' fí` job lí` nigüi` jaang` dseata` dsea` féng`

i nicá` nifí` quiá` jaléng` dsea` quié` e, dsea` i líng` dsea` Israel.

⁷ Joba' i dseata` Herodes do cató'r` jaléng` i dsea` i jmitíng` quiá` jaléng` núu` do fí` cóo` lí` ja` 'ga' lí` ní` dsea` jo cajmingí` dsea` do e` í` ngóo` mi` cajnéng` i núu` do. ⁸ Jo mi` cangí` jo, i dseata` do casíiñ` i dsea` í` fí` Belén jo casí` reiñ` do lala:

—Güiling` na' fí` jo, jo güijmidseáang` óo`na' laji` e lí`na' quiá` i jiuung` do; jo mi` niguiéng`na're, jmée`na' jnea` júu`, job cuóong` nii` i e nijmifén`nre cajo.

⁹ Jo mi` cató' sí` dseata` Herodes i dsea` do lajo, joba' catam` tuiñ` do fí` ngolíiñ`. Jogui i núu` i cangáñ` jéeng` do, ngóo`biñ` do laco' ngolíiñ`, jo cóob` mi` cajé` i núu` do fí` yá` 'núu` lí` guíng` i jiuung` do. ¹⁰ Jo i dsea` do eáam` iáang` dsíir` dsu' e níiñ` i núu` do. ¹¹ Jo mi` caguiliñ` fí` e 'núu` do, dsifí` ladob cangotáaiñ` e fí` dsíi` sinúu` do jo cangáñ` i jiuung` do cóo` níquiáiñ` Yá`. Jo casí'r` uó` jnr` fí` quini` i jiuung` do jogui canaaiñ` e jmféng`neiñ` do cajo. Jo mi` calí` e cajmér` e jo, jo caneáar` guóo` quiá'r` e quier` do, jo cacuø'r` i jiuung` do cunéé` cóo` gui sý` e 'mo' eáang` cóo` gui cuíi` e jlo' jmeafíi` cajo. ¹² Jo mi` cangí` jo, caquim` tu` i dsea` do fí` góor`. Dsu' fí` lí` jieb` caquiñ` do dsúco' Fidiéé` cajmea`breiñ` júu` lajee` güiñ` do e ja` cuóong` niqing` tuiñ` do fí` lí` guíng` i dseata` Herodes do.

Mi` cacuíi` Sé` cóo` Yá` cóo` gui` i jiuung` do e cangolíiñ` fí` Egipto

¹³ Jo mi` cangí` e nicangolíng` i dsea` i jmitíng` quiá` jaléng` núu` do, jo lajee` güíng` i Sé` do, caleáb` tu` caquiñ` jaang` ángel quiá` Fidiéé`. Jo i ángel do casí'r` i Sé` do jo cajíñ`:

—iSé, ráan` jo jéeng` i jiuung` na cóo` gui níquiá'r` jo cuíi` na' fí` Egipto! Jo fí` job nijá`na' cartí` mi` nijmée` e 'nú' júu`, dsúco' i dseata` Herodes do ní`náiñ` i jiuung` na e nijngám`bre.

¹⁴ Joba' caráam` i Sé` do ladsifí` lado, jo uóø` job cataiñ` fí` e cangojéeiñ` i jiuung` do cóo` gui níquiáiñ` do fí` Egipto. ¹⁵ Jo dob cajeiñ` cartí` mi` cajúng` i dseata` Herodes do.

Jō cangojée' e la e lí' laco' caliti~ lajii' júu e cajíng' Fidiée' la'eáang' cóo' jaang' dsea' i café' cuaiñ~ quiá'r- malii' gui eáang' mi~ cajíñ'- lala: "Catóø-ø Jōo' e nigüi'fir' fi' Egipto."

Mi~ cajnga' dsea' quiá'- jaléng' jiuung~ ping'

¹⁶ Jō mi~ calilí' i dseata~ Herodes do e cajmigóøm' i dsea' i jmitíng' quiá'- jaléng' núu' do ír', joba' dsíng'- caliguiñ~; jō caquiur' ta~ jaléng' 'léé- quiá'r- e nidsijngáaiñ~ jaléng' jiuung~ i ping' gui laco' tú- jí' i seeng' fi' Belén cóo' gui jaléng' jiuung~ ping' i seeng' fi' fi' e née' lacúng' lajíng' e fi' jō i ngolíng- í' lajō cajo. Jō cajngam' bre lí' laco' gui jii' jii' e cajíng'- i dsea' i jmitíng' quiá'- jaléng' núu' do. ¹⁷ Jō cóo' e nab caliti~ e júu e cajme' jaang' dsea' i café' cuaiñ~ quiá'- Fidiée' malii' gui eáang' i calisí Jeremías mi~ cajíñ'- lala:

¹⁸ Jō caná' óo' jaang' dseamí' fi' cóo' fi' e sii' Ramá,

jō dsíng'- qui'r' jōgui óor';

Raqueeb' sii' i dseamí' do jō qui'r' uí' jiuung~ quiá'r- dsuco' nicajúm- bing',

jō ja' iñ~ nimáñ~ có' dsíng'- lijiuung~ dsíir'.

¹⁹ Jō mi~ cangí' e cajúng- i dseata~ Herodes do, fi' Egipto táang' i Sé^ do lajee' jō. Jō cóo' ya' lajee' e güiñ~, caquím- tur jaang' ángel quiá'- Fidiée', jō í' casí'r- Sé^ jō cajíñ'- lala:

²⁰ —Sé^, ráan'-, jō quíng' tu' cóo' i jiuung~ na cóo' gui niquiá'r' fi' lí' se' Israel, có' lana nicajúm- i lamí' iing' jngáng'- i jiuung~ na.

²¹ Jōba' lajōb cajmée' Sé^, caráam- bre jō cató- bre i jiuung~ do cóo' gui niquiá'iñ' do fi' lí' se' Israel. ²² Jō dsu' mi~ caliñir' e Arquelao niguiñ~ líiñ' dseata~ dsea' féng' quiá'- lí' se' Judea eáang' quiá'- i tiquiá'r' dseata~ Herodes do, joba' eáam' cafóñ' jō jō cangáñ'- fi' jō, có' Fidiée' cajme' tureiñ' júu lajee' güiñ~ e ja' cuóøng' nidsilíñ' fi' jō. Jōba' fi' lí' se' Galileab cangolíñ'. ²³ Jō mi~ caguiéng'- Sé^ fi' lí' se' Galilea, jō cangogüear' fi' cóo' fi' e sii' Nazaret e née' fi' jō. Jō calí- e na e laco' caliti~ jalé' júu e café' dsea' i café' cuaiñ~ quiá'- Fidiée' malii' gui eáang' mi~ cajíñ'- e Jesús nilisiir' jaang' dsea' nazareno.

3

Mi~ canaang' Juan i seáang' dsea' jmii' e guiar' júu quiá'- Fidiée'

(Mr. 1:1-8; Lc. 3:1-9, 15-17; Jn. 1:19-28)

¹ Jō mi~ cangí' gui jmiguiur' jii' lajō, jō ie~ jō cangí' jaang' dsea' i sii' Juan i seáang' dsea' jmii' fi' ní' guóo' uó' quiú' fi' lí' se' Judea, ² jō guiar' júu jō fé'r' lala:

—Qui' jíng' yaang' na' fi' quini' Fidiée' uí' dsee- qui' na', dsuco' nijaquiéem' ba' e nicá' dsea' do ní' quiá'- lajaang' lajaang' dsea' jmigüí'.

³ Jō malii' gui eáang' caliséng' jaang' dsea' i calisí Saí' i café' cuaiñ~ quiá'- Fidiée', jō íb' i café' uii' quiá'- i Juan do mi~ cajíñ'- lala:

Ngí' jaang' dsea' i fé' teá' fi' ní' guóo' uó' quiú' jō fé'r' lala:

"Jmeáang' na' guiú' fi' jōgui nea' na' condsée',

có' lana tí' lí' nijáab' Fí'naa'."

Jō jalé' e na cajíng'- Saí' fi' ní' jì' quiá'- Fidiée' do.

⁴ Jō sí' i Juan i seáang' dsea' jmii' do lí' cóo' layaang~ jñú' loo' jó' camello, jōgui 'ñúu' tu'r cóo' 'ñutu' e lí' cóo' loo' jó', jōgui jmitaang~ 'ñia'r' cóo' sini' i cóøng' cóo' gui ta' e dsér' fi' jee~ mó'. ⁵ Jō jaléng' dsea' i seeng' fi' Jerusalén cóo' gui jaléng' dsea' i seeng' fi' lí' se' Judea cóo' gui jaléng' i neáang' quiá'- gua' Jordán dsilíñ- e dsinúur- jalé' júu e guia' i Juan do. ⁶ Jō jaléng' i dsea' do jmóor' júu lajii' dsee- e nica'éer' quiá'r-, jō lí- jō i Juan do seáaiñ' jmii' jaléng' í' fi' é' gua' Jordán.

⁷ Jō mi~ cangá- i Juan do e fím' dsea' Israel i líng' dsea' fariseo cóo' gui dsea' Israel i líng' dsea' saduceo jalíñ- e iñ~ nisáñ' jmii', joba' cajíñ'- casí'r- jaléng' i dsea' do lala:

—Jōo' mi' guíng- 'nú'! ¿í' nicasí'- 'nú' e nileáang' na' jee~ iihuí' e nijaquiéeng' e nicuó- Fidiée'? ⁸ Jō ee- na' røø' fi' quini' dsea' jō jmiliing' yaang' na' e laco' nililí' jaléng' dsea' rúng' na' e já'- ba' e nicaqui' jím' yaang' na' fi' quini' Fidiée'. ⁹ Jō ja' jmi' løng' yaang' na'

e fó'na': "Jnea' lí'naa' dsea' siju' 'lii' yá'u' Abraham"; co' jnea' jmitaa' óo'na' e Fidiée' cuóø'm lí' jmér' e cuu' née' na e ni'uíng' dsea' siju' 'lii' yá'u' Abraham faco' iin' lajo.

¹⁰ Jo cajíng' gui Juan casí'r' jaléng' i dsea' do lala:

—Ninéeb' guiá' ñigui' quiá' Fidiée' e niqúi'r' jalé' 'ma' catí' jmó' quiá'. Co' jalé' 'ma' ofii' e ja' cuó' ofii' e guiá' nihuib' jo nidsitoo' fí' ni' jì. ¹¹ E já', jnea' seáan' 'nú' jmii' jii' cóo' layaang' jmii' e laco' cuó' lí' e nicaquí' jím' yaang' na' fí' quini' Fidiée'; dsu' i dsea' i nijáa' mi' ningíng' jnea' niseáiñ' 'nú' jmii' cóo' Jmiguí' quiá' Fidiée' jogui cóo' jì' cajó. Jo i dsea' í' dsíng' gui 'gøiñ' laco' jnea' e jii' jnea' ja' catán' n co' sá' i capí' ñí' 'ñáa' lomii'. ¹² Jo quier' coo' e jmáiñ' ta' quiá' e nisíñ' micui'iee', jo nisér' ca' e qui' quiá' do. Jo dsu' e micui'iee' do ni'mear' fí' dsí' sináa' jogui e qui' do quiá' nijí' bre fí' lí' coo' jì' e ja' tóo' jmii' yu'.

Mí' cajgáang' Jesús jmii'

(Mr. 1:9-11; Lc. 3:21-22)

¹³ Jo mi' cangí' jo, cagü'í' Jesús fí' lí' se' Galilea jo cangór' fí' lí' táang' i Juan do fí' gua' Jordán e laco' dsea' í' nisé' jmii' quiá'r'. ¹⁴ Dsu' i Juan do ja' lamí' iin' e niseáiñ' dsea' do jmii', jo lalab cajíñ' casí' reiñ':

—'Nub' dsea' catán' e niseáan' jnea' jmii'; jo jiali' ñi' e iin' e jnea' niseáan' 'nu' jmii'?

¹⁵ Joba' cañí' Jesús jo casí' reiñ':

—Lí' jmee' laco' e fii' i 'nu' lana; co' la guím' 'né' jmití'ii' jalé' ta' quiá' Fidiée' e 'né' jmó'oo'.

Joba' ca'íb' dsí' i Juan do e niseáiñ' dsea' do jmii'. ¹⁶ Jo dsifí' mi' cajgáang' Jesús jmii', jo cagü'í' bre fí' dsí' jmí'. Jo ladsifí' lanab cana' fí' yá' jmigüí', jo cangá' Jesús e cajgó' Jmiguí' quiá' Fidiée' fí' yá' moguir' e líng' jaang' mee'. ¹⁷ Jo guicaná' coo' luu' e jáa' fí' yá' jmigüí' jo guicajíng' lala:

—I nab Joo' i 'neáan' eáang', jo dsíng' íaang' dsii' cóo'r'.

4

Mí' cajmée' fii' i 'líng' quijí' jial ni'é' Jesús dsee'

(Mr. 1:12-13; Lc. 4:1-13)

¹ Jo mi' cangí' e cajgó' Jmiguí' quiá' Fidiée' fí' yá' mogui' Jesús, jo e Jmiguí' do cangojéeng' dsea' do fí' coo' guoo' uø' quiá' e laco' fii' i 'líng' nijmér' quijí' jial e ni'é' dsea' do dsee'.

² Jo fí' job cateáang' Jesús lajee' tuló' jmii' jogui tuló' uøø' jo ja' e cagó'r' jii' coo' lajee' jo. Jo mi' cangí' gui lajoba' cadseá' jmi'aaíñ'. ³ Jo lajee' job cangoquiéeng' i fii' i 'líng' do fí' lí' sing' Jesús e jmóor' quijí' jial ni'é' dsea' do dsee', joba' casí'r' dsea' do lala jo cajíñ':

—Song já' e 'nu' lín' i Joo' Fidiée' camíng' do, quiá'u' ta' e ni'uíng' iñí' e cuu' e née' na.

⁴ Jo dsu' dsifí' lajob cañí' Jesús quiá' i fii' i 'líng' do jo cajíñ':

—Dsu' lalab fé' fí' ni' jì' quiá' Fidiée': "Ja' niliseeng' jaléng' dsea' jmigüí' juguiá' e lico' ni'í' nidó'r' jalé' e sea' fí' jmigüí', co' 'né' e nijmitir' jalé' ta' quiá' fí' ni' jì' quiá' Fidiée', jo lajoguiba' niliseeiñ' juguiá'."

⁵ Jo mi' cangí' jo, i fii' i 'líng' do cangojéeiñ' Jesús fí' fii' güeang' quiá' dsea' góor' dsea' Israel e sii' Jerusalén, jo caseáaiñ' dsea' do cartí' yá' guá' fé' e si' fí' jo. ⁶ Jo lajee' niteáaiñ' fí' jo, lalab casí'r' Jesús jo cajíñ':

—Song já' e lín' i Joo' Fidiée' camíng' do, bíng' uø' cartí' uii' quiá' e guá' la; dsuco' fí' ni' jì' quiá' Fidiée' fé' lala:

Fidiée' niqúi'r' ta' jaléng' ángeles i líng' guotii' e nijmér' í' 'nu',

jo nisáiñ' 'nu' cóo' guoor' lajee' guiáang' guo' guiá' güí' e laco' ja' nititaan' cartí' ni' uø'.

⁷ Joba' cañi' Jesús jò casí'-reiñ':

—Dsua' lala fé'gui' fí' ni' jì' quiá'- Fidié' cajo: “Ja' jmoo' jial ni'é- Fí' Fidié' dsee-.”

⁸ Jò mi' cangí' e jò, i' fii' i' 'ling' do cangojéiñ' Jesús fí' coo' yá' mó' e ñí' eáang', jò ca'e'r' dsea' do jalé' fii' e sea' fí' jmigüi' jogui' jial niing- lacoo' lacoo'; ⁹ jò i' fii' i' 'ling' do casí'r' Jesús jò cajíñ':

—Jnea' nicuóøø 'na' lajalé' e móo'- na song nisi' uó- jní' fí' quini' jogui' nijmifén' jnea'.

¹⁰ Joba' cañi' Jesús jò casí'-reiñ':

—Güihuíng- cáan'n, Satanás, dsuco' fí' ni' jì' quiá'- Fidié' fé'gui': “Jí' Fidié' dsea' guing- ñifí'-bing' nijmifén', jò jí' ta' quiu' íbre e nijmití' cajo.”

¹¹ Jò dsifí' lajob cajmi'náng' 'ña' i' fii' i' 'ling' do fí' lí' sing' Jesús, jò lí' jò caguiling- tú- 'ní' máng' ángeles fí' lí' sing' Jesús e cangoto' fiiñ' dsea' do.

Mi' canaang' Jesús jmóor' ta' quiá'r- fí' lí' se' Galilea

(Mr. 1:14-15; Lc. 4:14-15)

¹² Jò mi' cangí' jò, jò caliñi' Jesús e 'nañib' ni'iuung- Juan i' seáang' dsea' jmi', joba' caquim'-tur fí' lí' se' Galilea. ¹³ Dsua' ja' cajer' fí' Nazaret, co' dob cangogüear' fí' Capernaum fí' 'ni' guié' Galilea, fí' lí' se' lí' neáang' dsea' Israel i' líng' dsea' siju' Zabulón cóo' gui Neftalí. ¹⁴ Jò cangojé' jalé' e jò e laco' caliti' lajii' júu' quiá'- Fidié' e cajme' Saí', jaang' i' café' cuaiñ' quiá'- Fidié' malí' gui eáang' mi' cajíñ'- lala:

¹⁵ E guóo' uó- quiá'- dsea' siju' Zabulón cóo' gui Neftalí nées' cáang' gua' Jordán fí' 'ni' guié' Galilea

fí' dsí' lí' se' Galilea cajo.

Jò fí' job lí' seeng' dsea' i' ja' cuíng' Fidié'.

¹⁶ Jò lafa' i' seeng' fí' lí' nuu' só' líng' jaléng' i' dsea' í', dsua' cangár- coo' jì' e jlo' niing- 'gøng'.

Jò jaléng' i' dsea' í' líiñ' lafa' sijuuiñ- uí' dsee- quiá'r-, dsua' nicajneá- e jì' do jee' ír'.

¹⁷ Jò lajee' e niguiing- Jesús fí' Capernaumba' canaiñ' guiar' júu' quiá'r- jò fé'r':

—Quí' jíng' yaang-na' fí' quini' Fidié' uí' dsee- quí-na', dsuco' nijaquíem'ba' e nicá' dsea' do nifí' quiá'- lajaang' lajaang' dsea' jmigüí'.

Mi' cató'- Jesús quiúung- dsea' i' jmóo' ta' sáng' 'ña'

(Mr. 1:16-20; Lc. 5:1-11)

¹⁸ Jò mi' cangí' jò, lajee' e ngóo' Jesús ngir' fí' 'ni' guié' Galilea, cangaiñ- gáang- dsea' i' la'ó' rúng', jaang' i' sii' Simón jò sii' bir Tú' cajo, jò jaang' gui i' sii' Dí'. Jò laj' huaiñ'- do taaiñ- ta' feá' 'máa' fí' dsí' jmí' quiá'- e saíñ' 'ña'. ¹⁹ Jò Jesús casí'-reiñ' jò cajíñ':

—'Ná' ñilíng-na' cóo' jnea', jò jnea' nicuóøø 'nú' ta' e guíana' júu' quiá'- Fidié' fí' jee' dsea' jmigüí', jò líb'jiu e ta' jò la lí' ta' sáng' 'ña'.

²⁰ Joba' i' dsea' do dsifí' ladob catúr' 'máa' quiá'r- jò cangolímbre cóo' Jesús.

²¹ Jò tí' dobjiu ningóo' Jesús cóo' i' dsea' do mi' cangaiñ- jiéng' gui gáang- dsea' i' la'ó' rúm' cajo, jò jaaiñ' do siir' Tiáa' jò jaang' gui i' sii' Juan. Jò laj' huaiñ'- do líiñ' joo' jaang' dseañu' i' sii' Zebedeo. Jò teaiñ' fí' coo' dsí' móo' colíng- cóo' tiquiá'r' e jmo'r' jalé' 'máa' quiá'- e saíñ' 'ña'. Jò Jesús cató'-reiñ' do, ²² jò dsifí' lajob ca'uøøiñ' do e fí' dsí' móo' lí' teaiñ' do jò cangolímbre cóo' Jesús, jò dob caseaiñ' i' tiquiá'r' do.

Mi' ca'e' Jesús fíng' dsea' jalé' júu' quiá'- Fidié'

(Lc. 6:17-19)

²³ Jò mi' cangí' jò, cangí' Jesús fí' la'úng- fí' lí' se' Galilea e e'r' jaléng' dsea' Israel júu' quiá'- Fidié' fí' dsí' guá'- quiá'r- e téé- lacoo' fii'. Jò guiar' júu' quiá'- Fidié' e nijaquíem'ba' e nicá' dsea' do nifí' quiá'- lajaang' lajaang' dsea' jmigüí'. Jogui' jmi'leáam- bir jaléng' dsea' i' líng' lí' doñí' ee' jmohuí' osi lí' doñí' jié' lí' cu' quiáñ'-

é. ²⁴ Jo eáam' nini' júu^ quiá'- Jesús quiá'- jalé' e guiá' e jmóor` do fí la'úng- fí lí se' Siria. Jo jaléng' dsea` i seeng' fí jo dsiliñ- fí lí táang' Jesús e dsijeeñ` jaléng' dsea` dsée' quiá'r- lí^ doñí' ee` jmohuñ` liñ'; jo quieeng' i jée' i 'ling' quiá'- cóo' gui jaléng' i joñíng' jogui jaléng' i caang' guotii- jogui jaléng' i ja lí ngí-, lí^ lajaléng' i na dseáng'- jmi'leáam- Jesús.

²⁵ Jo eáam' fñng' jaléng' dsea` i nini' cóo' Jesús; jo jaléng' i dsea` í seeiñ` do i seeng' fí lí se' Galilea jogui seem` bi i jalíng- fí jalé' fñ e téé' fí lí se' Decápolis jogui seem` bi i jalíng- fí Jerusalén jogui seem` bi cajo jaléng' dsea` i jalíng- fí lí se' Judea cóo' gui jaléng' dsea` i jalíng- lí^ lí 'ngóo' laco' iu` gua` Jordán.

5

Jalé' júu^ e ca'e' Jesús dsea` quiá'r- fí cóo' yá'^ mó'
(Lc. 6:20-23)

¹ Jo mi` cangá- Jesús e fñng' dsea` ngolíng- caluur` laco' ngóor', joba' cajgóor- fí cóo' yá'^ mó' jo fí job caguár. Jo jaléng' i dsea` quiá'r- do cangoquieeiñ` fí lí guíng- dsea` do, ² jo Jesús canaaiñ` e' reiñ` do jo cajíñ`-:

³ —Juguiá- jiu quiá'- jaléng' dsea` i ní' e 'neáiñ- Fidiéé', có' dsea` íb` dsea` i quie' nifi' quiá'r-.

⁴ 'Juguiá- jiu quiá'- jaléng' dsea` i dsíng'- lijiuung- dsí', có' Fidiéeb- nijmi'iaaiñ` dsí' jaléng' i dsea` í.

⁵ 'Juguiá- jiu quiá'- jaléng' dsea` i 'neáng- Fidiéé', có' niñir' e jí' cóo' ja e quí' jmi` jmér- yaañ`; jo Fidiéé' bing' i nicuø'- jaléng' i dsea` í jalé' e catíñ- lí^ laco' jí' júu e nicacuø' reiñ` lamí` jéng' gui.

⁶ 'Juguiá- jiu quiá'- jaléng' dsea` i dsíng'- iing- jmé- jalé' e iing- Fidiéé', có' dsea` í bing' i nijmicóo' quiá'r- e nilí' bre jmér- jalé' e jo.

⁷ 'Juguiá- jiu quiá'- jaléng' dsea` i fñ- líng- jaléng' dsea` rúng', có' Fidiéeb- nilí fñ- líñ- jaléng' i dsea` í.

⁸ 'Juguiá- jiu quiá'- jaléng' dsea` i guíng- dsí' e jmóor` jmang'- jalé' e guiá-, có' jaléng' dsea` í bing' i niniñg- Fidiéé'.

⁹ 'Juguiá- jiu quiá'- jaléng' dsea` i jmóo' quií- jial niliseeng' dsea` juguiá- cóo' dsea` rúñ', có' Fidiéé' bing' nijíng'- e dsea` í bing' líng' jóor'.

¹⁰ 'Juguiá- jiu quiá'- jaléng' dsea` i dsingíng- e jmó'- dsea` ga` quiá'r- uí' e jmóor` jalé' e iing- Fidiéé', có' i dsea` i dsingíng- jalé' e jo, Fidiéé' bing' i quie' nifi' quiá'r-.

¹¹ 'Juguiá- jiu quiá'- 'ná' mi` fé' dsea` ga` uí' quiá'- na' jogui jmaíñ` 'ná' jogui sí'r' 'ná' jalé' júu e o' já'- uí' e líng' na' dsea` quie' e. ¹² Jmi'iaang' óo' na' jogui güiliseeng' na' juguiá-, có' dsíng'- niguo' e nilíng' na' quiá'- Fidiéé' e si'má'r^ quiá'- na' fí nífi'. Dsaco' jaléng' dsea` i café' cuaiñ` quiá'- Fidiéé' mali' gui eáang', lajob cajmeáng' dsea` ír' cajo.

'Ná' líng' na' laco' la lí' ní' cóo' gui la lí' jí' fí jee' jaléng' dsea` jmigüí'
(Mr. 9:50; Lc. 14:34-35)

¹³ Jo casí' gui Jesús i dsea` quiá'r- do lala:

—'Ná' líng' na' la lí' ní' jee' jaléng' dsea` jmigüí', dsu' fíng' cajéng' e níi' e ní' do, joba' jo` quí' jmi` jóng' fa' e nilíñi' tú calé' catú-. Jo có' jo' e ta' íng' jí' cóo' e ní' do, joba' nibib- fí guíá' fí jóng, jo jaléng' dsea` i ngí' fí jo niso'óm' bre.

¹⁴ 'Jogui 'ná' líng' na' la lí' cóo' jí' jee' jaléng' dsea` jmigüí'. Cofa' cóo' fñ e néé' fí cóo' yá'^ mó' ja` quí' jmi` fa' e nil'méng- 'ñia' e ja` cuøøng' lí jóø- dsea`. ¹⁵ Jogui cajo ja` 'gui' dsea` cóo' candí' jo nisí'r' fí cóo' lí' cøøng', có' 'né- nisí' dsea` cóo' lí' ní' ba' do, jo lajoba' cuø' jí' e jné' dsea` i neáng' fí dsí' sinúu'. ¹⁶ Jo lajob' 'ná' cajo, dsea` nilíng' na' lafa' jí' fí quini' jaléng' dsea` jmigüí', jmi'úung' na' e nijmee- na' jalé' e guiá- fí jee' jaléng' dsea` rúng' na',

co' mi~ niní dsea` e jmoo`na' jalé' e jo, joba' laj#m`bre nijmiféiñ' Tiquí`ii' dsea` guing` ñiff` jóng.

Mi~ ca'e' Jesús cuaiñ~ quiá'- júu^ quiu' ta~ quiá'- Fidié'e e cajme' Moi~

¹⁷ Jo lí- jo, lalab casí'- gui Jesús i dsea` quiá'r- do jo cajíñ'- :

—Ja' í' óo' 'nú' e cagá'- a fi' jmigüí' la e caga'ín'n jalé' júu^ quiu' ta~ quiá'- Fidié'e e cajme' Moi~, o'gui e caga'ín'n jalé' júu^ e ca'e' jaléng' i dsea` i café' cuaiñ~ quiá'- Fidié'e malí~gui eáang'. Co' ja' cagá'- a fa' e caga'ín'n jalé' e jo, co' jnea~ cagá'- a fi' jmigüí' la e lí' laco' niliti~ jalé' e júu^ job. ¹⁸ Jo jmitaa^ óo`na' e lajee` róo`bi guóo' uó- jmigüí', ja' quí'- jmí~ fa' e nijé'- jii~ camí'^ e júu^ quiu' ta~ do cartí' mi~ nidsijéé' jalé' e nisi'í' e nidsijéé' do. ¹⁹ Joba' i dsea` i ja' jmoo`núu' fa' camí'b^ júu^ quiu' ta~ quiá'- Fidié'e e cajme' Moi~, doñí' fa' ja' 'ga' lí' niing- e júu^ camí'^ do, o'gui e'r' dsea` rúíñ' jial e nijméiñ'- do núu'r~ e júu^ jo, joba' i dsea` í' ni'uíñ- jaang' i ja' niing- jii~ capí'^ fi' quini~ Fidié'e mi~ tí' lí' nicá' dsea` do nifi' quiá'- lajaang` lajaang` dsea` jmigüí'. Dsu' jaléng' gui dsea` i núu' jalé' e júu^ quiu' ta~ do jogui e'r' jaléng' dsea` rúíñ' e nijméiñ'- do lajo, joba' i dsea` í' ni'uíñ- dsea` i niim- fi' quini~ Fidié'e mi~ tí' lí' nití- í' e dsea` do nicá' nifi' quiá'- lajaang` lajaang` dsea` jmigüí'. ²⁰ Joba' fíi- i 'nú' e song ja' nijmi'úung`na' e nijmee`na' núu'na' jalé' júu^ quiá'- Fidié'e røø'gui laco'gui i tifa' quiá'- júu^ quiu' ta~ quiá'- dsea` góo`naa' dsea` Israel jo cóo'~gui jaléng' dsea` góo`naa' i líng' dsea` fariseo, joba' ja' quí'- jmí~ jóng fa' e Fidié'e nicá' nifi' quí- na' mi~ tí' lí' nití- e í' jo.

Mi~ ca'e' Jesús jial lí' mi~ guíng- dsea` (Lc. 12:57-59)

²¹ Jo mi~ cangí' jo, Jesús ca'er' e júu^ la jo cajíñ'- :

—Jo 'nú', nicanúu`ba' lajii~ júu^ e ca'íng' dsea` áang' quí- naa', jo e lab e jo: “Ja' jngán' dsea` rún', dsuco' i~ i jmoo`lajo, joba' fi' quini~ dseatab~ catíng- dsér- e nitidsí' í' quiá'r- laco' catíng-.” ²² Dsu' jnea~ gui fíi- i 'nú' e doñí' i~ dsea` i liguíng- quiá'- jaang'gui dsea` rúng', joba' fi' quini~ dseatab~ catíng- dsé- i dsea` í' e laco' nitidsí' í' quiá'r-. Jo i~ dsea` i jmineang'^ jaang` dsea` rúng', joba' i dsea` í', dsea` cøøng' i quiu' ta~ quiá'- dsea` Israel catíng- niquidsí' í' quiá'r-. Jogui i~ dsea` i cuøøng' júu^ 'lí' jaang'gui dsea` rúng', joba' fi' lí' 'lib'^ catíng- i dsea` í' fi' lí' coo' jì e ja' tõe' jmí~ yu'.

²³ Jo mi~ güilíng`na' fi' guá'- e líng~ ee` güicuøø'na' Fidié'e fi' nife', jo lajee` jo niguiéng' óo`na' e seeng` jaang` dsea` i jmoo`na' míi~ cóo'~, ²⁴ joba' dob 'né- sée'na' e quié`na' do, jo nigüilíng`na' e nijmitíi' óo`na' la'uii~ cóo' i dsea` rúng'na' i jmoo`na' míi~ cóo' do. Jo mi~ ningí, joguiba' nicuøøng' e güicá'na' fi' nife' jalé' e quié`na' do jóng.

²⁵ Jo song i~ dsea` 'núng' 'nú' lajii~ dsee- e nica'ee`na', jogui iíñ~ e nidsijéeiñ' 'nú' fi' quini~ dseata~, joba' guiá'gui jmi'úung`na' jóng e nisiing`na' røø' cóo' i dsea` do la'uii~, ná'-gui e nijáiñ' 'nú' fi' jaguó' dseata~; dsuco' song ja' nijmee`na' lajo, joba' i dseata~ do nijáiñ' 'nú' fi' quini~ jaléng' í' quiá'r- jo 'nuñí'b^ nitáiñ' 'nú' jóng. ²⁶ Jo jmitaa^ óo`na' e ja' ni'uøng`na' e fi' dsíi' 'nuñí' do cartí' niquí'na' jalé' cuu- e nimí'- i dseata~ do 'nú'.

Mi~ ca'e' Jesús e ja' dseeng' e güiing` dsea` cóo'~ dsea` i o' quiá'r-

²⁷ Jo mi~ cangí' jo, ca'e'gui Jesús e júu^ la jo cajíñ'- :

—Nicanúu`ba' 'nú' e júu^ la malí~gui eáang': “Ja' 'lee' e nigüín' cóo'~ dseañu' osi dseamí i o' quíi'.” ²⁸ Dsu' jnea~ fíi- i 'nú' e doñí' i~ i suung` jaang` dseamí jo í' dsíir' e iíñ~ güíñ` cóo'iñ~ do, joba' lí' lafa' nicajmé'e`bre e jo mi~ ca'í' dsíir' lajo cóo' i dseamí do, jo dseeb- nica'éer' fi' quini~ Fidié'e jóng.

²⁹ Jo lajob lí', song jminí'na' dsée' jmoo` e niténg`na' fi' ni~ dsee-, joba' guiá'gui e guí'ba' jo nigüibíi'na' fi' lí' huíi- laco' seeng`na' yaang`na'; dsuco' guiá'gui quíi'na' e ni'íng- capí'^ ngúu' táang`na' e laco'gui e nibíng`na' latøøng`na' fi' lí' 'lí'. ³⁰ Jogui song guóo`na' dsée' jmoo` e niténg`na' fi' ni~ dsee-, joba' guiá'gui quíi'na' e quíi'ba'

jɔ nigüibí'na' huíib- laco' seeng'na' yaang~na'; dsuco' guiá-gui e ni'íng- jíi- guó'na' e laco'gui e nibíng'na' latøøng-na' fí lí- 'lí'.

Mi- ca'e' Jesús quiá'- mi- tiúung- dsea- rúíñ'
(Mt. 19:9; Mr. 10:11-12; Lc. 16:18)

³¹ Jɔ mi- calí- jɔ, cajíng'-gui Jesús e júu- la:

—Lalab júu- sea- malií-gui: “Doñi' ií- dseañu- i tiúung- dseamí quiá'-, jɔba' 'né- cuó'-bre i dseamí do coo- mají lí- fé' quiá'- e nicatiúung- rúíñ'.” ³² Dsu- jnea-gui fíi- i 'nú' e song jaang- dseañu- tiúuñ- dseamí quiá'r- e ja- mí ca'lee' i dseamí quiá'r- do e güíñ- cóo- dseañu- jíéng', jɔba' i dseañu- do jmóor- e dseáng- e ni'léb- i dseamí do cóo- dseañu- jíéng', jɔ lajɔba' ni'eiñ- do dsee- fí quini- Fidiée'; jɔ i dseañu- i nicúng' guó- cóo- jaang- dseamí i nicatiúung- rúng', jɔba' dseeb- éer- cajo.

Mi- ca'e' Jesús quiá'- mi- éeng- dsea- fii-

³³ Jɔ mi- cangí jɔ, cajíng'-gui Jesús e júu- la:

—'Nú' nicanúu- ba' lajii- júu- e fé' dsea- áang- qui- naa', jɔ e lab e júu- jɔ: “Ja- se' jíi- coo- fa' e ja- nijmée' e nicafee' e nica'een- fi-.” ³⁴ Dsu- jnea- fíi- i 'nú': Ja- éeng-na' fi- quiá'- lí' doñi' ee': ja- éeng-na' ñiff-, dsuco' fí jɔb lí- lí- ée- quiá'- Fidiée'; ³⁵ o'gui éeng-na' guóo- uó-, dsuco' jɔb lí- jmi'íng' tí- Fidiée'; o'gui éeng-na' fíi- Jerusalén, dsuco' jɔb lí- lí- fíi- güeang- quiá'- Fidiée' i quiá' ta- fí la'úng- fí jmi'igüí. ³⁶ Jogui ja- éeng- 'nú' moguí-na', dsuco' ja- lí-na' jmisíng-na' i jíi- camí- jñu- guí-na' e tee- osi e uí- é. ³⁷ Jɔ song fo'-na' e nijmee-na', jɔba' jmee-na' jóng; jɔ song fo'-na' e ja- jmee-na', jɔba' ja- jmoo-na' jóng; dsuco' song jmoo-na' e jíé-gui, jɔba' nijmoo-na' núu-na' júu- quiá'- i 'lí' jóng.

Mi- ca'e' Jesús quiá'- e ja- 'né- cóo- dsea- quiá'r-
(Lc. 6:29-30)

³⁸ Jɔ mi- cangí jɔ, ca'e-gui Jesús e júu- la:

—Nicanúu- 'nú' e júu- la malií-gui eáang': “Song jaang- dsea- ca'íñ- coo- jminí', jɔba' lajɔb 'né- jme- cóo- i dsea- í; osi jaang- dsea- ca'íñ- camí- majá', jɔba' lajɔb 'né- jme- cóo- i dsea- í cajo.” ³⁹ Dsu- jnea- fíi- i 'nú': Ja- cóo-na' qui-na' mi- ií- jmáng- 'nú' ga; dsu- fíng song ií- caquiúu- cataang- moní-na', jɔba' cuóo'-na'r e cataang-gui do güiquiúu- cajo. ⁴⁰ Jogui song ií- iíng- ni'níng- 'nú' fí quini- dseata-, jogui iíñ- niguír- 'mi'quí-na', jɔba' cuóo'-na'r jóng la quié-gui 'mi'guiée- qui-na' güiquiéer- cajo. ⁴¹ Jɔ song ií- qui' 'nú' ta- e nigüicá-na' coo- lee- e ngi-na' coo- kilómetro, jɔba' güica-na' jóng tú- kilómetro. ⁴² Jɔ fíng mi' dsea- 'nú' lí' doñi' ee', jɔba' cuóo'-na'r jóng; jogui song ií- mi' 'nú' e líng- ee- nijmi'øøng-na're cateá-, jɔba' jmi'øøng-na'r jóng.

'Né- jmi'neáang-naa' jaléng' i 'ní' níng- jneaa-aa'
(Lc. 6:27-28, 32-36)

⁴³ Jɔ mi- cangí jɔ, ca'e-gui Jesús e júu- la jɔ cajíñ'-:

—Nicanúu- 'nú' cajo e júu- la malií-gui eáang': “Jmi'neáang- jaléng' dsea- i seeng- røø- cóo- jɔ jmee- e 'ní' man' jaléng' i 'ní' níng- 'nú'.” ⁴⁴ Dsu- jnea-gui fíi- i 'nú': Jmi'neáang-na' jaléng' i 'ní' níng- 'nú' jogui féeng'-na' Fidiée' uii- quiá'- jaléng' dsea- i jmáng- 'nú' ga, ⁴⁵ jɔ lajɔba' ni'uíng-na' jóo- Tiquí-na' Fidiée' dsea- guíng- ñiff-. Dsuco' dsea- do jmóo-bre e guo- iee- lí- seeng- jaléng' dsea- i jmóo- jalé' e ga- jogui lí- seeng- jaléng' dsea- i jmóo- jalé' e guiá- cajo; jogui síim-bre jmi' cajo lí- seeng- jaléng' dsea- i ée- e guiá- cóo- gui fí lí- seeng- jaléng' dsea- i ja- ée- e guiá-. ⁴⁶ Dsuco' song 'nú' jmi'neáang-na' lajii- dsea- i jmi'neáang- 'nú', jɔba' ja- ni'íng-na' jóng lajii- e si'íng-na' quiá'- Fidiée'; co' lajɔb cajo jmóo- jaléng' nodsicuu- quiá'- Roma. ⁴⁷ Jogui song fóng-na' lajii- dsea- rúng-na', ze- e jíé-gui jmoo-na' laco' doñi' ií- dsea? Co' lajɔb jmóo- jaléng' dsea- i ja- cúíng- Fidiée' cajo. ⁴⁸ Jɔ jmi'neáang-na' jaléng' dsea- dseáng- laco' sí' lí- laco'gui la jmóo- Tiquí-na' dsea- guíng- ñiff-.

6

Mi~ ca'e' Jesús quiá~ mi~ jaang`dsea`jmicóo~r~ jaang`gui i 'né~ quiá~ lajo

¹ Jo mi~ cangf jo, ca'e'gui Jesús e júu^ la jo cajíñ'~:

—Ja` jmoo`na' jalé` e guiú~ e quí~ t́ing`na' jmoo`na' e lí^ laco' nijóø~ jaléng` dsea`;
co' song jmoo`na' lajo, joba' Tiquí`na' Fidiéé` dsea` guing~ ñif~ ja` nicuó`r~ 'nú' jalé` e
niguo` e sea` quiá`r~ fí` ñif~ quiá`r~.

² Joba' mi~ jmicóo`na' jaléng` dsea` i 'né~ quiá~ lajo, ja` jmoo`na' lí~ cuóøng` jóø~ dsea`
fíing` lí^ laco'gui la líng` dsea` i jmicaang~ e jmóor` jalé` e iing~ Fidiéé`, dsu` o' já~ e jmóor`
lajo. Co' jaléng` i dsea` í` jmicaaiñ~ e jmicóo`r~ jaléng` dsea` i 'né~ quiá~ lajo fí` dsí` sínúu`
guá~ cóo`~gui lacaang` jee` 'núu` e lí^ laco' nifé` dsea` guiú~ uii~ quiá~bre. Jo dsu` jnea`
jmítáa` óo`na' e cóo`~ jalé` e jmicaang~ i dsea` do, nicalí`bre lajii` e 'nó`r` do, co' jo` ee`
ni`íng`guir jii` coo` quiá~ Fidiéé`. ³ Jo dsu` mi~ jmicóo`na' 'nú' jaléng` dsea` i 'né~ quiá~ lajo,
ja` 'né~ jméé`na' dsea` júu^ quiá~ lajii` e nijmee`na' do, doñí` fa' jaang` dsea` i cuíng`na`
eáang`; ⁴ jo jmee`na' e jo e ja` ñí` dsea`. Jogui Tiquí`na' dsea` guing~ ñif~ jóø~bre lajii` e
jmoo`na' do, jo lajoba' nicuó`r~ 'nú' lajii` e si`má`r` quí`na' fí` ñif~ quiá`r~.

Mi~ ca'e' Jesús jial féeng`~naa' Fidiéé`

(Lc. 11:2-4)

⁵ Jo mi~ cangf jo, ca'e'gui Jesús e júu^ la jo cajíñ'~:

—Jo mi~ siing~ 'nú' cóo`~ Fidiéé`, ja` jmoo`na' laco'gui la jmóo` i dsea` i jmicaang~. Co' i
dsea` í` tí` dsíir` síng` yaaiñ~ e síiñ` cóo`~ Fidiéé` fí` dsí` sínúu` guá~ jogui lacaang` lí` seáng`
dsea` fíing` i jóøng` ír` cóo`~ jalé` e jmóor` do. Jo dsu` jnea` jmítáa` óo`na' e cóo`~ jalé` e
jmicaang~ i dsea` do nicalí`bre lajii` e 'nó`r` do, joba' jo` ee` ni`íng`guir jii` coo` quiá~
Fidiéé`. ⁶ Dsu` 'nú'gui, mi~ siing~na' cóo`~ Fidiéé`, güitáng`na' fí` dsí` sínúu` quí`na' jo
jniing~ yaang`na' 'núu` jo siing~na' cóo`~ Tiquí`na' dsea` guing~ ñif~ i seeng` cóo`~ 'nú' fí`
jo. Jo co' Tiquí`na' dsea` guing~ ñif~ jóø~bre jalé` e jmoo`na' do, joba' nicuó`bre 'nú'
lajii` e si`má`r` quí`na' fí` ñif~ quiá`r~.

⁷ Jogui mi~ siing~na' cóo`~ Fidiéé`, ja` fó`na' jmiguiú` ya` jalé` júu^ e ja` uing~ sea` lí^
laco'gui la jmóo` dsea` i ja` cuíng` Fidiéé`; co' jaléng` i dsea` í` í` dsíir` e song jmiguiú`gui
nifé`r`, joba' já~gui ninú` diéé` quiá`r~ jalé` júu^ quiá`r~. ⁸ Jo jie` mi` jmeáang` yaang~
'nú' lajo lí^ laco'gui la jmóo` i dsea` í, co' Tiquí`na' Fidiéé` jéem` niñir` jalé` e 'né~ quí`na`
ná`gui e nimí`na're. ⁹ Joba' lalab` 'né~ siing~na' cóo`~ Fidiéé`:

Tiquí`ii', dsea` guiin` ñif~,

güijmifém` jaléng` dsea` jmigüi` 'n#`,

co' 'n#` dsea` fén` fí` la'úng` fí` jmigüi`.

¹⁰ Jogui güijáng` yaang~ dsea` fí` quini`^

e laco' nicá` nifí` quiá`r~ lajaang` lajaaiñ`.

Jogui güijmitib~ jaléng` dsea` jmigüi` jalé` e iing~ 'n#` fí` jmigüi` la,

lí^ laco'gui líti` fí` ñif~ quí`r~.

¹¹ Jogui cuóø` jnea` jalé` e 'né~ niquiee`naa' e jmí` lana.

¹² Jogui íng` dsee` uii~ quí`naa' quiá~ jalé` e ja` dseeng` e nicaajmó`naa',

lí^ laco'gui jnea` íng`naa' dsee` quiá~ jaléng` dsea` rú`naa' dsea` jmigüi` mi~ ee`go
nica`léer` quí`naa'.

¹³ Jogui jmee` í` jnea` lacaang` lí~ ngí`naa'

e laco' ja` nijjá`naa' fí` ni~ dsee~,

jogui jmee` í` jnea` cajo

e laco' ja` nijmeáng` jaléng` i 'líng` jnea`.

Co' 'n#` i quíu` ta` røø` fí` la'úng` fí` jmigüi`

jogui i 'gøng` jogui i niing~ eáang` cajo car` ngongí` jmí`.

Jo lajob` nilí`.

Jò lanab ca'e Jesús ie~ jò jial féeng~naa' Fidié'.

¹⁴ Jò mi~ calí~ jò, cajíng~gui Jesús:

—Jò song 'nú' íng'na' dsee~ quiá~ jaléng~ dsea` rúng'na' mi~ ee'go 'léer' qui~na', joba' lajob Tiquí'na' dsea` guing~ ñifí~ cajo ni'ím~bre dsee~ qui~na'. ¹⁵ Dsu' song 'nú'gui ja` íng'na' dsee~ quiá~ jaléng~ dsea` rúng'na' mi~ ee'go 'léer' qui~na', joba' lajob Tiquí'na' dsea` guing~ ñifí~ cajo ja` ni'íñ~ dsee~ qui~na'.

Mi~ ca'e Jesús quiá~ mi~ jmóo` dsea` ayuno

¹⁶ Jò mi~ cangí~gui lajò, ca'e'gui Jesús e júu^ la jò cajíñ~:

—Jò mi~ jmoo' 'nú' ayuno, ja` jmeáang~ yaang~na' e líng'na' fi'í^ lí^ laco'gui la jmoo' jaléng~ dsea` i jmicaang~ e jmóor` jalé' e iing~ Fidié', dsu' o' já~ e jmóor` lajò; cò' jmoo' jaléng~ i dsea` í lajò e lí^ laco' nijóø~ dsea` quiá~r~ e jmóor` ayuno. Jò dsu' jnea~ jmítaa^ óo'na' e còo'~ jalé' e jmicaang~ i dsea` do, nicalí~bre lajii'~ e 'nó'r' do, jò jò' ee' ni'íng'guir jii'~ còo' quiá~ Fidié'. ¹⁷ Jò dsu' 'nú'gui, mi~ jmoo'na' ayuno, rúu'~na' ní'na' jogui jmeáang~na' guiá~ yaang~na', ¹⁸ jò lajoba' ja` nililí^ dsea` e jmoo'na' ayuno. Jò jii'~ Tiquí'na' Fidié' i seeng` còo'~ 'nú', jii'~ íbing' i nililí^ e jò, jò dsea` íb` i nicuó'~ 'nú' lajii'~ e si'má'r^ qui~na' fi' ñifí~ quiá~r~.

Jalé' e jlo^ e sea` quiá~ Fidié' fi' ñifí~

(Lc. 12:33-34)

¹⁹ Jò mi~ cangí~ jò, ca'e'gui Jesús e júu^ la jò cajíñ~:

—Ja` jmoo'na' e silí'na' eáang` cuu~ fi' jmigüi' la, dsuco' fi' jmigüi' la ím~ jalé' e óo` dsea` jogui seeng` cajo jaléng' guisí i 'léé', jogui seem` ñi cajo i dsitáaiñ' i 'léé' fi' dsí' sinúu^ quiá~ dsea`. ²⁰ Jò guiá~ guib e nijmee~na' e nilísea` qui~na' fi' ñifí~ jalé' e jlo^, cò' fi' job lí~ ja` seeng` jaléng' guisí i 'léé', o'gui dsitáang~ jaléng' ñi i 'léé' cajo. ²¹ Cò' lí~ sea` jalé' e lí óo'na' do, e jobi eáang` guing~ óo'na' jóng.

Mi~ ca'e Jesús quiá~ còo' jì còo' e cuø' e jné' dsea`

(Lc. 11:34-36)

²² Jò mi~ cangí~ jò, ca'e'gui Jesús e júu^ la jò cajíñ~:

—Jalé' jminí~ dsea` líí la líí còo' jì còo' e cuø' e jné'r` lacaang` fi' lí~ ngir'; joba' song jlo^ jminí'na', joba' guiáb~ jné'na' lacaang` fi' lí~ ngi'na' jóng; ²³ jò dsu' song ja` dseeng` jminí'na', joba' ja` jné'na' jóng lacaang` fi' lí~ ngi'na'. Jò song lajee~ e jneá` røø` jminí'na' ni'uíng~ e ja` jné'na' jii'~ capí^, jò song lajob líí, joba' dseáng'~ nnuu'guib ni'uíng~ jminí'na' jóng.

Ja` cuøøng` e guing~ dsí' dsea` Fidié' mi~ eáang`gui guing~ dsír' cuu~

(Lc. 16:13)

²⁴ Jò mi~ cangí~ jò, ca'e'gui Jesús e júu^ la jò cajíñ~:

—Jii'~ jaang` dsea` quí'r~ jmíi~ fa' e nijmér~ ta~ fi' quini~ gáng~ fir~ colíng~, dsuco' song cajméer` lajò, joba' nilí 'ní' níim~bre jaang` jogui nijmiti~bre ta~ e niquíá~ i jaang`gui do. Jò cò' lajob líí, joba' ja` quí'~ jmíi~ fa' e 'nú' nijmití'na' colíng~ jalé' ta~ quiá' Fidié' jogui nijmití'na' cajo jalé' ta~ seáng' jmiguiá' cuu~.

To' fñm` Fidié' jaléng` dsea` quiá'r~

(Lc. 12:22-31)

²⁵ 'Jò uí'~ joba' fñi~ 'nú' e ja` jmee~na' fi'í^ uii~ quiá~ jalé' e u^ cø^na' e laco' cuø' e seeng'na', o'gui quiá~ jalé' sí'na' cajo. Cò' eáang`gui laniing~ e seeng` dsea` laco'gui jalé' e gø'r' do, jogui eáang`gui laniing~ ngúu' táaiñ' cajo laco'gui jalé' sí'r^ e qui'r'. ²⁶ Quié'na' cuente quiá~ fñng` tá i ngí' fi' guiá^ güi; ja` e jní're' o'gui e sitíng'ne' o'gui 'mea're' jalé' e nidó'~re' fi' dsí' sinúu^ quiá~re'. Dsu' Tiquí' 'nú' dsea` guing~ ñifí~ hém'breiñ' do. Jogui 'nú', jeáang`gui quíng'na' laco'gui e fñng` tá! ²⁷ Jò lajob líí cajo, doñí' ñi i jmoo' fi'í^ quiá~

jalé' e jo, ja` quí' r~ jmí~ cajo fa' e nijmér~ e seeñ` huøø` gui laco'gui jíí~ e si'í` quiá' r~ fa' jialgui la lí` dsí' r~.

²⁸ Joba' ja` 'né~ jmee~ na' fi'í` quiá'~ jalé' s'í' na'. Co' quie` na' cuente jial cuaang` jalé' lí' e sea` fi' jee~ mó'; ja` jmóo` ta` o'gui jmíling~ si'í` yaang~. ²⁹ Jo dsu' jnea~ gui fi'í` 'nú' e jí'gui i dseata~ dsea` féng' Salomón do, dsea` i eáang` sea` cuu~, dseáng'~ ja` caquím' 'ñia' r~ 'mi' e niguo' lí' laco'gui la niguo' coo` lí'. ³⁰ Jo song Fidié' jmóor` e eáang` niguo' si'í` jalé' lí' e sea` lacaang` fi' jee~ mó', jo dsu' lajee` cateá'ba' e ee~ e jlo' do, co' dsa'ó` iée' fi' ní` jib` nidsitoo~, jo dsu' jeáang` guib` nijmé~ Fidié' í' 'nú' laco'gui e lí' do, 'nú' dsea` i ja` 'ga' lí' já' líng` e tíng` Fidié' jmér~ lí' doñi' ee! ³¹ Joba' 'nú' ja` 'né~ jmee~ na' fi'í` e fo' na': "¿E~ ni quiee~ naa'? osi ¿E~ ni 'né' naa'? osi fo' b'í' é ¿E~ 'mi' niquí' naa'?" ³² Co' jaléng` dsea` i ja` cúing` Fidié' bing' i jmóo` fi'í` quiá'~ jalé' e lajo. Jo dsu' 'nú', seem` jaang` Tiquí' na' i guíng~ ñíí~ , jo í'bing' i niñi' e 'né~ na' jalé' e jo. ³³ Co' e laba' 'né~ e jmee~ na'; la' uii~ e nijmí' úung` na' e seeng` na' e Fidié' quier' nifí' quí' na', jogui e jmoo' na' dseáng'~ lajíí~ ta` quiu' bre cajo, co' lajoba' e nicuó' r~ 'nú' jalé' e 'né~ na'. ³⁴ Joba' ja` 'né~ jmee~ na' fi'í` quiá'~ jalé' e nidsijé' quí' na' e jmí~ dsa'ó', co' dsa'ó' jíé' gui e lí' quí' na'. Dsaco' nitéb' jíí~ fi'í` dsí' e sea` laco' jmi~.

7

Ja` cuø' na' dsee~ dsea` rúng' na'

(Lc. 6:37-38, 41-42)

¹ Jo lalab cajíng'~ gui Jesús:

—Ja` cuø' na' dsee~ jaléng` dsea` rúng' na', jo lajoba' ja` nicuó' r~ Fidié' 'nú' dsee~ cajo.

² Dsaco' Fidié' nicuó' r~ 'nú' dsee~ lí' laco'gui la cuø' 'nú' dsee~ jaléng` dsea` rúng' na'; jogui jial tí' dsee~ e cuø' 'nú' dsea` rúng' na', joba' lajob` nicuó' r~ Fidié' 'nú' dsee~ cajo.

³ Joba' ¿jialí' ca` cuente lajíí~ qui' iu~ jminí' jaang` dsea` rún', jogui ja` ca` cuente uø' e jíé' ja` latøøng` coo` 'mab` iu~ jminí' ? ⁴ Jo song latøøng` coo` 'mab` iu~ jminí' uø', joba' ¿jial niteá' o' e nifí' jaang` dsea` rún': "Rú' uu', nea` du ne` ee', jo nigui` duu e qui' iu~ jminí' ?"

⁵ i jmicang` 'nú'! Jang'~ gui` du e 'ma' e iu~ jminí' uø', jo lajoguiba' nicuøøng` e jóø' guíá~ e nigui' e qui' e iu~ jminí' i dsea` rún' do.

⁶ Ja` cuø' na' jalé' e güeang` quiá'~ Fidié' jaléng` dsea` 'ling' i soo` dsí', dsaco' i dsea` la' í' líiñ` la líng` dsii` osi la líng` cú' é, e niso' ø' bre' jalé' e güeang` quiá'~ Fidié' do, jogui dseáam~ e nilí' 'ní' níiñ` 'nú' jogui e nijmeáiñ` 'nú' ga` cajo.

Mí' na' Fidié' jalé' e 'né~ na' jo nicuó' bre

(Lc. 11:9-13; 6:31)

⁷ Jo mí~ cangí` jo, lalab cajíng'~ gui Jesús:

—Mí' na' Fidié' jalé' e 'né~ na', jo nicuó' bre; jogui mí~ 'nó' na', niguié' ba' jalé' e 'nó' na' do; jogui mí~ tø' na' fi' o' nú', joba' nineab' e 'nú' do. ⁸ Dsaco' i dsea` i mí' Fidié' jalé' e 'né~ , ngí' m' bre; jogui i dsea` i 'nó', dsé' bre e 'nó' r' do; jogui i dsea` i tø' fi' coo` o' nú', nineab' e 'nú' do.

⁹ Jo jnea~ lí' dsii~ e jíí~ jaang` 'nú', dsea` seeng` jaléng` joo' na', e mí~ nimí' r~ 'nú' ir~, nicuó' na' r` cuu~; ¹⁰ osi mí~ nimí' r~ 'nú' capi' ngúu' 'ñu', jo nicuó' na' r` ngúu' mí'. ¹¹ Jo 'nú', dsea` jmoo' na' jalé' e 'lí', tí' m' ba' cuø' na' jaléng` joo' na' jalé' e guíá~, jo dsu' eáang` guib` jlo' jalé' e nicuó' Tiquí' na' Fidié' dsea` guíng~ ñíí~ mí~ nimí' naa' r.

¹² Jo lajob` lí', joba' jmee~ na' jmang'~ e guíá~ coo' jaléng` dsea` rúng' na' lí' laco'gui iing` na' e nijmé~ dsea` cóo' 'nú'; co' lajob` ta` quiu' júu' quiu' ta` quiá'~ Fidié', jogui lajobi fé' fi' ní` jí' quiá'~ jaléng` dsea` i café' cuaiñ` quiá'~ Fidié' malí~ gui eáang`.

Mí~ ca' e' Jesús quiá'~ e o' nú' e dsuu'

(Lc. 13:24)

¹³ Jo mí~ cangí` jo, ca' e' gui Jesús e júu' la jo cajíñ'~:

—Güitáang'na' fí' o'nú^ e dsuú. Dsucó' e fí' o'nú^ e ú' cóo'~gui fí' guiá'^ fí' e ú', fí' job lí' dsitáang'~ fíing'gui dsea' i niteáang'~ fí' e ngolíng' fí' lí'^; ¹⁴ dsu' e o'nú^ jogui e fí' e ngo' fí' lí' guiá', dsuub' jogui huím' eáang' cajo, joba' ja' 'leáang' dsea' i dsilíng' fí' jo.

Jalé' 'ma' ofi' cuí' dsea' la'eáang' cóo'~ ofi' e #b'
(Lc. 6:43-44)

¹⁵ Jo fí'~guí' 'nú' e júu^ la: Ñiing' óo'na' cóo'~ jaléng' dsea' i jmícaang' e er' júu^ quiá'^ Fidiéé', dsu' o'já'~ jalé' e júu^ e fé'r' do. Jo mí' ngír' fí' jee' 'nú', jnééiñ' lí' caluu' la jnéeng' dsea' guiúng' i cuíng' Fidiéé', jo dsu' caniing' jii'~ e 'lé'bre í' dsír' fí' dsí'. ¹⁶ Jo cóo'~ jalé' e jmóob' i dsea' la'f' cuóong' jmicuíng'na'r. Jo lajob lí' cajo, 'nú' lí'na' jmicuí'na' cóo' 'ma' ofi' la'eáang' cóo'~ ofi' e #b'; dsucó' cóo' 'matóo' ja' cuóong' fa' e ni'f'~ mí'^ huíng' jó'^ yá'^, o'gui cóo' 'matóo' fí' ja' cuóong' fa' e ni'f'~ güiñí'^ yá'^. ¹⁷ Jo lajob jalé' 'ma' ofi' e guiá', jmang'~ ofi' e guiáb' cuó'; jo dsu' e 'ma' ofi' e ja' dseeng', ja' dseeng' jalé' ofi' e cuó'. ¹⁸ Jo lajob jalé' 'ma' ofi' e guiá', ja' cuóong' fa' e nicuó'~ ofi' e ja' dseeng'; jogui jalé' 'ma' ofi' e ja' dseeng', ja' cuóong' fa' e nicuó'~ ofi' e guiá'. ¹⁹ Jo nihuíb' jalé' 'ma' ofi' e ja' cuó' ofi' e guiá' jo fí' ni' jib' nidsitoo'~. ²⁰ Jo co' lajob lí', joba' cóo'~ jalé' e jmóob' i dsea' i jmícaang' e er' júu^ quiá'^ Fidiéé' do lí'na' jmicuíng'na'r.

Ja' lajüing' dsea' lí'r' e Fidiéé' nicá' nif' quiá'r'~ lata'
(Lc. 13:25-27)

²¹ Jo mí' cangí' jo, cajíng'~ gui Jesús e júu^ la:

—Ja' lajüing' dsea' i sí' jnea'~: “Fí'i, Fí'i”, nilí'r' e Fidiéé' nicá' nif' quiá'r'~ lata', dsu' i dsea' i nijmé' jalé' e iing' Tiquié'e dsea' guiing'~ ñifí', jii'~ í'bing' i nilí' e jo. ²² Jo mí' nití' e í' jo mí' niquidsí' Fidiéé' í' quiá'^ lajaléng' dsea' jmígüí', fíim' dsea' nisí'r' jnea' ie' jo: “Fí'i, Fí'i, jnea' café'naa' júu^ quiá'^ la'eáang' 'nu', jogui la'eáang' 'nu' ca'uóong'~naa' jaléng' i 'ling'^ i jée' quiá'^ dsea', jo jmiguiab' jalé' e quí'~ jmí' e dsigá' dsí' dsea' cajmó'naa' la'eáang' 'nu' cajo.” ²³ Dsu' jnea'~ ningü' quiá'^ i dsea' í' ie' jo: “Jéeng'na' fí' lí' sín'n la; i do güilíng'na' lí'^ do, co' dseáng'~ ja' calicuíim'baa' 'nú', dsea' i sitíng'~ 'lée'!”

Mí' ca'e' Jesús quiá'^ laji' tú' tí' fí'
(Mr. 1:22; Lc. 6:47-49)

²⁴ Joba' fí'~guí' 'nú' e jaléng' dsea' i núu' jogui jmóor' lajii'~ ta' quiá'^~u líiñ' laco' jaang' dsea' i í' dsí' guiá'~ jalé' e nijmér'. Jo i dsea' í' cajme'r' 'nur', jo ab' tí' fí' catá'r' quiá'^ e 'núu' do. ²⁵ Jo mí' cajá'~ jmí' dsiing'~ jo cacuáng'~ jalé' gua' jo dsíng'~ caquiá' guí' fí' lí' si' e 'núu' do, dsu' e 'núu' do ja' caquí', co' ab' íu' tí' fí' quiá'^. ²⁶ Jo dsu' i dsea' i lico' núu' júu^ quié' e jo ja' jmóor' lajii'~ ta' quiá'^~u, joba' i dsea' í' líiñ' laco' jaang' dsea' i ja' í' dsí' guiá' e nijmér'. Jo cajme'r' 'nur', dsu' ja' catá'r'~ tí' fí' quiá'^ e 'núu' do. ²⁷ Joba' mí' cajá'~ jmí' dsiing'~ jo cacuáng'~ jalé' gua' jogui dsíng'~ ca'í' guí', joba' caquí'~ e 'núu' do, jo dseáng'~ conguiab' ca'íng'~ quiá'^ i dsea' í'.

²⁸ Jo mí' calí' fé' Jesús jalé' e júu^ na, lajim' dsea' i siseáng' do dsíng'~ cangogá' dsír' laco' e' dsea' do, ²⁹ dsucó' dsíng'~ 'gøng' jalé' júu^ quiá'r' jogui dsíng'~ tíiñ' er' cajo, co' ja' er' laco' e' i tifa' quiá'^ júu^ quiá'^ ta' quiá'^ dsea' Israel.

8

Mí' cajmi'leáang' Jesús jaang' dsea' i lüing' jmohu' 'lí' fí' ngúu' táang'
(Mr. 1:40-45; Lc. 5:12-16)

¹ Jo mí' cangí' jo, cajgám' Jesús e fí' yá'^ mó' do, jo fíim' dsea' ngolíng' caluur' laco' ngóor'. ² Jo lajee' job cangoquíeng' jaang' dseañu' i nilíng' jmohu' 'lí' fí' ngúu' táang' fí' quini' Jesús, jo casí'r' uó'~ jnir' fí' quini' dsea' do jo cajíñ'~ casí'~reiñ':

—Fí'i, cuóom' lí' jmi'leáan'^ jnea' lajii'~ jmohu' e lín'n song' iin'~ lajo.

³ Joba' Jesús cagüiñ'~ capí'^ dsea' do jo cajíñ'~ casí'~reiñ':

—Íim'baa' jmi'leáan'^n 'nu', jo lana ca'láam'ba' lajii'~ jmohu' e lín'.

Jò dsifí lajòb ca'láang̃ i dsea`dsée'~ do lajii'~ jmohuú' líiñ'.

⁴ Jòba' Jesús casí'~ guir dsea` do jò cajíñ'~:

—Ja' fí' jii'~ jaang` lajii'~ e cajmé~ e cóo'~ 'nua', lico' gua` güijéeng` uø' fí' quini'~ jmidsea` e laco' niliñí' i jmidsea` do e nica'láam`ba' lajii'~ jmohuú' e lami' lin'. Jò mi'~ nilí jò, joba' güica'~ lajii'~ e feá'~ e 'né~ cuø' Fidiéé' lí' laco'gui e ta' e caquiá' Moi' ie' malii'~ gui do. Jò e jòb cuø' lí' fí' quini'~ jaléng` dsea` e nica'láam`ba' lajii'~ jmohuú' e lami' lin'.

*Mi' cajmi'leáang` Jesús jaang` dsea` 'léeng` quiá'~ jaang` fii' 'lé~ romano
(Lc. 7:1-10)*

⁵ Jò mi'~ cangí jò, caguiéng'~ Jesús fí' Capernaum, jò fí' jò jaang` fii' 'lé~ romano cangoquiéeiñ' fí' lí' ngang' dsea` do jò camí'r' dsea` do jmi'ee'~ ⁶ jò casí'~ reiñ':

—Fii'ì, dob ráang` dsea` 'léeng'~ quié~ e dsée'r'~ fí' quié~e, jò jii'~ ja' lí' jí'~ jóiñ' jògui dsím'~ cu' líiñ' cajo.

⁷ Jòba' cañí' Jesús jò casí'~ reiñ':

—Nii'baa nijmi'leáan`nre.

⁸ Jòba' cañí' i fii' 'lé~ do quiá'~ Jesús jò casí'~ reiñ':

—Fii'ì, ja' catíng` jnea' e 'nua' ni'ú' fí' dsí' sinúá' quié~e; lico' féé'~ e ni'leáang̃ i dsea` 'léeng'~ quié~e do, joba' lajòb nilí jóng. ⁹ Dsaco' seem` dsea` i teáang` nifí'gui i quiá' ta' quié~e, jògui seem` 'lé~ i quiá' ta' cajo. Jò mi'~ fii'~ i jaang` 'lé~ quié~e e dsér~, joba' dsé~bre jóng; jògui mi'~ fii'~ i jaang`gui e jáar', joba' jáa'bre jóng; jògui mi'~ fii'~ i dsea` 'léeng'~ quié~e e líng` e jmér~, joba' jmóo'bre cajo.

¹⁰ Jò mi'~ canúu` Jesús e júu` na, eáam' cangogá' dsíir' jò cajíñ'~ casí'r'~ jaléng` i dsea` i ngolíng` cóo'r'~ do:

—Ejá' e fii'~ i 'nú' e jii'~ cóo' ya' ja' mí' cajín' n jaang` dsea` góo` dsea` Israel i dseáng'~ já' líng` júu' quié~e lí' laco'gui la líng` i fii' 'lé~ romano na. ¹¹ Jò fii'~ i 'nú' e jmiguiáb' íng'~ lí' nijalíng` fíng` dsea` i ja' líng` dsea` Israel jò nigüear` e nidó'r' cóo'~ jaléng` 'líi' dsea` cóøng'~ qui'~ii' i sií' Abraham jògui Isáa' cóo'~gui Jacóo' mi'~ tí' lí' nití' í' e nicá' Fidiéé' nifí' quiá'~ lajaléng` dsea` jmigüí'. ¹² Jò dsu' Fidiéé' nibíim`bre fí' caluu' fí' lí' nua' sò' fíng` dsea` Israel i lami' si'f' catíng` seeng` cóo'r'~ fí' lí' guiá' fí' lí' quiá'r' ta', jò i dsea` í' dob nijeár` qui'r' jògui tur' majar' uí'~ jalé' iihuú' e ni'íñ' do.

¹³ Jò lí' jò, Jesús casí'~ guir i fii' 'lé~ romano do jò cajíñ'~:

—Guóng' fí' quií'~ jò güilitib` lajii'~ ta' cañí', có' jáb'~ nicalín'~ júu' quié~e.

Jò dsifí lajòb ca'láang̃ i dsea` 'léeng'~ quiá'~ i fii' 'lé~ romano do.

*Mi' cajmi'leáang` Jesús iemisé' Tú' Simón
(Mr. 1:29-31; Lc. 4:38-39)*

¹⁴ Jò mi'~ cangí jò, Jesús cangór'~ fí' quiá'~ Tú' Simón. Jò mi'~ caguiér'~ fí' jò, dob ráang` iemisé' Tú' Simón e dsíng'~ iu'~ guíiñ'. ¹⁵ Jò Jesús cagüi'r' guoo` i dseamí' do, jò dsifí lajòb caguá' e iu'~ guíiñ' do. Jò mi'~ cangí jò, i dseamí' do caróor'~ jò cajméer'~ e cagóob' jaléng` i dsea` do.

*Mi' cajmi'leáang` Jesús fíng` dsea` dsée'~
(Mr. 1:32-34; Lc. 4:40-41)*

¹⁶ Jò mi'~ canua' lajò, fíim' dsea` caguilíñ' fí' lí' guíng` Jesús e jéeiñ' jaléng` dsea` i teáang'~ i 'líng' dsí'; jò cóo'~ 'ñia' camí' júu' e fé' Jesús, uøøm` jaléng` i 'líng' i teáang'~ dsí' dsea', jògui láam`bi lajaléng` dsea` dsée'~ la'eáang` cóo'~ e júu' jò cajo. ¹⁷ Jò cangojéé' e la e laco' caliti' jalé' júu' e cajíng'~ jaang` dsea` i café' cuaiñ' quiá'~ Fidiéé' malii'~ gui eáang` i calisí Saíí' mi'~ cajíñ'~ lala: "Íbre ca'íñ' jalé' iihuú' qui'~naa' jògui cacór'~ jalé' jmohuú' e lí'naa' cajo."

*Jaléng` dsea` i iing` dsilíng` cóo'~ Jesús
(Lc. 9:57-62)*

18 Jò mi~ cangá jo, cangá- Jesús e dsíng' fíng' dsea` caseáng' fí' lacúng' lajíng' lí' siñ', joba' caquiur' ta~ dsea` quiár- e ningúñ- fí' lí' 'ngóo~ cataang' e guiée' do. 19 Jò lajee' job, cangoquiéng' fí' lí' siñ' jaang' tifa' quiá'- júu^ quiu' ta~ quiá'- dsea` Israel jò cajíñ'- casí'r- dsea` do lala:

—Tifa', iim~baa nii~i cóo'~ 'nu' lí' doñí' jié' fí' guó'.

20 Joba' cañí' Jesús quiá'- i dseañu' do jò casí'-reiñ':

—Jaléng' güí' seab` too` lí' güing`ne', jò lajobi jaléng' ta' seab` sii`re' cajo; dsu' jnea~, dsea` gáa'a fí' ñifí- e lín'n jaang` dsea` jmigüi, jíi' lí' quíee~ e moguii- ja` sea`.

21 Jò mi~ cangá jo, jaang' lajee' i dsea` quiá'- Jesús do casí'- ír` lala jò cajíñ'-:

—Fí'i, cuøø~ jnea~ fí' jang'- ni'áan`n tiquié'e, jò mi~ ningá jo, joguiba' ninii`i cóo'~ 'nu'.

22 Joba' lalab cañí' Jesús quiá'- i dsea` do jò casí'-reiñ':

—Nea~ cóo'~ jnea~ lana jò cuø fí' e jaléng' i dsea` i líng' lafa' 'líng~ ni'áaiñ- tiquí'~ mi~ nití- oor~ quiár-.

Mi~ cajmée' Jesús e ca'uáang- e róo- jmí' jogui ca'uáang- e í' guí'
(Mr. 4:35-41; Lc. 8:22-25)

23 Jò mi~ cangá jo, ca'íb- Jesús fí' cóo' dsí' móo' colíng~ cóo'~ jaléng' dsea` guitúung' quiár-. 24 Jò lajee' guiáang'~ e ningolíñ- ni~ jmíib` mi~ canaang` í' guí' la huíng' jogui canaang` e róo- jmí' cajo, jò mifíng` ninaang` dsi'ab~ jmí' fí' dsí' e móo' do. Jò lajee' jò, güim` Jesús ngóor'. 25 Joba' i dsea` quiár- do cañíim`bre dsea` do jò cajíñ'- casí'-reiñ':

—Fí'ii', leaang- jneaa~aa', co' ningóo' dsi'am'baa'.

26 Joba' cañí' Jesús quiá'- i dsea` do jò casí'-reiñ':

—¿Jialí' dsíng'- 'gó'na'? Jò ¿jialí' ja` ga' lí' já'- líng'na' e jnea~ quí'~i jmí~ e nijmee~ e lí' doñí' ee'?

Jò mi~ calí- fé'r` lana, jò caráaiñ- jò caquiur' ta~ e guí' do cóo'~ guí' e jmí' do, jò dsifí' lajob caquiung' e í' guí' jogui caquiur'bi e róo- jmí' cajo, jò tiib- ca'í. 27 Jò dsíng'- cangogá dsí' i dsea` quiár- do mi~ cangár- lado, jò canaaiñ` jmíng'í- rúíñ' lajee' la'ó' yaaiñ-:

—¿I' guí' i dseañu' na e quiur' ta~ jò núu~ jalé' guí' cóo'~ jalé' jmí' júu^ quiár-?

Dsea` i seeng' fí' Gadara i niteáang' i 'líng' dsí'
(Mr. 5:1-20; Lc. 8:26-39)

28 Jò mi~ tí' lí' caguié- Jesús fí' lí' lí' 'ngóo~ cataang' e guiée' do e fí' guóo'~ uó- lí' se' Gadara, jò fí' codsií' ca'uøøng` gáng- dsea` i niteáang' i 'líng' dsí' jò cangoquiéeiñ' fí' lí' sing' Jesús. Jò eám' soo' dsíñ' do e jíi~ jaang` dsea` cuøøng` lí' ngíñ- e fí' jò. 29 Jò lalab canaaiñ` do áíñ' Jesús:

—Ja` jmiguín'~ jnea~, Jesús, co' ne~baa' guiá- e 'nub` dseáng'- lin' Jóo' Fidiée'. Jò ¿su cañí'- e ñicuøø'~ jnea' iihuí' e jíi'~ ja` mí' catí' í' lajo?

30 Jò e quiá'- job nitaang~ i fíng' cú' i taang~ ta~ gø'. 31 Jò i 'líng' do camí'r' jmí'ee' Jesús jò casí'r- dsea` do lala:

—Song ni'uøøñ- jnea' lí' téé'~naa' la, cuøø'~ jnea' fí' e nidsitoo'~naa' fí' dsí' i cú' i taang~ do.

32 Joba' lalab cañí' Jesús jò casí'-reiñ' do:

—Güilíng-na' güitáang'~na' fí' jò.

Jò ladsifí' lajob ca'uøøm` i 'líng' do fí' dsí' i dsea` do jò cangotáaiñ'~ fí' dsí' i cú' i nitaang~ do. Jò dsifí' lajob canaang` i cú' do cuíi're' cartí' cajiúng' yaang~ne' fí' dse' jíaa', jò casojiúng'ne' fí' dsí' jmí' jò fí' job cajgó're' jmí'.

33 Jò i dsea` i nijmóo' í' i cú' do cacuíi'bre cangolíñ' fí' jee~ fí'. Jò mi~ caguilíñ' fí' jò, canaaiñ' guiar' júu^ quiá'- lajíi'~ e calí- do cóo'~ i dsea` i teáang' i 'líng' dsí' do. 34 Joba' lajím` i dsea` i seeng' e fí' do cangolíñ- fí' lí' táang' Jesús. Jò mi~ cangáíñ- dsea` do, jò camí'~reiñ' jmí'ee' fa' e nigüi'íib' dsea` do e fí' guóo'~ uó- lí' táaiñ' do.

9

*Mi~ cajmi'leáng~ Jesús jaang` dsea` i caang~ tii~
(Mr. 2:1-12; Lc. 5:17-26)*

¹ Jo mi~ cangf jo, cajgóob~tu Jesús fí' dsí' cōo` móo' jo cangúñ' fí' lí' 'ngóo~ cataang` e guiéé' do jo caguiém~tur fí' fii' lí' guiiñ~. ² Jo mi~ caguiéiñ~ fí' jo, jo caguilíng~ dsea` i jéeng` jaang` dsea` i caang~ tii~ i dsíng~ ni~ cōo` 'ma' e silíng~. Jo mi~ cangá~ Jesús e jo, jo cō' niñi'bre e jáb'~ líng` jaléng` i dsea` do júu^ quiá'r~, joba' lalab casí'r~ i dsea` dsée'~ do:
—Jóo`o, cuø` bí' uø', cō' lana nica'ím~ dsee~ quíi'~.

³ Jo ie~ jo dob niteáng~ tú~ 'ní' m'ing~ tifa' quiá'~ júu^ quiu' ta~ quiá'~ dsea` Israel. Jo mi~ canúur~ e cajíng~ Jesús lajo, joba' ca'f' dsíir' lala: “Lajii~ e nica'jng~ i dseañu' na, gab` fé'r uii~ quiá'~ Fidiéé~.”

⁴ Jo cō' ñib' Jesús lajii~ e í' dsí' i dsea` do, joba' cajmingi' reiñ' do lala:
—¿Jiali' jmang' e ga'ba' í' óo' 'nú'? ⁵ ¿E~ e líng~na' e ja'gui huíng' e nife'ee', su e “Ni'ím~baa dsee~ quíi'~”, osi e nifé'naa' é: “Ráan~ jo ngi'~”? ⁶ Jo dsu' lana jnea~ ni'ée'e 'nú' e jneab~ dsea` cagá'a fí' ñiff~ e lán'n jaang` dsea` jmigüi' jo oo~baa ta~ fí' jmigüi' la e ni'íin~n dsee~ quiá'~ dsea`.

Joba' casí'~ Jesús i dsea` caang~ tii~ do jo cajíñ'~:

—Ráan~ jo sée'~ lí' ráan' jo guóng' fí' quíi'~.

⁷ Jo dsifí' lajob caráang~ i dseañu' do jo cangám'~bre fí' quiá'r~. ⁸ Jo mi~ cangá~ i dsea` i teáng~ do e ca'láam~ i dsea` dsée'~ do, dsíng'~ cangogá' dsíir'. Jo lajim'bre canaiñ' jmiféiñ' Fidiéé~ dsuco' dsea` do cacuø'r' dsea` jmigüi' jalé' e quíiñ'~ jmii~ do.

*Mi~ cató'~ Jesús jaang` dseañu' i sii` Mateo
(Mr. 2:13-17; Lc. 5:27-32)*

⁹ Jo mi~ cangf jo, cagüi'í' Jesús e fí' fii' lí' guiiñ~ do. Jo lajee~ ngóor' guiá'~ fib' cangáiñ~ jaang` dseañu' i sii` Mateo i niguiing~ mí' cuu~ e catíng~ dseata~ i guing~ fí' Roma. Joba' lalab casí'~ Jesús i dseañu' i jo cajíñ'~:

—Mateo, nea~ cóo'~ jnea~.

Joba' caróob~ Mateo e lí' niguiiñ~ do jo cangó~bre cóo'~ Jesús.

¹⁰ Jo mi~ cangf jo, e jmii~ job cagó' Jesús fí' quiá'~ Mateo. Jo lajee~ guiiñ~ gø'r colíng~ cóo'~ jaléng' dsea` quiá'r~, caguilíng~ i fíng' nodsicuu~ i jmóo' ta~ cóo'~ i Mateo do cóo'~gui jaléng' dsea` i sea` júu^ e dsíng'~ røoiñ' dsee~, jo caguár' colíng~ cóo'~ Jesús e cagó'r' ni~ mes~ lí' guing~ dsea` do. ¹¹ Jo mi~ cangá~ tú~ 'ní' m'ing~ dsea` Israel i líng' dsea` fariseo e guing~ Jesús gø'r cóo'~ i dsea` do, joba' i dsea` fariseo do cajmingi'r~ dsea` quiá'~ Jesús jo cajíñ'~:

—¿Jiali' gø' tifa' quíi'~na' cóo'~ jaléng' nodsicuu~ jogui cóo'~ dsea` i sea` júu^ e dsíng'~ røoiñ' dsee~?

¹² Jo nicanúub~ Jesús lajii~ e cajíng~ i dsea` do, joba' lalab cañiir' quiáiñ'~ do jo casí'~ reiñ'~:

—Jaléng' dsea` i guíng~ ja` 'neaiñ~ timí', dsu' 'neám~ jaléng' dsea` dsée'~. ¹³ Güilíng'na' jo güjmitíng'na' e júu^ la e fé' Fidiéé' fí' ni~ jì' quiá'r': “Jnea~ Fidiéé' iin~n e 'nú' nifii~ líng'na' jaléng' dsea` rúng'na', jo o' lico' cuø'na' feá'~ fí' quini'~.” Jo jnea~ fii' i 'nú' e ja` cagá~a fí' jmigüi' la fa' e caga'nén'n jaléng' dsea` i ée' guíá~, dsuco' jnea~ caga'nén'n jaléng' dsea` dsee~ dsea` quib'.

*Mi~ cajmingi'~ dsea` Jesús cuaiñ~ quiá'~ ayuno
(Mr. 2:18-22; Lc. 5:33-39)*

¹⁴ Jo cóo'~ jmii~ cangoquiéeng' jaléng' dsea` quiá'~ i Juan i seáng' dsea` jmii' do fí' lí' sing' Jesús jo cajmingi'r' dsea` do lala:

—Jnea' colíng~ cóo'~ jaléng' dsea` góo'naa' dsea` Israel i líng' dsea` fariseo contøom~ jmoo~naa' ayuno, jo ¿jiali' jaléng' dsea` quíi'~ 'nu' ja' jmóor' lajo?

15 J_oba' cañiñ' Jesús quiá' i dsea` do j_o casí' reiñ':

—Ja` cuóøng` nijmé` ayuno jaléng' dsea` i simíng` quiá' coo` lí` cung' guoo` dsea` lajee` seeng` i siming' i cung' guo` do cóo'r~. J_o dsu' niguiéeb' jmíi~ mi~ nisáng' dsea` i siming' do, j_oguiba' nijmé` ayuno jaléng' i dsea` do.

16 J_o j_ui~ jaang` dsea` to'r' coo` 'mi' e yúu~ cóo~ ca'ná' 'mi' e 'míi~, dsuco' song cajméer` laj_o, j_oba' nijóm' e 'mi' 'míi~ do j_ogui ni'guí'bi e 'mi' yúu~ do cajo, j_oba' lí' lí' jmiguiá'gui ni'guí'b` jóng. 17 J_o laj_obi cajo ja` guié' dsea` méé' e laco' gui'ná'` có' fí' coo` dsíi' loo~ jó' e yúu~, dsuco' song cajméer` laj_o, j_oba' ni'guí'ba' do j_o nidsi'íib' e méé' do j_ogui ni'íim` e loo~ jó' do cajo. J_o co' laj_obi lí', j_oba' guiá'gui e niguié' dsea` e méé' laco' gui'ná'` có' do fí' coo` dsíi' loo~ jó' e 'míi'b~, j_o laj_oba' ja` dseáng' fa' e ni'guí' e loo~ jó' do o'gui fa' e nidsi'íi' e méé' do cajo.

Mi~ cajmi'leáng` Jesús jóo' Jairo
(Mr. 5:21-43; Lc. 8:40-56)

18 J_o lajee` sing' Jesús e gui'ná'` sím'bir cóo~ i dsea` i caguilíng` jmingíi' do, mi~ caguié` jaang` fii~ féng' quiá' dsea` Israel i sií' Jairo fí' lí' sing' dsea` do. J_o casí'r' uó` jnir~ fí' quini` dsea` do j_o casí' reiñ':

—Tifa', 'micú' nabi cajúng` jaang` simí'` quié` e; j_o fa' nijgiéé` o' guó'` güiquidsi'` guóo' fí' moguir~ j_o nijí'b'tur.

19 J_o dsifib' cangó` Jesús fí' j_o colíng` cóo~ i dsea` quiá'r` do. 20 J_o lajee` e iuuiñ` fí' ngóo'bre mi~ cangoquiéeng` jaang` dseamí' lí' caluur` i nilíng` jmohuí' e tuuiñ` laj_ui~ níngoo' mí' guitu' jii'. J_o i dseamí' do catíiñ` capí'` 'ni' si'` dsea` do; 21 co' í' dsír' e fa' capí'b' si'` dsea` do catíiñ`, j_oba' ni'leám`bre laj_ui~ jmohuí' e líiñ'. 22 J_o dsifí' mi~ cajmée` i dseamí' do laj_o, caji' Jesús nir~ fí' caluur` j_o cangáiñ` i dseamí' i catíng` si'r` do j_o casí' reiñ':

—Cuóø'` bí' uó', j_oo`o; nica'láam`ba' laj_ui~ jmohuí' e lamí' lin' uí' e jáb'` calín'` júu` quié` e.

J_o ladsifí' laj_obi ca'láang` i dseamí' do laj_ui~ jmohuí' e líiñ'.

23 J_o mi~ tí' lí' caguié` Jesús fí' quiá'` i fii~ féng' quiá'` dsea` Israel do, cangár` e niteáng'` dseatí' jíuúr` lúu' quiá'` 'líi~ co' tí' lí' ni'ám` i simí'` 'líi~ do, j_ogui jaléng' dsea` eáng' niteáiñ'` ta~ qui'` óo`. 24 J_oba' caquiá'` Jesús ta~ quiá'` jaléng' i dsea` do j_o casí' reiñ':

—Uóøng`na' laj_uiñ`na' e la, co' ja' 'líiñg` i simí'` na, co' lico' güim`bre.

Dsu' mi~ canúu` jaléng' i dsea` do laj_o, lico' cangíim`bre Jesús, 25 dsu' Jesús ca'uóøm`bre jaléng' i dsea` do fí' lí' teáiñ'`. J_o mi~ cangí' j_o, ca'í'bre fí' dsíi' sinúu` j_o mifíng` catíiñ` guoo` i simí'` 'líi~ do, j_o dsifí' laj_obi caráiñ'` do. 26 J_o latóøm` lí' se' Galilea cani'` júu` quiá'` laj_ui~ e calí' do ie~ jmíi~ j_o.

Mi~ cajmi'leáng` Jesús gáng` dsea` tiuung`

27 J_o mi~ cangí' e cajmijí' Jesús i simí'` 'líi~ do, cagüi'íi' dsea` do fí' j_o; j_o lajee` ngóor' fí' guiá'` fí', cangoquiéeng' gáng` dsea` tiuung` fí' lí' ngóor', j_o i dsea` í' áiñ' Jesús lala:

—jFíi~ güilín'` jnea', J_oo' dseata~ Daví'`!

28 J_o mi~ tí' lí' caguié` Jesús fí' coo` lí' si'` 'núu', j_o ca'í'bre fí' dsíi', j_o cangotáam'`bi i dsea` tiuung` do fí' j_o cajo, j_o Jesús cajmingí'r` dsea` do:

—¿Su já'` líng'` 'nú' e quí'`baa jmíi~ jmee` e e nilijné'tu'?

J_oba' cañiñ'` do:

—Dseáng'` jáb'` lí'naa', Fí'íi'.

29 J_o dsifib' cagüi'` Jesús jminiñ'` do j_o casí' reiñ':

—Nijmee`baa e nilijné'tu', co' jáb'` calíng`na' e quí'`baa jmíi~.

30 J_o dsifib' caná' jmini` i dsea` gáng` do. Dsu' Jesús ca'í'r` 'goo' quiáiñ'` do e ja` ii' nisíiñ'` jii' jaang` quiá'` laj_ui~ e calí' do. 31 Dsu' i dsea` do, j_obi lico' nica'uóøiñ'` fí' lí' si'` e 'núu' do

mi~ canaaiñ` ni`r` júu` fí` lacaang` fii` e` née` lí` se` Galilea` quiá`-` lajii`~ e` cajmée` Jesús` cóo`-` ír` do.

Mi~ cajmi`leáang` Jesús` jaang` dsea` i` ja` fé`

³² Jo` lajee` e` uøøng` i` dsea` gáang` i` lami` tiuung` do, jo` lajee` jo, tú`-` ní` máing`~ dsea` cangojéeiñ` fí` quini` Jesús` jaang` dsea` i` ja` fé` uí`~ e` iuung` i` 'ling`^` dsíir`. ³³ Jo` mi~ calí` e` cajmihuíng` Jesús` i` 'ling`^` i` iuung` dsíi` i` dsea` i` ja` fé` do, joguiba` canaaiñ` do` café`r`. Jo` jaléng` dsea` i` siseáng` do` ie` jo` dsíng`-` cangogá` dsíir` jo` fé`r` lala:

—Dseáng`-` jii`~ cóo` ya` ja` mí` cane`ee` fí` góo`naa` Israel` lajii`~ e` nicalí` na` jmii` na.

³⁴ Jo` dsu` jaléng` dsea` Israel` i` líng` dsea` fariseo` i` siseáng` do` ie` jo` fé`r` lala:

—La`eáang` cóo`-` bí` quiá`-` fii` i` 'lim`^`ba` tiiing` i` dseañu` na` e` jmihuíñ` i` 'ling`^` i` teáang`-` dsíi` dsea`.

Eáam` fii` líng`-` Jesús` jaléng` dsea`

³⁵ Jo` mi~ cangí` jo, cangi` Jesús` lacaang` jalé` fii` fé` cóo`-`gui` jalé` fii` pí`^` e` er` júu` quiá`-` Fidiée` fí` lacoo` lí` téé` guá`-` quiá`-` dsea` góor` dsea` Israel. Jogui` guiar` júu` e` nijaquíem`ba` e` nicá` dsea` do` nifi` quiá`-` lajaang` lajaang` dsea` jmigüi`, jogui` jmi`leáaiñ` jaléng` dsea` i` líng` lí` doñi` ee` jmohuí` osi` lí` doñi` jié` lí` cu` quiáiñ`-` é.

³⁶ Jo` mi~ cangáng` Jesús` i` dsea` 'leáang` i` siseáng` do` ie` jo, eáam` calí` fii` líng`-`neiñ`, co` dsíng`-` jmiquíng`-` dsíiñ` do` jogui` dsíng`-` lijuung` dsíiñ` cajo. Co` líiñ` do` laco` líng` jaléng` jo`se` mi~ ja` seeng` fii`re` i` quie` nifi` quiáa`re`.

³⁷ Joba` cajíng`-` Jesús` casí`r` jaléng` i` dsea` quiá`r` do` lala:

—E`já`-` e` dsíng`-` fiiing` jaléng` dsea` i` iing`~ nijmicuíng` jnea~, dsu` ja` ii` 'ga` lí` dsea` seeng` i` niguiá` júu` quie` e. ³⁸ Joba` 'né` nimii`~ 'nú` Fidiée` e` nicuøng`-`guir` dsea` i` niguiá` jalé` júu` quie` e, jo` e` jo` lí` lafa` mi~ caroo` jalé` e` cajni` jaang` dsea` jo` dsu` jo` ii` 'ga` lí` seeng` i` nijmicoo`-` quiá`r` e` ni` ta` do.

10

Mi~ caguíng` Jesús` dsea` guitúung` quiá`r`

(Mr. 3:13-19; Lc. 6:12-16)

¹ Jo` mi~ cangí` jo, cóo` jmii` cató`-` Jesús` lajiing` i` dsea` guitúung` quiá`r` do, jo` cacuø`reiñ` e` óoiñ` do` ta` e` tiiñ` e` ni`uóiiñ` jaléng` i` 'ling`^` i` teáang`-` dsíi` dsea`, jogui` e` tiiñ` nijmi`leáaiñ` jaléng` dsea` dsée` lí` doñi` ee` jmohuí` líiñ` osi` lí` doñi` jié` lí` cu` quiáiñ`-` é.

² Jo` lalab` sii` jaléng` i` dsea` apóo` i` ni` júu` quiá`r` do: i` sing` nifi` do` siir` Simón, jogui` sii`bir` Tú` cajo, jogui` jaang` rúíñ` do` i` sii` Dí`; jogui` Tiáa` cóo`-` jaang` rúíñ` i` sii` Juan, jo` laji` huáaiñ` na` líiñ` jóo` jaang` dseañu` i` sii` Zebedeo; ³ jogui` Lií` jogui` Bartolomé jogui` Mó` jogui` Mateo, jaang` i` lami` jmóo` ta` mí` cuu` e` catíng`-` dseata` i` guíng` fí` Roma; jogui` Tiáa~, jóo` jaang` dseañu` i` sii` Alfeo; jogui` Tadeo; ⁴ jogui` jaang` i` sii` Simón` i` líng` dsea` celote; jo` jaang`gui` i` sii` Judas Iscariote, dsea` i` ca`niiing` Jesús` fí` quini` dseata`.

Mi~ casíng` Jesús` dsea` guitúung` quiá`r` e` nidsiguiaiñ` júu` quiá`-` Fidiée`

(Mr. 6:7-13; Lc. 9:1-6)

⁵ Jo` mi~ cangí` jo, jo` lajee` e` ná`-`gui` e` nisíng` Jesús` i` dsea` guitúung` quiá`r` do` e` nidsiguiaiñ` do` júu` quiá`-` Fidiée`, la`uii` jang`-` casí`-`reiñ` jalé` ta` e` nidsijméesiñ` do` jo` lalab` casí`-`reiñ`:

—Jie` mí` güilíng`-`na` fí` guóo`-` uø` quiá`-` dsea` i` ja` líng` dsea` Israel, o`gui` nigüitáang`-`na` fí` jalé` fii` quiá`-` dsea` Samaria. ⁶ Jo` lajii`~ ta` e` nigüilíng`-`na` e` güiquí`-` jíing`-`na` jaléng` dsea` Israel` jial` laco` nilicuíñ` Fidiée`, co` i` dsea` í` líiñ` laco` jo`se` i` sí`fíng`.

⁷ Jo` güilíng`-`na` güiguia`-`na` júu` jee` jaléng` i` dsea` í` e` nicatí`b` í` e` Fidiée` nicá` nifi` quiá`r`.

⁸ Jo` lajee` jo, jmi`leáang`-`na` jaléng` dsea` dsée~, jogui` jmee`-`na` e` nijj`tu` jaléng` líi~, jogui` jmi`leáang`-`na` jaléng` dsea` i` líng` jmohuí` lí` fí` ngúu` táang`, jogui` uøøng`-`na` jaléng` i`

'ling' i teáng' dsí' dsea. Jo ja cá'na' e 'léeng'na' quiá' lajii' e nijmee'na' do, co' ja ee' cuu' cacóng' qui'na' e cang'ng'na'.

⁹ Jo ja 'né' cá'na' jii' ca'ling' cuu' quiá' e 'né'na' ¹⁰ o'gui nosúu' qui'na'. Jogui jii' sí'na' e qui'ba' 'né' cá'na', co' ja 'né' cá'na' e co' cá'na'; lajobi lomii'na' cajo, lajii' e ó'ba', o'gui 'né' cá'na' 'ma'u', cōfa' jaléng' dsea' jmóo' ta' ngim'bre jalé' e gø'r'.

¹¹ Jo mi' niguilíng'na' fí' coo' fii' pí' osi fí' coo' fii' fé' é, 'néng'na' jaang' dsea' i li' i ni'ing' 'ná' fí' sinúu' quiá'r', jo fí' job' nijá'na' carta' taang'na' fí' e fii' jo. ¹² Cuóø'ba' guicá' jaléng' dsea' i neáng' fí' jo mi' nigüitáng'na' fí' sinúu'. ¹³ Jo song guiáb' ni'ing' 'ná' i dsea' li' niguilíng'na' do, joba' juguiá' niliseeiñ'; dsu' song ja' ni'íñ' 'ná' cóo' e guiá', joba' lajob' ja' juguiá' niliseeiñ' yaaiñ' cajo. ¹⁴ Jogui song ja' ni'íñ' 'ná' guiá' o'gui iñ' e ninúr' júu' qui'na', joba' uøng'na' lajminá' e fí' sinúu' jo osi e fí' fii' jo é, jo bó'na' 'lee' tóo' tii'na'. ¹⁵ Jo jnea' jmitaa' óo'na' e mi' nití' í' e niquidsí' Fidié' í' quiá' lajaang' lajaang' dsea' jmigüi', eéang'guib' nicuø'r' iihuú' i dsea' i ja' calijii' 'ná' do laco'gui iihuú' e ca'ing' jaléng' dsea' i caliséng' fí' Sodoma cóo' gui fí' Gomorra.

Mi' cajíng' Jesús e jalé' iihuú' ni'ing' dsea' guitúung' quiá'r'

¹⁶ Jo mi' cangí' jo, lalab casí' gui Jesús i dsea' quiá'r' do:

—i'Téé' áa'na! Jnea' nisín'n 'ná' jee' dsea' i 'ní' níng' 'ná' lafa' jaang' jo'se' i ni'iuung' jee' ie'dsinúu'. Jogui jmee'na' lí'na' laco'gui la lí' jaang' mi', jo 'né' bi' cajo e ja' 'lee'na' dsuco' fa' jaang' mee' ja' 'léé're'. ¹⁷ Jo ñiim' áa'na', co' nisám' dsea' 'ná' jo nidsijeáaiñ' 'ná' fí' quini' dseata' qui' i' dsea' Israel, jogui nijmihuú' 'ná' fí' dsí' sinúu' guá' quiá'r' ¹⁸ jo j'gui cartí' nidsijeáaiñ' 'ná' fí' quini' dseata' dsea' cóong' uí' e cuíng'na' jnea'. Dsu' mi' nijmeáiñ' 'ná' lajo, joba' cuøng' e nifo'na' fí' quini' cóo' gui fí' quini' jaléng' dsea' i ja' cuíng' Fidié' jial' mi' ca'uíng'na' dsea' quié' e. ¹⁹ Jo dsu' mi' nijáiñ' 'ná' fí' quini' dseata', ja' jmee'na' fí' jial' nifí'na' r' osi jial' ningii'na' quiá'r' é, co' Fidiéeb' dsea' nicuø'r' 'ná' e ní'na' e' júu' e ningii'na' quiá'r' mi' tí' lí' nití' í' e líng' ee' nijmingí'r' 'ná'. ²⁰ Co' ie' jo, Jmiguí' quiá' Tiquí'naa' Fidié' dsea' guíng' ñifí' e nifé' cuaiñ' qui'na' mi' nití' e í' jo, jo o' yaang' 'ná' dsea' nifo'na'.

²¹ Jo mi' tí' lí' jo, seem' dsea' nijáiñ' jaléng' rúíñ' e nijúuiñ', jogui seem' bi' tiquiá' dsea' nijmér' lajo cóo' joor', osi joor' é nijmér' lajo cóo' tiquiá'r' e nijngáng' rúíñ'. ²² Jo lajím' dsea' jmigüi' nilí' 'ní' níñ' 'ná' uí' e cuíng'na' jnea'; jo dsu' i dsea' i nité' e siñ' teá' fí' guiá' contøng' cóo' jnea', joba' i dsea' í'bing' i nileáng' jee' jalé' dsee' quiá' mi' nití' í' lajo. ²³ Jo mi' ni'øng' dsea' 'ná' fí' coo' fii', guiá' gui e cuí'ba' jo nigüilíng'na' fí' jié'gui coo' fii'. Jo dsu' jmitaa' óo'na' e jnea' i cajá' fí' jmigüi' la e lín'n jaang' dsea' jmigüi', nigáab'túu' calé' catú' ná' gui e niteáng'na' ngi'na' ta' guiá' júu' quié' e fí' la'úng' jalé' fii' e téé' lí' se' Israel.

²⁴ Co' jii' jaang' dsea' i jmitáng', tii'ng'guir laco' tifa' quiá'r', o'gui jaang' dsea' 'léeng' fa' niing'guir laco' fii'. ²⁵ Co' i dsea' i jmitáng' do 'néb' nijmitíiñ' cartí' nilitíiñ' røø, jo lajoguiba' røøb' nicóíñ' cóo' tifa' quiá'r' jóng. Jogui i dsea' 'léeng' do mi' ningóo' jmóor' ta', ni'uim'bre laco' i fii' do cajo. Jo song fé' dsea' e fii' i 'ling' i sií' Beelzebú' quiér' nifí' sinúu' qui'na', joba' ga'guib' nifé' dsea' jóng' uí' quiá' dsea' sinúu' qui'na'.

Jial' né' nijmi'gó' dsea' Fidié'

(Lc. 12:2-7)

²⁶ Jo mi' cangí' jo, casí' gui Jesús jaléng' i dsea' quiá'r' do jo cajíñ':

—Ja' føøng'na' quiá' jaléng' dsea' i 'ní' níng' 'ná', co' ja' sea' jii' coo' júu' e ja' ní' dsea' fa' ja' tóo' jmi' e niliñí' dsea', o'gui coo' e si'ma' fa' ja' tóo' jmi' e niguié' dsea' cajo. ²⁷ Jogui jalé' e fii' i 'ná' e iing', guiá'ba' júu' jee' jaléng' dsea'; jogui jalé' e fii' i 'ná' fí' oo' loguá'na', féé'ba' teá' jee' jaléng' dsea'. ²⁸ Jo ja' føøng'na' quiá' jaléng' dsea' i iing' nijngáng' 'ná', co' ja' e ta' íng' quiá'r' lico' lí'r' jii' ngúu' táang'na'; co' Fidiéeb' dsea' 'né'

i nijmi'goo'na', co' jii' dsea' íbing' cuóøng' nijngáng' dsea' jogui ni'íñ dsea' congua' fí' lí' lí' car' ngongh' jmi'.

²⁹ Co' cuóøm' nilóng' dsea' gáng' ta' cóo' tú' í' lajo, jo dsu' jii' jaang' i ta' do qui' jmi' nidsi'ling'ne' e ja' mí' caqui' Tiquí'na' Fidié' ta' lajo. ³⁰ Jogui jaléng' 'nú', jigu' jñugui'na' sí' Fidié' jó' mí' tí'. ³¹ Joba' ja' fóøng'na' jii' cóo', co' lí'gui quíng' 'nú' fí' quini' Fidié' laco'gui i fíng' ta'.

Jaléng' dsea' i jing' e cuiñ' Dsea' Jmaang' fí' quini' jaléng' dsea' jiéng'
(Lc. 12:8-9)

³² Jo cajíng' gui Jesús casí'r dsea' quiá'r:

—Song i' dsea' jing' e cuiñ' jnea' fí' quini' dsea' jiéng', joba' lajob nifá' jnea' cajo e cuím'baa i dsea' í' fí' quini' Tiquié' e dsea' guing' ñifí'; ³³ jo dsu' i'gui i jing' e ja' cuiñ' jnea' fí' quini' dsea' jiéng', joba' lajob nifá' jnea' cajo e ja' cuín'nre fí' quini' Tiquié' e dsea' guing' ñifí'.

Nijíng' dsea' lajee' la'ó' rúñ' uí' quiá' Jesús
(Lc. 12:51-53; 14:26-27)

³⁴ Ja' í' áa'na' fa' jnea' cagá'a fí' jmi'gü' la e cagajmée' e seeng' dsea' juguiá' júu' røø', co' jnea' ja' cagajmée' lajo, dsuco' uí' jnea' nijíng' dsea' lajee' la'ó' rúñ'. ³⁵ Jo jóo' dsea' dseañu' nijíñ' cóo' tiquiá'r, jogui jóo' dsea' dseam' nijíñ' cóo' niquiá'r, jogui dsea' mīloo' quiá' dsea' nijíñ' cóo' iemiser'; ³⁶ jo lajee' la'ó' dsea' siná'u' quiá'r nilí' ní' níng' rúñ'.

³⁷ Jogui song jaang' dsea' eáang'gui 'neáaiñ' tiquiá'r osi niquiá'r é laco'gui jnea', joba' ja' qui' jmi' e líiñ' dsea' quié' e jóng; osi jaang' sejmii' dsea' eáang'gui 'neáaiñ' jóor' dseañu' osi jóor' dseam' é laco'gui jnea', joba' lajob cajo ja' qui' jmi' e líiñ' dsea' quié' e. ³⁸ Jogui i' dsea' i ja' niseáng' lafa' crúu' quiá'r e laco' cuø' lí' e guiá' dsír' e ni'íñ' iihu' uí' e líiñ' dsea' quié' e, ja' qui' jmi' e líiñ' dsea' quié' e. ³⁹ Jogui i' dsea' i í' dsí' e lí'bre nileáng' 'ñia'r jee' jalé' dsee' quiá'r, joba' i dsea' í' conguiab' nibíñ' fí' lí' lí' jóng; jo dsu' i' dsea' i júung' uí' e líiñ' dsea' quié' e, joba' i dsea' í' conguiab' nitíñ' fí' quini' Fidié' jóng.

Lajii' e catíng' dsea' íñ' quiá' Fidié'
(Mr. 9:41)

⁴⁰ Jo lalab casí' gui Jesús dsea' quiá'r:

—I' dsea' i íng' 'nú' laco' lí' guiling'na', joba' ím'bre jnea' cajo; jogui i' dsea' i íng' jnea', joba' ím'bre i dsea' i casíng' jnea' fí' jmi'gü' la. ⁴¹ Jogui i' i íng' i dsea' i fé' cuiñ' quiá' Fidié', co' dsea' íb' casí' quiá'r, joba' i dsea' i ni'íng' i dsea' í røøb' ni'íñ' cajo laco'gui e cuø' Fidié' i dsea' i fé' cuiñ' quiá'r do; jogui i' i íng' jaang' dsea' i ée' guiá', co' guiúm' i dsea' do, joba' røøb' ni'íng' i dsea' í quiá' Fidié' lí' laco'gui la íng' i dsea' i ée' guiá' do. ⁴² Jogui doñí' i' dsea' i cuø' fa' capí' jmi' i dsea' quié' e i doñí' fa' ni'lé' cuíng' jnea', joba' jnea' jmitaa' óo'na' e catí'm'bre ni'íñ' lajii' e sí'íñ' quiá' Fidié' cajo.

11

Mi' casíng' Juan i seáang' dsea' jmi' dsea' quiá'r fí' lí' táang' Jesús
(Lc. 7:18-35)

¹ Jo mí' tí' lí' cató' e cacuø' Jesús ta' jaléng' i dsea' guitúung' do quiá'r, joba' cangó'bre e cango'er' jogui e cangoguiar' júu' quiá' Fidié' fí' jalé' fí' e téé' lí' se' Galilea.

² Jo íe' jo, 'ñañb' iuung' i Juan i seáang' dsea' jmi' do. Jo lajee' iuuiñ' fí' job mí' caliñir' jalé' e qui' jmi' tíng' Dsea' Jmaang' e jmóor', joba' casíñ' cóo' tú' míng' dsea' quiá'r fí' lí' táang' dsea' do ³ e cangojming' reiñ' su íb' dsea' i sijeeng' dsea' Israel i sí'íng' e nigüéeng' fí' jmi'gü' la, osi nijém'bir jaang'gui i jiéng' é.

⁴ Joba' lalab cañí' Jesús quiá' i dsea' do:

—Güiling`na' güicoo`na' júu` quiá'- i Juan do lajii` e nicanáa`na' jogui nicañii`na' e quíi` jmi` e jmóo'o. ⁵ Síi`gor e lijnéb`tu jaléng` dsea` tiuung`, jogui e ngib`tu jaléng` dsea` jlúung`~, jogui e `láam` jaléng` dsea` i líng` jmohuí` `li`^ fí` ngúu` táang`, jogui e núub`tu jaléng` dsea` güiing`~, jogui e jib`tu jaléng` `lii`~, jogui cajo e guiaa` júu` quiá'- jial nileáng` jaléng` dsea` jmi`güi` jee` jalé` dsee` quiá'r`. ⁶ ¡Juguiá`jiu quiá'- jaléng` dsea` i ja` litúng` dsíi` lajii` fí` lí` nisiñ` cóo`~ jnea`!

⁷ Jo mi` tí` lí` caquing`-tu` i dsea` i casíng` Juan i seáang` dsea` jmi` do, joba` Jesús canaaiñ` sí'r` jaléng` i dsea` i taang` cóo`r` do jalé` juguiá` uii` quiá'- i Juan do, jo lalab casí`-reiñ` jo cajíi`-:

—¿E` caguijøø` 'nú` mi` canáa`na' e ningí` i Juan do fí` jee` guóo`~ uó` quiá'? ¿já` leáa`~, ja` caguijøøng` 'nú` jaang` dsea` i uaang` júu` quiá'- i jmóo` lí`^ doñi` ee` ta` quiá` dsea` jiéng` i líng` la lí` cóo` cuiñi`^ e dséé` cataang` lí`^ doñi` jié` fí` lí` í` guí; ⁸ o`gui caguijøøng`na' jaang` dseañu` i jlo` sí`^, có` niñib` 'nú` e i dsea` la`í` neáaiñ` quiá'- dseata` dsea` féng`~, có` í`bing` sea` jalé` e jlo`^ quiá'-. ⁹ Jo ¿i` í` óo`na' i caguijøøng`na'? Jo e jáb`-, 'nú` caguijøøng`na' jaang` dsea` i laniing`-gui laco` i dsea` caguiaang` i café` cuaiñ` quiá'- Fidiéé` malii`gui eáang`. ¹⁰ Jo nab nicaliti` laco` fé` fí` ni` jì` quiá'- Fidiéé` cuaiñ` quiá'- i Juan i seáang` dsea` jmi` do mi` cajíng`- Fidiéé` e casí'r` Dsea` Jmáang` lala:

Nisín`n jaang` dsea` i niguiá` júu` quié` e

ná`-gui e niguó`^ fí` jmi`güi`

e laco` niguiár`- guiá` fí` lí` ningí`^.

¹¹ Jo lalab cajíng`-gui Jesús casí'r` i dsea` teáang` cóo`r` do ie` jo:

—Jo jnea` jmitaa`^ óo`na' e lajee` lajaléng` dsea` i nicafé` cuaiñ` quiá'- Fidiéé`, ja` mí` caliséng` jaang` i niing`-gui ta` quiá'- laco` i Juan i seáang` dsea` jmi` do. Jo dsu` i dsea` i ja` niing` fí` jmi`güi` la dsu` Fidiéé`bing` i quie` nifí` quiá'r`, joba` í`bing` i niing`-gui laco` i Juan do.

¹² Co` ie` latí` mi` canaang` Juan i seáang` dsea` jmi` e guiar` júu` e nijáa` Dsea` Jmáang`-jo cartí` lana, eáang` huíng` nicangojéé` cóo`~ júu` quiá'- Fidiéé` e quiá'- e quier` nifí` quiá'- dsea` jmi`güi`; jogui jaléng` dsea` i `ní` nii`-, cuø` bí` yaaiñ` e laco` iin` nijmigiúeieñ` cóo`~ e júu` jo. ¹³ Jo ná`-gui e cagüéng` Juan i seáang` dsea` jmi` fí` jmi`güi` la, jalé` e júu` e caguia` i dsea` i café` cuaiñ` quiá'- Fidiéé` jogui e júu` quiá` ta` quiá'- Fidiéé` do, jalé` e jo lico` jmita` dsíi` e Fidiéé` iin` nicár` nifí` quiá'- lajaang` lajaang` dsea` jmi`güi`. ¹⁴ Jo song` 'nú` iing`na' ni`íng`na' e júu` jo, joba` i Juan do líiñ` laco` Líi` i café` cuaiñ` quiá'- Fidiéé` malii`gui eáang` i sí`í` nijáa`tu calé` catú`-. ¹⁵ Jo jaléng` 'nú`, dsea` sea` loguá`na', núu`na' jalé` e júu` e nicafá`-a na.

¹⁶ Jo lana nifá`^duu jial líng` jaléng` i dsea` seeng` jmi` na, có` jaléng` í` líiñ` la líng` jiuung` i táang` tacóo` fí` 'móo`~, jo mi` niti`áng` rúiiñ` fé`r` lala: ¹⁷ “Cajiiu` jnea`^ lúu`, dsu` 'nú` ja` cadseeng`na'; jogui ca`ø`naa' e ø` dsea` lí` ráang` `lii`~, dsu` 'nú` ja` caquií`na'.” ¹⁸ Co` lalab cafée` 'nú` mi` cajá` i Juan i seáang` dsea` jmi` do, ca`eeng`na'r e iuung` i `ling`^ dsíi`r` dsu` uíi` e ja` `leáang`-gø`r` jogui jii`^ capí`^ méé` ja` í`r`. ¹⁹ Jogui mi` cagüéng` jnea` fí` jmi`güi` la, jnea` dsea` i jáa` fí` ñifí` e lín`n jaang` dsea` jmi`güi` e gø`baa` jii`^ laco` gø` dsea`, jo uíi` e lajob` líi`, joba` jaléng` 'nú` ca`eeng`na' jnea` e lín`n jaang` dsea` cúng` i gø` contøøng` jogui e lín`n jaang` dsea` íng` i ngí` cóo`~ jaléng` dsea` i ga` fé` dsea` uii` quiá'r`-osi cóo`~ jaléng` 'ná`^ nodsicuu` i jmóo` ta` mí` cuu` e catíng`-dseata` quiá'- Roma é. Jo dsu` cóo`~ jalé` e jmóo` Fidiéé` jmi`jnéeieñ` jial tíi` tiiñ` ngáiñ`.

Dsea` i ja` já`- calíng`-júu` quiá'- Dsea` Jmáang`

(Lc. 10:13-15)

²⁰ Jo ie` jo, canaang` Jesús `gaam`bre quiá'- jaléng` dsea` i seeng` fí` fii` lí` nicajméer` jalé` e quíi`r` jmi` e dsigá` dsíi` dsea`, có` jaléng` i dsea` í` ja` caqui`^ jíng` yaaiñ` fí` quini` Fidiéé`. Jo lalab cajíng`- Jesús ie` jo:

²¹ —¡E ngi~ fñib^ 'nú', dsea` seeng`na' fí Corazín cóo~gui 'nú' dsea` seeng`na' fí Betsaida, cofa' mi~ fí Tiro cóo~gui fí Sidón cajmé~ e lajalé' e guiá~ e quíi~i jmi~ laco'gui jii~ e nicajmé~ e jee~ 'nú', joba' i dsea` í ladsifí lajo caquí~ jing' yaaiñ~ fí quini~ Fidié~ faco' mi~ lajo, jo catíng~ e nineáaiñ~ fi'fb^ uii~ quiá~ jalé' e dsee~ e nicarøøiñ! ²² Joba' fñi 'nú', dsea` seeng`na' fí Corazín cóo~gui fí Betsaida, ie~ mi~ nití~ í' e niquidsí Fidié~ í' quiá~ lajaang` lajaang` dsea` jmigüí, eáang`gui nicuø'r~ 'nú' iihuñ~ laco'gui e iihuñ~ e ni'ing' dsea` i seeng` fí Tiro cóo~gui fí Sidón. ²³ Jogui jaléng' 'nú', dsea` seeng`na' fí Capernaum, ¿su líng~na' e 'nú'bing' i nisáng' cartí yú^gui jee~ jaléng' dsea? Jo o' lajo, co' 'nú'bing' i nijgiáang`ti' lí~ 'lí' mi~ nití~ í' lajo. Cofa' mi~ fí fñi Sodoma calí~ lajalé' e quíi~ jmi~ laco'gui jii~ e nicajmé~ e jee~ 'nú', joba' ja` ca'ing~ e fñi jo, jo siji^bi latí lana. ²⁴ Joba' fñi-túu 'nú', dsea` i seeng` fí Capernaum, e mi~ nití~ í' e niquidsí Fidié~ í' quiá~ lajaang` lajaang` dsea` jmigüí, eáang`gui ni'ing'~ 'nú' iihuñ~ laco'gui jii~ iihuñ~ e ca'ing' jaléng' i dsea` i seeng` fí Sodoma.

*Jaléng' dsea` i óo' fi'í^ dsí 'né~ nijaquíéiñ' fí quini~ Jesús
(Lc. 10:21-22)*

²⁵ Jo lalab cajíng'~gui Jesús ie~ jo:

—Teaa~, lana jmifén'n 'na, dsea` Fii~ ñifi~ cóo~ jmigüí la, dsuco' lana nicajmee~ e ngám' jaléng' dsea` dsee~ dsea` quí jalé' júu^ quíi~, jogui cajmee~ba' e ja` cangáng' júu^ quíi~ jaléng' dsea` i tíng` eáang` i jmicøøng'~ yaang` fí jee~ jaléng' dsea` rúng'. ²⁶ E jáb~, lajob lí, Teaa~, co' lajob nicali'íing~ 'na' e calí~.

²⁷ Jo mi~ cangí jo, lalab casí~ Jesús dsea` quiá~r~:

—Tiquié~ e Fidiéeb~ dsea` nicacuø'r' jnea~ e néé' nii~ lajalé' e sea` fí la'úng~ fí jmigüí. Jo jii~ jaang` dsea` dseáng'~ mí cuiñ` jnea~, dsea` lán'n Jóo' Fidié~ camíng'~, co' lajii~ Tiquié~baa dsea` cuiñ` jnea~; jogui jii~ jaang` dsea` dseáng'~ mí cuiñ` Tiquié~ e dsea` guíng~ ñifi~, co' lajii~ jneab~ dsea` cuín`nre cóo~gui lajaléng' dsea` i nisi'íng^ quié~ e e nilicuíñ` dsea` do. ²⁸ Jo jaléng' 'nú', dsea` i óo' fi'í^, cóo~gui jaléng' 'nú', dsea` dsingíng~na' iihuñ~, quí~ jing'~ yaang~na' fí quini~, co' jneab~ dsea` quíi~i jmi~ nijmee~ e e nití~ áa'na' quiá~ jalé' e jo. ²⁹ Jogui íng'~na' jalé' júu^ quié~ e e guíaa~ jee~ 'nú', jogui ee~ba' guiá~ laco'gui jnea~, dsea` lán'n jaang` dsea` féng' dsí cóo~ doñi~ ii~ jogui e ja` jmiféng' 'ñiá'a' cajo. Jo song nijmee~na' lajo, joba' nilí'ba' jóng e nití~ áa'na' uii~ quiá~ jalé' e dsingíng~na' do. ³⁰ Co' song ii~ dsea` i íng~ nijmitíng` júu^ quié~ e jogui nijmitir~ lajii~ júu^ quíi' ta~ quié~ e, ja` huíng' quiá~r~ e nijmér~ lajo, co' ja` ii e ta~ jo.

12

*Mi~ ca'éeng~ dsea` quiá~ Jesús láa' quiá~ cui'íee`
(Mr. 2:23-28; Lc. 6:1-5)*

¹ Jo ie~ jo, cóo~ jmi~ lajee~ e tíng` dsea` Israel e jmi'íñ', cangíng` Jesús colíng~ cóo~ dsea` guitúung` quiá~r~ fí cóo~ guóo' uó^ lí sijnea~ cui'íee`. Jo lajee~ ngíiñ' fí jo, cadseá~ jmi'aang~ i dsea` quiá~r~ do, jo canaaiñ' do éem~bre láa' quiá~ cui'íee' e sea` do jo canaaiñ' gø'bre mí^ quiá~. ² Jo ie~ jo, co' quiá~ do nitaang~ cóo~ tú~ míng'~ dsea` Israel i líng' dsea` fariseo jo cangá~bre e ca'éeng~ i dsea` quiá~ Jesús do cui'íee', joba' lalab casí~r~ Jesús:

—Ja` catíng~ jmé~ i dsea` quíi~ na lana lajee~ jmi~ e jmi'íng'~naa', jneaa~aa' dsea` líiñ' dsea` Israel!

³ Jo lalab cañi~ Jesús quiá~ i dsea` do:

—Tée' óo'na' e nica'í'ba' fí ni~ jì quiá~ Fidié~ lí fé' jial cajmée` dseata~ Daví^ mí cadseá~ jmi'aaiñ~ colíng~ cóo~ jaléng' dsea` quiá~r~. ⁴ Co' ie~ jo cangíiñ' cartí dsí sinúu^ guá~, jo cagø'r` iñi^ e güeang' quiá~ Fidié~ e jii~ jmidsea`bing' sí'í^ cuøøng` dø', dsu' cagø'bre colíng~ cóo~ i dsea` quiá~r~ do. ⁵ Jogui téé' óo'na' cajo jial fé' fí ni~ jì quiá~ Fidié~ e cajme' Moí, co' fí ni~ jo fé' e ja` dsee~ ée' jaléng' jmidsea` nañi' fa' jmóor' ta' fí

dsíí sináú[^] guáí⁻ fé[^] lajee[~] jmíí[~] e jmi'íng' jneaa[~]aa', dsea` líí^{íí} dsea` Israel. ⁶ Jò dsu' jnea[~] fíí⁻ i 'nú' e niing⁻ gui júu[^] quié⁻ e laco'gui e guáí⁻ do. ⁷ Dsu' latí' lana ja` mí' cangám'^{bi} 'nú' e[~] guóng[^] lajii^í e fé[^] fí' ní⁻ jì' quiáí⁻ Fidiéé[~] lí' fé[^] lala: "Jnea[~] Fidiéé[~] iin[~] n e nilí^í fíí⁻ líng⁻ rúng[^]na', jò o' e cuø'na' feáí⁻ fí' quinií⁻."

Jò casí⁻ gui Jesús i dsea` fariseo do:

—Facó' mí[~] cangáng[^]na' e júu[^] jò latí' mí[~] uing[~], jòba' ja` e ta[~] e cuó[^]na' dsee⁻ jaang[^] dsea` i ja` mí' ca'lée[^] jii^í còo^o. ⁸ Jò dsu' e jáí⁻, jnea[~] dsea` cagá⁻ a fí' jmigüí^í la e lín[^]n jaang[^] dsea` jmigüí^í, oo⁻baa ta[~] e niquíá[^]u ta[~] mí[~] jmíí[~] e jmi'íng' jneaa[~]aa', dsea` líí^{naa} dsea` Israel.

Mí[~] cajmi'leáang⁻ Jesús jaang[^] dsea` i caang[~] guoo[^]

(Mr. 3:1-6; Lc. 6:6-11)

⁹ Jò mí[~] cangí^í jò, cangó⁻ Jesús fí' còo^o dsíí^í sináú[^] guáí⁻ quiáí⁻ dsea` góor[^] dsea` Israel. ¹⁰ Jò mí[~] caguiér⁻ fí' jò, dob ni'iuung⁻ jaang[^] dseañu[^] i caang[~] còo^o guoo[^]. Jò ie[~] jò, dob niteáang⁻ còo^o tú⁻ máng[^] dsea` Israel i líng[^] dsea` fariseo e síteeíñ[^] Jesús e iin[~] ninír[^] su nijmi'leáang⁻ dsea` do i dsea` i caang[~] guoo^o do 'ñia' ie[~] jmíí[~] e jmi'íng' dsea` Israel, jò lajòba' e niguié[^]r' jial e ni'níñ⁻ dsea` do fí' quini[~] dseata[~]. Jòba' cajmingí^r Jesús lala:

—¿Su seab[^] fí' e nijmi'leáang⁻ jaang[^] dsea` dsée[~] lajee[~] mí[~] jmíí[~] e jmi'íng[^]naa'?

¹¹ Jòba' cañí^í Jesús quiáíñ^í do jò casí⁻ reiñ^í lala:

—Facó' 'nú' aang⁻na' jò'se[^] jò calingüing[~]na' e catóng[^] jaang[^] fí' dsíí^í 'ñia' ie[~] jmíí[~] e jmi'íng[^]naa', ja` lí[^] dsii⁻ fa' lí[^] niseáang[~]na're' lajò, cò' nigüiseáam[~]ba're'. ¹² Jòba' fíí⁻ i 'nú', jial tíí' laniing⁻ gui quíng[^] jaang[^] dsea` fí' quini[~] Fidiéé[~] laco'gui jaang[^] jò'se[^]. Jò lajòb líí, seab[^] fí' e jmé[^]naa' còo^o e guiá⁻ 'ñia' mí[~] jmíí[~] e jmi'íng[^]naa'.

¹³ Jòba' lalab casí⁻ Jesús i dsea` caang[~] guoo^o do:

—Níí[~] guóo[^], dseañu[^].

Jò lajòb cajméé⁻ i dsea` do, jò ladsifí' lanab ca'lóo⁻ guóor[^] jò caliguiúb⁻ e guóor[^] do lí[^] laco'gui e còo^o do. ¹⁴ Jò mí[~] tí' lí[~] ca'uøøng[^] jaléng[^] i dsea` fariseo do e fí' dsíí^í sináú[^] guáí⁻ do, jò canaaíñ[^] sáíñ[^] quiáí⁻ jial niguié[^]r' e nijngáiñ^í Jesús.

Júu[^] e cajme' Saíí[^] cuaiñ[^] quiáí⁻ Jesús

¹⁵ Jò mí[~] calilí[^] Jesús e jò, cagüí^í bre e fí' jò, jò cangó^r fí' lí[~] jíé[^], jò fíím[^] dsea` cangolíng⁻ còo^r ie[~] jò. Jò laco' ngolíñ⁻ teáaiñ[~] fí' lado, jmi'leáam⁻ dsea` do jaléng[^] dsea` dsée[^], ¹⁶ jogui quiú^r ta[~] quiáí⁻ jaléng[^] i dsea` i jmi'leáaiñ⁻ do e ja` niguiáiñ⁻ do júu[^] quiáí⁻ jalé[^] e quií[~] dsea` do jmíí[~] jmóor[^]. ¹⁷ Jò cajméer[^] jalé[^] e jò e laco' caliti[~] lajii^í júu[^] quiáí⁻ Fidiéé[~] e cajme' Saíí[^], jaang[^] dsea` i café[^] cuaiñ[^] quiáí⁻ Fidiéé[~] malíí[~] gui eáang[^] mí[~] cajíñ⁻ lala:

¹⁸ I lab i dsea` i nicaguín[^]n,

i jmóo[^] lajii^í e iin[~]n,

jò eáam[^] 'neáan[^]nre jogui iáang[^] dsii⁻ còo^r.

Jogui eáam[^] nilí^í gøíñ[^]

la'eáang[^] còo[^] Jmiguí[^] quié⁻ e e nicuøø⁻øre,

jogui niguiár⁻ júu[^] jee[~] jaléng[^] dsea` jmigüí[^]

e dseáng[^] røøb[^] ní^ír⁻ í[^] quiáí⁻ lajaang[^] lajaang[^] dsea`.

¹⁹ Dsu' ja` nijmér⁻ ta[~] jíng[^] o'gui ta[~] ta[~] mí^í;

jò jii^í jaang[^] dsea` ja` ii^í ninú⁻ júu[^] quiáí⁻ jee[~] 'núú[^] e jmiféng[^] 'ñia^r.

²⁰ Jò nijmicóo[^] bre jaléng[^] dsea`

i í' dsíí^í e ja` seeng[^] ii^í nijmicóo[^] quiáí⁻ r⁻.

Jogui nijmicóo[^] bir cajò jaléng[^] dsea`

i í' dsíí^í e ja` niquí^í r[~] jmíí[~].

Jogui niguiár⁻ júu[^] jee[~] jaléng[^] dsea`

car[^] nilita[^] dsííñ[^] e dseáng[^] røøb[^] í[^] quiáí⁻ lajaang[^] lajaang[^] dsea`.

²¹ Jò la'eáang[^] íb[^] nijjá⁻ líng[^]

jaléng' dsea` jmigüi` júu` quiá'- Fidiée`.
Jo lanab cajíng'- Saíi` ie` malii` gui do.

*Mi` cacuø' dsea` dsee` Jesús e jmóor` ta` la'eáang' cóo' i` 'ling'`
(Mr. 3:20-30; Lc. 11:14-23; 12:10)*

²² Jo mi` cangí` jo, cangojéeng` dsea` fí` quini` Jesús jaang` dsea` tiuung` jogui` i` ja` fé'` cajo. Jo i` 'lim'` jmóo` e nilíng` i` dsea` do lado. Jo dsu' Jesús cajmi`leáam`bre i` dsea` do, jo calijnéb'`tuiñ'` do jogui` café'`tuiñ'` cajo. ²³ Jo jaléng'` dsea` i` teáang` do ie` jo, eáang` cangogá` dsíir` jo canaaiñ` sí'` rúíñ'` lajee` yaaiñ` jo fé'r` lala:

—Jangám` song Jóo'` dseata` dsea` féng'` Davi'` i` na.

²⁴ Jo ie` jo, dob niteáang` cóo` tú` múnng'` dsea` Israel` i` líng'` dsea` fariseo. Jo mi` canúur` síng` i` dsea` do lado, joba'` cajíñ'`:

—La'eáang'` cóo'` bí` quiá'` Beelzebú` i` líng'` fii` jaléng'` i` 'ling'`, la'eáang'` í`bing'` tíng` i` dseañu'` na e uøøiñ` i` 'ling'` i` teáang'` dsíi'` dsea`.

²⁵ Jo có'` ñib` Jesús lajii'` e í` dsíi'` i` dsea` fariseo do, joba'` cajíñ'` casí'`-reiñ'`:

—Fa'` cóo'` fii` jo jaléng'` dsea` i` seeng` fí` jo 'ní'` níng` rúíñ'`, joba'` sí'`ím` e fii` jo jóng, có'` ja` seeiñ` røø. Jo lajobi` cajo fa'` cóo'` fii` pí'` osi cóo'` sinúu` lí` 'ní'` níng` rúng'` dsea`, sí'`ím` cajo. ²⁶ Jo lajob` lí'` cajo cóo'` Satanás` i` líng'` fii` i` 'ling'` do, song nijmihuíñ` i` 'ling'` quiá'r`, joba'` nilí` e 'ní'` níim` rúíñ'` jo lajoba'` nilíim` bí` quiá'r`. ²⁷ Jo 'nú'`gui fó'`na'` e jnea` tíñ` jmihuín`ñ` jaléng'` i` 'ling'` i` teáang'` dsíi'` dsea` la'eáang'` cóo'` bí` quiá'` fii` i` 'ling'` i` sii` Beelzebú; có'` faco'` lajo, ¿i` i` í` óo'`na'` i` jmicóo'` quiá'` jaléng'` dsea` i` ngí` cóo'` 'nú'` e tíim`bre jmóor` lajo faco'` lajo? Có'` Fidiée`bing'` i` jmicóo'` quiá'` i` dsea` í` e tíiñ` jmóor` lajo. Joba'` lajii'` e tíiñ` do cuø` lí` e ja` dseeng` laco'` jii'` e í` áa'`na'. ²⁸ Có'` lajii'` e jmóo'` jnea` e jmihuín`ñ` jaléng'` i` 'ling'` i` teáang'` dsíi'` dsea`, la'eáang'` cóo'` Jmiguí` quiá'` Fidiée`ba'` e jmóo'` lajo. Jo e jo cuø` lí` e nicatib` í'` e Fidiée` nicár` nífi'` quií`-na'` lajaang` lajaang`na'`.

²⁹ Jo jíng'`-gui Jesús:

—Jo ja` nilí'` jaang` dsea` ni'ír` fí` dsíi'` cóo'` sinúu` quiá'`-jaang` dsea` i` bí`gui dsíi'` laco'` ír` e ni'uø'r` jalé'` e sea` quiáiñ'`, dsuco'` la'uii` jang'` 'né` ni'ñúm'`bre i` dsea` bí` dsíi'` do, jo lajoguiba'` cuøøng` e nijmér` lajo.

³⁰ Jo ii` dsea` i` ja` sing'` uii` quié`-e, joba'` 'ní'` níim`bre jnea`; jogui` ii` i` ja` jmicóo'` jnea` e laco'` nilicuíng` dsea` jnea`, joba'` ja` siñ'` uii` quié`-e cajo.

³¹ Joba'` fii`-i` 'nú'` e íim`-bi Fidiée` dsee` quiá'` jaléng'` dsea` jmigüi` mi` ee`go júu` ga` fé'r` uii` quiá'` dsea` do, osi lí'` doñí` ee` dsee` e éeiñ` é; dsu'` jo` ni'íiñ` dsee` fíng` song ii` café'` ga` uii` quiá'` Jmiguí` quiá'r`. ³² Joba'` fii`-túu` 'nú'` e Fidiée` íim`-bir` dsee` quiá'` jaléng'` dsea` jmigüi` mi` ee`go ga` fé'r` uii` quié`-e, jnea` dsea` gáa'a` fí` ñifí` e lín'n` jaang` dsea` jmigüi`; dsu'` song ii`gui` café'` ga` uii` quiá'` Jmiguí` quiá'` Fidiée`, joba'` jo` tóo'` jmii` fa'` ni'`líng` dsea` do dsee` quiá'` i` dsea` í` lata` seeiñ` fí` jmigüi` la`o'`gui` fí` jmigüi` cóo'` cajo.

*Jalé'`ma` ofii` cuíi` dsea` la'eáang'` cóo'` ofii` e ñb`
(Lc. 6:43-45)*

³³ Jo lalab cajíng'`-gui Jesús e éeiñ` i` dsea` teáang` do ie` jo:

—Fa'` 'nú'` ta'`na'` o'` fí` i'` 'ma` ofii` quií`-na', joba'` jlob'` ofii` nicuø`-; jo song ja` jmoo'`na'` lajo, joba'` ja` 'goo'` ofii` nicuø`. Có'` jaléb'` 'ma` ofii` cuíi` dsea` la'eáang'` cóo'` ofii` e ñb`. ³⁴ JÓo'` mi'` guíim` 'nú'`! Ja` cuøøng` e nifo'`na'` jmang'`-juguiá`, có'` jmang'`-jalé'` e ga`ba'` í` áa'`na'. Dsuco'` lajii'` e í` dsíib'` dsea`, jii'` joba'` fé'r`. ³⁵ Jo jaang` dsea` i` guiúng`, jmang'`-júu` guiáb` fé'r`, có'` jmang'`-e guiá`-ba'` í` dsíir`; jogui` jaang` dsea` i` soo'` dsíi', jmang'`-júu` gab` fé'r`, có'` jmang'`-e ga`ba'` í` dsíir'. ³⁶ Joba'` fii`-i` 'nú'` e mi` niguiéé` jmii` e niquidsí` Fidiée` í'` quiá'`-lajaang` lajaang` dsea` jmigüi`, ie` job` mi` niguiéé` dsea` júu` fí` quini` dsea` do jalé'` e ja` íng` ta` e café'r` lajee` cateáiñ` fí` jmigüi` la. ³⁷ Jo cóo'` lajii'` júu` e café'` dsea`, cóo'` jii'` job` nija'` í'` su` røøiñ` dsee` osi ja` røøiñ` é` mi` tí` lí` nití`-í'` e nitidsí`-í'` quiá'r`.

Mi camí' dsea Jesús e nijmér- coo' lí e quí' r~ jmí' e dsigá' dsí' dsea'
(Mr. 8:12-13; Lc. 11:29-32)

³⁸ Jo mi~ cangí' jo, coo' tú~ máng'~ tifa' quiá'- júu^ quiu' ta~ quiá'- dsea' Israel cóo'~gui coo' tú~ máng'~ dsea' Israel i líng' dsea' fariseo cangoquíeíñ' fí' lí' sing' Jesús jo casí' r~ dsea' do lala:

—Tifa', ii~naa' ne~naa' e nijme'^ coo' lí e quí' r~ jmí' e dsigá' dsí' dsea'.

³⁹ Joba' cañí' Jesús quiá'- i dsea' do:

—Jaléng' dsea' seeng' jmí' na dsíng'~ nirøøíñ' dsee~ jogui ja' jmitir~ júu^ quiá'- Fidié', co' lico' mi' r' jnea~ e nijmee~ e coo' e lí e quí' r~ jmí' e dsigá' dsí' dsea'. Dsu' ja' nijmee~ e jii' coo' e jo fí' quinir~, co' nicaliseáb' e jo lamí~ jeéng' gui e cangongíng~ Jonás, jaang' dsea' i café' cuaiñ' quiá'- Fidié' malí' gui eáang'. ⁴⁰ Jo laco' ca' í' Jonás 'ní' jmí' jogui 'ní' uóø' fí' dsí' tu' jaang' 'ñu' dsée~, lajob jnea~ cajo, dsea' cagá' a fí' ñiff' e lán' n jaang' dsea' jmigüí', ni'ú'u 'ní' jmí' jogui 'ní' uóø' fí' ná' uóø'. ⁴¹ Jo mi~ nití' jmí' e niquidsí' Fidié' í' quiá'- lajaang' lajaang' dsea' jmigüí', i dsea' seeng' fí' fí' Nínive do nicuó' r~ dsee~ jaléng' dsea' i seeng' jmí' na; co' mi~ canúu~ i dsea' í' júu^ e cagua' Jonás, dsifí' lajob caquí' jíng' yaaiñ' fí' quini' Fidié' uí' jalé' dsee~ quiá' r~. Dsu' jnea~ gui fá' a e jnea~ niing~ gui laco' gui i Jonás do. ⁴² Lajobi cajo ie~ malí' do caliséng' jaang' reina i caqui' ta~ fí' lí' huí', jo cajar~ cajanúu' jalé' júu^ e tíng' jaang' dseata~ dsea' féng' i sii' Salomón. Jo lajob lí', i dseamí' í' nicuó' bre dsee~ cajo jaléng' i dsea' seeng' jmí' na mi~ nití' jmí' e niquidsí' Fidié' í' quiá'- lajaang' lajaang' dsea' jmigüí'. Dsu' júu^ quié' e niing~ gui laco' gui júu^ quiá'- i dseata~ Salomón do.

Jial lí' mi~ dsitáang' tu i 'líng' fí' dsí' dsea'
(Lc. 11:24-26)

⁴³ Jo mi~ calí' cajíng' Jesús lana, jo casí'~ guir jaléng' i dsea' do jo cajíñ'~:

—Mi~ güi'í' jaang' i 'líng' i iuung~ dsí' jaang' dsea', ngir' fí' lí' quiu' e 'nó' r' fí' lí' nijmi' íñ'. Jo song ja' niguié' r' lí' nijmi' íñ', joba' í' dsí' r': ⁴⁴ “Níním' túu fí' dsí' dsea' e lí' cajú~ u do, co' ja' lí' sea' lí' nijmi' íñ' n.” Jo mi~ niguieng' tur dsí' i dsea' do, niguié' íñ' lafa' coo' sinúu' lí' joo' jogui siquiáang' jogui silí' jlo'. ⁴⁵ Jo mi~ ninír' e dsíng'~ jlo' dsí' e lí' niguié' íñ' do, joba' nidsér~ nidsitéer' guiáang' i 'líng' gui laco' í' e nidsitáaiñ' fí' dsí' i dsea' do, joba' ga' gui nilíng' i dsea' do laco' gui lamí' iuung~ jaang' i 'líng' do fí' dsí' r'. Jo lajob nidsingíng~ jaléng' i dsea' i røøng' dsee~ i seeng' jmí' na.

Mi cajíng' Jesús i~ niquiá' r' jogui i jaléng' rúíñ'
(Mr. 3:31-35; Lc. 8:19-21)

⁴⁶ Jo lajee' gui' nang' sím' bi Jesús cóo'~ jaléng' i dsea' teáang~ do ie~ jo, mi~ caguié'~ niquiá' r' cóo'~ gui jaléng' rúíñ', co' iíñ' nisíñ' cóo'~ dsea' do. Dsu' ja' cangíñ' do cartí' lí' iuung~ dsea' do. ⁴⁷ Jo jaang' dsea' jiém' bing' cangojmée' júu^ Jesús e niteáang~ i dsea' sinúu' quiá' r~ do fí' caluu', jo lalab júu^ quié' i dsea' do:

—Nab nicagüéng~ niquí' cóo'~ gui jaléng' rún' e iíñ' síñ' cóo'~ 'nu', jo nab teáaiñ' fí' caluu' lana.

⁴⁸ Jo lalab cañí' Jesús quiá'- i dsea' quié' júu^ do:

—Jneab~ nifí' i 'nu' i~ niquíé' e jogui i jaléng' rún' n.

⁴⁹ Jo dsifí' b' ca' éeíñ' i dsea' quiá' r~ do jo cajíñ'~:

—I dsea' nab niquíé' e cóo'~ gui jaléng' rún' n. ⁵⁰ Co' doñí' ií dsea' i jmiti~ lajii' e iing~ Tiquié' e dsea' guing~ ñifí', jaléng' dsea' í' bing' líng' rún' n jogui dsea' í' bing' líng' niquíé' e cajo.

13

Coo' júu^ já' e lafa' júu^ cuento quiá'- mi~ bí' dsea' mijú'
(Mr. 4:1-9; Lc. 8:4-8)

¹ Jo 'ñia' ie~ jmii~ jo cagüi'üüb Jesús fí jo, jo cangór~ cangogüear' fí 'ni' guieé Galilea. ² Jo cō' i 'leáam~bî dsea' caseáng' fí jo, joba' Jesús cajgóor~ fí yú^ cō' móo' e nisi' e fí 'ni' e guieé do jo fí job caguár'. Jo dob teáng~ jaléng' dsea' fí 'ni' jmii~ lajee~ jo. ³ Jo catí job canaang' e' Jesús jaléng' i dsea' do jmiguiüüb jalé' júu^ quiá'r~, jo casí~reiñ' cō' júu^ já'~ e lafa' júu^ cuento jo cajíñ'~:

⁴ —Cō' nées~ jaang' dsea' cangór~ cangobír' mijú' quiá'r~. Jo mi~ tí lí~ canaañ' bîr' e mijú' do, e liing'~ do cajiá' lí~ ngúing' fí, jo tab' cagó' jalé' e jo. ⁵ Dsa' e liing'~gui e mijú' do cangotóo'~ jee~ cūu~ fí lí~ ja' 'leáang~ guóo'~ néé, jo e mijú' jo lajmináb~ ca'iaang', cō' nib~ guóo'~ uó~ cangotóo'~. ⁶ Jo dsa' mi~ tí lí~ cangíng~ iee, lajmináb~ caliquiá', cō' ja' a' cangotóo'~ jmó^ quiá'~. ⁷ Jo e liing'~gui e mijú' do cangotóo'~ jee~ mijú' 'matóo', jo dsa' mi~ cacuáng~ e mijú' 'matóo' do cajmées' niúm' quiá'~ e mijú' e guiá' do. ⁸ Jo e liing'~gui e mijú' do cajiá' lí~ jlo'^ uó~ jo jlob'^ cacuó' e mijú' do mi~ cacuáng~; jo e liing'~ e mijú' do cacuó' lí'^ lí' cien mí'^ lacamí'^, ⁹ jogui e liing'~gui do cacuó' jii'~ sesenta, jo e liing'~gui jii'~ treinta. Joba' fii~ i 'nú' jaléng' na' e ii' 'nú' dsea' sea' loguá' na', inúu~ na' jalé' júu^ quié~ e!

E~ uiing' e cajíng'~ Jesús jalé' e júu^ do

(Mr. 4:10-12; Lc. 8:9-10)

¹⁰ Jo mi~ cató' e café' Jesús jalé' e júu^ na, jo cangoquiéeng' i dsea' quiá'r~ do fí lí~ guiiñ' jo cajmingí'r~ dsea' do lala:

—¿Jialí' fí' jaléng' i dsea' i caseáng' na cōo'~ jalé' júu^ já'~ e lafa' júu^ cuento?

¹¹ Jo lalab cañí' Jesús quiá'~ i dsea' quiá'r~ do jo casí~reiñ'~:

—Jo 'nú' nicangíng' na' quiá'~ Fidiées' e ngáng' na' jalé' e ja' mí' ñí' dsea' jéeng' gui e dsea' î iñ' cár' nifí' quiá'~ lajaang' lajaang' dsea' jmigüí', jo dsa' jaléng' i dsea' na ja' cangáñ' e ngáiñ' e jo. ¹² Cō' i dsea' i nicangíng' e ngáng' jiu' júu^ quié~ e jmiguiü'guiü' niñíñ' e ningáiñ' e jo, joba' lalím' nilisea' quiá'r~; jo dsa' i dsea' i ja' niñíng' e ngáiñ' jii'~ capí'^ e jo, joba' nigüeáb' lajii'~ capí'^ e ngáiñ' e ngáiñ' do. ¹³ Jo uii~ e lajob lí', joba' fii~ i jaléng' i dsea' na cōo'~ júu^ já'~ e lafa' júu^ cuento; cō' jaléng' i dsea' na lím~bre e jné'bre, dsa' ja' jné'r'; jogui lím~bre e núu'bre, dsa' ja' núu' o'gui ngáiñ' cajo. ¹⁴ Jo cōo'~ i dsea' na lití~ laco' jii'~ júu^ e cajíng'~ Saí'^, jaang' i café' cuaiñ'~ quiá'~ Fidiées' malí~gui eáang' mi~ cajíñ'~ lala:

Jial fa' jialgui la núur' dsa' ja' e ningáiñ',

jogui fa' jialgui la jøor~ dsa' ja' e ninír'.

¹⁵ Dsacō' jmang'~ e ja' dseem'ba' í dsí' i dsea' seeng' fí la;

jogui jnii'bre loguar~ cō' ja' iñ'~ ninúr~,

jogui jnii'bre jminir~ cajo cō' ja' iñ'~ nijøor~,

jo lajobi ja' cuóøng' ningáiñ' jii'~ cōo',

jo lajobi cajo ja' niquí'~ jíng' yaaiñ' fí quinií~

e laco' jnea~ nijmi'leáan'nre.

¹⁶ Joba' fii~ i 'nú', dsea' nilíng' na' dsea' quié~ e, juguiá~ jiu' quií~ na', cō' seab' jminí' na' cōo'~ e cuóøng' jøø' na', jogui seab' loguá' na' cōo'~ e cuóøng' núu' na'. ¹⁷ Jogui jnea~ jmitaa' óo' na' e fíim' dsea' i café' cuaiñ'~ quiá'~ Fidiées' malí~gui eáang' cōo'~ gui jaléng' dsea' i ée' guiá' cali' iñ'~ ninír' lajii'~ e cangíng' 'nú' e móo~ na' jmii~ na, dsa' ja' cangár~; jogui cali' iñ'~ e ninúr~ lajii'~ e núu' 'nú' lana, dsa' ja' canúur~ cajo.

Mí~ cajíng'~ Jesús e guóng' e júu^ quiá'~ i dsea' bí~ mijú' do

(Mr. 4:13-20; Lc. 8:11-15)

¹⁸ 'Núu~ na' júu^ quié~ e, lana nijmées'~ duu 'nú' júu^ e~ guóng' e júu^ quiá'~ i dsea' bí~ mijú' do. ¹⁹ Jaléng' dsea' i núu' jalé' júu^ quiá'~ jial quie' Fidiées' nifí' quiá'~ dsea' jo dsa' ja' ngáiñ' e júu^ jo, joba' jaléng' i dsea' í'bing' i líng' laco' e mijú' e ca' líng' fí' guiá'^ fí' do; cō' dsifí' lanab guieé' fii~ i 'líng'^ jo ím~bre lajii'~ e nicangáng' i dsea' do. ²⁰ Jogui e mijú' e cajiá' fí' jee~ cūu~ do guóng' quiá'~ jaléng' dsea' i tí' dsí' núu' júu^ quiá'~ Fidiées' jogui

tí dsíir' íñ' cajo; ²¹ jo dsu' laco' e mijú' do ja' lí' sea' lí' nisó' jmó' quíá' jmguiá', joba' lajob lí' cóo' i dsea' í, cateá'ba' e té'r' e siñ' teá' cóo' e júu' jo; jo dsu' mi' dsingíñ' e huíng' uí' e já' líñ' e júu' do, joba' ladsifí lanab tá'tur e já' líñ' e júu' jo. ²² Jogui e mijú' e cajiá' fí' jee' mijú' 'matóo' do guóng' quíá' jaléng' dsea' i núu' júu' quíá' Fidié', jo dsu' eáang'gui guing' dsíir' jalé' ta' lí' cuu' fí' jmgüi' la, jogui eáam' jmgóo' e cuu' do quíá'r'. Jo có' lajob líñ', joba' íim' dsíir' lajii' e júu' do; jo lajoba' íim' quíá'r', có' ja' cuør' fí' fa' e nidsicuáng' e júu' do quíá'r' e laco' teá'gui nisíñ' fí' guíá' cóo' Fidié'. ²³ Jo dsu' e mijú' e cangotóo' lí' jlo' uó' do guóng' quíá' jaléng' dsea' i núu' júu' quíá' Fidié' jogui ngám'bre jalé' e júu' jo, joba' eáam' dsicuáng' quíá'r' cóo' e júu' jo. Jo i líng' i dsea' í líñ' laco' e mijú' e cacuø' laji' cien mí' lacamí' do, jogui i líng'gui i dsea' do líñ' laco' e mijú' e cacuø' jii' sesenta mí' lacamí', jogui i líng'gui líng' laco' e mijú' e cacuø' jii' treinta mí' lacamí'.

Coo' júu' já' e lafa' júu' cuento quíá' onuu' guí'

²⁴ Jo mi' cangí jo, cajíng' gui Jesús casí'r' jaléng' i dsea' ngí cóo'r' do coo'gui júu' já' e lafa' júu' cuento jo cajíñ':

—Lalab lí' mi' Fidié' quier' nifí' quíá' dsea': Jo e jo lí' laco' jaang' dseañu' i cangojní micui'iee' jlo' fí' lí' nicajír'; ²⁵ jo dsu' lajee' uøøb' caguié' jaang' i 'ní' ní' quíá' i dseañu' í jo cangoteá'r' mijú' onuu' guí' fí' jee' mijú' cui'iee' quíá' i dsea' do, jo mi' cangí jo caquim'-tur. ²⁶ Jo mi' tí lí' canaang' cacuáng' e mijú' cui'iee' do jo canaang' ca'ia' láa' quíá', jo mífíng' cajném'bi cajo e onuu' guí' do. ²⁷ Joba' i dsea' jmóo' ta' quíá' e cui'iee' do caguijmée'bre júu' i dsea' fii' do cuaiñ' quíá' e onuu' guí' e nica'iaang' do, jo lalab casí'-reiñ' do: “Fí'ii', jmang' mijú' jlob' e caguijní 'nua' fí' ní' guóo' uø' quí' do. Joba' ¿jie' lí' cajá' jú' quíá' e onuu' guí' e nica'iaang' do?” ²⁸ Jo lalab cañí' i dsea' fii' do quíá' i dsea' 'léeng' quíá'r' do: “Dsea' i 'ní' ní' quíé'-baa, íb' lí' dsii' i cajmée' lajo.” Joba' cañí'tu i dsea' 'léeng' do quíá' fii' jo casí'-reiñ': “Cuø' 'nua' júu', fí'ii', e nidsisé'naa' jalé' e onuu' guí' do.” ²⁹ Joba' cañí'tu i dsea' fii' do quíá' i dsea' 'léeng' quíá'r' do: “U~, có' fíng' song' cagüitøø' e onuu' do, jo la quie' tí' e cui'iee' dob dseáang' nigüitøø' jóng. ³⁰ Joba' guíá' gui' güisíe' lado jo güicuaang' colíng' cartí' mi' nití' í' e nihuí' e cui'iee' do; jo i dsea' i nisíñ' n i nisítíng' e jo, nifí'ire e nisó'r' la'uii' e onuu' guí' do jo niguiár' tá' có' nibøø' jo ngí jo nitó'r' jí; jo mi' níngí, joguiba' nisítíñ' e cui'iee' do jo nitá'r' ée' quíá'.”

Coo' júu' já' e lafa' júu' cuento quíá' coo' mijú' e sii' mostáa'

(Mr. 4:30-32; Lc. 13:18-19)

³¹ Jo casí'gui Jesús jaléng' i dsea' quíá'r' do cóo' e júu' lajob cajo jo cajíñ':

—Lalab lí' mi' Fidié' quier' nifí' quíá' dsea': Jo e jo lí' la lí' coo' mijú' e pí' eáang' e sii' mostáa' e jní' dsea' fí' guóo' uø' quíá'r'. ³² Jo e já' e mijú' jo pí'gui eáang' lajee' lajalé' mijú', jo dsu' mi' nicuáng', latí' coo' 'ma' féb' tí', jo cuø' quíá' jaléng' tá' e jmo're' sii' re' fí' lacaang' guo' quíá'.

Coo' júu' já' e lafa' júu' cuento quíá' quie' íñ'

(Lc. 13:20-21)

³³ Jo casí'gui Jesús jaléng' i dsea' quíá'r' do cóo' e júu' lajob cajo jo cajíñ':

—Jo lalab lí' mi' Fidié' quier' nifí' quíá' dsea': Jo e jo lí' la lí' quie' e cáng' jaang' dseamí' fí' jee' ca' íñ' quíá'r'. Jo cóo' jii' capí' e quie' dob jmóo' e róo' jalé' e ca' íñ' do.

E uíng' e café' Jesús cóo' júu' já' e lafa' júu' cuento

(Mr. 4:33-34)

³⁴ Jo jmang' cóo' júu' lanab caféng' Jesús jaléng' i dsea' i ngí cóo'r' do, jo jii' coo' júu' quíá'r' fa' ja' café'r' cóo' e júu' lajo. ³⁵ Jo e júu' na caliti' lí' laco'gui la júu' e caguia' Saí' malí'gui eáang', jaang' dsea' i café' cuaiñ' quíá' Fidié' mi' cajíñ' lala: Nifá'a' jmang' júu' já' e lafa' júu' cuento,

jogui nijmijnéem`baa jalé` júu` e si`maang` lami` jéeng`gui
lati` júi` ie` mi` cajmée` Fidiée` jmigüi`.

Mi` cajíng` Jesús e` guóng` e júu` já` e lafa` júu` cuento quiá` e onuu` guí` do

³⁶ Jo mi` cangí` jo, ca`í`b` Jesús júu` jaléng` i` dsea` ngi` cóo`r` do jo ca`í`r` fi` cóo` dsí` sinúu`.
Jo fi` job cangoquiéeng` i` dsea` guitúung` do quiá`r` jo casí`r` dsea` do e fa` nijméiñ` do júu`
e` guóng` e` júu` e cajíñ` do cuaiñ` quiá` e onuu` guí` e cajní` dsea` fi` li` líng` ee` sijnéé`
dsea`.

³⁷ Jo lalab cañi` Jesús quiá` i` dsea` quiá`r` do:

—I` dsea` i` jni` e mijú` jlo` do, íb` i` dsea` i` jáa` fi` ñíff` e líiñ` jaang` dsea` jmigüi`, ³⁸ jo e fi`
ni` guóo` uó` do guóng` lafa` fi` jmigüi`. Jo e mijú` e jlo` do guóng` lafa` jaléng` dsea` i`
núu` jalé` ta` quiu` Fidiée`, jogui e onuu` guí` do guóng` lafa` jaléng` dsea` i` líng` dsea`
quiá` fi` i` líng` i` ní` níng` Fidiée`. ³⁹ Jogui i` fi` i` líng` i` ní` níng` Fidiée` do, íb` i` cajní`
e onuu` guí` do. Jogui cuaiñ` quiá` e sitíng` lajúi` e cangojneá` do guóng` lafa` mi` tí`
li` ni`líng` jmigüi`. Jogui jaléng` i` sitíng` lajúi` e caroo` do, íb` jaléng` ángeles i` líng` guotii`
Fidiée`. ⁴⁰ Jogui lí` laco` sitíng` e onuu` guí` do jo nidsitoo` fi` ni` jí` e nicó`, lajob cajo
nidsijéé` mi` tí` li` ni`líng` jmigüi`. ⁴¹ Co` jnea`, dsea` i` cagüeng` fi` jmigüi` la e lín`n` jaang`
dsea` jmigüi`, nisí`n`n` jaléng` ángeles quié` e jee` jaléng` dsea` i` quiá`-u ta` quiá` e laco`
nisitíiñ` do jaléng` i` dsea` i` jmóo` e niténg` jaléng` dsea` rúng` fi` ni` dsee` jogui jaléng` gui
i` quí`-tíng` jmóo` jalé` e ja` dseeng`. ⁴² Jo jaléng` i` dsea` í` nitáiñ` fi` li` coo` jí` e ja` tóo` jmii`
yu` jo fi` job ni`líñ` iihuí` e eáang` cartí` niquí`r` jogui nitár` majar`. ⁴³ Jo dsu` jaléng` gui
dsea` i` núu` jalé` ta` quiu` Fidiée`, dob ninír` e guí`-fi` li` guíng` Tiquí`ii` Fidiée` i` quiu`
ta` fi` la`úng` fi` jmigüi`. Jo jaléng` i` dsea` í`, mi` niguilíñ` fi` jo, nilijíñ` lí` laco`gui la jing`
iee`. Joba` fi` i` nú`, jaléng` na` dsea` sea` loguá` na`, i`nú` na` júu` quié` e!

Coo` júu` já` e lafa` júu` cuento quiá`-coo` e` mo` eáang` e si`ma`

⁴⁴ Jo casí`-gui Jesús jaléng` i` dsea` quiá`r` do coo`gui júu` já` e lafa` júu` cuento jo cajíñ`
lala:

—Jo mi` Fidiée` quier` nifi` quiá` dsea`, lí` lafa` coo` e` mo` eáang` e si`ma` li` ná` uó`. Jo
fing` jaang` dsea` cadsé`r` e si`ma` do, jo mi` cadsé`r` e jo, ni`í` dsíir` e dob ni`meá`-tur calé`
catú` dseáng` e li` cadsé`r` do; jo co` dseáng` eáam` cali`iáang` dsíir` dsu` e cadsé`re` do,
joba` mi` niguieíñ` fi` quiá`r`, ni`ní`-bre lajalé` e sea` quiá`r`, jo nilár` e uó` li` cadsé`r` e
mo` eáang` e si`ma` do.

Coo` júu` já` e lafa` júu` cuento quiá`-coo` cuu` e` mo` eáang`

⁴⁵ Jo casí`-gui Jesús jaléng` dsea` quiá`r` coo`gui júu` lajo jo cajíñ` lala:

—Jo mi` Fidiée` quier` nifi` quiá` dsea`, lí` lafa` jaang` dsea` i` jmóo` ta` láa` jogui ta` `nii`
cuu` e jlo` jogui e` mo`. ⁴⁶ Joba` mi` tí` li` nijíñ` coo` cuu` e jlo` jogui e` mo` eáang`, joba`
nidséiñ` nidsi`nii`-bre lajalé` e sea` quiá`r`, jo lajoba` nilí`r` cuu` e nilár` e cuu` do.

Coo` júu` já` e lafa` júu` cuento quiá`-coo` máa` e sáang` `ñu`

⁴⁷ Lalab lí` cajo mi` Fidiée` quier` nifi` quiá` dsea`: Jo e jo lí` laco` coo` máa` e sáang`
`ñu` e bí` dsea` fi` é` jmiñ` jo lí`r` langíng` íng` `ñu`. ⁴⁸ Jo mi` caróng` e` máa` do e teáang`
`ñu`, joba` i` dsea` jmóo` ta` sáang` `ñu` do ni`óm`-bre e` máa` do fi` `ni` jmiñ`, jo fi` job ni`uóíñ`
jaléng` i` `ñu` i` calí`r` do jo nitáiñ` fi` dsíi` `matá` la lí` i` guíung`-gui jogui nibíim`-bre jaléng`
i` ja` dseeng`. ⁴⁹ Jo lajob nidsijéé` cajo mi` tí` li` nití`-í` e ni`líng` jmigüi`; co` ie` jo nisíng`
Fidiée` jaléng` ángeles i` líng` guotii`-e laco` ni`náiñ` ca` jaléng` i` dsea` i` ca`ée` ga` i` seeng`
jee` jaléng` i` dsea` i` ca`ée` guí`-fi`. ⁵⁰ Jo jaléng` i` dsea` i` ca`ée` ga` do nitáiñ` fi` dsíi` lí` coo` jí`
e ja` tóo` jmii` yu`, jo fi` job ni`líñ` iihuí` cartí` niquí`r` jogui cartí` nitár` majar` uí` jalé`
e nidsingíiñ` do.

Júu` e` mii` jogui júu` e` yuu`

⁵¹ Jo cajmingí`-gui Jesús jaléng` i` dsea` quiá`r` do jo casí`-reiñ` lala:

—¿Su nicangáng' 'nú' jalé' e júu' e fíi' i 'nú' na?

Jōba' cañi' i dsea' do:

—¡Ngám'baa', Fíi'ii'!

⁵² Jō cajíng' gui Jesús jō casí'-reiñ':

—Mi' jaang' tifa' quiá'- júu' quiu' ta' quiá'- dsea' Israel jmitíiñ' e quiá'- mi' Fidié' quiér' nifi' quiá'- dsea', jōba' íb' tifa' i líng' laco' jaang' dsea' fii' coo' 'núu' e guiar' líng' langúng' íng' e dsé'r' e fí' sinúu' quiá'- do, doñi' si 'mí' osi yúu' é, co' dseáng' sití'bre lajalé'.

Mi' caguiéng'-tu Jesús fí' góor' e sii' Nazaret

(Mr. 6:1-6; Lc. 4:16-30)

⁵³ Jō mi' catáng' Jesús e fé'r' jalé' e júu' já'- do e lí' lafa' júu' cuento, jōba' cagüi'í'bre fí' jō, ⁵⁴ jō caquim'-tur fí' góor' li' sii' Nazaret, jō fí' jōb canaang'tur e'r' jaléng' dsea' júu' quiá'- Fidié' fí' dsí' sinúu' guá'- quiá'- dsea' góor' dsea' Israel e si' fí' jō. Jō lajalém' i dsea' i núu' e júu' quiá'- do, eáam' dsigá' dsíiñ' jō fé'r' lala cuaiñ' quiá'- dsea' do:

—¿Jie' fí' li' cajmitíng' i dseañu' na lajalé' e tñiñ' na? ¿Jial tñiñ' jmóor' jalé' e li' e quí'r' jmí' e dsigá' dsí' dsea'? ⁵⁵ Jō ¿su o' i nabi jóo' Sé' i líng' tí'ma' i seeng' fí' la, jogui' niquiá'r' sii' Yá'? Jogui' i nabi rúng' Tiáa' cóo' gui' Sé' jogui' Simón cóo' gui' Judas, ⁵⁶ jogui' labi neáng' i rúñ' dseam' do jee' jnea'aa' cajo. Jō i dseañu' na ja' ñí' jial jmóor' e tá' tñng' lir.

⁵⁷ Jō jaléng' dsea' i teáng' do lajōb fé'r', jōba' ja' iñ' fa' já'- calíñ' dsea' do. Jō dsu' Jesús cajíñ' casí'-reiñ' lala:

—Doñi' jiéb' jmí'gó' dsea' jaang' dsea' i fé' cuaiñ' quiá'- Fidié', dsu' fíng catí' fí' góor', jii' jaang' jō i' jmí'gó' ír' jogui' lajōbi fíng catí' fí' quiá'- cajo.

⁵⁸ Jō e fí' jō ja' 'leáng' jalé' li' e quí' jmí' e dsigá' dsí' dsea' cajmée' Jesús, dsuco' ja' já'- calíng' dsea' ír'.

14

Mi' cajúng' Juan i seáng' dsea' jmí'

(Mr. 6:14-29; Lc. 9:7-9)

¹ Jō ie' jō niseeng' jaang' dseata' dsea' féng' i sii' Herodes i quiu' ta' latøng' li' se' Galilea. Jō i dseata' í, mi' caliñir' lajii' júu' e fé' dsea' quiá'- Jesús, ² jōba' lalab casí'r' i dsea' i jmóo' ta' quiá'- do ie' jō:

—Jangám' i nabi Juan i lami' seáng' dsea' jmí' jō e nicajíb'tur calé' catú'. Jōba' eáam' quí'r' jmí' cóo' jalé' e li' e dsigá' dsí' dsea' e jmóor'.

³⁻⁴ Jō ie' lami' jéeng'gui do i dseata' Herodes do 'nuñí' cataiñ' i Juan do. Jō caqui'r' ta' e ca'ñung' dsea' do cóo' ñí' cadena fí' dsí' 'nuñí' uí' i dseam' i sii' Herodías i calí' dseam' quiá'- Lii' rúng' dsea' ngáang' cóo' i dseata' Herodes do. Co' ie' jō i Juan do cajím-bre dseata' Herodes jō casí'r' e ja' catíng' e jmóor' e jeeiñ' lafa' dseam' quiá'- oo' dseañu' rúñ' i ngáang' cóo'r' i sii' Lii' do.

⁵ Jō mi' canúu' dseata' Herodes e júu' jō, jōba' dseáng'- lami' iñ' nijngám'-bre i Juan do, jō dsu' ja' cajmée'r' lajō co' 'góm'bre jaléng' dsea' fii'; co' lajím' dsea' já'- líiñ' e i Juan do líiñ' jaang' dsea' i fé' cuaiñ' quiá'- Fidié'. ⁶ Jō jo' huøø' ngó' mi' ngí' jō mi' catí' jmí' quiá'- dseata' Herodes e cadsí'r' jii'. Jō i Herodías do niseeng' jaang' simí' quiá'-, jō i simí' í' cagüi'í' e cadséiñ' dseáng' fí' quini' li' neáng' i dsea' simíng' do. Jō co' eáam' catí' dsí' i dseata' Herodes do lajii' e cajmée' i simí' do, ⁷ jōba' casí'-reiñ' do e dseáng'- nicuó'-bre lí' doñi' e mí'-biñ' do. ⁸ Jō i simí' do, co' niteáaiñ' júu' quiá'- niquiá'r', jōba' casí'r' i dseata' Herodes do lala:

—Cuøø' jnea' mogui' Juan i seáng' dsea' jmí' e iu' fí' dsí' coo' huí'.

⁹ Jo dsu' i dseata Herodes do fi'ib^ eáang' caliñ~ mi~ canúur~ e júu^ jo lifa' jo ñir' e~ jmé~bre, co' jéem' nicacuør' júu^ quiá'r~ fi' quini' i dseamf do jogui fi' quini' i dsea' simíng' do e nicuó'~breiñ' do lí^ doñí ee' mí~biñ'. Jöba' jo' e míf caliseá quiá'r~ jo jii~ lajõb cajméer'. ¹⁰ Jo caquiur' ta~ dsea' quiá'r~ e caquiur'biñ' mogui~ i Juan do catí' lí~ iuuiñ~ dsí' 'nuñí'; ¹¹ jo iu~ fi' coo' dsí' huñb' cacór~ jo cacuør' i dseamf do, jo íguib cangñng' fi' jaguó' niquiá'r^ e huñ do.

¹² Jo mi~ cangf jo, caguilíng~ jaléng' dsea' quiá'- i Juan do e fi' jo, jo cató~bre i 'lii' do e cango'áang'neiñ'. Jo mi~ cangf e ca'áaiñ~ dsea' do, jo cangolíim^bre cangojmée'r~ júu^ Jesús quiá'- lajii~ e nicalí' do.

Mi~ cahéng' Jesús ñiá' mil dsea'

(Mr. 6:30-44; Lc. 9:10-17; Jn. 6:1-14)

¹³ Jo mi~ caliñí Jesús e nicajngam' dsea' Juan i seáang' dsea' jmiñ do, jöba' cagüi'f'bre 'ñia'r' e fi' lí~ táaiñ' do jo cangór~ fi' coo' lí~ ja' iñ' 'ga' lí dsea' seeng' e iuuiñ~ fi' dsí' coo' móo'. Jo dsu' mi~ caliñí jaléng' dsea' i seeng' có~ quiá'- do e ñingóo' Jesús, jöba' dsifib' cangolíiñ~ fi' lí^ lí~ ngóo' dsea' do lifa' la tóo' guóo'~ uób~. ¹⁴ Jo mi~ tí lí~ cagüi'f' Jesús e fi' dsí' móo' do, dob niteáang~ i dsea' leáang~ do, jo calí' fñ~ lím~bre jaléng' i dsea' do jo cajmi'leáam~bre lajaléng' dsea' dsée'~ i jéeiñ' do. ¹⁵ Jo co' ie~ jo ñingóo' canuub', jöba' i dsea' quiá'- Jesús do cangoquiéiñ' fi' lí~ sing' dsea' do jo lalab casí'-reiñ':

—Fii'ii', nicanuub' la, jo jii~ jaang' dsea' neáaiñ' có~ quiá'- la, fa' ni'f'ba' júu^ jaléng' i dsea' na e güiguilíiñ~ fi' lí~ lí~ neáang' dsea' jo fi' jöb nidsileáar' capí'^ e nidó'r~, co' ja' e sea' fi' la.

¹⁶ Dsu' mi~ canúu~ Jesús lajo, lalab cañír' quiá'- i dsea' quiá'r~ do:

—Ja' 'né' dsilíng~ i dsea' na e nidsi'néer~ e dó'r~, co' 'náb' 'né' cuó'^na'r e jo.

¹⁷ Jöba' cañí' i dsea' quiá'r~ do lala:

—Jii~ 'ñiá' iñí'^ cóo'~gui gáang' 'ñu, jii~ jöba' sea' qui~naa' lana.

¹⁸ Jöba' lalab cañí'tu Jesús quiáiñ' do:

—Cuóø'~du' jnea~ e jo fi' la.

¹⁹ Jöba' caquiur' Jesús ta~ i dsea' fíng' do e nigüeáiñ' tá'- có' nibøø' fi' jee~ ñii'. Jo mi~ cangf jo, catíng~ Jesús laji' 'ñiá' e iñí'^ do cóo'~gui laji' huáang~ i 'ñu do jo cajóør~ fi' yá'^ jmigüi', jo lajõb cacuør'~ gui'máang'~ Fidiée' quiá'- jalé' e do. Jo ngf jo, cafíim~bre e iñí'^ do jo cacuør' i dsea' quiá'r~ do, jo íguib cajméé' guiéé' jee~ jaléng' i dsea' i fíng' do. ²⁰ Jo lajiim' i dsea' do cagó'r' guiá' ie~ jo car' calitaaiñ~. Jo mi~ calí' gó'r', caseám~bi guitu'gui 'matá' jalé' 'ná'^ iñí'^ cóo'~gui jalé' 'náng'^ i 'ñu do. ²¹ Jo lajee' lajiing' dsea' i cagó' do ie~ jo tíir' 'ñiá' mil yaang~ dseañu', jo ja' lí'íng' dseamf cóo'~gui jaléng' jiuung~.

Mi~ cangf Jesús fi' ni~ jmiñ'

(Mr. 6:45-52; Jn. 6:16-21)

²² Jo mi~ cangf jo, caquiur' Jesús ta~ i dsea' quiá'r~ do e cangotáaiñ~ do fi' dsí' móo' jo nicuá'r~ e guiéé' do jéeng'guir laco' dsea' do, lajee' e táaiñ' e i'r' júu^ jaléng' i dsea' i caseáng' do ie~ jo. ²³ Jo mi~ catáiñ' e i'r' júu^ jaléng' i dsea' do, joguiba' cajgóor~ fi' coo' yá'^ mó' 'ñia'r' lado e cangoféiñ'~ Fidiée'. Jo coob' mi~ tí lí~ ca'í' núu^, jo dobi táaiñ' 'ñia'r' e fi' yá'^ mó' do, ²⁴ jogui e móo' e lí~ teáang'~ i dsea' quiá'r~ do ñingo' huim~ laco'gui 'ni' guóo'~ uób~. Jo lajee' jo, dsíng'~ niróo~ jmiñ jogui ni'lea' jmiñ e móo' do, co' lí^ lí~ jiéb' í' guí laco' la ngóo' e móo' do. ²⁵ Jo ñingóo' nijneáb' mi~ cangoquiéeng' Jesús fi' ni~ jmiñ fi' lí~ ñingo' e móo' e lí~ teáang'~ i dsea' quiá'r~ do jo e ngí'bre cangáiñ'~ e fi' ni~ jmiñ do. ²⁶ Jo mi~ tí lí~ cangá~ i dsea' do e ngí' Jesús ni~ jmiñ, jöba' ladsifí lanab ca'óor' e cafóíñ' jo cajíñ'~:

—Jaang' dsea' guib' do!

²⁷ Dsu' Jesús cañír' quiá'- i dsea' quiá'r~ do jo casí'-reiñ':

—iTeá' teáang' óo'na', co' jneab~ la, jo ja' fóøng'~na'!

²⁸ Jöba' cañí' Tá' Simón quiá'- dsea' do jo cajíñ'~:

—Fíi, song já' e 'nə̀, jə̀ba' sí' jnea~ e ningi~ fí' ni~ jmi~ cartí' nijín'n 'nə̀.

²⁹ Jə̀ba' cañí' Jesús quiá'- dsea` do:

—Nea~ fí' la jə̀.

Jə̀ lajə̀b cajmé' Tú^ Simón, jə̀ cajgám-bre li~ dsíiñ^ fí' yá'^ e móo' do jə̀ cangoquiéiñ' fí' li~ sing' Jesús. ³⁰ Jə̀ dsu' lajee~ ngóor' ngir' ni~ jmi~b' mi~ calilí'r^ e dsing'- bíng- guí' e í' do, jə̀ba' cafóm'bre; jə̀ mifíng` ninaang` dsi'am'bre jóng, jə̀ba' ca'óor' jə̀ cajíñ'-:

—jLeang- jnea~, Fíi!

³¹ Jə̀ dsifí' lanab catíng- Jesús guoo' Tú^ Simón e laco' ja` nidsi'aiñ' do jə̀ casí'- reiñ':

—jiali' dseáng'- ja` ga' lí' já'- lín' júu^ quié~e, jə̀gui jiali' tú- ca'íi' o'!

³² Jə̀ba' mi~ tí' li~ cajgóor- laji' huáaiñ- do e fí' yá'^ móo' do, ladsifí' lanab ca'uaang- e í' guí'. ³³ Jə̀ jaléng' dsea` quiá'- Jesús j caguaang- do j teáang' dsíi' e móo' do canaiñ' sí'r' uó- jnir~ fí' quini~ dsea` do e jmiféng'neiñ' jə̀ cajíñ'-:

—Dseáng' e jáb'- e 'nə̀b lín' j Jə̀ Fidié~ dsea` guing~ ñiff-.

*Mi~ cajmi'leáang- Jesús jaléng' dsea` dsé~ fí' Genesaret
(Mr. 6:53-56)*

³⁴ Jə̀ cacua'bre e guiéé' do e teáang'-túr fí' dsíi' móo', jə̀ caguiliñ- fí' coo' li~ sií' Genesaret. ³⁵ Jə̀ mi~ calilí'^ jaléng' dsea` j seeng' fí' jə̀ e dob táang' Jesús, dsifí' lanab cani'r' júu^ fí' la'úng- fí' li~ se' e fí' jə̀ jalé' e júu^ jə̀. Jə̀ jaléng' j dsea` í' cangoliñ- cangojéiñ' jaléng' dsea` dséé~ j seeng' quiá'r- fí' li~ táang' Jesús, ³⁶ jə̀ camí'r' dsea` do fí' e fa' capí' 'ni' síb'^ dsea` do nigüi'r-; jə̀ jaléng' j dsea` j lí' güi' fa' capí' 'ni' sí'^ dsea` do, dseáng'- 'láam-bre lajii~ jmohuí' e líiñ'.

15

*Jial lí' mi~ jmíróng' dsea` dsee~ yaaiñ~
(Mr. 7:1-23)*

¹ Jə̀ mi~ cangí' jə̀, cangoquiéeng' fí' li~ sing' Jesús coo' tú- máng' dsea` Israel j líng' dsea` fariseo cóo'~gui tú- 'ni' máng'~ tifa' quiá'- júu^ quiu' ta~ quiá'- dsea` Israel, jə̀ jaléiñ' do jalíiñ- fí' Jerusalén, jə̀ cajmíng'r- dsea` do lala:

² —jiali' jaléng' dsea` quií'- ja` ru'r' guóor' laco' qui'- títng' 'lii~ dsea` áang' qui'-naa' mi~ ná'-gui e nidó'r' ir~?

³ Jə̀gui Jesús cajmíng'r- j dsea` do lala:

—Jə̀ jiali' 'nú' cajo ja` jmi'goo'na' lajii~ ta~ quiu' Fidié~, co' lico' jmití'-na' lajii~ e qui'- títng'na' yaam~ba'? ⁴ Co' lalab jíng'- Fidié~: “Jmi'goo' tiquí'^ cóo'~gui niquí'^”, jə̀gui “j dsea` j cuo' júu^ 'li'^ tiquiá'^ osi niquiá'^ é, ní'- í' e 'né- nijúum- j dsea` í.” ⁵ Jə̀ dsu' 'nú' fó'na' e jaang' dsea` cuóom` nisí'r' tiquiá'r^ osi niquiá'r^ é: “Ja` cuóong` lí' jmico'~o 'nə̀ lana, co' lajib' e sea` quié~e nicacuóo-ø Fidié~”; ⁶ jə̀gui fó'na' cajo e lí'^ doñi' jii' j café' e júu^ la jə̀ catíng- fa' e nijmicóo'~guir tiquiá'r^ osi niquiá'r^ é. Jə̀ lajə̀b lí' cóo' 'nú', co' jə̀ jíi~na' fa' jmití'gui' lajii~ júu^ quiá'- Fidié~ e cajme' dsea` malii~gui, jə̀ jii~ e qui'- títng'na' yaam~ba' jmití'na'. ⁷ j jmicang~ j la 'nú' cóo'~ jalé' e fó'na'! Co' jáb'- laco' jii~ júu^ e café' Saíi', jaang' j café' cuaiñ' quiá'- Fidié~ malii~gui eáang' mi~ café'r' uii~ quií'na' lala:

⁸ Jaléng' j dsea` na lico' fé'bre e jmi'gór' jnea~ jii~ cóo'~ layaang~ júu^ quiá'-bre, dsu' huím- seeng' jalé' e í' dsíir' do e jmi'gór' jnea~.

⁹ Jə̀ dsu' jii~ cóo' ja' e ta~ íng^ quiá'r- jial e jmiféiñ' jnea~, co' lajii~ ta~ quiu' dsea` jmigüi'ba' jmóor'.

¹⁰ Jə̀ mi~ cangí' jə̀, cató'- Jesús jaléng' j dsea` j siseáng' do jə̀ casí'- reiñ' lala:

—Núu`na' jogui jmee`na' úung` e ningáng`na' e júu` la: ¹¹ Jíi` coo` e í` gø' dsea` ja` cuóøng` lí` jmé` e nili`liiñ`^ fí` quini` Fidiéé`, co' lajii` júu` e uøø` fí` mo'oob` dsea`, jii` e joba' cuóøng` lí` jmé` e nili`liiñ`^ fí` quini` Fidiéé`.

¹² Jo cangoquiéeng` i dsea` quiá`- Jesús do fí` lí` sing' dsea` do jo cajmingí`-reiñ` lala:

—Fíi`naa', ¿ñí`^ e 'nib` catiing` dsea` fariseo e júu` e café` na 'micú`-?

¹³ Joba' cañii` Jesús quiá`- i dsea` quiá`r` do jo cajín`- lala:

—Lí`^ doñi` ee` onuu` e sea` fí` guóo`~ uø` e o' Tiquié`e dsea` guing`~ ñifi`- cajní`, nigüitøøb`~ e jo cati` jmó`^ quiá`-. ¹⁴ Joba' fii`-i 'nú`, ja` jmiijing`na' jaléng` i dsea` fariseo do; co' i dsea` í` líiñ` lafa' dsea` tiuung` i jeeng` jaang`gui dsea` tiuung`. Jo ja` lí` jii` jaang` dsea` tiuung` nijéiñ`- jaang`gui dsea` tiuung`, co' fíng song cajméer` lajo, joba' laji` huáam`-bre dseáng`- nijiúúñ` fí` í` jóng.

¹⁵ Jo mi` cangí` jo, cajíng`- Tú` Simón casí`r` Jesús:

—Fíi`, ¿já`^ jiéé` o' jméé`~ jnea`^ júu` e` guóng` e júu` e café` na 'micú`-?

¹⁶ Joba' cañii` Jesús quiá`- Tú` Simón:

—Jo ¿su o'gui 'nú` mi` ngám`bi` júu` quié`-e cajo? ¹⁷ ¿Su ja` ñí`na' e lajalé` e í` gø' dsea` ngíng` fí` dsii` tu`r', jo mi` jo` ee` ta` íng`^, joba' uøøb` jóng fí` lí`- caluu`? ¹⁸ Jo dsu` jalé` júu` e uøø` fí` mo'oo` dsea`, fí` dsíib` dsea` lí` jalí` jalé` e jo, jo e joba' jmóo` e jmirøng` dsee`- yaang` dsea`. ¹⁹ Co' fí` dsii` dsea` lí` jalí` jalé` e ga` e í` dsíir', jo e jo quiéeng` e jngang` dsea` rúñ`^, osi e 'lee` dsea` e güiñ`^ cóo`~ dsea` i o' quiá`r`, osi e jmóo` dsea` jalé` e ja` tíi` ta` e lí` dsii` ngúu` táaiñ`, osi jmóor` í`^ é, osi ngir` ta` quié` júu` e o' já`-, osi jmineaiñ`^ dsea` rúñ`^ é. ²⁰ Jo jalé` e 'lí`^ lanab e jmóo` e jmirøng` dsee`- yaang` dsea`, jo o' uii`~ e ja` jmitir` lajii`~ e qui`- tíng` dsea` e ru`r` guóor` ná`-gui e nidø`r`- ir`, co' e jo ja` jmóo` e lirøøng` dsea` dsee`-.

Mi` já`- calíng`- jaang` dseamí` i ja` líng` dsea` Israel júu` quiá`- Jesús

(Mr. 7:24-30)

²¹ Jo mi` cangí` jo, cagüi`íib` Jesús fí` jo, jo cangór` fí` lí` se' Tiro cóo`-gui fí` lí` se' Sidón.

²² Jo mi` caguiér` fí` jo, jaang` dseamí` cananea i niguiing` fí` jo cangoquiéeiñ` fí` lí` sing` dsea` do e áññ`^ teá` lala:

—iFíi`, siju` dseata` dsea` féng` Davi`, fii` güilín` jnea` jo jmi`leáng` i simí` quié`-e, co' jaang` i 'ling`^ iuung` dsíir`!

²³ Jo dsu` jii`~ camí`^ júu` ja` e cañii` Jesús quiá`- i dseamí` do. Jo i dsea` quiá`r`- dob cangoquiéeng` fí` lí` siñ` jo camí`r` dsea` do jmi`ee` jo casí`r` dsea` do lala:

—Fíi`naa', síi`~ go` i dseamí` na güiguiéiñ`, co' jáar` ta` óo` lí`^ caluu`naa`.

²⁴ Joba' cañii` Jesús quiá`- i dsea` quiá`r` do jo casí`-reiñ`:

—Lajii` ta` e casíng` Fidiéé` jnea` fí` jmi`güi` la e quiá`- nilaan` jaléng` dsea` góo`o dsea` Israel jee` jalé` dsee`- quiá`r`, co' í` líiñ` lafa' jo`se` i sí`ling`^.

²⁵ Jo dsu` mi` canúu`- i dseamí` do lado, dsifí` lajob cangór` cangosí` uø`- jnir` fí` quini` Jesús jo casí`r` dsea` do lala:

—iFíi`, jiéé` o' jmicóo`~ jnea`~!

²⁶ Joba' cañii` Jesús quiá`- i dseamí` do lala:

—Ja` dseeng` e niguí`^ dsea` iñí`^ e gø`^ jiuung` quiá`r` jo nicuø`r` jaléng` dsii`.

²⁷ Joba' cañii` tu` i dseamí` do quiá`- Jesús:

—Jáb`-, Fíi`naa', lajob líi`; dsu` e já`- cajo e j`gui dsii` sitíng`ne` jalé` e cuíi`~ iñí`^ e sojiú` fí` ná`- mes` quiá`- fii`re`.

²⁸ Joba' cañii` tu` Jesús quiá`- i dseamí` do jo casí`-reiñ`:

—iDseamí`, dseáng`- lajam`^ já`- lín`^ júu` quié`-e! Jo güilíb` jii`~ laco' fó` na.

Jo dsifí` lajob ca`láang` i jóo` i dseamí` do.

Mi` cajmi`leáng` Jesús i fíng` dsea` dsé`~

²⁹ Jo mi` cangí` jo, cagüi`íib` Jesús fí` jo, jo caguiér` fí` 'ni`^ guiéé` Galilea jo fí` job cajgóor` fí` coo` yú`^ mó`, jo fí` job caguár`. ³⁰ Jo lajee` jo, i fíng` dsea` caseáng` e fí` lí` guiñ`~ do e jéeiñ`

jaléng' dsea`dsée' quiá'r- i líng' doñí ee` jmohuí; do dsea`jlúung'~, do dsea`tiuung'~, do dsea`bóong'~ cóo'~gui jaléng' dsea` i ja` lí fé', jogui quiém'bi i líng' lí' doñí ee` jmohuí e jíe'gui, jo dob cajmi'leáng- Jesús lajaléng' í. ³¹ Joba' dseáng'- lajim` dsea`cangogá` dsír' ie` jo mi`cangár- e caféb' jaléng' dsea` i ja` lamí` fé', jogui jaléng' dsea`bóong'~ ca'láam-bre, jogui jaléng' dsea`jlúung'~ cangi`bre, jogui jaléng' dsea`tiuung'~ calijné'bre. Jo lajim`bing' do canaañ`jmiféiñ' Fidiée` quiá'- dsea`Israel.

*Mi`cahéng' Jesús quiá' mil dsea`
(Mr. 8:1-10)*

³² Jo mi`cangá jo, cató'- Jesús dsea` quiá'r- jo casí'-reiñ':

—Eám' fí- lín- n jaléng' i dsea` la, có' na ningoó' 'ní jmíib` e taaiñ` fí' la cóo'~ jnea` jo ja` sea` jii'~ cóo' e nidó'r-. Jo ja` iin`n fa' lí' niguiéen`nre lajo fí' quiá'r- e ja` mí' gó'r', có' dseáam'~ fíng ca'uó'r' guiá'~ fí'.

³³ Joba' lalab cañí' dsea` quiá'- Jesús jo casí'- dsea` do lala:

—Jo ¿jial nijmó'oo' jóng? ¿Jie` lí` nidsilé'ee' e nidó' i dsea` fíng' na? Có' tí' lab la ja` ii` dsea` seeng' có- quiá'- la fa' i ni'ní'.

³⁴ Joba' cajmingí'- Jesús i dsea` quiá'r- do lala:

—¿Jó' jii'~ tí' e iñí' e si'mang'~ 'ná' na?

Joba' cañí' i dsea` quiá'r- do:

—Jii'~ guiéb- iñí'~ tí', jogui jii'~ cóo' tú- míng'~ 'ñub'.

³⁵ Jo Jesús caquiá'r' ta` i dsea` fíng' do e caguáñ' do fí' ni` uó'. ³⁶ Jo mifíng' catíiñ- casá'r- e guié- iñí' do cóo'~gui i cóo' tú- míng'~ 'ñu` do jo mifíng' cacuó'r' gui'máng'~ Fidiée`. Jo lí- jo caffim`bre e iñí' do jo cangáñ' fí' jaguó' i dsea` quiá'r- do, jo íguib cajmée` guiéé` jee` lajaléng' i dsea` do. ³⁷ Jo lajim` i dsea` do cagó'r' ie` jo car` calitaañ` guiá-. Jo caróm`bi guié`gui'matá` mi`cangá jo e téé'~ 'ná' e caseáng-. ³⁸ Jo jaléng' i dseañu' i cagó' ie` jo tí'bre la quiá' mil, jo ja` lí'ling` dseamí cóo'~gui jaléng' jiuung'. ³⁹ Jo mi`cangá jo, ca'ib` Jesús júu` jaléng' i dsea` i caseáng' do, jogui mifíng' ca'ir- fí' dsí' móo' jo cangó'r' fí' guóo'~ uó' lí' se' Magdala.

16

*Mi`cali'íng' dsea`Israel e Jesús nijmér- cóo' e lí' quiá'r- jmíi`
(Mr. 8:11-13; Lc. 12:54-56)*

¹ Jo mi`cangá jo, cóo' jmíi` cangolíng` jaléng' dsea`Israel i líng' dsea`fariseo cóo'~gui i líng' dsea`saduceo fí' lí' táang` Jesús, có' iñi` e niguié'r' jial e ni'níiñ- dsea` do fí' quini` dseata`. Joba' camí'r' dsea` do e fa' nijméiñ- cóo' e lí' e quiá'r- jmíi`, jo lajoba' nicuó' lí' e Fidiéeb` dsea` i casí' quiá'r-.

² Jo dsá' lalab cañí' Jesús quiá'- i dsea` do:

—Mi`nica'lóo- lalab fó' 'nú': “Lana ja` jmí' nitú, có' coo` jní' fí' yá'~ jmigüi”; ³ jogui mi` la'ee' fó'na' lala: “Náguijiu jmíib` nitú, có' eáng` nuu` jní' téé'~ fí' yá'~ jmigüi.” Jo song ngám'ba' guiá- lajii'~ e lí' fí' yá'~ jmigüi, joba' ¿jialí' ja` ngáng'na' e` nidsijéé` jmíi` na?

⁴ Jo jaléng' dsea` seeng' jmíi` na dsíng'~ nirøoiñ` dsee- jogui ja` jmitir` júu` quiá'- Fidiée`, jogui mi'r' jnea` e nijmee` e jalé' e lí' e quiá' i jmíi`; dsá' ja` nijmee` e jii'~ cóo' e jo fí' quini', có' nicaliseáb` e jo lamí` jéeng'gui e cangongíng- Jonás, jaang` dsea` i café` cuaiñ` quiá'- Fidiée` malí' gui eáng'.

Jo dob caseáañ` i dsea` do, jo fí' lí' jieb' cangó'r-.

*Jial líng' dsea`fariseo
(Mr. 8:14-21)*

⁵ Jo mi`catáng- Jesús cóo'~ i dsea` quiá'r- do lí' lí' 'ngóo'~ cataang` e guiéé' do, jo cadseng'~ dsí' i dsea` quiá'r- do e ja` iñí'~ quier'. ⁶ Jo casí'- Jesús i dsea` quiá'r- do lala:

—Ñiing~ óo'na' cóo'~ jalé' e e' dsea` Israel i líng' dsea` fariseo cóo'~gui i líng' dsea` saduceo, có' jalé' e e' i dsea` í lí' lafa' quie'~ iní'.

7 Jōba' canaang` i dsea` quiá'~ Jesús do sñiñ` lajee` la'ó' yaaiñ` jō s'í' rúin':

—Uí'~ e ja' iní'~ léé'naa', jōba' jing'~ Fí'naa' lana.

8 Jō có' calilí'~ Jesús lajii'~ e sñng` i dsea` quiá'r~ do, jōba' casí'~ reiñ' lala:

—¿Jialí' fóna' e ja' iní'~ quie'na'? ¿Su dseáng'~ ja' já'~ mí' lí'm`bi' jalé' e quí'~i jmiñ` jmóo'o? 9 Jō ¿su latí' lana ja' mí' cangám'~bi' 'ná' o'gui tóo' óo'na' cajo quiá'~ e 'ñiá' iní'~ e cajmītaan`n lajii' 'ñiá' mil dsea`, jōgui e jmigui'~bi' 'matá' caseáng~ e téé'~ 'ná'~ quiá'~ e jō? 10 Jō ¿su ja' tóo' óo'na' cajo quiá'~ e quie'~ iní'~ e cafiñ~, jō cagó'~ quiá'~ mil dsea`, jōgui e jmigui'~bi' caseáng~ ie~ jō? 11 ¿Su dseáng'~ ja' cuante ca'ba' e o' cuaiñ` quiá'~ iní'~ e júu' e fá'a na? Jōba' fñi'~i 'ná' e jmeáng'~ í' yaang~na' cóo'~ jalé' e e' dsea` fariseo cóo'~gui dsea` saduceo, có' jalé' e jō lí' lafa' quie'~ quiá'~ iní'.

12 Jōgui'~ mí' calilí'~ i dsea` quiá'~ Jesús do lajii'~ e guóng' e júu' e café' dsea` do quiá'~ quie'~ iní'~, có' e laba' s'í' Jesús i dsea` quiá'r~ do e nijméiñ'~ do í' yaaiñ` e ja' niligðoiñ` cóo'~ jalé' júu' e e' dsea` fariseo cóo'~gui dsea` saduceo.

Mí' cajing'~ Tú' Simón e Jesús líiñ' i dsea' i sijeeng' dsea' Israel i nicá' nifí' quiá'r~

(Mr. 8:27-30; Lc. 9:18-21)

13 Jō mí' tí' lí' caguié~ Jesús fí' lí' se' Cesarea quiá'~ Filipo, lalab cajmingi'r' i dsea` quiá'r~ do jō cajíñ'~:

—¿E' fé' dsea` uii' quie'~ jnea~, dsea` i cajá' fí' ñifí'~ jō cagüén~n fí' jmigüi' la e lín'n jaang` dsea` jmigüi'?

14 Jōba' cañí' i dsea` quiá'r~ do jō cajíñ'~ lala:

—I líng' dsea` fé'r e i Juan i lami~ seáng` dsea` jmíib' 'na, jō i líng'~gui fé' e Lí' 'na, jōgui i líng'~gui dsea` éeiñ' 'na e Jeremías osi lí'~ jaang'gui lajee` dsea` i café' cuaiñ` quiá'~ Fidiéé` mali'~gui eáang'.

Jō ngí' jō, jōba' cajmingi' Jesús i dsea` quiá'r~ do jō cajíñ'~:

15 —Jōgui 'ná', ¿i' fóna' e lín'n?

16 Jōba' cañí' i Tú' Simón do lala:

—'Nab` i dsea` i sijeeng` jnea', dsea` Israel, i nicá' nifí' qui'~naa', jōgui 'nab` cajo lín' i Jóo' camíng'~ quiá'~ Fidiéé` i seeng` lata~ do.

17 Jōba' cañí'~tu Jesús quiá'~ Tú' Simón jō cajíñ'~ casí'~ reiñ':

—Juguiá'~ jia quií'~, Tú' Simón, jóo' jaang'gui dseañu' i siñ' Jonás, dsuco' jii'~ jaang` dsea` jmigüi' ja' ií' mí' ca'e' 'na e júu' na, có' Tiquié'e dsea` guing` ñifí'~bing' i nica'e' 'na e na.

18 Jō jnea` fñi'~i 'na e cuu` guóng' e siñ' 'na cajo, jōgui 'nab` dsea` i nilíng` lafa' cóo' cuu` quiá'~ tñi' fñi' quiá'~ guá'~ quie'~e. Jō e guá'~ e ni'uíng~ do quie'~e lí' lafa' jaléng' dsea` i ni'uíng~ dsea` quie'~e, jō ja' sea' bí' quiá'~ 'mó' fa' nijmé~ e ni'íng~ e jō. 19 Jō jneab~ nicuó'~'na, Tú' Simón, cóo' lafa' joñí' quiá'~ ñifí'~ fí' lí' guing` Fidiéé` i quiá'~ ta~ quiá'~ lajaang` lajaang` dsea` quiá'~. Jōba' jalé' e ja' nicuó'~ fí' jee~ jaléng' dsea` quie'~e fí' jmigüi' la, ja' nicuó'~ Fidiéé` fí' quiá'~ e jō cajo. Jōgui lajalé' e nicuó'~ 'na fí' jee~ jaléng' dsea` quie'~e fí' jmigüi' la, jōba' nicuó'~ Fidiéé` fí' quiá'~ e jō cajo.

20 Jō mí' cangí' jō, caquiá' Jesús ta~ i dsea` quiá'r~ do e ja' iñ' nisíñ' do jii'~ jaang` e íbre líiñ' i dsea` i sijeeng` dsea` góor` dsea` Israel i nicá' nifí' quiá'r~.

Mí' cajméé' Jesús júu' e tí' lí' nijngáng'~ dsea' ír`

(Mr. 8:31-9:1; Lc. 9:22-27)

21 Jō latí' ie~ jōb canaang` Jesús jma'r' júu' jaléng' i dsea` quiá'r~ do e fí' Jerusalén 'né' dséng'~tur calé' catú~, jō fí' jōb jaléng' i dsea` cóong'~ i quiá'~ ta~ quiá'~ dsea` góor` dsea` Israel cóo'~gui jaléng' fí'~ jmidsea` quiá'r~ cóo'~gui jaléng' tifa' quiá'~ júu' quiá'~ ta~ quiá'r~, jō jaléng' í'bing' i nicuó'~ ír' iihuí' e eáang' cartí' nijngáñ'~ dsea` do. Jō dsu' mí'

nidsing- 'ní jmi~ e cajúin-, nijíb'tur calé' catú-. ²² Joba' Tú^ Simón cajéeiñ` dsea` do lí` coo` yaaiñ` jo cajím` jiar dsea` do jo casí'r-:

—Ja` güil'iing` dsí' Fidié` e nilí lajo, Fí'naa! Ja` catíng- 'nua` e nilíin- lajo!

²³ Jo Jesús cangoquíeiñ` calé' catú- fí' quini` Tú^ Simón jo casí'-reiñ' do:

—Jéeng- cáan'n, Satanás! Ja` jnín~ jnea` fí'. Co' 'nua` ja` ngáng` laco' jíi~ e í' dsí' Fidié`, co' lajii~ e lí' quiá'- dsea` jmigüi'ba' ní^ 'nua`.

²⁴ Jo mi~ cangí jo, casí'-tu Jesús jaléng` i dsea` quiá'r- do lala:

—Song ii` dsea` iing` ni'uíng- dsea` quié-e, joba' güitár` jalé' e lí' dsír' 'ñia'r' jo güiseaiñ` lafa' crúu^ quiá'r- e laco' cuo' lí' e guía' dsír' e nidsingíin- jalé' e huíng' uíi~ e líiñ' dsea` quié-e, jo lajoguiba' ningír- coo~ jnea` jóng. ²⁵ Co' lí^ doñí' ii` dsea` i' dsí' e lí' bre nileáng- 'ñia'r' jee~ jalé' dsee- quiá'r-, joba' i dsea` í' conguiab' nibíin^ fí' lí' 'lí^; jogui lí^ doñí' ii` dsea` i nijúung- uíi~ e líiñ' dsea` quié-e, joba' i dsea` í' nitíim~ bre fí' quini` Fidié` jóng. ²⁶ Jo jíi~ coo` ja` ee` ta` íng^ quiá'- dsea` jmigüi' e silí'r~ latøng- jmigüi' song ja` gui cuiñ` jnea~, co' ni'ím- quiá'r- mi~ tí' lí' nití- í' e nijúuiñ-, jogui ja` cuoøng` lí' quir- cuu- e laco' nitíin~ fí' quini` Fidié`. ²⁷ Dsaco' jnea~, i Joo' Fidié` i cagüéng- fí' jmigüi' la e lín'n jaang` dsea` jmigüi', nigáab'túu e niniing- 'gøng' quiá'- Tiquié` e colíng~ gui coo~ jaléng` ángeles i líng' guotír- mi~ tí' lí' nití- e í' jo. Jo ie~ job mi~ nicuoøø dsea` lajii~ e catíng- lajaang` lajaaiñ` lí^ jialco' jíi~ lí' ta` e nicajméer' fí' jmigüi' la. ²⁸ Jo fíi- i 'nú' lana e i líng- 'nú' la'ó' teáng-na' la jmi~ na ja` mí' júung-na' cartí' nimó^na' e nigáa' jnea~, i dsea` i cagüéng- fí' jmigüi' la e lín'n jaang` dsea` jmigüi', e nilín'n jaang` dseata~ dsea` féng' i quiá' ta`.

17

Mi~ calisíng- jial jnéeng- Jesús

(Mr. 9:2-13; Lc. 9:28-36)

¹ Jo mi~ cangí jñuu~ jmi~ lajo, cató'- Jesús Tú^ Simón coo~ gui Tiáa~ jogui Juan i líng' rúng' Tiáa~, jo lajee` la'ó' yaam~bre cangolíin^ fí' coo` yá^ mó' e níí' eáang'. ² Jo lajee` teáaiñ- fí' jo, i dsea` do cangár- jial calisíng- jial jnéeng- Jesús. Jo cangár- e jíing' jii' ni~ dsea` do lafa' jii' iee~, jogui si'r^ dseáng'- calité' lafa' jii' e tee` jlo^'. ³ Jo lajee` job cangáiñ- Moi~ coo~ gui Líi^ e teáaiñ- síiñ` colíng~ coo~ dsea` do. ⁴ Joba' lalab cajíng'- Tú^ Simón e casí'r- Jesús:

—Fíi, juguíá- o' e taang~naa' colíng~ fí' la, fa' na nijméé' e 'ní' 'nú' jiu coo~ má^ 'ma~, coo` quií- 'nua, coo' gui quiá'- Moi~ jogui coo` quiá'- Líi^.

⁵ Jo lajee` gui'ná^ fé'bi Tú^ Simón lado, mi~ cajgó- cabøø~ jníí' e jii' jlo^' fí' lí' teáang- dsea` do, jo fí' jee~ e jníí' do guicaná' e líng- ii` guicafé' jo guicajíñ'-:

—I lab Joo'o i 'neáan`n eáang` jo eáam` íáang` dsii- coo'r-. Jmee-na' núu-na' júu^ quiá'r-.

⁶ Jo mi~ canúu- i dsea` gaang` quiá'- Jesús do lajo, dsifí' lanab casijníir^ fí' ni~ uó^ jogui catú' guir~, co' eáam` cafóin'. ⁷ Jo cangoquíéeng' Jesús fí' lí' sijníi^ i dsea` quiá'r- do jo caquidsir' guoor` quiáiñ'- do jo casí'-reiñ':

—Ráang-na'; ja` fóøng-na'.

⁸ Jo mi~ casée` i dsea` quiá'- Jesús do nir~, jíi~ jaang` i dsea` gáng- do jo ii` seeng` e fí' do; 'ñiab' Jesús sing' guir.

⁹ Jo ngí jo cajgám~bre e fí' yá^ mó' do. Jo lajee` jo caquiá' Jesús ta~ quiá'- i dsea` quiá'r- do jo casí'-reiñ' lala:

—Ja` fí'na' jíi~ jaang` lajii~ e cañii-na' e fí' yá^ mó' la cartí' mi~ nití- í' e nijí'tu jnea~, dsea` cagá- a fí' ñiff- e lín'n jaang` dsea` jmigüi'.

¹⁰ Jo mi~ cangí jo, cajmingí i dsea` quiá'- Jesús do cajmingí'r- dsea` do jo cajíñ'-:

—Fí'naa', ¿jialí' fé' i tifa' quiá'- júu' quiá' ta~ quí-ii' dsea` Israel e Líi'bing' i nijáa' nifi'gui?

¹¹ Joba' cañii' Jesús quiáiñ'- do lala:

—E jáb' e Lí'bing' i nijáá nifí, jò í'bing' i niguiá' guiá' lajalé'. ¹² Jò dsu' jnea' gui fí' i 'ná' e nicajáb' Lí', dsu' ja' calijí' dsea' ír, jò cajméeb' dsea' la tí' e já' dsíir' cóo' dsea' do. Jò lajòb' jnea' cajo, i dsea' i caguéng' fí' jmigüí' la e lín'n jaang' dsea' jmigüí', niñim'baa iihuí' cajo e nicuó' jaléng' i dsea' í'.

¹³ Jòb' mi' calilí' i dsea' quiá' Jesús do e dsea' do fé'r' uii' quiá' i Juan i lami' seáang' dsea' jmí'.

Mi' cajmi'leáng' Jesús jaang' siming' i iuung' i 'ling' dsí'

(Mr. 9:14-29; Lc. 9:37-43)

¹⁴ Jò mi' caguéng' Jesús cóo' i dsea' quiá'r' do fí' lí' teáang' dsea' fíng', jò fí' jòb' cangoquiéeng' jaang' dseañu' fí' quini' Jesús jò casí'r' uó' jnir' fí' quini' dsea' do ¹⁵ jò casí' reiñ' do lala:

—Fí'i, fí' güilín' jò'ò, có' contøøm' dsea' e joñíñ', jò seab' mi' quiiñ' fí' ni' jì' osi fí' ni' jmí' é, jò dseáng' eám' íñ' iihuí'. ¹⁶ Jò nicagajéem' baa'r fí' quini' dsea' quií', dsu' ja' mí' cali' í' fa' e nicajmi'leáng' neiñ'.

¹⁷ Jòba' cañí' Jesús jò cajíñ':

—Dsíng' ja' já' líng'na' júu' quié'e, jò jmang' fí' gab' iing'na' cá'na'. ¿Jial nité' lí'i e niliseen' cóo' 'ná'? Nijéng'na' i siming' do fí' la.

¹⁸ Jò mi' caguilíñ' fí' lí' sing' Jesús, jòba' cajíng' dsea' do i 'ling' i iuung' dsí' i siming' do jò lajòb' cangohuíng' i 'ling' do ladsifí' lana, jò ca'láam' i siming' do. ¹⁹ Jò mi' cangí' jò, i dsea' quiá' Jesús do casíñ' cóo' dsea' do lajee' la'ó' yaaiñ' jò casí'r' dsea' do lala:

—¿E' uing' quiá' e ja' cali' jnea' fa' e cajmihuíng'naa' i 'ling' i lami' iuung' dsí' i siming' do?

²⁰ Jòba' cañí' Jesús quiáñ' do:

—Cò' ja' leáng' já' líng' 'ná' júu' quié'e, jò uí' e jòba' e ja' cali'na' cajmee'na' lajò; jò dsu' jnea' jmitaa' óo'na' e fa' capí'ba' já' líng'na' júu' quié'e fa' lacò' jii' e tí' cóo' mijú' mostáa', jòba' cuøøm' lí' quiu'na' ta' cóo' mó' e nilisíng' ée' quiá' lí' sí', jò nidsisíng' 'ñia' fí' lí' jié' facò' lajò. Jò song' lajò, jòba' doñí' eeb' quí'na' jmí' jmee'na' jóng. ²¹ Cò' la'eáang' cóo' e féng' dsea' Fidiéé' jogui' jmóor' ayuno, quí' jmí' e ni'uóng' i 'ling' lado.

Mi' cajméé'tu Jesús júu' e nijnga' dsea' quiá'r'

(Mr. 9:30-32; Lc. 9:43-45)

²² Jò mi' cangí' jò, lajee' e ngí' Jesús colíng' cóo' dsea' quiá'r' fí' lí' se' Galilea, lalab' cajíñ' casí'r' i dsea' quiá'r' do:

—Tí' lí' niguiéeb' í' e jnea', dsea' i cajá' fí' ñiff' e lín'n jaang' dsea' jmigüí', tí' lí' nitén'n fí' jaguó' dsea' jmigüí' ²³ jò cartí' nijngám' bre jnea'. Jò dsu' mi' nití' 'ní' jmí' lajò nijíb'túu' calé' catú'.

Jò mi' canúu' i dsea' quiá' Jesús do lajò, jòba' dsíng' fí' í' calíñ'.

Mi' caquí' Jesús cuu' e catíng' guá'

²⁴ Jò mi' cangí' jò, caguíé'tu Jesús fí' Capernaum colíng' cóo' i dsea' quiá'r' do. Jò i dsea' i jmóo' ta' mí' cuu' e catíng' guá' caguilíñ' fí' lí' sing' Tú' Simón jò cajmíngí'r' dsea' do jò cajíñ':

—¿Su ja' quí' tifa' quí' lajii' cuu' e catíng' niquí' fí' guá'?

²⁵ —Quí'b' dsea' do e jò —cañí' Tú' Simón.

Jò mi' tí' lí' ca'í' Tú' Simón fí' dsí' sinúu', cuøøng' Jesúsbi canaaiñ' sí'r' dsea' do jò cajíñ':

—Janú', Tú' Simón, ¿jial í' o' cuaiñ' quiá' e júu' la? Jò jee' jaléng' dseata' i quiu' ta' fí' jmigüí' la, ¿i' quiá' jaléng' catíng' nicár' cuu' e 'né' quí' dsea' jogui' e cuu' e íng' dsea'? ¿Su quiá' jaléng' dsea' góor' osi quiá' jaléng' dsea' i jalíng' fí' caluub' é?

²⁶ Jòba' cañí' Tú' Simón jò cajíñ':

—Mó' quiá' jaléng' dsea' i jalíng' fí' caluub'.

Jòba' cañí'tu Jesús quiá' dsea' do jò cajíñ':

—Joba' lajii~ e catíng- 'na, ja' né- qui~ jii~ coo. ²⁷ Jo lico' ja' í- dsí' i dsea` do ga` uii~ qui'ii', gua' fí' lí' née' guiéé, jo güibí' 'máa' quií~ jo guiing~ i la'uii~ 'ñu i nili'; jo fí' mo'oo~ i 'ñu í' nisicú' coo` cuu~, jo coo~ jii~ e job nitíng' guiá- quiá- e nigüiquí' quií~ quiá- lajii~ cuu- e catí-naa' niquí'ii' quiá- guá'; joba' quie' e cuu- do jo güiqui~ jóng.

18

¿I~ i niing-gui fí' quini~ Fidié'?

(Mr. 9:33-37; Lc. 9:46-48)

¹ Jo ie~ job cajo jaléng' dsea` quiá- Jesús cangoquiééiñ' fí' lí' sing' dsea` do jo cajmingí'r- lala:

—Fii'naa', ¿i~ líng- 'na i niing-gui mi~ Fidié' quier' nifí' quiá- dsea` jmigüí'?

² Joba' Jesús cató'r- jaang' jiuung~ jo casíñ' i jiuung~ do fí' guiá' jóo' laco' la teáng- i dsea` quiá'r- do ³ jo casí' reiñ' do lala:

—E jáb'- e fii' i 'nú' e song ja` nijmisíng-na' lajii~ e í' óo'na' jogui song ja` ni'uíng-na' laco'gui la líng' jiuung~, joba' ja` nili'na' jóng e Fidié' nicár' nifí' quií-na'. ⁴ Jo lalab fii' i 'nú'; ii~ dsea` i ja` jmiféng' 'ñia' jogui ni'uíng-tur laco'gui la líng' i jiuung~ i sing' la, joba' í'bing' i niing-gui mi~ Fidié' quier' nifí' quiá- dsea`. ⁵ Jo ii~ dsea` i íng' i dsea` i líng' laco' i jiuung~ la la'eáang' coo~ jnea~, joba' güiliñir' guiá- e jneab- iñ' cajo.

Jial dseáang~ e nijiuung~ dsea` fí' ni~ dsee-

(Mr. 9:42-48; Lc. 17:1-2)

⁶ Jo fii-gui 'nú' e doñi' ii~ dsea` i nijmé- e niténg' fí' ni~ dsee- jaang' jiuung~ i nijá'- líng' júu^ quié-e, joba' guiá-gui quiá- i dsea` í' e nidsibíng' 'ñia'r' fí' é' jmiñi' e guineaang' coo` cuu~ 'loo' fí' moluur~ e laco' nineáiñ'- cartí uii~. ⁷ Jo gab' lí' quiá- jaléng' dsea` jmigüí' e sea` coo~ jalé' e jmiróng' yaaiñ~ dsee-, co' coo~ jalé' e job e tóin' fí' ni~ dsee-. Jo dsu' e ngi~ fii'b^ i dsea` i jmoo' e niténg' dsea` ruiñ' fí' ni~ dsee-.

⁸ Joba' fii' i 'na e doñi' si guóo' osi tii~ nijmé- e nitén' fí' ni~ dsee-, joba' jmeáng-gui quií' e niquí'ba' jo nigüibi' cartí lí' huí'. Co' guiá-gui quií' e niguøn' fí' lí' guiá- e ja` sea' guóo' osi tii~ é e laco'gui niguøn' e la'ieb' guotii' fí' lí' coo' jì e ja' tóo' jmi~ yu'. ⁹ Jogui song jminí' nijmé- e nitén' fí' ni~ dsee-, joba' jmeáng-gui quií' e nigüí'ba' jo nigüibi' cartí lí' huí'. Co' guiá-gui quií' e niguøn' fí' lí' guiá- e coo' jminí' e laco'gui niguøn' coo~ lajì tû- jminí' fí' lí' coo' jì e ja' tóo' jmi~ yu'.

Coo` júu^ já'- e lafa' júu^ cuento quiá- jaang' jo'se' i s'í'ling^

(Lc. 15:3-7)

¹⁰ Joba' fii-gui 'nú' e ja' jmi'uóng-na' jii~ jaang' i jiuung~ na. Co' jnea~ fii' i 'nú' e fí' ñifib- seeng' ángeles quiá'r- i neáang' colíng~ coo~ Tiquié'e dsea` guing~ fí' jo. ¹¹ Co' jnea~, i dsea` i cajá- fí' ñifí- e lín'n jaang' dsea` jmigüí', cagá-a e laco' nilaan- jaléng' dsea` i s'í'ling^ uii~ dsee- quiá'r-.

¹² Jogui ¿jial líng- 'nú' e júu^ la? Facó' jaang' dsea` áaiñ` cien jo'se', jo calingüiñ~ e cango'íng' jaang' i jo'se' do quiá'r- fí' jee~ mó', ¿su ja` nitiúung-tear i noventa y nueve do cateá lajee~ nidsér- e nidsi'neíñ' i jaang' i cango'íng' do quiá'r-? ¹³ Jo song cadséiñ' í, joba' eáang'gui nili'íáang' dsí'r' uii~ quiá- i jo'se' i cadséiñ' do laco'gui quiá- i noventa y nueve i caseáiñ' do. ¹⁴ Jo lajob cajo, co' Tiquí'ii' dsea` guing~ ñifí- ja' iñ~ fa' e nidsi'íng' jii~ jaang' i jiuung~ na.

Jial 'né- íng- dsea` dsee- quiá- jaang' dsea` ruiñ'

(Lc. 17:3)

¹⁵ Jo fii-gui 'nú', song jaang' dsea` rúng-na' calingüiñ~ e cajmeáiñ' 'nú' ga, joba' guiá-gui e siing-na' røð lajee~ co' gáng-na', jo nifí'na're e uing~ quiá- e cajméer' e ga' do quií-na'. Jo song canáub~ júuiñ^ quiá- lajii~ e cajméer' do, joba' røðb~ niliseeng'tu' coo'r-. ¹⁶ Jogui dsu' song ja' ni'í júuiñ^ lajii~ e nifí're do, joba' nitó'na' jóng gáng- gaang'

dsea`jiéng' i tí' ni~ i nija' júu^ røø` quiá'- lajji~ e nisüing~na' do. ¹⁷ Jogui song la lám'bre láiiñ' e ja`ni'í júuiñ^ cóo' i dsea`í, joba' cóo' dsea` quiá'- Dsea` Jmáam` 'né` ngíng` e júu^ jo. Jogui song o' cóo' dsea` í ni'í' júuiñ^, joba' 'né` e nita` óóna' e i dsea` í ja` cuiñ` Fidiéé` jogui láiiñ` laco' jaang` dsea` i jmóo` ta~ mí' cuu` e catíng` dseata` guíng` fí' Roma.

¹⁸ Joba' jnea` jmitaa` óóna' e jalé' e ja` nicuó`-na' fí' jee` jaléng' dsea` quié` e fí' jmigüi` la, ja` nicuó` Fidiéé` fí' fí' ñiff` cajo. Jogui lajalé' e nicuó`-na' fí' jee` jaléng' dsea` quié` e fí' jmigüi` la, joba' nicuó`b` Fidiéé` fí' cajo.

¹⁹ Lalab fñ`guí` 'nú' cajo, fa' gám` 'nú' fí' jmigüi` la nisüing~na' røø` quiá'- lajji~ e nimí`-na' Fidiéé`, joba' Tiquié` e dsea` guíng` ñiff` nicuó`-bre 'nú' lajji~ e nimí`-na' r do.

²⁰ Cofa' gáng` osi gaang` dsea` siseáiñ' e jnea` quíe` nifí' quiá'r~, joba' dob seeng` jnea` jee` ír` fí' lí' siseáiñ' do cajo.

²¹ Jo ie~ jo cangoquíéng` Tú` Simón fí' lí' sing' Jesús jo cajmingí'r` dsea` do:

—Fí'í, ¿jó' ya' 'né` íin`n dsee` quiá'- jaang` dsea` rún'n song cajmeáiñ' jnea` ga? ¿Su jji' guié` néeb' jji'?

²² Joba' cañi` Jesús quiá'- Tú` Simón jo casí'-reiñ':

—Ja` fñ`-i 'nú', Tú` Simón, e jji' guié` née~, có' cartí setenta ya' siete née' 'né` íin` dsee` quiá'- i dsea` rún' do song lí' 'né` lajo.

Coo` júu^ já'- e lafa' júu^ cuento quiá'- jaang` dsea` 'léeng`

²³ Jo cajíng`-gui Jesús casí'r` i dsea` quiá'r` do e júu^ la:

—Jo mi~ Fidiéé` quier` nifí' quiá'- dsea`, lí' laco' mi~ jaang` dseata` dsea` féng' i niseeng` dsea` 'léeng' i nirøøng` quiá'r`. Jo mi~ catí` í' e camí' i dseata` do cuu` quiá'r` lajji~ e nirøøng` i dsea` 'léeng' quiá'r` do, ²⁴ joba' i dseata` dsea` féng' do cató'r` jaléng' i dsea` 'léeng' i nirøøng` quiá'r` do e laco' nidsicóoiñ' do lajji~ e røøiñ`. Jo la'uii` cató'r` i dsea` 'léeng' i nirøøng` jmiguiú` cuu` quiá'r`. ²⁵ Jo có' ja` ee` cuu` sea`gui quiá'- i dsea` 'léeng' do fa' e nija'r` i fiir` do, joba' i fiir` do caquiú'r` ta` e nidsi'nñim` i dsea` 'léeng' do colíng` cóo' dseamí` quiá'r` cóo' gui jaléng' jóor` cóo' gui lajalé' e sea` quiá'r` e laco' niquír` lajji~ e røøiñ` do. ²⁶ Jo dsu' i dsea` 'léeng' do dsifí` lanab casí'r` uó` jnir` fí' quini` i fiir` do jo camí'r` dsea` do jmí'ee` jo casí'r` dsea` do lala: “Fí'í, mí' i jmí'ee` 'nú` e nijmée` féng' a' uii` quié` e ja` mí' seeng` quié` e lana e cuu` e røøñ` quí'`, dsu' niquí'baa lajalé' e røøñ` do quí'` mi~ niliseeng` quié` e.” ²⁷ Jo i fiir` do calí`b` fñ` láiiñ` i dsea` 'léeng' i røøng` quiá'r` do, joba' jo` camí'guir` cuu` quiá'r` jo caleám`breiñ' do cóo' júu^ røø`.

²⁸ Jo cangám` i dsea` 'léeng' do, jo lajee` ngaiñ' guiá'^ fib' mi~ cajíñ' jaang`gui dsea` 'léeng' rúin' la'ó' røø` nijmóor` ta` quiá'- fiir~, jo i dseañu' í` nirøøng` capí'^ cuu` quiá'r`. Jo casam`-bre dsea` do jo canaañ` gü'r` luuiñ` jo casí'r` dsea` do lala: “¿Qui` quié` e lajji~ e røøñ'!” ²⁹ Jo i dsea` 'léeng' rúin' do casí'r` uó` jnir` fí' quiniñ' do jo camí'r` dsea` do jmí'ee` jo casí'r` lala: “Fa' nijmée`ba' féng' o' e røøm`bí` cateá` quí'`, dsu' niquí'baa lajalé' mi~ niliseeng` quié` e.” ³⁰ Jo dsu' i dsea` 'léeng' i cajmí'øø` cuu` do jo` e canáú` júuiñ` jji~ cóo, jo 'núñib` cangojéeiñ` i dsea` 'léeng' rúin' i carøøng` quiá'r` do cartí caquiñ` do e cuu` do. ³¹ Jo mi~ caliñi` i dsea` 'léeng' rúin' i caguaang`-gui do e júu^ jo, joba' cangosí`-bre fiir` lajji~ e cajmeáng' i dsea` 'léeng' rúin' i jaang`gui do. ³² Jo ée` jo üing` i fiir` do mi~ caliñir` e júu^ jo, joba' caquiú'r` ta` e calitéb` i dsea` i ca'lée' do jo lalab casí'-reiñ' do: “¡'Nú` lin' jaang` dsea` 'léeng' i soo` dsí'! Jo jnea` jo` camí' i lajji~ e røøñ` quié` e do dsu' uí' e camí' jnea` jmí'ee`. ³³ Jo lajob` catíng` fa' mi~ cajmee` cóo' i dseañu' rún' do mi~ camí'r` 'nú` jmí'ee` lí' laco'gui cajmé` jnea` cóo' 'nú’.” ³⁴ Jo dseáng`-la huím` eáng` caligúing` i dsea` fiir` do quiá'- i dsea` 'léeng' quiá'r` i cajmée` ga` do có' jì'gui cartí caquiú'r` ta` e cangáiiñ` do iihuí` cartí caquí'r` lajji~ e røøiñ` do.

³⁵ Jo cajíng`-gui Jesús casí'r` jaléng' i dsea` quiá'r` do:

—Lanab cajo nijmé` Tiquié` e dsea` guíng` ñiff` cóo' jaléng' 'nú' song ja` ni'íng`-na' dsee` dseáng`-lajang`-uii` quiá'- jaang` dsea` rúng`-na'.

19

Mi~ ca'e Jesús quíá'~ mi~ tiúung~ dsea` rúin'

(Mr. 10:1-12; Lc. 16:18)

¹ Jo mi~ cangí e cajíng' Jesús jalé' e júu^ na, jo cagüi'í'bre fí' lí' se' Galilea jo caguié' tur fí' lí' se' Judea e née' lí' 'ngóo' cataang' laco' iá' gua' Jordán. ² Jo i' leáam~ dsea` ngolíng~ laco' ngóor', jogui cajmi'leáam~ bre jaléng' dsea` dsée' ie~ jo.

³ Jo lajee` táang' Jesús fí' jo, cangoquiéeng' fí' lí' siñ' cōo` tú~ máing'~ dsea` Israel i líng' dsea` fariseo e lico' iin~ do e niténg' dsea` do fí' ni~ dsee~, joba' cajming'í'r~ dsea` do lala: —¿Su cuøøm` quíá'~ jaang' dseañu' e nitiúuin~ dseamí quíá'r~ fíng lí' doñí ee` cajmiquíng'~ jiu dsí' rúin'?

⁴ Joba' cañí' Jesús quíá'~ i dsea` fariseo do lala:

—Nica'íb' 'nú' fí' ni~ jì quíá'~ Fidiéé' lí' fé' lala: “Jíi'~ latí' mi~ uing~ cajmeáang' Fidiéé' dseañu' jogui dseamí.” ⁵ Jogui fé' cajo: “Uíi' e cúng' dseañu' guóor', joba' 'naaiñ' quíá'~ tiquíá'~ niquíá'r^ e laco' niliseeiñ' colíng~ cōo'~ dseamí quíá'r~, jo lajoba' lafa' jaam~bre ni'uíñ~ lajee` lajì huáaiñ' do.” ⁶ Jo lajob fí' i 'nú', jo` tí'guir gáin~, co' lafa' jaam~bre nica'uíñ~. Co' Fidiéé'bing' caguiá' uing~ e cúng' dsea` guóor', joba' jo` cuøøng' fa' e nitiúung~gui dsea` rúin' mi~ cangí'gui e cacúin' guóor'.

⁷ Jo cajming'í'~ tu i dsea` fariseo do Jesús:

—Jo çjali' caquiá' Moi' ta~ e cuøøm` tiúung~ dsea` rúin' song caráang~ cōo` mají lí' fé' lajo, jo lajoba' dseáng'~ e cuøøng' e tiúung~ i dseañu' do dseamí quíá'r~?

⁸ Jo cañí' tu Jesús quíáin'~ do:

—Jo i Moi~ do cacuør' fí' e catiúung'na' dseamí quíi'na' dsu' uíi' e 'nú' dseáng' e eám' ue' óo'na'. Co' jíi'~ latí' mi~ uing~ ja' lajo cali'ing~ Fidiéé' e nilí. ⁹ Jo jnea~gui fí' i 'nú' e doñí i i tiúung~ dseamí quíá'~ e jíi'~ ja' ca'lee' i dseamí quíá'r~ do e güiñ' cōo'~ dseañu' jíéng', jogui e nicúng' tur guóor' cōo'~ jaang'gui dseamí jíéng', joba' dseeb~ eer' jóng fí' quini' Fidiéé'.

¹⁰ Jogui i dsea` quíá'~ Jesús do casí'r~ dsea` do lala:

—Song lajob lí' quíá'~ jaléng' dseañu' cōo'~gui dseamí quíá'r~, joba' guiá'gui líng~ jnea' e ja' nicúin' guóor'.

¹¹ Joba' cañí' tu Jesús quíáin'~ do:

—Ja' lajüng' dsea` catíin~ e ngáin' jalé' e júu^ na, co' lajii'~ dsea` i nicangüng' quíá'~ Fidiéé', jíi'~ í'bing' i ngáng' e jo. ¹² Jo jmiguiab' uing~ sea' e jmóo' huíng' quíá'~ jaléng' dseañu' e ja' cuøøng' e nicúin' guóor': co' seem' dseañu' e latí' mi~ ngáam'~bre ja' si'íin^ fa' e nicúin' guóor', jogui seem'bi cajo e dseañu' rúm'bre nicajmi'léng' ír', jogui seem'bi i ja' cuø' fí' yaang~ fa' e nicúin' guóor' dsu' uíi' e Fidiéé' quie' nifi' quíá'r~. Jo jaléng' dsea` i quíi'~ jmí~ nijmé~ lajo, joba' güijmée'bre lajo.

Mi~ cajmigüeang'^ Jesús jaléng' jiuung~

(Mr. 10:13-16; Lc. 18:15-17)

¹³ Jo mi~ cangí jo, caguilíng~ jaléng' dsea` e jéeiñ' jiuung~ quíá'r~ fí' lí' sing' Jesús e laco' niquidsí' dsea` do guóor' fí' yá'^ mogui~ lajaang' lajaang' i jiuung~ do jogui e nifeíñ' Fidiéé' uii~ quíáin'~ do, jo lajoba' niligüeaiñ' do. Jo dsu' i dsea` quíá'~ Jesús do cajním'bre quíá'~ jaléng' sejmii' i jiuung~ do jogui cajíim~breiñ' do cajo. ¹⁴ Joba' cajíng' Jesús casí'r~ i dsea` quíá'r~ do:

—Cuøø'na' fí' jaléng' i jiuung~ na güijalíin~ fí' la jo ja' jní'na' quíá'r~, co' jaléng' dsea` i líng' laco' i jiuung~ la, í'bing' catíng~ e Fidiéé' quie' nifi' quíá'r~.

¹⁵ Jo caquidsib' Jesús guóor' fí' yá'^ mogui~ lajaang' lajaang' i jiuung~ do, jo ngí jo, cagüi'í'bre fí' jo.

Mi~ casüng~ Jesús cōo'~ jaang' siming' i sea` cuu~

(Mr. 10:17-31; Lc. 18:18-30)

16 Jo mi~ cangf jo, caguié- jaang` siming` fi li~ sing` Jesús jo cajmingf`r- dsea` do:

—Tifa' i guiá- dsíí, ¿e~ e guiá- 'né- jmee~ jnea~ e laco' nilí'i e niliseen- cøøng` cóo'~ Fidiéé` car` ngongf` jmi~?

17 Joba' cañíi` Jesús quiá'- i siming` do:

—¿Jiali' jnea~ jmingf` cuaiñ~ quiá'- jalé' e guiá-? Co' jaam` i guiúng- seeng` jo jii'~ Fidiéé` bing' líng` lajo. Jo dsu' song 'na` gui iin'~ e niliseen' cøøng` cóo'~ Fidiéé` car` ngongf` jmi~, joba' 'né- nijmiti`ba' lajalé' júu^ quiá' ta~ quiá'- Fidiéé` jóng.

18 Joba' cañíi` i siming` do quiá'- Jesús:

—¿E~ gui e júu^ 'né- liti~ do jóng?

Jo cañíi`tu Jesús quiáin'~ do jo casí'r- lala:

—Lalab líí jalé' e júu^ 'né- liti~ do: Ja` jngán' jii'~ jaang` dsea` rún'; jogui ja` 'lee' e nigüín' cóo'~ dseañu` dseamf` i o' quíi'; jogui ja` jmoo'` h; o'gui cuø' dsea` dsee- e ja` uing~ sea; 19 jogui jmi'goo` tiquíi' cóo'~ gui niquíi'; jogui jmi'neáan' jaléng' dsea` rún' lí^ laco'gui jmi'neáan' uø'.

20 Joba' cañíi`tu i siming` do quiá'- Jesús jo casí'r- dsea` do:

—Lajib` e júu^ e fó'na' nicajmitii~; joba' ¿e~ jii'~ e 'né- nijmiti`guíi'?

21 Joba' cañíi`tu Jesús quiáin'~ do jo cajíin'~:

—Song 'na` iin'~ e niliguiún'- laco' síí' fi` quini` Fidiéé`, joba' guóng' fi` quíi'- jo güi'ni~ lajalé' e sea` quíi', jo jalé' e cuu- e nilí' quiá'- e jo jmee- guiéé` jee~ jaléng' dsea` tiñíng~, jo lajoguiba' nilí' e nilisea` juguiá- quíi'- fi` ñifí- fi` li~ guing~ Fidiéé`. Jo mi~ ningf` jo, nea` cóo'~ jnea~ jóng.

22 Jo dsu' mi~ canúu- i siming` do jalé' júu^ e cajíng'- Jesús, joba' fi'íb^ cangáiñ'-, co' eáam' sea` cuu- quiá'r-.

23 Joba' casí'r- Jesús i dsea` quiá'r- do jo cajíin'~ lala:

—Ejá'- e fi~- i 'nú' e huám' líí quiá'- jaang` dsea` sea` cuu- e nijáng' 'ñia'r' fi` quini` Fidiéé` e laco' dsea` do nicá` nifí' quiá'r-. 24 Jogui fi~- túu 'nú' calé' catú- e ja`gui huíng' quiá'- jaang` jó' camello e ningíng- ne' fi` dsíí' too` jmini` mocuu- e laco'gui jaang` dsea` sea` cuu- nijáng' 'ñia'r' fi` quini` Fidiéé` e laco' dsea` do nicá` nifí' quiá'r-.

25 Jo mi~ tí li~ canúu- i dsea` quiá'- Jesús do lajo, joba' eáang`guib cangogá` dsíir` jóng, jo canaaiñ` jmingi'` rúin'~:

—Jo song lajob líí, joba' ¿i~ nilí' nijmé- e nileáiñ` jee~ jalé' dsee- quiá'r-?

26 Jo lico' cajøøm- Jesús i dsea` quiá'r- do, jo cañíir` quiáin'~ do lala jo cajíin'~:

—Jii'~ jaang` dsea` jmi`güi' quíi'r~ jmi~ nileáng- 'ñia'r' jee~ jalé' dsee- quiá'r-, co' jii'~ Fidiéé` bing' quíi'~ jmi~ jmé- lajo.

27 Joba' cañíi` Tá` Simón quiá'- Jesús jo casí'r- dsea` do lala:

—Fí'i'i, jnea^ nicatá`baa' lajalé' e sea` quíi'-naa' jo cóo'~ 'nub` ningi'naa' lana. Joba' ¿e~ jii'~ e catíi'-naa' ni'íng'-naa'?

28 Joba' lalab cañíi` Jesús e casí'r- i dsea` quiá'r- do jo cajíin'~:

—E laba' jmitaa^ óo'na' e mi~ nití- í' e nili'míi` tu latøøng- jmi`güi', job mi~ nimáang`na' jnea~, dsea` i cajá- fi` ñifí- e lín'n jaang` dsea` jmi`güi', e niní'i e niquíi'`u ta` fi` éé` li~ níing- jlo^ quíe- e e sea` fi` ñifí-. Jo ie~ jo jaléng' 'nú', dsea` líng`na' dsea` quíe- e, niliseab` cajo guitú` éé^ quíi'-na' fi` jo li~ niní'na' colíing~ cóo'~ jnea~ e laco' niquidsi'na' í' quiá'- laji` guitú` 'lé' dsea` góo'naa' dsea` Israel. 29 Jogui jaléng' dsea` i nilíng' dsea` quíe- e, jo uíi' e jo nicatár` jalé' 'núr~, osi nica'naaiñ` quiá'- jaléng' rúin'` é, osi nica'naaiñ` quiá'- tiquíi'` niquíi'r` é, osi quiá'- jóo'bir` é, osi nicatár` uø- quiá'r- é, joba' jaléng' í'bing' i niñíng` cien ya' e jmi`guiu'gui e laco' e catár` do jogui niñim`bir` cajo e niliseeiñ` cøøng` cóo'~ Fidiéé` car` ngongf` jmi~. 30 Jo i líng~ dsea` i líng- e niñiñ` eáang` fi` jmi`güi' la, dsu' í'bing' jii'~ capíi'` ja` ee` niñiñ` mi~ nití- e í' jo; jo dsu' i líng~ dsea` i líng- e ja` ee` niñiñ` jii'~ capíi'` fi` jmi`güi' la, joba' í'bing' i eáang`gui niliniing- mi~ nití- e í' jo.

20

Coo`júu`já` e lafa`júu`cuento quía`- dsea`jmóo`ta` quía`- mí` huñg`jó`

¹ Jo café`gui Jesús coo`gui júu`já` e lafa`júu`cuento jo cajíñ` lala:

—Jo mi` Fidié` quier` nifí` quía`- dsea`, lí` laco` mi` jaang` dsea` fii` coo` uó` lí` sijnea` mí` huñg`jó`, jo i` dsea` í` cagüi`fir` coo` ya` e la`ee` e cango`néeiñ` dsea` 'léeng` i` nijmé` ta` quía`- e mí` huñg`jó` do. ² Jo casi`-reiñ` do e niquí`-bre e 'léeiñ` do quía`- coo` jmí` ta`. Jo mi` cangí` jo, casím`breiñ` do fí` jee` ta`. ³ Jo i` fii` do calé` catú` cagüi`fir` fí` jee` 'nú` mi` catí` la ii` ñá` e la`ee` jo cangáñ`- jiéng`gui dsea` i` neáang` jøøng` e ja` ta` jmóor`. ⁴ Jo lalab`casí`r` í`: “Song`ja` ta` sea` jmée` 'nú`, güilíng`-na` güijmee`-na` ta` quía`- mí` huñg`jó` quie`-e, jo niquí`baa` quí`na` laco` sí`í`.” Jo cangolím` i` dsea` do cangojmée` ta`.

⁵ Jo mi` catí` guieñí`, cagüi`ñb`tu` i` dsea` fii` do fí` jee` 'nú` e ngojmée`guir` quijí` dsea` i` nijmé` ta` quía`r`, jo caléb` catú` cagüi`fir` mi` catí` la ii` 'ní` e ca`lloo` cajo. ⁶ Jo coob` mi` catí` la ii` 'ñiá` e ca`lloo`, jo caléb` catú` cagüi`fir` jo cangór` fí` 'móo`, jo fí` job` cangár` e neáang` jiéng`gui dsea` i` ja` ta` sea` jmé`, joba` cajmingí`r` dsea` do: “¿Jialí` ngñg` 'nú` jmí` quí`na` fí` la e ja` ta` jmoo`na`?” ⁷ Joba` cañí` i` dsea` do quía`- i` fii` do: “Co` jii` jaang` dsea` ja` mí` cali`neáñ`- jnea` ta`.” Joba` cajíng` i` fii` do casi`-reiñ`: “Güilíng` 'nú` güijmee`-na` ta` cajo` fí` lí` sea` mí` huñg`jó` quie`-e.”

⁸ Jo mi` tí` lí` canuu, i` fii` do caquiur` ta` i` dsea` née` ní` dsea` 'léeng` do e nitøø` jaléng` i` dsea` jmóo` ta` do jo casi`-reiñ` do lala: “Tee`-lajaang`-lajaang` i` dsea` 'léeng` na` jo quí` quía`r`, dsu` la`uii` ningíng` i` dsea` i` cangotáang` jee` ta` la ii` 'ñiá` e ca`lloo` do jo lajob` cartí` i` cangotáang` la`ee` do.” ⁹ Jo lajob` cajmée` i` dsea` do; jo la`uii` cangíng` i` dsea` i` cangotáang` la ii` 'ñiá` e ca`lloo`, jo lajaang`-lajaam` i` dsea` í` ca`lín` e 'léeiñ` quía`- latøøng`-jmí`. ¹⁰ Jo mi` cató` quía`- í`, joguiba` cangíng` i` dsea` i` cangotáang` la`ee`gui do, jo i` dsea` í` ca`l` dsír` e jmiguiá`gui nilí`r` e 'léeiñ`. Jo dsu` o` lajo, co` røøb` ca`lín` cóo` i` nifí`gui do cajo. ¹¹ Jo mi` tí` lí` cangí` e ca`lín` do e 'léeiñ`, joba` canaaiñ` fé`r` ga` uii` quía`- i` dsea` fii` do ¹² jo casi`-reiñ` do lala: “I` dsea` 'léeng` quí`- i` cagüilíng`-cøøng`gui na, jii` coo` oor`ba` cajmée` ta`; jogui` røøb` caqui` quía`- dsea` do laco`gui jnea`, dsea` cataang`naa` lajee` latøøng`-jmí` e guí`-iee.” ¹³ Jo dsu` i` fii` do cañír` quía`- jaang` lajee` i` dsea` 'léeng` do jo casi`-reiñ`: “Ruu`, ofa` jnea` jmóo` o` jløn`n cóo` 'nú. ¿Su` ofa` casí`naa` røø` jial` tí` 'léeng` dsea` laco` jmí`? ¹⁴ Joba` fí`-i` 'nú` lana, nab` róo` e 'léen` jo nicuøøm` guón`. Jo song` jnea`gui iin`n quí` quía`- i` dsea` 'léeng` i` ca`l`- cajmée` ta` cøøng`gui do røø` laco` jii` e nicaquí` quí`, ¹⁵ joba` cuøøm` lí` jmee` e lajo, co` cuu` quie`-baa` e cacuøø`-øre do, o` cuu` quía`- dsea` jiéng`. ¿Ofa` dsihuim`ba` é dsu` uí` e cajmé` e e guí` cóo` i` dsea` í`?”

¹⁶ Jo cajíng`gui Jesús lala:

—Jo i` líng` dsea` i` líng` e niiñ` eáang` fí` jmigüi` la, dsu` í`bing` e jii` capí` ja` ee` niing` mi` nití` e í` jo. Jo dsu` i` líng` dsea` i` líng` e ja` ee` niiñ` jii` capí` fí` jmigüi` la, joba` í`bing` i` eáang`gui niliniing` mí` nití` e í` jo.

Mí` cajmée` Jesús júu` e catí` 'ní` ya` e tí` lí` nijgám`- dsea` í`r`

(Mr. 10:32-34; Lc. 18:31-34)

¹⁷ Jo coo` jmí`, lajee` e ni`iuung` Jesús fí` ngaiñ` fí` Jerusalén, jo cató`r` i` dsea` guitúung` quía`r` do coo` lico` yaaiñ` jo casi`-reiñ` do:

¹⁸ —Jo lí` laco` jii` e móo` 'nú` jmí` na, lana` ningóo`naa` fí` Jerusalén, jo fí` job` lí` nisáng` dsea` jnea`, dsea` i` cajá` fí` ñifí` e lín`n jaang` dsea` jmigüi`. Jo nijáñ` jnea` fí` jaguó` jaléng` fii` jmidsea` quía`- dsea` góo`naa` dsea` Israel cóo`gui jaléng` tifa` i` e` júu` quí` ta` quí`naa` cajo. Jo jaléng` i` dsea` íb` i` nicuøø` júu` quía`- e nijúung` jnea`. ¹⁹ Jogui` nijáñ` jnea` fí` jaguó` jaléng` dsea` i` ja` cuíng` Fidié`, jo jaléng` íb` i` niløø` quie`-e, jogui` nijmihuññ` jnea` cajo jo jiguí` cartí` niteáñ` jnea` fí` dse` crúu`, jo fí` job` nijúun`n; dsu` mí` nití` 'ní` jmí` lajo, nijí`b` túu` calé` catú`.

*Lajíi~ e camí' niquiá' Tiáa~ cóo'~ gui Juan e camí'r' Jesús
(Mr. 10:35-45)*

²⁰ Jo mi~ cangí jo, i dseamí quiá'- jaang` dseañu' i sií Zebedeo cajuquíeiñ' fí lí sing' Jesús, coling~ cóo'~ gáng- jóor', jaang` i sií Tiáa~ jogui jaang` i sií Juan, jo laji' huáaiñ'- do quiíñ'~ jee~ dsea' guitúung` quiá'- Jesús, jo casí'r` uó- jnir~ fí' quiniñ'~, có' iíñ~ líng~ ee' nimí'~ bre dsea` do. ²¹ Joba' cajmingí' Jesús i dseamí do jo casí'~ reiñ':

—¿E~ iin'~?

Joba' cañí' i dseamí do quiá'- Jesús jo casí'r` dsea` do:

—Jíee` o' e nicuø' fí' e laji' gáng- i jóo' la nigüear` cóo'~ 'nu' fí' lí quiu' ta~ mi~ niguiing~ tu' fí' jo, jo jaaiñ' la nigüear' lí' lí dsée' jogui jaang'guir lí' lí tuung~.

²² Joba' cañí' Jesús quiáíñ'- do lala:

—'Nu' jii'~ ja' ní'na' lajii'~ e mi'na' na. ¿Su líng- na' e nité'na' lajii'~ iihuí' e nijaquíeeng' quié' jnea~?

Joba' cañí' i jóo' i dseamí do jo cajíñ'-:

—Nité' lí'baa'.

²³ Jo cañí' tu Jesús quiá'- i dsea` do:

—E jáb'- e 'nú' nimó'ba' iihuí' cajo lí' laco'gui nimoo~ jnea~; jo dsu' e nigüea` dsea' lí' lí dsée' osi lí' lí tuung~ é laco' guiin~n, ja' jnea~ catín~n e jo fa' e nicuø-, có' lajii'~ dsea' i nicaguíng' Tiquié'e, jii'~ íbing' i catíng- e jo.

²⁴ Jo mi' tí' lí canúu' i dsea' quiá'- Jesús i guíng- gui do lajii'~ e júu^ jo, joba' caliguím- bre quiá'- i gáng- do. ²⁵ Jo dsu' Jesús cató'r- jaléng' i dsea' guitúung` do quiá'r- jo casí'r- lala:

—Niñí'~ 'nú' guiá- e jee~ jaléng' dsea' i ja' cuíng' Fidiée' seeng` jaléng' dseata~ i quiu' ta~ quiá'- jaléng' dsea', jo jaléng' i dsea' i quiu' ta~ do eáam' silí'r' cóo'~ e ta' líiñ' do. Jo lajob lí' cajo cóo'~ jaléng' dseata~ dsea' féng' i quié' nifí' quiá'- jaléng' dsea', có' laguidseam' quiu'r' ta~ quiáíñ'- do. ²⁶ Jo dsu' ja' cuøong` e nidsijée' lajo jee~ 'nú', có' ií i iing~ i nicá' nifí' jee~ 'nú', íbing' i 'né- nijmé- ta~ jmico'~ quiá'- i caguiaang- gui. ²⁷ Jogui ií i iing~ i nijmé- e niing- guir jee~ 'nú', íbing' i 'né- jmé- jalé' ta' huí' jee~ jaléng' i caguiaang- gui e ja' jmiféng' 'ñia'r'. ²⁸ Jo lajob 'né- jmér-, có' lajob ta~ cagá- jnea~ cajo, jnea~ dsea' cagá- a fí' ñifí- e lán'n jaang` dsea' jmigüí. Có' jnea~ ja' cagá- a fa' e jmoo' dsea' ta~ fí' quiniñ', có' jnea~ cagá- a e laco' nijmicóo'~ jaléng' dsea' jmigüí jogui e nijáng' 'ñiá' a e nijúun~n e laco' nileáng' fíng' dsea' jmigüí jee~ jalé' dsee- quiá'r-.

*Mí' cajmí'leáng- Jesús gáng- dsea' tiuung-
(Mr. 10:46-52; Lc. 18:35-43)*

²⁹ Jo mi~ cangí jo, mi' tí' lí ca'uøong` Jesús cóo'~ jaléng' dsea' quiá'r- fí' Jericó, eáam' cango'leáng` dsea' laco' ngóor'. ³⁰ Jo lajee' laco' teáiñ'~ fí' lado, coob' mi~ cangíiñ' lí' neáng' gáng- dsea' tiuung- i neáng' 'ni' fí'. Jo mi~ tí' lí calilí' i dsea' tiuung- do e cangíng` Jesús fí' jo, joba' ca'áiñ' dsea' do lala:

—jFí'ii', siju' dseata~ Daví', fí- güilín' jnea'!

³¹ Jo dsu' jaléng' i dsea' i ngolíng- cóo'~ Jesús do ca'gaam`bre quiáíñ'- do e laco' jo' áng'guiñ' do dsea' do. Jo dsu' lí' lí teágui canaang` oo' i dsea' tiuung- do e áiñ' dsea' do jo fé'tur lala:

—jFí'ii', siju' dseata~ Daví', fí- güilín' jnea'!

³² Joba' cajeab' Jesús laco' fí' iuuiñ- do jo cató'r- i dsea' tiuung- do jo cajmingí'~ reiñ' do:

—¿E~ iing~na' e nijmee~ e quií- na'?

³³ Joba' cañí' i dsea' tiuung- do quiá'- Jesús lala:

—Fí'ii', ií'naa' e nijmée'^ e nilijnéb' túu'.

³⁴ Joba' calí' fí- lím- Jesús i dsea' tiuung- do jo lico' cagüi'r' jmini'biñ' do lajaang' lajaaiñ'. Jo dsifí' lajob ca'láng- i dsea' tiuung- do, jo calijné'bre. Jo mi~ cangí jo, cangolíng`bre cóo'~ Jesús.

21

Mi~ ca'í~ Jesús fí~ jee~ fii~ Jerusalén

(Mr. 11:1-11; Lc. 19:28-40; Jn. 12 :12-19)

¹ Jo lajee~ ná~ gui e niguieng' Jesús fí~ Jerusalén coling~ cóo~ jaléng' dsea` i ngí cóo~r do, jo caguiliñ~ fí~ cóo~ fii~ e sii~ Betfagé e née' quiá~ cóo~ mó~ e sii~ Olivos. Jo tí~ job caguiéng' Jesús gáng~ lajee~ i dsea` quiá~r~ do e jéeng' guiñ~ ² jo casí~reiñ' do lala:

—Güilíng~ na' e fí~ fii~ jiu e née' quini~ na, jo fí~ job niguiéng' na' jaang' bú~^ iee~ i ñúung~ coling~ cóo~ jaang' yuu~ quiáa~re'. Jo síng~ na're' jogui tee~ na're' fí~ la. ³ Jo song ii~ casí~ 'nú~ jialí~ jmoona' lana, joba' nifí~ na'r lala: “Lana 'neáng~ fii~ii' i bú~^ la. Dsu' mi~ ningí~ jo nijajeaam~ túure'.”

⁴ Jo cangojéé' e na e laco' caliti~ jii~ laco' júu^ e cajíng~ jaang' dsea` i café~ cuaiñ~ quiá~ Fidiéé' mali~ gui eáang' mi~ cajme'r lala:

⁵ Síi~ na' jaléng' dsea` i seeng' fí~ Sión:

“Lab nijáa' i dseata~ dsea` féng' i quie' nifí~ qui~ii',

jo jaang' dsea` i ja' jmiféng' 'ñiab' líiñ',

jogui guiiñ~ fí~ mocóo~ jaang' bú~^ jiuung~.”

⁶ Jo mi~ cangí~ jo, cangolím^ i dsea` gáng~ quiá~ Jesús do jo cajmiti~bre laco' jii~ ta~ caquiú' dsea` do quiá~r~. ⁷ Jo cató~bre i bú~^ iee~ do coling~ cóo~ yuu~ quiáa~re' do fí~ lí~ síng' Jesús, jo canaañ~ sífir' sír^ fí~ mocóo~ i bú~^ jiuung~ do jo mifíng' caguáb' Jesús fí~ mocóo~ i jó~ do. ⁸ Jo fíim' dsea` ni'r jalé' sír^ lacuee' guiá~ fí~ lí~ cangíng' Jesús; jo i líng~ gui dsea` túr' guo' 'ma' e tií~ jo guiar' fí~ guiá~ fí~ lí~ níngíng~ dsea` do cajo. ⁹ Jo jaléng' i dsea` i ngolíng~ nifí~ cóo~ gui i jalíng~ catí~ cøong' oor' lala:

—iMajmiféng' naa' i Jóo' dseata~ dsea` féng' Daví~! iJogui juguiá~ jiu quiá~ i dsea` i casíng' Fidiéé' fí~ jmigüi' la cuaiñ~ quiá~r~! iJo majmiféng' naa' Fidiéé' dsea` guing~ ñifí~!

¹⁰ Jo mi~ tí~ lí~ ca'í~ Jesús fí~ dsíi' fii~ Jerusalén, lajim' dsea` canaañ~ ta'r má~ jo jmingí~ rúñ~:

—¿I' gui i dsea` na?

¹¹ Jo i líng~ i dsea` do ngí~r~:

—Mó~ Jesús i dsea` i fé~ cuaiñ~ quiá~ Fidiéeb' na, i nabi i seeng' fí~ Nazaret do fí~ lí~ se' Galilea.

Mi~ ca'uøong' Jesús jaléng' dsea` i jmóo' ta~ 'nú' fí' dsíi' guá~

(Mr. 11:15-19; Lc. 19:45-48; Jn. 2 :13-22)

¹² Jo mi~ cangí~ jo, jo cangó~ Jesús fí~ dsíi' guá~ fé~ quiá~ dsea` góor' dsea` Israel e sí~ fí~ Jerusalén do. Jo mi~ cangár~ e lafa' 'móob~ lí~ e fí~ jo, co' teáang~ dsea` ta~ 'nú~ jogui ta~ láa', joba' cajmiquí~m~ dsíi' Jesús mi~ cangár~ lajo, jo canaañ~ jím~bre jalé' mes~ quiá~ i dsea` i jmóo' ta~ jmísiing~ cuu~ jogui jalé' 'masii~ quiá~ i dsea` i jmóo' ta~ 'núng' jaléng' mee~. ¹³ Jo cajíñ~ casí~r~ jaléng' i dsea` do lala:

—Lalab fé~ Fidiéé' fí~ ní~ jii~ quiá~r~: “E 'nuu~ la nilisii' 'núu' lí~ nísiing~ dsea` cóo~ jnea~”; jo dsu' 'nú' nicajmi'uíng~ na' cóo' 'núu' lí~ teáang~ jaléng' ii~.

¹⁴ Jo lajee~ táang' Jesús e fí~ dsíi' guá~ do, job caguilíng~ jaléng' dsea` tiuung~ cóo~ gui jaléng' dsea` jlúung~, jo cajmi'leáang~ Jesús jaléng' i dsea` í. ¹⁵ Jo mi~ tí~ lí~ cangá~ jaléng' fii~ jmidsea' quiá~ dsea` Israel cóo~ gui jaléng' tífa' quiá~ júu^ quiú' ta~ quiá~r~ lajii~ e quí~ Jesús jmí~ jmóor' e dsigá' dsíi' dsea' jogui canúu~ guir e oo' jaléng' jiuung~ e fí~ guá~ do lala: “iGüijmiféng' jaléng' dsea' jmigüi' i Jóo' dseata~ dsea' féng' Daví~!”, joba' jaléng' i dsea` í eáam' caliguiñ~ ¹⁶ jo casí~r~ Jesús:

—iNuu' lajii~ e fé~ jaléng' i jiuung~ na!

Joba' cañi' Jesús quiáñ~ do:

—Núu' baa, jogui ¿su ja' mí' ca'í' 'nú' lajii~ e tóo' fí~ ní~ jii~ quiá~ Fidiéé' lí~ fé~ lala?: 'Nu', Fidiéé', nicajmee'

e cóo~ jalé' e ø' jaléng' jiuung~ cóo~ gui jaléng' yuu` nijmiféiñ' 'nú'.

17 Jo mi~ calí~ casí~ Jesús i dsea` do lala, jo cagüi' bre fi' fi' Jerusalén jo cangó~ tur fi' coo` fi' li' sii' Betania, jo fi' job cangongüiñ' e uóø` jo.

Mi~ caliquiú` coo` 'ma` güiñí'`

(Mr. 11:12-14, 20-26)

18 Jo mi~ cangí jo, coo` e la'ee` lajee` e ni'iuung~ Jesús fi' e ningáiñ' fi' Jerusalén, cadseá~ jmi'aaíñ . 19 Jo coo` cangá~ bre e gui~ coo` 'ma` güiñí'` ca' fi' lana, jo cangoquiéiñ' fi' li' gui~ do, dsu' cadsé'r' e jii~ coo` güiñí'` ja' íi~, dseáng~ yaang~ má'` quiáb'~ dsi~. Joba' lalab casí'r' e 'ma` güiñí'` do:

—jo` nicuó` gui' jii~ coo` güiñí'` latí' lana!

Jo ladsifí lanab caliquiú` e 'ma` güiñí'` do. 20 Jo mi~ tí' li~ cangá~ i dsea` quiá'r' do e calí~ lado, joba' eám' cango'gá` dsír' jo cajmingí'r' dsea` do lala:

—Fí'naa', ¿e~ uiing~ quiá'~ e caliquiú` ladsifí lana e 'ma` güiñí'` na?

21 Joba' cañí' Jesús quiáiñ'~ do:

—E já'~ e fi'~ i 'nú' e song dseáng'~ já'~ líng'na' e quí'~ baa jmi~ jmee~ lí'~ doñí' ee` jo ja` jmitúng~ áa'na', jo o' jii~ e na niquí'~ na' jmi~ nijmee~ na' jóng lí'` laco'gui jii~ e cajmé~ jnea~ cóo~ e 'ma` güiñí'` na. Co' song dseáng'~ já'~ líng'na' e quí'~ baa jmi~ jmee~ lí'~ doñí' ee', joba' cuóøm` lí' quiú'~ na' ta~ e mó'` si' la e nijéng'~ 'ña'` lí' si' jo nidsisíng'` 'ña'` fi' 'ni' jmiñí'`, joba' lajob nilí jóng. 22 Joba' fi'~ i 'nú' lajüing'na' na e mi' fóng'na' Fidié~, mí'~ ba're car` ngocáng` óo'na' jogui já'~ líng'na' e quí'~ b' dsea` do jmi~ nijmér~ lí' doñí' ee', joba' nicuó'~ bre 'nú' jóng lajii~ e mi'na' do.

I~ quiú' ta' Jesús e jmóor` jalé' e jmóor`

(Mr. 11:27-33; Lc. 20:1-8)

23 Jo mi~ cangí e cajíng'~ Jesús lajo, jo ca'í~ bre fi' dsí' sinúú` guá'~ fé' e er' júu` quiá'~ Fidié~. Jo lajee` iuuiñ' fi' job, mi~ cangoquiéeng' jaléng' fi' jmidsea` quiá'~ dsea` góor` dsea` Israel fi' li' siñ' colüing~ cóo~ jaléng' dsea` cóøng'~ quiá'r' cajo, jo cajmingí'r' dsea` do lala:

—¿I~ i quiú' ta~ quií'~ e jmoo'` jalé' e na? Jo ¿i~ i cacuø'` 'nú' fi' e cuóøng' jmee'~ jalé' e na?

24-25 Joba' cañí' Jesús quiáiñ'~ do jo casí'~ reiñ':

—Jnea~ cajo seab` coo` e nijmingí'` i 'nú'. ¿I~ casí' quiá'~ Juan e niseáiñ~ dsea` jmi~? ¿Su Fidié~ ofa' dsea` jmigüí'` é? Jo song nijmées'~ na' jnea~ júu` i casí' quiá'r'~, joba' nijmées'~ jnea~ 'nú' júu` i~ quiú' jnea~ ta~ e jmóo'` lajalé' e la.

Jo i dsea` do canaaíñ` sáiñ` lajee` la'ó' yaaiñ` jo sí'` rúíñ'` lala:

—Song nisí'~ naa'r e Fidiéeb` dsea` casí' quiá'~ i Juan do, joba' nijíñ'~ nisí'r' jnea~ aa': “¿Jialí' ja` já'~ calíng'~ na' i dsea` í jóng?” 26 Jo ja` cuóøng` nisí'~ naa'r e dsea` jmigüí'` casí' quiá'~ i Juan do, co' fíng song casí'~ naa'r lajo, dseám'~ fíng ee` cajmeáng' dsea` jnea~ aa'; co' lajüim` dsea` ñír' e i Juan do café'r' cuaiñ` quiá'~ Fidié~.

27 Joba' cañí'r' quiá'~ Jesús lala:

—Ja` ne~ naa' jii~ coo`.

Jogui Jesús casí'~ tur i dsea` do jo cajíñ'~:

—Q'gui jnea~ cuóøng' jmeé'~ e 'nú' júu` cajo i~ i quiú' jnea~ ta~ e jmóo'` jalé' e la.

Coo` júu` já'~ e lafa' júu` cuento quiá'~ gáng~ jóo' dsea`

28 Jo cajmingí'~ gui Jesús jaléng'~ i dsea` do lala:

—¿E~ í óo' 'nú' cuaiñ` quiá'~ e júu` la? Coo` née'~ nicaliséng` jaang` dseañu', jo i dseañu' í nicaliséng` gáng~ jóor'. Jo coo` née'~ casí'r' i jóor' la'uii~ do: “Jóo'o, fa' jgiéé' o' güijmées'~ coo` jmi~ ta~ fi' li' sijnea~ m'` huüing` jó'` qui'~ ii' do.” 29 Joba' cañí' i jóor' do: “iU~, dseáng'~ fím'~ baa nii'!” Jo dsu' mi~ cangí` guijiu lajo, ca'í~ dsír' cangór' . 30 Jo dsu' ngí jo i jóor' i

catí tú-gui do casí'- tiquiá'r^ laco' casí'r- i jóor' la'uii~ do; joba' i jóor' í cañí'bre ladsifí' quiá'- tiquiá'r^ jo cajíñ'- e nidsé-bre. Dsú' mi~ ngoyúung' jo ja' cangór-.

³¹ Joba' cajmingí'- Jesús i dsea' do:

—¿I lajee' lajì gáng- i jóor' do lãng- 'nú' i calinúu'~ júu^ quiá'- tiquiá'r^?

Joba' cañí' i dsea' do quiá'- Jesús jo cajíñ'-:

—I jóor' la'uii~ do, íbing' i calinúu'~.

Jo Jesús casí'r- i dsea' do lala:

—E já'- e fii' i 'nú' e jaléng' i dsea' i jmóo' ta~ mí' cuu- e catíng- dseata~ dsea' féng' i guíng- fí' Roma jogui jaléng' dseamí' i jmóo' ta~ 'nãng' yaang~, jéeng'guir nijáng' yaaiñ~ laco'gui 'nú' fí' jaguó' Fidiéé' e laco' dsea' do nicár' nifí' quiáíñ'- . ³² Co' mi~ cajá- Juan i caseáng' dsea' jmíi jo ca'e'r' 'nú' jial niliguiúng- na' fí' quini' Fidiéé', dsú' ja' já'- calíng- 'nú' jalé' e jo ie~ jo. Jo dsú' jaléng'gui i dsea' i jmóo' ta~ mí' cuu- cóo'gui jaléng' dseamí' i jmóo' ta~ 'nãng' yaang~ jáb'- calíñ'- ie~ jo. Jo dsú' 'nú'gui, nañí' fa' cañí'-ba' jalé' e jo, dsú' ja' caquí'~ jíng'~ yaang~na' fí' quini' Fidiéé', jogui dseáng'- ja' já'- calím-ba' júu^ quiá'- Fidiéé'.

Coo'gui júu^ já'- e lafa' júu^ cuento quiá'- dsea' 'léeng' i soo' dsí'

(Mr. 12:1-12; Lc. 20:9-19)

³³ Jo mi~ cangí' jo, cajíng' gui Jesús e júu^ la:

—Núu-na', la nifí' i 'nú' coo'gui júu^ já'- e lafa' júu^ cuento: Coo' née'~ jaang' dseañu' ni'óor' coo' uó- jo nicajme'r' iá' lacúng' e uó- quiá'r- do, jo cajnír' mí' huiing' jó' fí' dsí'. Jo cajmilíiñ~ coo' lí' ni'uó'r- jmí'^, jogui caséer' coo' 'núu' níí' fí' quiá'- jo e laco' cuóøng' tíí' nir' fí' la'úng- e fí' ni' guóo'~ uó- quiá'r- do lí' sijnea' mí' huiing' jó'.

'Jo mi~ cangí'guijia lajo, ca'náaiñ~ coo' tú- máng' dsea' i nijmé- ta~ uó- quiá'r-. Jo mi~ cangí' jo, cagü'í'bre cangór- fí' lí' huií'. ³⁴ Jo mi~ tí' lí' catí' í' e caroo' e mí' huiing' jó' do, jo caguiém' i dsea' fii' uó- do coo' tú- máng' dsea' 'léeng' quiá'r- i cangoquiéé' lajii' e catíiñ'- do. ³⁵ Dsú' mi~ tí' lí' caguilíng- i dsea' 'léeng' do fí' lí' taang~ i dsea' jmóo' ta~ uó- do, dsíng'- ga' cacóøiñ~ e caquié' i dsea' i jmóo' ta~ uó- do; i lãng~ cacóøng' cóo' cuu~, jogui i lãng~gui dseáng'- cajngam'bre. ³⁶ Jo mi~ cangí' jo, i fíng'gui dsea' 'léeng' caguiéng' tu i fii' do laco'gui i caguiéiñ' lamí' uii~ do. Jo dsú' lajob cajméé' tu i dsea' i jmóo' ta~ uó- do, cajmeám' tur jaléng' i dsea' 'léeng' i caguiéng' i dsea' fii' uó' do.

³⁷ Jo mi~ cangí' jo, jóo'gui i dsea' fii' uó- do caguiéiñ', co' ca'f' dsíir' e íguib fíng' nijmí'gó' i dsea' jmóo' ta~ uó- do. ³⁸ Jo mi~ tí' lí' cangáng- i dsea' jmóo' ta~ uó- do i jóo' i dsea' fii' uó- do jo canaaiñ~ sñiñ~ lajee' yaaiñ~: "I siming' nabíng' i nijmé' guiáa' e uó- la mi~ tí' lí' nijúung- tiquiá'r'; majngáang' naa're lajminá-, jo jneaa'aa' nilí'naa' nijé'ee' cóo' e uó- la." ³⁹ Jo røøb' casíng- i dsea' jmóo' ta~ uó- do e nijmér- lajo, jo cangojéiñ' i siming' do catí' 'ni' guiee' lí' sijnea' e mí' huiing' jó' do jo fí' job cajngang' neiñ' do.

⁴⁰ Jo cajíng' gui Jesús casí'r- i dsea' do:

—Joba' fii' i 'nú' e mi~ niguiéé' i fii' uó' do, ¿e~ lãng- 'nú' e nijmeáiñ' i dsea' jmóo' ta~ uó- i ca'lée' do?

⁴¹ Joba' cañí' i dsea' do:

—E nijngám'- i fii' uó- do lajaléng' i dsea' jmóo' ta~ uó- do, jogui dsea' jiém' nitáiñ' i nijmé- ta~ e uó- do lali~ i lí' dsíir' i nija'- lajii' e catíiñ- quiá'- e niró' do quiá'r-.

⁴² Joba' cañí' Jesús quiá'- i dsea' do:

—¿Su ja' mí' ca'f' 'nú' fí' ni' jì quiá'- Fidiéé' lí' fé' lala?

E cuu~ e ja' calijíi' dsea' jmígi' quiá'- tí' fii' quiá'- 'nur~, lanagui dseáng' cuu~ laniim- nica'uíng- quiá' 'núu'.

Jo 'ñiab' Fí'naa' dsea' cajméer' e la,

joba' dseáng'- eáam' dsi'gó' dsi'naa' lana.

⁴³ Jo uí' joba' fii' i 'nú' jmíi na e nigüeáb' lajii' e sí'f' niñíng'na' e Fidiéé' nicár' nifí' quií-na' jo dsea' jiém' niñíng' e jo, co' íbing' já'- nilíng' jogui ni'é- røø' fí' quini' dsea'

do. ⁴⁴ Jogui doñi' i' dsea' i nititaang' fi' ni' e cuu' e jul' na, dseáng' túb' niliñ'; jogui song i' dsea' cajling' e cuu' do, dseáng' congua' leeb' niliñ'.

⁴⁵ Joba' mi' ti' li' canú' i' fi' jmidsea' quia' dsea' Israel do có' gui jaléng' dsea' i líng' dsea' fariseo laji' e júu' e cajing' Jesús do, joba' calilí' e jaléng' íbre éeng' dsea' do có' e júu' quia' do. ⁴⁶ Joba' ie' jo lami' iñ' nisám' bre Jesús, dsu' ja' cateá' dsir' fa' cajmées' lajo, có' fím' dsea' teáng' i' já' líng' e dsea' do líiñ' jaang' i' fé' cuaiñ' quia' Fidiée'.

22

Coo' júu' já' e lafa' júu' cuento quia' mi' cung' guó' dsea' (Lc. 14:15-24)

¹ Jo mi' cang' jo, jo có' júu' lanab canaang' tu Jesús sí' jaléng' i' dsea' do jo casí' reiñ':

² —Jo lalab lí' mi' Fidiée' quier' nifí' quia' dsea'. Co' e jo lí' laco' mi' jaang' dseata' dsea' féng' cajmées' có' jmi' fe' quia' e nicúng' guó' jóor'. ³ Jo mi' ti' li' ninée' guiá' e jmi' do, joba' i' dseata' do casíñ' jaléng' dsea' léeng' quia' i' cangoté' jaléng' dsea' siming' e laco' nidór' coling'. Dsu' i' dsea' siming' do ja' cali' iñ' fa' cangoliñ'. ⁴ Jo mi' cang' jo, i' jiéng' gui dsea' léeng' quia' i' dseata' do casíñ' i' cangoté' i' dsea' nisiming' do jo casí' reiñ' do jial júu' nicáñ' do jo cajín' lala: “Güjmée' na' júu' i' dsea' nisiming' do e ninée' guiá' lajaléb' e niquiee' naa', có' nicaquiá' ta' e nicajngam' dsea' güitá' quie' e có' gui jaléng' jó' caguiaang' gui i' jlo' úung', jo lajib' ninée' guiá' lana. Sí' gor güijaliñ', có' lana nidsitoo' jmi' quia' e nicúng' guó' jó' baa.” ⁵ Dsu' dseáng' ja' cajmijib' i' dsea' siming' do laji' júu' quie' i' dsea' léeng' do. Jo jaaiñ' do cajín': “Sí' go' fii' e ja' lí' nii' i' lana, có' nabi' né' nii' i' ni'ée' e uó' quie' e.” Jo jaang' gui do cajín': “Sí' go' fii' e ja' lí' nii' i' lana, có' nabi' né' nijó' laji' e 'na' baa.” ⁶ Jogui i' dsea' siming' caguiaang' gui do caquiém' bre i' dsea' léeng' quia' i' dseata' do cartí' cajngam' breiñ' do. ⁷ Job mi' caliguíng' i' dseata' do e eáang' jo caquiá' ta' lé' quia' e cangojngáam' biñ' do jaléng' dsea' i' calée' do jogui cají' bre fii' góoiñ' do cajo. ⁸ Jo mi' cang' jo, i' dseata' dsea' féng' do casí' i' dsea' léeng' quia' caguiaang' gui do jo cajín': “Lana ninée' guiá' laji' jmiñ' e niquiee' naa', dsu' i' dsea' i' lami' sí' siming' do ja' catíñ' fa' e nijaliñ' e niquiee' naa' coling' có' r'. ⁹ Jo lanagui fii' i' 'nú' e güilíng' na' lacaang' jee' 'nú' fi' jalé' fi' e laniing' jo güite' na' lí' doñi' i' dsea' i' nijíng' na' jee' 'nú' do jo sí' na' e niquiee' naa' coling' có' r', có' i' dsea' i' lami' sí' siming' do ja' cali' iñ' fa' cajaliñ'.” ¹⁰ Joba' ca' uó' om' i' dsea' léeng' quia' i' dseata' dsea' féng' do e cajmitir' laco' jii' ta' caquiá' fiir', jo i' fím' i' dsea' do catór', do i' guiúng' jogui dogui i' soo' dsí'; lifa' dseáng' caróm' dsí' sinú' quia' i' dseata' do e catang' jaléng' i' dsea' í'.

¹¹ Jo mi' ti' li' ca' i' i' dseata' do fi' li' niteáng' i' dsea' fíng' do, job cangáñ' jaang' dseañ' i' niquíng' jee' do i' ja' qui' sí' laco' catíng' quia' mi' ti' jmi' e cung' guó' dsea'. ¹² Joba' i' dseata' do casí' i' dsea' í': “Ruu', jial ca' í' o' ca' u' fi' la ja' gui sí' quia' quia' li' cung' guó' dsea'?” Jo tiib' cajé' i' dsea' i' ja' quie' sí' laco' sí' do. ¹³ Joba' i' dseata' do casí' jaléng' i' dsea' léeng' i' guia' guiá' mes' do: “Ñu' na' guotii' i' dseañ' na jo güibíng' na' cartí' lí' nu' só' fi' caluu', jo fi' job lí' nijmér' ta' qui' jogui ta' tu' maja'.” ¹⁴ Dsu' có' tó' Fidiée' i' fím' dsea' e nijáng' yaaiñ' fi' jaguór', lifa' jii' tú' 'ni' míng' bing' i' guíñ'.

Mi' cajming' dsea' Jesús cuaiñ' quia' e catíng' dseata' (Mr. 12:13-17; Lc. 20:20-26)

¹⁵ Jo mi' cang' e la, caseáng' có' tú' míng' dsea' Israel i' líng' dsea' fariseo jo casíng' tur rø' jial laco' nicuór' Jesús dsee' fi' quini' dseata'. ¹⁶ Jo casím' biñ' do fi' lí' táang' Jesús có' tú' míng' dsea' i' la' ó' í' có' gui dsea' quia' dseata' Herodes, jo lalab júu' quieñ' do quia' Jesús jo casí' r':

—Tifa', ne' baa' guiá' e jmang' júu' já' ba' fó' 'nu' jogui e dseáng' lajam' ba' já' e e' jialco' iing' Fidiée' e see' naa'. Jogui ne' bii' cajo e ja' 'gó' 'nu' có' jalé' e í' dsí' dsea' osi

jalé' e fé' dsea` uii` quí' é, co' ja` jóø` 'na` jii` jialco' líng' dsea` lí' caluu'. ¹⁷ Joba' ii`naa' nijmingá' 'hi' 'na` e` nifo'` cuaiñ` quiá' e júu` la: ¿Su`né` niquí`naa' cuu` e catíng` dseata` i guing` fí` Roma osi ja` 'né` qui`naa' é?

¹⁸ Jo dsu' Jesús calilí`bre lajii` e ga` e í` dsí' i dsea` do, joba' cajíñ` casí`-reiñ':

—i`jmicaang` i la` 'nú'! ¿Jialí' 'nó'na' e iing`na' niguié'na' jial e ni`núng`na' jnea` fí` quini` dseata`? ¹⁹ Ée'na' jnea` e cuu` e 'né` niquí` quiá' i dseata` do.

Joba' i dsea` fariseo do cacuø'r` dsea` do coø` cuu` lajo. ²⁰ Jogui Jesús casí`-reiñ' do lala:

—¿I` i táang` fí` ni` e cuu` la jogui jial siir`?

²¹ Joba' cañí' i dsea` fariseo do quiá' Jesús:

—Dseata` dsea` guing` fí` Roma táang` fí` na.

Joba' cañí'tu Jesús quiá'ñ` do jo casí`-reiñ':

—Cuøø'na' dseata` i guing` fí` Roma lajii` e catíng` í, jogui lajobi cajo cuøø'na' Fidié` lajii` e catíng` Fidié`.

²² Joba' mi` tí` lí` canúuiñ` do lajo, eám' cangogá` dsír' e jii` o' ñir' e` niñí` guir. Jo cangolím`bre mi` cangí` lajo, jo`ñiab' Jesús cajé` guir.

*Mi` cajmingá' dsea` jial lí' mi` nijí'tu dsea` calé` catú`
(Mr. 12:18-27; Lc. 20:27-40)*

²³ Jo`ña' ie` jmii` jo caguilíng` coø` tú` máng' dsea` Israel i líng' dsea` saduceo fí` lí` táang` Jesús. Jo co' jaléng' i dsea` saduceo do ja` já` líiñ` e jí'tu` líi`, joba' ca'í` dsír' e cangojmingá'r` Jesús jo casí`r` dsea` do lala:

²⁴ —Tifa', lalab cajíng` Moí` malii`gui eáang` e song cajúng` jaang` dseañu' e jii` ja` jóø'r` caliséng`, joba' i rúng' dsea` ngáang` coø' i` líi` dob`né` nicúíñ` guóor` coø' i dseamí` quiá' i` líi` do e laco' niliseeng` jóø'r` coø' ír`. Joba' lafa' jóøb' i dseañu' la'uii` do ni`uíng` i jiuung` i niliseeng` do. ²⁵ Jo lalab calí` jee` jnea`; coø` née` caliséng` guiáng` dseañu' i la'ó' rúng'. Jo i dseañu' la'uii` do cacúm' guóor`, jo ja` huøø` ngó` cajúm`bre, lifa' jii` jaang` jóø'r` ja` caliséng` coø' dseamí` quiá'r`. Joba' i dseañu' rúíñ' i catí` tú` do cacúm`bre guóor` coø' i dseamí` í, ²⁶ jo dsu' lajob calí`tu, cajúm`biñ' do jo ja` jóø'r` caliséng` cajo. Jo lajob i rúíñ' i catí` 'ní` do cajo, cacúm`bre guóor` coø' i dseamí` í, dsu' lajobtu ca'uíng` quiá'r`, cajúm`bre e jii` ja` jóø'r` caliséng`. Jo lajob calíng` lajii` guiáng` i dseañu' do, cajúm`bre e jii` ja` jóø'r` caliséng` coø' i dseamí` do. ²⁷ Jo ja` huøø` ngó` jo cajúm` i dseamí` do cajo. ²⁸ Joba' jmingá' jnea' 'na` lana e mi` nití` í' e nijí'tu dsea`, ¿i` dseáng' i dseañu' do lajee` lajii` guiá'ñ` nicúng' guóor` coø' i dseamí` do? Co' lajalém`bre cacúíñ' guóor` lajee` seeíñ` fí` jmigü` la.

²⁹ Joba' cañí' Jesús quiá'ñ` do:

—Sijgiém` áa' 'nú', co' ja` ñí`na' jial laco' fé' fí` ni` jii` quiá' Fidié`, jogui dseáng' ja` ñí`ba' cajo jial tí' 'gøng' dsea` do. ³⁰ Co' ie` jo, mi` nití` í' e nijí'tu jaléng' líi`, jaléng' dseañu' coø'gui jaléng' dseamí` jo` tóø` jmii` fa' e nicúng'gui guóor`, dsuco' lafa' ángeles quiá' Fidié` i neáang` fí` ñífb` nilíiñ` ie` jo. ³¹ Jogui 'nú' jmingá'na' su jí'tu jaléng' dsea` mi` ningí` e júuiñ`, jo ¿su ja` mí` ca'í' 'nú' lí` tóø` lajii` júu` quiá' Fidié` e cajíñ' malii`gui mi` café'r` lala?: ³² “Jneab` lán`n Fidié` quiá' Abraham coø'gui quiá' Isáa' jogui quiá' Jacóo'.” Joba' fii` i 'nú' lana e Fidié` ja` líiñ' Fidié` quiá' jaléng' líi`, co' Fidié` quiá' jaléng' dsea` jib' líiñ'.

³³ Jo mi` tí` lí` canúu` jaléng' i dsea` do lajii` júu` e cajíng' Jesús, joba' dsíng' cango'gá` dsír' jo cangolím`bre jóng.

*E lab júu` quiu' ta` e laniing`gui quiá' Fidié`
(Mr. 12:28-34)*

³⁴ Jo mi` tí` lí` cangí` e casíng` Jesús coø' dsea` saduceo, jo caseám' rúng' dsea` fariseo mi` tí` lí` caliñir' e cateá` lanab cañí' Jesús lajii` júu` e cajmingá' i dsea` saduceo do. Jo i dsea` í` cangolím`bre fí` lí` táang` Jesús. ³⁵ Jo jaang` lajee` la'ó' ír` i líng' tifa' quiá' júu`

quiá' ta~ quiá'- dsea` góor` dsea` Israel e lí' laco' iin~ e niténg' Jesús fí' ni~ dsee~, joba' cajmingí'r~ dsea` do lala:

³⁶ —Tifa', ¿e~ e júu^ quiá' ta~ quiá'- Fidié~ e niing~ gui?

³⁷ Joba' cañí' Jesús quiá'- i dsea` do:

—E lab e júu^ e niing~ gui do: “Jmi'neáng` Fíi' Fidié~ car` ngocáng` o' jogui cóo~ jalé' bî seeng` jmiguí quií' jogui cóo~ jalé' e í' o'.” ³⁸ Jo e lab e júu^ e laniing~ gui jogui e la'uii~ do cajo jee~ lajalé' júu^ quiá' ta~. ³⁹ Jogui e júu^ quiá' ta~ e catí' tú~ do røb`jiá lí' cóo~ e la, jo lalab fé': “Jmi'neáng` jaléng` dsea` rún' lí' laco'gui jmi'neán' uø'.” ⁴⁰ Jo cóo~ e tú~ júu^ quiá' ta~ nab lí' júu^ tí~ fí' quiá'- lajalé' e caguiee~ gui júu^ quiá' ta~ quiá'- Fidié~ jogui lajalé' júu^ e ca'e' i dsea` i café' cuaiñ~ quiá'- Fidié~ malí' gui eáang'.

I~ dsea` siju~ lãng` Dsea` Jmáang~

(Mr. 12:35-37; Lc. 20:41-44)

⁴¹ Jo lajee~ e teám~ bi jaléng' i dsea` fariseo fí' do, ⁴² mi~ cajmingí' Jesús ír` lala:

—Jo ¿e~ í' óo' 'nú' cuaiñ~ quiá'- i dsea` i sijeeng` na' do i nicá' nifi' quií' na' do? ¿jial laco' jáa' siju~?

Joba' cañí' i dsea` do quiá'- Jesús jo cajíñ':

—Dsea` siju~ dseata~ dsea` féng' Daví' í'.

⁴³ Joba' cañí' Jesús quiá'ñ' do:

—Jo ¿jial lí' jóng? Co' ie~ lamí~ cateáng` dseata~ Daví' fí' jmiguí la, cajíñ'- la'eáang` cóo~ Jmiguí quiá'- Fidié~ e Dsea` Jmáang~ lãng` Fiir~, co' lalab cajíñ'- ie~ jo:

⁴⁴ Lalab cajíng' Fidié~ casí'r~ Fíi':

“Ní lí' lí' dsée' laco' guin~ n

cartí' nijmee~ e e jaléng' dsea` i 'ní' níng~ 'nú'

nisí'r~ uø~ jnir~ fí' quini'^ e laco' nijmi'gór' 'nú'.”

⁴⁵ Jo cajíng'~ gui Jesús e júu^ la:

—Jo song 'ñia' bi dseata~ Daví' sí'r~ Fíi' i dsea` i sijeeng` na' do i nicá' nifi' quií' na' do, joba' ¿jial cuøøng` e í' líiñ' dsea` siju~ dseata~ Daví' jóng?

⁴⁶ Jo jaléng' i dsea` i teáng~ do ie~ jo jíi~ camí'^ júu^ ja` cadsé'r' fa' cañír' quiá'- Jesús, jo latí' ie~ job jíi~ jaang` dsea` fa' cateá~ gui dsír' ee` nijmingí'r~ dsea` do.

23

Mi~ cajíng' Jesús jalé' e ga` e jmóo` jaléng' dsea` fariseo

(Mr. 12:38-40; Lc. 11:37-54; 20:45-47)

¹ Jo mi~ cangí' e jo, casí' Jesús jaléng' dsea` i teáng~ do ie~ jo cóo~ gui jaléng' dsea` quiá'r~ jo cajíñ'- casí'- reiñ':

² —Jaléng' tifa' quiá'- júu^ quiá' ta~ quiá'- dsea` góo'naa' dsea` Israel cóo~ gui jaléng' dsea` góo'naa' i lãng` dsea` fariseo óor` ta~ e er' e~ guøng' lajii~ júu^ quiá' ta~ quiá'- Fidié~.

³ Joba' fí' i 'nú', jmee~ ba' núu~ na' lajii~ júu^ quiá'r~ jogui jmití'ba' lajii~ e sí'r' 'nú', jo dsu' jie~ mí' jmoo'na' laco'gui la jmóor~, dsuco' i dsea` í' ja` jmitir~ lajii~ e júu^ quiá'r~ do.

⁴ Dsuco' i dsea` í' lico' tíiñ' jmér~ lafa' lee^ dsea` cóo~ jalé' e jíñ'- e 'né~ nijmitir~ dsea` e jíi~ ja` quíi~ dsea` jmíi~ jmitir~, jo dsu' ja` jmico'or~ dsea` jíi~ cóo~ camí'^ niguóor` e laco' niróo~ e lee~ do.

⁵ Jo lajii~ e jmóor` do lico' iin~ e jøø~ jaléng' dsea` jiém'. Jogui tí' dsír' e quier' lí' tóo' júu^ quiá'- Fidié~ fí' guiaquí'r' osi fí' dse' cuéer' é, jo e jo tóo' cóo~ júu^ e liing~ guíá~ laco' jnéeng~ huíi~. Jo lacaang` fí' dse' sí'r^ tí' dsír' e í'r' lo^ e cuee'. ⁶ Jo tí' dsír' e guár' fí' lí' jlo'^ gui fíng dsilíiñ~ lacaang` lí' tí' jmíi~ osi lí' niing~ gui é fíng dsilíiñ~ fí' sinúu^ guá'- quiá'- dsea` góo'naa'.

⁷ Jogui iin~ e jmí'gó' dsea` ír' mí' jíñ' rúíñ' jee~ 'núu', jogui tí' dsír' e fa' jalém' dsea` sí' ír' tifa'.

⁸ Jo dsu' 'nú' ja' catíng~ na' fa' e nisí' dsea` 'nú' tifa', dsuco' jaam` tifa' i dseáng' seeng` quií' na', jogui lajaléng' 'nú' líng' na' laco' rúm' ba'. ⁹ Jogui 'nú', ja' catíng~ na' e nifi' na'

teaa` jii` jaang` dsea` fi` jmigüi` la, dsuco` jaam` Tiquí`na` i seeng`, jo íb` Fidié` i guiing` fi` ñiff` ; ¹⁰ o`gui catíng`na` fa` e nisi` dsea` 'nú` fi` , co` jaam` Fii`na` seeng`, jo íb` i dsea` i sijeeng`na` do i nicá` nifi` quí`na`. ¹¹ Jogui song`ii` lajee` la'ó` 'nú` líiñ` e niing`gui, joba` íbing` i 'né` nijmé` ta` jmicóo` jee` jaléng` 'nú`. ¹² Co` doñi` ii` dsea` i jmiféng` 'ña` jee` jaléng` dsea, joba` i dsea` í eáam` nijgiáaiñ` mi` nití` í` lajo. Jo doñi` ii` dsea` i ja` jmiféng` 'ña` jee` jaléng` dsea` rúng`, joba` íbing` i eáang`gui niliniing` mi` nití` í` lajo.

¹³ 'iE ngi` fñib` 'nú`, jaléng` tifa` quiá`- júu` quiu` ta` quiá`- dsea` Israel cóo`gui jaléng` 'nú`, dsea` Israel i líng` dsea` fariseo, co` jmang` i jmicaam` 'nú`! Co` jni`ba` fi` e laco` dsea` jiéng` ja` nijáng` yaaiñ` fi` jaguó` Fidié` e laco` dsea` do nicá` nifi` quiá`r`. Jogui` jii` 'nú` ja` jáang` yaang`na` fi` jaguó` Fidié` o`gui cuø`na` fi` jaléng` dsea` i iing` nijmé` lajo.

¹⁴ 'iE ngi` fñib` 'nú`, jaléng` tifa` quiá`- júu` quiu` ta` quiá`- dsea` Israel cóo`gui jaléng` 'nú`, dsea` Israel i líng` dsea` fariseo, co` jmang` i jmicaam` 'nú`! Co` jmoo`na` ii` 'nu` jaléng` dseam` 'nu` i tiñing`, jogui` jmicaang`na` e ja` lí` lajo, jogui` jmoo`na` e cuee` fa` quí`na` mi` güilíng`na` fi` guá`. Jo uí` e lajob` jmoo`na`, joba` 'nú`bing` i ga`gui eáang` ni`ing` iihuú` mi` nití` í` lajo.

¹⁵ 'iE ngi` fñib` 'nú`, jaléng` tifa` quiá`- júu` quiu` ta` quiá`- dsea` Israel cóo`gui jaléng` 'nú`, dsea` Israel i líng` dsea` fariseo, co` jmang` i jmicaam` 'nú`! Co` jmoo`na` ta` ngi` lacaang` fi` ni` guóo` uø` quiú` cóo`gui lacaang` fi` ni` jmiñi` e laco` nili`na` jaang` dsea` i nidsitáang` cóo` 'nú`. Jogui` mi` ti` lí` calí`na` i dsea` í, dseáng`- lico` síng`guina`r e catíiñ` tú` née` fi` lí` lí` laco`gui la líng` 'nú` yaang`na`.

¹⁶ 'iE ngi` fñib` 'nú`, dsea` líng`na` lafa` dsea` tiuung` i jéeng` jaang`gui dsea` tiuung`! Co` 'nú` fó`na` e mi` jmóo` dsea` promes e éeiñ` guá` fé`, ja` 'né` nijmitir` e jo; jo dsu` 'nú` fó`na` e mi` éeng` dsea` e cuné` e sea` fi` guá` do, joba` dseáng`- 'né` e jmiti`bre jóng. ¹⁷ 'Nú` líng`na` lafa` dsea` tiuung` i ii`! ¿E` e quíng`gui quí`na` eáang` líng`na`? ¿Su` cuné` ofa` e guá` e jmigüeang` e cuné` dob` é? ¹⁸ Jogui` fó`bi` 'nú` cajo e doñi` ii` dsea` i jmóo` promes e éeiñ` fi` nife`, ja` catíng` fa` e nijmitir` lajii` e ca'éeiñ` do. Jo dsu` 'nú` fó`na` e song` ca'éeng` dsea` lajii` e tíng` dsea` e cuø`r` Fidié` fi` nife`, joba` dseáng`- 'né` e nijmiti`bre jóng lajii` e ca'éeiñ` do. ¹⁹ 'Nú` líng`na` lafa` dsea` tiuung`! ¿E` e quíng`gui quí`na` eáang` líng`na`? ¿Su` lajii` e tíng`na` cuø`na` Fidié` fi` nife` do ofa` e nife` e lí` ligüeang` dob` é? ²⁰ Jo dsu` jnea`gui fá`a e i dsea` i éeng` e nife` do, o` jii` quiá` e jo jmóor` lajo, co` lajob` jmóor` cajo quiá`- lajalé` e sea` e fi` ni` do. ²¹ Jogui` i dsea` i éeng` guá` fé`, o` jii` quiá` e guá` do jmóor` lajo, co` lajob` jmóor` cajo cóo` Fidié` i seeng` fi` jo. ²² Jogui` i dsea` i éeng` ñiff`, lajob` éeiñ` 'ña` Fidié` cajo jogui` fi` lí` lí` ée` quiá`- dsea` do fi` jo.

²³ 'iE ngi` fñib` 'nú`, jaléng` tifa` quiá`- júu` quiu` ta` quiá`- dsea` Israel cóo`gui jaléng` 'nú`, dsea` Israel i líng` dsea` fariseo, co` jmang` i jmicaam` 'nú`! Co` cuø`na` Fidié` cóo` lajee` gui` lajii` e catíiñ` quiá`- jalé` e ro`na` do fa` jalé` oo` quiá`- jmiñi` jogui` jalé` e jié`, jo dsu` ja` jmiti`na` e júu` quiu` ta` quiá`- Fidié` e niing`gui e quiá`- jial` ni`é` dsea` røø` cóo` dsea` rúñ` jogui` jial` nilí` fñi` líng` dsea` jaléng` dsea` rúñ` jogui` jial` dseáng`- nijmitir` jalé` e iing` Fidié`. Jo jalé` e nab e laniing`gui e 'né` nijmiti`na` lifa` ja` 'naang`na` ca` jalé` e catíng` Fidié` e nicuø`na`re do. ²⁴ 'Nú`gui líng`na` lafa` dsea` tiuung` i jéeng` jaang`gui dsea` tiuung`! Jo tñm`ba` ngí`na` jalé` e ú`na` e laco` ja` nining`na` lu` ping` , jo dsu` ním`ba` i jó` féng` i sií` camello!

²⁵ 'iE ngi` fñib` 'nú`, jaléng` tifa` quiá`- júu` quiu` ta` quiá`- dsea` Israel cóo`gui jaléng` 'nú`, dsea` Israel i líng` dsea` fariseo, co` jmang` i jmicaam` 'nú`! Co` 'nú` lí` i ru` guiú` jalé` cuéé` huú` quiá`- jii` lí` caluu`, jo dsu` e téé` dsí` do jmang`- jalé` e nicajmee`na` ii` cóo`gui jalé` e lí` óo`na` e sea` fi` jmigüi`. ²⁶ i tñm` 'nú`, dsea` fariseo! Co` la'uii` jang`- rúu`na` lí` lí` dsí` jalé` cuéé` huú` quí`na` do, jo lajoguiba` nijé` tee` fi` caluu` cajo.

²⁷ 'iE ngi` fñib` 'nú`, jaléng` tifa` quiá`- júu` quiu` ta` quiá`- dsea` Israel cóo`gui jaléng` 'nú`, dsea` Israel i líng` dsea` fariseo, co` jmang` i jmicaam` 'nú`! Co` 'nú` líng`na` laco`gui la lí` lí` si'aang` lí` e jlo`jiu` tee` lí` caluu`, jo dsu` lí` lí` dsí` layaang` móo` 'ñi`ba` téé`

cóo' gui jalé' e 'li' e jíé'. ²⁸ Jo dseáng' lajob líng' 'nú' cajo, co' guiúm-ba' jnéng-na' jóøng- dsea' 'nú' lí' caluu', jo dsu' dseáng' lico' jmicaam-ba' cóo' jalé' e fó'na' jogui jmang' e 'lib' í' áa'na'.

²⁹ 'iE ngí' fíib' 'nú', jaléng' tifa' quiá' júu' quiu' ta' quiá' dsea' Israel cóo' gui jaléng' 'nú', dsea' Israel i líng' dsea' fariseo, co' jmang' i jmicaam' 'nú'! Co' jmo'na' lí' si'aang' jaléng' dsea' i café' cuaiñ' quiá' Fidié' malí' gui eáang' jogui jmoo'na' e silí' jlo' lí' si'aang' jaléng' dsea' i ca'ée' guiá' cóo' Fidié', ³⁰ jogui fó'na' lala: "Facó' jnea' calisé'naa' lajee' e caliséng' 'lí' dsea' áang' qui'naa', joba' ja' cajmicóo'naa' jóng e cajnga' dsea' quiá' i dsea' i café' cuaiñ' quiá' Fidié' malí' gui eáang' do." ³¹ Jo cóo' jíí' e júu' nab cuø'na' lí' e dsea' síjú'ba' líng' i dsea' i cajngang' i dsea' i café' cuaiñ' quiá' Fidié' malí' gui do. ³² Jo co' lajob líí', joba' 'nú' jmité'na' náng lajíí' e nicanaang' 'lí' dsea' cóøng' qui'na' cajméer'.

³³ 'i'Nú' líng'na' jóo' mí' guíng'! Jial nilí'na' e nileáng'na' lajíí' iihu' e ni'íng'na' fí' lí' 'li'? ³⁴ Joba' fí' 'nú' e jnea' nisín'na' jee' 'nú' jaléng' dsea' i fé' cuaiñ' quiá' Fidié' jogui jaléng' dsea' i tíng' eáang' cóo' gui jaléng' dsea' i e' jalé' júu' quiá' dsea' góo'naa' dsea' Israel; lífa' 'nú', nijngám'ba' jogui nitáang'na' fí' dse' crúub' i líng' i dsea' í', jogui i líng' guií' do nibøøng'na' r' fí' dsí' sináú' guá' jogui ni'øøng'na' r' fí' laco' fí' lí' guilíí'. ³⁵ Jo lajoba' iihu' e eáam' ni'íng'na' e jáa' quiá' Fidié' uii' quiá' jalé' jmi'øøng' i dsea' i guiúng' e nicatu' fí' ni' guóo' uø' la. Jo e jo canaang' mí' catu' jmi' Abel i líng' jaang' dsea' guiúng' fí' quini' Fidié' jo cartí' mí' catu' jmi' Zacarías, jóo' jaang' dsea'na' i calisí' Berequías, co' i dsea' íb' i cajngang' 'nú' cáang' nife' quiá' siguí' guá' fé' e si' fí' Jerusalén. ³⁶ Jo dseáng' e jáb' e fí' 'nú' e i dsea' i seeng' jmi' na, íbing' i ni'íng' iihu' uii' quiá' lajalé' e jo.

*Mí' caqui' Jesús uii' quiá' dsea' seeng' fí' fí' Jerusalén
(Lc. 13:34-35)*

³⁷ Jo mí' cangí' jo, cajíng' gui Jesús e júu' la:

—i'Fíib' 'nú', dsea' seeng'na' fí' Jerusalén, fíib' 'nú', dsea' seeng'na' fí' Jerusalén! Co' 'nú' i seeng' e fí' fí' lab i cajngang' jaléng' dsea' i café' cuaiñ' quiá' Fidié', jogui cuub' casí'loo'na' cajo jaléng' dsea' i casíng' dsea' do i guí' júu' quiá' r' jee' 'nú'. Jo ja' níi' jó'gui née' calí'ín'na' e nito' fí' 'nú' lí' laco'gui to' fíng' jaang' tui'íee' jaléng' tuyuu' quiáa' re' fí' ná' cuéere', jo dsu' ja' calí'íng'na' lajo. ³⁸ Joba' latí' lana jo' i niliseeng'gui fí' guá' qui'na' la. ³⁹ Joba' fí' 'nú' e jo' nimáang'gui' jnea' cartí'mí' nifo'na' lala: "iJuguí' jiu' quiá' i dsea' i casíng' Fidié' fí' jmígüí' la cuaiñ' quiá' r'!"

24

*Mí' cajíng' Jesús e ni'íng' guá' fé' e si' fí' Jerusalén
(Mr. 13:1-2; Lc. 21:5-6)*

¹ Jo mí' cangí' jo, mí' tí' lí' cagüí' fí' Jesús fí' dsí' sináú' guá' jo mí'fíng' ni'íuuiñ' fí' ngam'bre, mí' tí' lí' cangoquíéeng' i dsea' quiá' r' do fí' lí' ngóor' jo canaaiñ' do jóø' la'úung' e guá' fé' do. ² Joba' lalab casí' Jesús i dsea' í:

—¿Su jóø' 'nú' jial jlo' e guá' si' na? Jo dsu' e já'ba' e fí' 'nú' e jíí' coo' cuu' jo' nijé' sífíng'gui rúng' quiá' e guá' e móo'na' si' na lana; co' lajib' ni'íng' jo jíí' coo' jo' e nijé'gui.

*Jalé' e lí' mí' tí' lí' ná' gui e ni'íng' jmígüí'
(Mr. 13:3-23; Lc. 21:7-24; 17:22-24)*

³ Jo mí' cangí' jo, cangób' Jesús fí' yá' mó' e sii' Olivos colíng' cóo' dsea' quiá' r'. Jo mí' caguilíí' fí' jo, job caguá' Jesús, jo lajee' job cangoquíéeng' i dsea' quiá' r' do fí' lí' guíí' do lí' coo' yaaiñ', jo cajíí' casí' r' dsea' do lala:

—li~naa' fa' 'na' nijmée'~ jnea'^ júu^ çli~ nidsijée' lajalé' e la? çE~ jalé' e nilili~ jéeng'gui mi~ tí li~ ná'~ gui niñí'tu 'na' fí' jmigüi' la jogui mi~ tí li~ nití' í' e ni'íng~ jmigüi'?

⁴ Jōba' cañi' Jesús quiá'~ i dsea' quiá'r~ do jō casí' reiñ':

—Jii' e laba' fñi' i 'ná'; jmiñiing' óóna' e jii' jaang' dsea' ja' güijmigóoiñ' 'ná'. ⁵ Co' fñim'bing' i nijalíng~ i nijmigóo' jō nijíñ': "Jneab~ i dsea' i sijeeng'na' do i nicá' nifi' quií'na'"; jō fñim' dsea' nilí'r' i niligøøng'. ⁶ Jō 'ná' ninúu^na' júu^ e sea' 'ni' fí' la fí' na; jō dsu' ja' føøng'~na' mi~ nití' í' la jō, co' jobi uing~ jogui co' dseáng'~ 'né' e nidsijée' lajalé' e jō; dsu' o' ie~ jō nití' í' e ni'íng~. ⁷ Co' ie~ jō jaléng' dsea' nitíñ' cōo'~ dsea' rúíñ', jogui cōo' fñi' nitíng~ cōo'~ cōo' gui fñi', jogui nilisea' oo' fí' la fí' na, jogui jmiguiab' li~ nijó' uó' e eáang' cajo. ⁸ Jō jobi lí' uim~bi jóng mi~ nimó'na' e nidsijée' jalé' e iihu' jō.

⁹ Jō job mi~ nitóø' jaléng' 'ná' e laco' nijmihuñiñ' 'ná' cartí' nijngáñ'~ 'ná'. Jō ie~ jō lajñim' dsea' jmigüi' nilí' 'ní' niñiñ' 'ná' uí'~ jnea'. ¹⁰ Jō ie~ jō fñim' dsea' nitá'bre e já'~ líñiñ' júu^ quié' e jogui nilí' 'ní' níng~ rúng' dsea' jogui ni'níñiñ' lajee' la'ó' rúíñ' cajo. ¹¹ Jō fñim' dsea' nijalíñ' mi~ tí li~ jō e nijmigóo' e fé'r' cuaiñ'~ quiá'~ Fidiée', jō fñim' dsea' nilí'r' i niligøøng'. ¹² Jō ie~ jō dseáng'~ jmang'~ jalé' e 'lí'ba' nijmé' dsea', jōba' fñim' dsea' nitá'bre e jmi'neáañ' jaléng' dsea' rúíñ'. ¹³ Jō dsu' i dsea' i nité' e siñ' teá' fí' guiá'~ lata' cōo'~ jnea', jōba' í'bing' i nileáng' jee' dsee'~ quiá'~ mi~ tí li~ jō. ¹⁴ Jō e júu^ la quiá'~ jial quié' Fidiée' nifi' quiá'~ dsea' nini'~ fí' la'úng' fí' jmigüi' e laco' nilicuí' dsea' e júu^ jō; jō joguiab' mi~ nití' í' e ni'íng~ jmigüi' jóng.

¹⁵ Jō malí' gui eáang' i dsea' i café' cuaiñ'~ quiá'~ Fidiée' i calis' Daniel cajme'r' fí' ni~ jì' quiá'r~ cuaiñ'~ quiá'~ cōo' e 'lí' eáang' e nisi' dsea' fí' dsí' guá'~ fé' e si' fí' Jerusalén fí' lí' lí' e guá'~ güeang'~ quiá'~ Fidiée'. Jō mi~ nimó'na' e jō e fí' lí' güeang'~ quiá'~ Fidiée' do —jaléng' 'ná' i í' e jì' la 'né' ningám'ba'—, ¹⁶ jōba' mi~ nití' e í' jō, jaléng' dsea' i neáang' fí' lí' se' Judea güicuú'bre fí' jee' mó' jóng. ¹⁷ Jogui i dsea' i dsiing' yá'~ 'ná' mi~ tí li~ jō, ja' güi'í' dsí'r' fa' e nijgiáang'guir e laco' nidsi'uóø'r~ jalé' e sea' quiá'r~. ¹⁸ Jogui i dsea' i taang'~ fí' jee' mó' e jmóor' ta~, jōba' ja' güi'í' dsí'r' fa' e niqing'~ guir fí' quiá'r~ e faco' dsiquiéer' si'r'. ¹⁹ Jōba' fñi' e eáang' jaléng' dseam' i quiéeng' yuu' ie~ jō osi i jéeng' yuu' i cu' tá' é! ²⁰ Jō mñi'~na' Fidiée' e ja' nidsitíng' e ni'uóøng'na' e cuí'~na' lajee' jii' güi' osi lajee' jmi' e jmi'íng' dsea' góo'na' é; ²¹ dsuco' ie~ jō gab' eáang' nilisea' iihu' e ja' mi' canga' dsea' lajii'~ mi' catiroo' jmigüi' o'gui fa' niní'guir calé' catú' cajo. ²² Jogui faco' Fidiée' nijmér' e nilí'~ eáang' e nidsijée' jalé' e jō, jōba' jii'~ jaang' jō' i' nileáng'gui jóng faco' lajō. Jō dsu' ja' nijmi'ñiñ' e jō uí'~ e fñi' líñiñ' jaléng' dsea' quiá'r~ i nicaguíñ' do.

²³ Jō song ie~ jō nijmigóøng' dsea' 'ná' jō nijíñ': "Jóø-, i lab i dsea' i sijeeng'na' do i nicá' nifi' quií'na'", osi "Jóø-, dob nisiñ' é", jō dsu' ja' já'~ güilíng'na' jóng. ²⁴ Co' ie~ jō fñim' dsea' nijalíñ' jō nijmigóo' e líñiñ' i dsea' í', jogui seem'bi i nijmigóo' e líñiñ' dsea' i fé' cuaiñ'~ quiá'~ Fidiée' cajo; jogui eám' nijmér' jalé' e lí' jogui jalé' e quí'r~ jmi' e dsigá' dsí' dsea'. Jō nijmér' lajō e lico' nijmigóo'bre jō quiáb'~ jmi' nijmigóoiñ' la quié'gui i dsea' i nicaguíng' Fidiée' do, dsu' ja' lí' jmér' lajō. ²⁵ Jō quié'na' cuente røø' quiá'~ jalé' júu^ e nicafá'~ a na lana quiá'~ jalé' e nidsijée' cøøng'gui. ²⁶ Jōba' ie~ jō, ja' güiligøøng'na' mi~ nisi' dsea' 'ná' lala: "Jóø'na', e dob táang' i dsea' i sijeeng'na' do fí' ni' guóo'~ uó' quié'", jō dsu' ja' güilíng'na' fa' e nigüi'néng'na'r; osi nisi'bi dsea' 'ná' lala é: "E lab si'maang' i dsea' í'", jō dsu' ja' já'~ güilíng'na' e jō. ²⁷ Dsuco' lí' laco' lí' mi' lijí' güi'ñiá' e jnéng' fí' yá'~ jmigüi' e jóø- dsea' lajñiñ', lajōb' lí' cajo mi~ nigáa'tu jnea~, dsea' lín'n jaang' dsea' jmigüi' i já' fí' ñifi'. ²⁸ Co' e já'~ba' fá'a, e jié' lí' ráang' jó' lí' fí' jōb' seáng' jaléng' tujlí'.

Jial mi~ nijáa'tu i dsea' jmigüi' i jáa' fí' ñifi'

(Mr. 13:24-37; Lc. 21:25-33; 17:26-30, 34-36)

²⁹ Jō cajíng'~ gui Jesús e júu^ la:

—Jō mi~ tí li~ casúung' e iihu' jō, jōba' jō' jì' iee' nilisea'gui o'gui si' cajo fa' nicuó'~ guir jir~, jogui jaléng' ná'~ nijjúiñ' cartí' guóo'~ uó', jogui Fidiée' nijmér' e niguiá'~ jalé' e sea'

fi' yá^ jmiǵüi. ³⁰ Jo ie~ jmi~ job mi~ nilisea` li~ fi' yá^ jmiǵüi e tí li~ nigáa`túu fi' jmiǵüi la, jnea~ dsea` lín`n jaang` dsea` jmiǵüi, jo lajüim` dsea` seeng` fi' la'úng~ fi' jmiǵüi niqúir` uíi~ e 'gó'r, jo joguiba' mi~ nimáang`na' jnea~, dsea` lín`n jaang` dsea` jmiǵüi i jaa' fi' ñiff~, e nigáa`a e niqúin`n jee~ cabøø~ jní' cóo' e niing~ ji~ e 'gøng' quiá'- Fidiée. ³¹ Jogui nisíng~ Fidiée` jaléng' ángeles i lánng' guotüir~ e nijiáuiñ' do teá' lúu' trompé' fi' yá^ jmiǵüi e laco' lajüing` dsea` jmiǵüi i nilánng' dsea` quiá'r~ niseáiñ' colüing~ mi~ nití- e í' jo.

³² Jo cajíng'-gui Jesús e júu^ la:

—Lanagui ni'ée^e 'nú' coo` júu^ quiá'- 'ma` güiñí': Co' mi~ ninaang` iée` jalé' guo' quiá'-, jo mifüing` canaang` e iáb` jalé' má^ quiá'- cajo, joba' nilí' 'nú' e nijaquíém' jüi jmi' jóng. ³³ Jogui lajob lí' e júu^ la cajo, co' mi~ tí li~ nidsijéé' lajalé' e nicafá'- a na, joba' niñí'ba' jóng e quiáb'- nijaquíéeng' e nigáa' jnea~, dsea` i lánng' jaang` dsea` jmiǵüi i jaa' fi' ñiff~. ³⁴ Co' dseáng'- já'-ba' fá'a e dseáng'- nidsijéeb' jalé' e jo ná'-gui e nijúung~ jaléng' dsea` i seeng` lajee` lana. ³⁵ Jo tóob` jmi~ ni'íng~ la'úng~ yá^ jmiǵüi cóo' gui la'úng~ guóo' uó~, lifa' júu^ quié- e ja` tóo` jmi~ fa' e ja` nilití~.

³⁶ Jo jüi~ jaang` dsea` jmiǵüi ñir' e~ jmi~ jogui e~ oor~ e nidsijéé' e jo, co' jiguí jaléng' ángeles quiá'- Fidiée` dsea` guüing~ ñiff~ ja` ñí' e jo, o'gui jnea~ ñii~ cajo. Co' dseáng'- lajüi~ Tiquí'ii' dsea` guüing~ ñiff~, jüi~ í'bing' dseáng'- ñí' e jo.

³⁷ Jo mi~ tí li~ nití- í' e nigáa`túu fi' jmiǵüi la, jnea~ dsea` lín`n jaang` dsea` jmiǵüi i jaa' fi' ñiff~, nilí' lí' laco'gui calí- ie~ lamí~ cateáng' Noé fi' jmiǵüi la. ³⁸ Co' ie~ jo, lajee` e ná'-gui e ca'á' jmi~ fi' la'úng~ fi' guóo' uó~, i' gøb' dsea` laco' sí'í', jogui cúin' guóor' cajo, lí' coob` mi~ catí' í' e calí- Noé fi' dsí' coo` móo' e dsée- cóo' jaléng' dsea` sinúu^ quiá'r~; ³⁹ jo dsu' lajee` e ja` ñiing~ dsíib' dsea~, mi~ catí' í' e ca'á' jmi~ fi' la'úng~ fi' guóo' uó~, jo job lí' cajúng~ lajaléng' dsea` lí' coo' gui'ná' i seeng` fi' jmiǵüi. Jo dseáng'- lajob dseáng'- nidsijéé'tu calé' catú- mi~ tí li~ nigáa`túu fi' jmiǵüi la, jnea~ dsea` lín`n jaang` dsea` jmiǵüi i jaa' fi' ñiff~. ⁴⁰ Co' ie~ jo gáng~ dsea` taang~ jmóo' ta~ quiá'- fi' jee~ mó': jo jaaiñ' do nidsém'-bre, jogui jaang`guiñ' do nijé'-bre. ⁴¹ Jogui lajobi cajo gáng~ dseamí teáng~ ta~ dsí: jo jaaiñ' do nidsém'-bre, jogui i jaang`gui do nijé'-bre.

⁴² Joba' fi~ i 'nú', ñiing~ áa'na' contøøng~, co' coo` lajee` ja` lí'na', lanab mi~ nigüéeng~túu. ⁴³ Jo e laba' iin`n e ñí'na', faco' jaang` dsea` niñir' e í' nigüiéé' jaang` üi fi' quiá'r~, joba' nigüeá'bre e jmóor' í' 'nur~, jo ja` nilí' i üi do fa' ni'uó'r~ jalé' e sea` quiá'- i dsea` do. ⁴⁴ Joba' lajob cajo, dseáng'- contøøm- 'né- e siñiim` áa' 'nú'; co' jüi~ lajee` ja` ñiing~ áa'na', lanab mi~ nigüéeng~túu fi' Jmiǵüi la, jnea~ dsea` i jaa' fi' ñiff~ e lín`n jaang` dsea` jmiǵüi.

Jaang` dsea` 'léeng' i guiúng~ cóo' gui jaang`gui dsea` 'léeng' i soo` dsí'
(Lc. 12:41-48)

⁴⁵ Jo mi~ cangí e jo, cajíng'-gui Jesús e júu^ la:

—Lalab lí' quiá'- jaang` dsea` 'léeng' i náu~ jalé' ta~ quiu' fiir~ jogui i guiúng~ cóo' jaléng' dsea` 'léeng' rúin' i caguiaang~gui. Co' mi~ cagüi'í' i fiir~ do e nidsér- fi' lí' jié', caguiar' ni~ i dsea` 'léeng' i náu~ do lajaléng' i seeng` quiá'r~ e laco' nicuó'-reiñ' do e nidóin' mi~ nití- í' lajo. ⁴⁶ Joba' juguiá' jiu quiá'- i dsea` 'léeng' i jmóo' ta~ laco' catüing~ mi~ niguieng' fiir~ e cãr` cuente. ⁴⁷ Joba' jmitaa^ óo'na' e i fiir~ do dsíng'- guiá- nijmér- jo nicuó'-reiñ' do e nine'- niñ' latøøm- sinúu^ quiá'r~ cóo' gui jalé' e sea' fi' jo. ⁴⁸ Jogui dsu' song i dsea` 'léeng' do lüin' jaang` dsea` 'léeng' i soo` dsí' jo i dsíir' e ja' mí' guieng' fiir~ lajee` jo, ⁴⁹ joba' nináiñ' e nijmeáiñ' ga' jaléng' i dsea` 'léeng' rúin' i caguiaang~gui do, jogui e niseáiñ' rúin' cóo' jaléng' dsea` jmóo' ta~ i' e laco' ni'í' nidó'r~ colüing~, ⁵⁰ jo dsu' coo` lajee` e ja` ñiing~ dsíir', lanab mi~ nití- í' e niguieng'tu i dsea' fiir~ do; ⁵¹ joba' i dsea` do iihu#b' nicuó'r~ i dsea` 'léeng' do, co' nibíim~ breiñ' do jee~ jaléng' dsea` i jmicaang~ e jmóor' jalé' e iing~ Fidiée' fi' lí' nijmér- ta~ qui' jogui ta~ tu' maja~ uíi~ jalé' iihu# e ni'íñ' do.

25

Coo`júu`já` e lafa`júu` cuento quiá` guíng` simí`

¹ Jo cajíng` gui Jesús e júu` la:

—Lab nifá`duu jial líí mi` tí lí` jo, mi` Fidiéé` nicár` nifí` quiá` dsea` jmígüü. Co` e jo líí laco` guíng` simí` i ca`uøøng` quie` jmacó` jì candíí` e cango`lííñ` dseañu` i cung` guó. ² Jo dsu`'ñíng` lajee` i simí` do ñíing` dsír` jogui` i ñíing` gui do ja` ñíing` dsír`. ³ Joba` i simí` i ja` ñíing` dsír` do ca`uøøm`bre quier` jì candíí` quiá`r` e cango`lííñ` i dseañu` i cung` guó` do, jo dsu`'jíí` jmicoo` e a` dsír` candíí` quiá`-bre quier` co` jo quie`guir` fa` e seáang`-gui; ⁴ jo dsu` i simí` ñíing` i ñíing` dsír` do ca`uøøm`bre cajo e quier` jì candíí` quiá`r` jo lifa` quie`bir` coo` síí`gui e co` quier` e a` jmicoo`. ⁵ Jo co` cali`ñim` i dsea` cung` guó` do e ja` niguiéíñ`, joba` lajñim` i simí` do nicaquiáiñ` lajee` jo. ⁶ Jo coob`, mi` catí` la ii` guitu` guienáa, jo guicatá`-míí` lí` caluu` jo guicafé` dsea: “jmiñéé` áa`na, co` nab nijang` i dsea` cung` guó` do; jogui` ñilíng`-na` e niñí`líng`-na`re!” ⁷ Jo lajñim` i simí` do caráaiñ` jo caguiar` guiá` jì candíí` quiá`r` lajaang` lajaaiñ`. ⁸ Joba` i simí` i ja` ñíing` dsír` do casí`r` i simí` i ñíing` dsír` do: “Fa` jgiéé` óo` 'nú` fa` nijmi`øøng`jia` jnea` jmicoo` qui`-na, dsuco` cadseáb` jmicoo` quiá`-candíí` qui`-naa` jo jo` iing`-nicó.” ⁹ Jo dsu` cañíí` i simí` i ñíing` dsír` do: “U~, ja` nijmi`øøng`naa` 'nú` co` ja` nilíng` qui`-naa` o`gui` qui`-na` cajo. Co` guiá`-gui` qui`-na` e nigüilíng`-na` fí` teen` e nigüileáa`na` e jmicoo` e 'né`-na` do.” ¹⁰ Jo lajee` cangolíng` i simí` i ja` ñíing` dsír` do fí` teen` e cangoleáar` jmicoo` quiá`r`, lajee` job` mi` caguiéng` i dseañu` i cung` guó` do, jo i simí` i ñíing` dsír` do cangotáam`-bre jmiñ` colíng` cóo` i dsea` cung` guó` do, jo cajníí`-bre 'núa`. ¹¹ Jo mi`míng`-guijia` lajo caguilíim`tu` i simí` i ja` ñíing` dsír` do i cangolíng` fí` teen` do, jo guicatór` caluu` 'núa` jo guicajíñ`-: “í`fíí`ii, fíí`ii, fa` jgiéé` o` e ná`go` 'núa`!” ¹² Jo dsu` guicañíí` i dseañu` do jo cajíñ`-: “E` já`-ba` e fíí`-i` 'núa`, simí`, ja` cuíin` 'núa`.”

¹³ Jo cajíng` gui Jesús:

—Jo co` lajob` líí, joba` fíí`-i` 'núa` e jmiñíing` áa`na, co` ja` ñí`na` e` jmiñ` jogui` e` oor` e nigüéeng`-jneá, dsea` lín`n` jaang` dsea` jmígüü i jáa` fí` ñifí`.

Coo`júu`já` e lafa`júu` cuento quiá` dsea`'léeng` i ca`íng` cuu`

(Lc. 19:11-27)

¹⁴ Jo mi` cangí` jo, cajíng` gui Jesús e júu` la:

—Jo mi` Fidiéé` quier` nifí` quiá` dsea, jo e jo líí laco` jaang` dseañu` i cagüi`fí` cangó` fí` lí` huíí`. Jo dsu` lajee` e nú`-gui` e nigüi`fí`r` nidsér`, jo cató`r` jaléng` i dsea` jmóo` ta` quiá`r` do, jo cacuø`reiñ` do cuu` e laco` nijméiñ` do ta` e nilisea`gui` e dsí` quiá`-e cuu` do. ¹⁵ Jo jaang` i dsea` 'léeng` quiá`r` do cacuø`r` 'ñiá` mil cuu`, jogui` jaang` cacuø`r` tú` mil cuu` lajo, jogui` i jaang`gui` do cacuø`r` coob` mil cuu`, jo laj` gaam`biñ` do cangñíñ` cuu` lí` jialco`'jíí` bí` seem`bre. Jo ngí` joguiba`, cagüi`fí` i dseañu` do e cangór` fí` lí` huíí`. ¹⁶ Jo i dsea` 'léeng` i cangñng` 'ñiá` mil cuu` do, eám` guiá` cajméer` ta` cóo` e cuu` do, jo calí`-bre jíé`gui` 'ñiá` mil lajo. ¹⁷ Lajobi` cajo i dsea` 'léeng` i ca`íng` tú` mil e cuu` do cajméé`-bre ta` cóo` do, jo calí`-bre jíé`gui` tú` mil e cuu` do cajo. ¹⁸ Jo dsu` i dsea` 'léeng` i cangñng` cóo` mil e cuu` do, cango`mea`-bre fí` nú`-uø`.

¹⁹ Jo mi` cangí`gui` lajo, caguiém`-tu` i fiir` do, jo casí`r`-lajaang` lajaang` i dsea` 'léeng` quiá`r` do e niguiééiñ` do cuente lajii` e nicajméer` cóo` cuu` e cangñíñ` do. ²⁰ Jo la`uii` caguié` i dsea` 'léeng` i cangñng` 'ñiá` mil e cuu` do, jo cajá`r` fiir` 'ñiá`gui` mil lajo e calí`r`, jo casí`r` dsea` do: “Fíí`i, 'núa` cacuøø` jnea` 'ñiá` mil cuu`, jo nicajmé`-baa ta` cóo` e jo, joba` lana nicalí`-i` 'ñiá`gui` mil lajo e dsí.” ²¹ Joba` cañíí` i fiir` do: “'Nub` jaang` dsea` 'léeng` i guiúng`, co` cajmee`-ba` ta` røø` cóo` lajii` capi` cuu` e cangñn`. Joba` lana jmiguiab` jalé` e sea` quie`-e e nicuøø`ø` 'núa` e nine` ní`, jo lana røøb` nijmi`iáang` dsí`naa` náng.” ²² Jo jo` huøø` lí`ñi` i dsea` 'léeng` i ca`íng` tú` mil e cuu` do caguiér` jo casí`r` fiir`-: “Fíí`i, 'núa` cacuøø` jnea` tú` mil cuu`, jo cajmé`-baa ta` cóo` e jo, jo lana nicalí`-i` tú` gui

mil e cuu do e dsí.” ²³ Jōba' cañí' i fiir do: “Nub` jaang` dsea` 'léeng` i guiúng` cajo, co' t̄im`ba' jmée' ta` røø` cóo' capi' cuu, jōba' jmiguiab` jalé' e sea` quié` e nicuóøø` 'nu` e nine' ní', jō lana røøb` nijmi'iaang` dsí'naa' náng.” ²⁴ Jō jō` huøø` li'hi` guié` i dsea` 'léeng` jaang`gui do i cangúng` cóo` mil e cuu do, jō lalab casí'r` fiir: “Fí'i, ñi`baa guiá` e jaang` dseañu` i ue' dsí' líng` 'nu` e lí' t̄in` sit̄in` lajii' ta` cajmée` dsea` jiém', jogui e ú' có' jalé' ta` jmóo` dsea` jiéng` cajo. ²⁵ Jōba' cafóm'baa 'nu`, jō fí' ná' uób` ca'meáa` e cuu` e cacuóøø' jnea` do. Jō lana lab quié` e lajii' e cuu` jō.” ²⁶ Jōba' cañí' i fiir do quiá' i dsea` 'léeng` quiá'r` do: “Nub` lin' jaang` dsea` 'léeng` i soo` dsí' jogui i fi', jō song niñi'ba' guiá` e jnea` sit̄in` n lajii' ta` cajmée` dsea` jiéng` jogui e gú' gó'ø` jalé' ta` jmóo` dsea` jiéng`, ²⁷ jōba' çjialí' ja` ca'í' o' fa' mi` caguite' cuu` quié` e fí' banco? Jōba' mi` cagüean`-n, ca'im`baa lajii' cuu` quié` e jogui e dsí' quiá' cajo.” ²⁸ Jōba' casí'r` jaléng`gui i dsea` i teáang` do ie` jō, jō cajíñ': “Gui`na' e cóo` mil cuu` quiá' i dsea` 'léeng` fi' na, jō cuóøø`na' i dsea` 'léeng` i quié' gui` mil e cuu` na. ²⁹ Dsaco' i dsea` i sea` quiá', jmiguiab`gui niñiñ` e nilisea, jōba' lalim` nilisea` quiá'r`. Jō dsu' i dsea` i ja` sea` quiá', nigüeáb` lajii' e capi'`jiu e sea` quiá'r` do. ³⁰ Jogui i dsea` 'léeng` fi' na guing`na'r fí' caluu` fí' li` nuu` só', jō fí' jōb` niquí'r` jogui nitár` majar` cajo.”

Jial nilí' mi` nitidsí' í' quiá' dsea` jmigüü'

³¹ Jō cajíng`gui Jesús e júu` la:

—Jō mi` tí' li` nití' í' e nigáa` jnea~, dsea` lín`n jaang` dsea` jmigüü' i jáa' fí' ñiff`, nigáa`túu dsu' e niquíñ`n jee` jalé' e jlo' e niing` 'gøng' quiá' Fidié` jogui colíng` cóo' jaléng` ángeles i líng` guotii` Fidié`, jō joguib` mi` nini' fí' ée` quié` e li` niing` jlo' quiá' Fidié`. ³² Jō lajim` dsea` seeng` fí' la'úng` fí' jmigüü' niseáiñ' fí' quinií, jō jneab` dsea` ni'naan` dsea` jie` fí' li` cat̄iñ` lajaang` lajaaiñ` lí' laco'gui la jmóo` jaang` dsea` i jmóo` í' jo'se' mi` 'náaiñ` jaléng` jo'se' jee` jaléng` jo'chí'. ³³ Jogui jaléng` i dsea` i líng` lafa' i jo'se' do niguién`-n lí' lí' dséé' laco' guin`n, jogui jaléng` i dsea` i líng` lafa' i jo'chí' do niguién`-n lí' lí' tuung` laco' guin`n. ³⁴ Jōba' jnea~, dsea` lín`n i dseata` dsea` féng' do, niñi' jaléng` dsea` i neáang` lí' lí' dséé' laco' guin`n jō nifá'a: “Jaléng` 'nú', ñilíng`na' fí' la, co' 'nú'bing' i nicajmigüeang` Tiquié` e dsea` guing` ñiff`, jōba' íng`na' lajalé' e cat̄ing`na', co' lajōb` nisi'íng`na' quiá'r` lajii' latí' mi` caguiar` uing` jmigüü'. ³⁵ Dsaco' lajee` cataan`n cóo' 'nú' fí' jmigüü', mi` cadseá` jmi'aan`, jogui 'nú' cacuóøø`ba' jnea` e cagó'ø; jogui mi` cadseá` jmijm̄in`, cacuóøø`ba' jnea` jmi' cagú' u; jogui cangf`b̄i cajo laco' ngí' jaang` dsea` i jáa' fí' caluu`, jō dsu' cacuóøø`ba' jnea` li` cajmi'ín`-n. ³⁶ Jogui cali'né`-b̄i sí' i, jō cacuóøø`ba' jnea`; jogui casá'b̄i e calidséé' e, jō cato' f̄im`ba' jnea`; jogui ca'ú'b̄i 'nuñí', jō dsu' cagui'ee`ba' jnea` cajo.” ³⁷ Jōba' jaléng` i dsea` í' i cajmée` jalé' e iing` Tiquié` e dsea` guing` ñiff` nijming`r` lala jō nijíñ': “Fí'i'i, çli` caneeng`naa' 'nu` e jmi'aan', jō cacuóøø`baa' 'nu` e caquié'? Jogui çli` caneeng`naa' 'nu` e jmijm̄in`, jō cacuóøø`baa' 'nu` jmi' e ca'í'? ³⁸⁻³⁹ Jogui çli` caneeng`naa' 'nu` e lin' lafa' jaang` dsea` i jáa' fí' caluu`, jō cacuóøø`baa' 'nu` cajo li` cajmi'ín`? Jogui çli` caneeng`naa' 'nu` e cali'né' sí', jō cacuóøø`baa' 'nu` e jō cajo; jogui e dséé' osi e iuun` fí' 'nuñí' é, jō cango'ee`ba' 'nu` cajo?” ⁴⁰ Jōba' ie` jō jnea~, dsea` lín`n dseata` dsea` féng', lalab ningi' quiá'r`: “E já' e f̄i' i 'nú' e lajalé' e cajmicóo`na' i dsea` i líng` lafa' rún`n i dseáng' ja` niing` jii' capi', jōba' lajaléb' e jō quié` jneab` cajmee`na' cajo.”

⁴¹ Jogui jnea` i líng` dseata` dsea` féng' do niñi' jaléng` i dsea` i neáang` lí' lí' tuung` laco' guin`n: “Do güilíng` 'nú' lí' do, co' Fidié` nicabíim`bre 'nú', jō dob cat̄ing` 'nú' fí' ni` j̄i li` coo' j̄i e jō tóo' jmi' yu' fí' li' nicajme' Fidié` li` cat̄ing` fii' i 'ling` colíng` cóo' jaléng` ángeles i 'ling` quiá'r` cajo. ⁴² Co' cadseáb` jmi'aang` jnea` lajee` cataan`n cóo' 'nú' fí' jmigüü' la, jō dsu' ja` cacuóøø`na' jnea` e cagó'ø; jogui cadseá`-bi jmijm̄in` cajo, dsu' 'nú' ja` cacuóøø`na' jnea` jmi' e cagú' u; ⁴³ jogui cangf`b̄i laco'gui jaang` dsea` i jáa' fí' caluu`, dsu' 'nú' ja` cacuóøø`na' jnea` li` cajmi'ín`-n; jogui cali'né`-b̄i sí' i, dsu' 'nú' ja`

cacuóø' na' jnea~ sí' i; jōgui calidsée' bñi jōgui ca'úu' u' nuñí' cajo, dsu' 'nú' ja` cagui' ee' na' jnea~." ⁴⁴ Jōba' i dsea' i neáng' lí' lí' tuung~ do nijmingñ' lala: "Fí' i' i', ¿lí' caneeng~ naa' 'nú' e cadseá' jmi' aan' -, o' si e cadseá' jmi' jmiin' - é, o' si e lin' laco' jaang' dsea' i jáa' fí' caluu', o' si e 'né' sí' é, o' si e dsée' o' si e iuun' - fí' 'nuñí' bñi é, jō ja' cajmicóo' naa' 'nú'?" ⁴⁵ Jōba' ie~ jō lalab ningñi' quiá' r-, jnea~ dsea' lín' n dseata~ dsea' féng': "E já' - e fñi' i' 'nú' e jalé' e ja' cajmée' na' cóo' - jaang' dsea' i lín' g' lafa' rún' n i ja' niing~ jñi' capí', jōba' lajōb cajo ja' cajmee' na' cóo' - jnea~." ⁴⁶ Jōba' jaléng' i dsea' í' fí' lí' 'lib' ^ nidsilíñ' fí' lí' ni' íñ' iihu' e ja' tóo' jmi' nité'. Jō dsu' jaléng' gui dsea' i ja' dsee' røøng' fí' quini' Fidié', í' bing' i nidsigüea' car' ngongñi' jmi' cóo' - dsea' do fí' ñifí' -.

26

Mi' casñng' jaléng' dsea' jial e nisáññ' Jesús

(Mr. 14:1-2; Lc. 22:1-2; Jn. 11 :45-53)

¹ Jō mi' cangñ e cajíng' - Jesús jalé' e júu' na, lalab casí' r- i dsea' quiá' r- do:

² - Jñi' laco' ñí' 'nú' e tú' jmi' ba' 'né' gui e nití' e jmi' Pascua. Jō ie~ jmi' jōb mi' nijáng' dsea' jnea~, dsea' cagá' a fí' ñifí' - e lín' n jaang' dsea' jmi' güí', jō niteáññ' jnea' fí' dse' crúu' cartí' nijngáññ' jnea~.

³ Jō ie~ jōb cajo, jaléng' fii' jmidsea' quiá' - dsea' Israel cóo' - gui jaléng' dsea' cóøng' quiá' r- caseáng' rúññ' fí' lí' guing~ fii' jmidsea' laniing~ i sii' Caifás quiu' r' ta~, ⁴ jō casñññ' cuaiññ' quiá' - jial nilí' r' e nijmigøøññ' Jesús e laco' nisáññ' dsea' do jō lajōba' nijngáng' - neiñ'. ⁵ Jō dsu' sñiñ' e iññ' jmér' lajō lajee' e o' e jmi' jō, dsuco' jial fñng nitá' - dsea' mñ' -.

Mi' ca'ée' jaang' dseamñ jmi' jmeaññ' fí' mogui' Jesús

(Mr. 14:3-9; Jn. 12 :1-8)

⁶ Jō lajee' jōb cangó' - tu Jesús fí' cóo' fñ' e sii' Betania; jō lajee' táaiññ' fí' jō, dob dsitíññ' fí' quiá' - jaang' dseaññ' i sii' Simón i nínicalíng' - jmohuñ' 'li' ^ fí' ngúu' táang' lami' jéeng' gui.

⁷ Jō lajee' guing~ Jesús fí' jōb mi' tí' lí' cangoquiéng' jaang' dseamñ fí' lí' guíññ', jō quiéññ' do cóo' sí' lí' a~ jmi' jmeaññ' e 'mo' ^ eáang'. Jō lajee' e guing~ Jesús gø' bre mi' ca'ée' i dseamñ do e jmi' jmeaññ' e quier' do fí' mogui' dsea' do. ⁸ Jō mi' tí' lí' cangá' - i dsea' quiá' r- do e cajmée' i dseamñ do lajō, eám' caliguiññ' jō cajíñ' -:

- ¿Jialí' jmi' fñ' i dseamñ na e jmi' jmeaññ' e 'mo' ^ eáang' na? ⁹ Cofa' mi' ja' cajmээр' lana, jmguiub' cuu' - nicóng' - na faco' e cango' nññ', jō e cuu' - jō nilí' íng' ta~ e nilicóo' - jiu jaléng' dsea' tiñíng' -.

¹⁰ Jō dsuco' Jesús lí' bre lajññ' e sñng' i dsea' do, jōba' casí' - reiñ' do lala:

- ¿Jialí' fí' 'nú' 'leáang' - i dseamñ la? Co' cóo' e guiá' ba' nicajméesññ' na quié' e. ¹¹ Co' contøøm' niliseeng' jaléng' dsea' tiñíng' - jee' 'nú', dsu' jnea' gui cateá' ba' caga' ee' nii' fí' jee' 'nú'. ¹² Co' e jmi' jmeaññ' e ca'ée' - i dseamñ la fí' ngúu' táan' n lí' lafa' e nicasúuiññ' jnea~ e jmeaññ' quiá' - mi' ni' ú' u' fí' dsí' tó' ée'. ¹³ Co' e já' - e fñi' i' 'nú' e doñí' jié' fí' ni' guóo' - uø' fí' jmi' güí' lí' niguiá' - dsea' júu' quiá' - jial laang' dsea' jee' jalé' dsee' quiá' r-, ninib' - júu' cajo quiá' - lajññ' e cajmée' i dseamñ na cóo' - jnea~, jōba' lajōb niguiéng' dsí' dsea' ír'.

Mi' camí' Judas Iscariote cuu' e quiá' - nijáññ' Jesús

(Mr. 14:10-11; Lc. 22:3-6)

¹⁴ Jō ie~ jō jaang' lajee' dsea' guitúung' quiá' - Jesús i sii' Judas Iscariote cangór' - fí' lí' neáng' jaléng' fii' jmidsea' quiá' - dsea' góor' dsea' Israel, ¹⁵ jō cangosí' - reiñ' do lala:

- ¿Jial tí' cuu' - guiá' óo' na' e nicuó' na' jnea~ jō nijmee' e úung' e nijøøñ' n Jesús fí' jaguóo' na'?

Jōba' cañí' i fii' jmidsea' do jial tí' niquí' - jō cajíñ' -:

- Niquí' - baa' quií' - guigui' cutee'.

16 Jo latí ie~ job canaang` i Judas do e 'nó'r' jial laco' nicuó~ quiá'r~ e nijáin' Jesús fí jaguó` jaléng` i dsea` do.

Mi~ cagó' Jesús í' canuu` cóo'~ dsea` guitúung` quiá'r~

(Mr. 14:12-25; Lc. 22:7-23; Jn. 13 :21-30; 1 Co. 11 :23-26)

17 Jo ie~ jmii~ la'uii~ quiá'- e jmii~ e gø' dsea` Israel iní^ e ja` quie^ quiéeng` do, cangoquiéeng` i dsea` guitúung` do fí lí~ sing' Jesús jo cajming'~ dsea` do:

—Fí'ii', ¿jie~ fí lí~ iing~ 'nu' e nidsiguiá^naa' guiá~ e niquiee~ee' coling~ e quiá'- e jmii~ Pascua?

18 Joba' cañí` dsea` do quiá'- i dsea` quiá'r~ do jo casí'-reiñ':

—Güiling~ na' fí e fii' la, jo mi~ niguiling~ na' fí quiá'- i dseañu' la, síi~ na're lala: “Lalab jing' Tifa' qui~naa': Nijaquiéem' e nití' í' quié~e, joba' ngó'o' fí siná^ quií'- jo fí job lí~ nijmee~e jmii~ Pascua coling~ cóo'~ jaléng` dsea` guitúung` quié~e.”

19 Joba' cajméeb` i dsea` guitúung` do laco' jii~ ta~ caquiú' Jesús e nijmér~, jo cagua'bre guiá~ lajii~ e nidó'r~ do quiá'- lajii~ e jmii~ e nijaquiéeng` do.

20 Jo mi~ tí lí~ canuu` e jmii~ jo, cangúm' Jesús fí mes~ coling~ cóo'~ i dsea` guitúung` quiá'r~ do. 21 Jo lajee~ e nineáaiñ' gø'bre mi~ tí lí~ cajíng'~ Jesús lala e sí'r` i dsea` quiá'r~ do:

—E já'- e fii~ i 'nú' e jaang` lajee~ 'nú' nijáng` jnea~ fí jaguó` dsea` i 'ní' níng~ jnea~.

22 Jo mi~ canúu~ i dsea` guitúung` quiá'r~ do lajo, dsíng'~ fí'í^ calíñ~, jo canaaiñ` casí'r~ dsea` do i~ lajee~ ír` nijmé~ ta~ jo, jo lalab cajíng'~ lajaang` lajaaiñ`:

—Fí'ii', ¿su o' jnea~, faa~aa'?

23 Joba' cañí' Jesús quiáin'~ do:

—Lí^ jaang` i gø' cóo'~ jnea~ fí coo` cuéé'~ huí, íb` nijáng` jnea~ do. 24 Co' dseáng'~ nisi'í^ba' e lajo nidsingín~n jnea~, dsea` i cajá~ fí ñifí~ e lín'n jaang` dsea` jmigüí, lí^ laco'gui la fé' fí ni` jii~ quiá'- Fidiéé~. Jo dsu' íe ngí fíib^ i dsea` i nijáng` jnea~ do! Co' guiá~ guib quiá'- i dsea` í fa' mi~ ja` caliséiñ`.

25 Jo i Judas i niguia' guiá~ e nijáin' dsea` do, jo 'ñia'biñ' do cajíñ'~ casí'r~ Jesús lala:

—Fí'í, ¿su o' jnea~, faa~aa', i nijmé~ lajo?

Joba' cañí' Jesús quiáin'~ do:

—'Nub` nicaféé'~ gui' lajo.

26 Jo lajee~ e neáaiñ' gø'r' íbre mi~ catíng~ Jesús coo` iní^, jo cacuø'r' gui'máang'~ Fidiéé~, jo lí~ jo cajméer` jmá'- ca'ná^ quiá'- lajaang` lajaang` i dsea` guitúung` quiá'r~ do jo cajíñ'~ casí'-reiñ':

—Quié'na' e na, co' e nab ngúu' táan`n.

27 Jo ngí jo catíin~ coo` cóo^ e a~ jmí^ mí^ huíng` jø', jo mi~ cangí e cacuø'r' gui'máang'~ Fidiéé~, jo joguiba' cacuø'r' lajaang` lajaang` i dsea` guitúung` quiá'r~ do jo casí'-reiñ' do:

—Í'na' lajning`na' e la, 28 co' e lab jmi'øø~n e nitú~ mi~ nitán~n fí dse' crúu^ e laco' ni'íng~ dsee~ quiá'- lajaléng` dsea` jmigüí. Jo e jo lí~ júu^ tigua~ e 'mii~ e jmirø' Fidiéé~ cóo'~ dsea` jmigüí. 29 Dsu' e já'- e fii~ i 'nú' e jo` nidúu'~ guí jmí^ mí^ huíng` jø' cartí mi~ ní'né'^túu' coling~ e jmí^ mí^ huíng` jø' e 'mii~ mi~ nití' í' e Tiquié^e Fidiéé~ nicár` nifí quiá'- lajaang` lajaang` dsea`.

Mi~ cajméé' Jesús júu^ e nijíng'~ Tú^ Simón e ja` cuiñ` dsea` do

(Mr. 14:26-31; Lc. 22:31-34; Jn. 13 :36-38)

30 Jo mi~ cangí jo, ca'ø'r' quiá'- e jmiféiñ' Fidiéé~, jo ca'uøøm~bre jo cangolíng`tur fí mó' Olivos. 31 Joba' cajíng'~ Jesús casí'r~ i dsea` quiá'r~ do lala:

—Lajim` 'nú' nitiúum~ba' jnea~ e uøø na; co' lalab tóo' fí ni~ jii~ quiá'- Fidiéé~ lí fé' lala: “Nijngám' dsea` i fii~ i néé' ni~ jo'se', jogui jaléng` jo'se' quiá'r~ lí^ nisojóm~bre'.”

32 Jo cajíng'~ gui Jesús lala:

—Dsua' mi' tí lí' ningí e nijí'túu jee' jaléng' 'lí', jo jéem'baa ninii'í fí' lí' se' Galilea jo fí' job nijí'tú rú'naa' calé' catú'.

³³ Jo cañí' Tú' Simón quiá' Jesús:

—Dsua' song i caguiaang' do nitiúuiñ' 'nu', Fí'i, dsua' jnea' ja' nijmee' e lajo.

Joba' cañí'tu Jesús quiá'ñ' do:

³⁴ —E laba' jmitaa' o', Tú' Simón, e uóø' na, nú' gui e niquí' tuidsée', 'nu' nifo' 'ní' ya' e ja' cuín' jnea'.

³⁵ Joba' cañí' Tú' Simón quiá' Jesús:

—Fí'i, nañí' fa' nijngáng' dsea' jnea' uii' 'nu', dsua' ja' nijmee' e lajo.

Jo lajob fé' i dsea' quiá' Jesús i caguiaang' gui do cajo.

Mi' caféng' Jesús Fidié' fí' coo' lí' sii' Getsemani

(Mr. 14:32-42; Lc. 22:39-46)

³⁶ Jo mi' cangí' jo, cangób' Jesús colíing' cóo' dsea' quiá'r' fí' coo' lí' sii' Getsemani e née' fí' mó' Olivos, jo lalab casí'r' i dsea' do mi' caguiliñ' fí' jo:

—Lab nijá' 'nú' la lajee' ninii' jnea' nifón' n Tiquié' e Fidié'.

³⁷ Jo júi' Tú' Simómbing' jéiñ' cóo' gui laji' gáng' i jóo' jaang' dseañu' i sii' Zebedeo, jo mi' catí' fí' jo, canaang' e fi'í' líng' Jesús jogui lijjuung' dsíir' cajo, ³⁸ jo casí'r' i dsea' gaang' do lala:

—Dsíng' lí' i e fi'í' lín' n dseáng' lafa' jo' seem'baa fí' jmigüü' la lín' n. Jo lab nijá' 'nú' lajee' jo, jo ja' jmigüüng' yaang' na' jo e sijnéeb' áa' na' cóo' jnea'.

³⁹ Jo cangób' Jesús cartí' dogui capí' laco' caje' i dsea' quiá'r' do, jo fí' job catúuiñ' cartí' cajnúu' nir' fí' ni' uó' jo canaaiñ' féiñ' Fidié' lala:

—Teaa', leaang' jnea' lajii' iihu' e nijaquíéng' quié' e; jo dsua' ja' güilí' laco' iing' jnea', co' güilíb' dseáng' laco' iing' 'nu' e nilí'.

⁴⁰ Jo mi' cangí' jo, caquim' tur lí' caseáaiñ' i dsea' quiá'r' do, jo cadséng' neiñ' do e teiñ' güim'bre. Joba' cajíng' Jesús casí'r' Tú' Simón:

—¿Su dseáng' ja' téb' 'nú' fa' e ja' nigüing' na' e neáang' jiu' e sijnéé' áa' na' cóo' jnea' jii' coo' oor'? ⁴¹ ¿Jialí' güüing' 'nú'? Jminá' ráang' na' jo féeng' na' Fidié' dsea' guiing' ñifí' uii' qui' na' yaang' na', jo lajoba' ja' dseáng' e nijjúng' na' fí' ni' dsee'. Co' eáam' iing' na' e nité' na' e sijnéé' áa' na', dsua' ngúu' táang' na' ja' cuó' fí' e nijmee' na' lajo.

⁴² Jo mi' máng' guijia lajo cangób' tu Jesús e fí' jo e catí' tú' ya' e féiñ' Fidié' jo cajíñ' lala:

—Teaa', song ja' niquí' jmii' fa' e nileán' jee' jalé' iihu' e nijaquíéng' quié' e, joba' lí' güilíb' laco' iing' 'nu' e nilí'.

⁴³ Jo mi' tí' lí' caquing' tur fí' lí' caseáaiñ' i dsea' quiá'r' do, cadséng' neiñ' e güim' tuiñ' do, co' dseáng' eáam' ja' lí' güiñ'. ⁴⁴ Jo cangób' tur e catí' 'ní' ya' e cangoféiñ' Fidié', jo dob caseáaiñ' i dsea' quiá'r' do e güiñ', jo camí' tur Fidié' laco' nicajíñ' lamí' jéeng' gui do. ⁴⁵ Jo mi' cangí' jo, caquim' tur fí' lí' caseáaiñ' i dsea' quiá'r' do jo lalab casí' reiñ' do:

—¿Su dseáng' mí' 'noo' bi teng' 'nú' e jmi' íng' na'? Joba' fii' i 'nú' e lanab catí' í' e nijáng' dsea' jnea' fí' jaguó' jaléng' dsea' dsee' dsea' qui', jnea' dsea' i cajá' fí' ñifí' e lín' n jaang' dsea' jmigüü'. ⁴⁶ Jo jminá' ráang' na' jo má' aa', co' nijaquíém' i dsea' i nijáng' jnea' do.

Mi' casáng' dsea' Jesús

(Mr. 14:43-50; Lc. 22:47-53; Jn. 18:2-11)

⁴⁷ Jo lajee' gui' na' sing' Jesús fé'r', job mi' caguíe' Judas Iscariote, jaang' lajee' i dsea' guitúung' quiá' Jesús, jo caguier' colíing' cóo' i fíng' dsea' i quié' jalé' ñisua' cóo' gui jalé' 'ma'. Jo jaléiñ' do ngoliñ' lajii' ta' quiu' jaléng' fii' jmidsea' quiá' dsea' Israel cóo' gui jaléng' yuu' dsea' cóong' quiá'r'. ⁴⁸ Co' i Judas do jéem' nicajmea'r' júu' i dsea' ngolíng' cóo'r' do jo casí' reiñ' lala:

—Ii' nimáang' 'nú' i nichá' u ni', íb' Jesús; jo séng' na' re ladsifí'.

49 Jo lajob cajmée Judas, cangoquiém bre fí lí sing' Jesús mi caguiér jo casí'r dsea` do:

—¡Cá!, Tifa'!

Jo mifíng cachu'r ni dsea` do.

50 Joba' cañí Jesús quiá' dsea` do:

—Ruu~, jmeeb- lajii~ ta~ cañí'.

Jo ladsifí lanab cangoquiéng i dsea` caguiaang- gui do, jo casam'- bre dsea` do jogui cató'r.

51 Jo lajee jo, jaang lajee dsea` quiá' Jesús caguir' ñisú' quiá'r jo caquiú'r cataang logua~ i dsea` léeng~ quiá' i jmidsea` laniing- do. 52 Joba' cajíng'- Jesús casí'- reiñ':

—Te'tu ñisú' quií' ée^ quiá', dsuco' i dsea` i títng' cóo~ ñisú', cóo~ e job nijúuiñ- cajo.

53 ¿Su ja` ní 'nu' e cuóom' fíi- jnea~ Tiquié'e, jo nimín~ nre lí'gui guitúung' 'lé' 'lé- i líng' ángeles i líng' guotír-, jo ladsifí lanab nisíñ-? 54 Jo dsu' faco' lajo, ¿jial niliti~ jóng lajii~ e fé' fí ni~ jì quiá' Fidiée'? Co' lajaléb' e jo dseáng' 'né- e nidsijéeb' dseáng'.

55 Jo mi'míng- guijia lajo cajmíng' Jesús i dsea` i caguilíng- do jo casí'- reiñ':

—¿Jiali' cañilíng- 'nú' e quié'na' jalé' ñisú' jogui jalé' 'ma' e cañiséng'na' jnea~? Co' cañilíng- na' e lafa' jnea~ lín'n jaang' ii. Dsu' laco' jmíib~ ie~ lami~ jéeng'gui do táang' jnea~ e ee- fí guá'- fé', jo ja` cateá- óo'na' fa' caséng'na' jnea~ ie~ jo. 56 Jo dsu' lajalé' e na nidsijéeb' jmí na e lí' laco' niliti~ laco' fé' fí ni~ jì quiá' Fidiée' e cajme' dsea` i café' cuaiñ~ quiá'r- malii~ gui eáang'.

Jo ie~ jo jaléng' i dsea` quiá'r- do cacuí~ bre, jo 'ñiab' Jesús caseáang'guir do.

Mi caguiéng' Jesús fí quini' jaléng' dsea` cóong~

(Mr. 14:53-65; Lc. 22:54-55, 63-71; Jn. 18:12-14, 19-24)

57 Jo catób- i dsea` do Jesús jo cangojeaaiñ^ dsea` do fí quini' i jmidsea` laniing- quiá'- dsea` Israel i sii Caifás, co' fí job nisiseáng' jaléng' tifa' quiá'- júu^ quiú' ta~ quiá'- dsea` Israel cóo~ gui jaléng' yáú~ dsea` cóong~ quiá'r- cajo. 58 Jo cangám'- Tú Simón t'leáaiñ' laco' cangolíñ- téer Jesús cartí caguilíñ- fí siguí quiá'- e 'nú' lí guing~ i jmidsea` laniing- do. Jo dob jii~ cajé Tú Simón e fí siguí do colíng~ cóo~ jaléng' i jmóo' í' guá'- e sijeeiñ~ lajii~ júu^ nitigua~ quiá' i jmidsea` laniing- do cóo~ Jesús.

59 Jo jaléng' fii~ jmidsea` cóo~ gui lajíng' i dsea` cóong~ i quiú' ta~ quiá'- dsea` Israel do 'nór' jial e laco' niguié'r e ni'niñ- Jesús cóo~ júu^ e o' já', jo lajoba' nilí'r e nijngáñ'- dsea` do. 60 Jo dsu' ja` cadsé'r jial laco' nijmér- lajo, nañí fa' fíim' dsea` caguilíng- e 'ñiiñ' Jesús cóo~ e júu^ lajo cajo. Jo mi'míng- guijia lajo caguilíng- gáng- gui dsea` jíéng' 61 jo cajíng'- í:

—I nabi i dseañu' i cajíng' e tím bre qui'r guá'- quiá'- Fidiée~, jogui nijmé'- tur calé' catú- cóo~ 'ní jmií~.

62 Jo caróo- i jmidsea` laniing- do jo cajmíng'r Jesús lala:

—¿Jiali' ja` ngii- jii~ coo? ¿E' fól' lajii~ e júu^ e fé' i dsea` na uii~ quií'?

63 Dsu' Jesús tiib- cajer', ja` e cañír' jii~ coo. Joba' cajíng'- tu i jmidsea` laniing- do:

—La'eáang' cóo~ Fidiée' dsea` jí', lana quiá' ta~ e nijmée' júu^ já'- su 'nu' i líng' i jóo' Fidiée' camíng' do i nisíng- Fidiée' i nicá' nifí qui'-ii'.

64 Joba' cañí Jesús quiáíñ'- do:

—'Nub' nicafée' gui'. Jo fii- i 'nú' lana e nimáam~ba' jnea~, i líng' i dsea` i jáa' fí ñifí- e lín'n jaang' dsea` jmigüí, e guin~ n lí- lí dsée' laco' guing~ Fidiée' dsea` féng' dsea` ñíng' i 'gøng' eáang', jogui nimáam~ba' jnea~ cajo mi~ nigáa'túu fí jmigüí e quín~ n jee~ cabøø~ jnií'.

65 Jo mi~ canúu- i jmidsea` laniing- do lajo, lico' casíñ- sí' bre e cuø' lí e liguíim- bre jo cajíñ'-:

—Lajíi~ júu^ e nicafé^ i dseañu^ na gab` fé'r` uíi~ quiá^- Fidié^, jo jo` i 'neáng-guá' fa` i ni'níng` guí`r, co' 'núb` nicanuu~ guí` lajii~ júu^ ga` e nicafé'r. ⁶⁶ Joba' ¿jial` í` óo' 'nú' cuaiñ~ quiá^- e júu` jo?

Joba' cañíi` i dsea` 'leáng- do:

—E jáb^- e óo`bing' na dsee~, joba' dseáng^- 'né^- e nijúum-bre.

⁶⁷ Jo canaaiñ` 'ñíim`bre dsea` do jogui` jmihuim`breiñ` cajo, jogui` i líng` guí` dsea` bár` moni~ dsea` do ⁶⁸ jo s'í'r` lala:

—Song já^- e 'nu` lin' i dsea` i sijeeng`naa' do i nicá` nifí` quí^-naa', joba' jmee- júu^ lana i~ cabóøng- 'nu'!

Mi~ cajíng'- Tú^ Simón e ja` cuíiñ` Jesús

(Mr. 14:66-72; Lc. 22:56-62; Jn. 18:15-18, 25-27)

⁶⁹ Jo lajee` jo, dob guing~ Tú^ Simón fí` siguí` fí` lí` si' 'nu~ i jmidsea` laniing- do fí` lí` quiu'r` ta~. Jo lajee` jo jaang` dseamí` i nijmóo` ta~ e fí` jo cangoquiéeiñ` fí` lí` guing~ Tú^ Simón jo casí^-reiñ':

—'Nu` cangi`ba' cajo cóo~ Jesús i seeng` fí` Galilea, ¿já` leáa'~?

⁷⁰ Jo Tú^ Simón cañíi`r` quiá^- i dseamí` do jo cajíiñ^- casí^-reiñ':

—Ja` ñii- ee' e fí' jnea~ na, dseamí`.

⁷¹ Jo mi`míng`guijiu lajo cangoquiéeng` Tú^ Simón fí` o'nú^ quiá^- e 'núu` lí` guing~ i jmidsea` laniing- do e quiu'r` ta~, jo fí` job jíeng`gui jaang` dseamí` cangá^- quiá'r-, jo cajmea'r` júu^ jaléng` i dsea` caguaang-gui do jo casí^-reiñ':

—I dseañu^ na cangi`bre cóo~ Jesús i seeng` fí` Nazaret cajo.

⁷² Jo caleáb` catú^- cañíi` Tú^ Simón jo cajíiñ^-:

—Ni~ fii- ja` i dseañu^ do cúing` jnea~ la, dseamí`.

⁷³ Jo mi`míng`guijiu lajo i dsea` i neáang` quiá^- dogui cangoquiéeiñ` fí` lí` sing' Tú^ Simón jo casí^-reiñ' do:

—'Nu` dseañu^ e já^-ba' e ngi' cóo~ Jesús cajo, co' cóo~ lajii~ jial` fó', nabi nicuø` lí`.

⁷⁴ Joba' cañíi`tu Tú^ Simón jo casí^-reiñ' do:

—iDseáng^- e jáb^- ni~ fii- e ja` i dseañu^ do cúing` jnea~ la!

Jo ladsifí` lanab caqui' jaang` tuidsee^. ⁷⁵ Jo joguib mi~ cadse^- dsíi` Tú^ Simón e lajob cajíng^- Jesús lamí` jéeng`gui mi~ cajíiñ^- casí^-r` dsea` do lala: “Lajee` e nú^-gui e niquí^- jaang` tuidsee^, 'nu` nifo^ 'ní` ya' e ja` cuín` jnea~.” Jo cagüi`íb` Tú^ Simón fí` caluu~, jo caqui'r` dseáng^- e ngocáng` dsíi`r` uíi~ e calíiñ^- fí`í^ eáang`.

27

Mi~ caguiéng'- Jesús fí` quini~ dseata~ Pilato

(Mr. 15:1; Lc. 23:1-2; Jn. 18:28-32)

¹ Jo mi~ tí` lí` cajneá^- e jmi~ jo, lajaléng` fii~ jmidsea` cóo~gui lajaléng` yúu~ dsea` cóøng` quiá^- dsea` Israel casíiñ- røø` quiá^- jial` laco' niguié'r` e nijngáin^- Jesús. ² Jo cató^-bre dsea` do e 'ñúuiñ~ jo cangojeáaiñ^ fí` quini~ jaang` dsea` i sií` Pilato i líng` jaang` dseata~ romano.

Mi~ cajúng` Judas Iscariote

³ Jo i dseañu^ i sií` Judas Iscariote, i dsea` i cajáng` Jesús fí` jaguó` jaléng` i dsea` do, mi~ cangár- e jaléng` i dsea` í` tí` lí` nijngám^-bre Jesús, joba' job mi~ tí` lí` calilí'r^ lajii~ dsee- e ca'éer` do, jogui` cajo^- dsíi`r` cóo~ lajii~ e nicajméer` do, joba' cajáb`tur i fii~ jmidsea` do cóo~gui jaléng` i yúu~ dsea` cóøng` quiá^- dsea` Israel do lajii~ e guigui` í` cutee` e ca'íiñ` quiá^- e cajáiñ` Jesús do, ⁴ jo lalab cajíiñ^- casí^-reiñ':

—Nica'ee- baa dsee- e nicajáan`n fí` ni~ 'mó^- jaang` dseañu^ i ja` røøng` dsee- jíi~ capí`.

Joba' i dsea` do cañíi`r` quiáiñ^-:

—¿E~ cuaiñ` quí^- jnea^ e cajmee- 'nu` lajo? ¿Cuaiñ` quíib- 'nu` e jo!

⁵ Jo i Judas do fí dob cabír` e cuu` do fí dsíí` sínúú` guá` fé` jo cagüi`ñ`bre jo cangote`r` sî` luur` e cangojngáang` 'ñia`r`.

⁶ Jo jaléng` i fii` jmidsea` do casitím`bre e cuu` do jo cajíñ`-:

—E cuu` la nisi`li`^ cóo`~ jmi`øøng` dsea`, jo ja` cuøøng` fa' e nidsitío`~gui fí dsíí` guóo` li` dsi`ma`~ cuu` quía`- guá`-.

⁷ Jo job mi` casíñ` røø` e nilár` coo` uø` cóo`~ e cuu` do; jo e uø` jo sii` Uø` li` uø` Dsea` Guóo`~ quía`- e Jmóor` Tu`. Jo job li` cajme`r` coo` codsii` li` ni`áaiñ` jaléng` dsea` i jalíng` fí caluu` i lingiing` júung` fí fii` do. ⁸ Joba' e uø` do sii`bi` cajo lati` lana Uø` li` Catuu` Jmi`øøng`. ⁹ Jo job caliti` laco` jii`~ e cajíng`- i dsea` i calisî` Jeremías, jaang` i café` cuaiñ` quía`- Fidiée` malí`~gui eáang`, mi` cajíñ`- lala: “Cacá`bre lajî` guigui` cutee` lí` laco`gui lajii`~ 'móo`~ cacuø` dsea` Israel, ¹⁰ jo cóo`~ e cuu` job calár` e guóo`~ uø` e sii` Uø` li` uø` dsea` Guóo`~ quía`- e Jmóo` Tu`, lí` laco`gui ta` e caqui` Fíi`i.”

Mi` caguiéng`- Jesús fí` quini` dseata` Pilato

(Mr. 15:2-5; Lc. 23:3-5; Jn. 18 :33-38)

¹¹ Jo mi` caguiéng`- Jesús fí` quini` i dseata` i sii` Pilato do, jo í` cajming`r` Jesús:

—¿Su e já`-ba' e 'nua` lin` dseata` dsea` féng` i quie` nifi` quía`- jaléng` dsea` góo` dsea` Israel?

—'Nua` nicafée`~gui! —cañí` Jesús.

¹² Jo lajee` e teáang` i fii` jmidsea` do cóo`~gui jaléng` yúu` dsea` cóøøng` e jmóor` dsee` quía`- Jesús, dsu` dsea` do ja` e ngíir` jii`~ coo` quía`- i dsea` í`. ¹³ Jo uí`~ joba' cajming`ñ` dseata` Pilato cajming`r` Jesús jo cajíñ`-:

—¿Su ja` nuu` lajii`~ dsee` e cuø` i dsea` na 'nua`?

¹⁴ Jo dsu` Jesús ja` cañíir` jii`~ camí`~ júu` quía`- dseata` do; joba' i dseata` do eáam` cangogá` dsíir` jo jo` ñir` e` nijmé`~guir.

Mi` cahui` ta` e nijúung` Jesús

(Mr. 15:6-20; Lc. 23:13-25; Jn. 18 :38-19:16)

¹⁵ Jo lajee` e jmiir` e gø` dsea` Israel iñí` e ja` quie`~ quiéng` jo títng` i dseata` do e láaiñ` jaang` dsea` sijñing` 'nuañí` lí` doñí` i i` niguíng` dsea` fii`. ¹⁶ Jo ie` jo ni`iuung` jaang` dsea` i nica`léé` eáang` i sii` Jesús Barrabás. ¹⁷ Joba' cajíng`- i dseata` do cajming`r` dsea` fii`:

—¿I` dsea` iing` 'nú` e nilaan`? ¿Su Jesús Barrabás ofa' Jesús i sii` Dsea` Jmáang` dob é?

¹⁸ Jo dsu` calilí` i dseata` do e cajáng` i dsea` do Jesús uí`~ e dsihuim`bre quía`- dsea` do.

¹⁹ Jo lajee` guing` i dseata` Pilato do fí li` quia`r` ta`, lajee` job caguié` júu` quía`- i dseamí` quía`r` do jo sí`reiñ`: “Ja` e jmoo` jii`~ coo` cóo`~ i dseañu` i ja` dsee` røøng` na, dsuco` dsi`lloo`~bi` gab` caqu`i` uí`~ quía`r`.”

²⁰ Jo dsu` jaléng` i fii` jmidsea` do cóo`~gui jaléng` yúu` dsea` cóøøng` cacøøiñ` dsíí` jaléng` dsea` fii` e laco` nileáang` i Barrabás do jogui` e nijúum` Jesús. ²¹ Jo dsu` i dseata` Pilato do cajming`r` tur` calé` catú` dsea` fii` jo cajíñ`-:

—¿I` lajee` i dseañu` gáang` la iing` 'nú` e nilaan`? ¿Su Jesús ofa' Barrabás?

Joba' i dsea` fii` do cañíir` jo cajíñ`-:

—iLeaang` Barrabás!

²² Jo caleá` catú` cajming`ñ`tu` dseata` Pilato jo cajíñ`-:

—Jo ¿e`~gui nijmee`~ jnea` jóng cóo`~ Jesús i sii` Dsea` Jmáang` la?

Joba' lajím` i dsea` fii` do cañíir` jo cajíñ`-:

—iGüitáíñ` fí` dse` crúu`!

²³ Joba' cañíir` dseata` Pilato quía`- i dsea` fii` do jo cajíñ`- casí`reiñ`:

—¿E`~gui e ga` e nicajméer` e catíñ` lajo?

Jo dsu` caleáb`tu` cacuø` i dsea` fii` do 'goo` jo cajíñ`-:

—iGüitáíñ` fí` dse` crúu`!

24 Jò còob` mi` jo` ñí dseata` Pilato e` nijmé` guir, cò' dseáng` gab` ta' i dsea` do mi` e mir` e nitáng` Jesús fí dse` crúu`, jòba' caquiur` ta` dsea` quiar` e cangoquiein` jmi` jò carur` guóor` fí quini` jaléng` dsea` fi` jò cajín`:

—Ja` dsee` quie` e lajii` 'mó` nitáng` i dseañu` la, cò' cuaiñ` quií` 'nú` yaam` ba` na.

25 Jòba' lajiim` dsea` fi` cañír`:

—jneab` colüing` cóo` jaléng` jòo` naa' nine` ni` naa' lajii` 'mó` quiá` i dseañu` na!

26 Jò dseata` Pilato caleám` bre Barrabás; jò caquiur` ta` e cabóom` Jesús, jò mifüing` cajám` bre dsea` do e quiá` nitaiñ` do fí dse` crúu`.

27 Jò jaléng` 'lée` quiá` i dseata` do cató` bre Jesús fí 'nuñ` jò casín` yaaiñ` lacúng` lajéng` laco' sing` dsea` do. 28 Jò i 'lée` do ca'uó` bre si` Jesús jò ca'iañ` dsea` do cóo` jmáang` 'mi` e nú'. 29 Jogui catá'r` cóo` lí` corona e lí` cóo` layaang` tóo` fí mogui` dsea` do, jogui cóo` si` cacuø'r` dsea` do jò casaiñ` do fí guóor` dsée'. Jò mi` cangí jò, casí'r` uó` jnir` fí quini` dsea` do jò lóøiñ` dsea` do jò sí'r` lala:

—jMajmiféng` naa' dseata` dsea` féng` quiá` dsea` Israel!

30 Jogui 'ñim` bir dsea` do cajo, jò cóo` e si` e cacuø'r` dsea` do, cóo` e jòb canaaiñ` bár` fí mogui` dsea` do. 31 Jò mi` cangí e jmóor` ta` lóøng` dsea` do, cajéb` tur e jmáang` 'mi` do jò caquíng` tur dsea` do siñ` e lamí` qui'r`, jò cajéem` bre dsea` do fí lí` nitaiñ` fí dse` crúu`.

Mi` catáng` Jesús fí dse` crúu`

(Mr. 15:21-32; Lc. 23:26-43; Jn. 19:17-27)

32 Jò lajee` e ningoliiñ` jeeiñ` dsea` do, cajín` jaang` dseañu` guiá` fí i si` Simón i niseeng` fí cóo` fi` e si` Cirene; jò caquiur` i dsea` i jéeng` Jesús do ta` i dseañu` i e cajéeiñ` do crúu` quiá` Jesús.

33 Jò mi` caguiliñ` fí cóo` lí` si` Gólgota e guóng` Cuo` Mogui` 'Lii`, 34 jò fí jòb cacuø'r` Jesús jmi` mi` huüing` jó` e tí` e sicáang` cóo` jmi` dsi` e gui`; jò cóo` ni` ba' cali'üing` dsea` do ca'í'r`, jò jò cali'üing` guir fa' ca'í` guir.

35 Jòba' mi` tí` lí` nicateáaiñ` Jesús fí dse` crúu`, i 'lée` do canaaiñ` cóor` e laco' nigüeáng` i` nilí` i nicóo` e si` dsea` do. 36 Jò mi` cangí jò, dob caguár` e jmóor` í` Jesús lajee` táang` dsea` do fí dse` crúu`. 37 Jò fí yá` gui` dsea` do catéer` cóo` lí` tóo` júu` e fé` e` üüing` quiá` e jmáang` dsea` ír` lado, jò lalab tóo`: “I lab Jesús, dseata` dsea` féng` quiá` dsea` Israel.”

38 Jò gáng` ii` catáng` fí dse` crúu` colüing` cóo` Jesús cajo, jmá` jáng` crúu` la jaaiñ` do, jaaiñ` do táaiñ` lí` lí` dsée' jò jaang` guiiñ` do lí` lí` tuung`. 39 Jò jaléng` dsea` i ngüing` fí lí` táang` Jesús fí dse` crúu` do, gab` fé'r` uii` quiá` dsea` do jò lico' guiar` mogui` bre jóøiñ` dsea` do jò fé'r`:

40 —'Nu` dsea` fó` e niqui` guá` jò nijmé` tu` calé` catú` cóo` 'ni` jmi`. Jò song já` e 'nu` lin` Jóo` Fidié` i camüing` do, jòba' ileaang` uó` lí` tán` na jóng!

41 Jò lajòbi` jaléng` fii` jmidsea` cajo cóo` gui jaléng` tifa` quiá` júu` quiu` ta` quiá` dsea` Israel cóo` gui jaléng` yáa` dsea` cóøng` quiar` lóøm` bre dsea` do jò fé'r`:

42 —Caleám` bre jaléng` dsea` jiéng` jò lajò güileáang` 'ñia`r` lana. Jò song já` e líiñ` dseata` dsea` féng` quiá` dsea` Israel, jòba' güijgiáang` 'ñia`r` lí` táaiñ` fí dse` crúu` na jò lajoguiba` já` nilí` i` jóng e líiñ` i Jóo` Fidié` camüing` do. 43 Jò song dseáng` já` líiñ` e Fidié` seeng` cóo`r`, jòba' íb` catüing` nileáang` ír` lana song dseáng` já` e üüing` neiñ`; cò' nicajím` bir e líiñ` i Jóo` Fidié` camüing` do, ¿já` leáa`?

44 Jò jìgui jaléng` i ii` i táang` cáang` Jesús do, gab` fé'r` uii` quiá` dsea` do cajo.

Mi` cajúng` Jesús

(Mr. 15:33-41; Lc. 23:44-49; Jn. 19:28-30)

45 Jò mi` tí` lí` catí` guieñí` jò cartí` la ii` 'ni` e ca'lóo` dseáng` canu` sób` fí e guóo` uó` jò. 46 Jò lajee` jòb mi` ca'óo` Jesús e teá` jò cajín`:

—Elí, Elí, ¿lama sabactani? —e guóng': Fidiée' quié'e, Fidiée' quié'e, ¿jiali' nicatiun' jnea'?

⁴⁷ Jo i liing~ i dsea` i teáang~ do ie~ jo canúur~ e cajíng'~ Jesús lajo, joba' cajíñ'~:

—I Líi' tó' i dsea` na, jaang` dsea` i café' cuaiñ~ quiá'~ Fidiée' malí~gui eáang'.

⁴⁸ Jo ladsifí lanab jaang` lajee' i dsea` do cangór~ güi'í' jo cangoquier` coo` joo` jo cajmi'lear' cóo'~ jmí'~ mí'~ huíng` jó'~ e tí' jo caquidsir' fí coo` yá'~ sñ~ jo ca'úuiñ' fí mo'oo` dsea` do e laco' niyáñ'~. ⁴⁹ Jo dsu' i dsea` caguiaang~ gui do cajíñ'~:

—Jéeng'gui cateá, ne~duu' su nigüeng~ i Líi' do i nileáang` ír'.

⁵⁰ Jo Jesús caléb' catú~ ca'óor` teá lado, jo ngí jo cajúm~bre. ⁵¹ Jo ladsifí lajob calí tú~ dseá'~ joo` e 'mí' e í' guiá' joo` guá' fé' e si' fí Jerusalén, co' casíng~ catí yá' jogui cartí uii~. Jogui cajo cajó' uó~ jogui cañing~ jalé' cuu~ cóo', ⁵² jogui jalé' ée` lí teáang'~ 'lí~ canab'; jogui fím' jaléng' dsea` quiá'~ Fidiée' i nicajúng~ lamí jéeng'gui cajíb'tur. ⁵³ Jo mí cangí e cají'tu Jesús, jo jaléng' i dsea` i cají'tu do cangolíñ' fí Jerusalén fí lí lí fí güeang' quiá'~ Fidiée', jo fím' dsea` i cangáng~ ír' fí jo.

⁵⁴ Jo mí cangá~ i fí' 'lée~ do cóo'~gui jaléng' i dsea` i teáang~ cóo'r~ do i jmóo` í' Jesús jial cajó' uó~ jogui cóo'~ jalé' e calí~gui do, joba' eám' cafóñ' jóng jo cajíñ'~:

—E nijáb' e i dseañu' na líiñ' i jóo' Fidiée' camíng'~ do.

⁵⁵ Jo ie~ jo dob teáang~ i fíng' dseamí i jóo~ catí huí~ i nicajalíng~ cóo'~ Jesús catí lí se' Galilea jogui i nicajmicóo'~ quiá'r~ cajo. ⁵⁶ Jo jee~ jaléng' i dseamí i quiéng' Yá' i seeng' fí Magdala, jogui Yá' niquiá'~ Tiáa~ cóo'~ Sé', jogui niquiá'~ jaléng' jóo' yá'~ Zebedeo cajo.

Mí ca'áng~ Jesús

(Mr. 15:42-47; Lc. 23:50-56; Jn. 19:38-42)

⁵⁷ Jo mí tí lí ngóo' cal' núu', caguié~ jaang` dseañu' i sea` cuu~ eáang` i sii` Sé' i seeng' fí coo` fí e sii` Arimatea, jo í cangíbre cóo'~ Jesús lamí jéeng'gui cajo. ⁵⁸ Jo i dseañu' í cangó~bre fí lí guíng~ dseata~ Pilato jo cangomí~ fí e fa' ni'áam~bre Jesús. Joba' cacuøb' i dseata~ Pilato do fí lajo. ⁵⁹ Jo cangojgiám~ i Sé' do Jesús fí lí táaiñ' fí dse' crúu', jo caquiñ' dsea` do cóo'~ coo' 'mí' té e niguó', ⁶⁰ jo cango'áam~bre dsea` do fí coo' dsí' tó' lí ja' ii' mí áang` jii'~ jaang'; jo uó~ quiá'~bre lí lí ca'áaiñ~ dsea` do, jo ja' mí ngóo' eáang' caquiur' ta~ e calí~ e too` ée` do. Jo mí tí lí calí~, caquiéer` coo' cuu~ e dsée~ e otoo` ée` do jo cangám'~bre jóng. ⁶¹ Dsu' i Yá' i seeng' fí Magdala do cóo'~gui i Yá' jaang'gui do, dob cajer' fí quini' e too` ée` e lí ca'áng~ Jesús.

Mí cajmée` dsea` í oo` ée` quiá'~ Jesús

⁶² Jo mí tí lí cajneá~ e jmí~ coo'gui do, jo ie~ jo cangotíng` jmí~ e jmi'íng' jaléng' dsea` Israel, job mí cangolíng~ jaléng' fí jmidsea` quiá'~ dsea` Israel colíng~ cóo'~ jaléng' dsea` Israel i líng' dsea` fariseo fí lí guíng~ dseata~ Pilato jo casí~reiñ' do:

⁶³ —Dseata~ quí' ii', tóob` dsi'naa' e ie~ lamí seeng'gui i dsea` i jmígóo` do cajíñ'~ e mí ningí' ní jmí~ e cajúñ'~, nijíb'tur calé' catú~. ⁶⁴ Jo uíng~ e joba' sí'~naa' 'nu' e nijmé~ dsea` íb' e lí ca'áng~ dsea` do lajee' 'ní jmí~, co' jial fíng lajee' dsea` quiá'~bre nijalíng~ e uóo` jo niguím~bre dsea` do, jo mí nilicøng'gui lajo nijmígóor` e nicajíb'tu dsea` do. Jogui song nilí lajo, joba' eáang'gui ga' nilí jóng laco'gui latí mí uii~ do.

⁶⁵ Joba' cañí dseata~ Pilato jo cajíñ'~:

—Lab teáang~ 'lée~ i cuøng` lí jmeáang'~na' ta~ i nijmé~ í oo` ée`. Jo güilíng~na' colíng~ cóo'r~ jo güijmee~na' í car` jié' jii'~ lí qui'~ jmí~ fí jo.

⁶⁶ Jo cangolíim'~biñ' do cóo'~ i 'lée~ do jo cajmée' lí fí e cuu~ fé' e jní e oo` ée` do e laco' ja' ii' cuøng` nineá'; jo dob caseáaiñ' 'lée~ i caguá' cajmée' í e fí jo.

Mí cají'tu Jesús

(Mr. 16:1-8; Lc. 24:1-12; Jn. 20:1-10)

1 Jo mi~ tí li~ cangî e jmiî e jmi'íng' jaléng' dsea` Israel e lí^ lí ngóó nijneá e jmiî la'uii~ quiá^- seamaan~, jo cangojòø^ Yá^ i seeng' fí Magdala cóo'~ gui i Yá^ jaang`gui do fí lí ca'áng- Jesús. 2 Jo lajee` job mi~ cajò^ uó^- e eáang', có' jaang` ángel i líng' guotîî Fidiée` cajgáng- fí yá^ jmigüí ie~ jo, jo cangoquieeiñ' fí oo^- ée` quiá^- Jesús, jo cajé'r e cuu~ fé' e jní e oo^- ée` do, jo fí ní job caguár. 3 Jo dseáng'- jlo^ jing' i ángel do lí^ laco'gui la jnéeng- jî mi~ jmijneá güi'ñiá^ jîre', jogui jlo^ tee si'r^ cajo dseáng'- lí^ laco' la tee joo` dseáng'- . 4 Jo i' léé- i teáang- jmóo' í^ e oo^- ée` do dsíng'- cajléiñ- dsá uíi~ e 'gó'r jo jîgui cartí ca'íng- dsíir'. 5 Jo i ángel do casí'r- i dseamî do jo cajíñ'-:

—Ja fòøng'-na' jii~ cóo', có' ñi'baa guiá- e Jesús dsea` 'náng'-na' i cajúng- fí dse` crúu^ do. 6 Jo dsá' jo iuuiñ- fí la lana, có' nicají'bre lí^ laco'gui cajíñ'- ie~ lamí~ cangir' cóo'~ 'nú' do. Ñíling'-na' ñijòø-na' fí lí ca'áang- dsea` ír'. 7 Joba' fîî i 'nú' lana, güilíng'tu' lajminá- jo güijmee'-na' júu^ jaléng' dsea` quiá'r- e nicají'b'tur jo jéeng'guir nidsér- fí lí se' Galilea laco'gui 'nú', jo fí job nimáang~na're. Jo jii~ lanab júu^ quiee- quií-na' lana.

8 Joba' i dseamî do caquim'-bre lajminá- e fí oo^- ée` do, jo lajee` jo dseáng'- 'gó'bre jogui dseáng'- dsíng'- iáang` dsíir' cajo. Jo jmináb- cangolíñ` e cangocóor` e júu^ do fí quini~ jaléng' i dsea` quiá^- Jesús do. 9 Jo jo huóø- li'îi~ lajo, cóob` mi~ cajmjnéeng` ñia' Jesús fí quini~ i dseamî do jo caféng'neiñ' do. Jo cangoquieem'bi i dseamî do cajo fí lí sing' dsea` do jo canaaíñ` do rúr` tîî- dsea` do jo lajee` jo jmiféng'neiñ'. 10 Joba' cajíng'- Jesús casí'r- i dseamî do:

—Ja fòøng'-na' jii~ cóo', jo güilíng'-na' lana jo güisíi'-na' jaléng' dsea` quié- e i líng' laco' rún'n e güidsilíñ' fí lí se' Galilea lajminá-, jo fí job nijí' rú'naa' cóo'r~.

Lajii~ júu^ quiá^- 'léé- e casí'r- fii~ jmidsea`

11 Jo lajee` e ngolíng' i dseamî do, i líng- i 'léé- i teáang- jmóo' í^ do caguilíñ' fí jee~ fîî jo casí'r- jaléng' i fii~ jmidsea` do lajî e calí- do. 12 Joba' i fii~ jmidsea` do cangolíim'-bre e cangosiñ` cóo'~ jaléng' yáa~ dsea` cóøng'- quiá^- dsea` Israel cuaiñ~ quiá^- lajii~ júu^ e nisea` quiá^- Jesús do. Joba' casíiñ- e cacuø'r' jmiguiá' cuu- i 'léé- do 13 jo casí'-reiñ' do lala:

—Lalab júu^ nijmitíng'-na', e lajee` uóø` e teng'-na' güim'ba', caguilíng- i dsea` quiá^- Jesús do jo caguim'-bre dsea` do fí dsíi' tó` ée`. 14 Jogui song niliñi' dseata~ lajii~ e júu^ jo, joba' jneab^ nine~naa' jial laco' nisíng~naa' cóo'r~ e laco' ja' ni'uíng- huíng' quií-na'.

15 Jo ca'ím' i 'léé^ do e cuu- do jo cajmée`bre lajii~ júu^ e nisínú'r^ . Jo lajob jii~ líí júu^ e ngí cartí jmiî na jee~ jaléng' dsea` Israel.

Lajii~ júu^ e ca'î- Jesús quiá^- dsea` quiá'r-

(Mr. 16:14-18; Lc. 24:36-49; Jn. 20 :19-23)

16 Joba' lajob cajmée` i dsea` guijáng` quiá^- Jesús do, cangolíim'-bre fí lí se' Galilea jo cangolíñ' fí cóo` yá^ mó' fí lí caquiá' Jesús ta~. 17 Jo mi~ tí li~ cangáñ- Jesús, eám' cajmiféiñ' dsea` do, jo dsá' seem'bi i líng~ cajo i ja' já'- líng' e dsea` do Jesús. 18 Jo cangoquieem' Jesús fí quiá^- gui laco' teáaiñ'- do jo casí'r- dsea` do lala:

—Fidiée` nicacuø'r' jnea~ e niquiá'~ta ta~ fí latøøng- fí ñifí- jogui fí ní guóo'~ uó- la. 19 Joba' güilíng'-na' fí jalé' fîî e sea` fí jmigüí, jo jmee'-na' e niquí'- jing' yaang~ dsea` e laco' ni'uíñ- dsea` quié-e; jogui mifíng` seaang'-na'r jmiî la'eáang' cóo'~ júu^ quiá^- Tiquié e Fidiée` jogui la'eáang' cóo'~ jnea~, i Jóor' camíng~ do, jogui la'eáang' cóo'~ Jmigui quiá^- Fidiée` cajo, 20 jogui ée'-na'r jial laco' nijmitir~ lajalé' e júu^ quiá^- Fidiée` e nicafíî i 'nú' e nijmití-na'. Jogui güilíñi'-na' guiá- e seem~baa cóo'~ 'nú' lacoo` jmiî lacoo` jmiî, jo dseáng'- lajob nilí car` ngongí jmiî.

Jo lajob nilí.

Jo lanab jii~ líí júu^ quiá^- Fidiée` e cajme' Mateo.

E lab júu^ quiá'- Dsea` Jmáang- e cajme' MARCOS

*Mi~ cajá- Juan i seáang` dsea` jmii`
(Mt. 3:1-12; Lc. 3:1-9, 15-17; Jn. 1 :19-28)*

¹ Lalab mi~ canaang` cani'- juguiá- quiá'- Dsea` Jmáang- i líng' Jóo' camíng'~ quiá'- Fidiéé` dsea` guing~ ñiff-.

² Jo lajii~ mali`gui eáang` jaang` dsea` i café` cuaiñ~ quiá'- Fidiéé` i calisí` Saíí^ catéer` fí` ni~ jì` quiá'r- lala:

Lalab fé` Fidiéé` e casí'r- Dsea` Jmáang-:

Nisín`n jaang` dsea` i niguiá- júu^ quié- e ná'- gui e niguo^` fí` jmigüí`
e laco' niguiar' guiá- fí` lí` ningí`^.

³ Jo fí` jee~ uó^` quiú` do guicaná' coo` luu~ dsea` e fé` teá` lala:

"Jmeáang`na' guiá- fí', co' tí` lí` nijáab' Fíí`naa';
joguí` nea`na' condsée', co' 'né- e nilirøøb` fí'."

Jo jalé' e jo cajíng'- Saíí^ fí` ni~ jì` quiá'- Fidiéé`.

⁴ Jo lajob lí' mi~ cajá- jaang` dsea` i sií` Juan e fí` jee~ uó^` quiú` do; jo ie~ jo, i Juan do caseáañ` jmii` jaléng' dsea`, jo sí`reiñ' e 'né- quí'- jíng' yaaiñ~ do fí` quini` Fidiéé` jogui e nisáañ` do jmii`, jo lajoba' cuøøng` e íng- Fidiéé` lajalé' dsee- quiáañ`-. ⁵ Jo fíim' dsea` dsilíñ- e dsinúur- júu^ e guiá' i Juan do; dsilíng- jaléng' dsea` i seeng` fí` Jerusalén jogui jaléng' i seeng` fí` fíi` jié' lí` se' Judea e laco' jmóoiñ` do júu^ lajii~ dsee- e nica'éer`. Jo mi~ ningí` jo, i Juan do seáang`neiñ' jmii` fí` dsíí` gua` Jordán.

⁶ Jo i Juan do qui'r' 'mi' e lí' cóo'~ jñá' loo~ jó' camello jogui` ñáá' tu'r' cóo'~ coo' lo'ñutu' e lí' cóo'~ loo~ jó', jogui` jmítaang~ 'ñia'r' cóo'~ jaléng' siní' i cóøng'~, jogui` í'r' jalé' jmí' ta' e dsé'r' fí` jee~ mó'. ⁷ Jo lalab lí' e júu^ e guiar' jee~ jaléng' dsea` i dsilíng- dsinúur- júu^ quiá'r- do:

—Mi~ nisóong- jnea~, nijáa' jaang` i 'gøng'gui laco' jnea~; joba' jnea~ quini` i dsea` í` ja e quín`n e co' tuun`n e sá' i 'nii~ ñí` 'ñáá' lomíir-. ⁸ Co' jnea~ nicaseán`n jaléng' 'nú' jmii` cóo'~ layaang~ jmii` e laco' cuø' lí' e nicaquí'- jíng' yaang`na' fí` quini` Fidiéé`; dsu' ír' mi~ nigüééiñ-, niseáañ- 'nú' jmii` cóo'~ Jmiguí` quiá'- Fidiéé` e laco' cuø' lí' e nicangíng`na' Jmiguí` quiá'- dsea` do.

*Mi~ cajgáang- Jesús jmii`
(Mt. 3:13-17; Lc. 3:21-22)*

⁹ Jo ie~ jo cagüí`fí` Jesús fí` Nazaret e née' fí` lí' se' Galilea, jo cangór- e fí` gua` Jordán e née' fí` lí' se' Judea; jo fí` dsíí` gua` job caseáang` i Juan do jmii` ír'. ¹⁰ Jo dsifí` mi~ cagüí`fí` Jesús fí` dsíí` jmí, cangár- e cana' cateá' fí` yá'^ jmigüí; jo lajee~ jo cajgó- Jmiguí` quiá'- Fidiéé` fí` yá'^ moguir' e líng~ jaang` mee~. ¹¹ Jo guicaná' coo` luu~ e jáa' fí` yá'^ jmigüí e guicajíng'- lala:

—'Nub' Jóo'`o i 'neáan`n eáang'; jo eáam` íáang` dsii- cóo'~ 'nub`.

*Mi~ cangó- Jesús fí` jee~ uó^` quiú`
(Mt. 4:1-11; Lc. 4:1-13)*

¹² Jo dsifí` mi~ cangí` jo, cajmée` Jmiguí` quiá'- Fidiéé` e cangó- Jesús fí` jee~ uó^` quiú`. ¹³ Jo fí` job cajer' lajee~ tuló- jmii` fí` lí' ngí` jaléng' jó' nuu; jo lajee~ jo lamí` iing~ i fí' i 'líng' i sií` Satanás e niténg' Jesús fí` ni~ dsee-, dsu' ja' calí'r- fa' cajméer' lajo. Jo mi~ cangí` job mi~ caguilíng- jaléng' ángeles i líng' guotíi- Fidiéé` i cangoto' fíng` dsea` do.

*Mi~ canaang` Jesús jmóor` ta~ quiá'r- fí` lí' se' Galilea
(Mt. 4:12-17; Lc. 4:14-15)*

14 Jo mi~ cangîgui lajo, mi~ nicatang' dsea` Juan i seáang` dsea` jmi~ fí dsíí 'nuñí, joba' cangáng' tu Jesús fí lí se' Galilea e cangoguiar` júu` quiá'- Fidiée` fí jo, 15 jo lalab fé'r':
 —Lanab catí í' e nijaquíéeng` e nicá' Fidiée` nifí quiá'- lajaang` lajaang` dsea` jmi~güí.
 Jo nab tíígui e quí' jing` yaang`na' fí quini` Fidiée` jogui íng`na' e ngocáng` óo'na' júu` quiá'r`.

*Mi~ cató'- Jesús quiúung` dsea` i jmóo` ta~ sáang` 'ñu`
 (Mt. 4:18-22; Lc. 5:1-11)*

16 Jo mi~ cangî lajo, cangó- Jesús fí lí nées` cõo` guíee' e sii Galilea. Jo mi~ caguiér` fí jo, lajee` e ngir` fí lí' lí 'ni' e guíee' do, joba' cangáin` jaang` dseañu` i sii Tú` Simón cõo`gui jaang` rúin` do i sii Dí'. Jo dob táain` do laji` huáain` e jmóor` ta` bí 'máa' fí é' guíee' e quiá'- e sáin` 'ñu`. 17 Joba' casí' Jesús i dsea` do lala:
 —'Nu` ñilíng`na' cõo` jnea~, jo latí lana nicuøø`ø 'nu` ta` e guíá'na' júu` quiá'- Fidiée` fí jee` dsea` jmi~güí, jo líb`jiu e ta` jo la lí' ta` sáang` 'ñu`.

18 Jo dsifí mi~ canúu` i dsea` gáang` do e júu` e cajíng` Jesús do, ladsifí lanab catúr` e 'máa' quiá'r` do jo cangolím`bre cõo` dsea` do.

19 Jo ja` huíi` mí ngolím`bir mi~ cangáng` Jesús jaang` dseañu` i sii Tiáa` cõo`gui jaang` rúin` do i sii Juan, jo laji` huáain` do líiin` jóo` jaang` dseañu` i sii Zebedeo, jo teáain` do fí cõo` dsíí móo' e nguiar` guíá' 'máa' quiá'r` e quiá'- nisáin` 'ñu`. 20 Jo dsifib` cató'- Jesús i dsea` do e cangolín` do cõo'r`, jo ladsifí lanab cangolíng` i dsea` do cõo` Jesús; jo dob caseáain` do tiquiá'r` fí dsíí e móo' do colíng` cõo` jaléng` i dsea` i jmicõo`gui quiá'r`.

*Jaang` dseañu` i iuung` i 'líng` dsíí`
 (Lc. 4:31-37)*

21 Jo mi~ cangî jo, cangolín` fí cõo` fii lí' sii Capernaum. Jo fí jo mi~ catí e jmi~ e jmi'íng` dsea` Israel, jo Jesús ca'ír` fí dsíí guá'- quiá'- i dsea` góor` do, jo canaain` e'r` jaléng` dsea` i teáang` do ie` jo. 22 Jo dsíng` dsí'gó` dsíí jaléng` i dsea` do dsu' e núur` jalé' e júu` e guíá' Jesús do, cõ' er' laco' jaang` dsea` i quíe' nifí e ja` 'gór', jo ja` er' laco' e' jaléng` tifa' i e' jalé' júu` quiu' ta` quiá'- dsea` Israel. 23 Jo ie` jo e fí dsíí guá'- dob ni'iuung` jaang` dseañu` i ni'iuung` i 'líng` dsíí. Joba' mi~ tí lí' cangáng` i dsea` do Jesús, dsifí ladob i 'líng` do cajméer` e ca'óo` i dseañu` do jo cajín` do lala:

24 —¿Jialí' ñijmiguín` jnea', Jesús, dsea` seen' fí Nazaret? ¿Su cañí' e ni'íin` jnea'?

25 Joba' mi~ canúu` Jesús lajo, dsifí lanab cajín` i 'líng` i ni'iuung` dsíí i dseañu` do jo cajín` casí' reiñ' lala:

—¿Catíi` í moní', jo tiúung` i dseañu` la!

26 Jo dsifí lajob cajmées` i 'líng` do e cadseá- joñíng` i dseañu` do, jo teáb` ca'óoiñ` do mi~ cagüí' i 'líng` i ni'iuung` dsír' do. 27 Jo jaléng` dsea` i cangá- e jo ie` jo, eáam` cafóin` jo canaain` jmi~ngí' rúin`:

—¿I` i dsea` na? ¿Cõ' fé'r` júu` e ja` mí ne`naa' jogui ja` 'gór' fé'r` lí' laco' jaang` dsea` i quíe' nifí, jo la quíe'gui jaléng` i 'líng` i teáang` dsíí dsea` náur` júu` quiá' dsea` na!

28 Jo mi~ cangî jo, eáam` caní' júu` quiá' Jesús cõo` jalé' e guíá- e jmóor` do fí latøøng` lí se' Galilea.

*Mi~ cajmi'leáang` Jesús iemisé` Tú` Simón
 (Mt. 8:14-15; Lc. 4:38-39)*

29 Jo mi~ tí lí' ca'uøøiñ` e fí dsíí guá'- e si' fí Capernaum do, dsifí lajob cangó- Jesús cõo` Tiáa` cõo`gui Juan fí quiá'- Tú` Simón cõo`gui Dí'. 30 Jo mi~ caguiín` fí quiáin` do, dob ráang` iemisé` Tú` Simón e iu` guím`bre, jo casí' i dsea` do Jesús e calí' cõo` i dseamí do. 31 Joba' Jesús cangoquíeein` fí quiá'- lí ráang` i dsea` dsée' do, jo catíin` guóoiñ` do jo caseáang` neiñ'; jo mifíng` caráam` biñ` do, jo ladsifí lanab caguá- e iu` guíin` jo canaain` do guiar` guíá- e quiá'- nihéin` Jesús cõo`gui i dsea` i ngí' cõo` dsea` do.

*Mi~ cajmi'leáng- Jesús i fñing' dsea` dsée'~
(Mt. 8:16-17; Lc. 4:40-41)*

³² Jo mi~ canu~ e jmi~ jo e lico' nicadseá- ié', cangojëeng' dsea` i fñing' dsea` dsée'~ i seeng' quiá'r- fí quini~ Jesús, jo do quiéeng' jaléng' dsea` i teáng'~ i 'ling'^ dsí'. ³³ Jo dseáng'~ latøng- fiib` caseáng' e o'nú^ lí iuung- Jesús ie~ jo. ³⁴ Jo fñim' dsea` cajmi'leáng- Jesús ie~ jo lí^ doñí ee` jmohuí e líng' dsea`, jogui fñim' bi jaléng' dsea` i niteáng'~ i 'ling'^ dsí' cajmi'leám- Jesús cajo; dsu' ja` cacuø'r' fí i 'ling'^ do fa' e niféiñ' do e nijmér- júu^ i~ i dsea` do, co' ñib i 'ling'^ do guiá- i~ líng' dsea` do.

*Mi~ caguia' Jesús júu^ quiá'- Fidié' fí lí se' Galilea
(Lc. 4:42-44)*

³⁵ Jo ná' gui e ngóo' nijneá e uøø jo, caróob- Jesús jo cagüi'ñ' bre e fiñ jo, jo cangór- cangoféiñ' Tiquiá'r^ Fidié' fí coo' lí ja' 'ga' lí dsiling- dsea`. ³⁶ Jo Tú^ Simón colíng- cóo'~ jaléng' dsea` i la'ó' ngí cóo'~ Jesús cangoliñ' cango'ném' bre dsea` do, ³⁷ jo mi~ cadséiñ' dsea` do jo casí'r-:

—Fí'naa', lajím` dsea` ngir' 'náiñ' 'nu' lana.

³⁸ Dsu' Jesús cañír' quiá'- i dsea` do jo casí'- reiñ' lala:

—Má-aa' fí jalé' fiñ e néé' fí quiá'- gui la, jo fí job nidsiguiá^naa' júu^ quiá'- Fidié', dsuco' ta~ joba' e cagá- jnea~ fí jmigüí la.

³⁹ Jo lacaam` lí se' Galilea ngí Jesús e guiar' júu^ quiá'- Fidié' lí^ lacaang' lí téé- guá'- quiá'- dsea` góor' dsea` Israel, jogui jmóo' bir e túu- jaléng' i 'ling'^ i teáng'~ dsí' dsea`.

*Mi~ cajmi'leáng- Jesús jaang` dsea` i líng' jmohuí' lí^
(Mt. 8:1-4; Lc. 5:12-16)*

⁴⁰ Jo lajee' e ngí Jesús fí lí se' Galilea, cangoquiéeng' jaang` dseañu' fí lí ngóor' i nilíng' jmohuí' lí^ fí ngúu' táaiñ. Jo mi~ caguier- quiá'- lí ngóo' Jesús, joba' casí' uø- jnir' jo casí'r- dsea` do lala:

—Fí'i, cuøøm` lí jmi'leaan'^ jnea~ lajii'~ jmohuí e lín'n song iin'~ lajo.

⁴¹ Jo Jesús calí- fí' lím- bre i dseañu' do, joba' cagüiñ' dsea` do jo cajíñ'-:

—Im~baa jmi'leaan^n 'nu'. ijo lana ca'láam- ba' lajii'~ jmohuí e lin'!

⁴² Jo dsifí lajob ca'láang- i dseañu' do, jo jo' e líiñ' jii'~ coo' jóng. ⁴³ Jo mi~ cangí jo, ca'ñib- Jesús júu^ i dseañu' do e nidséiñ'-, jo eáam' ca'ñir- 'goo' quiáñ'- do jo lalab casí'r-:

⁴⁴ —Fí-i 'nu' e jii'~ jaang` dsea` ja' ii' nifí^ lajalé' e calí- na; lico' güjjeaang- uø' fí quini~ jmidsea` lí^ laco' tíng' dsea` góo'oo' dsea` Israel, jogui líng- ee` nigüicá'^ quiá'- e ca'láam- ba' lí^ laco'gui ta~ caquiú' Moi~ malí~gui eáang', jo lajoba' nilíñ' dsea` e nica'láam- ba' lajii'~ jmohuí e lamí lin'.

⁴⁵ Jo cangám'- i dseañu' do, dsu' cajmea' bre júu^ lajím` dsea` lajii'~ e calí- do. Joba' Jesús jo lí'r' fa' ngí- guir dseáng'- fí lí teáng^ dsea` eáang', jo fí caluub' fiñ jii'~ ja'guir fí lí ja' ii' 'ga' lí dsea` jóø- quiá'r-; dsu' car' jii'~ jo dseáng'- dsilím- bi dsea` i 'no' quiá'r-.

2

*Mi~ cajmi'leáng- Jesús jaang` dseañu' i caang` tñ-
(Mt. 9:1-8; Lc. 5:17-26)*

¹ Jo mi~ cangígui tú- 'ní jmi~ lajo, cangám'- tu Jesús fí Capernaum. Jo mi~ caliñí jaléng' dsea` e líng- jé' fí lí nitáang' dsea` do, ² joba' ladsifí lanab caseáng' fñing' dsea` e fí 'núu' lí iuung- Jesús e guiar' júu^ quiá'- Fidié', jo jii'~ jo íng- gui dsea` fí o'nú^ quiá'- e 'núu' do, co' i 'leám- dsea` teáng'~ e fí dsí' jo. ³ Jo lajee' jo caguilíng- quiúung- dseañu' i dsíng' jaang'gui dseañu' i caang` tñ-. ⁴ Jo dsuco' eáam' fñing' dsea` i teáng'~ do ie~ jo, joba' ja' cuøng' fa' e nidsijéiñ' i dsea` dsée'~ do catí quini~ Jesús. Joba' caneáar' capí^ fí yú^ 'núu' dseáng'- e lí iuung- Jesús cóo'~ jaléng' i dsea` do, jo fí job cajgiéer- e 'ma' lí dsíng' i dsea`

dsée' do cartí quini' laco' sing' Jesús. ⁵ Jo dsifí mi' calilí' Jesús jial dseáng' já' líng' jaléng' i dsea' do júu' quiá'r', joba' cajín' casí'r' i dsea' dsée' do lala:

—Jóo'o, nica'im-baa dsee' quií'.

⁶ Jo mi' cajíng' Jesús lajo, joba' i líng' tifa' quiá' júu' quiu' ta' quiá' dsea' Israel i teáng' do ie' jo canaain' í dsír': ⁷ “¿Jial teá' dsí' i dseañu' na e fé'r' lana? Co' jalé' e fé'r' na, júu' gab' lí' fí' quini' Fidié', dsuco' dseáng' lajii' Fidié'bing' cuøng' lí' íng' dsee' quiá' dsea'.” ⁸ Jo dsu' dsifí lajob calilí' Jesús lajii' e í dsí' i dsea' do, joba' casí'-reiñ' do lala:

—¿Jialí' í áa' 'nú' lana? ⁹ ¿E' e líng' 'nú' e ja'gui huíng' nifí' i dsea' caang' tí' na? ¿Su nifí'ire: “Nica'im-baa dsee' quií'”, osi nifí'ire é: “Ráan' jo ngí', jo quié'e uø' e 'ma' lí' dsín' na”? ¹⁰ Jo dsu' lana jnea' ni'éé'e 'nú' e jneab' cagá'a fí' ñifí' e lán'n jaang' dsea' jmigüi' e oo'-baa ta' fí' jmigüi' la e ni'ín'n dsee' quiá' dsea'.

Jo mi' cangí' e cajín' lajo, joba' casí'r' i dsea' caang' tí' do lala:

¹¹ —Jnea' fí' 'nú', ráan' jo quié'e e 'ma' lí' dsín' na jo guøng' fí' quií'.

¹² Joba' dsifí ladob caráang' i dsea' caang' tí' do, jo cacór' e 'ma' lí' lamí' dsíin' do la ní' jaléng' i dsea' i teáng' do ie' jo. Jo mi' cangá' jaléng' i dsea' do lajii' e calí' do, joba' lajim'bre cango'gó' dsír' jo canaain' jmiféin' Fidié' jo fé'r':

—Dseáng' jii' coo' ya' ja' mí' cane'naa' lajii' e nicalí' jmí' na.

Mí' cató' Jesús jaang' dseañu' i sii' Leví
(Mt. 9:9-13; Lc. 5:27-32)

¹³ Jo mi' cangí' lajo, cangób-tu Jesús fí' 'ni' guié'e e néé' fí' Galilea do. Jo lajee' táaiñ' fí' jo, dseáng' eáam' dsilíng' dsea', joba' e'bre jaléng' dsea' i guilíng' do júu' quiá' Fidié'. ¹⁴ Jo lajee' e iuung' Jesús fí' ngóor' fí' lí' jié', cangáin' jaang' dseañu' i sii' Leví, jóo' jaang' dseañu' i sii' Alfeo, e guiiñ' do fí' coo' lí' mir' cuu' e catíng' dseata' i guing' fí' Roma, co' líin' do nodsicuu'. Joba' casí' Jesús i dseañu' do lala:

—Leví, má'aa' coo' jnea'.

Jo dsifí ladob caróo' Leví jo cangó-bre coo' Jesús.

¹⁵ Jo mi' cangí' jo, Leví cató'r' Jesús e nidsé' dsea' do e nidsihé'r' fí' quiáin'. Jo fí' jo niguiing' dsea' do gø'r' colíng' coo' jaléng' dsea' i ngí' coo'r' jogui coo' i fíng' dsea' i mí' cuu' quiá' dseata' guing' fí' Roma jogui coo' jaléng' dsea' i jíéng' gui i sea' júu' i røng' dsee' cajo. ¹⁶ Jo mi' cangá' jaléng' dsea' Israel i líng' dsea' fariseo coo' gui jaléng' tifa' quiá' júu' quiu' ta' quiá'r' e Jesús guiiñ' gø'r' colíng' coo' jaléng' i dsea' do, joba' cajmingí'r' i dsea' quiá' Jesús do jo casí'-reiñ' do lala:

—¿Jialí' gø' tifa' quií' na' colíng' coo' jaléng' 'ná' nodsicuu' coo' gui jaléng' dsea' caguiaang' gui i sea' júu' i røng' dsee'?

¹⁷ Jo mi' canúu' Jesús lado, joba' cañír' quiá' i dsea' do lala:

—Jaléng' dsea' i guíung' ja' 'neáin' timí', dsu' jaléng' dsea' dsée'bing' i 'neáng' í. Jo jnea' ja' cagá'a fí' jmigüi' la fa' e caga'nén'n jaléng' dsea' i ée' guíu', dsu' jaléng' dsea' dsee' dsea' qui'bing' i caga'nén'n.

Mí' cajmingí' dsea' Jesús uii' quiá' jalé' ayuno
(Mt. 9:14-17; Lc. 5:33-39)

¹⁸ Jo coo' néé' cajmée' ayuno jaléng' i dsea' i ngí' coo' Juan i seáng' dsea' jmí' coo' gui jaléng' i dsea' i líng' dsea' fariseo. Jo lajee' jo, caguilíng' i líng' dsea' fí' lí' táang' Jesús jo cajmingí'r' dsea' do lala:

—Jaléng' i dsea' quiá' Juan i seáng' dsea' jmí' coo' gui jaléng' dsea' fariseo jmóo'bre ayuno, jo ¿jialí' jaléng' dsea' quií' 'nú' ja' jmóor' lajo?

¹⁹ Joba' cañí' Jesús quiá' i dsea' do lala:

—Ja' cuøng' nijmé' ayuno jaléng' dsea' i simíng' quiá' coo' lí' cung' guoo' dsea' lajee' seeng' i simíng' i cung' guó' do coo'r'; co' lajee' siseáng' i simíng' do coo' i dsea' simíng'

do, ja` cu0ong` fa' nijmé` i dsea` siming` do ayuno. ²⁰ Jo dsu' coob` mi~ nití` í' e nisáin' i siming` i cung' guó` do, jo joguib mi~ niguiéé` jmíi` e nijmé` dsea` ayuno.

²¹ Jo jíi' jaang` dsea` to'r' coo` 'mi' e yúu'~ cóo'~ ca'ná'^ 'mi' e 'míi', dsuco' song cajméer` lajo, joba' nijóm' e 'mi' e 'míi` do jogui ni'guí'bi e 'mi' e yúu'~ do cajo, joba' lí'^ lí' jmiguiú'gui ni'guí'b` jóng. ²² Jo lajobi cajo, ja` guié' dsea` méé' e laco' gui'ná'^ có' fí' coo` dsí' loo~ jó' e yúu'~; dsuco' song cajméer` lajo, joba' ni'guí'ba' do jo nidsi'ú'b` e méé' do jogui ni'íim` e loo~ jó' do cajo. Jo co' lajob líi', joba' guiá'gui e niguié' dsea` e méé' laco' gui'ná'^ có' do fí' coo` dsí' loo~ jó' e 'míi'b`, jo lajoba' ja` dseáng' fa' e ni'guí' e loo~ jó' do o'gui fa' e nidsi'ú' e méé' do cajo.

Mí' ca'éeng` dsea` quiá'- Jesús láa' quiá'- cui'iee`

(Mt. 12:1-8; Lc. 6:1-5)

²³ Jo coo` ya' ie~ jmíi` e jmi'ing' dsea` góo` Jesús dsea` Israel, jo caguié` dsea` do coling` cóo'~ jaléng` dsea` quiá'r` fí' coo` guiee` lí~ sijnea` cui'iee`. Jo jaléng` i dsea` quiá'r` do mi~ cangáin' fí' jo, canaain' éein' láa' quiá'- e cui'iee` e sea` do ie~ jo. ²⁴ Joba' jaléng` dsea` Israel i líng` dsea` fariseo cajmingí'r` Jesús lala:

—Janú', ¿jiali' jmóo` dsea` quií' lana?, co' ja` cu0ong` jmé` dsea` Israel e lana mi~ jmíi` e jmi'ing'naa'.

²⁵ Joba' cañi' Jesús quiá'- i dsea` do lala:

—¿Su jíi' coo` ya' ja` mí' ca'í' 'nú' fí' ni~ jì' quiá'- Fidiéé` lí' fé' e~ cajméé` dseata` Daví' ie~ malíi` do coo` ya' lajee` e jmi'aang` dsea` do cóo'~ dsea` quiá'r`? ²⁶ Jo ie~ jo jaang` dsea` i sií' Abiatar líiñ` jmidsea` laniing`, dsu' i dseata` Daví'^ do ca'í'-bre fí' dsí' 'nú' Fidiéé` jo cagó'bre e íñí'^ güeang'^ quiá'- Fidiéé` e si'í' dseáng' lajíi' jmidsea`bing' cu0ong` lí' dó'; jogui cacuo'bir cajo jaléng` i dsea` i ngolíng`-gui cóo'r` do e cagóin' do.

²⁷ Jo cajíng`-gui Jesús cajo:

—E jmíi` e jmi'ing' dsea` cajméé` Fidiéé` e laco' nijmicóo'r` dsea` jmigüí'b`, jo o' yaang` dsea` jmigüí' cagui'r' e jmíi` jo e laco' nijmi'íñ'. ²⁸ Jo uíi' lajoba' e jnea~, i cagüéng` fí' jmigüí' la e gáa' fí' ñífi` e lín'n jaang` dsea` jmigüí', seab' fí' quié` e e quiá'-ta` lajee` e jmíi` e jmi'ing' dsea` góo` dsea` Israel.

3

Mí' cajmi'leáng` Jesús jaang` dsea` i caang` guoo`

(Mt. 12:9-14; Lc. 6:6-11)

¹ Jo mi~ cangí' jo, coo` jmíi` ca'í'b`-tu Jesús fí' coo` dsí' guá'- quiá'- dsea` góor` dsea` Israel, jo fí' job ni'iuung` jaang` dseañu' i caang` coo` guoo`. ² Jo ie~ jo i fíim' dsea` siteein' Jesús fí' e guá'- jo e lí'^ laco' nijóor` su nijmi'leáng` dsea` do i dsea` dsée' do 'ñia' ie~ jmíi` e jmi'ing' jaléng' dsea` góor` dsea` Israel, co' fing cajméé` dsea` do lajo, lajoba' líiñ` e nilí'r' e ni'ning`-nein' fí' quini` dseata`. ³ Jo mi~ cangáng` Jesús i dseañu' i caang` guoo` do, dsifi' lajob casí'-rein' do lala:

—Ráan' jo síng' uo' e guiá'^ jóo` do.

⁴ Jo mifíng` cajmingí'r` jaléng' i dsea` i teáng` do ie~ jo, jo casí'-rein' do lala:

—¿E` í' óo' 'nú' e cu0ong` líl' mi~ jmíi` e jmi'ing' jneaa'aa', dsea` Israel? ¿Su e guiá' ofa' e ja` dseem` é? ¿Su 'né` e nijmi'leáng'naa' jaang` dsea` rú'naa' jee~ jmohuí', osi e nibiing`naa' é?

Dsu' jaléng' i dsea` do tiib` cajer'. ⁵ Jo lí'^ cajóom` Jesús jaléng' i dsea` i teáng` lacúng' lajíng` do, jo caligúim`-bre quiáin' do, jogui fi'í'bi cajer' cajo, co' dseáng' ja` iing` jaléng' i dsea` do ningám'bre. Joba' lalab casí'r` i dseañu' i caang` guoo` do:

—Níi' guóo', dseañu'.

Joba' cani'biñ' do guóor` e caang` do, jo ladsifi' lanab ca'lóo`. ⁶ Jo mi~ cangá' jaléng' i dsea` Israel i líng` dsea` fariseo i teáng` do ie~ jo jalé' e calí' do, dsifi' mi~ tí' lí' ca'u0oñ'

fi' jo, jo canaaiñ` s'iiñ` cóo~ jaléng' dsea` quiá'- dseata~ Herodes e quiá'- jial nijmér- e laco' nijngaiñ'- Jesús.

Mi' caseáng' i f'ing' dsea' fi' 'ni' guiée' Galilea

⁷ Jo mi' cangí jo, cangób- tu Jesús coling~ cóo~ jaléng' dsea` quiá'r- fi' 'ni' guiée' Galilea, jogui i f'ím' dsea` seeng' lacaang` f'ii li' se' Galilea ngoliñ- laco' ngóo' dsea` do. ⁸ Jo mi' caliñ' jaléng' dsea` quiá'- jalé' e guiá- e jmóo' Jesús, i f'ím' dsea` cajaliñ^ cajajóoiñ^ dsea` do; cajalíng^ jaléng' dsea` i seeng' fi' Jerusalén, jogui lacaang` f'ii jié' li' se' Judea, jogui li' se' Idumea, jogui jaléng' dsea` i neáang' lí' lí' guiée' laco' iu~ gua` Jordán, jogui jaléng' dsea` i seeng' fi' f'ii Tiro cóo'~ gui fi' f'ii Sidón. ⁹ Jo casí'- Jesús i dsea` quiá'r- do e nijméiñ'- do quijí- cóo' móo' e ni'ír' e lí' laco' ja' nicúñ'- eáang' fi' jee~ i dsea` 'leáang- do; ¹⁰ dsuco' Jesús dseáng'- i 'leáam- dsea` dsée' i nicajmi'leáaiñ-, joba' jaléng' dsea` dsée' dseáng'- dsiquiéiñ' e güim'bre dsea` do. ¹¹ Jogui jaléng' i dsea` dsée' i jée' i 'ling'^ quiá'- laco' mi' níñ- Jesús, dsifi' lajob sí'r uó- jnr~ fi' quini' dsea` do jo óor' teá jo fé'r lala:

—'Nu' lin' i Joo' Fidiée' camíng'~ do.

¹² Jo Jesús cajmi'leáam- bre i dsea` dsée' do, jo jím-bre i 'ling'^ do jogui quiu'reiñ' ta~ e ja' niféiñ' do cuaiñ~ quiá'r- 'ñia'r' fi' quini' dsea`.

Mi' caguíng' Jesús dsea' guitúung' quiá'r-

(Mt. 10:1-4; Lc. 6:12-16)

¹³ Jo mi' cangígui lajo, cajgóo- Jesús fi' cóo' yá' mó', jo fi' job cató'r- i f'ing' dsea` e laco' niguiñ' i jaléng' ni'uíng- dsea` quiá'r-. Jo lajee~ e nicaseaiñ' lajiiñ' e fi' yá' mó' do, ¹⁴ caguíñ' lajee~ jaléng' i dsea` i teáang- do ie~ jo guitúung' dsea` i nisiñ- cuaiñ~ quiá'r- e laco' nidsiguiaiñ~ do júu^ quiá'- Fidiée' jee~ jaléng' dsea` jmígüi; joba' i dsea` í calisír' dsea` apóo^, e guóng' dsea` si'neang~ quiá'- Fidiée' i quie' júu^ quiá'r-. ¹⁵ Jogui cacuø'reiñ' do ta~ e quí'r~ jmi~ e ni'uóñ- jaléng' i 'ling'^ i jée' quiá'- dsea`. ¹⁶ Jo lalab sii i dsea' guitúung' i ca'naaiñ' do: jaang' i sii Simón, jo mi' cangir' cóo'~ Jesús calisír' Tú^; ¹⁷ jaang'gui i sii Tiáa~ cóo'~ gui jaang' rúñ' do i sii Juan, jo laji huáaiñ'- do líiñ' jóo' jaang' dseañu' i sii Zebedeo, jo mi' cangir' cóo'~ Jesús laji huáaiñ'- do calisír' Boanerges, e guóng' jóo' Ji Güi'ñiá'; ¹⁸ jaang'gui i sii Dí', jaang'gui i sii Lií, jo jaang'gui i sii Bartolomé cóo'~ jaang'gui i sii Mateo, jogui jaang'gui i sii Mó', jo jaang'gui i sii Tiáa~, jóo' jaang' dseañu' i sii Alfeo, jogui jaang'gui i sii Tadeo cóo'~ jaang'gui i sii Simón i líng' dsea` celote, ¹⁹ jo catí li' cadséng- gui Judas Iscariote i cajáng' Jesús fi' jaguó' dsea` i cajnga' quiá'r-.

Mi' cacuø' dsea' dsee- Jesús e jmóor' ta' la'eáang' cóo'~ fii i 'ling'^

(Mt. 12:22-32; Lc. 11:14-23; 12:10)

²⁰ Jo mi' cangígui lajo, calí- tu Jesús fi' cóo' dsí' sinúu^, jo dsifi' lajob caseáng' tu dsea` i 'leáang- e júi' o' cuø' fi' dó'- gui dsea` do coling~ cóo'~ dsea` guitúung' quiá'r-. ²¹ Jo mi' caliñ' i dsea` rúng' Jesús e jo, joba' cangoliñ^ e cangotéer' dsea` do ladsifi' lado, co' fé'r e ningaam'biñ'.

²² Jogui lajobi cajo, lalab fé' jaléng' tifa' quiá'- júu^ quiu' ta~ quiá'- dsea` Israel i jalíng- catí Jerusalén jo cajíñ'-:

—La'eáang' cóo'~ bí quiá'- Beelzebú i líng' fii~ jaléng' i 'ling'^, la'eáang' íbing' tíng' i dseañu' na e uóoiñ' i 'ling'^ i teáang' dsí' dsea`.

²³ Joba' catób'- Jesús jaléng' i dsea` do, jo casí'- reiñ' do cóo' júu^ já'- e lafa' júu^ cuento jo lalab cajíñ'-:

—¿Jial lí' Satanás niguiñ- 'ñia'r'? ²⁴ Jogui fa' dsea` i seeng' fi' cóo' f'ii, jo nilí e 'ní' níng- rúñ' lajee~ la'ó' yaaiñ~, joba' ja' huøø- nité' e seeng' dsea` e fi' f'ii jo, ¿já' já'-? ²⁵ Jogui lajobi fa' cóo' sinúu^ quiá'- dsea` li' seeiñ' mí~, ja' cuø' fi' fa' e seeiñ' juguiú- fi' jo, ¿já' já'-? ²⁶ Lajobi lí' cóo' Satanás i líng' fii i 'ling'^ do; cofa' calisíñ' mí~ jogui catiñ' cóo' i 'ling'^ i líng' la'ó' 'ñia'r' do, joba' ja' røø nigüi'íng' quiá'r-, co' ni'ím-bre congua' jóng, ¿já' já'-?

27 Jōgui lajobi cajo jii~ jaang`dsea`lir`ir`fi`dsi`sinuu` e nidsijmeer` ii` quia~ jaang`gui` dsea` i` bi`gui` dsi` laco` ir`; co` la`uui` jang` 'ne` e ni`num`bre` i` dsea` i, jo` joguiba` nili`r` e nijmer` ii` jōng.

28 Jo` jnea~ jmitaa` oo`na` e cuo`om` li`ling` Fidiée` dsee` quia~ jaléng` dsea` uui~ quia~ jalé` e nicajmeer` cóo`gui` jalé` e nicafér`, 29 dsu` song` iigui` fé` ga` uui~ quia~ Jmiguí` quia~ Fidiée~, joba` dseáng` jo` ni`im` Fidiée` dsee` quia~ i` dsea` i, co` latab~ niróin` dsee` jōng.

30 Jo` lanab` jii~ lí` júu` e casí` Jesús` i` dsea` do` ie~ jo` uii~ e féin` do` e jee` i` ling` quia~r`.

*Mi` cajíng` Jesús` i` niquiár` jogui` i` rúin`
(Mt. 12:46-50; Lc. 8:19-21)*

31 Jo` mi~ cangí` jo, jo` lajee` e iuum`bi` Jesús` fi` dsi` e sinuu` do, mi~ caguié` niquiár` cóo`gui` jaléng` rúin`. Dsu` jii~ caluub` cajein` do, co` eám` fíng` dsea` teáng` dsi` e sinuu` jo` ie~ jo. Joba` casíin` jaang` dsea` i` si`i` cangote` Jesús. 32 Jo` i` dsea` i` neáng` lacúng` lajínng` li~ sing` Jesús` casí`r` dsea` do` lala:

—Nab` nicagüéng` niquí` cóo`gui` jaléng` rún` dseañu` cóo`gui` rún` dseamí` e `náiin` `nu, jo` nab` teáiin` caluu` lana.

33 Joba` cañi` Jesús` quia~ i` dsea` do` lala:

—¿I` líng` `nú` i` líng` niquié` e jogui` jaléng` rún`n?

34 Jogui` cajóin` i` dsea` i` neáng` lacúng` lajínng` li~ guiin` do` jo` cajín`:

35 —Co` lí` doñi` ii` dsea` i` jmoo` dseáng` lajii~ ta` e iing` Fidiée~, joba` i` dsea` íbing` i` líng` rún`n` jogui` íbing` i` líng` niquié` e cajo.

4

*Coo` júu` já` lafa` júu` cuento quia~ mi` bí` dsea` mijú`
(Mt. 13:1-9; Lc. 8:4-8)*

1 Jo` coo`gui` née~ canaang`tu` Jesús` e e`r` dsea` júu` quia~ Fidiée` fi` `ni` e guieé` do. Jo` dsuco` i` fíim` dsea` caseáng`tu` e fi` jo, joba` lajee` jo` ca`ib`tu` Jesús` fi` dsi` coo` móo` e si` e `ni` e guieé` do, jo` fi` job` caguár` lajee` e jaléng` i` dsea` caguiaang` do` teáiin` fi` `ni` e guieé` do e núur` júu` quiaín` do. 2 Jo` fi` job` canaang` Jesús` ca`e`r` jaléng` i` dsea` do` jmiguiá` júu` já` lafa` júu` cuento, jo` lalab` fé`r` e sí`r` i` dsea` do:

3 —Janú`, núu`na` jalé` e nifá`a` la: Coo` ya` cagüi`í` jaang` dsea` quie` mijú` e ngojnir` jma~. 4 Jo` lajee` ngóor` jnir` jma~ quia~r~, e líng` e mijú` do` cajiá` fi` li~ ngoo` fi`, jo` jiaub~ cøong` lajo` caguilíng` ta` jo` cagó`bre` e mijú` do. 5 Jogui` sea`bi` e mijú` do` e cajiá` fi` jee~ cuu~ fi` li~ ja` leáng` guoo` née; jo` e mijú` jo` lajmináb` ca`iáng`, co` ja` leáng` `mí` née` guoo`; 6 jo` dsu` mi~ cangáng` iee, cacám` jo` caliquiúb, co` ja` ga` lí` jmó` sea` quia~. 7 Jo` e líng`gui` e mijú` do` cajiá` fi` jee~ `matóo`, jo` co` eáng`gui` cacuáng` e `matóo` do` jo` niúm` ca`uíng` quia~ e mijú` e ca`iáng` do, joba` e mijú` do` dseáng` ja` e cacuøb`. 8 Jogui` e líng`gui` e mijú` do` cajiá` fi` li~ jlo` uø, joba` jlob` cacuáng`; jo` e líng` cacuø` lí`gui` treinta` lacamí`, jogui` e líng`gui` cacuø` lí`gui` sesenta` lacamí`, jogui` e líng`gui` cajo` cacuø` latí` cien` mí` lacamí` do.

9 Jo` cajíng`gui` Jesús` casí`r` i` dsea` do:

—Jaléng` `nú`, dsea` sea` loguá`na, núu`na` e júu` na.

*E` uíng` e cacuø` Jesús` jalé` júu` já` lafa` júu` cuento
(Mt. 13:10-17; Lc. 8:9-10)*

10 Jo` mi~ cangí` jo, mi~ caje` Jesús` `nia`r`, jo` jaléng` i` dsea` i` neáng` cáang` laco` guiin` do` colíng` cóo` jaléng` dsea` guitúung` quia~r` cajming`r` dsea` do` e guøng` e júu` e cajín` do` e lí` lafa` júu` cuento. 11 Joba` cañi` Jesús` quia~ lajaléin` do` jo` lalab` casí` reiin`:

—Ngím` `nú` e cuø` Fidiée` e ní`na` jialco` quie` Fidiée` nifí` quia~ dsea` e ja` mí` ní` dsea` jmigüi` lamí` jéeng`gui; dsu` jaléng`gui` dsea` i` ja` mí` íng` júu` quia~ Fidiée~, núur` e júu`

do la'eáang' cóo' júu' e lí' lafa' júu' cuento. ¹² Co' lajob fé' fí' ní' jì' quiá'- Fidiéé' cuaiñ~ quiá'- jaléng' i dsea' í':

Jò dsu' nañí' fa' jialgui la jóør~, dsu' ja` ninír`,
jogui nañí' fa' jialgui la núur~, dsu' ja` ningáañ',
e laco' i dsea' la'í' ja` niquí'~ jíng' yaaiñ~ fí' quinií~,
jò o'gui jnea~ ni'ín~n dsee~ quiá'r^ cajo.

Mi~ cajíng'~ Jesús e~ guóng' e júu' quiá'- i dsea' bí' mijú' do
(Mt. 13:18-23; Lc. 8:11-15)

¹³ Jò cajíng'~ gui Jesús casí'r~ jaléng' i dsea' do:

—¿Su ja` ngáng' 'nú' e júu' já'- e lí' lafa' júu' cuento la? Jò ¿jial ningáng' na' e caguiee~ gui do song ja` ngáng' na' e la? ¹⁴ Jò lalab guóng' e júu' la: I dsea' i jní' e mijú' do líiñ' lafa' jaang' dsea' i jmóo' ta~ guía' júu' quiá'- Fidiéé' cuaiñ~ quiá'- Dsea' Jmáang~. ¹⁵ Jò i líng' dsea' líiñ' laco' lí' e mijú' e cajiá' fí' guía' fí' do, co' núur' e júu' jò, jò mí' níngí' jò, dsifí' lajob guieé' Satanás, jò íb' jmóo' e ím~tu dsír' lajii'~ e júu' e nicanúur~ do. ¹⁶ Jò i líng' gui dsea' líiñ' laco' la lí' e mijú' e cajiá' fí' jee~ cuu~ lí' ja' 'ga' lí' guóo' sea, co' i dsea' í' núur' e júu' quiá'- Fidiéé' do, jò ladsifí' íaam' dsír' e íñ' e júu' jò. ¹⁷ Jò dsuco' ja' mí' ca'íng' guir dseáng'~ e ngocáng' dsír' e júu' jò, joba' ja' huøø- té'r e já'- líiñ'; jò mí' dsingíiñ~ ee'go e huíng' osi e 'ní' ní' dsea' quiá'r~ é uí' e cuíñ' Dsea' Jmáang~, joba' jgiéem~ dsír' cóo'~ e júu' jò. ¹⁸⁻¹⁹ Jogui i líng' gui dsea' líiñ' laco' lí' e mijú' e cajiá' fí' jee~ 'matóo' do, co' lico' núur' e júu' quiá'- Fidiéé' do, jò dsu' eáang' gui guíng' dsír' jial nilí'r' jalé' e 'nér~, jogui eáam' jmigóoiñ' yaaiñ~ e dsináaiñ' cuu~ cóo'~ gui jalé' e sea' fí' jmigü' la. Jò lajaléb' e jò jmóo' e táb~tur e júu' jò, jò ja' ee' ta~ íng' quiá'r~ e já'- calíiñ~ e júu' jò co' ja' ee' dsicuáng' quiá'r~. ²⁰ Dsu' i líng' gui dsea' núur' e júu' quiá'- Fidiéé' do, jò jáb' líiñ' e júu' jò, jò guiáb~ uíng~ quiá'r~, jò i dsea' la'í'bing' líng' laco' lí' e mijú' e cajiá' fí' lí' jlo'^ uø~ do. Jogui i líng' gui i dsea' la'í' líiñ' laco' e mijú' e cacuø' treinta lacamí'^ do, jò i líng' gui líng' laco' e mijú' e cacuø' lí' gui sesenta lacamí'^, jogui i líng' gui líng' laco' e mijú' e cacuø' laji cien lacamí'^ do.

Coo'gui júu' já'- lafa' júu' cuento quiá'- jial mí' jmijneá' dsea' jì'
(Lc. 8:16-18)

²¹ Jogui fíi~biguí' 'nú' cajo: Ja' ee' uíng' sea' e sí' dsea' coo' candí' mí' canuu' fí' dsí' coo' caja osi fí' coo' lí' cøøng' é, dsuco' coo' lí' níib' 'né' sí' do e laco' cuøøng' jneá' guíá' fí' latøøng~ sinúu'. ²² Jogui lajob lí', co' jii'~ coo' sea' e sí' maang' fa' e ja' tóo' jmíi' niliñí' dsea', o'gui jii'~ coo' júu' e ja' mí' ní' dsea' jéeng' gui fa' ja' tóo' jmíi' e niliñír'. ²³ Joba' fíi' 'nú', jii' 'nú' dsea' sea' loguá' na', núu~na' jalé' e júu' na.

²⁴ Jò mí' cangí' jò, lalab cajíng'~ gui Jesús casí'r~ i dsea' do jò cajíñ'~:

—Quié' na' cuante lajii'~ e nuu' na'; co' lafa' cóo' e guía' 'nú' í', cóo' e job cajo e niguiá' Fidiéé' í' ee'go nicuø'r~ 'nú' jò car' jii'~ lí' bi lajo nicuø'r~ 'nú'. ²⁵ Dsuco' i dsea' i sea' quiá'-, jmiguiú' guib' niñíiñ' e nilisea', joba' lalim' nilisea' quiá'r~; jò dsu' gui i dsea' i ja' sea' quiá'-, nigüeáb' lajii'~ capí'^jiu e sea' quiá'r~ do.

Coo'gui júu' já'- lafa' júu' cuento quiá'- mijú' e cuaang'

²⁶ Jò cajím'~ bigui Jesús cajo:

—Mí' quie' Fidiéé' ní'fí' quiá'- dsea', lí' la lí' quiá'- jaang' dsea' i ta' mijú' fí' nú' uø~. ²⁷ Jò mí' níngí' e cajní'r' e mijú' do, jò nidsém'~bre fí' quiá'r~. Jò mí' ní'fí' tú' 'ní' jmíi' lajo, nidsí'ee~tur fí' lí' cató'r' e mijú' do, jò laco' jmíi' jneá' jogui laco' jmíi' nuu' cuaam'ba' do, dsu' i dsea' i cajní' do ja' ní'r' jial e cuaang', ²⁸ co' 'ñiab' guóo' uø~ e jmóo' e cuaang' do: co' la'uii~ nijnéng' sá'^ quiá'-, jò mí' níngí' jò nijáa' lí' quiá'-, jò mí' cangí' joguiba' nicuø' ofíi'. ²⁹ Jò mí' lí' e nicaroo' e ofíi' do, joba' nidsicu~bre, co' lí'r' e nicatí' í' e nisítim'ba' do.

*Coo`gui`júu`já`-lafa`júu`cuento`quia`-cõõ`mijú`e`sii`mostáa`
(Mt. 13:31-32; Lc. 13:18-19)*

³⁰ Jõ cajíng`-gui Jesús:

—¿Jial líng`-na' e lí' mi` jaang` dsea` quie` Fidié` nifí` quia`r`? Jogui` ¿e` cóõ` cuóõng` nicóõng`naa'? ³¹ Jõ mi` quie` Fidié` nifí` quia`-dsea, lí' lafa' e mijú` e sii` mostáa` e jni` dsea. Jõ e mijú` jõ dseáng`- pí`gui lajee` lajalé` mijú` e sea` fí` jmigüi, ³² dsu' fíng cajní` dsea, dseáng`- féb` eáang` cuaang`, cõ' fé`gui eáang` lajee` lajalé` onuu, jogui cóob` guo` quia`- uíng` cajo e cuóõng` guia` jaléng` ta` sii`re' fí` yá` jee` i`^ quia`-.

*E` uiing` e cajíng`- Jesús e júu`já`- do e lí' lafa` júu` cuento
(Mt. 13:34-35)*

³³ Jõ lajõb ca'e' Jesús jaléng` dsea` júu` quia`- Fidié` e quigeáang` jalé` júu` já`- e lí' lafa' júu` cuento lí`^ cartí` califíng`- mogui` dsea` e jõ` ningáng`guir` guia`. ³⁴ Jõ dseáng`- ja` e`bre dsea` júu` quia`- Fidié` e ja` quieéng` e júu` lajõ. Dsu' lajalé` e guóõng` e júu` do jma`bre júu` condsee` i` dsea` guitúung` quia`r`- do mi` neáaiñ` colíing` lí` ja` seeng` dsea` jíéng`.

*Mi` cajmé` Jesús e ca`uáang` e í' guí` jogui e ca`uáang` e róõ` jmí`
(Mt. 8:23-27; Lc. 8:22-25)*

³⁵ Jõ `ña' ie` jmí` jõ, mi` tí` lí` ca`í`- núu`, casí`- Jesús jaléng` i` dsea` guitúung` quia`r`- do lala:

—Má`aa' fí` lí` lí` 'ngóõ` cataang` e guieé` la.

³⁶ Jõba' lajõb cajméer: caseáam`bre i` fíng` dsea` jõ cangó`-bre cóõ` i` dsea` quia`r`- do, jõ cangotáaiñ` fí` dsí' cóõ` móó` e nisi' do, jogui cangotáam`bigui dsea` jíéng` fí` dsí' tú`- ní' móó` e jíé`gui, jõ cangolíim`biñ` do cóõ`r` cajo. ³⁷ Jõ lajee` ningolíiñ` ni` jmí`b` mi` canaang` í' guí` e teá` eáang` jogui canaang` róõ`- jmí` cajo, jõ catí` dsí' móob` nicanang` dsi'a` jmí`. ³⁸ Jõ lajee` jõ güim` Jesús ngóor` lí`- to'mí` e móó` do e sijnuuiñ` dse` cóõ` to'mí` dsíng` guí`. Jõba' cangoñiñ` dsea` do ladsifí` lado jõ casí`-reiñ` lala:

—¿Tifa'! ¿Su ja` dsi'gó` o' e nicanang` dsi'am`baa'?

³⁹ Jõba' caróõ` Jesús jõ caquiur` ta` e guí` do jõ cajíñ`-:

—¿Catii`!

Jõgui caquiur` ta` e jmí` do jõ cajíñ`-:

—¿Jmi`uáang` uø'!

Jõ ladsifí` ladob ca`uáang` e í' guí` cóõ`-gui e róõ`- jmí`, jõ tiib` ca`í` jóng.

⁴⁰ Jõ mi` cangí` jõ, lalab cajíng`- Jesús casí`r` i` dsea` guitúung` quia`r`- do:

—¿Jiali' eáang` 'gó`na'? ¿Su ja` já`- mí` calím`-bi' lajii`- júu` quie`-e?

⁴¹ Jõ mi` canúu` i` dsea` guitúung` do lajõ cafóm`bre, cõ' ja` ñir` jiali' cajíng`- dsea` do lado, jõ canaaiñ` jmingí`- rúin` lajee` yaaiñ` jõ fé'r`:

—¿I` i` dseañu` la e la quie`gui tí` guí` cóõ`- jmí` núu`- júu` quia`r`-?

5

*Jaang` dseañu` i` teáang` i` 'ling` dsí`
(Mt. 8:28-34; Lc. 8:26-39)*

¹ Jõ mi` cangí` jõ, caguié` Jesús cóõ` i` dsea` quia`r`- do fí` lí` lí` 'ngóõ` cataang` e guieé` do e fí` ni` guóõ` uø` lí` se' Gerasa. ² Jõ mifíng` mi` tí` lí` cajgáng` Jesús e fí` yá` e móó` do, cangoquieéng` fí` lí` siñ` jaang` dseañu` i` teáang` i` 'ling` dsí'. Jõ i` dseañu` do lí`^ nijar` fí` codsiib`, ³ cõ' fí` jõb fí` lí` guíin`. Jõ jii`- jaang` dsea` ja` ii` mí` cali' fa' e nicasang`- neiñ` o`gui ii` mí` cali' fa' ni`ñúng` neiñ` cóõ`- ní` cadena cajo. ⁴ Jõ jmiguiab` ya' ninicajmé` dsea` quijí` e ni`ñúr` guotíiñ`- do cóõ`- e ní` jõ, dsu' dsifí` lado fíin` do jõ dseáng`- jii`- jaang` ja` ii` mí` caté` quia`r`-. ⁵ Jõ i` dseañu` do uøø` jmí`b` ngir` fí` lacaang` jee` mó' jogui lacaang` fí` lí` si'aang` jaléng` 'lí` e óor` jogui e jmihuíng` 'ña'ar` cóõ`- cuu`. ⁶ Dsu' mi` tí`

li~ cangáin~ Jesús e huím~bi, dsifí lajob cacuír, jo cangoquíeíñ fí lí sing' dsea` do jo casí' r' uó~ jnir~ e jmiféin' dsea` do, ⁷ jo lalab casí' reiñ' e dsíng'~ teá' oor:

—Jesús, Jóo' Fidié' dsea` guing~ ñifí~, ja` jmiguín'^ jnea'^; jo m'í'~i' 'na' jmi'ee' fí' quini' Fidié' e ja` jmihuín' jnea'!

⁸ Jo cajíng'~ i dseañu' i iuung~ i 'ling'^ dsí' do lado, co' Jesús nicanaaiñ` quiu'r' ta~ i 'ling'^ do jo cajíñ'~ lala:

—i' 'ling'^, júu' lí~ iuun'~ fí' dsí' i dseañu' na!

⁹ Jo casí'~ gui Jesús i 'ling'^ do:

—¿Jial sii'?

Jo cañí' i 'ling'^ i teáang'~ dsí' i dseañu' do:

—Legíom sii~, co' fí'baa'.

¹⁰ Jo i 'ling'^ do, eáam' m'í'r' Jesús jmi'ee' e laco' ja` nisíng'~ dsea` do jaléng' i fí' lí huí~.

¹¹ Jo co' quíá'~ do nisi' coo' mól', jo e fí' jo nitaang~ i fíng' cú^ e 'nó're' e gø're', ¹² joba' i 'ling'^ do camí'r' Jesús fí' e nidsitáaiñ'~ fí' dsí' i cú^ do, jo casí'r' dsea` do lala:

—Siing~ jnea'^ fí' dsí' i cú^ do, jo cuø' jnea'^ fí' e nidsitoo'~naa' fí' dsí're'.

¹³ Jo cacuøb' Jesús fí' jaléng' i 'ling'^ do e nijméiñ'~ do lajo, joba' ca'uøøm'biñ' do fí' dsí' i dseañu' do, jo fí' dsí' i cú^ i taang~ dob cangotáaiñ'~. Jo dsifí lajob canaang' i cú^ do cuí're' fí' lí quíá~, jo cajiúng'~ne' jiaá' car` catisíng'~ne' fí' é' coo' guíeé', jo fí' job' cajgól're' jmí' jo cajúm~bre' jaléng'~ne'. Jo tíb' i cú^ i taang~ do la tú~ mil.

¹⁴ Jo jaléng' i dsea` i táang' jmóo' í^ i cú^ do cacuí'bre' cajo, jo cangolíñ' fí' lí neáaiñ' e ngoguiar~ júu^ quíá'~ lajii'~ e calí~ do, jogui sí'bir' cajo jaléng' dsea` i táang' jmóo' ta~ lacaang' lí cangáin'. Jo lajím' dsea` cangolíñ' cangojóør^ fí' lí cangojéé' jalé' e jo. ¹⁵ Jo mí' tí' lí caguilíng~ i dsea` do fí' lí sing' Jesús, dob niguiing~ i dseañu' i lamí' teáang'~ jaléng' i 'ling'^ dsí' do e jo e líiñ' jii'~ coo', jo nilí'bre' co' ninica'uøøm' lajaléng' i 'ling'^ i lamí' teáang'~ dsí'r' do; joba' eáam' cafóng' jaléng' i dsea` do. ¹⁶ Jo jaléng' i dsea` i cangá~ jalé' e calí~ do quíá'~ e ca'uøøng' i 'ling'^ do dsí' i dseañu' do jo cangotáaiñ'~ dsí' i cú^ do, lajib' e jo cajmea'r' júu^ jaléng' dsea` caguiaang~gui. ¹⁷ Joba' jaléng' i dsea` do canaaiñ' m'í'r' jmi'ee' Jesús e nijmihuím~ 'ñaia'r' e fí' lí táaiñ' do.

¹⁸ Jo mí' tí' lí caquing'~ Jesús e ní'ítur' fí' dsí' móo' e nidséiñ'~, i dseañu' i lamí' teáang'~ i 'ling'^ dsí' do camí'r' Jesús fí' e nidsér~ cóo'~ dsea` do. ¹⁹ Jo dsu' Jesús ja` cacuø'reiñ' do fí' lajo, jo lí' casí'~reiñ' do e nidséiñ'~ fí' quíá'~bre' jogui e nisí'r' jaléng' dsea` sínúu^ quíá'r' lajalé' e nicajméé' Fí'naa' cóo'~ ír', jogui jial calí' fí' líiñ' dsea` do cajo.

²⁰ Jo cangám'~ i dseañu' do i lamí' teáang'~ i 'ling'^ dsí', jo canaaiñ' guiar' júu^ jo sí'r' jaléng' dsea` seeng' fí' lí se' Decápolis jalé' e guíu' e cajméé' Jesús cóo'r'. Joba' lajím' i dsea` i núu' jalé' e jo, eáam' dsigá' dsí'r'.

Mí' cajmi'leáang~ Jesús jóo' Jairo

(Mt. 9:18-26; Lc. 8:40-56)

²¹ Jo mí' caquing'~tu Jesús fí' lí' 'ngóo'~ cataang' e guíeé' do e iuuiñ' dsí' móo', jo i 'leáam' dsea` i caguilíng~tu fí' lí' siñ', jo dob caje' Jesús e fí' 'ni' e guíeé' do. ²² Jo lajee' job' caguíe' jaang' dseañu' i sii' Jairo i néé' ni' e guá'~ quíá'~ dsea` Israel. Jo mí' tí' lí cangáin~ Jesús, catúuiñ' cartí' uii' tii' dsea` do, ²³ jo lalab casí'r' dsea` do e m'í'r' jmi'ee':

—Jesús, dob ráang' Mí' quíe' e e jiu' jii'bre, jo fa' nijgiéé' o' jnea~ niguo' e güiquidsi' guóo' fí' moguir~ e laco' ní'leáaiñ~, jo lajoba' ja` nijúuiñ'.

²⁴ Joba' cangób~ Jesús cóo'~ dsea` do, dsu' eáam' fíng' dsea` i tí'leáang' laco' ngóor' dseáng' e 'leng' rúm' dsea'. ²⁵ Jo jee~ i dsea` i ningolíng~ do, niquíeeng' jaang' dseam' i nidsée'~ níngóo' mí' guitu' jii' e nilíiñ' jmohuí' e tuuiñ' jmí'. ²⁶ Jo eáam' ninicajméer' quiji' cóo'~ jaléng' tímí' fa' e ní'leáaiñ~, jo eáam' nica'íiñ'~ cuu' lí' laji' jii' e nisea' capi'^ quíá'r', dsu' ja' e ta' íng' jii'~ coo', co' lí' lí' ngóo' fí' guib e líiñ' do. ²⁷ Jo mí' canúur~ jial tí' 'gøng' Jesús, joba' cangoquíeíñ' fí' lí' caluu' dsea` do lí' ngolíng' dsea` i 'leáang' do, jo catíiñ'~

capí' sî' dsea` do, ²⁸ co' í dsíir' e fa' capíb' sî' dsea` do catíin̄, joba' ni'leám-bre lajii' e jmohuí' e líiin̄. ²⁹ Jo dseáng' lajee' e guiang' e catíin̄ sî' dsea` do, joba' caquium' e tuuin̄ jmi' do, jo dsifí' lajob calilí'r' e ca'láam-bre lajii' e jmohuí' e lamí' líiin̄ do. ³⁰ Jo dsifí' lajob calilí' Jesús e cajmeáiñ' ta' capí' e 'gøng' quiá'r-, co' lîm̄ ii' cajmi'leáiñ̄; joba' cají'r' nir' lí' lacaang' lí' jalíng- jaléng' dsea` do, jo lalab cajíñ' cajmingí'r- jaléng' i dsea` do:

—¿I' i catíng- capí' sî'?

³¹ Jo cañí' i dsea` guitúung' do quiá'r- lala:

—¿Jialí' jmingí' lajo, Tifa'? Ne' bñ' e dseáng' sicúum' baa' ngó'naa' la, jo jmingí' bñ': “¿I' i catíng- capí' sî'?”

³² Jo dsu' Jesús jír' nir' jii' ngó' catoo' e jør- i i cagüi' capí' sî'r'. ³³ Jo i dseamí' i catíng- sî'r' do ñi'bre guiá- jalé' e calí- do, joba' dseáng' e jléeiñ' eám' e 'gó'r', jo cangosí'r' uó- jnir' fí' quini' dsea` do, jo job casí'-reiñ' e dseáng' e calí- có'r'. ³⁴ Joba' casí'- Jesús i dseamí' do lala:

—Jóo'o, uí' e jáb'- calín'- júu' quié'-e, joba' nica'láam-ba' lajii' jmohuí' e lamí' lin'. Jo lana guøng' có'o' e guiá- fí' quií'-, co' jo' lin' e jmohuí' e lamí' lin' do.

³⁵ Jo lajee' fé' bñ' Jesús e jo mi' caguilíng- có'o' tú- máng' dsea` i jalíng- fí' quiá'- i dsea` i néé' ni' guá'- quiá'- dsea` Israel do e ngojmée'r' júu' tiquiá' i simí' jiuung' i nidsée' do lala:

—Jmóo'naa' júu' 'na' e nicajúm- jóo', jo jo' né- fa' fí' gui' i tifa' na e nidsé- guir fí' quií'-.

³⁶ Jo dsu' Jesús ja' cajmi'gór' lajii' e cajíng' i dsea` do, jo lalab casí'r- i fii' i néé' ni' e guá'- do:

—Ja' føon', Jairo, lico' já'- güilín' júu' quié'-e.

³⁷ Jo jo' cacuø' guir fí' i fíng' dsea` i jiéng' i cangolíng- có'o'r', jo jii' Tú' Simón có'o' gui Tiáa' jogui Juan, rúng' i Tiáa' do, jii' í'bing' i cangolíng' có'o'r'. ³⁸ Jo mi' caguilíñ' fí' quiá'- i Jairo do, jo canúur' e ninéé' mí' e teáng' dsea` ta' qui' óo' dsu' e nicajúng- i jiuung' simí' do. ³⁹ Joba' casí'- Jesús i dsea` do lala:

—¿Jialí' eáang' ta'na' mí' jogui jialí' jmoo'na' ta' qui'? Co' ja' sijúung' i jiuung' simí' na, co' lico' güim-bre.

⁴⁰ Jo dsu' mi' canúu- dsea` e cajíng' Jesús lajo, lico' cangím-bre dsea` do, co' ñi'bre guiá- e nicajúm-bñ' do. Joba' Jesús lico' cajéeiñ' jii' tiquiáb' i jiuung' simí' do có'o' gui niquiáiñ' có'o' gui i dsea` quiá'r- i có'o'r' do, jo cangotáam-bre e fí' dsí' lí' ráang' i jiuung' simí' i 'li' do. ⁴¹ Jo catíng- Jesús guoo' i simí' jiuung' i 'li' do jo casí'-reiñ' lala:

—Talita cum —e guøng': Mí', jnea' fí' i 'na' e niráan'.

⁴² Jo dsifí' mi' cajíng' Jesús lado, caróob- i jiuung' simí' do, jo canaaiñ' ngí'bre co' nicají'bre. Jo jaléng' i dsea` i cangá- jalé' e jo, dseáng' eám' cango'gó' dsíir'. ⁴³ Jo Jesús caquiá'r' ta' lahuíng' quiá'- jaléng' i dsea` do e ja' ii' nisíñ' jii' jaang'. Jo mi' cangí' jo, caquiá'r' ta' e cangíng' i jiuung' simí' do e cagó'r'. Jo i jiuung' simí' do niningóor' guitú' jii'.

6

Mí' cangáng'-tu Jesús fí' Nazaret (Mt. 13:53-58; Lc. 4:16-30)

¹ Jo mi' cangí' jo, cangám'-tu Jesús fí' góor' fí' lí' cacuáiñ' fí' lí' sii' Nazaret, jo có'o'-bre jaléng' dsea` guitúung' quiá'r-. ² Jo mi' catí' jmí' e jmi'íng' dsea` góo' Jesús dsea` Israel, jo canaaiñ' e'r' jaléng' dsea` jalé' júu' quiá'- Fidiée' e fí' dsí' guá'- e si' fí' jo. Jo dseáng' i 'leám-bñ' dsea` i núu' júu' e guiar' do, jo eám' dsigá' dsí' dsea', joba' lalab naaiñ' sñiñ' lajee' yaaiñ':

—¿Jie' fí' lí' cajmitíng' i dseañu' na jalé' e tñiñ' na? ¿Jie' lí' caguir' e tá'- tíng' lir có'o' gui jalé' e lí' e 'gøng' e jmóor' e dsigá' dsí' dsea'? ³ ¿Su o' i nabi i líng' tí'ma' do, jóo' Yá' jogui

rúin' Tiáa cóo'gui Sé jogui Judas cóo' Simón? Jogui ¿su o' labi neáng jaléng' rúin' dseam' cajo jee' jneaa'aa' la?

Jō uí' e joba' e ja' 'ga' lí iing' dseá' fa' dseáng' e cajmi'gór' dseá' do. ⁴ Joba' lalab casí' Jesús jaléng' i dseá' do jō cajín' :

—Doñi' jiéb' jmi'gó' dseá' jaang' dseá' i fé' cuaiñ' quiá' Fidié', lifa' ja' jmi'gór' dseá' do fí' lí' lí' góoiñ' fí' lí' caliséiñ' fí' lí' neáng' jaléng' rúin' osi jaléng' dseá' sinú' quiá'r' é.

⁵ Joba' ja' 'ga' lí' cajmée' Jesús jii' cóo' e 'gøng' e dsigá' dsí' i dseá' góor' do, có' lico' caquidsir' guóor' fí' mogui' tú' 'ní' m'ing' dseá' dsée' jō lajii' í'bing' i cajmi'leáaiñ'. ⁶ Jō eám' cangogá' dsí' Jesús quiá' jaléng' i dseá' góor' do, có' dseáng' ja' já' l'ím' biñ' do lajii' júu' quiá'r'. Jō mi' cang' jō, dséeb' Jesús lacaang' jalé' fii' pí' e néé' có' quiá' do e dsí'e'r' dseá' júu' quiá' Fidié'.

Mi' casíng' Jesús dseá' guitúung' quiá'r' e nidsiguiain' do júu' quiá' Fidié'
(Mt. 10:5-15; Lc. 9:1-6)

⁷ Jō lajee' job cató'r' i dseá' guitúung' quiá'r' do jō canaiñ' s'ing' neiñ' do tá' la gáin' e nidsi'éeiñ' do dseá' júu' quiá' Fidié', jogui cacuø' b'ireiñ' e qui'r' jmi' cajo e qui'r' ta' quiá' jaléng' i ling'. ⁸ Jō caqui' Jesús ta' quiá' i dseá' guitúung' quiá'r' do e ja' nicáin' do jii' cóo' fí' lí' nidsilíin'; jii' cóo' 'ma'u'ba' 'né' só'r', jō ja' 'né' fa' nicár' nosú' quiá'r' o'gui ir' e nidó'r' o'gui cuu' cajo. ⁹ Jō jii' lom' e ø'bre 'né' cár', có' ja' 'né' fa' e nicá'guir' e jié' o'gui sí'r' e có' quié'guir'. ¹⁰ Jō lalab casí'r' i dseá' guitúung' quiá'r' do:

—Mi' nigüitáng' na' fí' quiá' dseá' lí' niguilíng' na', fí' job nijá' na' carta' nilí' lajii' ta' güilíng' na'. ¹¹ Jō song caguilíng' na' cóo' quiá' dseá' lí' ja' íñ' 'nú' o'gui iin' ninúr' júu' e quié' na', joba' uø'm'ba' ladsifí' lado quiá' i dseá' í', jō bó' na' 'lee' toø' tii' na' e laco' cuø' lí' e Fidié' nicuø'r' dseá' do iihu' uí' e jō.

¹² Jō lajob' cajmée' i dseá' guitúung' quiá'r' do, cangoguia' bre júu' jee' jaléng' dseá' e quiá' e niquí' nijíng' yaaiñ' fí' quini' Fidié'. ¹³ Jogui ca'uø'm'bir' jaléng' i ling' i teáng' dsí' dseá' lacaang' lí' guilíin', jogui cajmi'leáam' bir' i fíng' dseá' dsée' e lico' eer' capí' aceite fí' moguiñ' do.

Mi' cajúng' Juan i seáang' dseá' jmi'
(Mt. 14:1-12; Lc. 9:7-9)

¹⁴ Jō eám' cani' júu' quiá' jalé' e eáang' 'gøng' e dsigá' dsí' dseá' e jmóo' Jesús. Jō mi' caliñí' dseata' Herodes jalé' e gui' e jmóo' dseá' do, joba' lalab cajín' :

—Jangám' i nab' i Juan i lami' seáang' dseá' jmi' i nicaají' tu' jee' jaléng' 'lii', joba' eáang' tiiñ' e jmóor' jalé' e dsigá' dsí' dseá'.

¹⁵ Jō i líng'gui dseá' fé'r' lala:

—Líib' i na' i café' cuaiñ' quiá' Fidié' malí'gui eáang'.

Jō i líng'gui dseá' fé'r' lala:

—Jaang'gui dseá' i fé' cuaiñ' quiá' Fidiéeb' i na, lí' laco'gui i nicajalíng' lami' jéeng'gui.

¹⁶ Dsu' mi' canú' dseata' Herodes e júu' la, joba' lalab cajín' :

—Juan i lami' seáang' dseá' jmi'b' i na, dseá' i nicaqui' ta' e cahuí' moguir', jō lifa' lanagui e nicaají' tur' jee' jaléng' 'lii'.

¹⁷ Có' lami' jéeng'gui do i dseata' Herodes do caqui'r' ta' e catáng' i Juan i seáang' dseá' jmi' do jō ca'núng' neiñ' cóo' ní' cadena fí' dsí' 'nuñí' uí' jaang' dseam' i sii' Herodías; jō i dseam' la líiñ' dseam' quiá' Lii', i rúng' dseá' ngáang' cóo' dseata' Herodes do. Jō dseata' Herodes nicajmée'r' lafa' dseam' quiá' bre i dseam' quiá' i Lii' do. ¹⁸ Joba' lami' jéeng'gui nicaajíng' i Juan i seáang' dseá' jmi' do e casí'r' i dseata' Herodes do lala:

—Ja' dseeng' e jmée' lafa' dseam' qui' i oo' dseañu' rún' dseá' ngáang' cóo'.

¹⁹ Jō mi' canú' i dseam' i sii' Herodías do lado, joba' 'níb' cangáin' i Juan do jóng, jō dseáng' iin' nijngám' breiñ' do, dsu' huím'jia e nilí'r' lajō, ²⁰ có' níb' dseata' Herodes

guiá- e jaang` dsea` güeang` líng` i Juan do jogui dseáng` røø` ír` í` quiá- jaléng` dsea` cajo. Jo uí-` joba` ja` fí` cuø` i dseata` Herodes do fa` ee` nijmeáng` dsea` i Juan i seáng` dsea` jmí- do. Jo nañí` fa` ja` 'ga` lí` ngáng` dseata` Herodes lajii-` júu` quiá-` do, dsu` tib` dsí-` e núur` jalé` e júu` jo e íáng` dsí-`. ²¹ Dsu` coøb` mi` tí` lí` calí-` i dseamí` i sií` Herodías do mi` tí` lí` catí` coø` jmí- e quiá-` cadsí-` dseata` Herodes jii-, jo cajméer` coø` jmí- fé-` jo cató-r-` i fíng` dsea` laniing-` i seeng` fí` lí` se-` Galilea colíng` cóo-` jaléng` fii-` 'lé-`. ²² Jo lajee` e teáaiñ-` e jmí- do, calí-` i simí-` quiá-` i Herodías do fí` dsí-` sinúu` e lí` teáng-` jaléng` i dseañu` do e gø-r` jo cadséeiñ-, jo dseáng-` eám` catí` dsí-` i dseata` Herodes do colíng` cóo-` jaléng` dseañu` i caguiaang-` gui do e cadséeng` i simí-` do. Joba` cajíng-` dseata` Herodes casí-r-` i simí-` do lala:

—Mí-` jnea` lí-` doñí` ee` iin-`, jo nicuø`baa.

²³ Jo dseáng-` cacuø-`bre júu` quiá-r-` i simí-` do e nicuø-`breiñ` do lí-` doñí` ee` iin-` do nañí` fa` condseá-` uø-` lí-` quiu-r` ta-. ²⁴ Joba` mi-` canúu-` i simí-` do lado, jo cagü-`hí-`bre jo cangám-`bre fí` lí-` guíng` niquiá-r-` jo lalab cajmingí-r-` dsea` do:

—¿E-` nimí-` i dseata` do, Neaa`?

Joba` cañí-` i niquiá-r-` do jo lalab casí-`-reiñ-`:

—Mí-r-` mogui-` Juan i seáng` dsea` jmí-` do.

²⁵ Jo i simí-` do dsifí` ladob ngó-`tur güi-`lí-` fí` lí-` guíng` dseata` Herodes, jo mi-` caguiér-` fí` jo lalab casí-`-reiñ-`:

—Lana iin-`n e nicuø-` jnea-` mogui-` Juan i seáng` dsea` jmí-` fí` coø` dsí-` huí-`.

²⁶ Jo mi-` canúu-` dseata` Herodes lado, eám` fí-`lí-` calíñ-, jo dsuco-` jéem` nicacuø`guir` júu` quiá-r-` fí` quini-` jaléng` i dsea` niing-` i cagø-` colíng` cóo-r-` do e nicuø-`bre i simí-` do lí-` doñí` ee` iin-, joba` lajob` 'né-` jmér-. ²⁷ Joba` dsifí` ladob casíñ-` jaang` 'lé-` fí` lí-` iuung-` i Juan do fí` dsí-` 'nañí-, jo caqui-u-r` ta-` i 'lé-` do e niquiá-`-reiñ-` mogui-` i Juan do. ²⁸ Joba` cangób-` i 'lé-` do fí` dsí-` 'nañí-, jo cangoquiú-`bre mogui-` i Juan do, jo cacór-` e iu-` fí` coø` dsí-` huí-, jo cajá-`bre i simí-` do, jo i simí-` dogui` cajá-r` niquiá-r-`. ²⁹ Jo mi-` caliñí` jaléng` i dsea` i ngí` cóo-` Juan i seáng` dsea` jmí-` do e nicalí-` lado, joba` dsifí` lajob` camir` fí` e nitøø-`bre i 'lí-` do e quiá-` e ni'áng-` neiñ-`.

Mí-` cahéng` Jesús` 'ñiá` mil dseañu`

(Mt. 14:13-21; Lc. 9:10-17; Jn. 6:1-14)

³⁰ Jo mi-` cangí` jalé` e jo, caquim-`tu jaléng` i dsea` guitúung` do fí` lí-` cangolíñ-` e cangoguiar-` e júu` do, jo caseám-`tur cóo-` Jesús jo caja-r` júu` fí` quini-` dsea` do cuaiñ-` quiá-` jalé` e nicajméer` cóo-` gui jalé` e nica'er` do. ³¹ Jo co-` dseáng-` eám` seeng` dsea` fí` jo e jii-` ja` jøøng-` Jesús cóo-` i dsea` quiá-r-` do e co-` dør-` ir-, joba` lalab casí-` Jesús i dsea` quiá-r-` do:

—Ñilíng-`na, má-`aa' yee-`naa' e nijmi-`íng-`naa' cateá' fí` coø` lí-` ja` ii-` 'ga' lí` dsea` ngí-`.

³² Joba` ca'íb-` Jesús colíng` cóo-` i dsea` guitúung` quiá-r-` do fí` coø` dsí-` móo' jo cangolíñ-` fí` coø` lí-` ja` 'ga' lí` dsea` ngí-. ³³ Jo dsu` fíim` dsea` cangáng-` ír` e cangolíñ-, jo calicuíim-`bre dsea` do, joba` lajim-` dsea` i seeng` có-` quiá-` do cangolíñ-` fí` jo, jo jéeng` guib` i dsea` í` caguilíñ-` laco-`gui Jesús. ³⁴ Jo mi-` tí` lí-` cagü-`hí-` Jesús e fí` dsí-` e móo' do, jo cangá-` dseáng-` i 'leám-` dsea` i caseáng-` fí` jo, joba` calí-` fí-` líim-`breiñ` do dsuco-` teáaiñ-` do la teáng-` jo'se-` i ja` seeng` i to-` fíng` íre'. Joba` canaam-`bre e-r` i dsea` do jalé-` júu` quiá-r-`.

³⁵ Jo mi-` tí` lí-` ca'lóo-` e jmí-` jo cangoquiéeng` i dsea` guitúung` do fí` lí-` sing-` Jesús jo casí-r-` dsea` do lala:

—Fii-`naa', nica'lóob-` la, jo e fí` lí-` taang-`naa' la ja` ii-` dsea` seeng-. ³⁶ I-` júu` jaléng` i dsea` na, jo güidsilíñ-` lacaang` fí-`jiu e néé` có-` quiá-` na e laco-` nidsileáa-`jiu e nidør-`.

³⁷ Jo lalab cañí-` Jesús quiá-` i dsea` quiá-r-` do:

—Cuøø-` 'nú-` jaléng` i dsea` na e nidør-`.

Joba` cañí-` i dsea` quiá-r-` do lala:

—¿ling`'nu` e nidsileá`naa' iñí`^ cóo`~ doscientos cuu` denario jo nicuóø`~naa' jaléng` i dsea` na e nidó`r`?

³⁸ Jo cañí`tu Jesús quiá`- i dsea` guitúung` quiá`r` do jo casí`-reiñ` lala:

—¿jó` iñí`^ si`má`^ 'nú`? Güijóø`-na' jóo`~ tíí.

Jo mi` caguijóø` i dsea` guitúung` do jóo`~ iñí`^ tíí, joba' caguo`- júu`^ e lajji`~ 'ñiáb` iñí`^ tíí cóo`~gui jji`~ gáng` 'ñu`.

³⁹ Jo mi` canúu` Jesús e jo, caquiá`r` ta` i dsea` guitúung` quiá`r` do e niguiéiñ`- jaléng` i dsea` do tá`- có` nibøø` fí` ni` ñii`. ⁴⁰ Jo lajob` cajméiñ` do, caguá`bre tá`- cien cóo`~gui tá`- cincuenta. ⁴¹ Jo mi` nineáng` i dsea` do røø` tá`- có` nibøø`, joba' Jesús catíiñ`- laji` 'ñiá` e iñí`^ do cóo`~gui laji` gáng` i 'ñu` do jo cajóø`- fí` yá`^ jmigüí, jo lajoba' cacuo`r` gui`máng`~ Fidiéé` quiá`- jalé` e jo. Jo mi` calí`- jo, cafiim`bre e iñí`^ do jo cacuo`r` i dsea` guitúung` do quiá`r` e laco` í`gui nijmé`- guiéé` jee` jaléng` i dsea` do. Jogui lajobi` i 'ñu` do cajo, cacuo`bre e laco` nijméiñ`- do guiéé` cajo. ⁴² Jo lajim` i dsea` do cagó`r` ie` jo car` calitaañ`- guiá`. ⁴³ Jo mi` calí`- gó`r`, lajiñ` do caseám`-bi guitú`gui 'matá` e røøng` téé`~ 'ná`^ iñí`^ cóo`~gui 'náng`^ i 'ñu` do. ⁴⁴ Jo lajee` lajim` i dsea` i cagó` do ie` jo, tíí`bre la 'ñiá` mil dseañu`.

Mi` cangí` Jesús fí` ni` jmí`

(Mt. 14:22-27; Jn. 6:16-21)

⁴⁵ Jo mi` cangí` lajo, caquiá`r` Jesús ta` jaléng` i dsea` guitúung` quiá`r` do e nid-sitáng`~túiñ` do fí` dsíí` móo` e quiá`- nicuóíñ`- do e guiéé` do jéeng`guijiar laco` í`r` jo niguilíñ`- fí` coo` fii` lí` sii` Betsaida lajee` e í` Jesús júu`^ jaléng` i dsea` caguiaang`-gui do. ⁴⁶ Jo mi` nica`íir`- júu`^ jaléng` i dsea` do, cajgóo`-bre fí` coo` yá`^ mó` 'ñia`r` e quiá`- nidsiféiñ` Fidiéé`. ⁴⁷ Jo mi` tí` lí` canuu` e jmí` jo, catí` guiá`^ jóob` e guiéé` do ningóo` e móo` lí` teáng`~ i dsea` guitúung` quiá`r` do. Jo fí` ni` guóo`~ uó`- quiá`bi sing` Jesús 'ñia`r`. ⁴⁸ Jo job` mi` cangár` e jo` nidsijeng` fí` røø` e móo` do, dsuco` lí` lí` cøøm` 'lea` guí. Jo mi` tí` lí` ningóo` nijneá` cangoquiéem` Jesús fí` lí` ngóo` e móo` do lí` teáng`~ i dsea` guitúung` quiá`r` do, jo cangíiñ` e ngí`bre fí` ni` jmí`. Jo mi` tí` lí` catáaiñ`~ e móo` do, cajméer` lafa` e cangím`bre. ⁴⁹ Jo mi` tí` lí` cangá`- i dsea` guitúung` do quiá`- e ngóor` ngír` fí` ni` jmí`, joba' ca`f` dsíiñ` do e jaang` dsea` guí`b` do, joba' ca`óor` teá`, ⁵⁰ co` lajim`bre cangáiñ`- dsea` do, joba' eám` cafóíñ`. Dsu` ladsifib` cañí` Jesús jo casí`r` i dsea` guitúung` do lala:

—iTeá` teáng` óo`na`; jneab` la, ja` føøng`~na`!

⁵¹ Joba' ladsifí` lajob` cajgóor`- dsíí` e móo` do, jo ladsifí` ladob ca`uáang`- e íí` guí` cajo. Jo dseáng`- eám` cangogá` dsíí` i dsea` guitúung` do, ⁵² co` ja` mí` cangám`~biñ` do e` guóng` e lí` e quií`~ jmí` e cajméé` dsea` do cóo`~ e iñí`^ do, dsuco` dseáng`- sijñib` moguiñ` do, jo uíí`~ joba' e ja` ngáíñ`.

Mi` cajmi`leáng`- Jesús jaléng` dsea` dsée` fí` Genesaret

(Mt. 14:34-36)

⁵³ Jo cacuo`bre cóo`~ dsea` guitúung` quiá`r` calé` catú`- e guiéé` do, jo caguilíñ`- fí` guóo`~ uó`- lí` se` Genesaret, jo fí` jo lí` ca`ñú`r` e móo` do fí` 'ni` e guiéé` do. ⁵⁴ Jo ladsifí` mi` tí` lí` cajgáíñ` e móo` do, dsifí` calicuíng` jaléng` i dsea` i seeng` do Jesús. ⁵⁵ Joba' cangí` jaléng` i dsea` do fí` la`úng`- fí` lí` se` Genesaret, jo canaaiñ` jééiñ` jaléng` dsea` dsée` quiá`r` i dsiing` ni` 'ma` fí` lí` ñir` e táang` Jesús. ⁵⁶ Jo doñí` jié` lí` dsée` Jesús, si lacaang` fii` pí`^ osi lacaang` fii` cóo`~ osi lacaang` jenuu` é, jo dsijéeng` dsea` jaléng` dsea` dsée`~ quiá`r` fí` jee` 'núu`, jo mi` dsea` do jmi`ee` Jesús e fa` capí`b`^ sí`^bre nigüí`- i dsea` dsée`~ do. Jo lajim` i dsea` dsée`~ i güí` capí`^ 'ni` sí`^ dsea` do, ladsifí` ladob 'láaiñ`.

7

Jial lí` mi` jmí`róng` dsea` dsee`- yaaiñ`

(Mt. 15:1-20)

1 Jo mi~ cangá jo, coo` tú- máng' dsea` Israel i líng' dsea` fariseo cóo'~gui tú- 'ní máng'~ tifa' quíá'- júu^ quiá' ta~ quíá'- dsea` Israel, jo jaléiñ' do jaliñ- fí Jerusalén jo cangoquíeíñ' fí lí- sing' Jesús. 2 Jo mi~ cangá- jaléng' i dsea` do e i líng' lajee` dsea` guitúung` quíá'- Jesús gø'r e ja` mí cajmitir~ e ru'r' guóor` lí^ laco' quí'- títng` dsea` góor` dsea` Israel, jo uíi~ joba' canaang` i dsea` do fé'r' ga` uii~ quíá'- i dsea` i ngí cóo'~ Jesús do. 3 Co' jaléng' i dsea` fariseo do cóo'~gui jaléng' dsea` Israel i caguaang- gui mí 'noo'bi jmitir~ laco' quí'- títng` 'lí~ dsea` áang' quíá'-r e ja` mí dø'r- ir~ fíng song ja` mí cajmitir~ e ru'r' guóor` dseáng'- laco' sí'í. 4 Jogui cajo mi~ niquíñ'- e dsileáar' jalé' e gø'r fí 'móo'~, ja` cuøng` dø'r- fíng song ja` mí cajmitir~ e ru'r' guóor` laco' quí'- títñ. Jo jmigui~bi jalé' e quí'- títñ e jíe'gui e 'né- nijmitir~ dseáng'- laco' sí'í, fa' la e 'né- ru'r' jalé' vas cóo'~gui jalé' dsuu- cóo'~gui jalé' e jmáñ' ta~ e lí' ñí jogui lajobi ni~ lí- güññ' cajo. 5 Jo uíi~ joba' jaléng' dsea` Israel i líng' dsea` fariseo cóo'~gui jaléng' i tifa' do cajmíng'~ Jesús jo casí'r- dsea` do lala:

—¿Jialí' jaléng' dsea` quí'- ja` núu'r~ fa' e jmitir~ lajii'~ e quí'- títng` 'lí~ dsea` áang' quí'-naa', dsea` Israel, co' ja` ru'r' guóor` laco' sí'í^ ná'-gui e nidø'r- ir~?

6 Joba' cañií Jesús quíá'- i dsea` do lala:

—E jáb'- laco' café' jaang` dsea` i café' cuaiñ~ quíá'- Fidié~ malii~gui eáang' i calisí Saíi' mi~ café'r uii~ quíi- 'nú' e líng'na' dsea` i jmicaang` cóo'~ jalé' e fó'na', co' lalab cajme' dsea` do ie~ jo:

Jaléng' i dsea` na lico' fé'bre e jmi'gór` jnea~ jii'~ cóo'~ layaang~ júu^ quíá'-bre, dsu' huím- seeng` jalé' e í dsíir' do e jmi'gór` jnea~.

7 Dsu' ja` ee' ta~ íng^ quíá'-r jii'~ coo' jialco' jmiféiñ' jnea~, co' lico' jmitir~ lajii'~ ta~ quíá' dsea` jmigüíb'.

8 Co' 'nú' tiúum'ba' lajii'~ júu^ quiá' ta~ quíá'- Fidié~ jo lí^ jmití'na' dseáng'- lajii'~ e quí'- títng` la'ó' dsea` jmigüí.

9 Jogui casí'-biguir i dsea` do lala:

—'Nú', lico' jmití'na' laco' quí'- títng` 'lí~ yúu~ quíi-ba' jo dsu' ja` jmi'goo'na' laco' catíng- júu^ quiá' ta~ quíá'- Fidié~. 10 Co' lalab cajíng'- Moi~ malii~gui eáang': "Jmi'goo' tiquíi^ cóo'~ niquíi'^", jogui cajíng'-guir: "I dsea` i cuø' júu^ 'lí^ tiquíi^ osi niquíi^ é, joba' ñ Fidié~ í' e 'né- nijúung- i dsea` la'í." 11 Jo dsu' 'nú' fó'na' e jaang` dsea` cuøom` nisí'r' tiquíá'r^ osi niquíá'r^ é: "Ja` cuøng` lí jmicóo'~o 'nu' lana, co' lajaléb' e sea` quíe- e e lí' Corbán" (jo e la guøng' e nicacuøøø Fidié~); 12 jogui fó'bi 'nú' cajo e i dsea` i fé' lajo jo 'né- fa' e nijmicóo'~guir tiquíá'r^ osi niquíá'r^ é. 13 Jo mi~ jmoo' 'nú' e jo e jmití'na' jalé' e júu^ e caséé dsea` mí áang' quíi-na', joba' íim-ba' lajii'~ e júu^ quiá' ta~ quíá'- Fidié~. Jo jmigui~bi jalé' e jíe' e ja` dseeng` e cøøng'jiu røø laco' e la e jmoo'gui 'nú'.

14 Jo mi~ cangágui lajo, cató'-tu Jesús lajiiing` i dsea` do jo casí'r- lala:

—Núu-na' júu^ quíe- e lajiiing'na', jo jmee-na' úung` e ningáng'na': 15 Jii'~ coo' e í' gø' dsea` cuøøng` lí jmé- e nili'liñ'^ fí quini~ Fidié~. Co' lí^ lí lajii'~ e ga' e í dsíib' dsea', e job e jmoo' e lí'liñ'^ fí quini~ Fidié~ jóng. 16 Joba' fii- i 'nú', jaléng' 'nú' i dsí- loguá^, núu-na' jalé' e júu^ quíe- e la.

17 Jo mi~ cangá jo, ca'ñi- Jesús júu^ jaléng' i dsea` do, jo ca'ír- fí dsíi sinúu^ cóo'~ lajii'~ dsea` guitúung` quíá'-r, jo fí jo i dsea` quíá'-r do cajmíng'~ reiñ' cuaiñ~ quíá'- e júu^ na. 18 Jo lalab cañií dsea` do quíá'- i dsea` quíá'-r do:

—¿Su o'gui 'nú' mí ngám'bi' lajii'~ e júu^ la cajo? ¿Su ja` mí ñí'na' e jii'~ coo' e jáa' fí caluu~ cuøøng` sea` lí jmé- e nisó' dsea` fí ga' jo e nijmi'ling'^ yaaiñ' fí quini~ Fidié~? 19 Dsuco' jalé' e jo ja` dsitóo'~ fí dsíi dsea', co' lajii'~ fí dsíi tub' dsea` lí ngíng' e jo, jo mi~ ningí jo, joguiba' e uøø fí caluu~.

Jo cajíñ'- lajo e laco' jmóor` júu^ e guiáb- lajaléb' e gø' dsea', jo ja' e sí'li'^ fí quini~ Fidié~. 20 Jogui cajím'-biguir cajo lala:

—Jalé' e í dsí' dsea, jalé' e joba' uíng e jmi'ling' yaaiñ' fí quini' Fidié' dsuco' fí gab' cār. ²¹ Dsuco' fí dsí' dsea' lí' uíng e í dsír' jalé' e ga' fa' jalé' e la: e 'léé' dsea' e güññ' cóo' dseañu' osi dseamf i o' catññ', jogui jmóor' ta' jngang' dsea' rúng', jogui jmóor' h' quiá' jaléng' dsea' rúññ' cajo, ²² jogui suuiñ' jalé' e sea' quiá' dsea' rúññ', jogui jmóor' jalé' e 'lí' e ja' dseeng', jogui jmóor' ta' jmigóo', jogui jmóor' jalé' ta' ja' dseeng' e sea' fí jmigüi, jogui eáang' dsihuññ' quiá' dsea' rúññ', jogui eáang' tí dsír' fé'r' jalé' júu' ta' júu', jogui eáang' jmi'løng' yaaiñ', jogui ja' mí' ca'f' dsír' røø' cóo' jalé' e jmóor'. ²³ Jo jalé' e ja' dseeng' laba' e uøø' fí dsí' dsea, jo e joba' e jmóo' e cār' fí ga' e laco' jmi'ling' yaaiñ' fí quini' Fidié'. Jo e job' júu' quié'e.

Mí' já' calíng' jaang' dseamf i ja' lñng' dsea' Israel júu' quiá' Jesús
(Mt. 15:21-28)

²⁴ Jo mí' cangf' jo, jo cagüi'ñb' Jesús fí jo, jo cangór' fí lí' se' Tiro cóo' lí' se' Sidón. Jo mí' caguiér' fí jo, ca'ír' fí cóo' dsí' sinúu' co' ja' iññ' e caliñ' jii' jaang' dsea' jie' fí táaiñ'; dsu' ja' calí'r' fa' ca'méeiñ', ²⁵ co' ladsifí' ladob caliñ' niquiá' jaang' simí' i ni'iuung' i 'ling' dsí' jie' fí lí' táang' Jesús. Joba' ladsifí' ladob cangór' fí quini' dsea' do jo casí'r' uø' jnir' fí uii' tññ' do. ²⁶ Jo i niquiá' i simí' do seeiñ' fí lí' huí', fí cóo' fñ' jié' laco' góo' Jesús, fí cóo' lí' sií' Sirofenicia. Jo mí' cangoquiéeiñ' fí lí' sing' Jesús, jo camí'r' dsea' do fa' niguíñ' i 'ling' i iuung' dsí' i simí' quiá'r' do. ²⁷ Jo cañí' Jesús quiá' i dseamf do lala:

—Cuø' fí e cuøøng' jaléng' jóo'bi dsea' nidó' la'uii', dsuco' ja' dseeng' e niguí' dsea' e iñí' e gø' jiuung' quiá'r' jo nicuø'r' jaléng' dsii'.

²⁸ Joba' cañí' i dseamf do quiá' Jesús lala:

—Jáb', Fíi', lajob lí', dsu' e jáb' cajo e jaléng' dsii' i teáang' uii' mes' sitím'bre' jalé' cui' iñí' e sojiú' quiá' jóo' dsea'.

²⁹ Joba' cañí'tu Jesús quiá' i dseamf do:

—Jáb' quií', dseamf, nicuøøm' guø'n' fí quií' lana, co' lana nicagüi'ñb' i 'ling' i lamí' iuung' dsí' i simí' quií' do.

³⁰ Jo cangám' i dseamf do fí quiá'r', jo mí' caguiéiñ' fí jo, cadséiñ' i simí' quiá'r' do fí ní' co'ma' e niguiúm' biñ' do, co' nicagüi'ñb' i 'ling' i lamí' iuung' fí dsír' do.

Mí' cajmi'leáang' Jesús jaang' dsea' güñng' jogui i ja' lí' fé'

³¹ Jo mí' cangf' gui lajo, cagüi'ñb' Jesús e fí guóo' uø' lí' se' Tiro, jo cangññ' fí lí' se' Sidón cóo' gui jalé' fñ' e née' fí lí' se' Decápolis, jo caguié'tur e fí lí' née' e guiéé' Galilea do. ³² Jo fí job' caguilíng' dsea' i jéeng' jaang' dseañu' i güñng' jogui i ja' lí' fé'. Jo camí' jaléng' i dsea' do e fa' Jesús niquidsir' guóor' fí mogui' i dsea' dsée' do. ³³ Joba' cajéeng' Jesús i dseañu' do fí lí' lacaang' lí' siñ' fí lí' ja' teáang' dsea' jiéng', jo catá'r' niguóor' fí dsí' tó' logua' i dseañu' do, jogui ca'ñí'r' capí' jo cóo' capí' jme'e'r' cagüi'r' nisñ' i dseañu' do. ³⁴ Jo mí' cangf' jo, caséer' nir' fí yú' jmigüi' jo caseáang' dsír' casí'r' i dseañu' do:

—¡Efata! —e guøng': ¡Güineab' loguá'!

³⁵ Jo dsifí' mí' café'r' lajo, ladsifí' lanab' cana' logua' i dseañu' do jogui canaang' fé'bir' guiá' cajo. ³⁶ Jo caquiú' Jesús ta' jaléng' i dsea' do e ja' ii' nisúñ' jii' jaang'. Dsu' fa' jmiguiú' gui ya' e quiú' Jesús ta' e ja' niguíá' jaléng' i dsea' do júu', eáang' guib' guiá' i dsea' do. ³⁷ Jo eám' dsigá' dsí' jaléng' i dsea' i cangá' jalé' e jo, jo lalab' fé'r':

—Lajaléb' e jmóo' i dsea' na eám' guiá', co' lí'bre' jmér' e ninú'tu jaléng' dsea' güñng' jogui jmér' cajo e nifé'tu jaléng' dsea' i ja' lí' fé'.

8

Mí' cahéng' Jesús quiú' mil dsea'
(Mt. 15:32-39)

¹ Jo mi~ cangf̂ jo, jo coô jm̄i~ caseáng' tu dsea` calé' catú- fí lí~ táang` Jesús, jo co' ja` sea` e nidó'~ guiñ' do, joba' cató'~ Jesús i dsea` guitúung` quiá'r- do jo casí'~ reiñ' lala:

²—Eáam' f̄i~ lín- n jaléng' i dsea` na, co' lana catf̂ 'n' jm̄ib~ e taaiñ~ la cóo'~ jneaa~aa' jo j̄i'~ coô ja` e sea` dó'r-; ³ jogui song jnea~ niguiéen' nre fí quiá'r- e nidsihé'r' ir~, dseáam'~ ni'uó'r' guiá' fí, co' seem`biñ' na e jalíñ- lí~ huí-.

⁴ Jo cañí i dsea` guitúung` quiá'r- do lala:

—¿Jial í' óo' 'nù, Fí'naa', e cuóøng` nihéng'naa' i dsea` na? co' fí' la ja` seeng` dsea` i 'nù' e gø' dsea`.

⁵ Jo cajm̄ingí'~ Jesús i dsea` guitúung` quiá'r- do lala:

—¿Jó' iñí' si'mang' 'nù'?

Jo cañí i dsea` quiá'r- do:

—E guié`ba' sea`.

⁶ Joba' caquiá' Jesús ta~ e nigüea` jaléng' i dsea` do tá- có nibøø' fí ni~ uó^, jogui mif̄ing` casá'-bre laji' guié- e iñí' do jo cajóø'r- fí yá' e cuø'r' gui'máang'~ Fidié'. Jo ngf̂ jo, caffíñ' e iñí' do jo mif̄ing` cacuø'r' i dsea` guitúung` quiá'r- do, jo í'guib cajmée' guié^ e do jee~ jaléng' i dsea` do, ⁷ jogui nisi'mam'~bir jaang` gáng- 'ñù cajo. Joba' lajob cajmée' Jesús cóoiñ'~ do cajo, jang'~ cacuø'r' gui'máang'~ Fidié', joguiba' caquiá'r' ta~ dsea` quiá'r- e nijméiñ'- do guié^ jee~ jaléng' dsea`. ⁸ Joba' lajim~bre cagó'r' ie~ jo car` calitaañ~ guiá-, jo casé`bi' guié`gui 'matá^ e téel' jalé' 'ná^ e casé`gui do. ⁹ Jo jaléng' i dsea` i cagó' ie~ jo tí'bre jiu~ ja` quié` mil. Jo mi~ cangf̂ e cagó'iñ' do, ca'hib- Jesús júu^ e dsilíñ' do. ¹⁰ Jo ngf̂ jo, cajgóob- Jesús calé' catú- fí ni~ móo' colíing~ cóo'~ jaléng' dsea` guitúung` quiá'r- jo cangolíñ' fí lí~ se' Dalmanuta.

Mi~ camí' dsea` fariseo coô` e lí~ e quí'~ jm̄i~

(Mt. 16:1-4; Lc. 12:54-56)

¹¹ Jo lajee` e nitáang` Jesús fí ni~ guóo'~ uó- jo, job mi~ caguilíng- dsea` góor' i líng' dsea` fariseo e canaañ' dsihuíng' júu^ quiá'r- cóo'~ dsea` do. Jo laco' niguié'r' jial ni'núñ- dsea` do fí quini~ dseata~, joba' camí'r' dsea` do e fa' nijméiñ'- do coô` e lí~ e quí'r~ jm̄i~, jo lajoba' nicuó- lí~ e Fidiéeb~ dsea` casí' quiá'r-. ¹² Joba' caseáang` dsí' Jesús e lajang'-, jo ngf̂ jo cajíñ'-:

—¿Jiali' m̄i~na' jnea~ e nijmee~ e coô` lí~ e quí'~ i jm̄i~, co' jnea~ dseáng'- fá'baa condséé' e j̄i'~ coô`gui lajo nijmee~ e fí quini'na'?

¹³ Jo dob caseáañ' i dsea` do jo ca'ib- tur fí dsí' móo' jo cangór- lí' lí' ngóo'~ cataang` e guiéé' do.

Jial líng' dsea` fariseo

(Mt. 16:5-12)

¹⁴ Jo ie~ jo nica'ím- dsí' dsea` quiá'r- fa' e nicár- e nidó'r-, jo la nitíng'~ coô` iñí'ba' niquié'guir fí dsí' e móo' do. ¹⁵ Jo cajíng'- Jesús casí'r- i dsea` guitúung` quiá'r- do:

—Ñiing~ óo'na' cóo'~ jalé' e e' dsea` Israel i líng' dsea` fariseo cóo'~gui jalé' e e' dseata~ Herodes, co' jalé' e e' jaléng' i dsea` í' lí' lafa' quie' iñí'.

¹⁶ Jo i dsea` guitúung` do lí' cajer' s̄iñ' lajee` la'ó' yaam~bre cuaiñ~ quiá'- e ja` quier' iñí', ¹⁷ dsu' calilí' Jesús laj̄i' e síng' i dsea` do, joba' casí'-reiñ' do lala:

—¿Jiali' fó' 'nú' e ja' iñí' quié'na'? ¿Su ja' mí' cangám'bi' o'gui mí' calilí'bi'? ¿Su dseáng'- eáam' sijní' moguí'na'? ¹⁸ Co' téeb'~ jminí' 'nú', dsu' ja' jné'na'; jogui dsi'bi' loguá'na' cajo, dsu' ja' nuu'na'. ¿Su ja' tóo'~ óo'na'? ¹⁹ ¿Jóo'~ 'matá^ e røøng` téel' 'ná^ e caseáng'-gui jo casitíng' 'nú' ie~ mi~ caving- jnea~ 'ñiá' iñí' e cagó' 'ñiá' mil dseañ'?

Jo cañí i dsea` guitúung` do:

—Tíib' guitú' do.

²⁰—Jogui mi~ caving- jnea~ e guié- iñí' do e cagó' laji' quié` mil dsea`, ¿jóo'~gui 'matá^ e røøng` téel' 'ná^ casití'na'?

Jɔ cañi'tu i dsea` do:

—Tíib' guié`.

²¹ Jɔba' casí' tureiñ' lala:

—¿Su ja` mí ngám' bî' lati' lana jóng?

Mî` cajmi'leáng` Jesús jaang` dsea` tiuung` fî' Betsaida

²² Jɔ mí` cangí`gui lajɔ, caguiling` Jesús cóo` dsea` quiá'r` fî' Betsaida. Jɔ lajee` e nitaaiñ` fî' jɔ, caguiling` dsea` jéeiñ` jaang` dsea` tiuung` fî' quini` Jesús, jɔ mí'r` dsea` do fa' e nigüíñ` capí` i dsea` tiuung` do. ²³ Jɔba' catíng` Jesús guoo` i dsea` tiuung` do jɔ cangojéeiñ` fî' lí' 'ni' fî'. Jɔ cajmijmí'r` jmini` dsea` do cóo` jme'e'r', jɔ ngí jɔ caquidsir' guoor` fî' moguiñ` ; jɔ mí` calí` jɔ, cajmingí`-reiñ' su nilí jóør` capí`. ²⁴ Jɔba' cajíng` i dsea` tiuung` do e nicuóøm` jia lí jóør` jɔ cajíñ`:

—Nimáam`baa jaléng` dsea`. Jóø`ø e jnéng` lafa' 'ma` e ngí'.

²⁵ Jɔba' caléb` catú` caquidsí` Jesús guoor` fî' ní` jmini` i dsea` do, jɔ ladsifí` lanab calijné` i dsea` do jɔ ca'láam`-bre, jɔ dseáng` røøb` nijóør` jóng. ²⁶ Jɔ caquia` Jesús ta` e cangám`-biñ' do fî' quiá'r` jɔ casí`-reiñ' do lala:

—Ja` güiguiá` júu`, melé`, cóo` jalé` e cajmé` e cóo` 'na`.

Mî` cajíng` Tú` e Jesús líiñ` Dsea` Jmáang`

(Mt. 16:13-20; Lc. 9:18-21)

²⁷ Jɔ mí` cangí`gui lajɔ, Jesús colíng` cóo` jaléng` dsea` guitúung` quiá'r` cangolíñ` lacaang` jalé` fî` jia e née` lí` se' Cesarea quiá`-Filipo. Jɔ lajee` ngolíñ` e teáaiñ` fî', cajmingí` Jesús i dsea` guitúung` quiá'r` do lala:

—¿Í` í` dsí' dsea` e líng` jnea`?

²⁸ Jɔba' cañi` i dsea` guitúung` do lala:

—Í` líng` dsea` fé'r` e lin' Juan i lamí` seáang` dsea` jmí`, jogui i líng`gui fé` e lin' Lí', jogui i líng`gui fé` e lin' jaang`gui dsea` i café` cuaiñ` quiá`-Fidié` malí`gui.

²⁹ —Jogui 'nú', ¿í` fó'na' e líng` jnea`?

Jɔ cañi` Tú` Simón quiá`-Jesús lala:

—'Nub` dsea` i líng` Dsea` Jmáang` i casíng` Fidié` cuaiñ` quiá'r` e laco' nilaan` dsea` jmigüí'.

³⁰ Jɔ caquia` Jesús ta` i dsea` quiá'r` do e ja` nifé` dsea` do júu` uii` quiá'r` fa' nisí'r` dsea` jíéng`.

Mî` cajmé` Jesús júu` e tí` nijngáng` dsea` ír`

(Mt. 16:21-28; Lc. 9:22-27)

³¹ Jɔ coob` mí` canaang` Jesús e'r` jaléng` dsea` guitúung` quiá'r` e dseáng`-nisí`im`bre e ni`iñ` iihuí` dseáng` e eáang`, íb` dsea` i cajár` fî' ñifí` e líiñ` jaang` dsea` jmigüí', jogui e jaléng` yúu` dsea` cóøng` i teáang` nifí` quiá`-dsea` góor` dsea` Israel cóo`gui jaléng` fii` jmidsea` quiá'r` cóo`gui jaléng` tifa' quiá`-júu` quiu' ta` quiá'r` nilí` 'ní` níim`-bre dsea` do. Jogui casí`-guir` i dsea` quiá'r` do e nijngám` dsea` ír`; jɔ dsu' mí` nití` 'ní` jmí` lajɔ, nijíb` tur calé` catú`. ³² Jɔ dseáng` júu` røøb` cajmea'r` i dsea` guitúung` quiá'r` do. Jɔ mí` canúu` Tú` Simón lajɔ, cajéeiñ` Jesús fî' cóo` lí` ja` íi` núu', jɔ canaaiñ` jíim`-bre dsea` do. ³³ Dsu' caji'tu Jesús nir` fî' lí` caseáaiñ` dsea` quiá'r` i caguiaang`gui do jɔ cajóøng`-neiñ', jogui cajíñ` Tú` Simón jɔ casí'r` lala:

—Jéeng` cáan`n, Satanás! Ja` jnín` jnea` fî', co' 'nu` ja` ngáng` laco' jíi` e í` dsí' Fidié`, co' lajíi` e lí' quiá`-dsea` jmigüí`ba' ñí` 'nu`.

³⁴ Jɔ mí` cangí` jɔ, cató` Jesús dsea` guitúung` quiá'r` cóo`gui jaléng` dsea` caguiaang`gui jɔ casí`-reiñ' do lala:

—Song` íi` dsea` iing` ni`uíng` dsea` quié`-e, güitúr` jalé` e lí` dsíir` 'ñia'r` jɔ güiseaiñ` lafa' crúu` quiá'r` e laco' cuø` lí` e guia` dsíir` e nidsingíiñ` jalé` e huíng` uíi` e líiñ` dsea` quié`-e, jɔ lajoguíba' ningír` cóo` jnea` jóng. ³⁵ Co' lí` doñí` íi` dsea` i í` dsíi` e lí` bre nileáng`

'ñaia' r' jee~ jalé' dsee~ quiá' r', jo dsu' i dsea' í conguiab' nibíiñ' fí lí' 'lí'; jogui doñí' i dsea' nijúuiñ' uí' e líiñ' dsea' quié' e jogui uí' e ní' r' júu' quiá' jial laang' dsea' jee~ jalé' dsee~ quiá' r', joba' i dsea' í nitíim' bre fí~ quini' Fidié' jóng. ³⁶ Co' ze~ ta~ íng' quiá' jaléng' dsea' jmigüi' e seeiñ' e silí' r' jmigui' fí' jmigüi' la song si' naam' bre lata~ cóo' jnea~ mi~ nijúuiñ' ? ³⁷ Osi ¿jial tí' cuóøng' sea' lí' qui' jaang' dsea' e laco' nilí' r' nitíiñ' fí' quini' Fidié' é? ³⁸ Co' song jaang' dsea' jmóor' i' líiñ' uí' quié' e jogui uí' quiá' jalé' júu' quié' e e guiaa' fí' quini' jaléng' dsea' dsee~ dsea' qui' i ja' já' líng' e júu' jo, joba' lajob jnea~ cajo, dsea' lín' n jaang' dsea' jmigüi' i jáa' fí' ñifí', nijmee~ baa' i' lín' n quiá' i dsea' í mi~ tí' lí' nití' í' e nigáa' túu' calé' catú' fí' jmigüi' la e gáa' a jee~ e niing~ j' ní' niguó' quiá' Fidié' colíng' cóo' jaléng' ángeles quiá' r'.

9

¹ Jogui casí' bigui Jesús cajo jaléng' i dsea' quiá' r' do:

—E laba' jmitaa' óo' na' e i líng' 'nú' la' ó' teáang' na' la jmí' na ja' mí' nijúung' na' cartí' mi~ cangí' cangíng' na' jial nicá' Fidié' ní' quiá' dsea' la' eáang' cóo' e laniing' 'gøiñ' do.

*Mi~ calisíng' jial jnéng' Jesús
(Mt. 17:1-13; Lc. 9:28-36)*

² Jo mi~ cangí' gui jñúu' jmí' lajo, cangó' Jesús fí' cóo' yá' mó' e ní' í, jo lajii' Tú' Simómbing' jéeiñ' cóo' gui Tiáa' jogui Juan. Jo lajee' e niteáaiñ' e fí' yá' mó' do, canaang' calisíng' jial jnéng' Jesús. ³ Jo calisíng' jial lí' sí' r' jo dseáng' cajnéng' e j' jogui e tee' eáang' e jii' jaang' dsea' ja' lí' r' sér' tee' lado mi~ ru' r'. ⁴ Jogui cangáin' Lí' cóo' gui Moi' e teáaiñ' síiñ' cóo' Jesús. ⁵ Jogui lalab cajíng' Tú' Simón casí' r' Jesús:

—Tifa', jeáam' íáang' dsii' e taang' naa' colíng' fí' la! Jo majmóo' naa' 'ní' 'nú' jia lí' nitaang' na': cóo' quií', cóo' gui quiá' Moi' jogui cóo' gui quiá' Lí'.

⁶ Jo cajíng' Tú' Simón lajo cóo' ja' ní' guir' e~ nijíiñ', cóo' dseáng' eáam' cafóin' laji' gaaiñ' do, Tú' Simón jogui Tiáa' cóo' Juan. ⁷ Jo lajee' job mi~ cajgó' cabøø' jní' fí' yá' jmigüi', jo jee~ job caquiñ' lajaléiñ' do. Jo fí' jee~ e jní' do guicaná' e guicafé' dsea' lala:

—I lab Joo' i 'neáan' eáang', jo núu' na' lajii' júu' quiá' r'.

⁸ Jo mi~ tí' lí' cajøø' i dsea' gaang' do lacúng' lajíng' e lí' teáaiñ' do, jii' jaang' i dsea' gáng' do jo i' cangáng' guir' cáang' Jesús, jo jii' 'ñiab' dsea' do cajé' guir'.

⁹ Jo lajee' cajgáin' e fí' yá' mó' do, caqui' Jesús ta~ quiá' i dsea' gaang' do quiá' r' e ja' niguiáin' do júu' lajii' e nicangár' do, cóo' cartí' mi~ ningí' e nijí' tu i dsea' i jáa' fí' ñifí' i líng' dsea' jmigüi', joba' nicuóøng' e nijméesiñ' do júu' quiá' jalé' e jo. ¹⁰ Joba' lajob cajmées' i dsea' gaang' do, ja' caguiar' e júu' jo nañí' fa' jmíng' bre rúin' lajee' la' ó' yaaiñ' e~ guóng' e jing' dsea' do e nijí' tur calé' catú'. ¹¹ Jo lalab cajmíng' i dsea' gaang' do Jesús:

—¿Jiali' fé' jaléng' tifa' quiá' júu' quiu' ta~ qui' i', dsea' Israel, e Lí' bing' 'né' nijáa' tur ní' fí' jmigüi' la?

¹² Joba' cañí' Jesús quiá' i dsea' quiá' r' do, jo lalab casí' reiñ' do:

—E jáb' e ní' nijáa' tu Lí', jo íb' dsea' i niguiá' guí' lajalé'. Jo ¿jiali' fé' fí' ní' j' quiá' Fidié' e jnea~, dsea' lín' n jaang' dsea' jmigüi' i jáa' fí' ñifí', guim' ba' 'né' e nicaa' iihu' e eáang' cartí' nijngáng' dsea' jnea~? ¹³ Dsu' jnea' fá' a e fí' i 'nú' e nicajáb' Lí', jo cajmées' dsea' la tí' e já' dsíir' cóo' dsea' do lí' laco' gui la fé' fí' ní' j' quiá' Fidié' e ní' sí' e nidsingíng' dsea' do.

Mi~ cajmi' leáang' Jesús jaang' simíng' i iuung' i líng' dsí'
(Mt. 17:14-21; Lc. 9:37-43)

¹⁴ Jo mi~ cangí' jo, caquiñ' Jesús cóo' Tú' Simón jogui Tiáa' cóo' gui Juan fí' lí' táang' jaléng' dsea' guitúung' quiá' r' i caguiang' gui do, jo cadséiñ' dsea' do jee~ cabøø' jaléng' dsea' jiéng', jogui i líng' tifa' quiá' júu' quiu' ta~ quiá' dsea' Israel teáaiñ' síiñ'

cóo~ jaléng~ i dsea` do. ¹⁵ Jo mi~ tí lí~ cangáng~ jaléng~ i dsea` do Jesús, ladsifí ladob cangojmijíñ~ dsea` do e féng~ neiñ~ jogui dseáng~ eáam` dsigá` dsír~ cajo. ¹⁶ Joba' lalab cajmingí~ Jesús i dsea` quiá~r~ do:

—¿E~ teáng~ 'nú~ jmoona' cuee` júu^ cóo~ jaléng~ i dsea` do?

¹⁷ Joba' cañí~ jaang` lajee` i dsea` fíng` do lala:

—Tifa', lab niseen~ jaang` jóo`o, jo i 'lim'^ iuung~ dsír~, jo nicajméeeiñ~ do e ja` lí` fé` jóo`o, ¹⁸ jo doñí` jie` sim' jóo`o, jmoo` i 'ling'^ i iuung~ dsír~ do e quiñí` fí` ni~ uó~; jogui uó` ja` fí` mo'oor~, jogui tur` majar~, jo dseáng~ i' teá` guotiir~. Joba' nicamí~ i i dsea` quií~ na fa' e niguiñ~ i 'ling'^ na, dsu' ja` mí` cali'r'.

¹⁹ Joba' cañí~ Jesús quiáiñ~ do lala:

—iDseáng~ ja` já~ lím` 'nú~ júu^ quié~e! ¿Lí~ jmi~ e nilinúu~na' dseáng~ lajang~ júu^ quié~e? Jogui ¿lí~ tí` jmi~ nijmee~ e té` e cóo~ 'nú'? Nijéeng`na' fí` la i siming` na.

²⁰ Joba' cangojéeng~ i dsea` do i siming~ i dsée~ do fí` quini` Jesús. Dsu' mi~ tí` lí~ cangáng~ i 'ling'^ i iuung~ dsí~ i siming~ do Jesús, dsifí` ladob cajméeeiñ~ do e cadseá~tu joñíng~ i siming~ do, jo caquím~biñ~ do fí` ni~ uó~ e beár~, jogui e uó` ja` fí` mo'oor~. ²¹ Joba' cajmingí~ Jesús tiquiá~ i siming~ do:

—¿Lí~ lajji~ líng~ i siming~ quií~ e la?

Joba' cañí~ i tiquiáiñ~ do quiá~ Jesús:

—Latí` jii~ mi~ jiuum~biñ~ líiñ` lana; ²² jo jmiguiab` ya' nicajméeeiñ~ e nicabíng~ neiñ~ fí` ni~ j` jogui fí` dsí~ jm` e laco' nilí`r` nijngáng~ neiñ~. Joba' mí~naa' 'nu` jmi`ee` fa' 'nu`bi nilí` nijmi`leaan`re, fí~ güilín` jnea` jo jmicóo~ jnea`.

²³ Joba' cañí~ Jesús quiá~ i dsea` do lala:

—¿E lí~ song lí`baa fó` 'nu'? iCo' lajib` cuó`ong` sea` lí` jmee~ jnea~ quiá~ i dsea` i já~ líng` júu^ quié~e!

²⁴ Joba' cañí~ tiquiá~ i siming~ i dsée~ do e teá`:

—iJáb~ líng` jnea~ júu^ quií~, Fí`naa', jogui jmicóo~ jnea~ e laco' já~ guí` nilín`n e jo!

²⁵ Jo mi~ cangá~ Jesús e eáam` ngóo` seáng` dsea` fí` jo, joba' cajíñ~ i 'ling'^ i iuung~ dsí~ i siming~ do jo casí~r~ lala:

—Dsea` 'ling'^ i jmoo` e ja` lí` fé` jogui ja` lí` ná~ i siming~ na, jnea~ quiá~ 'nu` ta` e nijúu~ lí~ iuun~ dsí~ i siming~ na, jogui e jo` quí~ jmi~ fa' e ni`ú`tu` calé` catú~.

²⁶ Jo dsifí` lajob` ca'óo` teá~ i 'ling'^ do, jo cajméeeiñ~ do e cadseáb~tu joñíng~ i siming~ do. Jo mi~ cangá~ joguiba' cagüi`hiñ~ do fí` lí~ iuiñ~, dsu' i 'ling'^ do caseáaiñ~ i siming~ do dseáng~ lafa' 'lim~biñ~ e lí` laco' lajñng` dsea` do nifé`r` e cajúm~biñ~ do. ²⁷ Dsu' Jesús ladsifí` ladob catíñ~ guoo` i siming~ do, jo caseang~neiñ~; jo caráam~ i siming~ do jo casím~bre.

²⁸ Jo mi~ cangá~ jo, ca'í~ Jesús fí` dsí~ sinúu^ cóo~ dsea` guitúung` quiá~r~, jo fí` jo i dsea` quiá~r~ do cajmingí~r~ dsea` do lajee` la'ó` yaaiñ~:

—¿Jialí` jnea` ja` cali~naa' fa' caguíng~naa' i 'ling'^ i iuung~ dsí~ i siming~ do?

²⁹ Joba' cañí~ Jesús quiáiñ~ do jo cajíñ~:

—I 'ling'^ i lado líb` ni`uóñ~ dsu' la'eáang` cóo~ e féng` dsea` Fidié~ jogui jmóor` ayuno.

Mi~ cajméetu Jesús júu^ e nijnga~ dsea` quiá~r~

(Mt. 17:22-23; Lc. 9:43-45)

³⁰ Jo mi~ ca'uóoiñ~ e fí` jo, cangám`tur fí` lí~ se' Galilea. Jo dsu' Jesús dseáng~ ja` iim~bre fa' e caliñí` jii~ jaang` dsea` jie` fí` lí~ táaiñ~, ³¹ co' iñ~ e e'r lajii~ i dsea` guitúung` quiá~bre. Jo lajee` táaiñ~ fí` jo, lalab sí`r` jaléng~ i dsea` quiá~r~ do:

—E laba' fí~ i 'nú' e jnea~ i cagüéng~ fí` jmigüi` la i jáa' fí` ñifí~ e lín`n jaang` dsea` jmigüi~, jo 'né~ba' e nijám` dsea` jnea~ fí` quini` dsea` i 'ní' ní~ quié~ e cartí` nijngáiñ~ jnea~; jo dsu' mi~ ningí` ní` jmi~ lajo, nijib`túu` calé` catú~.

³² Dsa' ja` cangáng' i dsea` guitúung` do e` uing` e cajíng' Jesús lado, jogui` gó'bir cajo fa' e nijming' r` dsea` do.

¿I` i laniing` gui` fi` quini` Fidié`?

(Mt. 18:1-5; Lc. 9:46-48)

³³ Jo mi` cangí jo, jo mi` tí li` caguiling` tur fi` Capernaum, jo cangíiñ` fi` dsí' sinúa`. Jo mi` niteáaiñ` fi` jo, lalab cajming' i` Jesús i dsea` guitúung` quiá' r` do:

—¿E` e ñiling` 'nú' jing` na' lacuee` guiá' fi`?

³⁴ Jo mi` canúu` i dsea` guitúung` quiá' r` do lado, lí' cajer` tiib`, dsuco' lajee` teáaiñ` do fi` e jalíiñ` síiñ` e i` i laniing` gui` lajee` la'ó' yaaiñ`. ³⁵ Joba' caguáb` Jesús jo cató' r` i dsea` guitúung` do quiá' r` jo casí' reiñ` do lala:

—Song i` dsea` iñ` e líiñ` dsea` laniing` gui, joba' güi' dsír' e íb` i dsea` i catí' lí dséng` gui, jogui` íb` dsea` cajo i nijmé` jalé' ta` quiu' jaléng' dsea` jiéng' e 'né` jmér`.

³⁶ Jo mi` cangí jo, casíng' Jesús jaang` jiuung` pi' fi` guiá' jó' lí' teáaiñ` do, jo casaiñ` i jiuung` do jo cataiñ` cuér', jo casí' r` i dsea` quiá' r` do lala:

³⁷ —I dsea` i íng' i jiuung` la la'eáang` cóo' jnea~, lajob cajo íñ' jnea~; jogui` i dsea` i íng' jnea~, güiliñ' bre guiá' e o' jíi' jnea~ íñ', co' lajob cajo íñ' Tiquié` e dsea` guing` ñifí', dsea` casíiñ` jnea~ fi` jmigüi` la.

I dsea` i ja` ní' níng` jneaa` aa' sitáam` bre cóo' jneaa` aa'

(Lc. 9:49-50; Mt. 10 :42)

³⁸ Jo mi` cangí jo, e lab cajíng' Juan casí' r` Jesús:

—Tifa', jnea' nicanem` baa' jaang` dseañu' i jmóo' ta` uóøng` jaléng' i ling' la'eáang` cóo' 'nú, jo co' ja` ngí' guir coling` cóo' jneaa` aa', joba' nicajnim` baa' quiá' r` e nijmér` lajo.

³⁹ Joba' lalab cañí' Jesús quiá' i dsea` quiá' r` do:

—Ja` jning` na' quiá' i dsea` do, co' ja` seeng` jíi' jaang` dsea` i nijmé` coo' e lí' e dsigá' dsí' dsea' la'eáang` cóo' jnea~, jo mi` nilicøng` gui lajo nifé' r` ga` uii` quié` e. ⁴⁰ Co' i dsea` i ja` fé' ga` uii` quié` i, joba' cóo' jneaa` aa' sitáaiñ`. ⁴¹ Jogui` i dsea` i cuø' 'nú' fa' lab coo' vas jmii' uii' e 'nú' líng' na' dsea` quié` e, joba' jnea~ jmitaa` óo' na' e seab` guiee` quiá' r` mi` nití' fi` jmigüi` coo`.

Jial dseáang` e nijúung` dsea` fi` ni` dsee`

(Mt. 18:6-9; Lc. 17:1-2)

⁴² Jogui` song i` dsea` jmóor` jial e niténg' fi` ni` dsee` doñí` i` i jiuung` lala i nijá' líng' júu` quié` e, joba' guiá' guib` ni' uíng` quiá' i dsea` i e nidsibíng' 'ñia' r' fi` é' jmii' e guinee` coo' cuu` 'loo' fi' moluur`. ⁴³ Jo song guóo' nijmé` e nitén' fi' ni` dsee`, joba' quiúu' jóng; co' guiá' gui` quié' e nitáang' fi' jmigüi' la cóo' coo' guóo', jo ja` guien' fi' lí' 'lí' fi' lí' coo' jí cóo' lajé` tú` guóo' mi` nití' oor` quié'. ⁴⁴ Co' e fi' jo jo` tóo' jmii' fa' e nijúung` gui jaléng' jóo' o' gui fa' e niyu' gui jí. ⁴⁵ Jogui` song tíi' nijmé` e nitén' fi' ni` dsee`, joba' quiúu' jóng; co' guiá' gui` quié' e nitáang' fi' jmigüi' e jlúun' e laco' gui e niguøñ' cóo' lajé` tú` tíi' fi' lí' 'lí' ⁴⁶ fi' lí' teáang' jóo' i ja` tóo' jmii' nijúung` jogui` fi' lí' coo' jí e jo` tóo' jmii' yu'. ⁴⁷ Jogui` song jminí' jmóo' e nitén' fi' ni` dsee`, joba' gui` jóng; co' guiá' gui` quié' e Fidié` quier' nifí' quié' e ja` sea` coo' jminí' e laco' gui téeb' lajé` tú` jminí' niguøñ' fi' lí' 'lí' ⁴⁸ fi' lí' teáang' jóo' i ja` 'mó' sea` quiá' jogui` fi' lí' coo' jí e ja` tóo' jmii' yu'.

⁴⁹ Jo ligüeang' jaléng' dsea` quié` e la'eáang` cóo' jalé' e huíng' e dsingíiñ` lí' laco' gui ligüeang' jalé' feá' la'eáang` cóo' ñi` jogui` jí. ⁵⁰ Jo eáam' íng' ta` jalé' ñi~, jo dsa' song ca' íng' lajii' e ñi~ do, joba' ¿jial nilí' 'nú' nijmee` na' e niliñi~ tú` calé' catú'? Joba' fi' i 'nú' e güi' uíng` na' laco' lí' ñi~ e guiá' do, jo güiliseeng` na' juguiá' júu` røø' lajee` la'ó' rúng' na'.

10

Mi~ ca'e' Jesús quiá'- mi~ tiúung- dsea` rúin'

(Mt. 19:1-12; Lc. 16:18)

¹ Jo mi~ cangí jo, cagüi'ib' Jesús fí Capernaum jo cangó-tur fí guóo'~ uó- li~ se' Judea jogui e fí guóo'~ uó- e née lí' lí' guié'~ laco' iu~ gua` Jordán. Jo fí job caseáng'tu jaléng' dsea, jo canaaiñ` e'r jaléng' i dsea` do júu^ quiá'- Fidié' lí' laco' litúin` do. ² Jo lajee` jo cangoquiéng' jaang` gáng- dsea` Israel i líng' dsea` fariseo fí lí' sing' Jesús e lí' laco' niguié'r' jial ni'núin` dsea` do fí quini` dseata~. Joba' cajmingí'r- dsea` do e su seab` fí e nitiúung- dseañu' dseamí quiá'r-.

³ Joba' lalab cañi' Jesús quiá'- i dsea` do:

—¿E~ ta~ caquiú' Moi~ e nijmee~ na' quiá'- e jo?

⁴ Jo jaléng' i dsea` do cañir` lala:

—Moi~ cacuø`bre e líb' jaang` dseañu' nitiúuin` dseamí quiá'r- lifa' 'né- seáiñ- coo` mají lí' fé' lajo.

⁵ Joba' cañi' Jesús quiá'- i dsea` do lala:

—Moi~ cacuø`r e júu^ jo, co' ñir e dseáng' eáang' ue' óo' 'nú'. ⁶ Jo dsu' lajii'~ ie~ mi~ catiroo` jmigüi, “Fidié' cajmeáiñ` dseañu' cóo'~ gui dseamí”. ⁷ “Jo uii' e joba' e cúng' dseañu' guóor` jo 'naaiñ` quiá'- sejmiir` e laco' niliseeiñ` colüing` cóo'~ dseamí quiá'r-”. ⁸ Jo laji` huáaiñ` do lafa' jaam`bre nica'uíñ- jóng.” Joba' jo` tíguir gáng- dsea, co' lafa' jaam` dsea` ca'uíñ-. ⁹ Co' Fidié'bing' caguiá' uuing~ e nicúng' dsea` guóor`, joba' jo` cuøng` fa' e nitiúung- gui dsea` rúin' mi~ nicangí e cacúng' guór`.

¹⁰ Jo mi~ cangí jo, jo ca'íb- tu Jesús fí dsii' sinúu^ colüing` cóo'~ dsea` guitúung` quiá'r-, jo lajee` jo calé' catú- cajmingí i dsea` quiá'r- do cuaiñ` quiá'- e júu^ e ngóo' do. ¹¹ Joba' Jesús cañir` quiá'- i dsea` do lala:

—Ii dseañu' i tiúung- dseamí quiá'- jo cúin' guór` cóo'~ dseamí i jiéng', joba' ée`bre dsee- fí quini` Fidié' uii' quiá'- i dseamí la'uii` do; ¹² jogui song jaang` dseamí catiúuin` dseañu' quiá'r- jo cacúin' guóor` cóo'~ jaang` gui dseañu', joba' ée`bre dsee- cajo fí quini` Fidié'.

Mi~ cajmigüeang' Jesús jaléng' jiuung~

(Mt. 19:13-15; Lc. 18:15-17)

¹³ Jo lajee` jo fíim` dsea` cangojéin` jiuung~ quiá'r- fí lí' táang` Jesús e laco' niquidsí' dsea` do guóor` fí moguiñ` e laco' niligüeaiñ` do, dsu' i dsea` guitúung` quiá'- Jesús do canaaiñ` jím-bre jaléng' i dsea` i dsijéng` jiuung~ quiá'r- fí do. ¹⁴ Jo mi~ cangá- Jesús e jo, eám' caligüiñ` jo lalab casí'r- i dsea` quiá'r- do:

—Cuøø`na' fí e jalíng- jaléng' i jiuung~ na fí quini' jo ja` jning'~na' quiá'r-, dsuco' Fidié'bing' i quie` nifí quiá'- jaléng' i dsea` i líng' laco' i jiuung~ la. ¹⁵ Jo dseáng'- fá'baa e ii` ja` iing~ ni'íng' e Fidié' nicá` nifí quiá'r- laco'gui íng' jaang` jiuung~, joba' ja` too` jmí e Fidié' nicá` nifí quiá'r- cajo.

¹⁶ Jo mi~ cangí jo, casáng' Jesús lajaang` lajaang` i jiuung~ do, jo cataiñ'- güea' lajaléin' do e lico' caquidsir` guóor` fí moguiñ`.

Mi~ casüng- jaang` dseañu' i sea` cuu- cóo' Jesús

(Mt. 19:16-30; Lc. 18:18-30)

¹⁷ Jo mi~ cangí jo, lajee` e ná' gui ni'í Jesús fí e nidsér- fí iuuiñ-, ladsifí ladob caguié- jaang` dseañu' i cuíi, jo casí'r- uó- jnir~ fí quini` dsea` do jo cajmingí'r- dsea` do lala:

—Tifa' i guiá- dsii', ¿e~ 'né- nijmee~ jnea~ e laco' nilí'i e niliseen- cøøng` cóo'~ Fidié' car` ngongí jmí?

¹⁸ Jo cañi' Jesús quiá'- i dseañu' do lala:

—¿Jialí' fí' jnea~ e guiá- dsii'? E jáb- dseáng'- jaam` dsea` guiúng- i seeng`, jo íb` Fidié'.

¹⁹ Jo niñi' lajii' júu^ quiu' ta~ quiá'- Fidié': “Ja` jngan' dsea` rún'; ja' lee' e nigüín' cóo'~

dseañu' osi dseamî i o' quí'⁻; ja' jmée'⁻ ð; ja' cá'⁻ júu' e o' já'⁻ e en' jaléng'⁻ dsea' rún'⁻; ja' jmiǵóon'⁻ dsea' rún'⁻; jōgui jmi'goo' tiquí'⁻ cōo'⁻ níquí'⁻.”

²⁰ Jō cajíng'⁻ i dseañu'⁻ do lala:

—Tifa', lajaléb' e jō nicajmiti'⁻ baa lati' jii'⁻ mi' simím'⁻ baa.

²¹ Jōba' cajóong'⁻ Jesús i dseañu'⁻ do e iáang'⁻ dsíir', jō cañíir' quiáiñ'⁻ do lala:

—Cōo'gui sea' e 'né' fii'⁻ i 'na' e 'né' quí'⁻: guóng'⁻ jō güi'ni'⁻ lajalé' e sea' quí'⁻, jō e nilí'⁻ do nijmée'⁻ guiée'⁻ jee'⁻ jaléng'⁻ dsea' tiñíng'⁻. Jō lajōba' nilísea' juguiá'⁻ quí'⁻ fí'ñifí'⁻ mi' nití'⁻ fí' jmiǵü'⁻ cōo'. Jō mi' ningí' e nijme'⁻ e nicafii'⁻ i 'na' na, jōba' nea' jō ningí'⁻ cōo'⁻ jnea'.

²² Jō dsu' mi' canúu'⁻ i dseañu'⁻ do lado, eáam' fí'í' calíñ'⁻; jō jō iáang'⁻ dsíir' cangáiñ'⁻ fí' quiá'r'⁻, cō' líiñ'⁻ jaang'⁻ dsea' i eáam' sea' cuu'⁻.

²³ Jō mi' cangí' jō, cajóo'⁻ Jesús lacúng'⁻ lí' siñ', jō casí'r'⁻ i dsea' guitúung'⁻ quiá'r'⁻ do lala: —jEáam' huíng'⁻ lí' quiá'⁻ jaléng'⁻ dsea' sea' cuu'⁻ e nijáng'⁻ yaaiñ'⁻ fí' quini'⁻ Fidiée'⁻ e lacō' dsea' do nicá' nifí' quiá'r'⁻!

²⁴ Jō mi' canúu'⁻ i dsea' guitúung'⁻ do lala, eáam' cangogá'⁻ dsíir'. Jō dsu' caléb'tu' casí'r'⁻ Jesús i dsea' quiá'r'⁻ do lala:

—Jóo'o, jeáam' huíng'⁻ e ni'íng'⁻ dsea' e Fidiée'⁻ nicá' nifí' quiá'r'⁻! ²⁵ Cō' ja'gui huíng'⁻ quiá'⁻ jaang'⁻ jó' camello e ningíng'⁻ ne' fí' dsí' tó' jmini'⁻ quiá'⁻ mocuu'⁻ 'mí' 'mí' e lacō'gui jaang'⁻ dsea' sea' cuu'⁻ nilí'r' e ni'íñ' e Fidiée'⁻ nicá' nifí' quiá'r'⁻.

²⁶ Jō mi' canúu'⁻ dsea' guitúung'⁻ quiá'r'⁻ e jō, eáang'gui' b cangogá'⁻ dsíir', jō canaaíñ'⁻ jmingí'⁻ rúíñ'⁻ lajee'⁻ la'ó' yaaiñ'⁻ lala:

—Jō çí' i nilí' e nileáiñ'⁻ jee'⁻ jalé'⁻ dsee'⁻ quiá'r'⁻?

²⁷ Jōba' cajóong'⁻ Jesús i dsea' do, jō cañíir' quiáiñ'⁻ lala:

—Huím' lí' quiá'⁻ jaléng'⁻ dsea' jmiǵü'⁻, dsu' ja' lí' lajō quiá'⁻ Fidiée'⁻, cō' lajib' quí'⁻ dsea' do jmi' lí' jmér'.

²⁸ Jō mi' cangí' jō, Tú' Simóngui canaaíñ'⁻ sí'r' dsea' do lala:

—Fí'naa', jnea'⁻ nicatá'⁻ baa' lajaléb' e sea' quí'⁻ naa', jō jōguiba' cangí'naa' cōo'⁻ 'na'.

²⁹ Jōba' cañíir' Jesús quiáiñ'⁻ do:

—Dseáng'⁻ e já'⁻ e fii'⁻ i 'nú' e doñí' jii'⁻ i catá' jalé' e sea' quiá'⁻ osi góor' osi ca'naaiñ'⁻ quiá'⁻ jaléng'⁻ rúíñ'⁻ osi quiá'⁻ tiquíá'r'⁻ níquiá'r'⁻ osi quiá'⁻ jaléng'⁻ jóor' osi catár' jalé' uó' quiá'r'⁻ dsu' uí' e ca'íñ'⁻ jnea'⁻ jōgui uí' e ni'r' júu' quiá'⁻ jial laang'⁻ dsea' jee'⁻ jalé'⁻ dsee'⁻ quiá'r'⁻, ³⁰ jōba' i dsea' í' ni'ím'⁻ bre fí' jmiǵü'⁻ la cien née'⁻ gui e jmiǵuiá' quiá'⁻ jalé'⁻ e catár' do, nañí' fa' gab' jmáng'⁻ dsea' ír'; jōgui mi' nití'⁻ fí' jmiǵü'⁻ cōo', ni'ím'⁻ bre e seeíñ'⁻ cōong'⁻ cōo'⁻ Fidiée'⁻ lata' cajo. ³¹ Jō i líng'⁻ dsea' i líng'⁻ e níiñ'⁻ eáang'⁻ fí' jmiǵü'⁻ la, jō dsu' í'bing'⁻ jii'⁻ capí'⁻ ja' ee' niing'⁻ mi' nití'⁻ e í' jō. Jō dsu' i líng'⁻ dsea' i líng'⁻ e ja' ee' níiñ'⁻ jii'⁻ capí'⁻ fí' jmiǵü'⁻ la, jō í'bing'⁻ i eáang'gui nilíniing'⁻ mi' nití'⁻ e í' jō.

Mí' catí' ní' ya' e cajíng'⁻ Jesús e nijnga'⁻ dsea' quiá'r'⁻

(Mt. 20:17-19; Lc. 18:31-34)

³² Jō mi' cangí' jō, iuung'⁻ Jesús fí' e ngóor' fí' Jerusalén colíng'⁻ cōo'⁻ dsea' quiá'r'⁻, jō 'ñiab'⁻ Jesús ngóor' nifí' ie'⁻ jō, jō caluu'⁻ gui lajō ngolíng'⁻ dsea' guitúung'⁻ quiá'r'⁻, jō i dsea' la eáam' dsigá'⁻ dsíir'. Jō caluu'⁻ i dsea' guitúung'⁻ do ngolíng'⁻ dsea' quiá'r'⁻ caguiaang'⁻ gui, jō i dsea' la dseáng'⁻ 'gó'bre. Jō Jesús ca'naam'bre calé'⁻ catú'⁻ cōo'⁻ i dsea' guitúung'⁻ quiá'r'⁻ do jō casí'⁻ reiñ'⁻ do lajii'⁻ e nidsijée'⁻ cōo'⁻ r' jō lalab cajíñ'⁻:

³³ —Jō lí'⁻ lacō' jii'⁻ e la móo'⁻ 'nú' jmi' na, lana ningóo'naa' fí' Jerusalén, jō fí' fii'⁻ jōb lí' nijáng'⁻ dsea' jnea'⁻, dsea' cagá'⁻ a fí'ñifí'⁻ e lín'n jaang'⁻ dsea' jmiǵü'⁻, jō fí' jaguó' jaléng'⁻ fii'⁻ jmidsea' quiá'⁻ dsea' góo'baa' cōo'⁻ gui fí' jaguó' jaléng'⁻ tifa' quiá'⁻ júu' quiá'⁻ ta' qui'baa' lí' nijáiñ'⁻ jnea'⁻ jō nicuó'r'⁻ jnea'⁻ dsee'⁻ e dseáng'⁻ 'né' nijúum'baa; jō nijáiñ'⁻ jnea'⁻ fí' jaguó' dsea' i ja líng'⁻ dsea' góo'naa' dsea' Israel, ³⁴ jō nilóom'bre jnea'⁻, jōgui ni'ñíñ'⁻ jnea'⁻,

jogui nijmihuúíñ`jnea` cartí`nijngám`-bre jnea~; dsu' mi~ nisúung`-ni' jmí~ lajo, nijíb`túu calé' catú`.

*Mi~ camí`Tiáa` cóo`~ Juan cóo`~ jmí`ee`
(Mt. 20:20-28)*

³⁵ Jo mi~ cangí` jo, cangoquiéeng` Tiáa` cóo`~gui Juan fí` lí` sing` Jesús, jo lajì` huáaiñ`- do líiñ` jóo` jaang` dseañu` ì` sii` Zebedeo, jo lalab cajíng`- ì` dsea` do casí`r` Jesús:

—Tifa', ií`naa' e nijmití`^ cóo`~ jmí`ee` lajii`~ e nimí`~naa' 'nu`.

³⁶ Joba' cañí` dsea` do:

—¿E` iing`na' e nijmicóo`^o` 'nú`?

³⁷ Joba' cañí` ì` dsea` gáng`- do quiá`- Jesús:

—Cuóø`~ jnea' e nití`-naa' fí` ñíff`- quiá`- mi~ niguiing`~tu' fí` jo e ni`ié`naa' jaang` lí` lí` dsée` jogui jaang` lí` lí` tuung`.

³⁸ Joba' cañí` Jesús quiáiñ`- do lala:

—'Nu` jíi`~ ja` ñí`na' lajii`~ e mi`na' na. ¿Su líng`-na' e nité`na' lajii`~ e iihuí` e nijaquiéeng` quié`- e jogui e nité`na' e nijmeáng` dsea` 'nú` ga` lí` lacó`gui nidsing`ng`- jnea`?

³⁹ Joba' cañí` ì` dsea` gáng`- do quiá`- Jesús lala:

—Lí`baa'.

Joba' cajíng`-tu` Jesús casí`-reiñ`:

—E jáb`- e 'nú` nimó`na' iihuí` cajo lí` lacó`gui nimoo`~ jnea~, jogui e gab` nijmeáng` dsea` 'nú` lí` lacó`gui nijmeáng` dsea` jnea~; ⁴⁰ jo dsu' e nigüea` dsea` lí` lí` dsée` osi lí` lí` tuung` é lacó` guíin`n, ja` jnea` catín`-n fa' e nicuøø`- e jo, co' nigüea` fí` jo jaléng` ì` dsea` ì` nisi`íng` ì` niñíng` e jo.

⁴¹ Jo mi~ tí` lí` canúu`- ì` dsea` quiá`- Jesús ì` guíng`-gui do e cajmée` Tiáa` cóo`~gui Juan lajo, joba' eám` caliguiñ`- quiáiñ`- do. ⁴² Jo dsu' Jesús cató`-bre jaléng` ì` dsea` guitúung` do quiá`r`- jo casí`-reiñ` lala:

—Niñíb` 'nú` guíu`- e jee` jaléng` dsea` ì` ja` cúing` Fidié` seeng` jaléng` dseata` ì` quiu` ta` quiá`- jaléng` dsea`, jo jaléng` ì` dsea` ì` quiu` ta` do eám` sili`r` cóo`~ e ta` líiñ` do. Jo lajob lí` cajo cóo`~ jaléng` dseata` dsea` féng` ì` quié` nifí` quiá`- jaléng` dsea`, co' laguidseaam` quiu`r` ta` quiáiñ`- do. ⁴³ Jo dsu' ja` cuóøng` e nidsijéé` lajo jee` 'nú`, co' ií` ì` iing` ì` nicá` nifí` jee` 'nú', í`bing` ì` 'né`- nijmé`- ta` jmí`cáo`~ quiá`- ì` caguaang`-gui; ⁴⁴ jogui ií` ì` iing` ì` nijmé`- e niing`-guir` jee` 'nú', í`bing` ì` 'né`- jmé`- jalé` ta` huí` jee` jaléng` ì` caguaang`-gui e ja` jmiféng` 'ñia`r`. ⁴⁵ Jo lajob 'né`- jmér`-, co' lajob ta` cagá`- jnea` cajo, jnea` dsea` cagá`-a fí` ñíff`- e lín`n jaang` dsea` jmigüí`-; co' jnea` ja` cagá`-a fa' e jmóo` dsea` ta` fí` quinií`-, co' jnea` cagá`-a e lacó` nijmicóo`^o` jaléng` dsea` jmigüí` jogui e lacó` nijáang`~ 'ñiá`a e nijúun`-n e lacó` nileáng` fíng` dsea` jmigüí` jee` jalé` dsee`- quiá`r`.

*Mi~ cajmi`leáng`- Jesús jaang` dsea` tiuung`- ì` sii` Bartimeo
(Mt. 20:29-34; Lc. 18:35-43)*

⁴⁶ Jo mi~ cangí` jo, caguié` Jesús cóo`~ dsea` quiá`r`- fí` Jericó. Jo lajee` e uøøíñ` e fí` jee` fíi` jo colíng` cóo`~ dsea` quiá`r` cóo`~gui ì` fíng`-gui dsea` ì` jiéng` cajo, jo jaang` dsea` tiuung`- ì` sii` Bartimeo, jóo` jaang` dseañu` ì` sii` Timeo, guíiñ` 'ni' fí` e jmóor` ta` mí` cuu`. ⁴⁷ Joba' mi~ tí` lí` calilí` ì` dsea` tiuung`- do e quiá`- níngoo` Jesús dsea` seeng` fí` Nazaret, joba' canaaiñ` óo`bre jo fé`r` lala:

—¡Jesús, dsea` siju` dseata` Daví`^, fíi` güilín` jnea`!

⁴⁸ Jo ì` fíim` dsea` cajíiñ`- ì` dsea` tiuung`- do e lacó` jo` nifé`guíiñ` do lado, jo dsu' ì` dsea` tiuung`- do lí` lí` teá`gui canaaiñ` ám`bre dsea` do jo café`tur lala:

—¡Jesús, dsea` siju` dseata` Daví`^, fíi` güilín` jnea`!

⁴⁹ Joba' Jesús caquium`bre fí` iuuiñ`- jo cajíiñ`-:

—Jéeng`na`re fí` la.

Joba' cató`b`- jaléng` ì` dsea` ì` ngolíng` cóo`~ Jesús ì` dsea` tiuung`- do jo casí`-reiñ` do lala:

—Cuøø' bî uø' jø ráan', cø' dob tø' Jesús 'nu'.

⁵⁰ Jøba' cab' caquiéer' e 'mi' jlíiñ' do, jø lico' ca'ím-bre jø caguiér- catí' quini' Jesús.

⁵¹ Jøba' cajmingí'- Jesús i dsea' tiuung- do lala:

—¿E' iing' 'nu' e nijmee' e quí'-?

Jøba' cañí' i dsea' tiuung- do quiá'- Jesús lala:

—Tifa', iin~n e nijmée'^ e nilijné'^baa.

⁵² Jøba' cañí' Jesús quiá'- i dsea' tiuung- do lala:

—Nícuøøm' guøn'^ náng, cø' nica'láam-ba' uí' e jáb'- calín'- júu^ quié'-e.

Jø ladsifí' lado calijné' i dsea' do, jø cango'leám-bre laco' ngóo' Jesús lajúi' fí' iuung- dsea' do.

11

Mí' ca'í' Jesús fí' jee' fí' Jerusalén

(Mt. 21:1-11; Lc. 19:28-40; Jn. 12:12-19)

¹ Jø mi' cangí' jø, mi' tí' lí' niteáaiñ- quiá'- jee' fí' Jerusalén jø e fí' lí' née' e fí' e sií' Betfagé cøo' gui' e fí' e sií' Betania, quiá'- fí' mó' e sií' Olivos, jø fí' jø casing' Jesús gáng- lajee' dsea' guitúung' quiá'-r', ² jø lalab casí'-r' i dsea' do:

—Güilíng-na' e fí' fí' pí'^ e née' quini' na, jø mi' nigütáang-na' fí' jee' fí', nimáang-na' jaang' bú'^ iee' i sing' 'ñúung' e júi' jaang' dsea' ja' ií' mí' caguá' fí' mocóo'-re'. Jø síng-na're' jø tee-na're' fí' la. ³ Jø song ií' dsea' jín'- sí'r' 'nú' jiali' jmoona' lana, jøba' síi'-na're' e ta' quiá' Fí'baa', cø' 'neám-bre i jó' la cateá', jø mi' ningí' jø, nijajeaam-ture' calé' catú' fí' ée^ quiáa'-re'.

⁴ Jøba' lajòb cajmée' i dsea' gáng- quiá'- Jesús do; cangolíim-bre, jø mi' cangotáaiñ- fí' jee' fí', cangáñ- jaang' bú'^ i sing' 'ñúung' fí' jee' 'núú' cáang' o'nú' quiá'- cøo' 'núú', jøba' casim-bre i bú'^ do lí'^ laco' ta' sinú'r'^ quiá'- Jesús.

⁵ Jø i líng' dsea' i cangá' mi' casing' i dsea' do i bú'^ do cajíñ'-:

—¿E' gui' jmoona' 'nú', dsea'? ¿Jiali' síng-na' i bú'^ na?

⁶ Jøba' cañí' i dsea' gáng- do jø casí'-reiñ' lajúi' júu^ e nicasí'- Jesús ír' lamí' jéeng' gui; jøba' calí'-bre catør- i bú'^ do. ⁷ Jø catø-bre i bú'^ do fí' lí' sing' Jesús jø caguiar' sí'r'^ fí' mocóo' i bú'^ do, jø mífíng' caguáb' Jesús. ⁸ Jø fíim' dsea' cani'r' sí'r'^ lacuee' guiá'^ fí', jøgui seem'bi dsea' caquiá'r' guo' 'ma' e jia~ jø caguiar' guiá'^ fí' cajo. ⁹ Jø jaléng' dsea' i ngolíng- nífi' cøo' gui' i jalíng- cøøng' canaaiñ' óor' teá' jø fé'r' lala:

—iMajmifém'baa' i dsea' güeang'^ na i jaa' fí' ñífi- cuaiñ- quiá'- Tiquí'ii' dsea' guíng' fí' jø! ¹⁰ Cø' nicasí' í' e nijaa' i dsea' síju' quiá'- dsea' áang' quí'-ii' i calisí' Daví'^ do i sí'íng' e níquiá'- ta' quiá'- dsea' jmigüí'. iMajmiféng'naa' jøgui majmi'goo-naa' Fidié' dsea' guíng' ñífi'!

¹¹ Jø mi' caguié- Jesús fí' jee' fí' Jerusalén, cangór- fí' dsí' sinúú' guá'- fé' quiá'- dsea' góor' dsea' Israel e sí' fí' jø; jø cajøør- fí' la fí' na e fí' jø, jø mi' cangí' jø, cangó-tur' fí' Betania colíng' cøo' i dsea' guitúung' quiá'-r' do, cø' nica'lóob- ie~ jø.

Cøo' 'ma' güíñi'^ e ja' dsí' güíñi'^ quiá'-

(Mt. 21:18-19)

¹² Jø mi' cajnéa' e jmíi~ jø, mi' tí' lí' ca'uøøiñ' fí' Betania, cadseá- jmí'aang- Jesús.

¹³ Jø lajee' e teáaiñ- fí', huíim-bi cangá- Jesús e gui' cøo' 'ma' güíñi'^ e dsí' má'; jøba' cangojòør' catí' quiá'- su dsí' güíñi'^ quiá'- e 'ma' do, dsu' ja' ee' cadsé'r' júi' cøo' mi' tí' lí' caguiér-, dseáng'- lajúi' má'^ba' dsí', cø' o' júi' e dsí' güíñi'^ ie~ jø. ¹⁴ Jøba' café' Jesús quiá'- e 'ma' güíñi'^ do lala:

—Júí' jaang' dsea' jø' nidø'-guir' güíñi'^ quí'-.

Jø canúub- dsea' guitúung' quiá'- Jesús e café'r' lajò.

*Mi~ ca'uóøng` Jesús jaléng` dsea` i jmóo` ta` 'nñ` fí` dsí` guá`-
(Mt. 21:12-17; Lc. 19:45-48; Jn. 2 :13-22)*

15 Jo mi~ cangí e caguiling`-tur fí Jerusalén, job mi~ ca'í-tu Jesús fí dsí sinúu` guá`- fé` quiá`- dsea` góor` dsea` Israel, jo canaaiñ` uóøm`bre jaléng` dsea` i niteáang` ta` 'nñ` jogui ta` láa' e fí dsí sinúu` guá`- do, jogui canaaiñ` jím`bre jalé` mes` quiá`- jaléng` i dsea` i neáang` ta` jmifíing` cuu` quiá`- jaléng` dsea` jogui mes` quiá`- jaléng` dsea` i neáang` ta` 'nñing` mee` cajo. 16 Jo dseáng`- jo cacuø`r fí jii`- jaang` dsea` fa' e nidsica`gui dsea` fí dsí sinúu` guá`- jii`- coo` e 'nñr`. 17 Jo lalab canaaiñ` e`r` jaléng` i dsea` do ie` jo:

—Lalab fé` Fidié` fí ni` jì quiá`r`-: “Fí dsí sinúu` quié` e la íng` ta` e jmiféng` dsea` jnea` lí` lajaléng` dsea` i seeng` fí la`úng`- fí jmigüi`”; dsu` 'nú`gui nicajmee`-na' e 'núu` la lafa' too` lí` neáang` jaléng` iib`.

18 Jo jaléng` fii` jmidsea` quiá`- jaléng` dsea` Israel cóo`-gui jaléng` tifa' quiá`- júu` quiu` ta` quiá`- dsea` Israel canúu`-bre júu` quiá`- Jesús, jogui canaaiñ` 'nó`r` jial nijngáin`- dsea` do, co' góm`bre dsea` do, co' dseáng`- eáam` dsigó` dsí jaléng` dsea` quiá`- lajii` e e` dsea` do. 19 Jo mi` tí lí` ca'í`- núu`, cagüi`iib` Jesús colíing` cóo`- dsea` quiá`r` e fí jee` fii` jo.

*Mi~ caliquiú` e 'ma` güiñí` do
(Mt. 21:20-22)*

20 Jo mi~ cajneá` e jmii` coo`gui do e la`ee`, cangíng`tu Jesús cóo`- dsea` quiá`r` fí lí` gui` e 'ma` güiñí` do, joba' cangár` e nicaliquiú`ba' do cati` jmó` quiá`. 21 Jo job mi` tí lí` cadseng`- dsí` Tú` Simón, joba' casí`r` Jesús lala:

—Tifa', fíng na jøø` e 'ma` güiñí` e café` ga` uii` quiá`- lado guié`-: Nicaliquiú`b` lana.

22 Joba' cañi` Jesús quiá`- Tú` Simón:

—Já`- güiling`na' lajii` júu` quiá`- Fidié`. 23 Dseáng`- e já`-ba' fii`-i` 'nu` e doñi` i` i` nijíng`- e nisi' e mó` la: “jéeng`- 'nu` fí na jo güiteáng` uø` fí 'ni` jmíñi`!”, jo song coo`ba' í` dsíir` jogui já`- líiñ` e lajii` e nicafé`r` do dseáng`- nilitib`, joba' lajob nilí` jóng. 24 Joba' fá`guí e fii`-i` 'nú` e lajalé` e mi` 'nú` lajee` e fong`na' Fidié`, jo song já`- líng`na' e nica`ím`ba' e jo, joba' lajob nilí` jóng. 25 Jogui mi` fong`na' Fidié` cajo, song ja` guiú`- seeng`na' cóo`- i` líing` dsea` rúng`na', íing`na' dsee` uii` quiá`- i` dsea` í, jo lajoba' Tiquí`na' dsea` guíng` ñíff`- ni`ím`-bre dsee`- qui`-na' cajo. 26 Jogui song 'nú` ja` íing`na' dsee` quiá`- dsea` rúng`na', joba' lajob nijmé`- Tiquí`na' dsea` guíng` ñíff`- cóo`- 'nú` cajo, ja` ni`íiñ` dsee` qui`-na'.

*I` quiu` ta` Jesús e jmóor` jalé` e jmóor`
(Mt. 21:23-27; Lc. 20:1-8)*

27 Jo mi~ cangígui lajo, caquim`-tur fí Jerusalén. Jo lajee` e ngí` Jesús fí sinúu` guá`- fé`, jo cangoquiéeng` fí lí` siñ` jaléng` fii` jmidsea` quiá`- dsea` góor` dsea` Israel cóo`-gui jaléng` tifa' quiá`- júu` quiu` ta` quiá`r` cóo`-gui jaléng` dsea` cóøng` quiá`r` cajo, 28 jo lalab cajming`r`- dsea` do:

—¿I` i` quiu` ta` qui`- e jmoo` jalé` e na? ¿I` i` cacuø` 'nu` fí e cuóøng` jme`^ jalé` e na?

29 Jo lalab cañi` Jesús quiá`- i` dsea` do:

—Jo jnea` iim`baa` jmee` e camí` júu` cóo`- 'nú` cajo, jo e laba' iin`n` jmingí`-i` 'nú`: 30 ¿I` i` caquiú` ta` quiá`- Juan i caseáng` dsea` jmii` do? ¿Su Fidié` osi dsea` jmigüi`b` é? Jo song nilí`na' ningii`-na' quié`- e lana, joba' jnea` nifii`-i` 'nú` i` i` quiu` ta` quié`- e e jmóo`o` jalé` e na.

31 Jo lí` canaang` i` dsea` do síiñ` lajee` la`ó` yaam`bre jo sí` rúíñ` lala:

—Song nifé`naa' e Fidiéeb` casí` quiá`r`-, joba' lalab niñi`r`- qui`-naa': “¿Jialí` ja` já`- calíng`-na' lajii`- júu` quiá`- i` dsea` í?” 32 ¿Osi nisi`-bái`re é e dsea` jmigüi`bing` caquiú` ta` quiá`r`- e jmóor` lajo?

Jo co' góm`bre jaléng` dsea`, dsuco' lajalém` dsea` já`- líiñ` e i` Juan do dseáng`- já`-ba' e fé`r` cuaiñ` quiá`- Fidié`, 33 joba' lalab cañi` i` dsea` do quiá`- Jesús:

—Ja` ne`naa' jii`- coo`.

Joba' cañí' Jesús quiáin' do:

—O'gui jnea~ cuøng` lí fñ` i 'nú' i~ i quiá' ta~ quié` e e jmóo`o jalé` e la.

12

Coo` júu` já` lafa` júu` cuento quiá'` dsea` 'léeng` i soo` dsí'

(Mt. 21:33-46; Lc. 20:9-19)

¹ Jo lajee` e táam`bi Jesús fí' Jerusalén, jo canaaín` féiñ' jaléng` dsea` cóo`~ jalé` júu` já` e lí' lafa' júu` cuento jo lalab casí`-reiñ' do:

—Coo` née`~ caliséng` jaang` dseañu` malí`~gui i cajní` jmang`~ huiñg` jó` fí' ni~ guóo`~ uó`~ quiá'r`~; jo cajme'r` coo` iá`, jogui cajme'r` coo` fí' lí' niniúung` e nicuó`~ jmí`^ e mí`^ huñg` jó` do, jogui cajme`bir coo` lí' nigüear` e quiá`~ nijmér` í`. Jo mi~ cangí` jo, cacuø'r` dsea` i cajmée` ta` e uó`~ quiá'r` do, jo cagüi`ñ`bre 'ñia'r` cangór` fí' lí' huí`~. ²⁻³ Jo mi` tí' lí' catí' í' e nisitíng`, co' nicaroob` lajii`~ e cajní'r` do, joba' casíng` i dsea` fii` uó` do jaang` dsea` 'léeng`~ quiá'r` e nidsimíin`~ lajii`~ e catíng` i dsea` do quiá`~ jalé` e caroo` e ni~ guóo`~ uó`~ quiá'r` do. Jo mi` tí' lí' caguié` i dsea` 'léeng`~ do quiá'r`~ , i dsea` i jmáng` ta` uó` do cajmihuñm`bre i dsea` 'léeng`~ do, jo caguiém`tureiñ' e ja` quiéiñ' do jii`~ coo`. ⁴ Job mi` casíng` i dsea` fii` uó` do jaang`gui dsea` 'léeng`~ quiá'r` e quiá`~ nidsimíin`~ do lajii`~ e catíin`~, dsu' cuub` catéé` i dsea` jmóo` ta` uó` do mogui` í' cajo, jo júu` 'léb` casí`-reiñ' do. ⁵ Jo mi` cangí' í', i dsea` fii` uó` do casíin`~ jiéng`gui jaang` dsea` 'léeng`~ quiá'r`. Jo mi` tí' lí' caguié` í', cajúm`bre, co' cajngab` i dsea` jmáng` ta` uó` do quiá'r`. Jo mi` cangí`gui lajo, i dsea` fii` uó` do i fñm`bi dsea` 'léeng`~ quiá'r` casíin`; jo i líng` lí`^ calihuñm`bre, jogui i líng`~ dseáng`~ cajngab` i dsea` do quiá'r`.

⁶ Jo coob` mi` jaang` jóob` i dsea` fii` uó` do seáng`~gui, jo íb` i dseáng`~ i 'neáaiñ` eáang`. Jo ca'í' dsíir` e i jóor` dob nisiñ`~, co' líiñ` e i jóor` doguibing` i nijmi`gó` jaléng` i dsea` do. ⁷ Dsu' i dsea` jmáng` ta` uó` do casíin`~ lajee` yaaiñ`~: “I jóor` nab i nine`^ ni` latøng` e guóo`~ uó` na; joba' guiá`~gui e nijngáam`~baa're, jo lajoba' jneaa`aab` dsea` nilí`naa' e guóo`~ uó` la.” ⁸ Joba' casam`~bre i jóo` i dsea` fii` uó` do, jo cajngam`breiñ' do, jo cangojéeng`neiñ' do fí' lí`~ caluub` e guóo`~ uó` quiáin` do.

⁹ Jo mi` cangí' e fé` Jesús e júu` jo, jo cajming`i'r` jaléng` i dsea` do lala:

—¿E` líng`~ 'nú' e nijmé` i dsea` fii` guóo`~ uó` do? E jáb`~ nidsé`~bre jo nidsijngáam`~bre jaléng` i dsea` jmóo` ta` uó`~ quiá'r` do, jo i jiém` nitáin` i nijmé` ta` e fí' ni~ guóo`~ uó`~ quiá'r` do.

Joba' cajíng`~gui Jesús lala:

¹⁰ —¿Su ja` mí' ca'í' 'nú' lajii`~ e toq` fí' ni` jì` quiá`~ Fidiéé` lí' fé` lala?:

E cuu` e ja` calijii`~ jaléng` dsea` jmo` 'núu', lanagui dseáng`~ cuu` laniim` nica`uíng`~ quiá`~ 'núu'.

¹¹ Jo 'ñiab` Fíi`naa' dsea` cajmée` e la,

joba' dseáng`~ eáam` dsigá` dsí`naa'.

Jo lanab toq` fí' ni` jì` quiá`~ Fidiéé`.

¹² Jo job mi` cajmée` quií`~ jaléng` fii` jmidsea` quiá`~ dsea` Israel jogui jaléng` tifa' quiá'r` cóo`~gui jaléng` dsea` cøng`~ quiá'r` jial e nisáin` dsea` do, co' calilí`bre e caféiñ' do e éeiñ` jaléng` íb`. Jo dsuco' 'góm`bir jaléng` dsea` i núu` júu` quiá`~ dsea` do, joba' catíuum`bre dsea` do jo cangolíim`bre jóng.

Mí` cajming`i` dsea` Jesús cuaiñ` quiá'` e catíng` dseata`~

(Mt. 22:15-22; Lc. 20:20-26)

¹³ Jo mi` cangí`gui lajo, i dsea` i quie` nifi` quiá`~ dsea` Israel casíin` fí' lí' táang` Jesús coo` tú`~ míng`~ dsea` fariseo cóo`~gui coo` tú`~ míng`~ dsea` quiá`~ Herodes e laco' ni`noíñ' do jial nisí'r` Jesús e laco' niguié'r` jial ni`niñ` dsea` do fí' quini` dseata`. ¹⁴ Jo mi` caguiiñ` fí' lí' sing` dsea` do lalab casí`-reiñ`:

—Tifa', ne~naa' e jmang' júu^ já'-ba' fó' 'nua', jogui e ja' 'gó' cóo'~ jalé' e í dsí' dsea' jogui jalé' e fé'r' uí'~ quí'~, jogui dseáng'~ e já'-ba' e røøb' ñ' 'nua' í' quíá'- jaléng' dsea', co' ja' jøø' 'nua' jii'~ jialco' líng' dsea' lí' caluu', jogui e e' jial e niliseeng' dsea' dseáng'~ laco' iing' Fidié'. Joba' jming'~naa' 'nua' e júu^ la: ¿Su 'né' quí'naa' cuu' e catíng' dseata' i guing' fí' Roma osi ja' 'né' quí'naa' é?

15 Jo co' calilí' Jesús lajii'~ e iing' i dsea' do jmicaaiñ~, joba' casí'r' dsea' do lala:

—¿Jialí' 'nó'na' e iing'na' niguié'na' jial e ni'níng'na' jnea' fí' quini' dseata'? Fing na cuøø'na' jnea' coo' cuu' jo nijøø'.

16 Joba' ca'e'bi' i dsea' do coo' cuu', jo cajøøb' Jesús, jo mi' cangí' jo cajmingí'r' jaléng' i dsea' do lala:

—¿I' moni' tóo' e ni' cuu' la?, jogui ¿e' júu^ e silí' fí' ni' la?

Joba' cañi' i dsea' do lala quíá' Jesús:

—Ni' dseata' dsea' guing' fí' Romab tóo'.

17 Joba' cañi'tu Jesús quíá'- jaléng' i dsea' do:

—Cuøø'na' dseata' dsea' guing' fí' Roma lajii'~ e catíng' í, jogui cuøø'na' Fidié' cajo lajii'~ e catíng' Fidié'.

Jo eáam' cangogá' dsí' jaléng' i dsea' do mi' canúur' lajii'~ e júu^ e cañi' Jesús do.

Mi' cajmingí' dsea' jial lí' mi' nijí'tu dsea' calé' catú'

(Mt. 22:23-33; Lc. 20:27-40)

18 Jo mi' cangí'gui lajo, cangolíng' coo' tú' m'ng' dsea' Israel i líng' dsea' saduceo fí' lí' táang' Jesús. Jo i dsea' do fé'r' e jo' jí'tu jaléng' 'lí', joba' e job e iññ' nijmingí'r' Jesús jo casí'r' dsea' do lala:

19 —Tifa', Moí' caséer' e tóo' fí' ni' jì' quíá'r' e song cajúng' jaang' dseañu', jo caseáaiñ' dseamí' quíá'r' e ja' mí' seeng' jóor', joba' rúng' i dseañu' do 'né' nicúng' guór' cóo' i dseamí' 'ní' i caseáng' do; jo mi' caliseeng' jóor' cóo' í, joba' lafa' jóob' i dseañu' quíá'r' mi' uii' do nilíng' i jiuung' do. 20 Jo lafa' e já', coo' ya' caliséng' guiáng' dseañu' i la'ó' rúng', jo i dseañu' la'uii' do cacúm' guóor', dsu' jo' huøø' ngó' cajúm' bre la ja' mí' seem'bi jóor'. 21 Joba' i dseañu' i catí' tú' do cacúm' guóor' cóo' i dseamí' 'ní' do, jo lajob cajo cajúm' bre jo jii'~ camíng' jóor' ja' mí' lí' sém'bi; jo lajob calí' cóo' i dseañu' i catí' 'ní' do cajo. 22 Jo lajob lajì' guiám' i dseañu' do cacúng' guóor' cóo' i dseamí' do, dsu' jii'~ jaaíñ' do fa' caliséng' jiuung' quíá'r'. Jo mi' lí' cóng'guijiu lajo, cajúm' i dseamí' do 'ña'r' cajo. 23 Joba' mi' tí' lí' nijí'tu jaléng' i dsea' do calé' catú' fí' fí' coo', ¿i' lajee' lajì' guiáng' i dseañu' do ni'uíng' dseáng' dseañu' quíá' i dseamí' do?

24 Joba' cañi' Jesús quíá'ñ' do lala:

—Sijgiém' áa' 'nú', dsuco' ja' ní'na' jial laco' fé' fí' ni' jì' quíá' Fidié', o'gui ní'na' jial tí' 'gøng' dsea' do cajo. 25 Dsuco' mi' nijí'tu jaléng' 'lí' fí' jmigüi' coo', jo' nicúng' gui guoo' dseañu' o'gui dseamí', lí' laco' dsingíng' jaléng' ángeles quíá' Fidié' i seeng' fí' ní'fí'. 26 Jogui e cuaiñ' quíá' e fing jí'tu jaléng' 'lí' do, ¿su ja' mí' ca'í' 'nú' jalé' e tóo' fí' ni' jì' quíá' Moí' jial mi' caféng' Fidié' ír' catí' lí' sí' coo' 'matóo' e ia' jì? Jo lalab casí'-reíñ' do ie' jo: “Jneab' lín'n Fidié' i jmiféng' Abraham cóo' gui Isáa' jogui Jacóo' cajo.” 27 Jo Fidié' ja' lí'ñ' Fidié' quíá' jaléng' 'lí', co' Fidié' quíá' dsea' jib' lí'ñ'; joba' sijgiém' jalé' e í' óo' 'nú'.

E lab e júu^ laniing' gui quíá' Fidié'

(Mt. 22:34-40)

28 Jo lajee' jo caguié' gui jaang' lajee' la'ó' tifa' quíá' júu^ quíu' ta' quíá' dsea' Israel, jo mi' calilí'r' e cañi'b' Jesús røø' lajii'~ e júu^ do, joba' i dsea' í' cangoquíéiñ' cáang' Jesús jo cajmingí'r' dsea' do lala:

—¿E' e júu^ laniing' gui lajee' lajalé' e júu^ quíá' Fidié'?

29 Joba' cañi' Jesús quíá'ñ' do:

—E lab e júu e laniing-gui do quiá- lajee~ lajalé' e júu jo, jo lalab fé': "Náa-na' dsea` Israel e Fii~naa' Fidié~ jii~ íb` dseáng'- i líng' Fii~naa'. ³⁰ Jmi'neáang` Fii' Fidié~ car` ngocáng` o' jogui cóo~ laji` jmiguí` quií'- jogui cóo~ laji` e í a' jogui cóo~ laji` bí seen'." Jogui e nab e júu laniing- do. ³¹ Jogui e lab e júu laniing- e catí tú- do: "Jmi'neáang` jaléng` dsea` rún' lí' laco'gui jmi'neáan' uó'." Jo e nab e júu quiá- Fidié~ e laniing-gui eáang` do lajee~ lajalé'.

³² Joba' lalab cañíi` i tifa' do jo cajíñ'-:

—Eáam` guiá- lajo, Tifa', dseáng'- jáb'- júu quií'- e já'-ba' e jaam` Fidié~ seeng`, jo ja` seeng` i jiéng`gui. ³³ Jogui e jáb'- e 'né- e nijmi'neáang`naa' Fidié~ dseáng'- e ngocáng` dsi'naa' jogui cóo~ laji` e í dsi'naa' jogui cóo~ laji` bí see~naa', jogui e jmi'neáang`naa' jaléng` dsea` rún'naa' laco'gui ii~naa' e nijmi'neáang` dsea` jneaa~aa', jo lajalé' e la eáang`gui quíng` laco'gui lajalé' feá'- e cuóø~naa' Fidié~, fa' la mi~ jngang`naa' jó' fí` quinir` osi mi~ ee`go e ju'naa' fí` nife' é.

³⁴ Jo mi~ calilí'- Jesús e guiáb- cañíi` i dsea` do, joba' casí'-reiñ' do lala:

—Na jaquíem- e tí lí~ nicá' Fidié~ nifí' quií'-.

Jo mi~ cangí jo, jii~ jaang`gui i dsea` do fa' cateá-gui dsír' ee` nijmingí'- guir Jesús.

I' dsea` siju~ líng' Dsea` Jmáang-

(Mt. 22:41-46; Lc. 20:41-44)

³⁵ Jo lajee~ e iuung- Jesús fí` guá'- fé' quiá'- dsea` góor` e si' fí` Jerusalén e e'r` dsea` júu quiá'- Fidié~, jo lalab cajmingí'- jaléng` i dsea` i teáang~ do:

—¿Jial lí' quiá'- i tifa' quiá'- júu quiu' ta~ quií'-ii', dsea` Israel, e fé'r` e Dsea` Jmáang` líiñ' siju` dseata~ Daví'`? ³⁶ Co' 'ñiab' dseata~ Daví'` cajíñ'- la'eáang` cóo~ Jmiguí` quiá'- Fidié~ lala:

Lalab cajíng'- Fidié~ casí'-r` Fíi':

"Ní lí' lí' dsée' laco' guin~n

cartí` nijmee~e e jaléng` dsea` i 'ní' níng- 'nu` nisí'r` uó- jnir~ fí` quini' e laco' nijmi'gór` 'nu'."

³⁷ Jo cajíng'-gui Jesús e júu la:

—Jo song`'ñia'`bi dseata~ Daví'` sí'r` Dsea` Jmáang` Fíi', joba' ¿jial cuóøng` e Dsea` Jmáang` líiñ' dsea` siju` dseata~ Daví'` jóng?

Jo lajaléng` i dsea` fíng` i teáang- núu` do eáam` iáang` dsír' e núur` jalé' júu e fé' Jesús.

Jalé' e ga` e jmóo` jaléng` tifa' quiá'- júu quiu' ta~ quiá'- dsea` Israel

(Mt. 23:1-36; Lc. 11:37-54; 20:45-47)

³⁸ Jo mi~ cangí jo, lalab café' Jesús jeeng~ júu quiá'- e er' do:

—Ñiing~ óo'na' cóo~ jaléng` tifa' quiá'- júu quiu' ta~ quií'-ii', dsea` Israel, co' lí' tí' dsír' e ngír' e jlo' silíim`bre, jogui eáang` iñ~ iñ~ nijmi'gó' ír` lacaang`jee` 'núu' lí' ngír', ³⁹ jogui iñ~ güeár` ni~ 'masi~ e jlo'gui fí' lacaang` dsí' guá'- quiá'-r-, jogui iñ~ e nigüeár` cajo dseáng'- la jmag'- lí' jlo'gui fíng` catí e nidó'r-, ⁴⁰ jogui gui'bre 'nu~ jaléng` dseamí i 'nii', jogui jmicaaiñ~ e fé'r` fa' e cuee' fí' quini~ dsea`. Dsu' jaléng` i dsea` la'íb` ni'íng` iihuí' e eáang`gui mi~ nití' í' lajo.

Jaang` dseamí` 'nii' i catá'- cuu- fí' dsí' guóo' quiá'- guá'-

(Lc. 21:1-4)

⁴¹ Jo mi~ cangí jo, cóo` ya' guing~ Jesús fí' ca' guóo' lí' ta' dsea` cuu- quiá'- guá'- e si' fí' Jerusalén, jo jóør- jial dsitea' dsea` cuu- fí' jo. Jo lajee~ jo jaléng` dsea` sea` cuu- eáam` dsitea'r` cuu- fí' jo. ⁴² Jo cóo` caguiéb- jaang` dseamí i 'nii' i tiñíng- eáang`, jo catá'-r- e fí' dsí' guóo' do tú- cuu- e ja` ee' 'ga' lí' quíng'. ⁴³ Joba' cató'- Jesús i dsea` guitúung` quiá'-r- do jo casí'-reiñ' do lala:

—Dseáng'- e já'- e fii- i 'nú' e i dseamí 'nii' la nicató'r` jmigui'gui cuu- e fí' dsí' guóo' quiá'- guá'- la laco'gui dsea` caguaang-gui; ⁴⁴ co' jaléng` dsea` sea` cuu- cuóø' lajii~ e

seáng' quiá'-bre; dsu' i dseamf' 'nái' la lajib' lajii' e sea` quiá'r- e 'né- nicatá'r- e fí' dsí' guó' la.

13

Mi' cajing' Jesús e ni'ling' guá'- fé' e si' fí' Jerusalén

(Mt. 24:1-2; Lc. 21:5-6)

1 Jo lajee' ni'iuung' Jesús fí' e güi'fir' fí' dsí' guá'- fé' quiá'- dsea` góor' dsea` Israel e si' fí' Jerusalén, jo jaang' lajee' dsea` guitúung' quiá'r- casí'r- dsea` do lala:

—i' Tifa', fíng na jóø- jalé' cuu' cóo' e niguo' e silí' e guá'- la!

2 Jo cañi' Jesús quiá'- i dsea` quiá'r- do:

—Jóø- jial jlo' cóo' e silí' e guá'- na. Dsu' latøøng' e guá'- na jii' coo' cuu' jo' e nijé' gui sifíng' quiá'- rúng', co' dseáng' lajib' ni'ling' mi' nití' í' lajo.

Jial nilí' mi' nijaquíéeng' e tí' lí' ni'ling' jmigüí'

(Mt. 24:3-28; Lc. 21:7-24; 17:22-24)

3 Jo mi' cangí' jo, cangób- Jesús cóo' dsea` guitúung' quiá'r- fí' yá' mó' e sii' Olivos e si' fí' lí' quini' laco' si' e guá'- do. Jo lajee' e taang' Jesús e fí' yá' mó' do, jo job mi' cangoquíéeng' Tú' Simón cóo' gui Tiáa' jogui Juan cóo' Dí' fí' lí' guing' dsea` do, jo casí'-reiñ' lala coo' yaaiñ':

4—Í' naa' e jmée' jnea' júu, Tifa', lí' e nidsijéé' jalé' e fó' 'na' na. Jo ¿e' e nicuó' lí' quiá'- e jo' huóø- róo' jmigüí' jogui e nijaquíéeng' e tí' lí' nidsijéé' jalé' e jo?

5 Joba' cañi' Jesús quiá'iñ'- do lala:

—Ñiing' áa' na' e jii' jaang' ja' ii' nijmigøøng' 'nú'. 6 Dsuo' fím'bing' i nijalíng' i jmigóo' e jín'- e í'bre líiñ' Dsea' Jmáang' jo nifé'r': "Jneab' i dsea' í"; jo fím' dsea' niligøøiñ' jo jáb'- niliñ' e júu' e o' já'- do mi' niguiéé' e jmí' jo.

7 Jo mi' ninúu' 'nú' júu' quiá'- e ninéé' 'nií' fí' la fí' na, ja' føøng' na' jóng, co' lajob nisi'í' quiá'- Fidiéé' e nidsijéé'; dsu' lí' uim'bi' jóng ja' mí' tí' lí' ím'bi. 8 Dsuo' mi' ná'-gui e ni'ling' jmigüí', eám' nitíng' dsea' lajee' la'ó' rúñ'; co' nitíng' coo' fi' cóo' jié'gui coo' fi', jogui lajobi coo' góo' dsea' cóo' jié'gui coo' góo' dsea'; jogui jmiguiab' lí' nijó' uó' e eáang', jogui jmiguiab' lí' nijáa' jii' oo' cajo. Jo dsu' lí' uim'bi' jóng mi' tí' lí' nidsijéé' jalé' e iihu' na.

9 Dsu' eáang' 'né' ñiing' áa' 'nú' mi' nití' í' lajo, co' nijáng' dsea' 'nú' fí' quini' dseata', jogui nijmihuñ' 'nú' fí' lacaang' dsí' sinúu' guá'. Jo uii' e já'- líng' na' júu' quié-e, joba' nidsijeáañ' 'nú' fí' lacaang' quini' dseata' dsea' cóøng' cóo' gui fí' quini' jaléng' dsea' féng'. Jo mi' nijmér- lajo, joba' cuøøng' e niguiá' 'nú' júu' quié-e fí' quini' jaléng' i dseata' do. 10 Dsuo' ná'-gui e tí' lí' ni'ling' jmigüí', dseáng' 'néb- e nini' júu' quié-e jee' jaléng' dsea' fí' la'úng' fí' jmigüí' e quiá'- jial nileáng' dsea' jee' jalé' dsee' quiá'r-.

11 Jo mi' tí' lí' nitøør' 'nú' fí' quini' dseata' e nijáañ' 'nú', jo ja' jmee- na' fí' í' fa' ja' ñí' na' ee' ningí' na' quiá'r-, co' dseáng' ja' 'né' í' áa' na' lajo, dsuo' Fidiéeb' dsea' nijmicóo' quií' na' e ningí' na' quiá'r- mi' nití' í' lajo; dsuo' o' dseáng' 'nú' i nifé' mi' nití' í' lajo, co' 'ñiab' Jmigüí' quiá'- Fidiéé' nifé', jo eám' nijmicóo' 'nú' jóng. 12 Dsuo' mi' nití' í' lajo, jaléng' dsea' ni'lé-bre quiá'- rúñ' e nijáng' neiñ' quiá'- e nijúuiñ-, jogui lajo cajo jaléng' tiquiá' dsea' nijám' bre jaléng' jóor' e nijúuiñ-; jogui jaléng' jóo' dsea' nitíng' nijíñ- cóo' jaléng' sejmiir' jo cartí' nijngám' breiñ'. 13 Jogui jaléng' dsea' jmigüí' nilí' 'ní' níñ' 'nú' uí' e já'- líng' na' júu' quié-e; jo dsu' ii' i teáang' teá' cóo' júu' quié-e carta' seeiñ' fí' jmigüí' la, joba' nileám' bre jee' jalé' dsee' quiá'r-.

14 Jo 'nú', mi' nimó' na' coo' e ga' eáang' e nijmé- dsea' fí' dsí' guá'- fé' e si' fí' Jerusalén fí' lí' e guá'- güeang' quiá'- Fidiéé' lí' laco' cajme' jaang' i café' cuaiñ' quiá'- Fidiéé' malí' gui eáang' i calisí' Daniel —güingáng' na' e júu' la, 'nú', dsea' í' na' e la—, jo mi' nití' e í' jo, jaléng' dsea' i neáang' fí' lí' se' Judea güicuü' bre fí' jee' mó'. 15 Jogui song' ii' dsea'

dsiññ' fí yá'^ 'núú' mi~ nití~ e í' jo, ja` güjgiaaiñ' fa' e nidsi'uóø'r~ jalé' e sea` quiá'r~, co' 'né~ cuí~ bre; ¹⁶ jogui song iì' dsea` taang~ jmoò' ta~ fí' jee~ mó', joba' ja` güi'í' dsír' fa' e niqing'~ guir fí' quiá'r~ e fa' e nidsiquiéer' jalé' si'r^'. ¹⁷ ¡Lí'^ e ngí' fíi^ jaléng' dseamf i jobi quiéeng' yuu' mi~ tí' lí' jo osi dseamf i jobi cuø' yuu' tú' é! ¹⁸ Jo nab tí' gui e má'~ na' Fidiéé' e ja` dsijéé' jalé' e la dseáng'~ lajee' jii' güií~, ¹⁹ dsuco' ie~ jo dseáng'~ eáam' iihuú' ni'ing' jaléng' dsea' e ja' mí' cangongüiñ~ jii'~ coo' ya' latí' mi~ catiroo' jmigüi, o'gui nidsingüiñ~ mi~ ningí' jo. ²⁰ Jo faco' Fí'naa' nijmi'üiñ~ eáang' e nidsijéé' jalé' e jo, joba' jii'~ jaang' jo' iì' nileáng' jóng faco' lajo; dsu' nicajmitiñ~ jalé' e jo uí'~ e 'neáaiñ' jaléng' dsea' quiá'~ bre i nicaguíñ' lami~ jéeng'gui.

²¹ 'Jo ie~ jo, song iì' dsea' nijmigóøng' 'nú' jo nisí'r' 'nú' lala: "I lab i dsea' i sijeeng'na' do", osi "Dob siñ'" é, dsu' ja' já'~ güilíng'na' jii'~ coo', co' o' já'~ e lajo. ²² Co' fíim'bing' nijalíng~ i nijmigóo' e nijmicaaiñ' e lüiñ' Dsea' Jmáang~, osi nijmigóor' e lüiñ' dsea' i fé' cuaiñ~ quiá'~ Fidiéé' é; jo nijmé~ bre jalé' lí' e quí'r~ jmí~ e dsigá' dsí' dsea' e lí' laco' iñ~ e niligøøng' dsea', jo dseám'~ e niligøøng' la quié'gui i dsea' i nicaguíng' Fidiéé' i nilíng' dsea' quiá'r~. ²³ Jo lana fíi' i 'nú', 'né' e eáam' siñiing' óo'na', co' nicaliúum'~ baa' 'nú' e júu' la lami~ jéeng'gui.

Jial mi~ nijáa'tu i dsea' i jáa' fí' ñifí' i lüng' dsea' jmigüi
(Mt. 24:29-35,42-44; Lc. 21:25-36)

²⁴ 'Jo mi~ nití~ e jmí~ jo, mi~ nisóong~ jalé' e iihuú' e nijáa' do, jo jo' nicuø'~ gui iee' jir~, o'gui si' nicuø'~ guir jir~ cajo. ²⁵ Jogui nijiuum' jaléng' 'núú' i sitóng'~ fí' yá'^ jmigüi, jogui niguiá'~ fí' yá'^ jmigüi. ²⁶ Jo joguib mi~ nití' í' e nigáa'tu jnea~ fí' jmigüi la, dsea' lín'n jaang' dsea' jmigüi i jáa' fí' ñifí~, jo nigáa'a fí' jee~ cabøø' jní' coo'~ gui jalé' e 'gøng' jogui e jí' laniing~ güea'^ jí' niguo'^ quiá'~ Fidiéé'. ²⁷ Jo job mi~ nití' í' e nisíng~ Fidiéé' jaléng' ángeles quiá'r~; jo i ángeles do niseáiñ' jaléng' dsea' i nicaguíng' Fidiéé' lami~ jéeng'gui fí' lajì quiú' quiúung'~ jmigüi, catí' lí' huí'~ gui quiá'~ guóo'~ uó' jogui catí' lí' huí'~ gui quiá'~ yá'^ jmigüi cajo.

²⁸ 'Jo téé' óo'na' la'eáang' coo'~ e júu^ quiá'~ 'ma' güiñí'^: Mi~ nidsi' guo' e sí' quiá'~, jogui ni'ia' má'^ e sí' quiá'~ cajo, joba' niñí' 'nú' e quiáb'~ nijaquiéeng' jii' jmí' jóng. ²⁹ Jo lajob lí' coo'~ e júu^ la; co' mi~ nimóo'~ 'nú' e nidsijéé' jalé' e jo, joba' nicuø' lí' jóng e quiáb'~ nigáa'a, jnea~ dsea' lín'n dsea' jmigüi i jáa' fí' ñifí~. ³⁰ Co' dseáng'~ já'~ ba' fá'a e dseáng'~ 'né' e nidsijéeb' jalé' e jo nú'~ gui e nijúung~ jaléng' dsea' i seeng' lajee' lana. ³¹ Co' ni'ím~ fí' la'úng~ jmigüi jogui lajobi la'úng~ fí' yá'^ jmigüi cajo, dsu' ja' tóo' jmí~ fa' e ja' niliti~ jalé' júu^ quié'~ e.

³² 'Jo dsu' jii'~ jaang' dsea' ja' iì' ñí' e júu^ jo jéeng'gui cuaiñ~ quiá'~ e~ jmí~ jogui e' í' e nidsijéé' jalé' e jo, jo jì'gui latí' jaléng' ángeles quiá'~ Fidiéé' ja' ñir' e jo, o'gui jnea~ cajo, dsea' lín'n i Jóo' Fidiéé' camíng'~ do, ja' ñii~, co' dseáng'~ lajii'~ Tiquí'ii' Fidiéé' dsea' guíng~ ñifí'~ bing' ñí' e jo.

³³ 'Joba' fíi' i 'nú' e dseáng'~ 'né' e ñiing'~ óo'na' contøøm~ e sijeeng'na' jalé' e jo, jogui féeng'na' Fidiéé', co' ja' ñí'na' røø' lí' dseáng'~ e nidsijéé' jalé' e jo. ³⁴ Co' e la lí' lafa' jaang' dsea' i ni'í' fí' dsé' fí' lí' huí'~, jo lajee' e nú'~ gui nigüi'íir' fí' quiá'r~, jo caseáiñ' dsea' 'léeng'~ quiá'r~, jo cacuø'r' ta~ lajaang' lajaaiñ' do, jogui caseáiñ' jaang' dsea' i jmóo' í' jaléng' i dsea' jmóo' ta~ do. ³⁵ Joba' lalab cajíng'~ i dsea' i néé' ni' dsea' 'léeng'~ do casí'r~ jaléng' i dsea' jmóo' ta~ do: Jmiñiing'~ óo' 'nú', melé', co' ja' ñí'na' lí' e nigüeáng'tu i dsea' fii' 'núú' la, su milí' na osi uóø' guié'~ náub' é, osi téé'~ ogóo' mi~ niquí'~ tú' é, osi dsae'e'guib é; ³⁶ co' jial fíng lajee' teng' 'nú' güim'ba' nigüeáiñ'. ³⁷ Jo lajii'~ e fíi' i 'nú' la, lajob lí' júu^ quié'~ e coo'~ dsea' jéeng'gui cajo: ¡Lí'^ 'né'~ ba' e jmiñiing'~ óo'na'!

14

Mi~ casang~ dsea` e nisaiñ` Jesús

(Mt. 26:1-5; Lc. 22:1-2; Jn. 11 :45-53)

¹ Jo tú~ jmii~ba' jmóo`gui e nití~ coo` jmii~ quiá~ dsea` Israel e sii` Pascua e gø'r` iñí` e ja` quie` quiéeng`. Jo jaléng` fii~ jmidsea` cóo`~gui jaléng` tifa' quiá~ júu` quiu` ta` quiá~ dsea` Israel canaiñ` 'nó'r` jial niguié'r` e nisaiñ` Jesús e nijmigóøiñ` dsea` do e laco' nilí'r` nijngáng`-neiñ'. ² Jo lalab síng` i líng`:

—Ja` nijmó`oo' e jo lajee` jmii~ Pascua e laco' ja` dseáng`~ qui`-ii' e nitá~ dsea` mii~.

Mi~ ca'ée~ jaang` dseam` jmii` jmeafii` fí` mogui~ Jesús

(Mt. 26:6-13; Jn. 12 :1-8)

³ Jo mi~ cangf` jo, Jesús cangó~ cóo`~ dsea` quiá'r` fí` Betania fí` quiá~ jaang` dseañu` i sii` Simón, jaang` dsea` i lamí~ líng` jmohuí` 'li` fí` ngúu` táang`. Jo mi~ caguié~ Jesús fí` jo, lajee` e guiiñ` fí` 'ni` mes` e gø'r` ir~, caguié~ jaang` dseam` i quie` coo` sí` e lí` cóo`~ coo` cuu` niguo` e sii` alabastro e a~ jmii~ jmeafii` e lí` cóo`~ layaang` nardo e 'mo` eáang`. Jo i dseam` do caffim`bre e sí` do jo ca'éer` e jmii~ jmeafii` do fí` mogui~ Jesús. ⁴ Jo i líng` dsea` i cangá~ e cajmée` i dseam` do lajo caligúim`bre eáang`, jo canaiñ` síiñ` lajee` la'ó` yaaiñ`:

—¿Jiali'` nicango`ii` e jmii` jmeafii` na? ⁵ Co' jmáang`gui fa' mi~ ii` ca'nii`, jo jmiguiá`gui laco' trescientos cuu` denario nilí'r` jóng e laco' sea`jiu e nilicóo`~ jaléng` dsea` tiñíng`.

Joba' i dsea` i teáang` do ie` jo gab` fé'r` uii` quiá~ i dseam` do.

⁶ Jo dsu` lalab cañii` Jesús quiá~ i dsea` do:

—¿Jiali'` jmiguíng`na' i dseam` na? ¡Ja` e fí`na'r` júi~ coo`! Co' lajúi~ e nicajmээр` quie` e na eáam` guiá~. ⁷ Jo jaléng` dsea` tiñíng` nab ní` 'nú` ee` cajmee`na' cóo'r~, co' cuóøm` lí` jmée`na' e guiá~ cóo'r` lí` iing`na', dsu` jnea`gui ja` contøng` seen` jee` 'nú`. ⁸ Co' i dseam` na nicajmээр`bre lajúi~ e tiñíng` jo nicasúu`bre jmii` jmeafii` ngúu` tán`nú`-gui e ni'áang` dsea` jnea~. ⁹ Co' jnea~ jmitaa` óona' e doñi` jié` fii` lí` niguiá~ dsea` júu` quiá~ jial nileáng` dsea` jee` jalé` dsee` quiá'r~, niliseab` júu` cajo lajúi~ e cajmée` i dseam` na, jo lajoba' niguiéng` dsii` dsea` i dseam` na.

Mi~ ca'núng` Judas Iscariote Jesús fí` quini` jaléng` jmidsea`

(Mt. 26:14-16; Lc. 22:3-6)

¹⁰ Jo mi~ cangf` jo, Judas Iscariote, jaang` dsea` i quíng`~ jee` dsea` guitúung` quiá~ Dsea` Jmáang~, cangó~ cangosiñ` cóo`~ jaléng` fii~ jmidsea` quiá~ dsea` Israel e laco' nisaiñ` røø` jial nijaiñ` Jesús fí` jaguó` dsea` do. ¹¹ Joba' mi~ tí` lí` canúu` i dsea` í, eáam` cali'iaang` dsíir`, jo casí'r` Judas e nicuó`-reiñ` cuu`. Job mi~ canaang` Judas 'nó'r` jialco' cuóøng` nijaiñ` Jesús fí` jaguó` i dsea` do.

Mi~ cagó` Jesús í` canuu` cóo`~ dsea` guitúung` quiá'r`

(Mt. 26:17-29; Lc. 22:7-23; Jn. 13 :21-30; 1 Co. 11 :23-26)

¹² Jo mi~ cangf` jo, canaang` la'uii~ jmii~ e quiá~ gø' dsea` Israel iñí` e ja` quie` quiéeng`, jogui e jngang` dsea` Israel jaléng` jo'se` jiuung` quiá~ e jmii~ jo. Joba' lalab cajming` i dsea` guitúung` quiá~ Jesús cajming`r` dsea` do jo cajíñ`:

—Fii`naa', ¿jie` fí` fó` 'nu` e nidsé`naa' nidsiguiá`naa' guiá~ quiá~ e niquiee`naa' íí` canuu` quiá~ jmii~ Pascua?

¹³ Joba' casíng` Jesús gáng` i dsea` guitúung` quiá'r` do jo casí`-reiñ` do lala:

—Güilíng`na' fí` fii` Jerusalén, jo fí` job niguiéng`na' jaang` dseañu` i quiee` coo` dsuu` e a~ jmii~; jo nigüilíng`na' laco' ngang` i dsea` do. ¹⁴ Jo mi~ nigüilíng`na' fí` lí` ni'ír, síi`na' i fii` 'núu` jo: “Lalab jíng` Tifa' qui`naa': ¿jie` fí` lí` si' 'núu` lí` nidøø`-ø` íí` canuu` quiá~ jmii~ Pascua colíng` cóo`~ dsea` quie` e?” ¹⁵ Jo joguib` ni'é` i dsea` do coo` 'núu` yá` e nisilíng` guiá~, jo fí` job niguiá`na' guiá~ e niquiee`naa' do.

16 Jo mi~ cangî jo, ca'uøøm` i dsea` gáng` do cangolíñ` fí fí jo, jo cadsém` bre i dseañu` do dseáng` lí` laco` nicajíng` Jesús e nicasí` reiñ` do; joba' fí job cagua` i dsea` gáng` do guiá` quiá` e nidó`r` lajaléñ` do í` canuu` colíng` cóo` Jesús ie~ jmí` Pascua do.

17 Joba' mi~ canuu` e jmí` jo, caguiéb` Jesús colíng` cóo` dsea` guitúung` quiá`r` fí jo.

18 Jo lajee` mi~ nineáaiñ` fí 'ní` mes` e ninaaiñ` gø`r`, lalab cajíng` Jesús casí` reiñ` do:

—Dseáng` e já` e fí` i 'nú` e jaang` lajee` la'ó` 'nú` i neáang` gø` cóo` jnea` lana, íb` i nijáng` jnea` fí jaguó` dsea` i 'ní` ní` quié` e.

19 Jo mi~ canúu` i dsea` guitúung` do lado, eáam` fí` í` calíñ`, jo canaaiñ` jmingí`r` dsea` do lajaang` lajaaiñ`:

—¿Su jneab~, faa`aa'?

Jo jiéng` gui jaang` cañí`:

—¿Si jneab` é?

20 Joba' cañí` Jesús:

—Lí` jaang` 'nú` la'ó` guitúung` na' na, jaang` i gø` cóo` jnea` fí cóo` cuéé` huí, íb` i ni'lé` do. 21 Co' jáb` e jnea~, dsea` lín`n jaang` dsea` jmigü` i cajá` fí ñífi~, dseáng` 'né` e nidsingím` baa lí` laco` gui la fé` fí ni` jì` quiá` Fidiéé`; dsu' jnea` fá`a, je ngí` fíib` i dsea` i ni'lé` do! Co' guiá` guib` quiá` i dseañu` í` fa' mí` ja` caliséiñ`.

22 Jo lajee` e neáaiñ` gø`bre, catíng` Jesús cóo` iñí` jo cacuø`r` gui'máang` Fidiéé`, jo mi~ cangî e jo, cafiim` bre jo cajméer` guiéé` quiá` i dsea` quiá`r` do, jo casí` reiñ` do lala:

—Quié` na' e iñí` la, co' ngúu` táam` baa la.

23 Jo mi~ cangî jo, catíñ` cóo` cóo` e a~ jmí` mí` huíng` jø`, jo cacuø`r` gui'máang` Fidiéé` cajo mifíng` cajméer` guiéé`, joba' lajím` bre ca'í`r` e a~ dsí` e cóo` do. 24 Jo casí`r` i dsea` quiá`r` do lala:

—E lab e jmi`øøñ` e laco` nicuø` lí` quiá` júu` tigua` e 'mí`, jo fíim` dsea` nijmicóo` quiá`r` lajü` e jmi`øøñ` e nitú`. 25 Co' dseáng` já`-ba' e fí` i 'nú` e jo` nidúu` guí e jmí` mí` huíng` jø` la cartí` mi~ nití` jmí` e nidúu` u` jmí` mí` huíng` jø` e 'mí` mi~ nití` í` e niquíá` Fidiéé` ta` fí la'úng` fí jmigü`.

Mi~ cajméé` Jesús júu` e nijíng` Tú` Simón e ja` cuíñ` dsea` do

(Mt. 26:30-35; Lc. 22:31-34; Jn. 13 :36-38)

26 Jo mi~ cangî e ca'ø`r` e jmfíéñ` Fidiéé`, jo cangolíim` tur fí mó` Olivos. 27 Jo fí job casí` Jesús i dsea` quiá`r` do lala:

—Lajím` 'nú` nitiúung` na' jnea` e uøø` na lí` laco` gui la fé` fí ni` jì` quiá` Fidiéé`: “Nijngám` dsea` i fí i jmóo` í` jo`se`, jogui jaléng` jo`se` quiá`r` lí` nisojóm` bre!” 28 Dsu' mi~ ningí` e nijí` túu, fí lí` se` Galileab ninii` i calé` catú` jéeng` gui laco` 'nú`.

29 Joba' cañí` Tú` Simón quiá` dsea` do lala:

—Nañí` fa' lajím` nitiúung` 'nú`, Fíi, dsu' jnea` ja` nijmee` e lajo.

30 Joba' cañí` Jesús quiá` Tú` Simón:

—Dseáng` e já` e fí` i 'nú`, Tú` Simón, e 'ñia` e uøø` na e ná`-gui e niquí` tuidsee` tú` ya', 'nú` nifo` 'ní` ya` e ja` cuín` jnea`.

31 Jo cuø`bi Tú` Simón 'goo` dsea` do jo sí` reiñ` lala:

—Nañí` fa' nijúum` baa colíng` cóo` 'nú`, dsu' ja` nifá` a e ja` cuín` 'nú`.

Jo lajob cajíng` lajíng` i dsea` quiá`r` caguaang` gui do cajo.

Mi~ caféng` Jesús Fidiéé` fí cóo` lí` sii` Getsemaní

(Mt. 26:36-46; Lc. 22:39-46)

32 Jo mi~ cangî jo, jo cangó` Jesús colíng` cóo` dsea` quiá`r` fí cóo` lí` sii` Getsemaní e née` fí mó` Olivos, jo fí jo casí`r` i dsea` quiá`r` do lala:

—Ní`na' e la lajee` nii` jnea` nisiin`n cóo` Tiquié` e Fidiéé`.

33 Jo jíi` Tú` Simón cóo` gui Tiáa` jogui Juan, jíi` í`bing` cajéiñ`, jo Jesús mifíng` e ninaang` e líiñ` fí` í` e eáang` jogui e jiuung` dsí`r` cajo. 34 Jo lalab cajíñ`:

—Dsíng' lí' i e fi' lín'n dseáng' lafa' jo' jmígüi' la seem' baa lín'n. Jo lab nijá' 'nú' lajee' jo, jo ja' jmígüing' yaang' na'.

³⁵ Joba' Jesús cangór' catí' doguñi, jo catúuñ' cartí' cajnúu' dsequír' fi' ni' uó', jo camí'r' Fidié' fa' ja' ni' lín' iihuñ' lajü' e nisijé' quiá'r' mi' nití' í' lajo. ³⁶ Jo lalab caféñ' Fidié' ie' jo:

—Tea~, lajib' cuøng' sea' lí' jmé' 'na', joba' mñ' i' 'na' e jmñ' lana e nilaang' jnea' jee' e iihuñ' e eáang' e nijaquíéng' quié' e, dsu' ja' güilí' laco' iing' jnea~, co' iin' n e nilí' dseáng' laco' iing' 'na'.

³⁷ Jo mi' caquing' tu Jesús fi' li' caseáañ' i' dsea' gaang' do, jo cadséng' neiñ' do e teiñ' güim' bre, joba' casí'r' Tü' Simón lala:

—Simón, ¿su güim' ba'? ¿Su dseáng' ja' té' ba' fa' e sijné' o' jü' coo' oor'? ³⁸ Jmijné' ó' na', jogui mñ' na' Fidié' e laco' ja' nijiúng' na' fi' ni' dsee'. Dseáng' e jáb' íáam' ó' na' e jmé' na' jalé' e guiú', dsu' ngúu' táang' na' ja' cuø' fi' e nijmé' na' lajo.

³⁹ Jogui cangób' tu Jesús calé' catú' cangoféñ' Fidié' laco' gui' nicangoféñ' lami' jéeng' gui' do. ⁴⁰ Jo mi' tí' li' caquing' tur' fi' li' neáang' i' dsea' gaang' quiá'r' do, jo caléb' catú' cadséng' tureiñ' do e güim' biñ', co' dseáng' eáam' jo' teiñ' do e jaligüñ'. Joba' ja' ñir' e' niñir' quiá' dsea' do. ⁴¹ Jo caquim' tu Jesús e catí' 'ní' ya' jo lalab casí' reiñ' do:

—¿Su mi' 'noo' güim' bi' 'nú' jogui jmi' ing' na'? Dsu' nitéb' jü' lana, co' dseáng' lanab catí' í' e fi' jaguó' dsea' dsee' dsea' quib' nijáng' dsea' jnea~, i' dsea' i' cagüéng' fi' jmígüi' la e lín'n jaang' dsea' jmígüi'. ⁴² Jminá' ráang' na' na, jo má' aa', co' nab nijáa' i' dsea' i' nijáng' jnea' fi' jaguó' jaléng' dsea' i' 'ní' ní' quié' e.

Mi' casang' dsea' Jesús

(Mt. 26:47-56; Lc. 22:47-53; Jn. 18:2-11)

⁴³ Jo lajee' e fé' bi' Jesús, mi' tí' li' caguié' Judas Iscariote i' quíng' jee' dsea' guitúung' quiá'r', jo i' fñm' dsea' cóo'r' i' quie' ñisu' cóo' gui' jalé' 'ma', co' ta' quiu' jaléng' fi' jmidsea' ba' e ngolíng' i' dsea' do cóo' gui' jaléng' tifa' quiá' júu' quiu' ta' quiá' dsea' Israel cóo' gui' jaléng' dsea' cóøng' quiá'r' cajo. ⁴⁴ Jo Judas Iscariote lami' jéeng' gui, lalab casí'r' jaléng' i' dsea' i' jeeiñ' do e nijmér' coo' li', jo nijíñ' jnang' i' siñ' Jesús, co' cajíñ' ie' jo:

—Ii' i' nimó' 'nú' i' nichu' u' ni', íb' Jesús, joba' séng' na' re jóng, jo tee' na' re e ñúuñ' guiá'.

⁴⁵ Jo mi' tí' li' cangáñ' Jesús, jo cangoquíéñ' fi' quini' dsea' do jo casí'r' lala:

—i' Tifa'!

Jo mifñg' cachu'r' ni' dsea' do. ⁴⁶ Jo casam' jaléng' i' dsea' do Jesús ladsifi' lado jo e ñúung' biñ' do cató'r'.

⁴⁷ Dsu' jaang' lajee' la' ó' dsea' quiá' Jesús caguir' ñisu' quiá'r', jo caquiur' dseáng' logua' jaang' dsea' i' jmóo' ta' quiá' i' jmidsea' i' laniing'. ⁴⁸ Jo Jesús cajming' r' jaléng' i' dsea' do lala:

—¿Jialí' nicañilíng' na' e quié' na' jalé' ñisu' cóo' gui' jalé' 'ma' e laco' nitø' na' jnea' e ñúun' n laco' gui' la cáng' dsea' jaang' ñ? ⁴⁹ Co' laco' jmiñ' nicang' jnea' jee' 'nú' e ée' e 'nú' júu' quiá' Fidié' fi' dsí' sinúu' guá' fé' quí' ii', dsu' ja' ca' í' ó' na' fa' lajü' ie' jo caséng' na' jnea'. Dsu' lanagui' nilitib' náng' laco' gui' la fé' fi' ni' jì' quiá' Fidié'.

⁵⁰ Joba' lajñm' i' dsea' quiá' Jesús do catiúum' bre dsea' do jo cacuí' bre. ⁵¹ Jo dsu' jaang' siming' cangó' bre ti' leáañ' laco' cangáng' Jesús, jo lico' íañ' coo' jmóo' 'mi' lajob. Jo casam' bre i' siming' do cajo; ⁵² dsu' i' siming' do catú' bre e jmóo' 'mi' do jo cacuí' bre la ringúuñ' lado.

Mi' caguiéng' Jesús fi' quini' jaléng' dsea' cóøng'

(Mt. 26:57-68; Lc. 22:54-55, 63-71; Jn. 18:12-14, 19-24)

⁵³ Jo cató' bre Jesús fi' quini' fi' laniing' quiá' jaléng' jmidsea' quiá' dsea' góor' dsea' Israel; jo fi' job caseáng' jaléng' fi' jmidsea' quiá'r' cóo' gui' jaléng' dsea' cóøng' quiá'r'

jogui jaléng' tifa' quiá'- júu^ quiu' ta~ quiá'- dsea` Israel cajo. ⁵⁴ Jo dsu' cangób- Tú^ Simón jib~ cøøiñ` laco' cangó- Jesús cartí' caguiliñ` e fi' sigui' fi' li~ guing~ i jmidsea` laniing- do, dsu' fi' caluub` caje' Tú^ Simón coling~ cóo~ i dsea` i neé' ni~ e guá'- fé' quiá'- dsea` Israel i neáng' jmiguiáng' fi' ca' li~ coo' ji'.

⁵⁵ Jo jaléng' fi' jmidsea` quiá'- dsea` Israel cóo~ gui lajaléng' dsea` cóong~ i quiu' ta~ quiá'r- canaaiñ` 'nó'r e~ jalé' dsee- sea` quiá'- Jesús e laco' nili'r e nijngáin~ dsea` do, jo dsu' ja` cadsé' i dsea` do júi~ cóo. ⁵⁶ Jo fám' dsea` 'náiñ` Jesús cóo~ júu^ e o' já'-, dsu' jmaquíim' júu^ fé'r lajaang` lajaañ` jo júi~ jaañ` ja` cuó'- júu^ rúñ`. ⁵⁷ Jo caróo~ bi jaang` gáng- dsea` e 'náiñ` Jesús cóo~ júu^ e o' já'- jo cajiñ'- lala:

⁵⁸ —Jnea'^ caná'naa' e cajíng'- dsea` na lala: “Jo ni'ím~baa guá'- fé' quí-ii' e si' fi' Jerusalén e cajme' jaléng' dsea`, jogui lajee' 'ni' jmí~ lajob nijmée'~túu cóo'gui e ja` nitaan~n júi~ jaang` dsea` jmigüi' e jme'r-.”

⁵⁹ Jo dsu' dseáng'- ja` cuób' júu^ rúng' júi~ jaang` i dsea` do cóo~ lajii' e síiñ` do.

⁶⁰ Joba' caróo~ i jmidsea` laniing- do jee~ jaléng' i dsea` do, jo lalab cajmingí'r- Jesús: —¿Su júi~ cóo' ja` iin~ ngíi'? ¿E~ e fé' jaléng' i dsea` na e 'náiñ` 'nu'?

⁶¹ Dsu' júi~ cóo' ja` ee' cañi' Jesús quiáin~ do, jo lí^ cajer' tiib-. Joba' caleáb`tu cajmingíi' i jmidsea` laniing- do jo cajmingí'r- dsea` do lala:

—¿Su já'-ba' e 'nab` lin' Dsea` Jmáang~ i nisíng- Fidié' i nicá' nifi' quí- jnea'^, jogui lin' i Jóo' Fidié' camíng' i dseáng'- i güeang'^ do?

⁶² Joba' cañi' Jesús quiáin~ do lala:

—E jáb-, jneab~ í, jogui 'nú' nimáam~ba' jnea~, i dsea` jmigüi' i jáa' fi' ñifi-, e guiin~n lí^ lí dsée' laco'gui la guing~ Fidié' i quíi~ jmí~ jmé- lí^ doñi' ee', jogui e nigáa'a fi' yá' jmigüi' fi' jee~ cabøø~ jni'.

⁶³ Job mi~ i jmidsea` laniing- do canaaiñ` síiñ` sí'r^ dsu' e guíiñ- jo cajiñ'- lala:

—¿E~ gui e güijeeng`guíi' e niline`guíi'? ⁶⁴ Nab nicanáa~na' jial nicafé'r' júu^ ga` uíi~ quiá'- Fidié'. ¿Jial í' óo' 'nú' cóo~ jalé' e nicafé'r' na?

Jo lajim~ i dsea` do casíiñ- røø' e røøm~ dsea` do dsee-, joba' 'né- e nijúum~bre.

⁶⁵ Jo i líng~ i dsea` do canaaiñ` 'ñiim~bre Jesús, jogui qui'r' ni~ dsea` do jogui naaiñ` jnóor' moniñ~ jo jmingí'r- dsea` do lala:

—iNe~duu' su já'- quíi' ñi' i~ i cabá' moni'^!

Jogui jaléng' i jmóo' í' e guá'- fé' do canaaiñ` jnóor' moni~ dsea` do cajo.

Mi~ cajíng'- Tú^ Simón e ja` cuíiñ` Jesús

(Mt. 26:69-75; Lc. 22:56-62; Jn. 18:15-18, 25-29)

⁶⁶ Jo có' do bi guing~ Tú^ Simón e fi' sigui' do ie~ jo, jo lajee' jo mi~ tí' lí' caguié- jaang` dseamí i jmóo' ta~ quiá'- i jmidsea` laniing- do. ⁶⁷ Jo mi~ cangáin~ Tú^ Simón e do bi guíiñ~ do 'ni' ji' jmiguiáin~, lí^ cajer' jøøm~bre dsea` do jo casí'r- lala:

—Cangíb^ já'- 'nu' cóo~ Jesús i seeng` fi' Nazaret do, ¿já^ já'-?

⁶⁸ Dsu' Tú^ Simón cañi'r' quiá'- i dseamí do lala:

—Ja` cúing` jnea~ i dsea` í, dseamí. Ja` ñii- e~ gui e fó' na.

Jo cagüi'í Tú^ Simón fi' lí' o'nú', jo job mi~ caqui' jaang` tuidsee^. ⁶⁹ Joba' cajøøng~tu i dseamí do ír, jo mifíng` canaaiñ` sí'r i dsea` teáng- do ie~ jo:

—I cangi' cóo~ Jesús i dseañu' la cajo.

⁷⁰ Dsu' Tú^ Simón cajiñ'- calé' catú- e ja` cuíiñ` dsea` do. Jo mi'míng~ guíi~ lajo cajíng'- i teáng- do cajo casí'r- Tú^ Simón lala:

—E jáb- dseáng'- 'nab` i cangi' cóo~ Jesús do, ¿já^ já'-?, có' dsea` Galileab lin'.

⁷¹ Joba' Tú^ Simón canaaiñ` jmi'lim'^ 'ñia'r' e jíiñ- e dseáng'- ja` ñir', jo casí'r- dsea` do:

—Ni~ fi-. Dseáng' ja` cuíim~baa i dseañu' i éeng' 'nú' na.

⁷² Job mi~ tí lí~ caqui' tuidsée^ e catí tú- ya', jo joguib cadseng'- dsí' Tú^ Simón cajo e cajím'- Jesús la nú'- gui do lala: "Nú'- gui e níquí'- tuidsée^ e nítí- tú- ya', 'nə̀ nifo'^ 'ní' ya' e ja` cuín' jnea~."

Jo mi~ cadseng'- dsíir' guiá- e jo, canaaín` qui'bre jóng dseáng'- e ngocáng` dsíir'.

15

Mi~ caguiéng'- Jesús fí' quini~ dseata~ Pilato

(Mt. 27:1-2, 11-14; Lc. 23:1-5; Jn. 18 :28-38)

¹ Jo mi~ cajneá- e jmíi jo, jaléng' fii~ jmidsea` quiá'- dsea` Israel caseáng' yaaiñ~ cóo'~ jaléng' dsea` cóong' quiá'r- cóo'~ gui tifa' quiá'- júu^ quiu' ta~ quiá'- dsea` Israel, lí^ lajüing` i dsea` Israel i quie' nifí' i quiu' ta~, jo cató-bre Jesús e 'ñúuiñ'~ fí' quini~ dseata~ Pilato. ² Jo mi~ caguilíng- jaléng' i dsea` í fí' jo, jo dseata~ Pilato cajmingí'r- Jesús lala:

—¿Su já'-ba' e 'nub` i líng' dseata~ dsea` féng' quiá'- dsea` Israel?

Jo Jesús cañír`:

—E jáb'- . Lajob líí lí^ laco'gui la nicafée'~ na.

³ Jo có' jmiguiab' dsee- cuø' jaléng' i fii~ jmidsea` do Jesús, ⁴ joba' cajmingí'-tu dseata~ Pilato Jesús lala:

—¿Su jíí'~ cóo' ja' e iin'~ ngíi'-? Có' dseáng'- jmiguiab' dsee- jmóo' jaléng' i dsea` la quií'- .

⁵ Dsu' Jesús caleáb-tu ja' ee' cañír' jíí'~ cóo'; joba' eáam' dsigá' dsí' dseata~ Pilato.

Mi~ cahuí' ta~ e nijúung- Jesús

(Mt. 27:15-31; Lc. 23:13-25; Jn. 18 :38-19 :16)

⁶ Jo lajee~ e tí e jmíi jo, nitíng` dseata~ Pilato e láaiñ` jaang` dsea` i sijnúng~ lí^ doñí' ií` i máng` dsea` fii'. ⁷ Jo ie~ jo ni'iuung- jaang` i sijnúng~ i sii' Barrabás colíng~ cóo'~ jaléng' i nijmóo' ta~ jngang' jaléng' dsea` fí' jee~ má'~. ⁸ Job mi~ casimó' dsea', jo camí'r' dseata~ Pilato e nijmé- dsea` do lajo, e nileaiñ` jaang` i dsea` sijnúng~ do laco'gui jíí'~ e quií'- tiiñ'.

⁹ Joba' cañíi' dseata~ Pilato quiá'- jaléng' i dsea` do lala:

—¿Su iing~ 'nú' e nilaan- i dseata~ dsea` féng' quiá'- dsea` góo'na' dsea` Israel?

¹⁰ Jo có' calilíb' i dseata~ do jéeng'gui e lí^ uí'~ e dsihuím' jaléng' i fii~ jmidsea` do quiá'- Jesús, joba' cajáng'neiñ'. ¹¹ Dsu' jaléng' i fii~ jmidsea` do canaaín` ta'r' mii'~ jo canaaín` s'r' jaléng' dsea` jéng'gui e guiá- gui e nileáng` Barrabás. ¹² Joba' cajmingí'-tu dseata~ Pilato lala:

—Jo ¿e~ iing~ 'nú' e nijmee~ e cóo'~ i dsea` i fí' 'nú' dseata~ dsea` féng' quiá'- dsea` góo'na' dsea` Israel?

¹³ Jo cañíi'-tu jaléng' i dsea` do cóo'~ júu^ teá':

—jGüitáíñ- fí' dse' crúu'!

¹⁴ Jo cañíi'-tu dseata~ Pilato:

—¿E~ gui e ga' e nicajmée` i dseañu' na?

Dsu' i dsea` do caleáb-tu canaaín` ta'r' mii'~ jo fé'r`:

—jGüitáíñ- fí' dse' crúu'!

¹⁵ Jo có' i dseata~ Pilato do contøøm- iin~ e seeíñ` guiá- cóo'~ jaléng' dsea', joba' caguíim'bre i Barrabás do dsí' 'nuiñ'; jo mi~ cangí e jo, caquiur' ta~ e calíhuíng` Jesús cóo'~ 'nii~ jo cajáng'neiñ' do e quiá'- nitáng` dsea` do fí' dse' crúub^ jóng.

¹⁶ Jo jaléng' i 'lée- do cajéem'bre dsea` do fí' ni~ 'núu' jo fí' jo caseaiñ' lajüing` 'lée-. ¹⁷ Jo caquíng'neiñ' do cóo' 'mi' e nú', jogui catá'r- fí' mogui~ dsea` do cóo' lí^ corona e líí cóo'~ layaang~ 'matóo'. ¹⁸ Jo mi~ cangí jo, canaaín` fé'r' teá' lala e lóøng- neiñ':

—jGüiliseem` dseata~ dsea` féng' quiá'- dsea` Israel!

¹⁹ Jo bár' sii~ mogui~ dsea` do, jogui 'ñíiñ' dsea` do, jogui jmicaaiñ~ e jmiféiñ' dsea` do e sí'r' uó- jnir~ fí' quiniñ'. ²⁰ Jo mi~ cangí e lóøiñ- dsea` do lajo, cajé'bre e 'mi' nú' do, jo caquíng'tur dsea` do siiñ^ e lamí~ quiñ'. Jo mi~ cangí jo, caguíim'bre dsea` do e quiá'- niteaiñ- fí' dse' crúu'.

Mi catáng Jesús fi dse' crúu'

(Mt. 27:32-44; Lc. 23:26-43; Jn. 19:17-27)

²¹ Jo lajee e teáaiñ' fi, cajíñ' jaang' dseañu' i sii Simón i seeng' fi Cirene, tiquiá' jaang' i sii Jaang' cóo' gui jaang' i sii Rufo, jo nijaiñ' do fi jenuu' fi li' jmóor' ta, jo jaléng' i dseá' i ngolíng' do cajmeaiñ' 'goo' i Simón do e nijéiñ' crúu' quíá' Jesús.

²² Jo cajém bre Jesús fi cóo' li' sii Gólgota e guóng' Cuo' Mogui' 'Lii'. ²³ Jo cacuø'r Jesús jmá' jmii' huíng' jó' e sicáang' cóo' cóo' oo' e sii mirra e si'í' ni'í' dseá' do, dsu' Jesús ja' cali'íiñ' fa' e calí'r' e jo. ²⁴ Jo job mi' cateáaiñ' dseá' do fi dse' crúu'; jo jaléng' i 'léé' do canaaiñ' cóor' quíá' e nijmér' guiéé' si'í' Jesús, jo ne' duu' e nilí'r' nicóor' lajaang' lajaaíñ'.

²⁵ Jo ngóo' jia la ii' ñú' e la'ee' mi' cateáaiñ' dseá' do fi dse' crúu'. ²⁶ Jo catéer' cóo' 'majmá' jia fi yá' gui' dseá' do e tóo' e uiing' e jmáíñ' dseá' do lado, jo lalab tóo': "I lab dseata' dseá' féng' quíá' dseá' Israel." ²⁷ Jo cateáang' guir gáng' ii' colíng' cóo' Jesús, jmá' jáng' crúu' lajaaíñ' do, jaang' la cataang' cáang' dseá' do. ²⁸ Jo lajob caliti' laco' la fé' fi ni' jì quíá' Fidiéé' li' fé' lala: "Cali'íiñ' jee' jaléng' dseá' i 'léé'."

²⁹ Jo jaléng' dseá' i ngíng' lajee e táang' Jesús fi dse' crúu' lico' guia'r' gui' bre e jóoiñ' dseá' do jo fé'r' lala:

—iJaa'! ¿Su o' 'nu' bi i fé' i lí' qui' guá' fé' quíá' dseá' góo', jogui cóo' 'ni' jmii' lajo lí' jmée' tu'?

³⁰ Jo lana leaang' uø', jo güíng' fi li' tán' fi dse' crúu' na.

³¹ Jo lajobi jaléng' fii' jmidseá' quíá' dseá' Israel cóo' gui jaléng' tifa' quíá' júu' quiu' ta' quíá'r' dseáng' lóøm bre dseá' do, jogui síiñ' lajee yaaiñ' lala:

—Caleám bre jaléng' dseá' jiéng', dsu' 'ña'r' jo quí'r' jmii' fa' e nileáng' gui 'ña'r' náng.

³² Song nine'naa' e nijgiáaiñ' fi dse' crúu' fi li' táaiñ', joguiba' já' nilí'naa' jóng e í bre líiñ' Dseá' Jmáang', i dseá' i sijeeng'naa' i nicá' nifi' quí' ii', jogui i nilíng' dseata' dseá' féng' quí' ii' cajo.

Jo jì gui cartí' i ii' i taang' cáaiñ' do, gab' fé'r' uí' quíá' dseá' do cajo.

Mi cajúng Jesús

(Mt. 27:45-56; Lc. 23:44-49; Jn. 19:28-30)

³³ Jo mi' catí' guieñí' e jmii' jo, dseáng' latøng' e fi jo calinú' congua', jo lajob lí' cartí' la ii' 'ni' cal'loo'. ³⁴ Jo e í' job mi' ca'óo' Jesús teá' jo cajíñ' lala:

—Eloi, Eloi, ¿lama sabactani? —e guóng': Fidiéé' quíé' e, Fidiéé' quíé' e, ¿jali' nicatiun' jnea'?

³⁵ Jo i líng' dseá' i teáang' do ie' jo canúur' e jo, jo cajíñ'':

—Fing na núu' na', lana tó'r' i café' cuaiñ' quíá' Fidiéé' malii' gui eáang' i calisí' Líí'.

³⁶ Joba' ladsifí' ladob cangó' jaang' i dseá' do, jo cangoquier' cóo' joo' e nisiyá' jmá' jmii' huíng' jó' e tí', jo caquíñ' e joo' do fi cóo' yá' tá' jo caséer' e laco' niyú' Jesús jo cajíñ' lala:

—Ja' ee' cang' na're, majeeng' duu' su nijáa' i Líí' do e nijajgiáaiñ' dseá' na.

³⁷ Job mi' ca'óo' Jesús e teá' eáang' jo cajúm bre. ³⁸ Jo mifíng' job cajo casím' e 'mi' fé' e í' fi sinúu' guá' fé' quíá' dseá' Israel e si'í' Jerusalén jo calí' tú' fío' catí' yá' jogui catí' uii'. ³⁹ Jo mi' calilí' i fii' 'léé' romano i sing' jmóo' í' cáang' Jesús e nicajúm dseá' do, joba' cajíñ' lala:

—Dseáng' e já' ba' e i dseañu' na líiñ' i jóo' Fidiéé' camíng' do.

⁴⁰ Jogui huí' bjiu teáang' cóo' tú' míng' dseamí' e jóø'r' fi jo; jo jee' í' quíng' Yá' i seeng' fi Magdala, jogui Salomé, jogui Yá', niquiá' Tíaa' i jiuung' do jogui niquiá' Sé' cajo. ⁴¹ Jo jaléng' i dseamí' na cangi' bre e jmicoø'r' cóo' li' ee' go' 'né' Jesús ie' lamí' cateáaiñ' fi li' se' Galilea. Jogui i fíim' b'igui dseamí' i jiéng' i teáang' do ie' jo cajo i cajalíng' fi Jerusalén cóo' dseá' do.

Mi ca'áng Jesús

(Mt. 27:57-61; Lc. 23:50-56; Jn. 19:38-42)

⁴² Jo jaquiéeng' e tí lí~ ní' núa' ie~ guati'ló~ jmí~ e guia' dsea` Israel guiá~ e nití~ jmí~ e jmi'íñ'. ⁴³ Jo ie~ job mí~ caguié~ jaang` dseañu' i siú` Sé` i seeng` fí' coo' fi' e siú` Arimatea, jo i dsea` la líiñ' jaang` i níing~ quiá'- jaléng` dsea` cóong' i quiá' ta` quiá'- dsea` Israel, jo sijeem`bre cajo e Fidié~ nicá' nífi' quiá'r~; jo dseáng'- teáb` táang` dsíir' cangór~ fí' lí~ guíing~ dseata~ Pilato, jo camír' fí' e nidsi'áaiñ' Jesús. ⁴⁴ Jo cangogáb` dsíi' dseata~ Pilato e nicajúm~ Jesús, joba' cató'r~ i fií' 'léé~ e quiá'- nijmingi'~reiñ' do jial tíi' níngóo' e cajúng~ dsea` do. ⁴⁵ Jo mí~ cajmea' i fií' 'léé~ do júu^ i dseata~ do, joba' dseata~ Pilato cacuø'bre fí' i Sé` do e nidsi'áaiñ' Jesús. ⁴⁶ Jo i Sé` do calár~ coo' 'mí' e niguo'^ eáang' e quiá'- niquiíñ'- Jesús. Jo cangojéem`bre dsea` do fí' lí~ ní'áaiñ~ fí' coo' dsíi' too' jáá', jo cajlír~ e ní~ do cóo' coo' cuu~ e fe'. ⁴⁷ Jogui Yá' i seeng` fí' Magdala cóo' Yá' niquiá'^ Sé` i jaang`gui do cangá~bre jie~ lí~ ca'áaiñ~ dsea` do.

16

Mí~ cají'tu Jesús

(Mt. 28:1-10; Lc. 24:1-12; Jn. 20:1-10)

¹ Jo mí~ nicásúung~ e jmí~ e jmi'íng' dsea` Israel, i Yá' i seeng` fí' Magdala jogui Salomé cóo'gui Yá', niquiá'^ Tiáa~, calár~ jmí~ jmeafi~ e quiá'- e nidsisuiiñ~ Jesús fí' lí~ iuung~ dsea` do. ² Jo eeb' e jmí~ la'uii~ quiá'- semaan~ cangoliñ' fí' lí~ ca'áng~ Jesús, jo caguiliñ~ e lico' nicaguá'- iee', ³ jo síiñ~ lajee~ yaaiñ~ lala:

—¿I~ nijé' e cuu~ e jlí' fí' otoo' éé' lí~ ca'áiñ~ do?

⁴ Dsu' mí~ cangár~ røø', e cuu~ e cajlír~ ní~ otoo' quiá'- e éé' do jo` róo' éé' quiá'- . ⁵ Jo cangotáam~bre e fí' dsíi' tó' éé' do, jo fí' job cangáiñ~ jaang` síming' i guíing~ lí' lí' dsée' i qui' coo' 'mí' té' e cuee'. Jo eáam' caføng' i dseamí' do, ⁶ dsu' i síming' do cañír' lala:

—Ja' fòøng'~na' jii' coo'; co' ñi'baa e 'náng'~na' Jesús i seeng` fí' Nazaret i cajúng~ fí' dse' crúu^ do, dsu' lanagui nicajíb'tur, jo jo' iuuiñ~ fí' la lana. Fí' na jøø'~na' e fí' lí~ catiraaiñ'- do, jo ii' seeng` jii' jaang`. ⁷ Güilíng'~na' jo güijmée'~na' júu^ dsea` guijáng' quiá'r~, jo jee~ jo quíing'~ Tá' Simón cajo, jo síi'~na'r lala: “Jéeng'gui nidsé~ Jesús fí' lí~ se' Galilea laco'gui 'ná', jo fí' job nimáang'~na're lí' laco'gui jii' e cajíñ'- ie~ lamí~ ná' gui e nijngáng'- dsea` ír'.”

⁸ Jo mí~ cangí' e jo, ca'uøøm` i dseamí' do e cuíir' e fí' lí~ ca'áng~ dsea` do, co' dseáng'- eáam' jléeiñ' e 'gó'r'. Jo jii' jaang' ja ii' cajmea' i dseamí' do júu^, co' dseáng' 'gó'bre.

Mí~ cajmijnéeng' ñia' Jesús fí' quini' i Yá' i seeng' fí' Magdala

(Jn. 20:11-18)

⁹ Jo mí~ nicangí' e nicají' Jesús, mí~ cajneá~ e jmí~ la'uii~ quiá'- semaan~ do, jo la'uii~ cajmijnéeng' ñia'r' fí' quini' i Yá' i seeng` fí' Magdala, i dseamí' i ca'uøøng' guijáng~ i 'líng' fí' dsíi' lamí~ jéeng'gui. ¹⁰ Jo i Yá' do ladsifí' cangojmée'r' júu^ jaléng' i dsea` i cangí' cóo' Jesús do; jo jaléng' i dsea' í' dseáng'- eáam' fí' í' líiñ' jogui neáaiñ' ta` qui'. ¹¹ Jo mí~ canúu~ i dsea` do e nicajíb'tu Jesús jogui e nicangám~ i Yá' do, jo dsu' ja' já' calíng~ i dsea` do ladsifí' lado.

Mí~ cajmijnéeng' ñia' Jesús fí' quini' gáng~ i dsea' quiá'r~ do

(Lc. 24:13-35)

¹² Jo mí~ cangí' e jo, cajmijnéem' ñia' Jesús fí' quini' gáng~ lajee~ i dsea' quiá'r~ do lajee~ ngoliñ~ e teáaiñ' fí' fí' jee~ mó'. ¹³ Joba' ladsifí' ladob caquim'-tu i dsea' gáng~ do, jo cangojmée'r' júu^ i caguiaang~gui do; jo dsu' ja' já' calíñ' do cajo ladsifí' lado.

E ta' e cacuø' Jesús jaléng' dsea' quiá'r~

(Mt. 28:16-20; Lc. 24:36-49; Jn. 20:19-23)

¹⁴ Jo mí~ cangí'gui lajo, lajee~ e neáang' i dsea' guijáng' quiá'r~ e gø'r' fí' 'ní' mes~, jo lajee~ jo mí~ cajmijnéeng' ñia' Jesús fí' quini' jaléng' i dsea` do, jo cajíim~breiñ' do, co' dseáng' ja' já' mí' líim'biñ' do e nicajíb'tur; jogui co' eáam' ue' moguiñ' cajo, joba' ja' já' calíñ'

do ladsifí lado mi~ cajíng' i dsea`i cangá quiá'r e nicají'tur. ¹⁵ Jo casí' Jesús i dsea` do lala:

—Güilíng-na' fí la'úng fí jmigüí, jogui güigua~na' júu^ jee~ jaléng` dsea` jmigüí jial nileáng` dsea` jee~ jalé` dsee~ quiá'r. ¹⁶ Jo jaléng` i dsea` i já' nilíng` júu^ quié`e jogui e nisáin` jmi e laco' cuø' li e nica'uíin` dsea` quié`e, joba' i dsea` í nileám`bre jóng jee~ jalé` dsee~ quiá'r; dsu' i dsea`gui i ja`já' nilíng` júu^ quié`e, joba' i dsea` í latab`ni'naaiñ` quiá' Fidié. ¹⁷ Jogui niñim` jaléng` i dsea` i já' líng` júu^ quié`e e nilí`bre uóin` i 'líng` i teáng` dsí' dsea` la'eáng` cóo' júu^ quié`e; jogui niñim`bir cajo e nifé'r` jmi' e ja` mí` ñir` jéeng`gui; ¹⁸ jogui nilí`bir e sáin` mi' i guíng` cajo e ja` nicúin` do quiá'r, jogui song ni'í'r` lafa' oguí, ja` ni'lé` quiá'r` jíi' cóo; jogui niñim`bir e nilí'r` jmi'leáaiñ` jaléng` dsea` dséé` cajo e lico' niquidsir` guóor` fí yá'^ moguiñ', jo ni'leám`biñ' do jóng.

Mi~ cangáng'-tu Jesús fí ñifí-

(Lc. 24:50-53)

¹⁹ Jo mi~ cangá e casí' Fí'naa' Jesús jaléng` i dsea` quiá'r do lajo, joba' cajgóo`bre fí yá'^ jmigüí jóng, jo cangám'-tur fí ñifí fí li~ cajar, jo cangogüea`tur lí' lí dséé' laco'gui la guíng` Tiquiá'r` Fidié. ²⁰ Jo mi~ cangá jo, ca'uøøm` jaléng` i dsea` do fí la'úng` fí jmigüí e cangoguiar` júu^ quiá' jial laang` dsea` jee~ jalé` dsee~ quiá'r, jo 'ñiab' Fí'naa' jmicóo'r` i dsea` í e guiaiñ' do júu^ quiá'r, jogui ca'e'bir dsea` jmigüí e dseáng'- e já' júu^ quiá'r, co' jaléng` i dsea` do jmóor` jalé' e dsigá dsí' dsea` la'eáng` cóo' güea'^ quiá' Fí'naa'.

Jo lajob nilí.

Jo lanab jíi' lí' júu^ quiá' Fidié e cajme' Marcos.

E lab júu^ quiá^- Dsea` Jmáang^- e cajme' LUCAS

E uing~ e cajme' Lucas e ji` la

¹ Teófilo, niñib^ 'nu` e fñim` dsea` cajme'r' fí' ni` jì` jalé' e nicalí^- jee~ jneaa~aa', ² jo cajme'r' laco' júu^ e cajmée` jaléng' i dsea` i cangá^- jial calí^- lamí~ cagüéng^- Jesús fí' jmigüü` la, jo i dsea` íb` i ca'e` jalé' júu^ quiá^- Jesús cajo. ³ Jo nica'nób' jnea~ cajo, jo nicalidseám' dsii^- jalé' e já^- e calí^- latí' mi~ uing~ jo latí' lana, joba' nijmée'~ e 'nu` júu^ jial calí^- lamí~ cateáng` Jesús fí' jmigüü` la, ⁴ jo lajoba' dseáng^- lajang^- niliñí'^ jalé' e júu^ e nica'e' dsea` 'nu`.

Jaang` ángel cajmээр` júu^ e niliseeng` Juan i seáng` dsea` jmii`

⁵ Jo lajee` líng` Herodes dseata~ dsea` féng' quiá^- Judea, jo seeng` jaang` jmidsea` quiá^- dsea` Israel i sii` Zacarías, i líng` dsea` quiá^- jaang` jmidsea` i sii` Abías. Jo i dseamf` quiá^- i Zacarías do siir` Elisabet, siju` jaang` jmidsea` i calisí` Aarón. ⁶ Jo laji` huáam~ bre núu'r~ jalé' ta~ quiu' Fidiée~, jo eámam` guiüiñ^- fí' quini` dsea` do cajo e laco' jii~ jaang` dsea` ja` cuóøng` cuó'-reiñ` do dsee-. ⁷ Jo dsu' ja` i jóor` seeng`, co' i dseamf` do ja` cuóøng` nidsiquieeiñ` yuu, jogui dsím^- nidseáaiñ^- laji` huáaiñ^- do cajo.

⁸⁻⁹ Jo coo` jmii` catíng^- jaléng' jmidsea` e lí~ quíng' Zacarías do e nijmiféiñ' Fidiée` fí' dsíi' guá^- fé' e si' fí' Jerusalén, jo nitíng^- lajee` la'ó' jmidsea` e guíng' yaaiñ` i` i nitíng^- e nijír^- su` fí' nife', jo Zacaríasbing' catíng^- ie~ jo. ¹⁰ Jo 'ñiab' Zacarías ca'ír^- tí' nife' ie~ jo e quier` e su` do. Jo lajee` coo` e su` do, lajalém' dsea` teáaiñ^- fí' caluu` e jmiféiñ' Fidiée`. ¹¹ Jo lajee` iuung^- Zacarías fí' nife' do, jo coo` cajném^- jaang` ángel quiá^- Fidiée` lí' lí' dsée' e nife' e lí' iuuiñ^- jir` e su` do. ¹² Jo mi~ cangáng^- Zacarías i ángel do, dsíng^- cafóñ' jii' ja` ñir` e~ nijmér-. ¹³ Jo cajíng^- i ángel do casí'r^- Zacarías:

—Ja` fóøñ~, Zacarías, co' nicanúub^- Fidiée` lajii~ júu^ e nicamí~na'r do, jo lana dseamf` quií^- nidsiquieeiñ~ jaang` yuu` siñuu^ i nitó' e nilisii` Juan mi~ niliseeiñ`. ¹⁴ Jo fñim` dsea` nili'íáang` dsíir` jogui dsíng^- nili'íáang` óo' 'nú' e niliseeng` i yuu` quií^-na' do cajo, ¹⁵ co' mi~ nicuáañ, dsíng^- niliféiñ' fí' quini` Fidiée`. Jo ja` méé' ni'í'r` carta~ niteaiñ^- fí' jmigüü, jogui ná^-gui e niliseeiñ, ni'íñ' Jmiguü` quiá^- Fidiée` e nijmicóo' quiá'r^- lajii~ ta~ e nijmér^- fí' jmigüü` la. ¹⁶ Jogui nijmér^- e niqúi^- jíng' yaang~ fñim` dsea` Israel fí' quini` Fidiée`. ¹⁷ Jo i Juan do ni'íñ' Jmiguü` quiá^- Fidiée` laco' ca'íng' jaang` dseañu' i calí'gøng' eáang` i calisí` Líi', jaang` i café' cuaiñ^- quiá^- Fidiée` malí~gui eáang'. Joba' i Juan na niguiár^- júu^ mi~ nijaquíéng' e nijáa` Dsea` Jmáang^- e laco' røøb` nisíng^tu jaléng' jóo' dsea` cóo' jaléng' sejmiir, jogui e laco' jaléng' dsea` i jo` núu~ júu^ quiá^- Fidiée` niqúi^- jíng' yaaiñ^- mi~ ninúr^- jalé' júu^ e niguiá^- i dsea` í. Jo lajoba' nijmér^- e niguiéng^- guiá^- yaang~ dsea` e nijmicuüiñ` Dsea` Jmáang^-.

¹⁸ Jo mi~ cató' e fé' i ángel do jalé' júu^ quiá^- Fidiée~, jo cajmingi' Zacarías i ángel do:

—Jial nilíta~ dsí` jnea~ jalé' e jo, co' nidseáam~baa' eáang` cóo' dseamf` quié' e?

¹⁹ Jo cañí` i ángel do:

—Jneab~ i ángel Gabriel, jo jmóo`o jalé' ta~ e iing~ Fidiée~, jo íb` dsea` casíñ` jnea~ e cagajmée'~ e 'nu` jalé' e juguiá^- e nifá^-a na. ²⁰ Jo dsu' uíi~ e ja` já^- calín' jalé' júu^ quié' e, joba' latí' lana nijá'^ e jo` lí' fo'^ jii~ camí'^ júu^ cartí' nilíti~ lajii~ júu^ e nifá^-a na, jo joguib` nifo'tu' jóng.

²¹ Jo lajee` sáing` Zacarías cóo' i ángel do, jo caluu` guá^- féb' teáang^- jaléng' i dsea` i sijeeng^- ír` do. Jo lajaléng' i dsea` do ninaang` í' dsíir` jiali' calí'íng~ Zacarías eáang' fí' lí~ cangór^- fí' nife' do. ²² Jo dsu' mi~ cagüi'ñ` Zacarías fí' jo, jo` lí' fé'r'. Joba' dsifí' lajob calilí'^ jaléng' i dsea` i teáang^- caluu` do e liim~ba' e cangáañ^- do e fí' dsíi' guá^- do. Jo dsifí'

ladob canaang` Zacarías e jmóor` li` cóo` guóor` quiá` jial e cangár` do, jo cangocá`bi e líiñ` lado.

²³ Jo mi` cangá` jo, mi` catá` í` e cadsíng` lajii` jmí` e catíng` Zacarías e iuuiñ` fí` sinúu` guá` do, jo cangám`-bre fí` quiá`r`. ²⁴ Jo mi` calicóong`gui lajo, yuub` cacóong` dseamf` quiá`r`. Jo lajee` 'ñíng` si` jo` cagüi`í` i` dseamf` do sinúu` quiá`r`, jo lajee` jo` í` dsír`: ²⁵ “Gui`máam` Fidié` quiá` e guiá` e jmóor` cóo` jnea` e laco` jo` nífé` dsea` ga` uii` quié`-e.”

Mi` cajmée` i` ángel do júu` e niliseeng` Dsea` Jmáang`

²⁶ Jo mi` cadsíng` jñúung` si` lajo, cóo` jmí` casíng` Fidié` i` ángel Gabriel do fí` cóo` fí` lí` sií` Nazaret e née` fí` lí` se` Galilea. ²⁷ Jo casíñ` dsea` do fí` quiá` jaang` simf` i` sii` Yá` i` ninée` júu` quiá` cóo` jaang` siming` siju` Davi` i` sii` Sé`. ²⁸ Jo mi` caguié` i` ángel do fí` quiá` i` simf` do jo casí`-reiñ`:

—Juguiá` o` quií`, simf`, có` 'nub`ing` i` nicaguíng` Fidié` lajee` lajaléng` dsea` i` seeng` fí` jmigüi`, jo Fidiéeb` nijmicóo` 'nub`.

²⁹ Jo mi` canúu` i` simf` do júu` quiá` i` ángel do, dsíng` cangogá` dsír` jo ca`f` dsír` e` uuing` e cajíng` dsea` do lado.

³⁰ Jo cajíng` tu` i` ángel do:

—Ja` fóon` jii` cóo`, có` iáam` dsír` Fidié` cóo` 'nub`, ³¹ jogui` lana nigüi`quiéen` jaang` yuub` siñúu`, jo mi` niliseeiñ`, nitó`na` e nilisiir` Jesús. ³²⁻³³ Jo mi` nicuáiñ`, nijmé` Fidié` e nilíiñ` jaang` dsea` féng` laco` calíng` i` siju` Davi` do. Jogui` i` yuub` do quií`-latab` niquiá`r`-ta` quiá`-lajaléng` dsea` Israel, jogui` niquiá`r`-ta` cajo` fí` la`úng` fí` jmigüi`, jogui` nilisiir` Joo` Fidié` dsea` guing` ñiff`.

³⁴ Joba` cajmingi` Yá` i` ángel do:

—¿Jial cuóong` nilí` lajo? Ja`gui` cóo` dseañu`.

³⁵ Joba` cañi` i` ángel Gabriel do:

—Fidié` dsea` guing` ñiff` nijmér` cóo` güea` 'gøng` quiá`r` e niquin`-lafa` jee` cabøø` jnií, jo lajee` joba` nicuø`r` 'nub` Jmiguí` quiá`r`, jo joguiba` nigüi`quiéen` i` yuub` güeang` i` líng` Joo` Fidié` do. ³⁶ Jogui` i` nií` i` sii` Elisabet, jaang` dseamf` i` niyúng` eáang`, jñúung` si` ningóo` e quíeeiñ` jaang` yuub` siñúu`. Jo i` dseamf` do i` nica'éeng` dsea` eáang` e ja` jiuung` nicóøiñ`, yuub` niquíeeiñ` lana, ³⁷ có` jaléb` tíng` Fidié` jmér`.

³⁸ Joba` cañi` Yá`:

—I` quiá` Fidiéeb` jnea`. Güijméeb` Fidié` cóo` jnea` laco` nicafee` na.

Jo mi` calí` sñiñ` lado, jo cangám` tu` i` ángel do fí` lí` cajar`.

Mi` cangó` Yá` e cango`eer` Elisabet

³⁹⁻⁴¹ Jo dsifí` mi` cangá` lajo, cangó` Yá` fí` cóo` fí` e née` fí` jee` mó` lí` se` Judea e cango`eer` i` nár` Elisabet i` cóo` Zacarías do.

Jo mi` caguié` fí` jo, jo cangoféeiñ` dsea` do. Jo mi` cató` Yá` cató`r` Elisabet, dsifí` ladob cajóng` i` yuub` i` iuung` dsí` tu` Elisabet, jogui` dsifí` ladob ca`íng` Elisabet Jmiguí` quiá` Fidié`. ⁴² Joba` cajíng` i` Elisabet do casí`r` Yá` e ngocáng` dsír` jo cajíñ`:

—'Nub`ing` i` nicajmigüeang` Fidié` lajee` lajaléng` dseamf` i` seeng` fí` jmigüi`, jogui` nicajmigüeaiñ` yuub` quií`-cajo. ⁴³ ¿I` jnea` e nija`ee` niquiá` Fí` i` jnea`? ⁴⁴ Có` mi` canú`-u e cate` jnea`, dsifí` ladob cajóng` yuub` quié`-e lí` iuuiñ` fí` dsí` tú`-u e iáang` dsír`. ⁴⁵ Joba` eáam` juguiá` quií`, có` jáb`-calín` e niliti` jalé` júu` quiá` Fidié` e cacuø`r` 'nub`. ⁴⁶ Joba` cajíng` Yá`:

Dsíng`-jmifén` jnea` Fidié`,

⁴⁷ jogui` dsíng`-iáang` dsii` cóo`r` cajo,

co` í`bre dsea` caleáiñ` jnea` jee` dsee` quié`-e.

⁴⁸ Dsu` jnea` líñ`n jaang` dsea` quiá` Fidié`

i` ja` jmiféng` 'ñia`, jo sí`ím` Fidié` jnea`,

jō lati' lana jō carti' rōo` jmīgūi' nifé' jaléng' dsea` jmīgūi' juguiá' uui' quié' e.

49 Co' Fidiéeb' dsea` 'gøiñ' fi' la'úng' fi' jmīgūi',

jōgui jmīgūiáb' jalé' e nicajméer' cōo'~ jnea' cajo,
co' íbre dsea` güeaiñ' fi' latøøng' fi' jmīgūi'.

50 Jōgui contøøm' nilí fi' líiñ' jaléng' dsea` i nijmi'gó' ír'.

51 Jō íbre tiiñ' jmér' lí' doñí' ee',

jōgui cajméer' e cajgiéem' jalé' e í dsí' dsea` i jmicóøng' yaang'.

52 Jōgui cajgiáam' bre uó' jaléng' dsea` i óo' ta' ñí',

jōgui yúb' caseaiñ' jaléng' dsea` i ja' jmicóøng' yaang'.

53 Jōgui juguiáb' cacuø'r' jaléng' dsea` i ja' 'ga' lí' sea' quiá'~,

jōgui cajmilíim' bre guoo' jaléng' dsea` sea' cuu'.

54-55 Jōgui cajmicóo'r' jaléng' dsea` góor' dsea` Israel

i caguíñ' lamí' jéeng'gui i nilíng' dsea` quiá'r'~,

co' lajōb júu' caséer' cōo'~ 'lí' yúu' qui'ii' i sií' Abraham e nilí fi' líng' Fidiéé'~
jneaa'aa',

jōgui nijmicóo'r' jneaa'aa' lata'.

Jō jalé' e júu' na cajíng'~ Yá' ie' jō.

56 Jō cajeb' Yá' gaang' si' cōo'~ i Elisabet do. Jō mi' cangí' jō, jōguiba' cangáng'~tur fi' quiá'r'~.

Mí' caliséng' Juan i seáang' dsea' jmí'

57 Jō mi' cangí' jō, cadsím' jmí' e niliseeng' yuu' quiá'~ Elisabet, jō jaang' yuu' siñuub' caliséng' quiá'r'~. 58 Jō dsíng'~ cali'íang' dsí' jaléng' rúíñ' cōo'~ jaléng' dsea` i neáang' lacúng' lajíng' lí' neáaiñ', co' calilí'r' e dsíng'~ guiá' e cajméé' Fidiéé' cōo' i Elisabet do.

59 Jō mi' cadsí'~ i yuu' quiá'~ Elisabet do jñiá' jmí', jōba' cangojéeng'neiñ' e nitó' lí' fi' ngúu' táaiñ' laco' e qui'~ títng' dsea` Israel. Jō mi' cajméer' lajō, si'í' nilisii' i yuu' do laco' sií' tiquiá'r' Zacarías. 60 Dsu' i Elisabet do cañí'r' jō casí'r' jaléng' i dsea' do:

—U'~, Juam 'né' nilisiiñ' na.

61 Jōba' cajíng'~ i dsea' caguiaang' do casí'r' Elisabet:

—Jō ¿jiali' nilisiir' lajō? Jí'~ jaang'gui dsea' sinúu' qui'~ ja' siir' lajō.

62 Jōba' cajmíng'~ i dsea' caguiaang' do Zacarías e jmóor' lí' cōo'~ guóor':

—Jō ¿jial nilisii' i yuu' la, fó' 'ñu'?

63 Jō Zacarías camí'r' cōo' lí' nijmé'r' jial iñ' e nilisii' i yuu' do, jōba' cajme'r' e Juam nilisiiñ' do. Jō dsíng'~ cangogá' dsí' jaléng' i dsea' do e calisí' i yuu' do Juan. 64 Jō dsifí' ladob cana' oo'~ luu' Zacarías jō canaaiñ' jmiféiñ' Fidiéé'.

65 Jōgui jaléng' dsea` i neáang' lacúng' lajíng' lí' guíng'~ Zacarías eáam' cangogá' dsír' quiá'~ jalé' e calí' do, jō lajōbi lacaang' jee' mó' lí' se' Judea eáam' caliseá' e júu' jō. 66 Jō lajíng' dsea` i caliñí' jalé' e calí' do cajmíng' rúíñ':

—¿E' si'íng' i yuu' la mi' nicuáiñ'? Dsuco' eáam' lí' e jmicóo'~ Fidiéé' quiá'r'~.

Jalé' e ca'ø' Zacarías quiá'~ Fidiéé'

67 Jō mi' cana' oo'~ luu' Zacarías, dsifí' lajōb ca'íñ' Jmíguí' quiá'~ Fidiéé' jō canaaiñ' fé'r' jalé' júu' e cangíiñ' cacuø' Fidiéé' ladsifí' lado jō cajíñ'~:

68 Güijmifém' jaléng' dsea` Fí'naa' Fidiéé' quiá'~ dsea` Israel,

dsuco' nicajár' jee' jneaa'aa', dsea' lí'naa' dsea' quiá'r'~,

jō nicaleáam' bre jneaa'aa' jee' jalé' dsee' qui'naa'.

69 Jō caguíñ' lajee' lajaléng' siju' dseata'

dsea' féng' Daví' i jmóo' ta' quiu' Fidiéé' do jaang' i 'gøng'gui eáang'

e quiá'~ nileáiñ' jneaa'aa' jee' jalé' dsee' qui'ii'.

70-71 Co' lajōb júu' cacuø' Fidiéé' jaléng' dsea' quiá'r'~ i nicafé' cuaiñ' quiá'r'~ mali'gui eáang'

e nileáiñ jneaa~aa' jee~ jaléng' i 'ní' níng~ jneaa~aa'
 jogui jee~ jaléng' i guíng~ quí~naa' cajo,
 72 jogui nilí' fí' lím~bre jaléng' 'lí' dsea` cóong'~ quí^naa',
 co' ja` ni'ling~ dsír' lajii'~ júu^ e cajmirór`
 cóo'~ 'lí' yúu'~ quí^ii' Abraham lajii'~ mali'gui eáang'.

73 Jo e lab júu^ e cacuø' Fidié~ i Abraham do ie~ jo:

74 e nileáiñ jneaa~aa' jee~ jaléng' i 'ní' níng~ jneaa~aa',
 joba' jneaa~aa' nijmó^naa' e ngocáng` dsi'naa' lí^ dseáng'~ laco' iing~ Fidié~,
 jo jo' e 'gøng'naa' jii'~ coo' i dsea' i 'ní' ní~ quí~ii' do jóng.

75 Jogui lata~ see~naa' fí' jmigüí' la,
 nisee~naa' e lí'naa' dsea` güeang'^ quíá'~ Fidié~ jogui dsea' i ée` røø` laco' si'í' fí' quini`
 Fidié~.

76 Jo mi~ calí~ e jo, jo lalab casí'~ Zacarías i yuu' do:

Jogui 'nu', yuu' quí~ii', nilisii' dsea' i caguíng' Fidié~ dsea` guing~ ñifí~ i nifé' cuaiñ~
 quíá'r~;

co' 'nab` dsea` niguiéen'~ dsea` guiá~,

co' lana nijaquíéeng' e tí' lí~ nijáa' Fí'naa' Dsea` Jmáang~.

77 Jo nijméé~ dsea` júu^ jial nileáng~ Fidié~ jaléng' dsea` jmigüí' e ni'ling~ dsee~ quíá'r~.

78 Jo Fidié~ nijmér~ jalé' e jo, co' dsíng'~ 'neáiñ jneaa~aa', jogui eáam' fí' líiñ~ jneaa~aa'
 cajo.

Joba' nicacuø'r' jneaa~aa' e lafa' nijneá` coo` jì e jlo'^ niing~ 'gøng' fí' lí~ see~naa' lana,

79 jo e joba' nijmicóo'~ quíá'~ jaléng' dsea' i seeng` lafa' sijúung~ lí' nuu' só'.

Jo Fidié~ ni'é'r^ jneaa~aa' fí' guiá~ quíá'r~ e laco'

nilisee~naa' juguiá~ júu^ røø'.

Jo jalé' e júu^ na café' Zacarías ie~ jo.

80 Jo cuaam` i yuu' quíá'r~ do laco' ngóo' jmii~. Jo lajee~ cuaiñ~, eáang' ngóo' licuíñ`
 Fidié~ jogui eáang' ngóo' liguiúíñ~ la'eáang' cóo'~ Jmiguí' quíá'~ dsea' do. Jo mi~ 'lé'
 cacuaiñ~, jo cangór~ fí' coo' jee~ mó', jo job cateaiñ` cartí' mi~ caguié~ jmii~ e nilicuíñ`
 dsea' Israel quíá'r~.

2

Mi~ caliséng` Jesús

(Mt. 1:18-25)

1-2 Jo ie~ jo seeng` jaang` dseata~ dsea` féng' i sii` Augusto i quíu' ta~ ie~ jo, jo seeng` jaang`
 dseata~ dsea` nu'luu~ quíá'r~ i sii` Cirenio i guing~ lãng' ta~ fí' lí' se' Siria. Jo ie~ jo caquiú'`
 i Augusto do ta~ e nilí'ing^ jaléng' dsea'. 3 Jo jaléng' dsea' i taang~ fí' lí' jíe' 'né~ nidsilíñ`
 fí' góo`bre, jo fí' job nilí'íñ^.

4 Jo mi~ cahuí' ta~ lajo, joba' cagüi'í' i Sé' do fí' lí' guíñ` fí' fii' Nazaret lí' se' Galilea, jo
 cangáñ'~ fí' góor` fí' lí' se' Judea fí' coo' fii' e sii' Belén fí' lí' caliséng` i dseata~ dsea` féng' i
 sii' Daví' do, jaang` dsea' siju` Sé' i caliséng` mali'gui eáang'. 5 Jo mi~ cangáng'~ Sé' fí' góor`,
 tée`bre Yá^, co' ninée' júu^ quíá'r~ cóoiñ' do, jogui yuub` niquíéeiñ' do cajo.

6-7 Jo mi~ caguilíñ` fí' Belén, job catí' í' e niliseeng` yuu' quíá'~ Yá^, dsu' ja` lí' calí'r~ lí~
 nijér~, co' dsíng'~ fíng' jaléng' dsea' i caseáng' e fí' fii' do ie~ jo. Jo lí' güing` jaléng' cuea~
 güitáb^ cajer', jo job caliséng` i yuu' do. Jo íb' la'uii~ jóo' Yá^ i caliséng'. Jo mi~ cangí' jo,
 caquiñ'~ coo' 'mi', jo catiráaiñ` dsí' coo' ni'núu' lí' gø' jó', dsuco' ja` lí' sea' lí' guiá' fa`
 niquíér`.

Mi~ cajnéng` ángeles fí' lí' taang~ dsea` jmóo' í' jo'se'

8 Jo mi~ canuu' e jmii~ jo, jo nicaje' coo' tú~ máng' dsea' i jmóo' í' jo'se' quíá'~ fí' lí'`
 caluu' fii' Belén. 9 Jo lajee~ neáiñ` e canuu' e jmii~ jo, coo' cajném~ jaang` ángel i casíng`

Fidiée' fí lí' neáaiñ', jò dsíng' jlo' cajneá' e güea' quíá' Fidiée' do lacúng' lajíng' lí' neáng' i dsea' do, jò dsíng' cafóñ'. ¹⁰ Jò cajíng' i ángel do casí'r' jaléng' i dsea' do:

—Ja' fóong' na' jii' coo', dsuco' juguiáb' quíe' quí'na', jò fím' dsea' nili'iaang' dsíir' uii' e júu' jò. ¹¹ Co' fí' lab góo' dseata' dsea' féng' Daví', jò lana fí' lab nicaliséng' Dsea' Jmáang', dsea' nileáiñ' 'ná' jee' jalé' dsee' quí'na'. ¹² Jò niñi'ba' e mi' nigüi'néng' na'r jò nigüiéng' na'r quíiñ' coo' 'mi' jò ráaiñ' dsí' coo' ni'núu' lí' gø' jó'.

¹³ Jò mi' cató' e café' i ángel do lado, coo' cajném' ángeles i fíng' gui fí' lí' neáng' i dsea' do, jò lajalém' i ángeles do canaañ' e jmiféiñ' Fidiée' lajaléiñ' do jogui canaañ' do ør' lala:

¹⁴ jMajmiféng' naa' Fidiée' dsea' guíng' ñiff',

jogui jaléng' dsea' jmigüi' i seeng' guíá' cóo'r' güiliseem' bre juguiá' júu' røø' cóo' dsea' do!

¹⁵ Jò mi' cató' e ca'ø' i ángeles do, cangolíim'tur fí' lí' jalíiñ'. Jò i dsea' i jmóo' í' jo'se' do canaañ' síiñ' lajee' la'ó' yaaiñ' jò sí' rúiiñ' lala:

—Má'aa' fí' Belén. Mane'duu' jalé' e nicajíng' Fí'naa' Fidiée' quíá' jalé' e nicalí' jmii' na.

¹⁶ Jò catam' i dsea' do fí' lajminá', jò mi' caguilíiñ' fí' Belén, cadséiñ' Yá' cóo' Sé' jogui i yuu' do e ráaiñ' dsí' coo' ni'núu' lí' gø' jó'. ¹⁷ Jò mi' cangí' e cangáiñ' i yuu' do, jò canaam'bre ni'r' júu' lajii' e cajíng' i ángel do cuaiñ' quíaiñ' do. ¹⁸ Jò jaléng' dsea' i canúu' e júu' jò dsíng' cangogá' dsíir'. ¹⁹ Jò dsíng' ca'f' dsí' Yá' quíá' jalé' e calí' ie' jò, jogui ca'mea'bir e júu' jò fí' dsí' moguir'.

²⁰ Jò mi' cangí' jò, caquim'tu' i dsea' jmóo' í' jo'se' do. Jò lajee' ngolíiñ' jò ør' quíá' Fidiée' jò dsíng' jmiféiñ' Fidiée', co' calitib' lajii' júu' e quíe' i ángel do ie' jò.

Mi' cangojéiñ' Jesús fí' guá' fé' e si' fí' Jerusalén

²¹ Jò mi' cadsí' i yuu' do jñiá' jmii', jò cangojéeng' neiñ' e cató' lí' fí' ngúu' táaiñ' laco' quí' títng' dsea' Israel. Jò dsifí' ladob catéer' e calisíñ' do Jesús lí' laco'gui cajíng' i ángel do casí'r' Yá' lajii' mi' ná' gui e nidsiquiéiñ' i yuu' do.

²² Jò mi' cangí' jò, mi' cadsí' Yá' tuló' jmii' e caliséng' i yuu' do, cajmiti'bre lajii' júu' e casé' Moi' e 'né' nilí', joguiba' cangolíiñ' cangojéeng' neiñ' fí' guá' fé' e si' fí' Jerusalén e laco' nidsijeáang' neiñ' fí' quini' Fidiée'. ²³⁻²⁴ Jò mi' nití' í' e nidsilíng' dsea' Israel sinúu' guá' cóo' yuu' síñuu' la'uii' i liseeng' quíá'r', 'né' jéeng' sejmii' i yuu' do gáng' bøsiñ' øsi gáng' mee' quíá' e nijngáng' jmidsea' fí' nife' quíá' e sinúu' guá' do. Jò jalé' e jò cajmée' i Sé' do cóo' i Yá' do ie' jò, co' lalab ta' caquiú' Fidiée' malii'gui eáang': “Song ii' caliséng' yuu' síñuu' la'uii' quíá', í'bing' i nijmé' ta' lí' lajii' e iing' Fidiée'.”

²⁵ Jò ie' jò seeng' jaang' dseañu' fí' Jerusalén i sii' Simeón, jaang' dseañu' i guíung' eáang', jò dsíng' jmiféiñ' Fidiée', jogui sijeeiñ' i nisíng' Fidiée' i nileáng' dsea' góor' dsea' Israel jee' jalé' dsee' quíaiñ'. Jò jéeb' Jmiguí' quíá' Fidiée' quíá' i Simeón do, ²⁶ jò la'eáang' cóo' e joba' caliñir' lajii' lamí' jéeng' gui e ja' nijúuiñ' e ja' mí' cangáaiñ' Dsea' Jmáang', dsea' i nisíng' Fidiée' do. ²⁷ Jò ie' jò cajmée' Jmiguí' quíá' Fidiée' e cangó' Simeón fí' guá' fé' e si' fí' Jerusalén. Jò mi' caguier' e fí' guá' jò, fí' job nitaang' Yá' cóo' gui Sé' e jéiñ' i yuu' Jesús do e jmóor' jalé' ta' e caquiú' Fidiée' e 'né' lí'. ²⁸ Jò mi' cangáng' Simeón i yuu' do jò casang' neiñ' jò canaañ' jmiféiñ' Fidiée' jò cajíñ':

²⁹ Gui'máam'ba' Fí'naa' Fidiée', co' nicalitib' lajii' júu' quí' e cajmée' jnea' jéeng' gui. Joba' dsíng' iáang' dsii' lana, jò nicuøøm' nitøø' jnea' fí' ñiff' quí', jnea' dsea' i jmóo' lajii' e iing' 'nu';

³⁰⁻³¹ co' nicamám'baa i yuu' la, dsea' i nileáng' jnea' jee' jalé' dsee' quí' ii', dsea' see' naa' fí' jmigüi' la.

³² Co' i lab dsea' i líng' e jì' e jneá' jee' jaléng' dsea' jmigüi', jogui la'eáang' i lab cajo e nijmi'gó' dsea' jaléng' dsea' quí' dsea' Israel.

³³ Jo dsíng' cangogá dsí' Yá^ cóo' gui Sé^ quíá' jalé' e cajíng' i Simeón do uii' quíá' i yuu' do. ³⁴ Jo mi' calí' e café' Simeón lajo, jo cataiñ' güea' i yuu' do cóo' sejmiiñ' jogui cajíñ' casí'r Yá^:

—I yuu' la nisi'iñ' mi' nicuáiñ' e niguiár' júu' jial nijmicuíng' dsea' Fidié', joba' fím' dsea' jmigüí' niquí' jíng' yaaiñ' fí' quini' Fidié'. Dsu' seem' dsea' i ja' ni'íng' jalé' júu' e niguiáiñ' do, co' ja' nití' dsír', ³⁵ co' niguiéeb' jmiñ' mi' nilidseáang' dsí' jial' i dsí' lajaang' lajaang' dsea' jmigüí'. Jogui 'nu' dsíng' nilijiuung' o' mi' nijmeáng' dsea' i yuu' la quí' mi' niféiñ'.

³⁶ Jo mi' calí' e fé' Simeón lajo, jo cajám' bre i yuu' do cóo' sejmiiñ'. Jo dsifí' ladob cangoquiéeng' jaang' dseam' i sií' Aa' fí' lí' sing' Yá^ cóo' gui Sé^ e jéiñ' i yuu' do, jo fé' i dseam' i sií' Aa' do cuaiñ' quíá' Fidié' cajo, jo i dseam' i líiñ' jóo' jaang' dseañu' i sií' Fanuel i líng' dsea' siju' jaang' dsea' i calisí' Aser. Jo i dseam' do eám' niyúíñ'; ochenta y cuatro jii' níngoo' e 'niñ' jo le'eám' bir eáang' mi' cacúng' guór', jo guíe' jii' mi' cangí' gui lajo, cajúm' dseañu' quíá'r'. ³⁷ Jo contøøm' iuuiñ' sinúu' guá' e jmitir' lajii' e iing' Fidié' e jmiféiñ' dsea' do jogui e jmóor' ayuno cajo. ³⁸ Jo mi' cangáiñ' i yuu' Jesús do, jo cacuø'r' gui'máang' Fidié' uii' quíáiñ'. Jo mifíng' canaiñ' jma'r' júu' jaléng' i dsea' i sijeeng' i dsea' i nisíng' Fidié' e quíá' nileáiñ' dsea' jee' dsee' quíá'r' jo cajíñ' casí' reiñ': “I lab i yuu' i cajíng' Fidié' i nisíñ' i ni'íng' dsee' quí'naa'.”

Mi' cangolíng tu Yá^ cóo' Sé' fí' Nazaret

³⁹ Jo mi' cangí' e cajmiti' sejmii' Jesús jalé' e ta' huí' fí' ni' jì' quíá' Fidié' do, cangolíim tur cóo' i yuu' do fí' Nazaret fí' lí' se' Galilea. ⁴⁰ Jo cuaam' Jesús lajee' jo lacø' ngóor' jmiñ', jo dsíng' ngóo' litíiñ', jo eám' jmigüeang' Fidié' ír'.

Mi' caje' Jesús fí' dsí' guá' fé' e si' fí' Jerusalén

⁴¹ Jo lacøø' jii' mi' tí' jmiñ' Pascua quíá' dsea' Israel, nitíng' sejmii' Jesús e dsilíiñ' fí' Jerusalén. ⁴² Jo ie' mi' cadsí' i jiuung' do guitu' jii', jo fí' job cangór' cóo' sejmii' cóo' jaléng' dsea' sinúu' quíá'r' jogui cóo' jaléng' dsea' i neáang' fí' Nazaret. Jo fí' job caje' lajaléng' i dsea' do lajee' catí' e jmiñ' do. ⁴³ Jo mi' cadséng' e jmiñ' do, jo cangolíim tur lajaléiñ' do fí' Nazaret, ⁴⁴ dsu' dob nicaje' i jiuung' Jesús do fí' Jerusalén. Jo ja' nicalilí' sejmii' e nicajer', co' líiñ' e jee' i dsea' caguiaang' dob ngaiñ'. Jo catam' bre fí' lajaléiñ' do lajee' coø' jmiñ'. ⁴⁵ Jo mi' caniúiñ' guiá' fí', jo ca'naiñ' Jesús jee' jaléng' i dsea' caguiaang' do, dsu' jo' lí' cadséng' neiñ' do. Joba' caquim' tur fí' Jerusalén e cango'neeiñ' i jiuung' do.

⁴⁶ Jo mi' caguilíng' tur fí' Jerusalén, jo ja' cadséng' neiñ' dsifí' lado car' mi' cadsíng' 'ní' jmiñ' gui lajo, joguiba' cadséng' neiñ'. Dsu' fí' guáb' guíiñ' do e núur' e síng' jaléng' tifa' quíá' júu' quíu' ta' quíá' dsea' Israel, jogui jmiguiab' jalé' e jming' rúng' Jesús cóo' jaléng' i dsea' í'. ⁴⁷ Jo jaléng' dsea' i teáang' núu' jial ngí' i jiuung' Jesús do dsíng' dsigá' dsír', co' tím' biñ' eáang'. ⁴⁸ Jo mi' cangá' sejmii' Jesús e dob guíiñ', jo dsíng' cango'gó' dsír' jo cajíng' niquíá'r' casí' reiñ':

—Yuu' quí' ii', ¿jiali' cajmeáan' jnea' lana? Dsíng' nicajmó'oo' fí' cóo' tiquí' i', jo dsíng' nica'néeng' naa' 'nu'.

⁴⁹ Joba' cañí' Jesús quíá' niquíá'r' jo casí' reiñ':

—¿Jiali' ngí' na' 'náng' na' jnea'? ¿Su ja' ñí' na' e' ta' nisi' íin' e' nijmee' e quíá' Tiquié' e dsea' guíng' ñifí'?

⁵⁰ Dsu' i sejmii' do ja' cangáiñ' jiali' cajíng' i jiuung' Jesús do lado.

⁵¹ Jo mi' calí' síiñ' e jo, jo cangolíim tur lajii' gaaiñ' do fí' Nazaret. Jo dsíng' guíung' Jesús cóo' sejmii', jo dsíng' núur' cajo. Jo eám' íaang' dsí' niquíá'r' mi' ca'í' dsír' quíá' jalé' e cangojé' ie' jmiñ' jo. ⁵² Jo lajee' jo cuaam' Jesús, jo ngóo' litíng' guir lacøø' jmiñ', jo dsíng' íaang' dsí' jaléng' dsea' cóo'r', jogui lajobi Fidié' cóo' ír' cajo.

3

Mi~ canaang`Juan i seáang`dsea`jmii` e guiar` júu` quiá'- Fidié`
(Mt. 3:1-12; Mr. 1:1-8; Jn. 1:19-28)

¹ Jo ie~ jo ningóó' gui'ñiá' jing` e líng' Tiberio dseata~ dsea` féng' quiá'- fi' la'úng~ fi' jmigüi'. Jo seeng` quiúung~ dseata~ dsea` na'luu~ quiá'r~, jaang` i sii` Poncio Pilato i guing~ líng' ta~ fi' Judea, jo jaang` i sii` Herodes i líng' ta~ fi' Galilea, jo seeng` jaang` rúng' dsea` ngáang~ cóo'~ Herodes i sii` Lii~ i guing~ líng' ta~ fi' Iturea cóo'~ cóo' li~ sii` Traconite, jogui jaang` i sii` Lisanías i guing~ fi' cóo' li~ sii` Abilinia. ² Jo ie~ jo seeng` gáng~ jmidsea` laniing~, jaang` i sii` Anás cóo'~ gui jaang` i sii` Caifás. Jo ie~ jo cajo i Juan do i líng' jóo' Zacarías guiiñ~ fi' jee~ uó~ quiú' mi~ café' Fidié` caféng' neiñ' e nicatb' í' e ninaiñ' do e niguiár~ júu` quiá'- Fidié` fi' jee~ dsea` jmigüi'. ³ Jo mi~ cahuí' ta~ lajo, jo dsifi' lajob cangó~ i Juan do fi' gua' Jordán, jo fi' job canaaiñ' e guiar` júu` quiá'- Fidié` fi' quini` dsea` i caseáng' fi' lacuee' e gua' do ie~ jo. Jo fi' job e'r' jaléng' dsea` i guiling~ do, jo sí' reiñ' e 'né~ niquí' jing' yaaiñ~ fi' quini` Fidié`, jo lajoguiba' e nisaiñ' jmii` e laco' cuø' li~ e cajmée' dsea` do lajo. ⁴ Jo e jo cangojée' lí' laco' fé' fi' ni~ jì quiá'- Fidié` e cajme' Saí' malii' gui eáang', jaang` dsea` i café' cuaiñ~ quiá'- Fidié`, li' fé' lala: Ngí jaang` dsea` i fé' teá' fi' ni~ guóo'~ uó~ quiú' jo fé'r' lala:

"Jmeáang'~na' guiú' fi',
jogui nea~na' condsée',
co' lana tí li~ nijáab' Fí'naa'.

⁵ Jo jmirøø'na' lacaang` guiá' fi',
jo jmirøø'na' lacaang` li~ jung',
jo jmee~na' condsée' fi' lacaang` li~ tu' fi',
jo jaléb' fi' nilí' røø'.

⁶ Jo jalém' dsea` jmigüi' nilí'r' jial e nileaiñ' jee~ jalé' dsee~ quiá'r~ la'eáang` cóo'~ i dsea` í'." Jo jalé' e na cajíng' Saí' fi' ni~ jì quiá'- Fidié`.

⁷ Jo mi~ caguiling~ dsea` i iing~ nisáng' jmii` e fi' gua' li~ táang` i Juan i seáang` dsea` jmii` do, jo casí' i Juan do lajaang` lajaang` i dsea` i caguiling~ do ie~ jo:
—¿Jóo' jaléng' mi' guing~ 'ná'! ¿I' cajme' 'ná' júu` e lala cuøøng` nileáang`na' lajii' iihuí' e nijaquíeng' jmii` na? ⁸ Né~ nijmiliing` yaang~na' e laco' nililí' jaléng' dsea` rúng'na' e dseáng' e já'-ba' nicaquí' jing' yaang~na' fi' quini` Fidié`. Jo ja' jmigøøng` yaang~na' e nileáang`na' jee~ dsee~ quiá'na' dsu' uí' e Abraham líiñ' 'lii' yúu' quiá'na', co' e já' e fii' i 'ná' e cuøøm' jmé~ Fidié` siju' Abraham jalé' cuu~ e né' la faco' iñ~ lajo. ⁹ Cofa' jaléng' dsea` i ja' quí' jing' yaang~ fi' quini` Fidié` líiñ' laco' e 'ma' ofii' e ja' dseeng` ofii' e cuø', joba' huib' e 'ma' do jo dsitoo' fi' ni~ jì lafa' cuib~, co' ja' ee' ta' íng' jii' cóo'.

¹⁰ Jo mi~ canúu~ jaléng' i dsea` do jalé' e café' i Juan i seáang` dsea` jmii` do, joba' cajmingi' reiñ' do lala:

—¿Jial ni'ee~ jnea' guiú' cóo' Fidié`?

¹¹ Joba' cañí' i Juan do jo casí'r~ i dsea` do:

—E laba' 'né~ nijmee~na': Ii' 'ná' oo~na' tú' 'mi'quí'na', 'né~ nicuó'na' cóo' jaang` dsea` i ja' sea` quiá'; jogui ii' 'ná' sea' e cø'na', 'né~ nicø'na' jmá' jii' cóo' jaléng' i ja' sea' e dó'.

¹² Jo lajee` s'ing` Juan i seáang` dsea` jmii` do cóo'~ i dsea` do, job caguiling~ cóo' tú' máng'~ nodsicuu~ i iing~ nisáng' jmii', jo cajmingi'r' i Juan do jo cajíñ' :

—Tifa', ¿e' 'né~ jmó' jnea' e laco' ni'ee~naa' guiú' cóo' Fidié`?

¹³ Joba' cañí' i Juan do quiá' i nodsicuu~ do jo casí'-reiñ':

—E laba' 'né~ nijmée' 'ná': Jo' mí'na' cuu~ quiá' dsea` e jmigui'gui laco' ta~ quiú' fi' ni~ jì quiá'- dseata~.

14 Jo lajee` sáing` i Juan do cóo` i nodsicuu` do, caguiling` coo` tú` máing` 'lée` fi` li` táaiñ` jo cajmingi` reiñ`:

—Jogui jnea`^, ¿e` 'né` nijmó`naa` e laco` ni`ee`naa` guiá` cóo` Fidié`?

Joba` cañi` i Juan do jo casí`r` i 'lée` do:

—E laba` 'né` nijmiti` 'nú`^: Ja` ee` uóo`~na` quiá`- dsea` laguidseang`^, o`gui fong`na` dsea`, o`gui jmoo`na` dsee` quiá`- dsea` e ngii`gui, o`gui ni`ning`na` dsea` e ja` ee` mí` cajméer` jii`~ coo`; jo güili`iáang` óo`na` cóo`~ lajii`~ e 'léeng`~na`.

15 Jo lajee` fé` i Juan do e júu` na, jo jaléng` i dsea` caguaang` do í` dsír` e` nili` jogui` í` dsír` su Dsea` Jmáam` i Juan i seáang` dsea` jmii` do. 16 Jo mi` calilí` i Juan do e í` dsír` i dsea` do lajo, joba` casí` reiñ` jo cajíñ`~:

—E já`-, jnea` seáan`n` 'nú` jmii` cóo`~ layaang`~ jmii`, jo dsu` nabi` nijáa` jaang`gui dsea` i niseáng`~ 'nú` jmii` cóo`~ Jmiguí` quiá`- Fidié` jogui` cóo`~ jí`. Jo i dsea` í` 'gøng`guir laco` jnea` e jii`~ jnea` ja` catiñ`~n` fa` nisí`~i` capí`~ ñi` 'ñuu` lomii`~. Co` jnea` nicaseán`~n` jaléng`~ 'nú` jmii` cóo`~ layaang`~ jmii` e laco` cuo` li` e nicaqui`~ jing` yaang`na` fi` quini` Fidié`~; dsu` í`r` mi` nigüeeiñ`~ niseáiñ`~ 'nú` jmii` cóo`~ Jmiguí` quiá`- Fidié` e laco` cuo` li` e nicangüing`na` Jmiguí` quiá`- dsea` do. 17 Jo quieb` dsea` do e jmáin` ta` quiá`- e nisíñ` micui`iee`, jo nisér` ca` e qui` quiá`- do. Jo dsu` e micui`iee` do ni`meár` fi` dsíi` sináa`^, jogui` e qui` quiá`- nijí`-bre fi` li` coo` jí` e ja` tóo`~ jmii` yu`.

18 Jo j Mang`~ cóo`~ júu` lanaba` caféng` i Juan do jaléng` i dsea` do, jo ca`e`reiñ` jalé` júu` quiá`- Fidié` quiá`- jial laang` dsea` jee` jalé` dsee` quiá`r`. 19 Jogui caféng` i Juan do jaléng` dsea` e ja` dseeng` laco` jmóo` i dseata` Herodes do e jeeiñ` lafa` dseamí` quiá`r` oo` dseañu` rúin` dsea` ngáang`~ cóo`r` i sii` Lii`, jogui` cajíñ`~ dseata` Herodes cóo`~ jalé` e ga` e jmóoiñ` do. 20 Jo mi` caliñi` i dseata` do lajii`~ e júu` e fé` i Juan do uí`~ quiá`r`, joba` dsíng`~ caligüiñ`~ jogui` cajméer` coo`gui` e ga`, co` caquiá`r` ta` e catam` i Juan do, jo 'nañib` catang`~ neiñ` do.

Mi` cajgáang`- Jesús jmii`

(Mt. 3:13-17; Mr. 1:9-11)

21 Jo dsu` ná`-gui e ni`í` i Juan do 'nañi`^, lajee` cateáaiñ` fi` gua` Jordán e seáaiñ` dsea` jmii`, jo coo` jmii` caguié` Jesús fi` jo, jo cajgáaiñ`~ jmii` cajo. Jo dsifí` mi` cangí` e jo, jo caféng` Jesús Fidié` dsea` guing`~ ñifi`-, jo lajee` jo cana` cateá` fi` ñifi`-, 22 jo fi` job cajgó` Jmiguí` quiá`- Fidié` e liing`~ jaang` mee` fi` yá`^ mogui` Jesús, jo caná` e liing`~ ii` guicafé` fi` yá`^ jmigüi` jo guicajíñ`~:

—'Nub` Joo`o` i 'neáan`n` eáang`, jo dsíng`~ iáang` dsii` cóo`~ 'nu`.

Jaléng`~ 'li`~ yáa`~ quiá`- Jesús

(Mt. 1:1-17)

23 Jo guigui` jii` ningóo` Jesús mi` canaaiñ` jmóor` ta` e si`lii`^. Jo jaléng` dsea` líiñ`~ e i Sé` do tiquiá`^ Jesús. Jo tiyáa`~ quiá`- Jesús siir` Elí, 24 jo tiquiá`^ Elí siir` Matat, jo tiquiá`^ Matat calisír` Leví, jo tiquiá`^ Leví calisír` Melqui, jo tiquiá`^ Melqui calisír` Jana, jo tiquiá`^ Jana calisír` Sé^, 25 jo tiquiá`^ Sé^ calisír` Matatías, jo tiquiá`^ Matatías calisír` Amós, jo tiquiá`^ Amós calisír` Nahum, jo tiquiá`^ Nahum calisír` Esli, jo tiquiá`^ Esli calisír` Nagai, jo tiquiá`^ Nagai calisír` Maat, 26 jo tiquiá`^ Maat calisír` Matatías, jo tiquiá`^ Matatías calisír` Semei, jo tiquiá`^ Semei calisír` Sec, jo tiquiá`^ Sec calisír` Judá, 27 jo tiquiá`^ Judá calisír` Joanán, jo tiquiá`^ Joanán calisír` Resa, jo tiquiá`^ Resa calisír` Zorobabel, jo tiquiá`^ Zorobabel calisír` Salatiel, jo tiquiá`^ Salatiel calisír` Neri, 28 jo tiquiá`^ Neri calisír` Melqui, jo tiquiá`^ Melqui calisír` Adi, jo tiquiá`^ Adi calisír` Cosam, jo tiquiá`^ Cosam calisír` Elmodam, jo tiquiá`^ Elmodam calisír` Er, 29 jo tiquiá`^ Er calisír` Josué, jo tiquiá`^ Josué calisír` Eliezer, jo tiquiá`^ Eliezer calisír` Jorim, jo tiquiá`^ Jorim calisír` Matat, 30 jo tiquiá`^ Matat calisír` Leví, jo tiquiá`^ Leví calisír` Simeón, jo tiquiá`^ Simeón calisír` Judá, jo tiquiá`^ Judá calisír` Sé^, jo tiquiá`^ Sé^ calisír` Jonám, jo tiquiá`^ Jonám

calisír` Eliaquim, ³¹ jo tiquiá'^ Eliaquim calisír` Melea, jo tiquiá'^ Melea calisír` Mainán, jo tiquiá'^ Mainán calisír` Matata, jo tiquiá'^ Matata calisír` Natán, ³² jo tiquiá'^ Natán calisír` Daví'^, jo tiquiá'^ Daví'^ calisír` Isaí, jo tiquiá'^ Isaí calisír` Obed, jo tiquiá'^ Obed calisír` Booz, jo tiquiá'^ Booz calisír` Salmón, jo tiquiá'^ Salmón calisír` Naasón, jo tiquiá'^ Naasón calisír` Aminadab, ³³ jo tiquiá'^ Aminadab calisír` Aram, jo tiquiá'^ Aram calisír` Esrom, jo tiquiá'^ Esrom calisír` Fares, jo tiquiá'^ Fares calisír` Judá, ³⁴ jo tiquiá'^ Judá calisír` Jacóó^, jo tiquiá'^ Jacóó^ calisír` Isáa', jo tiquiá'^ Isáa' calisír` Abraham, jo tiquiá'^ Abraham calisír` Taré, jo tiquiá'^ Taré calisír` Nacor, ³⁵ jo tiquiá'^ Nacor calisír` Serug, jo tiquiá'^ Serug calisír` Ragau, jo tiquiá'^ Ragau calisír` Peleg, jo tiquiá'^ Peleg calisír` Heber, jo tiquiá'^ Heber calisír` Sala, ³⁶ jo tiquiá'^ Sala calisír` Cainán, jo tiquiá'^ Cainán calisír` Arfaxad, jo tiquiá'^ Arfaxad calisír` Sem, jo tiquiá'^ Sem calisír` Noé, jo tiquiá'^ Noé calisír` Lamec, ³⁷ jo tiquiá'^ Lamec calisír` Matusalén, jo tiquiá'^ Matusalén calisír` Enoc, jo tiquiá'^ Enoc calisír` Jared, jo tiquiá'^ Jared calisír` Mahalaleel, jo tiquiá'^ Mahalaleel calisír` Cainán, jo tiquiá'^ Cainán calisír` Enós, ³⁸ jo tiquiá'^ Enós calisír` Set, jo tiquiá'^ Set calisír` Adán, jo tiquiá'^ Adán 'ñia' Fidiée`.

4

*Mi~ cajmée` fi~ i 'ling'^ quijí~ jial niróng` Jesús dsee`
(Mt. 4:1-11; Mr. 1:12-13)*

¹ Jo ie~ jo, mi~ cangî e cangîng` Jesús Jmiguî quíá'- Fidiée`, jo e Jmiguî do cangojéeng` ír' fí' jee` uó~ quiú, ² jo fí' job cajer` lajee` tuló~ jmü. Jo lajee` jo ja` e cagó'r` jíí~ capí'^. Jo lajee` táaiñ` fí' jo, jo caguié` fi~ i 'ling'^, jo cajmée` quijí~ jial e niróng` dsea` do dsee`. Jo mi~ cangî e tuló~ jmü do, joguiba' cadseá~ jmí'aang` Jesús jóng. ³ Jo dsifí' lajob cajíng` fi~ i 'ling'^ casí'r` dsea` do:

—¡Song já'- e 'nua` lin' i Joo' Fidiée` camîng` do, joba' jmee` e ni'uíng` iñí'^ e cuu~ née` la!

⁴ Joba' cañí` Jesús quíá'- fi~ i 'ling'^ do jo casí'-reiñ':

—Lalab fé' fí' ni~ jì` quíá'- Fidiée`: “Ja` niliseeng` jaléng` dsea` jmigüü` juguiú` e lico' ni'í' nidó'r` jalé' e sea` fí' jmigüü. Co' 'né` nijmiti` bre jalé' ta~ quiu' fí' ni~ jì` quíá'- Fidiée`, jo lajoguiba' e niliseeñ` juguiú` jóng.”

⁵ Joba' cajmée` tu fi~ i 'ling'^ quijí~ jial e niróng` dsea` do dsee`, jo cangojéeiñ` dsea` do fí' coo` yá'^ mó' e ñíí' eáang', jo ca'e` reiñ' jalé' fí' e sea` fí' la'úng` fí' jmigüü` dseáng` lajee` cateá`. ⁶ Jo cajíñ` casí'r` dsea` do:

⁷ —Jalé' e la nicuøø` quií'- cóo~ jalé' gui e jlo' e sea` fí' jo song nisi'^ uó~ jní'^ jo nijmifén' jnea~, co' e quié` baa lajalé' e na, jo jneab` cuóøng` jmee` e guiéé` jo cuóøm` cuóøø` doñí' ii i iin`n.

⁸ Dsu' dsifí' ladob cañí` tu Jesús quíá'- fi~ i 'ling'^ do jo casí'-reiñ':

—Güihuíng` cáan`n, Satanás, dsuco' lalab fé' gui fí' ni~ jì` quíá'- Fidiée` cajo: “Jíí~ Fidiée` dsea` guíng` ñifí`-bing' nijmifén', jo jíí~ ta~ quiu' íbre e nijmití'^ cajo.”

⁹ Jo mi~ cangî jo, cajmée` tu fi~ i 'ling'^ quijí~ jial niróng` Jesús dsee`, jo cangojéeiñ` dsea` do fí' yá'^ guá'- fé' e sí' fí' Jerusalén jo cajíñ` casí'r` dsea` do:

—Song já'- e 'nua` lin' i Joo' Fidiée` camîng` do, laco' tée~ ee' tí' yá'^ la bíng' uó' cartí' uii~, ¹⁰ co' lalab fé' fí' ni~ jì` quíá'- Fidiée`:

Fidiée` niquiá'r` ta~ jaléng` ángeles quíá'r` e nijmér` í' 'nua`,

¹¹ jo nisáiñ' 'nua` cóo~ guóor` lajee` guiáang` guo' guiá'^ güí, jo lajoba' ja` nilihuín` mi~ nitítáan' fí' ni~ uó`.

¹² Dsu' Jesús cañí` tur quíá'- fi~ i 'ling'^ do jo casí'-reiñ':

—Dsu' lalab fé' gui cajo fí' ni~ jì` quíá'- Fidiée`: “Ja` jmoo' jial ni'é` Fíí' Fidiée` dsee`.”

13 Jo cóo~ e job catí 'ní nées~ e jmóo' fi~ i 'ling' quijí~ jial e niróng' Jesús dsee~, dsu' jíi~ cóo' nées~ ja' calí'r~ lajo. Jo mi~ cangí jo, mi~ jo' ní' fi~ i 'ling' jial nijmér~ e niróng' Jesús dsee~, joba' catiúum~ bre dsea` do, jo cangoHuím~ bre lajee~ cateá'.

Mi~ canaang' Jesús jmóor' ta~ quiá'r~ fi' li~ se' Galilea
(Mt. 4:12-17; Mr. 1:14-15)

14 Jo mi~ cangí jo, cangám'~ tu Jesús fi' li~ se' Galilea, jo la'eáang' cóo~ jalé' bí 'gong' quiá'~ Jmiguí quiá'~ Fidiée~ canaang' ni' júu^ quiá'r~ fi' laco~ fi~ e nées' fi' la'úng~ li~ se' fi' jo. 15 Jo mi~ niguiéer' laco~ fi~ li~ dséer', dsifí ladob ír' fi' dsíi' guá'~ quiá'~ dsea' góor' dsea' Israel, jo fi' job e'r' jaléng' dsea' i dsilíng~ fi' guá'~ do jalé' júu^ quiá'~ Fidiée~. Jo jaléng' dsea' i núu' júu^ quiá'r~ eáam' jmiféiñ' dsea' do.

Mi~ cangáng' tu Jesús fi' Nazaret
(Mt. 13:53-58; Mr. 6:1-6)

16 Jo ie~ jo, lajee~ ngí Jesús fi' li~ se' Galilea, jo caguéng'~ tur fi' Nazaret fi' li~ cacuaiñ~. Jo mi~ jmíi~ e jmi'íng' jaléng' dsea' góor' dsea' Israel, dséer' fi' Sinúu^ guá'~ laco' jíi~ e tñiñ' 'ñia'r'. Jo lajee~ táaiñ' fi' e sinúu^ guá'~ do, jo casíng' 'ñia'r' jee~ jaléng' dsea' góor', 17 jo ca'íñ' cóo' jí' e ca'ír' li~ tóo' jalé' júu^ quiá'~ Fidiée~ e cajme' Saíi', jaang' dsea' i café' cuaiñ~ quiá'~ Fidiée~ mali'gui eáang'. Jo mi~ caneáar' e jí' do, joba' cadsé'r' li~ tóo' lala jo ca'ír': 18-19 E Jmiguí quiá'~ Fii~ Fidiée~ baa' e jéeng' jnea~, co' caguíng' Fidiée~ jnea~ e laco' niguiaa^ jalé' juguiá~ quiá'r~ fi' jee~ jaléng' dsea' tiñíng~: jogui nicasiñ' jnea~ cajo e laco' niguiaa^ juguiá~ quiá'~ e nileáng' jaléng' i dsea' i lafa' 'ñúung' cóo~ dsee~ quiá'~, jogui e nijmee~ e nilijné' tu jaléng' dsea' tiuung~, jogui e nilaan~ jaléng' dsea' i íng' iihuí quiá'~ dsea' rúng', jogui e nijmées~ e júu^ e nicatí' í' e nijmé~ Fidiée~ e ni'uíng~ guiá~ quiá'~ dsea' jmigüí. Jo lanab jíi~ lí' júu^ e fé' fi' ní' jí' quiá'~ Fidiée~.

20 Jo mi~ calí~ e í Jesús e júu^ do, jo cajníb'~ tur e jí' do jo cajá'r' i dsea' nées' ní' e guá'~ do, jo caguáb'~ tur. Jo jalém' i dsea' teáang'~ sinúu^ guá'~ do teáaiñ~ jøiñ~ Jesús. 21 Joba' canaang' Jesús sí'r' jaléng' i dsea' do jo cajíñ'~:

—E jmíi~ na nicaliti~ jalé' e nicanúu~ 'nú' e tóo' e fi' ní' jí' la.

22 Jo jaléng' dsea' i teáang'~ dsíi' e guá'~ do dsíng'~ dsigá' dsíir' jalé' júu^ quiá'~ Jesús, jogui jmang'~ juguiáb~ fé'r' quiá'~ dsea' do, jogui jming'~ rúíñ' la'ó' yaaiñ~:

—¿Su o' i nabi jóo' Sé' i guíng~ fi' fi' la?

23 Joba' cañíi' Jesús casí'r' jaléng' i dsea' do jo cajíñ'~:

—Ja' ngám~ nisí' 'nú' jnea~ jíi~ laco' júu^ róo': “Timíi~, jmee~ mii' quií'~ uo'”; osi nifo' bi' é: “¿Jialí' ja' jmées' fi' góo'~ la lajalé' e nicajmee'~ fi' Capernaum?”

24 Jo cajíng'~ gui Jesús casí'r' jaléng' i dsea' do:

—Jo jnea~ jmitaa~ óo'na' e jíi'~ jaang' dsea' i fé' cuaiñ~ quiá'~ Fidiée~ ja' íng' dsea' góor' ír'. 25 ¿Já' tóo' óo'na' jalé' e fé' fi' ní' jí' quiá'~ Fidiée~ e calí~ mali'gui eáang' mi~ cajá~ Líi' i café' cuaiñ~ quiá'~ Fidiée~? Co' ie~ jo ja' catuú~ jmíi' fi' Israel lajee~ 'ní' jíing' dsí' ca'ná'^, jogui dsíng'~ cajá~ oo~ cajo. 26 Jo dsu' ie~ jo ja' caquiú' Fidiée~ ta' fa' e cajmées' Líi' e guiá~ quiá'~ i dseamí dsea' góor' i 'ní', co' caquiú' dsea' do ta~ e cajmées' i Líi' do e guiá~ dsu' quiá'~ jaang' dseamí i 'ní' i guíng~ fi' li~ huíi' eáang' fi' cóo' li' sii' Sarepta quiá'~ li' nées' fi' Sidón. 27 Jo lajob calí~ cajo ie~ mali'gui eáang' mi~ cajá~ Cheey~, jaang' dsea' i café' cuaiñ~ quiá'~ Fidiée~. Co' fíim' dsea' Israel dsea' góo' Cheey~, calidsée'r~ e cacár~ jmohuí' 'li' fi' ngúu' táaiñ' ie~ jo, dsu' jíi'~ jaang' i dsea' góor' fa' cajmi'leáaiñ~. Co' camíng'~ dsea' i sii' Naamán i guíng~ tí' li' huíi' eáang', tí' li' se' Siria, jíi'~ í'bing' i ca'láang~, co' lajob ta' caquiú' Fidiée~.

28 Jo mi~ canúu~ jaléng' i dsea' i teáang'~ dsíi' sinúu^ guá'~ do jalé' júu^ quiá'~ Jesús jo dsíng' caliguiñ~. 29 Joba' caguíim~ bre dsea' do sinúu^ guá'~, jo ca'øong'neiñ' catí' guiée'~

fiñ, jogui cangojéeng`neiñ' cartí coo` yá^` jiáá. Jo fí job li~ lamí~ iin~ nibíin~ dsea` do, co' í dsír' e nijngám'-breiñ'. ³⁰ Jo mi~ caguiliñ- ti' e yá^` jiáá` do e li' í dsír' e nibíin~ dsea` do, jo dsu' Jesús caquim'-tur jo cangúin' jee~ jaléng' i dsea` do, jo júi~ coo` jo ee` cajméeiñ' do quiá'r-.

Jaang`dseañu` i jée' i 'ling'^` quiá'-

(Mr. 1:21-28)

³¹ Jo mi~ cangí jo, jo cangób-tu Jesús fí Capernaum fí li~ se' Galilea. Jo mi~ caguiér- e fí jo, jo ca'ír- fí dsír' sinúu^` guá'- quiá'- dsea` góor` dsea` Israel, jo fí job canaaiñ' e'r' jaléng' i dsea` í jalé^` júu^` quiá'- Fidiéé` lajee` jmiñ~ e jmi'ing' jaléin' do. ³² Jo dsing'- dsigá` dsír' jaléng' dsea` i núu` júu^` quiá'r-, co' fé'r' lí^` laco' jaang` dsea` i óo` ta~.

³³ Jo e fí guá'- do e li~ caguiér- Jesús e cango'éer' dsea` júu^` quiá'- Fidiéé`, jo fí job nising' jaang` dseañu` i jée' i 'ling'^` quiá'- . Jo cajmée` i 'ling'^` do e ca'óo` i dseañu` do ga` eáang', jogui café'r` jo cajíñ'- lala:

³⁴ —Jéeng' na, Jesús, dsea` seeng` fí Nazaret. ¿Jiali' ñijmiguíin'^` jnea'^`? ¿Su cañí'- e ni'íin~ jnea'^`? Cuim'baa' nu~, joba' ne~naa' e lin' dsea` güeang'^` quiá'- Fidiéé` dsea` guing` ñiff-.

³⁵ Joba' cajíng- Jesús i 'ling'^` do jo casí'- reiñ':

—iTií- lí' moní^, jo tiúung' i dseañu` na lana!

Jo mi~ cajíng'- Jesús lajo, jo dsifí ladob cajmée` i 'ling'^` do e caquing'- i dseañu` do fí quini` jaléng' i dsea` teáang'^` dsír' sinúu^` guá'- do. Jo joguiba' catiúung- i 'ling'^` do i dsea` do, jo júi~ coo` jo ee` cajmeáiñ' i dseañu` do. ³⁶ Jo dsing'- cafóng' jaléng' dsea` jo jmingi' rúin' lala:

—¿I~ i dsea` na, faa~aa', e quiu'r' ta~ laco' jaang` dsea` i óo` ta~, jogui quí~bre jmiñ~ e jmihuíñ- jaléng' i 'ling'^` i jée' quiá'- dsea`, jo dsifí lajob dsihuíng- jaléng' i 'ling'^` do?

³⁷ Jo mi~ calí- lado, dsing'- cani'- júu` la'úng- fí li~ se' Galilea quiá'- jalé' e guiá'- e jmóo` Jesús fí Capernaum.

Mi~ cajmi'leáang- Jesús iemisé` Tú` Simón

(Mt. 8:14-15; Mr. 1:29-31)

³⁸ Jo mi~ cangí jo, jo cagüi'ñib' Jesús li~ iuuiñ- fí dsír' guá'- quiá'- dsea` góor` i seeng` fí Capernaum, jo cangór- fí quiá'- Tú` Simón. Jo mi~ caguiér- fí jo, nidséeb' iemisé` Tú` Simón e dsing'- iu` guíin^`. Jo coo` tú- máng'^` dsea` i teáang'^` e sinúu^` do camí'r' Jesús jmi'ee` fa' e nijmi'leáaiñ- i dseamí do. ³⁹ Joba' cangó- Jesús fí li~ ráang' i dsea` dsée'^` do. Jo mi~ caguiér- li~ ráaiñ' do, jo cajíñ- e jmohuí' e líng' i dsea` do. Jo dsifí ladob ca'láang- i dseamí do, jo cajém' e iu` guíin'^` do. Jo mi~ cangí lado, jo caróo- bre jo cajméer' e cagó' Jesús cóo'^` i dsea` caguiaang- gui do.

Mi~ cajmi'leáang- Jesús fñng' dsea` dsée'^`

(Mt. 8:16-17; Mr. 1:32-34)

⁴⁰ Jo mi~ canuu` e jmiñ~ jo, jo fíim' dsea` caguiliñ- e 'náiñ' Jesús, jo jéein~ jaléng' dsea` dsée'^` quiá'r- e laco' nijmi'leáang- dsea` do. Jo mi~ caguiliñ- fí li~ guing~ Jesús, jo camí'r' dsea` do jmi'ee` lajii~ ta~ ngolíñ-; joba' lí- jo caquidsí Jesús guóor' fí mogui~ lajaang' lajaang' i dsea` dsée'^` do, jo dsifí ladob 'láaiñ'-. ⁴¹ Jo jee~ i dsea` dsée'^` do niquiéeng' dsea` i jée' i 'ling'^` quiá'- . Jo laco' ngóo' Jesús e jmi'leáaiñ- lajaang' lajaang' i dsea` do, jo lajob dsihuíng- jaléng' i 'ling'^` do, jo sóong^` óor` ti'áiñ' Jesús jo fé'r':

—'Nub` dsea` lin' Dsea` Jmáang- i Joo' Fidiéé` camíng'^`.

Jo dsifí mi~ canúu- Jesús e fé' i 'ling'^` i jée' quiá'- i dsea` do lado, dsifib' ca'gaaiñ` quiáiñ'- jo jo cacuør' fí fa' ee` café` guíin' do, co' líb' i 'ling'^` do e Jesús líiñ' Dsea` Jmáang- i cajíng'- Fidiéé` i nisíñ- fí jmi'güí la lajii~ lamalí' gui eáang'.

Mi~ caguia' Jesús júu^` quiá'- Fidiéé` fí li~ se' Galilea

(Mr. 1:35-39)

⁴² Jo mi~ cajneá~ e jmi~ e cajmi'leáang~ Jesús jaléng' i dsea` dsée' do, cagüi'ñib' Jesús e fi~ do, jo cangór~ fi' coo' li~ cateáaiñ' 'ñia'r'. Dsu' dsifí' ladob caguilíng~ jaléng' dsea` e 'náaiñ' dsea` do calé' catú~, jo jnáiñ' dsea` do e laco' ja' nidséiñ' fi' li' jié'. ⁴³ Joba' cajíng' Jesús casí'r~ jaléng' i dsea` do:

—'Né~ ninii' i lacoo' lacoo' fi~ e niguiaa^ júu^ quiá'~ jial íng~ Fidiée~ dsee~ quiá'~ dsea` e laco' cuøøng` nicár` nifí' quiáiñ'~.

⁴⁴ Joba' canaaiñ` ngir' lacoo' fi~ e guiar' e júu^ jo fi' lacoo' guá'~ quiá'~ dsea` góor` dsea` Israel e tée~ fi' la'úng~ fi' li' neáang' dsea` do.

5

Mi~ cajmée` Jesús e cali'~ Tú^ Simón` ñu` i lí' eáang`

(Mt. 4:18-22; Mr. 1:16-20)

¹ Jo coo' jmi~ cangó~ Jesús fi' 'ni' coo' guiée' fé' e sii` Genesaret, jogui sii' bi' guiée' Galilea cajo, jo caguilíng~ fíng' dsea` e iin~ ninúr~ jalé' júu^ quiá'~ Fidiée~ e e' dsea` do. Jo dsíng'~ fíng' i dsea` i caguilíng~ do, joba' dsíng'~ sicúung'~ Jesús jee~ jaléng' i dsea` do. ² Jo lajee~ jo, cangá~ Jesús tú~ móo' e tée~ quiá'~ 'ni' jmi~, jo i dsea` fi~ e móo' do ninica'uøøm` bre dsíí', jo dob nitaaiñ` ru'r' 'máa' quiá'r~ 'ni' e guiée' do. ³ Joba' camí' Jesús fi' e cajgóor~ dsíí' coo' e móo' do e quiá'~ Tú^ Simón, jo caguá' bre fi' dsíí', jo casí'r~ i dsea` do fa' e nidsihuíng~ guijiu e móo' do fi' 'ni' uø~ quiá'. Jo mi~ caje' e móo' do ni~ jmi~, jo tí' job ca'e' Jesús jaléng' i dsea` i teáang~ 'ni' jmi~ do jalé' júu^ quiá'~ Fidiée'. ⁴ Jo mi~ cató' e e' Jesús jaléng' i dsea` do jalé' júu^ quiá'~ Fidiée', jo casí'r~ i Tú^ Simón do jo cajíñ'~:

—Jmee~ e nidsé~ e móo' la tí' dóo~ tí' li' ni'a'gui quiá'~ e guiée' la. Jo mi~ niguiée' li' ni'a'gui, nibí'na' 'máa' quií'na' jo nijmang'na' 'ñu`.

⁵ Joba' cañí' Tú^ Simón jo casí'r~ Jesús:

—Tifa', lata~ uøøb` nicataang~naa' jmoo~naa' ta~ bí' 'máa', jo jíí'~ jaang` 'ñu` ja' mí' cali'naa'. Dsu' 'nu'gui quiá' ta~ lana, joba' nibí'baa' 'máa' quié~ e.

⁶ Joba' cangolíñ` cartí' li' ni'a'gui quiá'~ e guiée' do, jo job cabír' 'máa' quiá'r~ fi' li' ca'e' Jesús, jo i lí' 'ñu` cali'r~. Jo mi~ canaaiñ` øøiñ` e 'máa' do, jo canaang` 'guii'ba' do, co' dsíng'~ fíng' i jó' do nicangotáang'ne' fi' dsíí' e 'máa' do. ⁷ Joba' cató'r~ i dsea` la'ó' jmóo' ta~ cóo'r~ i teáang~ dsíí' e móo' e coo'gui do, jo íb` cangolíng` e cangojmicoo' quiá'r~ e quiá'~ e caguá~ e 'máa' do. Jo mi~ caguir' e 'máa' do, jo canaaiñ` uøøiñ` i 'ñu` do, jo catáng'neíñ' do fi' dsíí' e móo' do car` caróng~ laji~ tú~. Jo jiu~ ja' cango'ang' e móo' do, co' dsíng'~ fíng' i 'ñu` do cali'r~. ⁸ Jo mi~ cangá~ Tú^ Simón jalé' e do, dsifí' lajob casí'r~ uø~ jnir' fi' quini' Jesús laco' teáaiñ'~ dsíí' e móo' do, jo casí'r~ dsea` do jo cajíñ'~:

—Fíi'i, ja' catíin'~ sin' cáan'n, co' jaang` dsea` dsee~ dsea` quib' líng' jnea~.

⁹ Jo cajíng'~ Tú^ Simón lajo, co' dsíng'~ cangogá' dsíir' colíng~ cóo'~ jaléng' i dsea` caguiaang` gui do dsu' e cali'r~ jaléng' i 'ñu` do ie~ jmi~ jo. ¹⁰ Jo jee~ i dsea` í' nitaang~ gáng~ dseañu' i jmóo' ta~ colíng~ cóo'~ Tú^ Simón, jaaiñ' do siir` Tiáa~ jo jaang`gui i sii' Juan, jo laji' huáaiñ` do líiñ' jóo' jaang` dseañu' i sii' Zebedeo. Joba' cajíng'~ Jesús casí'r~ Tú^ Simón:

—Ja' fòøn'~, Tú^ Simón, co' latí' lana nitú'^ e ta~ jmoo' na, jogui nicuøøø' 'nu' coo'gui ta~ e líb'jiu la lí' e ta~ na cajo, co' nijmée' ta~ guiá' júu^ quié~ e jee~ jaléng' dsea` jmigüí'.

¹¹ Jo mi~ cangí' jo, cangolíim`túr' fi' 'ni' uø~ quiá' cóo'~ laji~ tú~ e móo' do, jo job catú' i dsea` do laji~ tú~ e móo' do cóo'~ lajalé' e sea' quiá'r~, jo cangolíim`bre cóo'~ Jesús.

Mi~ cajmi'leáang~ Jesús jaang` dsea` i líng' jmohu'~ 'li'^

(Mt. 8:1-4; Mr. 1:40-45)

¹² Jo mi~ cangí' jo, jo lajee~ táang` Jesús fi' coo' fi' li' se' Galilea, jo caguié~ jaang` dseañu' i líng' jmohu'~ 'li'^ fi' ngúu' táang'. Jo mi~ caguié~ quiá'~ li' sing' Jesús, jo casí'r~ uø~ jnir~ jo catúuiñ` cartí' ni' uø~ jo camí'r' jmi'ee~ dsea` do jo cajíñ'~ casí' reiñ':

—Fíi'naa', cuøøm` lí' jmi'leáan' jnea~ song iin' lajo.

13 Jōba' cagüing' Jesús i dsea`dsée' do jō cajíñ' casí' reiñ':

—Íim`baa jmi'leáan`n`nua`. Jōba' latí lanab ni'leáan` lajii' jmoहु' e lin'.

Jō dsifí mi' cajíng' Jesús lajō, cajém' e jmoहु' e líng' i dsea`dsée' do, jō jii' capí' jo` ee` líng'guir e jmoहु' 'li' do. 14 Jōba' caqui' Jesús ta` i dseañu' do e ja`ii` nis'r` jii' jaang` lajii' e cali' do, jō casí' reiñ' do jō cajíñ' lala:

—Gua` jō güijáang' uø' fí quini' jmidsea`quí`ii', jōgui`né` líng' ee` cōo` nigüicá' e quiá' e nicuø' gui'máang' Fidiée' lí' laco'gui ta` caqui' Moí. Jōba' i jmidsea` do nijíñ' e nica'láam`ba' lajii' jmoहु' e lin', jō lajōb jaléng' dsea`ninír' e jo` lin' jii' cōo`.

15 Jō dsu' dsifí ladob cani' júu` e dsíng' 'gøng' Jesús. Jō dsíng' fíng' dsea`cangolíng' e 'náíñ' dsea` do e iíñ` ninúr` jalé' júu` quiá' Fidiée', jōgui`iíñ` e nijmi'leáang` dsea` do lajii' jmoहु' e lííñ' do. 16 Jō dsu' tá' cō' jeeng' jmi'nám' 'ñia' Jesús, jō 'nó'r` lí' ja`ii` dsea` seeng', jō fí jōb dséer' dsisiñ` cōo' Fidiée'.

*Mi' cajmi'leáang` Jesús jaang` dseañu' i caang` tii`
(Mt. 9:1-8; Mr. 2:1-12)*

17 Jō mi' cangí jō, cōo` jmi' lajee' e' Jesús jaléng' dsea`jalé' júu` quiá' Fidiée', jō fí jōb neáang' cōo` tú` máng' dsea`Israel i líng' dsea`fariseo colíng' cōo' tifa' quiá' júu` quiu' ta` quiá' dsea`Israel. Jō i dsea` do, seeíñ' do jalíñ' fí Jerusalén cōo' gui jalé' fii' e néé' quiá' lí' se' Galilea cōo' gui lí' se' Judea. Jō dsíng' lí' e jmicōo' quiá' Jesús e güea' 'gøng' quiá' Fidiée', cō' dsíng' tiiñ` e jmi'leáaiñ` jaléng' dsea`dsée'. 18 Jō lajee' jō caguilíng` tú` 'ní máng' dseañu' fí lí' táang' Jesús e dsíñ' jaang` dseañu' i caang` tii`, cō' iíñ` nidsijeeíñ` i dsea`dsée' do fí quini' Jesús. 19 Dsu' ja` lí' cadsé' i dsea` do fí lí' ningíñ`, cō' dsíng' fíng' dsea` i teáang' e sinúu` do ie` jō. Jōba' cajgōo` i dsea`jéeng' i dsea`dsée' do fí yú' 'núu' lí' røø. Jō mi' caguilíñ` fí jō, jō ca'ør` cōo` too', jō fí jōb cangíñ` i dsea`dsée' do laco' dsíñ' do e fí ni' lí' ráaiñ', jō cajgiáang` neiñ' do jee` jaléng' i dsea` i teáang' e dsí' sinúu` do dseáng' fí quini' Jesús. 20 Jō mi' catisíng' i dsea`dsée' do cartí ni' uø', dsifí ladob calilí' Jesús e jáb' líng' i dsea`dsée' do cōo' i dsea`dsí' quiá'r` do e quíib' dsea` do jmi' e nijmi'leáaiñ` jaléng' dsea`dsée'. Jōba' casí'r` i dsea`dsée' do jō cajíñ':

—Ni'íim`baa dsee`quí'`, Ruu'.

21 Jō mi' canúu` jaléng' tifa' quiá' júu` quiu' ta` quiá' dsea`Israel cōo' gui jaléng' i dsea`fariseo do e cajíng' Jesús lajō, jō canaaíñ` í' dsír' jō siiiñ` la'ó' yaaiñ`: “¿I` i dseañu' la e jafée'r` jalé' júu` e jii' Fidiée' dsea`catíñ` fé'r'? Cō' jii' Fidiée' dsea`guíng` ñifí` catíñ` ni'íñ` dsee`quí'naa'.”

22 Dsu' Jesús calilí' bre jalé' e í' dsí' i dsea` do, jōba' casí' reiñ' jō cajmíng' reiñ' lala:

—¿Jialí' í' óo'na' lana? 23 ¿E` e líng`na' e ja`gui huíng' e nifé'naa': su e “Ni'íim`baa dsee`quí'”, osi e nifé'naa' é: “Ráan` jō ngí'”? 24 Dsu' lana jnea` ni'ée' e 'nú' e jnea`, i cajá' fí ñifí' e líñ'n jaang` dsea`jmigüí, oo`baa ta` e ni'íñ`n dsee`quíá' jaléng' dsea`jmigüí.

Jōba' casí' Jesús i dsea` i caang` tii` do jō cajíñ':

—Ráan`, Ruu', jō uøø'ba' nicó' e lí' dsíin' na, jō guóng' fí quií' náng.

25 Jō mi' café' Jesús lado, dsifí ladob caróo` i dsea`caang` tii` do jee` jaléng' i dsea` i teáang` do, jō case'r' e lí' dsíñ' do, jō cangáíñ` fí quiá'r`. Jō lajee' ngaiñ' jō jmiféíñ' Fidiée' dsu' uí' e ca'láaiñ`. 26 Jō lajalém' i dsea` i teáang` do dsíng' cangogá' dsír', jō canaaíñ` cuø'r' gui'máang' Fidiée' jōgui`jmiféíñ' dsea` do cajō dsu' e ca'láang` i dseañu' i caang` tii` do, jō siiiñ` lajee' yaaiñ`:

—Jii' cōo` néé' ja` mí' cane'naa' e guiú` e lá jmóo' i dseañu' na.

*Mi' cató' Jesús jaang` dseañu' i sii` Leví
(Mt. 9:9-13; Mr. 2:13-17)*

27 Jō mi' cangí jō, jō cagüi'íib' Jesús lí' iuuiñ` do, jō cangór` fí lí' jié'. Jō lajee' iuuiñ` fí ngóor', cangáíñ` jaang` nodsicuu` i sii` Leví i guíng' fí lí' mir' cuu` e catíng` dseata` i guíng' fí Roma. Jō cató' Jesús i dsea` do jō casí' reiñ':

—Leví, má⁻aa' cóo' jnea⁻.

²⁸ Jo mi⁻ canúu⁻ Leví e tó⁻ Jesús, jo dsifí⁻ ladob catúr⁻ ta⁻ jmóor⁻ cóo' jalé⁻ e sea⁻ quiá'r⁻ jo cangó⁻bre cóo' Jesús.

²⁹ Jo mi⁻ cangí⁻ jo, fí⁻ quiá'⁻ Leví cajméer⁻ cóo' jmí⁻ fe⁻ e quiá'⁻ e jmi'gór⁻ Jesús, jogui cató'r⁻ jaléng⁻gui nodsicuu⁻ i cuiñ⁻ e cagó'r⁻ colíng⁻, jogui fíim⁻bi dsea⁻ jíéng⁻ i caseáng⁻ fí⁻ jo ie⁻ jo. ³⁰ Jo lajee⁻ jo, dob neáang⁻ jaléng⁻ dsea⁻ fariseo cóo' jaléng⁻ tifa⁻ quiá'⁻ júu⁻ quiu⁻ ta⁻ quiá'⁻ dsea⁻ Israel. Jo mi⁻ cangár⁻ e gó⁻ Jesús cóo' jaléng⁻ nodsicuu⁻ cóo'gui jaléng⁻ dsea⁻ i sea⁻ júu⁻ e dsíng⁻ røøiñ⁻ dsee⁻, joba⁻ canaañ⁻ éeiñ⁻ Jesús jo casí'r⁻ i dsea⁻ i caguíling⁻ cóo' dsea⁻ do:

—¿Jialí⁻ í⁻ gó⁻ tifa⁻ quií⁻na' cóo' jaléng⁻ nodsicuu⁻ cóo'gui jaléng⁻ dsea⁻ i sea⁻ júu⁻ e dsíng⁻ røøiñ⁻ dsee⁻?

³¹ Jo mi⁻ canúu⁻ Jesús e fé⁻ i dsea⁻ do lado, jo cañíir⁻ quiáñ⁻ jo casí⁻reiñ⁻:

—Jaléng⁻ dsea⁻ guiúng⁻ ja⁻ 'neaiñ⁻ tímí⁻, co' lajii⁻ dsea⁻ dsée⁻bing⁻ i 'neáng⁻ tímí⁻. ³² Jo jnea⁻ ja⁻ cagá⁻ a fí⁻ jmigúí⁻ la e caga'nén⁻n jaléng⁻ dsea⁻ i guiúng⁻, co' jaléng⁻ dsea⁻ dsee⁻ dsea⁻ qui'bing⁻ i caga'nén⁻n e laco' niquí⁻ nijíng⁻ yaaiñ⁻ fí⁻ quini⁻ Fidiée⁻ dsea⁻ guing⁻ ñiff⁻.

Mi⁻ cajmingí⁻ dsea⁻ Jesús cuaiñ⁻ quiá'⁻ ayuno

(Mt. 9:14-17; Mr. 2:18-22)

³³ Jo mi⁻ cangí⁻ e cajíng⁻ Jesús lajo, jo caleáb⁻ catú⁻ cajmingí⁻tu i dsea⁻ Israel i líng⁻ dsea⁻ fariseo do jo cajíñ⁻ lala e cajmingí⁻r⁻ Jesús:

—Jaléng⁻ dsea⁻ i ngí⁻ cóo' Juan i seáang⁻ dsea⁻ jmí⁻ cóo'gui jaléng⁻ jnea⁻, dsea⁻ lí⁻naa⁻ dsea⁻ fariseo, dsíng⁻ jmoo⁻naa⁻ ayuno jogui dsíng⁻ fé⁻naa⁻ fa⁻, jo ¿jialí⁻ jaléng⁻ dsea⁻ i ngí⁻ cóo' 'na⁻ laco⁻ jmí⁻b⁻ í⁻ gó⁻r⁻, jo ja⁻ jmóor⁻ ayuno laco⁻ jnea⁻?

³⁴ Joba⁻ cañí⁻tu Jesús quiá'⁻ i dsea⁻ do jo cajíñ⁻ casí⁻reiñ⁻:

—Fa⁻ mi⁻ jmoo⁻ 'nú⁻ jmí⁻ e cung⁻ guoo⁻ dsea⁻, joba⁻ ja⁻ cuóong⁻ e niseáang⁻na⁻ jaléng⁻ i dsea⁻ simíng⁻ do e nijmér⁻ ayuno lajee⁻ neáaiñ⁻ cóo' i simíng⁻ i nicúng⁻ guó⁻ do. ³⁵ Jo dsu⁻ niguiéeb⁻ jmí⁻ mi⁻ nitó⁻ dsea⁻ i simíng⁻ do, jo ie⁻ jo mi⁻ nijmé⁻ ayuno i dsea⁻ simíng⁻ do.

³⁶ Jogui ca'e⁻gui Jesús jaléng⁻ i dsea⁻ do jalé⁻ júu⁻ já⁻ e lafa⁻ júu⁻ cuento jo cajíñ⁻:

—Mi⁻ 'né⁻ te⁻ dsea⁻ cóo' 'mi⁻, ja⁻ jmóor⁻ fa⁻ e quiu⁻r⁻ ca'ná⁻ 'mi⁻qui⁻ e 'mí⁻ jo nite⁻r⁻ cóo' cóo' 'mi⁻qui⁻ e yúu⁻. Co' song cajméer⁻ lajo, ni'ím⁻ e 'mi⁻qui⁻ e 'mí⁻ do, jogui ni'ím⁻ e 'mi⁻qui⁻ e yúu⁻ do cajo, co' mi⁻ nijgí⁻, nijóm⁻ e 'mi⁻ 'mí⁻ e sito⁻ do, jo nilife⁻gui e lí⁻ sí⁻guí⁻ do. Jo mi⁻ niliquíu⁻ jo jo ee⁻ ta⁻ íng⁻ jí⁻ capí⁻ jóng.

³⁷ Jogui cajíng⁻gui Jesús casí⁻r⁻ jaléng⁻ i dsea⁻ do:

—Jo lajob⁻ cajo, ja⁻ guié⁻ dsea⁻ jmí⁻ mí⁻ huíng⁻ jó⁻ e laco⁻ gui'ná⁻ có⁻ fí⁻ cóo⁻ dsí⁻ loo⁻ jó⁻ e yúu⁻, dsuco⁻ song cajméer⁻ lajo, joba⁻ ni'guí⁻ba⁻ do jo nidsi⁻ñ⁻ e jmí⁻ do jogui ni'ím⁻ e loo⁻ jó⁻ do cajo. Jo co' lajob⁻ lí⁻, ³⁸ joba⁻ guiá⁻gui e niguié⁻ dsea⁻ e jmí⁻ mí⁻ huíng⁻ jó⁻ do laco⁻ gui'ná⁻ có⁻ fí⁻ cóo⁻ dsí⁻ loo⁻ jó⁻ e 'mí⁻b⁻, jo lajoba⁻ ja⁻ dseáang⁻ fa⁻ e ni'guí⁻ e loo⁻ jó⁻ do o⁻gui fa⁻ e nidsi⁻ñ⁻ e jmí⁻ do cajo. ³⁹ Jogui jí⁻ jaang⁻ dsea⁻, mi⁻ nicangoyúung⁻ e ca'í⁻r⁻ jmí⁻ mí⁻ huíng⁻ jó⁻ e nicó⁻, iing⁻ guí⁻ fa⁻ ni'í⁻r⁻ jmí⁻ e ja⁻ mi⁻ lí⁻ lajo, co' jalém⁻ dsea⁻ fé⁻r⁻: “Eáang⁻gui jlo⁻ jmí⁻ mí⁻ huíng⁻ jó⁻ e nicó⁻ laco⁻gui jmí⁻ e ja⁻ lí⁻ lajo.”

Jo jalé⁻ e júu⁻ na ca'e⁻ Jesús jaléng⁻ i dsea⁻ do ie⁻ jo.

6

Mi⁻ ca'éeng⁻ dsea⁻ quiá'⁻ Jesús láa⁻ quiá'⁻ cu'íee⁻

(Mt. 12:1-8; Mr. 2:23-28)

¹ Jo mi⁻ cangí⁻ jo, cóo' jmí⁻ lajee⁻ e jmi'íng⁻ jaléng⁻ dsea⁻ Israel, cangíng⁻ Jesús cóo' jaléng⁻ dsea⁻ quiá'r⁻ fí⁻ 'ni⁻ lí⁻ sijnea⁻ cu'íee⁻. Jo lajee⁻ teáaiñ⁻ fí⁻ lado, jaléng⁻ i dsea⁻ do canaañ⁻ éeiñ⁻ láa⁻ quiá'⁻ cu'íee⁻, jo guiúr⁻ fí⁻ jaguór⁻ jo jíuar⁻ qui⁻ quiá'⁻, jo cu⁻r⁻ e mícui'íee⁻

do. ²Jo dob ngoling- tú- 'ní m'ing' dsea`Israel i líng' dsea`fariseo. Jo mi~ cangár- e éeng- jaléng' i dsea` do láá' quiá'- cui'íee', jo dsifí ladob cajmingi' reiñ' jo cajíñ'- lala:

—¿Jialí' jmoo' 'ná' cōo' e ja' catíng- nijmé- dsea` mi~ jmí~ e jmi'íng'naa', dsea` lí'naa' dsea` Israel?

³Joba' cañí' Jesús quiá'- i dsea` do jo casí'- reiñ' jo cajíñ'-:

—¿Su ja' mí' ca'í' 'ná' fí' ní' jì' quiá'- Fidié' lí' fé' jial cajmée' dseata~ dsea` féng' Daví' cōo'~ jaléng' dsea` quiá'r- mi~ cadseá- jmi'aaíñ-? ⁴Co' ie~ jo i dseata~ Daví' do ca'í'- fí' dsí' sinúu' guá'- quiá'- dsea` góor' dsea` Israel, jo camí'r' jmidsea` i nées' ní' guá'- do iñí' e güeang' e tíng' dsea` e cuø'r' Fidié', jo cagø'r' cōo'~ jaléng' i dsea` i cōo'r' do. Jo niñí' 'ná' e ja' cuøng' dø'- lí' doñí' i dsea` e iñí' do, co' lajii'~ jmidsea'bing' cuøng' lí' dø'- e jo. Dsu' cangám' i dseata~ dsea` féng' Daví' do e cagø'r' e iñí' do ie~ jo colíng' cōo'~ jaléng' dsea` quiá'r-.

⁵Jo lalab cajíng' gui Jesús:

—Jo jnea~, i cagüéng- fí' jmigüü' la e gáa'a fí' ñifí- e lín'n jaang' dsea` jmigüü', seab' fí' quié- e e quiá'~ ta~ lajee' e jmí~ e jmi'íng' dsea` góo'o dsea` Israel.

Mí' cajmi'leáang- Jesús jaang' dseañu' i caang' guoo'

(Mt. 12:9-14; Mr. 3:1-6)

⁶Jo mi~ cangí' jo, mi~ caguié- cōo'gui jmí~ e jmi'íng' jaléng' dsea` Israel, jo ca'í'- Jesús fí' dsí' cōo' guá'- quiá'- dsea` góor' dsea` Israel, jo canaaíñ' e'r' jaléng' dsea` jalé' júu' quiá'- Fidié'. Jo job nitáang' jaang' dseañu' i nicaang' guoo' dsée'. ⁷Jo jaléng' tifa' quiá'- júu' quiu' ta~ quiá'- dsea` Israel cōo'~ gui jaléng' dsea` Israel i líng' dsea` fariseo dob ngir' e téeiñ' Jesús, jo iñ' e nijøø- su nijmi'leáang- dsea` do i dsea` dsée' do lajee' mi~ jmí~ e jmi'íng' jaléng' dsea` Israel; jo faco' lajo, niguié'r' jial e ni'ñíñ- dsea` do. ⁸Jo dsu' Jesús lí'bre jalé' e í' dsí' jaléng' i dsea` do, jo casí'r- i dseañu' i caang' guoo' do jo cajíñ'-:

—Ráan'- jo ñising' uø' fí' quini' jaléng' i dsea` la.

Jo dsifí ladob caróo- i dseañu' i caang' guoo' do, jo cangó- fí' lí' cajíng'- Jesús. ⁹Jo mi~ caguié- fí' lí' e' dsea` do, joba' cajíng'- Jesús casí'r- jaléng' i dsea` i teáang' dsí' e sinúu' guá'- do:

—Sea' cōo' e nijmingí' 'ná' jaléng'na' na. ¿E~ ta~ quiu' fí' ní' jì' quiá'- Moi~ e cuøng' jmó'oo' mi~ jmí~ e jmi'íng'naa', su jalé' e ga' ofa' jalé' e guiáb- é? ¿Su e jngáang'naa' jaléng' dsea` dsée' ofa' e jmi'leáam'baa'r é?

¹⁰Jo mi~ calí- e fé' Jesús lajo, jo cajøøíñ- jaléng' i dsea` i teáang' dsí' e sinúu' guá'- do, jo casí'r- i dsea` caang' guoo' do jo cajíñ'-:

—Níi' guoo', dseañu'.

Jo mi~ caní' i dsea` do guóor' e caang' do, dsifí ladob ca'lóo-, jo jii' cōo' jo' ee' lí'.

¹¹Jo mi~ cangá- jaléng' i tifa' quiá'- júu' quiu' ta~ quiá'- dsea` Israel cōo'~ gui jaléng' dsea` Israel i líng' dsea` fariseo e cajmi'leáam- Jesús i dsea` dsée' do, dsíng'- caliguiíñ- jo canaaíñ' sñíñ' lajee' yaaíñ' jial laco' cuøng' e nijmeaíñ' dsea` do.

Mí' cagüing' Jesús dsea` guitúung' quiá'r-

(Mt. 10:1-4; Mr. 3:13-19)

¹²Jo mi~ cangí' jo, cōo' jmí~ cangó- Jesús fí' cōo' yá' mó', jo fí' job cateaaiñ' lata~ uøø' e sñíñ' cōo'~ Fidié' dsea` guíng' ñifí-. ¹³Jo mi~ cajneá- e uøø' jo, jo catø'r- jaléng' dsea` i ngí' cōo'r' do. Jo mi~ caguiíñ' do fí' lí' sñí', jo caguiñ' guitúung' i dsea` do i ni'uíng- dsea` apóo' i nijmé- ta~ ní' júu' quiá'r-. ¹⁴Jo lalab sii' i dsea` guitúung' do: jaang' i sii' Simón, jo mi~ canaaíñ' ngir' cōo'~ Jesús jo calisí' Tú'; jaang'gui i sii' Dí', rúng' dsea` ngáang' cōo'~ i Simón do; jaang'gui i sii' Tiáa~, jaang'gui i sii' Juan, jaang'gui i sii' Lii~, jo jaang'gui i sii' Bartolomé, ¹⁵ jaang'gui i sii' Mateo, jaang'gui i sii' Mó', jaang'gui i sii' Tiáa~, joo' jaang' dseañu' i sii' Alfeo; jaang'gui i sii' Simón i líng' dsea` celote; ¹⁶ jaang'gui i sii' Judas, rúng'

dsea`ngáang`~ cóo`~ i Tiáa` do; jo li` cadséng`gui jaang`gui i sii` Judas Iscariote, dsea` i cajáng` Dsea` Jmáang` fí` jaguó` jaléng` dsea` cóøng`~ quiá`- dsea` Israel.

*Mi` ca'e` Jesús fñng` dsea` jalé` júu` quiá`- Fidié`
(Mt. 4:23-25)*

¹⁷ Jo mi` cangf` jo, cajgám` tu Jesús fí` e yá`^ mó` do coling` cóo`~ dsea` quiá`r` jo catiññ`~ cóo` li` iá` cóo` mí`^ røø, jo fí` job cajer` e ca'e`reiñ` do jalé` júu` quiá`- Fidié`. Jo lajee` jo caguiling` jaléng` dsea` i jalíng` fí` Jerusalén cóo`~ jalé`gui fñ` jíe` e tée` li` se` Judea cóo`~ jaléng` dsea` i neáang` fí` 'ni` jmiñí`^ fí` Tiro cóo`~gui fí` Sidón. Jo jaléng` i dsea` do caguiliñ`- 'náñ` Jesús, có` iñ` e ninúr` jalé` júu` quiá`- Fidié` e e` dsea` do. Jogui fñm`biñ` do jeeiñ` jaléng` dsea` dsée`~, có` niñir` e jmi`leáam` Jesús jaléng` i dsea` la`f` lí`^ doñí` ee` jmohuñ` e líññ`. ¹⁸ Jogui jaléng` dsea` i jee` i `ling`^ quiá`- cajmihuim` Jesús i `ling`^ do, jo lajoba` ca`láam` jaléng` i dsea` do. ¹⁹ Jo jalém` dsea` ie` jo iñ` nidsiliñ` cáang` Jesús, jo iñ` nigü`r`- fa` capi`^ sib`^ dsea` do, jo lajoba` ni`leáañ` lí`^ doñí` ee` jmohuñ` e líññ` la`eáang` cóo`~ güea`^ `gøng` quiá`- dsea` do.

*I` jaléng` i seeng`juguiá`
(Mt. 5:1-12)*

²⁰ Jo lajee` sing` Jesús coling` cóo`~ i dsea` quiá`r` do, jo cajøøng`neiñ` jo casí`r` dsea` do lala:

—Juguiá`- jia quí`^ 'ná`, ja` e lí` jialgui la tiñíng`-na`, có` Fidiéeb` dsea` ni`quie` nifí` quí`-na` lana.

²¹ Juguiá`- jia quí`-na`, 'ná` dsea` móo`-na` oo`~, có` Fidiéeb` nicuø`- 'ná` lalíng` mi` nití`- í` lajo.

Juguiá`- jia quí`-na`, 'ná` dsea` jiuung` óo`-na` car` qui`-na`, có` 'ná`bing` i ningñ`- mi` niguiéé` jmñ`.

²² Juguiá`- jia quí`-na` mi` 'ní` níng` jaléng` dsea` 'ná` uii` quie`- jnea`~, osi mi` øøiñ` 'ná` fí` caluu` fñ` lí` seeng`na`, osi mi` jmineañ`^ 'ná`, osi mi` nijíng`- jaléng` dsea` e `lim`^ba` dsu` uí`^ e náu`-na` jalé` júu` quie`-e, dsea` i casíng` Fidié` fí` jmigü` la e lín`n jaang` dsea` jmigü`. ²³ Jo e jmñ` e mi` nijmeáng` dsea` 'ná` jalé` e ga` lajo, güli`iáang` óo`-na` dsuco` niliseab` guieé` quí`-na` mi` nití`- fí` ñifí`. Dsuco` lajob cajmée` jaléng` i `liñ` yáa`~ quiá`- jaléng` i dsea` i `ní` níng`- 'ná` do ie` lamí` cajmeañ` ga` jaléng` i dsea` i café` cuaiñ` quiá`- Fidié` malñ`gui eáang`.

Jo mi` calí` e ca'e` Jesús jalé` e júu` na, jo lalab cajíng`-guir:

²⁴ —E ngí` fñ`- 'ná`, jaléng` dsea` sea` cuu`~, có` nicañí`-ba` e sii` juguiá`-.

²⁵ E ngí` fñ`- 'ná`, dsea` sea` e ø`-na` lalíng` lana, có` niguiéé` jmñ` mi` nimó`-na` oo`~.

E ngí` fñ`- 'ná`, dsea` jmi`iáang` óo`-na` cóo`~ jalé` e sea` fí` jmigü` la, có` niguiéeb` jmñ` mi` nilijiuung` óo`-na` car` ni`qui`-na` uii` quiá`- jalé` e jo.

²⁶ E ngí` fñ`- 'ná` mi` fé` jaléng` dsea` jmang`- e guiá`- uii` quí`-na`, có` lajob cajmée` `liñ` yáa`~ quiá`r` cóo`~ jaléng` dsea` i cajmicaang` e café`r` cuaiñ` quiá`- Fidié` malñ`gui eáang`.

*'Né` nijmi`neáang`naa` jaléng` i `ní` níng`- jneaa`aa`
(Mt. 5:38-48; 7:12)*

²⁷ Jo mi` calí` e cajíng`- Jesús lajo, jo caféng`guir jaléng` i dsea` do jo cajíñ`- casí`-reiñ`:

—Náa`-na` jalé` júu` quie`-e: 'Né` nijmi`neáam`ba` jaléng` i `ní` níng`- 'ná`, jogui jmee`-na` jmang`- e guiá` cóo`~ jaléng` dsea` i `lee` quí`-na`, ²⁸ jogui féeng`-na` Fidié` uii` quiá`- jaléng` i cuø`- 'ná` júu` `lí`^, jogui má`-na` Fidié` jalé` e guiá`- uii` quiá`- jaléng` i jmineang`- 'ná`. ²⁹ Song` i` caquiúu` cataang` moní`-na`, joba` cuøø`-na`r e cataang`gui do güiquiúu`r` jóng. Jo song` i` caguí`-mi`guieé`- quí`-na`, joba` cuøø`-na`r la quie`-mi`qui`-na` cajo. ³⁰ Cuøø`-na` jaléng` i mi`- 'ná` lí`^ doñí` ee` mir`, jo song` i` cacá`- ee`go` e sea` quí`-na`,

jo` güimí~na'r. ³¹ Jmicóo~na' jaléng` dsea, jo` jmee~na' jmang'- e guiá~ cóo'r lí^ laco'gui iing~na' e nijmér~ cóo~ 'nú'.

³² Jo song 'nú' 'neáang`na' lajii~ i 'neáang` 'nú', joba' ja` güi'f^ óo'na' e jmoo`na' e guiá~, co' lajob jmoo` cajo jaléng` dsea` dsee~ dsea` qui'. ³³ Jogui song jmicóo~na' lajii~ dsea` i jmicóo~ 'nú', joba' ja` güi'f^ óo'na' fa' e jmoo`na' e guiá~, co' lajob jmoo` cajo jaléng` dsea` dsee~ dsea` qui'. ³⁴ Jogui mi~ ee`go jmi'ðong` rúng`na' jo` jmoo`na' lajo cóo~ i dsea` i líng~na' i niquí~ e dsí` qui~na', joba' ja` güi'f^ óo'na' jóng fa' e jmoo`na' e guiá~, co' lajob jmoo` cajo jaléng` dsea` dsee~ dsea` qui', jo` jmoo` lajo uí~ líng~ ee` sijear~ e ni'íñ` quiá~ dsea` rúñ`.

³⁵ Dsu' 'nú' 'né~ nijmi'neáang`na' jaléng` i 'ní` níng~ 'nú', jogui jmang'- e guiá~ 'né~ nijmee~na' cóo~ lajaléng` dsea. Jogui jaléng` dsea` i líng~ ee`go jmi'ðong` 'nú', ja` güi'f^ óo'na' fa' dseáng~- e niquí~ tur qui~na'. Jo song nijmití`na' jalé` e nicafá~-a na, joba' dseáng~- niliseab` guiéé` qui~na', jo lajoguiba' nilíng~na' jóo` Fidiéé` dsea` guing~ ñiff~, co' jii~ íb` dsea` guiúng~ cóo~ jaléng` dsea` doñí` fa' soo` dsír` osi ja` cuø'r` gui'máang` dsea` do é mi~ ee`go íñ`. ³⁶ Jo jmee~ba' fii~ líng~ rúng`na' laco'gui Tiquí`ii' dsea` guing~ ñiff~ fii~ líñ` 'nú'.

Ja` cuø'na' dsee~ dsea` rúng`na'

(Mt. 7:1-5)

³⁷ Jo ja` cuø'na' dsee~ dsea` rúng`na', jo lajoba' Fidiéé` ja` nicuø'r~ 'nú' dsee~ cajo. Jo ja` fó`na' júu` ga` quiá~ dsea` rúng`na', joba' Fidiéé` ja` nijmér~ lajo cóo~ 'nú'. Íng`na' dsee~ quiá~ jaléng` dsea, jo lajob ni'íng~ Fidiéé` dsee~ qui~na' cajo. ³⁸ Cuø'na' jaléng` dsea` ee`go e 'né~, jo lajob ni'íng`na' quiá~ Fidiéé` cajo; jo nijmér~ lajo cóo~ 'nú' lafa' mi~ cuø'na' dsea` micuú` e néé` í` cóo~ 'ma' í` cui~, jo mi~ nidsitoo~, 'né~ e ni'léng` e 'ma' í` cui` do, jo mi~ caróng~ 'né~ e nidsitoo~ teá, jo mi~ calí~ jo, 'né~ e nilí` guisó` guiá~. Jo Fidiéé` nijmér~ cóo~ 'nú' lí^ laco'gui la jmoo`na' cóo~ jaléng` dsea` rúng`na'.

³⁹ Jo mi~ calí~ e cajíng` Jesús jalé` e júu` na, jo ca'e`guir jaléng` i dsea` do jo casí`-reiñ` lala jo cajíñ`:

—Song jaang` dsea` tiuung~ nijéiñ~ jaang`gui dsea` tiuung~, joba' dseáng~- fí` íb` nijiúñ` laji` huáaiñ` do. ⁴⁰ Jogui jii~ jaang` dsea` i jmitíng~, tíng`guir laco' tifa' quiá~r~ lajee` e jmitíñ`. Dsu' mi~ ca'e` i tifa' do lajalé` e tíñ`, joguiba' røøb` nilitíñ` jóng.

⁴¹ Jo çjiali' ca` cuente lajii~ qui` ía~ jmini` jaang` dsea` rún', jo dsu' ja` ca` cuente uø' e jie~ ja` latøøng~ cóo` 'mab` ía~ jminí`? ⁴² Jo song ja` lí` cá` cuente uø' jial tí` fe' e ía~ jminí`, joba' çjial niteá` o' e nifi` jaang` dsea` rún` lala: “Rú`uu', nea`du ne`ee', jo nigui`duu e qui` ía~ jminí`”? i jmicaang~ 'nú! Jáng~- gui`du e 'ma' e ía~ jminí` uø', jo lajoguiba' nicuøøng` jøø` guiá~ e nigui` e qui` e ía~ jminí` i dsea` rún` do.

Jalé` 'ma' ofii` cui` dsea` la'eáang` cóo~ ofii` e íb`

(Mt. 7:17-20; 12:34-35)

⁴³ Jo mi~ calí~ jo, jo cajíng`-gui Jesús casí`r~ jaléng` i dsea` do:

—Ja` sea` 'ma' ofii` e guiá~ e cuø` ofii` e ja` dseeng`, o'gui sea` 'ma' ofii` e ja` dseeng` fa' e cuø` ofii` e guiá~. ⁴⁴ Co' jalé` 'ma' ofii`, mi~ cacuø` ofii` quiá~, joguiba' nililí` dsea` su guiá~ osi ja` dseeng` e 'ma' ofii` do. Co' ja` cuø` güiñí` yá^ 'matóo', o'gui mi` huíng` jø` í` yá^ 'matóo` fí'. ⁴⁵ Jo jaang` dsea` i guiúng~ fé'r` jalé` e guiá~, co' jmang'- e guiáb~ í` dsír`. Jogui jaang` dsea` i soo` dsíj` jmang'- e gab` fé'r`, co' jmang'- e gab` í` dsír`. Co' dseáng~- lajii~ e í` dsíib` dsea` e fé'r`.

Jial lí` mi~ núu~ dsea` júu` quiá~- Fidiéé`

(Mt. 7:24-27)

⁴⁶ çjiali' fí`na' jnea~, “Fí`i, Fí`i”, song ja`gui núu~na' jalé` ta~ quiá`u? ⁴⁷ Nifá`duu i líng` la líng` jaang` dsea` i núu~ júu` quié~ e jogui jmitir~ jalé` e fá`a: ⁴⁸ i dsea` í` líñ` la líng` jaang` dsea` i cajme' cóo` 'núu'. Jo i dsea` í, nú~-gui e nijmér~ e 'núu` do, catá~r~ tí~

fií e a' jogui caséer` cóo~ cuu~ e cóo~ eáang, joguiba' cajme'r' e 'núú do. Jo mi~ cajá~ jmáí dsiing~, dsíng'- ca'í~ jmáí e tíi~ e 'núú do, jo dsu' jii~ coo' ja' ee' calíng~, co' teáb' eáang' si'.
 49 Jogui i dsea i ja' núú~ jalé' júu^ quié~ e o'gui jmitir~ jalé' e fá'a, i dsea i líiñ' la líng' jaang` dsea i cajme' coo' 'núú, jo ja' catá'r~ tíi~ fií. Jo mi~ cajá~ jmáí dsiing~, eáang' ca'í~ jmáí tíi~ e 'núú do, jo ca'ím~ba' do co' caquib'.

Jo jalé' e júu^ na ca'e' Jesús jaléng' i dsea do e fi' e míi^ røø do ie~ jo.

7

Mi~ cajmi'leáang~ Jesús jaang` dsea` léeng'` quiá~ jaang` fií` 'lé~ romano (Mt. 8:5-13)

1 Jo mi~ cató' e caféng' Jesús jaléng' i dsea do, jo cangám~túr cóo~ dsea` quiá'r~ fi' Capernaum. 2 Jo e fi' fií Capernaum do nitáang` jaang` fií` 'lé~ i niseeng` fi' Roma. Jo niseeng` jaang` dsea` léeng'` quiá'r~ i iñ~ dsíng'~, jo i dsea i niráaiñ` dséer~, jo dseáng'~ tí lí~ nijúum~bre co' eáam' líiñ'. 3 Jo mi~ caliñ' i fií` 'lé~ do e caguiéng'~ Jesús fi' Capernaum, jo dsifí ladob casíiñ` tú~ 'ní máng'~ dsea` cóong'~ quiá~ dsea` Israel e cangoféiñ'~ Jesús fa' e nidsér~ e nidsijmi'leáaiñ` i dsea` dséer~ do. 4-5 Jo mi~ caguilíng~ i dsea` cóong'~ do fi' lí~ sing'` Jesús, jo camí'r' dsea` do jmi'ee' lajii~ ta~ ngolíiñ~ jo cajíiñ':

—I fií` 'lé~ i casíi` qui~naa' do, dsíng'~ guiúíñ` cóo~ jaléng' dsea` góo'naa' dsea` Israel, co' íbre caquiá'r' ta~ e calí~ guá~ qui~naa', joba' ií~naa' e nijmicóo'~re lana.

6 Jo mi~ canúu~ Jesús jalé' e cajíng'~ i dsea do, jo cangó~bre cóoiñ'~ do. Dsu' nú~gui e niguiéé Jesús fi' quiá~ i dsea do, cajíiñ' tú~ 'ní máng'~ dsea i casíng' i fií` 'lé~ do i quié' júu^ quiá'r~, jo cajíiñ' casí'r~ Jesús lala:

—Lalab jíng'~ fií'naa': 7 “Fíi, ja' jméé' fi'í' fa' ñi' tí quié~ e, co' ja' catáin'~ fa' e ni'úun'~ sinúu^ quié~ e, co' dsea` 'góm'~ 'nú, o'gui fa' e cateá~ dsii~ e caga'nén'n 'nú' 'ñiá'a, co' dsea` fém' 'nú. Jo líco' fée' e ni'leáang~ dsea` dséer~ quié~ e, jo ni'leáam~bre jóng. 8 Dsucó' jnea~ seem` dsea i quiá' ta~ quié~ e, jogui seem` dsea i quiá' ta~ cajo. Jo mi~ fií~ i jaang` dsea` quié~ e e gua~, joba' dsifí lajob dséer'; jogui mi~ fií~ guá i jiéng' e nea, joba' dsifí lajob jáar' cajo; osi mi~ fií~ i jaang` dsea` 'léeng'~ quié~ e e jmee~ e la, joba' dsifí lajob jmóor' cajo; jo jalém' dsea` quié~ e núú'r~ júu^ quié~ e.”

Jo jaléb' e júu^ na quié' i dsea i cangojmijíng' Jesús do.

9 Jo mi~ canúu~ Jesús lado, jo dsíng'~ cangogá dsíir' jo caji'r' nir~ cajóoiñ~ jaléng' i dsea` i cóo'r~ do jo casí~reiñ' jo cajíiñ' lala:

—Lajee' lajaléng' dsea` góo'naa' dsea` Israel ja' mí cajín'n jii~ jaang` i dseáng'~ lajang'` já' líng' júu^ quié~ e laco'gui i dsea` romano la.

10 Jo cangolíim~tú i dsea do fi' quiá~ i fií` 'lé~ do. Jo mi~ caguilíiñ, jo` ee' líng' i dsea` dséer~ do jii~ coo', co' nínica'láam~bre.

Mi~ cajmée` Jesús e cají'tu joo' jaang` dseam' i 'nñ~

11 Jo mi~ cangí jo, cangó~ Jesús fi' coo' fií e sií Naín cóo~ dsea` guitúung` quiá'r~, jo dsíng'~ fíng' dsea i ngolíng~ cóo'r~ ie~ jo. 12 Jo mi~ caguiér~ quiá~ e fií do, jo cajíiñ' cabøø~ dsea i jéeng' jaang' 'líi~, jo teáaiñ' do fi' e ningolíiñ' fi' codsii'. Jo dsíng'~ qui' níquiá' i 'líi~ do, co' jii~ dob jóor' i niseeng', jo jii~ jaang' jo i seeng' quiá'r~, co' nínicajúm~ dseañu' quiá'r~ cajo. 13 Jo mi~ calilí' Jesús e jo i seeng' quiá~ i dseam' 'nñ~ do, jo dsíng'~ calí~ fií~ líng~neiñ', jo casí'r~ i dseam' do lala:

—Jo` qui'.

14 Jo mi~ cajíiñ' lado, jo cangoquiéeiñ' quiá~ lí~ ngóo' e guóo' e iuung~ i 'líi~ do, jo cagüi'r' e dse' guóo' do. Jo i dsea i jée' quiá~ i 'líi~ do, dsifí ladob cajer'. Jo cajíng'~ Jesús caféiñ' i 'líi~ do:

—Simíng', jnea~ tóø-ø 'nú: jRáan' na!

15 Jo dsifí ladob cají' i 'lii~ do, jogui caguár` jo canaaiñ` fé'r`. Jo Jesús cajáiñ` i siming` do cóo'~ niquiaíñ`^ . 16 Jo mi~ cangá~ jaléng` i dsea` do e cají' i 'lii~ do, joba' dsíng'~ cangogá` dsír` jogui dsíng'~ cafóíñ` cajo. Jo canaaiñ` jmiféiñ` Fidiéé` jo sáiñ` lajee` yaaiñ`:

—Jaang` dsea` i 'gøng'` eáang` i fé'` cuaiñ` quiá'~ Fidiéé` nicagüéiñ` jee` jneaa`aa' lana. Jogui fé'` guir cajo lala:

—Fidiéeb` nicagüéiñ` e nijmicóo'r` jaléng` dsea` góor`.

17 Jo jalém` dsea` i seeng` fí` jalé'` fií` e née' fí` lí` se'` Judea cóo'~ gui fí` lacúng'` jo, caliñir` e júu` jo lajii'~ e cajmée` Jesús do.

*Mi~ casíng` Juan i seáang` dsea` jmii` dsea` quiá'r` fí` lí` táang` Jesús
(Mt. 11:2-19)*

18 Jo lajee` jo caliñir` Juan i seáang` dsea` jmii` do jalé'` e jmóo` Jesús, co' e júu` jo cajmée` i dsea` quiá'~ i Juan do. 19 Joba' cató'~ i Juan do gáng` dsea` quiá'r` , jo casíng` neiñ` fí` lí` táang` Jesús e cangojmingí'r` dsea` do su í'bing' i cajíng'~ Fidiéé` i nigüéeng` fí` jmigüí` la, osi 'né' e nijém` bir jaang`gui i jiéng` é. 20-21 Jo mi~ caguilíng` i dsea` quiá'~ i Juan do fí` lí` táang` Jesús, jo gui'nang'` jmóo` dsea` do mii` quiá'~ jaléng` dsea` dsée'~ i líng'` doñi' ee` jmohuí': seeng` dsea` tiuung` jogui seeng` dsea` i jée' i 'líng'` quiá'~ . Joba' cangáb` i dsea` gáng` do mi~ cajmi'leáang` Jesús jaléng` i dsea` dsée'~ do. Jo cangoquiéeng` i dsea` quiá'~ i Juan do fí` lí` sing'` Jesús jo cajmingí'r` dsea` do:

—I Juan i seáang` dsea` jmii` do casíñ` jnea' e cajajmingí'`naa' 'nu, ¿su 'nub` dsea` i cajíng'~ Fidiéé` i nigüéeng` fí` jmigüí` la, osi 'né' e nijeem`baa' jaang` i jiéng'`gui é?

22 Joba' cañi'` Jesús casí'r` i dsea` do:

—Güilíng`na' güijmée'~na' i Juan do júu` jalé'` e nicañi'~na' jogui jalé'` e nicanáa`na' na: güijmée'~na'r` júu` jial lijné`tu jaléng` dsea` tiuung` , jogui jial ngi'tu jaléng` dsea` jlúung'~ , jogui jial linúb`tu jaléng` dsea` güiing` , jogui jial 'láang`tu jaléng` dsea` líng'` jmohuí' 'li' fí` ngúu` táang` , jogui jial jí'tu jaléng` 'lii~ , jogui jial guiaa` júu` cajo quiá'~ jial nileáang` jaléng` dsea` dsee` dsea` qui' jee` jalé'` dsee` quiá'r` . 23 Jo juguiá` jia quiá'~ jaléng` dsea` i ja` litúng` dsí' cóo'~ jalé'` júu` quié' e.

24 Jo mi~ calí` e fé'` Jesús lado, jo cangolíim`tu i dsea` quiá'~ i Juan i seáang` dsea` jmii` do, jo Jesús canaaiñ` sí'r` jaléng` i dsea` i taang` cóo'r` do jalé'` juguiá` uii` quiá'~ i Juan do, jo casí'~ reiñ' do jo cajíñ'~ lala:

—¿E` caguijøø` 'nú'` mi~ canáa`na' e ningí` i Juan i seáang` dsea` jmii` do fí` guóo'~ uó' quiú'`? ¿Já' leáa'~?, ja` caguijøøng` 'nú'` jaang` dsea` i uaang` júu` quiá'~ i jmóo` lí' doñi' ee` ta` quiu'` dsea` jiéng` i líng'` la lí' cóo'` cuiñi'` e dsée' cataang` lí' doñi' jíe' fí` lí' í' guí, 25 o'gui caguijøøng`na' jaang` dseañu' i jlo'` sí' i seeng` juguiá` , co' niñí'` 'nú'` e i dsea` la'f` neáaiñ` quiá'~ dseata` dsea` féng' . 26 Jo ¿i' í' óo'na' i caguijøøng`na'? Jo e já'~ , 'nú'` caguijøøng`na' jaang` dsea` i laniing`-gui laco'gui i dsea` caguiaang` i café'` cuaiñ` quiá'~ Fidiéé` malii`gui eáang' . 27 Jo nab` nicaliti` laco' fé'` Fidiéé` fí` ni` jì` quiá'r` cuaiñ` quiá'~ i Juan i seáang` dsea` jmii` do mi~ cajíñ'~ lala:

Nisín`n` jaang` dsea` i niguiá` júu` quié' e ná'`gui e niguó'` fí` jmigüí` e laco'`niguiár` guia` fí` lí'`ningí'`.

Jo lanab` fé'` fí` ni` jì` quiá'~ Fidiéé` uii` quiá'~ i Juan do.

28 Jo casí'`gui Jesús jaléng` i dsea` do jo cajíñ'~ lala:

—Lajee` lajaléng` dsea` i nicafé'` cuaiñ` quiá'~ Fidiéé` , ja` mi' caliséng` jaang` i niing`-gui ta` quiá'~ laco' i Juan i seáang` dsea` jmii` do. Jo dsu' i dsea` i ja` niing` fí` jmigüí` la, dsu' Fidiéé`bing' i quié' nifí` quiá'r` , joba' í'bing' i niing`-gui laco' i Juan do.

29 Jo jaléng` dsea` i canúu` júu` quiá'~ i Juan do ie` jo cajgáam`-bre jmii` , jogui lajob` cajmée` cajo jì'gui jaléng` nodsicuu` i jmóo` ta` quiá'~ dseata` quiá'~ Roma, co' calilí'r` e Fidiéé`bing' i ée` røø` laco' catíng` . 30 Dsu' jaléng` i dsea` Israel i líng'` dsea` fariseo cóo'~

jaléng' i tifa' quiá' júu quiu' ta quiá' dsea` Israel ja` cali'iiñ` fa' cajgáaiñ` jmi` mi` cajá` i Juan do, co' ja` cali'iiñ` lajii' e lamir` si'iiñ` ni'ín` quiá' Fidiée'.

³¹ Jo cajíng' gui Jesús:

—¿I` nifá^a i líng' la líng' jaléng' i dsea` i seeng' lana? ³² Co' jaléng' i líiiñ' la líng' jiuung' i taang' tacóo` fi' 'móo'~, jo mi` niti'áng' rúin' jo fé'r` lala: “Jnea^ cajiiu^naa' lúu', dsu' ja` cadseeng`na'; jo ca'ó^naa' jalé' e ø` dsea` li` ráang' 'lii~, dsu' ja` caquií'na'.” ³³ Co' lalab café' 'nú' mi` cajá` i Juan i seáng` dsea` jmi` do, co' ca'eeng`na'r e jée' i 'lingi^ quiá'r` dsu' uii' e ja` 'leáng` gø'r' jogui jii' capí^ jmi^ mí^ huíng` jø' ja` í'r'. ³⁴ Jogui cagá` jnea` fi' jmi'güi` la e lín'n jaang` dsea` jmi'güi` e gø'baa` jii' laco' gø' dsea', jo dsu' jaléng' 'nú' ca'eeng`na' jnea` e lín'n jaang` dsea` cúng` i gø' contøng`, jogui e lín'n jaang` dsea` íng` i ngi` cóo'~ jaléng' dsea` i sea` júu` e dsíng'~ røøiñ` dsee~, o'si cóo'~ jaléng' 'ná' nodsicuu` é` i jmóo` ta` mí` cuu` e catíng` dseata` quiá' Roma é. ³⁵ Jo dsu' cóo'~ jalé' e jmóo` Fidiée', jmi'jneeiñ` jial tí' tiiñ` ngáiñ'.

Mi` cagø' Jesús fi' quiá' jaang` dsea` fariseo i sii` Simón.

³⁶⁻³⁷ Jo mi` cangí` jo, jaang` dsea` fariseo i sii` Simón catø'r` Jesús fi' quiá'r` e cagø'r` í' e jmi` jo. Jo e fi' góo` i Simón do niseeng` jaang` dseamí` i nijmóo` ta` 'níng' 'ñia'. Jo mi` nicaliñi` i dseamí` do e nidsé` Jesús fi' quiá' i dsea` fariseo do, jo cangó`bre cajo. Jo lajee` guíng` Jesús e gø'r' cóo'~ jaléng' i dsea` do, calí` i dseamí` do fi' li` guíng` Jesús jo quier' cóo` sí' e a` jmi` jmeafi` e 'mo'^ eáang'. ³⁸ Jo mi` cagüé` i dseamí` do tí' li` guíng` Jesús, jo casí'r` uó` jnir~, jo canaaíñ` qui'r'. Jo laco' qui'r', jalé' jmi` e í' jminir` do tí' fi' tii` Jesús, jo cóo' e jmi` jo canaaíñ` ru'r` tii` dsea` do, jogui cajmiquiu'r` tii` dsea` do cóo' jñu'guir`. Jo mi` calí` lajo, jo cachu'r` tii` dsea` do, jo casúur` e jmi` jmeafi` e quier' do fi' tii` dsea` do. ³⁹ Jo mi` cangá` i dsea` fariseo do i catø'` Jesús fi' quiá'r` do jalé' e cajmée` i dseamí` do quiá' Jesús, joba' canaaíñ` í' dsír': “Facó' já' i fé' cuaiñ` quiá' Fidiée' i dseañu' la, joba' nilí'bre jóng` e` jalé' dsee` røøng` i dseamí` i güi' tii'r` na.” ⁴⁰ Joba' Jesús casí'r` i dsea` do jo cajíñ'`:

—Simón, sea` cóo` e 'né` nifí^i 'nu`.

Joba' cañi' i dsea` fariseo i sii` Simón do jo cajíñ'`:

—¿E` nifo^, Tifa'?

⁴¹ Joba' cajíng' Jesús casí'r` reiñ':

—Coo` née'~ caliséng` gáng` dsea` i røøng` cuu` quiá' jaang` dseañu' i jmóo` ta` jmi'øø` cuu`. Jo jaaiñ' do røøiñ` 'ñia` ciento cutes, jo jaang`guiñ' do røøiñ` jii' cincuenta cutes.

⁴² Jo mi` camí' i dsea` do cuu` quiá'r`, jii' jaang` i dsea` do ja` ee` sea` quír` quiáíñ'`. Joba' jo` ee` camí' i dsea` fii` cuu` do cuu` quiá'r`, jo caláam` i dsea` do, jo jo` ee` caquiír` jii'~ cóo` 'ñia`. Féé' du 'nu` ne` du': ¿I` lajee` laji` huáang` i dsea` do eáang`gui` neáang` i dsea` cacuø` cuu` do?

⁴³ Joba' cañi' i Simón do jo cajíñ'`:

—Jnea` lín'n e i dsea` i carøøng` jmi'guiu'gui do.

Joba' cañi' Jesús quiáíñ'` do jo cajíñ'`:

—E uii~, jáb'~ quií'~, lajob líí'.

⁴⁴ Joba' cajøøng` Jesús i dseamí` i guíng` uii` tii'r` do, jo casí'r` Simón jo cajíñ'`:

—¿Jøøng` i dseamí` la? Mi` ca'úu`u sinúu` quií'~, ja` cacuøø'~ jnea` jmi` fa' e carúu'~u tii' laco' títng` jneaa`aa' fi' la; dsu' i dseamí` la, dsea` i co' jáab' la, nicaru'bre tii' cóo'~ jmi` í' jminir` jogui nicajmiquiu'r` cóo'~ jñu'guir`. ⁴⁵ Jogui ja` cachu' 'nu` nii` laco' títng` jneaa`aa' fi' la mi` neeng` rú'naa'; dsu' i dseamí` la ja` mí' caquiuiñ' e chu'r` tii' laco' mi` ca'úu`u sinúu` quií'`. ⁴⁶ Jogui ja` casúu'~ jmi` jmeafi` moguii` laco' títng` jneaa`aa' fi' la; dsu' i dseamí` la cagüéiñ` quier' cóo` sí' e a` jmi` jmeafi` e 'mo'^ eáang', jo nicasúur` tii'.

⁴⁷ Dsu' jnea` nifí^i 'nu` e já' i dseamí` la dsíng'~ nicarøøiñ` dsee~, dsu' jnea` nicali`m`baa` jalé' e dsee` jo quiá'r`, joba' dsíng'~ jmi'neáaiñ` jnea` lana; dsu' jaléng'gui` i dsea` i líng` e ja` 'ga' lí' dsee` røøiñ` e laco' jnea` ni'íin`n jalé' e jo, joba' ja` 'ga' lí' jmi'neáaiñ` jnea` jóng.

48 J_oba' cajíng' Jesú_s casí'r i dseamî do:

—Nica'ím baa jalé' dsee quií'.

49 J_o jaléng' i dsea i neáng'gui do cóo' Jesú_s canaaín sáín lajee yaaiñ:

—¿i i dseañ' la e íiñ dsee quiá' jaléng' dsea?

50 Dsu' Jesú_s casí' guir i dseamî do j_o cajíñ':

—Jnea nica'ín n jalé' dsee quií' dsaco' jáb' calín' jalé' júu quié'e; j_oba' lana guóng' cóo' e guiá' fí quií'.

8

Jaléng' dseamî i cajmicóo' quiá' Jesús

1 J_o mi cangî j_o, cangó' Jesú_s laco' fii e cóo' cóo' jalé' fii e pí' quiá' e guiar' jalé' júu quiá' Fidié' e quiá' jial quié' dsea do nifí quiá' jaléng' dsea. 2-3 J_o cóo' bre jaléng' i dsea guitúung' do quiá'r, jogui ngolíim bi cajo jaléng' dseamî i nicajmi leáang' Jesú_s lí' doñí ee jmoहु' líiñ', fa' jaléng' i jée i 'ling' quiá' lamí jéeng'gui. J_o jee j_o quiéeng' jaang' dseamî i sii Yá' i seeng' fí Magdala i ca'uøng' guiáng' i 'ling' quiá'; j_o jaang'gui dseamî i sii Sihuo' i líng' oo' jaang' dseañ' i sii Chuza i jmóo' ta' laniing' quiá' dseata Herodes; j_o jaang'gui i sii Susana, j_o fíim bi jaléng' dseamî i jiéng'gui i ngolíng' ie j_o, j_o jmícoo'r Jesú_s cóo' jalé' e sea capí' quiá'r.

Mí ca'e Jesús coo' júu já' e lafa' júu cuento quiá' mí bí dsea mijú'
(Mt. 13:1-9; Mr. 4:1-9)

4 J_o coo' jmí ie j_o, mi caliñí jaléng' dsea jie fí lí táang' Jesú_s, j_o ca'uøiñ cango'neeiñ dsea do; j_o dsíng' fíng' dsea caseáin' ie j_o, j_oba' ca'e' Jesú_s jaléng' i dsea do cóo' júu já' e lafa' júu cuento j_o casí'r dsea do lala:

5 —Jaang' dseañ' cangór cangobíir mijú' quiá'r fí lí nicajír. J_o mi cabír e mijú' do, sea e cajiú' lí ngíng' fí. J_o mi cangíng' jaléng' dsea, caso'øm' bre jalé' e mijú' do, j_o e líng'gui cagó' ta' cajo. 6 Dsu' sea bi e cajiú' ni cuu lí ja' leáang' guóo' née; j_oba' mi ca'íang', dsifib' caliquiú' co' ja' sea lí nisó' jmó' quiá' lí güí', j_oba' ca'ím cajo. 7 Jogui sea bi e mijú' do e cajiú' jee mijú' 'matóo'; j_o mi ca'íang' e mijú' do, jéeng'gui e mijú' 'matóo' do cacuáng' j_o ca'ím e mijú' e cabí i dsea do jee e mijú' 'matóo' do. 8 Dsu' seab' e mijú' do e cajiú' lí jlo' uó'; j_o mi cacuáng' j_o jlob' cacuø; sea e cacuø laj' cien mí' lacami' mijú'.

J_o mi calí fé' Jesú_s jalé' e júu na, j_o casí' guir jaléng' i dsea do, j_o café'r laco' ninú' i dsea do røø j_o cajíñ':

—Ii 'nú' sea loguá'na', núu'na' jalé' júu quié'e.

E uíng' e ca'e Jesús jalé' júu já' e lafa' júu cuento
(Mt. 13:10-17; Mr. 4:10-12)

9 J_o mi cangî j_o, j_o cajmingí i dsea guitúung' do cajmingí'r Jesú_s e guóng' e júu e ca'er' do. 10 J_oba' cajíng' Jesú_s casí'r i dsea guitúung' do:

—Quiá' Fidié' nicangíng' 'nú' e ngáng'na' jalé' e ja' mí ní dsea jéeng'gui, e dsea í iñ cár nifí quiá' lajaang' lajaang' dsea jmígüí. Dsu' jnea ée e jaléng' i dsea na cóo' júu já' e lafa' júu cuento e laco' mí ninír, nijér lafa' ja' ee cangá' bre, jogui mí ninúr, nijér lafa' ja' ee canúu' bre cajo.

Mí cajmíe Jesús júu e guóng' e júu quiá' i dsea bí mijú' do
(Mt. 13:18-23; Mr. 4:13-20)

11 J_oba' cajíng' Jesú_s casí'r i dsea guitúung' do:

—Lalab guóng' e júu e ca'é e na 'micú': E mijú' do lí lafa' júu quiá' Fidié'. 12 J_o e cajiú' lí ngíng' fí do lí lafa' i dsea i núu e júu do, j_o dsu' lajmináb' güéeng' fii i 'ling', j_o dsifí laj_ob jmóor' e ja' já' líng' i dsea do e júu j_o, j_o laj_oba' ja' nileáin' do jee jalé' dsee quiá'r. 13 Jogui e mijú' e cajiú' fí ni cuu do lí lafa' jaléng' dsea i íang' dsí' íng'

jaléⁿ e júu[^] jo, jo dsu[!] ja[^] huóø⁻ ee[~] e já⁻ líiñ[^], co[!] mi[~] huíng[^] dsijéé[^] quiá⁻ r⁻ uí[~] e já⁻ líiñ[^] júu[^] quiá⁻ Fidiéé[^], joba[!] dsifí[^] lajob[^] tútur e júu[^] jo, jo i[^] dsea[^] íbing[!] i[^] líng[^] la líí[^] e mijú[^] e ja[^] leáng⁻ jmó[^] sea[^] do. ¹⁴ Jo e mijú[^] e cajiá[!] jee[~] mijú[^] matóo[^] do líí[^] lafa[!] jaléng[!] dsea[^] i[^] núu[^] júu[^] quiá⁻ Fidiéé[^] jo ca[!] im[^] bre e júu[^] jo, jo dsu[!] lacó[!] ngóo[^] jmíng[~], eáang[^] guí guíng[~] dsíir[^] jaléⁿ fi[!] í[^] dsíir[^] sea[^] quiá⁻ r⁻ jogui[^] quiá⁻ jaléⁿ ta[~] lí[^] cuu⁻ jogui[^] cajo e quiá⁻ r⁻ jial nijmi[!] láang[^] dsíir[^] cóo[^] jaléⁿ e sea[^] fi[^] jmigüí[^]. Jo co[!] lajob[^] líiñ[^], joba[!] ja[^] cuó[^] fi[^] quiá⁻ r⁻ fa[!] e nidsicuáng[^] guí e júu[^] quiá⁻ Fidiéé[^] e já⁻ líiñ[^] do. ¹⁵ Jogui e mijú[^] e cajiá[!] lí[~] jlo[^] uó⁻ do líí[^] lafa[!] jaléng[!] dsea[^] i[^] dsíng[^] íaang[^] dsíir[^] íñ[^] júu[^] quiá⁻ Fidiéé[^], jogui eáam[^] jmóor[^] núur[~] jaléⁿ júu[^] quiá⁻ dsea[^] do, co[!] ja[^] litúng⁻ dsíir[^] jaléⁿ e jo. Jo i[^] dsea[^] íbing[!] i[^] teáang⁻ teá[^] cóo[^] júu[^] quiá⁻ Dsea[^] Jmáang⁻, jogui eáam[^] dsicuáng[^] e júu[^] jo quiá⁻ r⁻.

Coo[^] júu[^] já⁻ e lafa[!] júu[^] cuento quiá⁻ r⁻ jial mi[~] jmijneá[^] dsea[^] jì[^]
(Mr. 4:21-25)

¹⁶ Jo mi[~] calí[^] e féⁿ Jesús júu[^] quiá⁻ r⁻ mi[~] bí[^] dsea[^] mijú[^], jo cajíng[!] guir casí⁻ r⁻ jaléng[!] i[^] dsea[^] do:

—Jíí[!] jaang[^] dsea[^] ja[^] gui[!] r[^] cajlí[~] quí[^] e mi[~] nicoo[^] jo nijlír⁻ o[!] gui[^] nisí[!] r[^] coo[^] lí[~] cóong[^], co[!] iíñ[^] e jneá[^] fi[^] la[!] úng⁻ sináú[^] quiá⁻ r⁻ bre. Co[!] né[^] niquidsir[^] e quí[^] do coo[^] lí[~] níí[^] e lacó[!] jneá[^] mi[~] dsitáaiñ[^], jo lajoba[!] jné[^] jaléng[!] dsea[^] i[^] dsitáang[^] e sináú[^] do. ¹⁷ Jo lajob[^] líí[^] cóo[^] júu[^] quié⁻ e: Ja[^] sea[^] jaléⁿ júu[^] quié⁻ e fa[!] e sí[!] ma[^] e ja[^] niní[^] dsea[^], o[!] gui[^] sea[^] jaléⁿ júu[^] quié⁻ e fa[!] e ja[^] tóo[^] jmí[~] nilíñ[^] dsea[^] jaléiñ[^]. ¹⁸ Joba[!] fí[^] jneá[^] nú[!], núu⁻ na[!] júu[^] quié⁻ e; co[!] jaléng[!] dsea[^] i[^] nináú[^] júu[^] quié⁻ e, jmigui[!] guí[^] niñíñ[^] e ngáiñ[^], jo dsu[!] jaléng[!] dsea[^] i[^] ja[^] núu[^] júu[^] quié⁻ e, joba[!] ni[!] ím⁻ lajíí[!] e ní[!] í[^] dsíir[^] e ngáiñ[^] do.

Mí[~] cajá⁻ niquiá[^] Jesús cóo[^] jaléng[!] rúíñ[^]
(Mt. 12:46-50; Mr. 3:31-35)

¹⁹ Jo lajee[^] táang[^] Jesús e e[!] r[^] jaléng[!] i[^] dsea[^] do, caguié⁻ niquiá[!] r[^] cóo[^] jaléng[!] rúíñ[^] e 'náíñ[^] dsea[^] do. Jo co[!] ja[^] cuóøng[^] guí fa[!] e nidsiquiéiñ[^] do tí[^] quiá⁻ r⁻ lí[~] sing[^] dsea[^] do, co[!] dsíng[^] fíng[^] dsea[^], ²⁰ joba[!] jaang[^] i[^] dsea[^] do cajmea[!] r[^] Jesús júu[^] jo casí⁻ r⁻ dsea[^] do jo cajíñ[!] lala:

—Na nicagüéng⁻ niquí[!] a[^] cóo[^] guí jaléng[!] rún[!] e 'náíñ[^] 'na[^], jo nab teáaiñ[^] caluu[^] lana.

²¹ Dsu[!] Jesús cañíir[^] jo casí⁻ r⁻ i[^] dsea[^] do jo cajíñ[!]:

—Jaléng[!] dsea[^] i[^] núu[^] júu[^] quiá⁻ r⁻ Fidiéé[^] jo jmitir[~] e júu[^] jo, jaléng[!] i[^] dsea[^] íbing[!] líng[^] niquié[^] e jogui[^] rún[^] n.

Mí[~] cajméé[^] Jesús e ca[!] uáang⁻ e í[^] guí[^] jogui[^] ca[!] uáang⁻ e róo⁻ jmí[^]
(Mt. 8:23-27; Mr. 4:35-41)

²² Jo mi[~] cangí[^] jo, lajee[^] e táang[^] Jesús fi[^] Galilea, jo coo[^] jmí[~] ca[!] ír⁻ fi[^] dsíir[^] coo[^] móo[^] cóo[^] i[^] dsea[^] guitúng[^] quiá⁻ r⁻ do jo casí⁻ r⁻ reiñ[!]:

—Má⁻ aa[!] lí[^] ngóo[^] cataang[^] e guiéé[^] la.

Jo dsifí[^] ladob cangolíñ⁻ fi[^] lí[~] e Jesús. ²³ Jo lajee[^] ngolíñ⁻ ní[~] jmí[^] jo caquiam[!] Jesús. Jo lajee[^] güíng[^] dsea[^] do, jo dsíng[^] canaang[^] í[^] guí[^], jo mífíng[^] canaang[^] dsí[!] a[~] jmí[^] dsíir[^] e móo[^] do, jo cafóm[!] i[^] dsea[^] guitúng[^] do, co[!] f[!] nidsíam[!] e móo[^] lí[~] teáaiñ[!] do. ²⁴ Joba[!] cangoñíñ[^] Jesús jo cajíñ[!] casí⁻ r⁻ dsea[^] do:

—¡Tífa[!]! ¡Tífa[!], nicanaang[^] dsíam[!] baa[!]

Jo caróo⁻ Jesús, jo caquiur[^] ta[~] e guí[^] do cóo[^] e jmí[^] do. Jo dsifí[^] ladob cahuíng[^] e í[^] guí[^] jo cahuím[^] e róo⁻ jmí[^] cajo, jo tiib⁻ ca[!] í. ²⁵ Jo casí⁻ r⁻ Jesús i[^] dsea[^] do jo cajíñ[!] lala:

—¿Jna[~] guí e fó[!] na[!] e já⁻ líng[^] na[!] júu[^] quié⁻ e?

Dsu[!] i[^] dsea[^] guitúng[^] do dsíng[^] cafóíñ[^] jo cangogá[^] dsíir[^] jo cajmingí[!] rúíñ[^]:

—¿Í[^] i[^] dseañu[^] la e quiur[^] ta[~] jo núu[^] jaléⁿ guí cóo[^] jaléⁿ jmí[^] júu[^] quiá⁻ r⁻?

Jaang[^] dseañu[^] i[^] seeng[^] fi[^] Gadara i[^] nijéé[^] i[^] líng[^] quiá⁻
(Mt. 8:28-34; Mr. 5:1-20)

26 Jo mi~ caguié- Jesús cóo~ dsea` quiá'r- fí lí- 'ngóo~ cataang` e guiéé` do, jo caguiliñ- fí cóo` fi~ lí- sii` Gadara. 27 Jo mi~ cajgáin~ e móo' do, jo cangoquiéng` jaang` dseañu~ i niseeng` e fi~ do i nijée` i fíing` i 'ling'^` quiá'- lajii~ maliib~ jiu eáang'. Jo ja` ee` si'r^` qui'r', o'gui guiiñ` fí quiá'r-, jo jii~ fí lí- áang` 'liib~ güiññ'. 28 Jo mi~ cangáng- i dsea` do Jesús, jo cangoquiéiñ` fí quini~ dsea` do jo casí'r` uó- jnir~, jo canaaiñ` fé'r` teá` jo si'r` dsea` do lala:

—Jesús, Jóo' dsea` guing~ ñifi-, ja` jmiguín^` jnea^! Jo mi~ i 'nu~ jmi'ee` fa' nijíee` o' e ja` nijmeáan~ jnea^ ga!

29 Jo i 'ling'^` i jée' quiá'- i dsea` do café'r` lado, co' Jesús nicanaaiñ` quiu'r` ta~ i 'ling'^` do e nitiúuiñ- do i dsea` do. Co' lamí~ jéeng'gui, eáang' jmiguiú` née~ nicajmée` i 'ling'^` i jée' quiá'- i dseañu~ do e ga` eáang'; jo nañi' fa' jaléng` dsea` nicasaiñ- i dseañu~ do, jo nica'ñu'r` guoo` tiiñ- cóo~ ñi^` cadena e laco' jo` nijméiñ- ga, dsu' dsifí ladob fiiñ` do jalé` ñi^` cadena, jo jmóo` i 'ling'^` do e dsée' i dseañu~ do fí lí- ja` ii` dsea` seeng`. 30 Jo lalab cajíng- Jesús cajmingí- reiñ':

—¿Jial sii'?

Joba' cañi' i 'ling'^` i jée' quiá'- i dseañu~ do:

—Legióm sii- naa'.

Jo cajíng- i 'ling'^` do lado, co' dsíng- fíiñ` jée' quiá'- i dsea` do. 31 Jo jaléng` i 'ling'^` do camí'r` Jesús e ja` niquiá'- dsea` do ta~ e nidsiliñ` do fí lí- 'li^`. 32 Jo co' dsíng- fíing` cú` nitaang~ ne' gó're' nuu` fí dse` cóo` mó' quiá'- lí` táang` Jesús, joba' camí` i 'ling'^` do jmi'ee` camí'r` dsea` do e nicuó-r` fí e nidsitáaiñ~ do dsí' jaléng` i cú` do. Joba' cacuø' Jesús jaléng` i 'ling'^` do fí lajo. 33 Jo dsifí ladob catiúung- jaléng` i 'ling'^` do i dsea` do, jo cangotáaiñ~ dsí' jaléng` i cú` do. Jo mi~ cangotáang~ i 'ling'^` do fí dsí' jaléng` i jó' do, jo dsifí ladob cacuii` re', jo cabíng- yaang~ ne' fí 'ni^` jiáa', jo cajiúng` ne' fí dsí' jmí, jo cajgó` bre' jmi~ jóng.

34 Jo mi~ cangá- jaléng` i dsea` i jmóo` í^` i cú^` do lajii~ e calí- do, dsifí ladob cacuii` cangoliñ` fí fi~, jo caguiar` júu^` lajii~ e calí- cóo~ i cú^` do, jogui cajmea'r` júu^` jaléng` dsea` i cajíñ' guiá' fí cóo~ fí jee~ mó' laco' ngoliñ'. 35 Jo mi~ caliñi' jaléng` i dsea` seeng` fí jo` jalé' e calí- e jmi~ jo, jo dsifí ladob cangoliñ` fí lí- táang` Jesús. Jo mi~ caguiliñ- fí lí- táang` dsea` do, jo cangár- e dob niguiing~ i dsea` i lamí~ jée' i 'ling'^` quiá'- do colíng~ cóo~ Jesús, jo niqui'bre` si'r^`, jo jo` ee` líiñ` jii~ cóo`. Jo dsíng- cafóng' jaléng` i dsea` i caguiliñ- do. 36 Jo jaléng` dsea` i cangá- jial ca'láang- i dseañu~ i lamí~ jée' i 'ling'^` quiá'- do, dsifí ladob caguiar` júu^` jial calí-. 37 Jo mi~ calí- lado, jaléng` i dsea` i seeng` fí Gadara do camí'r` jmi'ee` Jesús e nigüi'hib` dsea` do e fí lí- táaiñ` do, co' dsíng- 'gó' jaléng` i dsea` do. Jo mi~ cajíng- i dsea` do lado, jo dsifí ladob ca'í-tu` Jesús dsí' e móo' do, jo ca'ír- fí e nidsém- tur` fí Galilea. 38 Jo i dseañu~ i lamí~ jée' i 'ling'^` quiá'- do camí'r` Jesús jmi'ee` e nidsér- cóo~ dsea` do, dsu' ja` cacuø` Jesús fí lajo. Jo caquiú'r` ta~ i dseañu~ do e cangáin~ do fí quiá'r-, jo casí'- reiñ' jo cajíñ-:

39 —Guóng' fí quíi-, jo güiguia~ júu^` jalé' e guiá- e nicajmée` Fidiéé` cóo~ 'nu~.

Jo cangám- i dseañu~ do, jo cajmiti~ bre` jalé' ta~ e caquiú' Jesús, jo caguia` bre` júu^` jalé' e guiá- e cajmée` dsea` do cóo'r~.

Mi~ cajmi'leáang- Jesús jóo' Jairo

(Mt. 9:18-26; Mr. 5:21-43)

40 Jo mi~ caguiéng- tu` Jesús fí Galilea, jo dsíng- fíing` dsea` i niteáang- güijée' quiá'r-. Jo dsíng- iáang` dsí' jaléng` i dsea` do dsu' caguiéng- tu` Jesús fí do. 41 Jo lajee` jo, caguié- jaang` dseañu~ i sii` Jairo i líing` fi~ féng' quiá'- guá'- quiá'- dsea` Israel. Jo mi~ caguié- fí quini~ Jesús, jo casí'r` uó- jnir~ fí quini~ dsea` do jo camí'r` jmi'ee` fa' e nidsé- dsea` do fí quiá'r-, co' seeng` camíng- simí` jiuung~ quiá'r- i ñingóo' guitu` jii` jo niráaiñ` do dsée'r` eáang` e dseáng- tí lí- nijúum- bre. 42 Jo lajee` ngóo' Jesús fí quiá'- Jairo, dsíng- fíing` dsea` ngoliñ-, jo dsíng- sicúung` Jesús jee~ jaléng` i dsea` do.

43 Jo jee~ jaléng' i dsea` i jée' quíá'- Jesús ningóo' jaang` dseamf i nilíng' jmohuú' e tuuín' lajii'~ ningóo' mi' guitu' jii'. Jo lamí~ jéeng' dsíng'- nica'liín- cuu- quíá'r- cóo'~ jaléng' timí', jo jii'~ jaang` ja` ii` mí cali' fa' i nicajmi'leáang- ír. 44 Jo guidseaam^ calí'- i dseamf do cangíiín' jee~ jaléng' i dsea` do, jo cangoquíeeiín' fí' lí'- caluu' Jesús jo catíiín- capí' 'ni' sí' dsea` do, jo dsifí' ladob ca'láaiín-, jo jii'~ capí' jmi' jo` e tuuín' jóng. 45 Jo Jesús dsifí' ladob cajmingí'r- jaléng' i dsea` i cóo'r- do jo cajíiín'-:

—¿I' i catíng- capí' sí'í'?

Jo có' jaléng' i dsea` do cañír` e jii'~ jaang` ja` ii` cajmée' lajo, joba' cañíi' Tú^ Simón:

—Tifa', ¿jialí' jmingí' i~ catíng- capí' sí'? Co' jalém' dsea` 'leng' rúíi' fí' la fí' na.

46 Joba' cañíi' tu Jesús jo cajíiín'-:

—Lím~bing' ii` cagüi' sí'í, co' 'ñiá'a calilí' i e lím~bing' i nicajmi'leáan^ n cóo'~ e 'gøn'n.

47 Jo i dseamf do, mi~ canúur- e calilíb'^ Jesús e líng- ii` catíng- sí'r^, joba' dsíng'- cafóíiín' jo dsíng'- jléeiín' cangór- fí' quini' Jesús, jo casí'r- uó- jnir~ fí' quini' dsea` do. Joba' cajmээр' júu^ fí' quini' jaléng' i dsea` do jialí' cagüi'r sí' Jesús, jo jial ca'láaiín- ladsifí' lado e jmohuú' e lamí~ líiín'.

48 Joba' cajíng'- Jesús casí'r- i dseamf do:

—Jóo'o, uíi' e jáb'- calín'- júu^ quíe-e, joba' nica'láam-ba' lajii'~ jmohuú' e lamí~ lin'. Joba' lana guóng' cóo'~ e guiá' fí' quíi'-.

49 Jo laco' gui'nam' bi síng- Jesús cóo'~ i dseamf do, mi~ caguié- jaang` dsea` sinúu^ quíá'- Jairo e quier' júu^ cuaiín~ quíá'- i simí' do, jo lalab casí'r- dsea` do:

—Jo` taan'- i tifa' na e dsér- fí' quíi', co' nicajúm- simí' jiuung~ quíi'-.

50 Dsu' mi~ canúu- Jesús lado, dsifí' ladob casí'r- Jairo:

—Ja' fóøn' jii'~ cóo', lico' 'né- e jáb'- nilíin' e quíi'~baa jmi~ nijmee~ e e ni'leáang- i simí' jiuung~ quíi', jo lajob nilí'.

Jo mi~ cajíng'- Jesús lado, dsifí' cangór- fí' quíá'- Jairo.

51 Jo mi~ caguié- Jesús fí' quíá'- dsea` do, jo ja` cacuør' fí' fa' e cangotáang'~ dsea` jíéng' gui, jii'~ Tú^ Simón cóo'~ Tiáa' cóo'~ Juan cóo'~ sejmií i simí' jiuung~ do, jii'~ í'bing' i cangíng' fí' e cangotáang'~ fí' dsíi' sinúu^ e lí~ ráang' i 'líi' do. 52 Jo jaléng' i dsea` sinúu^ quíá'- Jairo dsíng'- quí'r' jogui dsíng'- jiuung~ dsíir' dsu' e nicajúng- i jiuung~ simí' do. Joba' cajíng'- Jesús casí'r- jaléng' i dsea` do:

—Ja' quí'na', co' ja' sijúung^ i jiuung~ na co' lico' güim`bre.

53 Dsu' jaléng' i dsea` do lí'^ cangíim`bre Jesús mi~ cajíng'- dsea` do lado, co' ní'bre e nicajúm- i jiuung~ do. 54 Jo lajee' e jmóo' i dsea` do lajo, jo Jesús catíiín- guoo' i jiuung~ do, jo cató'-reiñ' la'úung' jo casí'-reiñ' lala:

—iRáan'- na, Mí'!

55 Jo mi~ cajíng'- Jesús lado, dsifí' ladob cají'tu i simí' do jo caróo`bre. Jo dsifí' caquiú' Jesús ta~ e cangíiín' do e cagó'r'. 56 Jo mi~ cangá- sejmií i jiuung~ do e cajíb' tuiín' do, joba' dsíng'- cangogá' dsíiín'; dsu' Jesús caquiú'r' ta~ sejmií i simí' do e ja` ii` nisíiín' do jii'~ jaang` lajii'~ e cajmээр' e sinúu^ do ie~ jmi~ jo.

9

Mi~ casíng' Jesús dsea` guitúung' quíá'r- e niguiáaiín'- do júu^ quíá'- Fidiée'
(Mt. 10:5-15; Mr. 6:7-13)

1-2 Jo mi~ cangí jo, caseáng' Jesús jaléng' dsea` guitúung' quíá'r-, jo caquiú'reiñ' ta~ e nidsiguiáaiín' do júu^ quíá'- jial iing~ Fidiée' e nicár' nifí' quíá'- dsea`, jogui cacuør'reiñ' do bí e quíiín' do jmi~ e ni'uóíiín- jaléng' i 'líng' i jée' quíá'- dsea`, jogui e nijmi'leáaiín'- do jaléng' dsea` dsée' i líng' doñí' ee` jmohuú'. 3 Jo lalab casí'- Jesús i dsea` guitúung' do quíá'r- jo cajíiín'-:

—Nigüilíng-na' jo ja` ee' 'né- cá'na' jii'~ cóo' quíá'- guiá' fí': ja' 'né- cá'na' 'ma'u' o'gui nosúu' o'gui íi' o'gui ñiné-. Jogui jii'~ sí'na' e quíi'~ba' nicá'na', co' ja' 'né- fa' cá'na' tú-

neáng' sí'na'. ⁴ Jo mi~ niguilíng-na' fí' coo' fií, jo 'né' ni'no'^na' coo' 'nú' lí' nijá'na' carta~ taang~na' e fií jo, jo ja' jmísi'ng-na' lí' já'na'. ⁵ Jo jié'go fií lí' niguilíng-na' lí' ja' ni'ing' dsea' 'nú', joba' uøøng-na' e fií jo, jo mi~ niteáang-na' 'ni' e fií do, bó'na' 'lee' e too' tí'na' laco' cuø' lí' e ja' ca'ée' i dsea' do guiá' cóo' 'nú'.

Jo jalé' e ta~ na caquiá' Jesús quiá'- jaléng' i dsea' guitúung' do.

⁶ Jo ca'uøøm' i dsea' guitúung' do mi~ cangoyúung' e ca'ín' jalé' ta~ nijmér-, jo cangolíim^bre fí' jalé' fií e guiar' jalé' júu^ quiá'- Fidié' quiá'- jial laang' dsea' jee~ jalé' dsee- quiá'r-, jogui jmi'leáam~bir cajo jaléng' dsea' i líng' doñí' ee' jmohuí'.

Mi~ cangogá' dsí' Herodes jial fé' dsea' uii~ quiá'- Jesús

(Mt. 14:1-12; Mr. 6:14-29)

⁷⁻⁸ Jo ie~ jo nicanúu- dseata~ Herodes jalé' e síng' dsea' quiá'- jalé' e guiá' e jmóo' Jesús, jo jíí' ja' ñí' i dseata~ do e~ nijmér-, co' seeng' dsea' dsicóor' júu^ e nicají'tu jaang' lajee' lajaléng' dsea' i café' cuaiñ~ quiá'- Fidié' malí'gui eáang', jogui seeng' dsea' fé'r' e nicajném~tu Líí', jaang' dsea' i café' cuaiñ~ quiá'- Fidié' malí'gui eáang' cajo, dsu' seem'bi dsea' i fé' e Juan i seáang' dsea' jmí'bing' i nicají'tu calé' catú-. ⁹ Jo mi~ canúu- i dseata~ do e fé' dsea' e nicají'b'tu i Juan i seáang' dsea' jmí' do, joba' eáam' cangogá' dsí'r' jo cajíí'':

—Jneab~ dsea' caquiá'~ta~ e cahuí' moluu~ i Juan do. Jo ¿i~ i éeng' jaléng' dsea' i ngí' jmóo' jalé' e guiá' jogui quí'r~ jmí' e jmóor' lí'^ doñí' ee'?

Joba' lajíí' ie~ job cajmí'uúng' dseata~ Herodes e 'nó'r' jial ninííñ- Jesús.

Mi~ cahéng' Jesús ñiá' mil dseañu'

(Mt. 14:13-21; Mr. 6:30-44; Jn. 6:1-14)

¹⁰ Jo mi~ calicóng'gui lajo, caguilíim'tu i dsea' guitúung' do e cangocóor' júu^ fí' quini' Jesús jalé' e guiá' e cajmээр' laco' fií lí' cangolííñ-. Jo mi~ calí' féng' rúíñ', jo cajéem' Jesús i dsea' guitúung' do fí' coo' lí' ja' ií' 'ga' lí' dsea' ngí', quiá'- coo' fií lí' sii' Betsaida. ¹¹ Jo mi~ caliñí' jaléng' i dsea' i seeng' e fií jo jie~ fí' lí' nitáang' Jesús, joba' fíim' dsea' cangolííñ^ fí' lí' táang' dsea' do. Jo Jesús ca'ím'bre jaléng' i dsea' do mi~ caguilííñ-, jo canaiíñ' e'r' júu^ quiá'- jial iing~ Fidié' nicár' nifí' quiá'- jaléng' dsea', jogui cajmí'leáam~bir jaléng' dsea' dsée' i quiéeng' jee~ i dsea' do cajo.

¹² Jo mi~ ñingóo' ca'lóo- e jmí' jo, cangoquiéeng' i dsea' guitúung' do fí' lí' sing' Jesús jo casí'r- dsea' do jo cajíí'':

—I' júu^ jogui síí' jaléng' i dsea' na güiguilííñ' jo güiguijmээр- quiíí' lí' nijér- cóo'gui jalé' e nidó'r- jié' fí' lí' lí'r^ e téé- 'nú', co' fí' lí' taang~naa' la ja' ee' sea' e niqiee~naa' cóo'r-.

¹³ Joba' cañíí' Jesús casí'r- i dsea' guitúung' do:

—'Náb' 'né' cuø^na' e nidó'- jaléng' i dsea' la.

Jo cañíí'tu i dsea' guitúung' do:

—¿Jial nilí'gui jo? Co' jíí' 'ñiá' iñí'^ba' sea' cóo'gui gáng- 'ñu', jo fíng ja' 'né' dsé^baa' e dsileá'naa' e nidó'- jaléng' i dsea' na.

¹⁴ Co' dsíng' fíng' jaléng' i dsea' do; tí'bre la 'ñiá' mil jíí' dseañu' jo ja' íng^ jaléng' dseamí' o'gui jaléng' jiuung~ cajo.

Dsu' Jesús casí'r- jaléng' i dsea' quiá'r- do:

—Síí'na' jaléng' dsea' güigüear' tá' có' nibøø~ tá' cincuenta dsea'.

¹⁵ Jo lajob cajmée' i dsea' guitúung' do, jo caguáb' i dsea' do laco' ta~ caquiá' Jesús. ¹⁶ Jo mi~ calí' caguá' jaléng' i dsea' do tá'- có' nibøø- lacúng' lajíng' lí' sing' Jesús, joba' catíng- dsea' do lají' 'ñiá' e iñí'^ do cóo'gui lají' huáang- i 'ñu' do, jo cajóør- fí' yá'^ jmígüí, jo lajoba' cacuø'r' gui'máang' Fidié' quiá'- e do. Jo mi~ calí' jo, cajmээр- jmá'jiu e do jee~ jaléng' i dsea' guitúung' do, joba' í'guib cajmée' guiéé' jee~ lajaléng' i dsea' fíng' do. ¹⁷ Jo

jalém' i dsea` do cagó'r` car` calitaaiñ` guiá'. Jo mi` calí` gó'r` lajiiñ` do, caseám` bi guitu` 'matá'gui e røøng` tée' `ná` iní` `còq`'gui `náng` i `ñu` do.

Mi` cajíng` Tú` Simón e Jesús láiiñ` Dsea` Jmáang`

(Mt. 16:13-19; Mr. 8:27-29)

18 Jo mi` cangí` jo, còq` jmi` taang` Jesús e féiñ` Fidiéé, jo còq` bre i dsea` guitúung` quiá'r` do. Jo lajee` jo cajmingí` Jesús jaléng` i dsea` quiá'r` do jo cajíñ`:

—¿I` jnea` fé` jaléng` dsea`?

19 Joba' cañí` jaléng` i dsea` guitúung` do:

—Seeng` dsea` dsicueáaiñ` `nu` `còq` i Juan i seáang` dsea` jmi` do, jo seeng`gui dsea` dsicueáaiñ` `nu` `còq` Lí` i café` cuaiñ` quiá' Fidiéé` malí`gui eáang`, jogui seem`bi dsea` dsicueáaiñ` `nu` e lin` jaang`gui i nicafé` cuaiñ` quiá' Fidiéé` jogui e nicají` tur lana.

20 Joba' cajmingí` tu Jesús i dsea` guitúung` do jo cajíñ`:

—Jogui `ná`, ¿i` fó`na` e lín`n?

Joba' cañí` Tú` Simón quiá' Jesús:

—`Nub` dsea` i líng` Dsea` Jmáang` i casíng` Fidiéé` dsea` guing` ñifí` cuaiñ` quiá'r`.

21 Dsu` Jesús ca`ír` `goo` quiá' jaléng` i dsea` guitúung` do e ja` ii` nisíñ` do jíi` jaang` e íbre láiiñ` Dsea` Jmáang`.

Mi` cajméé` Jesús júu` e tí` nijngáng` dsea` ír`

(Mt. 16:20-28; Mr. 8:30-9:1)

22 Jo mi` calí` cajíñ` lado, jo casí` guir i dsea` guitúung` do lala:

—E jáb` e jnea` lín`n i dsea` i cajá` fí` ñifí` e lín`n jaang` dsea` jmigüí. Jo dsíng` `né` nimoo` o iihuí` e eáang`, cò` jaléng` dsea` cøøng` quiá' dsea` góo` dsea` Israel nilí` `ní` níim` bre jnea~, jogui lajob nijmé` jaléng` dsea` quie` nifí` quiá' jaléng` jmidsea` quí` ii` còq` gui jaléng` tifa` quiá' júu` quiá' ta` quí` ii'. Jo jaléng` í`bing` i nijngáng` jnea~; jo dsu` mi` nití` `ní` jmi` lajo, nijíb` túu` calé` catú`.

23 Jo mi` calí` jo, cangób` tur còq` i dsea` guitúung` do fí` lí` teáang` jaléng` i dsea` fíng` do jo casí` reiñ`:

—Song` ii` dsea` iing` ni` uíng` dsea` quie` e, joba' güitár` jalé` e lí` dsír` `ña`r`, jogui lacoq` jmi` güiseaiñ` lafa` crúu` quiá'r` e laco` cuø` lí` e guia` dsír` e nidsing`iiñ` jalé` e huíng` uíi` e láiiñ` dsea` quie` e, jo lajoguiba` ningír` còq` jnea` jóng. 24 Cò` ii` dsea` i` dsíi` e lí` bre nileáng` `ña`r` jee` jalé` dsee` quiá'r`, joba' i dsea` í` conguiab` nibíiñ` fí` lí` `lí`'; jo dsu` ii` dsea` nijúuiñ` uíi` e láiiñ` dsea` quie` e osi` uíi` e ni`r` júu` quiá' jial` niliseeng` dsea` cøøng` còq` Fidiéé, joba' i dsea` í` nitíim` bre fí` quini` Fidiéé` jóng. 25 Jo ja` ee` ta` íng` quiá' jaang` dsea` e silí`r` jalé` e sea` fí` jmigüí` song` ja`gui` cuiñ` jnea~, cò` fí` lí` `lib`' nidséiñ` mi` nití` í` e nijúuiñ`, jo doguib` lí` ninír` iihuí` lata`. 26 Jogui` song` ii` i` gó` nifé` e láiiñ` dsea` quie` e, osi` i` láiiñ` e nifé`r` e já` láiiñ` júu` quie` e e, joba' lajob` nijmee` jnea` còq` i dsea` í` cajo, jnea` dsea` gáa`a` fí` ñifí` e lín`n jaang` dsea` jmigüí; cò` lajob` nijmee` e mi` nigáa` túu` fí` jmigüí` e niniing` `gøiñ` quiá' Tiquié` e Fidiéé` jogui` còq` jaléng` ángeles i güeang`^ cajo. 27 E já` e fíi` i` `ná` e i líng` lajee` i dsea` i teáang` la ja` mí` júuiñ` cartí` ninír` jial` lí` mi` nicá` Fidiéé` nifí` quiá' lajaang` lajaang` dsea` jmigüí`.

Jo jalé` e júu` na cajíng` Jesús casí`r` jaléng` i dsea` do ie` jo.

Mi` calisíng` jial` jnéeng` Jesús

(Mt. 17:1-8; Mr. 9:2-8)

28 Jo mi` cangí` jñiá` jmi` e cajíng` Jesús lajo, jo cajgóor` fí` còq` yá` mó` e cangoféiñ` Fidiéé, jo còq` bre Tú` Simón còq` Tiáa` jogui Juan. 29 Jo lajee` táang` Jesús e féiñ` Fidiéé, tá` jia` ladob` jnéeng` calisíng` jial` jnéeng` nir` jogui calisíng` sí`r` cajo, jo cajnéng` e tee` jlo` lafa` joo, jogui calijíiñ` laco` jing` iee`. 30-31 Jo lajee` jo cajnéng` gáng` dseañu` i síng` còq`r, jo ni` Moib` do còq` gui ni` Líi, jo laji` huáaiñ` do láiiñ` dsea` i café` cuaiñ` quiá' Fidiéé` malí`gui eáang`, jo jlob` jing` i dseañu` do cajo, jo síiñ` quiá' jalé` iihuí` e nicá`

Jesús fí Jerusalén mi~ nití- í' e nijngáng'- dsea`ír'. ³² Jo dsu' laji` gaang` i dsea` quiá'- Jesús i jéeiñ` do dsíng'- cajá- e jaligüiñ` dsu' caje`bre e sijnéé` dsír', joba' cangár- e jlo` jing` Jesús jo la quie`gui i dsea` gáng- do jiiñ` cajo. ³³ Jo mi~ cangá- Tú` Simón e catang` fí i dsea` gáng- i teáng- cóo` Jesús do, joba' dsifí lala casí'r- Jesús jo cajíñ`-:

—Tifa', jdsíng'- juguiá- dsu' taang`naa' cóo` i dsea` na fí la! Fa' na nijméé`naa' 'ní' 'núu`jiu cóo` má` 'ma~, cóo` quíi'- jogui cóo` quiá'- Moi` jogui cóo` quiá'- Líi` cajo.

Dsu' júi` ja` calilí` Tú` Simón e cafér` lado. ³⁴ Jo lajee` gui'nang` fé`bir mi~ cajgó- cabøø` jníi', jo caquiñ`- lajee` teáaiñ` fí e yú` mó' do, jo dsíng'- cafóng` Tú` Simón cóo` Tiáa` cóo` gui Juan. ³⁵ Jo lajee` teáaiñ` jee` e jníi' do, guicanu` cóo` luu` dsea` fí yú` jmiügü` jo guicajíng`-:

—I lab Joo`o i camúng` i 'neáan` eáang`. Jmee`na' núu`na' jalé` ta` quiu'r'.

³⁶ Jo mi~ cangoyúung` e canú` e luu` dsea` do, cangá- i dsea` gaang` do e jo` jnéeng`-gui Moi` o`gui Líi` fí do, jo `ñiab` Jesús sing`guir. Jo mi~ cangá jo, júi` jaang` dsea` ja` iú` cajmea'r` júu` jalé` e cangár- e fí yú` mó' do ie` jmiñ` jo.

Mi~ cajmi`leáng` Jesús jaang` siming` i iuung` i 'ling` dsí`

(Mt. 17:14-21; Mr. 9:14-29)

³⁷ Jo mi~ cajnea` cóo`gui jmiñ`, jo cajgám`-bre e fí yú` mó' do. Jo dsíng'- fíing` dsea` cajíñ` i ngolíng`- ngo`néé` quiá'r-. ³⁸ Jo jaang` dseañu` lajee` lajaléng` i dsea` fíing` do cató'r- Jesús e teá` eáang` jo cajíñ`-:

—Tifa', ¿já` jmée` uí` diéé` fa' ñijmee` m` quiá'- joo`o? có' camúng`- siming`- labing` i seeng` quié` e; ³⁹ jo jaang` i 'ling` jée` quiá'r-, jo yejib`- jmóoiñ` do e dsea` joñíiñ`, jo óor` teá` jogui iéng` jalé` ja` fí mo'oor` lajee` jo, jo dsíng'- jmihuíng`-neiñ`, jo ja` iñ` do nitúur`.

⁴⁰ Jo nicamú`-baa jmi`ee` dsea` quíi'- fa' e nijmihuíñ` i 'ling` do, dsu' ja` mí` cali'r'.

⁴¹ Joba' lalab casí` Jesús jaléng` i dsea` do jo cajíñ`-:

—iDsíng`- ja` já`- líng`na' jnea~, jo jmang`- fí gab` iing`na' cá`na! ¿jial nité` lí`i e niliseen` cóo` 'nú`? Ñijéeng` i siming` quíi'- do fí la.

Jo dsifí ladob cangojéeng` i dseañu` do i dsea` dsée` quiá'r- do.

⁴² Jo mi~ cangoquiéeng` i dsea` dsée` do quiá`- lí` sing` Jesús, dsifí ladob cabíi` i 'ling` do cabíiñ` i siming` do fí ni` uó`, jo cajmée` e cadseá`-tu joñíiñ` do. Jo dsifí ladob ca'gaang` Jesús cajíiñ` i 'ling` do, jo ngohuíim`-biñ` do quiá`- i siming` do, jo ca'láam`-biñ` do. Jo ngá` joguiba' cajáng` Jesús i siming` do cóo`-ti quiá'r`. ⁴³ Jo dsíng'- cangogá` dsí` jaléng` dsea` i cangá- e jo ie` jo, có' dsíng`- 'gøng` Jesús lacó' 'gøng` Tiquiá'r` dsea` guíing`-ñifí`.

Mi~ cajmée`tu Jesús júu` e nijnga`- dsea` quiá'r`

(Mt. 17:22-23; Mr. 9:30-32)

Jo lajee` teáng`-jaléng` i dsea` do e dsigá` dsír` quiá`- jalé` e cajmée` Jesús cóo` i siming` do, jo lajee` jo cajíng`- Jesús casí'r- jaléng` dsea` quiá'r`-:

⁴⁴ —Núu`na' røø` jalé` e nifá`a la lana, jo ja` güi`líng` óo`na' lata` taang`na' fí jmiügü`; có' lana tí` lí` niguiéé` jmiñ` e nisáng` dsea` jnea~, dsea` gáa`a fí ñifí` e lán`n jaang` dsea` jmiügü`.

⁴⁵ Dsu' mi~ canúu`-jaléng` i dsea` guitúung` do jalé` e cajíng`- Jesús, júi`- jaaiñ` do ja` cangáiñ` júi` camí` júu` jiali' cajíng`- dsea` do lado, có' ja` mí` cangáiiñ` fa' nicacuø` Fidiéé` e ningáiiñ` e júu` jo, jogui ja` teá` dsír` fa' e nijming`-r` jiali' cajíng`- dsea` do lado.

¿i` i niing`-gui fí` quini` Fidiéé`?

(Mt. 18:1-5; Mr. 9:33-37)

⁴⁶ Jo mi~ cangá jo, cóo` jmiñ` canaang` i dsea` guitúung` do e guíng` rúiiñ` i` i niing`-gui lajee` lajaléiñ` do. ⁴⁷ Jo dsu' calilí` Jesús jalé` e síng` dsea` quiá'r-, joba' dsifí ladob cató'r`- jaang` jiuung` jo casíng`-neiñ` cáaiñ`, ⁴⁸ jo casí'r` jaléng` i dsea` quiá'r- do jo cajíñ`-:

—Doñí ìi ì íng' dsea` ì líng' laco' líng' ì jiuung~ la la'eáang' cóo'~ jnea~, joba' güiliñir' jóng e jneab~ ññ'; jo ìi dsea` ì íng' jnea~ güiliñir' e ím'bre Fidiée` dsea` guing~ ññí', dsea` casíñ' jnea~ fí jmigüí la. Jogui doñí ìi ì ja` jmiféng' 'ñia' jee~ jaléng' dsea` rúng', í'bing' ì niing~ gui lajee~ lajaléng'.

Doñí ìi dsea` ì ja` fé' ga` uii~ quí'ii', joba' uí'~ quí'baa' siñ'

(Mr. 9:38-40)

⁴⁹ Joba' cajíng'~ Juan casí'r~ Jesús:

—Tifa', jnea' nicanem~baa' jaang` dseañu' ì jmóo` ta~ uóøng` jaléng' ì 'ling' la'eáang' cóo'~ 'na', jo có' ja` ngí'guir colíng~ cóo'~ jneaa~aa', joba' nicajniim'baa' quiá'r~ e nijmér~ lajo.

⁵⁰ Joba' lalab cañí' Jesús quiá'~ ì dsea` quiá'r~ do:

—Ja` jnñng'~na' quiá'~ ì dsea` do, có' ja` seeng' jii'~ jaang` dsea` ì nijmé~ cóo` e li~ e dsigá` dsí' dsea` la'eáang' cóo'~ jnea~, jo mi~ nilicøøng`gui lajo, nifé'r` ga` uii~ quíe~e. Có' ì dsea` ì ja` fé' ga` uii~ quí'ii', joba' uii~ quí'baa' siñ'.

Mi` ca'gaang' Jesús quiá'~ Tiáa~ cóo'~ gui quiá'~ Juan

⁵¹ Jo mi~ cangí jo, nijaquíéeng' jmiñ~ e nidséng'~tu Jesús fí ññí', jo teáb` née` dsír' cangór' fí Jerusalén, có' niñí'bre e fí job` nijngáng'~ dsea` ír'. ⁵² Jo nifib' casíñ' dsea` quiá'r~ ì cangojmée` quiijí` li~ nijér~ lajee~ uóø. Jo cangolíng' ì dsea` do fí cóo` fí pí' e née' fí li~ se' Samaria. ⁵³ Jo mi~ caguilíng~ ì dsea` quiá'~ Jesús do fí jo, ja` ca'íng' neiñ' do o'gui cacuør' li~ nijéiñ'~ do, có' calilí'r' e iuung~ Jesús fí e ngóor' fí Jerusalén. ⁵⁴ Jo mi~ canúu~ Tiáa~ cóo'~ gui Juan e ja` li~ cangúñ' do li~ nijér~ fí jo, joba' casí'r~ Jesús:

—Tifa', ¿su iin' e niquiá'~naa' ta~ e nijíá' jñ' fí yá' jmigüí jo nicáng` jaléng' ì dsea` do laco'gui cajmée` Lí' malí' gui eáang'?

⁵⁵ Jo mi~ canúu~ Jesús e cajíng'~ ì dsea` quiá'r~ do lado, dsifí' ladob cajíng' 'ñia'r' jo ca'gaaiñ' quiá'ñ'~ do jo casí'~reiñ':

—¿I' júu` quiá'~ jmití' 'ná'? ⁵⁶ Có' ja` cagá~ jnea~ fí jmigüí la e lín'n jaang` dsea` jmigüí fa' e nijngán' n jaléng' dsea` jmigüí, có' jnea~ cagá~ a e lí' laco' nilaan~re jee~ jalé' dsee~ quiá'~bre.

Jo mi~ calí~ cajíng'~ Jesús lado, jo fí li~ jiéb' cangolíñ' e ngojméer' quiijí` li~ cajer' e uóø jo.

Jaléng' dsea` ì iing~ nidsilíng~ cóo'~ Jesús

(Mt. 8:19-22)

⁵⁷ Jo lajee~ iuung~ Jesús fí cóo'~ dsea` quiá'r~ e ngóor' fí Jerusalén, jaang` dseañu' cangoquíéeiñ' fí li~ ngóo' dsea` do, jo casí'~reiñ' lala jo cajíñ'~:

—Tifa', iim~ jnea~ nii' cóo'~ 'na' doñí' jíe' fí li~ guó'.

⁵⁸ Joba' cañí' Jesús quiá'~ ì dseañu' do jo casí'~reiñ':

—Jaléng' güí' seab` too` li~ güiing'ne', jogui jaléng' ta' seab` sii~re', jo dsu' jnea~, dsea` gáa'a fí ññí' e lín'n jaang` dsea` jmigüí, jii' li~ quíe~e moguii~ ja` sea`.

⁵⁹ Jo malí' guijiu lajo cajíng'~ Jesús e sí'r' jaang`gui dsea` lala:

—Nea~ cóo'~ jnea~ lana.

Jo dsu' ì dsea` do cañí'r' quiá'~ Jesús jo cajíñ'~ lala:

—Fí'i, cuóø'~ jnea~ fí e jang'~ ni'áan' n tiquié'e, jo mi~ ningí jo, joguiba' ninii' cóo'~ 'na'.

⁶⁰ Jo dsu' Jesús cañí'r' quiá'~ ì dsea` do jo casí'~reiñ':

—Lí' 'na' gua~ lajminá~ güiguia~ júu` quiá'~ jial iing~ Fidiée` nicár` nifí' quiá'~ dsea`, jo cuø' fí e jaléng' ì dsea` ì líng' lafa' 'líng' ni'áaiñ' tiquí' mi~ nití' oor~ quiá'r~.

⁶¹ Jo ngí jo jaang`gui dsea` casí'r~ dsea` do jo cajíñ'~:

—Fí'i, iim~ jnea~ ninii' cóo'~ 'na', dsu' lifa' la'uii~ cuóø'~ jnea~ fí e jang'~ ni'í' i júu` jaléng' dsea` sinúu` quíe~e.

⁶² Joba' cañí' Jesús quiá'~ ì dsea` do jo casí'~reiñ':

—Jo i dsea`i ja`- nicaling`- juu` quia`- Fidié` , jo dsu' mi' 'noo`bi guing` dsir' jalé` e sea` fi' jmi`guí, joba' i dsea` i ja` ta` ing` e nicá` Fidié` nifi' quia`r` . Jo e la lí` lafa' mi` jh` dsea` cóo`~ güitá`, co' ja` cuó`ng` fa' e nijó`r` fi' lí`- caluu` lajee` e jír` .

10

Mi` casing` Jesús setenta dsea` quia`r` i cangogua` juu` quia`- Fidié`

¹ Jo mi` cangí` jo, caguíng` Jesús setenta dsea` lajee` lajaléng` dsea` i ngí` cóo`r` , jo caquiur` ta` e cangolín`- do tá`- gáin`- nifi`gui laco' ngóor` 'ñia`r` e cangoguaiñ`- do juu` e nijaquíem`ba' e ningí`- dsea` do laco` laco` fi` . ² Jo mi` cató` e caguíng` Jesús jaléng` i dsea` do jo cajín`- casí`- reiñ`:

—E ja`- e dsíng`- fíng` jaléng` dsea` i iing`- nijmicuíng` jnea` , dsu' ja` i` 'ga' lí` dsea` seeng` i niguiá`- jalé` juu` quie`-e. Joba' 'né`- nimí`- 'nú` Fidié` e nicuó`ng`- guir` dsea` i niguiá`- jalé` juu` quie`-e. Co' lí` la lí` fa' mi` caroo` jalé` e cajni` jaang` dsea` , jo jo` i` 'ga' lí` dsea` seeng` i nijmicóo` e nisitíng` , joba' 'né`- nimí`- i fíng`gui dsea` i nijmicóo`~ quia`r` e ni` ta` do. ³ Jo lana nigüilíng`-na' , jo quie`na' cuente e nisín`n` 'nú` lafa' sín`n` jaang` jo`se` jee` jaléng` ie`dsinúu` . ⁴ Jo ja` 'né` cá`na' jalé` nosúu` o`gui ñinée` o`gui 'né` cá`na' tú`- neáng` lomí`na' , jogui jii`~ sí`na' e quí`ba' cá`na' . Jogui ja` jmi`íng` yaang`na' e siing`na' cóo`~ doñi` i` dsea` i nijíng`na' guí` fi' . ⁵ Jo mi` niguilíng`-na' quia`- dsea` laco` fi` lí` nisín`n` 'nú` , joba' sí`na`re ladsifí` lala: “Güiliseem`ba' juguiá`- juu` røø` .” ⁶ Jo song guíab`- ni`íng` i dsea` lí` niguilíng`-na' do 'nú` , joba' juguiáb`- niliseeiñ` ; jo dsu' song ja` ni`íñ` 'nú` cóo`~ juguiá` , joba' lajob` ja` juguiá`- niliseeiñ` yaaiñ` cajo. ⁷ Jo mi` niguilíng`-na' lí` nicuó` dsea` 'núu` , jo job` nijá`na' carta` taang`na' e fi` jo, jogui jalé` e í` gø` i dsea` do e joba' ni`u` nicø`na' cajo; dsuco' lafa' jaang` dsea` i jmoo` ta` ngím`bre e 'léeiñ` , jo lajobi` 'nú` cajo. Jo ja` 'né`- ngí`na' la gui` 'núu` . ⁸ Jo mi` niguilíng`-na' cóo` fi` lí` iing` dsea` 'nú` , quie`na' doñi` ee`go cacuø` i dsea` do 'nú` . ⁹ Jogui jmi`leáng`na' jaléng` dsea` dséel` i seeng` fi' jo, jo sí`na' jaléng` i dsea` do lala: “Lana nijaquíéng` e nicá` Fidié` nifi' quia`- lajaang` lajaang` 'nú` .” ¹⁰ Dsu' fíng` caguilíng`-na' cóo` fi` lí` ja` íng` dsea` 'nú` , dsifí` uøø`ng`na' e fi` do, jo lajee` jo nifi`na' jaléng` dsea` i nijíng`na' e jee` fi` do: ¹¹ “Lana nicabó`naa' 'lee` quia`- jee` fi` góo`na' e nicaséng` lomí`naa' . Jo latí` lana niliing` jaléng` dsea` i seeng` e fi` la e ja` íñ` jalé` juu` quia`- Fidié` , dsu' güilíñ`na' guí` e nijaquíem`ba' e nicá` Fidié` nifi' quia`- lajaang` lajaang` dsea` jmi`guí .” ¹² Jo lana fi` guí` 'nú` e mi` nijáa` jmí` e nicá` dsea` iihuí` uii` quia`- jalé` dsee` quia`r` , eáang`gui iihuí` nicá` i dsea` seeng` e fi` lí` ja` calíñ` 'nú` laco`gui iihuí` e cacá`- jaléng` dsea` i caliséng` fi' Sodoma mali`gui eáang` .

Dsea` i ja` ja`- calíng`- juu` quia`- Dsea` Jmáang`

(Mt. 11:20-24)

¹³ Jo mi` calí` jo, jo canaang` Jesús e jíñ`- jaléng` dsea` i seeng` fi' fi` lí` seeng` jaléng` dsea` i ja` ja`- calíng`- jalé` juu` quia`r`- jo cajín`-:

—i`fí`- jaléng` 'nú` , dsea` seeng`na' fi' Corazín cóo`~ jaléng` 'nú` dsea` seeng`na' fi' Betsaida! Cofa' mi` cajmé`-e cóo`~ jaléng` dsea` seeng` fi' Tiro cóo`~gui fi' Sidón lajalé` e guí`- e quí`i` jmí` e nicajmé`-e cóo`~ 'nú` , joba' dsifí` lajob` caquí`- jíng` yaaiñ` fi' quini` Fidié` faco' mi` lajo, jo catíng`- e nineáaiñ` fi' í` eáang` uii` quia`- jalé` dsee`- e nicarøøiñ` . ¹⁴ Joba' fi`- i` 'nú` , dsea` seeng`na' fi' Corazín cóo`~gui fi' Betsaida, ie` mi` nití`- í` e niquidsí` Fidié` í` quia`- lajaang` lajaang` dsea` jmi`guí , eáang`gui nicuø`r`- 'nú` iihuí` laco`gui e iihuí` e ni`íng` dsea` i seeng` fi' Tiro cóo`~gui fi' Sidón. ¹⁵ Jogui jaléng` 'nú` , dsea` seeng`na' fi' Capernaum, ¿su líng`-na' e 'nú`bing` i nisáng` cartí` yá`gui jee` jaléng` dsea`? U` , o' lajo, co' 'nú`bing` i nijgiáang` tí` lí` 'lí` mi` nití`- e í` jo. Cofa' mi` fi' fi` Sodoma calí` lajalé` e quí`- jmí` laco`gui jii`~ e nicajmé`-e jee` 'nú` , joba' ja` ca`íng`- e fi` jo, jo siji`bi` jaléng` i dsea` do latí` lana.

Jò cóo~ júu^ lanab cajíng~ Jesús jaléng^ dsea` i ja` ja` calíng~ júu^ quiá'r~.

Jò mi~ calí~ jò, jò casí~ guir jaléng^ i dsea` setenta do lajee` ná~ gui e ni'uóin~ do e nidsilíin~ e nidsiguiar~ júu^ quiá~ Fidié~ jò cajíin~:

16 —Ii~ dsea` i ja` íng^ 'nú', ja` ín~ jnea~ cajo colíing~ cóo~ Fidié~ dsea` guing~ ñifí~, dsea` i casíng~ jnea~ fí~ jmigüi~ la.

Jò mi~ calí~ e cajíng~ Jesús lajò, jò cangolím~ jaléng^ i dsea` setenta do laco' ta~ cahuí~ ie~ jò.

Mi~ caguilíng~ tu jaléng^ i dsea` setenta do

17 Jò mi~ lí~ cóng~ gui lajò, caguilím~ tu i dsea` setenta do fí~ lí~ táang~ Jesús, jò dsíng~ íáang~ dsíir' mi~ caguilíin~, jò casí~ dsea` do jò cajíin~:

—Tifa', dsíng~ íáang~ dsí'naa' jó'naa' lana, có' jì'gui jaléng^ i 'ling^ i jée' quiá~ dsea` calinúur~ jalé' júu^ qui'naa' mi~ casí'naa'r e ngóo'naa' lafa' guóo' 'nú'.

18 Jòba' cañíi' Jesús casí~ dsea` setenta do jò cajíin~:

—Lajòb líi', jò camób~ jnea~ mi~ catóng^ fii~ i 'ling^ fí~ lí~ lamí~ guiin~ fí~ ñifí~, jò catóin~ lafa' mi~ casí~ cóo~ jì~ güi'ñiá^ . 19 Jogui jnea~ nicacuøøø 'nú' e niquí'na' jmíi~ jogui e nilí'ba' jaléng^ i 'ling^ mi~ jmáin~ jaléng^ dsea` jmigüi~, jogui ja` ee` nilíng~na' nañí' fa' nicúng^ jaléng^ mi' guíng~ 'nú' osi ni'íng^ jaléng^ tacú' 'nú' é. 20 Jò dsu' ja` güili'íáang~ óo'na' e lico' nilí'na' uøøng~na' i 'ling^ i jée' quiá~ dsea~, có' güili'íáang~gui óo'na' e niteáang~na' fí~ ni~ jì~ quiá~ Fidié~ fí~ lí~ niteáang~ jaléng^ dsea` quiá'r~ i nidsilíng~ fí~ ñifí~.

Mi~ cali'íáang~ dsí' Jesús

(Mt. 11:25-27; 13:16-17)

21 Jò ie~ jò, dsíng~ cali'íáang~ dsí' Jesús la'eáang~ cóo~ Jmíguí~ quiá~ Fidié~, jò cajíin~ casí~ Tiquiá'r^ dsea` guing~ ñifí~:

—Teaa~, lana jmifén'n 'nú', dsea` Fii~ guóo~ uó~ jmigüi~ la, dsuco' lana nicajmee~ e ngám^ jaléng^ dsea` dsee~ dsea` qui' jalé' júu^ quií~, jogui cajmee~ba' e ja` cangáng^ júu^ quií~ jaléng^ dsea` i tíng~ eáang~ i jmicóøng~ yaang~ fí~ jee~ jaléng^ dsea` rúng^ . Jò lajòb líi', Teaa~, có' lajòb cali'íáang~ o' e nilí.

22 Jò mi~ calí~ cajíng~ Jesús jalé' e júu^ na, jò cajíng~ guir casí~ jaléng^ dsea` i teáang~ cóo~r~ do ie~ jò:

—Nicacuø' Tiquié'e jnea~ e née' nii~ jalé' e sea` fí~ la'úng~ fí~ jmigüi~ . Jò jíi~ jaang~ dsea` dseáng~ mí~ cuiíin~ jnea~, dsea` lín'n Jóo' Fidié~ camíng~, có' lajii~ Tiquié'baa dsea` cuiíin~ jnea~; jogui jíi~ jaang~ dsea` dseáng~ mí~ cuiíin~ Tiquié'e dsea` guing~ ñifí~, có' lajii~ jneab~ dsea` cuiin~nre cóo~ gui lajaléng^ dsea` i nisi'ling^ quié~ e e nilícuíin~ dsea` do.

23 Jò mi~ calí~ cajíng~ Jesús lana, jò cajóøin~ lajii~ dsea` quiá'r~ jò casí~ reiñ~:

—Juguiá~ jiu quií~ 'nú', dsea` máang~na' jnea~ jogui calícuíng~na' jnea~, có' cangíng~na' e ngám^ jiu' júu^ quié~ e. 24 Dsuco' dsíng~ cali'íing~ jaléng^ dsea` i café' cuaiñ~ quiá~ Fidié~ malíi~ gui eáang~ cóo~ jaléng^ dseata~ dsea` cóøng~ fa' mi~ cangár~ jalé' e móo~ 'nú' jmíi~ ná, dsu' ja` cangár~; jogui eáam' cali'íiin~ fa' mi~ canúur~ jalé' júu^ quié~ e, dsu' ja` canúur~.

Mi~ ca'e' Jesús jial nijmi'neáang~ dsea` rúin~

25 Jò mi~ calí~ caféng^ Jesús jaléng^ dsea` quiá'r~, jò cangoquiéng^ fí~ lí~ siñ' jaang~ tifa' quiá~ júu^ quiu' ta~ quiá~ dsea` góor dsea` Israel, có' iin~ do e niguié'r' jial ni'níin~ dsea` do cóo~ lajii~ júu^ e eiñ', jò cajmíng^r~ dsea` do jò cajíin~:

—Tifa', ¿e~ 'né~ nijmee~ e laco' niñiin~ e niliseen~ cóøng~ cóo~ Fidié~ lata~?

26 Jòba' cañíi' Jesús quiá~ i tifa' do jò casí~ reiñ~:

—¿E~ jalé' e fé' fí~ ni~ jì~ quiá~ Fidié~ jò jial ngán'?

27 Jòba' cañíi' i tifa' do jò casí~ Jesús:

—“Né jmi'neáang'naa' Fidiéé' quí-ii' car`ngocáng` dsi'baa' jogui cóo'~ jalé' bí seeng` jmi'guí' quí'naa' jogui cóo'~ jalé' bí see'naa' jogui cóo'~ jalé' e í dsi'naa'; jogui 'né' jmi'neáang'naa' jaléng' dsea' rú'naa' lí' laco'gui jmi'neáang' yee'naa'.”

²⁸ Joba' cañí' Jesús quiá'- i dsea' do jo cajíñ'-:

—Lajob lí' laco' fó' na. Jo song nicajmití' jalé' e jo, joba' niñín' e niliseen' cøøng` cóo'~ Fidiéé' lata'.

²⁹ Jo dsu' i tifa' do iññ~ e niní' jaléng' i dsea' do e íbre tñng'guir laco' Jesús, joba' casí'r- dsea' do jo cajíñ'-:

—¿I' dsea' i 'né' nijmi'neáan`n jóng, Tifa'?

³⁰ Joba' cañí' Jesús quiá'- i dsea' do jo casí'r-reiñ':

—Coo` née' jaang` dsea' Israel cagü'í' fí' Jerusalén jo cangór- fí' Jericó. Jo lajee` ngóor' guiá' fí', catóo'~ ññ quiá'r- i ca'uø' jalé' e quier', jo jì'gui sî' i dsea' do ca'uø'r', jo caquiéng'neiñ' jo jiũ ja` cajngam'bre i dsea' do. Jo mi' calí- jo, jo cangolímbre, jo dob caseáaiñ' i dsea' sihuúng` do 'ni' fí'. ³¹ Jo co'ná'- lajob cangotíng` cangúng' jaang` jmidsea' quiá'- dsea' Israel fí' lí' ráang` i dsea' sihuúng` do. Jo mi' caguiér- fí' lí' ráaiñ' do, cajméer` lafa' ja` cangám-breiñ', jo cangúm'bre; ja` ee` cajmicóo'r- i dsea' sihuúng` do.

³² Jo mi'múng-guijiũ lajo cangúng' jaang` dsea' levita. Jo mi' caguiér- lí' ráang` i dsea' sihuúng` do, cajméer` lafa' ja` cangám-breiñ' do cajo, jo cangúm'bre; ja` ee` cajmicóo'r- i dsea' do cajo. ³³ Jo dsu' mi'múng-guijiũ lajo caguié- jaang` dseañu' i seeng` fí' Samaria i la'ó' 'ní' níng- rúng' cóo'~ dsea' Israel. Jo mi' cangáñ- i dsea' sihuúng` do, dsíng'- calí- fí' líng-neiñ'. ³⁴ Jo cangoquiéiñ' fí' lí' ráaiñ' do. Jo mi' cangár- e sihuúng` i dsea' do, jo dsifí' lajob cajméer` mí' quiáñ'-, jo ca'ñú'r' lacaang` lí' sihuúng` quiáñ'- do. Jo mi' calí- e cajméer` mí' quiá'- i dsea' do, jo caseáang`neiñ' fí' mocóo'~ bú' quiá'r-, jo cató-reiñ' fí' lí' seeng` dsea' fí' lí' cajméer` í' i dsea' do, jo job cajer' cóoiñ'- do ie` canuũ e jmi' jo. ³⁵ Jo mi' cajnéa- e jmi' jo, mi' caguiá' i dsea' seeng` fí' Samaria do guiá- e nidséiñ'-, caguir' cuu- quiá'r- jo caquí' quiá'- i dsea' lí' cajer' do quiá'- e nito' fíiñ' do i dsea' sihuúng` do. Jo casí'r- i dsea' fii' 'núu' do jo cajíñ'-: “Jmee- í' i dseañu' la, jo song ca'íng'gui' cuu- quí' cóo'~ jalé' mí' quiá'r-, jneab` niquí' qui' mi' nigüéeng-túu calé' catú-.”

³⁶ Jo mi' calí- e cajíng'- Jesús lajo, jo cajmíng'r- i tifa' do jo cajíñ'-:

—¿I' lajee` lajì gaang` i dsea' do i lín'- i cajmi'neáang` i dsea' sihuúng` do?

³⁷ Joba' cañí' i tifa' do jo casí'r- Jesús:

—I' dsea' i calí- fí' líng- ír', í'bing' cajmi'née` quiá'r-.

Joba' cañí' Jesús jo casí'r- i dsea' do:

—Guøng' jo güijmi'neáang` jaléng' dsea' laco' cajmée' i dsea' seeng` fí' Samaria do cóo'~ i dsea' sihuúng` do.

Mi' caguié- Jesús fí' quiá'- Marta cóo'~ gui Yá^

³⁸ Jo mi' cangí- jo, jo cangób-tu Jesús laco' iuuiñ- fí' e ngóor' fí' Jerusalén. Jo lajee` ngolíñ- fí' jo, caguiñíñ- fí' cóo' fí' lí' niseeng` jaang` dseamí i sii' Marta cóo'~ jaang` rúíñ' dsea' ngáang'~ cóo'r- i sii' Yá^ . Jo mi' caliñí' i dseamí do e caguiíng- Jesús cóo'~ dsea' quiá'r- fí' jo, dsifí' lajob cató'r- dsea' do fí' quiá'r- . ³⁹ Jo mi' caguié- Jesús fí' jo, dob caguá' Yá^ quiá'- lí' guíng- Jesús e núur' jalé' júu^ e e' dsea' do. ⁴⁰ Jo lajee` jo iuung- Marta e ja` dsiñíñ' e guiar' guiá- jalé' e nidó'- Jesús cóo'~ jaléng' dsea' quiá'r- . Joba' cangoquiéiñ' lí' guíng- Jesús, jo casí'r- dsea' do jo cajíñ'-:

—Tifa', ¿su ja` cuø' fí' í' uø' e nijngáng' ^'ñiá'a e ni' ta' la? Co' nab guíng- i rún'n na ja` ee` jmijíir- fa' e nijmicóo'r- jnea` cóo'~ jalé' e jmóo' la. Jiéé' o' sí' gø' güijmicóo'r- jnea` lana.

⁴¹ Joba' cañí' Jesús casí'r- i dseamí do jo cajíñ'-:

—Marta, Marta, dsíng'- guíng- o' dsuco' ja` nidsiñín' e nijmée'^ jalé' e lí' qui' . ⁴² Dsu' sea' cóo' e níng-gui eáang' e 'né' ninúu'^, jo Yá^ rún' nicagui'bre e e níng-gui e 'né' jmér-, jo jii' jaang` jo` i' cuøøng` lí' jníng- quiá'r-.

Jò lanab cajíng' Jesús casí'r- ì dseamî gáng- do ie~ jò.

11

Mi~ ca'e' Jesús jial nisñ~naa' cóo~ Fidiée'

(Mt. 6:9-15; 7:7-11)

¹ Jò cóo' jmiñ~, mi~ cangî e caféng' Jesús Fidiée', cangoquiéeng' jaang' dsea` quiá'r- fí lí~ siñ' jò casí'r- dsea` do jò cajíñ'-:

—Tifa', mi~ cateáng' ì Juan ì caseáng' dsea` jmiñ' do fí jmiñ' la, ca'e'r' jaléng' dsea` quiá'r- jial nisñ- cóo~ Fidiée'. Jò ¿su ja' é' 'nua' jnea'^ cajo?

² Jòba' cajíng' Jesús casí'r- jaléng' ì dsea` do:

—Mi~ iing'na' siing'na' cóo~ Fidiée', lalab 'né- naang-na' fo'^na':

Tiquí'ii', dsea` guin~ ñifí-,

güijmifém' jaléng' dsea` jmiñ' 'nua', có' 'nua' dsea` fén' fí la'úng- fí jmiñ'.

Jogui güijáng' yaang~ dsea` fí quini'^ e laco' niquiá'^ ta~ quiá'r- lajaang' lajaañ'.

Jogui güijmitib~ jaléng' dsea` jmiñ' jalé' e iing~ 'nua' fí jmiñ' la

lí'^ laco'gui liti~ fí ñifí- quí'-.

³ Jogui cuóø~ jnea'^ jalé' e 'né- niquiee~naa' e jmiñ' lana.

⁴ Jogui íng' dsee- uii~ quí'naa' quiá'- jalé' e ja` dseeng' e nicajmó'naa',

lí'^ laco'gui jnea'^ íng'naa' dsee- quiá'- jaléng' dsea` rú'naa' dsea` jmiñ' mi~ ee'go nica'léer' quí'naa'.

Jogui jmee- í jnea'^ lacaang' lí~ ngí'naa' e laco' ja' nijiá'naa' fí ní- dsee-,

jogui jmee- í jnea'^ cajo e laco' ja' nijmeáng' jaléng' ì 'ling'^ jnea'^.

Jò lanab ca'e' Jesús ie~ jò jial féeng'naa' Fidiée'.

⁵ Jò mi~ calí- jò, Jesús casí'- guir jaléng' ì dsea` do jò cajíñ'-:

—Majmó'naa' cuente e jaang' 'nú' seeng' jaang' cabóo~ quí'na', jò ì cabóo~ do niguiéer' e tó'r' 'nú' fí quí'na' e guiáng' uóø guienáa' jò nijíñ'-: “Cabóo~, ¿su ja' jíe' o' fa' jmi'ón' jnea~ 'ní' íí, ⁶ có' dob nicaguié- ì cabóo~ quíe- e do fí quíe- e ì iuung- fí jang' fí lí~ huíí^ eáang', jò ja' ee' sea` cuóøøre e nidó'r-?” ⁷ Jogui jíí~ jaang' 'nú' ja' ningñ- na' quiá'- ì cabóo~ quí'na' do jò nifí'na'r: “Ja' ñijmigiúí^, cabóo~, có' uóøb' eáang', jogui lanabi guiáng' güing' jaléng' jiuung~ quíe- e, jò dsíng'- fín'-n niráan- n nicuóøø' 'nua' jalé' e fó' na.”

⁸ Dsua' jnea~ fíí- ì 'nú' e doñí' fa' ja' ráang-na' uíí~ e líng' ì dsea` do cabóo~ quí'na', dsua' niráam-ba' nicuó'na'r e mi'r' 'nú' do e laco' jò siñ' jmiñ' 'nú'. ⁹ Jò lajob fíí- ì 'nú': Míí'na' Fidiée' jalé' e 'né'-na' jò nicuó'-bre; jogui mi~ 'nó'na' e 'né'-na', niguié'ba' jalé' e 'nó'na' do; jogui mi~ tó'na' fí o'ná^, jòba' nineab' e 'nú' do. ¹⁰ Dsaco' ìi' dsea` ì mi' Fidiée' jalé' e 'né-', ngám-bre; jogui ìi' dsea` ì 'nó', niguié'bre e 'nó'r' do; jogui ìi' dsea` ì tó' fí o'ná^, nineab' e 'nú' do.

¹¹ Jò ja' lí^ dsii- e seeng' jaang' 'nú', dsea` aang-na' jaléng' jiuung~, e mi~ nimí'r- 'nú' ir~, jò nicuó'na'r cuu~, osi mi~ mi'r' 'nú' capí'^ ngúu' 'ñua', jò nicuóng'na'r mi', ¹² osi nicuóng'na'r jaang' tacú^ mi~ nimí'r- 'nú' cóo' motu'. ¹³ Jò có' 'nú', dsea` sí'ling'na' fí quini~ Fidiée', tñm'ba' cuó'na' jaléng' jò'na' jalé' e guíá-, jò dsua' eáang'gui jlo'^ nicuó'- Tiquí'ii' dsea` guing~ ñifí- mi~ nimí'na'r, có' nicuó'-bre 'nú' Jmigiúí quiá'r-.

Mi~ cacuø' dsea` dsee- Jesús e jmóor' ta~ la'eáang' cóo~ ì 'ling'^

(Mt. 12:22-30; Mr. 3:19-27)

¹⁴ Jò mi~ cangî jò, cóo' jmiñ~ caguíng' Jesús jaang' ì 'ling'^ ì jée' quiá'- jaang' dseañua', jò ì 'ling'^ do nínicajméer' e ja' lí' fé' ì dseañua' do jíí' camí'^ júu'. Dsua' mi~ caguíng' Jesús ì 'ling'^ ì jée' quiá'- ì dsea` do, dsifí ladob canaang' fé'tuñ' do. Jò dsíng'- cangogá' dsíí' jaléng' ì dsea` ì teáng- do mi~ calí- lado, ¹⁵ dsua' ì líng~ ì dsea` do cajíñ'- ca'éeiñ' Jesús:

—La'eáang' cóo' bí quiá'- Beelzebú ì líng' fíí~ jaléng' ì 'ling'^, la'eáang' í'bing' tñng' ì dseañua' na e uóøiñ' ì 'ling'^ ì teáng' dsíí' dsea`.

16 Jogui i lling~gui i dsea` do e laco' niguié'r jial ni'náñ~ Jesús fi' quini` dseata~, joba' camí'r' dsea` do e fa' nijmeíñ~ coo` e li` e quí'r' jmiñ~, jo lajoba' nicuø` li` e Fidiéeb` dsea` casí' quiá'r~. 17 Jo dsí'f' ladob calilí' Jesús jalé' e í dsí' i dsea` do, joba' cajíñ~ casí'~reiñ'.

—Niñíb` 'nú' jialco' lí' coo` fi' li` ja` s'ing` dsea` røø, co' seeng` jmaquíng` dsea` i quiu' ta` quiá'r~, jo ja` ee` juguiú~ seeng` jaléng` i dsea` do. Jogui niñí' b'í' cajo jialco' lí' quiá'~ dsea` i seeng` coo` sinúu` i teáang` ta` j'ing`, ja` ee` juguiú~ seeiñ, co' ja` røø` s'íiñ. 18 Jo song lajjob lí' cóo`~ fi' i 'ling`^ i sii` Satanás e quiu'r' ta` condseá'~ dsea` quiá'r~ e nijmeáiñ` dsea` ga`, jogui condseá'~ gui dsea` do e nijmicóo'r~ dsea`, joba' ja` e ta` íng` quiá'r~ song cajmeér` lajo, co' ni'ím~ laj'í t'ú~ e ta` do, jo jo` ee` b'í seeiñ` j'í' coo` j'óng. Joba' nica'f'í i 'nú' jalé' e na, co' f'íng` 'nú' fó'na' e la'eáang` fi' i 'lim`^ba' e t'ín~ uøøñ~ jaléng` i 'ling`^ i jée' quiá'~ dsea`; 19 dsu' fa'jiu e jmicóo`~ fi' i 'ling`^ quié~ e laco' fó'na' na, joba' ç'í i lling`~na' i jmicóo`~ quiá'~ jaléng` dsea` góo`na' i nica'uøøng` jaléng` i 'ling`^ i jée' quiá'~ dsea? Co' i dsea` í e'r' 'nú' e o' lajjo e í óo`na'. 20 Dsu' song jnea~ t'ín~ uøøñ~ jaléng` i 'ling`^ i jée' quiá'~ dsea` la'eáang` cóo`~ güea`^ quiá'~ Fidiéé` dsea` guíng` ñí'f'í, joba' nica't'í b' í' j'óng e nijáang`~ yaang`na' fi' quini` Fidiéé` e laco' nicár` nifí' qui'~na' lajaang` lajaang`na'.

Jo mi` calí~ e cajíng`~ Jesús lana, jo casí'~ guir jaléng` i dsea` do jo cajíñ'~:

21 —Jo mi` seeng` jaang` dseañu' i 'gøng` jogui óor` jalé' e cóo`~ nijmi'øng` 'ñia'r' mi` jmi'ø'r` jalé' e sea` quiá'r~, jo líiñ~ e jo` i' qui'~ jmiñ` nicó' quiá'r~. 22 Jo dsu' f'ing` caguié~ jaang`gui dsea` i 'gøng`gui eáang`, jo nilí'bre t'íñ~ cóo`~ i dsea` jaang`gui do, joba' ni'uó'~ bre jalé' e sea` quiá'ñ~ do.

23 'Joba' f'í i 'nú' e i' i ja` sing` uii` quié~e, joba' 'ní' níim~bre jnea~ j'óng, jogui i' i ja` jmicóo`~ jnea~ e laco' nilicuíng` dsea` jnea~, joba' ja` siñ' uii` quié~e cajo.

Jial lí' mi` dsitáang`~ tu i 'ling`^ f'í dsí' dsea`

(Mt. 12:43-45)

24 Jo mi` calí~ cajíng`~ Jesús lana, jo casí'~ guir jaléng` i dsea` do jo cajíñ'~:

—Mi` güi'í' jaang` i 'ling`^ i iuung` dsí' jaang` dsea`, ngír' fi' lí' quiu` e 'nó'r' fi' lí' nijmi'íñ'. Jo mi` ngír' e ja` niguié'r' lí' nijmi'íñ', joba' í dsír': "Ním`^t'úu fi' dsí' dsea` e lí' cajú` u do, co' ja` lí' sea` lí' nijmi'ín`n." 25 Jo mi` niguieng`~tur dsí' i dsea` do, niguiéiñ' lafa' coo` sinúu` lí' siquiáang`~ guiá~ jo silí' jlo'`. 26 Jo mi` ninír' e dsíng`~ jlo'` dsí' i dsea` do lí' ni'í'tur, jo nidsér~ nidsitéer` guiáang` i 'ling`^gui laco' ír' e nidsitáaiñ` dsí' i dsea` do. Joba' ga`guib` nilíng` i dsea` do j'óng laco'gui lamí' iuung` jaang` i 'ling`^ do fi' dsír'.

Jial lí' mi` dseáng`~ e já'~ e íáang` dsí' dsea`

27 Jo lajee` gui'nang`~ e fé' b'í Jesús e júu` na mi` t'í lí' guicafé' jaang` dseamí e teá` eáang` jee` jaléng` i dsea` do jo guicajíñ'~:

—iJuguiú~ o' quiá'~ niquí'~, dsea` cangoquieeiñ` 'nu` jogui cajmicuáaiñ` 'nu` cajo!

28 Jo dsu' Jesús cañír' quiá'~ i dseamí do jogui casí'r~ jaléng` i dsea` do jo cajíñ'~:

—iJo dsu' juguiú~gui quiá'~ jaléng` i dsea` i núu` jalé' júu` quiá'~ Fidiéé` jogui jmitir~ jalé' e jo cajo!

Mí' camí' dsea` Jesús e nijmé~ dsea` do lí' e já'~ba' e t'íiñ`

(Mt. 12:38-42; Mr. 8:12)

29 Jo lajee` jo, dsíng`~gui caguilíng` dsea` fi' lí' táang` Jesús, joba' canaang`tu dsea` do e e'guireiñ' jo cajíñ'~:

—Jaléng` dsea` i seeng` jmiñ` na dsíng`~ nírøøiñ` dsee~, joba' mi'r' jnea~ e nijmee~ e lí' e já'~ba' e t'ín~, dsu' nicaliseáb` jalé' e lajo lamí' jééng`gui. Téé' óo`na' mi` cajá~ Jonás, jaang` dsea` i café' cuaiñ` quiá'~ Fidiéé` mali'gui eáang`. 30 Jo laco' Fidiéé` casíiñ` i Jonás do e niguiáiñ'~ do júu` quiá'~ dsea` do jee` jaléng` dsea` i caliséng` fi' Nínive, jo lajjob cajo casíng` Fidiéé` jnea~, dsea` i cajá~ fi' ñí'f'í e lín`n jaang` dsea` jmi'güí, e niguiaa~ júu` quiá'r~ jee` jaléng` 'nú'. 31 Jo mali'gui eáang` cajo caliséng` jaang` dseamí i ca'ée` coo` ta` fé' fi' lí' huí' eáang`. Jo ie` jo seeng` jaang` dseata~ dsea` féng` fi' Israel i calisí Salomón i t'íng`

eáang'. Jo i dseamf do cangór- cangonúur^ e júu^ quiá'- i dseata~ Salomón do. Jo dsu^ mi~ niguiéé' jmí~ e niquidsí' Fidiéé' í' quiá'- jaléng' dsea' uíi~ jalé' dsee- quiá'r-, joba' i dseamf do nicuó'r- 'nú' dsee-, co' ja' núu~na' jalé' júu^ quié-e. ³² Dsucó' mi~ cajá- i Jonás do e caguiar' júu^ quiá'- Fidiéé' fí' Nínive, lajalém' i dsea' seeng' e fíi' jo dsifí' lajob caquí'- jing' yaaiñ~ fí' quini' Fidiéé', joba' i dsea' í'bing' nijmé-gui dsee- quíi~na' mi~ niguiéé' jmí~ e niquidsí' Fidiéé' í' quiá'- jaléng' dsea' jmigüí'. Jo dsu' jnea~ niing-gui laco' i Jonás do.

Mí' ca'e' Jesús jial lí' mi~ jmijneá' dsea' jì'
(Mt. 5:15; 6:22-23)

³³ Jo mi~ calí- jo, jo canaang' Jesús coo' 'lé'gui júu^ quiá'r- jo cajíñ'-:

—Mí~ jmijneá' jaang' dsea' coo' candíi^ quiá'r-, 'né- nisí'r' coo' lí' ñíí', joba' nijneá' fí' la'úng- sinúu^ quiá'r-. Jo ja' jmijneár- e jì do e laco' nisí'r' fí' coo' dsíi' caja o'gui e ni'meár- fí' coo' lí' ja' jnéeng-, co' iin~ e jnéb' jaléng' dsea' i dsitáang' fí' dsíi' sinúu^ quiá'r-. ³⁴ Jo jalé' jmini' dsea' íng^ ta~ e jné'r' laco'gui ta~ íng^ e candíi^ do e jneá' mi~ canuu. Jogui jaléng' dsea' i guiá- jmini', jlo'gui jné'r' lacaang' fí' lí' ngír' laco'gui jaang' dsea' i jo' 'ga' lí' dseeng' jmini', co' i dsea' í' jo' 'ga' lí' røø' jné'r' lacaang' fí' lí' ngír'. ³⁵ Jo lajob líí' cóo' 'nú' mi~ já'- líng'na' jalé' júu^ quié-e quiá'- jial laang' Fidiéé' dsea' jee~ jalé' dsee- quiá'r-, co' e jo líí' lafa' mi~ jneá' coo' jì dsíi' coo' sinúu^ e nuu. ³⁶ Joba' 'né- ñiing~ oo' 'nú' jie~ mí' jmee-na' e ja' já'- líng'na' e júu^ quié-e do, co' e jo líí' lafa' mi~ ja' jneá' jì dsíi' coo' sinúu^ e nuu eáang'.

Mí' cajíng- Jesús jaléng' dsea' fariseo cóo' jaléng' tifa' quiá'- júu^ quiu' ta~ quiá'- dsea' Israel

(Mt. 23:1-36; Mr. 12:38-40; Lc. 20:45-47)

³⁷ Jo mi~ cangí e cajíng'- Jesús lado, jaang' dsea' Israel i líng' dsea' fariseo cató'r- Jesús fí' quiá'r- e nidó'r-. Jo mi~ caguié- dsea' do fí' quiá'- i dsea' fariseo do, jo cangímb're dsíi' sinúu^ jo cangíiñ' caguár' lí' nidó'r-. ³⁸ Jo i dsea' fariseo do dsíng'- cangogá' dsíir' mi~ cangár- e ja' cajmiti~ Jesús fa' caru'r' guóor' laco' tíng' jaléng' dsea' Israel. ³⁹ Joba' cajíng'- Jesús casí'r- i dsea' fariseo do:

—Jaléng' 'nú', dsea' fariseo, rúu~na' jalé' cuéé' huí' quíi~na' jii~ lí' caluu', jo dsu' eáam' lí' lí' dsíi'. Jo lajob líng' 'nú' yaang~na' cajo, co' guiáb- tíng'na' rúu~na' ní'na' jee~ jaléng' dsea' mi~ ja' lí' dsea' jial tí' jmoo'na' i quiá'r- jo ee'gui jalé' 'lí' rúng'na' jmoo'na' cóo' jaléng' dsea'. ⁴⁰ iDsinóo' 'nú'! ¿E- ta~ íng^ quíi~na' e jmoo'na' lajo? Co' fí' quini' Fidiéé' 'né- e tee' lajì tú- taam'. ⁴¹ Jo mi~ líng~ e cuø'na' jaléng' dsea' i ja' sea' e 'né- quiá'-, joba' 'né- jmee-na' lajo e ngocáng' oo'ba', jo lajoba' ni'uíng- guiá- quíi~na' fí' quini' Fidiéé'.

⁴² 'iE ngí' fíib- 'nú', jaléng' dsea' fariseo! Co' dsíng'- guing~ oo'na' e nicuó'^na' Fidiéé' dseáng'- ca'íng' lajee' guí- íng' lajalé' oo' quiá'- jmiñi' e ro'na', jo dsu' ja' e guing~ oo'na' fa' e ni'íi'na' í' røø' quiá'- jaléng' dsea' rúng'na' o'gui e jmi'neáng'na' Fidiéé'. Co' lajalé' e joba' 'né- nijmití'na' cóo'gui jalé' e caguiee-gui do cajo.

⁴³ 'iE ngí' fíib- 'nú', jaléng' dsea' fariseo! Co' iing~na' ní'na' jii~ 'masii' e jlo'^ quiá'- dsea' laníng- mi~ nití- fí' guá', jogui jmoo'na' e 'nú'bing' i niing-gui mi~ nití- fí' jo cajo. Jogui lajobi mi~ jing'na' jaléng' dsea' guiá' fí', jmoo'na' e jmiféiñ' 'nú' lafa' jii~ 'nú'bing' i cóøng'gui fí' la'úng- jmigüí'.

⁴⁴ 'iE ngí' fíib- 'nú', jaléng'na' dsea' fariseo! Co' dsíng'- jmigøøng'na' jaléng' dsea' cóo' jalé' e jmoo'na'. Co' 'nú' líng'na' la líí' lí' si'aang' 'líí', co' dsíng'- jlo'^ jíng' tee' lí' lí' ni~, jo dsu' lí' lí' dsíi' jolíng~ téé' ngúu' jmé' e teáang' joo'.

⁴⁵ Jo mi~ canúu- i tifa' quiá'- júu^ quiu' ta~ quiá'- dsea' Israel e cajíng'- Jesús lado, joba' dsifí' ladob 'ní' catíiñ- júu^ quiá'- dsea' do, jo cañír' quiá'- Jesús jo cajíñ'-:

—Tifa', mi~ fó' lana la quié- jneab' jminean'^ cajo.

⁴⁶ Joba' cañiñ Jesús quiá' i dsea` do jo cajíñ' casí' reiñ':

—je ngi' fñb' 'nú' cajo, jaléng' tifa' quiá' júu' quiá' ta' quiá' dsea` Israel! Co' cuø'na' lee' laguidseaang' jaléng' dsea` jíéng' e jíí' jaang' ja' i' quí' jmiñ' niró', jogui jíí' yaang'na' ja' iing'na' fa' taang'na' guoo'na' e niró' e lee' do.

⁴⁷ 'je ngi' fñb' 'nú' jaléng'na', co' jmo'na' jlo' li' si'aang' jaléng' dsea` i café' cuaiñ' quiá' Fidié', jo jaléng' dsea` íb' i cajngang' 'lii' dsea` cóong' qui'na' ie' mali'gui do!
⁴⁸ Dsu' jalé' e jmoo'na' do guóng' e lafa' røøb' siing'na' cóo' jaléng' 'lii' dsea` cóong' qui'na' jo e lafa' 'núb' cajngang'na' jaléng' i dsea` do cajo.

⁴⁹ 'Jo co' lajob líi, joba' Fidié' dsea' eáang' tiiñ' cajíñ' lala: "Nisín^n jaléng' dsea` i fé' cuaiñ' quié' e cóo'gui jaléng' dsea' apoo' i si'ing' e ni' júu' quié' e jee' 'nú', jo dsu' 'nú', seem'biñ' do i nijmeáang'na' la tí' e ja' óo'na', jogui seem'biñ' do cajo i nijíung' fí' jaguoo'na' cartí' nijngám'ba'r." ⁵⁰ Jo dsu' Fidié' nijmér' e niquí' jaléng' dsea' seeng' jmiñ' na jalé' e cangong'ing' jaléng' dsea` i café' cuaiñ' quiá'r' i nicaliséng' lajíí' mi' catiroo' jmiñ' jo latí' lana ⁵¹ jo latí' mi' cajnga' dsea' quiá' Abel jogui cartí' mi' cajnga' dsea' quiá' Zacarías fí' jeeng' li' guai' jaléng' dsea' jalé' e cuø'r' Fidié'. Joba' fñ' i 'nú' e nijméb' Fidié' e niquí' jaléng' dsea' seeng' jmiñ' na jalé' e cangong'ing' i dsea' do.

⁵² 'je ngi' fñb' 'nú', jaléng' tifa' quiá' júu' quiá' ta' quiá' dsea` Israel! Co' 'núb' dsea' quié'na' jalé' jí' li' too' jalé' júu' quiá' Fidié', jo dsu' ja' iing' 'nú' jmití'na' laco' fé' e fí' ni' jí' do, o'gui cuø'na' fí' e nijmití' jaléng' dsea` i iing' jmé' lajo.

⁵³ Jo mi' cató' e cajíng' Jesús jaléng' i dsea' fariseo cóo' jaléng' i tifa' do, jo jaléng' i dsea' do canaiñ' jmiquí'na' dsír' cóo' jalé' júu' e cajíng' Jesús, jo jmiñ'guib' jalé' e canaiñ' jmiñ'guir' laco' e nijmiguí'na' dsea' do; ⁵⁴ co' jaléng' i dsea' fariseo do cóo' jaléng' i tifa' do 'nó'r' jial'ni'níñ' Jesús fí' quini' jaléng' dseata' quiá'r' cóo' jalé' e fé' dsea' do.

12

Mi' ca'e Jesús e ja' dseeng' jmiñ'long' yee'naa' jee' jaléng' dsea'

¹ Jo lajee' e fé' Jesús jalé' e júu' na, caseáng' lí' lí' tú' 'ní' mil dsea'. Jo laco' ngoo' seáng' jaléng' i dsea' do, dsíng' ninaaiñ' 'leng' rúñ', co' lajalém'bre iñ' ninúr' jalé' júu' e e' Jesús. Jo lajee' jo canaang' Jesús féñ' jaléng' dsea' guitúung' quiá'r' jo casí' reiñ':

—Ñiing' óo'na' cóo' jalé' e fé' jaléng' dsea' Israel i líng' dsea' fariseo, co' jíí' yaaiñ' ja' ja' líiñ' jalé' e fé'r', jo jalé' e jo íng' ta' quiá'r' e lico' jmiñ'long' yaam'bre fí' quini' jaléng' dsea' fí'. ² Dsuo' ja' sea' cóo' e si' jneaa'aa' e iing' e ja' too' jmiñ' niliñ' jaléng' dsea', o'gui cóo' e si'má'naa' e ja' too' jmiñ' niní' jaléng' dsea' cajo. ³ Joba' jalé' e nicafée' 'nú' e iing', niliñ' jaléng' dsea'; jogui lajobi jalé' e nicafée'na' fí' sinúu' qui'na', niliseab' júu' latøøng' fñ' cajo.

I' i catíng' e 'góng'naa'

(Mt. 10:28-31)

⁴ Jo lala fñ' i jaléng' 'nú', dsea' rú'naa'; ja' føøng'na' jaléng' i iing' jngáng' 'nú', co' jíí' e joba' tiiñ' jmér'. ⁵ Dsu' lana nijmée' e 'nú' júu' i' i catíng' i niféng'na': güiféng'na' i dsea' i niquiá' ta' li' nijúung'na' jogui quí'r' jmiñ' e guiéñ' dsea' fí' li' 'li'. Joba' fñ' i 'nú' i güiféng'na' i dsea' í'!

⁶ Jo niñ'ib' 'nú' e 'nám' dsea' tá' la 'ñíng' ta' cóo' tú' 'ní' í' cuu'. Dsu' e ja'ba' e jíí' camíng' i ta' do ni'íng' dsí' Fidié' laco'gui ja' ni'íng' dsír' jíí' jaang' 'nú' cajo. ⁷ Jo j'gui jalé' jñ'guí' 'nú' si'í' Fidié' tá' camí'. Joba' fñ' i 'nú' e ja' føøng'na' mi' iing' dsea' nijngáiñ' 'nú', co' eáang'gui quíng' 'nú' laco'gui fñ'ng' ta'.

Jaléng' dsea' i ja' i' líng' e cuíñ' Dsea' Jmáang'

(Mt. 10:32-33; 12:32; 10:19-20)

⁸ Jogui jaléng' 'nú', dsea' i ja' i' líng'na' e nijmée'na' dsea' júu' e cuíng'na' jnea' fí' jmiñ'guí' la, joba' jnea', dsea' cagá' a fí' ñíff' e lán'n jaang' dsea' jmiñ'guí', lajob' nijmee' e cajo

fi' quini' jaléng' ángeles quiá' Fidié' mi' niguilíng' 'nú' fi' jo. ⁹ Dsu' jaléng' dsea' i nijíng' e ja' cuiñ' jnea' jee' jaléng' dsea' jmigüi', joba' lajob nifá' a fi' quini' jaléng' ángeles quiá' Fidié' e ja' cuiñ' nre cajo.

¹⁰ Jogui doñi' i' i' ní' níng' jnea', dsea' gáa' a fi' ñifi' e lín' n jaang' dsea' jmigüi', ni' íim' Fidié' dsee' quiá'r'; jo dsu' i' i' café' ga' uui' quiá' Jmiguí' quiá' Fidié', joba' jo' qui' jmü' fa' e ni' íing' gui Fidié' dsee' quiá'r'.

¹¹ Jo jaléng' 'nú', song cajiúng' na' fi' jaguó' dseata' quiá' guá' qui' naa' osi' fi' jaguó' dsea' i' quidsí' í' osi' dseata' bi' é, joba' ja' fóøng' na' fa' e ja' ñí' na' jial nijmi' óng' yaang' na' o'gui' jial ningü' na' quiá'r' mi' nijmingí'r' 'nú'. ¹² Co' mi' niteáng' na' fi' quini' jaléng' i' dseata' do, dsifi' lajob nijmé' Jmiguí' quiá' Fidié' jial ningü' na' quiá'r' mi' nijmingí'r' 'nú'.

Eáam' dseáng' mi' óo' dsea' cuu' eáang'

¹³ Jo mi' cangí' e cajíng' Jesús jalé' e júu' na, jo jee' jaléng' i' dsea' i' teáang' núu' jalé' e júu' jo guicató' jaang' dseañu' jo guicajíñ' casí'r' Jesús:

—Tifa', síi' go rún' n dsea' ngáang' cóo' o' güicuø'r' jnea' guié' quié' e jalé' e casé' 'li' tiquié' e mi' cajúñ'.

¹⁴ Joba' cañi' Jesús quiá' i' dseañu' do jo casí' reiñ':

—Ja' casíng' Fidié' jnea' jee' 'nú' fa' e lín' n dseata' i' cajajmé' jmá' jiu' jalé' e sea' qui' na'.

¹⁵ Jogui casí' guir jaléng' i' dsea' teáang' do jo cajíñ':

—Ñiing' óo' na' jo ja' jmee' na' e dsináang' na' jalé' cuu' o'gui doñi' ee' e sea' fi' jmigüi', co' jii' jaang' dsea' ja' qui' jmü' e niquir' quiá' e niteáng' guir huøø' fi' jmigüi' la fa' jialgui' la sea' quiá'r'.

¹⁶ Joba' ca'e' Jesús jaléng' i' dsea' do coo' júu' já' e lafa' júu' cuento e fé' lala jo cajíñ':

—Coo' née' caliséng' jaang' dseañu' i' sea' cuu' eáang' jo oor' uø' e jlo' eáang' cajo, jo catáñ' dsea' léeng' quiá'r' i' cajmé' ta' e uø' do. Jo mi' caroo' jalé' e cajní'r' do, dsíng' jlo' cacuø' e uø' do, jo dsu' jo' li' sea' gui e ni' meá' i' dsea' sea' cuu' do jalé' e caro'r'.

¹⁷ Joba' canaaiñ' í' dsír': “¿E' nijmee' e cóo' jalé' e caró'o e jii' lana? Co' ja' sea' li' ni' meaa' jalé' e jo.” ¹⁸ Jo coob' mi' ca' óng' dsír' jial nijmér', joba' cajíñ': “Nica' óm' dsii' jial nijmee' e. Nijíem' baa' 'núu' quiá' cuí' quié' e e téé' lana, jo nijmé' e e cóo' gui eáang', jo job' ni' meaa' jalé' e caró'o do cóo' laji' e sea' quié' e. ¹⁹ Jo mi' ni' iéng' e 'nuu' do jogui mi' nitée' lán'g' jalé' e sea' quié' e, dsíng' juguíá' niliseen' jo jii' coo' fi' í' jo' ee' nijáa' quié' e jóng. Jogui'ba' nijmi' ín' teáa' tú' 'ni' jiiing', jo lajee' jo nidúu' nidóø' jalé' e sea' quié' e jo dsíng' nijmi' iáang' dsii' lajee' jo.” ²⁰ Jo dsu' uøø' job' cajíng' Fidié' casí'r' i' dseañu' do: “Dsea' tuung', náb' nití' í' e nijúun', jo ¿e' ta' íng' qui' jalé' e oo' lana mi' niguøng' fi' jmigüi' coo'?” ²¹ Jo lanab dsíng' jaléng' dsea' i' silí' li' cuu', co' o' cóo' e jo nitíñ' fi' quini' Fidié' mi' nití' oor' quiá'r'.

To' fñm' Fidié' jaléng' dsea' quiá'r'

(Mt. 6:25-34)

²² Jo mi' cangí' jo, jo caféng' gui Jesús jaléng' dsea' guitúung' quiá'r' jo casí' reiñ':

—Lala fi' i' 'nú': ja' jmee' na' fi' í' quiá' jalé' e nicø' na' o'gui jmee' na' fi' í' quiá' jalé' sí' na'. ²³ Co' eáang' gui laniing' 'né' e jmita' óo' na' e nigüilím' ba' fi' li' guiá' mi' nití' fi' coo' e laco' gui e nijmee' na' fi' í' quiá' jalé' e nicø' na' cóo' gui quiá' jalé' sí' na'.

²⁴ Jo quié' na' cuente quiá' jaléng' quiee'; ja' jié' jñ're' o'gui jié' téé' jalé' e gø're' o'gui 'mea're' jalé' e nidø'-re', dsu' Fidié' ñi'bre e' héiñ' jaléng' i' jó' do quiá'r'. Jo eáang' gui quíng' 'nú' fi' quini' Fidié' laco' gui lajee' fñng' ta' i' seeng' fi' jmigüi'! ²⁵ Jo ¿i' jaang' 'nú' niquir' jmü' nijmee' na' e nicuáng' guina' ca' ná' metro laco' gui jii' tí' na' lana? ²⁶ Jo song ja' qui' na' jmü' jmee' na' e capí' lajo, joba' ¿jialí' guíng' óo' na' jalé' e lí' seeng' na'?

27 'Jo quie`na' cuente jial jlo` jalé` lí` e sea` fí` jmigüi, jogui ja` ee` ta` jmóo` o`gui quie` fí` jial ní`uúing` e jlo`. Jo dsu` car` jii` dseata` Salomón cóo` jalé` e jlo` e calisea` quia`r` ja` casíng` ñia`r` e jlo` lí` laco`gui la jnéng` cóo` lí`. 28 Cofa` jlob` cajmée` Fidiée` e jnéng` jalé` lí` e ja` huøø` té`, dsu` jaléng`gui` 'nú', dsea` i` ja` mí` teáng` teá` cóo` júu` quie`e, jmigui`gui` niñing`na' quia` Fidiée` jalé` e 'né`na'. 29-30 Joba' fii` 'nú' lana, ja` jmée`na' fí` quia` jalé` e ní`u` nicø`na', dsuco` lajob` jmóo` jaléng` dsea` jmigüi` i` ja` cuíng` Fidiée`. Jo dsu` 'nú' seem` jaang` Tiquí`na' dsea` guíng` ñiff` i` niñi` jalé` e 'né`na' laco` jmi` laco` jmi`. 31 Jo fii` guí` 'nú' lana e 'né` nijmi`úung`na' e Fidiée` dsea` nicá` nifi` quí`na', jo lajoba' niñing`na' jalé` e 'né`na' laco` jmi`.

*Jalé` e catíng` dsea` quia` Fidiée` fí` jmigüi` cóo`
(Mt. 6:19-21)*

32 'Jo ja` jmee` 'nú' fí`, dsea` i` ja` fíng` mí` cuíng` jnea`, có` Tiquí`na' dsea` guíng` ñiff` i` quie` nifi` quí`na' nica`f` dsíir` e nicuø`r` 'nú' lajii` e catíng`na' e iáang` dsíir`. 33 Joba' 'né` e 'ní`na' jalé` e sea` quí`na' jo nijmicóo`na' jaléng` dsea` i` lí` 'né` quia` lajo; có` ja` ee` ta` íng` quí`na' fíng` tá` ca`meá` lí` cuu` cóo` jalé` e sea` fí` jmigüi` la, có` dsíng` fø` nicá` jaléng` ñi` jalé` e sea` quí`na' osi` nidø` jaléng` guis` i` 'léé` é. Có` guí` guí` e nijmee`na' e nilisea` quí`na' fí` ñiff` jalé` e jlo`, dsuco` fí` jo` seeng` ñi` o`gui fa` dseáng` e ní`lé`gui` guis`. 34 Có` lí` sea` jalé` e lí` a' do, e jobi` guíng` a' jóng.

Dseáng` 'né` e siñing` dsí`naa'

35-36 'Joba' fii` 'nú' e 'né` neáang`na' laco` guíng` jaang` dsea` 'léeng` i` guíng` fí` quia` fii` e güjeeeñ` e nineár` 'nú` mí` niguieng` fii` i` ngí` fí` lí` cung` guoo` dsea, jo` 'né` sijeeng` i` dsea` 'léeng` do e jnea` jib` guíñ` , joba' dsifib` nineár` 'nú` mí` niguieng` fii` e nitø`. 37 Jo juguiá` jii` quia` jaléng` dsea` 'léeng` i` sijnéé` dsíi` mí` niguieng` fii`. Có` jnea` jmítaa` óo`na' e dsíng` nili`iáang` dsíi` i` fii` do jo nitø`r` jaléng` i` dsea` 'léeng` i` sijnéé` dsíi` do e nidø`r` colíng` cóo`ñi` do e uøø` jo. 38 Jo juguiá` jii` quia` jaléng` i` dsea` 'léeng` i` sijnéé` dsíi` do mí` niguieng` fii`, nañi` fa' niguieñ` do guienáa` osi` téé` ogóo` é. 39 Jogui` cajo` fa' jaang` dsea` niñir` e oor` niguiéé` jaang` ñi` fí` quia`r`, nijé`bre e jo` nigüñ` e uøø` jo, jo lajoba' ja` nicuø`r` fí` e ní`uø` i` ñi` do jalé` e sea` quia`r`. 40 Joba' lajob` 'né` neáang` 'nú' e siñing` óo`ba'; có` jnea`, dsea` i` cajú` fí` ñiff` e lín`n jaang` dsea` jmigüi, nigáa`túu` calé` catú` fí` jmigüi` la lajee` e ja` ñiing` óo`na'.

*Jaang` dsea` 'léeng` i` guíng` cóo` jaang`gui` dsea` 'léeng` i` soo` dsíi`
(Mt. 24:45-51)*

41 Jo dsifí` mí` cató` e ca`e` Jesús jalé` e júu` na, jo dsifí` lajob` cajming` Tú` Simón cajming`r` Jesús jo cajiñ`:

—Tifa', jalé` e júu` e nica`é` na, ¿su ca`éé` jii` jnea` dsea` guitúung`naa' ofa' quia` lajii` dsea` é?

42 Jo lalab cañi` Jesús:

—Lalab lí` quia` jaang` dsea` i` néé` ní` jaléng` dsea` 'léeng` i` núu`gui` jalé` ta` quia` fii`, jo guíng`guir` cóo` jaléng` dsea` 'léeng`, jogui` nicuø`r` reiñ` do e nidø`ñi` mí` nití` oor` e gø` dsea. Jo mí` cagüi`ñi` i` fii` do e nidsér` fí` lí` jié`, caséer` jalé` ta` quia`r` jo caguiar` ní` i` dsea` i` néé` ní` jaléng` dsea` 'léeng` do, jo joguiba' cangór` jóng. 43 Jo mí` niguieng`tu` i` fii` do, juguiá` o` quia` i` dsea` i` néé` ní` dsea` 'léeng` do song` nicató` jalé` ta` e caséé` fii` mí` cagüi`ñi` cangór`. 44 Jo já`ba' fii` 'nú' e dsíng` nili`iáang` dsíi` i` fii` do, có` calitib` jalé` ta` e caséer` cóo` i` dsea` néé` ní` jaléng` dsea` 'léeng` quia`r` do, jo joguiba' nicuø`r` reiñ` do e nine` niñ` do jalé` e sea` quia`r`. 45 Jo dsu` fíng` song` ja` cajmiti` i` dsea` néé` ní` i` dsea` 'léeng` do lajii` ta` caqui` fii`, có` ca`f` dsíir` e ja` mí` niguieng` fii` lajminá`, jo lajee` jo cajméer` soo` dsíir` cóo` jaléng` dsea` 'léeng` i` néé` ní` , jogui` canáñ` i` gø`r` jalé` e sea, jogui` cajméer` ta` i` méé'; 46 jo dsu` lajee` jmóo` i` dsea` néé` ní` i` dsea` 'léeng` do jalé`

e jo, lajee˘ job caguiéng'˘ fiir˘, jo dsíng'˘ nicaliguiñ'˘ do, jo iihuı́ nicuó'˘ reiñ'˘ do lí'˘ laco'˘ catíng˘ e niñíng'˘ jaang˘ dsea˘ i ja`nú'˘ jalé'˘ júu˘ quiá'˘ fiir˘.

⁴⁷ Jo i dsea'˘ 'léeng'˘ i ñí'˘ jial lí'˘ jalé'˘ e iing˘ fiir˘ e nilí'˘ jo dsu'˘ ja` caguiar'˘ guiá'˘ o'gui calinú'˘ r˘ e nijmér˘ jalé'˘ ta` caquiá'˘ fiir˘, joba'˘ dsíng'˘ niñíñ'˘ iihuı́ jóng. ⁴⁸ Jo dsu'˘ i dsea'˘ 'léeng'˘ i ja` ñí'˘ jalé'˘ e nijmér˘ jo eám'˘ ca'léer'˘ quiá'˘ fiir˘, joba'˘ i dsea'˘ í'˘ ja` gui niñíñ'˘ iihuı́ laco'˘ gui i jaang˘ do. Jo i dsea'˘ i cangíng'˘ jmiguiá'˘, jmiguiá'˘ guib catíng˘ niguiéer˘ cuente mi˘ nití'˘ í'˘ lajo; jogui i dsea'˘ i ée'˘ guiá'˘ cóo'˘ lajú'˘ ta` e cangíñ'˘ e nee'˘ nir˘, joba'˘ eáang'˘ gui guiá'˘ 'né'˘ guiér˘ cuente mi˘ nití'˘ í'˘ lajo.

Nijíng˘ dsea'˘ lajee˘ la'ó'˘ rúñ'˘ uí'˘ Jesús
(Mt. 10:34-36)

⁴⁹ Jo mi˘ calí'˘ e cajíng'˘ Jesús jalé'˘ e júu˘ na, jo casí'˘ guir jaléng'˘ i dsea'˘ do jo cajíñ'˘:

—Jnea˘ cagá'˘ a lafa'˘ e caga'uun˘ jı́ fı́ jmigüı́ la; jo dsíng'˘ lí'˘ dsii'˘ fa'˘ jiá'˘ nicoo'˘ lana!
⁵⁰ Co'˘ ná'˘ bi nicaa˘ iihuı́ e eáang'˘, jo dsíng'˘ lí'˘ juuung˘ dsii'˘ cartí'˘ niliti'˘ lajalé'˘ e jo! ⁵¹ Jo dsu'˘ jaléng'˘ 'nú'˘ í'˘ óo'˘ na'˘ e cagá'˘ a fı́ jmigüı́ la e gajmée'˘ e liseeng'˘ na'˘ juguiá'˘ júu˘ røø', dsu'˘ o'˘ lajo; co'˘ uí'˘ jnea˘ ná'˘ bi nijmé˘ dsea'˘ mı́'˘ cóo'˘ dsea'˘ rúñ'˘. ⁵² Co'˘ latí'˘ lana gaang˘ dsea'˘ nijíñ'˘ cóo'˘ gáng˘ dsea'˘ la'ó'˘ dsea'˘ sinú'˘ quiá'˘ r˘. ⁵³ Co'˘ tiquiá'˘ dsea'˘ nijíñ'˘ cóo'˘ jóor'˘ dseañá'˘, jo jaléng'˘ jóo'˘ dsea'˘ dseañá'˘ nijíñ'˘ cóo'˘ tiquiá'˘ r˘; jogui niquiá'˘ dsea'˘ nijíñ'˘ cóo'˘ jóor'˘ dseamı́, jo jaléng'˘ jóo'˘ dsea'˘ dseamı́ nijíñ'˘ cóo'˘ niquiá'˘ r˘; jogui iemisé'˘ dsea'˘ nijíñ'˘ cóo'˘ dsea'˘ miloo'˘ quiá'˘ r˘, jogui jaléng'˘ dsea'˘ miloo'˘ quiá'˘ dsea'˘ nijíñ'˘ cóo'˘ iemisér'˘, co'˘ ja` nisíñ'˘ røø'˘ uii'˘ quié'˘ jnea˘ cóo'˘ jalé'˘ júu˘ quié'˘ e.

'Né'˘ óng'˘ dsı́'˘ dsea'˘ e jalé'˘ dsijée'˘ jmı́'˘ na
(Mt. 16:1-4; Mr. 8:11-13)

⁵⁴ Jo casí'˘ gui Jesús jaléng'˘ i dsea'˘ do jo cajíñ'˘:

—Mı́'˘ móo'˘ 'nú'˘ e ta'˘ jní'˘ nuu'˘ fı́ yá'˘ jmigüı́, joba'˘ dsifı́ lajob fó'˘ na'˘ e nitı́'˘ jmı́'˘, jo lajob dsitíng'˘ jóng. ⁵⁵ Jogui mi˘ móo'˘ 'nú'˘ e fı́'˘ guı́ quiuı́, dsifı́ lajob fó'˘ na'˘ e ja` nitı́'˘ jmı́'˘, jo lajob dsitíng'˘ cajo. ⁵⁶ i jmicaang˘ 'nú'˘! Co'˘ ñı́'˘ ba'˘ jalé'˘ e dsijée'˘ fı́ yá'˘ jmigüı́ jogui fı́ guoo'˘ uó'˘; joba'˘ ¿jialı́'˘ ja` ñı́'˘ na'˘ e uing˘ quiá'˘ jalé'˘ e dsijée'˘ jee'˘ 'nú'˘ lana?

Jmı́'˘ úung'˘ na'˘ e niliseeng'˘ na'˘ juguiá'˘ cóo'˘ jaléng'˘ dsea'˘ i 'ní'˘ níng˘ 'nú'˘
(Mt. 5:25-26)

⁵⁷ Jo mi˘ cangı́ jo, cajíng'˘ gui Jesús e júu˘ la:

—Jo ¿jialı́'˘ ja` lí'˘ na'˘ guı́'˘ na'˘ jnang˘ e guiá'˘ jogui jnang˘ e ja` dseeng˘ e dsijée'˘ qui'˘ na'˘?
⁵⁸ Co'˘ song i'˘ dsea'˘ i 'ní'˘ níng˘ 'nú'˘ cangojeeñ'˘ 'nú'˘ fı́ quini'˘ dseata˘, joba'˘ jmı́'˘ úung'˘ na'˘ e nisıng'˘ tu'˘ røø'˘ cóo'˘ r˘ lajee˘ ná'˘ gui e niguilíng˘ na'˘ fı́ quini'˘ i dseata˘ do. Dsaco'˘ song caguilíng˘ na'˘ fı́ lí'˘ guı́ñ'˘, joba'˘ niquiá'˘ r˘ ta` jaléng'˘ fı́'˘ quiá'˘ r˘ e nisáñ'˘ 'nú'˘ jo nitáñ'˘ 'nú'˘ dsı́'˘ 'nuñı́'˘ jóng. ⁵⁹ Joba'˘ fı́'˘ i 'nú'˘ e ja` nijúu'˘ na'˘ e fı́ dsı́'˘ 'nuñı́'˘ do cartı́'˘ niquiá'˘ na'˘ jalé'˘ cuu˘ e nimır˘, co'˘ lajob lí'˘ fıng catı́ fı́ quini'˘ dseata˘.

13

Dsíng'˘ 'né'˘ e niquí'˘ jıng'˘ yaang˘ dsea'˘ fı́'˘ quini'˘ Fidiée'˘

¹ Jo ie˘ jo caguilíng˘ cóo'˘ tú'˘ máng'˘ dsea'˘ fı́ lí'˘ táang'˘ Jesús i jmoo'˘ júu˘ jalé'˘ e ga'˘ e cajmée'˘ dseata˘ Pilato cóo'˘ dsea'˘ Israel, co'˘ caquiá'˘ r˘ ta` e cajúng˘ cóo'˘ tú'˘ máng'˘ dsea'˘ Israel i seeng˘ fı́ Galilea, jo e jmı́'˘ øong˘ i dsea'˘ Israel i cajngaiñ'˘ do cacáñ'˘ cóo'˘ jmı́'˘ jó'˘ i cajngaiñ'˘ fı́ nife'˘ quiá'˘ guá'˘ e si'˘ fı́ Jerusalén do. ² Joba'˘ cañı́'˘ Jesús cası́'˘ r˘ jaléng'˘ i dsea'˘ do jo cajíñ'˘:

—Ja` fı́ óo'˘ na'˘ e calíng˘ jaléng'˘ i dsea'˘ do jalé'˘ e fó'˘ na'˘ na dsu'˘ uí'˘ e røøng'˘ guir dsee˘ lajee˘ lajaléng'˘ dsea'˘ jmigüı́, ³ co'˘ o'˘ lajo; jo song 'nú'˘ ja` niquí'˘ jıng'˘ yaang˘ na'˘ fı́ quini'˘ Fidiée'˘, joba'˘ fı́ lí'˘ 'lib'˘ niguilíng˘ na'˘ dsifı́ mi˘ nijúung˘ na'˘. ⁴ Jo ¿su ja` tóo'˘ óo'˘ na'˘ mi˘ cajíng˘ guı́ñı́ng˘ dsea'˘ cóo'˘ 'nú'˘ e ñı́'˘ eáang'˘ quiá'˘ ojmı́'˘ Siloé e si'˘ fı́ dsı́'˘ fı́ Jerusalén? Ja` fı́ óo'˘ na'˘ e cajúng˘ jaléng'˘ i dsea'˘ do dsu'˘ uí'˘ e røøng'˘ guir dsee˘ eáang'˘ lajee˘ lajaléng'˘

dsea` seeng` fí Jerusalén, ⁵ co' o' lajo. Jo 'nú', song ja` niquáí~ jíing~ yaang~na' fí quini~ Fidiéé~, joba' fí lí~ 'lib'~ nigüilíng~na' dsifí mi~ nití oor~ quí~na'.

Mí ca'e' Jesús quiá~ 'ma` güiñí^ e ja` ee` cuø'

⁶ Jo casí~ gui Jesús jaléng^ i dsea` do coo` júu^ já~ e lafa' júu^ cuento jo cajíñ~:

—Coo` née~ jaang` dseañu^ nicajní~ coo` 'ma` güiñí^ fí uó^ quiá~r~. Jo mi~ catí í^ e líiñ~ e niñ~, jo cangojóø^ bre su ni'íí~ ofíi~ quiá~ e 'ma` güiñí^ do. ⁷ Jo mi~ caguié~r~, jo casí~r~ i dsea` née~ ni~ e uó^ quiá~r~ do jo cajíñ~: “Lajee` 'ní jii` ningóó` e gaa` coo` née~ lacoo` jii` e gajóø`-ø fa' ni'íí~ ofíi~ quiá~ e 'ma` la, dsu' jii` coo` ja` mí cadsé'e. Joba' fíi~ i 'nu' e ni'né~ nihuí~b", co' ja` tá~ jmóo` jii` quiá~ e ni~ uó^ la.” ⁸ Jo dsu' i dsea` i jmóo` í^ e uó^ do cajíñ~ casí~r~ fiir~: “Fíi~, güigui~gui cateá~ lajee` jii` lana, jo lajee` jo niñlén~'n i' jo nitá~'a o'”. ⁹ Jo ne~duu' fíng lajogu' ni'íí~ ofíi~ quiá~; jo song ja` ee` lí~ ni'íí~, joguiba' nihuí~ jóng.”

Mí cajmi'leáang~ Jesús jaang` dseamí i tu` cogui~

¹⁰ Jo mi~ cangí jo, coo` jmíi~ lajee` e jmi'íng' dsea` Israel, ca'e' Jesús jaléng' dsea` do júu^ quiá~r~ fí dsíí coo` guá~ quiá~ dsea` góor` dsea` Israel. ¹¹ Jo jee~ jaléng' i dsea` i teáang' fí guá~ do niquíéeng` jaang` dseamí i nijéé i 'ling'^ quiá~, jo ningóó` mí guijñiá jii` e nicajmée i 'ling'^ do e calitú' cogui~ i dseamí do, jo jii` capí^ ja` e lí niñ~ do. ¹² Jo mi~ cangáng~ Jesús i dseamí do, dsifí ladob cató~reiñ' fí lí~ siñ' jo casí~reiñ':

—Dseamí rú^'uu', jmíi~ na ni'leáan~ lajii~ jmohuí e quié^ na.

¹³ Jo caquidsir' guóor' fí mogui~ i dseamí do, jo dsifí ladob cangohuíng~ i 'ling'^ do, jo canim' i dseamí do, jo canaaiñ~ jmiféiñ' Fidiéé` jóng. ¹⁴ Jo dsu' dsíng~ caliguiíng~ i dsea` i née~ ni~ e guá~ do dsu' e cajmi'leáang~ Jesús i dseamí do lajee` jmíi~ e jmi'íng' jaléng' dsea` góor` dsea` Israel. Joba' casí~ i dsea` i née~ ni~ guá~ do jaléng' dsea` i teáang' do ie~ jo, jo cajíñ~:

—Lacoo` seamaan~ sea` jñúu~ jmíi~ e jmóo` dsea` ta~, jo lajee` joba' e catíng~ e ñilíng~na' e nilí m'í qui~na', jo dsu' ja` ñilíng~na' mi~ jmíi~ e jmi'íng'naa'.

¹⁵ Jo mi~ cajíng~ i dsea` née~ ni~ guá~ do lado, joba' dsifí lajób cañi~ Jesús casí~reiñ' jo cajíñ~:

—i jmicang~ 'ná! ¿Su ja` güilíng~na' e güi'íng~na' güitá^ qui~na' jmíi~ osi bú^ qui~na' é lacoo` jmíi~ mi~ catíng~ e jmi'íng'naa'? ¹⁶ Dsu' i dseamí la líiñ' siju~ Abraham, jo ningóó` guijñiá jii` e cajmée Satanás e calidsé'e'r~ jo cajer' tuiñ'. Jo lacó' güijéeng` 'nú' jó^ qui~na' e dsi'í're' jmíi~ mi~ jmíi~ e jmi'íng'naa', lajób catíng~ e nilaang~ jnea~ i dseamí la fí jaguó` Satanás mi~ jmíi~ e jmi'íng'naa' cajo.

¹⁷ Jo mi~ cajíng~ Jesús lado, dsíng~ calí i' líng~ jaléng' i dsea` i 'ní' ní~ quiá~r~ do. Jo dsu' lajaléng' i dsea` caguaiaang~gui do dsíng~ calí'íáang` dsíir' dsu' e cangár~ jalé' e jlo^ e cajmée Jesús ie~ jmíi~ jo.

Mí ca'e' Jesús quiá~ coo` mijú' 'ma` e sii` mostáa^

(Mt. 13:31-32; Mr. 4:30-32)

¹⁸ Jo mi~ calí jo, jo cajíng~ Jesús:

—¿Jial líng~na' e líí mi~ quie' Fidiéé` nifí quiá~ jaang` dsea'? Jogui` ¿e~ cóo~ cuøng` nicøng~naa'? ¹⁹ Co' e jo líí la líí camí^ mijú' 'ma` e sii` mostáa^; jo e mijú' quiá~ e 'ma` do pí^gui lajee` lajalé' mijú' 'ma` e sea` fí jmigüí. Jo dsu' mi~ nijní dsea` e mijú' do, féb' cuaang` lafa' coo` 'ma', jo fí yá^ e 'ma` do dsilíng` jaléng' ta' e jmo're' sii~re'.

Mí ca'e' Jesús quiá~ quie^ iñí^

(Mt. 13:33)

²⁰ Jogui cajíng~ gui Jesús casí~r~ jaléng' i dsea` do:

—Jo ¿e~ cóo~ cuøng` lí cøng~naa' mi~ quie' Fidiéé` nifí quiá~ jaang` dsea'? ²¹ Co' e jo líí la líí capí^ quie^ iñí^ e cáng' dsea` jee~ fí iñí^ quiá~r~ e lacó' niróo~ jalé' e ca~ iñí^ do,

jo jii~ ja ñi' dsea` jiali' calí- lajo. Jo dseáng'- lajob líi' cajo mi~ Fidié' quier' nifi' quiá'- dsea`.

*Coo`o'nú^e dsuu`
(Mt. 7:13-14, 21-23)*

²² Jo mi~ cangí jo, lajee` iuung- Jesús fí e ngóor' fí Jerusalén, ja`bre e e'r' jaléng' dsea` jalé' júu^ quiá'r- mi~ ngúiiñ' jalé' fii' pí' osi jalé' fii' cóo' é. ²³ Jo coo' fii' lí' caguiér-, cangoquiéeng' jaang' dsea' fí lí' cajer', jo cajmingi' i dsea' do ír' jo cajíñ'-:

—Fíi', ¿su jii~ tú- 'ní' mím~ tíi' dsea' i laang' jee~ jalé' dsee- quiá'-?

Joba' cañi' Jesús quiá'- i dsea' do jo casí'-reiñ':

²⁴ —Jmi'úung-na' e nigüitáng'-na' fí o'nú^ e dsuu', dsuco' dsíng'- fíng' dsea' nijmér- quijí- e nidsitáaiñ'- fí jo, dsu' jii~ tú- 'ní' míng'~bing' i nilí'. ²⁵ Co' mi~ nití- oor~ e nijní- i dsea' fii~ do e o'nú^ do, jaléng' 'nú', dsea' nijá^na' fí caluu', nitó'^na'r jo nifi'^na'r lala: “Janú', Ée', jmee- uí' dié~ nea~go e o'nú^ la.” Jo dsu' lalab niñi- i dsea' fii~ e o'nú^ do jo nijíñ'-: “Ja' cuín'n 'nú'.” ²⁶ Jo mi~ ninúu^na' e nijíñ'- lajo, jo ninaan- 'nú' nifi'^na'r: “Coliim~ nica'ie^ee' e nica'nee'^ caquiee~ee', jogui 'nub' dsea' nica'é^ fí jee~ fii' góo'naa'.” ²⁷ Joba' niñi- i dsea' fii~ e o'nú^ do calé' catú-: “Nícafá'-baa e ja' cuín'n 'nú'. iDo güilíng-na' lí- do jaléng' 'nú', dsea' i sitíng' 'léé'!” ²⁸ Jo job mi~ niqui' 'nú' jo dsíng'- nilijiuung~ óo'na' jogui nitú^na' majá^na' mi~ nimáang~na' Abraham cóo' Isáa' cóo' Jacóo^ cóo' jaléng' dsea' i café' cuaiñ~ quiá'- Fidié' malí~gui eáang'; co' jaléng' i dsea' la nineáaiñ' colíng~ cóo' Fidié' fí ñifi' lana, jo dsu' 'nú' fí caluub' ni'ðong-na'. ²⁹ Jo nijalíng' jaléng' dsea' quiá'- Dsea' Jmáang- fí la'úng- fí jmigüí e nigüear e nidó'r- ir~ colíng~ cóo' Fidié' fí ñifi'. ³⁰ Jo i líng' dsea' i líng- e niñ- eáang' fí jmigüí la, dsu' íbing' i jii~ capi' ja' ee' niing- mi~ nití- í' jo. Jo dsu' i líng' dsea' i líng- e ja' ee' niñ- jii~ capi' fí jmigüí la, jo íbing' i eáang'gui nilíniing- mi~ nití- e í' jo.

*Mi~ caqui' Jesús uii~ quiá'- dsea' i seeng' fí Jerusalén
(Mt. 23:37-39)*

³¹ Jo e jmii~ jo caguilíng- coo' tú- míng' dsea' Israel i líng' dsea' fariseo fí lí' táang' Jesús jo casí'r- dsea' do lala jo cajíñ'-:

—'Né- niguó'^ fí lí' jié', co' lana niguiá' dseata~ Herodes guiá- e nijngáíñ'- 'nu'.

³² Joba' cañi' Jesús quiá'- i dsea' do jo casí'-reiñ':

—Güilíng-na' güisíi' na' i 'ná'^ dsinóo' í: “Lajee~ jmii~ e sea'gui la 'né- nijmité'e lajii~ ta' cagá- a fí jmigüí la e nijmi'leáan^n jaléng' dsea' dsée'~ jogui nijmihuín^n jaléng' i 'líng'^ i jée' quiá'- dsea'.” ³³ Dsu' lajee~ jo 'né- niguié'e lajii~ lí' iuun- fí ngóo'o, co' ja' catíng- jaang' i fé' cuaiñ~ quiá'- Fidié' e nijúuiñ- fí caluu' fii' Jerusalén.

³⁴ Jo dsíng'- fii' lín-n jaléng' 'nú', dsea' seeng-na' fí Jerusalén, co' 'nub' dsea' nicajngang-na' jaléng' dsea' i café' cuaiñ~ quiá'- Fidié' jogui nicasi'lóo^na' cuu~ jaléng' i cajmicóo' quiá'- jaléng' i dsea' í' cajo. Jo jnea~, ja' ñii- jó'gui née'~ cali'íin-n e nito' fíin'n 'nú' laco' to' fíng' jaang' tui'iee' jaléng' tuyuu' quiáa-re' fí ná'- cué're', jo dsu' ja' cali'íing-na' lajo. ³⁵ Jo lana tí' lí' ni'nám'baa jee~ 'nú', jo jo' nimáang~gui' jnea~ cartí' niguié'e oor~ e nifo'^na' lala: “iJuguiá- o' quiá'- i dsea' i casíng' Fidié' fí jmigüí la cuaiñ~ quiá'r'!”

14

Mi~ cajmi'leáang- Jesús jaang' dseañu' i yaang'

¹ Jo mi~ cangí jo, coo' jmii~ lajee~ e jmi'íng' dsea' Israel, cató- jaang' fii~ quiá'- jaléng' dsea' Israel i líng' dsea' fariseo cató'r- Jesús e nidó'- dsea' do íi' fí quiá'r-. Jo lajee~ jo, dob teáang'~ jaléng' dsea' Israel i líng' dsea' fariseo i caguaang- do cóo' tifa' quiá'- júu^ quiu' ta' quiá'r- e téeiñ' Jesús lajee~ jo. ² Jo jee~ jaléng' i dsea' teáang- do niquiéeng' jaang'

dseañu' i nilíng' jmohuí' e yaaiñ'. ³ Jo mi' cangáng' Jesús i dsea' dsée' do, dsifí' lajob cajmingi'r' jaléng' i dsea' neáang' do jo casí'-reiñ':

—¿Su cuóøng' e nijmi'leáan^ n jaang' dsea' dsée' lajee' jmi' e jmi'íng' naa' ofa' ja' cuóøng' é?

⁴ Dsu' tiib' cajé' jaléng' i dsea' do, jii' camí'^ júu^ ja' ee' cañíir'. Jo dsifí' lajob catíng' Jesús i dsea' dsée' do, jo ca'láam-biñ' do lajii' e jmohuí' e lamí' líiñ'. Joba' caqui' Jesús ta' e cangám'-biñ' do. ⁵ Jogui dsifí' ladob casí'- Jesús jaléng' i dsea' i teáang' do jo cajíñ':

—¿Já' já'? jii' jaang' 'nú' ja' niseáang' na' jóona' osi jó' núu^ quíi' na' song calíngíng' na' e catóñ' osi catóng' ne' fí' coo' dsí' í' lajee' jmi' e jmi'íng' naa'.

⁶ Dsu' caléb'tu jii' jaang' i dsea' do ja' ee' cañíir' jii' camí'^ júu^ quíá'- Jesús.

Jaléng' dsea' máng' quíá'- dsea' cung' guó'

⁷ Jo lajee' jo cajíng' i dsea' fii' jaléng' dsea' Israel i líng' dsea' fariseo do e nigüea' dsea' e nidó'r', jo jalém' i dsea' do cagui'r' lí' niing' gui nigüear'. Jo mi' cangá'- Jesús e cajmée' jaléng' i dsea' do lado, joba' ca'e' reiñ' e júu^ la jo cajíñ':

⁸ —Mi' jaang' dsea' i cung' guó' tó'r' 'nu' fí' quíá'r', jo mi' niguie' quíá'- i dsea' í, ja' jmee' fa' ningíin' e niní'^ lí' niing' gui, co' jialfa' caguié' jaang' dsea' máng' i niing' gui laco' 'nu' fí' quíá'- i dsea' do. ⁹ Jo song 'nu' niguiin' lí' niing' gui, joba' i dsea' cató' 'nu' do 'né' nisí'r' 'nu' e nijéen' lí' niguiin' do, jo nigüea' i dsea' jaang' do, jo job lí' nicá' 'nu' fí' mi' nijéen' e lí' niguiin' do, jo nigüení' cartí' cøøng' gui fí' lí' neáang' dsea' i ja' niing'.

¹⁰ Dsu' mi' tó' i dsea' do 'nu' fí' lí' néé' júu^, 'né' niní'^ cartí' cøøng' gui lí' neáang' dsea' i ja' niing' mi' niguie' quíá'- i dsea' í. Joba' mi' niníñ' 'nu', nitó'r' 'nu' jo nijíñ': “Fí' la ngíng', co' fí' lab lí' gua' dsea' i niing' gui.” Joba' niní'^ lí' niing' gui jee' jaléng' dsea' i máng' i neáang' quíá'r' do. ¹¹ Dsaco' jaléng' dsea' i jmicøøng' yaang' jee' jaléng' dsea' rúng', í'bing' i nicá' fí'i', jo jaléng' dsea' i ja' jmicøøng' yaang' jii' capí'^, í'bing' i niing' gui lajee' lajaléng' dsea' jmi'güí'.

¹² Jogui casí'- Jesús i dsea' i cató' quíá'r' do jo cajíñ':

—Mi' jmoo' 'nu' jmi' jo iin' nihéen' jaléng' dsea', ja' 'né' nitó'^ jaléng' i cuín' o'gui jaléng' rún' o'gui jaléng' i sea' cuu'. Dsaco' song cajmee' lajo, joba' lajob nitó'tu jaléng' i dsea' do 'nu' mi' nijmér' jmi' lajaang' lajaaiñ' fí' quíá'r'. ¹³ Co' guiá'-gui e mi' nijmée' 'nu' jmi', nitó'^ jaléng' dsea' i ja' cuín' jogui jaléng' dsea' tiñíng' coo' jaléng' dsea' i ja' lí' ngí' coo' jaléng' dsea' bøøng' jogui jaléng' dsea' tiuung'. ¹⁴ Jo joguiba' dsíng' nili'iaang' o' jóng dsaco' ja' lí' niquí'^ jaléng' i dsea' do táa' quíi' fa' nicuó'r' 'nu' laco' cacuóø're. Jo dsu' Fidié' dsea' guíng' ñíí', íb' dsea' i nicuó' 'nu' mi' niguié' oor' e nijí'tu calé' catú' jaléng' dsea' i nisiguiúng' fí' quini' Fidié'.

Mi' jaang' dsea' cahéñ' fíng' dsea' fí' quíá'r'

¹⁵ Jo mi' canúu' jaléng' i dsea' do jalé' júu^ quíá'- Jesús, jaang' i dsea' la'ó' neáaiñ' gø'r' do cajíñ' casí'r' Jesús:

—Juguiá' o' quíá'- jaléng' i nitíng' nidó'- colíng' coo' Fidié' fí' ñíí' mi' nití' oor' quíá'r'.

¹⁶ Joba' casí'-gui Jesús jaléng' i dsea' do jo cajíñ':

—Coo' néé' caguiá' jaang' dseañu' guiá' e nidó'- fíng' dsea' i máng' fí' quíá'r'. ¹⁷ Jo mi' catí' oor' e nidó'r', jo casíñ' jaléng' dsea' 'léeng' quíá'r' e cangotéer' jaléng' i dsea' nisimíng' do. Jo mi' caguié' i dsea' 'léeng' do fí' quíá'- lajaang' lajaang' i dsea' nisimíng' do, jo casí'-reiñ': “Güilíng' na' lajminá', co' dob nigüjee' fí'i' e nicó'^ na' colíng' coo'r'.”

¹⁸ Jo dsu' jii' jaang' i dsea' do jo' cali'iñ' fa' cangolíñ'. Jo i la'uii' do cajíñ': “Síi' go fíi' güijmée' gor féng' dsíir' e ja' nilí' nii'i, co' nabi nicalá'a coo' jmaang' uó', jo jobi 'né' nijøøø lajminá'.” ¹⁹ Jo jaang' gui cajíng': “Síi' go fíi' güijmée' gor féng' dsíir' e ja' nilí' nii'i, co' nabi nicalón' n' ñiá' jming' güitá' quíé' e, jo í'bi 'né' nimoo' o' jial jii're!” ²⁰ Jogui jaang' gui cajíng': “Güisí' go fíi' e ja' nilí' nii'i, co' la güeam' bí' e ngocúun' n' guó'o, jo

güijmée`gor féng' dsír' uii~ quié-e." ²¹ Jo mi~ caguiéng' i dsea`léeng' do fi' li~ guing~ fiir~ e cangocóor` júu^ e jii'~ jaang` i dsea` do ja` nili' guiliñ~, joba' dsíng' caliguing~ i fiir~ do mi~ canúur~ lajo, jo caquiá'r' ta~ i dsea`léeng' do quiá'r~ jo casí'-reiñ': "Gua~ güingí~ lajminá~ lacaang` jee~ 'núu', jo güite' jaléng' dsea` tiñíng` cóo'~ jaléng' dsea` i ja` lí ngí~ cóo'~ jaléng' dsea` tiuung` cóo'~ jaléng' dsea` bõøng~, jo güijaliñ~ e nidó'r~ fi' quié-e." ²² Jo cangób~ i dsea`léeng' do cangojméer^ laco' ta~ caquiá' fiir~. Jo mali~gui lajo caguiém' tur fi' li~ guing~ fiir~ jo casí'-reiñ' do lala: "Nícanotée~baa jaléng' i dsea` i café~ do 'má~, jo nab nineáaiñ' lana, dsu' jóo'bi li~ nigüéá'gui dsea'." ²³ Joba' cajíng' i fiir~ do jo casí'-reiñ': "Gua~ güingí~gui la'úng` lacaang` li~ ja` mí caguié~', jo güite'gui jaléng' dsea', jo güijaliñ~ liing~ güirõøng` sinúu^ quié-e. ²⁴ Dsüco' jii'~ jaang` i dsea` i catõøø la'uii~ do jo`nidó'r~ jii'~ capí'^ fi' quié-e."

'Né- í- dsí' dsea`røø` song iñ~ nijmicutiñ` Dsea` Jmáang`

²⁵ Jo mi~ cangí jo, dsíng' fíing` jaléng' dsea` ngoliñ~ fi' li~ ngóo' Jesús. Joba' cajer' jo casí'r~ jaléng' i dsea` do jo cajíñ':

²⁶ —Song iñ~ iing~ ni'uíng` dsea` quié-e, 'né- nili'iing~guir jnea~ laco'gui tiquiá'r^ osi niquiá'r^ osi jaléng' rúñ' osi dseamí quiá'r~ osi dseañu' quiá'r~ é osi jaléng' jóor', jogui 'né- nili'iing~guir jnea~ laco'gui 'ñia'r' cajo. ²⁷ Jo song iñ~ dsea` i ja` niseáng' lafa' crúu^ quiá'r~ e laco' cuø li~ e guia' dsír' e nidsingíiñ~ e huíng' uí~ e líiñ~ dsea` quié-e jogui ja` ningí'r~ cóo'~ jnea~, joba' i dsea` í ja` quí'~ jmí~ e niliñ~ dsea` quié-e. ²⁸ Fa' jaang` 'nú' iing~na' nijmée~na' cóo' 'núu', 'né- nijmée~na' cuante quií~na' su seab` cuu~ quiá' e ninaang~na' e nijmée~na' e 'núu' do car` nité'. ²⁹ Dsüco' fa' lí^ canaang` e líi' e 'núu' do lajo e ja` mí calí~ cuante røø` jial tí' cuu~ nili'né~, jo jialfa' ja` cató', jo dsíng' ningíng` dsea` i dsea` fiir~ e 'núu' e gui'ná'^ líi' do ³⁰ jo nijíñ': "I dseañu' do nicajmicaiñ~ e cajme'r' 'nar~ ofa' nisea` cuu~ e nijmité'r' car` ca'ieeng'." ³¹ Osi jaang` dseata~ iñ~ nijmér~ mí~ cóo'~ jaang`gui dseata~ i jíéng', joba' 'né- ni'í- dsír' su niquí'~ jmí~ e nitíñ~ cóo'~ i dseata~ do song i dseata~ í jeeiñ` tú~ 'lé'gui dsea` laco'gui 'ñia'r'. ³² Jo song calilí' i dseata~ do e ja` niquíi~ dsea` quiá'r~ jmí~ e nitíñ~ cóo'~ i fíing'gui do, joba' 'né- nisíñ~ dsea` quiá'r~ e nidsimíiñ~ do jmí'ee~ e jo`nitíñ~ cóo'~ i dseata~ i jaang`gui do. ³³ Jo lajõb líí, doñí iñ~ 'nú' i ja` ni'náng` ca' lajalé' e lí dsír' e sea` fi' jmigüi' la, joba' ja` quí'~ jmí~ jóng e niliñ~ dsea` quié-e.

Jial mi~ jo`dseeng` ñi~

(Mt. 5:13; Mr. 9:50)

³⁴⁻³⁵ Jo cajíng' gui Jesús casí'r~ jaléng' i dsea` do lala:

—Dsíng' íng^ ta~ jalé' ñi~, jo dsu' song calíng~ lajii'~ e ñií~ do, joba' jo`ee` ta~ íng^ jii'~ cóo' jóng, jo lico' nibí'b` dsea', dsüco' ja` mí' sea` quiá' fa' e niliñi~tu. Joba' fíi' i 'nú' e iñ~ 'nú' sea` loguá'na', núu~na' jalé' júu^ quié-e.

15

Mí' ca'e' Jesús júu^ quiá'~ jaang`jo'se' i sí'íng`

(Mt. 18:10-14)

¹ Jo ie~ jo dsíng' fíing` jaléng' nodsicuu~ quiá'~ Roma cóo'~gui jaléng' dsea` i sea` júu^ e dsíng' røøiñ~ dsee~ ngoliñ~ fi' li~ sing' Jesús e núur` jalé' júu^ quiá'~ dsea` do. ² Jo mi~ cangá~ jaléng' dsea` Israel i líng` dsea` fariseo cóo'~gui jaléng' tifa' quiá'~ júu^ quiu' ta~ quiá'r~ e ngolíng~ jaléng' i dsea` do fi' li~ sing' Jesús, joba' canaaiñ' do éeiñ` Jesús jo fé'r':

—I dseañu' na colíim~ ngí' jogui gø'r' cóo'~ jaléng' dsea` sea` júu^ e dsíng' røøiñ~ dsee~.

³ Jo mi~ canúu~ Jesús e fé' jaléng' i dsea` do lado, joba' ca'e'reiñ' júu^ já' e lafa' júu^ cuento jo cajíñ':

⁴ —Facó' jaang` 'nú' aang~na' cien jo'se', jo calíngíng~na' cango'íng` jaang` lajee~ taang~na' e móo~na're', 'né- nitiúng~tea' i caguiang~gui do lajee~ nigüi'néng'na' i

cango'íng' do cartí niguíéng'na're'. ⁵ Jo mi~ niguíéng'na're', dsíng' nili'iaang' óo'na' jo nitøø'na're' e dsíng'ne' yá'^ 'ná'na'. ⁶ Jo mi~ niguííng'na' fí' quí'na', niseáang'na' jaléng' dsea' cuíng'na' jo nifí'na'r: "Lana nijmi'iaang' dsí'naa', cø' cadsém'baa jaang' jo'se' quíe' e caling'na' n cango'íng'." ⁷ Jo laco' li'iaang' óo' 'nú' mi~ dséng'na' jaang' jo'se' i dsi'íng' quí'na', joba' lajob li'iaang' dsí' Fidié' colíng' cø' jaléng' i neáang' fí' ñifí' quíar' mi~ caqu' jíng' 'ña' jaang' dsea' i calilí' e líiñ' dsea' dsee' dsea' quí' fí' quini' laco'gui noventa y nueve dsea' i líng' e ja líiñ' lajo fí' quini' Fidié'.

Mi~ ca'e' Jesús júu^ quía' cø' cuu' e si'íng'

⁸ Joba' cajíng' gui Jesús casí'r jaléng' i dsea' do:

—Fa' jaang' dseam' i óo' guí' cuné', jo caling'na' e cango'íng' cø' e cuu' do fí' dsí' siná'^ quíar'. Joba' dsifib' nijmijneár' cø' jì jo ni'ír' niquíáañ' røø' la'úng' e siná'^ do, jo ni'nór' e cuu' do car' niguíer'. ⁹ Jo mi~ niguíer' e cuu' do, jo nitø'r' jaléng' dsea' i cuíñ' jo nisí'reiñ': "Lana nijmi'iaang' dsí'naa', cø' cadsé'baa cø' cuné' quíe' e caling'na' n cango'íng'." ¹⁰ Jo laco' li'iaang' dsí' jaang' dsea' i dsé' cuu' quía', joba' lajob li'iaang' dsí' jaléng' ángeles quía' Fidié' mi~ caqu' jíng' 'ña' jaang' dsea' i calilí' e líiñ' dsea' dsee' dsea' quí' fí' quini' Fidié'.

Mi~ ca'e' Jesús quía' jaang' dseañ' i ca'íng' dsee' quía' jaang' jóor'

¹¹ Jo mi~ calí' jo, jo ca'e'gui Jesús jaléng' i dsea' do cø'gui júu^ já' e lafa' júu^ cuento jo cajíñ':

—Cø' née' caliséng' jaang' dseañ', jo caliséng' gáng' jóor' dseañ'. ¹² Jo i jiuung' gui do cø' née' casí'r' tiquíar' jo cajíñ': "Tea~, mi~ nijúung' 'na', 'né' nilí' jmá' jiu røø' jalé' e sea' quí' lana. Joba' fí' i 'na' fa' jmée'ba' jmá' jiu jalé' e jo na la seeng'gui'." Jo dsifí' lajob cacuø' i tiquíar' do lajii' e catíiñ' do. ¹³ Jo mi~ cang' tú' 'ní' jmi~ lajo, ca'níb' i siming' do jalé' e nicang'na' cacuø' tiquíar', jo cø' jalé' e cuu' e calí'r' do cagü'í'bre góor' jo cangór' fí' lí' huí' eáang', jo fí' job ca'íñ' jalé' e cuu' quíar' do, jo cajmirøng' dsee' 'ña'r' cø' jalé' e lí' e sea' fí' jmigüí'. ¹⁴ Jo dsu' mi~ cang' e cadseá'r' jalé' e cuu' quíar' do, lajee' job cali'øng' jalé' e gø' dsea' e fí' lí' táaiñ' do, jo cø' mi~ cangir' e jo ee' sea' dór'. ¹⁵ Jo joguiba' cajméer' quijí' ta~ nijmér' cø' jaang' dseañ' i seeng' e fí' lí' táaiñ' do, jo cang'na' cø' ta' e jmóor' í' cú'. ¹⁶ Jo dsíng' lí' dsí'r' fa' nidø' b'ijur jalé' e gø' i cú' do lacø' jmi~, cø' ja' ee' 'ga' lí' ngüiñ' e nidø'r' 'ña'r'. ¹⁷ Jo lajee' jo dsíng' cajo' dsí'r' quía' jalé' e cajméer' lami~ jéeng'gui do jo ca'f' dsí'r': "Ja' ní' jøng'gui dsea' jmóo' ta~ quía' tiquíe' e jo seab' e gø'r' lalíng' lana, jo dsu' jnea' lab táan' nijúun' n oo'!" ¹⁸ Joba' ním' túu' fí' góo' jo ni'ném' túu' tiquíe' e jo nifí'ire: Tea~, dsíng' nicajmirøng' dsee' 'ña'a' fí' quini' Fidié' jogui fí' quini' cajo. ¹⁹ Jo lana gán' n e iin' n nijmée' e ta' lafa' jaang' dsea' 'léeng' quí'ba', jo jo' jmée' cuente e jóo' jnea'." ²⁰ Jo mi~ cang' e ca'f' dsí'r' lado, dsifí' lajob cangáng' tur fí' góor', jo cango'néeng' tur tiquíar'.

Jo jaquíem' niguieñ' quíar' mi~ tí' lí' cangá' tiquíar' e ningaiñ'. Jo dsíng' calí' fí' líng' i dseañ' do i jóor' do, jo e cuí'bre cangojmíjng'neiñ' jo carøøng' rúñ'. ²¹ Joba' cajíng' i siming' do casí'r' tiquíar': "Tea~, dsíng' nica'lee' e fí' quini' Fidié' jogui nica'lee'baa fí' quini' cajo, jo jo' jmée' cuente e jóo' jnea'." ²² Dsu' i tiquíar' do dsifí' lajob caquiar' ta' dsea' 'léeng' i née' ni' siná'^ quíar' jo casí'reiñ': "Güiquie'du' 'mi' e jlo'gui lajee' lajalé' e sea' jo niquí' i jóo' la, jogui güiquie'na' cø' ní' iu~ niguoo' jo ñicuøø'na'r, jogui cuøø'na'r caneáang' miloo' e 'mí' e ni'ø'r'. ²³ Jogui güitee'na' jaang' güitá' jiuung' i ni'úung'gui lajee' lajaléng'ne', jo nijngáang'na're' jo nilíng'ne' jmiñi'. ¡Ná' nijmó'oo' cø' jmi~ jo ni'né' niquiee'naa' lajalé'naa'!" ²⁴ Dsacø' i jóo' la huí' eáang' nicangór' jogui huøøb' eáang' nicango'íñ'; jo lajee' jo ca'f' dsii' e nicajúm'bre, jo lana lín' n e lafa' nicají'tur e nisiñ' la." Jo lajalém' i dsea' do canaaiñ' guiar' guí' e cajmeaiñ' jmi~ i siming' i caguiéng' do.

25 'Jo lajee˘ jo dob nitáang` i rúin˘ dsea` féng˘ do fí lí˘ jmóor` ta˘ quiá˘- tiquiá˘r˘. Jo mi˘ cangoquiéiñ˘ fí quiá˘r˘ mi˘ tí lí˘ canuu˘, jo canúur˘ e ii˘ lúu˘ jo ninaang˘ e néé˘ tadséeng˘ fí quiá˘r˘. 26 Jo mi˘ caguiéiñ˘- quiá˘- o'ná˘ quiá˘r˘, job sing˘ jaang˘ dsea` 'léeng˘, jo cajmingí˘r˘ i dsea` do jo casí˘-reiñ˘: “¿E˘gui˘ jmoo˘na˘ teáang˘na˘ na?” 27 Joba˘ cañí˘ i dsea` 'léeng˘ do jo cajíñ˘: “Mí˘ cagüeang˘ i siming˘ rún˘ i tá˘ cangongi˘ do. Joba˘ dsíng˘- cali'iaang˘ dsí˘ tiquí˘, jo caquiú˘r˘ ta˘ e cajúng˘ jaang˘ güitá˘ jiuung˘ i niguang˘gui lajee˘ lajaléng˘ i seeng˘ quiú˘, joba˘ jmóor˘ jmí˘ lana.” 28 Jo dsu˘ mi˘ canúu˘ i siming˘ do lado sóong˘ caliguiñ˘, jo jo` cali'iiñ˘ fa˘ ca'í˘ guir e siná˘ lí˘ néé˘ jmí˘ do. Jo mi˘ calilí˘ tiquiá˘r˘ e táang˘ i jóor˘ do caluu˘, dsifí˘ lajob cagüí˘r˘ jo caguité˘reiñ˘. 29 Joba˘ cajíng˘ i siming˘ do casí˘r˘ tiquiá˘r˘: “Contøøm˘ nicajmé˘ e ta˘ quiú˘ jo jí˘ coo˘ néé˘ ja˘ mí˘ cajmé˘ e fa˘ e ja˘ núu˘ ja'jalé˘ ta˘ quiú˘, dsu˘ jí˘ coo˘ néé˘ ja˘ mí˘ cajmeáan˘ jnea˘ jmí˘, o'gui˘ mí˘ cacuøøn˘ jnea˘ fa˘ jaam˘ jo'chí˘ quiú˘ e laco˘ nijmeáang˘ 'ñiá˘a˘ jmí˘ cóo˘ jaléng˘ dsea˘ cuín˘. 30 Jo dsu˘ lanagui e nicagüeang˘ tu˘ i rún˘ na, dsea˘ nica'iiñ˘ jalé˘ cuu˘ quiú˘ cóo˘ jalé˘ e 'lí˘ e sea˘ fí jmigüí˘, jo 'nu˘ nicajngang˘ jaang˘ güitá˘ jiuung˘ i niguó˘gui lajee˘ lajaléng˘ i seeng˘ quiú˘-ii˘.”

31 'Joba˘ cañí˘ tiquiá˘r˘ jo casí˘-reiñ˘: “Yuu˘ quiú˘-ii˘, contøøm˘ guing˘ 'nu˘ cóo˘ jnea˘, jo jalé˘ e sea˘ quié˘ e quiú˘-ba˘ cajo. 32 Jo dsu˘ lana e nicagüeang˘ i rún˘ na dsí˘ í˘ e nijmeáang˘ naa˘r˘ jmí˘ jo nijmi'iaang˘ dsí˘ naa˘ jalé˘ naa˘. Co˘ huøøb˘ nicango'iiñ˘, jo lajee˘ jo nica'í˘ dsí˘ naa˘ e nicajúm˘ bre; jo dsu˘ lanagui e nicagüeang˘-tur, lí˘ e lafa˘ nicajíb˘-tur.”

16

Mi˘ ca'e˘ Jesús quiá˘- jaang˘ dsea` 'léeng˘ i ja˘ cajméé˘ ta˘ røø˘ quiá˘- fir˘

1 Jo mi˘ cangí˘ jo, jo ca'e˘gui Jesús jaléng˘ dsea˘ i núu˘ jalé˘ júu˘ quiá˘r˘ coo˘gui júu˘ já˘- e lafa˘ júu˘ cuento jo casí˘-reiñ˘:

—Coo˘ néé˘ caliséng˘ jaang˘ dseañu˘ i sea˘ cuu˘, jo seeng˘ jaang˘ dseañu˘ i jmóo˘ ta˘ contøong˘ quiá˘r˘ i néé˘ ni˘ jalé˘ e sea˘ quiá˘r˘. Jo coo˘ jmí˘ caguiliú˘ dsee˘ quiá˘- i dsea` 'léeng˘ do e lí˘ nicadseá˘r˘ nica'iiñ˘ lajo jalé˘ e sea˘ quiá˘- fir˘. 2 Jo dsifí˘ lajob cató˘ i dsea˘ sea˘ cuu˘ do cató˘r˘ i dsea` 'léeng˘ quiá˘r˘ do jo casí˘-reiñ˘: “¿Su˘ jáb˘ jalé˘ dsee˘ e nicajméé˘ jaléng˘ dsea˘ uii˘ quiú˘-? Lana nijáa˘ jnea˘ cuente quiá˘- jalé˘ e sea˘ quié˘- e, co˘ latí˘ lanab jo˘ nijméé˘ ta˘ cóo˘ jnea˘ co˘ jo˘ 'neán˘ n˘ 'nu˘.” 3 Jo mi˘ cangí˘ jo, mi˘ caguiéng˘ i dsea` 'léeng˘ do fí quiá˘r˘, jo canaiñ˘ í˘ dsí˘r˘: “¿E˘gui˘ nijmee˘ e náng˘? Ná la catúun˘ e jo˘ ee˘ ta˘ cuø˘ dsea˘ jnea˘. Dsíng˘- fín˘- n˘ nijmee˘ e ta˘ jenuu˘, jogui˘ dsíng˘- í˘ lán˘ n˘ nimí˘ cuu˘ fí jee˘ 'núu˘. 4 Dsu˘ nica'øm˘ dsii˘ e˘ nijmee˘ e e laco˘ niliseeng˘ dsea˘ i niliguiúng˘ cóo˘ jnea˘ mi˘ ningí˘ e jo˘ ta˘ sea˘ jmee˘ e.” 5 Joba˘ canaiñ˘ tó˘r˘ lajaang˘ lajaang˘ i nirøøng˘ quiá˘- fir˘. Jo mi˘ caguié˘ la'uii˘ i dsea˘ i nirøøng˘ do jo cajmingí˘-reiñ˘: “¿Jial tí˘ røøng˘ 'nu˘ quiá˘- fii˘?” 6 Joba˘ cañí˘ i dsea˘ do: “Cien sít˘ e a˘ aceite røøn˘ quiá˘r˘.” Jo dsifí˘ lajob cajíng˘ i dsea` 'léeng˘ do casí˘r˘ i dsea˘ do: “Lab róo˘ jí˘ lí˘ táan˘ e røøn˘. Téé˘ lana e røøn˘ jí˘ cincuenta sít˘.” 7 Jo mi˘ cangí˘ lajo, cajmingí˘r˘ jaang˘gui i dsea˘ i røøng˘ do jo casí˘-reiñ˘: “Jogui˘ 'nu˘ ¿jial tí˘ røøn˘?” Joba˘ cañí˘ i dsea˘ do: “Cien cué˘ micui'iee˘.” Joba˘ casí˘- i dsea˘ do jo cajíñ˘: “Lab róo˘ jí˘ lí˘ táan˘ e røøn˘, jo téé˘ e røøn˘ jí˘ ochenta.” 8 Joba˘ calilí˘ i fii˘ quiá˘- i dsea` 'léeng˘ do e ja˘ ca'éeiñ˘ do røø˘ cóo˘ ta˘ quiá˘r˘, jo lifa˘ eáam˘ bre lí˘r˘ cóo˘ jalé˘ e cajméer˘ do. Jo lajob lí˘ cajo cóo˘ jaléng˘ i dsea˘ i ja˘ cuíng˘ Fidié˘, eáang˘gui lí˘r˘ jmóor˘ jalé˘ e jmigüøiñ˘ dsea˘ rúin˘ laco˘gui i dsea˘ i nilíng˘ dsea˘ quiá˘- Fidié˘.

9 'Joba˘ liúun˘ n˘ 'nú˘ e jméaang˘ na˘ ta˘ jalé˘ e sea˘ e fí jmigüí˘ lí˘ seeng˘ dsea˘ dsee˘ dsea˘ qui˘ e laco˘ nilí˘ na˘ jaléng˘ dsea˘ i niliseeng˘ guiá˘ cóo˘ 'nú˘. Jo lajoba˘ mi˘ niguiá˘ jalé˘ e sea˘ quiú˘ na˘ fí jmigüí˘, niliseem˘bing˘ i nilíng˘ 'nú˘ mi˘ nití˘ fí fii˘ coo˘ jóng˘.

10 'Jo ii˘ i ca'éé˘ jmang˘- e guiá˘ cóo˘ capi˘ e sea˘ quiá˘r˘, joba˘ lajob ni'éer˘ mi˘ nisea˘ jmiguiú˘ quiá˘r˘ cajo. Jo ii˘ i ja˘ jmóo˘ e guiá˘ cóo˘ capi˘ e sea˘ quiá˘r˘, joba˘ lajob ja˘ jmér˘ e guiá˘ fa˘ jialgui la jmiguiú˘ e sea˘ quiá˘r˘. 11 Jo song˘ ja˘ jmoo˘na˘ e guiá˘ cóo˘ jalé˘ e sea˘

quí-na' fí jmigüü li seeng` dsea` dsee` dsea` qui', joba' lajob ja` nicuó'- Fidié` 'nú' lajüi` e catíng-na', dsea` líng-na' dsea` quiá'r-. ¹² Jo song ja` ee-na' røø` cóo`- jalé` e sea` quiá'- dsea` jiéng', joba' ¿i` i nicuó'- 'nú' jalé` e catíng-na' do jóng?

¹³ Jo cajíng'-gui Jesús e júu` la:

—Jüi` jaang` dsea` 'léeng` ja` quí'- jmü` fa' nijmér- ta` fí quini` gáng- fiir` colíng~, dsuco' song cajméer` lajo, joba' nilí` 'ní' níim-bre jaang` jogui nijmiti-bre ta` e níquiá'- i jaang`gui do. Jo có' lajob líí, joba' ja` quí'- jmü` fa' e nijmití-na' jalé` ta` quiá' Fidié` jogui e nijmití-na' cajo jalé` ta` seáng` jmiguiá` cuu- fí jmigüü.

¹⁴ Jo mi` canúu- jaléng` dsea` Israel i líng` dsea` fariseo e cajíng'- Jesús jalé` e júu` na, joba' dsifí lajob canaaiñ` e lóøiñ` dsea` do, có' eáam` lí dsíiñ' jalé` cuu- quiá'r-. ¹⁵ Jo lalab cajíng'- Jesús casí'r- jaléng` i dsea` do:

—'Nú'bing` i tí dsíí` i ngí` jmijløng`- yaang` e ee-na' røø` fí quini` jaléng` dsea` jmigüü, jo dsu' Fidié` dsea` guíng` ñifí- ñiñi-bre guíá- jial líng-na' lajaang` lajaang-na'. Jo jalé` e jmi'gó` dsea` eáang` fí jmigüü la, dseáng` 'ní' níim- Fidié` jalé` e jo.

Eáam` niing` jalé` júu` quiá' ta` quiá'- Moi`

¹⁶ Jo mi` cangí e cajíng'- Jesús lajo, jo casí'-guir jaléng` i dsea` do jo cajíñ'-:

—Mi` cajá- Juan i seáang` dsea` jmü, lajüi` júu` quiá' ta` quiá'- Moi`ba' mí sea` cóo`-gui jalé` júu` e café` i dsea` i café` cuaiñ` quiá'- Fidié` malí-gui eáang`. Jo latí` ie` job` jaa` e guíá` dsea` júu` quiá'- Fidié` quiá'- jial líng` dsea` do dsee` quiá'- dsea` jmigüü jogui jial iñ` nicár` nifí` quiá'- lajaang` lajaang` dsea`. Jo latí` ie` job` cuø` bí yaang` dsea` e nitüiñ` fí quini` Fidié`.

¹⁷ Jo eáang`gui ja` huíng` e ni'íng` guóo`- uø` jmigüü e laco`gui ja` niliti` fa' camí` júu` quiá' ta` quiá'- Moi`.

Mi` ca'e` Jesús e ja` cuøøng` e nitíung`-rúng` dsea` i nisícúng`-guó`

(Mt. 19:1-12; Mr. 10:1-12)

¹⁸ Jo mi` cangí e cajíng'- Jesús lajo, jo casí'-guir jaléng` i dsea` do jo cajíñ'- lala:

—Song jaang` dseañu` catiúuiñ` dseamí` quiá'r- jo nicúng`-tur guóor` cóo`- jaang`gui dseamí` i jiéng', joba' 'lée`bre jóng` fí quini` Fidié`, có' dseeb` éer`. Jogui i dseañu` i cúng` guoo` cóo`- jaang` dseamí` i catiúung` dseañu` quiá'-, joba' 'lée`bre cajo, có' dseeb` éer` fí quini` Fidié`.

Jaang` dseañu` i sea` cuu- cóo`- jaang` dseañu` i tiñíng`

¹⁹ Jo mi` cangí e cajíng'- Jesús jalé` e júu` na, jo casí'-guir jaléng` i dsea` do jo cajíñ'-:

—Coo` née` caliséng` jaang` dseañu` i sea` cuu- eáang`, jo dsíng`- jlo` jalé` sír` e quier', jogui laco` jmüb` jmáng` jmü` 'ñia'r'. ²⁰ Jogui cajo seeng` jaang` dseañu` dsea` dsée` i sií` Lázaro i tiñíng` eáang` i líng` 'mi' latøøng`. Jo laco` jmü` gua` i dsea` dsée` do fí` o'nú` quiá'- i dsea` sea` cuu- do ²¹ e güjjer` fa' niñiñ` nidø'r- jalé` e sojiá` 'ni' mes` quiá'- i dsea` sea` cuu- do lajee` guíiñ` e gø'r; jo jiguí jaléng` dsii` dsilíng`-ne' e 'lu're' lacaang` lí` lí` 'mi' quiá'- i dsea` dsée` do. ²² Jo cóo` mi` caguié` jmü` e cajúm` i dsea` dsée` do, jo casíng` Fidié` jaléng` ángeles quiá'r- jo catø`-reiñ' do fí` lí` guíng` Abraham fí` ñifí`. Jo jo` huøø`-ngó` mi` cajúng` Lázaro jo cajúm` i dsea` sea` cuu- do cajo. Jo jaléng` dsea` rúñ` cangojéeng`neiñ' do fí` codsii` jo ca'áam`-breiñ' do.

²³ Jo mi` cajné` dsíí` i dsea` sea` cuu- do fí` jmigüü cóo`, joba' fí` lí` 'lib`^ ni'iuuiñ`- jóng, jo nicár` jalé` iihuí. Jo lajee` jo caséer` nir` fí` yú` jo cangáñ` Abraham cóo`- Lázaro e neáaiñ` do colíng` fí` ñifí-. ²⁴ Joba' canaang` i dsea` sea` cuu- do áñ` i dsea` do jo casí'-reiñ': "Teaa` Abraham, fí` güilín` jnea` jo síng`go Lázaro fa' nicuó'r- jnea` capí` jmü, có' nilí`lea` nisí'i, có' dsíng`- quíe`- iihuí e fí` ní` jì la." ²⁵ Joba' cañi` Abraham quiá'- i dsea` sea` cuu- do jo casí'-reiñ': "Jóo`o, téé` o', eáam` juguiá` cateaang` 'nu` fí` jmigüü, jogui Lázaro eáam` cangár` iihuí lajee` jo. Jo lanaguiba' niní` Lázaro juguiá`, dsu' 'nu` nabi` nicatí` í' e nimó` jalé` iihuí. ²⁶ Jogui jüi` jaang` jneaa`-aa' ja` cuøøng` ngíng`-naa'

lacataang` cataang`, co' coo` 'ni' e a' eáam' lí' jee` laco' teáang'~na' jogui laco' née' jnea'^, jo ja` cuóøng` fa' i dsea` neáang' la ningíiñ` fí' na o'gui i dsea` teáang'~na cuóøng` jalíiñ` fí' la."

²⁷⁻²⁸ Joba' cañíi` i dsea` sea` cuu` do quiá'- Abraham jo casí'-reiñ': "Su ja` jiée` o', Teaa` Abraham, fa' niguiéen'~ Lázaró fí' jmigüü' fí' lí' neáang' 'ñíing` rún'n dsea` ngáang'~ cóo'~o e nidsijmée'~reiñ' júu` jial niteáiñ` fí' jmigüü', jo lajoba' nitíiñ` fí' lí' guiá' mi~ nijúuiñ`, jo ja` nijalíiñ` fí' lí' iuun` lana e quíee` jalé' iihuú'." ²⁹ Joba' cañíi` Abraham quiá'- i dsea` sea` cuu` do jo casí'-reiñ': "Dob sea` jalé' jì' lí' fé' jalé' júu` quiá'- Moi` cóo'~gui jalé' júu` quiá'- jaléng' dsea` i café' cuaiñ` quiá'- Fidiée` malí'gui eáang', jo güijmitir` jalé' e jo." ³⁰ Jo cañíi` tu` i dsea` sea` cuu` do jo casí'r` Abraham: "Lajob lí', Teaa` Abraham. Dsa' eáang'gui ja` huíng' niquí'~ nijíng' yaaiñ` fí' quini` Fidiée` fíng song caguiéng'~ jaang` 'lí' jo niguiár` júu` e` jalé' iihuú' e cá' dsea` fí' la." ³¹ Joba' cañíi` tu` Abraham quiá'- i dsea` sea` cuu` do jo casí'-reiñ': "Song ja` jíi'r` o'gui já' líiñ` jalé' júu` quiá'- Moi` cóo'~gui jalé' júu` quiá'- jaléng' dsea` i café' cuaiñ` quiá'- Fidiée` malí'gui eáang', joba' lajob ja` nilíjír' o'gui já'~ nilíiñ` cajo nañí' fa' jaang` 'lí' nijí'r` jo niguieng'tur fí' jmigüü' calé' catú'."

17

Jial dseáang'~ e nijíung' dsea` fí' ni` dsee`

(Mt. 18:6-7, 21-22; Mr. 9:42)

¹ Coo` née'~ cajíng'~ Jesús casí'r` jaléng' dsea` quiá'r`:

—Contøom` nilisea` jalé' e sea` fí' jmigüü' e nijmé` e nijíung' dsea` fí' ni` dsee`, jo dsa' e ngí' fí' i dsea` i nijmé` e niténg' jaang`gui dsea` rúíñ' fí' ni` dsee`. ² Jo i dsea` i nijmé` lajo, guiá'~gui ni'uíng` quiá'r` e ni'ñú' dsea` fí' moluur` cóo` cuu` fé' jo nidsibíiñ` fí' é' jmiñí' e laco'gui e nijmér` e niténg' fí' ni` dsee` jaang` dsea` i ja` mí' ngóo' eáang` já' líng` júu` quié` e. ³ Joba' dsíng'~ 'né` ñíing` óo'na' cóo'~ jalé' e jmoo'na'. Jo song jaang` dsea` rúng'na' ca'éer` dsee`, joba' síi'na'r e ja` dseeng` e jmér` lajo. Jogui song caquí'~ jíng' 'ñia'r` fí' quini` Fidiée` uíi' e dsee` do, joba' íng'na' dsee` uii` quiá'r` jóng. ⁴ Jo doñí' fa' ca'léer' quií'na' guié` née'~ lajee` cóo` jmiñ`, jogui guié` née'~ cajár` cajasí'r` 'nua': "Íng' dsee` uii` quié` e quiá' jalé' e nicajmeáan'~n 'nua', dsa' lana jo` nijmee`guí", joba' 'nú' 'né' íim`ba' dsee` uii` quiá'r` lacoq` née'~ e já'r` jamí'r` 'nú' jmi'ee`.

Jial 'gøng' mi` já' líng' dsea` jalé' júu` quiá' Fidiée`

⁵ Jo mi` cangf jo, cajíng'~ i dsea` guitúung` do casí'r` Jesús:

—Jmee` e já'~ nilíng'guí' jalé' júu` quií'.

⁶ Joba' cañíi` Jesús casí'r` i dsea` quiá'r` do:

—U~, fa' cóo'~ capí'ba' e já'~ líng'na' júu` quié` e, joba' cuóøm` nifí'na' e 'ma` fé' si' la e niráang` 'ñia' catí' jmó' jo nidsisíng' 'ñia' fí' ni` jmiñí', jo dsifí' lajob niliti` jalé' e ta` e niquiá'na' do.

E` jalé' e catíng` e nijmé` jaang` dsea` 'léeng'~

⁷ Jo mi` cangf jo, jo cajíng'~gui Jesús e júu` la:

—Fa' 'nú' seeng` jaang` dsea` 'léeng'~ quií'na' i jmóo` jalé' ta` caluu` cóo'~ jalé' ta` sinúu` quií'na', jo lacoq` jmiñ` mi~ niniúíñ' ta` jii` osi ta` ní` güitá' é, ja` nitøø`na'r e ni'f' nidø'r` cóo'~ 'nú', ⁸ co' niquiá'na're ta` jo nifí'na'r: "Guiá' guiá' e nidøø`ø jo ningíñ' fí' quinií` jalé' e jo. Jo mi` níngf joguiba' ni'u' nicø' 'nua' uø'." ⁹ Jo mi` cató' e jmóor` jalé' e jo, ja` ngíiñ` gui'máang' quiá' fíir~, co' jíi' do ta` quiá'-bre. ¹⁰ Jo lajob catíng` nijmée' 'nú' cajo mi~ níngf e jmití'na' jalé' ta` quiá' Fidiée`, co' 'né' fo'na': "Jíi' dsea` 'léeng' lí' jnea'^, co' ja` caquí'~naa' jmiñ` e nijmó'naa' lí'gui, co' lico' nicajmó'naa' jíi' laco' catím`baa'."

Mi` cajmi'leáang` Jesús guíng` dsea` i líng' jmohuú' 'lí'~

11 Jo mi~ cangí jo, lajee iuung Jesús fí e ngóor fí Jerusalén, cangíiñ jee uó li iáng' Samaria cóo~ Galilea. 12 Jo mi~ cangíiñ cóo 'ni' fi, job ca'uøøng guing dsea dsée i líng jmohuí 'li' fí ngúu táang. Jo mi~ cangíiñ Jesús, huíb cajer e áiñ dsea do 13 jo casí'r~:

—i Tifa' Jesús, fi~ güilín' jnea' e lí'naa' lala!

14 Jo mi~ canúu Jesús e tó i dsea do, dsifí ladob casí'~reiñ':

—Güilíng'na' güijeang yaang'na' fí quini jmidsea lí' laco' ta~ quiu' fí ni~ jì quiá'~ Moí~.

Jo dsifí ladob caquing'~ lajì guing i dsea dsée do e nijmitir~ lajii' ta~ caquiá' Jesús. Jo lajee teáaiñ' fí, ladob ca'láaiñ~ lajii' jmohuí e líiñ' do. 15 Jo dsifí mi~ calilí' jaang i dsea dsée do e ca'láaiñ~, dsifí lajob caquing'~ tur fí lí' sing' Jesús jo canaaiñ' jmiféiñ' Fidiée e ngocáng' dsíir'. 16 Jogui casí'r' uó jnir fí quini Jesús, jo catúuiñ' car' cajnúu nir t' ni~ uó, jo lajob cacuø'r' gui'máang' dsea do e cajmi'leáang' neiñ'. Jo i dseañu' do seeiñ' fí Samaria, dsea i 'ní' níng rúng' cóo~ dsea Israel. 17 Joba' cajíng' Jesús casí'r' i dseañu' do:

—¿Su o' guing 'ná' tí'na' dsea ca'láang'na' lajii' jmohuí e lami líng'na'? Jo jnang'gui i ñúng'gui do? 18 ¿Su jii' 'nub' dsea seen' fí Samaria dsea cañijmiféng' Fidiée dsea guing~ ñifí'?

19 Joba' cajíng' Jesús casí'~guir i dsea do:

—Ráan' jo guøng' fí quií', co' nica'láam~ba' lajii' jmohuí e lami lin', co' jáb' calín' lajii' júu' quié' e.

Jial mi~ nijáa'tu Dsea Jmáang' fí jmigüi' la
(Mt. 24:23-28, 36-41)

20 Jo cajmingí'tu dsea Israel i líng' dsea fariseo cajmingí'r' Jesús jo cajíñ'~:

—¿Lí' nináng' e nicá' Fidiée nifí quiá'~ jaléng' dsea jmigüi'?

Joba' cañi' Jesús quiá'~ i dsea do jo casí'~reiñ':

—Mi~ nináng' e jo jee jaléng' dsea jmigüi', ja lí' la lí' cóo' e cuøøng lí' jøø'na'; 21 o'gui cuøøng' nijíng' dsea: “Lab canaang”, osi “Dob canaang é”; co' latí lanab ninaang e quie' Fidiée nifí jee 'ná'.

22 Jogui canaang' Jesús sí'r' jaléng' i dsea quiá'r' do jo cajíñ'~:

—Niguiée' jmii' mi~ nili'ling'na' e nimáang'gui' jnea~, dsea i jáa' fí ñifí' e lín'n jaang' dsea jmigüi', jo dsu' jo' quí'~ jmii' fa' e nimáang'gui' jnea~, co' jo' seen' fí jmigüi' la ie~ jo. 23 Jogui fíng' dsea nijmigóor' jo nijíñ'~: “Fí lab táaiñ”, osi: “Fí dob táaiñ é”, dsu' ja' já' güilíng'na', o'gui güilíng'na' fí lí' nitó'r' 'ná'. 24 Dsuo' la jnéeng' fí yú' jmigüi' mi~ jmijneá' güi'ñiá' jí' re', lajob nilí' mi~ nigáa'túu fí jmigüi' la, jnea' dsea lín'n jaang' dsea jmigüi' i jáa' fí ñifí'. 25 Jo dsu' ná'~gui e nidsijée' jalé' e jo, 'né' nicaa' jalé' iihuí', jo fím' dsea jmigüi' nilí' 'ní' níñ' jnea'. 26 Jo laco' calí' mi~ cateáang' Noé fí jmigüi' la malí'gui eáang', lajob nijmé' dsea jmigüi' cajo lajee ná'~gui e nigáa' jnea' calé' catú' fí jmigüi', jnea' dsea lín'n jaang' dsea jmigüi' i jáa' fí ñifí'. 27 Co' ie~ jo cajmée' dsea e jo' e guing' dsíir' e jié', co' lico' guing' dsíir' quiá'~ jii' e ni'í' nidó'~bre jogui quiá'~ e nicúng'~ guó' jøø'; jo lajob cajméer' cartí' mi~ caquiá' Fidiée ta~ quiá'~ Noé e ni'í' cóo' dsea sinúu' quiá'r' fí dsíir' e móo' e nicajme'r' do. Jo lajee jo catí' í' e tuu' jmii' jo ca'á' jmii' la'úng' fí jmigüi', jo jalém' dsea jmigüi' cajúñ' ie~ jo. Jo dseáng'~ jii' Noé cóo' dsea sinúu' quiá'~bre caláaiñ' ie~ jo. 28 Jo lajob cajmée' dsea cajo mi~ cateáang' jaang' i calisí' Lot fí jmigüi' la; jo ee' guing' dsíir' e jié', co' lico' guing' dsíir' jii' e ni'í' nidó'~bre cajo, jogui e teáaiñ' ta' 'ná' jogui ta' láa' jalé' e sea' fí jmigüi', jogui jmóor' ta' jní' jalé' e sea' jogui ta' jmo' jalé' 'núu' e jlo' cajo. 29 Jo coob' mi~ caquiá' Fidiée ta' e cagüi'í' Lot fí fi' Sodoma, jo jmii' job cajméer' e cajíu' jì e quiéng' azufre fí yú' jmigüi', jo lajoba' ca'ím' congüiá' lajaléng' i dsea i neáang' fí fi' Sodoma ie~ jo. 30 Jo laco' cajmée' dsea ie~ jo, lajob nijmé'~tu

dsea` jmiɡuĩ mi` tí li` nijaquiéeng` e nigáa`túu fi` jmiɡuĩ la, jnea` dsea` lín`n jaang` dsea` jmiɡuĩ i` jáa` fi` ñifi`.

³¹ Jo mi` niguiéé` e jmi` jo, ii` dsea` i` taang` fi` caluu` osi fi` yá` 'núu` é, øng`-gui quiá'r`- gũicuĩ bre jo ja` gũif` dsír` fa' e niqũĩĩ` e nidsi'uøø'r` jalé` e sea` quiá'r`. Jogui ii` dsea` i` táang` fi` li` jmóor` ta` quiá'r`, øng`-gui quiá'r`- gũicuĩ bre jo ja` gũif` dsír` fa' e nidséng`-guir fi` quiá'r`. ³² Jo téé` óo`na` jial cangong`ng` dseamf` quiá`- Lot mi` cajóø`- jial sojiá` j` jee` fi` Sodoma. ³³ Jo jaléng` dsea` i` líng` e quí` bre jmi` e nileáng`- yaaiñ~, joba` íbing` i` nijúung`- mi` nití` í` lajo. Jogui jaléng` dsea` i` lí` e ja` quí`r` jmi` e nileáng`- yaaiñ~, joba` íbing` nitíng` fi` quini` Fidiéé` mi` nití` í` lajo.

³⁴ Joba` fi` i` 'nú` lana, mi` niguiéé` e oor` jo, gáng`- dsea` teiñ` jmi`iñ` fi` ni` co`ma`; jo jaaiñ` do nijér`, jogui jaang`guir nidséiñ`- cóo` jnea` fi` ñifi`. ³⁵ Jo gáng`- dseamf` i` teáng`- dsí coling`; jaaiñ` do nijér`, jogui i` jaang`gui do nidséiñ`- cóo` jnea`. ³⁶ Jo gáng`- dseañu` taaiñ` coling` e jmóor` ta` quiá'r`; jaaiñ` do nijér`, jogui i` jaang`gui do nidséiñ`- cóo` jnea`.

³⁷ Jo mi` canúu`- jaléng` i` dsea` do e cajíng`- Jesús lado, joba` cajmingi`r` dsea` do lala:

—Fíi, ¿jie` fi` li` nidsijéé` jalé` e jo, faa`aa`?

Joba` cañi` Jesús quiá`- jaléng` i` dsea` do jo cajíñ`-:

—Jié` li` róo` ngúu` jmé, fi` job` li` niseáng` jaléng` tuji`.

18

Mi` ca'e` Jesús quiá`- jaang` dseamf` i` 'nfi`

¹ Jo mi` cangf` jo, canaang` Jesús e'r` jaléng` i` dsea` do cóo` júu` já`- e lafa` júu` cuento, jo ca'e` reiñ` e 'né` féiñ` Fidiéé` contøøng` e ngocáng` dsír`, ² jo lalab casí`r`:

—Coo` néé` caliséng` jaang` dsea` i` quidsi` í` fi` cóo` fi`, jo i` dsea` do ja` ee` jmiféiñ` Fidiéé` jii` capí` o`gui jmi`gór` jaléng` dsea` rúñ`. ³ Jo fi` job` niseeng` jaang` dseamf` i` 'nfi`, jo ninicajméer` má` cóo` jaang` dsea` góor`. Joba` i` dseamf` do contøøm` dséer` fi` quiá`- i` dsea` i` quidsi` í` do e dsimfi` reiñ` fa' e niquidsiñ` do í` lajii` e lí` seeiñ`. ⁴ Jo huøøb`- jiu` cangocá` ja` ee` jmi`ji` i` dsea` i` quidsi` í` do lajii` júu` quiá`- i` dseamf` do, jo dsu` cóob` mi` ca`f` dsír`: “Ja` iing` jnea` jmifén`n Fidiéé` o`gui jmi`goo` jii` jaang` dsea` jmi`güi, ⁵ dsu` nú`-gui e niguiá` féng` dsii` cóo` i` dseamf` 'nfi` la, nijmi`øm` baar e laco` jo` ningi`-guir ta` jmi`guíng`- jnea` laco` jmi`.”

⁶ Jo mi` calí` e cajíng`- Jesús e júu` na, jo casí`r`- jaléng` i` dsea` do jo cajíñ`-:

—Lanab jii` lí` e cajíng`- i` dsea` i` ja` quidsi` í` laco` catíng`- do. ⁷ Jo dsu` eáang`gui jmi`øng` Fidiéé` jaléng` dsea` quiá`r` i` féng` í` uøø` jmi`. ⁸ Co` fi` i` 'nú` e ja` nijmi`iñ` lajii` jmi`ee` e nilimí`r`. Dsu` mi` nigáa`tú jnea` calé` catú`, jnea` dsea` lín`n jaang` dsea` jmi`güi i` jáa` fi` ñifi`, ne`duu` su niguiéng`-guí cóo` tú`- máng` dsea` i` já`- líng` júu` quié` e.

Mi` ca'e` Jesús júu` quiá`- jaang` dsea` fariseo cóo`- jaang` nodsicuu`

⁹ Jo mi` cangf` jo, ca'e`gui Jesús cóo`gui júu` e catíng`- jaléng` i` dsea` i` jmóo` ta` jmicøøng`- yaang` jogui e gøøm` níñ` dsea` caguiaang`, jo lalab casí`r` i` dsea` í`:

¹⁰ —Coo` néé` cangolíng`- gáng`- dseañu` e cangoféiñ` Fidiéé` fi` guá`: jo jaaiñ` do líñ` dsea` Israel i` líng` dsea` fariseo, jo i` jaang` do jmóor` ta` mí` cuu` e catíng`- dseata` seeng` fi` Roma. ¹¹ Jo laco` sim` i` dsea` Israel i` líng` dsea` fariseo do mi` canaañ` fé`r` fa' quiá`r`- jo cajíñ`- lala: “Fidiéé` quí`-ii, gui`máam` ba` leáang`- co` ja` líng` jnea` laco` líng` dsea` caguiaang`; co` seeng` dsea` i` jmóo`- ii` jogui seeng` dsea` i` soo` dsí` jogui seeng` dsea` i` ngi` léé` e gũiñ` cóo` dseañu` osi dseamf` i` o` quiá`r`. Jogui ja` lín`n jii` capí` laco` líng` 'ná` nodsicuu` i` sing` do. ¹² Co` jnea` jmóo`o ayuno tú`- néé` laco`-semaan~, jogui cuøø`-baa 'nu` lajii` e sea` jiu` quié` e laco`gui ta` huí` fi` ni` j` quiá`- Moi`.” ¹³ Jo lajee` fé` i` dsea` Israel i` líng` dsea` fariseo do lado, huím`- jiu` cajé` i` nodsicuu` do, jo ja` cateá`- dsír`

fa' caséer`nir` fí` yá^, jo lico' catú` gui`bre jo canaaín` qui`ur` nidsíir' jo lajee` jo fé'r: “¡Fíi` Fidiéé` dsea` guin` ñífi` , íng` dsee` uii` quié`e, co' dsea` dsee` dsea` quib` lín`n!”

14 Jo lalab cajíng'` gui` Jesús:

—Lala fíi` i` núa` e iáam` dsíi` i` nodsicuu` do mi` cangáin` fí` quiá'r` , co' nica`ím` Fidiéé` dsee` quiá'r` , jo dsu' ja` ca`líng` re'r dsee` quiá` i` dsea` fariseo do. Jo lajob nidsing`ing` jaléng` dsea` i` jmicøøng` yaang` , co' í`bing' i` nicá` fí`i` , jo dsu' jaléng` dsea` i` ja` jmicøøng` yaang` jii` capí` , í`bing' i` nilíniing` gui` fí` quini` Fidiéé` mi` nití` í` lajo.

Mi` cajmigüeang` Jesús jaléng` jiuung`

(Mt. 19:13-15; Mr. 10:13-16)

15 Jo mi` cangí` jo, fíng` dsea` caguiliín` e jéeiñ` jaléng` jiuung` quiá'r` fí` lí` táang` Jesús e iin` e nijmigüeang` dsea` do jaléng` i` jiuung` do. Jo mi` cangá` i` dsea` guitúung` do e jmóo` dsea` lajo, joba' canaaín` 'gaam`bre quiá` jaléng` i` sejmii` i` jiuung` do. 16 Jo dsu' dsifí` ladob cató` Jesús jaléng` i` dsea` quiá'r` do jo casí`-reiñ`:

—Cuóø`na' fí` jaléng` i` jiuung` na` güijalíin` fí` la, jo ja` jniing`na' quiá'r` . Dsaco' jaléng` dsea` i` líng` laco' la líng` i` jiuung` na, í`bing' i` catíng` e Fidiéé` quie` nifí` quiá'r` . 17 Jo jnea` jmitaa` óo`na' e dseáng` i` i` ja` iing` ni`íng` e Fidiéé` nicár` nifí` quiá'r` laco' gui` íng` jaang` jiuung` , joba' ja` too` jmii` e ni`íng` Fidiéé` dsea` do cajo.

Mi` casíng` Jesús cóo` jaang` dseañu` i` sea` cuu`

(Mt. 19:16-30; Mr. 10:17-31)

18 Jo mi` cangí` jo, cangoquíéng` fí` lí` táang` Jesús jaang` dseañu` i` líng` jaang` fíi` quiá` jaléng` dsea` i` néé` ni` guá` quiá` dsea` Israel, jo cajmingí'r` dsea` do jo cajíin`:

—Tifa' i` guíá` dsíi` , ¿e` 'né` nijmee` e e laco' nilí` i` e niliseen` cøøng` cóo` Fidiéé` car` ngongí` jmii`?

19 Joba' cañíi` Jesús quiá` i` dseañu` do jo casí`-reiñ`:

—¿Jialí` fí` jnea` e guíá` dsii`? Co' jii` Fidiéé` dsea` guing` ñífi`-bing' i` líng` lajo. 20 Jo niñíib` 'nua` jalé` júu` quiu` ta` quiá` Fidiéé` e fé` lala: “Ja` 'lee` e güin` cóo` dseam` osi` dseañu` i` o' quíi` ; ja` jngán` dsea` rún` ; ja` jmée` i` ; ja` cá` júu` e o' já` ; jogui` jmi`goo` tiquíi` cóo` niquíi` .”

21 Jo dsifí` ladob cañíi` i` dseañu` do quiá` Jesús jo casí`-reiñ` dsea` do:

—Lajaléb` e jo nicajmé` e nua`u` latí` jii` mi` simim`baa.

22 Jo mi` canúu` Jesús e cajíng` i` dseañu` do lado, jo dsifí` ladob cañíi` tur quiáin` do jo casí`-reiñ`:

—Coo`gui` 'né` e nijmití` : guóng` fí` quíi` jo güi`niñ` lajalé` e sea` quíi` , jo e nilí` quiá` e jo güijmee` guíéé` jee` jaléng` dsea` tiñíng` , jo joguiba' nilisea` juguíá` quíi` mi` nití` fí` jmigüi` coo` . Jo mi` calí` e nijmé` lajo, joguiba' niñi` jo dsé`ee' cóo` jnea` jóng.

23 Dsu' mi` canúu` i` dseañu` do e cajíng` Jesús lado, dsíng` calí` jiuung` dsíir' , co' dsíng` sea` cuu` quiá'r` . 24 Jo mi` cangá` Jesús e calí` jiuung` dsíi` i` dseañu` do dsu' canúur` lado, joba' dsifí` ladob casí`-reiñ` jaléng` i` dsea` i` teáng` do jo cajíin`:

—¡Dsíng` huíng` lí` quiá` jaléng` dsea` sea` cuu` e nijáng` yaaiñ` fí` jaguó` Fidiéé` e laco' dsea` do nicá` nifí` quiá'r` ! 25 Jo eáng` gui` ja` huíng` e jaang` jó` camello ningíng` ne' fí` dsíi` too` jmini` mocuu` e laco' gui` jaang` dsea` sea` cuu` nijáng` 'ñia'r` fí` jaguó` Fidiéé` e laco' dsea` do nicá` nifí` quiá'r` .

26 Jo mi` canúu` jaléng` i` dsea` i` teáng` do e cajíng` Jesús lado, dsifí` ladob cajmingí'r` dsea` do jo cajíin`:

—Jo ¿i` jaléng` i` nitíng` fí` quini` Fidiéé` jóng song lajobi` nilí`?

27 Joba' cañíi` Jesús quiá` jaléng` i` dsea` do jo casí`-reiñ`:

—Jalé` e ja` quíi` dsea` jmigüi` jmii` nijmér` , lajib` cuóøng` lí` jmé` Fidiéé` dsea` guing` ñífi` .

28 Jo mi~ canúu~ i Tú^ Simón do e cajíng'~ Jesús lado, jo dsifí' ladob casí'r~ dsea` do jo cajíñ'~:

—Fí'i, jnea'^, dsea` ngí'naa' contøøng~ cóo'~ 'nu', nicatú^baa' lajalé` e sea` quí~naa', co' ií~naa' e ngí'naa' cóo'~ 'nu' latab~.

29 Joba' cañíi' Jesús quiá'~ i Tú^ Simón do jo casí'~reñ':

—E já'~ e fíi'~ 'ná', doñí' ií' 'ná' catúu'na' 'nú'na', osi ca'naang'na' quiá'~ tiquí'na' osi niquí'na' osi jaléng'~ rúng'na' osi dseamí' quí'na' osi jaléng' jóo'na' é dsu' uí'~ e nicajáang'~ yaang'na' fí' jaguó' Fidié~ e laco' quier' nifí' quí'na', jo ií' dsea` i nijmé~ lajo, 30 íbing' i niñíng' jalé' e 'nér' fí' jmigü' la; jo mi~ nití'~ fí' jmigü' cóo', niñíñ' e niliseeñ' cøøng' cóo'~ dsea` do lata~.

Mí~ cajmé~tu Jesús júu^ e nijngáng'~ dsea`r`

(Mt. 20:17-19; Mr. 10:32-34)

31 Jo mi~ cangí' jo, lajee~ iuung~ Jesús fí' e ngóor' fí' Jerusalén cóo'~ jaléng' dsea` i ngolíng~ cóo'r~, jo lajee~ jo co' cató'~bre i dsea` guitúung' quiá'r~ do jo casí'~reñ':

—Lana ningóo' fí' Jerusalén fí' lí~ nilití~ jalé' júu^ e cajíng'~ uii~ quie~ e jaléng' i dsea` i café' cuaiñ~ quiá'~ Fidié~ mali'gui eáng', jnea~ dsea` gáa'a fí' ñiff' e lán'n jaang' dsea` jmigü'. 32 Jo fí' job lí~ nijáng' jaléng' dsea` góo'naa' jnea~ fí' jaguó' jaléng' dsea` i ja` cuíng' Fidié~. Jo jaléng' i dsea` í' nilóøiñ~ jnea~ jogui nijmineaiñ' jnea~ jogui ni'ñíñ~ jnea~ 33 jo nijmihuñíñ~ jnea~ la tí' e já' dsíir' cartí' nijngáiñ' jnea~; jo dsu' mi~ nití'~ 'ní' jmí~ lajo e nijngáng'~ dsea` do jnea~, joba' nijíb'túu calé' catú'.

34 Jo mi~ canúu~ i dsea` guitúung' do e cajíng'~ Jesús lado, jíi'~ camí'^ júu^ ja` cangáiñ' o'gui ñir' e~ uing~ quiá'~ e café' dsea` do lado.

Mí~ cajmi'leáng~ Jesús jaang' dsea` tiuung' fí' Jericó

(Mt. 20:29-34; Mr. 10:46-52)

35 Jo mi~ cangí' e casíng~ Jesús cóo'~ i dsea` guitúung' do, catam'~tur fí' teáaiñ'~ jo caguíiñ'~ quiá'~ cóo' fíi' lí' sii' Jericó. Jo 'ní' fí' niguiing~ jaang' dsea` tiuung~ e mir' jalé' e 'nér' cóo'~ jaléng' dsea` i ngíng' e fí' lí' guíiñ~ do. 36 Jo mi~ canúu~ i dsea` tiuung~ do e dsíng'~ fíng' dsea` guíjalíng' fí' lí' guíiñ~, jo cajmingí'r~ i dsea` i ngíng' quiá'~ do e'gui' calí' e jalíng' fíng' dsea`. 37 Joba' cajme' dsea` júu^ i dsea` tiuung~ do e Jesús dsea` seeng' fí' Nazaret gui'ná'^ ngíiñ' fí' do cóo'~ dsea` quiá'r~. 38 Jo mi~ canúu~ i dsea` tiuung~ do lado, jo canaiñ' áiñ' Jesús jo casí'r~ dsea` do:

—iJesús, siju' dseata~ Daví'^, fíi' güilíin' jnea~!

39 Jo dsu' mi~ canúu~ i dsea` ngolíng~ nifí' do e canaang' i dsea` tiuung~ do e áiñ' Jesús, joba' canaiñ' 'gaam'bre quiáiñ'~ do e laco' jo` nifé'guiñ' lajo. Jo dsu' i dsea` tiuung~ do lí'^ lí' teá'gui canaiñ' ám'bre dsea` do jo fé'tur lala:

—iJesús, siju' dseata~ Daví'^, fíi' güilíin' jnea~!

40 Jo dsifí' mi~ canúu~ Jesús e tó' i dsea` tiuung~ do, dsifí' ladob cajer', jo caquiur' ta~ e cangotée' dsea` i dsea` tiuung~ do jo cangojéeng'neiñ' tí' quiá'~ lí' sing' Jesús. Jo mi~ caguíeíñ'~ do quiá'~, jo cajmingí'~reñ':

41 —¿E~ iin'~ e nijmee~ e quí'~?

Joba' cañíi' i dsea` tiuung~ do jo casí'r~ Jesús:

—Fí'i, iin'~ e nijmé~ e nilijné'baa.

42 Joba' cañíi' Jesús casí'r~ i dsea` tiuung~ do:

—iGüilíjné' jo! Jo nica'láam~ba', co' jáb'~ nicalín' júu^ quie~ e.

43 Jo dsifí' lajob calíjné' i dsea` tiuung~ do, jo canaiñ' jmiféiñ' Fidié~ lajee~ e ngóor' cóo'~ Jesús. Jo jaléng' dsea` i cangá~ e cajmé~ Jesús ie~ jo, cajmifém'bre Fidié~ cajo.

19

Jesús cóo'~ jaang' nodsicuu~ i sii' Zaqueo

1 Jo mi~ cangî jo, caguiéb- Jesús fí Jericó. Jo mi~ cangîiñ jee~ fiî, dsíng'- fíng' dseá caseáin'. 2 Jo e fí jo niseeng' jaang' fi~ jaléng' nodsicuu- i siî Zaqueo i sea' cuu- eáang', 3 jogui eáam' iin~ do nijmicuîñ Jesús, dsu' ja' lír' niníin~ dseá do co' dsíng'- fíng' dseá caseáin' ie~ jo, jogui Zaqueo lîiñ jaang' dseañu' i ja' 'ga' lí féng'. 4 Jo mi~ calilir^ e ja' tîiñ fa' niníin~ Jesús, jo cangojéem'bre quiá'- jaléng' i dseá do, jo cajgóor- fí coo' yá'^ 'ma' e siî sicómoro, co' calilir^ e fí job cuóøng' niníin~ dseá do. 5 Jo jo huóø- líi~ cangîng' Jesús uii~ e 'ma' lí dsíng- Zaqueo do, jo cajóøng- neiñ' do lí dsíin'- jo casí'- reiñ':

—Jminá- güíng' lí dsíin'^ na, Zaqueo, co' lana 'né- nijaá- fí quií'-.

6 Jo mi~ canúu- Zaqueo lajo, guiáb- jmóor', jo dsifí ladob cajgáin~ e cango'íin~ Jesús, jo colîm~ cangáin'- cóo' dseá do fí quiá'-r-. 7 Jo mi~ cangá- jaléng' dseá e cangó- Jesús fí quiá'- i nodsicuu- i siî Zaqueo do, dsifí lajo canaain~ éeiñ Jesús, jo fé'r' e dseá do cangojer~ fí quiá'- jaang' dseá i røøng' dsee- eáang'. 8 Jo mi~ nineáain~ fí quiá'- Zaqueo, lalab cajíin'- do casí'-r- Fí'naa' Jesús:

—Janú', Fí'i, lana nicuóø jaléng' dseá tiñing- condseá'- jalé' e sea' quié-e, jo quiá'- lajaang' lajaang' dseá i nicajmé-e i quiá'-, lana nijáa'- are quiú' 'lé'gui laco' jii~ e nicacá-a quiá'-r- do.

9 Jo mi~ canúu- Jesús lajo, lalab casí'-r- dseá do:

—Jmî na niseeng' dseá e fí dsíi sinúu^ la i nicaláang- jee~ jalé' dsee- quiá'-, co' i dseañu' na nicajmilir~ e lîm'bre sijú' 'líi~ yúu~ Abraham cajo. 10 Co' jnea~, dseá i jáa' fí ñiff- e lîn'n jaang' dseá jmigüí, cagá-a e lí'^ laco' caga'nén'n jogui e cagaleaan^ jaléng' dseá i røøng' dsee- fí quini~ Fidiéé~.

Mi' ca'e' Jesús e ta' e cajmée` dseá cóo' cuu- quiá'- dseata~

11 Jo mi~ cangî jo, lajee~ iuung- Jesús fí e ngóor' cóo' dseá quiá'-r- fí Jerusalén, jo ca'e'r' jaléng' dseá do coo' júu^ já'- e lafa' júu^ cuento, dsuco' nijaquiéem' e niguilíin~ fí Jerusalén, jo fí job í dsíi jaléng' dseá e Jesús niquiá'-r- ta~ jee~ jaléng' dseá góor' dseá Israel lí'^ laco'gui la jmóo' jaang' dseata~ dseá féng' i seeng' fí jmigüí la. 12 Jo lalab casí'-r- jaléng' i dseá do:

—Coo' née' caliséng' jaang' dseá 'goo', jo cali'iin~ e nilíin~ dseata~ dseá féng' fí coo' fiî lí huíi^ . Jo mi~ ca'íin' e ta~ do, 'né- niquim'- tur fí góor', co' fí job lí nilíin~ dseata~ dseá féng'. 13 Dsu' nú'- gui e nigüi'íir' lí nidsi'íin~ e ta~ do, cató'r- guíng' dseá 'léeng' quiá'-r-, jo cacuø'reiñ' do jmá'- có' cuu- e 'mo'^ eáang' lajaang' lajaain~ jo cajíin'- casí'-reiñ': “Jmee-na' ta~ cóo'~ e cuu- la lajee~ ninii~ i jo cartí nigüéang'túu.” 14 Jo dsu' jaléng' dseá góo' i dseata~ dseá féng' do ja' iin~ e nilíin~ do e ta~ jo, co' dsíng'- 'ní' níng- neiñ', joba' casíin' do nifí'gui tú- 'ní' máng' dseá i caguijméé' júu^ i dseá nija'- ta~ do e ja' jíi'r~ i dseá góor' do fa' e i do nilíng- dseata~ dseá féng' quiá'-r-.

15 'Jo dsu' ja' lí cacóng', co' calím- i dseá do dseata~ dseá féng' lajii~ laco' ta~ cahuí'. Jo mi~ cangoyúung' jo, cangám'- tur fí góor'. Jo mi~ caguiéin~ fí quiá'-r-, jo caquiú'r' ta~ e calité' i dseá guíng- i cacuø'r' cuu- do lamí nú'-gui e nigüi'íir' nidsér-, co' cali'iin~ e calidseáang' dsíir' jial tíi' cuu- nicalíin~ do lajaang' lajaain~. 16 Jo mi~ caguié- i la'uii~ do, joba' cajíin'- casí'-r- i dseata~ dseá féng' do: “Fí'i, cajmé-baa ta~ cóo'~ e cuu- e casee' cóo'~ jnea~ do, jo nicalí'-baa guí- 'lé'gui e laco' jii~ e casee' do.” 17 Joba' cajíng'- i dseata~ dseá féng' do casí'-r- i dseá 'léeng' quiá'-r- do: “Eáam' guiú- lajo, 'nub' jaang' dseá 'léeng' i guiúng-, co' tîim'ba' jmé'^ ta~ cóo'~ capí'^ cuu-, jo lana nicuóø' 'nu' e nilíin'- jaang' dseata~ quiá'- guí- fiî.” 18 Jo mi~ cangî jo, caguié- jaang'gui i dseá 'léeng' do, jo casí'-r- i dseata~ dseá féng' do jo cajíin'-: “Fí'i, cajmé-baa ta~ cóo'~ e cuu- e casee' cóo'~ jnea~ do, jo lana nicalí'- i 'ñiá' 'lé'gui lajo.” 19 Joba' cañi' i dseata~ dseá féng' do quiá'- i dseá 'léeng' quiá'-r- do jo casí'-reiñ': “Nicuóø'baa 'nu' e nilíin'- dseata~ quiá'- 'ñiá' fiî cajo.” 20 Jo mi~ cangî jo, caguié- jaang'gui i dseá 'léeng' do, jo casí'-r- i dseata~ dseá féng' do jo cajíin'-: “Fí'i, lab quiee~ e cuu- quií'- e casee' cóo'~ jnea~ do. Ca'meá'baa laco' mi~ ca'íin'-n do,

21 co' 'góm'baa 'nu, co' lí' tí' o' e sitíng' jalé' ta~ jmóo`dsea`jiém'." 22 Joba' cañí' i dseata` dsea` féng' do quiá' i dsea` léeng' quiá'r` do jo casí'`reíñ': "Nab` jaang` dsea` léeng' i fi' i soo` dsí', jo lana nijmiti~baa lajii~ e nicafée' na. 23 Song niñi`bi' e sitín`n cuu` quiá' jalé' ta~ jmóo` jaléng` dsea` jiéng', joba' ¿jiali' ja` caguite` e cuu` quié` e do fi' banco e laco' sea`ba' e dsí' mi~ cagüean`-n?" 24 Joba' caquiü' i dseata` dsea` féng' do ta~ quiá' jaléng' i dsea` i teáng` do jo casí'`reíñ': "Gui`na' cuu` e quier` na, jo cuø`na' i dsea` i quie` jmiguiü`gui na." 25 Jo mi~ canúu` jaléng' i dsea` do e cajíng' i dseata` dsea` féng' do lado, jo cañír` lajaléiñ' do jo cajíñ': "Fíi`naa', jiali' e i na niñiñ', co' guí`gui cuu` niquier'." 26 Joba' cañí' i dseata` dsea` féng' do quiá' i dsea` do jo casí'`reíñ': "Niñíb` 'nú' e jaléng' dsea` i sea` quiá', jmiguiü`gui nilisea` quiá'r`; dsu' jaléng' dsea` i ja` sea` quiá', conguiab` ni'íng` e capí' e sea` quiá'r`. 27 Jo lana niñijéeng`du' jaléng' dsea` i ja` cali'íng` e niliñ`n dseata` dsea` féng', jo nijngáng`na'r fi' quini` la lana."

Mi` ca'í` Jesús fi' jee` fi` Jerusalén

(Mt. 21:1-11; Mr. 11:1-11; Jn. 12:12-19)

28 Jo mi~ cangí e ca'e' Jesús jaléng' i dsea` do e júu` na, joba' ca'ib`-tur fi' iuiñ` e ngóor` fi' Jerusalén. 29 Jo mi~ nijaquíéeng` e niguiéer` fi' quiá' coo` fi' e sii` Betania cóo'~ coo`gui fi' e sii` Betfagé, fi' e née' tii` mó' e sii` Olivos quiá' fi' Jerusalén, jo fi' job casíñ` gáng` i dsea` guitúung` quiá'r` do 30 jo cajíñ' casí'`reíñ':

—Güilíng`-du' e fi' e née' quiá'`-gui na, jo mi~ niguilíng`-na' fi' jo, jo nimáang`-na' jaang` bú' i sing'`ñúung` i ja` ii' mí' caguá' jii~ jaang`. Jo síng`-na're' jo ñijéeng`na're' fi' la. 31 Jo song ii' jmíngi'` 'nú' jiali' síng`-na're', joba' nifi'`na'r: "E Fíi`baa' 'neáng`-tear i bú' la lana."

32 Jo mi~ cangoyúung` e canúu` i dsea` gáng` do lado, jo cangolíim`-bre jóng. Jo mi~ caguilíñ` e fi' do, job caliti` jii~ laco' cajíng' Jesús lami~ jéeng`gui do. 33 Jo lajee` e taaiñ` e si'r` lí' 'ñúú' quiá' i bú' do, dob caguilíng` dsea` fi' i jó' do, jo casí'r` i dsea` gáng` do jo cajíñ':

—¿jiali' síng`-na' bú' qui`-naa'?

34 Joba' cañí' i dsea` gáng` do quiá' i dsea` fi' bú' do jo casí'`reíñ':

—Co' lana 'neáng`-tea Fíi`naa' i bú' la, joba' síng`-na're'.

35 Jo catøb` i dsea` gáng` do i jó' do, jo casí'r` tú` 'ní' si'r` fi' mocóoiñ` do. Jo mi~ caguilíñ` fi' lí' táang` Jesús, mifíng` caguíem`bre dsea` do. 36 Jo laco' iuung` Jesús fi' e ngóor` fi' Jerusalén, lajaléng' dsea` i ngolíng` cóo'r` do canaaiñ` ni'r` jalé' si'r` guiá' fi' fi' lí' ningíng` dsea` do. 37 Jo mi~ canaang` jgáang` lajaléng' i dsea` do fi' dse' mó' Olivos, canaaiñ` ti'áiñ` Fidiéé` e íaang` dsíir` jogui` jmiféiñ' dsea` do quiá' jalé' e quí'` jmí` e nicajmée` dsea` do e dsigá` dsíi' dsea`. 38 Jo jalém' i dsea` do canaaiñ` fé'r` jo cajíñ':

—iMajmiféng`naa' i dseata` dsea` féng' i güeang` i jáa' cuaiñ` quiá' Fidiéé`! Jo lana juguiü`-jii quiá' dsea` fi' ñiff`, jo güijmi'goo`baa' Fidiéé` dsea` güíng` fi' jo!

39 Jo mi~ canúu` jaléng' dsea` Israel i líng' dsea` fariseo i ngolíng` do e fé' jaléng' i dsea` do lado, joba' casí'r` Jesús lala jo cajíñ':

—Tifa', jíng' jaléng' dsea` qui'` laco' jo` güijmiféng`lí' 'nu`.

40 Dsu' Jesús cañír` quiá' i dsea` Israel i líng' dsea` fariseo do jo casí'`reíñ' jo cajíñ':

—Lí' jii~ laba' lí', co' fíng` song jo` jmiféng' jaléng' i dsea` la jnea~, joba' jalé' cuüb` niróo` jóng jo nifé' e jmiféng' jnea`.

41 Jo malí` guijii` lajo, mi~ caguilíñ` quiá' Jerusalén fi' lí' nijnéeng` e fi' jo, jo canaang` Jesús qui'bre uii` quiá' jaléng' dsea` i neáang` fi' jo 42 jo cajíñ':

—iFa'jii` e já' líng' 'nú', dsea` neáang`na' fi' na, jalé' júu` quié`-e, joba' lati' lanab jóng niliseeng`na' juguiü` júu` røø` cóo' Fidiéé`! Jo dsu' lana ja` quí'` jmí` ningáng`na' jalé' júu` quié`-e, co' ja` iíng`-na' núu`na'. 43 Jo dsu' niguiéeb` jmí` mi~ nidsing`ng`-na' iihu'` mi` tí' lí' nirí` jaléng' dsea` i 'ní' níng` 'nú' lacúng' lajíng` e fi' la, jo nijmér` mí'` cóo' 'nú',

44 Jo nijngáin̄- jaléng' 'nú'. Jo lí- jo, niquí'r' jalé' 'nú'na' catí tii- fii, jo jii- coo` cuu- jo nisér- fa' e sifing`gui e quie`gui eáang` 'nú'na', dsuco` ja` calicuíng`na' jnea- e lán`n Dsea` Jmáang- mi- cataan`n jee- 'nú' fí` jmigüi` la.

Mi- ca'uóøng` Jesús jaléng` dsea` i jmoo` ta` 'nú' fí` dsí' guá'-
(Mt. 21:12-17; Mr. 11:15-19; Jn. 2 :13-22)

45 Jo mi- cangí jo, mi- caguié- Jesús fí' Jerusalén, dsifí ladob ca'ír- fí dsí' sinúu` guá'- quíá'- dsea` góor` dsea` Israel. Jo mi- cangáin̄- jaléng' dsea` i teáang' ta- jmoo` 'moo`- cóo`- jalé' e 'nú', jo dsifí ladob ca'øøng`neiñ' 46 jo cajíñ'- casí'- reiñ':

—Lalab fé' fí ni- jii- quíá'- Fidiéé: “E fí dsí' sinúu` guá'- quie`- e la íng` ta- e jmiféng' dsea` jneab-”; jo dsu' 'nú' nicajmee- na' lí- cúng' seáng' jaléng' ii- cóo`- jalé' e jmoo`na' lana.

47 Jo mi- cangí jo, lacoo` jmii- dséé Jesús e dsí' e' r- jaléng' dsea` jalé' júu` quíá'- Fidiéé e fí guá'- do. Jo lajee` jo jaléng' fii- jmidsea` cóo`- gui jaléng' tifa' quíá'- júu` quíá' ta- quíá'- dsea` Israel cóo`- gui jaléng' dseata- i seeng' fí Jerusalén jmoo`r` quíá'- quíá'- jial nijngáin̄- dsea` do, 48 jo dsu' ja` líng- niguié' r' jial nijmér- lajo, co' jalém' i dsea` teáang`- núu` do tib` dsíir' e núur` jalé' júu` e e' dsea` do.

20

I- quíá' ta- quíá'- Jesús e jmoo`r` jalé' e jmoo`r`
(Mt. 21:23-27; Mr. 11:27-33)

1 Jo coo` jmii- mi- cangí e jo, lajee` e táang` Jesús fí guá'- e er' jogui guiar' júu` quíá'- Fidiéé jee- jaléng' dsea` quíá'- jial nileáng` dsea` jee- jalé' dsee- quíá' r-, jo lajee` job caguilíng- jaléng' fii- jmidsea` cóo`- gui jaléng' tifa' quíá'- júu` quíá' ta- quíá'- dsea` góor` dsea` Israel cóo`- gui jaléng' yuu` dsea` cóøng`- quíá'- e guá'- do, 2 jo casí' r- Jesús lala jo cajíñ'-:

—Jmee- júu` i- quíá' ta- quíá'- e jmoo` jalé' e jmoo` na. Jo ¿i- cacuø' 'nú' e ta- na?

3 Joba' cañi' Jesús quíá'- jaléng' i dsea` do jo casí'- reiñ':

—Sea' bi coo` e 'né- nijmingí' y jnea- 'nú' cajo. Ñii- na' quie`- e lana. 4 ¿I- i caquiá' ta- quíá'- i Juan e caseáaiñ` dsea` jmii? ¿Su Fidiéé` ofa' dsea` jmigüib` é?

5 Jo mi- canúu- jaléng' i dsea` do e cajíng'- Jesús lado, jo lajee` yaam` bre canaaiñ` sñiñ` jo sí' rúñ':

—¿Jial nisí' naa' r, faa` aa'? Song casí' naa' r e Fidiéé` casíng` dsea` do, joba' nijíñ'- nisí' r' jneaa` aa' jóng: “¿Jialí' ja` já'- calíng- na' jalé' júu` quíá' r-?” 6 Jo song nisí' naa' r e dsea` jmigüib` caquiá' ta- quíá'- i Juan do, joba' jaléng' i dsea` la fø' nijngám'- bre jneaa` aa' jóng cóo`- jmang'- cuu-, co' ñi' bre guiá- e cajá- i Juan do e fé' r' cuaiñ` quíá'- Fidiéé`.

7 Jo jii- jaang` i dsea` do ja` cateá- dsíir' fa' ee` cañi' r' quíá'- Jesús cuaiñ` quíá'- i Juan do, jo lí' casí' r- dsea` do e ja` ñi' bre. 8 Joba' cañi' Jesús quíá'- i dsea` do jo casí'- reiñ':

—O' gui jnea- nijméé' 'nú' júu` cajo i- i quíá' ta- quie`- e e jmoo`o jalé' e jmoo`o la lana.

Júu` quíá'- dsea` 'léng' i soo` dsí'
(Mt. 21:33-44; Mr. 12:1-11)

9 Jo dsifí mi- cangí jo, jo canaang` Jesús e e' r' jaléng' i dsea` do coo` júu` já'- e lafa' júu` cuento, jo casí'- reiñ' do lala jo cajíñ'-:

—Coo` née' nicaliséng` jaang` dseañu' jo nicajnír` jmang'- huíng` jó' latøøng- fí ni- uø- quíá' r-. Jo mi- cató' e caguiar' guiá- lajalé' e do, jo catáin̄' dsea` 'léng' i cane'- ni- latøøng- e uø- do i nijmé- ta- jmá'- jia. Jo mi- calí- jo, jo cagüi' ñi' bre jo cangór- fí lí- huí'.

10 Jo mi- catí' í' e caroo` e mí' huíng` jó' do, jo caguiéin̄' jaang` dsea` quíá' r- e tí lí- táaiñ` do i cangomii- lajii- guieé` quíá' r- e catíin̄- quíá'- e ta- jmá'- jia e jmoo` i dsea` do fí ni- guóo`- uø- quíá' r-. Jo dsu' mi- caguiéng' i dsea` quíá' r- do e lí- taang` i dsea` jmoo` ta- e

uó̄ do, caquié'biñ' do quiá'r- e lafa' e nicuó̄'reiñ' do lajii'~ guiéé' quiá'- i dsea' fii' uó̄ do, jo caguiém'breiñ' do calé' catú- fí' lí' cajar-, jo ja' ee' cacuó̄'reiñ' do jii'~ coo'. ¹¹ Jo mi' caliñi' i dsea' fii' uó̄ do e calí- lado, dsifí' ladob caguiéiñ' jaang'gui dsea' quiá'r- i cangomñi' guiéé' quiá'r- quiá'- lajii'~ ta' jmóo' uó̄ quiá'r-. Jo dsu' mi' caguiéng'- i dsea' quiá'r- do fí' lí' taang' i dsea' jmóo' ta' do, cacó̄m'bre cajo lí' laco'gui cangong'ng- i dsea' la'uii' do, jo jii'~ coo' ja' ee' cacuó̄'reiñ' do cajo. ¹² Jo mi' caliñi'tu i dsea' fii' do e calí- lado, jo caguiém'bre jaang'gui dsea' quiá'r-. Jo dsu' gab' cajméé' i dsea' jmóo' ta' do cóo' i dsea' do cajo, co' caquiém'breiñ' jogui cacuing'neiñ', jo ja' ee' cacuó̄'reiñ' do jii'~ coo' cajo, jo ca'ó̄m'breiñ' do.

¹³ Jo mi' cangí jo, jo ca'f' dsíi' i dsea' fii' uó̄ do: “¿E~ nijmee~ e náng? Jo seem' camíng' joo' o' i 'neáan'n eáang', jo íb' niguiéen'n lana, jo jangám- í' guib i nijmi'gór'.” ¹⁴ Jo dsu' mi' caguiéng'- i siming' do lí' taang' i dsea' jmóo' ta' do, jo dsifí' ladob canaiñ' do síiñ' lajee' yaaiñ': “Jii'~ i nabing' i seeng' i nilíng- fii' e uó̄ la mi' nijúung- tiquiá'r'. Joba' majngáang'naa'r lana, ná la cagüeiñ' fí' la, jo jnea'^ dsea' nilí-ii' fii' latøng- e uó̄ la.” ¹⁵ Jo mi' cangoyúung' e casíng- i dsea' do røø' lado, jo caguiém'bre i siming' do jee' e uó̄ e lí' sijnea' e huñi' huñing' jó'^ do jo fí' job' cajngang'neiñ'.

Jo mi' cató' e jmóo' Jesús e júu' na, jo cajmingi'r' lajaléng' i dsea' i teáang- do jo casí'-reiñ' lala jo cajíñ'-:

—¿E~ líng-na' e nijmé- i dsea' fii' e uó̄ do mi' niliñir' e nicajngam' jaléng' i dsea' 'léeng' do jóor'? ¹⁶ Co' nidsém'-bre, jo mi' niguiéiñ' nijngám'-bre lajaléng' i dsea' 'léeng' do, jo i jiem' nitaiñ' i nijmé- ta' e uó̄ quiá'r- do.

Jo mi' canúu- jaléng' i dsea' i teáang- do e cajíng'- Jesús lado, lajalém'-bre cañiir' jo cajíñ'-:

—Ja' güili'iing' dsíi' Fidiéé' e nilí' lajo.

¹⁷ Jo mi' canúu- Jesús e cajíng'- jaléng' i dsea' do lado, jo lí' cajó̄m'-breiñ' do, jo lí' jo casí'-reiñ' do lala jo cajíñ'-:

—¿E~ e líng-na' e guóng' e tóo' fí' ni' jì' quiá'- Fidiéé' lí' fé' lala? E cuu- e ja' calijíi' i dsea' i jmo' 'núu',

lana nilí' coo' cuu- e niing'-gui quiá'- tñ- fii'.

¹⁸ Jo doñi' iñ' i catitaang' e fí' ni' e cuu- do, joba' cuib'^ niliñ' jóng. Jogui fíng song e cuu- do cató' jo cajíng- jaang' dsea', joba' congua' túb' niliñ' jóng.

Mi' cajmingi'- dsea' Jesús cuaiñ' quiá'- e catíng- dseata-
(Mt. 21:45-46, 22:15-22; Mr. 12:13-17)

¹⁹ Jo mi' canúu- jaléng' fii' jmidsea' cóo' jaléng' tifa' quiá'- júu' quiu' ta' quiá'- dsea' Israel e cajíng'- Jesús lado, joba' lajmináb- lami' iñ' nisaiñ' dsea' do, co' calilí'r' e uii' quiá'-bre café' dsea' do. Jo dsu' jii'~ coo' ja' ee' cateá- dsír' fa' ee' cajmeaiñ' dsea' do, co' 'góm'-bre jaléng' dsea' fii' i tí' dsíi' núu' jalé' júu' quiá'- Jesús.

²⁰ Jo mi' cangí jo, jaléng' i tifa' do cóo' gui jaléng' jmidsea' casíiñ- lajee' la'ó' yaaiñ' e casíiñ' coo' tú- míng' dsea' i nijmé- lafa' dsea' guiá- dsíi' cóo' Jesús, jo cajméer' lajo quiá'- e nijméiñ'- do quijí- jial nifé' dsea' do júu' guíi', co' í' dsír' e fa' lajo nilí'r' e nitisiing' dsea' do fí' quini' dseata-. ²¹ Joba' mi' caguiliñ'- do fí' lí' táang' Jesús, jo cajmingi'r' dsea' do lala jo cajíñ'-:

—Tifa', nineb- jnea'^ røø' e jmang'- júu' jáb'- jalé' e e' 'nu', jogui ja' jøø- 'nu' cajo jial líng' dsea' lí' caluu', jogui 'nu' e' jnea'^ jial dseáng'- laco' iing' Fidiéé' e see'-naa'. ²² Joba' cajajmingiñ'naa' 'nu': ¿Su' né' niquí'naa' cuu- e catíng- dseata- dsea' féng' i guíing' fí' Roma osi ja' né- qui'naa' é?

²³ Jo dsu' dsifí' ladob calilí' Jesús e iing' i dsea' do nijmigøøng'neiñ', joba' cajíñ'- casí'-reiñ':

²⁴ —Ée'na' jnea' coo' cuu-. Joba' ne'duu' jial lí', jo ¿i' dsea' i táang' fí' ni' la jogui jial siir'?

Joba' cañíi' i dsea` do casí'r- Jesús jò cajíiñ'-:

—Dseata` dsea` féng' i guing` fí Romab táang` fí na.

²⁵ Joba' cañíi'tu Jesús jò casí'r- i dsea` do:

—Lajíi' e catíng- dseata` dsea` féng', cuóø'na' dseata` dsea` féng'; jogui lajii' e catíng- Fidié', cuóø'na' Fidié' cajo.

²⁶ Jò dsíng'- cangogá` dsíi' i dsea` i téeng` Jesús do mi` cañíi' dsea` do lado fí quini` jaléng' i dsea` i teáng- do, co' lí' lí' cango'gó'gui dsíi'bre lajii' e cañíi' dsea` do, jò tiib- cajer' lajiiñ' do.

*Mi` cajmingi' dsea` jial lí' mi` nijí'tu dsea` calé` catú`
(Mt. 22:23-33; Mr. 12:18-27)*

²⁷ Jò mi` cangí jò, caguiling- coo` tú- míng' dsea` Israel i líng' dsea` saduceo fí lí' táang` Jesús. Jò jaléng' i dsea` saduceo do ja` já'- líiñ' e nijí'tu jaléng' 'líi'. Joba' cangojmingi'r' dsea` do jò cajíiñ'-:

²⁸ —Tifa', Moi` cajme'r' fí ni` jì quiá'r- e song cajúng- jaang` dseañu' jò ja` jóor' caliséng` cóo' dseamí quiá'r-, joba' 'né- nicúng'- guó' i dseamí 'níi- do cóo' rúng' dsea` ngáang` cóo' i 'líi' do. Jò i yuu' la'uii' i niliseeng` quiá'r- cóo' i dseañu' do, 'né- nijmér- e lafa' jóob' i dseañu' quiá'r- lamí` uii` do, co' lanab fé' fí ni` jì quiá'- Moi'. ²⁹ Joba' síi'na' 'nu` e júu` la: Coo` ya' caliséng` guiáng- dseañu' la'ó' rúñ', jò i dsea` nifí do cacúm' guoor, jò ja` e huóø- cateáaiñ' fí jmigüi' la co' cajúm-bre, jò jíi' jaang` jóor' ja` ii' caliséng'. ³⁰ Jò mi` cangí e cajúng- i dseañu' do, jò cacúm' guoo' i dseamí 'níi- do cóo' rúng' i 'líi' dseañu' quiá'r- i catí gáng- do. Jò dsu' lajòb cangongíiñ- cajo, co' cajúm-bre, jò jíi' jaang` jóor' ja` ii' caliséng'. ³¹ Jò mi` cangí jò, cacúm'tu guoo' i dseamí do cóo' i rúng' i 'líi' dseañu' quiá'r- i catí gaang- do, jò ja` huóø- cangó- jò cajúm-bre cajo, jò jíi' jaang` jóor' ja` ii' caliséng'. Jò lajòb cangongíiñ- lajaléiñ' do. Jò coob` mi` cató' júuiñ- lajì guiáaiñ- do, jò jíi' jaang` jóor' ja` ii' caliséng'. ³² Jò dsu' jò huóø- ngó- mi` cangí jò, jò cajúm- i dseamí do cajo. ³³ Joba' jmingi'naa' 'nu` lana jial lí' mi` nití' fí coo'. ¿i' dseáng' dseamí quiá'- nilíng- i dseamí do lajee' lajì guiáng- i dseañu' do? Co' lajì guiám-bre cacúng'- guor' cóo' i dseamí do fí jmigüi' la.

³⁴ Joba' cañíi' Jesús quiá'- i dsea` saduceo do jò cajíiñ'- casí'-reiñ':

—Cum' guoo` jaléng' dseañu' dseamí fí jmigüi' la. ³⁵ Jò dsu' jaléng' dsea` i niñíng' e nijí'tur calé` catú- jee` jaléng' 'líi' fí jmigüi' coo' jò nicúng'-gui guoor' fí jò, ³⁶ jogui ja` quí' jmí' fa' e nijúung- guir, co' lajòb líng' jaléng' ángeles quiá'- Fidié' fí nífi-, ja` cúng' guoor' o'gui júuiñ-; jogui jóo' Fidié' nilíng- jaléng' i dsea` do uí' e nicají'tur calé` catú-.

³⁷ Jò jìgui Moi` cajme'r' fí ni` jì quiá'- Fidié' e nijí'tu 'líi', co' ie` lamí` cangár- e gui` coo' 'matóo' e gui` jì, jò jee` e jì do café' Fíi'naa' jò cajmээр` júu` e íbre líiñ' Fidié' quiá'- Abraham cóo' gui' Isáa' jogui Jacóo'. ³⁸ Dsuo' Fidié' líiñ' Fidié' quiá'- jaléng' dsea` jíi', jò ja` líiñ' Fidié' quiá'- jaléng' 'líi', co' jmang' dsea` jíi'bing' i seeng` cøng` cóo' Fidié'.

³⁹ Jò mi` canúu- i líng- tifa' quiá'- júu` quiu' ta` quiá'- dsea` Israel do e cajíng'- Jesús lado, joba' dsifí ladob cañíir' quiá'- Jesús jò casí'r- dsea` do lala jò cajíiñ'-:

—Eáam' guiá- laco' café' na, Tifa'.

⁴⁰ Jò mi` cangí jò, jíi' jaaiñ' do jò ee` cateá- gui dsíir' fa' ee` cajmingi' guir Jesús.

*¿i' dsea` siju` líng' Dsea` Jmáang`?
(Mt. 22:41-46; Mr. 12:35-37)*

⁴¹ Jò mi` cangí jò, jò cajmingi' Jesús jaléng' i dsea` do jò cajíiñ'- casí'-reiñ':

—¿Jialí' fé' dsea` e siju` dseata` Daví' líng' Dsea` Jmáang`? ⁴² Co' lalab cajíng'- dseata` Daví' fí ni` jì quiá'- Fidié':

Lalab cajíng'- Fidié' casí'r- Fíi':

“Ní lí' lí' dsée' laco' guin`n

⁴³ cartí mi` nijmee` e jaléng' dsea` i 'ní' níng- 'nu`

nisí'r` uó` jnr~ fí` quini` e laco' nijmi'gór` 'nu`.”

44 Joba' jmingii~ jnea~ e song` ñia'bi dseata~ Daví' sír` Dsea` Jmáang` Fí'i, joba' ¿jial cuóong` e Dsea` Jmáang` líiñ` dsea` siju` dseata~ Daví'` jóng?

Jalé` e ga` e jmóo` jaléng` tifa'` quiá'` júu` quiu` ta~ quiá'` dsea` Israel

(Mt. 23:1-36; Mr. 12:38-40; Lc. 11:37-54)

45 Jo lajee` jo, fíim` dsea` teáaiñ` e núur` jalé` júu` quiá'` Jesús, jo cajíng` dsea` do casí'r` jaléng` dsea` i ngí` cóo`r` do lala:

46 —Ñiing` óo` na' cóo`r` jaléng` tifa'` quiá'` júu` quiu` ta~ quiá'` dsea` góo` naa' dsea` Israel, co' jaléng` í` tí` dsír` e ngír` quier` jalé` sí'` dsea` 'goo', jogui dsíng` iñ` e nijmiféng` dsea` ír` mi` jié` jíñ` dsea` lacaang` fí` jee` 'núu', jo mir` 'masii` e niing`-gui mi` dsilíiñ` fí` sinúu` guá'`, jogui mi` tí` jmii` e ngíiñ` e gø'r', mir` lali` lí` jlo`^gui e nigüear`, jo lajoba' e jlo`^gui jnéeiñ` fí` quini` jaléng` dsea` rúíñ`. 47 Jogui uø'r` jalé` e sea` quiá'` jaléng` dseamí` i` 'nii`, jogui jmicaaiñ` e fé'r` fa' e cuee` eáang` fí` quini` dsea`. Jo co' dseáng`- lajob líiñ`, joba' íbing` i` eáang`gui ni'íng` iihu` mi` nití` í` lajo.

21

Mi` cacuø` jaang` dseamí` i` 'nii` cuu` quiá'r` fí` guá'`

(Mr. 12:41-44)

1 Jo mi` cangí` jo, lajee` táang` Jesús fí` sinúu` guá'`, jo cangár` e dsitea' dsea` sea` cuu` jmiguiú` cuu` quiá'r` fí` dsí' guóo` quiá'` guá'`. 2 Jo dsu' lajee` job mi` cangáiñ` jaang` dseamí` i` 'nii` i` tiñíng` eáang` i` catá'` dsí' e guóo` do tú` cuu` e jiáang` eáang` e quíng` cóo` ñinée`. 3 Jo mi` cangá` Jesús e calí` lado, jo casí'r` jaléng` i` dsea` i` teáang` do jo cajíñ`-:

—Dseáng`- e já'` e fíi`-i` 'nú' e i` dseamí` 'nii` nabing` i` nicacuø` jmiguiú`gui cuu` lajee` lajaléng` i` dsea` sea` cuu` i` ningíng` na. 4 Co' jaléng` i` dsea` sea` cuu` na nicacuø'r` jalé` e niseáng` quiá'`-bre, jo dsu' i` dseamí` 'nii` na nicacuø'r` jalé` e sea` quiá'r` jo cóo`r` e naba' sí'í` nilár` capí'` e ni'í'` nidó'r`.

Mi` cajíng`- Jesús e ni'ím`- guá'` fé'` e si'` fí` Jerusalén

(Mt. 24:1-2; Mr. 13:1-2)

5 Jo mi` cangí` jo, fíim` dsea` i` la'ó'` ngí` cóo`r` Jesús teáaiñ` siiiñ` cuaiñ` quiá'` e guá'` fé'` e sí'` fí` Jerusalén jogui dsigá` dsír` e dsíng`- jlo`^ e guá'` do, co' dsíng`- níguo`^ jalé` cuu` cóo`r` e sí'ieeng` e guá'` do, jogui síim`bir` cajo quiá'` jalé` e jlo`^ e nicacuø` dsea` quiá'` e sílí` e guá'` do. Jo mi` canúu` Jesús e síng` jaléng` i` dsea` do lado, joba' cajíñ`- casí'`-reiñ`:

6 —Niguiéeb` jmii` mi` niquí'` jalé` e móo`- 'nú' e tee` na, jo jíi` cóo`r` cuu` jo níjé` fa' e sífíng`-gui rúng` lí'` laco' jlo`^ jnéeng` e na lana.

Jial nilí` mi` nijaquíéeng` e tí` lí` ni'íng`- jmigüi`

(Mt. 24:3-28; Mr. 13:3-23)

7 Jo mi` canúu` jaléng` i` dsea` do e cajíng`- Jesús lado, jo cajmingí'r` dsea` do jo cajíñ`-:

—Tifa', ¿lí` nilí` jalé` e fó'` na? ¿jial nilíi` mi` nijaquíéeng` e nidsijéé` jalé` e jo?

8 Joba' cañi` Jesús quiá'` i` dsea` do jo cajíñ`- casí'`-reiñ`:

—Dsíng`- 'né` ñiing` óo` 'nú' jo ja` güiligøøng`na', co' fíim` dsea` nijalíng`- jo níjiiñ`-: “Jneab` Dsea` Jmáang`”, jogui níjng`-guir: “Lanab nicaguié` oor` e ni'íng`- jmigüi`.” Jo dsu' ja` jmijíng`na'r` jíi` cóo`, jo jie` mí` ligøøng`na'. 9 Jogui mi` ninúu`na' e nijáa` mí'` jo níneé` ta` tíng`, ja` føøng`na' jíi` cóo`, co' jalé` e jo 'né` nilitib` lajee` ná'`-gui e ni'íng`- jmigüi`.

10 Jogui cajíng`-gui Jesús casí'r`- jaléng` i` dsea` do:

—Jaléng` dsea` i` neáang` cóo` fíi` nitíñ` cóo`r` cóo`gui fíi`, jogui cóo` 'lé' dsea` nitíñ` cóo`r` cóo`gui 'lé' dsea` cajo. 11 Jogui eáang` teá` níjø` uó` fí` la fí` na, jogui nijáa` oo`, jogui nilisea` jmiguiú` íng`- jmohuí` la'úng`- fí` jmigüi`, jogui jmiguiú` íim` jalé` e nijnéng` fí` yá'` jmigüi`, jo dsíng`- níféng` jaléng` dsea` mi` nínr` jalé` e jo.

12 Jō dsu' nū'gui e nidsijéé' jalé' e nifá'-a na, fñng' dsea` nili'ní' níñ' 'nú', dsea` cuíng'na' jnea~, jō dsíng'- ga` nijmeaíñ' 'nú' uí'~ jnea~. Jō nidsijééiñ' 'nú' fí' sinúu' guá'- e laco' ni'níñ' 'nú' fí' quini' jaléng' dsea', jōgui nitáíñ' 'nú' fí' dsí' 'nuñí', jō lí' jō nidsijééiñ' 'nú' fí' quini' jaléng' dseata~ dsea` cóøng' uí'~ e líng'na' dsea` quié'-e. 13 Jō mi~ nidsingñng'-na' jalé' e na, jōb mi~ nili'na' niføng'na' jaléng' i dsea` do jial ca'uíng'-na' dsea` quié'-e. 14 Jō ja' jmee'-na' fi'í' fa' e ja' ñí'na' jial ningñ'-na' quiá'- jaléng' i dsea` do mi~ nijmingí'r- 'nú' quiá'- jalé' dsee- e niñíng'na'. 15 Co' jneab~ nijmee~ e e niliñí'na' jial ningñ'na' quiá'r-, jōgui nijmee~ e e tiíng'na' eáang', jō jí'~ jaang' i dsea` i 'ní' níng- 'nú' do ja' niqúí'r~ jmí' fa' e niñír- quí'na'. 16 Jō dsíng'- niliseeng' i 'ní' níng- 'nú', co' j'gui jaléng' tiquí'na' jōgui niquí'na' jōgui jaléng' rúng'na' jōgui jaléng' i cuíng' 'nú' nijmér- lajō cóo'~ 'nú' jō j'gui cartí' nijngáíñ' i líng' 'nú'. 17 Jō lajalém' dsea' jmigüí' nili'ní' níñ' 'nú' uí'~ e líng'na' dsea` quié'-e. 18 Jō dsu' jí'~ camí' jñuquí'na' ja' nidsi'íng'. 19 Jō jie~ mí' litúng- áa'na' e fí' niteáang'-na' cóo'~ jnea~, co' lajōba' e cuóøng' e nitíng'-na' fí' quini' Fidiéé' mi~ nití' í' lajō.

20 Jō mi~ nimó'na' e nijalíng- jaléng' 'lée- e nirí'- latøøng- fñ' Jerusalén, jōba' güiliñí'na' jóng e jō' huóø- róo' e fñ' jō, co' tí' lí' ni'ím-. 21 Jō co' lajōb nilí', jōba' dsifí' lajōb 'né- uóøng' jaléng' dsea` i neáang' jee~ fñ' Jerusalén e nicuí'- fí' jee~ mó' nū'gui e nirí- jaléng' 'lée- lacúng' lajíng' e fñ' jō. Jō jaléng' dsea` i taang' jmóo' ta~ fí' caluu' fñ' jō' güi'í' dsí' fa' e niquíng'- guí' fí' jee~ fñ', co' lí' güicuú' bre cajo. Jōgui jaléng' dsea` i neáang' latøøng- lí' se' Judea 'né- nicuí'- bre cajo e laco' cuóøng' nijmi'øng' yaaiñ'. 22 Co' ie~ jōb mi~ ni'íng' dsea` iihuí', jō lajōguib e niliti~ jí'~ laco' fé' fí' ni~ jì' quiá'- Fidiéé'. 23 Jō dsu' dsíng'- fñ' jaléng' dseamí' i ngí' quiéeng' yuu' osi i ngí' jéeng' yuu' cu' tú' ie~ jō! Co' dsíng'- nicá' dsea' iihuí' la'úng- fí' jmigüí', jō dsu' eáang'guib nicá' i dsea` i seeng' fí' Jerusalén la iihuí' lajee~ lajaléng' dsea' jmigüí'. 24 Jō fñm' dsea' nijúuiñ' fí' jee~ mí'~, jōgui fñm' dsea' niteiñ' jō nidsiliñ' 'nuñí' fí' fñ' lí' jíé'; jō jaléng' dsea` i jalíng- fí' lí' huí' i ja' cuíng' Fidiéé' nijaso'øøm' bre fñ' Jerusalén cartí' mi~ nidsíng- e í' e nisi'í' quiá'-.

Jial mi~ nijáa'tu Dsea' Jmáang'

(Mt. 24:29-35, 42-44; Mr. 13:24-37)

25 Jō dsíng'- nilisíng- jial jnéeng- iee` cóo'~gui si' cóo'~gui jaléng' nūu'. Jōgui dsíng'- nidsigá' dsí' dsea` jōgui niféiñ' cajo uí'~ e ga` niróo- jmiñí' jōgui ga` nitá'- mí'~. 26 Jō dsíng'- niféng' dsea` jō fñm' dsea` ni'íng- dsí' cóo'~ jalé' e fø' do mi~ ni'í' dsí' jalé' e nilí' ie~ jō, co' j'gui jalé' e sea' fí' yá' jmigüí' nijø' lafa' mi~ jø' uø-. 27 Jō jōguiba' mi~ nimáang'-na' jnea~, dsea` lín'n jaang' dsea' jmigüí' i jáa' fí' ñifí-, e nigáa' niquí'na' n jee~ cabøø- jní' cóo'~ e níng- jì' e 'gøng' quiá'- Fidiéé'. 28 Jō mi~ nináng' e nidsijéé' jalé' e nicafá'-a na, jōba' cuóø'~ bí' yaang'-na' jóng, jōgui jøø'-na' yejí' fí' yá' jmigüí', co' nijaquíém'ba' e nileáang'-na' congua' jee~ jalé' dsee- quí'na'.

29 Jō lí' jō casí'- Jesús jaléng' i dsea` do cóo'~gui júu' jō cajíñ'- casí'- reiñ':

—Quié'na' cuente jial lí' jalé' 'ma' güiñí' osi lí' doñí' ee' 'ma' é. 30 Jō mi~ móo- 'nú' e ninaang' iée' jalé' má' e sí' quiá'-, 'nú' niñí'na' e jí' jmí' b' nijaquíéeng' jóng. 31 Jō mi~ canaang' liti~ jalé' e nicafá'-a na, jōba' güiliñí'na' guíá- e nijaquíém'ba' e nicá' Fidiéé' nifí' quiá'- lajaang' lajaang' dsea' jmigüí'.

32 Jō e já'- e fñ' i 'nú' e jalé' e na 'né- nilitib~ nū'gui e nijúung- jaléng' dsea` i seeng' jmí' na. 33 Jō ni'ím- la'úng- jmigüí' la cóo'~gui la'úng- yá' jmigüí', jō dsu' jalé' júu' quié'-e ja' tóo' jmí' fa' e ja' niliti~ lajalé' e jō.

34-35 Jō co' lajōb nilí', jōba' fñ' i 'nú' e dsíng'- 'né- ñíng- óo'na' jō ja' cuó' fí' yaang'-na' jí'~ capí' e nirøng'na' dsee- cóo'~ jalé' e 'lí' e sea' fí' jmigüí'. Jō ja' jmoo'na' ta' í' méé' o'gui ngí'na' e eáang'gui guíng- óo'na' jial niliseeng'na' fí' jmigüí' la, jō lajōba' ja' nidsingñng'-na' la dsingñng- jaang' nóo' i guíéé' lí' róo' cóo' leá'. Co' jalé' e jō nilí' mi~ niguiéé' e jmí' jō jee~ jaléng' dsea` i seeng' fí' la'úng- fí' jmigüí'. 36 Jōba' liúun'na' 'nú' e

dseáng' la guím'ba' 'né e neáang'na' e neé' guiá' quí'na' contøøng', jo contøøng' 'né mii'na' jmi'ee' Fidiée' uii' quí'na' e laco' ja' güitüing'na' jalé' e nilí' ie' jo jogui e laco' cuøøng' nigüiquiéeng'na' fí' quinií', jnea' dsea' lín'n jaang' dsea' jmi'güí' i' jaa' fí' ñiff'.

Jo jalé' e júu' na ca'e' Jesús ca'e'r' jaléng' i' dsea' do ie' jmi' jo.

³⁷ Jo mi' cangí' jo, laco' jmi' dsi'ée' Jesús jaléng' dsea' jalé' júu' quí'na' Fidiée' fí' guá' fé' e si' fí' Jerusalén. Jo laco' 'lloo' dséer' dsijer' fí' coo' yá' cuo' e sii' Olivos e fí' 'ni' fii' Jerusalén do. ³⁸ Jo lajalém' dsea' dsiliñ' e fí' guá' do laca'ee' e dsinúur' jalé' júu' e guía' Jesús.

22

Mi' casüng' jaléng' dsea' jial e nisáñ' Jesús

(Mt. 26:1-5, 14-16; Mr. 14:1-2, 10-11; Jn. 11 :45-53)

¹ Jo ie' jo nijaquíéeng' coo' jmi' e sii' Pascua quí'na' jaléng' dsea' Israel, jo ie' jmi' jo gø'r' iñí' e ja' quíe' quiéeng'. ² Jo lajee' jo canaang' jaléng' fii' jmidsea' coo' gui jaléng' tifa' quí'na' júu' quí'na' ta' quí'na' dsea' Israel e siiiñ' jial niguié'r' e nijngáñ' Jesús, jo dsu' ja' teá' dsír' e nijmér' jalé' e 'li' e í' dsír' do, co' dsíng' 'góiñ' jaléng' dsea' i' seáng' fí' Jerusalén lajee' e jmi' jo.

³ Jo lajee' jo calí' fii' i' 'ling' i' sii' Satanás fí' dsí' Judas Iscariote, jaang' lajee' dsea' guitúung' quí'na' Jesús. ⁴ Jo dsifí' lajob cangór' cangosiiñ' coo' jaléng' fii' jmidsea' coo' gui jaléng' dseata' quí'na' guá' quí'na' dsea' Israel quí'na' jial nilí'r' nisáñ' Jesús e laco' nijáñ' dsea' do fí' quini' i' dsea' í'. ⁵ Jo dsíng' cali'iaang' dsí' jaléng' i' dsea' do mi' canúur' e júu' jo, jogui cacuør' júu' quí'r' e nicuør' Judas Iscariote cuu' e 'léeiñ' do e quí'na' e nijáñ' Jesús. ⁶ Jo calí' dsír' quí'na' rúñ' e nijmér' lajo, jo mi'fíng' canaang' Judas e 'nó'r' jial e nijáñ' Jesús fí' jaguó' jaléng' i' dsea' do.

Mi' cagø' Jesús í' canúur' coo' dsea' guitúung' quí'r'

(Mt. 26:17-29; Mr. 14:12-25; Jn. 13 :21-30; 1 Co. 11 :23-26)

⁷ Jo mi' cangí' jo, 'ña' ie' jmi' e gø' jaléng' dsea' Israel iñí' e ja' quiéeng' quíe', jogui ie' jo cajo 'né e nijngáñ' jaang' jo'se' jiuung' laco' sinúu' quí'r' e nijmér' e jmi' Pascua do, ⁸ jo 'ña' ie' jmi' jo caquiá' Jesús ta' quí'na' Tú' Simón coo' gui Juan jo cajiñ' casí' reiñ':

—Güilíng'na' jo güiguia'na' guiá' lí' nijmó'naa' jmi' Pascua, jo fí' job niquíee'naa' colíng' canúur' na.

⁹ Joba' cajmingí' i' dsea' gáng' do Jesús jo casí'r' dsea' do:

—¿Jie' fí' lí' iing' 'nú' e nidsiguiá'naa' guiá' jalé' e jo?

¹⁰ Joba' cañí' Jesús quí'na' i' dsea' do jo casí' reiñ':

—Mi' nigüitáang'na' jee' fii' Jerusalén, job nimáang'na' jaang' dseañu' i' ngang' quíe' coo' dsu' e a' jmi', jo nigüilím'ba' laco' ngaiñ', jo e 'nú' lí' ni'ír' do, job nigüitáang'na' cajo. ¹¹ Jo nifí'na' i' dsea' fii' e 'nú' do: “Lalab jíng' tifa' quí'na' i' : ¿Jie' sinúu' lí' nijmee' e jmi' Pascua coo' jaléng' dsea' guitúung' quíe' e?” ¹² Jo ni'é'r' 'nú' coo' 'nú' yá' lí' nisiliing' guiá', jo fí' job niguiá'na' guiá' quí'na' e niquíee'naa' do.

¹³ Jo cangolíng' i' dsea' gáng' do mi' cangoyúung' e cajíng' Jesús lajo, jo cadsém'bre i' dsea' do, jo calitib' laco' cajíng' Jesús jéeng'gui do. Jo fí' job caguiar' guiá' e nidø'r' ie' canúur' jo.

¹⁴ Jo mi' nijaquíéeng' oor' e nidø'r', jo cangolíng' Jesús coo' i' dsea' guitúung' do fí' lí' niné' guiá' e nidø'r'. Jo mi' caguiliñ' jo caguá'bre mes' lajaléñ' do, ¹⁵ jo canaang' Jesús sí' reiñ' do lala:

—i' Dsíng' cali'iin' e nijmee' e jmi' Pascua la coo' 'nú' ná' gui e nijúun' n! ¹⁶ Co' jo nijmee' e jmi' jo coo' 'nú' cartí' mi' nití' í' e nijí'tu' rú'naa' fí' ñiff' quíe' e.

¹⁷ Jo lí' jo catíñ' coo' coo' e a' jmi' mí' huíng' jø' jo cacuør' gui'máang' Fidiée', jo lí' jo casí'r' jaléng' i' dsea' quí'r' do jo cajiñ':

—Jó' o e cóo^ la, jo jmee-na' jmá'-jiu e a~ dsí' lajee~ lajaléng'na' na. ¹⁸ Dsaco' jo nidúu~u e jmi^ mí^ huíng' jó^ la cartí' nijí'tu rú'naa' fí' ñíff' quié-e.

¹⁹ Jo mi~ cangf jo, jo casá'r- coo' iñí'^ jo cacuø'r' gui'máang' Fidié'. Jo mi~ cangoyúung' jo, jo cajméer' jmá'-jiu e iñí'^ do lajee~ lajaléng' i dsea` guitúung` do. Jo lí' jo casí'-reiñ' jo cajíñ'~:

—Quié'na' e iñí'^ la, co' e la lí' e nguú' táan'n la, dsea` nijúun-n uii~ quiá'- jaléng' dsea` jmigüf. Jo jalé' e la 'né- nijmee-na' e laco' niguiéng' óo'na' jnea~.

²⁰ Jo mi~ cangoyúung' e cagø'r' e iñí'^ do, jo catíng-tur e cóo^ e lí' a~ jmi^ mí^ huíng' jó^ do jo cajíñ'~:

—E a~ dsí' e cóo^ la lí' coo' júu^ 'mí- e jmirø' Fidié' coo'~ dsea` jmigüf. Jo e júu^ jo niliti~ mi~ nitú' jmi'øø'n- uí'~ dsee- quiá'- jaléng' dsea` jmigüf. ²¹ Jo dsu' lana, lab guiing~ i dsea` i ni'níng- jnea~ fí' quini~ jaléng' dsea` i 'ní' ní- quié-e. ²² Dsaco' lana jnea~, dsea` lín'n jaang` dsea` jmigüf i jáa' fí' ñíff', 'né- nidsingün-n lí' laco' la fé' fí' ni~ jì' quiá'- Fidié'. Jo dsu' e ngí' fh- i dsea` i ni'níng- jnea~ fí' quini~ jaléng' i dsea` í'!

²³ Jo mi~ canúu- i dsea` guitúung` do e cajíng'- Jesús lado, jo canaaíñ' jmingí' rúíñ':

—¿I' jaang` jneaa'aa', faa~aa', dsea` née'ee' la i ni'níng~naa' Fí'naa' Jesús?

I' i niing-gui

²⁴ Jo mi~ cangoyúung' e cagø'r', jo canaang` i dsea` guitúung` do jmiquíu'~ dsíir' quiá'- uí'~ e sáíñ' quiá'- i~ i niing-gui lajee~ la'ó' ír`.

²⁵ Joba' cañí' Jesús quiáíñ'~ do jo casí'-reiñ':

—Jaléng' dseata~ i quiu' ta~ quiá'- jaléng' dsea` i ja` cuíng' Fidié' jmóor` laguidseaang^ e jmiti~ dsea` jalé' ta~ e quiu'r'. Jo jalém' i dsea` do 'né- fé'r' e eám' guiú- jogui e eám' jlo^ laco' ta~ quiu' dseata~ quiá'r-. ²⁶ Jo dsu' 'nú', dsea` líng'na' dsea` quié-e, ja` cuøøng` fa' e líng'na' lajo. Co' i' 'nú' i iing~ i nilíniing-gui, 'né- nijmee-na' laco' jmóo' jaang` dsea` i ja` niing-; jogui i' 'nú' iing~ i niquíú'- ta~, 'né- nijmee-na' lajii' ta~ e iing~ dsea` rúm'ba'. ²⁷ Co' e já'- e í' dsí' dsea` e eáang'gui niing- i dsea` i guiing~ gø' laco'gui i dsea` i caguié' e jmiñi' do. Dsu' jnea~ sín'n lajee~ 'nú' lí' laco' jaang` dsea` i jmóo' lajii' e iing~ dsea` rúng'.

²⁸ Jo co' nicangí'ba' cóo'~ jnea~ contøøng- lajee~ nicangongün-n jalé' iihuú' fí' jmigüf la, ²⁹ jo uí'~ e lajob' nicajmee-na', joba' nicuøø' 'nú' e niquíú'^na' ta~ colíng~ cóo'~ jnea~ fí' ñíff' lí' laco'gui la nicangíng' jnea~ quiá'- Tiquié' e Fidié' dsea` guiing~ ñíff' e niquíú'^u ta~ cajo. ³⁰ Jo colíim~ ni'né'~ niquiee~naa' cóo'~ jnea~ fí' jo, jogui røøb' niquidsi'naa' í' cajo quiá'- lajì' guitu' 'lé' dsea` Israel.

Mi~ cajméé' Jesús júu^ e nijíng'- Tú^ Simón e ja` cuíñ' dsea` do (Mt. 26:31-35; Mr. 14:27-31; Jn. 13 :36-38)

³¹ Jo mi~ calí- jo, cajíng'- gui Jesús casí'r- Tú^ Simón:

—Simón, Simón, lana nicamíng` Satanás 'nú' e niguiá' jì'r' 'nú' lafa' mi~ jì' dsea` qui' cui'íee'. ³² Jo dsu' jnea~ nicamí'~ i Tiquié' e dsea` guiing~ ñíff' uii~ quií'- e laco' ja` güilín'^ e nilitúng- a' júu^ quié-e. Jo 'nu', mi~ nifo'tu' calé' catú- e lin' dsea` quié-e, joba' jmicóo'~ jóng jaléng' dsea` rún' e laco' teá'gui nisíñ'- cóo'~ júu^ quié-e.

³³ Joba' cañí' Tú^ Simón jo casí'r- Jesús jo cajíñ'~:

—Fí'i, teáb` dsí' jnea~ e ninii' i cóo'~ 'nu' fí' 'nuñí' fíng song casáng' dsea` 'nu', jogui colíim~ nijúu-naa' fíng cali'né- lajo.

³⁴ Joba' cañí' Jesús quiá'- Tú^ Simón jo casí'-reiñ':

—Tú^ Simón, e laba' fh- i 'nu', e dsa'ó' góo' na, nú'-gui e niquí'- tuidsée, 'nu' nifo' 'ní' née' e ja` cuín' jnea~.

Mi~ nijaquíéng' oor~ e nidsingüng- Jesús jalé' iihuú'

³⁵ Jo lí' jo, cajmíngí'- Jesús jaléng' i dsea` quiá'r- do jo cajíñ'- casí'-reiñ':

—Mi~ casín~n 'nú' e ja` quié`na' nosúú` quií~na' o'gui cuu~, jogui jíi~ lomí~na' e ó'ba', joba' jíi~ coo` ja` ee` cali`né`gui', ¿já` leáa'?

Joba' cañíi` i` dsea` do jo casí'r~ Jesús:

—Dseáng'~ lajob líí', Fíi'ii'.

³⁶ Joba' cajíng'~ tu Jesús casí'r~ jaléng' i` dsea` do:

—Jo dsu' lana fíi~i 'nú', jaléng' 'nú' i` sea` nosúú` quiá'~ cóo'~gui lí~ téé'~ cuu~ quií~na', joba' quié`na' jalé' e jo; jogui jíi` 'nú' i` ja` sea` ñisú' quiá'~, joba' 'nii~na' coo` 'mi'guiéé~ quií~na' jo leáa'na' coo` e ñí` jo. ³⁷ Dsúco' lana tí` nilíti~ jalé' e fé' fí' ní` jí` quiá'~ Fidiéé' lí' fé' lala uii~ quié~e: “Jo jee~ jaléng' dsea` i` soo` dsíi' cali'íiñ~”. Dsúco' lajalé' e fé' fí' ní` jí` quiá'~ Fidiéé' uii~ quié~e, dseáng'~ 'né~ nilítib~ e jo.

³⁸ Joba' cañíi` i` dsea` do quiá'~ Jesús jo cajíiñ'~:

—Fíi'i, lab sea` tú~ ñisú'.

Joba' cañíi` tu Jesús jo cajíiñ'~:

—Nitéb' jíi~ lana.

Mi~ casíng'~ Jesús cóo'~ Fidiéé' fí' mó'~ Olivos

(Mt. 26:36-46; Mr. 14:32-42)

³⁹ Jo mi~ cangí e cajíng'~ Jesús e júu` jo, dsifí' ladob cagüi'íir' jo cangó~ tur fí' mó'~ Olivos lí' laco'gui jíi~ e quií'~ tiiñ' e jmóor'. Jo cangolíim~ jaléng' i` dsea` quiá'r~ do cajo tí'leáaiñ' laco' cangó~ dsea` do. ⁴⁰ Jo mi~ caguilíiñ~ e fí' mó' jo, job cajíng'~ Jesús casí'r~ i` dsea` quiá'r~ do:

—Féeng'~na' Fidiéé', jo lajoba' ja` dseáng'~ e nijíung'~na' fí' ní~ dsee~.

⁴¹ Jo lí~ jo, dob catiúung~ tear i` dsea` quiá'r~ do, jo 'ñia'bre cangóor~ tí' doguijiia lí' laco' í' e tí' coo` cuu~ e bí dsea` cóo'~ guóor'. Jo casí'r~ uó~ jnir~ jo canaaiñ' féiñ' Fidiéé' jo cajíiñ'~:

⁴² —Teaa~, song iin'~ joba' cuóom' lí' laan'~ jnea~ jee~ jalé' iihuú' e tí' lí~ nidsingíin~n; jo dsu' ja` güilí laco' iing~ jnea~, co' güilitib~ jial dseáng'~ jíi~ iing~ 'na' e nilíti~.

⁴³ Jo mi~ cajíng'~ Jesús lajo, jo dsifí' lajob cajnéng~ jaang` ángel i` casíng` Fidiéé', jo cacuø'r' dsea` do bí e quiá'~ e nité'r' cóo'~ jalé' iihuú' e tí' lí~ nidsingíiñ~. ⁴⁴ Jo lajee' jo eáng'gui canaang` Jesús jmiféiñ' Tiquiá'r^, jo canaang` sojiúiñ' jmiguiee' e lí' la lí' jmi'øøiñ~ cartí' ní~ uó^.

⁴⁵ Jo mi~ calí~ e féiñ' Tiquiá'r^, jo cangám'~ tur fí' lí~ caseáaiñ' i` dsea` quiá'r~ do, jo cadséng'~neiñ' do e güim'biñ' do lajaléiñ', co' dsíng'~ nicalijiuung~ dsíir'. ⁴⁶ Joba' cató'~ Jesús i` dsea` do jo casí'~ reiñ' lala jo cajíiñ'~:

—¿Jialí' güiing` 'nú'? Jmíná~ ráang~na' jo féeng'~na' Fidiéé' dsea` guing~ ñiff~ uii~ quií'na' yaang~na', jo lajoba' ja` dseáng'~ e nijíung'~na' fí' ní~ dsee~.

Mi~ casang'~ dsea` Jesús

(Mt. 26:47-56; Mr. 14:43-50; Jn. 18 :2-11)

⁴⁷ Jo laco' gui'nang' e fé'bi Jesús e júu` na, mi~ canaang` guilíng~ fíng' dsea`. Jo jaang` lajee~ lajaléng' i` dsea` guitúung` do i` sii` Judas Iscariote, í'bing' i` quié' nifí' quiá'~ i` dsea` do. Jo cangoquiéeiñ' fí' lí~ sing' Jesús jo cachu'r' ní~ dsea` do. ⁴⁸ Jo dsu' lalab cañíi' Jesús quiáiñ'~ do:

—Judas, ¿su cóo'~ e chu'~ ní~baa e nijáan'~ jnea~ fí' jaguó` jaléng' i` 'ní' níng~ jnea~, dsea` i` jáa' fí' ñiff' i` líng' jaang` dsea` jmigüi'?

⁴⁹ Jo mi~ cangá~ dsea` guitúung` quiá'~ Jesús e calí~ lado, jo cajmingí'r' Jesús jo cajíiñ'~:

—Fíi'naa', ¿su nitíi~naa' cóo'~ ñisú'?

⁵⁰ Jo jaang` i` dsea` guitúung` do caguir' ñí' quiá'r~, jo caqui'~r' logua~ dsée' quiá'~ jaang` dsea` i` jmóo' ta` quiá'~ i` jmidsea` i` laniing~ do. ⁵¹ Jo dsifí' lajob cajíng'~ Jesús casí'r~ i` dsea` quiá'r~ do:

—Jo e cang'na'r jíi~ coo`; nilíb' jíi~ lana.

Jø dsifí lajòb cagüi' Jesús e lí' 'ná' quiá' i dsea` sícuíng' do, jø ladsifí lanab ca'lóo` loguaiñ' do. ⁵² Jø lí' jø, casí' Jesús jaléng' fii' jmidsea` cóo' jaléng' i nées' ni' guá' cóo' gui jaléng' dsea` cóong' quiá' guá' quiá' dsea` góor' dsea` Israel, có' lajalém' i dsea` í' caguiliñ' e nitóør' Jesús, jø cajíñ' casí'r' i dsea` do:

—Lana cagüiling' 'nú' e quié' na' jalé' ñisú' cóo' gui jalé' 'ma' e nijmang' na' jnea' lafa' jaang' ñ. ⁵³ Jø lacoó' jmí' lacoó' jmí' ca'éé' e 'nú' júu' quiá' Fidiéé' fí' guá' qui' naa', jø dsu' ja' cateá' óo' na' fa' e caséng' na' jnea' lajee' jø; jø dsu' lanagui cagüéá' oor' e güijé' 'nú', có' Fidiéeb' dsea` nicacuør' fí' lajò e i 'lim' níquiá'r' ta' e uøø' lana.

Mí' cajíng' Tú' Simón e ja' cuiñ' Jesús

(Mt. 26:57-58, 69-75; Mr. 14:53-54, 66-72; Jn. 18:12-18, 25-27)

⁵⁴ Jø dsifí lajòb casaiñ' Jesús, jø catóor' dsea` do fí' quiá' i jmidsea` laniing' quiá' dsea` Israel. Jø huím' ngang' Tú' Simón e t'leáaiñ' laco' ngolíng' i dsea` do e téer' Jesús. ⁵⁵ Jø mí' caguiliñ' fí' jø, jø canaang' i dsea` i casó' quiá' Jesús do e jì'r' jì' fí' guiá' jóo' sigui', jø caguár' lacúng' lajíng' e jì' do mí' cacóo'. Jø dob caguá' Tú' Simón cajo jee' jaléng' i dsea` do. ⁵⁶ Jø mí' cangá' jaang' dseam' i jmóo' ta' quiá' i jmidsea` do e dob guíng' Tú' Simón jee' jaléng' i dsea` i neáang' do, jø canaaiñ' jmicuíng' neiñ' jø casí' reiñ':

—Jaa', cangib' i dseañu' la cóo' Jesús cajo.

⁵⁷ Jø mí' canúu' Tú' Simón lado, jø dsifí lajòb cajíñ' casí'r' i dseam' do:

—Ja' cuíng' jneaiñ' do, dseam'.

⁵⁸ Jø mí' m'íng' guijíu' lajò, jíéng' gui calicuí' quiá'r' jø cajíñ':

—Dsea' quiá' Jesús líng' gui 'nu' cajo.

Jø mí' canúu' tu' Tú' Simón lado, jø dsifí ladob cañí'tur jø cajíñ':

—Ja' jee' i do quíng' jnea', dseañu'.

⁵⁹ Jø mí' cangí' cóo' oor' lajò, jíéng' gui jaang' dsea' cajíñ':

—E já' ba' líng' i dseañu' la dsea' quiá' Jesús, có' i seeng' fí' Galileab la cajo.

⁶⁰ Jø ba' cañí'tu' Tú' Simón jø casí'r' i dsea' do jø cajíñ':

—Ja' ñii' ee' e fól' na, dseañu'.

Jø ja' mí' cató' bi' e fé' i Tú' Simón do lajò mí' tí' lí' caqui' jaang' tuidsee'. ⁶¹ Jø jòb mí' cají' Jesús nir' jø cajóøiñ' Tú' Simón tí' lí' síñ', jø dsifí lajòb cadseng' dsí' i Tú' Simón do e cajíng' Jesús lamí' neáaiñ' gø'r' do: "Dsa' ó' góo' na, nú' gui e níquí' tuidsee', 'nu' nifo' 'ní' nées' e ja' cuiñ' jnea'." ⁶² Jø mí' cadseng' dsí' i Tú' Simón do e cajíng' Jesús lajò, jø dsíng' calijiuung' dsíir', jø dsifí lajòb cagüi' jø dsíng' canaaiñ' qui'r' jóng.

Mí' cangoméang' dsea' Jesús

(Mt. 26:67-68; Mr. 14:65)

⁶³ Jø mí' cangí' jø, jaléng' i dsea' i jée' quiá' Jesús canaaiñ' lóøiñ' dsea' do jøgui bóong' neiñ', ⁶⁴ jø cajnír' jmíni' dsea' do jø cabár' moniñ' jø cajmíngi' reiñ' lala jø cajíñ':

—¿Í' i cabóong' 'nu'? jmee' júu', ne' ee'!

⁶⁵ Jø jmigui' bi' jalé' e fé'r' e jmíneiñ' dsea' do lajee' jø.

Mí' cangojéiñ' Jesús fí' lí' síseang' jaléng' dsea' cóong' quiá' guá'

(Mt. 26:59-66; Mr. 14:55-64; Jn. 18:19-24)

⁶⁶ Jø mí' cajneá' e jmí' jø, jø caseáng' jaléng' dsea' cóong' quiá' dsea' Israel cóo' jaléng' fii' jmidsea` cóo' gui jaléng' tifa' quiá'r', jø catóor' Jesús fí' lí' nisiseáiñ' do, jø cajmíngi'r' dsea' do lala jø cajíñ':

⁶⁷ —Jmee' júu', ne' ee', ¿su 'nub' Dsea' Jmáang'?

Jø ba' cañí' Jesús quiá' jaléng' i dsea' do jø cajíñ':

—Song nijmee' jnea' júu' røø', ja' já' nilíng' 'nú' júu' quié' e jóng. ⁶⁸ Jøgui song ee' nijmíngi' 'nú', ja' e ñí' na' níngi' na' quié' e cajo. ⁶⁹ Jø dsu' latí' lana jnea', dsea' cagá' a fí' ñí' e lín' n' jaang' dsea' jmígüi', ní' i lí' lí' dséé' laco' guíng' Fidiéé' dsea' guíng' ñí' fí', dsea' i 'gøng' eéang' la' úng' fí' jmígüi'.

⁷⁰ Jo mi~ canúu~ jaléng' i dsea` do e cajíng'- Jesús lado, jo lajalém' bre cajmingi'r' dsea` do jo cajíñ'-:

—Jo ¿su 'nab` Jóo' Fidié~ dsea` guing~ ñifi~ liya?

Joba' cañí'tu Jesús quiá'- jaléng' i dsea` do jo cajíñ'-:

—Dseáng'- lajob lí' lí'^ laco' la nicafée'~ na' na.

⁷¹ Jo mi~ canúu~ jaléng' i dsea` do e cajíng'- Jesús lajo, jo casíñ~ lajee~ lajaléñ' do jo cajíñ'-:

—¿E~gui ta~ e 'neáng~ guí' jaléng' dsea` i tí' ni~? Co' yee~baa' nicanú^uu' náng jial laco' lí' júu^ quiá'r~.

23

Mi~ caguiéng'- Jesús fi' quini~ dseata~ dsea` féng' i sii` Pilato (Mt. 27:1-2, 11-14; Mr. 15:1-5; Jn. 18 :28-38)

¹ Jo mi~ cangí jo, lajalém' i dsea` do cangojéiñ` Jesús fi' quini~ jaang` dseata~ dsea` féng' i sii` Pilato. ² Jo mi~ caguiñ' do fi' do, jo canaañ` jmóor` dsee~ quiá'- dsea` do jo cajíñ'-:

—I dseañu` la ngir' lacaang` jee~ 'núu' ta~ jmiguíng~ jaléng' dsea` i seeng` fi' lí~ quiá' 'nu` ta~. Jogui ngir' fé'r' e ja` 'né~ niquí'naa' cuu~ quiá'- i dseata~ dsea` féng' i guing~ fi' Roma, jogui fé'bir cajo e íbre líiñ` Dsea` Jmáang~ i nisíng~ Fidié~ i nicá' nifi' quiá'- jaléng' dsea` góo`naa' dsea` Israel.

³ Jo mi~ canúu~ i dseata~ Pilato do lado, jo cajmingi'r' Jesús jo cajíñ'-:

—¿Su 'nab` dsea` i quie' nifi' quiá'- dsea` Israel?

Joba' cañí' Jesús jo cajíñ'-:

—Dseáng'- lajob lí' lí'^ laco' la nicafée'~ 'nu` na.

⁴ Jo mi~ canúu~ Pilato e cajíng'- Jesús lajo, jo casí'r~ jaléng' i fii~ jmidsea` do cóo' gui jaléng' i dsea` i teáng' do jo cajíñ'-:

—Ja` niguié' jnea~ jíi' coo' dsee~ e sea` quiá'- i dseañu` la.

⁵ Jo mi~ canúu~ jaléng' i dsea` do lado, jo eáang' gui canaañ` jmóor` dsee~ quiá'- Jesús jo cajíñ'-:

—I dseañu` na eáang' ngir' ta~ jmiguíng~ dsea` cóo' jalé' e er'. Jo canaañ` jmóor` lajo catí lí' se' Galilea cartí cagüéiñ` fi' la, fi' lí' se' Judea, e jmóor` lajo.

Mi~ cangojéiñ` Jesús fi' quini~ jaang` dseata~ i sii` Herodes

⁶ Jo mi~ canúu~ Pilato e café' dsea` lajo, jo cajmingi'r' su fi' lí' se' Galileab seeng` Jesús.

⁷ Jo mi~ cajíng'- dsea` e fi' job seeiñ`, joba' casíñ` dsea` do cóo' jaang` dseata~ i sii` Herodes i líng' dseata~ dsea` féng' quiá'- Galilea, co' ie~ jo dob nitáang` i dseata~ do fi' Jerusalén.

⁸ Jo mi~ cangá~ Herodes e cangaiñ` Jesús, dsíng'- cali'iaang` dsíir', co' líib~ nicajá~ e iñ` e niníñ` dsea` do, co' fíim` dsea` dsicóor` júu^ quiá'- jalé' e guiú~ e nicajmée` dsea` do, jogui güijer` fa' ee` nijmé~ dsea` do e lí~.

⁹ Jo jmiguíab' jalé' e cajmingi'r' dsea` do, dsu' jíi' camí'^ júu^ ja' ee` cañí' Jesús quiáñ'- do. ¹⁰ Jo lajee~ jo, dob teáang` jaléng' fii~ jmidsea` quiá'- dsea` Israel cóo' jaléng' tifa' quiá'r~, jo dseáng'- eámá' teaañ' do jmóor` dsee~ quiá'- Jesús.

¹¹ Jo mi~ cangá~ Herodes e ja' ee` ngí' Jesús, joba' cajmicóo' rúñ' cóo' jaléng' 'lée~ quiá'r~ e canaañ` lóoiñ` dsea` do, jo caquiñ' dsea` do caneáang` sí'^ dseata~ dsea` féng'.

Jo lí' jo, i dseata~ do caguiéng'tur Jesús fi' lí' guing~ dseata~ Pilato calé' catú'. ¹² Jo ie~ jmí~ jo røøb` casíng~ tu dseata~ Herodes cóo' dseata~ Pilato, co' lami~ jéeng' gui' níb' nicangáng~ rúñ'.

Mi~ cahuí' ta~ e nijúung~ Jesús

(Mt. 27:15-26; Mr. 15:6-15; Jn. 18 :39-19 :16)

¹³ Jo mi~ caguiéng'- tu Jesús fi' lí' guing~ dseata~ Pilato, jo caquiñ' do ta~ e caseáng' jaléng' fii~ jmidsea` cóo' gui jaléng' dseata~ jogui cóo' jaléng' dsea` fíi'. ¹⁴ Jo mi~ caseáng' jaléng' i dsea` í, jo lalab cajíñ'- casí' reiñ':

—'Ná' cañijéeng`na' i dseañu' la fí la e jmoo`na' dsee` quiá'r` e ngir` jmiguíiñ` jaléng` dseá fíi; jo jnea` nicajmingíi` jalé` e júu` jo fí quini` ná` lajaléng`na' na, jo dsu' júi` coo` dsee` ja` mí cadsé`e e røøiñ` lí` laco' júi` e` n`íng`na're. ¹⁵ Jogui nicasím` b`ír fí lí` guing` dseata` Herodes, dsu' o'gui i dseata` í` líng` ee` dsee` cadsé'r` quiá`- dseá` la, joba' fí` lab nicaguiéng`tureiñ'. Jo niñi`ba' e júi` coo` ja` ee` mí` cajméer` fa' cuøøng` e nijngáang`naa'r, ¹⁶ jo dsu' nicuøø`baar iihuí, jo lí` jo nilaam`tur calé` catú`.

¹⁷ Jo lajee` e jmí` jo t`íng` dseata` Pilato e jmi`iáaiñ` dsíi` jaléng` dseá` fíi jo láaiñ` camíng` dseá` i iuung` fí` dsíi` 'n`uñi`. ¹⁸ Jo dsu' jaléng` i dseá` fíi` do canaaiñ` óor` teá` jo fé'r` e éeiñ` Jesús:

—ja` laan` i dseañu` ná! ¡Leaang` Barrabás!

¹⁹ Jo i Barrabás do nica`ír` 'n`uñi` dsu' uíi` e 'ní` níiñ` jaléng` dseata` jogui e nicajngaiñ` dseá` cajo. ²⁰ Jo dsu' dseata` Pilato eáang`gui iñ` e nileáiñ` Jesús laco'gui i Barrabás do, joba' casí`tur dseá` fíi` calé` catú`. ²¹ Jo dsu' jéeng`gui i dseá` fíi` do canaaiñ` fé'r` cóo` júu` teágui jo cajíiñ` e éeiñ` Jesús:

—fí` dse` crúu` teáaiñ` na! ¡fí` dse` crúu` teáaiñ` na!

²² Jo lí` jo, catí` 'ní` née` cajíng`-tu dseata` Pilato casí`r` jaléng` dseá` fíi`:

—Jo ¿e`gui dseáng` e ga` nicajméer`? Ja`gui ee` dsee` niguié` jnea` e røøiñ` fa' e cuøøng` e nijúuiñ`. Dsu' lifa' nicuøø`baar iihuí, jo lí` jo, nilaam`tur calé` catú`.

²³ Jo dsu' jaléng` dseá` fíi` cóo`gui jaléng` fíi` jmidseá` eáang`gui canaaiñ` ta'r` m`í` e mí`tur e nitáng` Jesús fí` dse` crúu`, jo lajob`cajméer` cartí` calí`r` lajúi` e mir` do. ²⁴ Jo lajob`cajméer` dseata` Pilato lí` laco' júi` e mí` i dseá` i teáang` do, ²⁵ jo caleám`bre i Barrabás do, dseá` i 'ní` níng` jaléng` dseata` jogui nicajngaiñ` dseá`, co' uiing` quiá`- e joba' e iuuiñ` 'n`uñi`, jo cajám`bre Jesús fí` jaguó` jaléng` dseá` i 'ní` níng` dseá` do; jo cajméer` lajo cóo` jaléng` dseá` fíi`, co' lajob`calí`iñ` do.

Mí` catáng` Jesús fí` dse` crúu`

(Mt. 27:32-44; Mr. 15:21-32; Jn. 19:17-27)

²⁶ Jo mí` cangí` jo, jo cangojéem`bre Jesús fí` lí` nitáiñ` fí` dse` crúu`. Jo lajee` teáaiñ` do fí` e ngoliñ`, cajíiñ` jaang` dseañu` i laco' nijang` jee` ta` quiá`- i sii` Simón i seeng` fí` coo` fíi` e sii` Cirene, jo caquiur` ta` e cajéeng` i dseañu` do crúu` quiá`- Jesús laguidseang`; jo cangór` caluu` laco' ngóo` dseá` do.

²⁷ Jo fíim` dseá` i ngolíng` laco' ngóo` Jesús, jogui dsíng` fíng` dseamí` i ngolíng` qui` jo tí`óor` e lijiuung` dsíir` uii` quiá`- Jesús. ²⁸ Dsu' Jesús cají` nir` cajøøiñ` jaléng` i dseamí` do jo cajíiñ` casí`-reiñ`:

—Dseamí` i seeng` fí` Jerusalén, ja` qui`na' uii` jnea~, dsu' quií`na' uii` quií`na' yaang`na' jogui uii` quiá`- jóo`na'. ²⁹ Co' niguiéeb` jmí` mí` nífé` jaléng` dseá`: “Juguiá` jiu quiá`- jaléng` dseamí` i ja` cuøøng` nidsiquieeng` yuu, jo ja` i` caliséng` quiá`r` i cacuø`r` tá’.” ³⁰ Jo ie` job` mí` nináng` jaléng` dseá` e nimí`r` jalé` mó` jo nijíiñ`’: “Líng` güijíá` s`í` lí` née`naa’”; jogui nisí`r` jalé` mó`’: “Meeng` jnea` lajminá’.” ³¹ Co' song` lanab cuø`na' jnea` iihuí, dseá` ja` dsee` røøn`, joba` jial` tí`gui nidsingíng` 'ná', dseá` røøng`na' dsee`.

³² Jo jaléng` i dseá` i ngolíng` do jéeiñ` gáng` íi` i nidsingáaiñ` colíng` cóo` Jesús. ³³ Jo mí` caguilíiñ` coo` cuo` lí` sii` Cuo` Mogui` 'Líi, jo fí` job` cateáaiñ` Jesús fí` dse` crúu` cóo` laj` gáng` i íi` do, jmá`- jáng` crúu` lajaaíñ` do: jo jmá`- jáng` i íi` do catáiñ` lacataang` cáang` Jesús, jaang` lí` lí` dsée` jogui jaang` lí` lí` tuung`. ³⁴ Jo lajee` gui`ná` e táang` Jesús fí` dse` crúu` cajíiñ`:

—Tea~, íng` dsee` uii` quiá`- jaléng` i dseá` na, co' e ja` lí`biñ` na jalé` e jmóor`.

Jo mí` calí` e cateáaiñ` dseá` do fí` dse` crúu`, jaléng` i 'léé` do canaaiñ` cóor` quiá`- i nilí` lajee` lajaléiñ` do i nicóo` sí` Jesús fí` quiá`r`. ³⁵ Jo lajalém` dseá` teáaiñ` e jóør` jalé` e calí`, jo jaléng` i dseata` do canaaiñ` lóøiñ` Jesús jo sí`r` dseá` do lala jo fé'r`:

—Caleáam`bre jaléng` dsea` jiéng`, joba' güileáang` ñia`r` náng, song dseáng`- já`- e ì`bre líiñ` Dsea` Jmáang`-, dsea` ì` casíng` Fidiéé` fí` jmigüi` la.

³⁶ Jo jaléng` ì` 'léé`- do lóòm`-bre dsea` do cajo, jo dsiquiééiñ` quiá`- li` táang` dsea` do fí` dse` crúu`^, jo cuø`r` dsea` do jmi`^ mi`^ huíng` jó`^ e tí`. ³⁷ Jogui s`r` dsea` do lala jo fé`r`:

—Leaang`- uø`^ náng song dseáng`- já`- e 'nu` lin` ì` dsea` ì` quie` nifi` quiá`- dsea` Israel.

³⁸ Jogui tóo` cōo` 'majmá` yá`^ gui` crúu`^ li` táaiñ` li` silí` cōo`^ jalé` jmi` griego cōo`^ gui` jmi` latín jogui cōo`^ jmi` hebreo, jo lalab guøng`: “Ì` lab ì` dsea` ì` quie` nifi` quiá`- dsea` Israel.”

³⁹ Jo jaang` ì` ñi` ì` taang` fí` dse` crúu`^ do gab` fé`r` uii` quiá`- Jesús cajo, jo s`r` dsea` do lala:

—Song dseáng`- já`- e 'nu` lin` Dsea` Jmáang`-, joba' leaang`- uø`^ jóng` jogui leaang`- jnea`^.

⁴⁰ Jo dsu` ì` ñi` ì` jaang` gui` do ca`gaam`bre quiá`- ì` ñi` rúíñ` do jo cajíñ`- casí`- reiñ`:

—¿Su ja` jáa` qui`- fa` e 'gøng` Fidiéé` dsea` guíng` ñifi`-, 'nu` dsea` tán` fí` dse` crúu`^ la cajo? ⁴¹ E líng`- uim`ba` e taang`- jnea`^ la, cō` laguib qui`naa` quiá`- jalé` e nica`lee`naa`, dsu` ì` dseañu`^ la jíi`^ cōo`^ ja` ee` mí` ca`léer`.

⁴² Joba' cajíñ`- casí`r`- Jesús:

—Jesús, güiguiéng`^ o`^ jnea` mi` ninaan`- niquiá`^ ta` la`úng`- fí` jmigüi`.

⁴³ Joba' cañi` Jesús quiá`- ì` dseañu`^ ì` jo cajíñ`- casí`- reiñ`:

—E já`- e fíi`- ì` 'nu`, dseañu`, e náb` nidsi`ié`ee` cōo`^ jnea` fí` ñifi`- li` guíng`- Tiquié`e.

Mi` cajúng`- Jesús

(Mt. 27:45-56; Mr. 15:33-41; Jn. 19 :28-30)

⁴⁴ Jo lajee` táang` Jesús fí` dse` crúu`^ mi` catí` guieñi`- joo`, job` mi` calí`- nuu`^ fí` guoo`^ uø`^ jo, jo cateá`- cartí` la ñi`- 'ni` e ca`lloo`. ⁴⁵ Jo cajlíng`- iee`, jo lajee` jo casíng`- tú`- dseá`- joo` e 'mi` e í` guiá`^ joo` guá`- e si` fí` Jerusalén. ⁴⁶ Job` mi` ca`oo` Jesús jo cajíñ`-:

—Teaa`, fí` jaguoo`ba` nisée`- e jmiguí` quie`- e náng.

Jo dsifí` mi` cajíñ`- lajo, jo cajúm`- bre.

⁴⁷ Jo mi` cangá`- fii`- 'léé`- quiá`- dsea` romano e calí`- lado, joguiba` cajmiféiñ` Fidiéé` jo cajíñ`-:

—Dseáng`- já`- ba` e ja` dsee`- nirøøng` ì` dseañu`^ na.

⁴⁸ Jo jaléng` ì` dsea` ì` teáang`- do cangá`-bre jalé` e calí`- do, jo mi` caquiñ`- e ngoliñ`, joba' canaaiñ` bár` fí` nidsiir`, cō` fí` íb`^ eáang` calíñ`. ⁴⁹ Dsu` jaléng` dsea` ì` cangi` cōo`^ Jesús cōo`^ gui` jaléng` dseamf` ì` cajalíng`- cōo`^ dsea` do catí` li` se` Galilea, huíib`- cajer` jøør` jalé` e calí`- do ie` jo.

Mi` ca`áng`- Jesús

(Mt. 27:57-61; Mr. 15:42-47; Jn. 19 :38-42)

⁵⁰ Jo ie` jo seeng` jaang` dseañu` ì` guíung`- eáang` ì` sii` Sé` ì` caliséng` fí` cōo` fii` li` sii` Arimatea fí` li` se` Judea. Jo líiñ` do jaang` dsea` féng` ì` quiu` ta` quiá`- dsea` Israel. ⁵¹ Jo ì` dseañu` do güije`-bre e nicá` Fidiéé` nifi` quiá`- lajaang` lajaang` dsea` jmigüi`, jogui ja` calijii`r` cajo dsu` e cahuí` ta` e nijúung`- Jesús lí`^ laco`gui casíng`- ì` dseata` caguiaang`- rúíñ` do. ⁵² Joba' mi` cajúng`- Jesús, cangó` ì` Sé` do fí` quini` dseata` Pilato, jo camir` fí` e ni`áaiñ`- Jesús, jo cacuø`bi ì` dseata` ì` fí` e nijmé`- Sé` lajo. ⁵³ Jo dsifí` lajob` cangór` fí` li` táang` Jesús fí` dse` crúu`^, jo cajgiáaiñ`- dsea` do, jo caquiñ` cōo` 'mi` té` e niguo`^, jo cangojéiñ` dsea` do e ca`áiñ`- fí` dsí` cōo` too` jáa`, cō` lajob` qui`- tñng` jaléng` dsea` Israel e áaiñ`- 'lii` quiá`r`. Jo e fí` jo jíi`^ jaang` 'lii` ja` mí` ca`áang`- lamí` jéeng`gui. ⁵⁴ Jo ie` jmi` jo nilí` e guati`lío`- jmi` e jmi`íng`^ jaléng` dsea` Israel.

⁵⁵ Jo jaléng` ì` dseamf` ì` cajalíng`- cōo`^ Jesús catí` li` se` Galilea cangolíim`bre cajo, joba' cangá`-bre jie` li` ca`áng`- Jesús jogui jial` caquiee` dsea` do dsí` e too` do. ⁵⁶ Jo mi` calita` dsí` ì` dseamf` do jie` li` ca`áng`- Jesús, joba' cangolíim`bre jóng` fí` li` neáaiñ` fí` Jerusalén, jo cangoguiar` guiá`- jalé` jmi` jmeafii` cōo`^ gui` jalé` noo` jmeafii` e nidsisuiñ` dsea` do

mi~ ningi~ jmi~ e jmi'ing' jaléng' dsea` Israel, co' lajob qui'~ tãng` jaléng' dsea` ie~ jo cõo'~ jaléng'` lii~ quiá'r~. Jo cajmi'ím' i dseamf do mi~ catf í' lajo lí' laco'gui ta~ quiá' fí' ni~ jì quiá'~ Fidié~.

24

Mi~ cají'tu Jesús

(Mt. 28:1-10; Mr. 16:1-8; Jn. 20:1-10)

¹ Jo mi~ cangf e jmi~ e jmi'ing' jaléng' dsea` Israel, jo jmi~ la'uii~ quiá'~ seamaan~ la'ee` eáang' jaléng' i dseamf i cajalíng~ cõo'~ Jesús catí Galilea do caleáb' catú~ cangoliñ~ fí' lí' si'aang~ Jesús, jo quier' jalé' jmi~ jmeafi~ cõo'~ gui jalé' noo~ jmeafi~ e nicaguiar' guiá~ lamí~ jéeng'gui do quiá'~ e sí'í' nisúuiñ~ dsea` do. ² Jo mi~ caguliñ~ e too' jiáa' lí' ca'áng~ Jesús, jo cangár~ e nisinab' e oo~ ée` do, jo cab' niroo' e cuu~ e cajni~ mi~ ca'áng~ dsea` do. ³ Jo cangotáam~ bre fí' dsí' e ée` do, dsu' jo` cadséiñ' Jesús fí' dsí' jo. ⁴ Jo mi~ cangá~ i dseamf do lajo, jo dsíng'~ cafóin' jii'~ jo' ñir' e~ nijmér~. Jo lajee~ jo cõo' cangá~ bre e cajnéng~ gáng~ dseañu' quiá'~ laco' teáaiñ~, jo i dseañu' do qui'r' 'mi' té' e jì' jlo'^. ⁵ Jo dsíng'~ cafóng' i dseamf do mi~ tí' lí' cangáin' i dseañu' do, jo catúuiñ' cartí' ni~ uó' dsu' e cafóin' dsea` do. Joguiba' café' i dseañu' do e caféin' i dseamf do jo cajíñ'~:

—¿Jiali' ngi'na' 'náng'na' jee~ jaléng'` lii~ i dsea` i jí' lana? ⁶ Co' nicajíb'tur calé' catú~, joba' jo i seeng' fí' la. Téé' óo'na' jial cajíñ'~ lamí~ cateáaiñ' cõo'~ 'ná' fí' Galilea, ⁷ mi~ cajíñ'~ e ír', dsea' cagüeiñ~ fí' jmigüi' e jáar' fí' ñifi~ e líiñ' jaang` dsea' jmigüi', dseáng'~ 'néb~ e nijáng' dsea' ír' fí' jaguó' jaléng' dsea` dsee~ dsea' qui' cartí' nijnga' dsea` do quiá'r~ fí' dse' crúu^, jo dsu' mi~ nidsíng~ 'ni' jmi~ lajo, nijíb'tur calé' catú~.

⁸ Jo mi~ canúu~ i dseamf do e júu^ na, joguiba' cadseng'~ dsíir' jalé' júu^ quiá'~ Jesús. ⁹ Jo dsifí' lajob caquing'~ tur, jo cangojmée'r~ júu^ i dsea' guijáng' quiá'~ Jesús cõo'~ gui jaléng' i dsea' caguiaang~ gui do. ¹⁰ Jo jaléng' i dseamf i caguicõo' júu^ do siir' Yá' i seeng' fí' Magdala, jaang'gui i sii' Sihuoo~, jaang'gui i sii' Yá' niquiá'~ Tiáa~, jogui quim'~ bi dseamf i caguiaang~ gui cajo. ¹¹ Jo mi~ canúu~ i dsea' guijáng' do lado, ca'f' dsíir' e ngaam~ i dseamf do, jo ja' ee' já'~ calíñ~ lajii'~ júu^ e quieeiñ' do.

¹² Jo dsu' Tú' Simón dsifib' cangór~ güi'í' e cangojóør^ e fí' too' ée` do. Jo mi~ caguiér~ fí' jo, jo catúuiñ' cajóør~ jo cangár~ e jii'~ e 'mi' e caquing'~ dsea' doba' née'gui. Jo dsifí' ladob cangáng'~ tur, jo dsíng'~ cangogá' dsíir' quiá'~ jalé' e cangár~ do.

Mi~ cangolíng~ gáng~ dsea' quiá'~ Jesús fí' Emaús

(Mr. 16:12-13)

¹³ Jo e jmi~ jo, gáng~ lajee~ la'ó' i dsea' i cangi' cõo'~ Jesús do cataiñ'~ fí' e cangoliñ' fí' cõo' fii' lí' sii' Emaús e née' guicõ' kilómetro lí' lí' caluu' fii' Jerusalén. ¹⁴ Jo lajee~ teáng'~ i dsea' do fí', jo ngoliñ'~ sñiñ' quiá'~ jalé' e nicalí' fí' Jerusalén lajee~ e jmi~ jo. ¹⁵ Jo lajee~ ngoliñ~, cangoquiéeng' Jesús, jo canaaiñ' ngir' colíing~ cõoiñ'~ do. ¹⁶ Jo jóøm~ i dsea' gáng~ do Jesús, dsu' ja' cangáin' fa' e calicuíñ' dsea' do ladsifí' lado. ¹⁷ Jo cajmingi' Jesús i dsea' gáng~ do jo casí'~ reiñ' jo cajíñ'~:

—¿E~ jalé' e siing'~ 'ná' lajee~ teáng'~ na' fí'? ¿Jiali' líng'na' fí'í'?

¹⁸ Jo jaang' i dseañu' do i nisii' Cleofas cañir' quiá'~ Jesús, jo casí'r~ dsea' do jo cajíñ'~:

—Lajim' dsea' niñir' jalé' e nicalí' fí' Jerusalén lajee~ e jmi~ e cangúing' na. Jo ¿su jii'~ 'nab' dsea' guiin'~ fí' Jerusalén e ja' ñí' jalé' e nicalí' fí' jo?

¹⁹ Joba' cajmingi'tu Jesús quiá'~ i dsea' do jo cajíñ'~ casí'~ reiñ':

—¿E~ jalé' e nicalí' fí' jo?

Joba' cañi' i dsea' gáng~ do jo cajíñ'~:

—Mó' jáa'naa' si~naa' jalé' e calíng~ Jesús i seeng' fí' Nazaret, jaang' dsea' 'gøng' i café' cuaiñ' quiá'~ Fidié~, jo cajmээр' jalé' e quí'r~ jmi~ e dsigá' dsí' dsea', jogui eáang' 'gøng' jalé' júu^ e café'r' cajo; ²⁰ jogui si~naa' jial cajmее' jaléng' fii' jmidsea' cõo'~ gui jaléng'

dseata~ qui~ii' mi~ cajáin~ dsea` do fí jaguó` jaléng` dsea` fi~ e laco' niteáin~ dsea` do fí dse` crúu^ cartí nijngáng~ neiñ'. ²¹ Jo jnea'^ nisita~ dsi'naa' e íbre dsea` i nileáng~ jnea'^, dsea` lí'naa' dsea` góor` dsea` Israel. Jo dsu' lana ningóo' 'ní jmi~ e cangojéé' jalé' e jo. ²² Jo coo` tú~ m'ing~ dseam~ i quíng~ jee~ jnea'^ nicaguiliñ' 'ma'ee' e fóiñ' jnea'^, co' nicangoliñ' e ja' mí jneá' røø' fí lí' ca'áng~ dsea` do, ²³ jo dsu' jo` seeng` i 'li~ do e too' lí' ca'ír~ do mi~ caguiliñ~. Joba' mi~ caquing~ tur, quiéer` júu^ e cangáin~ ángeles quiá'~ Fidiéé' i cajíng~ e nicajíb'tu Jesús calé' catú'. ²⁴ Jo lí' jo, cangolíng~ fí jo coo` tú~ m'ing~ dsea` i la'ó' ngí cóo'~naa' e fí do, jo cangá~bre cajo dseáng~ jíi'~ laco' júu^ e quiéé' i dseam~ do, jo dsu' ja` cangáin~ Jesús.

²⁵ Joba' cajíng~ Jesús casí'r~ i dsea` gáng~ do:

—iSóong~ ja' iing~ 'nú' e ningáng~na' jalé' ee' lí', jogui dsíng~ jmi'ing~na' e já'~ nilíng~na' jalé' júu^ e cagua' jaléng~ dsea` i café' cuaiñ~ quiá'~ Fidiéé' malí'gui eáang~! ²⁶ Co' dseáng~ 'né~ba' e cangongíng~ Dsea' Jmáang~ jalé' e jo nú'~gui e nidséng~ tur calé' catú' fí ñifí~ quiá'r~.

²⁷ Jo dsifí ladob canaang` Jesús e sí'r~ i dsea` gáng~ do jalé' júu^ e fé' uii~ quiá'r~ fí ni~ jì quiá'~ Fidiéé', jo canaaiñ` catí júu^ quiá'~ Moi~ cóo'~gui jalé' júu^ caguiee~gui e cajme' i dsea` i café' cuaiñ~ quiá'~ Fidiéé'.

²⁸ Jo malí'gui lajo, mi~ caguiliñ~ i dsea` gáng~ do e fi~ lí' ngoliñ~ do, jo cajmée` Jesús e lafa' e ngóo'bir tí lí' huí'gui, ²⁹ dsu' i dsea` gáng~ do cajméer` e cajeb' Jesús e fi~ do jo casí'~reiñ' do:

—La je~ cóo'~ jnea'^, co' nica'lóob~ eáang` jo tí lí' ni'í náub^.

Jo mi~ cajíng~ i dsea` do lado, jo cajeb' Jesús fí lí' cajé' i dsea` gáng~ do. ³⁰ Jo mi~ tí lí' caguár' e nidó'r~ ir~ e canu~, jo catíng~ Jesús coo` iñí' jo cacuø'r' gui'máang~ Fidiéé', jo lí' jo cafiñ' e iñí' do jo cacuø'r' i dsea` gáng~ do. ³¹ Jo mi~ cajmée` Jesús lado, job mi~ calilí' i dsea` gáng~ do e ni~ dseáng~ Jesús i dsea` do. Jo dsu' dsifí ladob cango'íng` dsea` do e laco' gui'ná' jøøm~bir. ³² Jo dsifí ladob canaang` i dsea` gáng~ do sí' rúin':

—Lado 'máí~, lajee~ téé'naa' fí, dsíng~ cali'íang` dsi'naa' mi~ cajmea'r' jneaa~aa' júu^ jalé' e fé' fí ni~ jì quiá'~ Fidiéé' uii~ quiá'r~, dsea` líiñ' Dsea' Jmáang~, ¿já` já'~?

³³ Jo jo` cajmi'ing~ yaang~ i dsea` gáng~ do, co' dsifí ladob caquing~ tur cangoliñ' fí Jerusalén fí lí' caseáng~ tur cóo'~ jaléng~ i dsea` guijáng` do cóo'~gui dsea` caguiaang~ i ngí cóo'r~ do. ³⁴ Jo dsifí mi~ cangáng~ rúin', jo lalab cajíng~ i dsea` fíng` do jo casí'~reiñ':

—E já'~ba' e nicají'tu Fí'naa', co' Tú^ Simón nicangá~ quiá'r~.

³⁵ Jo joguiba' cajmée` i dsea` gáng~ do júu^ jalé' e caliñ~ guiá' fí, jo jial calicuíñ` Jesús mi~ tí lí' cafiñ` dsea` do iñí' e nidó'r~.

Mi~ cajmijnéng~ 'ñia' Jesús fí quini~ dsea' quiá'r~

(Mt. 28:16-20; Mr. 16:14-18; Jn. 20 :19-23)

³⁶ Jo lajee~ gui'ná' s'm~bi i dsea` do jalé' e júu^ na, coo` cajném~ Jesús jo casíng' 'ñia'r' jee~ jaléng' i dsea` do jo casí'~reiñ' do lala:

—Güiliseem' 'nú' juguiá~ júu^ røø'.

³⁷ Jo mi~ cangáng~ i dsea` do Jesús, dsíng~ cafóiñ' jo canaaiñ' í dsíir' e jøøiñ~ jaang` dsea` guí.

³⁸ Joba' cajíng~ Jesús casí'r~ jaléng~ i dsea` do:

—¿Jialí' 'gó'na'? Jo ¿jialí' jmoo'na' e ja' já'~ líng~na' e jnea~? ³⁹ Fíng na jøø~du' guóo' cóo'~gui tíi, co' dseáng~ jneab~ la. Güing~na' jnea~ jogui jøøng~na' jnea~, co' jaang` dsea` guí ja' teáaiñ'~ móo' o'gui sea' loo' táaiñ' laco' móo' 'nú' e sea' quié~e lana.

⁴⁰ Jo mi~ cajíng~ Jesús lado, jo ca'e'r' jaléng~ i dsea` do laji' tú~ guóor' cóo'~gui tíir~. ⁴¹ Jo dsu' i dsea` do ja' já'~ calím~bir uí'~ e dsíng~ dsigá' dsíir' jogui e íang` dsíir' cajo. Joba' cajíng~ Jesús casí'r~ jaléng~ i dsea` do:

—¿Su ja' ee' sea' cuó'~jiu' døø'~ø lana?

⁴² J_oba' i dsea` do cacuø'r Jesús ca'náang' ñu` i cuíng` cóo'gui ca'ná' mi' e a` ta'.
⁴³ J_o ca'ím' Jesús e do, j_o cagø'bre do fí' quini` jaléng' i dsea` do. ⁴⁴ J_o mi` cangoyúung' e cagø'r, j_o casí'r- jaléng' i dsea` do j_o cajíñ':

—Lajalé' e nicalín-n, e j_ob e cafí'i 'nú' lami` cangi'naa' colíing` e dseáng'- 'né' e nilitib` jalé' e fé' uii` quié- e fí' ni` jì' quiá'- Fidiéé' e cajme' Moi` jogui fí' ni` jì' e cajme' dsea` i café' cuaiñ` quiá'- Fidiéé' jogui e fé' fí' ni` jì' e sii` salmos.

⁴⁵ J_o lí- j_o, cajmée` Jesús e cangáng' jaléng' i dsea` do jalé' e fé' fí' ni` jì' j_o uii` quiá'r-. J_o lí- j_o casí'-reiñ' lala j_o cajíñ':

⁴⁶ —Laj_ob toq` fí' ni` jì' quiá'- Fidiéé' e dseáng'- nisi'í'ba' e cajún-n, jnea` dsea` lín'n Dsea` Jmáang- i casíng` Fidiéé' fí' jmigüí' la, j_o mi` catí' 'ni' jmíi` laj_o, cají'b'túu calé' catú-; ⁴⁷ jogui 'né' e nini'- dsea` júu` quié- e lacoq` fí' la'úng- fí' jmigüí', j_o 'né' nináng` e j_o catí' Jerusalén e laco' niquí'- jíng' yaang` dsea` fí' quini` Fidiéé', j_o lajoguibá' qui' jmíi` e ni'íng- dsee- quiá'r-. ⁴⁸ J_o 'núb' nicañí'na' jalé' e nicalín-n. ⁴⁹ J_o jnea` nicuøøø' 'nú' e cajíng'- Tiquié'e lami` jéeng'gui e nicuø'r- 'nú', dsu' fí' Jerusalén labi 'né- já'na' cartí' ni'íng'na' e Jmiguí' 'gøng' quiá'- Fidiéé' e jáa' fí' ñifí-, j_o e j_ob e nijmicóo' 'nú' lata`.

Mi` cangáng'- Jesús fí' ñifí-

(Mr. 16:19-20)

⁵⁰ J_o mi` cangí' j_o, cajéeng` Jesús i dsea` quiá'r- do fí' caluu` fí' Jerusalén, j_o cangolíñ- fí' cóo' lí- sii` Betania. J_o mi` caguilíñ- fí' j_o, j_o casé` Jesús guoor` fí' yú' j_o laj_ob cataiñ- güea' i dsea` quiá'r- do. ⁵¹ J_o lajee` gui'ná'bi táíñ' güea' i dsea` quiá'r- do, mi` canaaíñ` soor` fí' yú' e cangáiñ- fí' ñifí-. ⁵² J_o dsu' lajaléng' i dsea` guijáng` do caquim'-túr fí' Jerusalén mi` cangoyúung' e cajmiféiñ' dsea` do, j_o dsíng'- íaang` dsíir' cangolíñ-. ⁵³ J_o mi` cangí' j_o, sojiéb' niteáaiñ' fí' dsí' sinúu` guá'- e jmiféiñ' Fidiéé'.

J_o laj_ob nilí'.

J_o lanab jíi' lí' júu` e cajme' Lucas.

E lab júu^ quiá'- Dsea` Jmáang- e cajme' JUAN

Lajíi' mi~ ná'-gui e nitiroo`jmgüü'ba' e niseeng`Dsea`Jmáang`

¹ Jo júi' latí mi~ uiim~ nisea' e sií Júu^ do, jo e jo líng' Joo' Fidié'; jo cøøm` seeng` cóo' Fidié', có' íb` dseáng' Fidié' cajo. ² Jo colim~ seeng` e Júu^ do cóo' Fidié' lajii' latí mi~ uiing~. ³ Jo la'eáang' cóo' e Júu^ dob cajmée' Fidié' lajalé' e sea' fí' jmgüü'; joba' lajalé' e sea' fí' jmgüü' cajmée' Fidié' colim~ cóo' e Júu^ do. ⁴ Jo la'eáang' cóo' e Júu^ doba' cuø' e see' naa' fí' jmgüü', jogui íb` cajo i líng' i Jing' quiá'- Fidié' i cuø' e tiing` ngáng' jaléng' dsea' jmgüü'. ⁵ Jo i Jing' quiá'- Fidié' do jmoo' e lijneá' lacaang' lí' nua' sò', jogui e nua' sò' do ja' mí' caquá'~ jmi' fa' nijmé' e niyúng' i Jing' quiá'- Fidié' do.

⁶⁻⁷ Jo malii'gui caliséng` jaang` dsea' jmi' i calisí Juan i seáang` dsea' jmi'; jo Fidié' caguíng' ír` jogui casíng` neiñ' e laco' dsea' do nini'r- júu^ quiá'- i Jing' quiá'- Fidié' do, jogui e laco' ninú- jogui e já'- nilíng' jaléng' dsea' lajii' júu^ e niguiá' dsea' do. ⁸ Jo dsu' i Juan i seáang` dsea' jmi' do ja' líiñ' dseáng'- i Jing' quiá'- Fidié' do, có' líiñ' jaang` dsea' i casíng` Fidié' e laco' nini'r- júu^ quiá'- i Jing' do jee~ jaléng' dsea' góor` dsea' Israel. ⁹ Jo cagüéng` i dseáng'- já'- Jing' quiá'- Fidié' do fí' jee~ dsea' jmgüü' e laco' nijmér- jial e niliseeng` dsea' fí' lí' jneá' jì.

¹⁰ Jo i dsea' i líng' Júu^ quiá'- Fidié' do niseem`bre lajii' latí mi~ uiing~; jo nañ' fa' la'eáang' cóo' íbre cajmée' Fidié' lajalé' e sea' fí' jmgüü', jo dsu' jaléng' dsea' jmgüü' ja' já'- calíiñ- júu^ quiá'- dsea' do. ¹¹ Jogui dseáng'- fí' góo`bre cagüéiñ- cajo, dsu' ja' calíng' dsea' góor` ír'. ¹² Jo dsu' jaléng' i dsea' i calíng' ír` jogui i já'- calíng- júu^ quiá'r-, joba' cacuø' reiñ' fí' e ca'uíiñ'- do jóo' Fidié'. ¹³ Jogui líiñ' do jóo' Fidié' dsu' o' uíi' e caliséiñ' fí' jmgüü' la, o'gui fa' líng' i' quiu' ta~ quiá'r- e ca'uíiñ- lajo, dsuco' líiñ' do lajo uíi' e 'ñiab' Fidié' cajméer' e ca'uíiñ'- do jóor'.

¹⁴ Jo e Júu^ do ca'uíng- dseáng'- jaang` dsea' jmgüü', jo caliséng` jee~ jneaa~aa' fí' jmgüü' la, jogui dsíng'- jmi'neáang` jneaa~aa', jogui jmang'- júu^ já'- quié'. Jo mi~ calicuíng`naa' e Júu^ do i líng' Joo' Fidié' i camíng' do, joba' calíne`baa' jóng` jial dseáng'- jlo' niñ-, jo dsu' e jo catíiñ- jii' dseáng'- 'ña'bre e cacuø' Tiquiá'r^ ír', có' dseáng'- eáam' 'née' dsea' do quiá'r-. ¹⁵ Jo lalab cajíng'- Juan i seáang` dsea' jmi' do cuaiñ~ quiá'- dsea' do mi~ cajíñ'- lala:

—Jo i lab i dsea' i éeng` jnea~ do ie~ lami~ cafá'- a lala: “Jo i dsea' i nijáa' cøøng`guijiu laco'gui cagüéng` jnea~ fí' jmgüü' la niing`guir eáang` laco' jnea~, dsuco' lajii' mi~ ná'-gui eáang` e niliseeng` jnea~ba' e niseeiñ'.”

¹⁶ Jo có' eáam`guiúng- dsea' do cóo' jneaa~aa', joba' cuø'r' jneaa~aa' jalé' güea'^ quiá'r- cóo'gui jalé'gui e 'né' qui-ii' dseáng'- lalíng` e jii' ja' catí-naa' lajo. ¹⁷ Jo la'eáang' cóo' Moi' cacuø' Fidié' jneaa~aa' júu^ quiu' ta~ quiá'r-; jo dsu' la'eáang' cóo' Dsea' Jmáam-ba' e nicalíne`naa' jial tíi' 'neáang` Fidié' jneaa~aa' jogui la'eáang' cóo' íb` cajo e lití júu^ quiá'- Fidié'. ¹⁸ Jo júi' jaang` dsea' jmgüü' ja' mí' cangáaiñ' dseáng'- 'ña' Fidié', dsu' júi' i jóor' camíng' do i líng' Fidié' cajo, júi' íbing' i nicajmijnéeng` jial líng' Tiquiá'r^ Fidié' uíi' e dseáng'- cøøm` seeiñ` cóo' dsea' do.

Mi~ café' Juan i seáang` dsea' jmi' cuaiñ~ quiá'- Dsea' Jmáang`

(Mt. 3:11-12; Mr. 1:7-8; Lc. 3:15-17)

¹⁹ Jo cóo' jmi' jaléng' i dsea' i quié' nifi' quiá'- jaléng' dsea' Israel i seeng` fí' Jerusalén casíiñ` cóo' tú- máng' jmidsea' quiá'r- cóo'gui jaang` gáng- dsea' levita fí' lí' táang` i Juan i seáang` dsea' jmi' do e cangojmiñ' dsea' do lala:

—¿I' dsea' lín'?

²⁰ Joba' cañí' i Juan do dseáng'- la lí' jo casí'- reiñ' do lala:

—O' jnea~ i Dsea` Jmáang~ i í áa'na' i nisíng~ Fidiée~ i nicá` nifí` quí~na'.

²¹ Jø cajmingí~tu i dsea` do i Juan do calé` catú~ jø cajíñ~:

—Jø ¿i~ dseáng~ l'íng' 'nə` jóng? ¿Su Líi` i café` cuaiñ~ quiá~ Fidiée~ malí`gui eáng'?

Jøba' cañí`tu i Juan do jø cajíñ~:

—U~, o' í jnea~.

Jøba' calé` catú~ cajmingí~tu i dsea` do jø cajíñ~ lala:

—¿Osi` 'nə`bi i dsea` i caguíng~ Fidiée~ i nifé` cuaiñ~ quiá~r~ i sijeeng~naa' fí` jmigüi` la?

Jøba' cañí`tu i Juan do quiáiñ~ do jø cajíñ~:

—U~, o' í jnea~ cajo.

²² Jøba' i dsea` do calé` catú~ cajmingí~r~ i Juan do jø cajíñ~:

—Jø song o' lajogui, jøba' ¿i~gui dseáng~ l'íng' 'nə` jóng? Jø co' dseáng~ la guím` 'né` lé`naa' júu` i~ dseáng~ l'íng' 'nə` quiá~ i dsea` i casíng` jnea` do, jøba' ¿e` fó` 'nə` uø' e lin'?

²³ Jøba' cañí`tu i Juan do quiáiñ~ do:

—Jnea~ l'ín`n jaang` i fé` i cagüéng~ fí` nĩ` guóo` uø` quiú~, jø quíe~ júu` quiá~ Fidiée~ e catíng~ 'nú` e fé` lala: “Nea`na' condsee` coo` fí`, co' tí` lí` nijáab` Fí`naa'” —lí` laco' cajíng~ Fidiée~ fí` nĩ` jì` quiá~r~ e cajme` Saií`, jaang` dsea` i café` cuaiñ~ quiá~ Fidiée~ ie` malí`gui eáng'.

²⁴ Jøba' i dsea` i casíng` dsea` fariseo fí` lí` táang` i Juan i seáng` dsea` jmí` do cangosiñ~ cóo` dsea` do ²⁵ jø cajmingí~tuyreíñ~:

—Jø song ja` l'íng`gui i Dsea` Jmáang~ i nisíng~ Fidiée~ fí` la i nicá` nifí` quí~naa' o'gui Líi` o'gui i dsea` i fé` cuaiñ~ quiá~ Fidiée~, jøba' ¿jalí` jmoo` ta` seáng` dsea` jmí` jóng?

²⁶ Jøba' cañí`tu i Juan do quiáiñ~ do jø cajíñ~:

—Jnea~ seáan`n dsea` jmí` jíi` cóo` layaang~ jmí`; jø dsu` jee` 'nú` niseem` jaang` i ja` mí` cuíng`na'. ²⁷ Jø lana tí` lí` nilicuím`ba` i dsea` í, co' tí` lí` ninám`bre ta` quiá~r~. Jø jnea~ fí` quini` í` ja` ee` quín`n, co' jì`gui co' nisíi` nĩ` 'ñíu` lomí`r~ ja` quín`n.

²⁸ Jø jalé` e la cangojée` fí` coo` fíi` lí` sií` Betania e née` lí` lí` 'ngóo` gua` Jordán, co' fí` jøb lí` táang` i Juan i seáng` dsea` jmí` do ie` jø.

Jesús líiñ` i Jo'se` Jiuung` quiá~ Fidiée~

²⁹ Jø mí` cajneá~ coo`gui jmí` lajø, i Juan do cangár~ e nijaquíéeng` Jesús fí` lí` siñ`. Jøba' café`r~ uii~ quiá~ dsea` do, jø casí`r~ jaléng` i dsea` i teáng~ cóo`r~ do lala:

—Fíng` na` jøø`na', dob nijáa` i l'íng` i Jo'se` Jiuung~ quiá~ Fidiée~ i íng~ jalé` dsee~ e røøng` dsea` jmigüi`. ³⁰ Jø i dsea` lab i éeng` jnea~ do ie` lamí` cafá~a lala: “Mí~ nisóong~ jnea~, nijáa` jaang` i niing~gui eáng` laco' jnea~, dsuco' i dsea` í` lajii~ mí~ ná`gui eáng` e niliseeng` jnea`ba` e niseeiñ~.” ³¹ Jø jíi~ jnea~ ja` mí` caliñi`bíi` i~ dseáng~ dsea` do, jø dsu` cagá~a fí` jmigüi` la e gaseáan`n dsea` jmí` e laco' jaléng` dsea` góo`o dsea` Israel nilicuíiñ` dsea` do.

³² Jø cajíng~gui i Juan do lala cajo:

—Coo` jmí~ camó~ jnea~ Jmiguí` quiá~ Fidiée~ e cajgó~ fí` nifí~ jø caje` fí` yú`^ gui` Jesús e líng~ jaang` mee~. ³³ Jø lajee~ e nú~gui lajø ja` mí` nĩ` jnea~ i l'íng` dsea` do, jø dsu` Fidiée~ i casíi` quié~ e e cagaseáan`n dsea` jmí` casí`r~ jnea~ lala: “I dsea` i nimáan` i nijgié~ Jmiguí` quié~ e fí` yú`^ gui~, i dsea` í`bing` i niseáng~ dsea` jmí` cóo` Jmiguí` quié~ e.” ³⁴ Jø camób~ jnea~ mí` cangojée` jalé` e jø, jøba' dseáng~ lajam` nita` dsii` e Jesús líiñ` dseáng~ i Jøó` Fidiée~ camíng~ do.

La'uii` dsea` i ca'uíng~ dsea` quiá~ Jesús

³⁵ Jø mí~ cajneá~ coo`gui jmí~ lajø, i Juan i seáng` dsea` jmí` do táaiñ` colíng~ cóo` gáng~ dseañu` i nilíng` dsea` quiá~r~. ³⁶ Jø lajee~ jøb cangár~ e cangíng` Jesús, jøba' cajíñ~ casí`r~ i dsea` quiá~r~ do e fé`r~ uii~ quiá~ dsea` i cangíng` do jø cajíñ~:

—Fing na jóø-na', i dsea`ngóo` dob i líng i Jo'se` Jiuung` quiá'- Fidié` i íng` jalé` dsee` e røøng` dsea` jmígüí`.

³⁷ Jo dsifí` mi` canúu` i dsea` gáng` do lajúi` e cajíng` i Juan do, joba' lajmináb` cangolíiñ` t'leáaiñ` laco' ngóo` Jesús. ³⁸ Jo mi` calilí` Jesús e líng` i` ngolíng` caluur`, joba' dsifib' cají'r` nir` e cajóøiñ` i dsea` do jo cajmingí`- reiñ':

—¿I` ñilíng`-na' 'náng`-na'?

Joba' cañí` i dsea` do quiá'- Jesús jo cajíñ`-:

—Tifa', ¿jie` fí` quií`-?

³⁹ Joba' cañí` Jesús quiá'- i dsea` do jo casí`-reiñ':

—Má`-aa' cóo`- jnea`, jo lajob niliñí`-na'.

Jo colim` cangolíiñ` cangojmiñir` jie` quiá'- Jesús, jo fí` job cajer` colíng` lata` e jmii` jo, co' la i` quiá' e calóob` ñingóo` ie` jo.

⁴⁰ Jo jaang` lajee` i dsea` gáng` i canúu` júu` quiá'- Juan i seáng` dsea` jmii` do siir` Dí` i nilíng` dsea` ngáang` cóo`- jaang`gui dseañu` i sii` Simón, jo íb` i cangotáang` cóo`- Jesús do. ⁴¹ Jo dsifí` lajob cangó`- Dí` e cango'neeiñ` i rúíñ` i sii` Simón do, jo mi` cadséng`-neiñ` do lalab casí`r`-:

—Janú', Simón, lana nicalicuím`baa i dsea` i cajíng`- Fidié` i nisíñ` fí` jmígüí` la i sii` Dsea` Jmáang`- i nicá` nifí` quií`-ii` do.

⁴² Jo dsifí` lajob i Dí` do cangojeeiñ` i rúíñ` i sii` Simón do fí` lí` guíng` Jesús; jo mi` tí` lí` cangá` dsea` do quiá'- Simón lalab cajíñ`- casí`-reiñ':

—Jo 'nub` i sii` Simón, jo lin` jóo` jaang`gui i sii` Juan, jo dsu' latí` lana nilisii` Cefas osi Tú` cóo`- jmí` griego é.

Mi` cató`- Jesús Lii` cóo`- Natanael

⁴³ Jo mi` cajneá` cóo`-gui jmii` lajo, ca'í` dsí` Jesús e cangó`-tur fí` lí` se' Galilea, jo fí` job cajíng`- rúíñ` cóo`- jaang` dseañu` i sii` Lii`, jo lalab casí`-reiñ` do:

—Má`-aa' cóo`- jnea`.

⁴⁴ Jo i Lii` do niseeiñ` fí` cóo`- fii` e sii` Betsaida, jo dsea` góo`-bre nilíng` i Dí` do cóo`-gui Tú` Simón, co' coob` fii` lí` seeiñ`. ⁴⁵ Jo dsifí` lajob cangó`- Lii` e cango'neeiñ`- jaang`gui dseañu` i sii` Natanael, jo mi` cajíng`-neiñ` do, lala casí`-reiñ':

—Lanab nicalicuíng`naa' i dsea` i ca'éeng` Moi` fí` ní` jì` quiá`-r` malii`-gui eáang`, jogui cajo i ca'éeng` jaléng` dsea` i café` cuaiñ` quiá'- Fidié` lí` laco`-gui cajme`-r` fí` ní` jì` malii`-gui eáang`. Jo i dsea` íb` i sii` Jesús i seeng` fí` Nazaret i líng` jóo` Sé`.

⁴⁶ Jo mi` canúu` Natanael e júu` jo, joba' cajíñ`- lala:

—Ja` lí` dsii` e fí` Nazaret nigüi`-ii` jaang` i ní`-é`-guiá` cóo`- dsea` rúng`.

Joba' cañí` Lii` quiá'- i dsea` do jo cajíñ`-:

—Má`-aa' fí` lí` guíiñ`- jo lajoba' nilicuíñ` dsea` do.

⁴⁷ Jo mi` cangá`- Jesús e nijaquíéng` dsea` do fí` lí` siñ', joba' cajíñ`- lala e café`-r` uii` quiá'- Natanael:

—I` nab dseáng`- lajang`- jaang` dsea` góo`-naa' dsea` Israel i ja` quie` júu` ta` júu`.

⁴⁸ Jo mi` canúu` Natanael e jo, joba' cañí`-r` quiá'- Jesús jo cajmingí`-r` dsea` do lala:

—Jo ¿jial nicuíñ`- jnea` jial lín`-n?

Joba' cañí` Jesús quiáíñ`- do jo cajíñ`-:

—Co' lajúi`- ná`-gui e nitó`- Lii` 'nu`, jéem` nicamáng`- jnea` 'nu` e guíiñ`- uii` 'ma` güiñí`-.

⁴⁹ Joba' cañí`-tu Natanael quiá'- Jesús jo casí`-r` dsea` do lala:

—Tifa', 'nub` dseáng`- i líng` jóo` Fidié`, jogui 'nub` cajo dsea` lin` dseata` dsea` féng` quiá'- jaléng`- jneaa`-aa', dsea` líi` dsea` Israel.

⁵⁰ Joba' cañí`-tu Jesús quiá'- i dsea` do calé`- catú`- jo casí`-reiñ':

—¿Su já`- lín`- lana dsu` uí`- e fá`-a e camán`-n 'nu` e guíiñ`- uii` 'ma` güiñí`-? Jo dsu` jnea` fii`-i 'nu` e nábi nimó`- jalé` e ñíng`-gui eáang` e tiiñ`- jmee`-e.

⁵¹ Jo lalab cajíng`-gui Jesús cajo e casí`-r` lajaléiñ`- do:

—Jø lalab jmitaa^ óo'na' cajo e nimó^ba' jial jnéeng^ fí' ñifí' fí' lí' guing~ Fidiée^, jogui jial soo^ jogui jgáang^ jaléng^' ángeles quíá'^ Fidiée^ fí' lí' sín'n, jnea~ dsea^ gáa'a fí' ñifí' e lín'n jaang^ dsea^ jmigüí'.

2

Mi~ cajmée` Jesús la'uii~ e quí'r~ jmí~

¹ Jø mi~ cangí' n'í' jmí~ lajo, jø ie~ jø caliseá^ cõõ^ jmí~ e cung' guó^ dsea^ fí' cõõ^ fí' jiu e sii` Caná e née' lí' se' Galilea. Jø ie~ jø dob táang^ Yá^, niquiá'^ Jesús, ² jø Jesús cóõ^~gui i dsea^ quíá'r~ do lúin^ dsea^ i simíng^ quíá'^ e jmí~ e tí' do, jøba' fí' dob quijgeáiñ^ cajo. ³ Jø lajee^ e teáiñ^ e jmí~ do, cõõb^ mi~ cadseá^ e jmí'^ mí'^ huíng^ jø'^ e jmáiñ^ ta~ do, jøba' niquiá'^ Jesús cajíñ'^ casí'r~ dsea^ do lala:

—Ngóó^ cadseáb~ e jmí'^ mí'^ huíng^ jø'^ e jmáang^ ta~ do.

⁴ Jøba' caíñí' Jesús quíá'^ i niquiá'^ do jø cajíñ'^ casí'r~ dsea^ do lala:

—Neaa~, ¿jialí' fí' jnea~ lana? Cõ' lana ja' mí' catí'bi í' e nijmee~ e lajüí' ta~ e si'lin^ do.

⁵ Jøba' cajíng^~tu niquiá'^ Jesús e sí'r^ i dsea^ i jmóo^ ta~ jmí'cõõ^ e sínúu^ do:

—Jmee~na' lajaléb^ ta~ quíu^ i Jesús na.

⁶ Jø ie~ jø nitée~ jñúu~ tu' cóõ^ e lí' cóõ^~ layaang~ cuu~, jø e jø íng^ ta~ e a~ jmí~ e jmáng^ dsea^ Israel ta~ e lacõ' jmiguiúng^ yaaiñ^ fí' quini^ Fidiée^, cõ' lajõb quí' tñiñ^ e jmóor^ . Jø lacõõ^ e dsí' tu' cuu~ do ab~jiu la cincuenta si la setenta litro jmí~. ⁷ Jogui Jesús casí'r~ jaléng^ i dsea^ i jmóo^ ta~ e sínúu^ do lala:

—Jmiróøng^na' jmí~ lacõõ^ lacõõ^ e tu' na.

Jøba' dsifí' lajõb cajmiróøng^ i dsea^ do dseáng^ la có' e tu' do. ⁸ Jø mi~ cangí' jø, cajíng^~tu Jesús casí'r~ reiñ^:

—Lana fí' i 'ná' güiseáng^~jiu' e nicaguié'^na' dsí' e tu' do, jø güica~na' quíá'^ i dsea^ née' ni~ e jmí~ la.

Jøba' lajõb cajméeiñ^ do.

⁹ Jø i dsea^ i quie' nifí' quíá'^ e jmí~ do ca'í'^ bre capí'^ e do, jø dsu' jmí'^ mí'^ huíng^ jø'^ nica'uíng^ do, jø jüí' ja' ñir' jial ca'uíng^ do lajo. Jø jüí' i dsea^ jmóo^ ta~ sínúu^ dobing^ i ñi' jial ca'uíng^ jmí'^ mí'^ huíng^ jø'^ e jmí~ do, dsuco' yaam~bre cajmiróøiñ^ jmí~ e dsí' tu' do. Jø mi~ ca'í'^ i dsea^ quie' nifí' e jmí~ e ca'uíng^ jmí'^ mí'^ huíng^ jø'^ do, jøba' dsifí' lanab cató'r~ i simíng^ i cacúng^ guó^ do ¹⁰ jø casí'r~ reiñ^:

—Lajím^ dsea^ cuør^ la'uii~ e jmí'^ mí'^ huíng^ jø'^ e jlo'^gui, jøba' mi~ tí' lí' nica'í'^ i dsea^ simíng^ do jmiguiúung^~jiu e jmí'^ e jlo'^ do, joguiba' e niguié'r^ e jmí'^ mí'^ huíng^ jø'^ e uóng^~gui do quíá'^ i dsea^ simíng^ do. Jø dsu' 'nu' nica'meá^ba' e jmí'^ mí'^ huíng^ jø'^ e jlo'^gui do quíá'^ tí' lí' ningóó^ dséng^ jmí~.

¹¹ Jø e la cajmée` Jesús fí' e fí' e sii` Caná e née' lí' se' Galilea. Jø e lab la'uii~ e quí'r~ jmí~ e dsigá^ dsí' dsea^ e cajméer^ fí' jmigüí' la, jø lajõba' cajmijnéeiñ^ jial tí' 'gøiñ^'. Jø jaléng^ dsea^ quíá'r~ jáb^ calíñ^ júu^ quíá'^ dsea^ do.

¹² Jø mi~ cangí' jø, Jesús cangór~ fí' cõõ^ fí' e sii` Capernaum colíng^ cóõ^~ niquiá'^ cóõ^~gui jaléng^ rúin^ jogui cóõ^~ jaléng^ dsea^ quíá'r~ cajo; jø fí' jõb cajer^ cõõ^ tú~ jmí~ lajo.

Mi~ ca'uóøng^ Jesús jaléng^` dsea^ i jmóo^ ta~ 'n# fí' guá'^

(Mt. 21:12-13; Mr. 11:15-18; Lc. 19:45-46)

¹³ Jø mi~ cangí'gui lajo, cõ' nijaquiém^bi e jmí~ quíá'^ dsea^ Israel e sii` Pascua, jøba' Jesús cagüi'fir' fí' Capernaum jø cangór~ fí' Jerusalén. ¹⁴ Jø mi~ tí' lí' caguié'r~ fí' jø, dsifib^ cangór~ fí' guá'^ fé' e si' fí' jø, jø fí' siguí' jõb cadseíñ^ jaléng^ dsea^ i teáng^ ta~ 'níng^ jaléng^ güitá^ cóõ^~gui jaléng^ jo'se' jogui jaléng^ mee~. Jogui cangáiñ^ cajo jaléng^ i neáng^ ta~ jmí'síng^ cuu~ e 'né~ jaléng^ dsea^ i dsitáng^ fí' e guá'^ fé' do. ¹⁵ Jøba' mi~ tí' lí' cangáng^ Jesús jaléng^ i dsea^ í', dsifí' lalab casá'r~ cõõ^ tú~ 'nií' jø catáiñ^ 'máng^

jo cóo~ e job ca'uóøiñ` i dsea` do coling~ cóo~ i jó` núu^ i jéeiñ` do e 'náiñ`. Jogui cajím` Jesús jalé` mes` quiá~ jaléng` i dsea` i neáng` ta` jmisíng` cuu` do, jo caguiáb` e cuu` do fí` ni~ uó`. ¹⁶ Jogui lalab casí~ Jesús jaléng` i dsea` i jmóo` ta` 'náiñg` jaléng` mee` do jo cajíñ`:

—iUøøng` na' jaléng` i mee` na, jo ja` jmoo` na' 'móo~ fí` guá~ lí~ jmiféng` dsea` Tiquié` e Fidié`!

¹⁷ Jo dsifí` lajob cadseng` dsí` i dsea` quiá~ r~ do lajii~ e tóo` fí` ni~ jì` quiá~ Fidié` lí~ fé` lala: “Liguím` jnea~ mi~ ja` jmi`gó` dsea` guá~ lí~ jmiféng` dsea` Tiquié` e.”

¹⁸ Joba` i dsea` Israel i quie` nifí` do cañíir` quiá~ Jesús jo casí~ reiñ` do lala:

—¿E~ quíi~ jmí~ nijméé` e lacó` nilita` dsí` naa` e cangíin` fí` e cajmee` lajalé` e ná?

¹⁹ Joba` cañíitú` Jesús quiá~ i dsea` do:

—Íng` na' e guá~ fé` e si` la, jo jnea~ gui` quíi~ baa` jmí~ e nijmilíng` túu` cóo~ 'ní` jmí~.

²⁰ Joba` cañíitú` i dsea` Israel do quiá~ Jesús:

—Jial lí` e lajo, có` tuló~ dsí` jñúu~ jii` cali` h~ jnea` e cali~ e guá~ fé` na, jogui` nu` fó` lana e cóo~ 'ní` jmí~ b~ lí` nijmilíng` tú`.

²¹ Jo dsu` café` Jesús lajo e éeng` 'ñia` r` cóo~ ngúu` táam` bre mi~ cajíñ`~ cuaiñ~ quiá~ e guá~ fé` do. ²² Jo dsu` cartí` mi~ cangí` e cajíitú` Jesús, jo lajoguiba` e cadseng` dsí` i dsea` quiá~ r~ do lajii~ júu^ e cajíng` dsea` do ie~ jo, ie~ lamí~ cajíñ` e cóo~ 'ní` jmí~ b~ nilí` r` e nijmilíng` túr e guá~ fé` do. Jo joguiba` dseáng` já` calíng` i dsea` quiá~ Jesús do lajii~ júu^ e silí` fí` ni~ jì` quiá~ Fidié` cóo~ gui` jalé` júu^ e cajíng` dsea` do lajee` cateáiñ` fí` jmigüí` la.

Niñib` Jesús jial líng` dsea` lajiiñ`

²³ Jo lajee` táam` bi` Jesús fí` Jerusalén, lajee` jmí~ e quí~ títng` dsea` Israel e jmóor` jmí~ e sii` Pascua do, jo lajee` jo jmiguiab` jalé` e quí~ Jesús jmí~ cajméer` fí` quini` jaléng` i dsea` i siseáng` do ie~ jo, joba` i fíim` i dsea` í` já~ calíng` júu^ quiá~ dsea` do. ²⁴ Jo dsu` Jesús ja` ta` dsíir` cóo~ i dsea` do có` nicuíim` breiñ` do guiá~ jial líiñ` do lajiiñ`. ²⁵ Jo có` niñi` bre` 'ñia` r` guiá~ jial líng` dsea` jmigüí, joba` ja` 'neáiñ` dsea` jíéng` i nijmeá~ júu^ ír` jial í` dsí` dsea` jmigüí.

3

Mí` casíng` Nicodemo cóo~ Jesús

¹ Jo mi~ cangí` jia` lajo, lajee` e táam` bi` Jesús fí` Jerusalén, jo ie~ jo nitáang` fí` jo jaang` dsea` Israel i sii` Nicodemo i nilíng` dsea` fariseo, jo i dsea` í` líiñ` jaang` dsea` i laniing` jee~ jaléng` dsea` góor` dsea` Israel. ² Jo cóo` lajee` e uóø` cangór` e cango` eer` Jesús, jo mi~ caguiér` fí` jo lalab casí` r~ dsea` do:

—Tifa`, nineb~ jnea` røø` e Fidiéeb~ dsea` casíiñ` 'nu` fí` jmigüí` la e cañi` ée~ jnea`, dsuco` jii~ jaang` dsea` jmigüí` ja` quí` r~ jmí~ fa` líng` ee` lí~ nijmér` e dsigá` dsí` dsea` jii~ lacó` quí~ 'nu` jmí~ e jmoo` fíng` song` ja` jmicóo~ Fidié` quiá` r~.

³ Joba` cañíitú` Jesús quiáiñ` do jo cajíñ`:

—E laba` jmitaa` o', e doñí` ii` dsea` i ja` niníng` tú` calé` catú` e ni` uíiñ` jaang` dsea` i 'míng` la'eáang` cóo~ Fidié`, joba` ja` quí~ jmí~ jóng` fa` e dsea` do nicá` nifí` quiá` r~.

⁴ Joba` cajmingíitú` Nicodemo e cajmingí` r~ Jesús jo cajíñ`:

—¿Jial quí~ jmí~ e jaang` dsea` yéu~ niqing` túr` fí` dsí` tu` niquiá` r` jo niníng` túr` calé` catú`?

⁵ Joba` cañíitú` Jesús quiá~ Nicodemo jo cajíñ` casí~ reiñ`:

—E laba` jmita` guí` o' cajo, e doñí` ii` dsea` i ja` ngáang` la'eáang` cóo~ jmí~ jogui` cóo~ Jmiguí` quiá~ Fidié`, joba` ja` quí~ jmí~ fa` e nilí` r` e Fidié` nicá` nifí` quiá` r~. ⁶ Có` doñí` ii` dsea` i níng` quiá~ tiquiá` niquiá`, joba` jii~ dsea` jmigüí` b~ líiñ`; jo dsu` jaléng` i dsea` i liseeng` la'eáang` cóo~ Jmiguí` quiá~ Fidié`, joba` Jmiguí` job` jée` quiá` r~. ⁷ Jo ja` güidsigá`

o' dsu' uíi' e fíi' i 'nu' na, e lajím' dsea' 'né' e niliseeng'tur e laco' ni'uíiñ' dsea' 'máng' la'eáang' cóo'~ Fidié'. ⁸ Cofa' guí' fí' la fí' nab íí', jo lico' nuu' baa' e ii' dsu' ja' jnéeng' e jøø'naa' jie' fí' ngóo' osi jie' fí' jáa' é. Jo dseáng'~ lajob lí' cajo cóo'~ i dsea' i uíing' dsea' 'máng' la'eáang' cóo'~ Jmiguí' quía'~ Fidié', co' ja' lí' dsea' jøø'r' jial mi' uíing' dsea' lajo.

⁹ Joba' cajmingú'tu Nicodemo cajmingí'r' Jesús calé' catú' jo casí'r' dsea' do:

—¿Jial cuøng' e nilí' e fól' na, Tifa'?

¹⁰ Joba' cañí'tu Jesús quía'~ dsea' do jo cajíñ' casí'~ reiñ':

—¿Jaang' tifab' líng' 'nu' quía'~ dsea' Israel, jo ja' ngám' bi' jalé' e fá'a la? ¹¹ Jo jnea' jmitaa' o' e lajii'~ e neb' jnea', jii'~ joba' fé'naa', jogui lajii'~ e nuu'naa' jogui ne'naa', lajii'~ e job júu' e guía'naa' jee' 'nú'; jo dsu' 'nú' ja' já' líng'na' lajii'~ júu' e fé'naa' do. ¹² Jo song 'nú' ja' já' líng'na' mi' fá'a júu' cuaiñ' quía'~ fí' jmigüí' la, joba' ¿jial já'~ nilíng'na' jóng mi' fá'a cuaiñ' quía'~ fí' ñiff'?

¹³ Jo jii'~ jaang' dsea' ja' mi' cajgóor' fí' ñiff', co' dseáng'~ lajii'~ 'ñia' baa dsea' gáa'a fí' jo; jo cagüen' n fí' jmigüí' la e lín'n jaang' dsea' jmigüí'. ¹⁴ Jo lí' laco' cajmé' Moí' ie' lamí' cajmeáiñ' jaang' mi' cóo'~ layaang' ñí' jo cateáiñ' fí' yá' coo' 'ma', jogui dseáng'~ lajob 'né' nidsing'ing' jnea' cajo, jnea' dsea' gáa'a fí' ñiff' e lín'n jaang' dsea' jmigüí', co' niteáng' dsea' jnea' fí' coo' dse' 'ma' cajo ¹⁵ e laco' doñí' ii' dsea' i já'~ nilíng' júu' quíe' e quí'~ jmí' e niliseeiñ' cøng' cóo'~ Fidié' lata'.

Dsíng' 'neáang' Fidié' jaléng' dsea' jmigüí'

¹⁶ Jo co' eáam' 'neáang' Fidié' jaléng' dsea' jmigüí', joba' cacuøoiñ' i Jóor' camíng'~ do e laco' cajúng' dsea' do cuaiñ' quía'~ jaléng' dsea' jmigüí'; jo lajoba' jaléng' dsea' i jáng' yaang' fí' jaguó' dsea' do ja' quí'~ jmí' fa' e ni'náiñ' quía'~ Fidié', co' cøom' niliseeiñ' cóo'~ dsea' do lata'. ¹⁷ Dsaco' Fidié' ja' casíñ' i Jóor' do fí' jmigüí' la e laco' ni'í' dsea' do í' e nidsilíng' dsea' fí' lí' 'lí', co' casíñ' dsea' do fí' la e lí' laco' nileáiñ' dsea' jee' jalé' dsee' quía'~ biñ'.

¹⁸ Jo doñí' ii' dsea' i jáng' 'ñia' fí' jaguó' i Jóo' Fidié' do, joba' i dsea' í' ja' ni'íñ' iihuí' uii' quía'~ jalé' dsee' quía'r'~ mi' nití' í' lajo; jo dsu' i dsea' i ja' jáng' 'ñia' fí' jaguó' i Jóo' Fidié' do, joba' i dsea' í' ni'ím' bre iihuí' uii' quía'~ jalé' dsee' quía'r'~ co' ja' mi' cajáng' 'ñia'r' fí' jaguó' i Jóo' Fidié' camíng'~ do. ¹⁹ Joba' lajaléng' dsea' i ja' jáng' yaang' fí' jaguó' Fidié', nibíñ' fí' lí' 'lí' uíi' e eáang' gui catí' dsír' e cajméer' jalé' e ja' dseeng'; co' ie' mi' cagüéng' fí' jmigüí' la i jing' quía'~ Fidié' do, ja' calijí'~ jaléng' dsea' i dsea' í', co' e lí' nuu' sól' dob cajmeáang' gui quía'r' e laco' gui i jing' quía'~ Fidié' do é. ²⁰ Jo jaléng' dsea' i jmóo' jmang'~ e 'lí' 'ní' níim' bre i jing' quía'~ Fidié' do, jo jii'~ capi' ja' iíñ' nidsiquíeeiñ' fí' cáang' dsea' do, co' ja' iíñ' e nililí' dsea' jmigüí' jalé' e 'lí' e jmóor' do. ²¹ Jogui dsu' jaléng' i dsea' i seeng' cøng' cóo'~ júu' quía'~ Fidié' laco' catíng'~, joba' tib' dsír' e dsiquíeeiñ' fí' quini' i jing' quía'~ Fidié' do e laco' cuø' lí' quía'r' e jalé' e jmóor' do cøom' røø' laco' gui jii'~ e iing' Fidié' e nilí'.

Mí' café'tu Juan i seáang' dsea' jmí' do cuaiñ' quía'~ Jesús

²² Jo mi' cangí' gui jia' lajo, cangób' tu Jesús colíng' cóo'~ jaléng' dsea' quía'r'~ fí' lí' se' Judea, jo fí' job cajer' huøom' jia' e seáiñ' jmí' jaléng' dsea' i guilíng' fí' do. ²³ Jo ie' job cajo i Juan do táaiñ' ta' seáang' dsea' jmí' fí' quía'~ coo' fí' lí' sií' Enón ca' lí' née' coo' fí' e sií' Salim, co' fí' job lí' sea' jmí' jmiguiúung', jogui fíim' dsea' dsilíñ' fí' jo e sáiñ' jmí'. ²⁴ Jo jalé' e la calí' lajee' ná'~ gui e nitáiñ' i Juan do fí' dsí' 'nuñí'.

²⁵ Jo i líng' i dsea' i ngí' cóo'~ i Juan do canaiñ' jiiñ' cóo'~ jaang' gui dsea' Israel cuaiñ' quía'~ jalé' e quí'~ tiiñ' jmóor' e laco' liguiúñ' fí' quini' Fidié'. ²⁶ Joba' cangolím' bre e cangosí'r' i Juan do, jo lalab casí'r' dsea' do:

—Tifa', i dsea' i lamí' táang' cóo'~ 'nu' lí' lí' 'ngóo'~ gua' Jordán do i ca'eeng' 'nu' do jogui i nicafé'~ uii' quía'~ do, lana dsea' í' dob nitáiñ' seáiñ' dsea' jmí', jo fíing' gui dsea' nidsiquí'r' í' laco' gui 'nu'.

²⁷ Jōba' lalab cañi' Juan quiá' i dsea` do:

—Lajim` dsea` li'r` jalé' e sea` quiá'r` dsu' uí' e Fidié`bing' i jmicóo' quiá'r` e li'r` jalé' e jo. ²⁸ Jo 'núb' dsea` nicanúu`na' røø mi` cafá'-a e o' jnea` Dsea` Jmáng-, co' jnea` lín'n jaang` i casíng` Fidié` i cagüéng` jéeng`gui laco' dsea` do e laco' cagaguaa` guiá' fí' quiá' dsea` do. ²⁹ Cofa' coo' li` cung' guó' dsea`, jo i siming' do íbing' i jée' quiá' i simí' i cacúng' guó' cóo'r` do, jogui i dsea` i ngóo' caluu` i siming' do eáam' lí'íáang` dsíir` mi` núur` e síiñ' do. Jogui dseáng' lajob lí' quié` jnea` lana, co' dseáng' eáam' íáang` dsii` mi` núu`u lajo. ³⁰ Jo dsea` do eáang`gui ngóo' lniñ-, jo dsu' jnea` lí' lí' ngóo' lí'uóng`guí.

Dsea` i jáa' fí' ñifí`

³¹ Jo lalab cajíng' gui Juan:

—Jo i dsea` i jáa' fí' ñifí` niing`guir jee` jaléng' dsea` jmigüi'; jogui i dsea` i líng' dsea` jmigüi', jmang' júu` quiá' fí' jmigüi'ba' quiér'. Jo i dsea` i jáa' fí' ñifí` do, niing`guir jee` jaléng' dsea` jmigüi'. ³² Jo íb` dsea` i fé' quiá' lajii' e nicangár` jogui lajii' e nicanúur` fí' lí' guing` Tiquiá'r` fí' ñifí`, jo dsu' jii' jaang` dsea` ja` jii'r` lajii' júu` e fé' dsea` do. ³³ Jo dsu' doñi' i dsea` i já' líng' júu` quiá' dsea` do, joba' tí' nir` e jmang' júu` já'ba' fé' Fidié`. ³⁴ Jo i dsea` i nicasíng` Fidié` fí' jmigüi' la, jmang' júu` quiá' dsea` íba' fé'r', dsuco' Fidié`bing' i cuø' dsea` do lalíng` Jmiguí quiá'r`. ³⁵ Jo Fidié` eáam' 'neáaiñ` i Joor' camíng' do, jogui cacuø'r` dsea` do e óoiñ' ta` e ninéé' niñ` lajalé' e sea` fí' jmigüi'. ³⁶ Jo doñi' i dsea` i jáng' yaang` fí' jaguó' i Joo' Fidié` do, joba' niliseeiñ` cøøng` cóo' dsea` do lata`; jo dsu' i dsea` i ja` iing` jáng' yaang` fí' jaguó' i Joo' Fidié` do, joba' ja` qui' jmi' fa' e niliseeiñ` cøøng` cóo' Fidié` lata`, co' lí' lí' latab` niñiñ` iihuá' eáang' e cuø' Fidié` jaléng' i dsea` la'í.

4

Mi` cangíng' Jesús fí' lí' se' Samaria

¹ Jo mi` cangíngui lajo, lajee` e táam`bi Jesús fí' lí' se' Judea, calilí' jaléng' dsea` Israel i líng' dsea` fariseo e fíng`gui dsea` nidsiqui' quiá' Jesús e sáaiñ` jmi' laco'gui i dsea` i dsiqui' Juan i seáang` dsea` jmi' do. ² Jo dsu' e já', o' dseáng' Jesús dsea` i seáang` dsea` jmi' do, co' dsea` quiá'-bre i jmoo` ta` lajo e júu` sinú'r` quiá' dsea` do. ³ Jōba' mi` caliñi' Jesús lajii' e í' dsí' i dsea` Israel i líng' dsea` fariseo do uii` quiá'r`, joba' cagüi'bre colíng` cóo' dsea` quiá'r` fí' lí' se' Judea, jo cangolíng`tur fí' lí' se' Galilea.

⁴ Jo dseáng' la guím` 'né` ngüñ` fí' lí' se' Samaria lajee` e teáaiñ` fí' e ngoliiñ` fí' lí' se' Galilea. ⁵ Jo lajob caguiliñ` fí' coo' fii' e néé' dsí' lí' se' Samaria lí' sii' Sicar, fí' quiá' lí' róo' guoo' uø` quiá' 'lii` yuu` Jacoo` e cangüiñ` fí' jaguó' i joor' i sii' Sé` do lajii' mali'. ⁶ Jo fí' job lí' lí' coo' too` e a' eáang` lí' níng' jmi', jo fí' job lí' calí` ojmi' quiá' 'lii` yuu` Jacoo`. Jo nijaquíéng` guieñib` mi` caguié` Jesús colíng` cóo' dsea` quiá'r` e fí' ojmi' do, jo fí' job cajmi'íng' dsea` do co' eáam' nifiñ' e ngir', jo dob caguár` cáang` e too` a` jmi' do. ⁷⁻⁸ Jo lajee` jo i dsea` quiá'r` do cangoliiñ` e cangoleáar` jalé' e nidó'r` e fí' fii' Sicar do. Jo e fí' ojmi' dob cajé' Jesús 'ñia'r` lajee` jo, jo co'ná' lajob caguié` jaang` dseamí` i seeng` fí' lí' se' Samaria e fí' ojmi' do, joba' lalab casí' Jesús i dseamí` do:

—¿Já' cuø'`jiu' jnea` jmi' dúu`u?

⁹ Jo co' jaléng' dsea` Israel dseáng' ja` røø` seem`bre cóo' jaléng' dsea` i seeng` fí' lí' se' Samaria, joba' i dseamí` do cañiir` quiá' Jesús lala:

—¿Jial cuøøng` fo' lajo? Co' jaang` dsea` Israel líng' 'nu', jo ja` litíng` 'nú' fa' líng` ee` mii'na' jnea', dsea` lí'naa' dsea` Samaria.

¹⁰ Jōba' cañi'tu Jesús quiá' i dseamí` do:

—Faco' jiu` ñi' 'nu' jalé' e guiá' e iing` Fidié` e cuø'r` 'nu', jogui faco' ñi' cajo i jnea` dsea` i mii' i 'nu' jmi', joba' faco' lajo, 'nub` dsea` catín' e nimí' jnea` jmi' jóng, joba' jneab` nicuøøø` 'nu' e jmi' cóo' e cuø' e seeng` dsea` lata`.

11 Joba' cañíi' i dseamî do quiá'- Jesús jo casí'r- dseá do lala:

—Fíi'i, jii' cōo' ja' quié' 'na' cōo' e niguí' jmi' fí' dsí' e too' la, jo dsíng' a'. Joba' ¿e' cōo' niquíin' e jmi' e fó' e nicuó' jnea' do? 12 Jo 'li' yúu' qui' ii' Jacóo' caséer' e ojmí' la qui' ii', cō' fí' lab lí' cacár' jmi' e jmáin' ta' cajo, jogui lajobi jaléng' jóor' cōo' gui jaléng' jó' núu' i ca'eáaiñ', fí' lab lí' ca'uø'r' jmi' e ca'íng' neiñ' do. Jo ¿su 'na' í' o' e niing' gui' laco' i dseá í'?

13 Joba' cañíi'tu Jesús quiá'- i dseamî do jo cajín'-:

—Jaléng' dseá i i' jmi' e uøø' dsí' e too' la niguíáb'tu jmi' jmi' calé' catú'-; 14 jo dsu' i dseá gui' i ni' i' e jmi' e nicuøø'øre do, joba' jo' tōo' jmi' fa' e niguíá' gui' jmi' jmi'. Dsaco' e jmi' jo lí' lafa' e contøøm' sea' jmi' fí' dsí' tu'r cōo' e cuø' e seeiñ', jo e jo lí' e contøøm' seeiñ' cøøng' cōo' Fidié' lata'.

15 Joba' cañíi'tu i dseamî do quiá'- Jesús jo casí'r- dseá do lala:

—Fíi'i, iim' baa nicuó' jnea' e jmi' e fó' na e laco' jo' niguíá' gui' jmi' jmi' o' gui' 'né' gui' fa' e gáa' a tí' la e gaquiee' jmi'.

16 Joba' cajíng'- Jesús casí'r- i dseamî do:

—Guóng' cateá' jo güitee' dseañu' qui' jo ñilíng' tu' fí' la.

17 Joba' cañíi' i dseamî do quiá'- Jesús:

—Ja' cōo' o' dseáng'- dseañu' quié' e.

Joba' cañíi'tu Jesús quiá'- dseá do:

—Jáb'- laco' café' na, dseamî, e o' dseáng'- dseañu' qui' i cōo' lana; 18 dsaco' lamí' jééng' gui' 'ñíng' gui' dseañu' i nicacúng' guóo' cōo', joba' i dseañu' i cōo' na lana ja' líiñ' dseáng'- dseañu' qui'.

19 Jo mí' tí' lí' canúu' i dseamî do e cajíng'- Jesús e júu' jo, joba' cañíir' quiá'- dseá do lala:

—Fíi'i, lanab calilí' i e 'na' lin' jaang' dseá i fé' cuaiñ' quiá'- Fidié'. 20 Jo jaléng' 'li' yúu' qui' ii', dseá Samaria, qui' tñiñ' e jmiféiñ' Fidié' fí' ni' e mó' la, jo dsu' jaléng' gui' 'ná', dseá Israel, fó' na' e jii' fí' Jerusalén lí' 'né' e nijmiféng' naa' Fidié'.

21 Joba' cañíi'tu Jesús quiá'- i dseamî do jo casí' reiñ':

—Já'- güilín' júu' quié' e, dseamî, e nijaquíem' e nití' í' e 'ná' nililí' na' e ja' 'né' nigüilíng' na' fí' e yú' mó' na e güijmiféng' na' Tiquí' ii' Fidié', o' gui' 'né' fa' e nigüilíng' na' cartí' Jerusalén cajo e laco' güijmiféng' na' dseá do. 22 Cō' 'ná', jaléng' dseá Samaria, jii' ja' cúing' na' i' i' jmiféng' na' do; jo dsu' jaléng' jnea', dseá lí' naa' dseá Israel, nicuíim' baa' i' i' 'né' jmiféng' naa' do, cō' jee' jnea', dseá lí' ii' dseá Israel, job lí' caguíng' Fidié' jaang' i nileáng' dseá jee' jalé' dsee' quiá'r'. 23 Jo catí' b' e í' jo, jo dseáng'- lanab líy, e jaléng' dseá i dseáng'- lajang' júu' i jmiféng' Tiquí' ii' Fidié' 'né' nijmér' dseáng'- laco' sí' í' la'eáang' cōo' Jmiguí' quiá'- dseá do, dsaco' dseáng'- lajob iing' Tiquí' ii' Fidié' e nijmé' jaléng' dseá i jmiféng' ír'. 24 Dsaco' Fidié' líiñ' Jmiguí', joba' jaléng' dseá i jmiféng' ír', 'né' nijmér' lajo la'eáang' cōo' Jmiguí' quiáb'- dseá do dseáng'- laco' sí' í'.

25 Joba' cañíi'tu i dseamî do quiá'- Jesús jo cajín'-:

—Niñib' jnea' e tí' lí' nijáb' i cajíng'- Fidié' i nisín' do i líng' Dseá Jmáang' i nicá' nifí' qui' ii', joba' mí' tí' lí' nigüéeng' dseá do fí' la, í' guib' dseá i ni'é' jnea' jalé' e jo.

26 Joba' cañíi'tu Jesús quiá' iñ' do jo cajín'-:

—Dseá í' bi' jnea' i sing' síng' cōo' 'ná' lana.

27 Jo lajee' gui' nang' fé' Jesús e job, mí' caguilíng' i dseá quiá'r- do i cangolíng' e cangoleáa' e nidø'r-, jo mí' cangáin' Jesús e táang' dseá do síiñ' cōo' jaang' dseamî, joba' eáam' cangogá' dsíir' mí' cangár- lajo. Jo dsu' jii' jaang' dseá do ja' cateá' dsíir' fa' ee' nijmingí'r- Jesús uii' quiá'- i dseamî i sing' do, osi e quiá'- e síiñ' do é. 28 Jo ngí' jo, jo dob caséé' i dseamî do e dsu' quiá'r- do e lí' sí' í' niguíé'r' jmi' do, jo caquim' tur fí' jee' fí; jo mí' caguíéiñ' fí' jo, canaaíñ' guiar' júu' jee' jaléng' dseá góor' jo sí' reiñ' lala:

29 —Má⁻aa', jò majmicuíng⁻naa' jaang⁻ dseañu⁻ i nicamán⁻n i nicajmea' jnea⁻ júu⁻ quiá⁻ jalé⁻ba' e nicajmé⁻e jéeng⁻gui, jò jangám⁻ íb⁻ i dsea⁻ i cajíng⁻ Fidiée⁻ i nisíñ⁻ fí jmingüí⁻ la i líng⁻ Dsea⁻ Jmáang⁻ i nicá⁻ nifí⁻ qui⁻ii'.

30 Jò mi⁻ canúu⁻ i dsea⁻ góor⁻ do e júu⁻ jò, dsifib⁻ ca'uøøiñ⁻ fí jee⁻ fii⁻ colíng⁻ cóo⁻ i dseamí⁻ do jò cangolíñ⁻ fí lí⁻ táang⁻ Jesús. 31 Jò dsu⁻ lajee⁻ ná⁻ gui e niguilíñ⁻ do fí lí⁻ táang⁻ Jesús, i dsea⁻ quiá⁻ Jesús do casí⁻r⁻ dsea⁻ do jò cajíñ⁻:

—¿Já⁻ cø⁻jiu⁻ í⁻, Tifa⁻?

32 Jòba⁻ dsea⁻ do cañí⁻r⁻ lala:

—Seab⁻ cø⁻ e jíe⁻gui e 'né⁻ nidøø⁻ e jíi⁻ 'nú⁻ ja⁻ ñí⁻na⁻ jial lí⁻.

33 Jò mi⁻ tí⁻ lí⁻ canúu⁻ i dsea⁻ quiá⁻r⁻ do e jò, jòba⁻ canaaiñ⁻ síiñ⁻ lajee⁻ la'ó⁻ yaaiñ⁻ jò jmingí⁻ rúíñ⁻:

—Jangám⁻ song líng⁻ i⁻ nijaca⁻ e nicagø⁻r⁻.

34 Jòba⁻ cañí⁻ Jesús quiá⁻ i dsea⁻ quiá⁻r⁻ do jò casí⁻reiñ⁻:

—'Né⁻ nijmee⁻ e lajii⁻ e iing⁻ i dsea⁻ i casíng⁻ jnea⁻ do, jogui e nijmité⁻ e lajii⁻ ta⁻ e cangíñ⁻n quiá⁻ dsea⁻ do, jòba⁻ e job e lí⁻ lafa⁻ mi⁻ gø⁻ø⁻ ii⁻ e litaan⁻n guiá⁻. 35 Jò dsu⁻ 'nú⁻ fó⁻na⁻ lala: “Né⁻ bi quiúung⁻ gui sí⁻ e nicuø⁻ lajii⁻ e cangojneá⁻ do”; jò dsu⁻ jnea⁻ gui fii⁻ i 'nú⁻ e 'né⁻ cá⁻na⁻ cuente e lajii⁻ e sijnea⁻ do nicalineáang⁻, jòba⁻ nicuø⁻ lí⁻ jóng e nicatí⁻b⁻ í⁻ e nisítíng⁻. 36 Dsuo⁻ i dsea⁻ i jmóo⁻ ta⁻ e sitíng⁻ lajii⁻ e roo⁻ do, jòba⁻ ím⁻bre lajii⁻ e catíiñ⁻ quiá⁻ e ta⁻ e jmóor⁻ do. Cø⁻ jalé⁻ e roo⁻ e sitíiñ⁻ do lí⁻ laco⁻ jaléng⁻ dsea⁻ i liseeng⁻ cøøng⁻ cóo⁻ Fidiée⁻ lata⁻. Jò cø⁻ lajob lí⁻, jòba⁻ i dsea⁻ i jní⁻ do cóo⁻ gui i dsea⁻ i sitíng⁻ do, røøb⁻ nili'íáang⁻ dsíir⁻ lajii⁻ tú⁻ íiñ⁻ do mi⁻ caroo⁻ e cajní⁻ do. 37 Cø⁻ e jáb⁻ dseáng⁻ lajii⁻ e júu⁻ róo⁻ e fé⁻ lala, “I jíém⁻ i dsea⁻ i jní⁻ do, jogui i jíém⁻ bi i nisítí⁻ mi⁻ niró⁻.” 38 Jò jneab⁻ dsea⁻ casíñ⁻ n 'nú⁻ e caguisítíng⁻ na⁻ lajii⁻ e caroo⁻ do e jíi⁻ 'nú⁻ ja⁻ caquie⁻na⁻ ta⁻ quiá⁻ jial cangojneá⁻ jalé⁻ e jò, cø⁻ i jíém⁻ i dsea⁻ i cajmée⁻ ta⁻ jò, jogui 'nú⁻ b⁻ dsea⁻ i nicali'øøng⁻ lajii⁻ ta⁻ e cajmée⁻ i dsea⁻ í⁻.

39 Jò i fii⁻ dsea⁻ i seeng⁻ e fii⁻ Sicar do jáb⁻ caliñ⁻ júu⁻ quiá⁻ Jesús la'eáang⁻ cóo⁻ júu⁻ e cajmée⁻ i dseamí⁻ do ie⁻ mi⁻ cajíñ⁻ lala: “I dseañu⁻ do nicajmea⁻ bre jnea⁻ júu⁻ quiá⁻ jalé⁻ba' e nicajmé⁻ e jéeng⁻gui.” 40 Jò mi⁻ tí⁻ lí⁻ caguilíng⁻ i dsea⁻ góo⁻ i dseamí⁻ samaritana do fí lí⁻ táang⁻ Jesús, jòba⁻ camí⁻r⁻ jmi'ee⁻ fa⁻ níjé⁻ bi dsea⁻ do cóo⁻ í⁻. Jòba⁻ lajob cajmée⁻ dsea⁻ do, caje⁻ bre cóo⁻iñ⁻ do lajee⁻ tú⁻ jmi⁻, 41 jò i fii⁻ bi i dsea⁻ í⁻ cajáng⁻ yaaiñ⁻ fí jaguó⁻ Jesús mi⁻ canúur⁻ lajii⁻ júu⁻ e fé⁻ dsea⁻ do. 42 Jò lalab casí⁻ i dsea⁻ do i dseamí⁻ dsea⁻ góor⁻ do:

—Jò lana dseáng⁻ lajang⁻ júu⁻ níjál⁻ lí⁻naa' júu⁻ quiá⁻ i dsea⁻ na, cø⁻ dseáng⁻ nicanú⁻baa' yee⁻naa' jial lí⁻ júu⁻ quiá⁻r⁻, jò o⁻ jíi⁻ e júu⁻ e cajmée⁻ 'nú⁻ jnea⁻ do. Jòba⁻ nine⁻baa' jogui nita⁻ bi dsí⁻naa' cajø e dsea⁻ íb⁻ i láang⁻ dsea⁻ jmingüí⁻ jee⁻ jalé⁻ dsee⁻ quiáíñ⁻.

Mí⁻ cajmi'leáang⁻ Jesús jaang⁻ siming⁻ jiuung⁻

43 Jò mi⁻ cangí⁻ e tú⁻ jmi⁻ e caje⁻ Jesús cóo⁻ i dsea⁻ do, cagüi'í⁻bre e fí guóo⁻ uø⁻ lí⁻ se⁻ Samaria do jò ca'íb⁻ tú⁻ fí e ngóor⁻ fí lí⁻ se⁻ Galilea. 44 Dsuo⁻ lí⁻ laco⁻ gui jíi⁻ júu⁻ e tíng⁻ Jesús, e jíi⁻ jaang⁻ dsea⁻ i fé⁻ cuaiñ⁻ quiá⁻ Fidiée⁻ fa⁻ jmi'gó⁻ dsea⁻ góor⁻ í⁻. 45 Jò dsu⁻ mi⁻ caguiéng⁻ Jesús fí góor⁻ fí lí⁻ se⁻ Galilea, jalém⁻ i dsea⁻ i seeng⁻ fí jò guiáb⁻ ca'íñ⁻ dsea⁻ do, cø⁻ jaléng⁻ i dsea⁻ í⁻ cangolíñ⁻ bre fí Jerusalén e catí⁻ jmi⁻ Pascua, jogui cangá⁻ bre jalé⁻ e quí⁻ jmi⁻ e cajmée⁻ Jesús ie⁻ jò.

46 Jò lajee⁻ jò caquim⁻ tú⁻ Jesús fí e fii⁻ e sii⁻ Caná do e née⁻ lí⁻ se⁻ Galilea e fí lí⁻ cajméer⁻ e ca'uíng⁻ jmi⁻ mi⁻ huíng⁻ jø⁻ e jmi⁻ do. Jò fí job niseeng⁻ jaang⁻ dsea⁻ na'luu⁻ quiá⁻ jaang⁻ dseata⁻ dsea⁻ féng⁻, jò dsea⁻ í⁻ niseeng⁻ jaang⁻ siming⁻ jiuung⁻ quiá⁻r⁻ i niráang⁻ dsée⁻ fí e fii⁻ e sii⁻ Capernaum. 47 Jòba⁻ mi⁻ tí⁻ lí⁻ caliñí⁻ dsea⁻ do e nitáang⁻ Jesús e fí fii⁻ jò e jaiñ⁻ fí lí⁻ se⁻ Judea, jòba⁻ cangó⁻ bre fí lí⁻ táang⁻ dsea⁻ do, jò camí⁻r⁻ dsea⁻ do jmi'ee⁻ fa⁻ e nidsíñ⁻ do fí quiá⁻r⁻ e nidsijmi'leáaiñ⁻ i siming⁻ jiuung⁻ quiá⁻r⁻ do, cø⁻ ráaiñ⁻ do e tí⁻ lí⁻ nijúum⁻ bre. 48 Jòba⁻ cañí⁻ Jesús quiá⁻ i dsea⁻ do jò cajíñ⁻:

—'Ná' ja` ja` nílim`bi' fíng song ja` nimó`na' jalé` lí e quíi`i jmi` jmoó`o.

⁴⁹ Joba' cañi`tu i dsea` nu`luu` do quiá`- Jesús jo casí`r- dsea` do:

—Fíi, fa' jgiéé` o' e guó`ba' lajminá`- fí' quíe`-e ná`- gui e nijúung`- i jiuung`- quíe`-e do.

⁵⁰ Joba' lalab cañi` Jesús quiá`- i dseañu` do jo casí`-reiñ':

—Quíng`-tu fí' quíi`-, co' nica`láam`- jóo`'.

Joba' lajob cajmée` i dseañu` do, caquim`-tur fí' quiá`r-, co' jáb`- calíñ`- lajii`- júu` e casí`- Jesús ír'. ⁵¹ Jo lajee` iuuiñ`- fí' e ngaiñ` fí' quiá`-bre mi` cajíñ`- guiá` fí' i dsea` 'léeng`- quiá`r- i jalíng`- fí' jo, jo lalab cajíng`- dsea` do mi` cajíñ`-:

—Nica`láam`- jóo`'.

⁵² Jo mi` canúu`- i dsea` do e júu` jo, joba' cajmingí`-reiñ' do e` í` dseáng`- e ca`láang`- i jóor` do.

Joba' lalab cañi` i dsea` 'léeng`- do quiá`r-:

—Lado guíeé`- la ii`- coo` e ca`lóob`- caguá`- iu` guíiñ` jo ca`láam`-bre.

⁵³ Jo mi` canúu`- i tiquiá`- i jiuung`- do e júu` jo, joba' dseáng`- calilí`r` e dseáng`- e í` job mi` casí`- Jesús ír` e nica`láam`- jóor`. Joba' i dsea` do colíng`- cóo`- jaléng`- dsea` sinúu` quiá`r- cajám`- yaaiñ`- fí' jaguó` Jesús ie` jo.

⁵⁴ Jo cóo`- e nab catí` tú`- e lí` e quíi`- Jesús jmi` e cajmée`- ie` mi` caquing`-tur fí' lí` se` Galilea e jaiñ` fí' lí` se` Judea.

5

Mi` cajmi`leáang`- Jesús jaang` dsea` i caang`- tii`

¹ Jo mi` cangí`gui lajo, mi` catí`tu í` e jmoó` dsea` Israel jmi` fí' Jerusalén, joba' fí' job caquing`-tu Jesús e ngotíiñ`- e jmi` jo. ² Jo ie` jo, e fí' dsíi` iá` cuu` e si' lacúng`- Jerusalén do, quíéeng`- cóo`- o'nú` fí' lí` ngíng`- jaléng`- jo'se`- jiuung`- i tíng`- dsea` Israel jngaiñ`- mi` tí' jmi`. Jo quiá`- e o'nú` do silí` coo`- lí` a` jmi` e fe` eáang`- e sii` Betzata cóo`- jmi' hebreo. Jo e fí' 'ni` e lí` a` jmi` do quíéeng`- 'ñiá`- ni`núu`-jiu, ³ jo fí' job seeng`- fíng`- dsea` dsée`- e lí` doñi` ee`- jmohu`- líiñ`-; do i tiuung`-, dogui i jlúu`-, dogui i caang`- tii`- i teng`- ni` uó`-. Jo jaléng`- í` sijeeiñ`- e nijó`- e jmi` do. ⁴ Co' fé` dsea` e seab`- mi` jgáang`- jaang`- ángel fí' dsíi` e jmi` do, joba' nijó`- e jmi` do mi` nijgiáang`- í`; jo mi` calí` jo, i dsea` la'uii`- i ni`í` fí' dsíi` e jmi` do, joba' ni`leáam`-bre jóng lí` doñi` ee`- jmohu`- líiñ`-. ⁵ Jo jee`- jaléng`- i dsea` dsée`- do niquíéeng`- jaang`- dseañu`- i nidsée`- lajii`- nángoo`- guigui`- dsí`- jñiá`- jii`. ⁶ Jo mi` caguié`- Jesús fí' jo, cangáñ`- i dseañu`- i dsée`- do e dob ráaiñ`- jogui calíñir` e lajii`- lí`-ba' nidsée`- i dsea` do, joba' cajmingí`-reiñ' do jo casí`-reiñ':

—¿Iin`- e ni`leáan`- lajii`- jmohu`- lin`-?

⁷ Joba' cañi` i dsea` dsée`- do quiá`- Jesús lala:

—Fíi, ja` ii` seeng`- fa' ii`- nijmicóo`- jnea`- e ni`ú`u fí' dsíi` e jmi` do mi` cangí` e nijó`-, jo co' lacoo`- ya`- mi` iin`-n ni`ú`u fí' jo, dsea`- jiem`- dsijéeng`- quíe`-e.

⁸ Joba' cañi` Jesús quiá`- i dsea` do:

—Ráan`-, jo see`- e 'ma`- lí`- dsíin`- na jo guóng`-.

⁹ Jo dsifí`- lanab ca`láang`- i dseañu` do, jo cacó`-bre e 'ma`- lí`- dsíiñ`- do, jo canaaiñ`- ngí`-bre jóng. Jo ie`- jo dseáng`- cangotíng`- jmi` e jmi`-íng`- dsea` Israel. ¹⁰ Joba' mi` cangá`- i dsea` quíe`- nifí`- quiá`- dsea` Israel e niquíéé`- i dsea` ca`láang`- do e 'ma`- lí`- dsíiñ`- do, joba' lalab casí`r- dsea` do:

—Jmi` e jmi`-ím`- dsea` lana, joba' ja` cuóong`- fa' e co`- e 'ma`- na.

¹¹ Jo dsu` lalab cañi` i dsea` i lamí`- dsée`- do quiá`- i dsea` góor`- dsea` Israel i casí`- ír` lajo:

—Jo i dsea` i cajmi`-lée`- quíe`-e do casí`r- jnea`- lala: “Ráan`-, jo see`- e 'ma`- lí`- dsíin`- na jo guóng`-.”

¹² Joba' cajmingí`-tu i dsea` Israel do i dseañu` do jo cajíñ`-:

—¿I`-gui i dsea` i casí`- 'nu`- e nicó`- e 'ma`- lí`- dsíin`- do jogui e niguón`-?

¹³ Jò dsu' i dseañu' do jíi' ja ñir' i i cajmi'leáng' ír' do, co' ladsifib' cango'íng'tu Jesús jee' i dsea' fíng' i siseáng' do ie' jo. ¹⁴ Jò mi' cangí' jo, dob cadséng'tu Jesús i dsea' i cajmi'leáaiñ' do fí' dsí' sinúu' guá' fé' e si' fí' Jerusalén jo lalab casí' reiñ' do:

—Janú', lana nica'láam-ba' lajii' jmoñu' e lamí' lin', jo jie' mí' ee-tu' dsee' calé' catú', dsuco' fíng' song cajmee-tu' lajo, joba' huñg'guib nidsijéé' quíi' jóng.

¹⁵ Jò ngí' jo, cangób' i dseañu' i lamí' dsée' do e cangojmea'r' júu' jaléng' i dsea' i quie' nifi' quíá' dsea' Israel e Jesús si' i dsea' i cajmi'leáng' ír' do. ¹⁶ Joba' jaléng' i dsea' Israel do ñingir' 'náaiñ' Jesús e laco' nijmeaiñ' dsea' do ga' uíi' e cajmée' dsea' do e jo 'ña' ie' jmí' e jmi'íng' jaléng' dsea' góor' dsea' Israel. ¹⁷ Jò dsu' Jesús lalab casí'r' jaléng' i dsea' do:

—Tiquié' e ja' mí' catúr' jíi' cateá' ta' quíá'r', jogui lajob jmóo' jnea' cajo.

¹⁸ Jò mi' canúu' jaléng' i dsea' i quie' nifi' quíá' dsea' Israel do e cajíng' Jesús lajo, joba' eáang'guib ca'f' dsír' e nijngaiñ' dsea' do, co' o' jíi' e cajmi'leáaiñ' i dsea' dsée' do 'ña' ie' jmí' e jmi'íng' dsea' góor' dsea' Israel, co' lajob cajo fé'r' e røøb' líiñ' cóo' Fidié' mí' fé'r' e Fidiéeb' dsea' líng' Tiquíá'r'.

Ja' jmóo' i Joo' Fidié' i camíng' do la tiiñ' 'ña'r'

¹⁹ Jò co' ñiñib' Jesús jial' í' dsí' i dsea' do, joba' lalab casí'r' dsea' do:

—E laba' jmitaa' óona', e jíi' cóo' cuøøng' lí' jmee' jnea' la tiiñ' 'ña'a', jnea' dsea' lín'n i Joo' Fidié' camíng', co' dseáng' lajii' e móo'o e jmóo' Tiquí'ii', lajii' e joba' e jmóo'o cajo. Co' jalé' e móo' jnea' e jmóo' Tiquí'ii', joba' e job jmóo'o cajo. ²⁰ Co' Tiquí'ii' eáam' 'neáaiñ' jnea', jogui e'bre jnea' jalé' e jmóor'; jogui ni'é' bir jnea' cajo jalé' e ñiing'gui e laco' nidsi'gó' óo' 'nú' eáang'gui. ²¹ Co' lí' laco' jmóo' Tiquí'ii' e jmi'í'tur jaléng' 'líi' jogui e cuø' e niliseeng'tuiñ', joba' lajobi' jnea', dsea' lín'n Joo', lajob jmóo'o cóo' jaléng' dsea' i iin' n jmee' cóo' lajo. ²² Jò Tiquí'ii' ja' quidsir' í' quíá' jíi' jaang' dsea' uíi' dsee' quíaiñ', co' jneab' dsea' nicangín' n quíá'r' e ta' jo e catín' n nijmee' e lajo. ²³ Jò cajmée' Tiquí'ii' lajo e lí' laco' lajñg' dsea' nijmi'gór' jnea' lí' laco'gui jmi'gó' dsea' ír'. Dsuco' i dsea' i ja' jmi'gó' jnea', dsea' lín'n Joo' Fidié', joba' lajob cajo ja' jmi'gór' Tiquí'ii', dsea' i casíng' jnea' fí' jmi'gü' la.

²⁴ Jò e laba' jmitaa' óona', e doñi' ii' dsea' i ja' líng' júu' quie' e jogui núu'r' júu' quíá' i dsea' i casíng' jnea' fí' jmi'gü' la, joba' jaléng' dsea' í' ñiñim'bre e seeiñ' cøøng' cóo' Fidié' lata' jo ja' nidsilíiñ' fí' lí' 'lí'; co' lí' lafa' lamí' sijúum-bre, jo dsu' lana lí' lafa' nicají'tur la'eáang' cóo' Fidié'. ²⁵ Jogui dseáng' jmita'baa' óona' e tí' lí' nití' í' jo dseáng' lanab'iy e jaléng' dsea' i lafa' 'líng' uíi' jalé' dsee' quíá'r' ninúr' júu' quie' e, dsea' lín'n Joo' Fidié'; jogui jaléng' dsea' i ni'íng' e júu' jo, niliseem'bre la'eáang' cóo' jnea'. ²⁶ Jò lí' laco' Tiquí'ii' Fidié' 'ña'bre dsea' cuø' e seeng' dsea', joba' lajob cajo dsea' í'bing' i nicacuø' jnea', dsea' lín'n Joo', e laco' 'ña'baa' dsea' cuøøø dsea' e seeiñ'. ²⁷ Jogui nicacuø' bir jnea' e oo' ta' e niquidsii' í' quíá' jaléng' dsea' jmi'gü' uii' quíá' jalé' dsee' quíaiñ', co' jneab' dsea' cagá'a fí' ñifí' e lín'n jaang' dsea' jmi'gü'. ²⁸ Jò ja' güidsigá' óona' quíá' jalé' e fí' 'nú' la, co' niguiéeb' jmí' mí' jaléng' dsea' i ni'líng' ninúr' júu' quie' e ²⁹ jo ni'uóñ' fí' dsí' ée' quíá'r'. Jo ie' jo jaléng' i dsea' i ca'éé' jmang' e guiá' nijí'tur e laco' niliseeñ' cøøng' cóo' Fidié', jo dsu' jaléng' i dsea' i cajmée' jalé' e ja' dseeng' nijí'tur e lí' laco' ni'íñ' iihuí'.

Jie' fí' lí' jáa' fí' quíá' Jesús cóo' jalé' e jmóor'

³⁰ Jò fí' túu' 'nú' e jíi' cóo' cuøøng' lí' jmee' jnea' la ñii' 'ña'a'. Co' jnea' mí' quidsii' í' quíá' jaléng' dsea', e jo jmóo'o laco' ta' quíá' Tiquí'ii' Fidiéeb', jogui dseáng' røøb' jalé' e jmóo'o do cajo. Jò ja' jmóo'o la tiiñ' 'ña'a' jalé' e jo, co' lajii' e iing' Tiquí'baa' e jmóo'o, co' dsea' íb' i casíng' jnea' fí' jmi'gü' la. ³¹ Jò faco' jnea' fá'a juguiá' cuaiñ' quie' e 'ña'a', joba' ja' e quíng' jíi' cóo' e júu' do fí' quini' 'nú' jóng. ³² Jò dsu' seem' jaang'gui i fé' guiá' uii' quie' e, jogui tab' dsii' e jalé' e júu' do quím' fí' quini' 'nú'. ³³ Jò 'náb' dsea'

casíng'na' dsea`i cangojmingí' i Juan i seáng' dsea`jmíi` do i` dseáng'` jnea` , jo tab` dsii` e jmang'` júu` jáb'` dseáng'` fé' i Juan do. ³⁴ Jo dsu' jnea` ja` 'neán` n dsea` jiéng' i nijmé` júu` uii` quíe` e i` dsea` líng' jnea` ; jo fá'a e júu` la e lí' laco' 'nú' nilí'na' leáng'na' jee` jalé` dsee` quí'na'.

³⁵ 'Jo jalé' júu` e cagua' i Juan do lí' laco' cajlí'` quí' e coo` e laco' e' dsea` fí' ; jo 'nú' lajee` cateá'ba' cajmí'iaang` óo'na' cóo'` jalé' e júu` e cagua' i Juan do. ³⁶ Jogui jalé' e jmóo' jnea` do eáang'gui cuo' lí' i` jnea` , jo eáang'guib niing` laco' e júu` e cajíng' i Juan do uii` quíe` e ; co' lajii'` e jmóo' jnea` , ta` job e cacuo' Tiquí'ii' Fidié` jnea` e nijmee` e. Jo jalé' e jmóo' do cuo' lí' e Tiquí'ii' Fidiéeb` dsea` casíiñ` jnea` fí' jmigü' la. ³⁷ Jo i Tiquí'ii' do, dsea` íb' i fé' juguíá` uii` quíe` e. Jo dsu' 'nú' ja` mí' canúu`-na' júu` quíá'r` o'gui mí' caííng'na're cajo, ³⁸ o'gui seeng'na' e jmití'na' júu` quíá'` dsea` do, co' ja` mí' ca'ííng'na' jnea` dsea` casíiñ` fí' jmigü' la. ³⁹ Jogui 'nú' dseáng'` tá' camí'` júub` jmitíng'na' e fé' fí' ní' jì' quíá'` Fidié` , co' sijeeng'na' e fa' lajob niliñí'na' jial cuo'ong` e seeng'na' cøong` cóo'` dsea` do lata` ; jo dsu' jalé' e júu` do lajii'` uii` quíe`-baa e fé'. ⁴⁰ Jo dsu' 'nú' ja` iing'na' fa' nijáang'` yaang'na' fí' jaguóo' e laco' niliseeng'na' cøong` cóo'` Fidié`.

⁴¹ 'Jo fí' guí' 'nú' , ja` e lí' quíe` jnea` jial lí' jalé' e fé' dsea` jmigü' uii` quíe` e, ⁴² dsu' nicuíim` jnea` 'nú' guíá` jial líng'na' , jo niñi'baa guíá` e ja` 'neáang'na' Fidié`. ⁴³ Jo jnea` cagá` a fí' jmigü' la cuaiñ` quíá'` Tiquíe` e, jo dsu' 'nú' ja` íng'na' jnea`. Jogui faco' jaang'gui dsea` i nijáa` i ja` ii` seeng` i sñ' quíá'r` , jo dsu' ni'ím'ba' i dsea` í. ⁴⁴ Jo ¿jial já'` nilíng' 'nú' júu` quíe` e fíng song lico' jmiféng'` rúng'na' lajee` la'ó' yaang'na' jo dsu' ja` jmí'goo'na' 'ñia' Fidié` dsea` fé'r` guíá` uii` quí'na'? ⁴⁵ Jo ja` í` óo'na' e jnea` ni'náñ`n 'nú' fí' quini` Tiquíe` e, co' 'lí' yúu'` quí'na' i sii' Moi` dsea` ca'náñiñ` 'nú' cóo'` júu` quíu'` ta` e cajme'r` do, jo íb' i sijeeng' 'nú' i nijmicóo'` quí'na'. ⁴⁶ Cofa' 'nú' já'` calíng'na' lajii'` júu` e cajme' i Moi` do fí' ní' jì' quíá'r` , joba' lajob já'` líng'na' jnea` cajo, co' e fí' ní' júu` jo cuaiñ` quíe`-baa e fé'. ⁴⁷ Jo song 'nú' ja` já'` líng'na' e júu` e cajme' í, joba' ¿jial cuo'ong` e já'` nilíng'na' lajii'` júu` e fí' i 'nú' jóng'?

Jo lanab jii'` lí' júu` quíá'` Jesús e casí'r` dsea` i quíe' nifí' quíá'` dsea` Israel ie` jo.

6

Mí' cahéng' Jesús ñia` mil dseañu`

(Mt. 14:13-21; Mr. 6:30-44; Lc. 9:10-17)

¹ Jo mí' cangí' jo, coo'` jmíi` cangó` Jesús lí' lí' 'ngóo'` e guíeé' e sii' Galilea do, jogui sii'bi cajo Tiberias. ² Jo fíim' dsea` ngolíiñ` fí' lí' 'ngóo' dsea` do, dsuco' jéeng'gui nicangár` jalé' e lí' e quí'` dsea` do jmíi` e jmóor` mí' jmí'leáaiñ` jaléng' dsea` dséé'`. ³ Jo mí' caguíe` Jesús colíng` cóo'` dsea` quíá'r` fí' lí' lí' 'ngóo'` e guíeé' do, jo cangolíiñ` fí' coo'` yá'` mó' , jo mí' caguíiñ` fí' jo, dob caguár` colíng` cóoiñ` do. ⁴ Jo nijaquíeéng' jmíi` Pascua ie` jo e quí'` táng' dsea` Israel e jmóor` fí' Jerusalén.

⁵ Jo lajee` guíng` Jesús e fí' yá'` mó' do, cangár` e i fíng' dsea` nijalíng` fí' lí' guíiñ` , joba' lalab casí'r` jaang' lajee` i dsea` quíá'r` do i sii' Lii` jo cajíiñ` :

—¿Jie` fí' nidsileá'aa' jalé' e nidó'` i dsea` 'leáang` i nicagüilíng` la lana?

⁶ Dsu' cajíng'` Jesús e jo e lí' laco' niliñir` e` nijíng'` i Lii` do cuaiñ` quíá'` e jo, co' niñi'bre guíá` 'ñia'r` quíá'` jial nijmér` cuaiñ` quíá'` e do. ⁷ Jo lalab cañi' Lii` e casí'r` Jesús:

—Nañi' fa' nili'leé'` cabøø` iñi'` e nidsé` laji' cuu` e 'léeng'` dsea` lajee` guíang` sí' , dsu' ja` nilíim'bi quíá'` lajii'ng` i dsea` na e nitíiñ` jmá'` capí'` lajaang` lajaaiñ`.

⁸ Jo mí' canúu` e júu` jo i dsea` jaang'gui quíá'` Jesús i sii' Dí' , i líng' rúng'` Tú` Simón, joba' lalab casí'r` Jesús:

⁹ —Lab sing'` jaang` jiuung` i quíe' 'ñia` iñi'` e lí' cóo'` mí'` cebada cóo'`gui gáng` 'ñu` i nicuíng` , jo dsu' e la ja` jié'` lí' nidsibó'` jee` i dsea` fíng' na.

¹⁰ Joba' cañi'tu Jesús quíá'` i dsea` quíá'r` do jo cajíiñ` :

—Síi'` go' jaléng' i dsea` na güi'nér' lí' nigüeár` lajaang` lajaaiñ`.

Jō e fí' mó' jō ia' sea` nuu` rø', joba' fí' jōb caguá' jaléng' i dsea` do, jō jee` i dsea` do quíng' jié' ja` ñiá' mil dseañu'. ¹¹ Jō mi` cangí' jō, ca'ím' Jesús e iñí' e se' i jiuung` do jō cacuø'r' gui'máang' Fidiée'; jō mi` cangí' jō, canaaiñ` jmóor` guiéé` jee` jaléng' i dsea` i caseáng' do ie` jō. Jō lajōb cajo cajméer` cóo' i ñu` do, cajméé`bre guiéé` jee` jaléng' i dsea` do car` jié' jí' iñí' do. ¹² Jōba' mi` tí' lí' calitaang` i dsea` do guiá', lalab cajíng' Jesús casí'r` i dsea` quiá'r` do:

—Sití' na' jalé' ná' e caseáng` gui na, jō tea' na' líng', co' jí' ca' ná' ja` né` nidsitøng'.

¹³ Jōba' lajōb cajméé` i dsea` do, casitím`bre jalé' e ná' e caseáng`gui do quiá' laj' ñiá' e iñí' cebada do, jō guitu' matá'gui carøng` cóo' e ná' e caseáng` do. ¹⁴ Jō mi` tí' lí' cangá' i dsea` fíng' do e lí' e quí' Jesús jmí' e cajméer` do, jōba' canaaiñ` sáñ` lajee` yaaiñ` jō fé'r`:

—I nab dseáng' dsea` i cajíng' Fidiée` i nisíñ` fí' jmigü' la i nifé' cuaiñ` quiá'r`.

¹⁵ Jō niñib` Jesús e i dsea` i fíng' do iñí' nitø`bre ír' la'úung` e laco' nicár` nifí' quiáñ` do, jōba' cajmí'nám'tu ñia'r' jee` i dsea` do, jō cajgóor` calé' catú` cartí' yú' e mó' do e laco' niliung` ñia'r'.

Mí' cangí' Jesús fí' ní' jmí'
(Mt. 14:22-27; Mr. 6:45-52)

¹⁶ Jō mi` tí' lí' jaquíéng' e ní' ná' e jmí' do, i dsea` quiá' Jesús do catism`bre fí' lí' née' e guiéé' do. ¹⁷ Jō mi` caguilíñ` fí' 'ni' e guiéé' do, cangotáam`bre fí' dsí' cóo' móo', jō canaaiñ` cua`bre e guiéé' do e teáaiñ` fí' ngolíñ` fí' Capernaum. Jō cóob` mi` ca'í' ná', jō dsu' Jesús ja` mí' cajím`bi rúíñ` cóo' i dsea` quiá'r` do. ¹⁸ Jō lajee` ngolíng' i dsea` quiá' Jesús do e teáaiñ` fí' dsí' e móo' do, jō cóo' canaang` e í' guí' e teá' eáang', jōba' canaang` e róo` jmí'.

¹⁹ Jō lajee` ningolíñ` e fí' ní' jmí' do túb'jiu la ñiá' osi jñúu` kilómetro, jō cóo' cangám`bre Jesús e nijaquíéng' dsea` do fí' quiá' e móo' do e nijaiñ` ngír' fí' ní' jmí'. Jō mi` cangáng` i dsea` do Jesús e jang' dsea` do ngír' fí' ní' jmí', jōba' cajá' e 'gó'bre. ²⁰ Jōba' dsifí' lanab cajíng' Jesús casí'r` i dsea` do lala:

—jneab` la, jō ja` føøng` na'!

²¹ Jō i dsea` quiá'r` do e íang` dsí'bre ca'íñ` dsea` do fí' dsí' e móo' lí' teáaiñ` do; jō dsu' lajee` jōb e jí' ja` lí' lanab catíñ` lajaléñ` do fí' uø` quiá' e fí' lí' sí'í' nitíñ` do.

Mí' canaang` i dsea` fíng' do 'náíñ' Jesús

²² Jō mi` cajneá' e jmí' jō, jaléng' dsea` i sijeeng` Jesús lí' lí' 'ngóo' cataang` e guiéé' do calilí'r` e jaléng' i dsea` quiá' Jesús do nicangolíñ`bre cóo' e móo' cóo' ñia' e sí' do jéeng'gui, jō dsu' Jesús ja` mí' cangaiñ` cóo' i dsea` quiá'r` do. ²³ Jō lajee` jōb caguilíng` jíéng'gui dsea` i teáang` dsí' móo' i jalíng` fí' cóo' fí' e sí' Tiberias, jō caguilíñ` fí' guóo' uø` quiá' quiá' fí' lí' cagó' i dsea` i fíng' do mi` cangí' e cacuø' Fí'naa' Jesús gui'máang' Fidiée'. ²⁴ Jōba' mi` tí' lí' calilí' i dsea` fíng' do e jō` seeng` Jesús fí' do o'gui i dsea` quiá'r` do, jōba' cajgóo`bre fí' dsí' cóo' móo', jō cangolíñ` cango'néem`bre dsea` do fí' Capernaum.

Jesús líñ` laco' e iñí' e cuø' e seeng` dsea` lata`

²⁵ Jō mi` tí' lí' caguilíng` i dsea` fíng' do fí' lí' lí' 'ngóo' cataang` e guiéé' do, jōba' fí' jōb cajíñ' Jesús jō lalab cajmíng'í'r` dsea` do:

—Tifa', ¿lí' cañíng' 'nu' fí' la?

²⁶ Jōba' cañí' Jesús quiá' jaléng' i dsea` do jō cajíñ`:

—E laba' jmítaa' óo'na' e 'nú' 'náng'tu' jnea` lana, dsuco' lado guiéé` caquíé'na' car` caróm`ba', jō dsu' ja` 'náng'na' jnea` uíng` quiá' e nicangáng'na' e guøng` jalé' e lí' e quí' i jmí' e nicajmé` e do. ²⁷ Jōba' fí' i 'nú' ja` jmiquíng' lí' óo'na' cuaiñ` quiá' jalé' e gø' dsea` e ja` huøø` ee', co' 'nú' lí' lí' 'né' e guíng` óo'na' cuaiñ` quiá' jalé' e taang` dsea` e sea` contøøng`, co' e jōba' e cuø' e seeng` dsea` cøøng` cóo' Fidiée' lata`. Jō e jōba' nicuøø`

jnea~ jaléng' dsea, jnea~ dsea` gáa' a fí' ñiff- e lín'n jaang` dsea` jmigüi, co' ta~ joba' casíng` Tiquí'ii' Fidiéé` jnea` fí' jmigüi' la.

²⁸ Joba' cajmingí'- i dsea` do Jesús, jo casí'r- dsea` do lala:

—¿E~ 'né- nijmó^ jnea^ e laco' niliti~ jalé' e iing~ Fidiéé` e nijmó^oo'?

²⁹ Joba' lalab cañií` Jesús quiá'- dsea` do:

—E lab e iing~ Fidiéé` e 'né- nijmee~na', e ni'íng'-na' jnea~, dsea` i casíñ' fí' jmigüi' la.

³⁰ Joba' cañií'tu i dsea` do quiá'- Jesús, jo casí'r- dsea` do lala:

—Jogui 'na, ¿e~ lí e quíi~ jmi~ cuøng` lí jmée' qui~naa' la e laco' já'- nili'naa' júu^ quií'-?, jogui ¿e~ jalé' jmoo` 'na? ³¹ Co' lalab júu^ sea` quiá'- 'li~ dsea` áang` quií'-ii' e cangíiñ` e cagó'r` iñi' e sii` maná lajee` cangir' fí' ni~ guóo' uó- quiú` mali~ gui lí' laco'gui la fé' fí' ni~ jì quiá'- Fidiéé` lí fé': "Jo Fidiéé` dsea` cacuø' jaléng' i dsea` do iñi' e cagó'r` e jáa' fí' ñiff-."

³² Joba' lalab cañií` Jesús quiá'- i dsea` do jo cajíñ'-:

—E laba' iin~n jmitaa^ óo'na', e o' Moi~ i cacuø' i dsea` áang` quií'-na' do e iñi' e cajalí' fí' ñiff- do, dsuco' 'ñiab' Tiquié` e Fidiéé` dsea` cuø' e iñi' e já'- e jáa' fí' ñiff- do. ³³ Dsuco' jnea~, dsea` gáa' a fí' ñiff-, lín'n laco' e iñi' e cuø' Tiquí'ii' Fidiéé` do e laco' liseeng` dsea` cøng` cóo'r~ lata~.

³⁴ Joba' i dsea` do camí'r` Jesús lala jo cajíñ'-:

—Fii', cuøø'~ jnea^ contøøng- e iñi' jo.

³⁵ Joba' casí'- Jesús jaléng' i dsea` do jo cajíñ'-:

—Jneab~ dsea` lín'n e iñi' e cuø' e seeng` dsea` lata~; jogui i dsea` i já'- líng` júu^ quié- e jogui nicajáng' yaaiñ~ fí' jaguóo', joba' jo` tóo' jmi~ fa' niguiá'gui jmi'aaíñ- o'gui jmi~jmiñ-. ³⁶ Jogui lí' laco' jíi~ e nicafíi- i 'nú', nañi' fa' nicañiim'ba' jnea~, dsu' ja` já'- lím'bi' jnea~. ³⁷ Jo jaléng' dsea` i nicacuøng' Fidiéé` jnea~, joba' jaléng' dsea` í` ím'bre jnea~; jogui jaléng' i dsea` í` ni'íim'baare cajo. ³⁸ Co' jnea~ ja` cagá' a fí' ñiff- e cagajmée` e lajii~ e iin~n 'ñiá'a, co' cagá' a e lí' laco' cagajmée` e lajii~ e iing~ Tiquié` e e nijmee~baa, co' íb` dsea` i casíng` jnea~ fí' jmigüi' la. ³⁹ Jo i dsea` i casíng` jnea~ fí' jmigüi' la iin~ e ja` ni'íng- jíi~ camíng' i dsea` i nicacuøiñ' jnea~ do, co' lí' lí' iin~ e nijmee` e e nijí'tur mi~ tí' lí' jo. ⁴⁰ Co' lajii~ e iing~ Tiquié` e Fidiéé` e jaléng' dsea` i jáng' yaang~ fí' jaguóo' jogui já'- líiñ` júu^ quié- e, jnea~ dsea` lín'n Joó' Fidiéé`, joba' iing~ Fidiéé` 'ñia'r' e jaléng' i dsea` í` niñiim'bre e niliseeiñ` cøng` cóo'r~ lata~; jogui jnea~ nijmee` e e nijí'tur mi~ tí' lí' nití' í' lajo.

⁴¹ Jo mi~ tí' lí' canúu- i dsea` Israel do e júu^ quiá'- Jesús do, joba' canaaíñ` éeiñ` dsea` do lajee` la'ó' yaaiñ~, co' dsea` do fé'r' e íbre dsea` líiñ' e iñi' e cajgó- fí' ñiff-. ⁴² Joba' canaaíñ` sí' rúíñ' lala:

—Jo ¿su o' i Jesús labi i líng` i jóo' Sé^ do? Co' jneaa~aa' cuíim'baa' i~ niquiá'r^ jogui i~ tiquiá'r^, jo ja` ne~naa' jiali' fé'r' e jáar' fí' ñiff-.

⁴³ Jo mi~ canúu- Jesús e júu^ jo, joba' casí'- reiñ' do lala:

—Túu'na' e éeng'na' jnea~. ⁴⁴ Jo fíi- i 'nú' e jíi~ jaang` dsea` cuøng` lí' jáng' 'ñia'r' fí' jaguóo' o' fíng song Tiquí'ii' Fidiéé` i casíng` jnea~ fí' jmigüi' la ja` nijajéng` i dsea` í' fí' quinií-; jogui jneab~ dsea` nijmée~ e e nijí'tu jaléng' i dsea` í' mi~ tí' lí' jo. ⁴⁵ Jo lalab fé' fí' ni~ jì quiá'- Fidiéé` e cajme' i dsea` i café' cuaiñ~ quiá'r- mali~ gui eáang` ie~ lami~ cajíñ'- lala: "Fidiéeb` dsea` ni'é'r- lajaang` lajaang` dsea~." Joba' jaléng' dsea` i ninú- júu^ quiá'- Tiquí'ii' do jogui nilitiñ` guiú- quiá'- dsea` do, joba' cóo'~ jneab~ nijatáaiñ- jóng.

⁴⁶ Jo dsu' ofa' fá'a e seeng` dsea` i nicangáng- Tiquí'ii', co' lajii~ jnea~bing' i nicangáng- dsea` do, jo íb` dsea` i casíng` jnea~ fí' jmigüi' la. ⁴⁷ Jo e laba' jmitaa^ óo'na' e jaléng' dsea` i já'- líng` júu^ quié- e, joba' cøng` liseeiñ` cóo'~ Fidiéé` lata~.

⁴⁸ Jo dseáng'- jneab~ lín'n e iñi' e cuø' e seeng` dsea` lata~. ⁴⁹ Jo jaléng' 'li~ yúu~ quií'- 'nú' cagó'bre e iñi' e sii` maná do ie~ lami~ cangir' fí' ni~ guóo' uó- quiú' do, jo dsu' nañi' fa' cagó'r' e jo co' cajúm- bre mi~ catí' í' quiá'r-; ⁵⁰ jo dsu' jnea~ gui fá'a quiá'- e iñi' e jáa' fí'

ñiff- do, co' ii` dsea` i ni'ing` e nidó` e jo, joba' ja` tóo` jmii` fa' nijúuiñ-. ⁵¹ Jogui co' jneab` dsea` lín`n e iñi` e nicajá- fí` ñiff- e laco' cuø` e seeng` dsea` lata~, joba' doñi` ii` dsea` i ni'ing` e nidó` e iñi` jo, joba' dseáng`- lata~ niliseeiñ` cøøng` cóo`~ Fidié`. Jo e iñi` jo lí` ngúu` táam`baa, co' e joba' nijáa`-a e laco' cøøng` niliseeng` dsea` cóo`~ Fidié`-lata~.

⁵² Jo mi` tí` lí` canúu- i dsea` Israel do e júu` jo, joba' canaañ` tñng` júu` quiá'r- lajee` la'ó` yaaiñ` uii` quiá'- Jesús, jo jmingi`- rúin` lala:

—Jo ¿jal cuøøng` e i dseañu` na nicuør- ngúu` táaiñ` e lafa' niquiee~naa'?

⁵³ Joba' cañi`tu Jesús quiá'- i dsea` do jo casí`-reiñ':

—Dseáng`- e laba' jmitaa` óo`na', e song` 'nú` ja` ni'ing`-na' jnea~ laco'gui mi` jmitaang` yaang`-na' guiá- cóo`~ e iñi` do, o'gui ni'u`na' jmi'øøñ-, jnea~ dsea` cagá`-a fí` ñiff- e lín`n jaang` dsea` jmigüi, joba' ja` quii`- jmii` jóng e nili`na' e niliseeng`na' cøøng` cóo`~ Fidié`-lata~. ⁵⁴ Co' i dsea` i ing` jnea~ lí` laco'gui mi` jmitaang` yaaiñ` guiá- jogui i'r` jmi'øøñ-, joba' dsea` íb` i niñing` e niliseeiñ` cøøng` cóo`~ Fidié`-lata~; jogui jneab` nijmee` e nijí`tu jaléng` í` mi` nití- í` lajo. ⁵⁵ Dsaco' mi` ing` dsea` jnea~, lí` coo` e gø` dsea` e laniing` íng` ta~ quiá'r-, jogui e jmi'øøñ- do, lí` coo` e í` dsea` e laniim- cajo. ⁵⁶ Co' i dsea` i ing` jnea~ lí` laco'gui mi` jmitaang` yaang` dsea` guiá- jogui i` jmi'øøñ- do, joba' cøøm` niliseeiñ` cóo`~ jnea~, jogui lajobi jnea~ cajo cøøm` niliseen- cóo`~ ír`.

⁵⁷ Jo Tiquí`ii' Fidié` i casíng` jnea~ fí` jmigüi` la contøøm- seeiñ`, jogui la'eáng` íba' seeng` jnea~ cajo; jogui lajobi jaléng` i dsea` i ing` jnea~ laco'gui mi` jmitaang` yaaiñ` guiá-, dseáng`- contøøm- niliseeiñ` la'eáng` cóo`~ jnea~. ⁵⁸ Jo fá`a e júu` na cuaiñ` quiá'- e iñi` e cajgó- fí` ñiff-, co' e iñi` la ja` lí` laco' e iñi` e sii` maná do e cagó` 'lí` yáa~ quií`-na' lajee` cangir` fí` ni` guóo`- uó- quiú, co' nañi` fa' cagó`-bre e jo, jo dsu' cajúm`-bre mi` catí` í` quiá'r-; dsu' jaléng` i dsea` i ing` jnea~ laco'gui mi` jmitaang` yaaiñ` guiá- cóo`~ e iñi` do, joba' dseáng`- latab` niliseeiñ` cøøng` cóo`~ Fidié`.

⁵⁹ Jo lanab`jii` lí` júu` quiá'- Jesús e ca'e'r` jaléng` dsea` i caseáng` e fí` sinúu` guá'- quiá'- dsea` Israel e si' fí` Capernaum.

Seem` dsea` i ja` ing` júu` quiá'- Dsea` Jmáang`

⁶⁰ Joba' mi` tí` lí` canúu- i dsea` do lajii`- e cajíng`- Jesús do, i fíim` jaléng` i dsea` do i lamí` ngi` cóo`r- do cajíñ`- lala:

—Dsíng`- huíng` e ni'ing`-naa' lajii`- e júu` e fé'r` na, jo ja` lí` dsi`naa' e seeng` dsea` i já`- nilíng` lajii`- júu` quiá'r-.

⁶¹ Jo co' niñib` Jesús lajii`- e ée' i dsea` do quiá'r-, joba' cajmingi`r- dsea` do lala:

—¿Su` ni'` máam` 'nú` e júu` quié`-e la? ⁶² ¿E~ ni'í` áa`na' fíng song` nimáang`-na' jnea~ e niníng`-túu` fí` lí` lamí` guiin`n fí` ñiff-, jnea~ dsea` cagá`-a fí` jo e lín`n jaang` dsea` jmigüi? ⁶³ Jo e Jmiguí` quiá'- Fidiéeb` e cuø` e seeng` dsea` lata~, jo dsu' ja` quii`- dsea` jmigüi` jmii` fa' e nijmér- e niliseeng` dsea` lata~; jogui jalé` júu` e nicafíi`-i 'nú` na lí` la'eáng` cóo`~ Jmiguí` quiá'- Fidié`, jogui cajo cuø` e liseeng` dsea` lata~. ⁶⁴ Jo dsu' seem` 'nú` i ja` mí` ca'ím`bi júu` quié`-e latí` lana.

Jo cajíng`- Jesús lajo co' ñi`bre guiá- latí` mi` uiing`- i jaléng` i dsea` do i dseáng`- ja` ni'ing` ír`, jogui i` i nijáng` ír` fí` jaguó` jaléng` dsea` cøøng` e quiá'- e nijúuiñ-.

⁶⁵ Jogui lalab` cajíng`- guir:

—Jo uí`- e lajob`lí, joba' nicafíi`-i 'nú` e jii`- jaang` dsea` cuøøng` lí` jáng` 'ñia'r` fí` jaguóo`o` fíng song` ja` nijajéng` Tiquí`ii' Fidié` ír` fí` quinií`-.

⁶⁶ Jo latí` ie` job, i fíim` dsea` i lamí` ngi` cóo`~ Jesús catiúum`-bre dsea` do, jo caquium`-bre e ngir` cóo`~ dsea` do. ⁶⁷ Jo co' calilíb` Jesús e jo, joba' cajmingi`r- i dsea` guitúung` quiá'r- do jo cajíñ`-:

—Jo ¿su` la quie` 'núb` iing`-na' nijmi`naang` yaang`-na' quié`-e cajo?

⁶⁸ Joba' cañi` Tú` Simón quiá'- Jesús jo cajíñ`-:

—Fíi'naa', dseáng' ja' í dsi'baa' e nidsitáang'naa' cóo' dsea' jiéng', co' jii' 'nub' dsea' cuø' júu' quiá' jial seeng' dsea' cøøng' cóo' Fidié' lata'. ⁶⁹ Joba' jnea', nicajáang' yee'naa' fí' jaguóo', co' dseáng' nitab' dsi'naa' e 'nub' lin' dsea' i casíng' Fidié' fí' jmigú' la e lin' dsea' güeang' quiá'r'.

⁷⁰ Joba' lalab cañi' Jesús quiá' i dsea' quiá'r' do:

—Jneab' dsea' nicaguín' n' 'nú' e nilíng'na' dsea' guitúung' quié'e, jo dsu' jee' 'náb' quiigeáang' jaang' i nilíng' dsea' quiá' fii' i 'ling'.

⁷¹ Jo mi' cajíng' Jesús lajo, café'r' dsu' e éeiñ' i Judas i líng' jóo' Simón Iscariote, jo ja' e lí' e i Judas do quíim' bir jee' i dsea' guitúung' do, dsu' dsea' í'bing' i nijáng' Jesús fí' quini' dsea' cóøng' e quiá' e nijúuiñ'.

7

Ji'gui jaléng' rúng' Jesús ja' ja' líiñ' júu' quiá' dsea' do

¹ Jo mi' cangí'gui lajo, dob ngí' Jesús fí' jalé' fii' e té'e' lí' se' Galilea e jmóor' lajii' ta' síná'r'. Jo ie' jo ja' iñ' dsér' fí' lí' se' Judea, co' jaléng' dsea' góor' dsea' Israel i teáang' nifí' i seeng' fí' jo 'náiñ' dsea' do e iñ' nijngám' breiñ'. ² Dsu' ie' jo nijaquíéeng' jmii' quiá' dsea' Israel e quí' tiiñ' jmo'r' 'nú' má' 'ma' e laco' jmiguiéng' dsíir' jial mi' cangí' fí' ní' guóo' uø' quiú' malii' gui eáang', ³ joba' lalab cajíng' jaléng' i rúng' Jesús do jo casí' reiñ':

—Ja' guiing' já' fí' la, jo fí' lí' se' Judeab' guó', jo lajoba' jaléng' dsea' i tí' dsí' núu' júu' quiá' i seeng' fí' jo nijóø'r' jalé' e quí' jmii' jmo'o'. ⁴ Co' mi' jaang' dsea' iñ' e nilicuí'gui dsea' quiá'r', joba' fí' lí' jøø' dseab' 'né' jmér' jalé' e jmóor' do. Jo co' 'na' jmo'o' jalé' e dsigá' dsí' dsea', joba' fí' quini' dsea' fíim' 'né' jmé' jalé' e jo.

⁵ Jo fé'r' lajo co' ji'gui jaléng' i rúng' Jesús do ja' ja' líiñ' júu' quiá' dsea' do. ⁶ Jo lalab cañi' Jesús quiá' i rúñ' do jo cajíñ':

—Ja'gui mi' catí' í' quié'e e nijmijnéeng' 'ñiá'a' fí' quini' fíng' dsea', jo dsu' quié' 'nú' doñí' ee' jmii' cuøøng' lí' güilíng'na' jié' fí' lí' iing'na'. ⁷ Jo fii' 'nú' e ja' ee' uing' sea' quiá' jaléng' dsea' jiéng' e nilí' 'ní' níiñ' 'nú', jogui dsu' jnea' gui contøøm' 'ní' níng' dsea', co' jnea' jmóo'o e líñí' dsea' røø' uii' quiá' jalé' e ga' e jmóor'. ⁸ Joba' fii' 'nú' e cuøøm' lí' güilíng'na' e jmii' jo, jo dsu' ja' lí' nii' jnea' lajminá', co' nabi ja' mi' catí' í' quié'e e nijmee' e lajo.

⁹ Jo lanab casí' Jesús i rúñ' do, jo dob cajer' fí' lí' se' Galilea, jo i rúñ' do cangolíim' bre fí' lí' tí' jmii'.

Mi' cangotíng' Jesús jmii' quiá' 'nú' má' 'ma' fí' Jerusalén

¹⁰ Jo mi' cangí' e cangolíng' i rúng' Jesús do fí' lí' catí' jmii', joguiba' cangó' Jesús fí' jo, jo ja' fíng' dsea' i ngolíng' cóo'r', co' ja' iñ' dsér' fí' jo jee' dsea' fíng'. ¹¹ Jo lajee' tí' e jmii' do, jaléng' dsea' quié' nifí' quiá' dsea' Israel ngí'r' ta' 'náng' Jesús, jo síiñ' lajee' la'ó' yaaiñ' jo fé'r' lala:

—¿Jie' fí' iuung' i dseañu' do?

¹² Jo eám' síng' jaléng' i dsea' Israel i siseáng' do cuaiñ' quiá' jalé' e jmóo' Jesús. Jo jee' do quiéeng' i líng' dsea' i fé' lala: “Jaang' dseañu' i guiúm' líiñ' do”; jogui jee' do bi quiéeng' dsea' i fé' cajo: “I dseañu' í' ja' dseeng' éer', jogui licó' ngí'r' ta' jmigøøng' jaléng' dseab'.”

¹³ Jo jee' jaléng' i dsea' do jii' jaaiñ' teá' dsíir' nifé'r' uii' quiá' Jesús, co' 'gó'bre fíng' ee' cajmée' i dsea' Israel i quié' nifí' do quiá'r' song canúur' jalé' e síiñ' do.

¹⁴ Jo níngoo' guiám' e jmii' do mi' caguié' Jesús fí' dsí' sínúu' guá' fé' quiá' dsea' góor' dsea' Israel e sí' fí' Jerusalén, jo mifíng' canaiñ' e'bre dsea' mi' caguié' fí' jo. ¹⁵ Jo eám' dsigá' dsí' i dsea' quié' nifí' quiá' dsea' Israel do e núur' jalé' júu' 'goo' e guiá' dsea' do, jo lalab síiñ' lajee' yaaiñ' jo fé'r':

—¿Jial jmóo` i dseañu` na e tiiñ` ngáin` júu` quiá'- Fidié', jo ja` ne`ee' fa' jie` li` nicajmitiiñ`?

¹⁶ Jōba' lalab cañi' Jesús quiá'- i dseá' do:

—O' dseáng'- júu` quié'- e lajii' e ée'- e 'nú' la, co' e júu` la jaa' quiá'- i dseá' i casíng` jnea` fí' jmigüi' lab. ¹⁷ Jo doñi' i' dseá' i guia' dsí' e nijmitir` laco' la iing` Fidié', jōba' dseá' í'bing' i' niñi' su jaa' quiá'- Fidié' jalé' e ee'- do osi lí' fá'a e la tiiñ` 'ñia' baa é. ¹⁸ Dsaco' i' dseá' i fé' la tiiñg` 'ñia' jmóor' lajo e lí' laco' nijmiféng' dseá' í'bre; jo dsu' i' dseá' i jmi'úung` e nijmiféiñ' i' dseá' i casí' quiá'r- do, jōba' i' dseá' í' jmang'- júu` jáb'- quier', jo jii' jaang` ja' i' cuóøng` lí' cuó'- dsee- ír, co' ja' dsee- sea' quiá'r-.

¹⁹ Jo cajíng'- gui Jesús:

—Jo e já'- e Moi'bing' cacuø' 'nú' e júu` quiu' ta~ quiá'- Fidié' do, jo dsu' jii' jaang` 'nú' ja' jmití'na' e júu` jo. Jo ¿jialí' e iing`na' nijngáng'na' jnea`?

²⁰ Jo mi' canúu- i' dseá' do lajo, jōba' cañiir` quiá'- Jesús jo cajíñ':

—i' 'lim' jée' quí' 'nú'! Co' jnea' ja' í' dsí'naa' fa' e nijngáng'naa' 'nú'.

²¹ Jōba' cañi' tu Jesús quiá'- i dseá' do jo casí'- reiñ':

—Mi' 'noo' dsigá'bi áá' 'nú' cōo'- lajii' e cajmé'- e do 'ñia' ie~ jmii' e jmi'íng'naa', jneaa'aa' dseá' lí'ii' dseá' Israel. ²² Jo ie~ malii'gui do Moi' caquiur' ta~ e nitō- coo' e li' fí' ngúu' táang` lajii' yuu' siñuu' lí' laco' quí'- tiiñg'naa', jo dsu' e jo o' jii' quiá'- Moi' jaa', co' jaa' tí' quiá'- 'lí' yuu' quí'-ba'; jogui 'nú' tōo'ba' e li' do fí' ngúu' táang` jiuung` siñuu' quí'-na' mi' catí' í' quiá'r- lajo, jo ja' e lí' quí'-na' nañi' fa' 'ñia' ie~ jmii' e jmi'íng'naa'. ²³ Jogui song 'nú' tōo'na' e li' do quiá'- jiuung` siñuu' quí'-na' dseáng'- 'ñia' ie~ mi' jmii' e jmi'íng'naa'aa', dseá' Israel, co' dseáng'- ie~ jmii' jo catí' í' e nijmé'na', jo jmoo'na' lajo e lí' laco' nijmití'na' e júu` quiu' ta~ quiá'- Moi', jōba' lana ja' e uing` sea' quí'-na' e jmiguíng` yaang`na' cōo'- jnea' uí' e cajmi'leáan` i' dseañu' do 'ñia' ie~ jmii' e jmi'íng'naa'. ²⁴ Jōba' fii' 'nú', ja' cuó'na' dsee- jaang` dseá' quiá'- lajii' e í' óo'na' e jmóor, co' 'né' jang'- jmitá' óo'na' dseáng'- røøb` su dseeng` osi ja' dseeng` é lajii' e jmóo' i' dseá' í', jo lajoguiba' cuóøng` e ni'í'na' í' røø.

Mi' cajíng'- Jesús jie' fí' dseáng'- li' jáar'

²⁵ Jo mi' canúu- i' liing` dseá' i' neáng' fí' Jerusalén do júu` quiá'- Jesús, jōba' canaaiñ` jmíngí'- rúiiñ' jo jiiñ':

—Jo ¿su o' i' dseañu' nabi i' ngí' dseá' 'náin' e quiá'- nijngáng'- neiñ'? ²⁶ Jo jii' jaang` dseá' ja' i' jnáng' quiá'r-, co' dob siñ' guiar' júu` quiá'- Fidié' jee~ dseá'. Jo jangám- í' dsí' jaléng' dseá' i' quí' nifí' quí'-ii' e dseáng'- já'-ba' e dseá' dob i' Dseá' Jmáang- i' sijeeng`naa' i' nicá' nifí' quí'-ii'. ²⁷ Jo jneaa'guí' ne'baa' røø' jie~ fí' lí' jaa' i' dseañu' na, jo dsu' mi' nití' í' e nijaa' i' dseá' i' sijeeng`naa' do, jii' jaang` dseá' ñir' jie~ fí' lí' nijaa' dseá' do.

²⁸ Jo mi' tí' lí' canúu- Jesús lajii' e s'ing` i' dseá' do lajee' e iuiiñ` e'r' dseá' fí' sinuu' guá'- fé' e si' fí' Jerusalén, jōba' cañiir' teá' jo cajíñ':

—E já'- e nicuí'm'ba' jnea~, jogui niñi'bi' jie~ fí' lí' gáa'a. Jo dsu' jnea' ja' cagá'-a fí' la e la ñii' 'ñia'a, co' cagá'-baa dsu' júu' e sinú' quiá'- i' lajang' do e jii' 'nú' ja' cuíng'na' í'. ²⁹ Jo dsu' jnea' cuíim'baare guíu-, co' cuaiñ` quiá'-bre e cagá'-a fí' jmigüi' la, jogui dseá' í'bing' i' casíng` jnea' cajo.

³⁰ Jo mi' canúu- jaléng' i' dseá' Israel do júu` quiá'- Jesús, jōba' lamí' iin~ nisám'bre dseá' do, jo dsu' ja' calí'r- fa' cajméer' lajo, co' ja' mí' catí' í' quiá'- dseá' do fa' e nidsing'iiñ- lajo. ³¹ Jo lajee' jaléng' i' dseá' i' teáng'- núu' júu` quiá'- Jesús do, fii' i' dseá' í' já' calíñ- júu` quiá'- dseá' do ie~ jo, jo lalab s'iiñ':

—Mi' nigüéng- i' Dseá' Jmáang- i' sijeeng`naa' i' nicá' nifí' quí'-ii', ja' lí' dsí'naa' e nijmér- jmigui'gui jalé' e li' e quí'r- jmi' laco'gui la jmóo' i' dseañu' la lana.

Mi' cajmé' dseá' quijí' jial nisaiñ' Jesús

³² Jo mi~ canúu~ dsea` Israel i líng' dsea` fariseo lajii~ e s'ing` dsea` uii~ quía'- Jesús, joba' jaléng' i dsea` î cóo'~gui jaléng' fii~ quía'- jmidsea` casíñ' jaang` gáng` hí~ quía'- guá'- e laco' nidsiséiñ' Jesús e fí' lí' iuung` dsea` do. ³³ Jo co' niñib' Jesús e í' dsí' i dsea` do, joba' cajíñ'- casí'r- jaléng' i dsea` teáng' do ie~ jo:

—Ja` huøø- eáang` nitaang` jnea~ cóo' 'nú' fí' la, jo mi~ ningí jo, niním'~túu cóo' i casíng` jnea~ e cagá-a fí' jmigüü' la. ³⁴ Jo ie~ jo, fíim' 'nú' ni'nang'~na' jnea~ jo dsu' jo niguiéng'~na' jnea~, co' ja' quí'~ jmi~ e nigüilíng'~na' fí' lí' ninín'~n.

³⁵ Jo mi~ canúu~ i dsea` i quie' nifí' quía'- dsea` Israel e jo, jo ladsifí' lanab canaaiñ` e jmingí'~ rúíñ' lala jo fé'r:

—¿Jie~ fí' lí' nidséng'~ i dseañu'~ na e jo` quí'~ jmi~ fa' e niguiéng'~naa're? Jo jangám- song nidsér- fí' guóo'~ uø- lí' huüi- fí' lí' neáang` jaléng' dsea` góo'naa' dsea` Israel e nidsi'ée'r~ jaléng' dsea` i ja' líng' dsea` góo'naa' i neáang` fí' jo. ³⁶ Jo ¿e~ guóng'~ mi~ fé' i dseañu'~ na e ni'náng' dsea` ír jo dsu' ja' ii' niguié' quía'r-, jogui e ja' cuøøng` ii' nidsilíng' fí' lí' niguiéiñ' do?

Jo lanab casíng` i dsea` quie' nifí' quía'- dsea` Israel do ie~ jo.

Jial lí' mi~ íng' dsea` Jmiguí' quía'- Fidié'

³⁷ Jo 'ñia' ie~ ngóo' cadséng- jmi~ e jmóo' dsea` Israel ie~ jo, jo dseáng'- ie~ jmi~ job e í' dsíir' e niing`-gui lajee' e jmi~ e jmóor' do. Jo ie~ job casíng' 'ñia' Jesús fí' quini~ jaléng' dsea` jo café'r- teá jo cajíñ'-:

—Song ii' 'nú' lí'~na' e jmi~ jmi~ng-~na', joba' ñilíng-~na' fí' lí' sín'~n la, jo nilí'~ba' jmi~ e u'~na'. ³⁸ Jo lí' laco'gui la fé' Fidié' fí' ni~ jì' quía'- lí' fé'r lala: “Jo mi~ já'- líng' dsea` júu^ quie'-e, jo e jo lí' lafa' niníng' jmi~ fí' dsíir'; jo e jo cuø e liseeiñ` cøøng` cóo' Fidié'~lata~.”

³⁹ Jo cajíng'- Jesús lana uí'~ quía'- Jmiguí' quía'- Fidié' e ni'íng' jaléng' dsea` i nijá'- líng' júu^ quía'r-. Jo dsu' e Jmiguí' do ja' mí' cagüea~ jee~ ír, co' ja' mí' casám'~bi Jesús e nidséiñ'- fí' lí' cajár- fí' ñifí'- e ni'uíng`~tur dsea` laniing-.

Mi~ ca'naang` jaléng' dsea` quía'- rúíñ' uii~ Jesús

⁴⁰ Jo mi~ canúu~ i dsea` do júu^ quía'- Jesús, jo i líng` i dsea` î canaaiñ` s'íiñ` lala:

—Dseáng'- i dseañu'~ lab i sijeeng`~naa' i nisíng- Fidié' i nifé'~ cuaiñ` quía'r-.

⁴¹ Jogui i líng`-gui i dsea` do fé'r:

—I lab Dsea` Jmáang- i sijeeng`~naa' do i nicá' nifí' quí'-ii'.

Jo dsu' i líng`-guiiñ' do fé'r:

—U~, o' Dsea` Jmáang- i na, co' ja' cuøøng` e dsea` î nijáar' e líiñ' jaang` dsea` i seeng` fí' lí' se' Galilea. ⁴² Co' lalab fé' Fidié' fí' ni~ jì' quía'r- e dseáng'- 'néb- e Dsea` Jmáang- líiñ' dsea` siju~ dseata~ Daví', jogui 'né- e niníñ'~ fí' Belén e fí' lí' calí' góo' dseata~ Daví'.

⁴³ Jo lajob jaléng' i dsea` do ca'naam`bre quía'- rúíñ' uí'~ Jesús. ⁴⁴ Jo lajee' i dsea` î seem`biñ' do i lamí' iing` nitøø Jesús e nijníñ- dsea` do, jo dsu' ja' calí'r- fa' cajméer' lajo.

Jaléng' dsea` i quie' nifí' quía'- dsea` Israel ja' íñ' Jesús

⁴⁵ Jo mi~ caguilíng`~tu i hí~ quía'- guá'- i casíng` dsea` Israel i líng' dsea` fariseo do i lamí' s'í' nisáng' Jesús do, jo i dsea` fariseo do colíng` cóo' jaléng' fii~ jmidsea` cajmingí'r- dsea` do jo cajíñ'-:

—¿Jialí' ja' catee'~na're?

⁴⁶ Joba' cañí' i hí~ do quía'iñ'- do lala:

—Jíi~ jaang` dsea` ja' mí' calicuíng'~naa' i fé' jlo^ laco' fé' i dsea` do.

⁴⁷ Joba' lalab cañí' i dsea` Israel i líng' dsea` fariseo do quía'- i hí~ do:

—Jo ¿su la quie' 'núb' cajo nicaligøng'~na' júu^ quía'r-? ⁴⁸ Co' jíi~ jaang` dsea` quie' nifí' quí'-ii' o'gui dsea` Israel i líng' dsea` fariseo caguiaang`-gui fa' já'- nicalíiñ- júu^ quía'- i dsea` do. ⁴⁹ Jo dsu' i dsea` i la 'nú' i ja' cuí' júu^ quí' ta~ quía'- dsea` Israel, fí' lí' 'lib' catíng-~na' quía'- Fidié'.

⁵⁰ Jo mi~ canúu~ i Nicodemo do, jaang` dsea` Israel i líng` dsea` fariseo i cangó` cango`ee` Jesús coo` née~, joba' dsea` í lalab cañír` quiá'- dsea` do:

⁵¹ —Lí^ laco`gui` la fé` fí` ní` jì` quiá'- júu^ quiu` ta~ qui`-ii', e ja` cuóøng` nicuóø`naa' dsee~ jaang` dsea` e jíí~ ja` mí` cane`ee' røø` jalé` e jmóor` do, su guiá~ o`si ja` dseeng` é.

⁵² Joba' lalab cañír` i dsea` do quiá'- Nicodemo:

—Jo ¿su dsea` Galileab líng` 'nua` cajo? Jo jminá~ jmitíng` júu^ quiá'- Fidiée~, jo lajoba' nilíí~ e jíí~ jaang` dsea` i fé` cuaiñ` quiá'- Fidiée` ja` mí` cajáar' fí` lí` se' Galilea.

⁵³ Jo mi~ cangí` jo, lajaléng` i dsea` do caquiñ`- cangoliñ` fí` quiá'r~.

8

Jaang` dseamí` i catáng` i iuung` ta` 'lée`

¹ Jo mi~ cangí` e cangolíng` jaléng` i dsea` do, ca'ib~ Jesús fí` e cangó`r` fí` coo` yá^ mó` e sií` Olivos. ² Jo mi~ cajneá~ e jmí~ coo`gui` do, joba' caquim`-túr` fí` guá' fé` e sí' fí` Jerusalén, jo mi~ caguiéñ`- fí` jo, fíim` dsea` i cangoquiéeng` fí` lí` siñ', joba' caguár` lana jo mifíng` canaañ` e'bre i dsea` do júu^ quiá'- Fidiée~.

³ Jo lajee` e guing~ Jesús e e'r` i dsea` do, caguilíng` coo` tú~ máng~ dsea` Israel i líng` dsea` fariseo colíng` cóo~ tifa' quiá'- júu^ quiu` ta~ quiá'- dsea` Israel, jo jeeñ` jaang` dseamí` i nínicatóøiñ` i iuung` ta` 'lée` cóo~ jaang` dseañu` i o' quiá'r~. Jo mi~ caguilíñ` fí` jo, dob casíñ` i dseamí` do jee~ i dsea` i teáng` do ie~ jo, ⁴ jo lalab casí'r~ Jesús:

—Tifa', i dseamí` la nicatóøng`-naa're lajee` e guiáang` iuuiñ` ta` 'lée` cóo~ jaang` dseañu` i o' quiá'r~. ⁵ Jo fí` ní` júu^ quiu` ta` e cajme' Moí` fé` e jaléng` i dseamí` i jmóo` lajo 'né` níquiúng` dsea` ír` cuub~ cartí` nijúuiñ`. Jogui 'nua, ¿jial fól'?

⁶ Jo cajíng` i dsea` do lana e lí^ laco` 'nór` jial niguié'r` e nicuó`r~ Jesús dsee~ fí` quini` dseata~. Jo dsu' Jesús dsifí` mi~ canúur~ e jo lico' catúum`bre, jo mifíng` canaañ` jmo'r` fí` jee~ 'lee` cóo~ niguóor`. ⁷ Jo co' ja` quiung` i dsea` do e jmingí`-bir` Jesús cuaiñ` quiá'- e jo, joba' casíng`-tú` 'ñia' dsea` do jo cajíñ`- casí'r~ i dsea` do:

—Doñí` jí` 'nú` e lí^ áa`na' e ja` ee` dsee~ røøng`na' jíí~ coo~, joba' teáng`na' i dseamí` na la'uii~ cuu~.

⁸ Jo mi~ cangí` e cajíñ`- lajo, caléb`-tú` catúuiñ` fí` ní` uó~, jo canaañ` jmo'túr` jee~ 'lee` cóo~ niguóor`. ⁹ Jo dsifí` mi~ canúu~ i dsea` do lajíí~ e cajíng`- Jesús, dsifí` lanab canaañ` dsilíñ` tá'~ jáiñ`, jo la'uii~ canaang` ngolíng` jaléng` i niyúu~ gui, jo cøøng`gui lajo cangolíng` jaléng` i le'eáng`gui, jo lajob` cajméer` car` cató' uøøiñ` lajiiñ`. Jo coob` mi~ calilí` Jesús e 'ñia'bre catúung`guir cóo~ i dseamí` do, ¹⁰ joba' casíng`-tú` 'ñia'r', jo mifíng` cajmingí'r~ i dseamí` do jo cajíñ`-:

—¿Jie` fí` ningotáang` i dsea` i lamí~ 'náng` 'nua` do? Jo ¿su jíí~ jaaiñ` ja` ee` cajmeáiñ` 'nua`?

¹¹ Joba' cañír` i dseamí` do quiá'- Jesús jo cajíñ`-:

—U~, jíí~ jaaiñ` ja` ee` cajmeáiñ` jnea~, Fí'i.

Joba' cañír`-tú` Jesús quiá'- i dseamí` do jo cajíñ`-:

—O'gui jnea~ ee` nijmeáan`-n` 'nua` cajo, jo lana guóng` fí` quí'~, jo jo` güibeáang`-gui uø' dsee~ melé^.

Jesús láñ` e jì` e jneá` jee` dsea` jmígüí`

¹² Jo mi~ cangí` jo, cangób`-tú` Jesús fí` lí` siseáng` dsea`, jo lalab casí'r~ jaléng` dsea` do:

—Jnea` lín`n e jì` e jneá` jee~ dsea` jmígüí`; joba' jaléng` dsea` i ngí` colíng` cóo~ jnea~, niliseab` e jì` do quiá'r~ co' e joba' e cuø` e seeng` dsea` lata~, jogui cajo jo` tóo` jmí~ fa' niliseeng`guir fí` lí` nua` só'.

¹³ Jo mi~ canúu~ dsea` Israel i líng` dsea` fariseo e júu^ jo, joba' lalab cañír` quiá'- Jesús:

—'Nua` lico' fól` jíí~ uui~ quiá'- jalé` e guiá~ e jmoo` uøø`ba', joba' jalé` e fól` do ja` e quíng` jíí~ coo~.

¹⁴ Joba' cañír` Jesús quiáiñ`- do jo cajíñ`-:

—Quím' jalé' e júu' e fá' jnea~, nañí' fa' ñiá'baa fá'a uii' quié' e ñiá'a, co' ñi'baa guiá' jie' fí' lí' cagá' a jogui jie' fí' lí' niníng' túu cajo; jo dsu' 'nú' gui ja' ñi'na' jii' coo' e jo. ¹⁵ Co' 'nú' ñi'na' í' quiá' jaléng' dsea' lí' laco' gui la í' óo'na' yaam'ba'. Jo dsu' jnea' gui ja' jmóo' lajo quiá' jii' jaang' dsea' la ñii' 'ñiá'a. ¹⁶ Jo song jmóo' lajo dsu' laco' catim' niqidsii' í', jo ja' 'ñiá'a niqidsii' í' cajo, co' Tiquí'ii' i casíng' jnea' fí' jmigü' la, íb' i jmicóo' jnea' e quidsii' í' quiá' dsea' laco' catíng'. ¹⁷ Jo fí' ní' júu' quiá' ta' qui' 'nú' fé' e mi' seeng' gáng' dsea' i tí' ní' røø' quiá' lajii' e calí' do, joba' quím' e júu' do laco' sí' í'. ¹⁸ Jo jnea' lán'n jaang' i tí' ní' quiá' jalé' e jmóo' do, jogui Tiquí'ii' dsea' i casíng' jnea' fí' la lán'n jaang' gui dsea' i tí' ní' quiá' jalé' e jo cajo.

¹⁹ Joba' cajming' i dsea' do Jesús jo cajíñ' :

—Jo ¿jnan' gui Tiquí' jóng?

Joba' cañi' Jesús quiá' i dsea' do jo casí' reiñ' :

—'Nú' ja' cuíng'na' jnea~, o'gui cuíng'na' Tiquié' e cajo; co' faco' cuíng'na' jnea~, joba' cuím'ba' la quie' Tiquié' e cajo.

²⁰ Jo jalé' e júu' na cajíng' Jesús lajee' e iuuiñ' e'r' dsea' fí' dsí' sinúu' guá' fé' e sí' fí' Jerusalén ca' e fí' lí' té' guóo' e ta'r' cuu' quiá' guá'. Jo dsu' jii' jaang' dsea' ja' i cateá' dsí' fa' casaiñ' dsea' do lajee' jo, co' ja' mí' catí'bi í' e nijmé' dsea' lajo.

“Ja' quí' jmí' nigüilíng'na' fí' lí' niníng' jnea”

²¹ Jo mi' cang' jo, lalab casí' tu Jesús i dsea' fíng' do:

—Jnea~, coob' mi' nití' í' e ninín'n, jo 'nú' ni'nam'ba' jnea~, jo dsu' 'nú' nijúum'ba' jee' jalé' dsee' quií'na'. Co' 'nú' ja' quí' jmí' fa' e nigüilíng'na' fí' lí' niníng' jnea~.

²² Jo mi' canúu' i dsea' Israel i teáng' do ie' jo e júu' jo, joba' lalab cajíñ' :

—Jangám' song í' dsí' i dsea' na e nijngáng' 'ñia'r', joba' jíñ' e ja' cuøøng' nidseá'naa' cóo'r' fí' lí' nidséñ'.

²³ Jo mi' calilí' Jesús e fé' i dsea' do lajo, joba' casí'r' dsea' do:

—'Nú' jii' fí' lab jii' lí' seeng'na', jo dsu' jnea' fí' yúb' gáa'a; co' jii' dsea' jmigü' lab líng' 'nú', jo dsu' jnea' ja' lán'n jii' dsea' jmigü'. ²⁴ Jo uing' lajoba' fí' i 'nú' e nijúum'ba' jee' jalé' dsee' quií'na'; co' song ja' já' líng'na' e jneab' dseáng' lán'n jii' laco' fá'a e lán'n, joba' jee' jalé' dsee' quií'ba' nijúung'na'.

²⁵ Joba' cañi' i dsea' do jo cajming'r' Jesús lala:

—Jo, ¿i' dseáng' líng' 'nu' jóng?

Joba' cañi' Jesús quiá' i dsea' do jo casí' reiñ' :

—Lí' laco' gui nicañi' i 'nú' lamí' jéeng'gui, íb' jnea~. ²⁶ Jo jmiguiab' jalé' e sea' e fí' i 'nú' jogui e niqidsii' í' quií'na' cajo. Jo dsu' i dsea' i casíng' jnea' fí' jmigü' la jmang' e jáb' jalé' júu' quiá'r', jo lajii' júu' e fá' jnea' jee' jaléng' dsea' jmigü' røøb' laco' jii' júu' e núu' jnea' e fé' i dsea' i dseáng' casíng' jnea' fí' jmigü' la.

²⁷ Jo dsu' i dsea' do ja' cangáñ' e Jesús fé'r' uii' quiá' Tiquí'r'. ²⁸ Jo casí' Jesús i dsea' do lala:

—Jo mi' nitáang'na' jnea' fí' yú', jnea' dsea' cagá' a fí' ñifí' e lán'n jaang' dsea' jmigü', joba' nililí'na' jóng e jneab' dseáng' lán'n jii' laco' fá'a e lán'n, jogui jii' coo' ja' e jmóo' la ñii' 'ñiá'a, co' lico' fá'a lajii' e nica'e' Tiquí'ii' jneab'. ²⁹ Jo i dsea' i casíng' jnea' do, seem'bre cóo' jnea' lana; jo ja' mí' catiúuiñ' jnea' 'ñiá'a jii' cateá', co' dseáng' contøøm' jmóo' lajii' e iñ' e nijmee'e.

³⁰ Jo mi' tí' lí' cató' e fé' Jesús e júu' na, joba' fíim' dsea' já' calíñ' júu' quiá' dsea' do ie' jo.

Mi' ca'e' Jesús jial líng' dsea' i silaang' jee' dsee' quiá'

³¹ Jo mi' cang' jo, casí' gui Jesús jaléng' i dsea' Israel i já' calíng' júu' quiá'r' do, jo cajíñ' casí' reiñ' :

—Song 'nú' nijmití'na' lí' laco' jí' e nica'éē e 'nú' e nijmee'na', joba' dseáng' dsea' quíē-baa ni'uíng'na' jóng; ³² jogui lajob niliñí'na' dseáng' la'uíng' jalé' júu' quíē-e, jo lajoba' ni'uíng'na' dsea' i silaang' jee' jalé' dsee' quíá'.

³³ Joba' cañí' i dsea' do quíá' Jesús jo cajíñ'—:

—Jnea' lí'naa' dsea' siju' 'lí' yúu' Abraham, jo jí' coo' néē' ja' mí calí'naa' dsea' 'léeng' quíá' dsea' jíéng'; joba' zjal lí' e fó' 'nú' e ni'uíng'naa' lafa' dsea' silaang'?

³⁴ Joba' lalab casí' Jesús i dsea' do:

—E laba' jmitaa' óó'na', e jaléng' dsea' i beáng' dsee' yaang' líiñ' lafa' dsea' 'léeng', co' e dsee' quíá'r' dob quíu' ta' ír'. ³⁵ Cofa' jaang' dsea' 'léeng' quíá' dsea' ja' catíiñ' jalé' e sea' quíá' fiir', jo dsu' jaang' jóo' dsea' catím-bre lajalé' e jo. ³⁶ Jo lajob, song jnea' calaan' 'nú' jee' jalé' dsee' e nica'ee'na', joba' dseáng' lajang' júu'ba' e nileáng' 'nú' jee' jalé' e dsee' quí'na' do. ³⁷ Jo niñib' jnea' guí' e dsea' siju' 'lí' yúu' Abraham líng' 'nú'; jo dsu' 'nú' iing'na' jngang'na' jnea', co' ja' iing'na' íng'na' júu' quíē-e. ³⁸ Jo jnea' fá'a lají' e nica'e' Tiquíē e jneab', jo dsu' 'nú' jmoo'na' lají' e fé' tiquí'ba'.

³⁹ Joba' cañí' i dsea' do quíá' Jesús jo cajíñ'—:

—'Lí' yúu' Abrahambing' líng' dsea' mí áang' quí'naa'.

Jo dsu' Jesús cañír' quíá' i dsea' do jo casí' reiñ':

—Faco' já' e 'nú' líng'na' siju' 'lí' yúu' Abraham, joba' laco' cajmée' íb' catíng' e nijmee'na' jóng faco' lajo. ⁴⁰ Jo dsu' 'nú' iim'bi' e nijngang'na' jnea', nañí' fa' jmang' júu' jáb' fá' jnea' lí' laco'gui nica'e' Fidié' jnea'. Jogui 'lí' yúu' quí'na' Abraham dseáng' ja' cajmée-bre lajo. ⁴¹ Co' 'nú' dseáng' laco' jmoo' tiquí'ba' jmoo'na'.

Joba' cañí' i dsea' do quíá' Jesús, jo casí'r' dsea' do:

—Ja' lí' jnea' dsea' i ja' ñí' i' tiquíá'; co' jaam' Tiquí'naa' seeng', jo íb' Fidié'.

⁴² Joba' cañí' Jesús quíá' i dsea' do jo cajíñ'—:

—Faco' já' e Fidié' líng' Tiquí'na', joba' 'neáam' 'nú' jnea' faco' lajo, co' íb' dsea' i casíng' jnea' e cagá'a fí' jmigüí' la, jogui lab sín'n lana. Co' jnea' ja' cagá'a la ñii' 'níá'a, dsuco' dsea' íbing' i casíng' jnea' fí' la. ⁴³ Joba' fá' jnea' e ja' mí ngáng' 'nú' júu' quíē-e lana, dsuco' ja' iing'na' núu'na' e jo. ⁴⁴ Jo fii' i 'lim' líng' tiquí' 'nú'; jogui co' dsea' quíá'-bre líng'na', joba' jmoo'na' lají' e iñ'. Jo latí' mí' uim' e fii' i 'líng' jmóor' ta' jngang' dsea', jogui dseáng' jí' coo' e jmóor' do ja' cóong' cóo' júu' quíá' Fidié', jogui dseáng' jmang' júu' e o' já'ba' quier'. Jo mí' fé'r' júu' e o' já', joba' dseáng' fé'r' laco' la líb' jóng, co' jaang' dsea' adseaam' líiñ', jogui líiñ' tiquíá' jalé' e júu' e o' já' do. ⁴⁵ Jo jnea' gui jmang' júu' já'ba' fá'a, dsu' ja' já' líng'na' júu' quíē-e. ⁴⁶ Jo jí' jaang' 'nú' cuóong' lí' fo'na' e jnea' lín'n jaang' dsea' røong' dsee', co' jaang' dsea' i quíē' jmang' júu' jáb' líng' jnea', joba' zjalí' ja' já' lím'bi' júu' quíē-e? ⁴⁷ Jo jaléng' i dsea' i líng' dsea' quíá' Fidié' núu-bre jalé' júu' quíá' Fidié'; jo dsu' 'nú' gui ja' líng'na' dsea' quíá' Fidié', joba' ja' iing'na' núu'na' júu' quíá' dsea' do.

Niseem' Dsea' Jmáang' lají' ná' gui e niliseeng' 'lí' yúu' Abraham

⁴⁸ Jo mí' canúu' dsea' Israel lají' e cajíng' Jesús do, joba' casí'r' dsea' do lala:

—Nijáb' júu' quí'naa' e fé'naa' uii' quí', e 'nú' lín' jaang' dsea' samaritano jogui e iuung' i 'líng' a'.

⁴⁹ Joba' cañí' Jesús quíá' i dsea' do jo casí' reiñ':

—U', jí' jaang' i 'líng' ja' i iuung' dsii' la, co' lají' e jmóo' e líco' jmi'goo' Tiquíē Fidiéeb'; jo dsu' 'nú' gui ja' e jmi'goo'na' jnea' jí' capí'. ⁵⁰ Jo dsu' jnea' ja' fá'a e iin'n e nijmi'goo'na' jnea', jo dsu' seem' jaang' i iing' e 'nú' nijmi'goo'na' jnea', jo dsea' íb' i quidsí' í' laco' catíng'. ⁵¹ Joba' jmitaa' óó'na' e doñí' i' i' yúu' júu' quíē-e, joba' dsea' í' ja' tóo' jmi' fa' e nijúu'.

⁵² Joba' cañí' dsea' Israel quíá' dsea' do:

—Lanaguib dseáng' nicalita dsinaa' e i lim' iuung' áa' nu'. Co' lii' yuu' Abraham cóo' gui jaléng' dsea i café' cuaiñ' quia' Fidié' malii' gui eáang' cajúm-bre, jogui dsu' nu' fó' e doñi' i dsea i núu' júu' quí' , joba' ja' tóo' jmi' fa' e nijúuñ'. ⁵³ Jogui nu', ¿su í' a' e niing' gui' laco' gui i lii' yuu' Abraham do? Co' í' nicajúm-bre, jogui jaléng' dsea i café' cuaiñ' quia' Fidié' malii' gui eáang' cajúm-bre cajo. Jogui nu', ¿í' í' o' e lin'?

⁵⁴ Joba' cañi' Jesús quia' i dsea do jo casi'-reiñ':

—Facó' jnea' jmi'goo' 'ñiá'a, joba' ja' e quíng' jii' coo' e jmóo' do facó' lajo. Jo dsu' Tiquié' e Fidiéeb' dsea i jmi'gó' jnea', i dsea i fó' na' i líng' Fidié' quí' na' cajo. ⁵⁵ Jo dsu' nu' ja' cuíng' na' dsea í', dsu' jnea' gui guiáb' cuín're, jogui facó' jnea' fá'a e ja' cuín're, joba' dsea adseam' lín'n jóng' lí' laco' gui la líng' nu' facó' lajo. Jo dsu' jnea' gui guiáb' cuín'n dsea do jogui jmiti' baa júu' quia'r'. ⁵⁶ Jo i lii' yuu' quí' na' Abraham do, eám' cali' íáang' dsír' mi' caliñir' jalé' e nidsing'ing' jnea', jo co' dseáng' cangá-bre e jo, joba' eám' cali' íáang' dsír'.

⁵⁷ Jo mi' canúu' i dsea Israel do jalé' e casi' Jesús ír', joba' cañir' quia' dsea do:

—'Nu' ja' mí' guóo' bi' cincuenta jii', jo fó' e cañim' ba' lii' yuu' Abraham.

⁵⁸ Joba' cañi' tu' Jesús quia' i dsea do jo casi'-reiñ':

—E laba' iin'n jmitaa' óo' na' e niseem' jnea' lajii' mi' ná' gui e niliseeng' lii' yuu' Abraham do.

⁵⁹ Jo mi' canúu' i dsea do e júu' jo, joba' dsifí' lajob casitúuñ' cuu' cóo' e sí' í' nijngáiñ' Jesús; jo dsu' dsea do ladsifib' ca'méeiñ', jo cagú' í' bre e fí' dsí' sinúu' guá' fé' do e sí' fí' Jerusalén.

9

Mi' cajmée' Jesús e calijné' jaang' dseañu' i tiuung'

¹ Jo mi' cangí' gui lajo, coo' néé' cangíng' Jesús colíng' cóo' i dsea quia'r' do fí' quia' lí' guíng' jaang' dsea i tiuung' latí' mi' cangáang'. ² Joba' i dsea quia' Jesús do cajmíng' reiñ' lala jo cajíñ' :

—Tifa', ¿jali' cangáang' i dsea na e tiuuiñ'? ¿Su caliñ' lana uí' dsee quia'r' ofa' uí' dsee quia' sejmi' bre é?

³ Joba' cañi' Jesús quia' i dsea quia'r' do jo casi'-reiñ':

—Ja' lí' lajo e uí' dsee quia'r' caliñ' lana, o' gui uí' dsee e óo' sejmiir'. Co' caliñ' lana e lí' laco' cuo' lí' e lajib' quí' Fidié' jmi' lí' jmér'. ⁴ Jo lajee' e jneá', né' jmó' baa' ta' lí' laco' gui jii' júu' e sinú' naa' quia' dsea i casíng' jnea' fí' jmigüí' la; dsuco' coob' mi' ninú', joba' jii' jaang' dsea jo' quí' jmi' fa' nijmé' guir ta'. ⁵ Jo lajee' e táam' bii' fí' jmigüí' la, joba' jneab' lín'n e ji' e cuo' e jné' dsea jmigüí'.

⁶ Jo mi' cangí' e café' Jesús e júu' na, jo cañir' fí' ní' uó', jo cóo' e jme'e'r' do cacáiñ' jee' lee', jo cajmээр' capi' jii', jo cóo' e job casúur' jmini' i dsea tiuung' do. ⁷ Jo mi' cangí' jo, lalab casi'-reiñ' do jo cajíñ' :

—Gua' jo güirúu' jmini' fí' dsí' guíé' silíng' e sii' Siloé —jo e Siloé do guóng' Jaang' i Casíng' Dsea'.

Joba' lajob cajmée' i dsea tiuung' do, cangó-bre e cangorúu'r' jminir', jo nijné' bre mi' tí' lí' caquiñ' fí' jo. ⁸ Jo jaléng' dsea i neáang' jíng' laco' lí' guíñ' do cóo' gui jaléng' dsea jíéng' i ní' quia'r' lami' jééng' gui e guíñ' mir' cuu', joba' jaléng' i dsea í' jmíng' í' rúñ' jo fé'r' :

—¿Su o' i dseañu' nabi i lami' gua' ta' mí' cuu' do?

⁹ Jo i líng' i dsea do jíñ' :

—Dsea í' bi' na.

Jogui i líng' gui fé' :

—U', o' í' na, lí' lajoiu' jnéem' bre.

Jo mi' calilí' i dsea tiuung' do e síng' dsea uii' quia'r', joba' cañir' jo cajíñ' :

—Jnea`bi dsea` í.

¹⁰ Jōba' cajmingí' i dsea` do i dsea` lamí` tiuung` do jō casí'-reih':

—Jō ¿jial cajmee' e calijné'tu'?

¹¹ Jōba' cañí' i dsea` lamí` tiuung` do quiá' i dsea` do jō casí'-reih':

—I dseañu` i sii` Jesús dob cajmi'leáaiñ` jnea` e lico' cajméer` capí'` jii` cóo'` jme'e'r', jō cóo'` e jōb casúur` jminii`, jōgui caquiur` ta` jnea` e ninii` i nirúu` u` jminii` e fí` guíéé` silíng` e sii` Siloé do, jōba' lajōb cajmé` e. Jō dsifí` mi` calí` rúu` u` jminii`, ladsifí` lanab calijné` e.

¹² Jō mi` cangí` jō, cajmingí'-tu` i dsea` do i dsea` lamí` tiuung` do jō cajíñ'-:

—Jō ¿jñang` guí` i dseañu` í` lana?

Jōba' cañí' i dsea` lamí` tiuung` do jō casí'-reih':

—Ja` ñii` jnaaiñ`.

Mi` cajíng' i dsea` tiuung` do i` i cajmi'leáang` ír`

¹³⁻¹⁴ Jō 'ñia'` ie` jmíi` e cajméé` Jesús e jii` do cóo'` e calijné'` i dsea` i lamí` tiuung` do, ie` jō dseáng'` cangotíng` jmíi` e quí'` títng` dsea` Israel e jmí'íñ'. Jōba' jaléng'` dsea` i cuí'` quiá'` i dsea` tiuung` do cató` bre i dsea` í` jō cangojeáang` neiñ'` fí` quini` dsea` Israel i líng'` dsea` fariseo. ¹⁵ Jōba' mi` caguiéiñ'- do fí` jō, i dsea` Israel i líng'` dsea` fariseo do cajmingí'-reih'` jial calí` e calijnéiñ'. Jō dsea` do cañíur` quiá'` i dsea` Israel do jō casí'-reih':

—Mó'`, jii`b` casúu` dsea` do jminii`, jō mi` cangí` jō, cangorúu` u` jō lajōba' calijné` e.

¹⁶ Jō mi` canúu` i dsea` Israel i líng'` dsea` fariseo e júu` jō, jōba' i líiñ'` do cajíñ'-:

—I dsea` i cajméé` e jō ja` lí'` dsí`naa'` líiñ'` dsea` quiá'` Fidiéé`, cō'` ja` jmí'gór` e jmíi` e jmí'íng'` jnea`aa', dsea` líi'` dsea` Israel.

Dsu` caguiaang` guí` i dsea` Israel i líng'` dsea` fariseo do fé'r` jō jíñ'-:

—Jō ¿jial quí'` i dseañu` do jmíi` nijmér` jalé'` e jō song jaang` dsea` dsee` dsea` quib'` líiñ'`?

Jō e jō ca'uíng` e lajee` la'ó'` íbre canaaiñ` e jō` síiñ` røø. ¹⁷ Jō mi` cangí` jō, cajmingí'-tur` i dsea` i lamí` tiuung` do jō casí'-reih':

—Jō laco'` fó'` na e ca'láam`ba'. Jō ¿e` fó'` uii` quiá'` i dsea` i cajmi'leáang` 'nu` do?

Jōba' cañí' dsea` do quiá'` i dsea` Israel i líng'` dsea` fariseo do jō casí'-reih':

—Jnea` lín` n e dsea` í` líiñ'` jaang` dsea` i fé'` cuaiñ` quiá'` Fidiéé`.

¹⁸ Jō dsu' jaléng'` i dsea` Israel i líng'` dsea` fariseo do ja` iíñ` fa'` já'` calíñ` e lamí` tiuung` i dsea` i nijné'` lana jōba' cató'r` sejmií` i dsea` do. ¹⁹ Jō mi` caguilíñ'- do, jōba' cajmingí'-reih'` do jō cajíñ'-:

—¿Su` jōo`ba' líng'` i dseañu` la? Jō jméé'`na'` jnea` júu` røø, ¿su dseáng'` tiuuiñ` calisémbre? jō song lajō, ¿jial calí` e lana nijné'r`?

²⁰ Jōba' lalab cañí'` sejmií` i dsea` i lamí` tiuung` do jō cajíñ'-:

—Cuím` jnea` guíá` jōo`naa', jōgui ne`baa'` røø e tiuum`bre caliséiñ`; ²¹ jō dsu' ja` ne`naa'` jial e calijné'r`, o'gui ne`naa'` i` i cajméé` e calijné'r` cajo; jō nab cuóøng` nijmingí'`na're` ñia'r` cō'` nífém'bre, jō 'ñia'bre cuóøng` lí` jmeá'r` 'nú'` júu` dseáng'` laco'` calí`.

²² Jō cajíng'` i sejmiir` do lajō, cō'` 'gó'bre fíng` ee` cajmeáng'` dsea` Israel i líng'` dsea` fariseo ír`. Cō'` i dsea` í, røøb` nicasíiñ` e song seeng` dsea` i jmícuíng` Jesús e líiñ'` do Dsea` Jmáang` i sijeeng` dsea` Israel i nicá` nífi` quiá'r`, jōba' jaléng'` i dsea` i jmóo` lajō, jō` sea` fí` quiá'r` fa' e níquíng'`guir` jee` dsea` Israel o'gui` cuóøng` fa' e nidsilíng`guir` fí` guá'` quiá'` dsea` do cajo. ²³ Jō uíng` lajōba' cajíng'` sejmií` i dsea` i ca'láang` do e yaang` i dsea` Israel i líng'` dsea` fariseo do 'né` nijmingí'r` i jōoiñ'` do cō'` nífém'biñ'` do.

²⁴ Jō i dsea` Israel do calé'` catú` cató'r` i dsea` i lamí` tiuung` do jō lalab casí'-reih':

—Féé'` júu` já'` fí` quini` Fidiéé`, cō'` níneb` jnea'` røø e i Jesús do líiñ'` jaang` dsea` dsee` dsea` quib'`.

25 Jòba' lalab cañi' i dsea` lami' tiuung` do quiá' dsea` do jò cajíñ':

—Ja` ñi' jnea` su líiñ' dsea` røøng` dsee` osi o' lajò é, lajii' e ñii' quiá'r` e jnea` lami' tiuum`-baa, jogui lana nicajméer` e nicalijné`-baa.

26 Jòba' i dsea` do cajmingí'-tur i dsea` i ca'láang` do jò cajíñ':

—¿E` jii' e cajmée` i dsea` do quiá' e calijné'?

27 Jòba' cañiñ' do quiá' i dsea` do jò casí'-reiñ':

—Nicañi' baa 'nú' lajii' e cajméer` quié` e do, jò dsu' 'nú' ja` já' líng`na'. Jòba' ¿jiali' iing`na' e nifá' túu calé' catú` e jò? Ofa' iim`ba' é e ni'uíng`na' dsea` quiá'r` cajò.

28 Jò mi' canúu` i dsea` Israel i líng' dsea` fariseo do lado, jòba' canaaiñ' s'í'r` i dsea` i ca'láang` do júu` 'ní' jò sí'-reiñ':

—'Nu' lin' jaang` dsea` quiá' i dsea` í, jò dsu' jnea` guí dsea` quiá' 'lí' yúu` Moi` lí'naa'.

29 Cò' jnea` ne`baa' røø` e Fidiéeb` dsea` casíiñ' cóo' Moi'; jò dsu' i Jesús do jii' ja` ne`naa' jie` fí lí` jáar'.

30 Jòba' lalab cañi'tu i dseañu' i ca'láang` do quiá' i dsea` do:

—Ee`bi júu` jò, e ja` ñi'na' jie` fí lí` jáar', dsu' jnea` guí, dsea` íbing' nicacuø' jnea` e calijné'e. 31 Jò ne`baa' røø` e ja` núu` Fidiéeb` júu` quiá' jaléng' dsea` røøng` dsee`; cò' lajii' dsea` i jmiféng' íbre jogui i jmóo' lajii' e iññ', jii' dsea` íbing' i núur` júu` quiá'.

32 Jò ja` jíe' lí' mí' caná' júu` e seeng` dsea` i quí' jmi' e nijmér` e nilijné' jaang` dsea` i tiuung` latí' mi' caliséng'. 33 Cofa' i dsea` la ja` jáar' e casí' Fidiéeb` quiá'r`, jòba' jii' cóo' ja` e quí' jmi' lí' jmér` jóng faco' lajò.

34 Jò mi' canúu` i dsea` Israel i líng' dsea` fariseo e júu` quiá' i dsea` i ca'láang` do, jòba' cajíñ' casí'-reiñ' lala:

—'Nu', dsea` cangáan' e eáang' silí' dsee` 'nu', jogui lana, ¿jiali' 'nu' ni'íin' e ni'é` jnea` jial' né` jmó`oo'?

Jòba' i dsea` Israel i líng' dsea` fariseo do caguíñ' i dsea` i lami' tiuung` do congua' e fí dsí' sinúu` guá' quiá'r` do.

Lafa' tiuum` dsea` mi' røøiñ` dsee`

35 Jò mi' cangí' guí lajò, caliñi' Jesús e caguíim` dsea` Israel i líng' dsea` fariseo do fí sinúu` guá' quiá'r` i dsea` i lami' tiuung` do, jò dseáng' jò` íng' neiñ' do. Jò mi' cajíng' tu rúng' Jesús cóo' i dsea` i lami' tiuung` do, jòba' cajmingí'r` i dsea` do jò casí'-reiñ':

—¿Su já' líng' 'nu' júu` quiá' i dsea` i jáa' fí ñi'f' e líiñ' jaang` dsea` jmigüí'?

36 Jòba' cañi' i dsea` do quiá' Jesús jò cajíñ':

—Jmée' jnea` júu` i i dsea` í, jò lajòba' já' nilín`n júu` quiá'r`.

37 Jòba' cañi' Jesús quiá'iñ' do jò casí'-reiñ':

—Nicañiim`bi' dsea` í, jneab` í cóo' i sin' sñn` lana.

38 Jòba' i dseañu' i ca'láang` do casí'r` uø` jnir` fí quini` Jesús jò casí'r` dsea` do:

—Jáb' lín`n júu` quiá', Fí'í.

39 Jò mi' cangí' jò, cajíng' tu Jesús casí'-reiñ' jò cajíñ':

—Jnea` cagá` a fí jmigüí' la e lí' laco' niquidsii` í' quiá' jalé' dsee` quiá' dsea` jmigüí', jò lajòba' jaléng' dsea` i lafa' tiuung` uí' dsee` quiá'r` ni'uíñ` dsea` i lafa' jné' tu calé' catú`, jogui i dsea` i dsí' e jné'r', jòba' ni'uíñ` dsea` i lafa' tiuung`.

40 Jò mi' tí' lí' canúu` e jò cóo' tú` máng' dsea` Israel i líng' dsea` fariseo i niteáang` cóo' Jesús ie` jò, jòba' cajmingí'r` dsea` do jò cajíñ':

—Jò, ¿su jnea` lí'naa' lafa' dsea` tiuum` jóng?

41 Jòba' cañi' Jesús quiá'iñ' do calé' catú` jò casí'-reiñ':

—Faco' 'nú' líng`na' lafa' dsea` tiuung`, jòba' ja` e dsee` oo`na' quiá' lajii' dsee` quiá'na' jóng. Jogui dsuco' 'nú' í' óo'na' e lafa' jné'ba', jòba' seab` dsee` quiá'na'.

10

Jaang`dsea`i`jmóo`í`guiá`jo`se`quíá`-

¹ Jò mi~ cangí jò, casí~ gui Jesús jaléng' i dsea` i caseáng' do jò cajíñ'~:

—E laba' iin`n jmitaa` óóna', e doñí` i dsea` i iing` nicuá'~ iá' fí' lí' sijnáing` jo'se` quié`-e jò ja` 'nór' e ningíñ` fí' o'ia` quiá'~ e iá' do, jòba' i dsea` í` líiñ` jaang` i` i` lée'. ² Jò dsu' i dsea`gui i í' fí' o'ia` quiá'~ e iá' do, jòba' dsea` í` líiñ` jaang` i` jmóo` í` røø` jo'se` quiá'~. ³ Jogui i dsea` i` jmóo` í` jnî` e lí' teáng'~ i jo'se` do, náa`bre o'ia` e laco' ningíng` i dsea` i` jmóo` í` guiá` i jo'se` do. Jò i dsea` i` jmóo` í` guiá` i jo'se` do nitó'r` lajaang` lajaang` i jo'se` do quiá'r` lí' laco' la siiñ` do, jò jaléng' i jo'se` do nicuí`bre' luu` i fi`re' do. Jò i fi`re' do uøøm`bre i jo'se` do e laco' dsijéng`neiñ` fí' jee` mó'. ⁴ Jò mi~ cató' e uøøiñ` do lajaléng`ne', jòba' ñiab' i dsea` do quiér` nifí' quiá'~ i jò' quiá'r` do, jò lajòb nidsilíng` i jo'se` do laco' ngóo' fi`re', co' guiáb` nicuí`m`bre' luu` dsea` do. ⁵ Jò dsu' jaléng' i jo'se` do ja` dsiqui`re' dsea` i ja` cuíng`ne', co' lí' lí' cuí`bre' mi~ níng`ne' i dsea` la'í', co' ja` cuí`re' luu` i dsea` la'í'.

⁶ Jò Jesús casí'r` i dsea` do cóo'~ júu` lana, jò dsu' i dsea` do ja` cangáiñ` e` guøng' e júu` e casí'~ Jesús i dsea` do ie` jò.

Jesús líiñ` jaang`dsea`i`jmóo`í`guiá`jo`se`quíá`-

⁷ Jò lalab casí'~ gui Jesús i dsea` do jò cajíñ'~:

—E laba' jmitaa` óóna': Jnea` lín`n e jnî` quiá'~ e iá' e lí' dsitáang'~ i jo'se` do. ⁸ Jò jaléng' i dsea` i` jmigóo' i nicajalíng` lajii`~ nú`-gui e nigáa` jnea` do, jaléng' i dsea` í` líiñ` i` lée', jò dsu' jaléng' i dsea` i` líng` lafa' jo'se` quié`-e ja` calijí'r` júu` quiá'~ dsea` do. ⁹ Jò jnea` fá'túu e lín`n e jnî` do, jòba' jaléng' dsea` i` íng` jnea` jogui ningíñ` fí' e jnî` quié`-e do, jòba' dsea` í`bing' i nilí' nileáng` jee` jalé' dsee` quiá'~. Co' jaléng' i dsea` do líiñ` lafa' jo'se` quié`-e i cuøøng` lí' dsitáang'~ jogui uøøng` jogui dsé'bre' e gø're'.

¹⁰ Dsu' lajii`~ ta` quiá'~ jaléng' i` i` do lico' jmóor` ta` uøøng` jaléng' jo'se` quié`-e jogui jmóor` ta` íng`neiñ` jogui jngang`neiñ` cajo; jò dsu' jnea` guí` caguén`n fí' jmigú` la e lí' laco' niliseeng` dsea` cøøng` cóo'~ Fidiée` lata` dseáng'~ lí' laco' si'í'. ¹¹ Jò jnea` lín`n jaang` dsea` i` jmóo` í` guiá` jo'se` quiá'~, jò cartí` jáam'~ ñiá'a e laco' ja` ní'íng` jii`~ jaang` i jo'se` quié`-e do. ¹² Jò dsu' i dsea`gui i ja` jíi`~ e ta` jò, jò lico' lí' dsír' jii`~ e l'éem`bre, jòba' fíng` caguié` jaang` ie'dsinúu` lajee` e ní'r` i jo'se` do jò cuí`bre` jóng, jò dob tiúuiñ` i jo'se` do. Jò lajòb jmóor`, co' ja` líiñ` dseáng'~ i dsea` i` ní' guiá` jo'se` jogui co' o' jo'se` quiá'~ guí`r` cajo. Jòba' cuø'bre' fí' i ie'dsinúu` do e nijmeáng`ne' jogui nicúng`ne' i jo'se` do jogui e nisojòng` i caguaang`-gui do fí' la fí' na. ¹³ Jò tiúum` i dsea` do i jo'se` do, co' lico' lí' dsír' cuub`, jò ja` ee' fí'í' óor` quiá'~ i jò' i` jéeiñ` do.

¹⁴⁻¹⁵ Jò fíi`-túu` 'nú' e jnea` lín`n jaang` dsea` i` jmóo` í` guiá` jo'se` quiá'~. Jò lí' laco' Tiquié`e guiáb` cuíñ` jnea`, jòba' lajòb jnea` cajo guiáb` cuín`re; jogui lajòbi cajo guiáb` cuíng` jnea` jaléng' i líng` lafa' jo'se` quié`-e, jòba' lajòb cajo jaléng' í` guiáb` cuíng`re' jnea`. Jogui jnea~, cartí` jáam'~ ñiá'a e nijúun`n uíi`~ jaléng' í' e laco' ja` ní'íng`ne'. ¹⁶ Jò dsu' seem`bi dsea` i` nabi nilíng` lafa' jo'se` quié`-e i ngí' fí' caluu`bi lana. Jò co' ja` mí' líiñ` dsea` quié`-e, jòba' 'né` nitóø`baar cajo. Jò jaléng' i dsea` i` nilíng` lafa' jo'se` quié`-e do nilínúu`bre` júu` quié`-e, jòba' coøb` 'lé' ní'uíiñ` lajee` lajiiñ`, jò jii`~ jneab` dsea` nijmee` e í' ír`.

¹⁷ Jò Tiquí`ii' eáam` 'neáaiñ` jnea` co' nijáang'~ ñiá'a e nijúun`n e laco' nijí'túu` calé' catú'. ¹⁸ Jò jii`~ jaang` dsea` sea` fí' quiá'r` e nijngáiñ`~ jnea~, co' ñiá`'baa dsea` cuøø` fí' ñiá'a e nilín`n lajò, co' seab` fí' quié`-e e nijáang'~ ñiá'a e nijúun`n jogui e nijmee` e e nijí'túu` cajo, co' lajòb ta` caquiá' Tiquié`e.

¹⁹ Jò mi~ tí' lí' canúu` dsea` Israel lajii`~ júu` quiá'~ Jesús, caléb' catú` canaaiñ` e jò` sáiñ` røø` uíi`~ e júu` e canúur` do. ²⁰ Jòba' fíi`m`bre lajee` la'ó' ír` canaaiñ` sáiñ` jò si'` rúñ` lala:

—¿Jialí' já' nuu'na' júu' quiá' i Jesús na? Co' i 'lim' iuung' dsíñ' na. ¡Jaang' dsea' ngaam' líñ' na!

²¹ Jo dsu' i líng' gui i dsea' do fé'r' jo jíñ' :

—Jí' jaang' dsea' lí'r' fé'r' dseáng' laco' fé' i dseañu' na faco' já' e iuung' i 'ling' dsír'. Co' jí' jaang' dsea' i iuung' i 'ling' dsí' lí'r' jmér' e nilíjné' jaang' dsea' tiuung' laco' gui cajmée' i dseañu' na.

Ja' jú' dsea' Israel júu' quiá' Jesús

²² Jo coo' née' mi' cang' gui lajo, coo' e jí' güí' lajee' e jmóo' dsea' Israel jmí' e jmiguiéng' dsír' e caligüeang' tu calé' catú' e guá' fé' quiá'r' e si' fí' Jerusalén, co' lamí' jééng' gui gab' cajmée' dsea' fí' dsí' jo; ²³ jo ie' jo, dob táang' Jesús fí' coo' ni'náú' quiá' e guá' fé' do, jo tá' coo' íng' ngír' e fí' coo' ni'náú' quiá' e guá' do, fí' lí' si' ni'náú' quiá' 'lí' yúu' Salomón. ²⁴ Jo lajee' ngí' Jesús dob mi' carí' dsea' Israel fí' lí' siñ', jo cajming' r' dsea' do lala:

—Jo ¿lí' catí' nijmée' júu' røø' e su 'nu' dsea' i casíng' Fidiée' fí' la e lin' Dsea' Jmáang' i sijeeng' jnea' do i nicá' nifí' quí' ii'? Jo lana jmee' du júu', ¿su 'nu' í'?

²⁵ Jöba' cañí' Jesús quiá' i dsea' Israel do jo casí' reiñ':

—Nicafí' bí' 'nú' e íb' jnea', jo dsu' 'nú' ja' já' calíng' na' júu' quié' e. Co' jaléb' e nicañí' 'nú' e nicajmé' e, jmóo' la'eáang' cóo' ta' huí' quiá' Tiquié' e, jo lajalé' e jo cuø' lí' e íb' dseáng' lí'n'n; ²⁶ jo dsu' 'nú' ja' já' líng' na' e íb' jnea', co' ja' líng' na' lafa' jo'se' quié' e. ²⁷ Co' i dsea' i líng' lafa' jo'se' quié' e do nicuí' bre lúu'u, jogui jnea' nicuí'm' baare' cajo, jöba' dsea' í' jneab' dsiquí' re'. ²⁸ Co' jnea' cuøø' baa jaléng' i dsea' í' e seeíñ' cøøng' cóo' Fidiée' lata', jo ja' tóo' jmí' fa' ni'náíñ' quiá' Fidiée' o' gui fa' quí' jmí' e jí' nijéng' tu' jaléng' i dsea' í' fí' jaguóo'. ²⁹ Jo lají' e nicangín' n e nicacuø' Tiquié' e jnea', e jo lí' e niing' gui eáang' lajee' lajalé', jo jí' jaang' dsea' quí'r' jmí' fa' e niguí' guir e jo. ³⁰ Jo jnea' cóo' gui Tiquié' e jaam' dsea' lí' naa'.

³¹ Jo mi' canúu' dsea' Israel lají' e cajíng' Jesús, jöba' casítír' cuu' calé' catú' e lamí' iíñ' niquíuín' dsea' do cartí' nijngáng' neiñ'. ³² Jo lalab cajíng' Jesús quiá' i dsea' Israel do jo casí' reiñ':

—Jmiguiab' jalé' e quí' i jmí' e nicajmé' e jee' 'nú' la'eáang' cóo' güea' quiá' Tiquié' e. Jo lajee' lajalé' e jo, ¿jnan' e catíng' e nijngáng' na' jnea' cóo' layaang' cuu'?

³³ Jöba' lalab cañí' dsea' Israel quiá' Jesús jo cajíñ' :

—Ja' í' dsí' jnea' e nijngáng' naa' 'nu' uí' jalé' e guiá' e nicajmee' do, co' nijmé' naa' lajo uí' e gab' lí' e júu' e fól' na fí' quini' Fidiée'. Co' 'nu' jí' dsea' jmigüí' lin', jogui iin' jmée' e røøb' cøøn' cóo' Fidiée'.

³⁴ Jöba' lalab cañí' Jesús quiá' i dsea' do jo casí' reiñ':

—Jo lalab fé' Fidiée' fí' ni' júu' quiá' ta' quiá'r' : "Jnea' fá'a e 'nú' líng' na' laco' diée'." ³⁵ Jo nine' baa' røø' lají' e fé' e fí' ni' jì' quiá' Fidiée' do e ja' cuøøng' fé' naa' e o' já'; jo e fí' ni' e júu' do quiá' Fidiée' fé' e jaléng' dsea' cóo' i casíng' Fidiée' júu' quiá'r' líñ' laco' diée'. ³⁶ Jo co' Fidiée' dsea' caguíñ' jnea' jogui casíñ' jnea' fí' jmigüí' la, jöba', ¿jial cuøøng' fo' 'nú' e jnea' fá'a júu' e ga' fí' quini' Fidiée' mi' fá'a e Jóo' dsea' íb' lí'n'n? ³⁷ Jo ja' já' güíling' na' jnea' song jnea' ja' jmóo' dseáng' laco' la jmóo' Tiquié' e. ³⁸ Jogui dsu' song jmóo' bí' e quí' i jmí' do e naí' fa' ja' já' líng' na' jnea', jöba' lí' já' güíling' na' cóo' jalé' e quí' jmí' do e laco' nilíñ' na' e jaam' dsea' líng' jnea' cóo' Tiquié' e, jogui lajöbi ír' cóo' jnea' cajo.

³⁹ Jo mi' canúu' dsea' Israel lají' e cajíng' Jesús do, jöba' caléb' catú' lamí' iíñ' e nisáíñ' dsea' do, jo dsu' dsea' do dsifib' caleáang' 'ñia'r'.

⁴⁰ Jo mi' cang' jo, caquim' tu Jesús fí' lí' lí' 'ngóo' gua' Jordán, jo fí' dob cajer' e fí' lí' caseáang' Juan jmí' jaléng' dsea' lamí' jééng' gui. ⁴¹ Jo lajee' táang' Jesús fí' jo, i fím' dsea' cangolíng' e iíñ' ninúr' júu' quiá' dsea' do, jo lalab fé' i dsea' í' :

—E jáb' e i Juan do ja` cajméer` jii` coo` e li` e quí'r` jmi` lajee` cateáaiñ` fí` jmigü` la, jo dsu' lajaléb` e cajíñ` uii` quiá' i dseañu` la, dseáng' jáb'.

⁴² Jōba' ie` jo i fīm' dsea` i já' calng` júu` quiá' Jesús e fí` jo.

11

Mi` cajúng` jaang` dseañu` i sii` Lázaro

¹ Jo mi` cangf`gui lajo, lajee` e táam`bi Jesús fí` jo, jo ie` jo niseeng` jaang` dseañu` i sii` Lázaro cóo`gui gáng`gui dseam` rúíñ', jaang` i sii` Yá` jogui jaang` i sii` Marta, jo laji` gaaiñ` do seeiñ` fí` coo` fí` li` sii` Betania. Jo ie` jo guiáang` ráang` Lázaro e dsée'r`. ² Jo i dseam` i sii` Yá` i rúng` Lázaro, íb` i ca'ée` jmi` jmeafí` tí` Jesús jogui cajmiquiá'r` cóo` jñuguir` tí` dsea` do lami` jéeng`gui. ³ Jo có' eáam` dsée`gui Lázaro, jōba' i dseam` rúíñ' i gáng` do casíñ` júu` fí` li` táang` Jesús, jo lalab júu` quie` i dsea` do quiá' Jesús:

—E lab júu` quiee`, e i dsea` i seeng` røø` cóo` do i eáam` 'neáan` do i sii` Lázaro eáam` líiñ` lana.

⁴ Jo dsifí` mi` canúu` Jesús e jo, jōba' lalab cañír` quiá' i dsea` do:

—Jo e jmohuí` e líiñ` do ja` nijéng` ír` fí` ní` 'mó', có' e jo nili'íng` ta` e lí` laco' niliñí` dsea` jial tí' 'gøng' Fidiée`, jogui laco' niliñí` dsea` cajo jial tí' 'gøng' jnea`, dsea` lín`n` Jōo' dsea` do.

⁵ Jo doñí` fa' eáam` 'neáang` Jesús i dseam` i sii` Marta do jogui i sii` Yá` jogui i dseañu` i sii` Lázaro do, ⁶ dsu' ja` cangór` dsifí` fí` quiáíñ` do mi` caliñír` e niráang` i Lázaro do dsée'r`, jo cajmi`im`bi` ñia'r` tú` jmi`gui e fí` li` táaiñ` do. ⁷ Jo mi` cangf` e tú` jmi` do, jōba' lalab casí' Jesús i dsea` quiá'r` do:

—Má` túu' fí` li` se' Judea.

⁸ Jōba' cañíi` i dsea` í` quiá' Jesús, jo casí'r` dsea` do:

—Tifa', ja' mí` ngóo`bi eáang` e jaléng` dsea` Israel i seeng` fí` jo lami` iñ` nijngáiñ` 'nu` cóo` layaang` cuu`, jo 'nu` caléb` catú` iin` guó' fí` jo.

⁹ Jōba' cañíi` Jesús quiá' i dsea` quiá'r` do jo casí` reiñ':

—E jáb' e sea` guitú` oor` lajee` e jmi`; cofa' jaang` dsea` ngír` lajee` e jmi` do, jōba' ja` dseáang` niqiuíñ', có' jneáb` lí` ngír'; ¹⁰ jo dsu' song jaang` dsea` ngír' fí` coo` lí` nuu', jōba' quiung' guiáam`bre ngír', có' ja' sea` jí` cóo` e cuø` e jneá` lí` ngír'.

¹¹ Jo mi` cangf` e café'r` e júu` na, jo cajíng` guir casí'r` i dsea` quiá'r` do:

—I dsea` rú'uu' i sii` Lázaro do nicaquiam`bre, jo dsu' lana nini'i e nijmijnée`túu` dsí`bre.

¹² Jōba' cañíi` i dsea` quiá' Jesús do, jo cajíñ` casí'r` dsea` do:

—Fíi`naa', jo laco' fó' na e nicaquiam` i dseañu` í, jōba' e jo cuø` lí` e nitím`tur.

¹³ Jo dsu' cajíng` Jesús lado có' e nicaajúm` i Lázaro do, jogui i dsea` quiá'r` do í` dsír' e já'ba' e lí` güim` Lázaro lí` laco'gui jii` e nicaajíng` dsea` do. ¹⁴ Jōba' cajíng` Jesús casí'r` i dsea` quiá'r` do dseáng` lajang` jo casí` reiñ':

—Lana niráang` Lázaro 'liim`bre. ¹⁵ Jo guiá`gui quíi` 'nú' e ja' mí` ngóo`o` fí` do latí` lana, có' lajōba' e já' gui nilíng`na` júu` quie` e, jōba' eáam` iáang` dsii`. Jo lanaguiba' dsé`ee' fí` quiá'r`.

¹⁶ Jo i dsea` quiá' Jesús i sii` Tomás i lineang` dsea` suung` mi` canúur` lajii` e júu` jo, jōba' casí'r` i dsea` rúíñ' i caguiaang`gui do lala:

—Má`aa' jneaa`aa' cóo'r` cajo, jo song cajnga' dsea` quiá'r`, jōba' la quie` jneaa`aab` nijúu`naa' cóo'r` cajo.

Jesús i cuø` e jí`tu` dsea` mi` ningf` e júuiñ`

¹⁷ Jo mi` caguie` Jesús colíng` cóo` dsea` quiá'r` e fí` Betania e fí` lí` cajúng` i Lázaro do, jo níngoo' quiú` jmi`b` e nica'áng` dsea` do mi` caguiliñ` fí` jo. ¹⁸ Jo e fí` e sii` Betania do ja` huíi` née' laco'gui Jerusalén, có' tíib`jiu` jii` la 'ní` kilómetro, ¹⁹ jōba' fīm' dsea` Israel i neáang` fí` jo cangolíñ` e cango'eer` i Marta do cóo`gui Yá` e laco' ja` líiñ` do fí'f` uii`

quíá' e cajúng' i rúin' i sii Lázaro do. ²⁰ Jo mi~ caliñí' Marta e ningóó' Jesús fí' do, joba' cagüi'fir' e cangojmijíñ' dsea' do; jogui i Yá^ rúin' do, dob cajer' fí' sinúú^ lajee' jo. ²¹ Joba' mi~ cajíng' i Marta do Jesús, lalab casí'r- dsea' do jo cajíñ'':

—Fa' jiu~gui mi~ cagüén' jéeng'guijiu fí' la, joba' ja` cajúng' i rún'n do jóng faco' lajo. ²² Jo dsu' tab~ dsii- e quib'- jmii~ e nijmicóo'~ Fidiée' jnea~ song nimí'~ire lajo, co' doñí' ee' e mí'~ 'nu' dsea' do, dseáng'- ngím'ba'.

²³ Joba' cañí' Jesús quiá'- i dseamf do jo casí'- reiñ':

—Nijíb'tu i rún' do.

²⁴ Joba' cañí' i dseamf do quiá'- Jesús jo cajíñ'':

—Jáb'-, niñi'baa e jo e nijíb'tu i rún'n do mi~ nití- í' e nijí'tu jaléng' 'lii~ mi~ tí' lí' jo.

²⁵ Jo mi~ cangf jo, lalab cañí'tu Jesús quiá'- i dseamf do jo casí'- reiñ':

—Jneab~ dsea' i cuø' e jí' dsea', jogui e nijí'tur mi~ ningf e nijúuiñ'. Joba' jaléng' i dsea' i já'- líng' júu^ quié'-e, jo nañí' fa' júung- jí'~ ngúú' táaiñ', dsu' ja' tóo' jmii~ fa' ni'náaiñ' e seeiñ' cøøng' cóo'~ Fidiée'; ²⁶ jogui jaléng' dsea' i já'- líng' júu^ quié'-e jogui e seem'bir mi~ tí' lí' jo, joba' ja' tóo' jmii~ fa' ni'náaiñ' e seeiñ' cøøng' cóo'~ Fidiée' cajo. Joba' ¿su já'- lín' jalé' e júu^ e fii~ i 'nu' la?

²⁷ Joba' cañí' i dseamf do quiá'- Jesús jo casí'r- dsea' do lala:

—Lajob lí', Fí'i, dseáng'- jáb'- líng' jnea~ e 'nub' lín' i Jóo' Fidiée' camíng'~ i sijeeng' jnea' i nijáa' fí' jmigüi' la i nicá' nifí' quí' ii'.

Mi~ caqui' Jesús tí' ée' quiá'- Lázaro

²⁸ Jo mi~ cangf e sáing' Marta cóo'~ Jesús, caquim'-bre e cangotéer' i rúin' i sii Yá^ do. Jo mi~ caguiéiñ'- fí' quiá'r', lalab casí'r- i rúin' do lí' ja' núu' dsea' jo cajíñ'':

—Dob guing' i tifa' do, jo 'nub' tór' lana.

²⁹ Joba' dsifí' mi~ canúu- Yá^ e júu^ jo, ladsifí' lanab cagüi'fir' jo cangór- fí' lí' tó' Jesús ír'.

³⁰ Jo Jesús ja' mí' ca'í'-bir e fí' jee~ fii' do, co' do bi' guiiñ' e fí' lí' cajíng' rúin' cóo'~ i Marta do. ³¹ Jo mi~ tí' lí' calilí'^ i dsea' Israel i caguilíng- cango'ee' ír' e laco' ja' líiñ' do fí'í', jo mi~ cangár- e cagüi'fir' i Yá^ do lajminá- e fí' dsí' sinúú^ quiá'r- do, joba' cangolíim-bre tí'leáaiñ' cajo laco' ngóo' i dseamf do, co' í' dsír' e ngóin'- do ngoquí'~bre e fí' lí' ca'áng- i 'lii~ rúin' do.

³² Jo mi~ tí' lí' caguié- i Yá^ do fí' lí' sing' Jesús, ladsifí' lanab casí'r- uø' jnir' fí' quini' dsea' do jo casí'r- dsea' do lala jo cajíñ'':

—Faco' mi~ 'nu' cagüén' jéeng'guijiu fí' la, joba' ja` cajúng' i 'lii~ rún'n do jóng faco' lajo.

³³ Jo mi~ tí' lí' cangá- Jesús e qui' i Yá^ do cóo'~gui jaléng' i dsea' Israel i caguilíng- cóo'r- do, joba' eáam' calicu' dsír' i dsea' do, jogui eáam'bi calijiuung~ dsír' cajo, ³⁴ joba' cajmíng'f'r- jaléng' i dsea' do jo casí'- reiñ':

—¿Jie' fí' lí' ca'áang- na' i dsea' do?

Joba' cajíng' jaléng' i dsea' do casí'r- Jesús:

—Má-aa' jo madsijóø^naa' fí' jo.

³⁵ Jo canaang' Jesús qui'bre cajo. ³⁶ Jo mi~ calilí'^ i dsea' Israel do e qui' Jesús, joba' lalab cajíñ'':

—¡Eáam' ni'neáang' i dseañu' na i 'lii~ na!

³⁷ Jo dsu' jee~ i dsea' Israel do seem'bing' i fé' lala:

—I nabi i dseañu' i cajmée' e calijné' i dsea' i lamí~ tiuung- do, jo ja' i ñí' jialí' ja' cajméer' fa' e ja' cajúng- i dseañu' i nica'áng- na.

Mi~ cají'tu Lázaro

³⁸ Jo fí' dsí' tó' cuub~ ca'áaiñ- i 'lii~ Lázaro do, jo o'nú^ e ée' do cajnír' cóo'~ cóo' 'loo' e fe'. Jo eáam' lijíuung~ dsí' Jesús cangoquiéiñ' e fí' lí' ca'áng- i 'lii~ do. ³⁹ Jo lalab cajíñ'- casí'r- jaléng' i dsea' i teáang- do ie~ jo:

—Je'na' e 'loo' e sijní' e o'nú^ e ée' na.

Jō dsu' mi~ canúu~ i dseamf i sii` Marta do i rúng' i 'lii~ do e cajíng' Jesús lado, jōba' lalab casí'r~ dsea` do:

—Fíi'naa', quiú' jmi~ ningóo' e ca'áng~ i rún'n na, jō lana nisi'léb' ngúu' táaiñ, faa~aa'.

⁴⁰ Jō lalab cañi' Jesús quiá'- i dseamf do:

—¿Já^ mi' cafíi~ i 'nu' e song dseáng'~ já'- lín' júu^ quié~e, jōba' nimó^ba' jóng jial tí' laniing~ 'gøng' Fidiée'?

⁴¹ Jō mi~ cangf jō, cajéb' i dsea` do e cuu~ e sijni' fí' o'ná^ ée` quiá'- i Lázaro do, jōgui Jesús dsifí' lanab cajøø'r~ fí' yá^ jmi~güi' jō cajíñ'~:

—Teaa~, lana cuøø-ø 'nu' gui'máang'~, co' jáb'~ canúu'~ júu^ quié~e. ⁴² Jōgui ñi'bí' guiá~ cajō e contøøm~ já'- nuu' 'nu' júu^ quié~e, jō dsu' fíi' i 'nu' lana e lí^ laco' jaléng' i dsea` i teáng~ la jmi~ na nijá'- líiñ' e 'nub' dsea` casín' jnea~ fí' jmi~güi' la.

⁴³ Jō mi~ cangf e cajíng'~ Jesús e júu^ na, jō café'r' teá' jō cajíñ'~:

—¿Júu' fí' lí' iuun'~ na, Lázaro!

⁴⁴ Jō mi~ calí~ e café' Jesús lajō, jōba' dsifí' lanab cagüi'fí' i dsea` i lami' 'liing~ do, jō laco' sibé'bi' mi' guotíir~, jōgui nir~ sibé' coo' jmáang'~ 'mi'. Jō mi~ cangf jō, lalab cajíng'~ Jesús casí'r~ i dsea` i teáng~ do ie~ jō:

—Síi'~na' e 'mi' e sibeáng' i dsea` i cají'tu na, jō lajōba' cuøøng' e ngír~.

Mi~ casang~ dsea` i quié' nifi' quiá'- dsea` Israel e nisáíñ' Jesús

(Mt. 26:1-5; Mr. 14:1-2; Lc. 22:1-2)

⁴⁵ Jō mi~ cangf gui lajō, i fíim' dsea` Israel i cangolíng~ cóo'~ Yá^ do já'- caliñ~ júu^ quiá'- Jesús, co' cangá~ bre jalé' e quíi'~ dsea` do jmi~ ie~ mi~ cajméer' e cají'tu i Lázaro do. ⁴⁶ Jō dsu' i liing~ gui i dsea` Israel i cangá~ e cajmée' Jesús do cangocoo'r' júu^ fí' quini' jaléng' dsea` góor' i liing' dsea` fariseo jalé' e cangár~ do. ⁴⁷ Jō mi~ caliñi' i dsea` fariseo do e jō, jōba' casíiñ~ cóo'~ jaléng' fii' jmidsea` e laco' niseáng' i dseata~ i quié' nifi' quiá'- dsea` Israel e laco' nisiñ~ e~ nijmér~ cóo'~ Jesús. Jō lalab jmingí'~ rúíñ'~:

—¿E~ nijmó^oo' cóo'~ i dseañu' do? Co' eáam' jmi~guiá' jalé' e quíi'~ jmi~ jmóor' e dsigá' dsíi' dsea'. ⁴⁸ Jō song ja` nijniing~naa' quiá'r~, jōba' fíim' dsea` nidsitáaiñ~ cóo'~ dsea` do, jō dseáam'~ e dseata~ i neáng' fí' Roma nija'íiñ~ guá'~ quí~ii' osi lajaléng'naa' dsea' lí'naa' dsea` Israel fing song caliñir' jalé' e jō.

⁴⁹ Jō jaang' lajee~ i fii' jmidsea` do nisiir' Caifás, jō líiñ' fii' quiá'- jaléng' jmidsea` ie~ jō, jōba' lalab cajíñ'~ casí'r~ jaléng' i dsea` rúíñ' caguiaang~ gui do jō café'r'~:

—¿Dseáng'~ jii'~ coo' ja' ee' ní^ 'nú'! ⁵⁰ Jō ja' í' óo'na' e guiá~gui quí~ii' e nijúung~ jaang' dsea` góo'naa' cuaiñ~ quí~ii' lajalé'naa' e laco'gui e ni'íng~naa' lajaléng'naa' dsea' lí'naa' dsea` Israel.

⁵¹ Jō i Caifás do ja` cajíñ'~ lajō uíi'~ e la tiiñ' 'ñia'r', dsu' fii' jmidseab' líiñ' ie~ jō, jōba' Fidiéeb' cacuø' ír' e cajíñ'~ lajō e Jesús nijúuiñ~ cuaiñ~ quiá'- jaléng' dsea` góor' dsea` Israel; ⁵² jō o' jii'~ e nijúung~ dsea` do uii'~ quiá'- jaléng' dsea` góor', co' lajōb cajō nijúuiñ~ e laco' nitø'r' jaléng' dsea` quiá'- Fidiée' i siguíang' fí' la'úng~ fí' jmi~güi' e laco' ni'uíñ'~ do coo'b' 'lé' lajee~ lajaléiñ'. ⁵³ Jōba' lati' ie~ jōb canaang' jaléng' i dseata~ quiá'- dsea` Israel do e 'nó'r' jial e nijngáíñ'~ Jesús.

⁵⁴ Jō uing~ lajōba' jo` 'ga' lí' jmi~néeng'gui 'ñia' Jesús jee~ jaléng' dsea` góor' dsea` Israel, jō cagüi'fí'bre e fí' lami' táaiñ' do e lí' se' Judea, jō fí' dob cangór~ fí' coo' fíi' e sii' Efraín e née' quiá'- fí' guóo'~ uø' quiú', jō fí' jōb cajer' cóo'~ jaléng' dsea` quiá'r~.

⁵⁵ Jō mi~ cangf gui lajō, lajee~ e nijaquíéeng' jmi~ e quí'~ tíng' dsea` Israel e jmóor' lacoo' jii' e sii' Pascua, jōba' quí'~ tiiñ' e dsilíiñ~ fí' Jerusalén ná'~gui e jmi~ jō e laco' jmi~guiúng~ yaaiñ~ fí' quini' Fidiée' jō dsiguiar~ guiá~ lajii'~ e quí'~ tiiñ' jmóor' do. ⁵⁶ Jō mi~ caguilíng~ i dsea` Israel do fí' Jerusalén, jō seem'biñ' do ngír' ta~ 'náng' Jesús ie~ jō, jōgui jmingí'~ rúíñ' lajaang' lajaaíñ' lajee~ e teáaiñ'~ fí' dsíi' sinúu' guá'~ fé' e sí' fí' jō, jō sñiñ'~:

—¿Jō ¿e' fól' 'nú'? ¿Su nijáa'gui i dsea` í' fí' la lajee~ jmi~ osi ja' nijáar' é?

⁵⁷ Jo jaléng' dsea` Israel i líng' dsea` fariseo cóo'gui jaléng' fi~ jmidsea` quiá'r- nicangáin' júu^ quiá'- jaléng' i dsea` i caguiling- e jmi~ do e song jaang` lajee` ír` nija'r- júu^ jie~ fí` táang` Jesús, jo e güijmée`bre júu^ ladsifí, jo lajoba' e niteng' dsea` do.

12

Mi~ ca'ée- jaang` dseamí` jmí~ jmeafí~ tí~ Jesús (Mt. 26:6-13; Mr. 14:3-9)

¹ Jo mi~ cangígui lajo, jñúu- jmíib~ jmóo`gui e nití- e jmi~ Pascua quiá'- dsea` Israel do, jo cangób-tu Jesús fí` Betania e cango'ee`tur Lázaro i cajméer` e cají'tu ie~ lamí~ jéeng`gui do. ² Jo mi~ tí` lí` caguiér- fí` quiá'- dsea` do, i dsea` seeng` fí` sinúu^ do cajméer` cóo` jmí~ e jmi'gór` Jesús, joba' cagó'r` colíng~ ie~ canúu e jmi~ jo; jo dob guing` Lázaro e gó'r` colíng~ cóo' i dsea` do cajo, jogui i rúin' i sii` Marta do, íb` i jmóo` ta~ ngíng` jmiñi` quiá'- jaléng' i dsea` i neáng` gó' do ie~ jo. ³ Jo lajee` guing~ Jesús gó'r', cóo` caguiéb- Yá^ i rúng' Lázaro fí` lí` guing~ dsea` do, jo quier` cóo` dsuu- niguó' e a~ trescientos gramos jmí~ jmeafí~ e lí' cóo' layaang~ nardo e 'mo' eáang', jo cóo' e job ca'éer- fí` tí~ Jesús lajee` e guing~ dsea` do gó'r'; jo mi~ cangí jo, cajmiquiú'r- cóo' jñuguir-. Jo latøøm- e fí` dsí' sinúu^ do cajó- jmeá' quiá'- e jmí~ jmeafí~ do ie~ jo. ⁴ Jo mi~ cangoyúung' e jo, jaang` lajee` dsea` guitúung` quiá'- Jesús i sii` Judas Iscariote i nisi'í' i ni'níng- dsea` do, lalab cajíng' í ie~ jo:

⁵ —¿Jialí' ja` mí` cango'ní~ e jmí~ jmeafí~ la cóo' 'ní` ciento cutee` e laco' nilisea` cuu- e nilicóo' jaléng' dsea` tiñíng-?

⁶ Jo cajíng' Judas Iscariote e jo dsu' o' já'- dseáng'- e fí~ líin' jaléng' dsea` tiñíng-, có' jaang` íib` líin' do, có' ie~ jo íbre dsea` née` nir~ taloo` téel~ cuu- e lí' quiá'- Jesús colíng`gui cóo' i dsea` guitúung` quiá'r- do; joba' i Judas Iscariote do guíbre e cuu- do mi~ iin' `ñia'r'. ⁷ Joba' lalab cañi` Jesús quiá'- i dsea` í:

—Ja` e fí' jii~ cóo' i dseamí` na, có' lajii~ e nicajméer` na e nicaguiar` guiá- quie` e mi~ nití- í' e quiá'- ni'am-baa. ⁸ Jo contøøm- cuøøng` lí` jmicóo' 'nú' jaléng' dsea` tiñíng-, jo dsu' jnea`gui ja` contøøng- táan`n cóo' 'nú' fí` jmigüí la.

Mi~ ca'í` dsí' dsea` e nijngáin' i Lázaro do

⁹ Jo mi~ cangíguijia lajo, i fím' dsea` Israel caliñir` e dobi táang` Jesús e fí` Betania do. Joba' cangolíin' cangojóø`bre fí` jo, jo dsu' o' jii~ Jesús dseáng'- i ngir` 'náiñ' do, có' lajob 'náiñ' Lázaro cajo i cajmée` Jesús e cají'tu calé' catú-. ¹⁰ Joba' i fi~ jmidsea` do casíin' røø` e la quie` tí` Lázaro nijngáin', ¹¹ có' fé' i dsea` Israel i quie` nifí` do e uí' íb` fíng' i dsea` góor` do ninaang` 'naaiñ` cóo' i dsea` rúin' caguiaang`gui do, jo cóo' Jesús ninaaiñ` dsitáin'.

Mi~ ca'í` Jesús fí` jee` fí~ Jerusalén (Mt. 21:1-11; Mr. 11:1-11; Lc. 19:28-40)

¹² Jo lajee` nú'-gui jmí~ Pascua e tí` fí` Jerusalén do, fím' dsea` cangolíin' fí` jo e cangotíin' e jmí~ do; jo mi~ cajneá- cóo'gui jmí~, job caliñi' dsea` e tí` niguiéé` Jesús fí` Jerusalén e quiá'- e jmí~ do. ¹³ Jo mi~ caliñi' i dsea` do e jo, joba' cangoquiú'r- moo` quiee-, jo cangolíin' cango'íin' Jesús catí` caluu` fí~ e quiá'- nijmiféin' dsea` do. Jo mi~ ca'íin' dsea` do, lalab fé'r` teá' e íaang` dsíir':

—iMajmifém'baa' i dsea` na! iJogui juguiú`-jia quiá'- i dsea` na i casíng` Fidiéé` fí` jmigüí la cuaiñ~ quiá'r-! iJogui majmifém'baa'r cajo i dsea` na i líng' dsea` güeang' i quie` nifí` quiá'- jaléng' dsea` góo'naa' dsea` Israel!

¹⁴ Jo lajee` iuung- Jesús fí', lado cadséin' jaang` bú', jo íb` caguár` lí' laco'gui la fé' fí` ni~ jii` quiá'- Fidiéé` e cajme' dsea` mali~gui eáang` lí' fé' lala:

¹⁵ Ja` føøng`na' jaléng' 'nú' i seeng` fí` fí~ Sión;

jo jøø-na', lab nijáa' i dseata~ dsea` féng' quí-na' e guíin' fí` mocóo' jaang` bú' jiuung~.

16 Jo dsu' la' uii~ ja` calilí' b'i dsea` guitúung` quiá'r- do e` guøng` jalé' e do; lí' mi~ cangf` gui lajo, mi~ cangf` e cangáng' tu Jesús fí' ñifí', joguib calilí' i dsea` do e jalé' e cajméé' Jesús do ninitóob` fí' ni` ji` quiá'- Fidiée` e cajme' dsea` lajii~ mali~ gui eáang' lí' fé' uii~ quiá'- Jesús.

17 Jo ie~ jo, jaléng' i dsea` i cangá- mi~ cató'- Jesús i Lázaro do e nigüi' ñiñ' do fí' dsí' ée` quiá'r- co' cajib` tur; joba' jaléng' i dsea` íb` i cani' e júu` jo jee~ jaléng' i dsea` caguaiang- gui do. 18 Jo lajob i fíim' dsea` cangolíñ` e cangojmijíñ' Jesús, co' caliñi' bre jalé' e quí' dsea` do jmii~ e cajméer` e fí' do ie~ jo. 19 Jo i dsea` Israel i líng' dsea` fariseo do lalab síiñ` la' ó' yaaiñ`:

—Nab nimóo- 'ná', jii~ coo` ja` e quí' naa' jmii~ nijmó` oo' lana, co' jnéeng- ne` baa' e jia` ja` lajim` dsea` nisitáiñ` cóo' i Jesús na lana.

Mi~ ca'nang'- dsea` griego Jesús

20 Jo jee~ jaléng' i dsea` i cangolíng` fí' Jerusalén e cangojmiféiñ' Fidiée` lajee` e jmii~ jo, jee~ i dsea` íb` niquiéeng` coo` tú- m'ng' dsea` griego. 21 Jo i dsea` griego do cangoquiéeiñ' fí' lí' sing' jaang` dsea` guitúung` quiá'- Jesús i sií' Lii~, jo í' seeiñ` fí' Betsaida e née' lí' se' Galilea, jogui i dsea` griego do camí'r' jmi' ee` i Lii~ do jo casí'- reiñ`:

—Dsíng'- ii~ jnea' e nilicuíng` naa' Jesús.

22 Joba' dsifí' mi~ canú- Lii~ e jo, cangó- bre cangosí'r` Dí' i líng' jaang` gui dsea` guitúung` rúíñ` cajo, joba' laji` huám- bre cangolíñ` e cangojméer' júu` Jesús lajii~ e jíng'- i dsea` griego do. 23 Joba' lalab cañi' Jesús quiáiñ'- do:

—Lana tí' nití' í' quié- e e ninín' túu` fí' ñifí' fí' lí' cagá- a mi~ cagüén- n fí' la e lín' n jaang` dsea` jmigüí'. 24 Jogui jnea~ jmitaa` óo' na' e fa' camí' micui' iee` e ja' mí' cató' fí' ni~ uó` jo o' gui ní' cajo, joba' lamí' líb' lí' e camí'b` e mijú` do; jo dsu' song camí' gui e micui' iee` do catób' fí' ni~ uó` jogui caní'b', joba' jmiguiab` ni' uíng'- do mi~ niró'. 25 Cofa' i dsea` i eáang` gui guing~ dsí' jalé' e dsijéé' fí' jmigüí' la, joba' ni' íim- quiá' i dsea` í' mi~ tí' lí' jo; jo dsu' i dsea` i ja` guing~ dsí' jalé' e dsijéé' fí' jmigüí' la, joba' i dsea` í' guiáb- ni' uíng- quiá'r- mi~ tí' lí' jo, co' cøom` niliseeiñ` cóo' Fidiée` lata~. 26 Jogui song jaang` dsea` iin~ e niliñ` jaang` dsea` i jmóo' lajii~ e iin~ n, joba' 'né- ngí- colím~ cóo' jneab~; jogui lacaang` jíé' fí' lí' seen-, joba' fí' job' 'né- seeiñ` cóo' jnea~ cajo. Jo song seeng` dsea` i jmóo' lajii~ e iin~ n, joba' Tiquié` e dsea` guing~ ñifí- nijmi' gó' bre i dsea` í' cajo.

Mi~ cajíng'- tu Jesús e nijngáng'- dsea` ír`

27 Jo fá' guí' lana e dseáng'- dsíng'- nijáa' fí' í' quié- e; jo ¿e~ nijmee~ e? ¿Su nifá' a: "Tea~, leaang- jnea~ jee~ jalé' iihuí' e nidsingñ- n do"? U~, o' lajo, co' jnea~ cagá- a fí' jmigüí' la e lí' laco' nidsingñ- n jalé' e jo. 28 Joba' fí' i 'na, Tea~, jmee- e laco' nijmi' gó' dsea' 'na.

Jo dsifí' mi~ cangf` e cajíng'- Jesús lajo, joba' guicaná' coo` luu~ fí' yá' jmigüí', jo guicajíng'- lala:

—Nicajmé- baa lajo, jo dsu' tí' lí' nijmee~ baa calé' catú-.

29 Jo jaléng' i dsea` i teáng- núu` do ie~ jo cajíñ'- e líng` ee` guicangoo` fí' yá' jmigüí'; dsu' i líng` gui i dsea` do fé'r`:

—Jaang` ángel i niguicafé' na.

30 Jo mi~ cangf` jo, jo cañi' Jesús quiá'- i dsea` do jo cajíñ'-:

—Ja` catíng- jnea~ e guicajíng'- e luu~ do, co' 'náb' dsea` catíng- na' e jo. 31 Jo lanab catí' í' e Fidiée` niquidsir' í' quiá'- jaléng' dsea` jmigüí' uii~ quiá'- jalé' dsee- quiá'r-, jogui lanab cajo catí' í' e ni' líng- bí' quiá'- fii~ i 'líng' i quiá' ta~ fí' jmigüí' la. 32 Jo dsu' mi~ níngf` e niteáng- dsea` jnea~ fí' dse' crúu` e laco' nijúun- n, jo lajoba' nitóø`ø` jaléng' dsea` e laco' ni' uíñ- dsea` quié- e.

33 Jo cajíng'- Jesús lana co' niñi' bre guiá- jial nijnga'- dsea` quiá'r-. 34 Jo mi~ tí' lí' canú- jaléng' dsea` i teáng- do ie~ jo e júu` quiá'- Jesús do, joba' lalab cañi' quiá'- dsea` do:

—Nineb~ jnea' røø` e tóo` fí' ni` jì` quiá'- Fidiéé` e latab~ niliseeng` Dsea` Jmáang~, joba' çjialí' fól' 'nú' e ì` dsea` ì` jáa' fí' ñifí' e líiñ' jaang` dsea` jmigüi' 'né- nisáin' fí' yá' mi~ nijnga'- dsea` quiá'r-? Jogui çjì` ì` dsea` ì` jul' na?

³⁵ Joba' lalab cañiñ' Jesús quiá'- ì` dsea` do:

—Jnea` bi e jì` e jnea` jee` 'nú' lajee` lana, jò` dsu' jo` huøø` e líng'guñ' lajò` jee` 'nú' fí' la. Joba' jmi'uum`ba' e seem`ba' guiá- lajee` e seem`bñ' jee` 'nú' fí' la e laco' ja` nilí' e lí` nuu` do 'nú'. Dsuo' jaléng' dsea` ì` seeng` e fí' lí` nuu`, joba' jji' ja` ñir' jie` fí' lí` seeiñ'.

³⁶ Joba' jáang~ yaang~na' e fí' lí` jnea` jì` do lajee` e seem`bñ' jee` 'nú' e laco' quí' jmi' e niliseeng`na' contøøng` fí' lí` jnea` jì`.

Jò` mi` tí' lí` cangf` e cajíng' Jesús jalé' e júu` na, joba' cangó-bre, jò` ca'náam` 'ñia'r' jee` ì` dsea` do.

Jialí' ja` já'- líng` dsea` Israel júu` quiá'- Jesús

³⁷ Jò` ie` jò, ja` e lí' e Jesús cajméer` jalé' e lí' laniing` e quí'r~ jmi' fí' quini` jaléng' dsea` góor` dsea` Israel, jò` dsu' ja` já'- lím`bi ì` dsea` do júu` quiá'- Jesús; ³⁸ jò` lajoba' e caliti` e cajme' Saí' jaang` dsea` ì` café' cuaiñ` quiá'- Fidiéé` malí` gui eáang' ie` lamí` cajíñ'- lala: Fí'naa', çjì` ì` já'- nicalíng` júu` quií'- e guía'naa'?

Jogui çjì` ì` nicalíñ' jial tí' 'gøn', Fí'naa' Fidiéé'?

³⁹ Jò` lajob` jaléng' dsea` do jji' ja` lí'r` ningáin', co' lalab cajme'gui Saí' cajo fí' ni` jì` quiá'- Fidiéé` lí' fé' lala:

Jnea` Fidiéé` jò` fá'a e júu` la:

⁴⁰ Nicajn`baa jminir~ jogui nicajn`baa moguir~ cajo

e laco' ja` cuøøng` niliñir' júu` quié'-e

o'gui cuøøng` e ningáin' jial lí' cajo;

jò` lajoba' ja` niquí'- jíng' yaaiñ` fí' quinií-,

jogui lajobi jnea` ja` nijmi'leáan`nre cajo.

⁴¹ Jò` cajíng'- Saí' lana, co' nicangá-bre jial tí' laniing` 'gøng' Jesús, joba' fé'r` uii` quiá'- dsea` do.

⁴² Jò` nañí' fa' cajím'- ì` yáa' Saí' do e júu` jò, dsu' fím' dsea` Israel já'- calíñ` júu` quiá'- Jesús ie` jò, jogui fím' dseata` dsea` Israel ì` laniing` já'- calíñ` júu` quiá'- dsea` do ie` jò` cajo. Jò` dsu' ja` fé'r` lajò` fí' quini` jaléng' dsea` jiéng', co' 'gøm'bre jaléng' dsea` Israel ì` líng' dsea` fariseo e ni'uøng`neiñ' fí' dsí' sináa' guá'- quiá'r-, ⁴³ co' eáang'gui iñ` e dsea` jmigüi'bing' nijm'gó' ír` laco'gui e nijmé- 'ñia' Fidiéé` lajò` cóo'r~.

Jial dseáng'- 'né- nijm'gó' dsea` júu` quiá'- Jesús

⁴⁴ Jò` mi` cangf`gui lajò, lalab cajíng'- Jesús cóo' júu` teá':

—Jaléng' dsea` ì` já'- líng' júu` quié'-e, joba' ì` dsea` í' o' jji' júu` quié'-e já'- líiñ, co' lajob` já'- líiñ` júu` quiá'- Tiquí'ii' Fidiéé` cajo, dsea` ì` casíng` jnea` fí' jmigüi' la. ⁴⁵ Jò` doñí' ii' dsea` ì` níng` jnea~, joba' níim`bre cajo ì` dsea` ì` casíng` jnea` fí' jmigüi' la. ⁴⁶ Jò` jneab~ dsea` lín`n e jì` do, jò` cagá` a fí' jmigüi' la e lí' laco' jaléng' dsea` ì` já'- líng' júu` quié'-e ja` niliseeiñ` fí' lí' nuu`. ⁴⁷ Jò` ì` dsea` ì` lico' núu` jalé' júu` quié'-e jò` dsu' ja` jmóor` náur~ jalé' e jò, joba' o' jnea` dsea` niquidsii- í' quiá'- ì` dsea` í'. Co' ja` cagá` jnea` fí' jmigüi' la e laco' niquidsii- í' quiá'- jaléng' dsea`, co' jnea` cagá` a e lí' laco' nilaan`re jee` jalé' dsee- quiá'-bre. ⁴⁸ Jò` jaléng' ì` dsea` ì` ja` jji' jnea` o'gui já'- líiñ` júu` quié'-e, joba' ì` dsea` í' niseem`bing' ì` ni'í' í' quiá'r- quiá'- jalé' e dsee- e nica'éer` do; co' cóo' jalé' e júu` e nica'fá'-a na, cóo' jji' job` nitidsí' í' quiá'r- mi` tí' lí` jò. ⁴⁹ Co' jnea` ja` fá'a la ñii- 'ñiá'a, dsuo' Tiquí'ii' ì` casíng` jnea` fí' jmigüi' la, íb` ì` nicaqui' ta` quié'-e lajji' e 'né- e nifá'a. ⁵⁰ Jò` lajob` niñi` jnea~, e jaléb' ta` e qui' Tiquié'e do cuø` e liseeng` dsea` cøøng` cóo' Fidiéé` lata`. Joba' lajob` lí', jaléb' e fá' jnea` dseáng'- fá'a jji' laco' ta` ca'ín`n quiá'- Tiquí'ii'.

13

Mi caru' Jesús tii dsea guitúung` quiá'r`

1 Jo mi~ cangígui lajo, lajee e guati'ló~ jmi~ Pascua e qui' tii dsea` Israel jmóor` fí Jerusalén, jo ie~ jo niñib` Jesús e nicatib` í' quiá'r` e nitúr` fí jmigüü` la jo nidséin` nidsigüea`tur cóo` Tiquí`ii' fí ñiff`. Jo lajee cateáaiñ` fí jmigüü` la, eámam` cajmi`neáaiñ` jaléng` dsea` i ca'uúing` dsea` quiá'r`, jo lajob cajméer` cartí` cangáng`-tur fí ñiff`. 2-3 Jo ie~ jo, tí lí` ni'ib` fii` i 'ling` fí dsí` Judas, joo` jaang` dseañu` i sii` Simón Iscariote, jo i fii` i 'ling` do cajméer` e ca'f` dsí` i Judas do e ni'núñ` Jesús fí quini` jaléng` dsea` i quie` nifí` quiá'r` dsea` Israel. Jo Jesús niñi`bre guiá` e fí lí` guing` Fidié` jaar` mi` cagüéin` fí jmigüü` la, jogui e fí job nidséng`-tur mi` nití` í' quiá'r`. Jo i Tiquí`ii' dob i nicacuø` ír` fí e neé` nir` lajalé`. 4 Jo ie~ job cagø` Jesús í` canu` cóo` dsea` guitúung` quiá'r`, jo lajee e neáaiñ` gø'r` dob mi` caráaiñ` e fí lí` guin` do jo caguir` e si'r` e quier` lí` lí` ni~, jogui ca'ñúr` cóo` jmaang` 'mi' fí 'ñúñ'. 5 Jo mi~ cangí jo, caguié'r` jmi` fí dsí` cóo` úu` e ja` a' eáang`, jo cóo` e job canaaiñ` ru'r` tii` lajaang` lajaang` i dsea` guitúung` quiá'r` do, jo mi` calí` jo, cajmiquiá'r` cóo` e 'mi' e ca'ñúr` tu'r` do.

6 Jo mi` tí lí` catíng` Tú` Simón e nijgí` tii` e nirú` Jesús, joba' lalab cañír` quiá'r` dsea` do:

—Fí'i, ja` catíng` 'nu` e nirú` tii`.

7 Jo lalab cañí` Jesús quiá'r` dsea` do:

—Ja` mí` ngáng` 'nu` lana e` guóng` lajii` e jmóo`o la, jo dsu` lajee` lab ningán`.

8 Jo cañí`tu Tú` Simón quiá'r` Jesús jo casí'r` dsea` do:

—jDseáng`-ja` cuø`baa fí e 'nu` nirú` tii`!

Joba' lalab cañí`tu Jesús quiá'r` dsea` do:

—Lí` jii` e laba' lí', e song ja` nirú`-u` tii~, joba' ja` qui' jmi~ jóng e líng`gui` dsea` quie` e.

9 Joba' cañí`tu Tú` Simón quiá'r` dsea` do jo cajíñ`:

—Jo song lajob nilí` Fí'i, joba' guiá`-gui e nirú`-ba' la quie` guóo` cóo`-gui moguii` cajo.

10 Jo dsu` lalab cañí`tu Jesús quiá'r` Tú` Simón jo cajíñ`:

—Doñí` ii` dsea` i lalí` calá`, joba' ja` 'né`-lá`-tur ladsifí` lado, jo jii` tii`-bre 'né`-nirú`-tur cóo` sijgám`-bre latøoiñ`. Jogui 'nú` lím`ba' dsea` sijgáng`, nañí` fa' ja` lajaléng`na' líng`na' lajo.

11 Jo cajíng`-Jesús lana e ja` lajüng` i dsea` do líñ` dsea` sijgáng`, cóo` niñi`bre guiá` i` i dsea` i ni'níng`-ír` fí quini` dsea` i quie` nifí` quiá'r` dsea` Israel.

12 Jo mi` tí lí` cató` e ru` Jesús tii` jaléng` i dsea` guitúung` do quiá'r`, joba' caquib`-tur e si'r` do, jogui caguáb`-tur e fí lí` guin` gø'r` do, jo mifüng` cajíñ`-lala:

—¿Su ní` 'nú` e` guóng` jalé` e nicajmé` e qui`-na' na? 13 Cóo` 'nú` ca'íng`-na' jnea` e lín`n Fí`na' jogui e lín`n Tifa' qui`-na', jo e jáb`, lajob lí', cóo` lajob dseáng`-lín`n. 14 Jo cóo` jnea~, dsea` lín`n Tifa' jogui Fii` qui`-na', nicarú`-baa tii`-na' lajaang` lajaang`-na', joba' lajob cajo 'né`-jmé`-nú', 'né`-rú`-ba' tii` dsea` rúng`-na'. 15 Jo jnea` nica`é`-baa 'nú` jial 'né`-nijmee`-na' e laco' 'nú` nijmee`-na' røøb` laco'gui jii` e nicajmé`-jnea`. 16 Jo e laba' jmítaa` óo`na', e jii` jaang` dsea` 'léeng`-niing`-guir laco'fir~, jogui e jii` jaang` dsea` i ngí` ta` quie` júu` niing`-guir laco'gui i dsea` i casíng`-ír` do. 17 Jo song ngám`-ba' jalé` e júu` na jogui jmítí`bi' e iáang` óo`na' cajo, joba' juguiáb`-niliseeng`na' jóng.

18 'Jo dsu` e fá`a na ja` catíng` 'nú` lajüng`na'; cóo` ñi`baa guiá` i` jaléng` i nicaguín`-n. Dsu` dseáng`- 'né`-litib` jii` laco' fé` fí ni` jii` quiá'r` Fidié` e cajme` dsea` malí`-gui eáang` lí` fé` lala: "Jaang` lajee` dsea` i gø` colüng` cóo`-baa lana, ni`ní` níim`-bre jnea`." 19 Jo fii` i 'nú` e júu` na lana e lí` laco' niñi`ba' jéeng` mi` tí lí` nidsijé` jalé` e jo. Jo mi` tí lí` nilí` lajo, joba' jáb`-nilíng`na' jóng e jneab` dseáng`-lín`n jii` laco' fá`a e lín`n. 20 Jogui

e laba' jmitaa^ óóna', e doñí' iì` dsea` i ni'íng' i dsea` i sín`n do, joba' ím`bre jnea~ cajo; jogui doñí' iì` dsea` i íng' jnea~, joba' ím`bre i dsea` i casíng' jnea~ fí' jmígüi` la cajo.

Mi~ cajíng' Jesús e Judas Iscariotebing' i ni'níng' ír`

(Mt. 26:20-25; Mr. 14:17-21; Lc. 22:21-23)

²¹ Jo mi~ cangí e cajíng' Jesús lajo, joba' dseáng' eáam' fí'í` calíñ~, jo cajíng' casí'r` i dsea` guitúung` quiá'r` do jo casí'` reiñ`:

—E laba' jmitaa^ óóna', e jaang` lajee` la'ó' 'ná'bing' i ni'níng` jnea~ fí' quini` i dsea` quie' nifí' quiá'` dsea` góo'naa' dsea` Israel.

²² Jo mi~ canúu` i dsea` guitúung` do e júu` jo, jo lico' cajóøng` rúm`bre, jo dsu' ja` calilí'r` i dseáng'` i éeng` Jesús do. ²³ Jo jaang` lajee` i dsea` guitúung` i iing` Jesús eáang` do dseáng'` cáam` dsea` do guiiñ~, jo lajoba' cuóøm` síiñ` cóo'` dsea` do lajee` e neáaiñ` gø'r`.

²⁴ Jo co' huím`bigui guing` Tú` Simón, joba' cajméer` li` cóo'` guóor` quiá'` i dsea` i guing` cáang` Jesús do e laco' dsea` í` nijming'í'r` dsea` do i lajee` ír` i éeng` Jesús do. ²⁵ Jo i dsea` i guing` cáang` Jesús do cangoquiéiñ` quiá'` gui laco' guing` dsea` do, jo lalab cajming'í'r` dsea` do:

—Fí'í, ¿i` i dsea` i julí na?

²⁶ Joba' lalab cañí' Jesús quiá'` dsea` do:

—Lana nijmi'leaa` coo' 'ná'`jiu` iñí'`, jo iì` i dsea` i nicuóø`ø e jo, íb` i fá'a na.

Jo dsifí' mi~ café` Jesús e júu` jo, joba' cajmi'leá'bre e iñí'` do, jo i Judas i líng' jóo' Simón Iscariote, íb` i cacuø'r` e jo. ²⁷ Jo dsifí' mi~ ca'íng' i Judas do e iñí'` do, joba' dsifí' lajob ca'í' fíi` i líng' i sii` Satanás fí' dsí'í'. Joba' lalab casí'` Jesús ír`:

—Lajíi` e nica'í' o' e nijmée'`, joba' jmeeb` lajminá`.

²⁸ Jo mi~ canúu` i dsea` i caguaiang` gui do lajii` e cajíng'` Jesús do, ja` cangáíñ` jiali' cajíng'` dsea` do lajo. ²⁹ Jo co' ie` jo i Judas Iscariote do líiñ` dsea` i sí'má'` cuu` quiá'` Jesús cóo'` gui quiá'` i dsea` guitúung` quiá'r`, joba' i líng` i dsea` do ca'í' dsí'í' e Jesús sí'r` i Judas do e líng` ee` nidsileáa' dsea` do quiá'` e ni'nér` lajiiñ` lajee` jmí` osi quiá'` e nicuø'r` jaléng' dsea` tiñíng` é.

³⁰ Jo dsifí' mi~ ca'íng' Judas Iscariote e iñí'` do, joba' cagü'í'í'bre e fí' lí` neáaiñ` do. Jo nicanuub`.

Júu` laniing` quiá'` Dsea` Jmáang`

³¹ Jo mi~ tí' lí` cangí e cagü'í'í' i Judas Iscariote do, joba' lalab casí'` Jesús i dsea` quiá'r` i caje'gui do:

—Jo lanab nicalilí' 'ná'` jial tí' niguó'` líng' Fidié` mi~ calilí` jial tí' niguó'` líng' jnea~, dsea` cagá` a fí' ñifí` jo cagüén`n fí' jmígüi` la e lín`n jaang` dsea` jmígüi`. ³² Jo song lajob líí', e jnea~ dsea` cagüén`n fí' jmígüi` la lín`n jaang` dsea` jmígüi` e ni'ée`e 'ná'` jial tí' niguó'` líng' Fidié`, joba' Fidié` lajob nijmér` cóo'` jnea~ cajo, jo lajee` tab` nijmér` lajo. ³³ Jogui 'ná', dsea` líng'na' jóo'ø, e laba' fíi` i 'ná' e jo` huøø` táang`guí cóo'` 'ná' fí' la. Jogui 'ná' ni'nam'`ba' jnea~ jo dsu' jo` niguiéng'na' jnea~; co' lí' laco'gui jii` e nica'í' i dsea` Israel caguaiang` gui ie` lamí` jéeng`gui do, jo lajob fíi` i 'ná' lana cajo e ja` cuóøng` nigüilíng'na' fí' lí` niníng'` jnea~. ³⁴ Jo uing` e joba' e nicuóø`ø 'ná' e júu` laniing` la e ja` mí' cafíi` i 'ná' lamí` jéeng`gui, jo e lab e jo: jmi'neáang'na' dsea` rúng'na'. Jo lí' laco' la 'neáang` jnea~ 'ná', lajob dseáng'` 'né` jmi'neáang'na' dsea` rúng'na' cajo. ³⁵ Jo song lajob jmoo'na' e dseáng'` jmi'neáang'na' dsea` rúng'na', joba' lajím` dsea` nililí'r` jóng e dseáng'` dsea` quie`baa líng'na' song jmoo'ba' lajo.

Mi~ cajmée` Jesús júu` e nijíng'` Tú` Simón e ja` cuíñ` dsea` do

(Mt. 26:31-35; Mr. 14:27-31; Lc. 22:31-34)

³⁶ Jo mi~ canúu` Tú` Simón lajii` e cajíng'` Jesús do, joba' cajming'í'r` dsea` do lala jo cajíñ'`:

—Fí'í, ¿jie` fí' lí` niguó'`?

Joba' cañí' Jesús quiá' dsea` do jo casí' reiñ':

—Ja` cuøøng` niguøng` 'na` lana e fí' lí' ninín`n, jo dsu' mi` nilicøøng` guijia lajo, joguiba' e nicuøøng` guøn` jóng.

³⁷ Joba' lalab cañí' Tú` Simón quiá' Jesús jo casí'r` dsea` do:

—Fí'i, ¿jiali' ja` cuøøng` e ninín`n cóo' 'na` lana? ¿Co' guiab` dsii` e nijáang` 'ñiá'a e nijúun`n e laco' nijmicóo' o` 'na`!

³⁸ Joba' lalab cañí' Jesús quiá' i Tú` Simón do jo casí' reiñ':

—¿Su dseáng'` já' e nijmee'` e laco' fó' na, Tú` Simón? Co' lana jmitaa` o' e lajee` e ná'`gui e niquí'` jaang` tuidsée`, 'na` nifo'` 'ní' ya' e ja` cuín` jnea`.

14

Jesús liñ' e fí' cóo' e guilíng` dsea` fí' lí' guing` Tiquiá'r`

¹ Jo mi` cangí' e casíng` Jesús cóo' i Tú` Simón do, joba' lalab casí'`guir i dsea` quiá'r` do:

—Ja` jmaang` yaang`na' fí'í' 'ná', dsea` já' nicalíng`na' júu` quiá' Fidiée`, jogui ja` jmitúng` óo'na' cóo' júu` quié`e, co' 'né` e jáb'` nilíng`na' cajo. ² Co' fí' lí' guing` Tiquié`e fí' ñiff`, féb'` jóo' e quiá'` nigüea` jaléng` dsea` quiá'r`; cofa' ja` lí' lajo, joba' ja` mí' cafí' i 'ná' jóng e tí' lí' ninín`n e niguiaa` guíá' fí' lí' nigüín'na' cóo' jnea` fí' lí' guing` Tiquié`e faco' lajo. ³ Jo mi` tí' lí' cangí' e niguiaa` guíá' e fí' lí' nigüín'na' do, joba' nigáab`túu calé'` catú' fí' la e laco' nitøø` 'ná' e nigüilíng`na' cóo' jnea`, jo fí' job nidsi'íe`ee' colíng` cóo' jnea`. ⁴ Co' niñib` 'ná' jie` fí' lí' ninín`n jogui nicuí'bi' cajo e fí' e dsijée' fí' jo.

⁵ Jo mi` cangí' e cajíng` Jesús e júu` jo, joba' jaang` lajee` i dsea` quiá'r` do i sii` Tomás lalab cañí'r` quiá'` dsea` do:

—Fí'i, ja` ne` jnea`` jie` fí' lí' niguøng` 'na`, joba' ¿jial lí' e nilicuí'naa' jnang` e fí' jo?

⁶ Joba' lalab cañí' Jesús quiá'` dsea` do:

—Jneab` dsea` lín`n e fí' e laco' cuøøng` niguilíng` dsea` fí' ñiff`, jogui jneab` dseáng'` cuøø` 'ná' e liñ'na' jalé'` júu` quiá' Fidiée`, jogui jii'` jnea`bi' cuøø` 'ná' cajo e seeng`na' cøøng` cóo' Fidiée` lata`. Jo jii'` la'eáang` cóo' jneab` cuøøng` e niguilíng` dsea` fí' quini` Tiquí'ii' Fidiée`. ⁷ Jo song nicuíim` 'ná' guíá' jnea` lana, joba' nilicuíim`ba' Tiquié`e cajo; jo dsu' latí' lanab ninaang` cuíng`na' dsea` do, co' nicañim`ba're.

⁸ Jo mi` calí' fé' Jesús e júu` na, joba' lalab cañí' jaang`gui dsea` quiá'r` i sii' Lii` do jo casí'r` dsea` do:

—Fí'i, cuøø'` jnea`` fí' e nineeng`naa' Tiquí'ii' dsea` guing` ñiff`, jo jii'` joba' mii'naa' 'na`.

⁹ Joba' lalab cañí' Jesús quiá'` i Lii` do jo cajíñ'`:

—Lii`, ningóob` eáang` e seen` jee` 'ná', jo ¿su ja` mí' calicuíim`bi' jnea`? Dsaco' jaléng` dsea` i níng` jnea`, joba' i dsea` í' níim`bre Tiquié`e cajo; joba' ¿jiali'` mii'` jnea` fí' e laco' nimáang`na' Tiquí'ii'? ¹⁰ Jo ¿su ja` já'` lín'` 'na' e jnea` cøøm` seeng` cóo' Tiquí'ii' jogui e Tiquí'ii' cøøm` seeiñ` cóo' jnea` cajo? Co' jalé'` e fí' i 'ná' na ja` fá'a e la tñn` 'ñiá'a, co' Tiquí'ii' i seeng` cøøng` cóo' jnea` do, dsea` íb` i jmóo` lajii'` ta` quiá'. ¹¹ Jo 'né` liñ'ba' e jnea` cøøm` seen` cóo' Tiquí'ii', jogui lajobi` ír` seeiñ` cøøng` cóo' jnea` cajo, jo song ja` já'` líng`na' e júu` jo, joba' lico' já'` güilíng`na' júu` quié`e e mi` móo`na' jalé'` e jmóo`. ¹² Jogui e laba' jmitaa` óo'na' cajo, e doñi'` i já'` líng` júu` quié`e, joba' nijmé`bre jalé'` e quí'` jmi'` lí' laco'gui jii'` la nicajmé` jnea` cajo; jo dsu' sea`ba' do e nijmér` e niguó'`gui eáang`, co' jnea` ninín`n e nijaa` cóo' Tiquí'ii' dsea` guing` ñiff`. ¹³ Jo jalé'` e nimii'na' Fidiée` la'eáang` cóo' jnea`, joba' jneab` nijmee` e jalé'` e jo quí'na', jo lajoba' nijmiféng` dsea` Tiquié`e Fidiée` la'eáang` cóo' jalé'` e jmóo` jnea` do. ¹⁴ Jo doñi'` eeb` cuøøng` lí' jmee` jnea` song camii'na' Fidiée` lajo la'eáang` cóo' jnea`.

Mi` cacuø' Jesús júu` e nisíng` Fidiée` Jmiguí' quiá'r`

15 'Jo fñ-guñ 'nú' e song dseáng'- lajang' júu' 'neáng'na' jnea~, joba' nijmée'ba' núu'~na' júu' quié-e jóng. 16-17 Joba' jnea~ nimí'~i Tiquí'ii' dsea' guíñ~ñí' e nisín' Jaang' i nijmicóo'~ 'nú', jo e job lí' Jmiguí' quiá'- Fidié' cōo'~ e cuø' 'nú' e líñ'na' jalé' júu' quiá'- Fidié'. Jo e Jmiguí' do contøøm~ niliseeng' cōo'~ 'nú'. Jo jaléng' dsea' i ja' mí' ca'íng' jnea~, joba' ja' quí'~ jmí' fa' e ní'íñ' e Jmiguí' do, co' ja' mí' cangár' o'gui cuír' cajo; jo dsu' 'nú'gui nicuú'ba' e Jmiguí' do, co' niseem' cōo'~ 'nú' lana, jogui tí' lí' nití' í' e niliseem' fí' áa'na' cajo.

18 'Jo fñ-guñ 'nú' e ja' quí'~ jmí' fa' niseáan' 'nú' e lafa' 'náng'na', co' nigáab'túu' calé' catú'~ jo niliseem'túu' cōo'~ 'nú'. 19 Jo lajee' lab, jaléng' dsea' i ja' cuíng' jnea~ jo' niníng'~guir jnea~; jo dsu' 'nú' nimáam'tu' jnea~ jogui contøøm~ niliseeng'na' cōo'~ jnea~ cajo, co' seem' jnea~ cōo'~ 'nú' lata'. 20 Jo ie~ job nililí'na' e jnea~ cøøm' seen' cōo'~ Tiquié'e, jogui 'nú' cøøm' seeng'na' cōo'~ jnea~, jogui jnea~ cøøm' seen' cōo'~ 'nú' cajo. 21 Jogui i dsea' i íng' júu' quié-e jogui jmóor' núu'r~ jalé' e júu' jo, joba' i dsea' í' cuø' lí' e dseáng'- lajam'ba' e 'neáaiñ' jnea~, jo lajob Tiquié'e nijmi'neáam'bre i dsea' i jmi'neáang' jnea~ do, jogui jnea~ nijmi'neáam'baa i dsea' í' cajo, jogui ní'ée'baare jial dseáng'- lín'n.

22 Joba' cañí' jaang'gui dsea' guitúung' quiá'- Dsea' Jmáng' i sii' Judas, dsu' o' i Iscariote do, jo casí'r~ dsea' do lala:

—Fí'í, ¿jialí' e ní'éeng' uø' fí' quini' jnea' jo o' fí' quini' jaléng' dsea' i ja' líng' dsea' góo'naa'?

23 Joba' cañí' Jesús quiá' i Judas do jo cajíñ'~:

—Jaléng' dsea' i jmi'neáang' jnea~, joba' jmóo'bre núu'r~ jalé' júu' quié-e; jo Tiquié'e Fidié' nijmi'neáam'bre i dsea' í' cajo, jo lajob Tiquié'e colíng'~gui cōo'~ jnea~ cøøm' nilisee'naa' cōo'~ i dsea' í'. 24 Jogui i dsea' i ja' 'neáang' jnea~, joba' ja' jmóor' núu'r~ jalé' júu' quié-e. Jo jalé'b' e júu' e fá' jnea~ la, o' dseáng'- júu' quié-e 'ñiá'a co' e quiá'- Tiquí'baa', jo íb' dsea' i casíng' jnea~ fí' jmigüí' la.

25 'Jo fñ-i 'nú' jalé' e júu' la lajee' e táam'bñ cōo'~ 'nú' fí' jmigüí' la; 26 jo dsu' mí' ninín'n fí' ñí'fí' fí' lí' guíng'~ Tiquié'e, joba' dsea' íb' i nisíng' Jmiguí' quiá'r~ cuaiñ' quié-e e laco' nijmicóo'~ 'nú', jo lajoba' niguiéng' áa'na' jalé' e júu' e nicafñ-i 'nú' lajee' e nicataang'naa' colíng'~, jogui ní'ée' 'nú' jalé' e 'né' ñí'na' cajo.

27 'Jo mí' tí' lí' nití' í' e ninín'n, joba' nisée~ e cōo'~ 'nú' e niliseem'ba' juguiá' cōo'~ Fidié'. Jogui nicuøø'baa 'nú' laco'gui la seeng' jnea~ juguiá' cōo'~ dsea' do, jo dsu' ja' nicuøø' e jo laco'gui la cuø' dsea' i ja' cuíng' Fidié'. Joba' fñ-guñ 'nú' e ja' jmeáang'~ yaang'na' fí'í' uii' quiá'- jalé' e nidsing'íng'na', o'gui føøng'na' cajo uii' quiá'- jalé' e jo. 28 Jo nicanáa'ba' e nicafñ-i 'nú' lamí' jéeng'gui e ninín'n fí' lí' guíng'~ Tiquí'ii', jo dsu' nigáab'túu' jo niliseem'túu' cōo'~ 'nú' calé' catú'. Jo faco' dseáng'- já' e 'nú' 'neáang'na' jnea~, joba' cali'íáam' óo'na' jóng' mí' caliñí'na' e ninín'n fí' lí' guíng'~ Tiquí'ii' faco' lajo, co' íbre dsea' níng'~guir laco'gui jnea~. 29 Jo uíng' e joba' e fñ-i 'nú' jalé' e la e lí' laco' mí' nití' í' e nidsijé' jalé' e jo, jo lajoguiba' e já' nilíng'na' jalé' e júu' quié-e do.

30 'Jo lana jo 'ga' lí' síng'~guñ cōo'~ 'nú', co' nijaquíem' i fí' i 'líng' i quiu' ta' fí' jmigüí' la, jo dsu' nañí' fa' ja' bí' óo' i fí' i 'líng' do e niquiú'r~ jnea~ ta~, 31 dsu' lajob dseáng'- nisí'í' e nidsijé' e laco' nilíñí' jaléng' dsea' jmigüí' e 'neáam'baa Tiquí'ii' jogui e jmóo' o' lajñí' ta' e nicaquíu'r' quié'baa.

Jo mí' cató' e fé' Jesús jalé' e júu' na, joba' cajíñ'~ casí'r~ i dsea' guijáng' quiá'r~ do lala:

—Ráang'na' na, jo ma'uøø' duu' la.

15

Jesús líñ' e huíng' jø' e jlo' síní'

1 Jo mí' cang'gui lajo, lalab cajíng'~gui Jesús casí'r~ i dsea' guijáng' quiá'r~ do:

—Jnea~ lín'n e huíng' jø' e jlo' síní', jogui Tiquié'e líñí' laco' i dsea' jmáng' í' guíu' e huíng' jø' do. 2 Jo song cōo' guo' e huíng' jø' quié-e do ja' cuø' mí' huíng'

jó[^], joba' niquiáb⁻ Fidié[~] e guo['] jo; jo dsu' song guiá⁻bi cuø' mi['] huüing' jó[^], joba' Fidié[~] ni'iá['] bre jogui nisám⁻ bre guo['] quiá['] e laco['] ni['] jmigui[']gui. ³ Jogui 'nú['] lana nisiguiúm⁻ba' la'eáang' e nica'íing[']na' lajüí['] júu[^] e nicafü[']i 'nú[']. ⁴ Jo güiliseem[']bi' cøong' colüing[~] cóo['] jnea[~] lí['] laco[']gui la seeng' jnea[~] cøong' colüing[~] cóo['] 'nú[']. Cofa' coo' guáng['] quiá['] mi['] huüing' jó[^] ja' qui['] jmi['] ni['] 'ña['] song si'naam' e guáng['] do quiá['] e huüing' quiá[']; jo lajob lí[']gui cóo['] 'nú['] cajo, ja' qui['] jmi['] nijmee⁻na' e guiá⁻ song ja' seeng[']na' cøong' colüing[~] cóo['] jnea[~].

⁵ Jo fü[']tüü 'nú['] e jneab[~] lín[']n e huüing' jó[^] do, jogui 'nú['] líng[']na' guáng['] quiá['] e huüing' do. Jo doñi['] üi['] dsea['] i seeng' cøong' cóo['] jnea[~], joba' jnea[~] seem⁻baa cøong' cóo['] ír['] cajo, joba' eám['] íing['] ta[~] jalé['] e jmóor[']; cofa' ja' seeñ['] cøong' cóo['] jnea[~], joba' jüí['] coo' e guiá⁻ ja' ee' qui[']r jmi['] jmér['] jóng. ⁶ Co' i dsea'gui i lítúng⁻ dsí['] e seeñ['] cøong' cóo['] jnea[~], joba' i dsea['] í['] ni'nám[']bre cóo['] jnea[~], joba' ni'ím⁻ quiá[']r lí['] laco[']gui mi['] liquiüü['] e guáng['] e si'naang' quiá['] e huüing' jó[^] do, jo sitím['] jalé['] e jo, jo niné⁻ fi['] lí['] nicób['] jóng.

⁷ Jogui song 'nú['] ja' tú[']na' e seem[']ba' cøong' colüing[~] cóo['] jnea[~] jogui e teáb['] teáang[']na' cóo['] júu[^] quié⁻ e cajo, jo song lajob jmoo[']na', joba' mñ[']na' jnea[~] ee' üing[']na' jo lajob nilí[']. ⁸ Jogui mi['] 'nú['] eám['] íing['] ta[~] jalé['] e jmoo[']na', jo e joba' cuø['] lí['] e líng[']na' dseáng['] lajang['] dsea['] quié⁻ e, joba' nijmiféng['] dsea['] Tiquié['] e Fidié[~] dsea['] guüing['] ñifi[']. ⁹ Jo jnea[~] eám['] 'neáan['] 'nú['] lí['] laco[']gui la 'neáang['] Tiquí[']ii' jnea[~]; joba' fü[']i 'nú['] e güiliseem[']bi' e ñí[']na' jial tí['] e 'neáan['] 'nú[']. ¹⁰ Jo song 'nú['] nñu[']ba' jalé['] júu[^] quié⁻ e, joba' seem[']ba' e 'neáam[']bñi['] 'nú['] jóng lí['] laco[']gui la jmoo['] jnea[~] nñu[']ba' lajüí['] júu[^] quiá['] Tiquié['] e, joba' seem⁻baa e jmi'neáang['] Tiquié['] e jnea[~].

¹¹ Jo fón[']n 'nú['] lana e lí['] laco['] nili'íáang['] áa[']na' laco[']gui e íáang['] dsi['] jnea[~], jogui e dseáng['] la iéb['] nili'íáang['] óo[']na' cajo lí['] laco['] catüing⁻ e líng['] dsea['] quié⁻ e. ¹² Jogui fü[']tüü 'nú['] e júu[^] quié⁻ e e 'né['] liti['] do, jo e lab e júu[^] jo: 'né['] nijmi'neáam[']ba' dsea['] rüng[']na' lí['] laco[']gui jnea[~] jmi'neáan['] 'nú['] lajaang['] lajaang[']na'. ¹³ Jo e jmi'neáang['] dsea['] rüñ['] e laniing⁻gui eáang['] lí['] mi['] jáng['] 'ña[']r e laco['] nijmicóo[']r dsea['] seeng' røø['] cóo[']r nañi['] song cajüñ['] dsu['] uí['] e cajméer['] lajo. ¹⁴ Jo song nñu[']ba' jalé['] júu[^] quié⁻ e e nicafü[']i 'nú['] e 'né['] jmee⁻na', joba' dsea['] seeng' røø['] cóo['] jneab[~] líng[']na' jóng. ¹⁵ Jo lana jo líng[']na' dsea['] i lico['] jmoo['] ta[~] quié⁻ e, dsuco['] i dsea['] la'í['] jüí['] ja' ñir['] e uiing['] e ta[~] e jmóor['] quiá['] i fiir['] do. Dsu['] lana nilíng[']na' dsea['] seeng' røø['] cóo[']baa, co' nicacuøø[']baa 'nú['] e nicaliñi[']na' jalé['] e júu[^] e ca'ín[']n quiá['] Tiquié['] e. ¹⁶ Jogui o['] 'nú['] dsea['] caguíng[']na' jnea[~] e quiee⁻ nifi['] qui[']na', dsuco['] jneab[~] dsea['] nicaguín[']n 'nú['] e laco['] ni'uíng[']na' dsea['] quié⁻ e, jogui nicacuøø['] 'nú['] ta[~] e nigüilíng[']na' nigüijmee[']na' jmang['] e nili'íing['] ta[~] qui[']na' lata[']. Jo lajoba' Tiquí[']ii' Fidié[~] nicuø[']bre 'nú['] jalé['] e nimñ[']na're la'eáang['] cóo['] jnea[~]. ¹⁷ Jo e lab e fü[']tüü 'nú['] do calé['] catü['] e 'né['] nijmee⁻na': nijmi'neáang[']na' dsea['] rüng[']na'.

'Ní['] níng⁻ dsea['] Jesús cóo['] gui jaléng['] dsea['] quiá[']r⁻

¹⁸ Jo fü[']guñ 'nú['], dsea['] quié⁻ e, e ja' güidsigá['] óo[']na' e 'ní['] níng⁻ jaléng['] dsea['] jmigüí['] 'nú['], dsu['] güilñi[']na' guiá⁻ e jnea[~]bing['] la'uii['] i calí['] 'ní['] níng⁻ jaléng['] dsea['] do. ¹⁹ Co['] faco['] 'nú['] líng[']na' dsea['] jmigüí['] i ja' cuíng['] jnea[~], joba' nijmi'neáam['] jaléng['] i dsea['] í['] 'nú['] jóng lí['] laco[']gui la jmi'neáang['] rüñ['] la'ó['] yaaiñ[']. Jo dsuco['] jneab[~] dsea['] caguín[']n 'nú['] jee['] jaléng['] dsea['] jmigüí['] i ja' cuíng['] jnea[~] e laco['] ni'uíng[']na' dsea['] quié⁻ e, jo uí['] e lajoba' e jaléng['] i dsea['] í['] ni'ní['] níñ['] 'nú['], co['] 'nú['] jo líng[']na' laco['] ír[']. ²⁰ Jo téé['] áa[']na' lajüí['] e nicafü[']i 'nú['] do: "Jüí['] jaang['] dsea['] jmoo['] ta[~] niing⁻guir laco['] fiir[']." Jo quié[']na' cuente e gab['] nijmeáng['] dsea['] jnea[~], joba' lajob nijmeáng['] dsea['] 'nú['] cajo; jogui song ja' mi['] calinüü[']r júu[^] quié⁻ e, joba' lajob ja' nilinüü[']r júu[^] qui[']na' cajo. ²¹ Jo jaléb['] e ga' na' nijmeáñ['] 'nú['] uí['] e líng[']na' dsea['] quié⁻ e, jo nijmér⁻ lajo co['] ja' cuiñ['] i dsea['] i casíng['] jnea[~] fi['] jmigüí['] la.

²² Jo faco['] mi['] jnea[~] ja' caguén⁻n fi['] jmigüí['] la e caga'ée⁻ e dsea['] jmigüí['] júu[^] quiá['] Fidié[~], joba' ja' calilí[']r jóng e líñ['] dsea['] røong['] dsee⁻ faco['] lajo; jo dsuco['] lanagui nicagüém⁻baa fi['] la e quiee⁻ júu[^] quiá['] Fidié[~], joba' jo cuøong['] lí['] fé[']r náng['] e ja' dsee⁻

røøiñ, co' dseáng' lajob líiñ'. ²³ Jo jaléng' dsea' i 'ní' níng' jnea~, joba' la quie' Tiquié'e dsea' guing' ñifi' 'ní' níñ' cajo. ²⁴ Jo ja' dsee' røøng' dsea' jmiçú' faco' mi' jnea' ja' cajmé'e jee' ír' jalé' e quí' i jmiç' e cajmé'e e jí' jaang' dsea' jiéng' ja' quí'r' jmiç' mi' cajméer'. Jo ja' ee' lí' e nicangáb' jaléng' i dsea' í' jalé' e quí' i jmiç' do, jo dsu' mi' 'noo'bi' 'ní' níñ' jnea' jogui' 'ní' níñ' Tiquié'e cajo. ²⁵ Jo dsijé' jalé' e na, co' dseáng' 'néb' liti' lají' laco' tóo' fí' ní' jì' quía' Fidié'e e cajme' dsea' malí' gui' eáang' lí' fé' lala: "Eáang' calí' 'ní' níng' dsea' jnea' e jí' ja' uing' sea'."

²⁶ Jo dsu' mi' niguiéng' túu' fí' ñifi', joba' nisín' n e Jmiguí' quía' Tiquí'ii' Fidié'e e síiñ' e laco' nijmicóo' 'nú'; jo e Jmiguí' dob' cajo e ní' 'nú' jalé' e ja' jogui' e ní' uii' quie' e jalé' e ní' e jmóo'o. ²⁷ Jogui' 'nú' cajo dsea' catíng' na' e nifo' na' uii' quie' e fí' quini' dsea' jmiçú', co' conrøøb' nicalisé' naa' jí' ie' latí' mi' calicuíng' rú' naa' do.

16

¹ Jo fí' i 'nú' jalé' e júu' la e lí' laco' ja' nilítung' óo' na' e ja' líng' na' júu' quie' e. ² Co' jaléng' dsea' góo' naa' dsea' Israel ni'uó'iñ' 'nú' fí' dsí' guá' quí' naa', jo jí' gui' niguié'e jmiç' e doñí' jí' dsea' i nijngáng' 'nú' ní' dsí' e lajoba' e jmitir' ta' fí' quini' Fidié'e fíng' song' cajméer' lajo. ³ Jo nijmér' jalé' e na uí' e ja' mí' calicuím' bir' jnea' o' gui' mí' calicuíñ' Tiquí'ii' dsea' guing' ñifi' cajo. ⁴ Jo fí' i 'nú' lana e lí' laco' mi' nití' í' e nidsijé'e jalé' e jo, joba' niguiéng' áa' na' e nica' fí' baa' 'nú' jéeng' gui' e nilí' lajo.

Lají' ta' óo' Jmiguí' quía' Fidié'e

'Jo ja' mí' cafí' i 'nú' jalé' e na latí' mi' uing', co' lajee' jo táam' jnea' cóo' 'nú'. ⁵ Jo dsu' lanagui' ngóo' catí' í' quie' e e ninín' túu' fí' ñifi' e nijaa' cóo' i dsea' i casíng' jnea' fí' jmiçú' la, jo jí' jaang' 'nú' ja' mí' cajmingí' na' jnea' jie' fí' lí' ninín' n. ⁶ Jogui' 'nú' lí' lí' jmoo' na' fí' lí' dsu' fí' i 'nú' jalé' e júu' na. ⁷ Jo dsu' dseáng' jáb' júu' e fí' i 'nú' la, e guiá' gui' ni' uíng' quí' na' e niním' baa. Co' fíng' song' ja' ninín' n, joba' ja' quí' jmiç' jóng' e nigüéeng' i nijmicóo' 'nú' fí' jmiçú' la, jo dsu' mi' niguién' n fí' ñifi', joba' jneab' dsea' nisín' n i nijmicóo' 'nú' fí' jmiçú' la. ⁸ Jo mí' nigüéeng' í', joguib' nijmitar' dsí' dsea' jmiçú' jalé' dsee' quía' joi' jogui' jial' lí' e seeng' dsea' e ja' éer' dsee', jogui' cajo jial' í' Fidié'e í' laco' catíng'. ⁹ Jogui' e Jmiguí' do' nijmita' dsí' dsea' e líng' dsea' i røøng' dsee' uii' e ja' ja' líiñ' júu' quie' e; ¹⁰ jogui' e Jmiguí' do' cajo' nijmita' dsí' dsea' e jnea' ja' røøng' dsee' co' niníng' túu' cóo' Tiquí'ii' Fidié'e jo' jo' nimáang' gui' jnea' fí' jmiçú' la. ¹¹ Jogui' cajo' e Jmiguí' quía' Fidié'e doba' nijmita' dsí' dsea' jmiçú' e nica' fí' baa' Fidié'e í' laco' catíng' quía' fí' i 'líng' i quí' ta' fí' jmiçú' la, co' dseáng' latab' ní' iñ' iihuí'.

¹² Jo jmiçuí' bi' jalé' e sea' ní' i 'nú', dsu' ja' ní' i 'nú' jalé' e jo dseáng' lana e lí' laco' ja' ni' uíng' jmiçuí' quí' na'. ¹³ Jo dsu' mi' tí' lí' nigüéeng' e Jmiguí' quía' Fidié'e do' jee' 'nú', joba' e job' e nicá' jmang' júu' ja' quí' na', jogui' e job' cajo e ní' 'nú' jalé' e ja' mí' cafí' i 'nú' lana; co' ja' ní' jí' laco' í' dsí' 'nía' e Jmiguí' do, co' lají' júu' e ní' íng' quía' Fidié'e, jí' joba' e ní' fí'; jogui' cajo' ní' 'nú' e jalé' e nidsijé'e fí' jmiçú' lajee' lí' dsé' gui'. ¹⁴ Jo e Jmiguí' do' ní' fí' guiá' uii' quie' e, co' nicuó' 'nú' lají' e ní' íng' quie' baa e laco' nilí' na' jalé' e jo. ¹⁵ Jo lajib' jalé' e sea' quía' Tiquí'ii' e quie' baa lí' cajo, jo uii' e lajoba' e fá' a e lajalé' e júu' e ní' íng' e Jmiguí' do' jaa' fí' quie' baa, jo jaléb' e jo nicuó' 'nú' e níng' na'.

¹⁶ Jo fí' guí' 'nú' cajo e jo' huóø' táang' guí' jee' 'nú', joba' jo' nimáang' gui' jnea'; jo dsu' mi' níng' guí' jia' lajo, joba' nimáam' tu' jnea' calé' catú'.

Cateá'ba' e calíng' dsea' guijáng' quía' Jesús fí'

¹⁷ Jo mí' canúu' i dsea' guijáng' do' lají' júu' e cajíng' Jesús do, joba' canaaiñ' jmiç' rú' iñ' la' ó' yaaiñ' jo síiñ':

—¿E' gui' guóng' e fé' i Fí' naa' na' mí' jíñ' e jo' huóø' dsé' e táang' guir' fí' jee' jneaa' aa', joba' jo' níneeng' guí' re, jo dsu' mi' níng' guí' jia' lajo, joba' níneem' túu' re calé' catú'?

jogui ¿e~gui guóng' e jíñ' e nidséiñ' fí lí~ guing~ Tiquiá'r^ fí ñíff'~? ¹⁸ Jogui cajo, ¿e~gui guóng' e jíñ' e jo' huóø- dsé- e táang'guir jee~ jneaa~aa'? Jo lana dseáng'- jii~ capí^ ja' ngáng'naa' e~ guóng' jalé' e fé'r' na.

¹⁹ Jo dsifib' calilí^ Jesús e i dsea` quiá'r- do lám~ ee' iin~ nijmingí'r- dsea` do, joba' lalab cañiir' quiá'- i dsea` quiá'r- do jo cajíñ'-:

—Jnea~ nicafíi~ i 'nú' e jo' huóø- dsé- e máang'gui' jnea~ fí jmigüí' la, jo dsu' mi~ ningí'guijiá lajo, nimáam~tu' jnea~ calé' catú-. Jo ¿su e nab e iing~na' e ní^na' do e~ guóng'? ²⁰ Jo dsu' jnea~ jmitaa^ óo'na' e mi~ tí lí~ nití- e í' jo, joba' eáam' fí^ niling~na' jóng co' jiguí cartí niquí^ba', jogui ie~ jo jaléng' dsea' i ja' cuíng' jnea~ eáam' nijmi'íáang' dsíir'. Jo dsu' 'nú'gui cateá'ba' niling~na' fí^ ie~ jo, co' cóo~ e joba' nijmé- e nili'íáang~tu' óo'na'.

²¹ Co' e la lí' laco'gui mi~ jaang' dseamí' íñ' iihuí' lajee' dsea' jmohuí' quiá'r- e liseeng' jiuung~ quiá'r-; jo dsu' dsifí' mi~ caliséng' i yuu~ do quiá'r-, joba' íim- dsíir' lajii~ e iihuí' e ca'íñ' do, co' eáam' jmi'íáang' dsíir' dsu' uíi~ e nicaliséng' i yuu~ do quiá'r-. ²² Jo lajob líng' 'nú' fí^ lana, jo dsu' mi~ nimáang~tu' jnea~ calé' catú-, joguiba' nili'íáang' áa'na' dseáng'- laco' sí^, jo e jo jii~ jaang' cuóøng' lí' jé'gui quí- na' e íáang' óo'na' do.

²³ Jo ie~ jmi~ jo, jo' e nijmingí'gui' jnea~ jii~ coo~; co' e já'-ba' e fíi' i 'nú' e ie~ jo Tiquí'ii' nicuó'-bre 'nú' jalé' e nimí~na're la'eáang' cóo~ jnea~. ²⁴ Jo dsu' latí' lana, jii~ coo~ ja' ee' mi' camí~na're la'eáang' cóo~ jnea~; jo dsu' mí~na're joba' niíim'ba', jo lajoba' nili'íáang' óo'na' dseáng'- laco' sí^.

Jial laniing- 'gøng' Dsea' Jmáang-

²⁵ Jo nicafíi~ i 'nú' jalé' júu^ e huíng'jiá ngáng'na', jo dsu' tí lí~ nití- í' e jo' nífong'^guíi 'nú' cóo~ jalé' e júu^ jo, co' ie~ jo dseáng'- condséeb' nífi~ i 'nú' cuaiñ~ quiá'- Tiquí'ii' dsea' guing~ ñíff'. ²⁶ Jo mi~ nití- e í' jo, 'nú' nimí~na're e nijmicóo'r~ 'nú' la'eáang' cóo~ jnea~; jo ja' fá' jnea~ e nimí~ i Tiquí'ii' uíi~ 'nú', ²⁷ co' 'ñiab' Tiquí'ii' 'neáaiñ' 'nú' cajo uíi~ e 'neáam'ba' jnea~ jogui e já'- nilíng'na' e Fidiée' dsea' casíiñ' jnea~ fí jmigüí' la cuaiñ~ quiá'r-. ²⁸ Co' fí lí~ guing~ Tiquí'baa' cajú-u mi~ cagüén-n fí jmigüí' la, jo dsu' lanagui nitú'baa' fí la e laco' niníng'^túu fí lí~ guíiñ~ fí ñíff'.

²⁹ Jo mi~ cangí e cajíng'- Jesús lajo, joba' lalab cajíng'- i dsea' guijáng' quiá'r- do jo casí'r- dsea' do:

—Jo lanaguiba' fó' 'nú' condséé' dseáng'- laco' la ngáng'naa' náng. ³⁰ Jogui lana nine~baa' cajo e lajib' ní^ 'nú', joba' jo' 'né' fa' i~ nijmingí'gui 'nú', co' cóo~ jii~ e júu^ nab nijáb'- lí'naa' e Fidiée' dsea' casíiñ' 'nú' fí jmigüí' la cuaiñ~ quiá'r-.

³¹ Joba' cañi' Jesús quiá'- i dsea' quiá'r- do jo casí'-reiñ':

—Jo ¿su lanaguiba' já'- nilíng'na' lajii~ júu^ e fíi' i 'nú'? ³² Jo dsu' lana dseáng'- ngóo' catí- í' e nináng' sojøng~na' lajaang' lajaang'na' fí la fí na, joba' 'ñiá'baa' nitiúung~guí. Jo dsu' e já'- e ja' 'ñiá'a' seen~ cajo, co' seem' Tiquí'ii' colíng~ cóo~ jnea~ contøøng-. ³³ Jo fíi' i 'nú' jalé' e júu^ la e lí^ laco' niliseeng'na' juguí- júu^ røø' la'eáang' e seeng'na' cøøng' cóo~ jnea~; jo 'nú' fí jmigüí' la ní'íng'na' iihuí', jo dsu' ja' jmitúng^ óo'na' uíi~ e jo, co' jnea~ nicalí^baa' fíi' i 'líng' i ngí' ta~ jmigøøng' dsea' fí jmigüí' la.

17

Mi~ camí' Jesús uii~ quiá'- dsea' quiá'r-

¹ Jo mi~ cangí e café' Jesús jalé' e júu^ jo fí quini~ dsea' guijáng' quiá'r-, joba' caséer' nir~ fí yá^ jmigüí' jo cajíñ'- lala:

—Teaa~, lanab catí' í' quié-e, joba' jmi'goo' jnea~ e lí^ laco'gui jnea~ nijmi'goo' 'nú'. ² Co' 'nú' nicacuóø~ jnea~ e oo- ta~ jee~ jaléng' dsea' jmigüí' e laco' jaléng' dsea' quíi- i nicacuóøñ~ jnea~, nicuóø^øre e niliseeiñ' cøøng' cóo~ 'nú' lata~. ³ Jo niíiñ' e seeiñ' cøøng' cóo~ 'nú' lata~ fíng song calicuíñ' 'nú' jogui caliñir' e jii~ 'nab' dsea' lin' Fidiée' i já'-, jogui fíng song calicuíñ' jnea~ cajo e lán'n Dsea' Jmáang- i casíng' 'nú' fí jmigüí' la.

4 'Jo jnea~ nicajmi'goo~baa 'nu` jee~ jaléng' dsea` jmi'güü, co' lana nica'tám'baa lajüi~ ta~ quié~ e e casín' jnea~ e cagajmée~ e fí' jmi'güü la. 5 Joba' fón'n 'nu` lana, Teaa~, e nijmi'gooo' jnea~ mi~ niguién'~ túu fí' cáan' na lí^ laco'gui la jmi'goo' 'nu` jnea~ fí' ñiff' quíi'~ lajüi~ ie~ mi~ nú'~ gui e catiroo~ jmi'güü.

6 'Jo jaléng' dsea` i caguíng'~ 'nu` jee~ jaléng' dsea` jmi'güü e laco' ca'uiñ~ dsea` quié~ e, joba' nicajmé~baa e nicalíñir' i~ dseáng'~ líng' 'nu`. Jo lajüing' dsea` i cacuøon'~ jnea~ do, dsea` quíi'~ba' líññ', jogui lana nica'ím'bre jalé' júu^ quíi'~. 7 Joba' lana jaléng' i dsea` quié~ e do ñíñir' e jalé' e nica'íng'~ jnea~, 'nu` dsea` nicacuøø'~ jnea~ e jo, 8 co' nicaníi'~baa jee~ jaléng' i dsea` quié~ e la jalé' júu^ e ca'ín'~n quíi'~, jo nica'ím'bre jalé' e júu^ jo. Jo dsea` do nicalilí'^bre e dseáng'~ 'nu` dsea` casín' jnea~ fí' jmi'güü la, jogui dseáng'~ jáb'~ líññ' cajo e gáa' jnea~ fí' lí' guíng'~ 'nu` fí' ñiff'.

9 'Jogui lana mii'~i 'nu` uii~ quíi'~ jaléng' i dsea` í; jo dsu' ja' mii'~i 'nu` uii~ quíi'~ jaléng' dsea` jmi'güü i ja' líng' dsea` quíi'~, dsu' júi'~ dsea` i cacuøon'~ jnea~ dobing' i mii~ uii~ quíi'~, co' júi'~ í'bing' i líng' dsea` quíi'~. 10 Jo e quíi'~ 'nu` lajalé' e sea` quié~ e jogui e quíi'~ jnea~ lajalé' e sea` quíi'~, jogui la'eáang' i dsea` la nijnéng' jial tíi' niguo'^ líñ'n.

11 'Joba' fii'~guú' 'nu`, Teaa~, jo' nija'gui jnea~ fí' jmi'güü la, dsu' jaléng'gui i dsea` quié~ e la nijé~bir fí' jmi'güü la lajee~ e niníng'^ jnea~ e nijaa' coo'~ 'nu`. Jo co' 'nu` dsea` güean'^, joba' mii'~i 'nu` e nijmée'^ í' i dsea` quié~ e la la'eáang' coo'~ e 'gøñ' do lí^ laco'gui e nicacuøø'~ jnea~ e 'gøñ'n cajo, jo lajoba' niliseeng' i dsea` quié~ e la cøøng' coo'~ jneaa'aa' lí^ laco'gui la seeng' 'nu` coo'~ jnea~ dseáng'~ conrøø. 12 Jo lajee~ e nicataan'~n fí' jmi'güü la coo'~ jaléng' i dsea` quié~ e la, nicaneb'~ nii~re jogui nicajmé~baare í' la'eáang' coo'~ e 'gøng' quíi'~ lí^ laco'gui e nicuøø'~ jnea~ e líñ'n. Jo júi'~ jaang' i dsea` quié~ e la ja' mí' ca'naaiñ' coo'~ jnea~, dsu' dseáng'~ júi'~ i jaang' i nijáng' jnea~ fí' jaguó' jaléng' dsea` i 'ní' níng'~ jnea~, júi'~ í'bing' i nica'naang' conguaí', jo dsu' nicalí~ lajo e lí^ laco' niliti~ lajüi'~ e too' fí' ni~ jì' quíi'~ i' e cajme' dsea` malii'~gui eáang'.

13 'Jo lanagui catí' í' e ninín'^n fí' lí' guíin'~; jo dsu' jalé' e júu^ e fá'a la, fá'a lajee~ e táam'bíi' fí' jmi'güü la e lí^ laco' jaléng' i dsea` quié~ e la nili'iaang' dsíir' dseáng'~ laco' sí'í' lí^ laco'gui la íaang' dsii'~ 'ñiá'a cajo. 14 Jo jnea~ nicaníi'~baa júu^ quíi'~ jee~ i dsea` quié~ e la, jo dsu' jaléng' dsea` jmi'güü i ja' cuíng' 'nu` 'ní' níim'bre jaléng' dsea` quié~ e la, co' jaléñ' la ja' jí'r~ jalé' e 'lí' e sea' fí' jmi'güü la o'gui jnea~ jí'i' jalé' e jo cajo. 15 Jo dsu' ja' mii'~i 'nu` e laco' ni'uøon'~ i dsea` quié~ e fí' jmi'güü la, co' lajüi'~ e mii'~i 'nu` e nijmée'^ í' í'bre e laco' ja' nijmi'gøøng' i 'líng' ír'. 16 Jo lí^ laco'gui jnea~ ja' jí'i' jalé' e 'lí' e sea' fí' jmi'güü la, joba' lajob líng' i dsea` quié~ e la cajo, co' ja' jí'r~ jalé' e jo. 17 Jo mii'~guú' 'nu` e nijmi'güeang'^ i dsea` quié~ e la e laco' nijmér~ lajüi'~ ta~ e ni'quíi'~ quíi'~bre la'eáang' e nica'íñ' jalé' júu^ quíi'~. 18 Jo lí^ laco'gui 'nu` casín' jnea~ jee~ jaléng' dsea` i ja' cuíng' 'nu` fí' jmi'güü la, joba' lajob jnea~ cajo nisín'^n i dsea` quié~ e la jee~ jaléng' dsea` i ja' cuíng' 'nu`. 19 Jo nijáang'~ 'ñiá'a e nijmee~ e lajüi'~ e iing'~ 'nu` e lí^ laco' i dsea` quié~ e na nijáng'~ yaaiñ' e nijmér~ lajüi'~ e iing'~ 'nu`. Jo nilí' lajo la'eáang' coo'~ e já' líng' i dsea` quié~ e la jalé' júu^ quíi'~.

20 'Jo ja' mii'~i 'nu` dseáng'~ júi'~ uii~ quíi'~ i dsea` quié~ e la, co' lajob cajo mii'~i 'nu` uii~ quíi'~ jaléng' i ná'gui i nijá' líng' júu^ quíi'~ e mi~ tí' lí' ninúr~ e júu^ e ní' i dsea` quié~ e la. 21 Jo mii'~i 'nu` e jaléng' i dsea` í niliseeiñ' dseáng'~ cøøng' lajee~ la'ó' rúñ' e laco' ni'uiñ'~ lafa' jaang' dsea' la'eáang' e seeiñ' cøøng' coo'~ jneaa'aa', Teaa~, lí^ laco'gui seeng' 'nu` cøøng' coo'~ jnea~ jogui jnea~ seen' cøøng' coo'~ 'nu`. Jo mii'~i 'nu` e güiliseem'bre cøøng' lajo la'ó' ír' lí^ dseáng'~ laco' sí'í', jo lajoba' nilijá' líng' jaléng' dsea` jmi'güü e 'nu` dsea` casín' jnea~ fí' jmi'güü la. 22 Jogui nicacuøø'~baa jaléng' i dsea` quié~ e la e niligüeaiñ'^ lí^ laco'gui 'nu` nicacuøø'~ jnea~ e nicaligüean'^n, jo lajoba' i dsea` quié~ e la ni'uiñ'~ lafa' jaam' dsea' lí^ laco'gui la líng' jnea~ coo'~ 'nu` e jaam' dsea' lí'íi'; 23 jogui niliseeng' jnea~ cøøng' coo'~ ír' jogui 'nu` cøøng' coo'~ jnea~, jo lajoba' ni'uíng'~ lajüiñ' do dseáng'~ lafa'

jaam` dsea`, jo lajoba' nililí` jaléng` dsea` jmigüü` e `nub` dsea` casín` jnea` fí` jmigüü` la, jogui e eáam` `neáan`re cajo lí` laco`gui la `neáang` `nu` jnea`.

²⁴ Jo mí`guí` `nu`, Teaa~, co' `nub` dsea` cacuóøñ` jnea` jaléng` i dsea` quié` e la, joba' iing` jnea` e seem`bre cøøng` cóo` jnea` fí` lí` niní`i, jo lajoba' ninír` jial tí` niguó` lán`n, jo e job e cacuóøñ` `nu` jnea` do. Co' lajii` lí`ba' e `neáan` `nu` jnea~, co' lajii` latí` mí` ná`-gui e catiroo` jmigüü`ba' e jmoo` lajo cóo` jnea`. ²⁵ Teaa~, dseáng` eáam` guiúng` `nu`, jo fíim` dsea` i seeng` fí` jmigüü` la ja` cuíin` `nu`; jo dsu' jnea` dseáng` lajam` cuín`n `nu`, jogui niñi`bi jaléng` i dsea` quié` e la e `nub` dsea` casín` jnea` fí` jmigüü` la. ²⁶ Jogui nicacuóøñ` baar e caliñir` i dseáng` líng` `nu`, jogui mí` noo`bi nifí`ire lajo cajo e laco` nijmi`neáang` rúin` lí` laco`gui la `neáang` `nu` jnea`; jogui lajoba' niliseeng` jnea` cøøng` cóo` ír` cajo.

18

Mí` casang` dsea` Jesús

(Mt. 26:47-56; Mr. 14:43-50; Lc. 22:47-53)

¹ Jo mí` cangí` e casíng` Jesús cóo` Tiquiá'r, joba' cagüi`bre colíng` cóo` i dsea` guijáng` quiá'r` do e fí` dsíi` `núu` tú` fíng` do, jo cangolín` lí` lí` ngóo` lí` íu` coo` íi` e sii` Cedrón. Jo mí` catáin` lí` lí` ngóo` e íi` do, jo caguilín` fí` coo` dsíi` iá, jo fí` job ca'í` Jesús colíng` cóo` i dsea` quiá'r` do. ² Jogui i Judas Iscariote i nicanaang` `nínng` Jesús do, guiúb` cuír` e fí` dsíi` iá` jo, co' lami` jéeng`gui jmiguiúb` ya' caseáng` Jesús cóo` i dsea` quiá'r` do e fí` jo. ³ Jo fí` job cagüé` Judas Iscariote ie` jo, jo nijééin` i fíng` `léé` quiá`- dsea` romano cóo`gui coo` tú` máng` dsea` i néé` ni` guá`- quiá`- dsea` Israel i casíng` fíi` jmidsea` quiá`- dsea` do colíng` cóo` i dsea` góor` i líng` dsea` fariseo cajo. Jo jaléng` i dsea` do quier` jalé` `nisu` cóo`gui jalé` quí` e coo` e laco` cuø` j` e jné'r`. ⁴ Jo co' niñi`bi Jesús jalé` e tí` lí` nidsing`iin` do, joba' mí` calilí`r` e caguilíng` i dsea` do fí` jo, joba' casíng` `ñaia`r` tí` quini`gui laco` la teáang` i dsea` quiá'r` do, jo lalab cajmíng`i`r` i dsea` i caguilíng` do jo cajín`-:

—¿I` ñilíng`-na' `náng`na' fí` la?

⁵ Joba' cañi` i dsea` do quiá`- Jesús jo cajín`-:

—Jesús i seeng` fí` Nazaret `néng`naa'.

Joba' cañi` Jesús quiáin`- do jo casí`r` dsea` do:

—Jnea`bi dsea` í`.

Jo ie` jo dob quíng` Judas Iscariote jee` i dsea` i caguilíng` tóø` Jesús do. ⁶ Jo mí` tí` lí` cajíng`- Jesús e íbre siir` lajo, joba' lajim` i dsea` i caguilíng` do cató` yaaiñ` ladsifí` lana cartí` caneáin` uó`-. ⁷ Jo mí` cangí` jo, Jesús cajmíng`i`-tur i dsea` do jo casí`-reiñ`:

—¿Ii` dseáng`- i `náng`na' fó`na'?

Joba' cañi`tu` i dsea` do quiá`- Jesús jo cajín`-:

—Jesús i seeng` fí` Nazaret `néng`naa'.

⁸ Joba' Jesús cañi`tur quiáin`- do calé` catú` jo casí`-reiñ`:

—Jo nicafí`baa `nú` e jneab` dsea` í`, jo song` jneab` dsea` `náng`na', joba' cuøø`ba' fí` i dsea` quié` e la e nidsilíin`.

⁹ Jo café` Jesús e júu` na e lí` laco` caliti` lajii` júu` quiá'r` e café`r` lami` jéeng`gui mí` cajín`- lala: “Teaa~, jaléng` i dsea` quié`- i cacuóøñ` jnea` do, jii` jaang` ja` ii` ca`naang` cóo` jnea`.” ¹⁰ Jo dsifí` lanab` cagüi` Tú` Simón `nisu` e quier` ie` jo, jo caquiur` cataang` logua` dsée` quiá`- jaang` dseañu` i sii` Malco i nilíng` dsea` `léeng`- quiá`- i jmidsea` i laniing`- ie` jo. ¹¹ Jo mí` cangá` Jesús quiá`- lajii` e calí`- do, joba' lalab casí`r` Tú` Simón jo cajín`-:

—Tú`, te`tu` `nisu` quié`- eáang` quiá`-, co' Tiquié`baa i cuø` jnea` e iihu` la, joba' `né`- ni`im`baa jii` laco` e nicuø`r`.

Mi cangojgeáaiñ Jesús fi quini jaang jmidsea i sii Anás

(Mt. 26:57-58; Mr. 14:53-54; Lc. 22:54)

¹² Jo mi cangfi jo, jaléng' i 'léé do cóo'gui i fi quiá'r do coling'gui cóo' i dsea' Israel i neé ni guá' quiá'r, casam'-bre Jesús jo ca'ñá'r guoo' dsea' do. ¹³ Jo la'uii cangojgeáaiñ dsea' do fi quiá' jaang' jmidsea' i sii Anás, co' í nilíiñ ngoo' quiá' i jmidsea' i sii Caifás ie jo, jo i Caifás do líiñ jmidsea' laniing' quiá' dsea' Israel ie jii jo. ¹⁴ Jo i jmidsea' Caifás lab cajo, lamí jéeng'gui casí'r dsea' i quie' nifí quiá' dsea' Israel e guiá'gui ni'uíng' quiá' jaléng' i dsea' í e nijúung' jaang' dseañu' cuaiñ quiá' góor' laco'gui e nijúung' i fíng' i dsea' góor' do.

Mi cajíng' Tú Simón e ja' cuíñ Jesús

(Mt. 26:69-70; Mr. 14:66-68; Lc. 22:55-57)

¹⁵ Jo mi catór' Jesús fi quiá' i jmidsea' Anás do, jo ti'leám' gáng' dsea' quiá' Jesús laco' cangáng' dsea' do, jaaiñ' do siir' Tú Simón, jogui i jaang'gui do cuim' rúñ' cóo' i jmidsea' laniing' do, joba' ca'í-biñ' do e fi dsí' lí' catór' Jesús, ¹⁶ dsu' i Tú Simón do fi caluu' o'nú' cajer'. Jo mi calilí' i dsea' quiá' Jesús i cuíng' rúng' cóo' i jmidsea' laniing' do e caluub' caje' Tú Simón, joba' cagü'í'bre fi caluu' jo casíiñ' cóo' i dseam' i sing' jmoo' í e jn'í do e laco' nicuóñ' do fi e ningíng' Tú Simón fi dsí' siguí' quiá' e 'nú' do, joba' cacuø'biñ' do fi lajo. ¹⁷ Jogui i dseam' i jmoo' í e jn'í do, lalab cajming'í'r Tú Simón jo cajíñ' :

—¿Su o' dsea' quiá' i dseañu' i ni'í' nabi 'nu'?

Joba' cañí' Tú Simón quiá' i dseam' do jo casí' reiñ' :

—U~, o' í jnea~.

¹⁸ Jo co' ie jo eám' güí' , joba' jaléng' dsea' 'léeng' i jmoo' ta' sinúu' quiá' i jmidsea' Caifás do cóo'gui jaléng' i neé ni guá' quiá' dsea' Israel n'nicají'r j' e siguí' do, jo fi' dob neáaiñ' jmiguiáñ' ca' j'. Jo fi' dob caje' Tú Simón e jmiguiáñ' cóoñ' do cajo.

Mi caguiéng' Jesús fi quini fi jmidsea'

(Mt. 26:59-66; Mr. 14:55-64; Lc. 22:66-71)

¹⁹ Jo lajee' e teáng' i dsea' i jmiguiáng' e fi siguí' do, joba' dob iuung' Jesús cóo'gui i fi jmidsea' do e fi dsí' sinúu' do. Jo lajee' jo i fi jmidsea' do canaiñ' jming'í'r Jesús uii' quiá' dsea' quiáñ' do cóo'gui jalé' e nica'e'r jaléng' i dsea' í cajo.

²⁰ Joba' lalab cañí' Jesús quiá' i dsea' do jo casí' reiñ' :

—Jnea' nica'éé' e jaléng' dsea' fi jee' dsea' fíng' ; jogui contøom' nica'éé' ere fi dsí' sinúu' guá' jiu' osi fi guá' fé' quiá' dsea' góona' dsea' Israel e si' fi Jerusalén e fi lí' seáñ' e laco' jmiféñ' Fidié' ; jo ja' mí caguiá'a jalé' e júu' jo fa' coo' lí' ja' lí' nú' dsea'. ²¹ Joba' , ¿jialí' jnea' jming'í' e jo? Co' cuøom' güijming'í' jaléng' i dsea' i nicanúu' jalé' júu' quie' e e nicaguiá'a do, joba' í'bing' i nijmeá' 'nú' júu' e jalé' e nica'fá' ire do. Co' niñib' jaléng' i dsea' í jalé' e júu' e nica'fá' a do.

²² Jo mi tí' lí' cañí' Jesús quiá' i fi jmidsea' do e júu' jo, joba' jaang' i dsea' i neé ni guá' quiá' dsea' Israel do cajnéer' moni' Jesús, jo mifíng' casí'r dsea' do jo cajíñ' :

—¿Su lanab ngü' quiá' i fi jmidsea' na?

²³ Joba' cañí' tu Jesús quiá' i dsea' do jo casí' reiñ' :

—Song gab' lí' e júu' e nica'fá' a na, joba' iin' n'jmée' júu' jialí' e lí' lajo e nica'fá' a na; jogui song guiáb' lajii' e júu' e nica'fá' a na, joba' ¿jialí' caba' monii'?

²⁴ Jo mi cangfi jo, i fi jmidsea' Anás do caguiéñ' Jesús e 'ñúung' dsea' do fi quini i fi jmidsea' rúñ' i sii Caifás do.

Mi cajíng' tu Tú Simón e ja' cuíñ Jesús

(Mt. 26:71-75; Mr. 14:69-72; Lc. 22:58-62)

²⁵ Jo lajee' jo, dobi sing' Tú Simón e jmiguiáñ' fi 'ni' j' e fi siguí' do, jo coo' cajming'í' i dsea' teáng' do ír' jo cajíñ' :

—¿Su o' quíim' bi 'nu' jee' dsea' quíá' i dseañu' i iuung' do?
 Jōba' cañí' Tū' Simón quíá' do jō casí' reiñ':

—U, o' í' jnea'.

²⁶ Jō mi' cangí' jō, jaang'gui dsea' 'léng' quíá' i jmidsea' laniing' do i líng' ee' i dseañu' i caqui' Tū' Simón logua' do, jō dsea' í' cajmingí'r' Tū' Simón lala jō cajíñ':

—¿Su o' 'nu' bi i camán' n mi' cangoséng' naa' i Jesús na e fí' dsí' íá' do?

²⁷ Jōgui calé' catú' cajíng' Tū' Simón e o' dsea' í' líñ', jōba' dsifí' mi' cangí' lajō mifíng' caqui' jaang' tuidsee' jóng.

Mi' cangojgeáañ' Jesús fí' quini' dseata' Pilato

(Mt. 27:1-2, 11-14; Mr. 15:1-5; Lc. 23:1-5)

²⁸ Jō mi' cangí' jō, caguim'bre Jesús fí' quíá' i jmidsea' Caifás do, jō cangojgeáañ' dsea' do fí' quini' jaang' dseata' romano i sií' Pilato. Jō dsuco' ie' jō nijaquíeng' nijneáb', jōgui guatí' ló' jmiib' cajo, jōba' ja' cangotáang' i dsea' Israel do fí' dsí' e 'nu' fí' do, co' faco' mi' cajméer' lajō, jōba' ja' jmitir' jóng lajii' júu' quíu' ta' quíá'r' quíá' lajii' e quí' tñiñ' e jmóor' mi' tí' jmi' Pascua; jō co' ja' cangotáang' guir' fí' dsí' jō, jōba' cuóom' dór' e jmiñi' e silíng' e gó'r' ie' jmi' jō. ²⁹ Jō mi' tí' lí' cangá' dseata' Pilato e nitée' dsea' Jesús, jōba' cagüi' r' jō casí'r' jaléng' i dsea' do lala:

—¿E' dsee' e cuó' na' i dseañu' na?

³⁰ Jōba' cañí' dsea' Israel quíá' i dseata' Pilato do jō casí' reiñ':

—Fa' jiu' gui i dseañu' la ja' jmóor' ta' 'lée' jee' jaléng' dsea', jōba' ja' jáang' naa' re jóng fí' quini' faco' lajō.

³¹ Jōba' lalab cañí' dseata' Pilato quíá' i dsea' Israel do jō cajíñ':

—Tee' 'nú' yaang' na' i dseañu' góo' na' na jō quidsi' na' í' quíá'r' yaang' na' lí' laco' gui la quí' tñng' na' cóo' júu' quíu' ta' quí' na', 'nú' dsea' líng' na' dsea' Israel.

Jō mi' canúu' i dsea' Israel do e júu' jō, jōba' lalab cajíñ':

—Dsu' jnea', dsea' lí' naa' dsea' Israel, ja' sea' fí' quí' naa' quíá' dsea' romano e nicuóo' naa' iihu' lí' doñí' i dsea' cartí' nijúu' iñ'.

³² Jō jōba' caliti' lajii' júu' e cajíng' Jesús lamí' jéeng' gui quíá' jial lí' 'mó' e nitíñ'. ³³ Jō mi' cangí' jō, ca' íb' tu dseata' Pilato fí' dsí' 'nu' fí' quíá'r', jō cató'r' Jesús fí' lí' quidsir' í', jō cajmingí'r' dsea' do jō cajíñ':

—¿Su 'nu' i líng' dseata' dsea' féng' i quí' nifí' quíá' dsea' Israel?

³⁴ Jōba' cañí' Jesús quíá' do jō casí'r' dsea' do:

—¿Su uóo' ba' iin' ñí' e jmingí' jnea' na, ofa' lí' canúu' e fé' dsea' jiem' é?

³⁵ Jōba' lalab cañí' dseata' Pilato quíá' Jesús jō casí'r' dsea' do:

—Ja' dsea' Israel líng' jnea' la. Co' jaléng' dsea' góo' dsea' Israel colíng' gui cóo' jaléng' fii' jmidsea' quí' na', dsea' í'bing' i nicajáng' 'nu' fí' quini' la lana. Jōgui 'nu', ¿e' dsee' sea' quí' quíá' e 'núng' dsea' 'nu'?

³⁶ Jōba' lalab cañí' tu Jesús quíá' i dseata' do jō cajíñ':

—Ja' sí' líng' jnea' e níquiá' ta' laco' gui quíu' ta' jaang' dsea' jmigüí' fí' la, co' faco' lajō, jōba' seem' dsea' quí' e i nijmeáan' n ta' e laco' ja' nijáng' dsea' jnea' fí' quini' dsea' góo' dsea' Israel faco' lajō. Co' lí' laco' fá' a na, e ja' sí' íñ' e níquiá' ta' laco' jaang' dsea' jmigüí'.

³⁷ Jōba' cañí' tu dseata' Pilato quíá' Jesús jō casí'r' dsea' do:

—Jō 'nu' dsea' lí' dseata' dsea' féng' i quí' nifí' quíá' dsea' Israel líya.

Jōba' cañí' tu Jesús quíá' i dseata' do jō casí' reiñ':

—Lajōba' lí' lí' laco' gui nicafée' na, e jneab' i dseata' dsea' féng' í. Co' jnea' cagá' a fí' jmigüí' la mi' cangáan' n e laco' niguiaa' jalé' júu' já'. Jō jaléng' dsea' i já' líng' e júu' jō, jōba' dsea' quí' baa' líñ', co' núu' bre jalé' júu' quí' e.

³⁸ Jō mi' canúu' dseata' Pilato lajii' júu' quíá' Jesús, jōba' cajmingí'r' dsea' do lala jō cajíñ':

—Jō ɷjnang~ e júu^ já'- do?

Mi~ cahuí' ta~ e nijúung~ Jesús

(Mt. 27:15-31; Mr. 15:6-20; Lc. 23:13-25)

Jō mi~ cangí e cajmingí dseata~ Pilato e júu^ jō, jōba' cagüi'íb'tur calé' catú- fí lí~ teáng^ i dseá Israel do e laco' nisíng~tur cóoiñ' do calé' catú-, jōba' lalab casí'r- i dseá do:

—Jíi' cōō dsee- ja` niguié' jnea~ e nica'ée` i dseañu' la. ³⁹ Jō cō' 'nú' quí- t́ng`na' e laan- jaang` dseá` góo`na' i sijníng~ lajee~ mi~ tí jmi~ quí-na' e catí lana e sii` Pascua, jōba' jmingí' i 'nú' lana, ɷsu iing`na' e nilaan- i dseata~ dseá féng' quí-na' i sing' la?

⁴⁰ Jō mi~ canúu- jaléng' dseá Israel i teáng- do ie~ jō e júu^ quíá'- i dseata~ Pilato do, jōba' lajím`bre canaaiñ` ta'r' mii~ jō fé'r':

—iJa' laan'- i dseá na! Jō ileaang- Barrabás!

Jō i Barrabás i éeiñ` do sijníñ' do dsu' uí' e jmóor` ta~ 'ní' níng- dseata~.

19

¹ Jō mi~ canúu- dseata~ Pilato lajii' júu^ e casí'- dseá ír` do, jōba' caquiur' ta~ e nisám' i 'lée- quíá'r- do Jesús e laco' nibóøng~ neiñ' do cóo' loo~ jó' e lí' nii~. ² Jō mi~ cangí jō, i 'lée- do cajméer` cōō lí^ corona cóo' layaang~ tóo', jō e jōb catá'r- fí moguí Jesús, joguí cajlíñ` dseá do cóo' cōō 'mi' niung' e lí' laco' e quie' dseá níng- i quíu' ta~. ³ Jō mi~ cangí jō, cangoquíeiñ` fí quíá'- lí~ sing' dseá do, jō lalab canaaiñ` lóøiñ` dseá do jō sí'r` lala:

—iGüiliseem` huóø^, dseata~ dseá féng' quíá'- dseá Israel!

Jō lajee~ jō jnóor` fí moni~ dseá do.

⁴ Jō mi~ tí lí~ cagüi'ítu dseata~ Pilato e fí lí~ teáng^ i dseá Israel do, jōba' lalab casí'-reiñ' do jō cajíñ'-:

—E laba' fí' i 'nú', e lab nisín^ni dseañu' la fí quini^na' e laco' niliñí^na' e jíi' cōō dsee- ja` mí cadsé'e quíá'r-, cō' lajib` nicajmingí' ire.

⁵ Jō lajee~ jōb cagüi'í Jesús e ní'ia~ e lí^ corona e lí' cóo' yaang~ tóo' do fí moguir~, joguí jlíñ` e 'mi' e niung' huíng` do. Jō lajee~ nisíng' Jesús fí quini~ i dseá do, lalab cajíng'- dseata~ Pilato e sí'r` jaléng' i dseá teáng- do ie~ jō:

—iLab nisíng' i dseañu' la fí quini^na' náng!

⁶ Jō mi~ tí lí~ cangá- jaléng' fii~ jmidseá` quíá'- dseá Israel cóo' guí jaléng' dseá i néé' ní guá'- quíá'r- e nisíng' Jesús do, jōba' lalab canaaiñ` áiñ' i dseata~ do jō fé'r':

—iFí dse' crúu^ teáng^ i dseá na!

Jōba' cañí' dseata~ Pilato quíá'- i dseá teáng- do ie~ jō, jō casí'-reiñ':

—Tee`ba're, jō yaam`ba' güiteáng`na're fí dse' crúu^, cō' jnea~ ja` mí cadsé'e jíi' cōō dsee- quíá'r- quíá'- lajii' e nicajmingí' ire.

⁷ Jō dsu' lalab cañí' i dseá Israel i teáng- do ie~ jō quíá'- dseata~ Pilato jō casí'r- dseá do:

—Seab` cōō júu^ quíu' ta~ quí- jnea^, dseá lí' dseá Israel, jō lalab lí': Song jaang` dseá fé'r' e røøb` cøøiñ` cóo' Fidié~, jōba' 'né- nijúum`bre jóng. Jō lajōb lí' cóo' i dseá na, jōba' dseáng'- 'né- nijúum`bre.

⁸ Jōba' mi~ tí lí~ canúu- dseata~ Pilato e júu^ jō, eáang`gui cafóñ' jóng. ⁹ Jō ca'íb-tur e fí lí~ quíu'r' ta~ do colíng~ cóo' Jesús, jō fí jōb cajmingí'r- dseá do jō cajíñ'-:

—ɷJie~ fí lí~ ní' 'nu?

Jō dsu' Jesús jíi' cōō ja` e cañír` quíá'- dseá do. ¹⁰ Jōba' cañí'tu dseata~ Pilato jō casí'r- Jesús jō cajíñ'-:

—ɷSu ja` iin' ngii' jíi' cōō quíe- e jóng? ɷSu ja` ní' 'nu e cuøøm` nifí' dseá quíe- e e niteáñ- 'nu fí dse' crúu^, joguí cuøøm`bi cajo e nifí' ire e nileáñ- 'nu faco' lajō?

¹¹ Jōba' lalab cañí' Jesús quíá'- i dseata~ do jō casí'r- dseá do:

—Jíi~ coo` bí ja` sea` quíi~ e niquiá~ ta~ quíe~ e faco' ja` Fidié~ nicacuø'r` 'nu` e catín~ lajo; joba' i dsea` i cajáng` jnea~ fí jaguóo~, eáang` guib` røøiñ` dsee~ laco'gui` 'nu`.

12 Jo job` mi~ canaang` dseata~ Pilato e 'nó'r` jial` nileáiñ~ Jesús, jo dsu' mi~ calilí~ i dsea` Israel do e jo, joba' canaaiñ` ta'guir` mñi~ jo s'r` dsea` do lala:

—Song` nilaan~ i dsea` na, joba' lí' lafa' 'ní' máam`ba' jóng` i dseata~ dsea` féng` i guing` fí Roma, co' lí' doñi' i dsea` i jing` e líiñ` jaang` dseata~ dsea` féng`, joba' lí' lafa' e 'ní' níim~ bre i dseata~ i guing` fí Roma do.

13 Jo mi~ tí lí canúu~ dseata~ Pilato e cajíng` i dsea` Israel do lajo, joba' caquiur` ta~ e niguim~ biñ` do Jesús jo nidsijéiñ` dsea` do dseáng` lí quidsí dseata~ Pilato í' quíá~ dsea` fí coo` lí sií Gabata, jo cóo~ jmi' hebreo guóng` Guíá~ fí lí Siní~ Cuu~. 14 Jo ie~ jo dseáng` guati'ló~ jmi' Pascua quíá~ dsea` Israel, jo ná~ guieñib~ ningóo' mi~ cajíng` dseata~ Pilato e casí'r` i dsea` Israel do:

—iLab` sing' i dseata~ dsea` féng` i quíe' nifí quíi~ na!

15 Jo dsu' jaléng` i dsea` do canaaiñ` ta'tur` mñi~ jo fé'r`:

—iGüijúung~ i dseañu` na fí dse` crúu`!

Joba' cajmingi~ dseata~ Pilato jaléng` i dsea` do jo casí~ reiñ`:

—¿Su` jneab~ catín~ n` nijngán~ n` jaang` dseata~ dsea` féng` i quíe' nifí quíi~ na?!

Joba' cañi' jaléng` fí jmidsea` i teáng~ do ie~ jo, jo casí'r` i dseata~ do lala:

—iDseáng` jíi~ dseata~ dsea` féng` i guing` fí Roma, jíi~ dseata~ íbing` i seeng` quí~ naa!

16 Joba' dseata~ Pilato cajám`bre Jesús fí quini` jaléng` i dsea` do ie~ jo, jo i dsea` do cangojém`bre Jesús fí lí nitáng~ dsea` do fí dse` crúu`.

Mi~ catáng~ Jesús fí dse` crúu`

(Mt. 27:32-44; Mr. 15:21-32; Lc. 23:26-43)

17 Joba' ca'uøøm` i dsea` do jéeiñ` Jesús, jo 'ñiab` dsea` do dsíiñ` crúu` quíá'r` cangór` fí coo` lí sií Cuø` Mogui` 'Lñi~ e sií`bi Gólgota cóo~ jmi' hebreo e fé' dsea` Israel. 18 Jo mi~ caguiliñ` fí jo, joba' fí job` cateáiñ` dsea` do fí dse` crúu`, jo jaang`gui` dsea` taang` la cataang` cáaiñ` fí dse` crúu` cajo. 19 Jo ie~ jo i dseata~ Pilato do caquiur` ta~ e nitó~ fí yá~ guí~ crúu` quíá~ Jesús e júu` la: “Jesús i seeng` fí Nazaret, dseata~ dsea` féng` quíá~ dsea` Israel.” 20 Jo e jo cató~ cóo~ 'ni' íng` jmi', jmi' latín cóo~ jmi' hebreo jogui` jmi' griego. Jo fíim` dsea` Israel ca'ir` e júu` jo ie~ jo, co' e fí lí catáng~ Jesús do ja` huíi~ eáang` laco' la néé` fí Jerusalén. 21 Jo dsu' mi~ cangá~ fí jmidsea` quíá~ dsea` Israel lajii~ júu` e toø~ fí yá~ crúu` quíá~ Jesús, joba' lalab` casí'r` i dseata~ Pilato do jo cajíñ`:

—Guíá~gui` ja` nitó~ e júu` na, jo güitó~ lala: “Lab` i jmigóo` e líiñ` dseata~ dsea` féng` quíá~ dsea` Israel.”

22 Jo mi~ canúu~ dseata~ Pilato e júu` jo, joba' lalab` cañir` quíá~ i dsea` do jo casí~ reiñ`:

—Lajii~ e júu` e nicaquiá~ ta~ e nicató~ na, dseáng` lanab` nijé~.

23 Jo mi~ tí lí cangí e cateáng` i 'lée~ do Jesús fí dse` crúu`, joba' casitñiñ` sií` dsea` do jo cajméer` guíe~ lajee` quiúuiñ` la'ó' líiñ` 'lée~, jmacó` e 'mi' do quíá'r` lajaang` lajaaiñ`. Jo dsu' e sií` Jesús e coo`gui` do, 'mi' contøøm~ líi` jo ja` si'mí` cajo. 24 Jo lajee` jo i 'lée~ do canaaiñ` sñiñ` la'ó' yaaiñ` lala:

—Ja` guing` nisiing~ naa' e 'mi' na, jo macó`oo' ne~duu` i~ nilí` nicóo`.

Jo cóo~ e nab` caliti` jíi~ laco' la fé' fí ni~ jì quíá~ Fidié~ e cajme' dsea` mali~gui` eáang` lí fé' lala: “Cajméeb` dsea` guíe~ jalé' sí'i, jogui` cacóor` quíá~ i~ nilí~ e sí'i e contøøng` do.” Jo lajob` dseáng` cajmée` i 'lée~ do cóo~ sií` Jesús.

25 Jo lajee` e táang` Jesús fí dse` crúu`, dob` teáng~ quiúung~ dseamí e tíi~ laco' sií` e crúu` do; jo jaaiñ` do líng` niquiá~ Jesús, jogui` jaang`gui` rúng` dsea` ngáang` cóo~ niquiá'r~, jogui` jaang`gui` i sií` Yá~ i líng` dseamí quíá~ jaang` dseañu` i sií` Cleofas, jo jaang`gui` i sií` Yá~ i seeng` fí Magdala. 26 Jo lajee` job` cangáng~ Jesús niquiá'r~, jo cáang` i niquiá'r` do

sing' jaang` dsea` quiá'- Jesús i eáang` 'neáaiñ`, jò lajee` jò lalab casí'- Jesús i niquíar` do e éeiñ` i dsea` quiár` i iñ` eáang` do jò cajíñ`-:

—Janú', dseamí, nab sing' i líng` laco' jòo' do.

²⁷ Jò mi` cangí e jíñ'- e jò, jòba' casí'r- i dsea` i iñ` eáang` do lala:

—Nab sing' i líng` laco' niquíi`.

Jòba' mi` cajíng' Jesús lajò, i dsea` i iñ` eáang` do ca'ím` bre niquíá' dsea` do e líiñ' do laco' dsea` sináa` quiár`.

Mi` cajúng` Jesús

(Mt. 27:45-56; Mr. 15:33-41; Lc. 23:44-49)

²⁸ Jò mi` máng` guíjia lajò, jò co' niñib' Jesús e nicatób' jalé' ta` quiár`, jogui e laco' niliti` jíi' laco' fé' fí ni` jí' quiá'- Fidié` e cajme' dsea` malí` gui eáang`, jòba' cajíñ'- lala:

—Dsíng'- jmijmíin`.

²⁹ Jò ie` jò nisi' coo` dsu` e røøng` a` jmí' mí' huíng` jò' e nijí', jòba' cayé' dsea` e jmí' mí' huíng` jò' do cóo' coo' joo', jò casiguír' fí coo' yá' sñ, jò cóo' e jòb ca'úuiñ` fí mo'oo` Jesús. ³⁰ Jò cayub' Jesús e jmí' mí' huíng` jò' jí' do. Jò mi` cangí jò, jòba' cajíñ`-:

—Nab nicató' lajíi' ta` cagá` a.

Jò co' cató' e cafér' e júu` jò, jò cajgiéer` moguir` jò mifíng` cajúm` bre jóng.

Mi` ca'ia` jaang` 'lée` ñisú' fí mo'uóø` Jesús

³¹ Jò 'ñaia' ie` jmí` e cajúng` Jesús do, lí' e guatí' ló` jmí` Pascua quiá'- dsea` Israel, jò co' ja` quí' táng` i dsea` í fa' e seáang` 'lí' quiár' fí dse' crúu` lajee` e jmí` jò, co' dseáng'- jmí` e laniim` quiár' ie` jò, jòba' camí' dsea` Israel fí i dseata` Pilato do e nicuóñ'- do fí e nijér` tíi` i dsea` taang` dse' crúu` do e laco' nijúuiñ'- do jminá` gui, jò lajòba' cuóøng` e nijgiáaiñ` do e fí lí' taaiñ` do. ³² Jòba' cangím` i 'lée` do fí e nidsilíiñ` e nijér` tíi` i dsea` gaang` i taang` dse' crúu` do; jogui lajòb cajméer`, cajé` bre tíi` i dsea` la'uii` i táang` dse' crúu` cáang` Jesús do; jò mi` cangí jò, lajòb cajméer` quiá'- i dsea` jaang` gui do i táang` dse' crúu` cajo ca' dse' crúu` lí' táang` Jesús. ³³ Jò mi` caguilíng` i 'lée` do fí lí' táang` Jesús fí dse' crúu`, jòba' calilí'r` e ni'liim` dsea` do, jòba' jò e cajmeáíñ` dsea` do fa' cajé` guir` tíiñ`-.

³⁴ Jò nañí' fa' e calilí' i 'lée` do e ni'liim` Jesús, dsu' jaang` lajee` la'ó' ír` ca'iar` ñisú' fí dse' mo'uóø` dsea` do, jò ladsifí lanab catuu` jmí` cóo' gui jmí'øøiñ`. ³⁵ Jò i dsea` i fé' e júu` la, dseáng'- e já' ba' e cangár` laco' calí, jòba' dseáng'- jáb' júu` e fé'r` do e laco' jaléng` 'nú' jáb' nilíng` na' dseáng'- laco' calí. ³⁶ Jò cangojéé' jalé' e la e lí' laco' caliti` lajíi' júu` quiá'- Fidié` e fé' fí ni` jí' quiár'- e cajme' dsea` malí` gui eáang` lí' fé' lala: "Jíi' coo` móo` teáaiñ` ja` nijé'." ³⁷ Jogui fé' bigui cajo lala e fí ni` jí' jò: "Nimáam` baa' i dsea` i líng` ee' ca'ia` dsea` quiá'-."

Mi` ca'áng` Jesús

(Mt. 27:57-61; Mr. 15:42-47; Lc. 23:50-56)

³⁸ Jò mi` cangí e ca'iéng` Jesús ñisú', jòba' ie` jò cangó` jaang` dseañu' i sií` Sé` i niseeng` fí coo' fí e sií` Arimatea, jò cangór` cangomí'r` dseata` Pilato fí e nidsijgiáaiñ` Jesús fí lí' táang` dsea` do fí dse' crúu` jò nidsijéng` neiñ' fí lí' ni'áiñ`. Jò i Sé` do nilíiñ` jaang` dsea` quiá'- Jesús, dsu' jíi' la ñir' 'ñaia' bre, co' 'góm' bre jaléng` dsea` Israel fíng song caliñíñ' do e nilíiñ' lajò. Jò cacuøb` dseata` Pilato fí lajò, jò cangób` Sé` e cangojgiáaiñ` Jesús fí lí' táang` dsea` do fí dse' crúu`, jò mifíng` cangojéeiñ` dsea` do fí lí' ca'am` biñ'. ³⁹ Jò jaang` gui i sií` Nicodemo cangór` cajo colíng` cóo' i Sé` do fí lí' sing' crúu` fí lí' táang` Jesús. Jò i Nicodemo do quier` jíe' ja` guigui kiil` e jmeafí jlo' e sicáng' cóo' tú` íng' mí, coo` e sií` mirra jogui cóo' gui e sií` áloe. Jò i Nicodemo la, íb` i cangó` cangosiing` cóo' Jesús coo` née' e canu`. ⁴⁰ Jò lajòb i Sé` do cóo' gui Nicodemo cajgiáam` bre Jesús fí dse' crúu`, jò mifíng` canaaiñ` súuiñ` dsea` do jalé' e jmeafí do jò caquíng` neiñ' cóo' coo' mi' té' e síyá' e jmí` jmeafí do, co' lajòb quí' táng` jaléng` dsea` Israel e jmóor` cóo' jaléng` 'líi`

quíá'r- mi~ ni'áang-neiñ'. ⁴¹ Jo e fí li~ cateáaiñ- Jesús fí dse` crúu^, fí job nilí' coo` dsí' iá, jo e fí jo nisea` coo` too` ée` e 'míi- li~ jii~ jaang` ja` ii` mí ca'áng-. ⁴² Jo e fí dsí' e too` ée` do cangojéeiñ` Jesús e ni'áiñ-, dsuco' quiáb'- li~ nilí' e too` ée` do, jogui co' nijaquíem' cajo e jmíi~ e jmi'íng' dsea` Israel.

20

Mi~ cají'tu Jesús

(Mt. 28:1-10; Mr. 16:1-8; Lc. 24:1-12)

¹ Jo la'uui~ jmíi~ quiá'- e seamaan~ mi~ cangí e jmíi~ do, e ee'bi eáang' lajee` nú'-gui e nijneá', cangó- Yá^ i seeng` fí Magdala fí li~ ca'áng- Jesús; jo mi~ caguiér- fí jo, joba' cangár- e nisijéb'^ e cuu~ e cajlí- e fí oo~ too` e li~ ca'áng- dsea` do. ² Jo mi~ tí li~ calilí'r^ e jo` seeng` Jesús e fí dsí' tó` ée` do, joba' caquim'- tur güi'íi' e fí li~ guing- Tú^ Simón colíing~gui cóo' i dsea` quiá'- Jesús i 'neáaiñ` eáang' do. Joba' lalab cajíng'- i Yá^ i seeng` fí Magdala do mi~ caguiéiñ'- jo casí'-reiñ':

—Ninicaguim` dsea` Fíi'naa' e fí li~ ca'áiñ- do, jo ja` ne~naa' jié' fí li~ nicangojéeiñ`.

³ Jo mi~ canúu- Tú^ Simón cóo'~gui i dsea` rúiiñ' i jaang'gui do lajii~ júu^ e quiée` i Yá^ i seeng` fí Magdala, joba' dsifib' ca'uøøiñ` e cangoliiñ` lajminá- e fí li~ ca'áng- Jesús do. ⁴ Jo laji huám-bre ngoliiñ- cuíir, lifa' i jaang'gui do jminá'-gui cangór- laco' Tú^ Simón, joba' jéeng'guibre caguiér- e fí li~ ca'áng- Jesús do. ⁵ Jo mi~ caguiér- fí jo, dsifib' catúuiñ' jo cajóør- fí dsí' e too` ée` do, jo cangár- e 'mí' e cabeang'- dsea` do e laco' milíib' née', jo lifa' ja' ca'ír- e fí dsí' too` ée` do. ⁶ Jo jia~ cøøng' lajo caguié- Tú^ Simón, jo condséeb' ca'ír- e fí dsí' tó` ée` do mi~ caguiér-, joba' cangá-bre e 'mí' e cabeang'- dsea` do cajo e laco' milíib' née'; ⁷ jogui cangá-bir cajo e dob róo` e 'mí' e cali'íng^ ta~ e quiá'- cabé' mogui~ dsea` do, jo cangár- e ja` róo` ca' laco' róo` e 'mí' e cabeang'- dsea` do, jo tí doguijia~ róo` e sibéeng' ca' laco' róo` e jo. ⁸ Jo mi~ cangí jo, ca'í- i dsea` i jaang'gui do i caguié- la'uui~ e fí too` ée` do, joba' cangá-bre jalé' e calí- e fí dsí' tó` ée` do, jo dseáng'- jáb'- calíiñ-. ⁹ Jo dsu' i dsea` gáng- do dseáng'- ja` mí cangám'bir laco' la fé' fí ni~ jì quiá'- Fidiée~ e cajme' dsea` mali~gui eáang' li~ fé' e dseáng'- sí'í'ba' e nijí'tu Jesús. ¹⁰ Jo mi~ cangí jo, caquim'-tu i dsea` quiá'- Jesús i gáng- do fí quiá'r-.

Mi~ cajmijnéeng` ñia' Jesús fí quini~ Yá^ i seeng` fí Magdala

(Mr. 16:9-11)

¹¹ Jo mi~ caguié-tu Yá^ e fí li~ ca'áng- Jesús, joba' dob cajer' qui'r' fí caluu~ e too` ée` do. Jo lajee` siñ' qui'r' dob catúuiñ' e laco' nijóør- e fí dsí' tó` ée` do, ¹² joba' cangár- e neáang' gáng- ángeles i qui' 'mí' té e fí dsí' tó` ée` do, jo jaaiñ' do guiiñ- li~ catiroo~ mogui~ Jesús jogui jaaiñ' do guiiñ- fí li~ cané- tii- dsea` do. ¹³ Jo i ángeles do cajming'í'r- i dseamí do jo casí'-reiñ':

—Janú', dseamí, ¿jiali' sin' qui'?

Joba' cañí i dseamí do quiá'- i ángeles do jo casí'-reiñ':

—Quí' i dsuco' ja` ñii- iñ` ninicaguíng` Fíi' i ca'áang- dsea` e fí dsí' tó` na, jo ja` ñii- jie~ nicangojéeiñ` lana.

¹⁴ Jo jobi lico' nicató' e jíñ'- e jo mi~ tí li~ cajíng' ñia'r', jo cangáaiñ- Jesús e dob nising' dsea` do cáaiñ', jo dsu' jii~ ja` ñir' e íb` dsea` do. ¹⁵ Joba' cajíng'- Jesús casí'r- i dseamí do lala:

—Janú', dseamí, ¿jiali' sin' qui'?

—Dsú' i dseamí do í dsíir' e i dsea` i jmóo' í e dsí' iá` dob i sing' súng` cóo'r~ do, joba' lalab casí'r- dsea` do:

—Janú', ée', song 'nub` nicaguuiñ~ i Fíi' do, joba' iin~n jmée'~ jnea~ júu^ jie~ fí li~ nicaguijéen`re, joba' fí job ni'nén'~nre.

¹⁶ Joba' cañí Jesús quiá'- i dseamí do lala jo casí'-reiñ':

—iYá^!

Joba' cajing' 'ñia' i Yá do jo cajíñ' cóo' jmi' hebreo lala:

—¡Rabuni! —e guóng' tifa'.

17 Joba' cañí'tu Jesús quiá' i dseam' do jo casí'-reiñ':

—Ja` güñ' jnea~, co' nabi ja` mí cají'tu rú'naa' cóo' Tiquié'e. Joba' fñ'i 'nu' lana e niguon' güijmée' júu^ jaléng' dsea' i nilíng' laco' rún'n e nijmijíng'tu rú'naa' cóo' i líng' Tiquié'e jogui íbi i líng' Tiquí'na' cajo, jo íb' Fidiéé' quié' e jogui íb' Fidiéé' quié'na' cajo.

18 Jo mí cangí jo, cangám' i Yá i seeng' fí Magdala do jo cangojmeáa' bre júu^ jaléng' i dsea' quiá' Jesús do e nicangám' bre dsea' do jogui casí' b'reiñ' cajo jalé' e júu^ e ca'íñ' quiá' dsea' do.

Mí cajmijnéeng' 'ñia' Jesús fí quini' dsea' quiá'r'

(Mt. 28:16-20; Mr. 16:14-18; Lc. 24:36-49)

19 Jo mí ca'í' nuu' 'ñia' ie~ jmi~ jo, e jmi~ la'uii~ quiá' seaman~ do, jo ie~ jo nincasitíng' rúng' i dsea' quiá' Jesús do fí cóo' dsí' 'núu' lí jní røø, co' 'góm' bre jaléng' dsea' góor' dsea' Israel fing song calilí' í e niseáng'tu rúng' i dsea' do calé' catú'. Jo lajee' neáng' i dsea' do, job mí tí lí ca'í' Jesús fí jo, jo casíng' 'ñia'r' guiá' joo' e lí neáng' i dsea' quiá'r' do, jo lalab caféng' neiñ' do jo casí'-reiñ':

—¡Güiliseem'ba' juguiá' júu^ røø'!

20 Jo mí cangí e cajíng' Jesús e júu^ na, joba' canaiñ' e'r' i dsea' quiá'r' do fí lí cacuí' guotíir' cóo' gui mo'uøø'. Joba' i dsea' quiá'r' do eám' cali'íang' dsí'r' mí cangáng'tur i Fiir' do. 21 Jo mí cangí jo, lalab cajíng'tu Jesús casí'r' i dsea' quiá'r' do:

—¡Güiliseem'ba' juguiá' júu^ røø'! Jo lí' laco' gui Tiquí'í' casíñ' jnea' fí jmi'güí la, joba' lajob cajo jnea' nisín'n 'nú' fí jmi'güí la.

22 Jo mí cangí jo, cajíu' fí lí neáng' i dsea' quiá'r' do jo casí'-reiñ':

—Íng'na' Jmiguí quiá' Fidiéé'. 23 Jogui doñí' i dsea' i ni'íng'na' dsee' quiá', joba' ni'ím' dsee' quiá' i dsea' í; jogui doñí' i dsea' i ja' ni'íng'na' dsee' quiá', joba' ja' ni'íng' dsee' quiá' i dsea' í cajo.

Mí já' calíng' Mó' e cají'tu Jesús

24 Jo jaang' dsea' guitúung' quiá' Jesús i sii' Mó' dsea' suung~, íb' i ja' seeng' ie~ lamí~ cajmijnéeng' 'ñia' Jesús jee~ i dsea' quiá'r' do. 25 Jo mí cangí jo, lalab casí' i dsea' caguiaang' do Mó' jo cajíñ':

—Nícanem'baa' Fí'naa'.

Jo dsu' Mó' lalab cañí'r' quiá' i dsea' rúíñ' do jo casí'-reiñ':

—Ja' já' nilín'n e fó'na' na song ja' nimoo' o guóor' lí ca'ía' mí' clavo, jogui song ja' nijnúu'u niguóo' lacaang' lí sicuí' quiá'r', jogui song ja' nigüí' mo'uøø' e lí ca'ía' ñisu'.

26 Jo mí cangí jñiá' jmi~ lajo, caseáng'tu rúng' i dsea' quiá' Jesús do calé' catú' fí cóo' sinúu' lí sijní' røø, jo ie~ jo quíim' Mó' cóo' i dsea' rúíñ' caguiaang' gui do. Jo lajee' job ca'í'tu Jesús fí dsí' sinúu' e lí neáiñ' do jo casíng'tu 'ñia'r' guiá' joo', jo lalab caféng'tureiñ' do jo cajíñ':

—¡Güiliseem'ba' juguiá' júu^ røø'!

27 Jo mí cangí jo, lalab casí' Jesús i Mó' do jo cajíñ':

—Jøø' guóo'o, jogui jnúu' niguóo' lí sicuí' quié' e la, jogui jnúu' niguóo' e lí sicuí' mo'uøø' la cajo. Ja' jmoo' e ja' já' lín' jo já' güilín' lana. jnea' bi la!

28 Jo mí canúu' Mó' e jo, joba' cañí'r' quiá' Jesús jo cajíñ':

—¡Dseáng' e já' e 'nab' Fí'í jogui 'nab' Fidiéé' quié' e cajo!

29 Joba' cañí'tu Jesús quiá' Mó' jo casí'r' dsea' do jo cajíñ':

—¿Su car' cañin' jnea~, jogui'ba' já' calín' e nicajíb'túu? Dsu' juguiá' gui quiá' i dsea' i já' calíng' e nicajíb'túu e jí' ja' mí cangám' bir jnea~.

E uing' e cajme' Juan e jì la

³⁰ Jo lajee˘ cateáang˘ Jesús fí˘ jmigüü˘ la, jmiguiab˘ jalé˘ e li˘ e quí˘r˘ jmí˘ cajméer˘ fí˘ quini˘ jaléng˘ dsea˘ guitúung˘ quiá˘r˘, jo dsu˘ jmiguiab˘ jalé˘ e jo ja˘ silí˘ e fí˘ ni˘ jì˘ la. ³¹ Jo dsu˘ lajii˘ e silí˘ e fí˘ ni˘ jì˘ la nicalí˘ e lí˘ laco˘ ja˘ níling˘ jaléng˘ dsea˘ e dseáng˘˘ Jesús líiñ˘ i˘ Dsea˘ Jmáang˘ i˘ nicá˘ nifí˘ quiá˘˘ dsea˘ Israel jogui˘ i˘ líng˘ i˘ Joo˘ Fidiée˘ i˘ camíng˘˘ do, jo lajoba˘ jaléng˘ dsea˘ i˘ ja˘ níling˘ júu˘ quiá˘˘ dsea˘ do quí˘r˘ jmí˘ e niliseeíñ˘ cøøng˘ cóo˘˘ Fidiée˘ lata˘.

21

Mí˘ cajmijnéeng˘ 'ñia˘' Jesús fí˘ lí˘ se˘ Galilea

¹ Jo mí˘ cangí˘gui lajo, cajmijnéem˘ 'ñia˘' Jesús calé˘ catú˘ fí˘ quini˘ guiáng˘ i˘ dsea˘ i˘ la'ó˘ quíng˘˘ jee˘ dsea˘ guitúung˘ quiá˘r˘ e fí˘ 'ni˘' cóo˘ guíee˘ lí˘ sii˘ Tiberias e née˘ lí˘ se˘ Galilea. ² Jo i˘ lab jaléng˘ i˘ dsea˘ i˘ taang˘ do ie˘ jo: jaaíñ˘ do siir˘ Túa˘ Simón, jo jaang˘gui i˘ sii˘ Móa˘ i˘ sii˘ bi˘ Dsea˘ Suung˘ cajo, jo jaang˘gui i˘ sii˘ Natanael i˘ seeng˘ fí˘ cóo˘ fí˘ e sii˘ Caná e née˘ lí˘ se˘ Galilea, jogui˘ gáng˘gui i˘ líng˘ joo˘ jaang˘ dseañu˘ i˘ sii˘ Zebedeo, jogui˘ gáng˘gui dsea˘ jíeng˘ i˘ quíng˘˘ jee˘ dsea˘ quiá˘˘ Jesús. ³ Jo lajee˘ job cajíng˘˘ Túa˘ Simón e sí˘r˘ i˘ dsea˘ rúíñ˘ i˘ siseáng˘˘ e fí˘ 'ni˘' guíee˘ do ie˘ jo, jo cajíñ˘˘:

—Nii˘ teáa ta˘ sáang˘ 'ñu˘.

Joba˘ cañí˘ i˘ dsea˘ do quiá˘˘ Túa˘ Simón jo casí˘r˘ reiñ˘:

—Ii˘ baa˘ dsé˘ee˘ cóo˘˘ 'nu˘ cajo.

Joba˘ lajob cajméer˘, jo cangotáam˘ bre fí˘ cóo˘ dsí˘ móo˘ jo cangolíñ˘ fí˘ lí˘ ni˘a˘'gui quiá˘˘ e jmí˘ do; jo fí˘ job canaaíñ˘ bí˘r˘ 'máa˘ quiá˘r˘ e nisáíñ˘ 'ñu˘, jo dsu˘ e uøø˘ jo dseáng˘˘ jíi˘ camíng˘˘ 'ñu˘ ja˘ ii˘ calí˘r˘. ⁴ Jo mí˘ níngoo˘ nijneá˘ e uøø˘ jo, jo cajmijnéeng˘ 'ñia˘' Jesús fí˘ quiá˘˘ e guíee˘ do, jo dsu˘ mí˘ cangáng˘ i˘ dsea˘ quiá˘r˘ do í˘r˘, jíi˘ ja˘ calicuíñ˘ dsea˘ do lajminá˘. ⁵ Joba˘ cajmíng˘˘ Jesús i˘ dsea˘ do jo cajíñ˘˘:

—Janú˘ síming˘, ja˘ mí˘ lí˘na˘ 'ñu˘, ¿já˘ ja˘?

Joba˘ cañí˘ i˘ dsea˘ quiá˘r˘ do jo cajíñ˘˘ casí˘r˘ dsea˘ do:

—U˘, jíi˘ jaang˘ ja˘ ii˘ mí˘ calí˘naa˘.

⁶ Joba˘ cañí˘ tu˘ Jesús quiá˘˘ i˘ dsea˘ quiá˘r˘ do jo cajíñ˘˘:

—Bí˘na˘ 'máa˘ quí˘na˘ fí˘ é˘ jmí˘ lí˘ lí˘ dséee˘ laco˘ ngoo˘ e móo˘ quí˘na˘ na, jo mó˘du˘ fa˘ ja˘ lí˘na˘ 'ñu˘.

Joba˘ lajob cajméee˘ i˘ dsea˘ do, cabí˘bre e 'máa˘ quiá˘r˘ do fí˘ dsí˘ jmí˘; jo mí˘ cangí˘ jo, i˘ 'leáam˘ 'ñu˘ calí˘r˘ e jíi˘ o˘ ró˘r˘ fa˘ ni˘'óng˘guir e 'máa˘ do dsu˘ e ni˘ii˘ teáang˘˘ 'ñu˘. ⁷ Joba˘ i˘ dsea˘ quiá˘˘ Jesús i˘ iñ˘ eáang˘ do lalab casí˘r˘ Túa˘ Simón jo cajíñ˘˘:

—¡Fí˘baa˘ i˘ sing˘ dóo˘!

Jo dsifí˘ mí˘ calí˘lí˘ Túa˘ Simón e Fii˘bre i˘ sing˘ do, joba˘ lajmináb˘ caquí˘r˘ sí˘r˘ e ca'uøø˘r˘ lajee˘ jmóor˘ ta˘, jo ngí˘ jo canaaíñ˘ bár˘ jmí˘ e nidsér˘ fí˘ lí˘ sing˘ dsea˘ do, joba˘ lajob cajméer˘. ⁸ Jo i˘ dsea˘ caguiaang˘gui i˘ cóo˘˘ Túa˘ Simón do caguilím˘bre e fí˘ 'ni˘' jmí˘ do e teáaiñ˘ dsí˘ móo˘ e øøíñ˘ e 'máa˘ do, có˘ sí˘røøm˘ teáang˘˘ 'ñu˘, jo huíim˘jiu˘ lí˘ cangobí˘r˘ e 'máa˘ do laco˘gui 'ni˘' guíee˘, có˘ tíib˘jiu˘ la cien metros. ⁹ Jo mí˘ tí˘ lí˘ caquíng˘˘ tur fí˘ uøø˘ quiá˘˘, joba˘ cangár˘ cóo˘ lí˘ nínicají˘ dsea˘ jì˘, jo e fí˘ ni˘ jito˘ quiá˘˘ e jì˘ do níráang˘ jaang˘ 'ñu˘ cóo˘˘gui iñí˘. ¹⁰ Jo lalab cajíng˘˘ Jesús casí˘r˘ i˘ dsea˘ quiá˘r˘ do:

—Cuøøng˘na˘ jaang˘ gáng˘ 'ñu˘ i˘ nicalí˘na˘ na.

¹¹ Jo mí˘ cajíng˘˘ Jesús lajo, joba˘ cajgóo˘ Túa˘ Simón fí˘ yú˘ e móo˘ do quiá˘r˘, jo ca'øøíñ˘ e 'máa˘ do dseáng˘˘ catí˘ ni˘ tóo˘ 'ni˘' jmí˘. Jo dseáng˘˘ eáam˘ ii˘ do, có˘ ciento cincuenta y tres 'ñu˘ calí˘r˘ ie˘ jo, jo jmang˘ i˘ cøøm˘ cajo; jo dsu˘ cateáb˘ e 'máa˘ do e ja˘ ca'guí˘ nañí˘ fa˘ fíim˘ i˘ 'ñu˘ do calí˘r˘. ¹² Jo mí˘ calí˘ e jo, lalab cajíng˘˘ Jesús casí˘r˘ i˘ dsea˘ quiá˘r˘ do:

—Níling˘na˘ ñiquíee˘na˘ í˘ ta'é.

Jo jíi˘ jaang˘ i˘ dsea˘ quiá˘r˘ do ja˘ teá˘ dsí˘r˘ fa˘ ee˘ níjmíng˘˘ dsea˘ do i˘ dseáng˘˘ líng˘ dsea˘ do, có˘ níbre e dsea˘ dob líng˘ Fí˘r˘. ¹³ Jo mí˘ cangí˘ jo, cangoquíeeng˘ Jesús fí˘ quini˘

¿ dseá quiá'r- do jō casá'r- e iñí' do jōgui casaiñ'- i ñu do cajo, jō canaaiñ' jmóor' guié' jee i dseá quiá'r- do. Jō jalém'bre cagó'r' ie jō.

14 Jō cóo' e lab catí 'ní ya' e cajmingí' ñia' Jesús fí jee dseá quiá'r- ie mi cangí e cají'tur calé' catú'.

Mi casang' Jesús cóo' Tú Simón

15 Jō mi tí lí cangí e cagó'r' e í' ta'é do, lalab cajmingí' Jesús i Tú Simón do jō casí'r- dseá do lala:

—Tú Simón, jō' jaang' dseañu' i sií Juan, ¿su eáang'gui 'neáan' jnea lacó'gui i dseá quié' e i caguiaang'gui la?

Jōba' cañí' Tú Simón quiá' Jesús jō casí'r- dseá do lala:

—Lajob lí Fí'i, có' ñí'ba' 'nu' guiá' e 'neáam'baa 'nu'.

Jōba' cañí'tu Jesús quiá' Tú Simón jō cajíñ':

—Te' fíing' røø' jaléng' dseá i líng' lafa' jo'se' jiuung' quié' e.

16 Jō mi cangí jō, caléb'tu cajmingí' Jesús i Tú Simón do jō casí'tur dseá do:

—Tú Simón, jō' jaang' dseañu' i sií Juan, ¿su 'neáan' jnea'?

Jōba' cañí'tu Tú Simón quiá' Jesús jō cajíñ':

—Lajob lí Fí'i, có' ñí'ba' guiá' e 'neáam'baa 'nu'.

Jō ngí jō, caléb'tu cajíng' Jesús casí'r- dseá do lala:

—Jmee' í' jaléng' dseá i líng' lafa' jo'se' quié' e.

17 Jō cóo' e la catí 'ní ya' e jmingí' Jesús i Tú Simón do jō cajíng'-tur calé' catú':

—Tú Simón, jō' jaang' dseañu' i sií Juan, ¿su 'neáan' jnea'?

Jō mi canú' Tú e júu' jō calé' catú', jōba' fí'ba' calíñ', có' cóo' e la catí 'ní yab' e jmingí' Jesús í' su 'neáang' dseá do í'.

Jōba' cañí'tu Tú Simón quiá' dseá do jō cajíñ':

—Fí'i, guiáb' dseáng' ñí'ba' lajalé', jōba' ñí'ba' e 'neáam'baa 'nu'.

Jō ngí jō, calé' catú' cañí' Jesús quiá' Tú Simón jō casí'r- dseá do lala:

—Jmee' í' jaléng' dseá i líng' lafa' jo'se' quié' e. 18 Jō e laba' jmitaa' o', e ie lamí bí'bi a', guía'ba' guiá' quií' e guo' jíe' fí lí iin'; jō dsu' mi tí lí nídseáan', niní' cué' jō dseá jíem' niguiá' guiá' quií', jōgui nijéiñ' 'nu' jíe' fí lí ja' iin' guó'.

19 Jō casí' Jesús i Tú Simón do lana e lí' lacó' jmóor' júu' jial nijúung' dseá do mi nití' í' lajō, jōgui nidsingíñ' do lajō e lí' lacó' nijmi'gó' dseá Fidié' cóo' e 'mó' quiá'r- do. Jō mi cangí jō, cajíng'-gui Jesús casí'r- Tú Simón:

—Ja' güihuín' cóo' jnea'!

I dseá quiá' Jesús i iñ' eáang' do

20 Jō mi cangí e cajíng' Jesús e júu' na, jōba' cají'tu Tú Simón nir' jō mifíng' cangáiñ' i dseá quiá' Jesús i eáang' 'neáaiñ' do e jáaiñ' do caluur', jō i dseá íb' cajo i caguá' cáang' Jesús ie mi cagó'r' í' canu', jō cajmingí'r- dseá do e i dseáng' lajee' la'ó' í' i ni'ning' ír'. 21 Jō mi tí lí cangáng'-tu Tú Simón i dseá do, jōba' lalab cajmingí'r- Jesús jō cajíñ':

—Fí'i, jō i dseañu' i sing' la, ¿e' nidsingíñ'?

22 Jōba' cañí'tu Jesús calé' catú' quiá' i dseá do jō casí'-reiñ':

—Jō song jnea' iin' e seem'bi i dseañu' la cartí mi nigüéeng'túu' fí jmigüi' la calé' catú', jōba' ¿e' cuaiñ' quií' 'nu' uii' quiá' i dseañu' la? Lí'ba' ja' güihuín' cóo' jnea'.

23 Jō jōba' mi canaang' e ngí júu' jee' jaléng' dseá quiá' Dseá Jmáang' e i dseá i iing' Jesús eáang' do ja' nijúuñ'. Jō dsu' ja' cajíng' Jesús fa' dseáng' e ja' nijúung' i dseá do, có' lalaba' cajíñ': “Song jnea' iin' e seeiñ' cartí mi nigüéeng'túu' fí jmigüi' la calé' catú', jōba' ¿e' cuaiñ' quií' 'nu' facó' lajō?”

24 Jō i dseá i iing' Jesús eáang' dob cajo, í'bing' i tí' ni' jalé' e cangojé' do jōgui jmo'r' jalé' e júu' la. Jōgui ne'baa' røø' e jmingí' júu' já'ba' fé'r'.

²⁵ Jo jmiɡuĩ^u bĩ jalé^ˆ e cajméé` Jesús jĩ^ˆ laco^ˆ e silĩ^ˆ e fĩ ní jĩ^ˆ la, joguĩ faco^ˆ nilĩ^ˆ fĩ ní jĩ^ˆ dseáng^ˆ lajalé^ˆ e cajméer` do, joba^ˆ jĩ^ˆ fĩ jmiɡüĩ^ˆ ja` ní^ˆ jalé^ˆ e jĩ^ˆ jō faco^ˆ lajō.
Jo lanab cadséng^ˆ jalé^ˆ júu^ˆ quiá^ˆ Dsea` Jmáang^ˆ e cajme^ˆ Juan.
Jo lajob nilĩ^ˆ.

Jalé' e cajmée` dsea` i óo` ta~ quiá'- Fidié`

Mi~ cacuø' Dsea` Jmáang` júu` quiá'r` e ni'íng' dsea` Jmiguí` quiá'- Fidié`

¹ Jnea~ Lucas nicajmée' e la'uii~ cõo` jì e catíng` 'nua, Teófilo, li~ fé' jalé' e cajmée` Jesús jogui jalé' e ca'er' latí mi~ canaaiñ` jmóor` ta~ quiá'r` ² cartí mi~ caguié` jmii~ e cangáin' fí ñiff'. Dsu' lajee` ná'-gui e nidséin' do, caseáin' jaléng' i dsea` quiá'r` i caguín' i cangí' cóo'r` do, jo la'eáang` cóo' Jmiguí` quiá'- Fidié` casí' rein' jalé' e 'né` nijméin' do fí' quini~ jaléng' dsea`. ³ Jo dsu' lana nijmée' e e jì la quiá'- mi~ cangí'ba' e cajúng` Dsea` Jmáang` jogui cajíb'tur calé` catú` jo cajmijnéeng` 'ñia'r' jee~ jaléng' i dsea` apóo` i óo` ta~ quiá'- Fidié` do e laco' niliñi' dsea` do e lajam'ba' e nicajíb'tur. Jo mi~ cangí' jo, cateáang`guir jii~ tuló` jmii~ fí' jmigüi' la, jo lajee` jo éeng` 'ñia'r' jee~ jaléng' i dsea` do e dseáng' nicajíb'tur, jogui lajee` jo ca'er' jaléng' i dsea` i jial iing` Fidié` cár` nifí' quiá'- dsea` jmigüi'.

⁴ Jo lajee` e táam'bi Jesús cóo' jaléng' i dsea` quiá'r` do, jo casí'r` jaléng' i e ja` mí' uóin' do lajminá` fí' Jerusalén, jogui casí'guir dsea` do cajo jo cajín':

—Nijøøm`ba' fí' Jerusalén la cartí niliti~ lajii~ e júu` e nicacuø' Tiquié`e 'nú' lamí~ jéeng'gui, lí' laco'gui jii~ e nicafii` i 'nú' jéeng'gui cajo. ⁵ Dsu' e já'-ba' e i Juan do caseáin' dsea` jmii` cóo' jmii~, dsu' lajee` lajminá` jnea~ nicuøøø` 'nú' e niñíng'na' Jmiguí` quiá'- Fidié`.

Mi~ cangáng` Jesús fí' ñiff`

⁶ Jo mi~ cangí' jo, i dsea` quiá'- Jesús i teáang` cóo'r` do fí' mó' Olivos ie~ jo cajmingí'r` dsea` do lala:

—Fí'ii', ¿su lana nicatí' í' e nijmée'tu' e ni'neeng`naa' dseata~ quí'naa' yee~naa' fí' góo'naa'?

⁷ Joba' cañi' Jesús quiá'- i dsea` do jo cajín':

—Ja` 'né` ñí'na' e~ jmii` o'gui e~ jii` nijmé` Tiquié`e Fidié` jalé' e nijmér`, co' jii~ 'ñia'bre ñir' jogui sea' fí' quiá'r` e nijmér` e jo. ⁸ Dsu' mi~ niñíng'na' Jmiguí` quiá'- Fidié` lajaang` lajaang'na', job nilisea` bí' quí'na' e laco' nigüiguiá'na' júu` quié` e fí' la'úng` jee` fi~ Jerusalén cóo'gui latøøng` lí' se' Judea, jogui lajobi cajo fí' lí' se' Samaria, jogui fí' la'úng` fí' jmigüi'.

⁹ Jo mi~ lí' casí'r` lajo, lajee` teáang` i dsea` quiá'r` do jøøm`brein', canaang` Jesús soor` fí' yá' jmigüi' cartí caquiiñ' jee~ cabøø` jnií', jo jo` cangáng`guir dsea` do.

¹⁰ Jo lajee` teáang` i dsea` do jøør` fí' lí' cangáng' Jesús, cõo` cajném` gáng` dseañu' i qui' 'mi' té' fí' lí' teáang` i dsea` do ¹¹ jo cajín' casí'-rein':

—Dsea` Israel i seeng` fí' Galilea, ¿jiali' teáang`na' jøør`na' fí' yá'? Co' Fidié` nicatø'r` fí' ñiff` i Jesús i cangí' cóo' 'nú' do, jo laco' cañi'na' jial cajgóor` fí' yá' do, lajob nijáa'tur fí' jmigüi' la calé' catú` mi~ nití' í' lajo.

Mi~ caguín' Matí' e ni'ir` cuaiñ` quiá'- Judas Iscariote

¹² Jo mi~ cangí' jo, caquim' i dsea` cangí' cóo' Jesús e fí' mó' Olivos do, jo cangolím'tur fí' Jerusalén, co' quiáb' néé' e fi~ jo, jogui jii~ jo cuøøng`ngí' dsea` Israel mi~ jmii~ e jmi'ín'.

¹³ Jo mi~ caguilíin' fí' jo, cangotáaiñ' fí' cõo` dsí' sinúu` e tú` fíng`, co' fí' job lí' nineáaiñ'. Jo i dsea` i caseáng' fí' jo siir` Tú` Simón jogui Jacóo` jogui Juan jogui Dí' jogui Lii~ jogui Mó' jogui Bartolomé jogui Mateo jogui jaang`gui i sii' Jacóo` jóo' Alfeo, cóo'gui jaang`gui i sii' Simón i líng` dsea` celote, jo cóo' jaang`gui cajo i sii' Judas rúng' Jacóo'. ¹⁴ Jo jalém' i dsea` na seáin' contøøng` e féin' Fidié` colíng` cóo' jaléng' rúng' Jesús cóo'gui Yá', niquíá' dsea` do, cóo'gui jaléng' dseamí' caguiaang`gui.

15 Jo jaléng' dsea` i caseáng' fí jo tíbre ciento veinte. Jo nineáaiñ' lajim`bre mi` caráang` i Tú` Simón do jo café'r` júu` quiá'r` jo casí'r` dsea` do:

16 —Dsea` rú'uu', ne`baa' e calitib` jalé' e cajíng' Jmiguí` quiá'- Fidiéé` la'eáang' cóo' i dsea` áang' qui`-ii` i sii` Daví' i caliséng` malií` eáang', jo catéer` fí ni` ji` quiá'- Fidiéé` lí` fé' uii` quiá'- i Judas Iscariote do i cacá` nifí` quiá'- i dsea` i 'ní'` cangáng` Jesús mi` casaiñ'- dsea` do. 17 Jo i Judas Iscariote do líiñ' jaang` dsea` i lamí` quíng' jee` jnea', dsea` líi' dsea` quiá'- Jesús, jo seab` guiéé` quiá'r` cóo' jalé' ta` e jmoo` naa'. 18 Dsu' mi` cangf e ca'níiñ` dsea` do, jo cóo' e cuu` e calí'r` quiá'- lajii` e 'lí' e cajméer` do, calár` cóo` uó`, jo fí` job ca'ing' 'ñia'r` jo cajngang' 'ñia'r', jo e fí` ni` uó` dob catóñ' jo cajná'- moguir` jogui tu'r` ca'guib` jo cajúm`bre. 19 Jo mi` caliñí` jaléng' dsea` seeng' fí` Jerusalén e calí` lado, joba' catéer` e nilisii` Acéldama e uó` do e guóng' cóo' jmí' quiá'r` Uó` lí` Catuu` Jmí'øng`.

20 Jo cajíng'`gui i Tú` Simón do uii` quiá'- Judas Iscariote:

—Jo tóo` cóo` fí` ni` ji` quiá'- Fidiéé` e sii` salmos lala:

'Né` e jøb` nijé` éé` quiá'r`;

jo jii` jaang` ja` ii` nigüea`.

Jogui tóo`gui cajo:

'Né` e jaang`gui i nijmé` ta` cuaiñ` quiá'r`.

Jo lajob too` fí` ni` ji` quiá'- Fidiéé`.

21-22 'Joba' né` niguíng'`naa' jaang`gui i níngí` cóo' jnea`aa' i ní'ing` cuaiñ` quiá'- i Judas Iscariote do, jogui røøb` niguiá`naa' júu` jial mi` cají'tu` Jesús mi` cangf e cajúñ`. Dsu' 'né` e líiñ' jaang` i cangí` cóo' jnea`aa' lata` catí` mi` casée` Juan jmíi` quiá'- Jesús jogui cartí` mi` cangáiñ'- fí` nífi`.

Jo lanab cajíng'` Tú` Simón casí'r` jaléng' i dsea` do ie` jo.

23 Joba' cagúing' jaléng' i dsea` do gáng` dseañu': jaang` i sii` Sé` Barsabás jogui sii`bir Justo cajo, cóo' jaang`gui i sii` Matí`.

24-25 Jo mi` cangf jo, jaléng' i dsea` do camí'r` Fidiéé` lala jo cajíñ'-:

—Fíi`naa', 'nub` dsea` nicuíi` dsíi` dsea` lajaang` lajaañ`. Míi`naa' 'nu` e nífi` jnea` i lajee` laji` huáang` i dsea` la nicagúin` e níngí` cóo' jnea`, dsea` guijáng`naa', dsea` ca'uíng`naa' dsea` quíi`, e ní'iñ` cuaiñ` quiá'- i Judas Iscariote do, dsea` nicangáiñ'- fí` lí` catíiñ` uii` e dsee` e ca'éer` do.

26 Jo mi` cangf jo, cacóor` e quiá'- ii` nilí` lajee` laji` huáaiñ` do; joba' Matí`bing' calí`, jo íb` ca'ing` cuaiñ` quiá'- i Judas do, jo colim` canaaiñ` níngí` cóo' i dsea` apóo` guijáng` do ladsifí` lado.

2

Mí` ca'ing` dsea` quiá'- Dsea` Jmáang` Jmiguí` quiá'- Fidiéé`

1 Jo mi` cangf jo, jo cagüea` cóo` jmíi` quiá'- dsea` Israel e sii` Pentecostés quiá'- mi` catí` cincuenta jmíi` e canaang` roo` jalé' e jnir`. Jo ie` jo, dob nisiseáng' jaléng' dsea` quiá'- Dsea` Jmáang` e fí` lí` tíiñ` e seaiñ' do.

2 Jo lajee` teáaiñ` e fí` dsíi` sinúu` jo, cóo` canúu`bre e ii` fí` yá'` jmigüi` laco'gui ii` mi` íi` guí` e teá` eáang', jo cóob` mi` canaang` ii` fí` la'úng` e fí` dsíi` sinúu` lí` neáaiñ` do, 3 jo cajnéng` cóo` e lí`jiu` la lí' mi` sóng'` ji` fí` yá'` gui` lajaang` lajaang` i dsea` do. Jo caje` cóo` e jo quiá'- lajaang` lajaañ` do. 4 Jo lajob ca'íñ' Jmiguí` quiá'- Fidiéé`, jo lajaang` lajaam`bre canaaiñ` fé'r` jmíi` e jíe' e ja` mí` cuír` jéeng`gui lí' laco'gui ta` jmoo` e Jmiguí` do jee` ír`.

5 Jo ie` jo teáang'` fíng` dsea` Israel fí` Jerusalén i jalíng` fí` la'úng` fí` jmigüi` e laco'gui nijmitir` lajii` e táng` dsea` do fí` jo e jmiféiñ' Fidiéé`. 6 Jo mi` canúur` e ii` do lafa' e íi` guí, jo casitíng` rúñ' jogui caseáng' rúñ' ladsifí` lado fí` jo, fí` lí` neáang' dsea` quiá'- Dsea` Jmáang`. Jo mi` caseaiñ' lajiiñ' do e fí` jo, ja` níir` jialí' núur` e nífé' i dsea` do jmíi` quiá'r` lajaang` lajaañ`.

⁷ Jō dsíng' cangogá dsí' jaléng' i dsea i caseáng' do ie jō, co' ja' í dsí' e ninír' jalé' e jō, jō canaañ' sñiñ' lajee' yaaiñ' lala:

—iDsea' góo'naa' dsea' Israel i seeng' fí Galileabi lajüing' i fé' na! ⁸ Jō zjali' nua'naa' e fé'r' jmí' quí'naa'? ⁹ Jō jmaquíim' bi lí se'naa' lajaang' lajaang'naa', co' lab néeng'naa' lana dsea' góo'naa' dsea' Israel i seeng' fí Partia, jōgui i seeng' fí Media, jōgui dsea' Elam, cóo'gui dsea' Mesopotamia, jōgui cóo' dsea' i seeng' fí Judea, jōgui i seeng' fí Capodocia, cóo'gui dsea' seeng' fí Ponto, cóo'gui dsea' seeng' fí Frigia cóo'gui fí Panfilia lí se' Asia, ¹⁰ jōgui cajo dsea' seeng' fí Egipto, cóo'gui dsea' seeng' fí lí se' Libia quíá' laco' Cirene jōgui quíem' bi dsea' cajo i jalíng' fí Roma ¹¹ i líng' dsea' Israel latí' mī cangáang', jōgui i líng'gui jobi nica'uñ' laco'gui jneaa'aa', dsea' Israel. Jōgui quíim' bi dsea' i jalíng' fí lí se' Creta cajo cóo'gui fí lí se' Arabia. Jō lajaang' lajaam'baa' nua'naa' e fé'r' jmí' quí'ii' e quíá' jial laniing' 'gøng' Fidié' cóo' jalé' e jmóor' do jee' dsea'.

¹² Jō dsíng' dsigá dsí' lajñiñ', co' ja' ñir' jiali' calí' la do, jō sñiñ' lajee' yaaiñ':

—¿E' uing' e calí' jalé' e lala, faa'aa'?

¹³ Dsü' i líng'gui i dsea' i caseáng' do jmineam' breiñ' do jō fé'r':

—iMéeb' nica'iñ' na! iE' ni'im'biñ' na! Jōba' fé'r' lajō.

Jalé' e casí' Tü' Simón dsea' i teáng' do ie jō

¹⁴ Jō mī canúu' Tü' Simón e fé' i dsea' do lado, jōba' caráañ' café'r' uii' quíá' lajñiñ' la'ó' calíñ' dsea' ngí' cóo' Jesús, jō lalab casí' reiñ' do cóo' júu' teá':

—Dsea' rú'uu' dsea' Israel cóo'gui jaléng' dsea' jiéng' i nineáng' fí Jerusalén la, núu'na' júu' e nifá'a la jōgui quíe'na' cuente røø. ¹⁵ Co' jnea' ja' íng'naa' laco'gui la í óo'na', co' ee'bi, nábi nití' la ii' ñú' la'ee'. ¹⁶ Jō ja' lí' laco' la í óo'na', co' lanagui niliti' laco'gui cajíng' Joel i café' cuaiñ' quíá' Fidié' malii'gui mī cajíñ' lala:

¹⁷ Lalab nidsijé' mī nijaquíéng' e ni'íng' jmigüí,

co' lalab cajíng' Fidié' malii'gui:

Nicuøøø Jmiguí' quíe' e laca'íng' dsea' jmigüí;

jōgui jaléng' jōo'na' dseañu' dseam' niguiár' júu' e fé'r' cuaiñ' quíe' e,

jōgui jaléng' siming' ninír' laco'gui mī quir' jalé' e nijmee' e,

jōgui jaléng' dsea' yúu' niquír' jalé' e nidsijé' cøøng'gui.

¹⁸ Jōgui nicuøøø jaléng' dseañu' dseam' i jmóo' lajú' e iing' jnea' Jmiguí' quíe' e,

jō lajōb niguiár' júu' cuaiñ' quíe' e mī nití' í' lajō.

¹⁹ Jōgui fí yá' jmigüí' nijmee' e jalé' e quí' i jmí' e dsigá dsí' dsea',

jōgui fí guóo' uø' la niní' dsea' jmi'øøng' cóo'gui jī' e coo' jōgui niróo' jmiñi' e 'ñuu'.

²⁰ Jō jō' nijneá'gui jī' iee',

jōgui sí' yúum' bre nijnéiñ' laco'gui la lí' jmi'øøng'.

Jō nidsijé' jalé' e jō nú'gui e jmí' laniing' 'gøng' do

mī nijáa'tu Dsea' Jmáang' fí jmigüí' la e niquidsir' í' quíá' dsea' jmigüí'.

²¹ Jō jaléng' dsea' i mī' jnea' e nijmicóo'ore,

dsea' íb' i nileáng' e ja' ni'íñ' iihu' mī nití' í' lajō.

Jō lanab lí' júu' quíá' Fidié' e calíng' Joel mali'gui eáang'.

²² Jō lalab cajíng'gui Tü' Simón casí'r' dsea' góor' dsea' Israel ie jō:

—Núu'gui' jalé' e júu' e nifí' i 'nú' la. Lajñ'baa' nine'naa' guí' jalé' e quí' Jesús i seeng' fí Nazaret jmí' jmóor', jō dsigá dsí' dsea' cóo' jalé' lí' e quí'r' jmí' jmóor' la'eáang' cóo' Fidié'. Jōba' caline'naa' e dsea' íb' casíñ' dsea' do fí' la. ²³ Jōgui cajáng' dsea' Jesús fí jaguóo'na' lí' laco' nisi'í' quíá' Fidié' lami' jéeng'gui, co' lajōb nisi'íñ' quíá' dsea' do. Jōgui 'nú' caséng'na're cartí' cajngang'na're e cateáng'na'r fí dse' crúu' la'eáang' cóo' jaléng' dsea' soo' dsí' rúng'na'. ²⁴ Dsü' Fidié' cajméer' e cajlb'tu dsea' do, jōgui caleám'bre dsea' do ni' mó', dsuco' ja' cuøøng' e Jesús nijé'guir' e 'líñiñ'. ²⁵ Dsüco'

lalah cajíng' dseata qui'ii' Daví' malíi'gui eáang' e fé'r' cuaiñ~ quiá'- Jesús mi~ cajíñ'- lala:

Contøøm- ñii- e Fíi' Fidié' quier' nifí' quié- e lacaang' fí' lí' ngíi-,
jogui í'bi i to' fíing' jnea~ jié' fí' lí' seen-,
joba' dseáng'- ja' e fí' quié- e jíi' cøø`.

²⁶ Jo dseáng'- eám' iáang' dsii- cartí' øø- quiá'- e iáang' dsii- do,
jo contøøm- seen- e ta~ dsii- e jém' Fíi' jnea~.

²⁷ Co' ja' nicuø- Fidié' fí' e nija' jnea~ fí' dsí' tó' ée',
o'gui nicuør- fí' fa' lí' nijgié' lajo ngúu' táan'n, dsea' güeán'^n i jmóo' lajii' ta~ e iing' ír'.

²⁸ Co' dsea' íb' dsea' ca'e' jnea~ jial laco' niliseen- fí' jmigüi' cøø'r',
jo lajoba' eám' nili' iáang' dsii-, co' colíim~ niliseen- cøø'r'.

Jo lanab jíi' lí' júu' quiá'- dseata qui'ii' Daví' e café'r' cuaiñ~ quiá'- Jesús.

²⁹ Jo fíi' guíi' 'nú', dsea' rú'naa', cuøø'tea' jnea~ fí' e nifón'^n 'nú' car' ngocáng' dsii- e i qui'ii' dseata Daví' do ja' fé'r' uii~ quiá'r- 'ñia'r', co' e jal'ba' cajúm-bre jogui ca'am-bre cajo, jo e ée' quiá'r- do sijí'bi latí' lana jee~ jneaa'aa'. ³⁰ Dsu' i Daví' do calíiñ- jaang' dsea' i café' cuaiñ~ quiá'- Fidié' malíi'gui eáang', jogui ñi'bre guiá- e Fidié' cacuør' dseáng'- júu' jal' quiá'r- e nicuøiñ- jaang' lajee' i dsea' sijur' do i nilíng- dseata dsea' féng' qui'ii', dsea' líi' dsea' Israel. ³¹ Jo e lafa' nijøøb- i dseata Daví' do jo café'r' uii~ quiá'- Dsea' Jmáang-, i dsea' i casíng- Fidié' fí' jmigüi' la e quiá'- nijíb'tu dsea' do mi~ ning' e nijúuiñ- ie~ mi~ cajíñ'- e ja' nijé- i dsea' na fí' dsí' tó' ée' quiá'r-, o'gui nijgié' jalé' ngúu' táaiñ' fí' dsí' e too' ée' do. ³² Jo lajob líi', co' Fidié' cajméer' e cají'tu Jesús mi~ cang' e cajúñ-, jo lajaléb' e calí- do neb~ jneaa'aa' lajii'naa'. ³³ Jogui mi~ cang' e cají'tur do, cangáñ'- fí' lí' guíng' Fidié' fí' ñifí- e ngogüear' lí- lí' dsée' laco' guíng~ dsea' do. Jo fí' job ca'íng' dsea' do e Jmiguí' e cacuø' Tiquiá'r' Fidié' e laco' nicuør- jaléng' dsea' quiá'r- lí' laco'gui júu' e nicacuø' lami~ jéeng'gui. Jo e lab lajii' e nicañii' 'nú' jogui e nicanúu'na' lajee' lana. ³⁴ Dsucø' o' i líi' dseata Daví' i cangáng'- fí' ñifí- la quié' ngúu' táaiñ' do laco'gui cangáng'- Jesús, dsucø' 'ñiab' i Daví' do cajíñ'- lala ie~ jo:

'Ñia' Fidié' casí'r- Fíi'naa' jo cajíñ'-:

"Fí' lab niní' lí' lí' dsée' laco' guíng~n la

³⁵ cartí' nijmee~ jnea~ e nilinúu' jaléng' dsea' júu' quií'-, jaléng' i 'ní' níng- 'nu'."

³⁶ Jo güiline'baa' guiá- jaléng' jneaa'aa', dsea' líi' dsea' Israel, e i Jesús i cateáang' 'nú' fí' dse' crúu' do, í'bing' cacuøøng' Fidié' e líiñ' Fii' quiá'- jaléng' dsea' jmigüi', jogui caleáaiñ' jneaa'aa' jee~ dsee- qui'ii' cajo.

³⁷ Jo mi~ canúu- jaléng' i dsea' i siseáng' do e júu' quiá'- i Tú' Simón do, dsíng'- calíiñ- fí'í'. Joba' cajmingí'r- i Tú' Simón do cøø'gui i dsea' apóo' caguaang-gui do jo cajíñ'- casí'-reiñ':

—Dsea' rú'uu', ¿e~ mí' sea' uii~ quiá'- jalé' dsee- e nica'ee'naa'?

³⁸ Jo cañii' Tú' Simón quiá'- jaléng' i dsea' do jo cajíñ'-:

—'Né- quí'- jíng' yaang'na' fí' quini' Fidié', jogui nisáng'na' jmíi' lajaang' lajaang'na' laco' cuø' lí- e nilíng'na' dsea' quiá'- Dsea' Jmáang-, jo lajoba' ní'íng- Fidié' jalé' dsee- quií'na', jogui nicuør- 'nú' Jmiguí' quiá'r- cajo. ³⁹ Jo e Jmiguí' e niñíng'na' do quiá'r- catím-ba' cøø'gui jaléng' joo'na' cajo cøø'gui lajüng' jaléng' dsea' lí' doñi' jié' fí' seeiñ', lí' lajaléng' i nisi'íng' quiá'- Fidié' i ni'uíng- dsea' quiá'r-.

⁴⁰ Jo cøø' e júu' lab jogui cøø' e jié'gui cajo e caliúng' Tú' Simón jaléng' i dsea' i caseáñ' fí' Jerusalén ie~ jo, jo lalah casí'-reiñ':

—jÁang' yaang'na' fí' jaguó' Fidié' e laco' ja' nigüilíng'na' fí' lí' 'lí' lí' laco'gui dsilíng' jaléng' dsea' dsee- dsea' quií'!

⁴¹ Jo lajob jíi' lí' júu' quiá'- Tú' Simón e casí'r- i dsea' do. Jo lajob líi', jaléng' i dsea' i jal' calíng- lajii' júu' quiá'- i Tú' Simón do, cajgáam-bre jmíi' e laco' cuø' lí- e ca'uíng- dsea' do dsea' quiá'- Dsea' Jmáang-. Jo ie~ jo 'ní' milgui dsea' i ca'uíng- dsea' quiá'- Dsea'

Jmáang̃, jo caquim̃-bre cóo~ jaléng' i dsea` quiá'- Dsea` Jmáang̃ caguaang̃-gui do ie~ jm̃ĩ jo. ⁴² Jogui lajim̃ i dsea` do dseáng'- ja` jmitúng̃ dsíir' lajii' e júu^ e guiá' jaléng' i dsea` apóo^ do, jogui røøb` jmóor` jmá'-jiu cóo~ jalé' e sea` quiá'r-. Jogui lajobi cajo e féiñ' Fidiée` jogui seáng' rúñ' lajiiñ' do e gø'r' ir~ coling~ e laco' jmiguiéng' dsíir' Dsea` Jmáang̃.

Jalé' e guiá' e ca'ée' la'uii' dsea` i já'- calng̃- júu^ quiá'- Dsea` Jmáang̃

⁴³ Jo ie~ jo lajalém' dsea` dsigá` dsíir' jalé' e li' e quíi'~ jm̃ĩ e jmóo` jaléng' i dsea` apóo^ do. ⁴⁴ Jo lajaléng' i dsea` i njá'- calng̃- júu^ quiá'- Dsea` Jmáang̃, eáam' guiá' conrøø` seeiñ', jogui jmóor` jmá'-jiu lajii' e sea` quiá'r- lajaang̃ lajaañ'; ⁴⁵ co' 'nñi'bre jalé' e sea` quiá'r-, jo e cuu- e li'r' do jmóor` jmá'-jiu li' jialco' li' 'né' quiá'r- lajaang̃ lajaañ'. ⁴⁶ Jo laco` jm̃ĩ seáng' rúñ' fi' sinúu^ guá'-, jo fi' quiá'- la'ó' rúñ' eáam' iáang̃ dsíir' gø'r' ir~ coling~ e ja` jmiyløng' yaañ~, ⁴⁷ jogui jmiféiñ' Fidiée`. Jo jaléng' dsea` eáam' guiá' fé'r' uii' quiáñ'-, jogui laco` jm̃ĩ laco` jm̃ĩ jmóo` Fidiée` e fíng̃gui dsea` ca'uiñ' dsea` quiá'- Dsea` Jmáang̃.

3

Mi' ca'laang̃- jaang̃ dsea` jlúung'

¹ Jo coo` jm̃ĩ i Tú^ Simón do cóo'~ gui Juan cangoliiñ' fi' guá'- fé' quiá'- dsea` góor` dsea` Israel e si' fi' Jerusalén la ii- 'ni' e ca'lóo-, co' e oor~ jo tuing̃ dsea` Israel e dsiféiñ'~ Fidiée`. ² Jo e fi' guá'- jo dsigüea` jaang̃ dsea` i jlúung' latí mi' cangáang'. Jo fi' job dsijéeng̃ dsea` i dseañu' jlúung' do laco` jm̃ĩ, jo dsigüeeiñ' fi' coo` o'nú^ quiá'- e guá'- do e sii' Li~ Niguo'^ e laco' mi'r' jaléng' dsea` i dsitáang' fi' jo jalé' e 'né'.

³ Dsu' mi' cangáng- i dsea` jlúung' do Tú^ Simón cóo'~ gui Juan e tí li' nidsitáañ' fi' dsíi' e sinúu^ guá'- do, joba' cajíng' i dsea` jlúung' do casí'r- i dsea` gáng- do:

—¿Já^ cuø' jnea~ lajii' e iáang' o'?

⁴ Jo lico' cajøøm- Tú^ Simón cóo'~ gui Juan i dsea` jlúung' do, jo cajíng' Tú^ Simón casí'-reiñ':

—Jøøng̃ jnea'.

⁵ Joba' tiib- cajeiñ' do lí^ eáam' cango'gó` dsíir', co' líiñ- e ling̃ ee` nicuøb'- i dsea` do ír'.

⁶ Joba' casí'- Tú^ Simón i dsea` jlúung' do jo cajíñ'-:

—Ja` oo- cutee` o'gui cunée` fa' e nicuøø`ø` 'nu', dsu' lajii' e cuøøng̃ cuøø` nicuøbaa: la'eáang' cóo'~ 'ñia' júu^ quiá'- Dsea` Jmáang̃, dsea` seeiñ' fi' Nazaret, ráan- jo ngi'.

⁷ Jo mi' calí- fé' Tú^ Simón lajo, catíiñ- guoo` dsée' quiá'- i dsea` jlúung' do jo caseang' neiñ'; jo dsifí' lajob catíng' bí tii- i dsea` jlúung' do cóo'~ gui lutii'r. ⁸ Jo lico' ca'ím- i dsea` jlúung' do, jo dsifí' lajob casíñ'-, jo canaaiñ' ngi'bre jóng. Jo mi' cangf̃ jo, ca'í-bre cóo'~ i dsea` gáng- do fi' dsíi' sinúu^ guá'- e ningir', jo cangáñ'- íiñ' fi' dsíi' jo e jmiféiñ' Fidiée`.

⁹ Jo mi' cangá- jaléng' i dsea` do e cangib' i dsea` jlúung' do jogui e jmiféiñ' Fidiée`, ¹⁰ joba' eáam' cango'gó` dsíi' i dsea` do, jogui cafóm' bir cajo mi' cangár- e ca'laam- i dsea` jlúung' do, co' niñib' i dsea` do e i dsea` jlúung' dob i lamí- gua' e fi' o'nú^ guá'- li' sii' Li~ Niguo'^ do e mir' jalé' e 'né'.

Mi' café' Tú^ Simón júu^ güf' quiá'r-

¹¹ Jo mi' cangf̃ jo, i dsea` jlúung' i ca'laang̃ do dseáng'- jo` tiuum- bre Tú^ Simón cóo'~ gui Juan. Jogui lajim̃ i dsea` teáang̃ fi' do ie~ jo eáam' cango'gó` dsíir', jogui canaaiñ' e dsiliiñ- e fi' siguí quiá'- guá'- fé' do fi' li' sii' Ni'núu' quiá'- dseata~ Salomón, co' fi' job taang̃ i dsea` gaang̃ do. ¹² Jo mi' cangá- Tú^ Simón e guilíng̃ jaléng' i dsea` do fi' do, joba' casí'-reiñ' jo cajíñ'-:

—¿Jialí' dsi'gò' óo' 'nú', dsea` rú'naa' dsea` Israel, uí' e ca'láang` i dseañu' la? ¿Jialí' jøøng`na' jnea'^ gó'naa'? Co' o' jnea'^ dsea` cajmi'leáang`naa' i dseañu' la fa' cóo' la'eáang' e 'gøng`naa' o'gui la'eáang' e dsíng'- jmiféng`naa' Fidiée'. ¹³ Dsu' Fidiée' i cajmiféng' 'lii' yáa' qui'ii' i sii' Abraham jogui Isáa' jogui Jacóo' cóo' jaléng'gui dsea` áang' qui'naa', íb' Fidiée' i caguiéng' yá'gui i Fii'naa' Jesús i jmóo' lajii' e iing` dsea` do. Dsu' 'nú' cajáang`na'r fí' quini' jaléng' dseata~, jogui caguijeaang`na'r fí' quini' dseata~ dsea` féng' i sii' Pilato. Jo i dseata~ í' lamí' iin` e nileám`bre Jesús, dsu' 'nú' ja' cacuó'na' fí' lajo fa' e caleáaiñ` dsea` do. ¹⁴ Jogui lafa' e nilaang`na're dsea` líiñ' jaang' dsea` güeang'^ jogui éer` røø, dsu' lí' riquib' cajmee`na'. Co' 'nú' camí'na' e caláang` jaang' dsea` i 'lée' i nicajngang' dsea` rúng' lafa' e nilaang`na' ír', ¹⁵ jogui lajobi camí' 'nú' e cajnga' dsea` quiá'- i dsea` i cuø' jneaa`aa' e see`naa' cøøng' cóo' Fidiée' lata~. Dsu' Fidiée' cajmээр' e cají'tu dsea` do calé' catú' jee~ jaléng' 'lii~, jo ne`baa' guiá~ lajii'naa', dsea` líi' dsea` apóo^, jalé' e jo. ¹⁶ Dsuo' e la'eáang' e jáb'- calíng` i dsea` jlúung' i jøøng` máang`na' la e quíib' Jesús jmí~ e cajmi'leáaiñ` dsea` do, joba' nicalibíim`tur jogui nica'láam`bre lana lí' laco'gui nicañi'na' na.

¹⁷ Jo niñi'baa guiá~, dsea` rú'naa' dsea` Israel, e ja` ñib^ 'nú' o'gui dsea` i quie' nifí' qui'ii' ñir' jalé' e cajmee`na' mi~ cajngang`na' Jesús. ¹⁸ Dsu' mi~ cajngang`na're, job dseáng'- cajmiti~ Fidiée' lajii' júu^ e cacuø' lamí' jééng'gui e caguia' jaléng' dsea` i café' cuaiñ~ quiá'r- mi~ cajíñ'- lala, e dseáng'- nisi'í'ba' e nijnga'- dsea` quiá'- i dsea` i sijeeng`naa' fí' jmigüí' la i nisíng` Fidiée' i nileáang` jneaa`aa' jee~ dsee` qui'ii'.

¹⁹ Joba' fii' i 'nú' e qui' jíing' yaang`na' fí' quini' Fidiée' jogui jáang' yaang`na' fí' jaguór', jo lajoba' ni'íiñ` dsee` qui'na'. Jo jangám` Fii'naa' Dsea` Jmáang` nijmér` e nili'íáang` óo'na' jogui e niliseeng`na' juguiá~ júu^ røø cóo'r'. ²⁰ Jo Fidiée' nisíng`tur Jesús fí' jmigüí' la, jo dsea` íb' cajo i caguíng' dsea` do lati' mi~ uing` e laco' niliñ` dsea` quie' nifí' qui'ii', dsea` líi' dsea` Israel, lí' laco'gui nicajíñ'- lamí' jééng'gui. ²¹ Dsu' lajee` lana, fí' ñiff`bi 'né' seeiñ` cartí' mi~ niguiá~ tu Fidiée' guiá~ lajalé' e sea' fí' jmigüí' laco'gui toø' fí' ni~ jì' quiá'r- jogui laco'gui casí'r- dsea` quiá'r- i café' cuaiñ~ quiá'r- mali~gui eáang', ²² lí' laco' cajíng'- Moi' ie~ jo ie~ mi~ casí'r- jaléng' 'lii~ dsea` cøøng' qui'naa' lala: “Fii'naa' Fidiéeb` niguíng' jaang' dsea` lajee` dsea` góo'naa' i nifé' cuaiñ~ quiá'r- lí' laco'gui caguíñ' jnea~ e fá'a cuaiñ~ quiá'r-. Jogui 'né' jmee`na' núu'ba' jalé' júu^ quiá'r-. ²³ Dsuo' jaléng' dsea` i ja' nilíji' jalé' júu^ quiá'- dsea` do, ni'íim`bre jo ni'nám`bre congua' jee~ jneaa`aa', dsea` líi' dsea` quiá'- Fidiée'.” Jo lanab cajíng'- Moi' ie~ jo.

²⁴ Jo lajim` dsea` i café' cuaiñ~ quiá'- Fidiée' mali~gui eáang', canaang' lati' cóo' Samuel cartí' lana, røøb` júu^ caguiar' quiá'- jalé' e dsijéé' lajee` lana. ²⁵ Jogui 'nú'bi cajo catíng`na' lajii' júu^ e cacuø' Fidiée' lamí' jééng'gui la'eáang' cóo' dsea` i caguia' júu^ quiá'r-. Jogui nicatíim`bi 'nú' cajo júu^ e nisi'í' quiá'- Fidiée' cóo' jaléng' 'lii~ dsea` cøøng' qui'ii'. Dsuo' Fidiée' casí'r- Abraham ie~ mali~ do mi~ cajíñ'- lala: “Ni'ee' e guiá~ cóo' lajiiñg` dsea` seeng' fí' la'úng` fí' jmigüí' la'eáang' cóo' jaang' dsea` sijú' i nijáa' mi~ nití' í' lajo.” Jo lajob cajíng'- Fidiée' casí'r- Abraham ie~ jo. ²⁶ Jo mi~ cangí' e cajmijí'tu Fidiée' i jóor' Dsea` Jmáang` do, la'uii~ casíñ` dsea` do jee~ jneaa`aa', dsea` líi' dsea` Israel, e laco' niñíng`naa' e ni'náng`naa' jee~ jalé' e 'lí' e jmoo`naa' lajaang' lajaang`naa'. Jo lanab líi' jalé' júu^ e caguia' Tú^ Simón ie~ jo.

4

Mi~ caguiéng'- Tú^ Simón cóo'gui Juan fí' quini' dseata~

¹ Jo lagui'ná'bi fé' Tú^ Simón cóo'gui Juan júu^ quiá'r- fí' quini' jaléng' dsea` e fí' guá'- fé' quiá'- dsea` góor` dsea` Israel do, mi~ caguíling` jmidsea` cóo'gui i fii~ quiá'- dsea` jmóo' í' guá'- do jogui cóo'bir dsea` Israel i líing' dsea` saduceo cajo. ² Jo jaléng' i dsea` í' eáam' liguiñ` dsu' e Tú^ Simón cóo'gui Juan ngír' ta' e' dsea` e quiá'- jí'tu jaléng' dsea`

mi~ ningí e júuĩñ' lí' laco'gui calí' cóo' Jesús. ³ Jo casam' bre i dsea' gáng' do dsifí lado uí' e jo, jo catáng' neiñ' 'nũñí' e laco' niquidsir' í' quiáñ' do mi~ nijneá, co' nica'lóob' mi~ casang' neiñ' do. ⁴ Dsu' fíim' jaléng' dsea' i nicanúu' e júu' e guía' dsea' do nicajám' yaaiñ' fí jaguó' Jesús, jo lajii' dseañu' bi cadsíñ' jiu' ja 'ñiá mil la'ó' ca'uíñ' dsea' quiá' Dsea' Jmáang' ie~ jo.

⁵ Jo mi~ cajneá' e jmii' jo, caseáng' jaléng' dsea' quie' nifí quiá' dsea' Israel fí do fí Jerusalén cóo'gui jaléng' dsea' cóong' quiá'r' jogui jaléng' tifa' quiá' júu' quiu' ta~ quiá' dsea' Israel. ⁶ Jo jee~ job quieeng' Anás i líng' dsea' mogui~ quiá' jaléng' fii~ jmidsea' quiá' dsea' Israel, jogui jmidsea' Caifás, jogui Juan, jogui Jaang', lí' lajaléng' dsea' sináú' caguaang' gui quiá' i dsea' mogui~ quiá' jaléng' fii~ jmidsea' do. ⁷ Jo jaléng' i dsea' í caquiur' ta' e nitóø' Tú' Simón cóo'gui Juan fí jee~ lí' teáiñ', jo fí jee~ job casíñ' dsea' do, jo lalab cajmingí'r' dsea' do ie~ jo, jo cajíñ':

—¿I' nicacuø' 'nú' fí e cajmi'leáng'na' i dsea' na?, osi ¿i' júu' quiá' e?

⁸ Jo co' Tú' Simón eáng' jmicóo' Jmiguí quiá' Fidié' quiá'r', joba' cañir' quiá' i dsea' góor' do jo cajíñ' casí' reiñ':

—Elaba' fii' i 'nú', jaléng' dsea' teáng'na' nifí quí'ii', cóo'gui jaléng' 'nú', dsea' cóong' quí'ii', ⁹ co' 'nú' jmingí'na' quiá' jalé' e guiá' e nicajmó'naa' cóo' i dsea' lamí~ jlúung' na e laco' niliñ'na' jial calí' e ca'láaiñ'. ¹⁰ Joba' nijmób' jnea' júu' fí quini' 'nú' e laco' niline'naa' cóo'gui dsea' Israel caguaang'gui e i dseañu' i sing' quini'naa' lajii'naa' la'ó' téé'naa' la ca'láaiñ' la'eáng' cóo' Dsea' Jmáang' i seeng' fí Nazaret, i dsea' i cateáng' 'nú' fí dse' crúu' do, jogui i cajmijí'tu Fidié' calé' catú'. ¹¹ Jo 'nú' í' óo'na' e i Jesús do líiñ' lafa' coo' cuu' e ja' ta' íng' quiá' tii' fii', dsu' o' já' e lajo, dsuco' dsea' do lanagui niliñ' lafa' e cuu' e niing'gui lajee' lajalé'. ¹² Jo jii' i Jesús dob dsea' cuóøng' nileáiñ' jneaa'aa' jee~ jalé' dsee' quí'naa', co' jo' i seeng' i jiéng'gui fí la'úng' fí jmigüí' fa' e nicacuøøng' Fidié' i nileáng' jneaa'aa' jee~ dsee' quí'ii'.

¹³ Dsu' mi~ cangá' jaléng' dsea' i teáng' nifí quiá' dsea' Israel do e eáng' ja' 'gó' Tú' Simón cóo'gui Juan e fé'r' jalé' júu' quiá' Dsea' Jmáang', joba' eám' cangoga' dsí' i dsea' do mi~ canúur' jial tíng' Tú' Simón fé'r', co' niñ'bre e ja' 'ga' lí' mi' jmitíng' dsea' do, joba' calilí'r' e dsea' cangí' cóo' Jesús líiñ' do lajii' huáiñ'. ¹⁴ Jo jii' ja' e bí' sea' quiá' i dsea' do fa' e nijmér' dsee' quiáñ' do, co' jee~ dob sing' i dsea' i nica'láang' do. ¹⁵ Joba' caquiur' i dsea' quie' nifí do ta' e ca'uøøm' Tú' Simón cóo'gui Juan fí caluu' lajee' cateá' fí quini' i dsea' fíng' i siseáng' do. Jo mi~ cangí' jo, jo canaang' i dsea' i siseáng' do sñiñ' lajee' yaaiñ' jo sí' rúñ':

¹⁶ —¿E' nijmó'oo' cóo' i dseañu' gáng' na? Co' lajii' dsea' seeng' fí Jerusalén ñir' e nicajméeiñ' lí' lajii' e cangíñ' e tíiñ', jo ja' cuóøng' fé'naa' e o' já' e jo. ¹⁷ Jo e laco' jo' nini'gui lajii' júu' e guiar' do jee~ jaléng' dsea', joba' nité'baa' fø' quiá'r' e laco' jo' ningí'guir' guiar' júu' cuaiñ' quiá' i Jesús do.

¹⁸ Jo lajob cajméer'; catób' tureiñ' do e fí lí' siseáng' i dsea' fíng' do, jo caquiur' ta~ quiáñ' do e jo' ee' nifé'guiñ' o'gui nié'guiñ' do jii' coo' júu' cuaiñ' quiá' Jesús. ¹⁹ Dsu' i Tú' Simón do cóo'gui Juan cañir' quiá' i dseata~ quiá'r' do jo casí' reiñ':

—Í' óo' 'nú' yaang'na' jial e guiá'gui, ¿su guiá'gui e nijmití'naa' lajii' ta~ quiá' 'nú' laco'gui e nijmití'naa' la'uii' ta~ quiu' Fidié'? ²⁰ Co' ja' cuóøng' e nitá' jnea' e nifé'naa' lajii' e nicane'naa' jogui lajii' e nicaná'naa' quiá' Jesús.

²¹ Jo mi~ canúu' jaléng' i dsea' i quie' nifí do jalé' e júu' jo, caleáb'tu casí' reiñ' do e líng' ee' nijmeáng' neiñ'; dsu' ja' cateá' dsí'r' fa' cajméer' lajo, jo catiúum' breiñ' do, co' ja' cadsér' jial uing' e nijmér' lajo, co' lajii' dsea' i teáng' do ie~ jo jmiféiñ' Fidié' quiá' lajii' e calí' do ie~ jmii' jo. ²² Jo i dseañu' i ca'láang' la'eáng' cóo' güea' quiá' Fidié' do ningóor' lí'gui tuló' jii'.

Mi~ camí' dsea' quiá' Dsea' Jmáang' Fidié' e nijmicóo' í' quiá'r'

²³ Jo mi~ ca'uøøng` Tú` Simón cóo~gui Juan e fí lí~ siseáng' dsea` do có' nisilaam`bre, joba' caseáng'tu rúin' cóo~ jaléng' i apóo` rúin' caguiaang`gui do, jo cajmea`reĩn' júu` jalé` e cajíng'- jaléng' fii~ jmidsea` quiá'- dsea` góor` dsea` Israel cóo~gui jaléng' dsea` cóøng' quiá'r-. ²⁴ Jo mi~ cató' jma' rúin' e júu` do, jo caféin' Fidié` congua' lajiiñ` do jo cajíñ'-:

—Fí'ii', 'nab` dsea` cajmee'- yá'^ jmiçüü` cóo~gui guóo' uø` jogui jalé' jmiñ` lí'^ lajalé' e sea` quiá'- laca'íng'~ laca'íng'~. ²⁵ Jo lalab casí'~ 'na` i dseata` Daví'^ i cajmée` lajiiñ` e iing` 'na` do, jo la'eáang` cóo~ Jmiguí` quií'- cajme'r' lala:

Ja` dseeng` e niliguíng` jaléng' dsea` jmiçüü` quiá'- Fidié`.

Ja` e ta` íng` e nijmé` dsea` Israel e ni'í'- dsír' jalé' e ja` ta` íng`.

²⁶ Co' lajaléng' dseata` dsea` féng' i quiá' ta` fí jmiçüü` la jmicøøng' yaaiñ` fí quini` Fidié`.

jo coliiim` cóo~ i dsea` quie' nifí` quií'-ii' 'ní'` níin` 'na`, Fí'naa',

coliiing`gui cóo~ Dsea` Jmáang` i nicaguín'~ 'na` do.

Jo lanab cajme' i dseata` Daví'^ do.

²⁷ Jo síi'~naa' 'na`, Fí'naa', e lajob calí` mi~ dseata` Herodes cóo~gui dseata` Poncio Pilato caseáng' rúin' fí la fí Jerusalén cóo~ jaléng' dsea` i ja` líng' dsea` Israel cóo~gui jaléng' dsea` góo`naa' dsea` Israel, e cajméer` 'ní'` níin` Jóo' Jesús i güeang'^ i jmóo` lajiiñ` e iing` 'na` do i caguín'~ do. ²⁸ Jo jaléng' i dsea` do nicajméer` jalé' e na, có' lajob si'í' quií` 'na` e nidsijéé` jalé' e na, jo nicalitib` lana. ²⁹ Jogui lana, Fí'ii', 'na` bi dsea` ninuu' jalé' e ga` e fé' i dsea` do uii` quií'-ii', joba' mii'~naa' 'na` e nicuø`^ba' bí jaléng' jnea'^, dsea` jmoo`naa' lajiiñ` e iin'~, e niguiá`guí' júu` quií'- e ja` 'gó'naa'. ³⁰ Jogui jmicóo~ jnea'^ cóo~ güea'^ quií'- cajo e quí'~naa' jmiñ` nijmi'leáang`naa' jaléng' dsea` dsée'~ jogui e nijmó`naa' jalé' e lí` jogui jalé' e quí'~naa' jmiñ` la'eáang` cóo~ Jóo' Jesús i güeang'^ do.

Jo jii'~ lanab lí' júu` quiá'- i dsea` apóo` do e caféin' Fidié` ie` jo.

³¹ Jo mi~ cató' féng' i dsea` apóo` do Fidié`, dsifí` ladob cajlé` fí lí` siseáng' lajiiñ` do. Jo Jmiguí` quiá'- Fidié` eáam` jmicóo~ quiá'r- lajiiñ` e laco' guiar' júu` quiá'- Fidié` fí ni` fii` e ja` 'gó'r` jii'~ capí'^.

Jalé' e sea` quiá'- dsea` quiá'- Dsea` Jmáang` lí' e røøb` quiá'r- lajiiñ`

³² Jo eáam` fiiing` jaléng' dsea` quiá'- Dsea` Jmáang`, jogui røøb` dseáng'- síin` jogui røøb` éer` lajaléin' do. Jo jii'~ jaaiñ` do ja` jmóor` e lajiiñ` e sea` quiá'r- lí' quiá'r- yaaiñ~, có' jalé' e jo røøb` quiá'r- lajiiñ`. ³³ Jogui i dsea` apóo` do eáang`gui nisea` bí quiá'r- e guiar' júu` quiá'- jial mi~ cají'tu Fí'naa' Dsea` Jmáang` mi` cangí` e cajúin`; jogui Fidié` eáam` jmicóo'r~ lajiiing` i dsea` do cóo~ güea'^ quiá'r-. ³⁴ Jo lajiiim` i dsea` do sea`ba' e 'nér-, có' jaléng' i óo` uø`- osi` 'na`r` é, joba' 'nii`bre e jo, jo e cuu` e lí'r` do fí jaguó` i dsea` apóo` dob ngíin`. ³⁵ Jo íguib` nijmé`- jmá'-jiu` lajee` lajiiñ` do lí'^ jialco' lí' lí' quiá'r- lajaang` lajaam`bre. ³⁶ Jo lajob cajo cajmée` jaang` dsea` Israel i líng' dsea` levita i sii` Sé` i niseeng` fí cóo` lí' sii` Chipre. Jo i dsea` í` calisír` quiá'- i dsea` apóo` do Bernabé, e guøng' dsea` i jmicóo~ jaléng' dsea` rúng'; ³⁷ jo i dseañu` la ni'óo`bre cóo` uø`, jo ca'nii`bre' do, jo e cuu` e calí'r- quiá'- e uø` e ca'nii`r` do, fí jaguó` i dsea` apóo` dob caguiar` lajiiñ`.

5

Dsee` e ca'ée` Ananías cóo~ Safira

¹ Jo mi~ cangí`gui lajo, ca'nii`b` jaang` dseañu` i sii` Ananías coliiing` cóo~ dseamí` quiá'r- i sii` Safira cóo` uø`. ² Jo røøb` casíng` i dseañu` do cóo~ dseamí` quiá'r- e caje`bre cóo~ condseá'- e cuu` e calí'r- do, jo dsu` jii'~ condseá'-ba' cacuø'r' i dsea` apóo` do. ³ Joba' lalab casí'- Tú` Simón i Ananías do jo cajíñ'-:

—Ananías, çjalií' cacuøø' fí uø' e ca'í- fii` i 'líng'^ i sii` Satanás fí o' e cajmee'- adseaan' quiá'- Jmiguí` quiá'- Fidié`, jogui cajé' cóo~ condseá'- e cuu` e calí'- quiá'- uø` e ca'nii`~

do? ⁴ ¿Su o' quíi' e uó' do? Jogui mi~ cangí e ca'níi~, ¿su o' quíi' e cuu e calí' do? ¿Jialí' ca'í o' e cajmee' lajo? Jo o' jii' cóo' jnea^, dsea` apóo^, nicajmee' adseaan', co' cóo' Fidiéeb' dsea` nicajmee' lajo.

⁵⁻⁶ Jo mi~ calí núu Ananías e júu^ jo, dsifí lajob caquíiñ~ jo cajúm bre. Jo mi~ cangí jo, caguilíng~ tú~ 'ní m'ing' siming', jo caquíiñ' 'mí' i 'líi~ Ananías do jo cangojéeng`neiñ' fí lí~ ca'áam breiñ' do. Jo jaléng' dsea` i caliñí lajii' e calí do ie~ jo dsíng' cafóíiñ'.

⁷ Jo mi~ cangí 'ní oor~ lajo, caguíéng' dseamí quíá' Ananías fí jo, jo jii' ja ñir' jalé' e nicalí do. ⁸ Jo cajmingí' Tú^ Simón i dseamí quíá' 'líi~ Ananías do jo cajíiñ':

—Jméé' jnea~ júu^, ¿su ca'níi~ba' e uó' do cóo' jii' 'móo' e nicaféé' na' do?

Jo cañíi' i dseamí do:

—E já', lajob calí, co' ca'níi~baa' cóo' jii' e 'móo' jo.

⁹ Joba' casí' Tú^ Simón i dseamí do:

—¿Jialí' casiing`na' røø cóo' dseañu' quíi' e cajmee`na' adseaang`na' quíá' Jmiguí quíá' Fidiéé? Lana dob nijalíng' i siming' i cango'áang' dseañu' quíi' do, jogui 'nu'gui nijéiñ e nidsi'áaiñ' lana.

¹⁰ Jo dsifí lajob caquíng' i Safira do uii~ tíi~ Tú^ Simón e ni'liim~bre. Jo mi~ caguilíng~ i siming' do, ni'liim~ i dseamí do. Jo cangojéem breiñ' do fí lí~ ca'áaiñ' jo cataiñ' cáang' e lí~ ca'áng' i 'líi~ dseañu' quíá'r~ do. ¹¹ Jo lajüng' dsea` quíá' Dsea` Jmáang~ i teáang~ do ie~ jo cóo' gui jaléng' dsea` i caliñí jalé' e calí do, eáam' cafóíiñ'.

Jalé' e lí' e quíi' dsea` apóo^ jmíi e cajméer'

¹² Jo mi~ cangí jo, jmiguíu' jalé' lí' e quíi' jmíi cajméé' i dsea` apóo^ do jee~ jaléng' dsea`. Jo lajüi' i dsea` quíá' Dsea` Jmáang~ do seáiñ' fí guá' fé' quíá' dsea` Israel lí~ sii' Ni'núu' quíá' dseata~ Salomón. ¹³ Dsu' jii' jaang' dsea` jiéng' ja` teá' dsíir' e nidsitáaiñ' cóo' i dsea` do doñí fa' eáam' jmí'gó'reiñ' do. ¹⁴ Jo lajee~ jo ngóo' lífím' jaléng' dsea` i jáng' yaang~ fí jaguó' Dsea` Jmáang~, do dseañu' jogui dseamí. ¹⁵ Jo jaléng' dsea` uóøiñ' jaléng' dsea` dsée' quíá'r~ e dsíiñ' ni' 'ma', jo dsijéiñ' fí jee~ 'núu' e laco' mi~ ningíng~ Tú^ Simón fí jo, fa' jii' capí' i' quíá' bre nití lí~ teng' jaang' gáng~ i dsea` dsée' do, jo lajob ni'leáaiñ' do. ¹⁶ Jogui fím' dsea` i seeng' fí jalé' fí e téé' quíá' Jerusalén dsilíiñ' fí jo e jéiñ' jaléng' dsea` dsée' quíá'r~ cóo' gui jaléng' dsea` i jée' i 'líng' quíá'. Jo lajaléng' i dsea` do 'láam~bre.

Mí~ cangotáang~ tu i dsea` apóo^ do fí dsíi' 'nuñí'

¹⁷ Jo i dsea` mogui~ quíá' jaléng' fii~ jmidsea` quíá' dsea` Israel cóo' gui jaléng' dsea` Israel i líng' saduceo eáang' calí dsihuíiñ' quíá' i dsea` apóo^ do cóo' jalé' e jmóoiñ' do. ¹⁸ Joba' casam~bre i dsea` apóo^ do, jo catáng'neiñ' fí dsíi' 'nuñí' quíá' fí. ¹⁹ Dsu' lajee~ teáaiñ' e dsíi' 'nuñí' dob, casíng' Fidiéé' jaang' ángel quíá'r~, jo íb' i caneáa' jní' quíá' e 'nuñí' do lajee~ uóø, jo ca'uóøm bre i dsea` apóo^ do, jo mifíng' casí' reiñ' do lala:

²⁰ —Güilíng~tu' fí dsíi' guá' fé' do quíi' na', jo güisí' tu' jaléng' dsea` fí jo jial laco' niliseeiñ' cøng' cóo' Fidiéé' lata~.

²¹ Joba' mi~ cajneá' e jmíi cóo' gui do, ee' gui cangolíng' i dsea` apóo^ do fí lí~ sí' e guá' fé' do quíá'r~, jo cangotáaiñ' dsíi', jo canaaiñ' e'r' jaléng' i dsea` i caseáng' fí jo lí' laco' gui ta~ caqui' i ángel do.

Jo lajee~ jo, i dsea` mogui~ quíá' jaléng' fii~ jmidsea` do cóo' gui jaléng' dsea` quíá'r~ i teáang~ gui do, cató'r~ jaléng' dseata~ i quie' nifí quíá' dsea` Israel. Jo mi~ nisiseáiñ' lajaléiñ' do, cahuí' ta~ e nidsitée' i néé' ni' guá' do i apóo^ i teáang~ dsíi' 'nuñí' do, jo nidsijgeáang~neiñ' e fí lí~ siseáng' dsea` do. ²² Dsu' mi~ caguilíng~ i dsea` néé' ni' guá' i sí'í' ngotée' i dsea` apóo^ i teáang~ fí dsíi' 'nuñí' do, jo mi~ caguilíiñ' fí jo, jo i' cadseíiñ' jii' jaang'. Jo caquim~bre e quiéer' e júu' do fí quini' i dsea` siseáng' do jo lalab casí' reiñ':

²³ —Mí~ caguíé' naa', dseáng' jní' guiáb~ jní' quíá' e 'nuñí' do, jogui i 'lée' i jmóo' í' do, dob teáaiñ' fí quini' jní'; dsu' mi~ caneá' naa', jii' jaang' jo i' seeng' fí dsíi' jo.

²⁴ Jo mi~ canúu~ i fi~ jmidsea` do cóo~gui dsea` mogui~ i fi~ i nées ni~ guá~ fé~ do e júu^ jo, joba' canaaiñ` sñiñ` e~ nidsijée' quíar~ cóo~ i dsea` góor` do. ²⁵ Jo lajee' jo, cóo` caguiéb~ jaang` dsea` i quie' júu^ e fi' li~ siseáng' dsea` do, jo lalab casí'r~ dsea` í:

—I dsea` i cateáng' 'nú' 'nñi' do, dob niteáaiñ~ fi' dsí' sinúu^ guá~ fé~ quí~na' lana e e'tur.

²⁶ Joba' cangolíng^ i fi~ nées ni~ guá~ do cóo~gui jaléng' dsea` quíar~ e cango'neem' breiñ' do. Jo mi~ cadséng' neiñ' do, ja` ee` cajmeaiñ' jii~ cóo, có' 'gó'bre fing casí'ló' i dsea` i teáng' do cuu` ír. ²⁷ Jo cató~breiñ' do fi' li~ siseáng' i dseata~ i quie' nifi' quíar~ dsea` Israel. Jo mi~ caguiliñ' fi' jo, lalab casí' jaléng' i dsea` mogui~ quíar~ jaléng' fi~ jmidsea` do ír:

²⁸ —Jnea^ nicaté^baa' fò' quí~na' jéeng'gui e jo` ni'é^na' jaléng' dsea` cuaiñ~ quíar~ i dsea` góo'naa' i sii` Jesús do, jo jòø~na' lana e fi' latøøm~ fi~ Jerusalén nicaguiá^na' e júu^ jo, jogui la quie'gui jnea^ iing~na' cuó^na' dsee~ cuaiñ~ quíar~ e cajnga' dsea` quíar~ i Jesús do.

²⁹ Joba' cañi' Tú^ Simón cóo~ i apóo^ caguiaang~gui do, jo cajíñ~ casí'r~ i dsea` góor` i siseáng' do:

—Laniing~gui eáang' 'né~ e jmiti^naa' jalé' ta~ quiu' Fidiée' laco'gui e nijmiti^naa' ta~ quiu' jaléng' dsea` jmigüí. ³⁰ Co' i Fidiée' i jmiféng' 'li~ dsea` cóøng~ quí~naa' do, dsea` íbing' cajmée` e cají'tu Jesús, i dsea` góo'naa' i cajngang'na' fi' dse' crúu^ do. ³¹ Jogui Fidiée' nicaseáng' neiñ' do, jogui nicaguiéiñ' lí~ lí' dsée' laco' guiiñ~ 'ñia'r', jogui nicacuø'reiñ' do ta~ e nicár~ nifi' quíar~ dsea` jmigüí, jogui e leáiñ~ dsea` jee~ jalé' dsee~ quíaiñ'. Jogui cajmée' Fidiée' lajo e laco' niquí' jing' yee~naa' fi' quiniñ~, jneaa~aa' dsea` lí' dsea` Israel, jo lajoba' ni'íiñ~ dsee~ quí~ii'. ³² Jo neb~ jnea^ guiá~ la'uiing~ e júu^ jo lí' laco'gui la ñi' Jmiguí quíar~ Fidiée' cajo, jo e Jmiguí jo e nicacuø' Fidiée' jaléng' dsea` i núu~ júu^ quíar~.

³³ Jo mi~ canúu~ i dsea` Israel i siseáng' do lajii~ júu^ quíar~ i dsea` góor` Tú^ Simón do, dsifi' ladob caliguiñ~ jo cartí' mi~ iñ~ nijngám~breiñ' do. ³⁴ Dsu' jee~ i dseata~ i siseáng' do niquiéeng' jaang` dsea` Israel i lúng' dsea` fariseo i sii` Gamaliel, jo lúñiñ' jaang` tifa' quíar~ júu^ quiu' ta~ quíar~ dsea` góor`, jo eáam' jmi'gó' jaléng' dsea` i tifa' do. Jo i tifa' do caróor~ lí' guiiñ~ jo caquiur' ta~ e ca'uøøng'tea i dsea` apóo^ do e lí' siseáiñ' do. ³⁵ Jo mi~ cangí jo, i tifa' fariseo do casí'r~ jaléng' i dsea` i siseáng' do ie~ jo, jo cajíñ~:

—Dsea` góo'naa' dsea` Israel, ñiing~ óo'na' cóo~ jalé' e í' óo'na' nijmee~na' cóo~ i dsea` góo'naa' na. ³⁶ Téé' óo'na' ie~ ñingóo'jiu do caseáng' i dseañu' i sii' Teudas do teá' 'ña'r' e jiiñ' e lúñiñ' jaang` dsea` laniing~, jo fíim' dsea` caligóñ' lí' lí' quiu' ciento dsea'bing' cangotáang~ cóo'r~ ie~ jo. Dsu' cajngam' dsea` i Teudas do mi~ cangí jo, jogui jaléng' dsea` quíar~ casojóm~bing' do, jo jii~ jo cadséng~ quíar~. ³⁷ Jo mi~ cangígui lajo, cóo' jmii~ e cali'íng^ dsea`, caróo~ jaang` dseañu' i sii' Judas i seeng' fi' Galilea i cajíng' e lúñiñ' jaang` dsea` laniing~; jo fíim' dsea' calí'r~ i caligóng' ie~ jo. Dsu' mi~ cangígui lajo, dseab' cajnga' quíar~ cajo, jogui jaléng' i dsea` quíar~ do casojóm~biñ' do cajo. ³⁸ Joba' fi~ jnea~ 'nú' e tiúung'na' jaléng' i dsea` na, jo ja` quíng'na' jii~ cóo' cóo'r~. Co' faco' e júu^ la quíar~ lajii~ yaang~ dsea` jmigüí, cuøøm'bi ñingíng~. ³⁹ Dsu' song e júu^ la e quíar~ Fidiée', joba' ja' quí' jmi~ nilí' 'nú' e ni'íng~na'. Joba' fi~ 'nú' e ñiim~ óo'na', jo jie' mi~ jmee~na' e teáng~na' ga' uii' quíar~ Fidiée'.

Jo mi~ calí~ e fé' i tifa' Gamaliel do e júu^ jo, ca'ím~ i dsea` do júu^ . ⁴⁰ Jo catób~tur i dsea` apóo^ do calé' catú~ fi' lí' siseáng' i dsea` fíing' do; jo mi~ niteáaiñ~ do, jo cabøøng~neiñ' jogui ca'íi~tur 'goo' quíaiñ~ do e jo` niguiá~guiñ' do júu^ quíar~ i Jesús do. Jo mi~ cangí jo, joguiba' caleáng~neiñ' do. ⁴¹ Jo ca'uøøm~ i dsea` apóo^ do e fi' jo e íaang' dsír', có' Fidiée'bing' i nicacuø' ír e laco' nidsingñiñ~ iihu' uii~ Jesús. ⁴² Jo canaang~tu i dsea` apóo^ do e e'r' jaléng' dsea` júu^ quíar~ Jesús laco' jmi~, jogui guiar' jalé' e júu^ do fi' dsí' sinúu^

guá' fé' quiá' dsea` Israel e si' fí' Jerusalén jogui lajobi lacaang` fí' sinúu^ quiá' dsea` cajo.

6

Mi` ca'náaiñ` guiáng` dsea` i nijmicóo` quiá' e nili` guiée` jalé` e 'né`

¹ Jo ie~ jo, eáam' ngofing' dsea` i jáng' yaang~ fí' jaguó` Dsea` Jmáang~; joba' i dsea` i fé' jmí' griego canaaiñ` jmiquíum' dsír' quiá' i dsea` Israel i fé' jmí' hebreo, jo fé'r' e jaléng' dseamí' griego i 'nái` ja` iñ' røø` lajii' e ngíiñ` e 'né` lacoo` jmíi'. ² Joba' caseáng' i dsea` guitúung` do lajaléng' dsea` i nilíng' dsea` quiá' Dsea` Jmáang~ jo casí' reiñ' do jo cajíñ':

—Ja` dseeng` e jnea'^ nitá^naa' e guia^naa' júu^ quiá' Fidiée` e laco' nijmó^naa' guiée` lajii' e si'í' niñing`na'. ³ Joba' fíi` i 'nú', dsea` rú'naa' dsea` quiá' Dsea` Jmáang~, 'néeng` rúng'na' lajee` la'ó' yaang~na' guiáng` dseañu' i la'ó' nicuíng` rúng'na' røø` cóo' jogui ningáng'na' quiá' rúng'na' jogui i la'ó' nijmicóo' Jmiguí quiá' Fidiée` qui'na'. Joba' dsea` íbing' niguiá^na' ni` e ta` jmóo` guiée` na. ⁴ Jo jnea'^ nijmó^bí' ta` féng' Fidiée` jogui ta` guia` júu^ quiá' Dsea` Jmáang~ lajee` jo cajo.

⁵ Jo lajiiim` i dsea` do casíiñ` røø` ie~ jo. Joba' ca'náaiñ` Tée~, jaang` dseañu' Israel i já' líng` júu^ quiá' Dsea` Jmáang~ car` ngocáng` dsír' jogui i jée' Jmiguí quiá' Fidiée` quiá', cóo' gui Lií` cóo' gui Prócoro cóo' gui Nicanor cóo' gui Timón, jogui Pármenes jogui cóo' Nicolás, jaang` i niseeng` fí' Antioquía, jo i dsea` í nicaquí' jíng' 'ñia'r' e laco' nica'uíiñ` dsea` Israel. ⁶ Jo mi` cangí jo, cangosíng' yaaiñ` fí' lí` teáng` dsea` apóo^, jo íguibing' camí' Fidiée` uii~ quiáiñ' do, jogui mifíng` caquidsir' guóor` moguiñ' lajaang` lajaaiñ' e laco' cuø` lí` e ca'íiñ' e ta` do.

⁷ Jo lajob` ngóo' ni' júu^ quiá' Fidiée`, jogui ngóo' dsifíim` bí i dsea` i jáng' yaang~ fí' jaguó` dsea` do fí' Jerusalén. Jo jí'gui i fíim' jmidsea` Israel iñ' júu^ quiá' Dsea` Jmáang~ ie~ jo.

Mi` casaiñ` Tée`

⁸ Jo có' eáam' 'gøng' i Tée~ do la'eáang' cóo' güea' 'gøng' quiá' Fidiée`, joba' jmóo`bre jalé` e quií` jmíi` jogui jalé` e lí` fí' jee` dsea` seeng` fí' jo. ⁹ Jo cóo` jmíi` fíim' dsea` Israel dsea` góo` i Tée~ do canaang` jmiquíng' dsír' cóoiñ' do, jo i dsea` Israel i fíing` do quiéng` i líng' dsea` i teáng' jee` 'lé' e sii` Liberto colíng` cóo' dsea` i seeng` fí' Cirene cóo' gui fí' Alejandría, jogui jaléng' dsea` seeng` lí` se' Cilicia cóo' gui lí` se' Asia cajo. ¹⁰ Jo jaléng' dsea` íbing' canaang` jmiquíng' dsí' cóo' i Tée~ do, dsu' ja` lí'guir fa' e røø` nicóng` júu^ quiá'r` cóo' i Tée~ do, có' eáam' tiiñ' do la'eáang' cóo' Jmiguí quiá' Fidiée`. ¹¹ Joba' i dsea` í ca'náaiñ` dsea` 'léng' i nijmé` dsee` uii~ quiáiñ' do e laco' nicuø'r` dsee` i Tée~ do e féiñ' do jmang' júu^ ga` uii~ quiá' Moi` jogui uii~ quiá' Fidiée` cajo. ¹² Jo lajob` calí~, júu^ job` teá` casá' jaléng' dsea` Israel i seeng` fí' do colíng` cóo' jaléng' dsea` cóøng' quiá'r` cóo' gui jaléng' tifa' quiá' júu^ quiu' ta` quiá'r~, jo jmang' i calí` 'ní' níim` i Tée~ do. Jogui jaléng' i dsea` Israel do casam` bre Tée~ jo caguíjeáiñ` fí' quini` jaléng' dseata` i quíe` nifí' quiá'r`. ¹³ Jo mi` caguíliñ` fí' jo, dob niteáng` dsea` i nisi'neaang` i nifé' ga` uii~ quiá' Tée~, ¹⁴ jo lalab` cajíng' i dsea` do:

—Nicanú^naa' e fé' i Tée~ do cuaiñ` quiá' Jesús i seeng` fí' Nazaret e ni'ím`bre guá' fé' qui'naa' e si' fí' Jerusalén, jogui e nijmisíiñ` jalé` e qui' tii'naa' jmoo`naa' e casée' Moi` do e 'né` jmití^naa'.

¹⁵ Jo i dseata` Israel do cóo' gui i dsea` i neáang' do ie~ jo, mi` cajóøiñ` Tée~, jo cangáng` neiñ' do e lí' niñ' laco' lí' ni` jaang` ángel i casíng` Fidiée`.

7

Mi` cajmi'øng' 'ñia' Tée~ cóo' layaang` júu^

1 Jo mi~ cangf jo, i dsea` mogui~ quia~ jaléng' fi~ jmidsea` quia~ dsea` Israel do cajmingi'r~ i dsea` góor` Téé~ do song e jáb~ lajii~ júu^ e nicanúur~ fé' dsea` uii~ quiañ~ do. 2 Joba' cañi~ Téé~ quia~ i dsea` mogui~ fi~ jmidsea` do jo casí~ reiñ' lala:

—Núu~na' júu^ quie~e, dsea` cóong~ quí~ii' jogui dsea` rú'naa' dsea` líi~ dsea` Israel. Cajmijneem` 'ñia' Fidié~ quí~ii' i laniing~ 'gong' do fi' quini' 'li~ yúu~ quí~ii' Abraham mali~gui eáang' lajee~ e cateáang' 'li~ yúu~ do fi' Mesopotamia lajee~ e ná~gui nidsér~ e nidsigüear' fi' Harán. 3 Jo lalab casí~ Fidié~ dsea` í ie~ jo: “Túu' góo' cóo' gui jaléng' dsea` sijú^, jo niguó^ fi' guóo~ uó~ li~ ni'éé~e 'na.”

4 Jo lajob cajméé` 'li~ yúu~ quí~ii' Abraham, cagüi'íbre e fi' Caldea do jo fi' dob cangogüear' fi' Harán. Jo mi~ cangf jo, cajúm~ tiquiá'r^ . Jo Fidiéeb~ cató~ quia~ i Abraham do fi' Canaán fi' li~ née' jneaa~aa' lana. 5 Dsu' ja' cacuø' Fidié~ dsea` í jii~ cóo~ uó~ ie~ jo. Jo Fidié~ casí'r~ 'li~ yúu~ Abraham e nicuø'bre dsea` siju~ dsea` do e uó~ do, nañi' fa' jii~ jaang' jóo' 'li~ yúu~ Abraham ja` mí seeng' ie~ jo. 6 Jogui casí~bi Fidié~ i Abraham do e jaléng' dsea` Israel i líng' dsea` áang' quí~naa' nidsiliiñ~ e nigüear' e líiñ' dsea` fi' jíé' fi' cóo~ ni' guóo~ uó~ e née' huí~. Jo fi' job nijmeñ~ do ta~ laco' dsea` si'nning' jogui gab' nidsingüiñ~ do lajee~ quia~ ciento jii~. 7 Jo casí~bigui Fidié~ i Abraham do jo cajíñ~: “Jnea~ nicuøø iihuí' jaléng' dsea` i nijmeáang' ta~ jaléng' dsea` quie~e e líiñ' do dsea` si'nning'. Jo mi~ ningf jo, ni'uóm' jaléng' i dsea` quie~e do fi' jo, jo jaléng' í nijmér~ lajii~ e iim~baa e fi' guóo~ uó~ na.” Jo lanab casí~ Fidié~ i Abraham do ie~ jo.

8 Jo Fidié~ cacuø'r júu^ 'li~ yúu~ Abraham, jo catigua' júu^ e tóo' li' fi' ngúu' táang' lajii~ yúu~ siñuú^ e laco' cuø' li' e Fidiéeb~ líng' Diéé' quia'r~, jo lajob ta~ caquiú' Fidié~ quia~ 'li~ yúu~ Abraham e nijmiti~bre e jo. Joba' mi~ tí li~ caliséng' jaang' jiuung~ siñuú^ quia'r~ i calisí Isáa', jo catéé~bre li' fi' ngúu' táaiñ' do mi~ cadsíñ~ jñiá~ jmí lí^ laco' ta~ cahuí' quia'r~. Jogui lajob cajméé~ i Isáa' do mi~ caliséng' jaang' jóor' siñuú^ i calisí Jacóo^, jogui lajob cajméé~ Jacóo^ cajo cóo~ laji' guitúung' jóor' siñuú^ i caliséng' quia'r~. Jo i guitúung' dseañu' íb' lí' tiquiá' laji' guitu' 'lé' dsea` Israel i líng' dsea` áang' quí~ii' do.

9 Jo có' jaléng' i jóo' Jacóo^ i líng' dsea` áang' quí~ii' do calí~ dsihuím~bre quia~ i rúíñ' i sií Sé^ do, joba' ca'nám~breiñ' do cóo~ dsea` i seeng' fi' Egipto, jo i dsea` í fi' job cajéeng'neiñ'. Jo dsu' eáam' cajmicóo~ Fidié~ quia~ i Sé^ do, 10 jo caleáam~breiñ' do jee~ jalé' iihuí' e si'í e nidsingüiñ~ do, jogui cacuø'reiñ' do e tím~biñ' eáang', jogui cajméer~ e guiáb~ ca'éé~ i dseata~ dsea` féng' quia~ Egipto cóo'r~, jogui cacuø'reiñ' cóo~ ta~ e líiñ' do dsea` nu'luu~ quia~ dseata~ dsea` féng' e fi' Egipto do, jogui e née' niñ~ do fi' 'na~ i dseata~ féng' do cóo~gui jaléng' i dsea` i jmóo' ta~ fi' jo.

11 Jo mi~ cangf jo, cajá~ jii' oo~ fi' latøng~ Egipto cóo~gui fi' Canaán, jo eáam' iihuí' cangongüing~ dsea` cóong~ quí~naa' có' jo' sea' e nidø'r~. 12 Dsu' mi~ caliñi' i Jacóo^ do e seab' micui'iee' fi' Egipto, joba' fi' job casíñ' jaléng' jóor' i líng' dsea` áang' quí~ii' do. Jo e job la'uii~ ya' e cangolíñ'^ do fi' Egipto.

13 Jo mi~ cangolíng~tu i jóo' Jacóo^ fi' Egipto e catí tú~ ya', joguiba' cajméé~ Sé^ júu^ cóo~ jaléng' i dsea` í e rúíñ' dsea` ngáang~ cóo~bre líiñ' do. Jo lajob caliñi' i dseata~ Egipto do e dsea` Israel líng' Sé^ laco'gui jneaa~aa'. 14 Jo mi~ cangf jo, caquiú' Sé^ ta~ e nidsé~ tiquiá'r^ Jacóo^ colíing~ cóo~ jaléng' dsea` siñuú^ quia'r~ fi' lí' guing~ dsea` do fi' Egipto. Jo lí^ lajee~ lajiiñ' la'ó' cangolíñ'^ fi' jo tíbre setenta y cinco.

15 Jo lajob cajméé~ Jacóo^, cangogüear~bre fi' Egipto cóo~ jaléng' dsea` siñuú^ quia'r~. Jo fi' job cajúñ~, jo fi' jobi cajo cajúng~ jaléng' dsea` áang' quí~naa'. 16 Jo jalé' móo' teáang' i Jacóo^ do cangocóor' fi' Siquem lí' se' Canaán, jo ca'óor~ fi' dsí' tó' éé' lí' calá~ 'li~ yúu~ Abraham quia~ jaang' i calisí Hamor e fi' Siquem do.

17 Jo mi~ nijaquíéeng' e nijmiti~ Fidié~ lajii~ júu^ e cacuø'r 'li~ yúu~ quí~ii' Abraham lamí~ jéeng'gui eáang', jo eáam' nicangofíng~ dsea` áang' quí~ii' dsea` Israel e fi' Egipto do. 18 Jo ie~ jo mi~ caguá' jaang'gui dseata~ dsea` féng' i caquiú' ta~ e fi' Egipto do, jo i dseata~ í jo' calicuíñ' Sé^ . 19 Jo i dseata~ í, eáam' ga' ca'éer' cóo~ jaléng' dsea` góo'naa' dsea` Israel,

jogui caqui^u' i dseata[~] do ta[~] e 'né⁻ nitiúuiñ⁻ do jaléng' y^{uu} siñ^{uu} quiá'r⁻ e laco' nijúuiñ⁻ do.

²⁰ Jo ie[~] job cajo cangáang' i y^{uu} siñ^{uu} Moí[~] do, jo eáam' iáang' dsí' Fidié[~] cóo' i y^{uu} do. Jo sejmii'biñ' do cajmicuóo' quiá'r⁻ lajee' gaang' si'. ²¹ Jo coob' mi[~] catf' í' e 'né⁻ nitiúuiñ⁻ i y^{uu} do quiá'r⁻, joba' cangotiúum[~]bre. Jo jaang' simí' quiá'- i dseata[~] dseá' féng' Egipto do, íb' cadséng' i y^{uu} do, jo cató⁻bre fí' quiá'r⁻, jo cajmicuáang'neiñ' do lafa' jóo[~]bre. ²² Jo mi[~] cacuaiñ⁻ do, calitím[~]bre lajii' e tting' dseá' egipcio, jogui eáam'bi' 'gøiñ' cajo e tiiñ' jalé' júu[^] cóo' gui jalé' e jmóo' dseá' do cajo.

²³ Jo mi[~] cadsí' i Moí[~] i líng' dseá' áang' quí-ii' do tuló⁻ jii', ca'f' dsír' e nidsi'eer[~] dseá' góor' dseá' Israel i taam[~]bi' fí' Egipto do. ²⁴ Jo mi[~] caguiér⁻ fí' jo, cangáañ⁻ jaang' dseá' egipcio i táang' jmáng' jaang' dseá' góor' dseá' Israel. Jo cajmi'óm' Moí[~] i dseá' góor' do, jogui cajngam[~]bre i dseá' egipcio do.

²⁵ Jo í' dsí' i Moí[~] do e nililí' jaléng' i dseá' góor' dseá' Israel do e la'eáang' cóo' í'bre nileáng⁻ Fidié[~] jaléiñ' do, jo dsu' ja' calilí' i dseá' góor' do jalé' e jo. ²⁶ Jo mi[~] cajneá⁻ lajo, ngó⁻tu Moí[~] calé' catú⁻ e cango'eer[~] dseá' góor' dseá' Israel. Jo mi[~] caguiér⁻ fí' jo, cangáañ⁻ gáng⁻ la'ó' dseá' góor' i taang[~] ta[~] tting', joba' cali'iiñ[~] e nisíng⁻tuiñ' do røø' jo casí'⁻reiñ': "¿Jialí' taang[~] 'nú' ta[~] tting' la'ó' rúng'na'?"

²⁷ Joba' i dseá' i jmáng' i jaang'gui do caligüim⁻bre quiá'- Moí[~], jo ca'lem[~]breiñ' do jo casí'⁻reiñ' lala: "¿I' caguíng' 'nu' e lín' jaang' fii' quí-ii' i quidsi' í' jee[~] jnea'?" ²⁸ ¿Su í' o' e nijngan[^] jnea[~] laco'gui cajngan[~] i dseá' egipcio do lado guié⁻?"

²⁹ Jo mi[~] canúu⁻ Moí[~] e júu[^] jo, cagüi'í'bre fí' Egipto jo cangór⁻ cangogüear[~] fí' cóo' guóo' uó⁻ e née' huí⁻ e sii' Madián. Jo fí' job caguár' laco' jaang' dseá' i jaa' fí' lí' huí⁻. Jo fí' job caliséng' gáng⁻ jóor' siñ^{uu}.

³⁰ Jo mi[~] cang' tuló⁻ jii' lajo, cóo' jmii[~] lajee[~] e ngí' Moí[~] fí' cóo' guóo' uó⁻ lí' ja' ii' 'ga' lí' dseá' seeng' fí' quiá'- cóo' mó' e sii' Sinaí, jo fí' job cangár⁻ cóo' 'matóo' e gui[~] ia' jì' dsu' ja' e coo'. Jo lajee[~] job cajmijnéeng' 'ñia' jaang' ángel quiá'- Fidié[~] e fí' jee[~] jì' quiá'- e 'ma' e gui[~] e ia' jì' do. ³¹ Jo eáam' cango'gó' dsí' Moí[~] mi[~] cangár⁻ e jo. Jogui mi[~] cangoquiéiñ' cartí' quiá'-gui e laco' nijøør⁻ guiá⁻ e jo, jo canúur⁻ luu[~] Fidié[~] e guicajíng⁻ lala: ³² "Jneab[~] Fidié[~] i jmiféng' jaléng' 'li[~] dseá' cóong' quí-na' i calisí' Abraham cóo' gui Isaa' jogui Jacóo[^]."

Jo mi[~] canúu⁻ Moí[~] e júu[^] jo, eáam' cafóñ' car' cajlém⁻bre, jo jii' jo' niteá' dsír' fa' nijøø⁻guir e lí' gui[~] 'matóo' e ia' jì' do. ³³ Jo guicani'í'tu Fidié[~] quiá'- Moí[~] jo casí'⁻reiñ' do lala: "Uóø[~] lomii[~], Moí[~], dsuco' güeam[^] e ni[~] guóo' uó⁻ lí' sí'ø' na lana, co' quiáb⁻ sín'n. ³⁴ Jo nicamó⁻baa guiá⁻ jial tí' iihu[~] e íng' dseá' quié⁻e, dseá' Israel, i taang[~] fí' Egipto, jogui nicanú⁻bii jalé' dsee⁻ e jmóo' dseá' egipcio quiá'r⁻. Joba' cagüén⁻ n'ñia'a e laco' nijmicóo' baare e nileáiñ'. Jo fii' i 'nu' e lana nisín[^] n'nu' fí' Egipto e laco' nigüileaan[~] jaléng' dseá' quié⁻e."

³⁵ Jo casí'⁻gui Téé[~] i dseá' do e júu[^] la:

—Jo nañí' fa' ja' cali'íing[~] dseá' Israel e i Moí[~] do nicár[~] nifí' quiá'r⁻ jogui casí'⁻biguir lala cajo: "¿I' caguíng' 'nu' e lín' jaang' fii' quí-ii' i quidsi' í' jee[~] jnea'?" jo dsu' Fidié[~] casíiñ' i Moí[~] do jee[~] jaléng' dseá' quiá'r⁻ e niquiá'r⁻ ta[~] jaléng' dseá' góor' dseá' áang' quí-ii', jogui e nileáng⁻neiñ' jee[~] iihu[~] e íñ' fí' Egipto. Jo cali'íñ' e ta[~] jo la'eáang' cóo' i ángel i cajnéng⁻ fí' e lí' gui[~] 'matóo' e ia' jì' do jo dsu' ja' coo'. ³⁶ Jo i Moí[~] dobing' ca'uóøng' jaléng' dseá' áang' quí-ii' dseá' Israel fí' Egipto, jo í'bing' lajee[~] tuló⁻ jii' cajméer[~] jalé' e lí' jogui jalé' e quí'r⁻ jmii' la'eáang' cóo' güea[^] quiá'- Fidié[~] lajee[~] jeeiñ' dseá' áang' quí-ii' mi[~] cacuo'r' fí' mar Rojo jogui mi[~] cangir' fí' jee[~] uó[^] quiú'. ³⁷ Jogui i Moí[~] dobi cajo i casí'⁻ jaléng' dseá' góor' dseá' Israel cóo' e júu[^] la: "Fidié[~] nijmér⁻ e fí' jee[~] 'nú' nigüi'í' jaang' dseá' i nifé' cuaiñ[~] quiá'- dseá' do laco'gui la jmóo' jnea[~]." ³⁸ Jogui Moí[~]bi cajo i cali'íng' júu[^] quiá'- i ángel do fí' yá' mó' Sinaí; jo lí' jo cangáañ[~] quiá'- 'li[~] dseá' áang' quí-ii' dseá' Israellajee[~] e siseáiñ' do fí' ni[~] guóo' uó⁻ quiú'. Jo Moí[~]bi cajo i cali'íng' e júu[^] quiá'- Fidié[~]

cóo~ e cuø e see~naa' cøøng` cóo~ Fidié~ lata~, jo íbi cajo dsea` cangüiñ` fí jaguó`naa' e júu^ jo, dsea` lí'naa' dsea` góor` dsea` Israel.

³⁹ Dsu' ja' cali'ing~ jaléng' 'lí~ dsea` áang' qui~naa' fa' calinúu'r~ júu^ quiá~ dsea` do o'gui calijí'r~ júu^ quiáiñ~ do cajo, co' cali'iiñ~ e niqum'~ tur calé' catú~ fí Egipto. ⁴⁰ Jo i dsea` Israel do casí'r~ Aarón, jaang` rúng' dsea` ngáang' cóo~ Moi~ do, jo casí~reiñ' lala: "Jmilüing` dié~ qui~ii' i ni'é!~ jneaa~aa' fí. Co' ja' ne~naa' e~ calí~ cóo~ i Moi~ do i ca'uøøng` jneaa~aa' fí Egipto, co' ja' mí cagüeam'bir e fí yú'^ mó' lí~ cangóor` do". ⁴¹ Joba' cajmeáang` i dsea` Israel dsea` áang' qui~ii' do jaang` dié~ i líng' la líng' güitá' jiuung~ cóo~ layaang~ cuné~. Jo mi~ cangí e cajmilüiñ~ i dié~ do, jo canaaiñ` jmifém'breiñ' do, jo jngaiñ' jaléng' jó' e cuøiñ' i dié~ do, jogui jmóor` jmü~ e jmiféiñ' i dié~ í cajo i cajmeáiñ` cóo~ layaang~ guóor` do.

⁴² Jo uíi~ joba' ca'náam~ 'ñia' Fidié~ cóo~ jaléng' dsea` quiá'r~ dsea` Israel dsea` áang' qui~ii', jo ja' cajnir' fí quiáiñ~ do e nijmiféiñ' jaléng' núu' i sitøng' yú'^ jmigüi'; co' lajob too~ fí ni~ jì quiá~ Fidié~ e cajme' i dsea` i café' cuaiñ~ quiá'r~ malü~gui eáang' mi~ cajíñ' lala:

Dsea` Israel:

'Nú', lajee~ tuló~ jii` e cangí'na' fí ni~ guóo~ uø~ quiú, ja' cajmi'goo`na' jnea~ fa' cajngang'na' jó' i cacuøøng'na' jnea~.

⁴³ Co' 'nú' ie~ jo cajmé'e'na' 'núu' lí~ cajmiféng'na' i dié~ i sii` Moloc cóo~gui núu' quiá~ i dié~ i sii` Refán.

Jo laji` huáang~ i dié~ í yaam~ 'nú' cajmeaang`na're.

Jo uíi~ joba' nisín^n 'nú' cartí coo` guóo~ uø~ lí huüi^ tí dogui laco' lí se' Babilonia.

Lanab too~ e fí ni~ jì do.

⁴⁴ Jo café'bi Téé~ júu^ quiá'r~ jo casí~reiñ' jo cajíñ'~:

—Jo lajee~ ngí jaléng' 'lí~ dsea` cøøng' qui~naa' fí jee~ guóo~ uø~ quiú, quier` coo` 'núu' e lí' cóo~ layaang~ 'mi', jo fí dsí' job jmiguiéng' dsír' jalé' júu^ e cacuø' Fidié~ ír` lamí~ jéeng'gui. Jo e 'núu' do calí~ dseáng'~ laco' ta~ caquiú' Fidié~ quiá~ Moi' lí' laco'gui jii' í' e ca'íng' dsea` do quiá~ Fidié~ mi~ cangár~ jalé' e jo. ⁴⁵ Jo mi~ cangí jo, jaléng' dsea` áang' qui~naa' ca'ím'bre e 'núu' 'mi' do. Jo mi~ cagüilüiñ` cóo~ Josué e fí guóo~ uø' la, quié~bre e 'núu' 'mi' do, jo quiebre cajo mi~ calí'r~ jalé' uø~ quiá~ jalé' fii' e caguiee~gui e cacuø' Fidié~ jaléng' i dsea` í. Jo lajobi jmóor` latí' mi~ catí' í' e caquiú' dseata~ Daví'^ ta~. ⁴⁶ Jo eáam' cali'íáang` dsí' Fidié~ cóo~ i dseata~ Daví'^ do, jogui Daví'^ cali'iiñ~ cajme'r' coo` 'núu' fí lí~ nijmiféng' dsea` i Fidié~ qui~ii' jogui i líng' Fidié~ quiá~ 'lí~ yúu' Jacóo^ cajo.

⁴⁷ Jo dsu' i jóo' Daví' i sii` Salomón, íbing' i cajme' e 'nu~ Fidié~ do. ⁴⁸ Jo dsu' Fidié~ dsea` féng' dsea` ñíng' ja' seeiñ` fí dsí' 'núu' e jmo' dsea` jmigüi yaaiñ` lí' laco'gui cajíng'~ i dsea` áang' qui~ii' i café' cuaiñ~ quiá~ Fidié~ malü~gui eáang' i calisí Saíi^ mi~ cajíñ'~ lala:

⁴⁹ Jnea~ Fidié~, jo fí ñifb~ lí~ guiin~n quiú'~ta~,

jogui fí guóo~ uø~ la lí~ jmi'íng' tii'.

Jogui 'nú', dsea` Israel, ¿e~ íng'~ 'núu' e nijmé'e' 'nú' quié~e?,

jogui, ¿jie~ fí lí~ nijmi'ín'n cajo?

⁵⁰ Dsucó' 'ñiáb' jnea~ cajmé~ e lajalé' e sea' fí la'úng~ fí jmigüi'.

Jo lanab jii'~ lí' júu^ quiá~ Fidié~ e cajme' Saíi^ fí ni~ jì quiá'r~ malü~gui eáang'.

⁵¹ Jo café'bi Téé~ júu^ quiá'r~ jo cajíñ'~:

—Dsu' 'nú' quié'na' logua~ dsea` i ja' cúing' Fidié~ jogui dsí' dsea` i ja' cúing' dsea` do cajo, co' saam' áa'na' jmoo`na'. Jogui røøb' líng' 'nú' cóo~ jaléng' 'lí~ dsea` áang' qui~naa', co' contøøm~ 'ní' máang'na' Jmiguí quiá~ Fidié~. ⁵² Co' jaléng' i dsea` íbing' eáam' ga' cajmeáiñ' jaléng' dsea` i café' cuaiñ~ quiá~ Fidié~ malü~gui jo cajngam'bre jaléng' dsea` í mi~ caféiñ' cuaiñ~ quiá~ i dsea` i ja' røøng' dsee~ i tí lí~ nijáa' do. Jogui lanagui nicagüém~ fí jmigüi' la i dsea` i ja' røøng' dsee~ do, jo dsu' 'nú' 'níb' cañíng'na're cartí'

canjngam'ba're. ⁵³ Jo nañí fa' e nica'ling'na' júu^ quiá' ta~ quiá'- Fidiéé' la'eáang' cóo'~ jaléng' ángeles quiá'r~, jo dsu' ja' cajmee'na' náu'~na' e jo.

Mi~ cajnga' dsea' quiá'- Téé~ cóo'~ layaang' cuu~

⁵⁴ Jo mi~ canúu~ jaléng' i dsea' quie' nifí' quiá'- dsea' Israel e júu^ quiá'- Téé~ do, dsing'~ caliguiñ~ quiá'- dsea' do carji' tar' majar~. ⁵⁵ Dsu' i Téé~ do eám' jée' Jmiguí' quiá'- Fidiéé' quiá'r~, jo caséer' nir~ fí' yá'^ jmigüi' jo cangár~ cateá' fí' lí' laniing' 'gøng' quiá'- Fidiéé', jogui cangáñ~ Jesús e sing' dsea' do lí'^ lí' dsée' cáang' Tiquiá'r^ Fidiéé'.

⁵⁶ Jo casí' Téé~ i dsea' siseáng' do:

—jØØ~na! Lana móo'o fí' ñifí~, jo dob máan'n i dsea' i cajá' fí' ñifí~ e líiñ' jaang' dsea' jmigüi'; jo máan'nre e siñ' fí' lí' lí' dsée' laco' guing'~ Fidiéé'.

⁵⁷ Jo dsu' i dsea' i teáng~ do i 'nñing' Téé~ cajni'bre loguar~ jo canaaiñ' guiar' 'goo' lajñiñ' do e nisaiñ' Téé~ jo casam'~bre. ⁵⁸ Jo caguíng'neiñ' do fí' caluu' e fi' jo, jo canaaiñ' táang'neiñ' cuu~; jo jaléng' i dsea' i 'ní' ní' quiá'r~ do caséer' sí'r^ cóo'~ jaang' siming' i sii' Saulo lajee' e táang'neiñ' do cuu~.

⁵⁹ Jo lajee' jo canaang' Téé~ e féiñ' Fidiéé' jo cajíñ'~:

—Fí'i' Jesús, ín'~ jmiguí' quie' e jmii' na.

⁶⁰ Jo mi~ cangí' e café'r' e jo, casí'r' uØ~ jnir~ jo canaaiñ' fé'r' teá':

—Fí'i', ja' jmée'~ cuente e dsee~ e ca'ée' i dsea' la.

Jo mi~ calí' café'r' e júu^ na, jo cajúm~bre.

8

Mi~ cajmeáng' Saulo ga' jaléng' dsea' quiá'- Dsea' Jmáang~

¹ Jo røøb' casíng~ i Saulo do cóo'~ jaléng' i dsea' i cajnga' quiá' i Téé~ do.

Jo 'ñaia' ie~ jmii~ jo canaang' jaléng' i dsea' do jmáñ' jaléng' dsea' quiá'- Dsea' Jmáang~ i neáang' fí' Jerusalén. Jøba' casojøm~ jaléng' i dsea' í, jo cangolíñ' fí' guóo'~ uØ~ lí' se' Judea cóo'~gui lí' se' Samaria; jo jii' i dsea' apóo'~ dobing' caje'gui fí' jo. ² Jo cóo' tú~ máng'~ dsea' i jmi'gó' Fidiéé', íb' ca'áang~ i 'lí' Téé~ do, jo eám' calijiuung' dsíir' uii' quiáñ'~ do cajo. ³ Jo lajee' jo i Saulo do ngír' laco' sináú^ quiá'- jaléng' dsea' i cúing' Dsea' Jmáang~ e jmáñ' ga' jaléng' dsea' do jogui tØø' laguidseaang' jaléng' í jo dsijeáañ' fí' dsí' 'nañí'; jo do quieéng' jaléng' dseañu' jogui jaléng' dseamf.

Mi~ caguia' dsea' júu^ quiá'- Dsea' Jmáang~ fí' lí' se' Samaria

⁴ Jo lajee' jo, jaléng' dsea' quiá'- Dsea' Jmáang~ i ca'uøøng' fí' Jerusalén do naaiñ' guiar' júu^ quiá'- Dsea' Jmáang~ laco' fí' lí' guiliñ' quiá'- jial nileáng' jaléng' dsea' jee~ jalé' dsee~ quiá'r~. ⁵ Jo jee~ i dsea' í quieéng' jaang' i sii' Lii~, jo í cangór~ fí' cóo' fi' laniing~ lí' se' Samaria, jo fí' job canaaiñ' e'r' jaléng' dsea' júu^ quiá'- Dsea' Jmáang~. ⁶ Jo fím' dsea' seáiñ' e fí' lí' táang' i Lii~ do, jo lajñiñ' do eám' ngocáng' dsíir' núur' júu^ quiá'- Dsea' Jmáang~ e guia' dsea' do, jogui ní'bir cajo jalé' lí' e quí'~ jmii~ e jmóo' dsea' do. ⁷ Jo ie~ jo i fím' dsea' i jée' i 'ling'^ quiá'- cajmi'leáang~ i Lii~ do, jo jaléng' i 'ling'^ do dsing'~ óor' mí' uóíñ' lí' teáañ'~ dsí' jaléng' i dsea' do. Jogui ca'láam~bi jaléng' dsea' i caang'~ tii' cóo'~gui jaléng' dsea' i ja' lí' ngí' jii' capí'^. ⁸ Jo jaléng' i dsea' i seeng' fí' jo eám' cali'íáang' dsíir' cóo'~ jalé' e cajmée' i Lii~ do ie~ jo.

⁹ Dsu' e fí' fi' jo niseeng' jaang' dseañu' i sii' Simón, jo nijmóor' ta~ dsea' láang' latí' maliib~; jo ninicajár~ ta~ jmigøøng' jaléng' dsea' i seeng' e fi' lí' se' Samaria do, jo fé'r' e jii' íbre líiñ' jaang' dsea' i niing~gui lajee' lajiing'. ¹⁰ Jo jaléng' dsea' dseáng'~ cóo' gui'náb'^ núur' e ngocáng' dsíir' lajii' júu^ e guia' i Simón do, jo lalab fé'r' cuaiñ' quiáñ'~ do:

—I nab dseañu' i sii' i 'gøng' eáang' quiá'- Fidiéé'.

¹¹ Jo lajalém' i dsea' do já'~ líiñ' júu^ quiá' i Simón do, có' la'eáang' cóo'~ e láaiñ' do nicalí'~bre nicajmigøøñ' dsea' lajii'~ maliib' eáang'. ¹² Jo dsu' mi~ já'~ calíng' jaléng' i

dsea` î jalé` júu` e guía` i Lii` do quiá`- jial iing` Fidié` cár` nifí` quiá`- lajaang` lajaang` dsea` jmgüí, jogui cuaiñ` quiá`- Jesús i lling` Dsea` Jmáang` i sijeeng` dsea` Israel, joba` dseañu` dseamib` jáng` yaaiñ` fí` jaguó` Fidié` mi` núur` jalé` júu` e guía` i Lii` do, jo mifíng` casaam`bre jmi` e laco` cuo` li` e nilíiñ` dsea` quiá`- Dsea` Jmáang`. ¹³ Jo jiguí i Simón do já`- calíiñ` jalé` júu` e caguaí` i Lii` do, jo cajgáam`bre jmi` cajo, jo canaañ` ngir` cóo` i Lii` do doñi` jié` fí` li` ngiñ` do, jo sóong` dsigá` dsír` nír` jalé` e li` e quíiñ` do jmi` jmóor`.

¹⁴ Jo mi` caliñi` jaléng` i dsea` apóo` i neáng` fí` Jerusalén do e ca`ing` jaléng` dsea` i seeng` fí` li` se` Samaria jalé` júu` quiá`- Fidié`, joba` casíiñ` Tú` Simón fí` jo cóo` gui Juan.

¹⁵ Jo mi` caguiliñ` do fí` jo, canaañ` mi`r` Fidié` uii` quiá`- jaléng` dsea` quiá`- Dsea` Jmáang` i seeng` fí` Samaria do e laco` ni`iñ` do Jmiguí` quiá`- Fidié`, ¹⁶ co` lamí` jéeng` gui jíi` jaang` ja` ii` mí` ca`ing` Jmiguí` quiá`- dsea` do, co` lico` nicajgáaiñ` jmi`bi` e laco` cuo` li` e nilíiñ` dsea` quiá`- Dsea` Jmáang`. ¹⁷ Jo Tú` Simón cóo` gui Juan caquidsir` guóor` fí` mogui` lajaang` lajaang` i dsea` quiá`- Dsea` Jmáang` do, jo lajob` ca`iñ` do Jmiguí` quiá`- Fidié` lajaang` lajaañ`.

¹⁸ Jo mi` calilí` i Simón do e ím` jaléng` i dsea` do Jmiguí` quiá`- Fidié` e lico` quidsí` i dsea` apóo` do guóor` fí` moguiñ`, joba` dsifí` lajob` casí`r` i dsea` do jo cajíiñ`:

¹⁹ —Nicuóø`baa` 'nú` cuu` e nijmee`na` e nilí` jnea` cajo e nicuóø`ø` jaléng` dsea` Jmiguí` quiá`- Fidié` e lico` niquidsii` guóo`o` moguir` laco`gui la jmoo` 'nú` na.

²⁰ Joba` cañi` Tú` Simón quiá`- i Simón do jo casí`-reiñ`:

—jNe`duu` e` 'li` nilíiñ` cóo` cuu` quíi`, co` ca`í` o` e cóo` cuu` quíi`-ba` nilí` lajii` e ngíng` dsea` cuo` Fidié`! ²¹ Ja` ee` catíng` 'nu` jíi` capí` e ta` la, dsaco` ja` í` o` laco` catíng` fí` quini` Fidié`. ²² Túu` lajii` e` 'li` e` í` o` na, jo mí` Fidié` e nilíng` guir` dsee` quíi`- quiá`- lajii` e ca`íi` o`, jo ne`duu` su cuóong`gui lajo quiá`r`. ²³ Co` nilí`baa` e dsíng` dsihuín` laco` sin` na, jogui dsee` quíi`- jéeng` 'nu` lafa` 'núum`ba`.

²⁴ Jo cañi` i Simón do quiá`- Tú` Simón jo casí`-reiñ`:

—Féeng`na` Fí`naa` Fidié` uii` quíe` e laco` ja` güiguié` güilín`n` jalé` e nicafé`na` na.

²⁵ Jo mi` cangí` jo, mi` cangoyúung` e cajmée` i dsea` apóo` do júu` quiá`- jalé` e guiá` e nicajmée` Fidié` cóo`r` jogui caguiar` júu` quiá`- Fí`naa` Jesús fí` jo, jo lajee` e niteaaiñ` fí` e ngoliiñ` fí` Jerusalén canaañ` guiar` júu` quiá`- Fí`naa` Jesús fí` jmguiab` jalé` fí` pí` e té` li` se` Samaria cartí` caguiling`tur` fí` Jerusalén.

Lii` cóo` jaang` dseañu` i seeng` fí` Etiopía

²⁶ Jo mi` cangí` jo, casíng` Fidié` jaang` ángel i cajmijnéeng` 'ñaia` fí` quini` i Lii` do, jo lalab` cajíiñ` casí`-reiñ`:

—Guiá` guiá` quíi`, jo gua` fí` lí` uóø` laco` ngóo` fí` Jerusalén e guié` cartí` fí` Gaza; jo e fí` jo ngíng` la tóo` ni` guóo` uó` quíi`.

²⁷ Jo lajob` cajmée` Lii`, caguíem` guiá` 'ñaia`r`, jo cangó`-bre fí` li` caquiá` i ángel do ta`. Jo guiá` fib` cajíng` rúñiñ` cóo` jaang` dseañu` i niseeng` fí` Etiopía i nilíng` jaang` dseata` dsea` féng` i jmóo` ta` 'mea` cuu` quiá`- reina Candace e fí` góor` do. Jo i dseañu` do nicangó` fí` Jerusalén e cangojmiféiñ` Fidié`, ²⁸ jo e ni`iuuiñ` fí` e ngang`tur` fí` góor` e guiiñ` fí` cóo` ni` bóø` e jñu` cuea`. Jo lajee` jo, ngaiñ` ir` cóo` jì` e cajme` Saí`, jaang` dsea` i café` cuaiñ` quiá`- Fidié` malí`gui eáang`. ²⁹ Jo cajíng` Jmiguí` quiá`- Fidié` casí`r` i Lii` do:

—Gua` jo güiquiéeng` laco` ngo` e bóø` do.

³⁰ Jo mi` cangoquiéeng` Lii` fí` jo, joba` canúur` e` í` i dseañu` do e jì` e cajme` i Saí` do, joba` cajmingi`reiñ` do jo cajíiñ`:

—¿Su ngám`ba` e` í` na?

³¹ Jo cañi` i dseañu` do quiá`- Lii` jo cajíiñ`:

—U~, ja` ngán`n, co` jíi` jaang` ja` ii` seeng` nijmeá` jnea` júu` e` guóng` jalé` e too` la.

Jogui i dseañu' etiope do cató'r Lii e caguáin' do ni e bóø' do coling' cóo'r.

³² Jo lalab fé' e fí' ni jì' lí' gui'ná' ir' do:

Cangojéeng' dsea' ír' fí' lí' nijúuiñ'

laco'gui la jéeng' dsea' jaang' jo'se' i dsijngáaiñ'~;

jo jí' capí' ja' ee' ca'óor' laco'gui ja' óo' jaang' jo'se' mi' sitíng' dsea' jñú're'.

³³ Jo gab' cajmeáng' dsea' ír', jo jí' jaang' ja' seeng' i quidsí' í' quiá'r' røø'.

Jo jí' jaang' jo' i' quí' jmi' nijmé' júu' cuaiñ' quiá' jaléng' dsea' sijur' co' cajnga' dsea' quiá'r',

joba' congua' cango'íiñ' fí' jmigüi' la.

Jo lanab lí' júu' e í' i dseata' etiope do.

³⁴ Jo mi' calí' ir' e jì' do, jo cajmingí' i dseata' do cajmingí'r' Lii jo cajíñ'~:

—Jmee' uii' diée~, jmée' jnea' júu' i' cuaiñ' quiá' fé' i Saí' do e fí' ni jì' la. ¿Su quiá'r' ñia'r' ofa' quiá' i jiém' é?

³⁵ Joba' canaang' Lii jma'r' júu' i dseañu' do e cuaiñ' quiá' Jesús guóng' e fé' e fí' ni jì' lí' iñ' do; jo ngí' jo casí'-reiñ' quiá' jial láang' Jesús jaléng' dsea' jee' jalé' dsee' quiáin'~. ³⁶ Jo lajee' teáiñ' fí' la do, coo' caguilím' bre lí' sea' jmi', joba' lalab cajíng' i dseata' etiope do casí'r' Lii~:

—Lab sea' jmi' e la. ¿Já' cuóøng' nisán' jmi', faa' aa'?

³⁷ Joba' cañi' Lii quiá' i dseañu' do jo casí'-reiñ':

—Song já' lín' e ngocáng' o' júu' quiá' Jesús, cuóøm' nisán' jmi'.

Joba' cañi' i dseata' do:

—Jáb' lín' e i Jesús do líiñ' i Jóo' Fidiée' camíng' do.

³⁸ Jo dsifí' ladob caqui' i dseata' do ta' e caje' e bóø' lí' dsíiñ' do; jo cagáiñ' e fí' lí' sea' jmi' do, jo fí' job caseáng' Lii jmi' i dseata' do e laco' cuø' lí' e ca'uiñ' do dsea' quiá' Dsea' Jmáang'. ³⁹ Jo mi' calí' uøøiñ' fí' dsí' jmi', jo Jmiguí' quiá' Fidiée' cacó' quiá' Lii, jo jo' cangáng' gui i dseata' do ír'; jo ca'ib' tuiñ' do fí' iuiñ', jo dsíng' íaang' dsír' cangáiñ' fí' góor'. ⁴⁰ Jo catí' coo' fí' e sii' Azoto nicaguié' Lii, jo fí' job canaaiñ' ngir' fí' laco' laco' fí' e guiar' júu' quiá' Dsea' Jmáang' cartí' caguiér' fí' coo' fí' lí' sii' Cesarea.

9

Mi' cajáng' ñia' Saulo fí' jaguó' Dsea' Jmáang'
(Hch. 22:6-16; 26:12-18)

¹⁻² Jo co' ie' jo ja' mí' caqui' bi' dsí' Saulo e í' dsír' e nijngáiñ' jaléng' dsea' quiá' Dsea' Jmáang', joba' cangór' fí' quini' dsea' mogui' quiá' jaléng' fí' jmidsea' quiá' dsea' Israel ie' jo e cangomir' fí' e nidsér' fí' laco' guá' quiá' dsea' góor' dsea' Israel e tée' fí' fí' Damasco e nidsisíiñ' jaléng' dseañu' dseamí' i já' líng' júu' quiá' Dsea' Jmáang', jo nitøø'reiñ' do e ñuiñ' fí' dsí' 'nuñ' e tée' fí' Jerusalén. ³ Jo cangíim' Saulo fí' e nijmér' lajo, joba' fí' Damasco cangór'. Jo dsu' mi' nijaquiém' e niguiéer' e fí' jo, coo' cajneáb' coo' jì' e teá' eáang' lacúng' lajíng' e lí' ngóor' do, jo e jì' do jnéeng' jáa' catí' yá' jmigüi'. ⁴ Jo dsifí' lajob caquíng' Saulo fí' ni' uø', jo mifíng' canúur' e líng' i' guicafé' fí' yá' jmigüi' jo guicajíñ' sí'r' Saulo:

—Saulo, Saulo, ¿jali' jmáan' ga' jnea'?

⁵ Joba' cañi' Saulo quiá' i guicafé' do jo cajíñ'~:

—¿I' 'nu', Fí'i'?

Jo cañi' tu i guicafé' do jo cajíñ'~:

—Jneab' Jesús i ngí' 'nu' jmáan' ga' lana, jo ja' ta' íng' quí' e jmoo' lajo, co' lí' lí' eáang' gui jmáang' uøø'ba' e jmoo' lajo.

⁶ Jo dsíng' cafóng' Saulo mi' canúur' lado, joba' cañir' jo cajíñ'~:

—Fí'i, ¿e' iin' e nijmee' e?

Joba' cañi' tu i guicafé' do jo cajíñ'~:

—Ráan⁻, jò gua[~] fí Damasco, jò fí jòb nihuí['] ta[~] e[~] 'né⁻ nijméé['].

⁷ Jò jaléng['] dsea['] ì ngolíng⁻ gui cóo['] Saulo ie[~] jò dsíng['] cafóin['], co['] canúu⁻ bre e luu[~] e guicafé['] do, dsu['] jíí['] jaang['] ja['] ìi['] cangáin⁻. ⁸ Jò mi[~] caróo⁻ Saulo e lí[~] caquíin['] do, jò mi[~] néé['] júu[^] e cajóor⁻ dsu['] jò['] nijneá['] jminir['] jíí['] capi['] co['] nitium⁻ bre. Jò ì dsea['] ì ngolíng⁻ cóo['] r[~] dob ca'méeng['] ír['] cartí['] caguiér⁻ cartí['] Damasco. ⁹ Jò fí jòb cajer['] ní['] jmí[~] tøng⁻ e ja['] jné['] r['] jíí['] capi['] o['] gui['] í['] gø['] r['] cajo.

¹⁰ Jò e fí Damasco do niseeng['] jaang['] dseañu['] ì líng['] dsea['] quiá['] Dsea['] Jmáang⁻ ì nisii['] Ananías. Jò cóo['] jmí[~] cajmijnéeng['] ñia['] Dsea['] Jmáang⁻ fí['] quini['] ì dsea['] í['] lafa['] mi[~] quir['], jò casí['] r['] dsea['] do lala:

—¡Ananías!

Jòba['] cañí['] Ananías quiá['] dsea['] do jò cajíin[']:

—Lab sín['] n, Fíí.

¹¹ Jò cajíng['] Fíí['] naa['] Dsea['] Jmáang⁻ casí['] r['] ì Ananías do:

—Ráan⁻, jò gua[~] fí cóo['] jee[~] 'núu['] lí['] sii['] Derecha. Jò mi[~] niguie['] quiá['] jaang['] dsea['] ì sii['] Judas, jò nijmingín['] jaang['] dseañu['] ì sii['] Saulo ì seeng['] fí Tarso, co['] lana guiiñ['] féiñ['] jnea[~]. ¹² Jò jnea[~] nicajmé⁻ e e nicangáng⁻ Saulo 'nu['] lafa['] mi[~] quir['] e guie['] fí lí['] guiiñ['], jò niquidsi['] guóo['] fí moguir['], jò lajòb nilijné['] tur calé['] catú['].

¹³ Jò mi[~] canúu⁻ Ananías e jò, lalab cañír['] jò cajíin[']:

—Fíí, fíim['] dsea['] nicajmea['] r['] jnea[~] júu[^] uii['] quiá['] ì dseañu['] í['] quiá['] jalé['] e ga['] e nicajmeáiñ['] dsea['] quíí['] fí Jerusalén. ¹⁴ Jogui lana nijáar['] fí la e niquier['] júu[^] quiá['] jaléng['] fíi['] jmidsea['] e nisáiñ['] jaléng['] dsea['] quíí['] jò nidsiteáng['] neiñ['] fí dsí['] 'nuñí['].

¹⁵ Jòba['] cañí['] Fíí['] naa['] Dsea['] Jmáang⁻ quiá['] Ananías jò cajíin[']:

—Gua[~], jò güjmiti['] lajii['] ta[~] quiá['] u, co['] jnea[~] nica'náan⁻ n ì dseañu['] do e niguiár⁻ jalé['] júu[^] quié⁻ e jee[~] jaléng['] dsea['] ì ja['] líng['] dsea['] Israel cóo['] gui jaléng['] dseata['] dsea['] cóong['] quiá['] r['] jogui fí quini['] jaléng['] dsea['] Israel cajo. ¹⁶ Jò jnea[~] bí['] ní['] ée[^] e Saulo jial tíí['] iihuí['] 'né⁻ nidsingíin⁻ uii['] quié⁻ e.

¹⁷ Jò dsifí['] ladob cangó⁻ Ananías fí lí['] niguiing['] ì Saulo do. Jò mi[~] caguiér⁻ fí jò, ca'í['] bre fí dsí['] sináú['] lí['] guiiñ['] do, jò caquidsir['] guóor['] moguiñ['] do, jò cajíin['] casí['] reiñ[']:

—Saulo, rú['] uu['], ì Fíí['] naa['] Jesús ì cajmijnéeng['] ñia['] lajee['] iuun['] fí e ñí['] fí la casíin['] jnea[~] lana e nijmee⁻ e e nilijné['] tu['] calé['] catú['] jogui e niñíin['] Jmiguí['] quiá['] Fidiée['].

¹⁸ Jòba['] caquidsí['] Ananías guóor['] fí yá['] mogui['] Saulo, jò dsifí['] lajòb casojiú['] e líí['] la líí['] hui['] 'ññ['] jmini['] dsea['] do, jò dsifí['] ladob calijné['] r[']. Lí['] jò caróor⁻ jò mifíng['] cajgáaiñ⁻ jmí[~] e laco['] cuø['] lí['] e ca'uíin⁻ dsea['] quiá['] Dsea['] Jmáang⁻. ¹⁹ Jò mi[~] cangí['] jò, cagó['] r['] ir['] jò catíim['] tur bí['] quiá['] r[']. Jò caje['] bir cóo['] tú['] jmí[~] mi[~] cangí['] jò cóo['] jaléng['] dsea['] quiá['] Dsea['] Jmáang⁻ ì neáng['] fí Damasco.

Mí[~] caguiá['] Saulo júu[^] quiá['] Dsea['] Jmáang⁻ fí Damasco

²⁰ Jò lajee['] jòb canaang['] Saulo guiar['] júu[^] quiá['] Dsea['] Jmáang⁻ laco['] guá['] quiá['] dsea['] góor['] dsea['] Israel e téé⁻ fí Damasco, jò sí['] r['] jaléng['] dsea['] e ì dsea['] góor['] Jesús do líng['] ì Jóo['] Fidiée['] camíng['] do. ²¹ Jò jaléng['] dsea['] ì núu['] e júu[^] quiá['] r['] do, sóong['] dsigá['] dsíir['] jò fé['] r[']:

—¿Su o['] ì nabi ì dseañu['] ì ngí['] jmáng['] ga['] jaléng['] dsea['] quiá['] Dsea['] Jmáang⁻ ì neáng['] fí Jerusalén? Jò ¿su o['] ì nabi cajo ì cagüéng⁻ fí Damasco la e nitøør['] e 'ñúung['] jaléng['] dsea['] quiá['] Dsea['] Jmáang⁻ fí quini['] jaléng['] fíi['] jmidsea['] quiá['] dsea['] Israel fí Jerusalén?

²² Jò dsu['] lajee['] jò, eáng['] gui cuø['] bí['] ñia['] Saulo e guiar['] e júu[^] do. Jò jalém['] ì dsea['] Israel ì seeng['] fí Damasco do cajer['] jíí['] ja['] ñír['] e[~] dseáng['] niñír['], co['] ì Saulo do guiar['] júu[^] e dseáng['] jáb['] e Jesús líiñ['] Dsea['] Jmáang⁻ ì sijeeng['] dsea['] Israel.

Mí[~] caláang⁻ Saulo fí jaguó['] dsea['] góor['] dsea['] Israel

²³ Jò mi[~] cangí['] gui lajò, jaléng['] dsea['] Israel ì seeng['] fí Damasco do canaaiñ['] síiñ['] røø['] jial nijngáin['] ì Saulo ì líng['] dsea['] góor['] do. ²⁴ Jò dsu['] ca'øm['] Saulo júu[^] lajii['] e í['] dsíí['] ì dsea['] do e nijmeáng['] neiñ[']. Jò uøø['] jmí[~] b['] neáng['] ì dsea['] ì siteeng['] ír['] do fí oo['] íá['] cuu['] e ñíí['] eáng[']

li~ güi'ñing' jee~ fi~ Damasco e quia'~ siteeiñ^ e nijngáng'-neiñ'. 25 Dsu' coo` uóø` jaléng' i dsea` quia'~ Dsea` Jmáang- i neáang' fí Damasco do cataiñ'- Saulo fí dsí' coo` 'matá^ e fe', jo cajgiáang-neiñ' do fí dse' e iá` cuu~ e si' lacúng' fi~ do, jo lajob caleáaiñ` dsea` do.

Mi~ caguiéng'-tu Saulo fí Jerusalén

26 Jo mi~ cangî jo, caguiém'-tu Saulo fí Jerusalén, jo cali'iiñ~ e niseáiñ' coling~ cóo'~ jaléng' dsea` quia'~ Dsea` Jmáang- i neáang' fí jo; dsu' lajiiim` i dsea` do 'góm'breiñ', co' ja' já' líiñ` e nilíng' Saulo dsea` quia'~ Dsea` Jmáang- . 27 Jo dsu' jaang` dseañu' i sii` Bernabé caguijéiñ` Saulo fí quini` jaléng' dsea` apóo^ i neáang' fí Jerusalén, jo cajmea`reiñ' júu^ jial cangáng- Saulo Fí'naa' Dsea` Jmáang- lajee` iuuiñ- fí e ngóor' fí Damasco, jogui jalé' e caféng' Fí'naa' Dsea` Jmáang- ír, jogui jial teá dsíir' guiar' júu^ quia'~ Jesús e fí Damasco do. 28 Jo lajob mi~ caje' Saulo fí Jerusalén, jo coliiim~ canaaiñ` ngir' cóo'~ dsea` quia'~ Dsea` Jmáang- i neáang' fí jo. 29 Jo dseáng'- ngocáng` dsí'bre guiar' jogui sñiñ` júu^ quia'~ Dsea` Jmáang- jee~ jaléng' dsea` Israel i fé' jmi' griego. Jo dsu' lajaléng' i dsea` í jmóor` úung` e nijngám'-bre Saulo. 30 Jo mi~ calilí' i dsea` quia'~ Dsea` Jmáang- i caguiaang- do e í dsí' i dsea` do lado, joba' caguíim`bre Saulo fí fi~ Jerusalén, jo cangojéeng'neiñ' do fí Cesarea; jo mi~ cangî jo, caguiéng'neiñ' do fí góor` li~ sii` Tarso.

31 Jo jaléng' dsea` quia'~ Dsea` Jmáang- i seeng` fí lacaang` li~ se' Judea cóo'~ li~ se' Galilea cóo'~ gui li~ se' Samaria juguiá- júu` røøb` niseeiñ`, jogui eáang'gui ngóo' lijá'- líiñ` jalé' júu^ quia'~ Dsea` Jmáang- car` ngocáng` dsíir'. Jo lajalém'bre jmóor` úung` e jmiféiñ' Fí'naa' Dsea` Jmáang-, jo lajob ngóo' lifíng' dsea` i jáng' yaang~ fí jaguó` Dsea` Jmáang- lacoo` jmii~ lacoo` jmii~ la'eáang' cóo'~ Jmiguí' quia'~ Fidiéé`.

Mi~ cajmi'leáang- Tú^ Simón jaang` dseañu' i caang~ tii~

32 Jo lajee` jo ngí' i Tú^ Simón do e dsí'eer~ jaléng' dsea` quia'~ Dsea` Jmáang-, jo lajee` jo cangór- fí coo` fi~ li~ sii` Lida e cango'eer~ jaléng' dsea` íb` cajo i neáang' fí jo. 33 Jo mi~ caguiér- fí jo, cadséiñ' jaang` dseañu' i caang~ tii~ i sii` Eneas, jo ningóo' mí jñiá- jii` e niráaiñ' do coo` li~ ráaiñ'. 34 Jo lalab casí'- Tú^ Simón i dseañu' í jo cajíñ'-:

—Eneas, Dsea` Jmáang- nijmi'leáaiñ` 'nu` jmii~ ná. Ráan'-, jo sée' li~ ráan'.

Jo dsí'fí lajob caróo- Eneas e li~ ráaiñ' do. 35 Jo lajalém' dsea` seeng' fí Lida cóo'~ gui fí Sarón cangár- e caróob- i Eneas do, joba' cajám' yaaiñ~ fí jaguó` Dsea` Jmáang- ie` jo.

Mi~ cajmijí'-tu Tú^ Simón jaang` dseamî i sii` Dorcas

36 Jo ie~ jo niseeng` jaang` dseamî i líng' dsea` quia'~ Dsea` Jmáang- fí coo` fi~ li~ sii` Jope. Jo i dseamî do nisiir` Tabita, e guóng' Dorcas cóo'~ jmí' griego. Jo i dseamî í contøøm- jmóor` jalé' e guiá- jogui jmicoo'r~ jaléng' dsea` i ja' sea` e 'né'. 37 Jo ie~ jo nicalidséeb' i Dorcas do, jo cajúm-bre. Jo jaléng' dsea` i seeng` cóo'r~ do ie~ jo caláng'neiñ', jo caquiáang'neiñ' fí dsí' sinúu^ 'núu` yú^'. 38 Jo e fi~ Jope do quia'b'- neé' laco'gui neé' e fi~ Lida e fí li~ táang` i Tú^ Simón do. Jo co' caliñib' jaléng' dsea` quia'~ Dsea` Jmáang- i neáang' fí Jope e fí Lidab táang` Tú^ Simón, joba' dsí'fí casíiñ` gáng- dseañu' fí do; jo mi~ caguiliiñ- fí jo caguisí'neiñ' do lala:

—Tú^ Simón, má-aa' fí Jope lajminá-.

39 Jo cangób- Tú^ Simón cóo'~ i dsea` do fí Jope. Jo mi~ caguiér- fí jo, jo caguijéeng'neiñ' do fí li~ ráang` i dseamî 'lii~ do. Jo jaléng' dseamî 'nu~ i niteáang' li~ ráang` i 'lii~ do dsíng'- qui'r' caríir' lacúng' lajling' li~ sing' Tú^ Simón mi~ caguié- dsea` do fí do; jo ca'e'neiñ' jalé' mi'ñúung' cóo'~ gui jalé' 'mi' e jié' e nica'mí i Dorcas do jogui e nicangíiñ` cuø` dsea` do lamí~ seeiñ'. 40 Jo ngí jo, caquiú' Tú^ Simón ta~ e ca'uøøm` jaléng' i dsea` i teáang' e sinúu^ do fí caluu~. Jo lí- jo, casí'r' uø- jnir~ jo canaaiñ` féiñ' Fidiéé~, jo lí- jo, mifíng' cajøøiñ- i 'lii~ do jo cajíñ'- casí'-reiñ':

—iTabita, ráan'!

Jō dsifí ladob caneáa' i dseamí do jminir, jō mi~ cangáin~ Tú^ Simón, caróo~bre jō caguár. ⁴¹ Jō Tú^ Simón catíin~ guoo' i dseamí do jō casíng'nein'. Jō lí~ jō, cató'~tur jaléng' dsea' quiá'- Dsea' Jmáang~ i ca'uóøiñ' e fí sinúu^ do cóo'~gui jaléng' dseamí 'nii~ i teáng'~ do, jō ca'eiñ' jaléng' i dsea' do i dseamí do e nicají'biñ' do. ⁴² Jō jalém' dsea' seeng' fí Jope caliñir' jalé' e calí~ do ie~ jō, jō fíim' dsea' cajáng' yaaiñ~ fí jaguó' Dsea' Jmáang~ ie~ jō. ⁴³ Jō mi~ cangí jō, huóøm~bi caje' Tú^ Simón e fí fii~ jō fí quiá'- jaang' dseañu' i sii' Simón i nijmóo' ta~ jmi'ua~ loo~ jó'.

10

Tú^ Simón cóo'~ jaang' fii' 'léé~ i sii' Cornelio

¹ Jō ie~ jō niseeng' jaang' dseañu' i sii' Cornelio fí cóo' fí lí~ sii' Cesarea i nilíng' fii' quiá'- cóo' 'léé' e sii' italiano. ² Jō i Cornelio do colíing~ cóo'~ jaléng' dsea' sinúu^ quiá'r~, røøb' eáam' jmiféiñ' Fidiéé' jogui eáam' núur~ jalé' júu^ quiá'- dsea' do, jogui jmicóo'~bir cóo'~ cuu~ jaléng' dsea' Israel i ja' sea' e 'né~, jogui contøøm~ féiñ' Fidiéé' cajo. ³ Jō cóo' jmi~ ngóo'jiu la ii' 'ni' e ca'lóo~ i Cornelio do líing~ ee' cangár~ lafa' mi~ quir', jō dseáng'~ røøb' cangáin~ jaang' ángel i líing' guotii~ Fidiéé' i ca'í' fí lí~ guiiñ~ jō cajíng'~ dsea' do lala: —i Cornelio!

⁴ Jō dob caje' i Cornelio do jóøiñ~ i ángel do, jō eáam' 'gó'r' cajmíng'í'r~ dsea' do lala:

—¿E~ 'né~ jmee~e, Fii'?

Jō cañii' i ángel do quiá'- Cornelio jō cajíñ'~:

—Ninúub~ Fidiéé' jalé' júu^ quií'~ mi~ fón're, jogui ní'bre jalé' e guiá~ e jmoo' e jmicóo'~ jaléng' dsea' i 'né~ licóo'~. ⁵ Jō lana nisín'^ dsea' quií'~ fí Jope jō nidsite'r' Simón i sii' Tú^ cajo e nijaiñ' fí la. ⁶ Jō lana dob guiiñ~ fí quiá'- jaang'gui i sii' Simón cajo, jaang' dseañu' i guiiñ~ fí 'ni' jmiñi'^ i jmóo' ta~ jmi'ua~ loo~ jó'.

⁷ Jō mi~ cangoyúung'~ e cangáng'~ i ángel i café' quiá'r~ do, dsifí lanab cató'~ i Cornelio do gáng~ dsea' 'lééng'~ quiá'r~ cóo'~gui jaang' 'léé~ i nicuíñ' guiá~ jogui i eáam' jmi'gò' Fidiéé' cajo. ⁸ Jō mi~ calí~ jma'reiñ' do júu^ jalé' e cangár~ do cóo'~gui e cajíng'~ i ángel do, jō casíim~breiñ' do fí fii~ Jope.

⁹ Jō mi~ cajneá~ e jmi~ jō, lajee' gui'nang'~ teáaiñ'~ do fí jō nijaquíem' niguilíñ~ fí Jope, jō níngóo' guieñi'~ ie~ jō, jō lajee' jōb' cajgóo~ i Tú^ Simón do fí yá'^ 'núu' e lí~ guiiñ'~ do fí Jope e cangoféeiñ' Fidiéé'. ¹⁰ Jō sóong~ nijmi'aañ~ lajee' jō, jō ni'iiñ~ dór' i~bre. Jō lajee' guiiñ'~ dob, lajee' e née' guiá~ e nidór'~, canaang' ní' jalé' e cacuø' Fidiéé' e si'íiñ'^ e ninír' lafa' mi~ qui' dsea'. ¹¹ Jō cangár~ e caná' fí yá'^ jmi'güí, jō jnééng~ cajgó~ cóo' e lí' lacó' cóo' 'mi' e fe', jō jnééng~ 'núu'~ laji' quiú' quiúung'~. ¹² Jō e dsíí' 'mi' do jnééng~ teáng'~ langíng~ íng'~ jó' nuu' i dsí' tú~ guoo' jogui tú~ tii~, jō quiééng'gui cajo jaléng' mi' cóo'~ jaléng' qui' jogui langíng~ íng'~ ta'. ¹³ Jō canúur~ e cajíng'~ jaang' i guicafé' jō guicajíñ'~ do:

—Ráan'~, Tú^ Simón, jngang' i jó' na jō quié'.

¹⁴ Jō Tú^ Simón cañii' jō cajíñ'~:

—Ú~, Fii', jii'~ cóo'~ née'~ ja' mí cacún'~n jaléng' i jó' na, co' lajō ta~ huí' fí ni~ júu^ quiu' ta~ qui'naa', jnea'^ dsea' lí'naa' dsea' Israel.

¹⁵ Jōba' guicajíng'~ tu~ j guicafé' do:

—Jalé' e jíng'~ Fidiéé' e cuóøm' lí' cø'^, ja' e ta~ e fo'^ 'nu' e ja' cuóøng'.

¹⁶ Jō mi~ catí' 'ni' née'~ e guicafé' i dsea' do e júu^ jō, cangób'~ tu~ e 'mi' do fí yá'^ jmi'güí.

¹⁷ Jō caje' Tú^ Simón í dsíí' e~ guóng' jalé' e cangár~ do. Jō lajee' jō caguilíim~ i dsea' quiá'- Cornelio do fí quiá'- i Simón do e níngí' cangír' jmingír'. Jō mi~ caguilíiñ~ fí lí~ guiiñ~ i Tú^ Simón do, ¹⁸ jō cajmíng'í'r' cóo'~ júu^ teá' su dob lí~ guiiñ~ jaang' dseañu' i sii' Simón i sii'bi Tú^ cajo.

¹⁹ Jō lajee' jō, dobi sing' Tú^ Simón e í dsíí' quiá'- jalé' e cangár~ do mi~ tí' lí~ café' Jmi'guí' quiá'- Fidiéé' jō casí'~ ír' lala:

—Janú', Tú^ Simón, nab teáng- gaang` dseañu` i 'náng' 'nu. ²⁰ Ráan'- jo guó'` cóo'r~, jo ja` ee` í` o'` jii~ coo, co' jneab` dseañu` casín` n i dseañu` na fi' la.

²¹ Jo cajgám- i Tú^ Simón do li` dsíiñ^, jo cango'íiñ~ i dseañu` quíá'- Cornelio do jo cajíñ'- casí'-reiñ':

—Jneab` i ngi'na' 'náng'na'. ¿E~ júu^ quíé'na'?

²² Jo cañíi` i dseañu` gaang` do jo cajíñ'-:

—Jáa'naa' ta~ quíá'- jaang` fi' 'léé` quí-naa' i sii` Cornelio, jaang` dseañu` i guiúng- eáang` jogui contøom- jmiféiñ' Fidiéé'. Jo jaléng` dseañu` góo` dseañu` Israel eáam` jmi'gór` dseañu` do jogui 'neáaiñ` cajo. Jo jaang` ángel quíá'- Fidiéé` casí'- ír` e nitó'r` 'nu` fi' quíá'-r` jo ninúr- lajii~ júu^ quíí'- e 'né- nifí'`re.

²³ Jo catób'- Tú^ Simón i dseañu` gaang` do fi' sinúu^ li~ guíiñ~, jo dob cajer' colíing~ e uóø` jo. Jo mi~ cajneá- lajo, cangób- Tú^ Simón cóo'` i dseañu` do fi' Cesarea, jogui cangolím- bi cóo'r~ coo` tú- mung'~ dseañu` quíá'- Dseañu` Jmáang- i neáang` fi' Jope.

²⁴ Jo mi~ cajneá- coo`gui jmi~ lajo, joguiba' caguiliñ- cartí` Cesarea fi' li~ niguiing~ i Cornelio do sijeeng` ír` colíing~ cóo'~ jaléng` dseañu` sinúu^ quíá'-r~ cóo'~gui jaléng` dseañu` i cuíiñ` eáang` i cató'r- fi' quíá'-r~ e laco' ni'íñ' i Tú^ Simón do. ²⁵ Jo mi~ caguié- i Tú^ Simón do fi' jo, dob nisíng' i Cornelio do o'ná^ e nigüijeeng`neiñ'. Jo mi~ cangáng- rúíñ', dsifí` ladob casí'` Cornelio uóø- jnir~ fi' quini` i Tú^ Simón do e laco' nijmiféng`neiñ'. ²⁶ Dsu' Tú^ Simón dsifí` ladob caseang`neiñ' jo casí'-reiñ':

—Ráan'-, Cornelio, co' jneañu` lán'n jaang` dseañu` jmigüí` laco' 'nu`.

²⁷ Jo lajee` gui'ná^` sñiñ` ladob, ca'í- Tú^ Simón fi' dsíi` sinúu^, jo fíim` dseañu` nisiseáng' fi' jo mi~ cangotáaiñ'. ²⁸ Jo lalab casí'- Tú^ Simón i dseañu` do:

—Niñíb` 'nú' e jneañu^, dseañu` lí'naa' dseañu` Israel, ja` cuóøng` e dsitoo'~naa' dsíi` sinúu^ quíá'- dseañu` la 'nú' i ja` líng` dseañu` Israel, o'gui cuóøng` siing`naa' cóo'~ dseañu` la 'nú' cajo. Dsu' lana Fidiéé` nica'e'r` jneañu` e jo` cuóøng` e nifá'a e dseañu` la 'nú' i ja` líng` dseañu` Israel fa' e uóøng`na'. ²⁹ Jopa' mi~ caguiliñ- dseañu` quíí'- e tó'r` jneañu~, dsifíb` cagá-a cóo'r~, jo jii~ coo` ja` ee` dseañu` casé'e. Jopa' iin`n dseañu` dsii- e ta~ cate'na' jneañu`.

³⁰ Jopa' cañíi` Cornelio quíá'- Tú^ Simón jo cajíñ'-:

—Ningóo' quíú` jmi~ lana, jo e í' laco' ngóo' lana, lab guin`n fi' sinúu^ la e jmifén'n Fidiéé` la ii- 'ní' e ca'lóo-. Jo lajee` jo, coo` cajném- jaang` dseañu` i quí' coo` 'mi' e ji' eáang`, ³¹ jo cajíñ'- casí'-r~ jneañu~: “Cornelio, nicanúub- Fidiéé` jalé` júu^ quíí'-, jogui nicaliñi`bre jalé' e guiú- e nicaajmee'- cóo'~ jaléng` dseañu` i ja` sea` jalé' e 'né-. ³² Quiúu~ ta~ dseañu` quíí'- jo güiguiliñ- fi' Jope, jo güiguíte'r` jaang` dseañu` i sii` Simón, sii`bir Tú^ cajo, i táang` fi' quíá'- jaang`gui dseañu` i sii` Simón i guíing~ 'ni' jmiñí'^ i jmóo` ta~ jmi'ua~ loo` jó'.” ³³ Jopa' dsifí` lajob casín`n dseañu` quíé- e e caguitéer` 'nu, jo eáam` guiú- la nicaajmee'- e nicañi`ba'. Jogui lana lab nisee- naa' lajii~naa' fi' quini` Fidiéé`, jo eáam` ii~naa' ná'naa' jalé' júu^ e ca'íng'~ 'nu` quíá'- Dseañu` Jmáang- e catíi~naa' e ninú'naa'.

Jalé` júu^ quíá'- Tú^ Simón e café'r` fi' quíá'- Cornelio

³⁴ Jo mi~ cató'` fé' i Cornelio do, jo canaang` Tú^ Simón fé'r` júu^ quíá'-r~ jee~ jaléng` i dseañu` i siseáng' fi' quíá'- i Cornelio do jo cajíñ'-:

—Ná- guiba' ningán'n røø` e doñi` iib` dseañu` íng' Fidiéé` ja` e lí' ii` dseañu`, ³⁵ co' ím` Fidiéé` dseañu` i jmi'gór` ír` jogui i jmóo` e guiú- cóo'r~ doñi` jié' fi' li~ seeiñ. ³⁶ Jo Fidiéé` cangñiñ` júu^ quíá'-r~ la'eáang` cóo'~ jaléng` jneañu^, dseañu` lí'naa' dseañu` Israel, quíá'- jial niliseeng` dseañu` juguiú- júu^ røø` la'eáang` cóo'~ Dseañu` Jmáang-, co' íb` Fii~ jaléng` dseañu` jmigüí. ³⁷ Jo guiúb- ní' 'nú' jalé' e calí- ie~ ja` mí` ngóo' eáang` fi' guóo'~ uóø- quí-naa', jneañu^ dseañu` lí'naa' dseañu` Israel, jo canaang` jalé' e jo catí` Galilea mi~ cangí e caguia` Juan júu^ quíá'-r~ e 'né- nisáng` dseañu` jmi~ e laco' cuø` li~ e quí'- jing` yaaiñ~ fi' quini` Fidiéé`. ³⁸ Jo niñíb` 'nú' cajo jial cacuø' Fidiéé` Jmiguí` quíá'-r~ Jesús i cacuáng- fi' Nazaret, jo cóo'~ e bí` jo cajmée` Jesús jmang'- e guiú-, jogui cajmi'leáaiñ` jaléng` i íng'` iihuí` uíi~ e fii` i 'líng'` quíu' ta~ quíá'-r~;

jo jalé' e jo calí'r- cajméer, co' seem` Fidié` contøøng- cóo' ír. ³⁹ Jo caneb~ jnea'^ jalé' e guiá- e cajméé` Jesús ie~ jo fí' Jerusalén, lí'^ latøøng- lí' se' Judea. Jo mi~ lí' cøøng` lajo, cateáng` dsea` ír' fí' dse' crúu^ jo fí' job cajúíñ-. ⁴⁰ Dsa' Fidié` cajméer` e cajíb'tu dsea` do mi~ cadsíng- 'ní' jmíi~ lajo, jogui cajméer` e cajnéng- dsea` do jee~ jnea'^. ⁴¹ Dsa' ja` cajmijnéeng` 'ñia'r' jee~ lí'^ doñí' ií' dsea`, co' lajii~ jee~ jneab'^ cajmijnéeng` 'ñia'r', dsea` i nicaguíng` Fidié` lajii~ lami~ jéeng`gui quiá'- e nijmó'naa' júu^ røø` jalé' e calí' cóo' Jesús. Jo jneab'^ dsea` ca'né'^ caquiee`naa' cóo'r~ mi~ cangí e cají'tur calé' catú-. ⁴² Jogui Jesús casíñ` jnea'^ e niguiá'naa' júu^ quiá'r- jee~ jaléng` dsea`, jogui e nijmó'naa' júu^ røø` e Fidiéeb` dsea` casíñ` dsea` do e niquidsir' í' jee~ jaléng` dsea` jmígüi i jí'gui cóo'gui jaléng` i ni'lüing~ mi~ catí í' lajo. ⁴³ Jo jaléng` dsea` i nicafé' cuaiñ` quiá'- Fidié` lajii~ mali' eáam` café'r' cuaiñ` quiá'- Jesús, jogui cajím'-bir cajo e doñí' ií' dsea` i jáng' yaang` fí' jaguó` Jesús ni'ím- dsee- quiá'r- la'eáang` cóo' dsea` do.

Mi~ ca'íng` jaléng` dsea` i ja` lüing` dsea` Israel Jmígüi quiá'- Fidié`

⁴⁴ Jo laco' gui'nang' sim'bi Tú^ Simón e fé'r` jalé' júu^ quiá'- Dsea` Jmáang- fí' jee~ i dsea` i siseáng' do, mi~ tí' lí' cangíng` jaléng` i dsea` do Jmígüi quiá'- Fidié`. ⁴⁵ Jo jaléng` i dsea` Israel i nilüing` dsea` quiá'- Dsea` Jmáang- i caguilíng- cóo' Tú^ Simón fí' quiá'- i Cornelio do, eáam` cangogá` dsíir' mi~ calilí'r^ e cangím` jaléng` dsea` i ja` lüing` dsea` Israel Jmígüi quiá'- Fidié` cajo, ⁴⁶ co' núur` síng` i dsea` do cóo'~ jmíi' e jié'gui laco' jmíi' quiá'r- jogui jmiféiñ' Fidié` cajo. ⁴⁷ Joba' cajíng'- i Tú^ Simón do casí'r- i dsea` do ladsifí' lado:

—Jii~ jaang` ja` ií' cuøøng` jníng- e nisáng` i dsea` la jmíi' e laco' cuø' lí' e nilüiñ` dsea` quiá'- Dsea` Jmáang-, co' nica'ím'bre Jmígüi quiá'- Fidié` laco'gui nica'íng'~ jnea'^ cajo.

⁴⁸ Jo caquiá' Tú^ Simón ta~ e cajgáam- i dsea` do jmíi' e laco' cuø' lí' e nilüiñ` dsea` quiá'- Dsea` Jmáang-. Jo mi~ cangí jo, jaléng` i dsea` do camí'r' Tú^ Simón e fa' nijé'-bi dsea` do cóo' tú- jmíi' cóo'r' fí' jo.

11

E~ uüing` e caguiar' júu^ quiá'- Dsea` Jmáang- fí' jee~ dsea` i ja` lüing` dsea` Israel

¹ Jo mi~ cangí jo, jaléng` dsea` apóo^ cóo'gui jaléng` dsea` quiá'- Fidié` caguiaang- gui i neáang` lacaang` lí' se' Judea, caliñir' júu^ e jaléng` dsea` i ja` lüing` dsea` Israel nica'ím'bre cajo júu^ quiá'- Dsea` Jmáang-. ² Jo mi~ caguiéng'-tu i Tú^ Simón do fí' Jerusalén, i lüing` dsea` Israel i lüing` dsea` quiá'- Dsea` Jmáang- canaaiñ` cuø'reiñ' dsee- ³ jo sí'reiñ':

—¿Jialí' caguié'- lacaang` quiá'- jaléng` dsea` i ja` lüing` dsea` Israel jo caguiquíe' cóo'r'?

⁴ Jo canaang` Tú^ Simón jma'reiñ' júu^ latí' uüing~ quiá'- jalé' e calí- do jo cajíñ':

⁵ —Lajee` táan`n fí' Jope, jo lajee` guiáang'~ e fón'n Fidié`, camó-o lüing~ ee` camó-o lafa' mi~ qui' dsea'; jo camó-o cajgó- fí' yá'^ jmígüi cóo' 'mi' e fe' eáang', jo 'ñíu~ lajii' quiú' quiúung', jo catisí' fí' lí' sín'n. ⁶ Jo mi~ cajøø-røø` dsíi' e 'mi' do, jo camó-o e teáang'~ langíng- íng'~ jó' nuu` i dsí- tú- guoo` jogui tú- tí- cóo'gui jaléng` mi' jogui jaléng` qui' cóo' langíng- íng'~ ta'. ⁷ Jo canú-u e lüing~ ií' guicafé' jo guicajíñ': “Ráan'-na, Tú^ Simón, jngan' i jó' na jo cun're!” ⁸ Jo cafá'-a: “Ú~, Fí'i, jii~ cóo'~ née~ ja' mí' cacún'-n jaléng` i jó' na, co' lajo ta~ huí' fí' ní' júu^ quiá' ta~ qui'naa', jnea'^ dsea` lí'naa' dsea` Israel.” ⁹ Joba' canú-túu e luu~ e guicafé' fí' guiá' güi do jo casí'- jnea~ lala: “Jalé' e jíng'- Fidié` e cuøøng` lí' cø', ja' ta~ e fo' 'nu' e ja' cuøøng` jme'^ lajo.” ¹⁰ Jo 'ní' née~ catí e jgóo' e 'mi' do; jo mi~ cangoyúung'~, jo cajgóob-tu fí' yá'^ jmígüi. ¹¹ Jo lajee` guiáang'~ e móo'o jalé' e jo, caguilíng- gaang` dseañu' i 'náng' jnea~ i jalíng- tí' Cesarea caguilíñ- fí' lí' guin~n do. ¹² Jo caquiá' Jmígüi quiá'- Fidié` ta~ jnea~ e cangó-o cóo' i dsea` do e ja' casé'e e jii~ cóo' ta~ uí' e ja' lüing` dsea` do dsea` Israel. Jo cóo' baa jñüung- gui i dsea` quiá'- Dsea` Jmáang- la cangó-o. Jo mi~ caguié- e fí' Cesarea, lajalé'baa' cangotóo'naa' fí' quiá'- jaang` dseañu' i sii' Cornelio. ¹³ Jo fí' jo cajmea'r' jnea'^ júu^ jial cangáñ- jaang` ángel i lüing` guotii- Fidié` fí' quiá'r-; jo cajíng'- i ángel do casí'-reiñ' do lala: “Síng` dsea`

quí' fí Jope, jo güiguite'r jaang` dseañu` i sii` Simón, i sii`bi Tú` cajo. ¹⁴ Jo í`bing' nijíng'` jial cuøøng` nileáng`na' jee` dsee` quí`-na' colíng` cóo` jaléng' i seeng` quí`-na'." ¹⁵ Jo mi` canaang` e fón`nre, job mi` cangáin` Jmiguí` quíá'- Fidié` lajaléin` do lí` laco'gui cangíng` jnea`, dsea` lí`naa' dsea` Israel, latí` mi` uíng`. ¹⁶ Jo joguib cadseng'` dsii` lajii` e cajíng'` Fí`naa' Dsea` Jmáang` lami` cateáaiñ` cóo` jnea` fí` jmigü` la mi` cajín`- lala: "E já`-ba' e Juan caseáaiñ` dsea` jmí`, dsu' 'nú` nisáng`na' jmí` cóo` Jmiguí` quíá'- Fidié`." ¹⁷ Jo song Fidié` cacuø'r` i dsea` i ja` líng` dsea` Israel Jmiguí` quíá'- laco'gui cacuø'r` jnea`, dsea` lí`naa' lajo mi` ca'íng`-naa' júu` quíá'- Fí`naa' Dsea` Jmáang`, joba' çí` jnea` e nijñin`n lajii` ta` quíá'- Fidié`?

¹⁸ Jo mi` canúu` jaléng' i dsea` Israel i líng` dsea` quíá'- Dsea` Jmáang` jalé` júu` quíá'- Tú` Simón, dsifí` lajob jo` e cañír` jii` cóo` quíáin` do, jo canaaín` jmifeín` Fidié` jo fé'r':
—E jáb' e nicacuø' Fidié` jaléng' dsea` i ja` líng` dsea` Israel e niquí`- nijíng' yaaiñ` fí` quinir` laco' cacuø'r` jnea`, jo lajoba' ni'uíñ` dsea` i catíng` seeng` cøøng` cóo` Fidié` lata`.

Jaléng` dsea` quíá'- Dsea` Jmáang` i seeng` fí` Antioquía

¹⁹ Jo ie` do, mi` cangí e cajnga' dsea` quíá'- i Té` do, mi` canaang` jmáang' dsea` ga` jaléng' dsea` quíá'- Dsea` Jmáang`, joba' i líng` i dsea` í` cangolíñ` cartí` lí` se' Fenicia jogui lí` se' Chipre cóo` Antioquía lí` se' Siria. Jo mi` caguiliñ` fí` jo, canaaín` e'r' jaléng' dsea` Israel júu` quíá'- Fí`naa' Jesús, dsu' jii` dsea` í`bing' ca'e'r' jo ja` ca'e'r' dsea` jíéng'gui. ²⁰ Jo nañí` fa' e lajob cajmér`, dsu' cóo` tú` máng` dsea` i niseeng` fí` lí` se' Chipre cóo`gui fí` Cirene i nica'íng' Dsea` Jmáang` ie` do caguiliñ` fí` Antioquía, jo caguia`bre júu` quíá'- Fí`naa' Jesús jee` jaléng' dsea` i ja` líng` dsea` Israel. ²¹ Jo eám' cajmicóo` Jmiguí` quíá'- Fidié` quíá'- i dsea` do, joba' fím' dsea` i ja` líng` dsea` Israel caquí`- cajíng' yaaiñ` fí` quini` Fidié` ie` jo; jogui catú`bre jalé` e lami` tñiñ` jmóor` jééng'gui jogui ca'uíñ` dsea` quíá'- Dsea` Jmáang`.

²² Jo mi` caliñí` i dsea` quíá'- Dsea` Jmáang` i neáng' fí` Jerusalén do jalé` e calí` fí` Antioquía, joba' casíñ` i Bernabé do fí` jo. ²³ Jo mi` caguie` í` fí` jo, cangár` e dseáng'` já`-ba' e nica'uíng` dsea` quíá'- Dsea` Jmáang` jaléng' i dsea` i ja` líng` dsea` Israel i seeng` fí` jo. Jo eám' cali'íáang` dsí' i Bernabé do ie` jo, jogui casí'r` jaléng' i dsea` do e ja` nitiúuiñ` do Dsea` Jmáang`, jogui e nijmiti`bir e ngocáng` dsí'r` jalé` júu` quíá'- dsea` do cajo. ²⁴ Jo i Bernabé do líñ` jaang` dseañu` i guiúng` eáang', jo contøøm` jée' Jmiguí` quíá'- Fidié` quíá'- cóo` jalé` e jmóor` do, jogui jáb' líñ` júu` quíá'- Dsea` Jmáang` car` ngocáng` dsí'r'; jo lajob fím' dsea` ca'uíñ` dsea` quíá'- Dsea` Jmáang` ie` jo.

²⁵⁻²⁶ Jo mi` cangí jo, jo cangó` Bernabé fí` Tarso e cango'neéiñ` Saulo. Jo mi` cadséiñ` dsea` do, cajéem`breiñ` do fí` Antioquía. Jo fí` job cajer` laji` huáaiñ` do lajee` cóo` jii` tøøng` e e'r' fíng` dsea` júu` quíá'- Dsea` Jmáang`. Jo e fí` Antioquía dob lí` la'uii` calisí` dsea` quíá'- Dsea` Jmáang` jaléng' i dsea` i cajáng' yaang` fí` jaguó` Jesús.

²⁷ Jo ie` jo, cóo` tú` máng` dsea` i jmóo` ta` e fé'r` cuaiñ` quíá'- Fidié` ca'uøøiñ` fí` Jerusalén jo cangolíñ` fí` Antioquía. ²⁸ Jo mi` caguiliñ` fí` jo, jaaíñ` do i sii` Agabo casíng'` ñia'r' fí` quini`gui, jo cajín`- la'eáang' cóo` Jmiguí` quíá'- Fidié` e tí` nijáa` jii` oo` fí` jo. Jo jalé` e jo cangojée' lajee` jii` quíá'- jaang` dseata` dsea` féng' i calisí` Claudio. ²⁹ Joba' jaléng' dsea` quíá'- Dsea` Jmáang` i neáng' fí` Antioquía ca'í` dsí'r' e nisíñ` jalé` e nijmicóo'r` i dsea` quíá'- Dsea` Jmáang` i neáng' fí` lí` se' Judea, lí` jíé' jii` lí` quí'r` jmí`, ³⁰ jo lajob cajméer'. Jo la'eáang' Bernabé jogui Saulo cangolí` jalé` e do quíá'- jaléng' dsea` cøøng` i neáng' fí` lí` se' Judea.

12

Mi` cajnga' dsea` quíá'- Jacóo`

1-3 Jø lajee˘ jø, lajee˘ jmóo` dsea` Israel jmíi~ quiá'r- e gø'r íñí' e ja` quie' quiéeng, jø ie~ jø canaang` Herodes Agripa, jaang` dseata~ dsea` féng' i quiu' ta~ fí Jerusalén, jø canaaiñ` jmáiñ` ga` i líing~ dsea` quiá'- Dsea` Jmáang- i neáang' fí jø. Jø lajee˘ jø, caquiur' ta~ e cajnga' dsea` quiá'- i Jacóo` cóo'~ ñisu', jaang` dsea` i óo` ta~ quiá'- Fidiée˘; jø i dsea` í líiñ` jaang` dsea` ngáang'~ cóo'~ i Juan do. Jø mi~ calilí' i dseata~ Herodes do e catíb` dsí' jaléng' dsea` Israel e cajnga' dsea` quiá'- i Jacóo` do, jøba' caquiur' ta~ e catám' i Tú` Simón do cajo. 4 Jø mi~ catáiñ' dsea` do jø caquiur' ta~ e dsí' 'nuañí' ca'íñ' do ladsifí' lado. Jøgui mifíng' caquiur' ta~ guiñúung- 'lée- quiá'r- i nidsijmée- í i Tú` Simón do, jøgui e nijmér- dsiguiéng' tá'- la quiúung- dsea` e laco' ja` sitúung; jø í dsíur' e mi~ ningí' e jmíi` doba' nisíñ' dsea` do fí quini~ jaléng' dsea` fíi. 5 Jø e eáam'ba' jée' 'lée- quiá'- i Tú` Simón do lí' iuuiñ- e laco' ja` dseáang~ niliúng- 'ñia'r'. Jø lajee˘ jø, lajalém' dsea` quiá'- Dsea` Jmáang- féiñ' Fidiée˘ uii~ quiá'- dsea` do e ngocáng` dsíur'.

Mi~ caguíng` jaang` ángel quiá'- Fidiée˘ Tú` Simón fí dsí' 'nuañí'

6 Jø mi~ nijneá e uóø` jøba', si'í e nidsijéeng` i dseata~ Herodes do Tú` Simón fí quini~ jaléng' dsea` fíi e niquidsír' í' quiáiñ'- do. Dsu' 'ñia' e uóø` jø, dob ráang` Tú` Simón güñiñ` fí dsí' e 'nuañí' do, jø 'ñuu'~ guóor` cóo'~ ñí' cadena, jøgui teáang- jmá'- jáng' 'lée- i jmóo` í' ír` lacataang` cáaiñ, jøgui jiéng' gui 'lée- i teáang- jmóo` í' e o'nú' 'nuañí' do. 7 Jø lajee˘ jø, cóo` cajném- jaang` ángel i casíng` Fidiée˘ fí lí' ráang` i Tú` Simón do fí dsí' 'nuañí', jø jlo' cajneá- fí latøng- e dsí' jø. Jø i ángel do cangoquíeeiñ` lí' ráang` Tú` Simón jø cagü'r' mo'uóø' dsea` do; jø dsifí'bi cajné- dsíñ' do lí' ráaiñ` güñiñ, jø lalab casí'- i ángel do ír`:

—Jminá- ráan'- na, Tú` Simón.

Jø dsifí' lajòb casojiá' e ñí' cadena e 'ñuu'~ guoo` Tú` Simón do. 8 Jø cajíng'- i ángel do calé' catú- casí'r- dsea` do:

—Quí' sí' lajminá- jøgui øø' lomíi~.

Jøba' lajòb cajmée` Tú` Simón ladsifí' lado. Jø cajíng'- gui i ángel do casí'r- dsea` do lala:

—Te' 'mijñá' iá~ lúu' jø má-aa' cóo'~ jnea~.

9 Jø dsifí' lajòb cango'leáang` i Tú` Simón do laco' cagü'í' i ángel do, jø jíi' ja` ñir' si já'- si ja` já'- lajii' e jíng'- i ángel do, có' nír` e do lafa' mi~ quí'bre. 10 Jø cangám'bre lí' teáang` i 'lée- do la'uii~, jø lí- jø, cangüñ' lí' teáang- cóo' 'lé'gui. Jø mi~ tí' lí' ningóo' uóñ' fí cóo' o'nú' lí' lí' layaang~ ñí' e mifíng' ni'uóñ' cartí' caluu', 'ñiab' e jní' do caná', jø ca'uóøm'bre. Jø cueeb'jiu capí' lí' cangolíñ' e ngir' colíing~ lado. Jø mi~ cangoyúung' jø, catáub- i ángel do quiá'- i Tú` Simón do, jø 'ñia'biñ' do cangáng'- guir.

11 Jø mi~ calilí' i Tú` Simón do e dseáng'- jáb'- jalé' e cangongüñ- do jøba' cajíñ'-:

—Nab nicamó-o e dseáng'- já'-ba' nicasíng` Fidiée˘ i ángel do quiá'r- e cajaleaaiñ` jnea~ fí jaguó' i dseata~ Herodes do e laco' ja` calí'r- cajmicóo'~ rúíñ' cóo'~ dsea` góo'o dsea` Israel fa' ee` cajmeáiñ' jnea~.

12 Jø mi~ cangí' e calilí'r' e jø, condséeb' cangáiñ'- fí quiá'- jaang` dseamí' i sii` Yá', niquiá' jaang` dseañu' i sii` Juan, sii'bir Marcos cajo. Jø fím' dsea` quiá'- Dsea` Jmáang- siseáang' fí jø e féiñ' Fidiée˘ lajee˘ jø. 13 Jø mi~ caguiéng'- i Tú` Simón do fí jø, dsifí' lajòb cabár` jní' o'nú' e tór' i dsea` teáang'~ dsí' do e laco' nineaiñ'- do 'núu'. Jøba' cangó- jaang` simí' i jmóo` ta~ i sii` Rode e ngoñir' i i bá' e jní' do. 14 Jø dsifí' mi~ calicuir' luu' i Tú` Simón do, sóong- cali'íáang` dsíur', jø lafa' e nineár- e 'núu' do e ningíng- Tú` Simón, dsifí' lajòb caquíng'- tur cangojmée'r' i teáang'~ dsí' do júu' e Tú` Simómbing' sing' bá' e jní' do. 15 Jø cajíng'- i dsea` teáang'~ do casí'r- i simí' do:

—iNgaam` 'nu, simí'!

Dsu' i simí' do jíñ'- e já'-ba' e Tú` Simómbing' guisíng' e tór' o'nú'.

Dsu' i dsea` cagüiaang- do cañír':

—O' Tú` Simón do. Jangám- i ángel i jmóo` í' quiá'-bre do.

16 Jo lajee s'ing` i dsea` do lado, dob sing' Tú` Simón e bá`bir jní` fí` caluu`. Jo lí` mí` caneáar` e jní` do, joguib calilí`r` e Tú` Simómbing' nising', jo sóong` cafóin' mí` cangáin` dsea` do. 17 Dsu' i Tú` Simón do cajmээр` lí` cóo'` guoor` e laco' jo` ta'li i dsea` do mí`. Jo mí` ní`iuuiñ` dsí' sinúu`, joguiba' cajmea'r` i dsea` do júu` la'uiing` lanú`- jial cajmicóo'` Fidiée` quiá'r` e cagüi`h'r` dsí' e 'nuñí` do jo cajíñ`- casí`-reiñ`:

—Jmée`na' júu` Jacóo` cóo'`gui dsea` quiá'- Dsea` Jmáang` i caguiaang`-gui do jalé' e guiá' e cajmée` Fidiée` cóo'`-jnea` fí` dsí' 'nuñí`.

Jo mí` calí`-s'íñ` lado, jo cagüi`h'bre jo fí` lí` jiéb` cangór`.

18 Jo mí` cajneá` cóo'`gui jmí`, mí` cangá`-jaléng' i 'léé` do e jo` Tú` Simón seeng` fí` dsí' 'nuñí`, sóong` cangogá` dsí'r` lajaléin' do, co' jii' ja` ñir` e` calí` cóo'in' do. 19 Jo mí` caliñi` i dseata` Herodes do e jo` Tú` Simón seeng` fí` dsí' 'nuñí`, joba' caquiá'r` ta` e cali'ném`-biñ' do, dsu' jo` lí` cadséng`-neiñ'; joba' cató'r` lajüing` 'léé` i si'í` cajmée` í` quiá'- Tú` Simón do, jo caquiá'r` ta` e cajúm`-biñ' do lajüiñ` dsifí` lado uí' e caláang` i Tú` Simón do. Jo mí` lí` cóong`gui lajo, cagüi`h'b` dseata` Herodes lí` guiiñ` lí` se' Judea, jo cangór`-cangogüear` fí` Cesarea.

Mí` cajúng` i dseata` Herodes Agripa do

20 Dsu' ie` jo, sóong` nisigüing` i dseata` Herodes do quiá'- jaléng' dsea` i niseeng` fí` Tiro cóo'` Sidón, dsu' i Herodes do i 'né` nicuó`-fí` e nilisea` jalé' e nidó'- i dsea` seeng` fí` Tiro cóo'`gui i dsea` i seeng` fí` Sidón; joba' i dsea` seeng` fí` laji` tú`-fi` jo dseáng' 'néb` e niliseein` røø` cóo'` i dseata` do e laco' nilisea` jalé' e gøin' do. Jo calí`-bre jaang` dseañu' i líng` jaang` dsea` nu'luu` quiá'- i dseata` Herodes do i sii` Blasto, jo cacuø`-reiñ' do cuu` e laco' niféin' do uii` quiáin'. Jo lajoguibá' calí`r` e s'íñ` cóo'` i dseata` Herodes do. 21 Jo catéein' do cóo'` jmí` lí` e iin` nisíñ` cóo'` jaléng' i dsea` do. Jo e jmí` jo, dsea` seeng` fí` Tiro cóo'`gui fí` Sidón caguilíñ` fí` lí` guüing` i dseata` Herodes do. Jo ie` jo i dseata` Herodes do caquiá'r`-si'r` lali` e jlo'`gui e sea` quiá'r`, jo caguár` ní` 'masii` quiá'r` lí` guar` mí` quidsir` í', jo canaaiñ` bír` güi` quiá'r` jee` jaléng' i dsea` fi` do. 22 Jo mí` canúu` jaléng' i dsea` do jalé' júu` quiá'- i dseata` Herodes do jo canaaiñ` fé'r` teá' lala:

—Jaang` diée` i fé' na lana, o' dsea` jmigüi` na!

23 Jo dsifí` lajob jaang` ángel quiá'- Fidiée` cajmээр` e catóm' i dseata` Herodes do e dséer` ladsifí` lado, co' cacuø'r` fí` e cajmiféng' dsea` ír` laco' Fidiée` 'ña'r'. Jo cajúm` i dseata` Herodes do cóo'` jmohuú` e cacuø' i ángel do e cagó'` jóo'` ír`.

24 Dsu' lajee` jo, eáang`gui ngóo'` ní` júu` quiá'- Fidiée` jogui doñi` jiéb`-nínúu` dsea` e júu` jo.

25 Jo mí` tí` lí` cató'` ta` quiá'- i Bernabé cóo'`gui Saulo fí` Jerusalén, jo cangolíim`tur fí` Antioquía, jo té`bre Juan i sii`bi` Marcos cajo.

13

Mí` canaang` Bernabé cóo'` Saulo e guiar` júu` quiá'- Fí`naa' Jesús lacaang` fí` lí` jié'

1 Jo mí` caguilíñ` fí` Antioquía caseáin' cóo'` jaléng' dsea` quiá'- Dsea` Jmáang` i nineáang` fí` jo, jo jee` jo níquiéng` jaléng' dsea` i fé' cuaiñ` quiá'- Fidiée` cóo'`gui jaléng' tifa' quiá'- júu` quiá'- dsea` do; jaaiñ' do nisiir` Simón i sii` Simón Le', jaang`gui i sii` Lucio i caliséng` fí` Cirene, jaang`gui i sii` Manaén i cacuáng`-colüing` cóo'` i dseata` Herodes do i calíng` dseata` dsea` féng' quiá'- Galilea, jogui Bernabé cóo'`gui Saulo do. 2 Jo cóo'` jmí` lajee` guiaang`-teáang` i dsea` do e jmiféin' Fí`naa' Fidiée` jogui jmóor` ayuno e ja` gø'r` ír` lajee` jo, casí`-Jmiguí` quiá'- Fidiée` ír` lala jo cajíñ`-:

—Cuøng`na' jnea` i Bernabé na cóo'`gui Saulo quiá'- e nináin` jmér`-lajüi` ta` e nicatøø`-øre na.

3-4 Jo mí` cangoyúung' e féin' Fidiée` jogui cajmээр` ayuno, dsifí` lajob caquidsí` i dsea` do guoor` fí` mogui` Bernabé cóo'`gui Saulo e laco' cuø' lí` quiá'- lajüi` ta` nidsilíñ` do. Jo

mi~ calí~ jo, ca'í'breiñ' do júu^, jo cangolíim^biñ' do, jo cóo'bre i Juan Marcos do i jmicóo'~ quiá'r~.

Mi~ caguia' gáng~ i dsea' óo' ta~ quiá'- Fidiéé' júu^ quiá'- Dsea' Jmáang~ fí' Chipre

⁵ Jo Jmiguí quiá'~ Fidiéeb' casí' quiá'~ i Bernabé do cóo'gui Saulo fí' cóo' oo~ jmíi' e sii' Seleucia e née' 'ni' jmiñí'~. Jo mi~ caguiliñ' fí' jo, cangotáaiñ' fí' cóo' dsí' móo' jo cangolíiñ' fí' cóo' oo~ jmíi' li~ sii' Salamina e née' fí' lí' se' Chipre. Jo mi~ caguiliñ' fí' jo, jo cajgám~bre e móo' do, jo dsifí' lajob cangolíiñ' fí' lí' téé' guá'~ quiá'~ dsea' góor' dsea' Israel jo canaaiñ' guiar' júu^ quiá'~ Fidiéé' fí' jo.

⁶ Jo mi~ cangí jo, cangíiñ' la'úm~ e ni~ uó' e née' ni~ jmiñí'~ do cartí' caguiliñ' fí' oo~ jmíi' e sii' Pafos. Jo fí' job cajíñ' jaang' dsea' Israel i sii' Barjesús, jo cóo'~ jmí' griego siir' Elimas. Jo i dseañu' do nilíiñ' jaang' dsea' láang' i ngí' ta~ jmigóong' jaléng' dsea', có' jín'~ e líiñ' jaang' i fé' cuaiñ'~ quiá'~ Fidiéé', dsu' o' já'~ e lajo. ⁷ Jo i dsea' láang' do nilíiñ' jaang' i jmóo' lajji'~ e iing' dseata~ dsea' féng' i sii' Sergio Paulo, jaang' dseañu' i tíing' eáang'. Jo mi~ caliñí' i dseata~ dsea' féng' do e fí' góo'bre nitáang' Bernabé cóo'gui Saulo, joba' cató'~reiñ' có' iñ' ninúr~ júu^ quiá'~ Fidiéé' e guiaiñ' do. ⁸ Dsu' i dsea' láang' do cajníim'bre quiá'~ i dseata~ dsea' féng' do e laco' ja' já'~ nilíiñ' do júu^ quiá'~ Fidiéé' e guia' i Saulo do. ⁹ Jo eáam' jéeng' Jmiguí quiá'~ Fidiéé' i Saulo do i sii'bi Paa~ cajo, joba' cajóoiñ' i Elimas do la'úung' ¹⁰ jo casí'r~ dsea' do:

—Nu' lin' jaang' adsee' féng' jogui jóo' fii' i 'ling'~; có' jni' fí' quiá'~ jaléng' dsea' i iing' jmé' e guia'~. ¿Jialí' jnin' fí' quiá'~ jaléng' dsea' i iing' nisíng' yaang' fí' guia'~ cóo'~ Dsea' Jmáang'~? ¹¹ Lana Fí'naa' Fidiéé' nicuó'r' 'nu' cóo' iihuí', jo nijá'~ e jo' lí' jóo'~ jii'~ capí'~ cartí' mi~ niquia'~ Fidiéé' ta' e nilijné'tu' calé' catú'.

Jo dsifí' lajob calinú' jmini' i Elimas do, jo canaaiñ' jmóor' quiijí' i~ dsea' i nisó' 'ma'u' quiá'r~ có' jo' lí' jóo'~ jii'~ capí'~. ¹² Jo mi~ cangá~ i dseata~ dsea' féng' do e calí' lado, dsifí' lajob já' caliñ' júu^ quiá'~ Dsea' Jmáang' có' eáam' dsigá' dsíir' jalé' júu^ quiá'~ dsea' do e' i dsea' apóo' do.

Mi~ cangolíng' Paa~ cóo'~ Bernabé fí' Antioquía li~ se' Pisidia

¹³ Jo mi~ calí' ta~ quiá'~ i Paa~ do cóo'gui Bernabé cóo'gui Juan Marcos e fí' Pafos do, joba' ca'uóom'bre fí' jo e teáaiñ'~ fí' dsí' móo', jo cangolíiñ' fí' Perge e née' fí' lí' lí' 'ngóo'~ jmiñí'~ lí' se' Panfilia. Dsu' i Juan Marcos do jo' cangó'~ guir cóoiñ'~ do, jo caquim'~ tur fí' Jerusalén. ¹⁴ Jo mi~ cangí jo, ca'uóom' i Paa~ do cóo'gui Bernabé fí' Perge, jo cangolíiñ' fí' cóo'gui fii' lí' sii' Antioquía e née' lí' se' Pisidia. Jo mi~ caguiliñ' fí' jo, cóo' jmíi' lajee' e tíing' dsea' góor' dsea' Israel e jmi'íñ', cangotáaiñ' fí' guá'~ quiá'~ dsea' do, jo fí' job caguár' jee' jaléng' dsea' i teáang'~ do ie~ jo. ¹⁵ Jo mi~ cangoyúung'~ e ca'í' i dsea' do e júu^ quiu' ta~ quiá'~ Fidiéé' cóo'gui e júu^ quiá'~ jaléng' dsea' i café' cuaiñ'~ quiá'~ Fidiéé' do malí'gui eáang', jo mi~ cangí jo, i dsea' i née' ni' e guá'~ do casí'r~ i dsea' gáng' do jo cajíñ'~:

—Rú'uu', song sea' júu^ e iing'na' fong'na' jaléng' dsea' góo'na' la e laco' nijmicóo'~ quiá'r~, cuóom' fong'na'r lana.

¹⁶ Jo dsifí' lajob caróo'~ i Paa~ do lí' guiiñ'~, jo cajméer' lí' cóo'~ guóor' e laco' ninú' i dsea' do júu^ quiá'r~, jo lalab cajíñ'~ casí'r~ i dsea' do:

—Núu'na' júu^ quié' e jaléng' 'nú', dsea' góo'oo' dsea' Israel, jogui jaléng' 'nú' dsea' ja' líng'na' dsea' Israel i jmi'goo'na' Fidiéé' qui' jnea': ¹⁷ Lajji'~ malí' eáang' Fidiéé' caguíñ' 'lí' dsea' cóong'~ qui'~ii', jo lajee' e neáaiñ' fí' Egipto, cajméé' Fidiéé' e eáam' cangofíiñ', doñí' fa' líiñ' dsea' seeng' fí' fii' lí' o' góor'. Jo mi~ cangí jo, ca'uóom'bre i dsea' do fí' Egipto la'eáang' cóo'~ e 'góiñ' do. ¹⁸ Jo lajee' tuló'~ jii' e cangiñ' do fí' ni' guóo'~ uó'~ quié', cajmééb' Fidiéé' féng' dsíir' uii' quiáiñ' do. ¹⁹ Jo mi~ caguiling' i dsea' cóong'~ qui'~ii' dsea' Israel do fí' lí' se' Canaán, ca'íim' Fidiéé' jaléng' dsea' i neáang' fí' jo; guié' fii' ca'íiñ'~ ie~ jo e laco' caliseá' uó'~ e cacuø'r' 'lí' dsea' cóong'~ qui'~ii' e fí' lí' se' Canaán do. ²⁰ Jo mi~ cangí cuatrocientos cincuenta jii' e caguá' dsea' cóong'~ qui'~ii' dsea' Israel fí' Egipto,

joguib cacuøong` Fidié` lajüing` dsea` î dsea` i cacá` nifí` quiá`- dsea` góor` i líng` dsea` cøong`- qui`-ii' do. Jo dsea` góo'oo' i sii` Samuel i fé` cuaiñ` quiá`- Fidié`, íbing` cacá` nifí` quiá`- dsea` áang` qui`-ii' do cartí` lí` cadséng`- . 21 Jo mi` cangí` joguiba' dsea` góo'oo' camiiñ` Fidié` jaang` dseata` dsea` féng` i niquiá`- ta` quiá'r`- jee` la'ó' dsea` góo'oo' do. Joba' Fidié` cacuøoiñ` jaang` dseata` dsea` féng` i calisí` Saúl, jóo' jaang` dseañu` i calisí` Cis, siju` Míng~, jaang` lajee` guitúung` 'lé' dsea` áang` qui`-ii' do; jo i Saúl dob caquiá' ta` quiá`- dsea` áang` qui`-ii' lajee` tuló`- jüi. 22 Jo mi` cangí` jo, caguím` Fidié` i dseata` Saúl do e liiñ` ta`, jo caguiéeiñ` jaang` dseañu` i sii` Daví` i nilíng` dseata` dsea` féng` quiá`- dsea` Israel, jóo' jaang` dseañu` i sii` Isaí. Jo lalab cajíng`- Fidié` e éeiñ` i dseata` Daví` do ie` jo: "Eámam` iáang` dsii` cóo`- Daví` i líng` jóo' Isaí, co' nijmiti`-bre lajüi`- e iin`-n." 23 Jo jaang` lajee` dsea` siju` i dseata` Daví` do, íb` dsea` góo'oo' Jesús i cajíng`- Fidié` lajüi`- lamali`gui do i nisíñ`- fí` jmigüi` la e nileáiñ`- jneaa`-aa' jee` dsee`- qui`-ii', dsea` lí` dsea` Israel, lí` laco'gui` jüi`- júu` e nicacuør` jéeng`gui. 24 Dsu` ná`-gui e cagüéng`- Jesús fí` jmigüi` la, cangí` jaang` dsea` góo'oo' i sii` Juan e ni`r` júu` jee` jnea` dsea` Israel quiá`- jial`-né`- niquí`- jíng` yaang` dsea` fí` quini` Fidié` jo lajoguiba' cuøong` nisáiñ`- jmii. 25 Jo mi` nijaquiéem`-ba' e nité` ta` quiá`- i Juan i seáang` dsea` jmii do, cajíñ`- casí`-r`- jaléng` dsea` lala: "Ja` í` óo`na' e jnea` i dsea` i sijeeng`-na' do i jíng`- Fidié` i nisíñ`- fí` jmigüi` la, co' nabi` nijáa` dsea` î cøong`guijia` na, jo fí` quini` í` ja` quíng` jnea` co' sii`- i capí`- ní`- ñáa` lomiiir`-."

26 'Dsea` rú`-uu', jaléng` jnea` dsea` Israel dsea` siju`- lí`- yáa`- qui`-ii' Abraham lí`-naa', jogui` jaléng`- 'nú', dsea` ja` líng`-na' dsea` Israel i jmí`gó` Fidié`, catám`-baa' lajalé`-naa' e juguiá`- e guiaa`- la quiá`- jial` nileáng`-naa' jee` dsee`- qui`-naa'. 27 Dsuo' jaléng` jnea` dsea` Israel i seeng` fí` Jerusalén cóo`- lajaléng` dsea` quié` nifí` qui`-ii' ja` calilí`-r` i`- dseáng`- Jesús i cajíng`- Fidié` i nisíñ`- fí` jmigüi` la e laco' nileáiñ`- jneaa`-aa' jee` dsee`- qui`-ii', o'gui` cangáiñ` jalé`- júu` quiá`- Fidié` e cajme` i dsea` i fé` cuaiñ` quiá`- dsea` do e í` dsea` fí` laco` fí` dsí` guá`- qui`-ii' mi` jmii` e jmi`íng`-naa'. Dsu` mi` cateáaiñ` i Jesús do fí` dse`- crúu`, e jüi`- yaaíñ`- ja` calilí`-r` e joguib` caliti`- jalé` e cajme` i dsea` i café` cuaiñ` quiá`- Fidié` fí` ni` jì` quiá'r`- mali`-gui eáang`. 28 Jo nañí` fa' jüi`- cóo` dsee`- ja` cadsé` dsea` góo'oo' dsea` Israel quiá`- dsea` góo`-naa' Jesús e quiá`- nijngáiñ`- dsea` do, dsu` cangomii`-bre fí` dseata` Pilato e quiá`- niquiá`- dsea` do ta` e nijngáiñ`- Jesús. 29 Jo mi` cangoyúum`- e caliti`- jalé` e fé` fí` ni` jì` quiá`- Fidié` uii` quiá`- Dsea` Jmáang`- latí` jüi`- mali', jo cajgiáam`-bre dsea` do fí` dse`- crúu` lí` cajúíñ`, jo cango`áaiñ` fí` dsí` cóo`- too`- jiaá` laco' litíng` dsea` góo'oo'. 30 Jo dsu` Fidié` cajméer` e cajíb`-tu dsea` do mi` cadsí`- 'ní` jmii` lajo. 31 Jo lajee` jmiguiá` jmii` cajmijnéeng`- ñia`-r` jee` jaléng` dsea` i cangí` cóo`-r`, tí` lí` se` Galilea jo cartí` Jerusalén. Jo jaléng` dsea` íb` i`- ninaang`- guia` júu` quiá`- Fí`-naa' Jesús jee` jaléng` dsea` jmigüi` lana colíng`- cóo`- jnea`.

32-33 'Jo jnea` cuøø`-naa' 'nú`- lana e juguiá`- e cacuø` Fidié` dsea` cøong`- qui`-ii' lajüi`- mali', co' nicajmiti`-bre e júu` jo qui`-naa', dsea` lí`-naa' dsea` sijur`, mi` casíiñ` Jóor` fí` jmigüi` la lí` laco'gui` la fé` fí` ni` jì` salmo e catí` tú`- do lí` fé` lala: "'Nub` Jóo`o, jo jmii` na nijmée` e niliñí` dsea` e jneab`- lín`-n Tiquí`-." 34-35 Jo Fidié` cajméer` e cajíb`-tu Jesús mi` cangí` e cajúíñ`, jogui` jo` nijúung`-tur o'gui` nijgié`- ngúu` táaiñ`; co' lalab café` Fidié` fí` ni` jì` quiá'r`-: "Nijmiti`-baa` la'eáang` cóo`- 'nu` jalé` júu` jlo`- niguó`- jogui` ja`- e cafí`- i dseata` Daví`-". Jogui` lalab café`-guir` cajo: "Ja` cuøø`- fí` e lí`- nijgié` lajo ngúu` táang`- 'nu`, dsea` güeang`- quié`- e i jmóo`- lajüi`- e iing`- jnea`-." 36 Jo o' quiá`- Daví`- fé` e júu` la, co' mi` cajmiti` i Daví` do lajüi`- e iing`- Fidié` e nijmér`, joguiba' cajúíñ`, jo fí` dob ca`áiñ`- fí` cáang`- lí`- sí`-aang`- lí`- tiquiá`-r`, jo ngúu` táaiñ`- cajgob` fí` nú`- uó`- . 37 Dsu` ngúu` táang` Jesús i cajmijí` Fidié` quiá`- do ja` cajgo`- lajo.

38 'Dsea` rú`-naa', dseáng`- 'né`- níb`- 'nú`- e jüi`- la'eáang` cóo`- Jesúsba' e íng`- Fidié` jalé` dsee`- qui`-ii'. 39 Jogui` doñí`- ii` i ja`- líng`- jalé`- júu` quiá`- dsea` do, nileám`-bre jee` jalé` dsee`- quiá'r`- fí` quini` Fidié`; co' jüi`- jaang` dsea` jmigüi` caláaiñ`- jee` dsee`- quiá'r`- la'eáang` e jmitir`- júu` quiá' ta` e cajme`- Moi` do. 40 Ñiing`- óo`na' jaléng`- 'nú', dsea`

rú'naa', e ja' cuø' fí' yaang~na' e güttíng`na' laco' cajíng'- jaang` dsea` i café' cuaiñ~ quiá'- Fidié' mali'gui eáang' mi~ cajme'r' lala:

41 Quié'na' cuente jaléng' 'ná' i ja' jíi~ júu^ quié'- e o'gui jái~ líng'na' e júu^ jo.

Jo güidsigá' óo'na' jogui nijúum~ba', co' jmguiú' jalé' e nijmee~ jnea~ jee~ 'ná'

jo jíi~ capí' ja' jái~ nilíng'na', fa' jialgui la jalíng- dsea' e jma'r' 'ná' júu^ røø` quiá'- jalé' e jo.

Jo lanab cajíng'- Fidié' fí' ni~ jì` quiá'r-.

42 Jo mi~ calí- fé' i Paa- do jalé' júu^ güi~ quiá'r-, jo ca'uøøm`bre dsíi' e guá'- do. Jo fíim' dsea` i ja' líng' dsea` Israel cangoliñ^ e cangomú'r' Paa- e niguiá-gui dsea` do júu^ mi~ nití- coo'gui jmi~ e jmi'íng' dsea` Israel. 43 Jo lajee~ ngoliñ- do, fíim' dsea` Israel cóo'~ jaléng' dsea` jíéng' i nica'uíng- dsea` Israel ngoliñ- colíng~ cóo'~ Paa- cóo'~gui Bernabé. Jo casí'r- jaléng' i dsea` do e ja' nijmitúng- dsíiñ' cóo'~ Fidié', jogui e güi'lib` dsíir' røø` jalé' e guiá- e cajmée' Fidié' cóo'r- e cangúñ- e cacuø' dsea` do e íaang` dsíir'.

44 Jo mi~ catí coo'gui semaan~ do, coo' jmi~ e jmi'íng' dsea` Israel, fíing' dsea` i seeng` e fíi do caguilíñ- e fí' guá'- quiá'- dsea` Israel do e caguinúur^ júu^ quiá'- Fíi'naa' Fidié' e guiá' i Paa- do, jia' ja' latøøng- fíib` caguilíng- ie~ jo. 45 Dsu' mi~ cangá- dsea` Israel i ja' jái- líng' júu^ e guiá' i Paa- do jial tíi fíing' jaléng' dsea` i caseáng' fí' dsíi' sinúu^ guá'- quiá'r- do, sóong^ calí- dsihuñ- quiá'- dsea` do, jo canaañ' fé'r' e jmang'- júu^ e o' jái~ba' guiá' i Paa- do, jogui jmineam' bre dsea` do cajo. 46 Joba' i Paa- do cóo'~gui Bernabé jíi~ capí' ja' 'gó'r' casí'r- jaléng' i dsea` góor` dsea` Israel do, jo cajíñ- casí'-reiñ':

—E catíib- jnea'^ e 'né- guiá^naa' júu^ quiá'- Fidié' la'uii~ jee~ 'ná'. Jo dsuco' 'ná' ja' iing~na' íng'~na' e júu^ do, jo lajoba' ja' catíng-na' e niliseeng'na' cøøng` cóo'~ Fidié' lata~, joba' jnea'^ fí' jee~ dsea` i ja' líng' dsea` góo'oo' dsea` Israel canaang-naa' guiá^naa' júu^ quiá'- Fidié' lana. 47 Co' lajob ta~ caquiú' Fíi'naa' Fidié' fí' ni~ jì` quiá'r- mali~gui mi~ cajíñ- lala:

Jnea~ nisín^ n'na' fí' jee~ laca'íng'~ dsea` i seeng' fí' jmgüi' e lin' lafa' jì` quié'- e, jogui niguiá^ jalé' júu^ quiá'- jial nileáng` dsea` jee~ jalé' dsee- quiá'r-.

48 Jo mi~ canúu- jaléng' i dsea` i ja' líng' dsea` Israel júu^ quiá'- i Paa- do, sóong^ cali'íáang` dsíir', jo canaañ' fé'r' e eáam' guiá- júu^ quiá'- Fíi'naa' Fidié' e guiá' dsea` do, jo dsifí lajob jái- calíng- e júu^ jo lajíi- dsea` i nisi'íng^ i niliseeng` cøøng` cóo'~ Fidié' lata~.

49 Jo lajob cani- júu^ quiá'- Fíi'naa' Dsea` Jmáang- fí' la'úng- e guóo'~ uø` do. 50 Jo dsu' i dsea` Israel do caguiféiñ' coo' tú- míng'~ dseam^ dsea` Israel i jmi'gó' Fidié' jogui i sí'góng'^ e fí' jee~ fíi do, colíng~ cóo'~ jaléng' dsea` quié' nifí' quiá'- e fíi do cajo, jo casíiñ- røø` e cajmeaíñ' gab' Paa- cóo'~gui Bernabé cartí' ca'uøøm`bre dsea` do cartí' caluu' lí' se' e fíi do. 51 Joba' dsifí lajob ca'uøøm` i Paa- do cóo'~gui Bernabé cóo'~gui jaléng' dsea` i jmicóo'~ quiá'r-. Jo mi~ caguilíñ' 'ni' e fíi do, job cabó'r' 'lee' toø` lomúir- laco' cuø' lí' e ja' íng' dsea` ír' e fí' fíi e lí' ca'uøøiñ' do. Jo dsifí lajob cangoliñ^ fí' coo'gui fíi lí' síi Iconio. 52 Jo jaléng' dsea` i nilíng' dsea` quiá'- Dsea` Jmáang- i seeng' fí' Antioquía, eáam' íaang` dsíir' cajer', jogui eáam' jée' Jmiguí quiá'- Fidié' quiá'r- cajo.

14

Lajee~ taang~ Paa- cóo'~ Bernabé fí' Iconio

1 Jo mi~ caguilíng- i Paa- do cóo'~gui Bernabé fí' Iconio, cangotáaiñ~ colíng~ fí' dsíi' guá'- quiá'- dsea` góor` dsea` Israel e sí' fí' jo lí'^ laco'gui quiá'- tñiñ. Jo co' guiar' jalé' júu^ quiá'- Dsea` Jmáang- la'eáang' cóo'~ e 'gøng' quiá'- Jmiguí quiá'- Fidié', joba' fíim' dsea` Israel cóo'~gui dsea` i ja' líng' dsea` Israel jái- calíñ- jalé' e júu^ do ie~ jo. 2 Jo dsu' jaléng' dsea` Israel i ja' jái- líng' e júu^ e guiá' i dsea` góor` i síi Paa- do cóo'~gui Bernabé, canaañ' jmgøøm`bre i dsea` i ja' líng' dsea` Israel e laco' dsea` í' nijmér- e 'ní' níñ- jaléng' i dsea`

quia' Dsea` Jmaang` do. ³ Joba' mi~ canaang` cali` lado, hu00`bi caje' i Paa` do coo`gui Bernabe' fi jo e guiar' juu^ quia' Dsea` Jmaang` e ja` 'gór' jii~ coo, co' ta` dsir' e eám' jmicoo` Finaa' Fidié` quia'r. Jo i Paa` do coo`gui Bernabe' cangaiñ` quia' Fidié` e nijmér` jalé' e li~ e quí~ jmi~. Jo coo` jalé' e jo jmili` Fidié` e ja' e juu^ e guia' i dsea` do quia' jial` 'neáng' Fidié` dsea` jmi~. ⁴ Jo jaléng' dsea` i seeng` e fi Iconio do tú` 'lé' ca'uiñ` ; coo` 'lé' casíng' uii~ quia' jaléng' dsea` Israel i ja` ca'íng' juu^ e cagua' dsea` do, jogui coo` 'lé'gui casíng' uii~ quia' i dsea` apoo` do. ⁵ Jo jaléng' dsea` Israel i ja` ca'íng' e juu^ do coo`gui jaléng' dsea` i ja` líng' dsea` Israel casíñ` r00` coo` jaléng' dseata` e quia' nijmeaiñ` ga` i dsea` apoo` do, jogui nijmihuñg`neiñ' coo` layaang` cuu. ⁶ Jo dsu' mi~ caliñ' Paa` coo`gui Bernabe' lajii~ e i dsir' i dsea` do e gab` nijmeáng'neiñ', joba' cangoliñ` e si' jmi'0ng' yaaiñ` fi Lистра coo`gui fi Derbe, coo` fi e nee' li` se' Licaonia, ⁷ jo fi job caguiar' juu^ quia' Dsea` Jmaang`.

Mi~ casí'ló' dsea` cuu` i Paa` do fi Lистра

⁸ Jo mi~ caguiliñ` fi Lистра, fi jo niseeng` jaang` dseañu` i nicaang` tii` latí' mi~ cangaiñ~, jo ja` lí ngír` jii~ capí'. ⁹ Jo dob guiiñ` e nuur` juu^ e guia' i Paa` do. Jo mi~ cangáng` i Paa` do dsea` do, dsifi' lajob calilí'r e i dsea` do jab` líñ` e quib` Fidié` jmi~ e nijmi'leáng` ír. ¹⁰ Jo dsifi' lajob cajíng' i Paa` do casí'r i dsea` jlúung` do e fé'r` teá` jo cajíñ`:

—iRáan`, jo jmee` sín` r00`!

Jo dsifi' lajob ca'íng' i dseañu` do, jo lajob casíng' 'ña'r` jo canaiñ` ngi`bre. ¹¹ Jo mi~ cangá` jaléng' dsea` i teáng` do ie~ jo lajii~ e cajmée` Paa` coo` i dsea` jlúung` do, dsifi' lajob canaiñ` fé'r` teá` coo` jmi' quia'r` e éeiñ` i Paa` do coo`gui Bernabe' jo jiiñ`:

—Gáng` dié~ nicagüiling` jee~ jneaa`aa` i líng' la líng' dsea` jmi~.

¹² Jo lajalém`bre fé'r` e i Bernabe' do líñ` jaang` dié~ quia'r` i sii` Hermes, co' íbre dsea` quier` nifi' e guiar' e juu^ do jee~ jaléng' dsea` do. ¹³ Jo e guá' fi li~ jmiféng' dsea` i dié~ Zeus do, dob nisi' dseáng' li` í jee~ fi do, jo i jmidsea` i jmoo` ta` e fi guá' jo caguíeeiñ` jaléng' güitá` jogui caguicar` jalé' lí fi li~ neáng' i dsea` gáng` do, co' i dsir' e nijmifém`breiñ` do colíng` coo` jaléng' dsea` i teáng` do ie~ jo lafa' jaang` dié~ quia'-bre; jogui lami` i dsir' e nijngaiñ` i güitá` do fi quini` i dsea` gáng` do e laco' nijmiféng'neiñ'. ¹⁴ Dsu' mi~ calilí' i Paa` do coo`gui i Bernabe' do lajii~ e lí dsir' i jmidsea` do coo`gui jaléng' dsea` e nijmér` cooiñ` do, dsifi' lajob ca'guír` si'r` jo cangotaiñ` jee~ jaléng' i dsea` do, jo canaiñ` sí'reiñ' coo` juu^ e teá`:

¹⁵ —¿Jialí' jmoo`na' lana? Co' o' dié~ jnea', jnea' lí'naa' dsea` jmi~ laco'gui la líng' 'ná'. Jo cajá`naa' fi la uing` job cajo e cajasii`naa' 'ná' e 'né` nitá'ba' lajii~ e táng`na' jmoo`na' lí' laco'gui iing`na' jmee`na' lana coo` jnea', co' ja` ee` ta` íng` quí`na' jii~ capí' e jo, jo quí' jíng' yaang`na' fi quini` Fidié` i dseáng' ja' do, co' íb` dsea` cajmээр` jmi~ coo`gui guoo` u00` coo`gui jmiñí', lí' lajalé' e sea` la'úng` fi jmi~. ¹⁶ Jo nañí' fa' lami` jéeng'gui ja` cajníng' Fidié` quia' jaléng' dsea` e cajmееb` dsea` lí' doñí' ee` ja` dsir', ¹⁷ jo dsu' cont00m` nicajmээр` li~ e seem`bre jee~ jaléng' dsea` jmi~ coo` jalé' e guí` e jmoor`, co' íbre dsea` jmoor` e sea` jalé' jmi~, jogui e jlob` cu0 jalé' e dsijnea` fi ni~ guoo` u00`, jogui e sea` lalíng' jalé' e quiee`naa', jogui íbre cu0r` e íaang` dsinaa' cajo.

¹⁸ Dsu' mi~ cangí e caféng' i Paa` do jaléng' i dsea` do, guidseaam` calí'r` cajniñ' e ja` cajngang' i dsea` do jaléng' i jó' i si' níngaiñ` e nicuoiñ` i dsea` gáng` do e nijmiféng'neiñ` lafa' dié~.

¹⁹ Jo mi~ cangí jo, caguiling` coo` tú` máng' dsea` Israel i jalíng` fi Antioquia coo`gui fi Iconio. Jo i dsea` í cajmээр` e calí` 'ní' níim` dsea` Lистра i Paa` do, jogui casíñ` r00` e cuub` nisi'ló'r` dsea` do, jo lajob cajmээр`. Jo mi~ cangí e casí'ló'reiñ' do cuu, jo cajnúung`neiñ' fi caluu` fi co' líñ` e cajngam`breiñ` do. ²⁰ Dsu' mi~ cangí jo, caguiling`

jaléng' dsea` quiá'- Dsea` Jmáang- fí lacúng' lí- ráang` i Paa- do fí caluu` e fii` do, jo dsifí lajob caróo- tuiñ' do, jo ca'ib- tur e fí jee` fii` do. Jo mi` cajneá- e jmiñ` jo, ca'uøøm` i Paa- do cóo' gui Bernabé e fí jo, jo cangoliñ` fí cóo' fii` lí- sii` Derbe.

²¹ Jo mi` caguiliñ` fí Derbe, fí job canaañ` guiar` júu` quiá'- Dsea` Jmáang-, jo fí jo fim` dsea` i já'- calíng- júu` e guia' dsea` do ie` jo, jo dsea` quiá'- Dsea` Jmáam- ca'uiñ`. Jo mi` cangí jo, caquim'- tu i Paa- do cóo' gui Bernabé fí Lистра cóo' gui Iconio jogui Antioquía. ²² Jo jalé' e fii` na cangíng` tur calé' catú-, jo caféiñ' jaléng' dsea` quiá'- Dsea` Jmáang- i seeng` fí jo e ja` nitiúuiñ'- do lajii' fí guia- lí- niteáañ` cóo' Dsea` Jmáang-; jogui casí'- guireiñ' do cajo e jaléng' dsea` i iing` e Fidié` nicá' nifí quiá'r- 'né- nidsingíiñ` jalé' iihuñ'. ²³ Jogui ca'náam- bir fí lacoo` fii` do cóo' tú- máng' dsea` cóøng' i nicá' nifí quiá'- jaléng' dsea` quiá'- Dsea` Jmáang- i seeng` lacoo` lacoo` e fii` do; jo mi` calí- jo, cajmées` ayuno e lacoo' jøøng- guir caféiñ' Fidié` uii` quiá'- i dsea` cóøng' do. Jogui caseáng` neiñ' do lajaléiñ' do fí jaguó' Fí'naa' Fidié`, có' jáb'- calíng- dsea` do júu` quiá'- dsea` í.

Mi` cangolíng` tu Paa- cóo' Bernabé fí Antioquía lí- se' Siria

²⁴ Jo mi` cangí e cataiñ'- fí, jo cangíiñ' fí guoo' uø- lí- se' Pisidia; jo mi` cangí jo, caguilíng` tur fí Perge lí- se' Panfilia, ²⁵ jo fí job caguiar` júu` quiá'- Dsea` Jmáang-. Jo mi` cangí jo, cangolíng` tur fí cóo' gui fii` lí- sii` Atalia. ²⁶ Jo fí job cangotáañ` fí cóo' dsíí móo' jo cangoliñ` la dsí ni` jmiñ' car` caguilíng` tur calé' catú- fí Antioquía lí- se' Siria fí lí- cajáng' dsea` i Paa- do cóo' gui Bernabé fí jaguó' Fidié` quiá'- e cangoguiar` júu` quiá'- Dsea` Jmáang- fí jalé' e fii` do. Jo có' catób' e ta` do quiá'r-, joba' caquim'- tur. ²⁷ Jo dsifí mi` caguilíng` tu Paa- cóo' Bernabé e fí Antioquía do, dsifí lajob caseáañ` jaléng' dsea` quiá'- Dsea` Jmáang- i neáng' e fí jo, jo cajmea'reiñ' júu` lajalé' e guia- e cajmées` Fidié` cóo'r- lacaang` lí- cangoliñ- do, jogui jial cacuo' Fidié` e ni'íng' jaléng' dsea` i ja` líng' dsea` Israel júu` quiá'- Dsea` Jmáang-. ²⁸ Jo mi` cangí jo, huøø- bi caje' Paa- cóo' gui Bernabé fí Antioquía lí- se' Siria colíng` cóo' dsea` quiá'- Dsea` Jmáang- i neáng' fí jo.

15

Mi` caseáng` rúng' jaléng' dsea` i quie' nifí quiá'- dsea` quiá'- Dsea` Jmáang- fí Jerusalén

¹ Jo ie` jo ca'uøøng` cóo' tú- máng' dsea` Israel fí Judea jo cangoliñ` fí Antioquía lí- se' Siria. Jo mi` caguiliñ` fí jo, canaañ` e'r` jaléng' dsea` quiá'- Dsea` Jmáang- i neáng' fí jo e quiá'- ja` nileáañ` do jee` jalé' dsee- quiá'r- fíng song ja` jmitir` jalé' júu` quiñ' ta` quiá'- Fidié` e cajme' Moi` e nitó- lí- fí ngúu` táang` jiuung` siñññ` quiá'r- lí' lacoo' la litíng` dsea` Israel. ² Jo mi` caliñí Paa- cóo' gui Bernabé quiá'- jalé' e ni'e' i dsea` do, joba' eáam' lahuíng` casíng- i Paa- do cóo' i dsea` í. Joba' Paa- cóo' Bernabé cali'íiñ` cóo' cóo' tú- máng' gui dsea` quiá'- Dsea` Jmáang- i jiéng' quiá'- e nidsisiñ` e júu` do fí Jerusalén.

³ Jo dsea` quiá'- Dsea` Jmáang- i neáng' fí Antioquíabing' caguie' quiá'r-. Jo mi` cangíiñ` fí lí- se' Fenicia cóo' gui Samaria, cajmea'r` júu` jaléng' dsea` quiá'- Dsea` Jmáang- i neáng' fí jo jial nicatú` jaléng' dsea` i ja` líng' dsea` Israel e lamí- qui' tiiñ` e jmfieñ' diée` e lacoo' niteáañ` teá' fí guia- cóo' Fidié`. Jo jalém' i dsea` quiá'- Dsea` Jmáang- do cali'íáang` dsíir` mi` canúur- e júu` do.

⁴ Jo mi` caguieñg' Paa- cóo' Bernabé fí Jerusalén colíng` cóo' i dsea` caguiaang- gui do, joba' i dsea` quiá'- Dsea` Jmáang- i neáng' fí do cóo' gui jaléng' dsea` cóøng' quiá'r- cóo' gui jaléng' dsea` apoo' ca'íñ' i Paa- do cóo' gui Bernabé cóo' gui i dsea` caguiaang- do fí jo. Jo Paa- cóo' gui dsea` caguiaang- gui do cajmea'r` júu` jaléng' i dsea` í jial cajmicóo' Fidié` quiá'r- quiá'- lajii' ta` e cangoliñ- do. ⁵ Dsu' cóo' tú- máng' dsea` Israel i líng' dsea` fariseo i nijá'- calíng- júu` quiá'- Dsea` Jmáang- caróor- jo café'r` júu` quiá'r- jo cajíñ'-:

—La guím`'né` e jaléng` dsea` i ja` líng` dsea` Israel i líng` dsea` quiá`- Dsea` Jmáang` nitó` lí` fí` ngúu` táang` jaléng` jiuung` siñ` quiá`r` lí` laco` lítíng` jnea`^, dsea` Israel. Jogui la guím`'né` e nihiu` ta` quiá`r` e nijmiti`bre jalé` júu` caguiee`gui e quiu` ta` quiá`- Fidié` e cajme` Moí`.

⁶ Jo caseám` yaang` jaléng` i dsea` apóo` do cóo`~gui jaléng` dsea` cóong`~ quiá`- dsea` quiá`- Dsea` Jmáang` i neáang` fí` Jerusalén. Jo caseáin` do e laco` casíin` la'uiing` laná`- quiá`- e júu` do. ⁷ Jo mi` cangoyúung` e nicasíin` lahuíng`, joba` caróo` Tú` Simón jo café`r` júu` quiá`r` jo cajíin`-:

—Dsea` rú`uu`, dsea` quiá`- Dsea` Jmáang`, niñíb`'nú` e ningóob` eáang` ca'náang` Fidié` jnea` jee`'nú` quiá`- e niguiaa` jalé` juguiá` quiá`r` jee` jaléng` dsea` i ja` líng` dsea` Israel e quiá`- jial nileáin` jee` dsee` quiá`r`, jo lajob dsea` í` ni'uiin` dsea` quiá`- Dsea` Jmáang`. ⁸ Jo Fidié` dsea` cuír` dsí` lajaang` lajaang` dsea` jmigüí, jo cajméer` lí` e ím`bre i dsea` i ja` líng` dsea` góo`oo` dsea` Israel do, co` cacuø`reiñ` Jmiguí quiá`r` laco`gui nicacuø`r` jneaa`aa', dsea` lí`# dsea` Israel, lajii` i ja` líng` júu` quiá`r`. ⁹ Jo jii` coo` ja` ee` cagui` Fidié` fa` jneaa`aa', dsea` Israel, lí`naa` jmaquíng` cóo`~ jaléng` dsea` i ja` líng` dsea` Israel, co` ca`ím`bre dsee` quiáin` do laco`gui ca`íin` dsee` qui` jneaa`aa' la'eáang` e ja`- lí`naa` jalé` júu` quiá`r` e ngocáng` dsí`naa`. ¹⁰ Jo lana, zjalí` ja` ja` líng`na` lajii` e nicajmé` Fidié` quiá`- jial laang` dsea` jee` dsee` quiá`r`? 'Nú` iing`na` cuø`na` i dsea` i ja` líng` dsea` Israel i ja` líng` júu` quiá`- Dsea` Jmáang` coo` lee` e jii` jneaa`aa', dsea` Israel, o`gui` lí` dsea` cóong` qui`-ii' caquí`naa` jmí` casé`ee' quiá`- e niliti` jalé` e júu` quiu` ta` do. ¹¹ Jo nine`baa' e røøb` nicaláang`naa' jee` jalé` dsee` qui`-ii' uí` e eám`guiúng` Fí`naa' Jesús e jii` ja` catí`naa' lajo, jo ja` e lí` su lí`# dsea` Israel osi o' lajo é.

¹² Jo dsifí` mi` cangoyúung` e café` i Tú` Simón do jalé` júu` quiá`r`, tiib` caguá` jaléng` i dsea` do; jii` coo` jo` ee` cañír`. Jo lajee` jo cajmé` i Paa` do cóo`~gui Bernabé júu` quiá`- jalé` e guiá` jogui jalé` lí` e quií` jmí` cajméer` jee` jaléng` dsea` i ja` líng` dsea` Israel lajee` cangír` lacaang` fí` lí` jié`. ¹³ Jo dsifí` mi` cató` fé` i Paa` do cóo`~gui Bernabé jalé` júu` quiá`r`, dsifí` lajob caróo` Tíaa`, jo café`r` júu` quiá`r` cajo jo cajíin`-:

—Núu`na` jalé` júu` quié`e, jaléng`'nú`, dsea` rú`naa' dsea` quiá`- Dsea` Jmáang`. ¹⁴ Nab nicajmea` i Tú` Simón na jneaa`aa' júu` jial mi` canaang` Fidié` e 'neáaiñ` jaléng` dsea` i ja` líng` dsea` Israel, jogui nicaguíñ` jee` jaléng` dsea` í` e laco` ni'uiin` dsea` quiá`r`. ¹⁵ Jo lajaléb` e nicajíng` i Tú` Simón na lana, røøb` dseáng` lí` cóo`~ jalé` e cajme` jaléng` i dsea` i café` cuaiñ` quiá`- Fidié` lajii` lamali`gui eáang` lí` fé` lala:

¹⁶ Jo mi` ningí` e la, jnea` Fidié` nigáab`túu` calé` catú`

jogui nijmé`~túu` e 'nú` Daví` e nicaquí`-;

jogui nijmé`~túu` røø` jalé` cuí`~ fíng` quiá`-,

jogui nijmi`ieeng`tu` røø`.

¹⁷ Jo nijmé`-e jalé` e jo e laco` lajalém` dsea` i ja` líng` dsea` Israel nijmicuíñ` jnea` fí` la'úng` fí` jmigüí.

¹⁸ Jo jneab` Fidié` i nicajmijnéeng` jalé` e na lajii` lamali` eáang`,

jo nicacuø`baa` júu` quié`-e e jmeé`-e jalé` e jo.

Jo lanab cajíng`- Fidié` fí` ni` jii` quiá`r`.

¹⁹ Joba` fá` jnea` e ja` 'né` nijmiguíng`naa' jaléng` dsea` i ja` líng` dsea` Israel i nicatú` jalé` e qui`- tñíñ` lamí` jéeng`gui e jmiféin` lí` doñí` ee`, jogui lana nijmiféin` i Fidié` i ja` do. ²⁰ Jo masíng`naa' coo` jii` quiá`r` lí` niféeng`naa`r e jo` cuøong` e jmeáin` ta` jalé` e cacuø` dsea` jéng` i dié` i o' ja`- i jmiféin` do, co` na 'lib` jalé` e jo, jogui e niquiúm`-bre e éer` dsee` e güíin` cóo`~ dseañu` osi dseam` i o' quiá`r`, jogui e jo` nidó`-guir` jmi`øong`-jó` o'gui` ngu` jó` 'lí` i siyáang` jmi`øong`. ²¹ Co' jaléb` e júu` quiu` ta` na quiá`- Fidié` e cajme` Moí` nica`íb` jaléng` dsea` quié` nifí` quiá`- guá`- quiá`- dsea` góo`oo` dsea` Israel fí` lacaang` sinúu` guá`- qui`-ii' e téé` fí` la'úng` jee` fí` lacoo` jmí` mi` tí` e jmi`íng`naa`.

²² Jo dsifí mi~ cató' e café' i Tiáa~ do júu^ quiá'r~, lajalém' i dsea` apóo^ do cóo'~gui jaléng' dsea` cóong'~ quiá'- dsea` quiá'- Dsea` Jmáang~, lí' lajaléng' dsea` quiá'- Dsea` Jmáang~, casíiñ~ røø e ca'náaiñ~ cóo' tú~ máng'~ dsea` i nidsilíng~ fí' Antioquía cóo'~ Paa~ cóo'~gui Bernabé e nidsicar' e jì lí~ too~ júu^ e casíiñ'~ do. Jo caguíñ' jaang` dseañu' i sii' Judas Barsabás jogui jaang` i sii' Silas, gáng~ dseañu' i niing~ eáang' jee~ jaléng' dsea` quiá'- Dsea` Jmáang~. ²³ Jo lalab fé' e jì e quie' i dsea` do mi~ cangolíiñ^:

“Lajalé” jnea^, dsea` apóo^, cóo'~gui jaléng' dsea` cóong'~ quiá'- jaléng' dsea` quiá'- Dsea` Jmáang~ i neáang' fí' Jerusalén la, guicóo'~baa' jaléng' 'nú', dsea` rú'naa' dsea` quiá'- Dsea` Jmáang~, dsea` ja` líng'na' dsea` Israel jogui seeng'na' fí' Antioquía cóo'~gui lacoø fí' lí~ se' Siria cóo'~gui lí~ se' Cilicia. ²⁴ Nicalineb~ jnea^ e nica'uøøng` cóo' tú~ máng'~ dsea` i seeng' fí' la latíiñ~ yaaiñ~, jo nicangolíiñ^ e nicangojmiguíiñ^ 'nú' fí' na cóo'~ júu^ quiá'r~. Jogui nicajmigøøiñ~ 'nú' e dseáng'~ 'né~ e catúm~ba' e nitó'na' lí~ fí' ngúu' táang'na' lí' laco' litíng' dsea` góo'oo' dsea` Israel cóo'~ jiuung~ síñuá~ quiá', jo dsu' ja` 'né~ jmee~na' lajo; jogui nicajmigøøiñ~ 'nú' cajo e 'né~ jmití'na' jalé' júu^ quiá' ta~ caguiee~gui e cajme' Moi~. ²⁵⁻²⁶ Joba' nicasíi~naa' røø lajalé'naa' la e nica'neáang^naa' jaang` gáng~ dsea` lajee~ la'ó' jnea^ e nidsilíiñ~ nidsi'eer~ 'nú' fí' na. Jo nijalíiñ~ colíng~ cóo' i dsea` rú'naa' i 'neáang'naa' eáang' i sii' Paa~ cóo'~gui i sii' Bernabé, gáng~ dsea` rú'naa' i jia~ ja` mí' cajnga' dsea` quiá'r~ uí' e guiar' júu^ quiá'- Fí'naa' Dsea` Jmáang~. ²⁷ Jo nisíng'naa' fí' na cajo i Judas Barsabás cóo'~gui Silas la, jo íb` nijmeá'~ 'nú' júu^ quiá'- jalé' e la cartí' quini'na' na. ²⁸ Co' lajii'~ e iing~ Jmiguí' quiá'- Fidiée~ jogui jnea^ cajo e nimí'~naa' 'nú' e jo' nijmee'gui' lajii'~ e ta~ huí' e jié' do: ²⁹ Lico' 'né~ e nitá'ba' e cø'na' ngu' jó' i nicacuøng' dsea` jaléng' i diée~ i o' já' i ja` quí'~ jmi~ jmé' jii'~ cóo', jo jo' cø'na' jmi'øøng~ jó' o'gui ngu' jó' 'líi~ i siyáang'~ jmi'øøng~, jogui jo' ee'na' dsee~ e güiing'na' cóo'~ dseañu' osi dseamí i o' quií'na'. Jo song núu'~ba' jalé' e júu^ la, joba' guiáb~ ni'ee'na'. Jo lanab jii'~ lí' júu^ quií'~ii'. Jo güiliseem'ba' cóo'~ e guiá'~.”

³⁰ Jo dsifí mi~ cali'íing^ i dsea` quiúung~ do, cangolíim~bre cóo'~ i Paa~ do cóo'~gui Bernabé fí' Antioquía, jo quie'bre e jì e casíng' i dsea` neáang' fí' Jerusalén do. Jo dsifí mi~ caguilíiñ~ fí' jo, dsifí lajob caseáiñ' jaléng' dsea` quiá'- Dsea` Jmáang~ i seeng' fí' jo, jo cajo'bre i dsea` do e jì do. ³¹ Jo mi~ ca'f' jaléng' dsea` quiá'- Dsea` Jmáang~ e jì do, dsíng'~ cali'íáang' dsíir', co' jmang'~ juguiáb~ fé' e fí' ni~ jì do. ³² Jo co' i Judas Barsabás cóo'~ Silas do cangíiñ~ quiá'- Fidiée~ quiá'r~ e eám' tíiñ~ guiar' júu^ quiá'- dsea` do jee~ jaléng' dsea`, joba' mi~ café'r' júu^ quiá'r~, cacuø'guireiñ' bí e laco' já'~gui nilíiñ' júu^ quiá'- Dsea` Jmáang~. ³³ Jo mi~ cangí jo, jaléng' dsea` quiá'- Dsea` Jmáang~ juguiá~ ca'f'r' júu^ i dsea` gáng~ do, dsu' jii'~ i Judas Barsabás do cangáng'~tur fí' Jerusalén, jo íb` quiee~ juguiá~ quiá'- jaléng' dsea` quiá'- Dsea` Jmáang~ i neáang' fí' Antioquía i caguíéng' ír' do. ³⁴⁻³⁵ Dsu' Silas cóo'~ Paa~ cóo'~ Bernabé dobi cajer' fí' Antioquía; jo fíim'bi dsea` quiá'- Dsea` Jmáang~ i jiéng' caje' cóo'r~ e guiá'guir júu^ quiá'- Dsea` Jmáang~ jee~ jaléng' dsea` i seeng' fí' jo.

Mi~ catí' tú~ née' e cangí' Paa~ ta~ guia' júu^ quiá'- Dsea` Jmáang~

³⁶ Jo mi~ lí~ cøøng'gui lajo, cóo' jmi~ cajíng'~ Paa~ lala casí'r~ Bernabé:

—Má~túu' calé' catú~, madsí'ee'naa' jaléng' dsea` rú'naa' dsea` quiá'- Dsea` Jmáang~ i neáang' fí' lajalé' fí' lí~ nicangí'naa' e e'naa' jalé' júu^ quiá'- Dsea` Jmáang~ lami~ jééng'gui, jo dsine~duu' jial seeiñ~ lana.

³⁷ Jo Bernabé lami~ iíñ~ nijéiñ~ calé' catú~ i Juan Marcos do. ³⁸ Jo dsu' Paa~ jo' cali'íiñ~ fa' cajééng'neiñ' do, co' catúu~biñ' do quiá'r~ lami~ jééng'gui lami~ caguilíiñ~ fí' cóo' guóo'~ uø~ lí~ se' Panflia, jo jo' ee' cajmicóo'~ i Juan Marcos do quiá'- Paa~ ni~ e ta~ do ie~ jo. ³⁹ Jo lahuím'jiu eáang' casíng~ i Paa~ do cóo'~ Bernabé uii~ quiá'- i Juan Marcos do. Jo e jo cajmée~ e casojómm~bre quiá'- rúíiñ', jo Bernabé cajéeiñ~ i Juan Marcos do, jo cangotáaiñ'~ dsí' cóo' móo', jo cangolíim~tur la tóo' ni~ jmiñ'~ cartí' lí~ se' Chipre. ⁴⁰ Jogui

ἰ Paā do cató̄r̄ ἰ Silas do ἰ cangó̄ cō̄r̄; jō mī̄ cangoyúunḡ jō jalénḡ dseā quiá̄ Dseā Jmáanḡ caguiar̄ fí jaguó̄ Fidié̄ lajiī e tā e nidsiliñ̄ do, jō dsifí lajōb cataiñ̄ fí. ⁴¹ Jō cangolínḡ tur lacō fiī lī sē Siria cō̄r̄ gui lī sē Cilicia e cuø̄r̄ bī̄ jalénḡ dseā quiá̄ Dseā Jmáanḡ ἰ neáanḡ fí jō e lacō jā nijmitúnḡ dsiiñ̄ lajiī fí guiá̄ lī niteáaiñ̄ cō̄r̄ Dseā Jmáanḡ.

16

Mī̄ cajmicō̄ Timoteo ἰ Paā do cō̄r̄ gui Silas

¹ Jō cagüiñ̄ Paā cō̄r̄ Silas fí Antioquia, jō caguiliñ̄ la'uiī fí Derbe. Jō mī̄ cangí jō, caguiliñ̄ fí cō̄r̄ gui fiī e siī Listra; jō fí jōb calicuiñ̄ jaanḡ dseā ἰ nílinḡ dseā quiá̄ Dseā Jmáanḡ ἰ siī Timoteo, jō jaanḡ dseam̄ dseā Israel ἰ línḡ dseā quiá̄ Dseā Jmáam̄ cajo, jōgui tiquiáñ̄ do dseā griegob niliiñ̄. ² Jō jalénḡ dseā quiá̄ Dseā Jmáanḡ ἰ seenḡ fí Listra cō̄r̄ gui fí Iconio, guiáb̄ fé'r̄ uiī quiá̄ ἰ Timoteo do. ³ Jō cali'inḡ Paā e nijéñ̄ Timoteo fí lī dsiguiar̄ júū quiá̄ Dseā Jmáanḡ, dsū ná̄ gui lajō cajmitib̄ ἰ Timoteo do lajiī e tánḡ dseā Israel e tō̄r̄ lī fí ngúū táanḡ lajiī dseañ̄, jō cajméer̄ lajō e lacō ni'ím̄ dseā Israel lajī gaanḡ dseā do cō̄r̄ júū rø̄ fí lī niguiliñ̄, cō̄ jalém̄ dseā seenḡ fí jō ñir̄ e dseā griegob línḡ tiquiáñ̄ ἰ Timoteo do.

⁴ Jō mī̄ cangí jō, catam̄ bre fí, jō lacō fiī e ngüñ̄, sí'r̄ jalénḡ dseā quiá̄ Dseā Jmáanḡ lajiī júū e quier̄ quiá̄ dseā apó̄ cō̄r̄ gui jalénḡ dseā cō̄nḡ quiá̄ dseā quiá̄ Dseā Jmáanḡ ἰ neáanḡ fí Jerusalén. ⁵ Jō lajōb eáanḡ gui já̄ calínḡ ἰ dseā do júū quiá̄ Dseā Jmáanḡ, jō lacō jm̄b̄ naanḡ dsifiiñ̄.

Mī̄ cangánḡ Paā jaanḡ dseañ̄ ἰ seenḡ fí Macedonia lafa' mī̄ quir̄

⁶ Jō mī̄ cangí jō, Paā cō̄r̄ ἰ dseā gánḡ gui do cangüñ̄ bre fí lī sē Frigia cō̄r̄ gui lī sē Galacia, cō̄r̄ Jmigū quiá̄ Fidié̄ jā cacuø̄ fí ír̄ fa' e niguiar̄ júū quiá̄ Dseā Jmáanḡ fí lī sē Asia. ⁷ Jō caguiliñ̄ fí 'nī lī iánḡ cō̄r̄ Misia, cō̄r̄ fí jōb í dsír̄ e ningüñ̄ fí lī sē Bitinia, dsū calé̄ catú̄ Jmigū quiá̄ Fidié̄ jā cacuø̄ fí ír̄ e ningüñ̄ fí jō. ⁸ Jō lajōb cangüñ̄ lacueē lī sē Misia cartí caguiliñ̄ fí cō̄r̄ oō jm̄ lī siī Troas. ⁹ Jō fí jōb, cō̄r̄ uø̄ ἰ Paā do cangáñ̄ jaanḡ dseañ̄ ἰ seenḡ lī sē Macedonia e lafa' mī̄ quir̄, jō ἰ dseañ̄ do siñ̄ fí quinī Paā e mir̄ jm̄ eē jō jín̄: “Ngüñ̄ fí Macedonia la, jō jm̄ cō̄r̄ jneā.” ¹⁰ Jō mī̄ cangí e cangá̄ Paā e jō lafa' mī̄ quir̄, dsifí lajōb caguiá̄ naa' guiá̄ quī naa', jneā Lucas cō̄r̄ gui Silas cō̄r̄ gui Paā, jō cangó̄ naa' fí Macedonia, cō̄r̄ calitab̄ dsinaa' e Fidié̄ binḡ ἰ cató̄r̄ quī naa' do e nidsiguiā naa' júū quiá̄ Dseā Jmáanḡ fí jō.

Mī̄ cangolínḡ Paā cō̄r̄ Silas fí Filipos

¹¹ Jō dsifí lajōb ca'uø̄ naa' fí Troas e té̄ naa' dsíí mōo', jō ngó̄ baa' condseē fí cō̄r̄ guóō uø̄ lī sē Samotracia e néē guiá̄ jōō jm̄ñ̄. Jō mī̄ cajneá̄ lajō, caguié̄ naa' fí cō̄r̄ oō jm̄ lī siī Neápolis. ¹² Jō fí jōb ca'uø̄ naa' dsíí mōo' cangó̄ naa' fí Filipos, cō̄r̄ fiī lī quiū dseā Roma tā, jōgui líí cō̄r̄ fiī e laniinḡ quiá̄ lī sē Macedonia cajo. Jō fí jōb cajá̄ naa' tú̄ 'nī jm̄ñ̄.

¹³ Jō lajeē taanḡ naa' fí do, cō̄r̄ jm̄ñ̄ lajeē e tánḡ dseā góō naa' dseā Israel e jmi'íñ̄, ca'uø̄ naa' cangó̄ naa' fí 'nī fiī do quiá̄ lī iū cō̄r̄ gua, cō̄r̄ fí jōb í dsinaa' e seánḡ dseā góō naa' e féiñ̄ Fidié̄. Jō mī̄ caguié̄ naa' fí jō, dob calié̄ naa', jō canaanḡ naa' é̄ naa' júū quiá̄ Dseā Jmáanḡ jalénḡ dseam̄ ἰ caseánḡ fí do iē jō. ¹⁴ Jō jaanḡ lajeē ἰ dseam̄ caseánḡ do iē jō nisiir̄ Lidia ἰ niseenḡ fí cō̄r̄ fiī lī siī Tiatira, jō jmóor̄ tā 'ñiī 'mī̄ e jlō eáanḡ. Jō ἰ dseam̄ í eáanḡ jmiféiñ̄ Fidié̄, dsū lajeē núur̄ júū e guiá̄ Paā, Fidié̄ cacuø̄r̄ ἰ dseam̄ do e canā moguiñ̄ e lacō ni'íñ̄ lajiī e júū e guiá̄ ἰ Paā do. ¹⁵ Jō mī̄ calínḡ ἰ dseam̄ do júū quiá̄ Dseā Jmáanḡ, jō cajgáam̄ bre jm̄ñ̄ cō̄r̄ gui jalénḡ dseā sinúū quiá̄r̄ e lacō cuø̄ lī e ca'uiñ̄ dseā quiá̄ Dseā Jmáanḡ. Jō mī̄ cangí jō, cajínḡ ἰ dseam̄ do sí'r̄ jneā:

—Song 'nú' dseáng' já' líng'na' e jnea' lín'n dsea' quiá' Fí'naa' Dsea' Jmáang', ñilíng'na' fí' quié' e jo fí' job nijá'na'.

Jo camí'r' jnea' jmi'ee' e cajé'baa' fí' quiá'r'.

Mi' cajning' Paa' cóo' Silas fí' dsí' 'nañí'

¹⁶ Jo cóo' ya', lajee' ngóo'naa' fí' lí' seáng' dsea' góo'naa' e féiñ' Fidiée', jo lajee' ngóo'naa' fí' jo cajíng'naa' jaang' simí' i jmóo' ta' quiá' fí'r' e ja' e 'léeiñ' jii' cóo'; jo i 'lim' nijée' quiá' i simí' do, jo la'eáang' cóo' i 'líng' dob jmóor' jalé' e jmóor'. Jo jmóo' i 'líng' do e lí' i simí' do gui'r' e jalé' nilí' dsa'ó' iée'. Jo cóo' e job lí' fí' i simí' do jmiguiá' cuu'. ¹⁷ Jo i simí' i canaaiñ' ti'leáam'bre caluu'naa' jo fé'r' teá' jo jii'':

—Jaléng' i dseañu' la'íiñ' dsea' i jmóo' lajii' e iing' Fidiée' dsea' féng' dsea' ñíng', jogui' guiar' júu' sí'r' jaléng' 'nú' jial nileáng' dsea' jee' jalé' dsee' quiá'r'.

¹⁸ Jo yejib' dseáng' fé' i simí' do lajo, jogui' lajee' jmiguiá' jmi' cajó cartí' mi' ñingóo' guia' 'nib' dsí' Paa', joba' cajíñ' casí'r' i 'líng' i jée' quiá' i simí' do jo cajíñ'':

—La'eáang' cóo' júu' quiá' Dsea' Jmáang' quiá' ta' e júu' lí' iuun' na.

Jo dsifí' lajob catúu' i 'líng' do quiá' i simí' do.

¹⁹ Jo dsu' mi' cangá' i fí' i simí' do e jo lí' nilí' guir' cuu' la'eáang' cóoiñ' do, joba' casam'bre Paa' cóo' gui Silas, jo cangojeéang'neiñ' fí' quini' dseata' dseáng' guiá' jóo' e fí' do. ²⁰ Jo i dseata' í' guib' cangojéeng'neiñ' fí' quini' i dseata' i quidsí' í', jo lalab' cajíng' i fí' i simí' do casí'r' i dseata' quidsí' í' do:

—I dsea' Israel la ngir' jmóor' ga' jee' fí', ²¹ jogui' er' jalé' e ja' cuóøng' ni'íng'naa' o'gui' nijmití'naa', jnea'aa' dsea' lí'í' dsea' romano.

²² Jo canaang' dsea' fí' e iñ' nijmeám'breiñ' do, jogui' i dseata' quidsí' í' do caquiá'r' ta' e ni'uóñ' do sí' i dsea' do jogui' nibóøng'neiñ' do cóo' sí'. ²³ Jo mi' cangí' e cabóøng'neiñ' do eáang', jo fí' dsí' 'nañí' catáñ' dsea' do, jogui' caquiá'r' ta' i dsea' i jmóo' í' 'nañí' e nijméiñ' í' dseáng' røb' i dsea' sijnáng' do. ²⁴ Jo mi' ca'íng' i dsea' i jmóo' í' e 'nañí' do e júu' jo, joba' catáñ' i dsea' do cartí' a'gui' dsí' e 'nañí' do, jogui' tiiñ' do cacúñ' cóo' tú' 'ma' e dsí' too'.

²⁵ Jo ie' uóø' guiená' job, lajee' e Paa' cóo' gui Silas féiñ' Fidiée' jogui' ør' e quiá' jmiféiñ' Fidiée' cajó, jo i dsea' caguiaang' gui' i sijnáng' do lico' núu'bre, ²⁶ jo lajee' job, cóo' cajób' uó' e teá' eáang' jo canaang' sojá' tii' fí' quiá' e 'nañí' do. Jo dsifí' lajob cana' jalé' jni' quiá', jogui' casojiúb' jalé' ñí' cadena e 'núung' jaléng' i dsea' sijnáng' do. ²⁷ Jo mi' cajné' dsí' i dsea' i jmóo' í' 'nañí' do jogui' cangár' e ní'óob' jalé' jni' quiá' e 'nañí' do, joba' dsifí' lajob caguir' ñisá' quiá'r' e sí'í' nijngáng' 'ña'r', có' í' dsí' e nicaláam' jaléng' i dsea' sijnáng' do. ²⁸ Dsu' dsifí' lajob guicafé' Paa' e teá' eáang' jo guicajíñ'':

—Ja' e jmáang' uó' jii' cóo', có' lab' téé'naa' lajii'naa'!

²⁹ Joba' i dsea' jmóo' í' 'nañí' do camí'r' cóo' jí', jo ca'í'r' gü'í' fí' dsí' e 'nañí' do e jléiñ' dsu' e 'gó'r', jo mi' caguiér' lí' teáang' dsea' do jo catúuiñ' uii' tii' i Paa' do cóo' gui Silas.

³⁰ Jo mi' cangí' jo, ca'uóøm'breiñ' do fí' caluu' jo cajmingí' reiñ':

—¿E' 'né' jmee' e laco' nileáan' jee' jalé' dsee' quié' e?

³¹ Joba' cañí' i dsea' do:

—Já' gü'ílin' júu' quiá' Fí'naa' Jesús jo ni'ím' dsee' qui' cóo' gui dsee' quiá' jaléng' dsea' sináa' qui'.

³² Jo canaaiñ' sí' guir' dsea' do cóo' gui dsea' sináa' quiáñ' júu' quiá' Fidiée'. ³³ Jo 'ña' ie' uóø' jo, i dsea' jmóo' í' e 'nañí' do cajméer' mii' lí' sicu' quiá' i Paa' do cóo' gui Silas. Jo lí' jo, cajgáang' i dsea' jmóo' í' 'nañí' do jmi' colíng' cóo' dsea' sináa' quiá'r' e laco' cuó' lí' e ca'uíng' jaléng' dsea' do dsea' quiá' Dsea' Jmáang'. ³⁴ Jo mi' cangí' jo, cató'r' i dsea' gáng' do fí' quiá'r' jo cacuø'reiñ' e cagó'r'. Jo i dsea' í' colíng' cóo' dsea' sináa' quiá'r' dsíng' cali'íáang' dsí'r', có' jáb' caliñ' júu' quiá' Fidiée'.

³⁵ Jo mi~ cajnea~ lajo, i dseata~ i quidsí í' do casiñ` tú` 'ní m'ing'~ hí' quiá'r~ i quie' júu^ quiá'~ i dsea` jmóo' í' 'n'ñí' do e nileáiñ` Paa~ cóo'~ gui Silas. ³⁶ Jo lalab casí'~ i dsea` jmóo' í' 'n'ñí' do Paa~:

—I dseata~ i quidsí í' do nicasiñ` júu^ quie' e e nilaam~ba' 'ná'. Jo nicuøøm` güilíng`na' juguiá`.

³⁷ Joba' cañí' Paa~ quiá'~ i hí' i quie' júu^ do:

—Caquiá'~ i dseata~ do ta~ e cabøøng~ dsea` jnea'^, dsea` calisé`naa' fí' lí' quiá' dsea` Roma ta~, fí' jee~ dsea` fí' e jí'~ ja` mí' caquidsir' í' qui~naa', jogui catáíñ` jnea'^ 'n'ñí'; jogui lana iñ` leáiñ` jnea'^ e ñng', dsu' ja` uø'naa' cartí' güilíñ` yaaiñ` e ni'uøíñ` jnea'^ song lajo.

³⁸ Jo cangocóob` i hí' do júu^ fí' lí' neáang' dseata~ i quidsí í' do. Jo mi~ canúur~ júu^ e quiee` i hí' do, cafóm'bre co' e canúur~ júu^ e dsea` i caliséng' fí' lí' quiá' dsea` Roma tab` líng' i dsea` gáng~ do. ³⁹ Jo cangolíng` i dseata~ quidsí í' do e ngomir~ jmi'ee' fí' quini~ Paa~ cóo'~ Silas e nijméiñ` do féng' dsír' quiá'~ jalé' e calí' do. Jo mi~ cangí' jo, ca'uøøm'bre jo camí'r' jmi'ee' dsea` do e ni'uøøm'biñ' e fí' jee~ fí' do. ⁴⁰ Jo mi~ cangí' e ca'uøøng` i Paa~ do cóo'~ gui Silas fí' dsí' 'n'ñí', cangolíim~tur fí' quiá'~ Lidia. Jo fí' job cajíng'tu rúíñ' cóo'~ jaléng' dsea` quiá'~ Dsea` Jmáang~, jogui cacuø'guir bí' dsea` do cajo. Jo ngí' jo, ca'uøøm'bre e fí' do, jo fí' lí' jieb' cangolíñ`.

17

Mi~ cateáng` Paa~ fí' Tesalónica

¹ Jo lajee~ gui'nang' e teáng'~ Paa~ fí' cóo'~ gui Silas, cangíñ' fí' coo' fí' e sii` Anfípolis cóo'~ gui Apolonia. Jo mi~ cangí' jo, caguilíñ` fí' coo' fí' e sii` Tesalónica, jo fí' job sí' coo' guá'~ quiá'~ dsea` Israel lí' féiñ' Fidié'. ² Jo co' lajii'~ e túng` Paa~ e dséer' fí' guá'~ quiá'~ dsea` góor' dsea` Israel laco' née'~ mi~ tí' jmí' e jmi'íng' jaléng' dsea` í', jo lajee~ 'ní' seamaan~ casíñ` cóo'~ jaléng' i dsea` i caseáng' do cuaiñ` quiá'~ jalé' e fé' fí' ní' jì' quiá'~ Fidié' e cajme' dsea` maliñ` gui eáang', jo sí'r' dsea` do ³ e dseáng'~ 'né'~ba' e cajúng` i Dsea` Jmáang~ do; jo mi~ cangí' e cajúñ~, dseáng'~ 'né' e cajíb'tur. Jo casí'~ guir i dsea` do cajo jo cajíñ':

—I Jesús nab i líng' Dsea` Jmáang~, i dsea` i laang` jneaa~aa' jee~ dsee~ qui~ii', jo júu^ quiá'~ i nab e ngí' jnea~ guiaa~ jee~ 'ná'.

⁴ Jo i líng` dsea` Israel jáb'~ calíñ` júu^ e guia` i Paa~ do cóo'~ gui Silas, jo røøb` canaiñ` ngír' cóo'~ dsea` do. Jogui fíim'bi dsea` griego i eáang' jmi'gó' Fidié' cóo'~ gui fíng' dseamí' i laniing~ quiá'~ e fí' do, jáb'~ calíñ` e júu^ jo cajo.

⁵ Dsu' uí'~ e jo ca'uíng` e jaléng' dsea` Israel i ja` já'~ líng` e júu^ do, eáam' calí' dsihuñ' jogui caliguiñ` quiá'~ jaléng' i dsea` i calí' já'~ líng` e júu^ jo. Joba' caseáiñ` tú` 'ní m'ing'~ 'ná' fí' i tá'~ teáng~ jee~ 'nú' e laco' i dsea` í' nitá'r~ mí'~ jogui nijmiguíñ` jaléng' dsea` i neáang' fí' fí' jo. Jogui lajobi caguilíñ` fí' quiá'~ Jasón e 'náíñ' Paa~ cóo'~ gui Silas e laco' ni'uøng~neiñ' do jo nitøø'reiñ' fí' quini~ dsea` fí'. ⁶ Jo co' ja` cadséng' guir i dsea` i sí'í' 'náíñ' do, joba' cató'r~ Jasón laguidseaang` cóo'~ gui coo' tú` m'ing'~ gui dsea` quiá'~ Dsea` Jmáang~ i nineáang' fí' jo ie~ jo, jo cató'~reiñ' do fí' quini~ dseata~ e ta'r' mí'~ jo fé'r' lala:

—I dseañu' do nica'lée'bre la'úng` fí' jmigüí' cóo'~ júu^ e guiar' do, jogui fí' lab nicagüilíñ` lana e iñ` jmér~ lajo. ⁷ Jo i Jasón na nica'íng'neiñ' fí' sinúu^ quiá'r~, jo lajím'bre ja` jmi'gór' lajii'~ ta~ quiá' dseata~ dsea` féng' romano, co' fé'r' e seem' jaang'gui dseata~ dsea` féng' i sii` Jesús.

⁸ Jo mi~ canúu~ jaléng' dsea` fí' e júu^ do cóo'~ gui jaléng' dsea` quie' nifí' quiá'~ e fí' do, eáang'gui cató'r' mí'~. ⁹ Jo cuub~ caguia` i Jasón do cóo'~ gui i dsea` caguiaang~ do fí' quini~ dseata~ e laco' calí'r~ catúu~tu i dsea` do quiá'r~.

Mi~ caguíng` gui Paa~ cóo'~ Silas fí' Berea

¹⁰ Jo mi~ canu`ie~ jmü~ jo, jaléng` dsea` quiá'- Dsea` Jmáang- casíñ` Paa- cóo`~gui Silas lajminá- fí Berea. Jo dsifí mi~ caguiliñ- fí jo, cangoliñ- fí guá'- quiá'- dsea` góor` dsea` Israel lí' laco'gui la litíñ` jmóor`. ¹¹ Jo jaléng` i dsea` Israel i seeng` fí Berea eáang`gui iñ~ ninúr- júu` guía` dsea` do laco'gui dsea` seeng` fí Tesalónica, jo lajmináb- ca'íñ` e júu` jo, jogui laco` jmü~ cuør` bí e jmitíñ` jalé' e júu` toq` fí ni` jì quiá'- Fidié~ e gui'r` su e jáb'- e júu` e cagua' Paa- do. ¹² Jo lajee~ i dsea` í, fím`bre já- calíñ- e júu` jo, jogui lajobi fím` dseañu` dseam` griego i niing- i seeng` fí jo jáb'- calíñ- do júu` quiá'- Dsea` Jmáang- e guía` i Paa- do cóo`~gui Silas. ¹³ Dsu' mi~ caliñ' jaléng` dsea` Israel i seeng` fí Tesalónica e nitáang` Paa- e guiar` júu` quiá'- Fidié~ fí Berea, joba' fí job cangoliñ- cangojméer` ga` cóo`~ jaléng` dsea` i seeng` fí jo. ¹⁴ Joba' dsea` quiá'- Dsea` Jmáang- i seeng` fí Berea cajméer` e lajmináb- cagü'íí Paa- fí jo, jo cangór- condséé' fí 'ni' jmiñí', dsu' fí Bereab cajé' Silas cóo`~gui Timoteo lajee~ jo. ¹⁵ Jo jaléng` dsea` quiá'- Dsea` Jmáang- i cóo`~ Paa- cangolím-bre cóoiñ` do cartí cóo` fí e siñ` Atenas. Jo mi~ cangf` jo, caquim`-tur fí Berea jo niquiéer` júu` quiá'- Paa- e Silas cóo`~gui Timoteo nidsiliñ- fí lí` táang` Paa- lajminá-.

Lajee~ táang` i Paa- do fí Atenas

¹⁶ Jo lajee~ táang` i Paa- do fí Atenas e sijeeiñ` Silas cóo`~ Timoteo, fi'íb` eáang` calíñ-, có' i dsea` seeng` fí Atenas do jie` ja' latøng- fíñ` jmiféiñ` jaléng` diéé~ i o' já- i ja' quí~ jmü~ jmé- jüi~ cóo`. ¹⁷ Joba' eáam` táng` júu` quiá'- cóo`~ i dsea` góor` dsea` Israel cóo`~gui jaléng` dsea` caguaang- gui i jmi'gó' Fidiéé' fí dsí' guá'- quiá'- dsea` Israel. Jo dseáng'- laco` jmü~ laco` jmü~ sñiñ` e júu` do cajo cóo`~ jaléng` dsea` i seáng' fí guía' jóo' fí quiá'- fí Atenas. ¹⁸ Jogui lajobi i líng` dsea` i jmitíng` júu` quiá'- Epicuro cóo`~gui dsea` estoico i jmitíng` júu` quiá'- Zenón, canaañ` sí' rúñ` cóo`~ Paa- cajo, jo i líng` i dsea` do fé'r` jo sí' rúñ` lajee~ yaaiñ` e éeiñ` Paa- jo fé'r`:

—¿E~ e fé' i dsea` cuee` mi'm` na?

Jogui fé'gui i caguaang- gui do:

—Lí' dsea` seeng` lí' jiéb' i na, jogui iñ~ nijmígóoiñ` dsea` cóo`~ jalé' e fé'r` na e quiá'- jaléng` diéé~ i 'míng`.

Jo fé'r` e jo có' uí' e guía' Paa- júu` quiá'- Jesús, jogui jial mi~ cajmée' Fidiéé~ e cají'tu dsea` do jee~ jaléng` 'lí'. ¹⁹ Joba' cajéeiñ` Paa- fí cóo` yá' cuo' lí' siñ` Areópago fí lí' táng` jaléng` dsea` Atenas e seáiñ` e sñiñ` jalé' júu` quiá'- r. Jo mi~ caguié- Paa- fí jo, jo cajmíng' i dsea` do ír`:

—¿Já' cuøng` líne`naa' e~ jalé' júu` 'míng` e quié' 'na' e e' jnea'^? ²⁰ Co' fó' 'na' jmang'- júu` jiéb' jia, joba' iñ~naa' e nilínee' e guøng` e júu` jo.

²¹ Jo lajüng` i dsea` seeng` fí Atenas do cóo`~gui jaléng` dsea` i jalíng- fí lí' jié' i neáang' fí do, contøøm- tí dsíir` núur` jogui sñiñ` lajüi~ júu` 'mí- e quié' lí' doñí` jüi`.

²² Joba' caróo- Paa- jee~ jaléng` i dsea` i neáang` do e fí lí' siñ` Areópago, jo cajíñ'- casí'r- jaléng` i dsea` do:

—Lalab fí' i 'nú', dsea` seeng`na' fí la fí Atenas, e jalé' e mó'o` quií-na' e líng`na' dsea` i eáang` jmiféng' fíng` diéé~. ²³ Co' cangoyéé' e fí lí' seáng' 'nú' e jmiféng'na' jaléng` diéé~ quií-na', jo fí job cadsé' e cóo` nife' lí' toq` júu` e fé' lala: “Diéé~ i ja' mí' cúing` dsea’.” E jáb'- e fó' 'nú' quiá'- jaang` Diéé~ i ja' cúing`na', quiá'- íb` e níñ'gui jnea' 'nú' lana.

²⁴ Jo dsea` íb` i cajmée' la'úng- jmigüi' cóo`~gui jalé' e sea' fí jo. Jogui íb` i líng` fí jaléng` i neáang' fí yá' jogui cóo`~ jaléng` i seeng` fí jmigüi' la, jogui ja' guíñ` lí' doñí` jié' sñuú` guá'- e cajme' dsea` jmigüi', ²⁵ o'gui 'né- e dsea` jmigüi' nito' fíng` ír` osi i nijmicóo' ír` é, có' íbre cuør' jaléng` dsea` e jí'r` jogui guí e cá' dsea` cóo`~gui lajalé'gui e jié'.

²⁶ Co' cóo`~ jaang` dseañu` cajmeáiñ` lajüng` dsea` i seeng` la'úng- fí jmigüi' e laco' nigüéar` fí lacaang` guóo' uø~; jogui quiu'r` ta~ jie~ jüi~ seeng` dsea` fí jmigüi', jogui jie~ fí lí' catíng- nigüéar`. ²⁷ Jo cajmeáang` Fidiéé~ lajüng` jneaa~aa' e laco' ni'néng`naa' dsea` do, jo nigüiem`baa're song ni'néng`na're. Dsaco' e jáb'- e ja' huí~ seeng` Fidiéé~ cóo`~

lajaang` lajaang` jneaa~aa'. 28 Co' la'eáang' Fidiée`ba' see~naa' jí'naa' jogui ngi'naa' lí' laco'gui cajíng' i líng~ dsea` góo'na' mali' i jmo' júu^ ie~ mi~ cajíñ' lala: "I siju' Fidiéeb' jnea'^."

29 Jo co' e já' e lí'na' dsea` siju' Fidiée`, joba' ja` cuóøng` e í' óo'na' e Fidiée` líiñ' laco' jaléng' diée~ i jmáang` dsea` cóo'~ cunée` osi cóo'~ cutee` osi dsea` cuu~ é, jo jmáang` dsea` jialco' iim~bre jaléng' í. 30 Jo Fidiée` nicajmée`bre féng' dsíir' mali'gui eáang' cóo'~ jalé' e laang` dsea` cóo'r~, dsu' lana niquiur' ta~ lajüing` dsea` i seeng` fí' la'úng~ jmigüi' e niqui'~ jing' yaaiñ' fí' quinir~, jo nitár' e jmóor` jalé' e ja` dseeng`, jo lajoba' ni'ling~ Fidiée` dsee` quiár'. 31 Co' Fidiée` nicatée`bre cóo' jmü~ e niquidsir' í' laco' sí'í' quiá'~ jaléng' dsea` jmigüi' la'eáang' cóo'~ i dseañu' i caguíñ' 'ñia'r' do; jo Fidiée` nica'e'r' jaléng' dsea` e jo mi~ cajméer` e cají'tu Dsea` Jmáang~ jee~ jaléng' 'lí'.

32 Jo mi~ canúu~ i dsea` seeng` fí' Atenas do e fé' Paa~ cuaiñ~ quiá'~ e jíb'tu dsea` jee~ jaléng' 'lí', i líng~ i dsea` do lí' calóøm~bre Paa~ jogui i líng~gui fé':

—Cuóøm` lí' nú'naa' e fó' na cóo'gui jmü~.

33 Jo lí' e jo, güi'ñb' Paa~ fí' do. 34 Dsu' i líng~gui i dsea` do jáb'~ calíñ~ júu^ e guia' i Paa~ do. Jo jee' í' quiéng` jaang` dseañu' i sii' Dionisio i líng' jaang` dseata~ quiá'~ Areópagó, jogui jaang` dseam' i sii' Dámaris, jogui dsea` i jiéng'gui cajo.

18

Lajee` táang` Paa~ fí' Corinto

1 Jo mi~ cangí jalé' e jo, cagüi'ñb' Paa~ fí' Atenas, jo cangór~ fí' cóo' fii' e sii' Corinto. 2 Jo job calicuíñ' jaang` dseañu' i líng' dsea` Israel i sii' Aquila i niseeng` fí' cóo' fii' lí' se' Ponto. Jo ie~ jo ja' mí' ngóo' eáang' e nicagüilíng' i Aquila do cóo'~gui dseam' quiá'r' i sii' Priscila e jaliñ' fí' Italia. Jo ca'uøøiñ' fí' jo co' i dseata~ quiá'~ Roma do i nisi' Claudio caquiur' ta~ e 'né' uóm' jaléng' dsea` Israel fí' Roma lí' se' Italia. Jo cóo' jmü~ cangó~ Paa~ e cango'er~ i Aquila do cóo'~gui Priscila, 3 co' røøb' ta~ óor' cóo'iñ' do e jmo'r' 'núu'jiu cóo'~ layaang~ loo' jó' e laco' lí'r' e 'né'r'. Jo job caje' Paa~ cóo'~ i dsea` do e laco' nijmér~ ta~ colíng~. 4 Jo laco' jmü~ mi~ tí' e jmi'íng' dsea` góor' dsea` Israel, dsée' Paa~ fí' guá'~ jiu lí' seáng' i dsea` í' e féiñ' Fidiée`. Jo fí' job féiñ' jaléng' dsea` Israel cóo'~gui jaléng' dsea` i ja' líng' dsea` Israel e laco' já'~ nilíng' dsea` do júu^ quiá'~ Dsea` Jmáang~ e guiar'.

5 Jo mi~ caguilíng' Silas cóo'~ Timoteo fí' Corinto fí' lí' guíng~ Paa~ cóo'~ Bernabé e jalíñ' fí' Macedonia, jo i Paa~ do catú'bre e ta~ jmóor' do, jo canaiñ' e guiar' júu^ quiá'~ Dsea` Jmáang~ laco' jmü~ laco' jmü~, jogui sí'r' jaléng' dsea` góor' dsea` Israel e dseáng'~ já'~ba' e Jesús líiñ' i dsea` i cajíng'~ Fidiée` i nisiñ' fí' jmigüi' la lajüi' mali'. 6 Dsu' i dsea` Israel do 'nib' cangáiñ' Paa~, jo canaiñ' sí'reiñ' jmang'~ júu^ ga'. Joba' Paa~ cabó'r' 'lee' to' sí'r' e laco' cuø' lí' e ja' jí'~ dsea` ír', jo casí'r' i dsea` i ja' jí'~ ír' do lala:

—Dsee~ qui' na' yaam~ba' e nigüilíng' na' fí' lí' 'lí', dsuco' jo' e cuaiñ~ quié~e. Latí' lanab nii' cóo'~ dsea` i ja' líng' dsea` góo'o dsea` Israel e ni'ée'ere júu^ quiá'~ Dsea` Jmáang~.

7 Jo mi~ cangí jo, cagüi'ñb' Paa~ fí' dsí' e guá'~ jiu do, jo cangór~ fí' quiá'~ jaang` dseañu' i sii' Ticio Justo i jmiféng' Fidiée` contøøng~, jo cáang' e guá'~ dob lí' quiá'r'. 8 Jo jaang` fi~ i néé' ní' e guá'~ jiu do i sii' Crispo cóo'~ lajaléng' dsea` sinúu^ quiá'r' jáb'~ calíñ~ júu^ quiá'~ Fí'naa' Dsea` Jmáang~. Jogui lajobi fíim' dsea` i neáang' fí' Corinto, mi~ canúur~ júu^ quiá'~ Dsea` Jmáang~, jáb'~ calíñ~ joba' cajgáam~bre jmü~ e laco' cacuø' lí' e ca'uúñ' dsea` quiá'~ Dsea` Jmáang~.

9 Jo cóo' uøø' cajmijnéeng' 'ñia' Dsea` Jmáang~ fí' quini' Paa~, jo e jo cangár~ lafa' mi~ quir', jo cajíng'~ Dsea` Jmáang~ casí'r' dsea` do:

—Ja' jmoo' 'gó' jüi' capí', jo guia'gui júu^ quié~e jee~ jaléng' dsea` jo ja' quiun' e jmoo' lajo. 10 Co' jnea~ seem~baa colíng~ cóo'~ 'nu', joba' jüi' jaang` dsea` ja' i' lí' ní' nijmeáng' 'nu' ga'. Co' fíim'bi dsea` niseeng` e fí' fii' la i ni'uíng~ dsea` quié~e.

11 Jo fi' Corintob caje' Paa- coo` jii` dsi~ ca'na' e e'r' i dsea` seeng` fi' jo jalé' júu^ quiá'- Fidié'.

12 Jo coo` née' lajee` jii` e calng` jaang` dseañu' i sii` Galión dseata~ dsea` féng' quiá'- li' se' Acaya, jaléng' dsea` Israel i neáng' fi' do ie~ jo casíiñ- røø' e nijmér- dsee- quiá'- Paa-. Joba' casang'- neiñ' jo cangojeáiñ' fi' li' neáng' dseata~ dsea` quidsí' í'. 13 Jo mi' caguiliñ' fi' jo, lalab casí'r- i dseata~ do jo cajíñ'-:

—I dseañu' dsea` góo'naa' la ngir' ta~ jmigóøng` jaléng' dsea` quiá'- jial e 'né- niféng' dsea` Fidié', dsu' ja` núu'r~ lajii' júu^ quiá' ta~ quí' ii'.

14 Jo si'í' niñí' Paa- e nisi'r' dseata~ Galión lajii' e 'nñng` i dsea` do ír', dsu' jéeng'gui Galión cañír` quiá'- i dsea` Israel do jo cajíñ'-:

—Song dseáng'- lahuñng` nica'ée' i dsea` na osi lñng` ii` nicaingaiñ' é, joba' catñng` e niquidsii- í' fa' lajo. 15 Dsu' e na lí' lajii' júu^ e catñng` na' yaam`ba' na quiá'- lajii' júu^ quiá' ta~ quí' na', joba' yaam`ba' catñng` na' niguí' na' e na, co' jnea~ ja` iin`n niquín`n e júu^ na.

16 Jo caquiú' i dseata~ do ta~ e cagüi'ñb' Paa- cóo'~ jaléng' i dsea` caguiaang`-gui e fi' li' quidsí' i dseata~ do í'. 17 Jo lajñng` i dsea` i jmóo' dsee- quiá'- Paa- do casaiñ'- jaang`gui dseañu' i sii` Sóstenes i lñng` fií~ quiá'- guá'-jiu quiá'- dsea` Israel e si' fi' do, jo job cabóøiñ- i dsea` do fi' quini' li' neáng' i dseata~ dsea` quidsí' í' do, dsu' ja' e jíng'- dseata~ Galión jii' coo` quiá'- jalé' e jmóo' i dsea` do.

Mi' caguñg'-tu Paa- fi' Antioquia

18 Jo mi' cangf' jo, huøø-bi caje' Paa- fi' Corinto. Jo mi' cangf'gui lajo, ca'f'bre júu^ jaléng' dsea` quiá'- Dsea` Jmáang- i neáng' fi' do, jo cangoliñ' fi' coo` oo- jmii' e sii` Cencrea. Jo lajee` e taam`bir fi' jo, catu'r' cuo' moguir~ laco' tñng` dsea` góor dsea` Israel e laco' niliti' lajii' júu^ nicacuø'r' Fidié' lamí~ jéeng'gui. Jo mi' cangf' jo, cangotáaiñ' fi' dsí' móo' colñng` cóo'~ Aquila cóo'~gui dseamf' quiá'- í' i sii' Priscila jo colim~ cangoliñ' fi' li' se' Siria.

19 Jo mi' caguñng`tur e oo- jmii' li' sii' Éfeso do, job caseáng' Paa- i Aquila do cóo'~gui dseamf' quiá' i sii' Priscila, jo cangó-bre 'ñia'r' fi' li' si' guá'-jiu quiá'- dsea` góor dsea` Israel. Jo fi' job casíiñ- cóo'~ jaléng' dsea` í' i caseáng' fi' do ie~ jo. 20 Jo i dsea` i siseáng' fi' guá'-jiu do casí'r- Paa- e fa' nijé-bir huøø- cóo'iñ' do, dsu' Paa- jo` cali'iñ'. 21 Jo ca'f'bre júu^ i dsea` do jo casí'r-:

—Né- e seem-baa fi' Jerusalén e nití- jmii' e nijaquiéeng' fi' jo. Jo lí' jial ta~ niquiá'- Fidié' quié-baa e nigáa'túu e ga'ee' e 'nú' fi' la calé' catú-.

Jo mi' cangf' jo, cagüi'ñb' Paa- e fi' Éfeso do e iuuiñ- fi' dsí' móo', 22 jo cangób-tur fi' Cesarea, jo fi' job cajer' e laco' nicuø'r- guicóo'~ jaléng' dsea` quiá'- Dsea` Jmáang- i neáng' fi' jo. Jo mi' cangf' jo, cangám'-tur fi' Antioquia, jo fi' job cajer' huøøb`-jiu.

23 Jo mi' li' cøøng`gui lajo, cagüi'ñb'tur calé' catú-, jo cangí'tur lacoø` lacoø` fií e née' fi' li' se' Galacia cóo'~gui li' se' Frigia e cuø'guir bí jaléng' dsea` quiá'- Dsea` Jmáang- e laco' ja` nilitúng` dsíiñ' lajii' fi' niteáiñ- cóo'~ Dsea` Jmáang-.

Mi' caguia' Apolos júu^ quiá'- Dsea` Jmáang- fi' Éfeso

24 Jo ie~ jo caguíe- jaang` dseañu' dsea` Israel i sii' Apolos fi' Éfeso. Jo i dseañu' í' niseeiñ' fi' coo` fií e sii' Alejandría e née' li' se' Egipto. Jo dsea` do eám' jlo' tñiñ' guiar' júu^ jogui eám' cuír jalé' e fé' fi' ni' jii' quiá'- Fidié' e cajme' dsea` malii~gui eáng'. 25 Jogui eám' nicaingaiñ' júu^ quiá'- Fí'naa' Fidié' e cajme' dsea` í', jogui dseáng'- e íaang` dsí'bre fé'r', jogui dseáng'- røøb` er' e júu^ quiá'- Jesús do, doñí' fa' jii' e ñir' do e ca'e' Juan e quiá'- jial seáiñ' dsea` jmii' lajee` cateáiñ' fi' jmigüi' la, dsu' ja' ñir' e Jesús ca'er' e 'né- sáiñ' dsea` jmii' e laco' cuø' li' e líiñ' dsea` quiá'r-. 26 Jo i Apolos do canaiñ' guiar' júu^ quiá'- Dsea` Jmáang- dseáng'- fi' dsí' guá'- quiá'- dsea` Israel e jii' ja' jáa' quiá'r- fa' 'gó'r'. Dsu' mi' canúu- i dseañu' Aquila cóo'~gui dseamf' quiá'r- i sii' Priscila júu^ e guia' i Apolos

do, j̄oba' cajéem breiñ' fí' lí' jíe' j̄o casí' reiñ' dseáng' laco' la lí' e fí' e 'né' cá' dsea' e laco' niliseeiñ' cøong' cõo' Fidiée'.

²⁷ J̄o mi' cangí' j̄o, cali'ing' Apolos e ningúñ' fí' lí' se' Acaya. J̄oba' jaléng' dsea' quiá' Dsea' Jmáang' i seeng' fí' Éfeso do eáam' cajmicõo' reiñ', jogui casíñ' cõo' jì' quiá' jaléng' dsea' quiá' Dsea' Jmáang' i seeng' fí' Acaya do e laco' ni'íng' neiñ' cõo' júu' røø' juguiá'. J̄o mi' cangí' j̄o, cangó-bre fí' j̄o.

J̄o mi' caguié' Apolos fí' Acaya, eáang' cajmicõo'r' jaléng' dsea' i calicuíng' Dsea' Jmáang' uí' e eáang' guiúng' Fidiée' cõo' dsea' do. ²⁸ Co' fí' quini' jaléng' i dsea' i neáang' do sí'r' jaléng' i dsea' Israel e ja' í' dsíñ' dseáng' laco' catíng', jogui se'r' tea' lajii' e fé' fí' ní' jì' quiá' Fidiée' e dseáng' já' ba' e Jesús líiñ' i dsea' i casíng' Fidiée' fí' jmigú' la e laco' nileáng' dsea' jee' dsee' quiá'r'.

19

Mi' caguiéng' tu Paa' fí' Éfeso

¹ J̄o lajee' táang' i Apolos do fí' Corinto lí' se' Acaya, j̄o i Paa' do cangúñ' fí' lí' lí' jee' mó', j̄o caguié' tur fí' Éfeso. J̄o fí' j̄ob' cajíñ' i fíng' dsea' quiá' Dsea' Jmáang', ² j̄o lalab' cajmíng' Paa' i dsea' quiá' Dsea' Jmáang' do j̄o cajíñ':

—¿Su ca'íng' 'nú' Jmiguí' quiá' Fidiée' mi' já' calíng' na' júu' quiá' Dsea' Jmáang'? J̄oba' cañí' i dsea' do j̄o cajíñ':

—Ja' mí' ná' jnea' júi' cõo' ya' quiá' e j̄o. ¿E' gui e j̄o?

³ J̄o cajmíng' tu Paa' i dsea' do j̄o casí' reiñ':

—¿E' uíng' quí' na' mi' cajgáang' na' jmí' jóng'?

J̄oba' cañí' tu i dsea' do quiá' Paa' j̄o casí' reiñ':

—Jnea' cajgáang' naa' jmí' e casée' Juan e laco' cuø' lí' e caquí' jíng' yee' naa' fí' quini' Fidiée'.

⁴ J̄oba' casí' tu Paa' i dsea' do:

—Lajob' lí', cõo' i Juan do caseáiñ' dsea' jmí' lajii' i caquí' jíng' yaang' fí' quini' Fidiée'b'; jogui casí' bir' jaléng' dsea' í' cajo e 'né' ni'ím' biñ' do i dsea' i nijáa' cøong' gui do mi' nisóong' ír'; j̄o dsea' íb' Jesús lana.

⁵ J̄o mi' canúu' jaléng' i dsea' i teáang' do lajo, dsifí' ladob' cajgáaiñ' jmí' e laco' cuø' lí' e ca'uíñ' dsea' quiá' Dsea' Jmáang'. ⁶ Jogui mi' caquidsí' Paa' guóor' fí' mogui' i dsea' do, dsifí' ladob' ca'íng' i dsea' do Jmiguí' quiá' Fidiée', j̄o canaaiñ' fé'r' jmí' e jíe' gui laco' jmí' quiá'r', jogui síiñ' jalé' júu' e íñ' e jáa' quiá' Fidiée'. ⁷ J̄o lajee' lajii'ng' i dsea' do tíir' guitúuiñ' yaang' dseañ'.

⁸ J̄o mi' cangí' j̄o, lajee' gaang' sí', dsée' i Paa' do fí' guá' quiá' dsea' góor' dsea' Israel, j̄o fí' j̄ob' guiar' júu' quiá' Dsea' Jmáang' e ja' 'gó'r' júi' capí', j̄o sí'r' jaléng' i dsea' do jogui 'nó'r' jial' laco' já' nilíng' dsea' do e iing' Fidiée'b' quier' ní'f' quiá' jaléng' dsea'.

⁹ Dsu' i líng' i dsea' do ja' jí'r' e júu' do o'gui' iñ' já' nilíñ' cajo. J̄o canaaiñ' fé'r' fí' quini' jaléng' dsea' jíéng' e gab' jalé' e júu' do quiá' jial' cuíng' dsea' Dsea' Jmáang'. J̄oba' Paa' cajmihuím' 'ñia'r' jee' i dsea' góor' do, jogui cajéem bre' jaléng' dsea' quiá' Dsea' Jmáang' i caguaang' do, j̄o cangojéeng' neiñ' fí' cõo' escueel' quiá' jaang' dseañ' i síi' Tirano, j̄o fí' j̄ob' féiñ' i dsea' do júu' quiá' Dsea' Jmáang' laco' jmí' laco' jmí'. ¹⁰ J̄o lajeb' cajméer' lajee' tú' jii'ng', j̄oba' jaléng' dsea' Israel cõo' gui jaléng' dsea' i ja' líng' dsea' Israel i neáang' fí' jalé' fí' e té'e' lí' se' Asia canúur' júu' quiá' Fí' naa' Dsea' Jmáang' e cagua' i Paa' do.

¹¹ J̄o lajee' j̄o i Paa' do jmóor' jalé' e quí'r' jmí' la'eáang' cõo' güea' e cangúñ' e cacuø' Fidiée'. ¹² J̄o seem' dsea' quier' jalé' paay' quiá'r' osi' jalé' sí'r' fí' quini' Paa' e fa' jii' capí' nijnúng' dsea' do e 'mí' do, j̄oba' i dsea' do nicóor' fí' quiá'r' fí' lí' seeng' i dsea'

dsée' do, jo cóo' e jo ni'leáam i dsea`dsée' do lajii' jmohuú' e líiñ'. Jogui lajobi jaléng' dsea i jée' i 'ling' quia' dsihuim jaléng' i quia'r jo láam bre.

¹³ Jo ie jo, i líng dsea`Israel i ngi' lacoo' fii' e jmicaaiñ' e iñ' uoiñ' i 'ling' i jée' quia' dsea, jo iñ' nijóor su e ja' e uøng' i 'ling' i jée' quia' dsea`la'eáang' cóo' júu' quia' Fí'naa' Jesús. Jo lalab canaaiñ' sí'r jaléng' i 'ling' i jée' quia' i dsea`do:

—iLa'eáang' cóo' júu' quia' Jesús e guia' i Paa` do quia' ta e uøng'na' lí' teáang'na' na!

¹⁴ Jo e jo cajmée`laji`guiáng` joo' jaang`dseañu' Israel i sii`Esceva i nilíng`jaang`fii` jmidsea`quia' dsea`Israel. ¹⁵ Dsu' cóo' née' lajee`ngir`ta`jmoo' lajo, jo i 'ling' i jée' quia' i dsea`do cañiir`quiaiñ` do jo cajiiñ`:

—Cuim`jnea`Jesús, jogui ñi`bii` i sii`Paa` do, dsu' ja`ñii`ii`'nú'.

¹⁶ Jo dsif' ladob i dsea`i jée' i 'ling' quia' do canaaiñ' quiém'bre lahuim`jaléng' i joo' Esceva do, jo dseáng' lajim`biñ' do calí'r caquiéin' co' dsíng' bíñ'. Jo cangolíim i dsea`sihuíng` do fí' quia'r mi`cangf`jo, dsu' ringúum`bre cangoliñ`.

¹⁷ Jo lajiiñ' i dsea`Israel i neáang' fí' Éfeso cóo'gui jaléng' dsea`i ja`líng`dsea`Israel i neáang' fí' job cajo, caliñi`bre jalé' e calí` do ie jo, joba' eáam' cafóñ'. Jo lajob ngoo' lí'gøng' júu' quia' Fí'naa' Jesús jee`jaléng' dsea`.

¹⁸ Jogui fii'm`bi jaléng' dsea`i ja' calíng` júu' quia' Dsea`Jmáang` ie jo caguiliñ` e róoiñ` dsee` quia'r fí' quini` jaléng' dsea` quia' jalé' e ga' e nicajmées`lami`jéeng'gui.

¹⁹ Jogui fii'm`bi jaléng' dsea`i nicajmées`ta`dsea`láang`lami`jéeng'gui cajo caguiliñ` quier` jì' quia'r lí' too` jalé' e lí' e jmitíiñ', jo cajir` fí' quini` jaléng' dsea`i teáang` do ie jo. Jo mi`caguo' júu' jial tí' 'moo' téé' e jì' do, jmiguiab' eáang' cagüi`íng', lí' lí' cincuenta mil cuteeb'. ²⁰ Jo lajob naang`ni`gui júu' quia' Fí'naa' Dsea`Jmáang` fí' la fí' na, jogui jmoo' e líñi' dsea` cajo jial tí' 'gøng' Fidiée`.

²¹ Jo mi`cangf` e cangojée' jalé' e jo, joba' ca'f`dsí' i Paa` do e nidsé`tur e nidsi`eer` jaléng' dsea` quia' Dsea`Jmáang` i neáang' fí' lí' se' Macedonia cóo'gui fí' lí' se' Acaya, jo e mi`ningf`jo, ningíñ` tí' Jerusalén. Jogui fé'bir cajo e mi`ningf` e dsér` fí' Jerusalén, dseáng' 'né`ba' e dsér` tí' Roma.

²² Jo casiiñ`gáang` dsea` quia'r fí' lí' se' Macedonia, i do i sii`Timoteo jo jaang`gui i sii`Erasto, jo laji`huáaiñ` do jmoor`ta`jmicoo' Paa`. Jo Paa` fí' dobi cajer`ñia'r lajee`jo fí' lí' se' Asia.

Mi`caliseá`mii` fí' Éfeso

²³ Jo ie jo, eáam' cató' dsea`mii` fí' Éfeso uii` quia' e fii'm`dsea`ca'uíng` dsea` quia' Dsea`Jmáang`. ²⁴ Jo e mii` jo ca'uíng` uii` jaang`dseañu' i sii`Demetrio i nijmoo`ta`cóo' layaang`cutee'. Jo i dsea`i nijmoo' ta`jmiliñg` guá' jii' e lí' cóo' cutee', jo e job guá' quia' i diée` i sii`Artemisa. Jo i Demetrio do jmiguiab' quí'r e 'léeng' jaléng' i dsea`i jmoo`ta`cóo'r do. ²⁵ Jo cóo' née' caseaiñ' dsea`i jmoo`ta`cóo'r colíng`gui cóo' jaléng' dsea`i jmoo`ta` e røb`jii' cóo' e ta`jmoo`ír` do cajo, jo lalab casí'r jaléng' i dsea`do:

—Dsea`rú'uu', niñi'b`'nú' guia' e la'eáang' e ta`lab joba' guiab` sea`jalé' e 'né`quí`ii'.

²⁶ Dsu' lacogui la júu`sea` jogui ne`naa' cajo e i Paa` do ngir`fé'r e jaléng' i diée` i jmáang` dsea` cóo' guoor`ja`líiñ` dseáng' diée` ja'; jo lajob nicalí'r e nicaligøng` jaléng' dsea`i seeng` fí' Éfeso la cóo'gui jaléng' dsea`i seeng`jie`ja`latøom` lí' se' Asia. ²⁷ Jo lajii' e júu' e ngi' i Paa` do fé'r, dseáam`quí`ii' fíng`ca'íng` lajii' ta`quí`ii' e sea', jogui la quie`gui guá' quia' i diée` i sii`Artemisa do nitáb`dsea` e jmiciuir`, jogui nitáb`dsea` e jmi`gór` lajii' e 'gøng' i diée` í, dsuco' latøøng` lí' se' Asia jmiféng' dsea`ír, jo jie`ja`latøøng` jmigüib` cajo.

²⁸ Jo mi`canúu` jaléng' i dsea`i caseáng' fí' do jalé' e jo, eáam' caliguiñ`, jo canaaiñ` oor`teá`jo fé'r:

—iEáang' 'gøng' diée`Artemisa quí`ii' i jmiféng' jnea', dsea`Éfeso!

²⁹ Jo eáam' cangogáang' dsea' cóo'~ jalé' e júu^ jo, jogui canaang' catá'r' mii'~ latøøng~ e fi' jo. Jo lajee' jo, lajim'bre casam'~ i dseañu'~ i sii' Gayo cóo'~ Aristarco, gáng~ dseañu'~ i seeng' fi' Macedonia i nicóo'~ Paa'. Jo cajñúung'neiñ' do cartí' caguiliñ'~ fi' li' tuing' dsea' e seaiñ' colüing~ mi' ee'go jmoor'.

³⁰ Jo i Paa' do cali'iiñ~ e ni'ir' e nifeiñ'~ i dsea' fñing' do, dsu' jaléng' dsea' quiá'~ Dsea' Jmáang~ ja' cacuør' fi' lajo. ³¹ Jo jee'~ i dseata~ dsea' féng' quiá'~ li' se' Asia do niquiéng' cóo' tú~ máng'~ dsea' i niseeng' røø' cóo'~ Paa', jo casiiñ' júu^ e sí'reiñ' e guiá' gui e ja' ni'í dsea' do e li' teáng'~ i dsea' fñing' do.

³² Jo lajee' jo, jee'~ i dsea' fi' do, i lüing~ dsea' fé'r' cóo' júu^ jogui i lüing~gui e jié'gui, jo dsíng'~ tée' mii'~; jo fñim' i dsea' do jii'~ ja' ñir' e uüing~ e caseaiñ'. ³³ Dsu' i lüing~ i dsea' do casí'r' jaang' dseañu'~ i sii' Jaang~ jalé' e cali' ie' jo, jo í'bing' casíng' dsea' Israel fi' quini'~ i dsea' fñing' do laguidseaang'. Jo mi' caguiér' fi' quini'~ i dsea' fñing' do, jo cajméer' li' cóo'~ guóor' e lacó' nifé'r' uii'~ quiá'~ jaléng' dsea' Israel fi' quini'~ jaléng' i dsea' fñing' do. ³⁴ Dsu' mi' calilí'~ i dsea' fñing' do e i Jaang~ do lüiñ' dsea' Israel, dsíng'~ caliguiñ' jo canaiñ' óor' teá' lajee' tú~ oor' jo fé'r':

—iEáang' 'gøng' diée~ Artemisa quí'ii' i jmiféng' jnea'^, dsea' Éfeso!

³⁵ Jo mi' casóong~ jia e ta' dsea' mii'~ do, i tiji' quiá'~ e fi' Éfeso do canaiñ' féiñ'~ jaléng' i dsea' do jo cajñ'~:

—Dsea' rú'naa' i seeng' fi' Éfeso, jalém' dsea' seeng' fi' jmigüi' ñir' e i dsea' seeng' fi' la néé' nír' guá'~ quiá'~ i diée' 'gøng' i sii' Artemisa la, jogui fi' yá'^ jmigüi' b' li' cató'iñ' e lüiñ' dsea' cuu'~ jo catisüiñ'~ fi' la. ³⁶ Jo jii'~ jaang' dsea' ja' cuøøng' lí' jiiñ'~ e o' lajo e na, joba' catii'~ na' jo ja' e jmoona' jii'~ cóo' e ja' mí' ca'í' óona' røø'. ³⁷ Co' laji' gáng~ i dseañu'~ i nicajéeng' 'nú' fi' la ja' e mí' cajmeaiñ' jii'~ cóo' guá'~ quí'ii', o'gui mí' café'r' e ga' uii'~ quiá'~ i sengfi' quí'ii' do cajo. ³⁸ Jogui song i Demetrio do cóo'~ gui jaléng' dsea' i jmóo' ta' cóo'r' do nicadsé'r' dsee' quiá'~ i dsea' na, dob neáang' jaléng' dsea' i quidsí' í' cóo'~ gui li' 'núiñ' dsea' fñing' ee'go dsee' røøng' dsea'; jo fi' job li' catüing~ e nijmér' dsee' fi' quini'~ i dseata' í', jogui job li' catüing~ e nijmi'øng' yaaiñ'~ lajaang' lajaaiñ'. ³⁹ Jogui song sea'gui júu^ quié'na' e jié', dob cuøøng' lí' jmee'~ na' fi' ni' fi' mi' seáng' dsea' fñiñ'. ⁴⁰ Jogui cóo'~ jalé' e nicali'~ na, eáam' dseáang'~ quí'ii' fñing' i' cajmée' dsee' quí'ii' quiá'~ jalé' e nicajmó'oo', co' ja' e uüing~ sea' jii'~ cóo' e nijmi'øng' yee'~ naa' fñing' calingüi'~ e uüing~ quiá'~ e nicató' dsea' mii'~.

⁴¹ Jo mi' cali' fé' i tiji' do e júu^ na, jo ca'í'~bre júu^ quiá'~ jaléng' i dsea' siseáng' do jo cagüi'í'bre.

20

Mi' cangó-tu Paa' fi' Macedonia cóo'~ Grecia

¹ Jo mi' casóong~ e ta' dsea' mii'~ do, cató'~ i Paa' do jaléng' dsea' quiá'~ Dsea' Jmáang~ e lacó' lüing~ ee' niféng' neiñ' do. Jo mi' cangí' jo, ca'í'~bre júu^ i dsea' í' jo cangób~tur fi' li' se' Macedonia. ² Jo lacóo' lacóo' fi' e tée' fi' jo cangór' e dsí'eer'~ jaléng' dsea' quiá'~ Dsea' Jmáang~ i neáang' fi' jo, jo eáang' jmicóo'~ reiñ' cóo'~ jalé' júu^ quiá'~ Dsea' Jmáang~. Jo mi' cangí' jo caguiéb~tur fi' li' se' Grecia, ³ jo fi' job cajer' gaang' sí'.

Jo mi' cangí' jo, dseáng'~ ni'iuuiñ'~ fi' e nisó'r' móo' e nidsé'~tur fi' li' se' Siria mi' caliñir' e jaléng' i dsea' góor' dsea' Israel do nicasüiñ'~ røø' e lüing~ ee' nijmeaiñ'~ i Paa' do. Joba' ca'í' dsí' Paa' e caquim'~tur fi' guóo'~ uø' jo cangüing'~tur calé' catú'~ fi' Macedonia. ⁴ Jo cóo'~bre jaléng' i dsea' la: jaang' i sii' Sópater dsea' i seeng' fi' Berea, jóo' jaang' dsea' i sii' Pirro; jogui Aristarco, cóo'~ jaang'gui i sii' Segundo i seeng' fi' Tesalónica; jogui jaang'gui i sii' Gayo i seeng' fi' Derbe; jogui Timoteo, jogui lajobi Tíquico cóo'~ Trófimo, dsea' i seeng' fi' li' se' Asia. ⁵ Jo jaléng' i dsea' quiá'~ Dsea' Jmáang~ la jém'bre cangolüiñ', jo doguib' cajéiñ' jnea'^ cartí' oo'~ jmii' li' sii' Troas. ⁶ Jogui jnea', Lucas, cají'~ rú'naa' cóo'~ Paa'

fi' Filipos, jo fi' job ca'uøø-naa' cangó-naa' e téel-naa' dsí' móo' mi' cangí' jmí' e gø' dsea' iñí' e ja' quie' quiéeng'. Jo lajee' 'ñiá' jmí' guiba' caguié-naa' cartí' Troas, jo fi' job cataang-naa' guié' jmí'; jogui fi' job cajo cají' rú'naa' cóo' i' dsea' caguiaang- do.

Mí' cateáng' Paa' fi' Troas

⁷ Jo e jmí' la'uii' quiá' semaan' caseáng' rú'naa' jaléng' dsea' quiá' Dsea' Jmáang' e quiá' niquiee-naa' i'naa' colíing' e laco' jmiguiéng' dsí'naa' Dsea' Jmáang-. Jo lajee' jo café' Paa' güí' quiá'r- fi' quini' dsea' i' caseáng' e uøø' do. Jo co' iuung- Paa' fi' e nigüi' h'bre mi' nijneá' e uøø' jo, joba' cueeb' júu' quiá'r- cajméer' cartí' uøø' guienáub'. ⁸ Jo fi' job téel-naa' lajii-naa' fi' cóo' 'núu' yá', jo fi' job sea' jmiguiá' jì e jneá'. ⁹ Jo jee' jaléng' i' dsea' do quiéeng' jaang' siming' i' sii' Eutico, jo i' siming' í' dob guiiñ' otoo' e núur' júu' guia' Paa-. Jo co' eáam' cuee' júu' quiá' Paa' e café'r', joba' cajá' jaligüing' i' siming' do lajee' guiiñ' do, jo caquiam' bre e eáang'. Jo lajee' guiiñ' i' siming' do e güiiñ' lanab, cóo' catóm' bre cartí' ní' uø'. Jo e otoo' tí' lí' catóin' do gui' tí' lí' catí' 'ní' fíng' e 'núu' do. Jo mi' cangoseáang' neiñ' do ní' l'ím' biñ' do. ¹⁰ Joba' cajgáng- Paa' e lí' iuuiñ' guiar' güí' do, jo cangoseáaiñ' i' siming' do, jo carøøng' neiñ' do jo cajíñ' casí'r- i' dsea' quiá' Dsea' Jmáang- caguiaang- do:

—ja' føøng' na', dsea' rú'naa'! Co' jíb'tu i' siming' la.

¹¹ Jo mi' cangí' e caseang' Paa' i' siming' do, cajgóob-tur fi' lí' iuuiñ' guiar' júu' fi' lí' catí' 'ní' fíng' e 'núu' do. Jo fi' job caffíñ' iñí', jo caquiee-naa' colíing'. Jo mi' calí' e jo, canaam-tur fé'r' júu' quiá'r- cartí' cajneá' e uøø' jo. Jo mi' calí' e jo, jo ngí' joguiba' ca'ír- fi' cangór-. ¹² Jo mi' cató' dsea' sináa' quiá' i' siming' do fi' quiá'r- e nicajíb'tuiñ', joba' eáam' cali'iaang' dsí' jaléng' i' dsea' do.

Mí' cagüi' Paa' fi' Troas jo cangór- fi' Mileto

¹³ Jo mi' cangí' jo, jneá' cóo' i' dsea' caguiaang- gui do cangojéem'baa' quiá' Paa' e téel-naa' dsí' móo' cartí' caguié-naa' tí' cóo' fi' e sii' Aso. Jo fi' joguib' sí' e dsitee-naa' Paa' laco' nicasi-naa' røø' jéeng'gui, co' 'ñia'r' cali'iiñ' e cangór- e ngir' la tóo' ní' guóo' uø'. ¹⁴ Jo mi' cají' rú'naa' cóo'r- fi' Aso, jo ca'í-bre dsí' móo' lí' téel-naa', jo cangó-baa' fi' fi' lí' sii' Mitilene.

¹⁵ Jo mi' cangí' jo, ca'uøø-baa' fi' Mitilene, jo mi' cajneá' e jmí' cóo'gui do, cangüing-naa' fi' quini' e fi' e sii' Quío. Jo mi' catí' tú' jmí' lajo, cangüing-naa' cóo' ní' guóo' uø' jiu e néé' ní' jmiñí' e sii' Samos. Jo cóo'gui jmí' cali'ii-naa' e téel-naa' fi', joguiba' caguié-naa' fi' Mileto.

¹⁶ Jo cajmó-naa' lajo, co' i' Paa' do ja' cali'iiñ' ngór- fi' Éfeso ie' do lí' laco' ja' niquiñ' eáang' e dsér- fi' lí' se' Asia, dsuco' iñ' e niguieñ' lajmináb- fi' Jerusalén e nidsitiñ' jmí' Pentecostés e tí' fi' jo.

Júu' güí' e cacuø' Paa' fi' quini' dsea' cóøng' i' seeng' fi' Éfeso

¹⁷ Jo lajee' táang' Paa' fi' Mileto, cató'r- jaléng' dsea' cóøng' quiá' dsea' quiá' Dsea' Jmáang- i' neáang' fi' Éfeso e nidsilíñ' do fi' lí' táaiñ' fi' Mileto. ¹⁸ Jo mi' caguilíng- jaléng' i' dsea' cóøng' do, jo casí'-reiñ' jo cajíñ'-:

—Níb' 'nú' guia' jial guia' nica'ee' cóo' jaléng' 'nú' latí' mi' cagüén-n fi' la fi' lí' se' Asia. ¹⁹ Jogui contøøm- nicangí' jee' 'nú' e jmóo'o' lajii' e iing' Fí'naa' Dsea' Jmáang-, jogui e ja' jmiféng' 'ñiá'a, jogui e jiuung- dsí'baa' cóo' jalé' e lami' iing' dsea' góo'o' dsea' Israel nijmeáñ' jneá' uí' e guiaa- júu' quiá' Dsea' Jmáang-. ²⁰ Dsu' ja' catá'u e guiaa- jalé' e júu' na, co' jmang' jalé' júu' e guia' qui'ba' e nica'ee' e 'nú' lacaang' jee' dsea' jogui cajo lacaang' sináa' qui'na'. ²¹ Jo eáang' nicafí' i' jaléng' 'nú', dsea' líng'na' dsea' góo'o' dsea' Israel, cóo'gui dsea' i' ja' líng' dsea' Israel, e niquí' jíing' yaang-na' fi' quini' Fidié' jogui e já' nilíng'na' júu' quiá' Fí'naa' Dsea' Jmáang-. ²² Jogui lanagui nii' i' fi' Jerusalén laco' ta' quia' Jmiguí' quiá' Fidié' e jii' ja' ñii' ee' nisijé' quié' e jogui ee'

nidsingün n fí jo. ²³ Jo lajii~ e ñii~ e lacoo` fii li~ níi, jmab' jnea~ júu^ Jmiguí quíá'- Fidiée~ e nisijéé' 'nuañi' quíe~ e osi jalé' iihuú' e jié'gui é. ²⁴ Dsu' ja' e líi' quíe~ e e seen- tá'- e júun- n dsu' lifa' e jmiti~baa jalé' e ta~ na e iáang' dsii~, lajii~ ta~ e ca'íin'~n quíá'- Fíi'naa' Jesús e nijmiti~baa car' cató' cōo'~ jalé' ta~ guía' júu^ e Fidiéeb~ dsea` nijmi'neáañ' jneaa~aa' nañi' fa' ja' catú~naa' e jo.

²⁵ Jogui lana niñi'baa e jii'~ jaang' 'nú' jo` nimáang~gui' jnea~ calé' catú- fí jmigüú' la, dsu' lajee~ táan'n cōo'~ 'nú' nicanúu~na' júu^ e guíaa~ quíá'- jial iing~ Fidiée~ quier' nifi' quíá'- jaléng' dsea` jmigüú'. ²⁶ Joba' iin~n fii' i' 'nú' lana, jaléng' dsea` cōong'~, e song seeng' 'nú' i ja' cajmicuíng' Dsea` Jmáang~, joba' o' dsee~ quíe~ e song lajo. ²⁷ Dsūco' lajib' júu^ quíá'- Dsea` Jmáang~ e si'í' guíaa~ jee~ 'nú' nicajmiti~baa, jo jii'~ cōo' fa' cajmé~ e e ja' cajmitii~. ²⁸ Jo lajob eáang' 'né~ ñiing~ óo'na', jogui jmee~ í' yaang~na' cōo'~gui lajaléng' dsea` i líng' dsea` quíá'- Dsea` Jmáang~ lí' lacō'gui ta~ nicaquiú' quíi~na' Jmiguí quíá'- Fidiée~ e nilíng'na' lacō' dsea` jmóo' í' guíú~ jo'se' quíá'- . Jo lajob 'né~ nijmee~na' í' jaléng' dsea` quíá'- Dsea` Jmáang~, cō' la'eáang' cōo'~ jmi'ðoiñ' 'ñaia'r' dob e ca'uíng~na' dsea` quíá'r~. ²⁹ Jo niñib' jnea~ e mi~ ningí e ninín'~n do, nijalíng~ dsea` jiéng'gui i iing~ nijmigóong' 'nú', jo i dsea` í' líiñ' lacō' ie'dsinúu^ i ni' oo~ i iing~ nijmiguiéeng' quíá'- jaléng' dsea` e lacō' nitiúung~ dsea` Dsea` Jmáang~. ³⁰ Jo lajee~ yaam~bi' nigüeáng' i líng' 'nú' i ni'é~ júu^ e o' já'- e lacō' nijmigóong'na' dsea` quíá'- Dsea` Jmáang~ e nijmitir~ e júu^ e o' já'- do. ³¹ Joba' 'né~ e siñiim' áa'na' contōong~ ; jogui téé' óo'na' e lajee~ 'ni' jii' e calisén~n cōo'~ 'nú', dseáng' ja' catúu e fón'~n 'nú' jalé' juguiú~ júu^ røø cartí quí'~baa uii' quíi~na' na.

³² Jogui lana, dsea` rú'naa', nijáan'~n 'nú' fí jaguó' Fidiée~ jogui cōo'~ jalé' júu^ e iáang' dsíi' quíá'r~. Cō' jii'~ íb' dsea` lí'r' e jmicōo'r' 'nú' e lacō' nilicuíng'gui' Dsea` Jmáang~, jogui nicuó'r' 'nú' jalé' e si'í' nicuó'r' 'nú', dsea` líng'na' dsea` güeang'^ quíá'r~, lí' lacō'gui jii'~ júu^ e nicacuør' jéeng'gui. ³³ Dsu' ja' e mí camí'i 'nú' jii'~ cōo', o'gui cuu~ o'gui 'mi'. ³⁴ Jo ja' cajmé~ e lajo, cō' niñib' 'nú' guíú~ e cajmé~ e ta~ cōo'~ layaang~ guóo'baa e lacō' sea'ba' jalé' e 'né~ quíe~ e cōo'~gui jaléng' dsea` i ngí cōo'~o cajo. ³⁵ Jo contōom~ nica'ée~ e 'nú' e lajob 'né~ nijmee~na' ta~, jogui e jmicōo'na' jaléng' dsea` 'né~ quíá'- lajo, jo lajee~ jo jmiguiéng' óo'na' lajii'~ júu^ e cajíng'~ Fíi'naa' Jesús lajee~ táaiñ' fí jmigüú' la mi' cajíñ'~ lala: "Juguiú~gui quíá'- i dsea` i líng' ee'gō cuø'r' dsea` rúñ' lacō'gui i dsea` i líng' ee'gō íng' quíá'- dsea` rúñ'."

³⁶ Jo mi~ cangí e cajíng'~ Paa~ jalé' e júu^ na, jo casí'r' uø~ jnir~, jo caféiñ' Fidiée~ cōo'~ jaléng' i dsea` caguiaang~ do. ³⁷ Jo lajiiim' i dsea` do caljiiuung~ dsíir' jogui canaaiñ' røøiñ' Paa~ jogui casá'r' guoo' dsea` do, ³⁸ jogui eáam'bi' fi'í' calíñ' cajo, cō' e cajíng'~ Paa~ e jo niníng~gui rúñ' cōoiñ'~ do. Jo mi~ cangí jo, cangojeám^ i dsea` do Paa~ cartí lí' ca'í' dsea` do fí dsíi' móo'.

21

Mi~ cangáng'~tu Paa~ fí Jerusalén

¹ Jo ie~ jo, dob ca'í'naa' júu^ jaléng' dsea` quíá'- Dsea` Jmáang~ i seeng' fí jo, jogui jnea' cangó~baa' condsee' fí cōo' guoo'~ uø~ jii e née' ni~ jmiñi'^ e sii' Cos e téé'~naa' fí dsíi' móo'. Jo mi~ cajnéa~ lajo, caguié~naa' fí Rodas. Jo fí job ca'uøø~naa' e cangó~naa' fí Pátara. ² Jo fí job cajíng'naa' cōo' móo' e iu~ fí ngóo' fí lí' se' Fenicia, joba' cōo'~ e job cangó~naa'. ³ Jo lajee~ ngóo'naa' ladob cane'naa' Chipre e née' ni~ jmiñi'^, jo cajé' lí' lí' guoo'naa' tuung~ mi~ cangíng~naa' fí jo. Jo cangó~baa' cartí lí' se' Siria. Jo cō' e móo' do ngóo' ngocá' lee' fí cōo' oo~ jmiñ' lí' sii' Tiro e née' lí' se' Fenicia, joba' cōo'~ e móo' job cangó~naa'.

⁴ Jo e fii' job cajíng' rú'naa' cōo'~ jaléng' dsea` quíá'- Dsea` Jmáang~ i neáang' fí jo, jo cōo'~ íb' cajé'naa' lajee~ guíe~ jmiñ'. Jo Jmiguí quíá'- Fidiée~ nincasi'~ i dsea` í' e lacō' nijmeaiñ'~ do júu^ Paa~ e ja' nidsé~ dsea` do fí Jerusalén cō' dseám'~ quíá'r~.

⁵ Jo mi~ casúung~ e guié~ jmi~ do, ca'uøø~baa' colíing~ cóo~ jaléng' dsea` quiá'- Dsea` Jmáang~ i neáang' fí jo, jo jéeiñ` latøøng~ sináa^ quiá'- bre cangojeaaiñ^ jnea'^ fí 'ni' jmiñí'^, dseañu' cóo~ jaléng' dseam' quiá'r~ jogui jaléng' jiuung~ quiá'r~, jo colíim~ ca'uøø~naa' catí 'ni' fiñ do. Jo mi~ caguié~naa' fí 'ni' jmiñí'^, lajalé'naa' do casí'naa' uó~ jni'naa', jo caféeng'naa' Fidiéé~. ⁶ Jo lí~ jo, ca'íi~ júu^ rú'naa', jo mifíing~ casó'baa' dsí' móo', jogui i dsea` do caquim' tur cangolíñ` fí quiá'r~.

⁷ Jo mi~ ca'uøø~naa' fí Tiro, jo caguié~naa' fí Tolemaida. Jo fí job cató' e ngí'naa' cóo~ móo'. Jo fí job cajo caféeng'naa' jaléng' dsea` quiá'- Dsea` Jmáang~ i neáang' fí jo, jo cajé'baa' cóo'r~ cóo' jmi~.

⁸ Jo mi~ cajneá~ lajo, ca'uøø~baa' fí Tolemaida, jo caguié~naa' fí Cesarea. Jo mi~ caguié~naa' fí jo, cangó~naa' fí quiá'- i Lii~ do, dsea` i guía' júu^ quiá'- Dsea` Jmáang~ i quíing'~ jee~ dsea' guiáng~ i jmicóo~ dsea` i oo' ta~ quiá'- Fidiéé~, jo fí job cajé'naa' cóo'r~. ⁹ Jo i Lii~ do niseeng' quiúung~ jór' simí' i nicangíing~ e jmóor' ta~ fé' cuaiñ~ quiá'- Fidiéé~.

¹⁰ Jo ningóob' jiu jmi~ e taang~naa' fí do mi~ caguié~ jaang' dsea` Israel i jaa' fí Judea i nisii' Agabo; jo i dseañu' í ni'óor' ta~ e fé'r' cuaiñ~ quiá'- Fidiéé~. ¹¹ Jo mi~ cangoquiéeng' i dsea` do fí quini'naa', jo catíiñ~ e 'mi' e 'ñáa' tu' Paa~, jo cóo~ e job ca'ñú'r' guóor' cóo~ tíir~ jo cajíñ'~:

—Lalab nicajíng'~ Jmiguí' quiá'- Fidiéé~ e ni'ñúng' dsea` góo'oo' dsea` Israel i fiñ quiá'- e 'mi' 'ñáa' tu' la, jogui nijáíñ' dsea` do jaguó' jaléng' dsea` i ja' líng' dsea` Israel.

¹² Jo mi~ caná'naa' e júu^ na, jnea'^ colíing~ cóo~ jaléng' dsea` quiá'- Dsea` Jmáang~ i neáang' fí Cesarea, jo camí'naa' Paa~ jmi'ee~ e laco' ja' ni'ír' fí e nidsér~ fí Jerusalén.

¹³ Dsu' Paa~ cañíir' jo cajíñ'~:

—¿Jialí' jiuung~ oo' 'nú' uii~ quié~ jnea~, jogui jmáang'na' jnea~ e lín~ n fi'í? Co' ja' e lí' quié~ jnea~ e ni'ñúng' dsea` jnea~, co' ja' 'gó'o e cartí' jngám'~ bre jnea~ fí Jerusalén song lajo uíi' e jmóo'o ta~ guía' júu^ quiá'- Fí'naa' Jesús.

¹⁴ Jo co' ja' calí'guí' e ca'í~ júung' Paa~ fa' e ja' nidsér~ fí Jerusalén, jo jíi' e laba' casíi'guí'r':

—Güilb' lajíi' e iing~ Fidiéé~ cóo~ 'na'.

¹⁵ Jo mi~ cangí e jo, caguiá'baa' guíá~ qui~naa', jo cangó~baa' colíing~ cóo~ Paa~ fí Jerusalén. ¹⁶ Jo cangolíim~ bi cóo~ jnea'^ cóo' tú~ máng'~ dsea` quiá'- Dsea` Jmáang~ i neáang' fí Cesarea.

Jo mi~ caguié~naa' fí Jerusalén, jo cangojé'naa' fí quiá'- jaang' dseañu' i nilíng' dsea` quiá'- Dsea` Jmáang~ lajíi' lí~, jo siir' Mnasón, jaang' dsea` i seeng' fí lí' se' Chipre.

Mi~ cango'ee~ Paa~ i Tiáa~ do

¹⁷ Jo mi~ caguié~naa' fí Jerusalén, jaléng' dsea` quiá'- Dsea` Jmáang~ i neáang' fí jo ca'íñ' jnea'^ e íang' dsíir'.

¹⁸ Jo mi~ cajneá~ lajo, cangób~ Paa~ cóo~ jnea'^ e cango'ee~naa' i Tiáa~ i quié' nifí' quiá'- dsea` quiá'- Dsea` Jmáang~ fí Jerusalén. Jogui ie~ jo, fí job siseáng' jaléng' dsea` cóøng' quiá'- Dsea` Jmáang~ cajo. ¹⁹ Jo mi~ caguié~naa' quiá'- i dsea` do, cacuø' Paa~ guicóo' jaléng' i dsea` siseáng' do. Jo mi~ cangí jo, casí' reiñ' la'uiing~ lanú'~ jalé' e cajmée' Fidiéé~ cóo~ ír' lajee~ e caguiar' júu^ quiá'- Dsea` Jmáang~ jee~ jaléng' dsea` i ja' líng' dsea` Israel. ²⁰ Jo mi~ canúu~ Tiáa~ cóo~ jaléng' dsea` cóøng' do jalé' e guíá~ e cajmée' Paa~ la'eáang' cóo~ güea'^ quiá'- Fidiéé~ jo canaaiñ' jmfíiñ' Fidiéé~. Joba' casí'r~ Paa~ jo cajíñ'~:

—Lajob líí, ruu'. Niñíb' 'na' e lajee~ dsea` góo'oo' dsea` Israel, i lí' lí' milbing' i nijá' calíng~ júu^ quiá'- Dsea` Jmáang~, jo lajím' i dsea' í jmo'r' 'goo' jo fé'r' e dseáng'~ guíim'ba' 'né~ e nijmití' bñ' jalé' júu^ quiá' ta~ e casée' Moi'. ²¹ Jogui nicajmée' i dsea` na júu^ e 'na' nica'ée'~ jaléng' dsea` Israel i seeng' jee~ dsea` i ja' líng' dsea` Israel e jo 'né~ nijmitir' lajíi' júu^ quiá' ta~ quiá'- Fidiéé~ e cajme' Moi~, jogui nicasí' re e ja' 'né~ tér~ lí' fí ngúu'

táang` jiuung` siñuu` quiá'r- lí' laco' litíng` jaléng` jnea', dsea` lí' dsea` Israel, o'gui` né- jmitir` jalé' e tñ' naa', dsea` lí' naa' dsea` Israel cajo. ²² Jo ¿e` guí' nijmó`oo' jóng? Co' niliñib' jaléng` dsea` góo`naa' la e nicagüen'- fí' la. ²³ Jo jüi' mñ' laba' sea` e 'né- jmée' lala: Lana seeng` quiúung- dseañu' jee` jneaa`aa' e iññ` nijmitir` lajüi' júu` e cacuø'r` Fidiée` lami` jéeng`gui. ²⁴ Joba' gua` cóo' i dsea` í jo güijmee- jalé' e tñng` dsea` na laco' niliguiún'- fí' quini` Fidiée` colíng` cóo'r`. Jogui qui` quiá'- jalé' e 'né- i dsea` quiúung- do e laco' niliti` lajüi' e si'í' fí' quini` Fidiée`, jo lajoba' cuøøng` e niñu' guir` e laco' cuø' li' e cajmitir` e júu` do fí' quini` Fidiée`; jo lajoba' niliñir' lajüiñ' e o' já'- jalé' e nicajíng'- dsea` góo`oo' dsea` Israel uii` quí' do, co' nicaliñí' bre e 'nu` nuu` ba' lajüi' júu` quiu' ta` quiá'- Fidiée` e cajme' Moi` do. ²⁵ Jogui nicasiing`naa' júu` e nicasiñ`naa' røø` jalé'naa', dsea` téé`naa' nifí' quiá'- dsea` quiá'- Dsea` Jmáang-, jo caguiéng`naa' júu` quiá'- jaléng` dsea` i ja` líng` dsea` Israel i nijá'- calíng- júu` quiá'- Dsea` Jmáang- e fé' lala: Ja` cuøøng` cø'na' nguú' quiá'- jaléng` jó' i nicajíng` dsea` jiéng` fí' quini` diée` quiá'r-, o'gui cuøøng` cø'na' jmi'øøng- jaléng` jó', o'gui ngu` jaléng` jó' i nisiyáang` jmi'øøng-, o'gui cuøøng` 'léer` e güíng` dseañu` osi dseamí cóo' dsea` i o' quiá'r-.

Mí' casó'-tu dsea` quiá'- Paa- fí' dsí' guá'- fé' e si' fí' Jerusalén

²⁶ Jo lajob cajmée` Paa-, cangó`-bre cóo' i dsea` quiúung- do mi` cajneá- lajo, jo cajmээр` jalé' e caquiú' Moi` ta` laco' cuøøng` e niliguiúng- dsea` fí' quini` Fidiée`. Jo mi` cangí jo, ca'í' bre e dsí' sinúu` guá'- fé' e si' fí' Jerusalén do quiá'- e nijmér- júu` cóo' i dsea` quie` nifí' quiá'- guá'- do lí' jmñ` e i dsea` quiúung- do nijmité'r` jalé' e ta` caquiú' Moi` do e laco' cuøøng` nidsicar' jalé' e si'í' e nicuø'r` Fidiée` lajaang` lajaañ`.

²⁷ Jo mi` nijaquiéem`ba' e nidsíng- e jmñ` guie` do mi` cangá- i líng` dsea` Israel i seeng` fí' lí' se' Asia e iuung- Paa- fí' dsí' sinúu` guá'- do. Jo dsifí' lajob canaañ` ta'r` mñ' jee` jaléng` i dsea` i teáang- do, jo casaiñ` dsea` do, jo canaañ` fé'r` teá` jo cajíñ`-:

²⁸ —Jaléng` dsea` rú'uu' dsea` Israel ñilíng`na' ñijmicóo'na' jnea' fí' la, co' lab sing' i dseañu` dsea` góo`oo' i ngí' ta` guia' júu` e ja` cøøng` røø` cóo' lajüi' e tñ' fí' góo`naa', o'gui cøøng` røø` cóo' júu` quiu' ta` quiá'- Fidiée` e cajme' Moi` cóo' gui guá'- quí'-ii' cajo. Jo ja` mí' cajmi'gór` guá'- güeang` quí'-ii', co' cajajéeiñ` fí' dsí' sinúu` guá'- quí'-ii' dsea` i ja` líng` dsea` góo`oo' dsea` Israel.

²⁹ Jo café' i dsea` do lajo, co' cangár- lami` jéeng`gui e ngí' jaang` dseañu' i ja` líng` dsea` Israel i seeng` fí' Éfeso i sií' Trófimo cóo' Paa- fí' Jerusalén, jo líiñ- e caguijéng` i Paa- do i Trófimo do fí' dsí' sinúu` guá'-, dsu' o' já'- e cajmээр` lajo.

³⁰ Jo mi` canúu- jaléng` dsea` i caseáng' ie` jo jalé' e fé' i do uii` quiá'- Paa-, jo sóong` canaañ` ta'r` mñ`. Jo dsifí' lajob caguilíng- dsea` cuñir' fí' lí' sing' Paa- dsu' núur` e téé` mñ', jo caseáng' latøøng- fñ' fí' lí' taang` i Paa- do. Jo jaléng` i dsea` do casam'-bre Paa- jo cajñúuiñ` dsea` do cartí' caluu` e guá'- do, jogui cajní'bre jní' quiá'- e sinúu` guá'- do cajo. ³¹ Jo si'í' e tí' nijngám'-bre i Paa- do mi` caguié- júu` fí' quini` fii` féng' quiá'- 'lée- romano e sóong` ta' jaléng` i dsea` i seeng` fí' Jerusalén do mñ'. ³² Jo dsifí' lajob cangolíñ- cuñir' cóo' i 'lée- quiá'r- cóo' gui i quiu' ta` jee` ír' fí' lí' ta' i dsea` do mñ'. Dsu' mi` cangá- jaléng` i dsea` i siseáng' fí' lí' sing' Paa- do e ngolíng- i 'lée- romano do cóo' gui fiir-, jo caquium`bre e bøøiñ` i Paa- do dsifí' lado. ³³ Jo i fií' féng' quiá'- i 'lée- do cangoquiéiñ' fí' lí' sing' Paa- jo casang'-neiñ', jo caquiú'r` ta` e niñúuiñ' Paa- cóo' tú- ñí' cadena. Jo mi` calí- e cañúuiñ' i Paa- do, jo canaañ` jmíng'r- i dsea` siseáng' do jo cajíñ`-:

—¿I` gui i dsea` ná? ¿E` gui e nicajmээр`?

³⁴ Jo teá'gui eáang` café' jaléng` i dsea` do. Jo i líng` fé' e jié', jogui e jié' gui fé' i líng-, jo ja` calí' i fií' 'lée- do fa' caliñir' e` uing` e ta' i dsea` do mñ'. Jo lí' caquiú'r` ta` e cangáng'- i Paa- do fí' 'nuu` quiá'- jaléng` i 'lée- do. ³⁵ Jo mi` caguilíng` i 'lée- i téé` Paa- do fí' lí' téé` jóo` lí' soo` dsea` e nidsitáaiñ` e fí' dsí' sinúu` quiá'- jaléng` i 'lée- do, jo cadsím`bre i Paa- do fí' yú' nar-, co' dsíng'- ga` jmóo` jaléng` i dsea` i teáang- do e iññ` nijmeañ' ga` Paa-.

³⁶ Jo lajɨm̃ i dsea` do ngoliñ` tɨ'leáaiñ' laco' ngang' i Paa` do e jée' i 'lée` do, jo ta'r' mɨ'` jo fé'r':

—iJngang'na' i dseañu' ná!

Mi` cajmi'óng' Paa` ñia'r' fɨ' quini` jaléng' dsea` fɨ'

³⁷ Jo tí' lí' nitám' i 'lée` do Paa` fɨ' dsí' sinúu^ quiá' jaléng' 'lée` mi` caféng' Paa` i fi' 'lée` do cóo'~ jmí' griego jo casí'r':

—¿Su cuóøng` nisiing` teáa cóo'~ 'nu` cateá'?

Joba' cañí' i fi' 'lée` do quiá'~ Paa`:

—¿Su tím'ba' fo'^ jmí' griego? ³⁸ ¿Su o' 'nub' i dsea` egipto i 'ní' níng` jaléng' dseata` cóo'~ jaléng' dsea` ie` ja` mɨ' ngóo' na i calí' caseáng' quiá' mil dseañu' fɨ' jee` mó', jo cangir' ta` jngang' dsea'?

³⁹ Jo cañí' i Paa` quiá'~ i fi' 'lée` do:

—U~, o' í' jnea~. Jnea` lín'n jaang` dsea` Israel, jo calisén'n fɨ' cóo' fɨ' niing` e si' Tarso e née' lí' se' Cilicia. Jo car` uii` diée` cuóø'~tea' jnea` fɨ' e nifón'^n jaléng' dsea` fɨ' lana.

⁴⁰ Jo cacuøb' i fi' 'lée` do fɨ' e nifé' i Paa` do. Jogui dob nisiñ' cartí' yá' joo~ lí' teáng` dsea` fíng' do, jo cóo'~ guóø'bre cajméer' lí' e caquiung' i dsea` do e ta'r' mɨ'`. Jo mi` ca'fɨ' tii~, joguiba' canaang` Paa` e féiñ' jaléng' i dsea` do cóo'~ jmí' hebreo jo cajíñ'~ casí'~ reiñ':

22

¹ —Dsea` rú'uu', dsea` góo'o dsea` Israel, cóo'~gui jaléng' dsea` i líng' dsea` mogui` qui`ii', núu`na' júu^ quié`e e nifá'^a quiá'~ jalé' e nicajmé`e e laco' ningáng'na' e o' já'~ jalé' dsee` e cuø'na' jnea`.

² Jo mi` canúu` jaléng' i dsea` Israel i teáng` do e fé' Paa` cóo'~ jmí' quiáíñ'~ do, eáang'gui tii` cajer'. Jo café'gui Paa`:

³ —Jnea` lín'n dsea` Israel laco' 'nú', jogui calisén'n fɨ' cóo' fɨ' e si' Tarso lí' se' Cilicia. Dsu' fɨ' Jerusalén lab lí' cacuán`n, jogui cajmitín'n cóo'~ jaang` tɨfa' i niing` qui`ii' i si' Gamaliel. Jo fɨ' job cajmitín'n jalé' e títng` dsea` góo'naa' e jmóor' lajii'~ tí' malí' jogui latí' lana. Jogui contøøm` nicajmi'úun`n e nicajmitii` jalé' júu^ quiu' ta` quiá'~ Fidiée` car` ngocáng` dsii` laco'gui la jmoo' 'nú' lana cajo. ⁴ Jo lamí' jééng'gui gab` cajmeáan`n jaléng' dsea` teáng` fɨ' guiá` cóo'~ Dsea` Jmáang~, jogui ca'ñún'nre, jogui catán'nre dsí' 'nañí' cóo' gui'náb'^, dseañu' dseamáb', jo seem` i líng` dsea` do cartí' cajúm`bre. ⁵ Jogui jaléng' i dsea` mogui` quiá'~ fi' jmidsea` qui`ii' cóo'~gui jaléng' dsea` cóøng'~ qui`naa' ñi'bre guiá` dseáng'~ e jáb'~ lajob cajmé`e. Dsucó' í'bing' i cacuø' jnea` jalé' jì' e quiee` quiá'~ dseata` i neáang' fɨ' Damasco e laco' nicuø'r` jnea` fɨ' e nijmán'^n dsea` quiá'~ Dsea` Jmáang` i seeng' fɨ' jo, jo nitøø`re fɨ' Jerusalén, jogui nijmihuín'nre fɨ' jo cajo.

Mi` cajíng' Paa` jial calicuíñ` Dsea` Jmáang`

(Hch. 9:1-19; 26:12-18)

⁶ Dsu' ie` jo, lajee` e iuun` fɨ' ngóo'o fɨ' Damasco, jo mi` catí' í' e guieñí' joo`, jo lajee` e nijaquieéiñ' niguiéé' fɨ' Damasco, cóo' cajném` cóo' jì' e jì' eáang' e jáa' fɨ' yá'^ jmígüi, jo dsíng'~ cajnea` lacúng' lajíng' lí' ngóo'naa'. ⁷ Jo dsifí' lajob caquin`n fɨ' ni` uø~, jo canúu` e líng` i' guicafé' fɨ' yá'^ jmígüi jo guicajíñ'~ sɨ'r' jnea~: “Saulo, Saulo, ¿jialí' ngí' jmáan` jnea` ga?” ⁸ Joba' cangii` quiá'~ i guicafé' do jo cafá'~a: “¿Í' 'nu', Fí'i?” Joba' cañí'tu i guicafé' do jo guicajíñ'~: “Jneab` Jesús i caliséng' fɨ' Nazaret i ngí' 'nu' jmáan` ga` lana.” ⁹ Jogui jaléng' dsea` i ngolíng` cóo'~ jnea` ie` jo cangá`bre e jì' do joba' eáam' cafóíñ', dsu' ja` canúur` luu` i guicafé' do i cató'~ jnea` do, jíi'~ jneab` dsea` canúu`. ¹⁰ Jo cangii` jnea` quiá'~ i guicafé' do jo cafá'~a: “¿E` 'né` nijmee`e, Fí'i?” Jo cañí'tu i guicafé' do jo guicajíñ'~: “Ráan'~ jo gua` fɨ' iuun'~ fɨ' Damasco, jo fɨ' job nilijmeá'^ júu^ jalé' e 'né` nijmée'^.” ¹¹ Jogui dsucó' tiuum`baa cajá`a uíi'~ e jì' e jì' e cajnéng` do, joba' i dsea` i ngolíng` cóo'~o do, í'bing' i cajéng' jnea` cartí' caguié`e tí' Damasco.

12 'Jo e fi' jo niseeng` jaang` dseañu` i nisii` Ananías i eáang` jmi'gò` Fidiée` jogui eáam` núu'r` júu` quiu` ta` quiá'` Fidiée` e cajme'` Moi`. Jo jaléng` dseá` góo`oo` i seeng` e fi' Damasco do guiáb` fé'r` uii` quiá'` i Ananías do. 13 Jo i Ananías do cangór` fi' li` cajá'a. Jo mi` caguiér` fi' jo, jo casí'r` jnea~: "Saulo ruu'~, güilijnéb'tu' calé` catú`." Jo dsifi' lajob calijné'túu, jo nicuóøm` jøø`ø` calé` catú`. 14 Jo cajíng`-gui i Ananías do casí'r` jnea~: "Tiquí'ii' Fidiée` nica'náaiñ` 'nu` e laco' niliñí'^ jalé` e iing` Fidiée` e nijmée'^, jogui ca'náaiñ` 'nu` cajo e laco' nimáan` Dseá` Jmáang` i líng` Fidiée` i ja` dsee` óo` júi` coo` jogui ninúu'^ jalé` e fé'r` dseáng`- 'ñia'r'. 15 Co' 'nu`b` dseá` ni'uúin`- dseá` quiá'r`, jogui nijmée` dseá` júu` la'úng` fi' jmi'güi' lajalé` e niñí'` jogui lajalé` e ninúu`- cajo cuaiñ` quiá'` Dseá` Jmáang`. 16 Jogui lana, ¿e` e sijeeng`gui'? Sín`- jo nisán` jmi` e laco' cuø` li` e ca'uúin`- dseá` quiá'` Dseá` Jmáang`, jogui mi` dseá` do e ni'íiñ` dsee` qui'`."

Mi` cajmée` Paa` júu` jial mi` cango'eer` dseá` i ja` líng` dseá` Israel

17 'Jo mi` caquin`-n e cagüean`-n fi' la fi' Jerusalén, jo cangó`-o fi' guá'` fé' e cangofón`-n Fidiée`. Jo lajee` jo camó`-o líng` ee` camó`-o lafa' mi` qui` dseá`. 18 Jo camán`-n Fii'naa' Dseá` Jmáang` e jiiñ` sí'r` jnea~ lala: "Jmi'úung` quií'`, jo júu` lajminá` fi' na fi' Jerusalén co' ja` nijmijii` jaléng` i dseá` i seeng` fi' na lajii` júu` e guia'` quié`-e." 19 Joba' jnea~ lalab cangü` quiá'` dseá` na jo cafi`-ire: "Fí'i, ñib` i dseá` do guiú` e jnea~ ngü` lacoo` lacoo` li` téé`-guá'` quiá'` dseá` góo`oo` e jmán`-n jaléng` dseá` i cúing` 'nu`, jogui tøø`-re fi' 'nuñí'^ jogui jmi'huñ`-nre cajo. 20 Jogui ie` do mi` cajngang` dseá` i Téé` do, jaang` dseá` i cajmée` lajii` e iing` 'nu` jogui caguiar` júu` quií'` cajo, dob síng` jnea~ ie` jo e cuøø` júu` quié`-e e cajnga'` dseá` quiá'` i Téé` do. Jogui jnea~-bi cajo dseá` cajmé`-e í` sí'^ i dseá` i cajnga'` quiá'` i dseá` do lajee` e cajngang`-neiñ'." 21 Jo dsu' cajíng`- Fí'i Dseá` Jmáang` casí'r` jnea~: "Teáng'` fi' uø', dsuco' lana nisñ`-n 'nu` fi' fi` li` huíi` li` seeng` dseá` i ja` líng` dseá` góo` dseá` Israel."

Mi` casñng` Paa` cóo` jaang` fii` 'lée`

22 Jo júi` job júi` caquiuiñ` núur` júu` quiá'` Paa`, co' mi` canúur` e nidsé` dseá` do e niguiár` júu` quiá'` Dseá` Jmáang` jee` jaléng` dseá` i ja` líng` dseá` Israel, joba' canaaiñ` óo`tur jo fé'r`: "¡Ja` 'né` e seeng` i dseá` na fi' jmi'güi' la! jngang`-naiñ` na!" 23 Jogui ta` biguir mi` jogui bó'r` 'lee` toq` sí'r`, jogui bí'r` 'lee` fi' yá'^ cóo` jaguór` co' dsíng`- guíiñ`.

24 Joba' i fii` 'lée` do caquiur` ta` e nitáaiñ` Paa` fi' dsí' 'nu` jaléng` i 'lée` do. Jogui caquiur` ta` cajo e nibøøng` dseá` do cóo`-loo` e laco' dseá` do nijmér` júu` jiali' e ta' jaléng` dseá` mi` uii` quiá'r`. 25 Dsu' lajee` e ni'ñúum` Paa` røø` e lico' dsí'íng`gui e nibøøm`-breiñ` do, lajee` job cajmingí` Paa` i dseá` nu`luu` quiá'` fii` 'lée` i sí'í` nijmeáng` ga` ír` do jo cajíñ`- casí'-reiñ`:

—¿Su seab` fi' quií` 'nu` e nijmi'huñng`-na' jaang` dseá` i caliséng` fi' li` quiu` dseá` romano ta` e júi` ja` mi` calita`-bi dsí' su dseáng`- óor` dsee`?

26 Jo mi` canúu` i dseá` nu`luu` quiá'` i fii` 'lée` do e cajíng` i Paa` do lajo, joba' dsifi' ladob cangáaiñ` e cangojmée'r` júu` i fii` 'lée` do quiá'r` jo casí'-reiñ`:

—¿E` nijmée` 'nu` cóo` i dseañu` do, co' dseá` caliséng` fi' li` quiu` dseá` romano tab` jiiñ` e líiñ`?

27 Jo dsifi'b` cangoquiéeng` i fii` 'lée` do fi' li` síng` Paa`, jo cajmingí`-reiñ` do jo cajíñ`-:

—¿Su jáb` e dseá` romanob líng` 'nu`?

Jo cañí' Paa` quiá'` i fii` 'lée` do jo cajíñ`-:

—E jáb`, íb` jnea~.

28 Jo cañí'tu` i fii` 'lée` do quiá'` Paa` jo cajíñ`-:

—Jial jnea~ eáam` cacáng`- cuu` quié`-e e ca'uúin`-n dseá` romano.

Jo cañí'tu` Paa` casí'r` i fii` 'lée` do:

—Dsu' jnea~ lín`-n dseá` romano latí` mi` cangáam`-baa.

²⁹ Jo jaléng' i dsea` i si'í` nijmihuúng` i Paa` do, caliúum` yaaiñ` fí` quini` dsea` do. Jo jì`gui i fii` 'lée` do caliúum` 'ñaia'r` cajo mi` caliñir` e dsea` romanob líng' i Paa` do; jogui ca'ib` fò'` quiá'r` dsu' e nica'ñúng` neiñ'` jéeng`gui.

Mi` cangojéiñ` Paa` fí` quini` dsea` quie` nifi` quiá'` dsea` Israel

³⁰ Jo mi` cajneá` e jmiñ` jo, co' eáam` iing` i fii` 'lée` do e niliñir` røø` e` uing` e dsee` e jmóo` dsea` Israel quiá'` i Paa` do, jo cajé`bre e ñi` cadena e 'ñúung` dsea` do, jo caquiur` ta` e niseáng` jaléng` fii` jmidsea` cóo`~gui jaléng` dseata` i quie` nifi` quiá'` dsea` Israel e niseáiñ` do colíng` e quiá'` nisíñ` uii` quiá'` i Paa` do. Jo mi` niseáng` jaléng` i dsea` do, jo caquiur` ta` e cagüi`ib` i Paa` do fí` dsíi` 'nañi`, jo cangojéeng` neiñ'` fí` quini` jaléng` i dsea` i caseáng` do.

23

¹ Joba' cajøøng` Paa` jaléng` i dsea` i quie` nifi` quiá'` dsea` Israel i caseáng` do jo casí`reiñ`:

—Dsea` rú`uu', eáam` guiá` nica'ee` jnea` fí` quini` Fidiée` lati` lana, co' ñi`baa e jmang` e guiá`ba' nicajmé` e fí` quini` dsea` do.

² Jo dsifí` lajob` i dsea` mogui` quiá'` jaléng` fii` jmidsea` i sií` Ananías caquiur` ta` quiá'` i dsea` i teáng` quiá'` laco' sing` Paa` e nijnéiñ` do moni` Paa`.

³ Dsu' i Paa` do cañiir` dsifí` lado, jo casí`r` i jmidsea` Ananías do jo cajíñ`:

—iFidiéeb` nibá` quií` 'na` cajo, dsea` jløng`! Song` 'na` guin` na` lana quiá'` niquidsi` í` lajii` laco' júu` quiu' ta` quiá'` Fidiée` e laco' si'ib`^, jo çjali' e 'na` quiá' ta` e nibøøng` dsea` jnea`? Co' fé` fí` ni` júu` quiu' ta` quiá'` Fidiée` e ja` cuøøng` jmé` dsea` lajo.

⁴ Joba' cañií` i dsea` i teáng` do quiá'` Paa` jo casí`reiñ`:

—çSu lanab` fí` dsea` mogui` quiá'` jaléng` fii` jmidsea` quiá'` Fidiée`?

⁵ Joba' cañií`tu` Paa` quiá'` i dsea` do jo cajíñ` casí`reiñ`:

—Dsea` rú`uu', ja` ñi` jnea` e i dsea` na` líiñ` dsea` mogui` quiá'` jaléng` fii` jmidsea`, joba' cafá`-a lajo, dsu' faco' ñi` jnea` e lajo, ja` cafá`-a lajo jóng. Co' fí` ni` jì` quiá'` Fidiée` e cajme' dsea` maliñ` lalab` fé': "Ja` fo` ga` quiá'` dsea` i quiu' ta` fí` góo'."

⁶ Jo mi` calilí` Paa` e i líng` i dseata` quiá'` dsea` Israel i caseáng` do líiñ` dsea` saduceo, jogui i líng`guiñ` do quiñ` jee` dsea` Israel i líng` dsea` fariseo, joba' cajíng` Paa` casí`r` i dsea` do cóo`~júu` teá` jo cajíñ`:

—Dsea` rú`uu', dsea` fariseob` líng` jnea` cajo, jogui dsea` siju` dsea` íb` jnea` cajo. Jogui i dsea` na` 'ñiñ` jnea` co' e já'` lín`n e jí'tu` dsea` mi` ningf` e júuiñ`.

⁷ Dsu' mi` cató'` fé'` Paa` e jo, jaléng` i dsea` i líng` fariseo do cóo`~gui jaléng` dsea` i líng` saduceo canaiñ` e jmiquím` dsíi` rúñ` lajee` yaaiñ`, jo ca'uíng` tú` 'lé` i dsea` i caseáng` do ie` jo. ⁸ Co' jaléng` i dsea` i líng` saduceo do fé'r` e jo jí'tu` dsea` mi` ningf` e nijúuiñ`, jogui fé'r` e ja` seeng` jaléng` ángeles` o'gui sea` jalé'` jmiguí` quiá'` dsea`; dsu' jaléng`gui i dsea` i líng` fariseo do jáb`- líiñ` jalé'` e júu` jo. ⁹ Jo lajim` i dsea` do cató'r` mí'` calé'` catú', jogui i líng`gui i tifa'` quiá'` júu` quiu' ta` quiá'` dsea` Israel i quíng` jee` dsea` i líng` fariseo, íb` dsea` caróor` jo casíng` yaaiñ` jo cajíñ`:

—I dseañu'` la jíi` coo` e ga` ja` e mí` cajméer`; lí'` jangám` song` nicasíñ` cóo`~ jaang` dsea` guí` osi cóo`~ jaang` ángel` é.

¹⁰ Dsu' eáang`gui ta'` jaléng` i dsea` do míi` lacoo` ya'. Jo i fii` 'lée` do cafóm`bre fíng` cajméé` i dsea` do cui'` Paa`. Joba' cató'r` tú` 'ni` máng` 'lée` quiá'r` e laco' niguíng` neiñ'` lí` iuuiñ`, jo nidsijeáang` neiñ'` fí` 'na` jaléng` i 'lée` do calé'` catú`.

¹¹ Jo mi` canuu` cóo`~gui jmiñ` lajo, cajmijnéeng` 'ñaia'` Fíi`naa' Dsea` Jmáang` fí` quini` Paa` jo casí`reiñ` jo cajíñ`:

—Cuøø'` bí` uø', Paa`, co' laco' nicaguiá'^ júu` quié` e e fí` Jerusalén la, lajob` 'né` guiá'` júu` quié` e cajo fí` Roma.

Mi casang dsea jial nijngaiñ Paa

¹² Jo mi cajneá e jmĩ jo, i liing i dsea Israel do casiiñ røø e nijngaiñ i Paa do, jogui cacuø' júu rúin' lajee yaaiñ do e dseáng' ja nidø'r o'gui ni'f'r jii coo cartí nilí'r e nijngaiñ Paa. ¹³ Jo jaléng i dseañu' dsea Israel i casang lajo tír lí'gui lí' tuláin. ¹⁴ Jo cangoliñ fí quini fii jmidsea quia' dsea góor dsea Israel cóo'gui fí quini dsea cóong' quia'r jo casí' reiñ lala:

—Jnea' nicacuø'naa' júu quí'naa' lajee yee'naa' e ja ni'né' niquiee'naa' jii coo cartí nilí'naa' nijngáng'naa' Paa. ¹⁵ Jogui 'ná' lana cóo'gui i dseata i quie' nifí quí'ii' caguaang'gui na, nifí'na' fii 'lée e nijajeáaiñ i Paa do dsa'ó fí quini'na', jogui nijmee'na' e niligøøiñ lico' nifí'na'r e nijmingí'na'r jalé' e dsee e sea quia'r la'uiing lanú'. Jogui jnea', dsea tuláng'naa', nijmeáng' guiá' yee'naa' e nijngáng'naa'r guiá' fí nú'gui e nigüeáin' catí la.

¹⁶ Dsu' jaang' siming', jóo i dseam' rúng' Paa do, nicaliñi'bre lajii' e guia' guiá' i dsea do quia' e nijngaiñ i Paa do. Joba' cangór dsifí lado fí 'nu' jaléng' i 'lée do fí lí' iuung Paa e cangojmee' reiñ júu'.

¹⁷ Jo mi ca'ing' Paa e júu do, dsifí lajob cató'r jaang' dsea nu'luu quia' fii 'lée jo casí' reiñ jo cajíñ':

—Jéeng' i siming' la fí quini fii quí', co' liing' ee' júu quie'bre e catíng' í.

¹⁸ Joba' i dsea nu'luu quia' i fii 'lée do cajéiñ i siming' do fí quini fii quia'r, jo lalab casí'r i fii quia'r do:

—I dsea' sijnúng' i sii Paa do cató'r jnea', jo camí'r jnea' e cagajéen' n i siming' la fí quini', co' liing' ee' júu quie' quí'ba' jíñ'.

¹⁹ Jo i fii 'lée do catíiñ guoo' i siming' do, jo cajéeng'neiñ fí coo' lí' ja ii' dsea núu, jo cajmingí' reiñ jo cajíñ':

—¿E' júu quie' quie'e, siming'?

²⁰ Joba' cañi' i siming' do jo cajíñ' casí' reiñ':

—Fím' dsea góo' dsea Israel nicasiiñ røø e nimí'r' nu' fí e dsa'ó niguiéen' Paa calé' catú' fí quini jaléng' dseata i quie' nifí quí'ii', dsea lí'ii' dsea Israel. Jo i dsea í niguiar' guiá' e nijmigøøiñ nu' e laco' nisíng'gui røø cuaiñ quia' dsee e sea quia' i Paa do. Dsu' e jo nijmér e lí' laco' nu' niguiéem'ba' dsea do, jo lajob nilí'r' nijngáng'neiñ. ²¹ Dsu' ja' ja' güilín', co' lí'gui tuláng' dsea góo' dsea Israel nisijeeiñ Paa e ñng' guiá' fí e iñ' nijngáng'neiñ. Jogui nicacuø' júu rúin' lajee yaaiñ e ja ni'f'r nidø'r jii coo lajee e ná'gui e nilí'r' nijngaiñ Paa. Jogui lana, guiáb' nineáaiñ e lico' sije'guir e niquiá' nu' ta' lajob e niguiéeng'na' i Paa na fí quini i dsea quidsí' í' do.

²² Joba' i fii 'lée do casí'r i siming' do e ja ii' nisíñ' do jii' jaang' lajii' júu e casiiñ' do. Jo mi cangí jo, ca'f'bre júu i siming' do.

Mi caguiéiñ Paa fí quini dseata dsea féng' i sii Félix

²³ Jo dsifí lajob i fii 'lée do cató'r gáng' dsea nu'luu quia'r jo casí' reiñ jo cajíñ':

—Guieeng'na' guiá' tú' ciento 'lée i ngí' tii', jogui setenta i nigüeá' cuea', jogui tú' cientogui i nicá' ñisú', jo nidsé'ee' fí Cesarea la ii' ñá' e uøø'na.

²⁴ Jogui caquiá'gui i fii 'lée do ta' quia' i dsea nu'luu quia'r do e niguiéiñ do guiá' cuea' i nigüeá' i Paa do. Jogui jaléng' i 'lée do nisínú'r júu e nijáiñ' Paa e guiúm'biñ fí quini i dseata dsea féng' i sii Félix i guing' líng' ta' fí Cesarea.

²⁵ Jo i fii 'lée do casíñ' coo' jì cóo' dsea quia'r e catíng' i dseata dsea féng' do jo lalab fé' e jì do:

²⁶ “Jnea' Claudio Lisias, fii 'lée quia' dsea Jerusalén. Jo nisín' n e jì la e títng' nu', Félix, dseata dsea féng' i jmi'gó' dsea eáng' lí' quia' ta' fí na fí Cesarea. Guicóo'ba'.

²⁷ E laba' iin' n fí' nu', e jaléng' dsea Israel i seeng' fí la nicasaiñ' i dseañu' la i sii Paa, jo sí' e nijngám'breiñ'. Dsu' dsifí mi' caliñi' jnea' e dsea romanob líiñ', dsifí ladob

cangó-o cóo' 'lée- quié- e jo calaam-baare. ²⁸ Jo co' jnea~ iin~n e calidseáng' dsii- e uuing~ e 'náiñ' i dsea` do, joba' cajóon~ nre fí' quini~ dseata~ i quie' nifí' quiá'- dsea` Israel. ²⁹ Jo job caguó' júu^ e ni'náiñ' dsea` do uí' e ja' jmiti~ Paa- lajii~ júu^ quiu' ta~ quiá'- Fidiée' e lacó' tting' i dsea` góor' dsea` Israel do e jmóor'. Dsu' ja' e dsee- sea` quiáiñ'- e eáang' fa' dsí' í' e nijngáng'- neiñ' o'gui e nitáng' neiñ' fí' dsí' 'nuñí'. ³⁰ Dsu' mi~ caliñii- e i dsea` Israel do niguiar' guiá- e nijngám'- bre Paa-, joba' fí' nab niguiéen'~n dsea` do cóo' 'na'. Jogui nicafii' bii jaléng' i dsea` i 'náiñ' ír' do e nab nijmér- júu^ cóo' 'na' e uuing~ e jmóor' dsee- quiá'- dsea` do. Jo lanab jii~ lí' júu^ quié- e, dseata~ Félix. Guicóo' ba'."

³¹ Jo 'ña' e uóø' jo jaléng' i 'lée- do cajéem bre Paa- fí' e fii' lí' sií' Antípatris lí' lacó' ta' caquiá' i fii~ quiá'r- do. ³² Jo mi~ cajneá- e jmii~ coo'gui do, jaléng' i 'lée- i cangolíng^ e ngí' do caquim' tur fí' Jerusalén fí' lí' si' 'na~ do. Jogui jaléng' i 'lée- i dsiing~ cuea~ do cangolím- bre cóo' Paa- cartí' Cesarea.

³³ Jo mi~ caguilíng- i 'lée- i jéeng' Paa- do cartí' Cesarea, jo caja' bre e jì do i dseata~ dsea` féng' i guing~ quiu' ta~ fí' jo, jogui cajám' bir Paa- cajo.

³⁴ Jo mi~ caliñir' e fí' lí' se' Ciliciab seeng' i Paa- do, joba' casí' reiñ' do jo cajíñ'-:

³⁵ —Mi~ nigüilíng- jaléng' i dsea` i jmóo' dsee- quiá'- do, joguib nisii' naa' e uuing~ e 'náiñ' 'na'.

Jo mi~ cangí' jo, caquiá'r' ta~ e jéeb' dsea` quiá'- i Paa- do, jo fí' dob cajmée' reiñ' í' fí' dsí' 'na' lí' caquiá' dseata~ Herodes ta~.

24

Mi~ cajmi' óng' 'ña' Paa- fí' quini~ dseata~ dsea` féng' i sií' Félix

¹ Jo mi~ cangí' 'ña' jmii~ lajo, caguié- i dsea` mogui~ quiá'- jaléng' fii~ jmidsea` i sií' Ananías do fí' Cesarea colíng~ cóo' coo' tú- miiñg~ dsea` cóong~ quiá'- dsea` Israel cóo' gui jaang' dseañu' i tting' féeng~ dsea` eáang' i sií' Tértulo. Jo jaléng' i dsea` la caguilíñ- fí' Cesarea do, jo caguiméer^ dsee- quiá'- Paa- fí' quini~ i dseata~ dsea` féng' i guing~ fí' jo.

² Jo mi~ cahuí' ta~ e caguijéeiñ' Paa- fí' quini~ i dseata~ do e quiá'- e nisíng- e júu^ do, joba' canaang' i Tértulo do e 'náiñ' Paa- fí' quini~ i dseata~ Félix do jo lalab cajíñ'-:

—'Máam' 'na', dseata~ dsea` féng' quí-ii', e la'eáang' 'na' ba' e se~ naa' juguiá- júu^ røø'. Jogui la'eáang' e eáam' tiiñ' cajo, jmiguiab' jalé' e guiá- nica'uíng- latøøng- góo'naa'. ³ Jo jaléb' e jo eáam' íaang' dsí' jnea', dseata~ quí-ii' Félix; jo guí'máam' ba' quiá'- jalé' e jo.

⁴ Jo ja' iin~n e jmi' iing' guí' 'na' eáang', fa' nijiéeb' o' e ninúu^ lajii~ júu^ quí-naa' cateá' lajo. ⁵ Jo lana nicadsé' naa' jalé' e ga' e jmóo' i dseañu' na fí' latøøng- fí' jmigüi' e 'nóor' mii~ quiá'- jaléng' dsea` Israel e lacó' ni'náng' dsea` quiá'- rúíñ'. Jogui lám' bir cajo dsea` mogui~ quiá'- coo' 'lé' dsea` Israel i sií' nazareno. ⁶ Jogui ja' jmi' góor' lajii~ e tii' naa' fí' guá'- fé' quí-ii' fí' Jerusalén; co' iin~ nidsijéeiñ' dsea` i ja' líng' dsea` Israel fí' dsí' sinúu^ guá'- quí-ii' do, jo uuing~ e joba' e caséeng' naa're. ⁷ Jo lamí~ ii' naa' ni' í' naa' í' quiá'r- jii' lacó' fé' júu^ quiu' ta~ quí-ii', dsu' dsifí' lajob i fii' 'lée- i sií' Lisias do caguíñ' dsea` do laguidseaang- fí' jaguóo' naa'. ⁸ Jo cajíñ'- e lajaléng^ jnea' dsea` cuøø' naa' dsee- catíng- e nija'náiñg' naa'r fí' quini'.

⁹ Jogui mi~ caliñ- fé' Tértulo e jo, jogui café' gui jaléng' dsea` Israel i teáang- gui cóo'r- do, jo jiiñ'- e dseáng'- ja' ba' jalé' e jmóo' i Paa- do, jo røøb' dseáng'- siiiñ' cóo' i Tértulo do e jmóor' dsee- quiá'- Paa-.

¹⁰ Jo mi~ cangí' jo, i dseata~ Félix do cajméer' lí' cóo' guóor' e sí'r' Paa- e cuøøm' nífé' dsea` do júu^ quiá'r-. Joba' caróo- Paa- jo cajíñ'-:

—Eáam' íaang' dsii- e nijmi' óng' 'ña' a quini' 'na', dseata~ quí-ii', cuaiñ~ quiá'- jalé' dsee- e jmóo' i dsea` na quié- e. Co' ñi' baa' guiá- e 'nab' dsea` i quidsí' í' røø' quiá'- dsea` góo'naa' dsea` Israel lajii~ níngóob' eáang'. ¹¹ Jo cuøøm' nilidseaang' o' e nab' ngóo' guitu'

jmü e caguié e fí Jerusalén e jmifén'n Fidié. ¹² Jo ja` cadsé` jaléng` dsea` na jüi` coo` dsee` e laco` ni'nüñ` jnea~, fa' e sín'n jün`n cóo` dsea~, o'gui tá'a müi` jee` jaléng` dsea` fí sinúu` guá' fé` quiá' dsea` góo` e si' fí jo, o'gui fí dsí' sinúu` guá' jüa` quiá' dsea` góo` cajo, o'gui lacaang` lí` jié' fí jee` fii. ¹³ Jo jaléng` i dsea` 'nning` jnea` i teáng` la ja` niguié'r` jüi` coo` dsee` quie` e e jmóor`, co' ja` e røøn` jüi` coo` laco` gui la fé'r`.

¹⁴ 'Dsü' e já' e jmóo`o lajüi` e iing` Fidié` i jmiféng` 'líi` dsea` cóong` quie` e, dsea` Israel, laco` cóong` røø` cóo` fí guiá' quiá' Dsea` Jmáang`. Jo fé' i dsea` góo` na e jnea` ja` jmitii` lajüi` júu` quiá' ta` quiá' Fidié` e cajme' Moi`; dsü' o' já' e lajo, co' jnea` gui jáb'` lín'n jalé' e júu` jo cóo` gui jalé' e júu` e cajme' dsea` i café' cuaiñ` quiá' Fidié` mali` gui eáang`. ¹⁵ Jogui jáb'` lín'n røøb` laco` gui i dsea` i e jí'tu jaléng` 'líi` la'eáang` cóo` Fidié` nañi` fa' líiñ` dsea` guiúng` osi i sitíng` e 'léé' é. ¹⁶ Joba' cuøø` bi dsii` e ee` e guiá' fí quini` Fidié` jogui fí quini` dsea` rún'n dsea` jmigüi` cajo.

¹⁷ 'Dsü' mi` cangf` tú` 'ni' jüi` e ngüi` fí lí` jié', joguiba' caquin`-túu` fí Jerusalén e ngocuøø`-ø` cuu` jaléng` dsea` tiñing`, jogui ngocuøø`-ø` Fidié` laco` litíng` dsea` góo` dsea` Israel e cuø'r` dsea` do. ¹⁸⁻¹⁹ Jo lajee` táan`n jmóo`o jalé' e jo e ningf` e caliguiún`n fí quini` Fidié` laco` gui la fé' dsea` góo` dsea` Israel, jo ie` jo ja` 'ga' lí' siseáng` dsea` e jøør` quiá' lajüi` e líi` quie` e, o'gui müi` téé' jüi` capi' cajo. Jo job` mi` caguiling` coo` tú` máng` dsea` Israel i jalíng` fí lí' se' Asia, jo cadseñ' jnea` fí dsí' guá' fé' e si' fí Jerusalén do. Jo i dsea` íb` i catíng` e nigüiling` fí la e 'nñiñ` jnea` faco' sea` dsee` quie` e quinir`. ²⁰ Jogui co' ja` dsee` caliseá` quie` e, joba' i dsea` i teáng` la lana cuøøm` nijmér` júu` song` cadse'r` dsee` quie` e e líng` ee` cajmé` e mi` cajeeñ` jnea` fí quini` dseata` i quie` nifí` qui` jnea`, dsea` líi` dsea` Israel. ²¹ Co' lajüi` e tóo` dsii` e cafá' a cóo` júu` teá' lajee` sín'n fí quini` i dsea` quidsí' í' do jo cafá' a: "Lana 'nú' cuø'na' jnea` dsee` dsuco' e já' lín'n e jí'tu jaléng` 'líi` mi` ningf` e júuiñ`."

²² Jo co' niñib` i dseata` Félix do guiá' jial jalé' júu` quiá' Dsea` Jmáang`, joba' mi` canúur` jalé' júu` e cajíng` Paa` do, cajé' bi quiá' e niquidsir' í' lajminá' quiá' dsea` do jo casí' reiñ':

—Mi` nigüéeng` i fii` 'léé` Lisias, í'guibing' nijmé' júu` røø` jnea` cuaiñ` quiá' e dsee` e sea` quí' e 'nñing` jaléng` dsea` 'nu`.

²³ Joba' casí' i dseata` Félix do i dsea` nu'luu` quiá' i fii` 'léé` do e güi'iuum` bi Paa` sijñiñ` lajee` jo, lifa' cuøøm` e jaléng` dsea` i cúing` dsea` do nijmicóo` reiñ' lajee` iuuiñ` do.

²⁴ Jo mi` cangf` gui tú` 'ni' jmü` lajo, caguié`-tu` i dseata` Félix colíng` cóo` dseamf` quiá'r` i sii` Drusila i líng` dsea` Israel, jo caguiliñ` fí lí' tidsí' í' quiá' dsea`. Jo dsifí` lajob` caquiá' i dseata` do ta` e nilité' Paa` e fí lí' quidsir' í' do. Jo mi` caguié` Paa` fí jo, jo canaaiñ` guiar` júu` quiá' Dsea` Jmáang` jial laco' nijáng` yaang` dsea` fí jaguó` dsea` do. Jo canúub` i dseata` do jalé' e júu` quiá' Paa` do. ²⁵ Dsü' mi` canaang` Paa` e fé'r` jalé' júu` quiá' jial nisíng` yaang` dsea` fí guiá', jogui jial ja` nibeáng` dsea` dsee` yaaiñ`, jogui jial mi` nití' í' e niquidsí' Fidié` í' quiá' lajaang` lajaang` dsea` jmigüi', joba' mi` canúu` i dseata` Félix do jalé' e júu` quiá' Paa` do, jo cafóm` bre jo cajíñ` casí'r` Paa`:

—Guøm` tu' fí lí' iuun` do lana. Nab nijmee` e júu` lí' e jøøn`, joguiba' nitøø` túu` 'nu' fí la.

²⁶ Jogui cajo i dseata` Félix do cuub` íng` dsír' e nicuø' Paa` ír` e laco' e nileáiñ` dsea` do. Jo uing` joba' e tø'r` Paa` sojié' e sñiñ` cóoiñ`. ²⁷ Jo tú` jüi` cangoca` e jmóor` lajo. Dsü' mi` cangf` jo, cagüi'áb` i Félix do e líiñ` dseata` dsea` féng', jo ca'í' jaang` gui dsea` cuaiñ` quiá'r` i sii` Porcio Festo. Jo co' i dseata` Félix do iñ` e guiáb` nijér` cóo` dsea` Israel, joba' caseám` bre Paa` lado la sijñim` biñ'.

25

Mi` caguié` Paa` fí quini` dseata` dsea` féng` i sii` Festo

¹ Jo cōob` mi~ catî í` e nilíng` Festo dseata~ dsea` féng', jo mi~ cangî 'ní jmi~ lajo cagüi'ñbre fí Cesarea jo cangór` fí Jerusalén. ² Jo mi~ caguiér` fí jo, dsifí lajob jaléng' fii~ jmidsea` cóo'~gui jaléng' dsea` Israel i laniing` i neáng' fí Jerusalén ie~ jo caguiliñ` e jmóor` dsee` quiá'- Paa` fí quini` i dseata~ Festo do. ³ Jo jaléng' i dsea` jmóo` dsee` quiá'- Paa` do camí'r' jmi'ee` i dseata~ do e laco' niquiá' dsea` do ta~ i Paa` do e nidséng'-tur fí Jerusalén e quiá'- nitidsí í' quiá'r` fí jo, dsu' iñ~ jmér` lajo e lí' laco' nilí'r` e nijngáng'-neiñ' guiá'^ fí e tu'ib'. ⁴ Joba' cañí i dseata~ Festo do quiá'- i dsea` jmóo` dsee` quiá'- Paa` do jo casí'-reiñ' jo cajíñ':

—Fí dob iuung` Paa` sijníiñ` fí Cesarea, jo 'ñiá'baa í dsii` ninín'^n fí do e jo` jmi'íing` 'ñiá'a. ⁵ Jo jaléng' dseata~ quí' na' 'né` nidsiliñ` cóo'~jneá fí Cesarea, jo song sea` dsee` e nica'éé` i dseañu' do, joba' fí job cuøong` jmee` na' dsee` quiá'r`.

⁶ Jo caje'bi dseata~ Festo fí Jerusalén jñiá` si guí` jmi~gui. Jo mi~ cangî jo, joguiba' caquiñ` fí Cesarea. Jo mi~ cajneá` e jmi~ jo, jo cangó`bre fí lí` nigüear` e niquidsir' í'. Jo caquiur' ta~ e calité'^ Paa` fí jo. ⁷ Jo mi~ tí lí` calí` Paa` fí jo, dob niteáng` jaléng' dsea` Israel i jalíng` tí Jerusalén i jmóo` dsee` quiá'r` do, jo cangoquieeñ' fí quini` i dseata~ do jo canaiñ` jmóor` dsee` quiá'- Paa`, jo iib` eáng' e dsee` e cuø'reiñ' do, dsu' jii~ cóo` ja` e cadsér' fa' dseáng' e já' lajii~ e dsee` e jmóor` quiá'- dsea` do.

⁸ Joba' cañí i Paa` do fí quini` i dseata~ do cóo'~júu` e jmi'óng' 'ñia'r' jo cajíñ':

—Jii~ cóo` e ga` ja` mí cajmé` jnea~, o'gui fa' nica'fá` a ga` uii~ quiá'- jalé' júu` quiu' ta~ quiá'- dsea` góo` dsea` Israel, o'gui fa' nica'fá` a ga` uii~ quiá'- guá' fé' quiá'- dsea` í cajo, o'gui quiá'- dseata~ dsea` féng' i guing` quiu' ta~ fí Roma.

⁹ Jogui cóo' i dseata~ Festo do iñ~ e jér` guiáb` cóo'~jaléng' dsea` Israel, joba' cajming'í'r` Paa` jo cajíñ' casí'-reiñ' lala:

—¿lin' e guó'^ fí Jerusalén, jo fí job niquidsi` jnea` í' quí' lajii~ e 'nñing` dsea` 'nu`?

¹⁰ Joba' cañí Paa` quiá'- i dseata~ Festo do jo cajíñ':

—Fí lab iuun` fí lí` quidsi` dseata~ dsea` féng' dsea` guing` fí Roma í', joba' fí lab lí` catíng` e nitidsí í' quíe` e. Jogui guiáb` ñí` 'nu` cajo, dseata~ quí`-ii', e jii~ cóo` e ga` ja` mí cajmé` e quiá'- jaléng' dsea` góo`. ¹¹ Jogui song nica'ee` dsee` e lahuíng` e dsí` í' e nijngáng'^na' jnea~, cuøom` lí` jmee` na' lajo, jo ja` e fá'a jii~ cóo`. Dsu' song ja`gui sea` jii~ cóo` dsee` quíe` e laco' jii~ e 'nñing` dsea` jnea~, jii~ jaang` dsea` sea` fí quiá'r` e nijaiñ' jnea` fí quini` dsea` i 'ní' ní` quíe` e. Joba' mii` e 'ñiab' i dseata~ dsea` féng' i quiu' ta~ fí Roma niquidsir' í' quíe` e.

¹² Jo mi~ cangî jo, i dseata~ Festo do casíiñ` cóo'~jaléng' i dseata~ rúñ' caguiaang`gui do. Jo lí` jo cajíñ' casí'r` Paa`:

—Lí' laco' nicamí` 'nu` uø' e i dseata~ dsea` féng' dsea` quiu' ta~ fí Roma do, í'bing' niquidsí í' quí', jo cóo'~íb` niguó'^ lana.

Mi~ casíng` dseata~ Festo cóo'~jaang` dseata~ dsea` féng' i sii` Agripa

¹³ Jo mi~ cangî tú` 'ní jmi~ lajo, i dseata~ dsea` féng' i sii` Agripa do colíng` cóo'~ i dseamí` rúñ' i sii` Berenice cangoliñ` fí Cesarea e cango'eer` i dseata~ Festo do. ¹⁴ Jo huøb` jiu cajer` cóoiñ` do fí Cesarea. Joba' lajee` jo, i dseata~ Festo do casí'r` i dseata~ dsea` féng' Agripa do lajii~ e lí' quiá'- i dsea` i sii` Paa` do, jo cajíñ' casí'-reiñ':

—Lana lab iuung` jaang` dseañu' i sijníng` i caseáng` dseata~ Félix mi~ cagüi'ñr'.

¹⁵ Jogui mi~ cataan`n cateá' fí Jerusalén, jaléng' fii~ jmidsea` quiá'- dsea` Israel cóo'~gui jaléng' dsea` cóong' quiá'r` caguiliñ` 'ñiñ` i dseañu' i sii` Paa` do fí quini~, jogui camí'r' jnea` e fa' niquiá' ta~ e nijúum` dsea` do. ¹⁶ Joba' cangii` quiá'- jaléng' i dsea` i jmóo` dsee` quiá'- Paa` do e ja` lajo tíng` dseata~ dsea` féng' i guing` fí Roma fa' e quiu'r' ta~ e dseáng' nijúung` dsea` lajee` nú`-gui e niquidsir' í' quiá'- i dsea` røong` dsee` do jogui e nisiñ` cóo'~ i dsea` i 'nñing` ír` cajo e laco' nijmi'óng' yaaiñ` cóo'~jalé' e dsee` e 'nñing` dsea` ír` do. ¹⁷ Joba' mi~ cagüilíng` i dsea` i jmóo` dsee` quiá'- Paa` do fí la, jo` e

cajmi'ing' ñiá'a, co' dsifí mi~ cajneá~ e jmí~ coo'gui do cangó~baa fí lí~ niquidsii~ í', jo caquiá'~u ta~ e calitéb'~ i Paa~ do fí lí~ iuuiñ~. ¹⁸ Dsu' jaléng' i dsea~ i caseáng' i 'níng' ír do ja' canú~u fa' e fé'r' uii~ quiá'~ i Paa~ do laco' jji'~ e lami' í' dsi' jnea~. ¹⁹ Co' lajji'~ dsee~ e jmóor' quiáiñ'~ e quiá'~ lajji'~ júu^ e ja'~ líiñ' quiá'~ Fidié~ quiá'r~, jogui quiá'~ jaang' dseañu' i sii' Jesús i nicajúng~ do jogui fé'r' e jí' biñ' do. ²⁰ Jo co' jo' ñi' jnea~ ee' nijmee~ e cóo'r~ quiá'~ jalé' e dsee~ e jmóo' dsea' quiá'r~ do, joba' cajmingí'~ ire e song iññ' e nidsér~ fí Jerusalén e nitidsi' í' quiá'r~ fí jo. ²¹ Dsu' ñia'r' cajíñ'~ e ja' iññ' dsér~, jogui nicamir' e i dseata~ dsea' féng' i guing' fí Romabing' i niquidsi' í' quiá'r~. Joba' caquiá'~u ta~ quiá'r~ e lami' iuum~ bir sijñiñ' cartí niguiéen'~ nre fí quini' i dseata~ dsea' féng' do.

²² Joba' cañi' i dseata~ Agripa do quiá'~ dseata~ Festo jo cajíñ'~:

—Iim~bi jnea~ nuu~u júu^ quiá'~ i dseañu' do cajo.

Joba' cañi' dseata~ Festo quiá'~ i dseata~ dsea' féng' do jo casí'~ reiñ':

—Dsa'ób' ninúu'^ lajji'~ júu^ quiá'r~.

Mi' caguié~ Paa~ fí quini' dseata~ dsea' féng' Agripa

²³ Jo mi~ cajneá~ coo'gui jmí~ lajo, i dseata~ dsea' féng' Agripa do cóo'~gui i Berenice do caguiliñ'~ cangotáaiñ'~ laco' dsea' 'goo' fí siná'u lí' tidsi' í' quiá'~ jaléng' dsea' jo jée' jaléng' fii' 'lée~ quiá'r~ cóo'~gui jaléng' dsea' niing~ i jalíng~ cóo'r~. Jo mi~ caseáng' jaléng' i dsea' do fí do, i dseata~ Festo do caquiá'r' ta~ e cangotée' 'lée~ i Paa~ do jo cangojéng' neiñ' fí lí~ nisiseáng' dsea' do. ²⁴ Jo mi~ caguié~ fí jo, lalab cajíng'~ i dseata~ Festo do:

—Dseata~ dsea' féng' Agripa cóo'~gui lajjiing' dsea' i siseáng' la lana cóo'~ jneaa~aa', nab nising' i dseañu' do lana. Jo lajjiim' dsea' Israel nicajacóor' dsee~ quiá'~ i dseañu' na lajee~ cataan~n fí Jerusalén jogui fí la fí Cesarea cajo, jogui dsíng'~ ta'r' mii' e mi'r' jnea~ fa' e niquiá'~u ta~ e nijúum~biñ' na. ²⁵ Dsu' jnea~gui lín~n e ja' e mi' 'léer' jji'~ coo' fa' e dsi' í' e nijúuiñ~. Jo ñia'~guir nicamir' e i dseata~ dsea' féng' dsea' guing' fí Romabing' i niquidsi' í' quiá'r~, joba' nica'í' dsii~ e fí job niguiéen'~ nre. ²⁶ Jo co' ja' ñi' guí e~ dseáng'~ e nifíi' i dseata~ dsea' féng' do cuaiñ'~ quiá'~ i dseañu' na, joba' catóø~øre la'uii' fí quini' 'nu', dseata~ dsea' féng' Agripa, e laco' niquidsi' í' quiá'r~. Jo lajoba' sea' e nitóo'~ jnea~ fí ni' jì e niguiéen'~n quiá'~ dseata~ dsea' féng' i guing' fí Roma. ²⁷ Co' gabjiu lí' lín~n e niguiéen'~n jaang' dsea' i sijñing' jogui ja' ñii~ e~ nitóo'~o fí ni' jì quiá'~ lajji'~ e 'níng' dsea' ír do.

26

Mi' café' Paa~ fí quini' dseata~ dsea' féng' Agripa

¹ Jo mi~ cangí e café' dseata~ Festo júu^ quiá'r~, joba' casí'~ dseata~ dsea' féng' Agripa i Paa~ do jo cajíñ'~:

—Cuóøm' fo'^ júu^ quiá'~ lana.

Jo dsifí ladob cajmée' Paa~ lí' cóo'~ guóor' e quiá'~ nifé'r' jo lalab canaiñ' fé'r':

²—Dseata~ Agripa, eám' íaang' dsii~ e nifá'^a júu^ quié~ e fí quini' 'nu' lana e nijmi'óng' 'ñiá'a quiá'~ jalé' dsee~ e nicajaca~ dsea' góo'oo' dsea' Israel quié~ e. ³ Jo co' cuíib' 'nu' jalé' e tñng' jnea'^, dsea' lí'í' dsea' Israel, cóo'~gui jalé' júu^ qui~ii' e sii'~naa', joba' mií~ jmí'ee' quini' lana e ninúu'^ jalé' júu^ quié~ e e nifíi' i 'nu' car' niteám'baa.

Jial seeng' Paa~ ná'~gui e calicutiñ' Dsea' Jmáang'

⁴ Lajjiim' dsea' góo'oo' dsea' Israel ñir' jial calisén~n jee~ ír fí góo'oo' jogui fí Jerusalén latí jji'~ le'eám'baa. ⁵ Jogui ñi'bi guiá~ jaléng' i dsea' í' e dsea' fariseob líng' jnea~ latí jji'~ malí~, jogui cuóøm' nijíñ'~ lajo song iññ~. Jogui lajee~ jaléng' jnea'^, dsea' lí'í' dsea' Israel, dsea' fariseo i lajang'~gui jmiti~ lajji'~ júu^ quiá'~ ta~ qui~ii' quiá'~ jial 'né~ nijmiféng' dsea' Fidié~. ⁶ Jogui lanagui nicajéeiñ' jnea~ fí la e quiá'~ nitidsi' í' quié~ e, dsuco' e jnea~ jáb'~ lín~n lajji'~ júu^ quiá'~ Fidié~ e caséé' 'líi' dsea' áang' qui~ii' e jí'tu jaléng' dsea' mi' ningí'

e júuiñ̄. ⁷ Jo e lab júu^ e cacuø' Fidiée' lhī dsea` áang' quí-ii' do, jo laji` guitu' 'lé' dsea` góo'oo' dsea` Israel sijeem`bre i dsea` i cajíng' Fidiée' i nisíñ̄ fí jmigüí' la. Joba' uøø' jmíi' ja' tú dsea` góo'oo' e jmiféiñ̄' Fidiée' jogui e jmóor' lajii' e iing' dsea` do. Jo uíi' e já' lín'n e nicagüéng' i dsea` i sijeeng'naa' do, joba' cuø' dsea` góo'oo' dsea` Israel jnea` dsee` lana, dseata` quí-ii' Agripa. ⁸ Joba' zjiali' ja' iing' 'nú', dsea` góo'oo' dsea` Israel, já' líng'na' e Fidiée' cajméer' e cají'tu Jesús jee` jaléng' lhī mi` cangí e cajúñ̄?

Mi` cajíng' Paa` jial cajmeáiñ̄ ga` jaléng' dsea` quiá' Dsea` Jmáang`

⁹ Dsu' e já'-ba' e ca'f̄ dsii' ie` lamí` jééng'gui do e cajmeáan`n ga` jaléng' dsea` quiá'- Jesús i seeng' fí Nazaret. ¹⁰ Jo lajob cajmé- e fí jee` fii' Jerusalén, e cangomii- júu^ fí quini` jaléng' fii' jmidsea` e catán`n fíng' dsea` quiá'- Dsea` Jmáang` fí dsii' 'nuñí'. Jogui mi` huí' ta` e júung` jaléng' i dsea` í, dob sín'n e cuøø- júu^ quié- e cajo. ¹¹ Jogui jmiguiúung' née' bi cajmeáan`nre e laco' nitár' lajii' júu^ e já' lhiñ̄ quiá'- Dsea` Jmáang` do. Jo jalé' e na cajmé- e fí lacoø' sinúu^ guá'- quí-ii', dsea` lí'hi' dsea` Israel. Jogui dseáng'- eáam' 'ní' camán`nre lajaléiñ̄' do, co' j'gui ngii- e jmáan`nre ga` cartí doñí' jié' fí seem`bre. Lajob cajmé- e lajee` nú'-gui e calicuín`n Dsea` Jmáang`.

*Mi` cajíng' gui Paa` júu^ quiá' mi` calicuín̄ Dsea` Jmáang`
(Hch. 9:1-19; 22:6-16)*

¹² Jo coø' ya', lajee` e iuun- fí ngóo' fí Damasco cuaiñ̄ quiá'- e jmáan`n ga` jaléng' dsea` quiá'- Dsea` Jmáang` i seeng' fí do, jo ie` jo ningóo' quié- ta` cóo' gui júu^ quiá'- jaléng' fii' jmidsea` quiá'- dsea` góo'oo' dsea` Israel e nijmeáan`n ga` jaléng' dsea` cuíng' Dsea` Jmáang`. ¹³ Jo lajob fii' guí 'nu', dseata` Agripa, e lajee` gui'ná^ iuun- fí e ngóo' fí Damascob, í' e ngóo' guieñí'- jóob' camó-o coø' j' e j' jlo' e eáang'gui jíng' j' laco'gui j' iee-. Jo e j' do jáa' fí yú^ jmigüí, jo cajneá- fí lacúng' lajíng' l' ngóo'naa' do lajee` e téé'naa' fí ngóo'naa' fí Damasco. ¹⁴ Jo dsifí mi` cangí e cajneá- e j' do, lajii' baa' la'ó' ngóo'naa' do caquíng'-naa' fí ni` uø-. Jo canú- jnea~ e líng' ii' guicafé' cóo' jmí' hebreo e tó'r' jnea~ jo guicajíñ̄- lala: "Saulo, Saulo, zjiali' jmáan` jnea~ ga? Co' jalé' e jmoo' na e jmáang' uøø'ba' na, laco'gui dsing'ng- jaang' güitá' mi` iá' fii're' sii- su' mo'uøø're' song ja` núu're'."

¹⁵ Jo cangii- quiá'- i guicafé' do jo cafá'-a: "¿i' 'nu', Fii'?" Jo cañí'tu i guicafé' do jo guicajíñ̄-: "Jneab` Jesús i ngí 'nu' jmáan` ga` lana. ¹⁶ Jo lana, ráan'- jo jmee- sín'-, dsuco' lana cajmijnéeng' 'ñiá'a fí quini' e laco' nijme' lajii' e iin`n jogui niguiá' júu^ quié- e fí quini` jaléng' dsea` quiá'- jalé' e nicañí'- la lana jogui cóo' jalé' e nabi niliñí' quié- e cajo. ¹⁷ Jogui lana nilaam`baa 'nu' jee` jaléng' dsea` góo' dsea` Israel i 'ní' níng' 'nu' cóo'gui jee` dsea` i ja` líng' dsea` Israel cajo. Jogui jneab` nisín`n 'nu' jee` jaléng' dsea` i ja` líng' dsea` Israel. ¹⁸ Jo ta` lajoba' nisín`n 'nu' e laco' güi'ée' dsea` jial laco' ninea' moguir, jogui e jo` niliseeng'guir e dsee- quiá'r- quiu' ta` ír, co' lí' lí' né- e niquí' jíng' yaaiñ̄ fí quini'baa, jo lajoba' jo` niliseeñ̄ e quiu'gui fii' i 'líng' i sii' Satanás ta` quiá'r-, jo nináiñ̄ e jnea~ dsea` nicaa- nifí quiá'r-. Jo nisín`n 'nu' jee` jaléng' dsea` i ja` líng' dsea` Israel lajo e laco' já'- nilíng' i dsea` í lajii' júu^ quié- e, joba' niñíñ̄ e ni'líng' jalé' dsee- quiá'r-, jogui ni'íñ̄ lajii' e catíng- e cuøøø' jaléng' dsea` quié- e, dsea` i caguíng' Fidiée' e laco' ni'uíng' dsea` güeang' quiá'r-."

Mi` cajmé' Paa` núu'r' quiá' lajii' e cangár- do

¹⁹ Jo lajob lí', dseata` Agripa, cajmé-baa núu' u lajii' e camó-o jogui canú-u e jáa' fí yú^ jmigüí. ²⁰ Jo la'uii` canaan- e jmóo'o ta` guia' júu^ quiá'- Dsea` Jmáang` fí jee` jaléng' dsea` seeng' fí Damasco, jogui mi` cangí jo fí jee` jaléng' dsea` seeng' fí Jerusalén, lí' latøøng- lí' se' Judea. Jogui lajobi fí jee` dsea` góo'oo' dsea` Israel e fii' ire e nijáng' yaaiñ̄ fí jaguó' Dsea` Jmáang` jogui e niquí'- nijíng' yaaiñ̄ fí quini' Fidiée', jogui e 'né- ni'ér- jmang'- e guiáb- e laco' cuø' lí' e nicaquí'- jím' yaaiñ̄ fí quini' Fidiée'. ²¹ Jo uíi' jalé' e júu^ e guiaa- dob, casang' jaléng' dsea` góo'oo' dsea` Israel jnea~ fí siguí quiá'- guá'-

quí-ii', jo jì'gui lamí-iiñ e nijngám'-bre jnea~. ²² Dsu' Fidiée' eáam' jmicóo'r~ jnea~, joba' guiáb- seen- latí lana. Jogui dseáng'- ja' jmitúng^ dsii- e guia'bñ júu^ quiá'- Dsea' Jmáang- fí' jee~ lajüng' dsea~, jiuuiñ- tá'- e cõõiñ!~. Jogui ja' fá'a jii'~ cõõ' júu^ e ja' cõõng' røø' cõõ'~ jalé' e café' i dsea' i café' cuaiñ~ quiá'- Fidiée' malii~gui eáang', fa' la Moi' e caséer' júu^ e la guíim' 'né- niliti~ fa' la e fé' lala ²³ e dseáng'- nisi'í'ba' e nijúung- Dsea' Jmáang-, dsu' mi~ ningí e nijúuiñ- do, í'bre dsea' la'uii~ nijí'tur jee~ jaléng' 'lii~. Jogui í'bre dsea' niguiár- júu^ jee~ jaléng' dsea' góo'oo' dsea' Israel jial nileáng' jaléng' dsea' í' jee~ dsee- quiá'r- jogui cajo jial nileáng' jaléng' dsea' i ja' líng' dsea' Israel jee~ dsee- quiá'r-. Jo e júu^ e niguiá- Dsea' Jmáang- do lí' la lí' cõõ' jì' e jnea' e jmicóo'~ jaléng' i dsea' í'.

Mi~ caféng' Paa- dseata~ Agripa jial ni'uúing- dsea' do dsea' quiá'- Dsea' Jmáang-

²⁴ Jo mi~ calí- fé' Paa- e júu^ jo e jmi'õng' 'ñia'r', jo dsifí' lajob café' i dseata~ Festo do cõõ'~ júu^ teá' jo cajíñ'-:

—iNgaam' 'nu', Paa-, nica'léeb' quíi'- e nicajmitún' eáang', jo cõõ'~ e jo nica'uúing- e nicalicaam~ba'!

²⁵ Joba' cañíi' i Paa- do quiá'- dseata~ Festo jo cajíñ'- casí'-reiñ':

—Ja' ngaang~ jnea~, dseata~ quí-ii' Festo, dsu' 'nu' í' o' lí'- rijíim', cõ' lajalé' e fá' jnea~ la jmang'- júu^ guiáb- jogui jmang'- júu^ jáb'- cajo. ²⁶ Nab guiing~ dseata~ dsea' féng' Agripa, jo ñi'bre la'uúing~ jalé' e júu^ na. Jo ja' 'gó'o e fá'a fí' quinir~, cõ' ñi'baa røø' e ñi'bre la'uúing~ laná'- cajo jalé' e guiú- e cajmée' Jesús fí' jmigüi' la, dsucõ' jalé' e jo o' e calí- lí' ja' ii' jøø- osi lí' ja' jnéeng- é. ²⁷ Jogui 'nu', dseata~ dsea' féng' Agripa, niñib' jnea~ e jáb'- líng' 'nu' jalé' júu^ e caguia' i dsea' i café' cuaiñ~ quiá'- Fidiée' malii~gui eáang'.

²⁸ Joba' cañíi' i dseata~ Agripa do quiá'- Paa- jo cajíñ'-:

—Jiu~ba' ja' mí' calí' jnea~ e ni'uúin'-n dsea' quiá'- Dsea' Jmáang-.

²⁹ Joba' cañíi' tu Paa- quiá'- dseata~ Agripa jo casí'-reiñ':

—Nañí' si jiu~ osi jmiguii'bi é ja' mí' calí' i 'nu', dsu' iing~ Fidiée' e lajím' 'nú' ni'uúing-na' dsea' quiá'- Dsea' Jmáang- laco'gui la líng' jnea~; jo dsu' o' laco' jnea~ lana e 'núun'-n cõõ'~ ñí' cadena.

³⁰ Jo mi~ cangí e cajíng'- Paa- e júu^ jo, jo caróob- i dseata~ dsea' féng' Agripa do cõõ'~gui i dseata~ Festo do colíing~ cõõ'~ i rúin' dsea' ngáang'~ cõõ'r~ i sii' Berenice lí' lajüng' i dsea' i neáang' do ie~ jo. ³¹ Jo mi~ cangí jo, ca'uøøm'bre e cangosiñ~ e júu^ do lajee' yaaiñ~ fí' lí' jíé'. Jo lalab sáin~ lajee' yaaiñ~ jo fé'r':

—I dseañu' la ja' e mí' ca'léer' jii'~ cõõ' fa' dsí' í' e nijúuiñ- o'gui e sijnúng'guir fí' dsí' 'nuñí'.

³² Jogui cañíi' i dseata~ dsea' féng' Agripa do quiá'- dseata~ Festo jo casí'-reiñ':

—Cuøøm' nileáng' i dseañu' la lana facõ' mi~ ja' mí' camir' 'ñia'r' jéeng'gui e niquidsí' i dseata~ dsea' féng' i guíing~ fí' Roma do í' quiá'r- lajii'~ e lí' quiá'r-.

27

Mi~ castiñ Paa- fí' Roma

¹ Jo mi~ catigua~ júu^ quiá'r- e niguiéin' jaléng' jnea'^ fí' Roma lí' se' Italia, joba' Paa- cõõ'~ i dsea' sijnúng' caguiaang- gui do cangolíin' e jée' jaang' fii' 'lée- i sii' Julio; jo i dsea' í' iuuiñ- jee~ cõõ' íng'~ 'lée- quiá'- dseata~ dsea' féng' i guíing~ fí' Roma.

² Jo jnea~ Lucas cangó-oo' colíing~ cõõ'~ Paa-. Jo cangó-naa' e téé-naa' fí' dsí' cõõ' móo' e jáa' fí' cõõ' fii' e sii' Adramitio e nisi' tí' lí' nigüi'í' e nidsé- fí' lacaang' oo- jmii' quiá'- lí' se' Asia. Jogui ngóo'bi colíing~ cõõ'~ jnea'^ jaang' dseañu' i sii' Aristarco i seeng' fí' Tesalónica, cõõ' fii' lí' se' Macedonia.

³ Jo mi~ cajneá- e jmii~ jo, caguíe-naa' fí' cõõ'gui oo- jmii' e sii' Sidón. Jo fí' job i fii' 'lée- i sii' Julio i jmóo' í' Paa- do cacuø'r' fí' Paa- e nidsi'eeiñ~ jaléng' dsea' cuíin~, jo lajob i dsea' í' nijmicóo'r~ dsea' do cõõ'~ jalé' e 'né- quiáin'~.

4 Jo miñ cangî jo, ca'uøø-naa' fí oo- jmiñ e sii Sidón do e quíng-naa' guí, joba' cangüing-naa' fí lí' lí' ca' fí coo' guóo' uø- e née' ni~ jmiñí' e sii Chipre fí lí' ja' 'ga' lí' bá' e guí do, dsuco' eáang' jna' laco' ngóo'naa'. 5 Jo cangüing-naa' fí 'ni' jmiñí' la tóo' lí' se' Cilicia cóo' gui lí' se' Panfilia cartí caguié-naa' fí coo' fiñ e sii Mira, coo' fiñ lí' se' Licia.

6 Jo fí job i fiñ 'lée- i sii Julio do cangár- coo' móo' quiá'- fiñ e sii Alejandría, jo iu~ fí ngóo' fí lí' se' Italia. Jo fí dsíí' móo' job cangotóo'-naa' e quiá'- cangó'-naa' fí lí' si'í' ngóo'naa'. 7 Jo jmiguiab' jmiñ ngoca' e ngí'naa' tá'- jia lado. Jo e quie' ta~ eám' caguié-naa' fí coo' fiñ lí' sii Gnido. Jo eám' bi' í' e guí do laco' ngóo'naa', joba' cayee-naa' fí quiniñ coo' fiñ e sii Salmón, jo cangüing-naa' lí' lí' 'ni' e uø- e sii Creta e née' ni~ jmiñí'. 8 Jo cangüim-baa' guidseaang- lado lacuee' 'ni' jmiñí' cartí caguié-naa' coo' lí' sii Buenos Puertos, e née' quiá'- coo' fiñ lí' sii Lasea.

9 Jo jmiguiab' jmiñ nicangoca' e téé'-naa' fí lado la tóo' ni~ jmiñí', jogui ningóo' lidseám'- cajo e téé'-naa' dsíí' móo', co' ie~ jo nijaquíeng' jii' güíib-, joba' eám' nidseáang'. Joba' cajíng'- Paa- casí'r- i dsea' i ngolíng- dsíí' e móo' do ie~ jo, jo cajíñ'-:

10 —Dsea' rú'uu', móo' jnea~ e eám' nidseáang'- quí'-ii' laco' ngóo'naa' la. Jo dseáang'- ni'íng- quí'-naa' e móo' la cóo' gui jalé' lee~ e quie', jogui la quie' tí' jneaa-aab' dseáang'- quí'-ii' e ni'íng-naa' cajo.

11 Jo dsu' i fiñ 'lée- do, eáang' gui cajmi'gór' dsea' fiñ e móo' do cóo' gui fiñ i quie' e móo' do laco' gui e cajmi'gór' Paa-. 12 Jo co' e oo- jmiñ e sii Buenos Puertos do ja' 'goo' fa' e fí jo ningíñ- lajee' jii' güíi-, joba' lajiiñ' la'ó' ngolíñ- do ca'í' dsíir' e guiá'- gui e ni'uøm-bre e fí oo- jmiñ jo, jo nijmér- quijí- jial niguilíñ- fí coo' gui oo- jmiñ lí' sii Fenice, coo' oo- jmiñ e née' lí' se' Creta e jøøng- lí' lí' guíee'- cóo' gui lí' lí' ée^ guóo' uø-. Joba' ja' dseáang'- fa' miñ cajer' fí jo lajee' jii' güíi-, co' fí job lamí' í' dsíir' nijér- lajee' jii' jo.

Miñ caróo- jmiñí' e eáang'

13 Jo miñ canaang' e uám- jia e guí e jáa' fí lí' lí' huøø- do, joba' ca'í' dsíir' e nitam'- tur fí. Jo ca'uøøm-bre e fí oo- jmiñ do e teáaiñ- dsíí' móo', jo cangüíñ' quiáb'- e 'ni' Creta do. 14 Dsu' jo huøø- cali'ñ- ca'í- guí e teá' eáang' e jáa' lí' lí' níi'- laco' ngóo' e móo' do, jo fí lí' jieb' canaang' cá' e móo' do. 15 Jo canaang' øøng' fí lí' jieb' fí lí' í' guí. Jo dsuco' jo lí'naa' fa' e nidsé- gui røø- e móo' do laco' í' guí, joba' lí' ngó'-naa' jie' fí ta~ quia' guíb'. 16 Jo cangüing-naa' lí' caluu' coo' guóo' uø- jia e sii Cauda e née' ni~ jmiñí', co' fí job ja' gui í' guí e teá' eáang'. Jogui eám' cacá- jaléng' i dsea' i quie' e móo' do ta~ e casitíir' e móo' jia e ngí' fí caluu' móo' fé' quiá'r- e laco' nileáang-naa' fíng lí' cali'né- lajo. 17 Jo miñ cangí' e caséer' e la fí ni~ móo' quiá'r-, jo cajmeáiñ' ta~ 'nii' e miñ quiá'- e ni'ñá'r' e móo' fé' do laco' nicuø- bí' quiá'- . Jogui dsuco' 'gó'bir' fíng cacung'- móo' quiá'r- jee~ cuu- tóo' fí lí' sii Sirte, joba' cabír' fí ni~ jmiñí' coo' 'majii- e ii' eáang' jogui neaang- rúng' cóo' móo' laco' ja' ningí- jminá-. Jo cangolíim-bre laco' jii' ta~ quia' guí. 18 Joba' miñ cajneá- e jmiñ jo, eáang' gui huíng' ni'í' guí jogui eáang' gui niróo- jmiñ cajo, joba' canaaiñ' uø'r' e lee~ e téé'- dsíí' e móo' do jo cabír' fí é' jmiñí'. 19 Jo miñ catí' 'ni' jmiñ lajo, canaaiñ' uø'bre cóo' layaang- guóor' jalé' 'nii' e guíquing' 'mi' quiá'- e móo' do. 20 Jo jmiguiab' jmiñ cangoca' e jii' iee' ja' jnéeng- o'gui jnéeng- jaléng' náu' miñ canuu' cajo. Jo co' ja' niquíúm'- bi e í' guí cóo' gui e róo- jmiñ, joba' dseáang'- ni'í' dsí'naa' e jo' nitíi'-baa'.

21 Jogui co' jmiguiab' jmiñ ningóo' e ja' quiee-naa' i'naa', joba' caróo- Paa- jee~ jaléng' i dsea' do jo cajíñ'- casí'-reiñ':

—Dsea' rú'uu', guiá'- guib' ca'uíng- quí'-ii' fa' miñ cajmee-na' náu'-na' lajii' júu^ quie'- e ja' ca'uøø-naa' fí oo- jmiñ Buenos Puertos fí lí' se' Creta, jo ja' cangongü-naa' e lana, o'gui ca'íng- jii' coo' quí'-ii' faco' miñ canuu'-na' júu^ quie'-e. 22 Jogui lana fí' i 'ná' e ja' jmitúng' óo'na' jii' coo', co' jii' jaang' 'nú' ja' nijúung'-na'; jii' móo'ba' e ni'íng-. 23 Co' dsí'lóo' bi cajnéng- jaang' ángel quiá'- Fidiée' quie'- e i jmóo' lajii' ta~ quia' dsea' do, 24 jo

cajiñ' casí'r- jnea~ lala: "Ja` fòon~, Paa~, co' dseáng' 'néb- e niguie' fí quini` dseata~ dsea` féng' i guing~ fí Roma. Jo la'eáang' cóo' 'nab` cajo Fidié~ nileáin~ lajing` dsea` i teáang' cóo' na' fí dsí' móa' na." 25 Jo lajob lí', dsea` rú'naa', cuøø' bí yaang`na', co' jalé'ba' e jing'- Fidié~ dseáng'- jmiti~bre, jogui nitab~ dsii- e dseáng'- nilitib~ laco' jii' e cajing'- i ángel do casí'r- jnea~. 26 Joba' fí coo' ni~ guóo' uø- e néé ni~ jmiñí', fí job 'né- nidsitíng' naa', co' nifiim- móa' jéeng'gui.

27 Jo coo' uøø, mi~ cangí tú- seamaan~ e téé'naa' fí lado, jo caguié-naa' fí jmiñí' lí sií Adriático; jo dseáng' lami~ róo- bi jmiñ, joba' fí la fí nab dsée' móa' lí téé'naa' cóo' e gui e í do. Jo uøø' guienáa' quiá'- e jmiñ jo mi~ calilí' i dsea` quie' e móa' do e nijaquieém' nitíng'naa' uø' quiú'. 28 Joba' caguiar' í' jial tí' a'gui e jmiñ do, jo calilí'r' e ni'a'gui jii' guiguí dsí jñáa~ metros. Jo mi~ caguiliñ- tí doguijia, jo caguia'tur í' calé' catú-, jo calilí'r' e a'gui jii' guieguié` metros. 29 Jo co' 'gó'bre fíng casicøøng- e móa' do cóo' cuu~ 'loo', joba' cabír' quiú' 'lo' ní' lí' caluu' e móa' do e laco' jo` ningí'gui e móa' do. Jo lajee~ jo féin' Fidié~ e jo` güili'hi~gui e nijneá'.

30 Jo dsu' i dsea` i quie' e móa' do ca'f' dsí'r' e nicuí-bre jo nitú'bre e móa' do. Joba' canaaín' jié~bre e móa' pí' e téé' dsí' móa' fé' do e laco' nijmi'øng' yaaiñ~ ni~ jmiñ. Jo jmóor' lafa' e nibír' 'lo' ní' e sea' fí quini` e móa' do. 31 Jo dsifí mi~ calilí' Paa- e jmóo' i dsea` do lado, joba' casí'r- i fii' 'lée- do cóo' gui jaléng' 'lée- quiá'r- jo casí'- reiñ' jo cajíñ'-: -Song ja` nijé- jaléng' i dsea` na dsí' e móa' la, ja` lí' 'nú' leáng'na' cajo.

32 Joba' i 'lée- i ngolíng- dsí' e móa' do caquiá'r' 'nii~ e 'ñáa' e móa' pí' do, jo cató' fí ni~ jmiñí'.

33 Jo lajee~ e nú'gui e nijneá' ie~ jo, Paa- caquiá'r' ta~ quiá'- jaléng' i dsea` i ngolíng- do e nidø'r- capi'jiu jo casí'- reiñ':

-Lana ningóo' tú- seamaan~ e í dsí'naa' e ne~duu' e~ nidsijéé' quí-ii', jo jii' i'naa' ja` mí caquiee~naa' laco' jii' e quí' tñ'naa'. 34 Joba' fí' i 'nú' lana e 'né-ba' cøb'jiu' í'na', co' la guíim' 'né- quií-na' lajo, co' cóo' e joba' cuø' bí quií-na' e seeng`na'; jo jneaa~aa' jii' coo' ja` e nilí-ii', jii' camí' jñá' guí'naa' ja` ni'íng-.

35 Jo mi~ cangí e fé' Paa- lajo, jo catúin~ coo' iñí' jo cacuø'r' gui'máang' Fidié~ fí quini` jaléng' i dsea` do. Jo lí- jo cafiñ' e iñí' do jo canaaín' gø'bre. 36 Jo lajim~ i dsea` do cangotáaiñ- e cagø'bre cajo. 37 Jo lajim~naa' la'ó' ngóo'naa' dsí' e móa' do tí'baa' tú- ciento dsí setenta y seis dsea`. 38 Jo mi~ cangí caquiee~naa' guiú- lajim~naa' do, cabíb i dsea` do e micuí'iee' e téé' dsí' e móa' do e laco' jo'gui ii' e móa' do.

Mi~ cango'ang' móa'

39 Jo mi~ cajneá- e uøø jo, jaléng' i dsea` i quie' e móa' do ja` ñir' jial sií e uø- quiú' e tí lí' tíñ' do, dsu' cangá-bre coo' lí' cuøøng' e nijé- e móa' do lí' ja` téé' cuu~ eáang', joba' fí job ca'f' dsí'r' e nitíñ' cóo' e móa' do. 40 Jo caquiá'r' e 'nii~ e guineaang' 'lo' ní' do, jo dob cajiú'r' fí é' jmiñ. Jogui cajléin' e 'ma' e íng' ta~ e quiá' ta~ quiá'- fí e móa' do. Jo mi~ cangí jo, caséer' fí yú' e 'mi' e í' fí quini` e móa' do, jo cacá- gui e laco' cuøøng' ngí- jminá-gui e móa' do. Jo lajoguib canaang' dsiquiéeng' e móa' do fí 'ni' lí' nilí' guóo' uø-. 41 Dsu' nú'gui e nitíng' uø' quiú' e móa' do, fí jee~ cuu~ tóob~ ná- jmiñí' ca'í', jo fí job cacú'. Jo latøøm- fí quini` quiá'- cacú' fí jee~ cuu~ tóo' e jii' jo' cuøøng' lí' jó'. Jogui lí' lí' caluu' e móa' do canaang' licuíb~ cóo' bí quiá'- e jmiñ e róo- do.

42 Jo jaléng' i 'lée- i teáang' dsí' e móa' do cali'iiñ~ e nijngám'-bre jaléng' i dsea` i téer' 'ñúung' do e laco' ja` nileáng- yaaiñ' do e nicuír- fí 'ni' jmiñ mi~ nináin~ e nitér- jmiñ.

43 Dsu' i fii~ quiá'- i 'lée- do ja` cacuø'r' fí lajo fa' e i 'lée- do cajméer' lajo, co' la guíim' 'né- nijáin~ jaléng' i dsea` i téer' 'ñúung' do fí quini` dseata~. Jo lí' caquiá'r' ta~ quiá'- jaléng' i dsea` do e ii' jaléng' i tíng' té- jmiñ güidsitáam~bre dsifí lado, jo nitíñ' jminá-gui fí lí' nilí' guóo' uø-. 44 Jogui jaléng' i caguiaang-gui do nitér- jmiñ cóo' 'majii- osi ni~ cuí'.

'majmá' quiá' e móo' do é. Jo lajob catí'naa' cóo' e guiá' fí lí' nilí' guóo' uó' lajalé'naa' do.

28

Mí' caguié' Paa' cóo' gui i dsea' caguiaang' gui do fí Malta

¹ Jo mí' nicaláang'naa' lajih'naa' do fí ní' jmiñí'^, joguiba' caline'naa' e nisií' Malta fí' ní' guóo' uó' lí' catí'naa' do. ² Jo i dsea' i seeng' fí' do eáam' guiá' ca'éer' cóo' jnea'^ lajih'naa' do. Jo có' jmáb' tuu' ie' jo, jogui dsing' gúí' cajo, joba' i dsea' seeng' fí' do caji'r' jí' e fe' jo cató'r' jnea'^ e nidsiquiéeng'naa' e fí' ca' jí' do. ³ Jo ie' jo i Paa' do cangoquier' cóo' seang' cuí' quiu' jo cató'r' fí' ní' jí'; dsu' lajee' job cagui'í' jaang' mí' i guíng' fí' jee' e cuí' do mí' calilí'^re' e guí' jí', jo cacu're' luguoo' Paa'. ⁴ Jo mí' cangá' i dsea' i seeng' fí' do e cacu' i mí' do luguoo' Paa', joba' canaang' sí' rúíñ' lajee' la'ó' teáaiñ' do jo jíñ':
—Lí' fíng' o' jaang' dsea' 'mób' i dseañu' na, có' caláam-bre fí' ní' jmiñí'^, dsu' cóo' e calíñ' nagui jo cuóøng' i' nileáng' ír', có' jo' catíng' e seeíñ' quiá' Fidié'.

⁵ Jo dsu' Paa' dsifí' ladob cabó'r' guóor' fí' ní' jí', jo catóm' i mí' do, jo jíí' cóo' ja' e calíñ'. ⁶ Jo lajih' i dsea' i seeng' fí' do sijer' fa' e niliyee' lí' cacu' i mí' do guoo' Paa' osi e nijúum' bir lajee' jo é. Jo ngoca'bijú e sije' i dsea' do su líng' ee' nilíng' Paa', dsu' ja' e calíng' dsea' do jíí' cóo'. Joba' dsifib' cajmíshing' i dsea' do e í' dsíir', jo canaaíñ' fé'r' e i Paa' do lííñ' jaang' dié'.

⁷ Jo quiá' e fí' lí' téé'naa' ca' jí' do nisea' tú' 'ní' jmáang' uó' quiá' jaang' dseata' dsea' féng' i niseeng' fí' Malta i sií' Publio. Jo í' eáam' guiá' ca'íñ' jnea'^ jogui cajmicóo'r' jnea'^ lajee' 'ní' jmí' e cajé'naa' fí' do. ⁸ Jo ie' jo tiquiá' i Publio do niráaiñ' dsée'r' e lííñ' jmohuí' e íu' guíñ' jogui e eáang' siuíñ'. Joba' cangó' Paa' e cango'eer' dsea' do. Jo mí' caguié' fí' jo, camí'r' Fidié' uí' quiá' dsea' do. Jo lí' jo, caquidsir' guóor' fí' moguí' dsea' do, jo lajob cajmí'leáaiñ' dsea' do. ⁹ Jo mí' calíñ' jaléng' gui dsea' dsée' i niseeng' e fí' do e ca'láang' i tiquiá' Publio do, jo cangolíim-bre fí' lí' táang' i Paa' do e laco' dsea' do nijmí'leáang' neiñ' lajíí' jmohuí' e lííñ'. Jo lajalém' biñ' do ca'láaiñ' ie' jo. ¹⁰ Jo lajih' i dsea' do eáam' calí'íáang' dsíir' cóo' jnea'^, jogui cajmicóo'r' jnea'^ cajo lajee' gaang' sí' e cataang'naa' fí' Malta do. Jo mí' cangí' jo, mí' cangotóo' tú' fí' calé' catú', cajmicóo' bre jnea'^ cajo cóo' jalé' e 'né' qui'naa' guiá' fí' lajee' e téé'naa' fí' ngóo'naa' fí' Roma.

Mí' caguié' Paa' fí Roma

¹¹ Jo mí' cangó'naa' fí' jo, téé'naa' fí' cóo' móo' e jíé' e nicajé' fí' Malta lajee' jíí' gúí'; jo e móo' do nijáa' fí' cóo' oo' jmí' e sií' Alejandría. Jo jéeng' gáang' dié' dsea' suung' i líí', jaang' i sií' Cástor jogui jaang' gui i sií' Pólux. ¹² Jo ca'uóø'baa' fí' Malta, jo cató' túu' fí' e ngóo'naa' fí' Roma. Jo mí' cangí' jo, caguié'naa' fí' cóo' fí' lí' sií' Siracusa, jo fí' job cajá'naa' 'ní' jmí'. ¹³ Jo fí' job ca'uóø' túu' e téé'naa' dsíí' móo', jo cangó'naa' la tóo' 'ní' jmiñí'^ cartí' caguié'naa' fí' cóo' fí' e sií' Regio. Jo mí' cajneá' e jmí' jo, có' lí' lí' uóøb' jó' guí, jo mí' cajneá' cóo' gui jmí' lajob caguié'naa' cóo' gui oo' jmí' lí' sií' Puteoli. ¹⁴ Jo fí' job caji' rú'naa' cóo' jaang' gáang' dsea' quiá' Dsea' Jmáang'. Jo íb' cató' jnea'^ e cajé'naa' cóo'r' fí' jo lajee' cóo' seaman'. Jo tá' jú lajob caguié'naa' cartí' Roma. ¹⁵ Jo jaléng' dsea' quiá' Dsea' Jmáang' i neáang' fí' Roma níñ' bre júu' qui'naa' e téé'naa' fí'. Joba' cangolíñ' e cangojmíjñ' jnea'^ cartí' cóo' fí' lí' sií' Foro de Apio jogui fí' cóo' gui lí' sií' Las Tres Tabernas. Jo mí' caneeng' rú'naa', dsifí' ladob cacuø' Paa' gui'máang' Fidié', jogui eáam' calí'íáang' dsíir' cajo. ¹⁶ Jo mí' caguié'naa' fí' Roma, cacuøb' i 'lée' do fí' e nigüea' Paa' quiá' dsea' jíéng', jogui e jaam' 'lée' i nijmé' gui í' ír'.

Lajee' táang' Paa' fí Roma

¹⁷ Jo mí' cangí' 'ní' jmí' lajo e caguié' Paa' fí' Roma, joba' camí'r' fí' e calité' jaléng' dsea' quíe' ní' quiá' dsea' Israel i neáang' fí' Roma do. Jo mí' tí' lí' caseáng' í' lajih' fí' jo, joba' lalab casí' Paa' jaléng' í':

—Dsea` góo'naa', ja` e mi' jmé` jnea` jii` coo` e ga` uii` quia`- dsea` góo'oo' dsea` Israel o'gui coo`- jalé` e tting` jaléng` 'lii` yuu` quí`-ii'. Dsu' fi' Jerusalén cajáng` dsea` góo'oo' dsea` Israel jnea` fi' jaguó` dsea` romano, ¹⁸ jo mi` cangf` e cajmingi`- i dsea` romano do jnea` jalé` e 'nning` dsea` góo'oo' jnea`, cali'iiñ` fa' mi` caleám`bre jnea` co' ja` e uing` sea` quie`-e fa' dsí` í` e nijmeáiñ` jnea` cartí` nijúun`-n. ¹⁹ Jo co' dsea` góo'oo' ja` cali'iiñ` fa' e caleáng`tu i dsea` romano do jnea` e júu` røø, joba' cali'iiing` jnea` 'ñiá`'a e i dseata` dsea` féng`' i guing` fi' Romabing` i niquidsí` í` quie`-e, nañi' fa' ja` e dsee` sea`re' quie`-e jii` coo`, o'gui sea` jii` coo` dsee` fa' e ni'nning` jnea` dsea` góo'oo' cajo cuaiñ` quia`- jalé` e júu` jo. ²⁰ Jo uing` e joba' e catøø-ø 'nú` fi' la e laco' niliñ`na' jogui nisii`naa' coling` e` uing` e 'ñúun`-n la lana, co' uing` e já`- lán`n e nicagüéng` i sii` Dsea` Jmáang` do fi' jmigüi` la, jo íb` dsea` i sijeeng` jaléng` dsea` góo'oo'.

²¹ Jo cañi` i dsea` do quia`- Paa` jo cajíñ`- casí`-reiñ`:

—Jii` coo` jì` ja` mi' calíng`- jnea` e jáa' fi' Judea fa' e fé' uii` quí`- , o'gui jii` jaang` dsea` rú`naa' dsea` Israel i nigüilíng` fi' la fa' nicajíñ`- júu` ga` uii` quí`- cajo. ²² Dsu' ii`naa' ná`naa' júu` quí`- lana quia`- jalé` e í` o', co' ne`baa' guiá`- doñi' jieb` fé' dsea` ga` quia`- jaléng` 'nú`, dsea` cúing`na' Dsea` Jmáang`-.

²³ Jo lajob cajméer`, catéer` coo` jmi` lí` niseáng` jaléng` dsea` Israel e fi' lí` guing` Paa`-. Jo mi` tí` lí` niseáng` lajüing` dsea` fi' do, joba' canaang` Paa`- e guiar` júu` fi' jee` i dsea` do quia`- jial iing` Fidié` nicár` nifi' quia`- lajaang` lajaang` dsea` jmigüi`. Jo guia` Paa`- e júu` do tí` la'eeb` jo cartí` ca'lóo`-. Jo sí'r` i dsea` do e laco' já`- niliñ` júu` quia`- Jesús la'eáang` cóo`- júu` quia`- ta` quia`- dsea` Israel e cajme' Moi` cóo`-gui jalé` e fé' fi' ni` jì` quia`- i dsea` i café` cuaiñ` quia`- Fidié` malii`gui eáang`. ²⁴ Jo i líng` i dsea` do jáb`- caliñ`- e júu` e guia` Paa`- do, jogui calisémbi` cajo i ja` calijii` e júu` jo. ²⁵ Jo co' ja` røø` síng` i dsea` do laca'íng` ca'íiñ` quia`- lajii` e júu` e guia` Paa`- do, joba' canaaiñ` dsilím`bre. Jo lalab casí`- Paa`- i dsea` do:

—Lanab dseáng`- cajíng`- Jmiguí` quia`- Fidié` casí`r` 'lii` dsea` cóøng`- quí`-naa' la'eáang` cóo`- jaang` dsea` féng` i café` cuaiñ` quia`- Fidié` malii`gui eáang` i sii` Saíi` mi' cajíñ`- lala:

²⁶ Gua` jo güisíi` jaléng` dsea` Israel e nañi' fa' jialgui e ninúr` dsu' ja` iiñ` ningáiñ` jii` coo`;
jogui nañi' fa' jialgui e nijøør`-, dsu' ja` iiñ` ninír` jii` coo`.

²⁷ Co' dsíng`- ja` iing` jmitíng` jaléng` i dsea` í`
jogui ja` lí'r` í` dsíir` røø`
jogui jnir` loguar` cóo`-gui jminir` cajo e laco' ja` lí'r` núur` o'gui jøør` o'gui lí'r` ningáiñ` cajo.

Jo lajob ja` lí'r` niquí`- jíng` yaaiñ` fi' quinii`
e laco' jnea` quí`- jmi` nijmi`leáan`nre jóng.

Jo lanab líi` júu` quia`- Saíi` e cajme'r` malii`gui eáang`. ²⁸ Jogui güiliñ`b` 'nú` guiá`- e latí` lanab ninaan` niguiaa` júu` quia`- Dsea` Jmáang`- jee` jaléng` dsea` i ja` líng` dsea` góo'oo' dsea` Israel quia`- jial nileáng`- Fidié` ír` jee` jalé` dsee` quia`r`-, jo i dsea` í` iim`bre núr` e júu` jo.

²⁹ Jo mi` cangf` e cajíng`- Paa`- e júu` jo, gui'nang` uøøm`bi` i dsea` Israel do e jmigüing`- rúñ` lajee` yaaiñ`, co' ja` røø` síiñ`.

³⁰ Jo mi` cangf` jo, caje`bi` Paa`- tú` jíng`gui e fi' 'núu` lí` quí`r` do e sí' fi' Roma. Jo fi' job` íñ` jaléng` dsea` i dsilíng` i dsí`ee` ír`. ³¹ Jo dseáng`- eáam` ja` 'gó'r` guiar` e júu` do quia`- jial iing` Fidié` nicár` nifi' quia`- lajaang` lajaang` dsea` jmigüi`. Jogui e`guir` jaléng` i dsea` i guilíng`- do cajo jalé` júu` quia`- Fii`naa' Dsea` Jmáang`-. Jo jii` jaang` dsea` ja` ii` jníng` quia`r`- fa' ja` cuøøng` jmér`- lajo.

Jo lanab jii` líi` júu` e cajme' Lucas e catíng`- Teófilo.

Júu[^] e to_o~ fí ni~ jì quiá'- Paa- e catíng- dsea` seeng` fí ROMA

¹ Jnea~ Paa- lín'n jaang` dsea` i jmóo` lajii~ e iing~ Dsea` Jmáang-. Jo Fidié~bing' i cató'^ jnea~ e laco' ca'uín-n jaang` dsea` apóo^ i óo` ta~ quiá'r- jogui caguín" jnea~ e laco' niguiaa- júu^ quiá'- Dsea` Jmáang- quiá'- jial laang` dsea` jee~ jalé" dsee- quiá'r-.

² Jo nicajméeb` Fidié~ júu^ quiá'- jalé" e júu^ quiá'- Dsea` Jmáang- na lami~ jéeng'gui la'eáang' cóo~ jalé" jì e cajme' jaléng' dsea` i nicafé' cuaiñ~ quiá'r- malii~gui eáang'. ³⁻⁴ Jo e júu^ jo fé" cuaiñ~ quiá'- Fí'naa' Dsea` Jmáang- i líng' Jóo' Fidié~. Jo dsea` do cajár- fí jmigüi' la e líiñ' jaang` dsea` jmigüi', dsuco' líiñ' dsea` siju~ dseata~ Davi'. Dsu' cajmijnéeng` Fidié~ e la'eáang' cóo~ Jmiguí' quiá'r- 'ñia'bre e Fí'naa' Dsea` Jmáam-bing' líng' i Jóor' camíng' i dsíng' 'gøng' do. Jo cajmijnéeiñ' lajo ie~ lami~ cajmijii~ tur i Jóor' do jee~ jaléng' 'líi~.

⁵ Jo la'eáang' cóo~ Dsea` Jmáang-, jogui uíi~ e eáang' guiúng- Fidié~, joba' cacuø'r' jnea~ e ta~ laniing- la e ca'uín-n jaang` dsea` apóo^ quiá'r-. Jo lín'n lajo e laco' niguiaa- júu^ quiá'r- jee~ jaléng' dsea` jmigüi', jo lajoba' nijá'- líng' dsea` jogui nijmér- náu'r~ e júu^ quiá'- dsea` do. ⁶ Jo jee~ jaléng' i dsea` í quíim' 'nú' cajo, dsea` i cató'^ Fidié~ e laco' ca'uíng-na' dsea` quiá'r-. ⁷ Jo e jì la catíng- 'nú', dsea` rú'naa' dsea` quiá'- Dsea` Jmáang- i seeng' fí na fí Roma. Jo eám' 'neáang' Fidié~ 'nú' jogui nicaguín" 'nú' e ni'uíng-na' dseáng'- dsea` quiá'r-. Jo má'i~ i Tiquí'ii' Fidié~ cóo~gui Fí'naa' Dsea` Jmáang- e ni'í'r- güea'^ quiá'r- jee~ jaléng' 'nú', jogui e nicuø'r- 'nú' e seeng'na' juguiá- júu^ røø.

Lajee~ e iing~ Paa- dsí'eer~ dsea` quiá'- Dsea` Jmáang- i seeng' fí Roma

⁸ Jo la'uii~ júu^ quié~ e e fíi~guíi' 'nú', dsea` rú'naa' dsea` quiá'- Dsea` Jmáang-, quiá'- e cuøø' gui'máang' Fí'i Fidié~ uii~ quíi-na' lajiiing-na' la'eáang' cóo~ Fí'naa' Dsea` Jmáang-, dsuco' fí la fí na fé" dsea` jial e já'- líng'na' júu^ quiá'- Dsea` Jmáang- e car' ngocáng' óo'na'. ⁹ Jo guiáb- niñi' Fidié~ e laco' ya' mi' fón'nre, má'i~ire uii~ quíi-na'. Jo jnea~ jmóo'o dseáng'- e ngocáng' dsii- lajii~ e iing~ dsea` do e guiaa- e júu^ quiá'- i Jóor' Dsea` Jmáang- do. ¹⁰ Jogui má'i~bí yejii' Fidié~ cajo e song e iáang' dsír' e nicuø'r- jnea~ fí, joba' ninii~i e ni'ee'e 'nú' jóng. ¹¹ Jo eám' iin~n e nijmee~ e lajo e laco' cuøøng' e nijmicóo'~o 'nú' cóo~ jalé" e guiá' e ngíng'naa' e cuø' Fidié~ jneaa~aa' la'eáang' cóo~ Jmiguí' quiá'r-. Jo la'eáang' cóo~ jalé" e joba' e nisíng'-gui' teá' fí guiá- cóo~ Dsea` Jmáang-; ¹² jo laco' cuøøng' fá'a e nijmicóo~gui rú'naa' la'eáang' e já'- líi'naa' júu^ quiá'- Dsea` Jmáang-.

¹³ Jo eám' iin~n e ní'na', dsea` rú'naa' dsea` quiá'- Dsea` Jmáang-, e jmiguiáb' ya' nica'f' dsii- e ninii~i fí na e ni'ee'e 'nú', dsu' carti' lana jmiguiáb' e nicajníng' quié'e, joba' ja' mí calí- fa' e nicagá-a fí na. Jo uing~ quiá'- e ninii~i fí na e laco' nijmicóo'~o jaléng' i dsea` na e laco' ni'uíiñ- dsea` quiá'- Dsea` Jmáang- lí' laco' jii~ e nicalí- fí góo' dsea` lí' jié'. ¹⁴ Co' 'né- e niguiaa-baa júu^ quiá'- Dsea` Jmáang- jee~ jaléng' dsea` i neáang' fí góo' dsea` cóo~gui jaléng' dsea` i neáang' fí jee~ mó' lí' huíi~, jogui jee~ jaléng' dsea` i tíng' jì cóo~gui jee~ dsea` i ja' líng' lajo; ¹⁵ joba' dsíng'- iin~n e ninii~i fí na fí Roma e laco' niguiaa- júu^ quiá'- Dsea` Jmáang- jee~ jaléng' 'nú', dsea` neáang'na' fí na.

Jial 'gøng' júu^ quiá'- Dsea` Jmáang-

¹⁶ Jo fíi~guíi' 'nú', dsea` rú'naa' dsea` quiá'- Dsea` Jmáang-, jnea~ dseáng'- eám' nita~ dsii- cóo~ júu^ quiá'- Dsea` Jmáang-, có' la'eáang' cóo~ e júu^ 'gøng' do niquíi~ Fidié~ jmí~ e nileáiñ- jaléng' dsea` jee~ jalé" dsee- quiáiñ-. Jo la'uii~ catíng- lajo jaléng' dsea` Israel, jogui lajobi cajo jaléng' dsea` i ja' líng' lajo. ¹⁷ Jo e júu^ quiá'- Dsea` Jmáang- na e' jneaa~aa' e nica'íng' Fidié~ jneaa~aa' e líi'naa' dsea` i ja' røøng' dsee- fí quinir~ la'eáang'

e já' lî'naa' júu' quiá'r-, jo jo' ee' 'né' jmó'guí' e jié'gui, co' lalab fé' fí' ni' jì' quiá'r-: "Jo la'eáang' e já' lîng' jaang' dsea' júu' quiá' Fidié', joba' Fidié' íñ' i' dsea' í' e lîiñ' jaang' dsea' i' ja' røong' dsee' fí' quinir'."

Jalém' dsea' jmigüi' óor' dsee'

¹⁸ Jo ninee' jøø'baa' e Fidié' i' guing' fí' ñifí-, íb' i' guing' quiá'- jalé' e ja' dseeng' cóo'gui jalé' e 'li' e jmóo' dsea', dsuco' cóo' jalé' e 'li' e jmóo' jaléng' i' dsea' í', jñiñ' quiá'- jaléng' dsea' rúíñ' i' iing' nilicuí' júu' sea' contøong' quiá'- Fidié'. ¹⁹ Co' lajalé' e cuøong' niliñi' dsea' quiá'- Fidié', guiúb- niñi' jaléng' i' dsea' í', co' 'ñiab' Fidié' nicajméer' e nicaliñi' jaléng' dsea' jmigüi' lajalé' e jo. ²⁰ Co' lajii' latí' mi' canaang' uuiñ' jmigüi', lajii' e lîng' Fidié' e ja' quí' dsea' jmí' niliñir', fa' la e 'gøiñ' e sea' lata' jogui e dseáng' jii' íbre lîiñ' Fidié', jo lajalé' e jo cuøong' niliñi' dsea' la'eáang' cóo' jalé' e nicajméer' fí' la'úng' fí' jmigüi'. Joba' jaléng' i' dsea' í' ja' cuøong' fa' e nífé'r' e ja' caliñir' e seeng' Fidié'. ²¹ Jo nañi' fa' niñi'bre e seeng' Fidié', dsu' ja' cajmi'gór' dsea' do laco' catíng-, o'gui cacuø'r' dsea' do gui'máang' cóo' jalé' e guiú' e nicajméer' dsea' do. Dsu' o' lajo, co' lí' lí' í' dsír' jmang' júu' e ja' uing' seab', jogui nicajñib- moguir' fa' e ni'í' dsír' jalé' e guiú-. ²² Co' fé'r' yaaiñ' e lîiñ' dsea' i' tîng' eáang', dsu' o' já' lajo, co' íib' lîiñ'. ²³ Dsuco' jo' jmiféiñ' Fidié' i' 'gøng' i' seeng' car' ngongí' jmí-, jo nicanaaiñ' cajmeáaiñ' dié' quiá'r- cóo' guóor' i' lîng' la lîng' dsea' jmigüi' osi i' lîng' la lîng' ta' é, osi i' lîng' la lîng' jó' quiú' tii' é, osi i' lîng' la lîng' jaléng' jó' i' dsijñúung' uø' é; jo lajaléng' íb' i' cajmiféiñ' e lafa' e nijmiféiñ' Fidié'.

²⁴ Jo uí' e jmóo' i' dsea' do jalé' e 'li' do, joba' Fidié' nicatiúum-bre jaléng' í' e laco' nijméiñ'- do jalé' e 'li' jo e lí' dsír', co' eáam' ga' beáng' dsee' yaaiñ' lajee' la'ó' yaaiñ'. ²⁵ Dsu' lafa' e nijmitir' lajii' e júu' quiá'- Fidié' e sea' contøong-, jo lico' jmitir' lajii' júu' e o' jáb-, jogui jmí'gór' jogui jmiféiñ' lajii' e sea' fí' jmigüi' e cajméer' Fidié' e lafa' e nijmiféiñ' 'ñia' Fidié' i' cajméer' jalé' e jo. Co' jii' dsea' íb' i' catíng- i' nijmiféng' dsea' car' ngongí' jmí-. Jo lajob' 'né' lí'.

²⁶ Jo uí' e jmóo' jaléng' i' dsea' do lajo, joba' Fidié' nicatiúum-bre iñ' do e laco' nijméiñ'- jalé' e 'li' e lí' dsíiñ' do e qui' tiiñ' jmóor'. Dsuco' la quié' cartí' jaléng' dseamí' nicatúbre lajii' e catíng- jmóor' cóo' jaléng' dseañu', jo nicanaaiñ' jmóor' lajo lajee' la'ó' dseamíiñ-. ²⁷ Jogui lajobi' cajo cajméer' jaléng' dseañu', nicatúbre lajii' e catíng- jmóor' cóo' jaléng' dseamí', jo nicanaaiñ' e jo' téeiñ' yaaiñ-, co' nijmóor' lajii' e ja' catíng- nijmér- lajee' la'ó' dseañuiñ'. Jo la'ó' dseañu'bre nijmóor' lajii' e 'li' rúíñ', joba' fí' ngúu' táam' jaléng' i' dsea' la'í' íñ' iihuí' e jáa' quiá'- Fidié' uí' e jmóor' jalé' e 'li' lajo.

²⁸ Jo co' jo' iing'gui dsea' fa' e nijmicuíñ' Fidié', joba' Fidié' nicatiúum-bre jaléng' í', jo jo' jñiñ' quiáíñ'- do e ni'í' dsíiñ' jalé' e 'li' e já' dsíiñ', jo cóo' jalé' e í' dsíiñ' do canaang' jmóor' jalé' e ja' dseeng' e ja' catíng- nijmér-. ²⁹ Jo jaléng' i' dsea' í' jmóor' lajii' íng' e ja' dseeng' e sea' fí' jmigüi', jogui jmóor' lajii' íng' e lí' dsí' ngúu' táaiñ-, jogui eáam' jmáíñ' ga' jaléng' dsea' rúíñ', jogui eáam' dsihuíiñ' quiá'- jaléng' dsea' rúíñ', jogui jmóor' ta' jngang' jaléng' dsea' rúíñ', jogui jmóor' ta' tîng', jogui jmigøoiñ' dsea' rúíñ', jogui contøom- í' dsír' e ga' quiá'- dsea' rúíñ', jogui jmóor' ta' quié' adsee', ³⁰ jogui fé'r' júu' ga' quiá'- jaléng' dsea' rúíñ', jogui 'ní' níim-bre Fidié', jogui ja' í' lîiñ- cóo' jalé' e ga' e jmóor', jogui fé'r' júu' róo- uii' quiá'r- yaaiñ-, jogui eáam' jmijløng' yaaiñ- jee' jaléng' dsea' rúíñ', jogui 'nó'r' jial nijmi'uíiñ- jalé' e ja' dseeng', jogui ja' jmóor' núur' lajii' ta' quiú' dsea' cóong' quiá'r-, ³¹ jogui ja' iñ- e ningáiñ' lí' doñi' ee' e guiú-, o'gui jmitir' jalé' júu' e fé'r', jogui ja' 'neáaiñ' jaléng' dsea' rúíñ', jogui ja' tiiñ' íiñ- dsee' quiá'- jaléng' dsea' rúíñ' o'gui fí' lîiñ- jii' jaang' dsea' rúíñ' cajo. ³² Jo jaléng' i' dsea' la'í' niñi'bre guiú' e Fidié' nicacuø'r' júu' quiá'r- e doñi' ii' dsea' i' jmóo' lajo, dseáng' 'né' e nijúum-bre.

Dsu' ja` ee` lí' e niñir' lajō, dsu' mí' 'noo`bi`jmóor` jalé' e ja` dseeng' lajō, jō jì`gui cartí` iáang` dsí`bre mi` jmóo` jaléng' dsea` jiéng' e ga` lajō.

2

Fidié`bing' i quidsí' í' laco' cat#ng` quiá' lajaléng' dsea` jmigüü`

¹ Jōba' fñ`guí' 'nú', dsea` rú'naa', ií' 'nú' cuø'na' dsee` dsea` rúng'na', ja` e lí' ií' líng'na', dsu' mi` jmoo'na' lajō, yaam`ba' cuø'na' dsee` yaang`na' jóng, dsuco' 'nú' jmoo'na' ga` lí' laco' la jmóo` i dsea` íb` cajo. ² Jō nine`baa' røø` e laco' cat#m` quidsí' Fidié` í' quiá' lajaléng' dsea` i jmóo` e ga` lajō. ³ Dsu' 'nú', dsea` cuø'na' dsee` jaléng' dsea` rúng'na', ja` güi'f` óo'na' fa' e ja` niquidsí' Fidié` í' quiá'na' laco' cat#ng`, co' 'nú', røøb` jmoo'na' cajo laco' jmóo` jaléng' i dsea` i jmóo` e ga` lajō. ⁴ Jō eám' guiúng` Fidié` cóo' 'nú', jōgui eám' féng' dsír' cajo. Jō uí' e eám' guiúin` do, jōba' nisijeein` 'nú' cartí' niquí' jíng' yaang`na' fí' quinir`. Dsu' 'nú', ja` iing`na' jmée'na' cuente jial tí' guiúin` cóo' 'nú'. ⁵ Jō co' jaléng' 'nú' eám' ue` óo'na' jōgui ja` iing`na' fa' e niquí' jíng' yaang`na' fí' quini` Fidié`, jōba' eám' nijmi`m#ng'na' jalé' iihuí' e cat#ng`na' mi` nití' í' e niquidsí' Fidié` í' laco' cat#ng` quiá' lajaang` lajaang` dsea` jmigüü`. ⁶ Co' ie` jm#` jōb mi` niquí' quiá' lajaang` lajaang` dsea` lí' jialco' jii' e nica'éé` dsea` lajee` e seein` fí' jmigüü` la. ⁷ Jō jaléng' dsea` i 'nó' jial e nifé' Fidié` guiá' uii` quiá'r` jōgui jial e niñiin` quiá' dsea` do jalé' e jlo' e cat#in` jōgui jial e niliseein` lata` uii' e cuø' dsír' e jmóor` jalé' e guiá', jōba' lajaléng' dsea` i jmóo` lajō, Fidié` nicuø'bre jaléng' í' e niliseein` cøøng` cóo'r` lata`. ⁸ Jō dsu' lajaléng' dsea` i jmóo` lajii' e lí' dsír' yaaiñ` jōgui ja` nú'r` jalé' ta` huí', co' lí' lí' tí'gui dsír' e jmóor` jalé' e ja` dseeng', jō uí' jōba' Fidié` eám' nisigüin` quiá' jaléng' í', jō iihuí' e eám' nicuø' reiñ'. ⁹ Jōba' jaléng' i dsea` i jmóo` jalé' e ga` lajō, eám' fí' í' niliin` cóo' jalé' iihuí' e ni'ñ' e jáa' quiá' Fidié`, jō jee` jō quiéeng` jaléng' dsea` i líng' dsea` Israel jōgui dsu' lajōbi cajo jaléng' dsea` i ja` líng' dsea` Israel. ¹⁰ Dsu' jaléng' i dsea` i jmóo` jmang' jalé' e guiá', 'ñiab' Fidiéeb` nicuø'r` jaléng' í' jalé' e jlo' e cat#in`, jōgui nifé'r` guiá' uii` quiáin`, jōgui nicuø'r` e niliseein` juguiá' contøøng` cajo. Jō jee` jō quiéeng` jaléng' dsea` Israel, jōgui dsu' lajōbi cajo jaléng' dsea` i ja` líng' dsea` Israel. ¹¹ Co' Fidié` ja` c#r` cuente jial líng' dsea`, co' røøb` lí'naa' laj#`naa' fí' quinir`.

¹² Jō jaléng' dsea` i ée` dsee` e ja` mí' calicuír' e júu` quiu' ta` quiá' Moi, jōba' mi` nití' í' e júuin` ja` ni'ñ' í' quiá'r` la'eáang` cóo' e júu` quiu' ta` do; jō dsu' jaléng' dsea` i ée` dsee` nañí' fa' nicuú'bre jial fé' e júu` quiu' ta` do, jōba' mi` nití' í' e júuin`, cóo' e júu` quiu' ta` dob ni'ñ' í' quiá'r` laco' cat#ng`. ¹³ Co' ja` ni'ng' Fidié` jaléng' i dsea` i lico' núu` e júu` quiu' ta` do e líin` dsea` i ja` røøng` dsee` fí' quinir`, dsuco' lajii' dsea` i jmóo` náu' laco' fé' e júu` jō, jii' í'bing' i ni'ng' Fidié` e líin` dsea` i ja` røøng` dsee` fí' quinir`. ¹⁴ Jō jaléng' dsea` i ja` líng' dsea` Israel ja` sea` quiá'r` e júu` quiu' ta` do; dsu' mi` jmóor` laco' fé' e júu` quiu' ta` do, jmóor` jii' laco' í' dsír' yaam`bre, jōba' lafa' yaam`bre sea` júu` quiu' ta` quiá'r` jóng. ¹⁵ Dsuco' cóo' lajalé' e jmóor` do cuø' lí' quiá'r` e dseáng' fí' dsí'bre sea` jalé' e júu` quiu' ta` do. Co' cóo' jii' e í' dsír' yaaiñ` do nija' júu` quiá' jalé' e jō, jōgui cajo cóo' jalé' e í' dsír' do ni'ng` ír` osi nijmi'øng' ír` é. ¹⁶ Jō nidsijéé' lajalé' e jō lí' laco' cafá' a na mi` niguiéé' jm#` e Fidié` ni'ír' í' lí' jialco' ca'f` dsí' dsea` jōgui jialco' cajméer` lí' ja` ní' dsea` jiéng'. Jō nijmér` lajō la'eáang` cóo' Fí'naa' Dsea` Jmaang` lí' laco' jii' lí' e júu` e guia' jnea`.

Jial seeng` dsea` Israel cóo' e júu` quiu' ta` quiá'r` e cajme' Moi`

¹⁷ Jō fñ`guí' jaléng' 'nú', dsea` fó'na' e líng'na' dsea` Israel jōgui e teá' teáang`na' cóo' júu` quiu' ta` quiá' Moi` jōgui e jmijløng` yaang`na' dsu' uí' e líng'na' dsea` siguáng' quiá' Fidié`; ¹⁸ jōgui fó'na' cajo e niñí'bi' lajii' e iing` Fidié` e nijmée'na', jōgui e júu` quiu' ta` do jmicoo' 'nú' e niguií'na' jnang` e guiá' e nijmée'na', ¹⁹ jōgui e dseáng' nitab` óo'na' e nilí'ba' nijmicóo'na' jaléng' dsea` i lafa' tiuung` uii' e ja` já' líin` e seeng`

jaang` Fidiéé, jogui fó`bi' cajo e lí`bi' nijmicóo`na' jaléng` dsea` i seeng` fí lí` nuu` só' uíi~ e eáang` beáng` dsee` yaaiñ~; ²⁰ jogui fó`na' cajo e nitab` óo`na' e lí`ba' é`na' jaléng` dsea` i ja` lí` gui' jnang` jalé` e guiá~ e nijmér~, jogui e tím`ba' jmée`na' lajo cajo cóo` i dsea` i tá` caliñí' e júu` quiu' ta~ quiá~na' do, dsuco' e fí` ní` júu` quiu' ta~ do i' óo`na' e fí` job lí` sea` uing~ e laco' tíng`na' ngáng`na' jogui e laco' liñí`na' jalé` júu` já~. ²¹ Joba' fí` i jaléng` 'nú' e 'núb' e`na' jaléng` dsea` jiéng', jo dsu' eáang`gui 'né` e nijmitíng`na' yaang`na'; jogui 'nú' guida`na' júu` jee~ jaléng` dsea` e ja` dseeng` e jmóo` dsea` i, jo dsu' cuóøng` 'nú`bi' jmoo`na' i` quiá~ dsea` rúng`na'; ²² jogui fi`na' dsea` e ja` dseeng` e 'léé` dsea` e güññ` cóo` i o' quiá`r~, jo dsu' cuóøng` 'nú`bi' jmoo`na' jalé` e ja` dseeng` lajo; jogui 'ni' máang`na' jaléng` diéé` i jmáang` dsea` cóo` guóor~, dsu' cuóøng` 'nú`bi' jmoo`na' i` jalé` e sea` fí` sinúu` guá~ quiá~ jaléng` i diéé` do; ²³ jogui eáang` jmijløng` yaang`na' quiá~ e júu` quiu' ta~ quiá~ Moí` do, jo dsu' ja` jmi'goo`na' 'ña' Fidiéé, co' ja` jmoo`na' núu`na' jalé` e júu` quiu' ta~ do. ²⁴ Co' e jáb~ e líng` uim`ba' e fé' fí` ní` jì` quiá~ Fidiéé` lala: "Jaléng` dsea` i ja` líng` dsea` Israel gab` fé'r` uii~ quiá~ Fidiéé` uíi~ cóo` jalé` e ga` e jmoo` 'nú', dsea` líng`na' dsea` Israel."

²⁵ Dsuco' e jáb~, doñí` i` 'nú' i` núu~ e júu` quiu' ta~ quiá~ Moí` do, seab` lí` íng` ta~ quiá~na' e tóo' lí` fí` ngúu` táang`na' lí` laco' la litíng`naa', dsea` lí`naa' dsea` Israel. Jo dsu' song ja` núu`na' e júu` quiu' ta~ do, joba' ja` e ta` íng` quiá~na' jóng e tóo' lí` fí` ngúu` táang`na' do. ²⁶ Jo song i` 'nú' ja` mí` cató~ lí` fí` ngúu` táang` jo dsu' jmití`ba' lajii~ e júu` quiu' ta~ do, joba' Fidiéé` ím`bre 'nú' jóng lafa' jaang` dsea` i nicató~ lí` fí` ngúu` táang~, nañí` fa' ja` mí` calí`re lajo. ²⁷ Jo i` dsea` i ja` tóo' lí` fí` ngúu` táang` dsu' jmiti`bre e júu` quiu' ta~ do, joba' cóo` i dsea` í` cuø` lí` e jaléng` 'nú', dsea` líng`na' dsea` Israel, oo`ba' dsee` fí` quini` Fidiéé`. Co' nañí` fa' nicatób~ e lí` do fí` ngúu` táang`na' jogui e seab` quiá~na' e júu` quiu' ta~ do, dsu' ja` jmiti`na' laco' fé' e júu` jo.

²⁸ Dsuco' e jáb~, lajob lí', jii~ jaang` dsea` líiñ` dseáng` dsea` Israel dsu' uíi~ e jmóor` jii~ e quiá~ táng` dsea` áang` quiá`r~ fa' e tóor` lí` fí` ngúu` táaiñ. ²⁹ Dsuco' i` dsea` i dseáng`-já~ líng` dsea` Israel, fí` dsí`bre lí` líiñ` lajo, jogui e quiá~ tiiñ` e jmóor` lí` fí` ngúu` táaiñ` do, o' fí` jo lí` 'né` jmér~ lajo, co' lafa' fí` dsí`bre lí` nitóo` e lí` do lana, co' dsea` quiá~ Dsea` Jmáang` nilíiñ, jo Jmiguí` quiá~ Fidiéeb` dsea` jmóo` lajo, jo o' júu` quiu' ta~ quiá~ Moí` e jmóo` lajo. Jo i` dsea` i líng` lajo, Fidiéé`bing' i fé' guiá~ uii~ quiá`r~ jo o' dsea` jmigüi` i fé' lajo.

3

¹ Joba' ¿su guiá~gui e lí`naa' dsea` Israel, jogui su e quíng`gui quiá~ii' e tóo' lí` fí` ngúu` táang`naa' lí` laco' quiá~ tí`naa'? ² E jáb~, lajob lí', co' jmiguiab` uing~ sea` e guiá~ e lí`naa' dsea` Israel, jo e laba' e niing`-gui e jneaa`bing' i nicang`ng` júu` quiá~ Fidiéé. ³ Jo dsu' e jáb~, i líng` la'ó' dsea` góo`naa' dsea` Israel nicatá`bre e já~ líiñ` júu` quiá~ Fidiéé. Dsu' Fidiéé` contøom~ jmitir` júu` quiá`r~ nañí` fa' i líng` dsea` góo`naa' ja` cajméer` já~ líiñ` e júu` jo. ⁴ Co' e jáb~, contøom~ fé' Fidiéé` júu` já~, nañí` fa' dsea` jmigüi` contøom~ quier` júu` ta~ júu`. Co' lalab fé' fí` ní` jì` quiá~ Fidiéé` lí` fé' cuaiñ` quiá`r~:

Jo mí` núu` dsea` júu` quiá~

conguiab` líñir` e jmang`-júu` já~ba' fó' 'nu',

jo contøom~ lí' mí` cuø' dsea` 'nu' dsee~.

Jo lanab fé' fí` ní` jì` quiá~ Fidiéé`.

⁵ Jo dsu' song jalé` e ga` e jmoo`naa' íng` ta~ e laco' eáang`gui nililí` dsea` jialco' jmóo` Fidiéé` jmang` jalé` e guiá~, joba' ¿e~ nife`ee' jóng? ¿Su e gab` jmóo` Fidiéé` mí` cuør` iihuí` uíi~ jalé` e ga` e jmoo`naa' do? (Dsu' fá`a e júu` la lí` laco' la fé' doñí` i` dsea` jmigüi'.)

⁶ Dsu' Fidiéé` jii~ cóo` e ga` jmóor`. Co' faco' ja` cuør` iihuí` mí` jmóo` dsea` e ga`, joba' ¿jial lí'r` e ni'r` í' røø` quiá~ lajaléng` dsea` jmigüi'? ⁷ Jo seem` dsea` i fé' e cóo` jalé` júu` e o' já~ e fé'r~, eáang`gui nililí` dsea` jial fé' Fidiéé` jmang`-júu` já~, jo lajoba' nijmi`gò` dsea`

ír. Jo song lajɔb líí, joba' ʒjiali' ngíng` i dsea` í dsee` e líiñ' jaang` dsea` dsee` dsea` qui'?
 8 Jo song lajɔb líí cajo, joba' cuøng` fe'ee' jóng, ʒjiali' ja` jmó`oo' e ga` e laco' ni'uíng`
 jmang`- e guiá-? Jo lanab fé' i líng` dsea` e cuø'r` jnea` dsee`, co' fé'r` e e júu` lanaba' ée`
 jnea` dsea` rún`n, jo dsu' dseáng`- o' lajo. Jo jaléng` i dsea` i fé' ga` lajo lí' catíiñ` e ni'íñ`
 lajii` iihuú' quiá'- jalé' e ga` e jmóor` do.

Jalém` dsea` røøiñ` dsee`

9 Joba' ʒsu` jneaa`aa', dsea` líí'naa' dsea` Israel, guiúng`-guú' fí' quini` Fidié` laco'gui` i
 dsea` i ja` líng' lajo? iU~, dseáng`- o' lajo! Dsuo' nicafíi`-baa` 'nú' e lajalém` dsea` i líng`
 dsea` Israel jogui lajalém` dsea` i ja` líng' lajo dseáng`- røøb` líiñ', co' jalé' dsee` quiá'-bre
 silíi' ír. 10 Co' lalab fé' fí' ni` jì quiá'- Fidié`:

iJa` seeng` jii`- jaang` dsea` fa' e éer` røø` contøøng`-
 iCo' dseáng`- jii`- jaang` dseáng`- ja` ii` seeng` i jmóo` lajo!

11 Jogui ja` seeng` dsea` i quiá'- jmiñ` ningáng',
 o'gui` i iing` ni'náng' Fidié` cajo.

12 Co' lajim` dsea` nicacár` fí' ga`,
 jogui lajim` cajo ja` ee` uing` sea` quiá'r` jii`- coo`.

iCo' ja` seeng` jaang` dsea` fa' i ée' røø`!
 iCo' dseáng`- jii`- jaang` dseáng`- ja` ii` seeng` i jmóo` lajo!

13 Jo jalé' júu` e fé'r`, jmang`- júu` 'lib` líí.
 Jo eáam` jmigøøiñ` dsea` rúíñ` cóo`- jalé' e fé'r`.

Jo jalé' e júu` jo eáam` 'léé',
 lí' laco' líí' e nó` quiá'- jaang` mi' i guíng`.

14 Jo lajalé' e fé'r` do jmang`- júu` guíib`,
 jo cóo`- jalé' e jo eáam` bíiñ` jaléng` dsea` rúíñ`.

15 Jo contøøng` guíng`- dsír' e nijngáíñ`- dsea` rúíñ`.

16 Jo lajii`- fí' teáiñ`- dseáng`- jmang`- lajii`- e 'lé'-bre dseáng`-.
 Jo cuø' iihuú' jaléng` dsea` rúíñ`.

17 Jo dseáng`- jii`- capí' ja` ñir` jial dseáng`- e seeiñ` juguiá` cóo`- Fidié`.

18 Jogui dseáng`- jii`- capí' ja` ñir' e 'né' e nijmi'gór` Fidié`.
 Jo lanab líí júu` quiá'- Fidié`.

19 Jo nine`baa` røø` e lajalé' e júu` quiá' ta` e cajme' Moi` jaléng` dsea` Israelbing`
 catíng`- nijmiti~, jo lajoba' jii`- jaang` dsea` jmigüí` cuøng` fa' nijíñ`- e ja` røøiñ` dsee`
 fí' quini` Fidié`, co' dsea` íbing` i í' laco' catíng`- quiá'- lajaléng` dsea` jmigüí`. 20 Co'
 Fidié` ja` ni'íñ` jii`- jaang` dsea` e líiñ` jaang` dsea` i ja` røøng` dsee` fí' quini` dsu' uíi`
 e jmitir` e júu` quiá' ta` do. Dsuo' jii`- lí' íng` ta` e júu` quiá' ta` do e lico' line`naa' e
 lí'naa' dsea` røøng` dseeb`.

Jial íng` Fidié` jneaa`aa' la'eáang` e já'- lí'naa' júu` quiá'r`

21 Jo dsu' lana Fidié` nicacuø'r` jneaa`aa' e nine`naa' jial e íñ` jneaa`aa' e lí'naa' dsea`
 i ja` røøng` dsee` fí' quini`. Jo jmóor` lajo dsu' o' uíi` e jmití'naa' júu` quiá' ta` e cajme'
 Moi`. Jo røøb` cøøng` e júu` na laco'gui` e fé' e fí' ni` e júu` quiá' ta` do jogui laco' e café'
 jaléng` dsea` i café' cuaiñ` quiá'- Fidié` malíi`-gui` eáang`. 22 Jo røøb` íng` Fidié` lajaléng`
 dsea` jmigüí' e líiñ` dsea` i ja` røøng` dsee` fí' quini` la'eáang` e já'- líiñ` júu` quiá'- Dsea`
 Jmáang`. 23 Co' lajim` dsea` jmigüí' nica'éer` dsee`, jo uíi` e joba' ja` catíiñ`- e nitíiñ`- e
 niliseeíñ` cóo`- Fidié` fí' lí' níng`- 'gøng` dsea` do. 24 Dsu' uíi` e Fidié` eáam` 'neáiñ`
 jneaa`aa' e jii`- ja` catíi`-naa' lajo, joba' ca'íñ` jneaa`aa' e lí'naa' dsea` i ja` røøng` dsee` fí'
 quini`. Jo cajméer` lajo la'eáang` e nicaléang` Dsea` Jmáang`- jneaa`aa' jee` jalé' dsee`
 qui`-ii' ie`-lami`-cajúiñ`- fí' dse` crúu`. 25 Jo Fidié` cacuøøiñ` Dsea` Jmáang`- e laco' cajúng`
 dsea` do fí' dse` crúu`. Jo la'eáang` cóo`- e jmi'øøng`- Dsea` Jmáang`- e catuu` fí' jo, ca'íñ`-
 dsee` quiá'- dsea`. Jo Fidié` cacuøøiñ` dsea` do e laco' cuø' lí' e contøøm`- jmóor` jmang`-

e guiá- jogui e eáam' féng' dsíir' cajo, dsuco' ja' iá- dsíir' jalé' dsee- e ca'ée' dsea' lamí- jéeng'gui. ²⁶ Jo cajméer' lajo e laco' nilíñ' dsea' jmí- na e ím'bre dsea' e líñ' dsea' i ja' røong' dsee- fí' quinir'. Jo e na cuø' lí- e jíí- íb' dsea' i jmóo' jman' jalé' e guiá-, jogui jíí- íb' cajo i íng' doñí' ií' dsea' i já- líng' júu' quíá- Dsea' Jmáang- e líñ' dsea' i ja' røong' dsee- fí' quinir'.

²⁷ Jo lana jíí- coo' fa' e nijmijløng' yee'naa' fí' quini' Fidiée' e í' dsi'naa' e ni'íñ' jneaa'aa' dsu' uíí- e jmití'naa' e júu' quíá- ta' do, co' ni'ím'bre jneaa'aa' dsu' uíí- e já- lí'naa' júu' quíá- Dsea' Jmáang-. ²⁸ Jo lanaba' nicaline'naa' røø' e Fidiée' ni'ím'bre dsea' e líñ' dsea' i ja' røong' dsee- fí' quinir' dsu' uíí- e já- líñ' júu' quíá- Dsea' Jmáang-, dsu' o' uíí- e jmitir' e júu' quíá- ta' do. ²⁹ Dsu' Fidiée' ja' líñ' jíí- Fidiée' quíá- dsea' Israel, co' lím'bre cajo Fidiée' quíá- lajaléng' dsea' jmígúí. ³⁰ Co' dseáng' jaam' Fidiée' dseáng' i seeng', jo jíí- í'bing' i íng' dsea' i já- líng' júu' quíá- Dsea' Jmáang- e líñ' dsea' ja' røong' dsee- fí' quinir', nañí' su líñ' do dsea' Israel osi ja' líñ' lajo é. ³¹ Jo dsu' uíí- e já- lí'naa' júu' quíá- Dsea' Jmáang-, joba' dseáng' ja' cuøong' fa' e ni'náng' ca' lajíí- e fé' e fí' ni' júu' quíá- ta' do. Co' lí' lí' jmi'goo'-bí' jial tí' niing- e fé' e júu' jo.

4

Jo lí' laco' cajmée' 'lí- yúu' Abraham, lajob 'né- jmó'oo'

¹ Jo lana, dsea' rú'naa', nisi'naa' capi' cuaiñ' quíá- e calí- cóo' 'lí- yúu' quí-íí' Abraham. ² Cofa' mí- calíng' Fidiée' 'lí- yúu' Abraham e líñ' do jaang' dsea' i ja' røong' dsee- fí' quinir' dsu' uíí- jalé' e guiá- e ca'éeiñ', joba' seab' cuøong' lí' jmi'jlong' 'nía'r' jóng, dsu' o' fí' quini' Fidiée' faco' lajo. ³ Dsuco' lalab fé' fí' ni' jì quíá- Fidiée': "Jo 'lí- yúu' Abraham jáb'- calíñ- júu' quíá- Fidiée', joba' Fidiée' ca'íñ' dsea' do e líñ' do jaang' dsea' i ja' røong' dsee- fí' quinir'."

⁴ Jo lajob líí, fa' jaang' dsea' jmóor' ta~, joba' e 'léeiñ' do ja' ngííñ' lí' ta' ngííñ', co' quíá- lajíí- ta' e jmóo'bre quíá- e joba' ngííñ'. ⁵ Jo dsu' fa' jaang' dsea' já- líñ' júu' quíá- Fidiée', joba' Fidiée' ím'bre dsea' do e líñ' do jaang' dsea' i ja' røong' dsee- fí' quinir' nañí' fa' ja' mí' cajméeiñ' do jíí- coo' e guiá-. ⁶ Co' caféb' dseata' dsea' féng' Daví' íe' malí'gui do quíá- jial tí' juguíá- quíá- lí' doñí' ií' dsea' mí' jo' iá- dsíí' Fidiée' cóo' lajalé' e nica'ím'bre lamí' jéeng'gui, jogui e nica'íng'neiñ' e líñ' do jaang' dsea' i ja' røong' dsee- fí' quinir'. ⁷ Jo lalab cajíng' i dseata' do íe' malí'gui do:

jjo eáam' juguíá- quíá- jaléng' dsea'
mí' Fidiée' nica'íñ- dsee- quíá- lajalé' e ga' e nica'ím'bre,
jogui e nica'íng'neiñ' jee' jalé' dsee- quíáíñ'!

⁸ Jo eáam' juguíá- quíá- jaléng' dsea'
i jo' iá- dsíí' Fíí'naa' Fidiée' jalé' dsee- e nica'éeiñ'.
Jo lanab jíí- lí' júu' quíá- dseata' dsea' féng' Daví'.

⁹ Jo e juguíá- na ja' catíng- jíí- dsea' Israel i quí- tíng' tóo' lí' fí' ngúu' táang', co' catíim- cajo jaléng' dsea' i ja' líng' dsea' Israel dsea' i ja' quí- tíng' lajo. Co' lí' laco' la nicasíí'naa' 'nú' e Fidiée' ca'ím'bre 'lí- yúu' Abraham e líñ' do jaang' dsea' i ja' røong' dsee- fí' quinir' dsu' uíí- e já- calíng- dsea' do júu' quíá- Fidiée', ¹⁰ jo 'lí- calíng' Fidiée' i 'lí- yúu' Abraham do e líñ' do lajo? ¿Su nú'-gui e cató- lí' fí' ngúu' táaiñ' osi mí' cangí' jo é? Mó' nú'-gui e cató- lí' fí' ngúu' táam'bre calíng' Fidiée' ír' e líñ' do jaang' dsea' i ja' røong' dsee- fí' quinir'. ¹¹ Jo mí' cangí' e calíng' Fidiée' i 'lí- yúu' do, joguíba' cató- lí' fí' ngúu' táaiñ' do e laco' cuø' lí- e nica'ím' Fidiée' ír' e líñ' jaang' dsea' i ja' røong' dsee- fí' quinir' dsu' uíí- e já- calíñ- do júu' quíá- Fidiée'. Jo uíí- e joba' i 'lí- yúu' Abraham do ca'uííñ- lafa' tiquíá' jaléng' dsea' i já- líng' júu' quíá- Fidiée'. Co' Fidiée' bing' i íng' dsea' i já- líng' júu' quíá'r- e laco' nilíñ' do dsea' i ja' røong' dsee- fí' quinir', jo ja' ee' lí' fa' ja' mí' cató- lí' fí' ngúu' táaiñ' do. ¹² Jogui i 'lí- yúu' Abraham do lím'bre cajo lafa' tiquíá' jaléng' dsea' Israel i nica'tó- lí' fí' ngúu' táang'. Jo i 'lí- yúu' do líñ' lafa' tiquíá'

jaléng' í dsa' o' uí' e nicatō- li' fí ngúú' táaiñ' do; co' 'né- e nijmiti~biñ' do cajo lí' laco' cajmée' i' 'lii' yúu' Abraham do ie~ lamí' já' calíñ- júu' quíá'- Fidiée' lajee' e ná'- gui e catō- li' fí ngúú' táaiñ'.

Mi' cacuø' Fidiée' júu' quíá'- 'lii' yúu' Abraham

13 Jo ie~ malii~gui do Fidiée' cacuø'r' júu' 'lii' yúu' Abraham cóo'~gui jaléng' dsea' sijur' e niñim'biñ' do lajalé' e sea' fí jmiçüí. Jo e júu' la caliti~ dsa' o' uí' e 'lii' yúu' Abraham cajmээр' náur' e júu' quíá' ta~ e cajme' Moi~. Co' calí- lajo la'eáang' e jáb'- calíng- i' 'lii' yúu' do júu' quíá'- Fidiée', jo uí' e joba' e calíng' dsea' do ír' e líiñ' jaang' dsea' i' ja' dsee- røøng' fí quinir'. 14 Jo song lajii' dsea' i' jmiti~ e júu' quíá' ta~ do ni'íñ' lajalé' e sea' fí jmiçüí, joba' cuøøng' fe'ee' jóng e ja' ee' ta' íng' e já'- líng' dsea' júu' quíá'- Fidiée', jogui e júu' e cacuø' Fidiée' lamí' jéeng'gui do ja' ee' quíng' cajo. 15 Co' song ja' jmiti~ dsea' dseáng'- røø e júu' quíá' ta~ do, joba' iihuñb' íñ' quíá'- Fidiée' jóng. Jo dsa' lí' ja' sea' e júu' quíá' ta~ do, joba' ja' ee' cuøøng' lí' 'lé- dsea' cóo' e jo.

16 Jo Fidiée' cacuø'r' 'lii' yúu' Abraham júu' quíá'- uí' e já'- calíng- i' 'lii' yúu' do júu' quíá'- dsea' do. Jo cajmée' Fidiée' lajo e laco' jaléng' dsea' i' líng' siju' 'lii' yúu' Abraham nita' dsír' e dseáng'- nijmitib~ Fidiée' e júu' jo la'eáang' e eáang' 'neáaiñ' jaléng' i' dsea' í e jii' ja' catíiñ'- do lajo. Jo lí' laco' cuøøng' fe'ee' e júu' na, e jalé' e jíng'- Fidiée' e nicuø'r' jaléng' dsea', dsa' o' jii' dsea' i' catíng- e júu' quíá' ta~ do i' nicuø'r' jalé' e jo, co' nicuø'-bre cajo jaléng' i' dsea' i' já'- líng' júu' quíá'- lí' laco' cajmée' i' 'lii' yúu' Abraham do. Jo lajoba' i' 'lii' yúu' do ca'uíñ- lafa' tiquíá' jaléng' jneaa'aa', dsea' i' já'- lí' naa' júu' quíá'- Fidiée'. 17 Jo lí' laco' la fé' Fidiée' fí ni' jì quíá'- lí' fé'r' lala cuaiñ' quíá'- 'lii' yúu' Abraham: "Nícajmé- e e nilín'- lafa' tiquíá' i' fíng' 'lé' dsea' jmiçüí." Jo lanab fé' Fidiée' fí ni' jì quíá'- . Jo e júu' la calitib~, co' 'ñiab' Fidiée' dsea' cacuø'r'. Jogui jáb'- calíng- Abraham e júu' e cangíiñ' quíá'- dsea' do. Jo jii' Fidiée'bing' i' quíi' jmiç' e nijmijí'r' jaléng' 'lii' jogui e nijmér- e nilisea' doñi' ee' e ja' mí' sea' fí jmiçüí.

18 Jo lajee' e nidseáam- eáang' i' 'lii' yúu' Abraham do, jogui jo' quí'r' jmiç' fa' e niliseeng' jóor' co' eáam' niyúu'r~, jo dsa' jáb'- calíñ'- do júu' quíá'- Fidiée' e quíá'- niliseem' jóor' nañi' fa' ja' quí'r' jmiç' lajo. Jo dsa' lajob calí-, jo "ca'uíñ- lafa' tiquíá' i' fíng' 'lé' dsea' jmiçüí" lí' laco'gui la nicasí'- Fidiée' ír' lamí' jéeng'gui ie~ lamí' cajíng'- dsea' do lala: "Lanab niliseeng' fíng' dsea' sijú'." 19 Jo dseáng'- ja' calitúm- dsí' 'lii' yúu' Abraham e já'- líiñ' júu' quíá'- Fidiée', nañi' fa' ie~ jo níngoor' jie~ ja' cien jii', jogui nilí'-bre cóo' dseamí' quíá'- i' sií' Sara do e tí' lí' nijúum-bre. Jo laji' gám-bre ie~ jo eáam' nidseáaiñ-, joba' jo' quíi'~guir' jmiç' fa' e niliseeng' jóor'. 20 Jo i' 'lii' yúu' Abraham do dseáng'- jáb'- calíñ- jogui dseáng'- calitab~ dsír' e dseáng'- nijmitib~ Fidiée' lajii' júu' e cacuø'r' dsea' do, jo eáang'gui já'- calíñ- jogui cajmita~gui dsír' e dseáng'- nijmitib~ Fidiée' lajii' e nicajíñ'- lamí' jéeng'gui do. Jo uí' joba' eáam' cajmiféiñ' Fidiée', 21 co' dseáng'- nitab~ dsír' e dseáng'- quíib' dsea' do jmiç' e nijmitir~ lajii' júu' e nicacuø'r' lamí' jéeng'gui. 22 Jo uí' e já'- calíñ'- do e júu' jo, joba' calíng' Fidiée' ír' e líiñ' do jaang' dsea' i' ja' røøng' dsee- fí quinir'. 23 Jo e calíng' Fidiée' i' 'lii' yúu' Abraham do e líiñ' do jaang' dsea' i' ja' røøng' dsee- fí quinir' o' jii' quíá'- 'lii' yúu' í' dseáng'- fé' e júu' na, 24 dsuco' catím- jneaa'aa' e júu' na cajo. Co' ím' Fidiée' jneaa'aa' e lí' naa' dsea' i' ja' røøng' dsee- fí quinir' dsa' uí' e já'- lí' naa' júu' quíá'- . Jo jáb'- lí' naa' cajo e Fidiée'bing' i' cajmijí'tu Fíi'naa' Dsea' Jmáang- 25 mi' cangí e cacuøøiñ' dsea' do e cajúíñ'- fí dse' crúu' uí' jalé' dsee- quí-ii'. Jo mi' cangí jo, cajmijí'tur Dsea' Jmáang- e laco' la'eáang' í' cajmээр' cóo' jneaa'aa' e nilí'naa' dsea' i' ja' røøng' dsee- fí quinir'.

5

Jial íng' Fidiée' dsea' e líiñ' dsea' i' ja' røøng' dsee- fí quinir'

1 Jo lana Fidiée˘ nica'íñ˘ jneaa˘aa' e lí'naa' dsea` i ja` røøng` dsee˘ fí˘ quinir˘ dsu' uí'~ e nijá'~ lí'naa' júu˘ quiá'r˘. Jo co' lajòb nilí'naa', jòba' juguiá˘ júu˘ røø˘ nisee˘-naa' lana cóo'~ Fidiée˘ la'eáang' cóo'~ jalé˘ e nicajmée˘ Fí'naa' Dsea` Jmáang˘ cóo'~ jneaa˘aa'. 2 Jo la'eáang' cóo'~ Dsea` Jmáam˘-ba' e nisee˘-naa' lajò cóo'~ Fidiée˘. Jo nicang'ing˘naa' e jo uí'~ e já'~ lí'naa' júu˘ quiá'r˘. Jo lajòb nisee˘-naa' lana, jogui eáam' iáang' dsi'naa', co' nitab˘ dsi'naa' e dseáng'~ niliseem˘-baa' cøøng' cóo'~ Fidiée˘ fí˘ lí˘ niing˘- 'gøiñ'˘ mi˘ nití˘ e í'˘ jo. 3 Jogui o' quiá'~ jí'~ e na e jmi'íáang' dsi'naa', co' lajòb cajo jmi'íáam' dsi'naa' cóo'~ jalé˘ e huíng' e dsijée˘ quí-ii'. Co' nine˘-baa' guiá˘ e mi˘ ningf' e dsing'ing˘-naa' jalé˘ e jo, jòba' eáang'gui b niliféng' dsi'naa' cóo'~ doñí˘ ee˘ e nidsijée˘ quí-ii' jóng. 4 Jo mi˘ jmoo˘-naa' e féng' dsi'naa' cóo'~ jalé˘ e dsing'ing˘-naa' do, jòba' guiáb˘ fé˘ Fidiée˘ uii˘ quí-ii' jóng. Jo mi˘ jmoo˘ Fidiée˘ lajò cóo'~ jneaa˘aa', jòba' eáang'gui lita˘ dsi'naa' e niliseem˘-baa' cøøng' cóo'~ Fidiée˘ fí˘ lí˘ niing˘- 'gøiñ'˘. 5 Jo e nita˘ dsi'naa' na dseáng'~ nilitib˘, co' la'eáang' cóo'~ Jmiguí˘ quiá'r˘ e nicacuø'r' jneaa˘aa' e nicaline˘-naa' jial tíí' e ja` cøøng' cóo'~ e 'neáaiñ˘ jneaa˘aa' do.

6 Jo dsu' lajee˘ e ja` quí'~ guí' jmi˘ fa' e nilaang˘ yee˘-naa' jee˘ jalé˘ dsee˘ quí-ii', jo dsu' lajee˘ jòb mi˘ catí' í' e caguéng˘ Dsea` Jmáang˘ fí˘ jmiçüí˘ la e laco' cajáng'˘ 'ñia'r' e cajúíñ˘ cuaiñ˘ quí-ii', dsea` lí'naa' dsea` dsee˘ dsea` quí'. 7 Dsu' huím' eáang' nicuøng˘ 'ñia' jaang' dsea` e nijúuñ˘ uii˘ quiá'~ jaang' dsea` i ée˘ røø, jo dsu' cóo' jangám˘ seeng' jaang' dsea` i nicuøng˘ 'ñia' e nijúuñ˘ cuaiñ˘ quiá'~ jaang'gui dsea` i dseáng'~ lajang'~ guiúng˘. 8 Jo dsu' lajee˘ e lí'naa' dsea` dsee˘ dsea` quí', Fidiée˘ ca'e'r' jneaa˘aa' jial tíí' ja` cøøng' cóo'~ e 'neáaiñ˘ jneaa˘aa', co' casíñ˘ Dsea` Jmáang˘ e laco' dsea` do cajúíñ˘ uii˘ dsee˘ quí-ii'. 9 Jo lana nica'ím˘ Fidiée˘ jneaa˘aa' e nilí'naa' dsea` i ja` røøng' dsee˘ fí˘ quinir˘ la'eáang' cóo'~ e jmi'øøng˘ Fí'naa' Dsea` Jmáang˘. Jo co' lajòb cajmээр' cóo'~ jneaa˘aa', jòba' lana eáang'gui b nita˘ dsi'naa' e Dsea` Jmáam˘-bing' i nileáng˘ jneaa˘aa' jee˘ jalé˘ iihuí' e nilisea˘ mi˘ tí' lí˘ ni'í' Fidiée˘ í' quiá'~ lajaléng'˘ dsea` jmiçüí˘. 10 Jo lajee˘ e ja` see˘-naa' røø˘ cóo'~ Fidiée˘ jogui e 'ní' máang'naa're, jo lajee˘ jòb cajmээр' e caliséng'naa' juguiá˘ júu˘ røø˘ cóo'r' la'eáang' e cajúng˘ Joor' Dsea` Jmáang˘ fí˘ dse˘ crúu˘. Jo co' lajòb cajmээр' cóo'~ jneaa˘aa', jòba' lana eáang'gui b nita˘ dsi'naa' e dseáng'~ nileám˘-baa' jee˘ jalé˘ dsee˘ quí-ii' la'eáang' e cají'tu Dsea` Jmáang˘ mi˘ cangf' e cajúíñ˘. 11 Jo o' jí'~ quiá'~ e na e jmi'íáang' dsi'naa', co' lajòb jmi'íáang' dsi'naa' cajo cóo'~ lajalé˘ e nicajmée˘ Fidiée˘ cóo'~ jneaa˘aa' la'eáang' cóo'~ Fí'naa' Dsea` Jmáang˘; dsuco' la'eáang' dsea` dob e nisee˘-naa' lana juguiá˘ júu˘ røø˘ cøøng' cóo'~ Fidiée˘.

Mi˘ canaang' e sea` dsee˘ fí˘ jmiçüí˘

12 Jo lajòb lí', dsea` rú'naa'; jo la'uii˘, mi˘ canaang' e caliseá˘ dsee˘ fí˘ jmiçüí˘ la, calí˘ lajò uii˘ jaang' dseañu' i calisí˘ Adán. Jo dsifí˘ mi˘ cangf' e ca'éer˘ dsee˘, jòb mi˘ canaang' e caliseá˘ 'mó˘; jo co' lajòb cajmееiñ˘ do lami˘ uii˘, jòba' lajím˘ dsea` latí˘ lana sea` 'mó˘ quiá'r˘ uii˘ jalé˘ e dsee˘ e éer˘. 13 Jo dsea` dsee˘ dsea` quib' nilíng' dsea` lají'~ ie˘ nú'~ gui e niñing˘ Moi˘ e júu˘ quiu' ta˘ quiá'~ Fidiée˘. Jo dsu' mi˘ ja` sea` júu˘ quiu' ta˘, jòba' ja` cuøøng' lí˘ ñíng' dsea` dsee˘ e ja` mí˘ cajmitir˘ e júu˘ jo. 14 Jo lajòb lí', lajaléng'˘ dsea` i caliséng' jí'~ ie˘ lami˘ cajá˘ Adán jo ie˘ cartí˘ cajá˘ Moi˘ caliseáb˘ 'mó˘ quiá'r˘, jòba' cajúm˘-bre. Jo calíñ˘ lajò uii˘ jalé˘ dsee˘ e ca'éer˘, lifa' ja` ca'éer˘ dsee˘ e laco' dsee˘ e ca'éé˘ Adán, co' i dsea` do ja` cajmээр˘ núu'r˘ coo' ta˘ caquiú' Fidiée˘. Jo i Adán labing' i líng' cóo' e lí˘ quiá'~ jaang' i niing˘ i nijáa˘ cøøng'gui. 15 Jo ja` cuøøng' cøøng˘-naa' røø˘ e dsee˘ e ca'éé˘ Adán jogui e cacuø' Fidiée˘ jneaa˘aa' e iáang' dsi'í'˘. Dsuco' uii˘ e dsee˘ e ca'éé˘ i Adán do ie˘ jo, jòba' caliseá˘ 'mó˘ fí˘ jmiçüí˘ la, jo mi˘ calí˘ lajò, jòba' lajím˘ dsea` júuñ˘ jóng. Jogui e cang'ing˘naa' quiá'~ Fidiée˘ uii˘ e 'neáaiñ˘ jneaa˘aa' do cajmilir˘ lajò cóo'~ jí'~ 'ñia' Dsea` Jmáang˘. Co' e cajmée˘ Dsea` Jmáang˘ do dseáng'~ ja` sea` e cuøøng' lí˘ cóng˘ cóo'~ e jo, co' la'eáang' jí'~ cóo'~ íb' fím' dsea` jmiçüí˘ tííñ˘ fí˘ quini˘ Fidiée˘. 16 Jo e cang'ing˘naa' quiá'~ Fidiée˘ uii˘ e eáang' 'neáaiñ˘ jneaa˘aa' do ja` cuøøng' lí˘ cøøng˘-naa' cóo'~ e dsee˘

e ca'ée` i Adán do. Co' mi~ ca'éeiñ` do dsee~, joba' canaang` e caliseá' 'mó~ fi' jmiǵüi, jo uii~ joba' ca'naam` dsea' jóng e seeiñ` cøøng` cóo~ Fidiée`. Jo dsu' e cangüing`naa' quiá~ Fidiée` do jmóo` e iñ` jneaa~aa' e nilí'naa' dsea` i ja` røøng` dsee~ fi' quinir`. Jo e jo jmóo` Fidiée` cóo~ jneaa~aa' la'eáang` cóo~ Dsea` Jmáang~, co' íbing' i nica'ling` lajalé` dsee~ quiá~ dsea` jmiǵüi. ¹⁷ Jo dsu' e jáb~', mi~ ca'ée` i Adán do la'uii~ dsee~, joba' canaang` e caliseá' bí quiá~' 'mó~, co' dseáng~' lajím` dsea` jmiǵüi tñiñ` e jo. Jo dsu' eáang`guib sea` bí quiá~' lajii~ e cuø' Fidiée` i fñing` dsea` jmiǵüi e íng`neiñ' e líiñ` dsea` i ja` røøng` dsee~ fi' quinir`. Jo jmóo` Fidiée` lajo la'eáang` cóo~ jii~ 'ñia' Dsea` Jmáang~ uii~ e eáang` guiúiiñ` cóo~ dsea` jmiǵüi. Jo co' lajob líi, joba' røøb` ni'íiñ` í' cóo~ Dsea` Jmáang~ mi~ nití' í' lajo.

¹⁸ Jo co' la'eáang` cóo~ e coo` dsee~ e ca'ée` i Adán do, job mi~ ca'naang` dsea` e seeiñ` cøøng` cóo~ Fidiée`. Jo dsu' la'eáang` cóo~ e coo` e guiú~ e cajmée` Dsea` Jmáang~ fi' dse' crúu~, joba' lana niseab` fi' e lajaléng` dsea` nilíiñ` dsea` i ja` røøng` dsee~ fi' quini~ Fidiée`. ¹⁹ Jo co' ja` cajmée`gui i Adán do núu'r~ lajii~ ta~ caquiú' Fidiée~, joba' lajalém` dsea` jmiǵüi ca'uiiñ` dsea` dsee~ dsea` qui'. Jogui lajobi cajo, la'eáang` e cajmée` Dsea` Jmáang~ núu'r~, joba' íng` Fidiée` i fñim` dsea` jmiǵüi e líiñ` do dsea` i ja` røøng` dsee~ fi' quinir`.

²⁰ Jo mi~ caliseá' e júu` quiú' ta~ e cajme' Moi~ do, joba' eáang`guib calilí` dsea` e røøiñ` dsee~ jóng. Jo dsu' mi~ calimíng~ eáang` dsee~ quiá~ dsea`, joba' Fidiée` eáang`guib caliguiúiiñ` cóo~ jaléng` dsea` nañi' fa' ja` catíiñ` lajo. ²¹ Jo dsu' e jáb~' e dsee~ e ée` dsea` jmiǵüi seab` bí quiá~, co' fi' 'mób~ sí'. Jo dsu' e eáang` guiúing~ Fidiée` cóo~ jneaa~aa' do eáang`guib sea` bí quiá~, co' nica'ím`bre jneaa~aa' e líi'naa' dsea` i ja` røøng` dsee~ fi' quinir`. Jo cajmées` lajo cóo~ jneaa~aa' e laco' nilisee~naa' car` ngongñi` jmiñ` la'eáang` cóo~ Fii'naa' Dsea` Jmáang~.

6

Lafa' dsea' 'míng~ nilí'naa' la'eáang` cóo~ Dsea' Jmáang~

¹ Jo fñi`guíi 'nú', dsea` rú'naa', e ja` cuøøng` e ni'í'gui dsi'naa' e nibeáang~gui dsee~ yee~naa' e laco' eáang`gui niliguiúing~ Fidiée` cóo~ jneaa~aa'. ² iCo' dseáng~ o' lajo! Dsaco' jneaa~aa' lafa' nicajúm~baa' uii~ e nica'náng`naa' jee~ jalé' dsee~ e lamí` quie` nifi' quí`ii'. Jo co' lajob nilí'naa', joba' jo` cuøøng` fa' e nibeáang~gui dsee~ yee~naa'. ³ Dsaco' nine~baa' guiú' e ie~ mi~ cajgáang~naa' jmiñ` uii~ e nilí'naa' dsea' quiá~ Dsea` Jmáang~, joba' lafa' e cajúm~baa' jóng cóo~ dsea` do fi' dse' crúu`. ⁴ Co' ie~ mi~ cajgáang~naa' jmiñ` do líi' lafa' e røøb` ca'áng~naa' cóo~ Dsea` Jmáang~ mi~ cangí e cajúiiñ`. Jogui mi~ cají'tu Dsea` Jmáang~ la'eáang` cóo~ e güea' 'gøng' quiá~ Tiquiá'r` Fidiée~, joba' lafa' cajíb'tu jneaa~aa' cajo e laco' nilisee~naa' e nilí'naa' lafa' dsea' 'míng~.

⁵ Jo co' lafa' cajúm~baa' ie~ lamí` cajúing~ Dsea` Jmáang~, joba' lana lafa' jaam` dsea` nilí'naa' cóo'r~. Jo co' cajíb'tu Dsea` Jmáang~ mi~ cangí jo, joba' jneaa~aa' cajo nijíb'túu' ie~ jo e laco' nilisee~naa' cøøng` cóo'r~. ⁶ Jo nine~baa' guiú' e ie~ mi~ catáng~ Dsea` Jmáang~ fi' dse' crúu~, cacó~bre lajalé` e ja` dseeng` e lamí` jmoo~naa' do, jo lajoba' ca'ím~ e si' fi' quí`ii' e ni'ee~naa' dsee~ do. Jo co' lajob calí~, joba' lana jo` quiú'gui ta~ jneaa~aa' jalé' dsee~. ⁷ Dsaco' fa' mi~ júung~ jaang` dsea`, joba' jo` cuøøng` fa' e nijmirøng`gui 'ñia'r` dsee~.

⁸ Jogui co' jneaa~aa' lafa' nicajúm~baa' røø` cóo~ Dsea` Jmáang~, joba' nitab~ dsi'naa' e dseáng~ nilisee~baa' cøøng` cóo'r~ car` ngongñi` jmiñ~. ⁹ Jo co' cajíb'tu Dsea` Jmáang~ mi~ cangí e cajúiiñ~, joba' guiáb~ nine~naa' e jo` cuøøng`gui fa' e nijúung~tur calé' catú~, co' jo` sea` bí quiá~' 'mó~ fa' e niquiú'~gui ta~ ír'. ¹⁰ Jo coo` ya'ba' cajúing~ Dsea` Jmáang~ fi' dse' crúu` uii~ jalé' dsee~ quí`ii', jo lajoba' ca'íiñ` car` ngongñi` jmiñ~ e bí quiá~' jalé' e dsee~ jo. Jo mi~ cangí jo, cají'tur calé' catú~ e laco' lana niseeiñ` cøøng` cóo~ Fidiée` car` ngongñi` jmiñ~. ¹¹ Jo lajob jaléng` 'nú' cajo 'né~ í' óo'na' e lafa' nicajúm~ba' uii~ e jo` quiú'gui ta~ 'nú' jalé' dsee~ quí'na'. Co' lanagui 'né~ í' óo'na' e seeng`na' cøøng` cóo~ Fidiée` la'eáang` e nilíng`na' jaang` dsea` cóo~ Dsea` Jmáang~.

¹² Jo cò' lajòb líí, dsea`rú`naa' dsea`quíá'- Dsea`Jmáang-, jòba' fíí-guá' 'nú' e ja`cuø'gui fí yaang~na' fa' e dsee- quí-na' quíá'-gui ta~ 'nú' e laco' nijmití'na' lajii~ e lí óo'na' yaang~na'. ¹³ Jo ja`jáang'~ yaang~na' fí ní dsee- e laco' nilisea` fí quí-na' e nijmée^na' jalé' e ja`dseeng` e lí óo'na' yaang~na', dsuco' o' lajò e 'né- jmée^na' lana; cò' lí' lí' 'né- jmée^na' e nijáang'~ yaang~na' fí jaguó' Fidiée~, cò' lana nilíng'na' dsea` i lafa' nicajúng- jogui i lafa' nicají' tu calé' catú-. Jo cò' lajòb nilíng'na', jòba' 'né- jmée^na' e nijáang'~ yaang~na' fí jaguó' Fidiée` e laco' dsea` do nijmér- cóo'~ 'nú' jialco' iin~ e nijmée^na' jmang'- jalé' e guíá-. ¹⁴ Jo jo` 'né-gui fa' e quíá'-gui ta~ 'nú' jalé' dsee- quí-na', cò' lana niseeng'na' uíi~ e eáang` 'neáang` Fidiée` 'nú', jo jo` seeng'na' fa' e quíá'-gui ta~ quí-na' e júu^ quíá' ta~ e cajme' Moi~ do.

Jial laang` dsea` e seeiñ` e jo` quíá' ta~ dsee- ír`

¹⁵ Jo cò' lana nisee-naa' uíi~ e eáang` 'neáang` Fidiée` jneaa~aa' jogui e jo` quíá'-gui ta~ quí-ií' e júu^ quíá' ta~ do, jòba' ja`dseeng` fa' e nibeáang'~gui dsee- yee~naa'. ¹⁶ Jo guíáb- niñí' 'nú' e song nijáang'~ yaang~na' e nijmée^na' ta~ quíá'- jaang` dsea', jòba' 'né- jmití'ba' jóng jalé' ta~ e niquíá'- i dsea` do, cò' lafa' dsea` si'níim~ nilíng- na' quíá'- i dsea` i líng' fíi'na' do. Jo lajòb líí e la, song 'nú' jmití'na' lajii~ ta~ quíá'- dsee- quí-na', jòba' lafa' dsea` i nisijúum- líng'na' jóng, cò' nisi'naam`ba' cóo'~ Fidiée~. Jo dsu' song 'nú'gui jmoo'na' náu'na' júu^ quíá'- Fidiée~, jòba' ni'ím`bre 'nú' jóng e líng'na' dsea` i ja` røong` dsee- fí quinir~. ¹⁷ Dsu' lana guí'máam'~ Fidiée~ uii~ quí'na', cò' ie~ lami~ jéeng'gui do dsee- quí'ba' silíi'~ 'nú', jo dsu' lanagui nicajmití'ba' e ngocáng` óo'na' lajii~ e júu^ quíá'- Fidiée~ e nica'líng'~na' do. ¹⁸ Jo cò' jo` silíi'~gui 'nú' jalé' dsee- quí-na' lana, jòba' nicajáang'~ yaang~na' e nijmée^na' jmang'- lajii~ e guíá-. ¹⁹ Jo nifá'a e júu^ la cóo'~ júu^ e fé' doñí' ií dsea` jmigüi' e laco' ningáng'na' røø` e júu^ la, cò' fíng ja` nijmee~ e lajò, huám`jiu líí quí-na' e ningáng'na'. Cò' 'nú', ie~ lami~ jéeng'gui do, dseáng'- cajáang'~ yaang~na' e cajmee~na' jmang'- jalé' e 'lí' e ja`dseeng`; jo dsu' lajòb lana cajo` 'né- e nijáang'~ yaang~na' fí jaguó' Fidiée~ e laco' nijmée^na' jmang'- lajii~ e guíá- e iing~ dsea` do e nijmée^na'.

²⁰ Jo lajee~ e silíi'~ 'nú' jalé' dsee- quí-na', ja` cajáang'~ yaang~na' fa' e cajmée^na' lajii~ e iing~ Fidiée~. ²¹ Jo jii~ cóo` e guíá- cadsé'na' quíá'- jalé' e ja`dseeng` e cajmée^na' ie~ lami~ jéeng'gui do, cò' lanagui ní'i' líim`ba' cuaiñ~ quíá'- jalé' e jo. Cò' mí~ jmoo` dsea` jalé' e jo, jii~ fí 'mób- si'. ²² Dsu' lanagui jo` silíi'~gui quí-na' jalé' dsee-, cò' lanagui nicajáang'~ yaang~na' fí jaguó' Fidiée~. Jo cò' lajòb nicajmee~na', jòba' lana dseáng'- jmang'- lajii~ e guíá- e iing~ Fidiée~ nijmoo'na' jogui e niliseeng'na' cøøng` cóo'~ dsea` do car` ngongíi' jmíi~. ²³ Jo lajòb líí, dseáng'- jii~ 'mó'ba' íng' dsea` mí` éer` dsee-. Jo dsu' la'eáang` e eáang` 'neáang` Fidiée~ jneaa~aa', jòba' cacuø' e íaang` dsíir' e nilisee-naa' cøøng` cóo'~ Fíi'naa' Dsea` Jmáang- car` ngongíi' jmíi~.

7

Júu^ quíá' ta~ quíá'- dsea` sicúng` guó`

¹ Jo jaléng' 'nú', dsea`rú`naa' dsea`quíá'- Dsea`Jmáang-, nicuí'ba' røø` jial líí jalé' júu^ quíá' ta~ quíá'- Fidiée~, jogui niñí'bi' cajo e e júu^ quíá' ta~ do quíá' ta~ dsea` jii~ lajee~ e seeng` dsea` fí jmigüi'. ² Cò' facò' jaang` dseamí` cacúng'- guór, jòba' dseáng'- ja` cuøøng` fa' e nitiúuñ- i dseañu' quíá'r- do lajee~ e seeiñ` do fí jmigüi', cò' lajòb fé' e fí ní e júu^ quíá' ta~ do. Jogui fíng song cajúng- i dseañu' do, jòba' i dseamí` do jo` catíng- fa' e nijmiti~guir laco' fé' e fí ní júu^ quíá' ta~ do cuaiñ~ quíá'- dsea` sicúng` guó'. ³ Jo song i dseamí` do 'léer' e güiñ` cóo'~ dseañu' i jiéng' lajee~ e seem`bi' i dseañu' quíá'r- do, jòba' dseeb- éer` jóng fí quini~ Fidiée~. Jogui song cajúng- i dseañu' quíá'r- do, jòba' jo` catíng- guir fa' e nijmitir~ laco' fé' e fí ní júu^ quíá' ta~ do cuaiñ~ quíá'- dsea` i sicúng` guó'. Jòba' ja` dsee- ní'ér- fí quini~ Fidiée~ song nicuíñ` guór` cóo'~ i dseañu' i jiéng' do.

4 Jo lajɔb líí cóo~ jaléng' 'nú', dsea` rú'naa' dsea` quiá~ Dsea` Jmáang~, có' la'eáang' cóo~ e cajúng~ Dsea` Jmáang~ fí' dse' crúu^ do, líí lafa' e cajúm~ 'nú' cajo. Jo lana jo` quiu'gui ta~ 'nú' e júu^ quiu' ta~ quiá~ Fidié~ do. Jo calí~ lajo e laco' nilíng'na' dsea` quiá~ Dsea` Jmáang~. Jo có' dsea` quiá~ i dsea` i cají'tu calé' catú~ nilíng'na', joba' lajii~ e iing~ Fidié~ nijmoo'na' lana. 5 Jo ie~ lamí~ jmití'naa' jalé' e ja` dseeng' e lí' dsii' ngúu' táang'naa', e júu^ quiu' ta~ do cali'íng^ ta~ e laco' eáang'gui lí' dsii'naa' e nijmó'naa' jalé' e ja` dseeng' do. Jo jalé' e jo dseáng'~ jii~ fí' 'mób~ si'. 6 Jo dsu' lana jo` quie'gui nifí' qui' ii' lajii~ e fé' e júu^ quiu' ta~ do, có' nilíng'naa' lafa' dsea` i sijúum~, có' jo` silí'gui jneaa'aa' jalé' dsee~ qui' ii'. Jo có' lajɔb nilíí, joba' lana fí' 'máb~ nitée~naa' e nijmoo'naa' la'eáang' cóo~ Jmiguí' quiá~ Fidié~ lajii~ e iing~ Fidié~ e nijmó'oo', jo o' la'eáang' cóo~ e júu^ yuu~ quiu' ta~ do.

Lajii~ dsee~ e sea` quie~e

7 Jo e laba' iin~n fíi' 'nú', dsea` rú'naa' dsea` quiá~ Dsea` Jmáang~, e o' dsee~ e júu^ quiu' ta~ do. iCò' dseáng'~ o' lajo! Dsaco' facò' mí' ja` mí' sea` e júu^ quiu' ta~ do, joba' ja` tóo' jmíi~ caliñi' jnea~ jóng e ee~e dsee~. Có' mí' cajme' jnea~ júu^ e júu^ quiu' ta~ do mí' fé' lala: "Ja` jmoo" e lí' o' jalé' e sea` fí' jmigüí", joba' la'eáang' cóo~ e júu^ jo caliñi' jnea~ e lí' dsii~ jalé' e sea` fí' jmigüí. 8 Jo la'eáang' cóo~ e júu^ quiu' ta~ do cali'íng^ ta~ e laco' jnea~ caliñii~ e eám' ee~ dsee~ fí' jmigüí la uíi~ e eáang' lí' dsii~ jalé' e sea` fí' jo. Dsu' mí' ja` sea` júu^ quiu' ta~, joba' ja` lí' dsea` e éer' dsee~ jóng. 9 Jo nú'gui e ningán'n lajii~ ta~ huí' quiá~ e júu^ quiu' ta~ do, lín~n e seen~ juguiá~ júu^ røøb. Jo dsu' mí' cangán'n røø lajii~ e júu^ jo, joba' eáang'gui casí' fí' quie~e jóng e iin~n ni'ee~e dsee~, jogui e jii~ 'mób~ nisijéé' quie~e uíi~ e jmóo'o jalé' e jo. 10 Jo lajɔb calí~, có' e júu^ quiu' ta~ do e lamí~ lín~n e sí'í' e nijmicóo~ jnea~ e laco' jial niliseen~ juguiá~ júu^ røø, dsu' ja` calí~ lajo, có' ca'leeb' quie~e e lafa' cajúm~baa uíi~ jalé' dsee~ e ca'ee~e do. 11 Dsaco' la'eáang' cóo~ e júu^ quiu' ta~ do cali'íng^ ta~ e laco' jnea~ caliñii~ e jmigóob' jalé' dsee~, có' dseáng'~ jii~ fí' 'mób~ si'.

12 Joba' fíi' 'nú', dsea` rú'naa', e güeam' jalé' e júu^ quiu' ta~ do, jogui lajɔb líí cajo lacoo' e júu^ ta~ huí' do, jogui røøb' quiu' ta~ quiá~ dsea', jogui guiá~bi cajo. 13 Có' e laba' líí e lí' laco' calilí~ e dseáng'~ lajam'ba' líí dsee~ jalé' dsee~ quie~e. Jo e dsee~ quie~e do cajmeáng' ta~ e júu^ ta~ huí' quiá~ Fidié~ do e laco' casíng' jnea~ fí' 'mó'. Jo lajɔba' la'eáang' cóo~ e júu^ ta~ huí' do cajo' júu^ e dseáng'~ lajam'ba' 'lí' jalé' dsee~ quiá~ dsea'.

14 Jo nine'baa' røø e Fidié~bing' cacuo' e júu^ quiu' ta~ do, jo dsu' jnea~gui lín'n jii~ dsea' jmigüib', jogui jaang' i jmiti~ lajii~ ta~ quiu' dsee~ quiá~. 15 Jo jii~ 'ñiá'a ja` ngán'n ee' jalé' e jmóo'o, dsaco' ja` jmóo'o jalé' e iin~n 'ñiá'a, có' jalé' e 'ní' máam'baa, e joba' jmóo'o. 16 Jogui song jmóo'o jalé' e ja` iin~n jmee~e do, joba' cóo~ e jo cuøø~ lí' e eám' guiá~ e júu^ quiu' ta~ do. 17 Jo lajɔb líí, dsaco' o' 'ñiá'a dsea' jmóo'o jalé' e ja` dseeng' do, dsaco' dsee~ quie~baa e quiu' ta~ e jmóo'o jalé' e jo. 18 Có' nicuíim' 'ñiá'a e dsea' dsee~ dsea' quib' lín'n, joba' jii~ cóo' e guiá~ lí'i jmee~ nañí' fa' eám' iin~n e nijmee~e jalé' e guiá~, lifa' dseáng'~ ja` lí'i e nijmee~e jalé' e jo. 19 Dsu' ja` jmóo'o jalé' e guiá~ e iin~n jmee~e, có' jmang'~ jalé' e ga' e ja` iin~n jmee~baa, dseáng'~ e joba' jmóo'o. 20 Jo song jmóo'o jalé' e ja` iin~n jmee~e do, joba' o' 'ñiá'a dsea' jmóo'o jalé' e jo, dsaco' dsee~ quie~baa quiu' ta~ jnea~ e jmóo'o jalé' e lajo.

21 Joba' nicalilí'i e nañí' fa' iim~baa jmee~e jalé' e guiá~, dsu' jmang'~ jalé' e ga'ba' lí'i jmóo'o. 22 Dsaco' eám' iin~n e nijmitii' jalé' júu^ quiu' ta~ e cajme' Moi~; 23 lifa' e dsee~ quie~e do eám' quiu' ta~ jnea~ jogui eám' silí' jnea~ cajo, có' 'ní' níim~ rúng' cóo~ lajii~ e í' dsii~ e iin~n nijmee~e.

24 iE ngí~ fíib^ jnea~! ¿I~ i nileáng~ jnea~ jee~ jalé' dsee~ quie~e e laco' ja` nijúun~n uíi~ e jo? 25 Jo dsu' jnea~ í' dsii~ e nijmitii~ e júu^ quiu' ta~ do, dsu' jnea~, dsea' dsee~ dsea' quib' lín'n, joba' ja` lí'i nijmee~e lajo, có' dsee~ quie~baa quie' nifí' quie~e. Jo lajɔb líí, lifa' gui'máang' Fidié~ e nicaléaaiñ' jnea~ jee~ jalé' e jo la'eáang' cóo~ Fíi'naa' Dsea' Jmáang~.

8

Jial seeng` dsea` e Jmiguu` quia`- Fidié` quie` nif` quia`r`

¹ J_oba' fí-guú' 'nú', dsea` rú'naa' dsea` quia`- Dsea` Jmáang-, e lajaléng` jneaa`aa', dsea` lí'naa' dsea` i seeng` cøøng` cóo`~ dsea` do, jo` quí'~ jmíi` fa' e cuø'~gui dsea` dsee` jneaa`aa'. ² J_o laj_ob nilí'naa', cø' e bí 'gøng' quia`- Jmiguu` quia`- Fidié` cóo`~ e cuø' e see`-naa' cøøng` cóo`~ Dsea` Jmáang-, e j_oba' e nicaleáang` jneaa`aa' jee` bí quia`- dsee` j_ogui jee` bí quia`- 'mó- cajo. ³ J_o e júu` quíu' ta` do ja` caquú'~ jmíi` fa' e caleáang` jneaa`aa' jee` bí quia`- dsee` quí-ii'. Cø' e júu` j_o ja` sea` bí quia`- fa' e cajmée` laj_o uíi'~ e quíu' ta` quia`- dsea` i líng` dsea` dsee` dsea` quí. J_o dsu' lana Fidié` nicajmée` bre jalé' e ja` caquú'~ jmíi` cajmée` e júu` do. Cø' nicasiñ` i J_oor` camíng'~ do e liñ` do jaang` dsea` jmigúu` i sea` ngúu' táang` la jneaa`aa'. J_o cajmée` Fidié` laj_o e laco' cajáiñ` i J_oor` do e cajúñ`- do fí dse' crúu`, j_o laj_oba' ca'iñ`- conguaí e bí quia`- jalé' dsee` quia`- dsea` jmigúu'. ⁴ J_o cajmée` Fidié` laj_o e laco' jneaa`aa' quí'~naa' jmíi` e nijmití'naa' laco' catíng- e júu` quíu' ta` do. Cø' jo` see`-naa' fí jmigúu' la e jmoo`-guú' jalé' e lí dsí' ngúu' táang`naa', dsu' lana nisee`-naa' e nijmoo`-naa' lí' laco' la iing` Jmiguu` quia`- Fidié` e nijmó`naa'.

⁵ J_o jaléng` dsea` i seeng` e guing`~ dsír' laj_í~ e lí dsí' ngúu' táaiñ` lico' seeiñ` e jmitir` dseáng'- laj_í~ e j_ob dseáng'. J_o dsu' jaléng`gui dsea` i seeng` lí' laco' la iing` Jmiguu` quia`- Fidié` e seeiñ, j_oba' dseáng'- j_í~ e iing` e Jmiguu` do guing`~ dsír' e jmóor`. ⁶ J_o dseáng'- j_í~ fí 'mób- dseáng'- sí' quia`- jaléng` dsea` i jmóo` laj_í~ e lí dsí' ngúu' táaiñ. J_o dsu' jaléng`gui i jmóo` laj_í~ lí' laco' la iing` Jmiguu` quia`- Fidié`, j_oba' jaléng` í juguiá- júu` røøb` niliseeñ` lata` cóo`~ Fidié`. ⁷ J_o jaléng` dsea` i guing`~ dsí' e iñ` jmér- laj_í~ e lí dsí' ngúu' táaiñ, j_oba' i dsea` í 'ní' ním- bre Fidié`, dsuco' ja` iñ` o'gui quí'r` jmíi` fa' e nijmér- náu'r` laj_í~ júu` quíu' ta` quia`- dsea` do. ⁸ Cø' jaléng` dsea` i jmiti- laj_í~ ta` quíu' e lí dsír' yaaiñ` ja` quí'r` jmíi` fa' e nilí'áang` dsí' Fidié` cóo`r`.

⁹ J_o dsu' 'nú'gui, dsea` nilíng`na' dsea` quia`- Dsea` Jmáang-, jo` seeng`na' fa' e jmití'gui' laj_í~ e lí óo`na' yaang`na', cø' lana niseeng`na' e nijmoo`na' laj_í~ e iing` Jmiguu` quia`- Fidié` e nijmée`na'. J_o lí' laj_o, cø' seeng` Jmiguu` quia`- Fidié` cóo`~ 'nú'. J_o i dsea` i seeng` e ja` seeng` Jmiguu` quia`- Dsea` Jmáang- cóo`r~, j_oba' i dsea` í ja` líiñ` dsea` quia`- dsea` do jóng. ¹⁰ J_o ja` ee` lí' e nisi'íng` e ni'íng`- ngúu' táang`na' mí nití- í' e nijúung`na' uíi'~ e líng`na' dsea` dsee` dsea` quí, dsuco' seem` Dsea` Jmáang- cóo`~ 'nú', j_ogui seem` jmiguu` quí'na' cajo. J_o lí' laj_o uíi'~ e nica'ím' Fidié` 'nú' e nilíng`na' dsea` i ja` røøng` dsee` fí quinir`. ¹¹ J_o la'eáang` cóo`~ Jmiguu` quia`- Fidié` cajmée` e cají'tu Jesús mí cang` e cajúñ-. J_o e Jmiguu` j_ob cajo seeng` cóo`~ 'nú' lana, j_oba' 'ñiab' Fidié` nijmér- e nijí'tu 'nú' calé' catú- mí nití- í' laj_o. J_o nijmér- laj_o cóo`~ 'nú' la'eáang` cóo`~ Jmiguu` quia`r` e seeng` cóo`~na' lana.

¹² J_o laj_ob lí', dsea` rú'naa' dsea` quia`- Dsea` Jmáang-, dseáng'- lajam`^ba' 'né- e see`-naa' e jmoo`-naa' laj_í~ e iing` Jmiguu` quia`- Fidié` e nijmó`oo', j_o dseáng'- ja` catíng`-naa' e nijmó`guú' laj_í~ e lí dsí'naa' yee`naa'. ¹³ J_o dsu' song mí 'noo`bi' seeng` 'nú' e jmoo`na' laj_í~ e lí óo`na' yaang`na', j_oba' dseáng'- conguaí' jóng ni'náng`na' cóo`~ Fidié`. J_ogui dsu' song la'eáang` cóo`~ Jmiguu` quia`- Fidié` niquiung`^na' conguaí e jmoo`na' jalé' e j_o, j_oba' latab` niliseeng`na' cóo`~ Fidié` jóng.

¹⁴ J_o jaléng` dsea` i seeng` e Jmiguu` quia`- Fidié` quie` nif` quia`r`, j_oba' í'bing' dseáng'- i líng` j_oo' Fidié`. ¹⁵ Dsuco' Fidié` nicacuø'r` 'nú' Jmiguu` quia`r` e laco' ni'uíng`-na' j_oor` j_o o' laco' e nilíi'~tu 'nú' cóo`~ jalé' e 'gó'na' contøøng-. Dsuco' la'eáang` cóo`~ e Jmiguu` quia`- Fidié` do see`-naa' e cuøøng` lí sh`naa' cóo`r` j_ogui e sí'~naa'r` lala: "¡Teaa`!" ¹⁶ J_o e Jmiguu` quia`- Fidié` do røøb` síng` cóo`~ jmiguu` quí-ii' e laco' nita` dsí'naa' e dseáng'- já'~ba' e nilí'naa' j_oo' Fidié`. ¹⁷ J_o uíi'~ e dseáng'- nilí'naa' j_oo' Fidié`, j_oba' ni'ím`~baa' jalé' e catí'~naa' e sí'í' nicuø'r` jaléng` j_oor` lí' laco' j_í~ júu` e nicacuø'r` lamí` jéeng`gui.

Jō jalé' e jō conrøøb` quí-ii' cóo'~ Dsea` Jmáang` song dseáng'~ lajang'` ni'íing'~naa' jalé' iihuú' uíi'~ e lí'naa' dsea` quiá'r'. Jō song nijmé^naa' lajō, jōba' conrøøb` nilisee~naa' cóo'r' fí' lí' niing` 'gøiñ' mĩ' nití' í' lajō.

Eáam' jlo'^ jalé' e niñing`na' quiá'- Fidié'

¹⁸ Jō fii` guú' 'nú', dsea` rú'naa' dsea` quiá'~ Dsea` Jmáang` , dseáng'~ nitab` dsii` e lajalé' iihuú' e dsingúing`naa' lajee` lana fí' jmigú' la ja` ee` tí' song nicøong`naa' cóo'~ mĩ' tí' lí' nilisee~naa' cøong` cóo'~ Fidié' fí' ñifí' quiá'r'. ¹⁹ Jō lajalé' e cajmée` Fidié' dseáng'~ eáam' nisijeeng` e jmii` e nijmijnéeng` Fidié' jaléng' dsea` quiá'r' i líng' jóor'. ²⁰⁻²¹ Jō ni'íim` lajalé' e sea` fí' jmigú', co' jmang'~ e cuøong` ni'íim`ba' sea`. Jō lí' lajō dsu' ofa' e lajō iing` e lí', co' lí' lajō uíi'~ e lajō cali'íing` Fidiéeb'. Jō ja` ee` lí' lí' lí' lajō, co' nitab` dsii' e jmang'~ jalé' e 'mii' e jlo'^ niing` nilisea` ie` jō lí' laco'gui nilíing` jaléng' dsea` quiá'~ Dsea` Jmáang`. ²² Jō guiáb` nine`ee' e cartí' lanab lajalé' e cajmée` Fidié' e sea` fí' jmigú' eáam' quie' iihuú' jogui dsíng'~ seáang` dsii' cajo dsu' uíi'~ e nisijeeng` e nileáng` jee` jalé' iihuú' lí' laco' lí' cóo'~ jaang` dseam' i' tí' lí' niliseeng` jiuung` quiá'~. ²³ Jogui o' jii'~ e sea` fí' jmigú' dsingúing` lajō, co' lajōb dsingúing` jneaa`aa' cajo, dsea` nicangúing`naa' Jmiguí' quiá'~ Fidié' jéeng'gui e laco' cuø' lí' quiá'~ jalé' e niñing`naa' cøong`gui. Jō dseáng'~ eáam' nisijeeng`naa' ie` jmii` mĩ' dseáng'~ ni'íng' Fidié' jneaa`aa' e lí'naa' dseáng'~ jóor'. Jō ie` jō nileáañ` jneaa`aa' congua', co' nijmisim`bre jialco' lí' ngúu' táang`naa'. ²⁴ Jō co' nicalaam`baa' jee` jalé' dsee` quí-ii', jōba' nitab` dsii'naa' e ni'íim`baa' lajii'~ e nisijeeng`naa' do e catii`naa' quiá'~ Fidié'. Jō song nijøø`baa' lajii'~ e nisijeeng`naa' do, jōba' jō` ee` ta`gui jóng e sijeeng`guú' e jō. Co' doñi' ee' e niní' dsea`, jō` 'né`gui fa' e nijéng`guir e ni'íñ' e jō. ²⁵ Jō co' ja` mĩ' jøø`guú' lajii'~ e nisijeeng`naa' e ni'íing`naa' quiá'~ Fidié' do, jōba' 'né` e dseáng'~ ja` nilitúng` dsii'naa' e sijeeng`naa' e jō.

²⁶ Jogui e Jmiguí' quiá'~ Fidié' e nicangúing`naa' do, e jōba' e jmicóo'~ jneaa`aa' uíi'~ e ja` quíi'naa' jmii` jmé^naa' yee`naa'. Co' faco' mĩ' ii`naa' sñng`naa' cóo'~ Fidié', ja` quíi'naa' jmii` jmé^naa' laco' sí'í'. Jōba' e Jmiguí' quiá'~ Fidié' e seeng` cóo'~ jneaa`aa' do, e jōba' e mĩ' uíi'~ quí-ii' laco' sí'í' fí' quini' Fidié'. Jō jmóo` lajō dseáng'~ e jii'~ ja` sea` júu` jial nifé' e mĩ' uíi'~ quí-ii' e Jmiguí' do. ²⁷ Jō Fidié'bing' dseáng'~ i' niñi' jialco' jii'~ í' dsii' lajaang` lajaang` dsea`, jogui niñi'bre guiá' cajo e` jmi'ee' mĩ' e Jmiguí' quiá'r' do. Co' e Jmiguí' do mĩ' jmi'ee' uii' quiá'~ lajaléng' dsea` quiá'~ Fidié' lí' jialco' la iing` dsea` do 'ñia'r' e nilí'.

Dseáng'~ lí'baa' jee` jalé' iihuú'

²⁸ Jō guiáb` nine`naa' e lajalé' e dsingúing`naa' fí' jmigú' la, jmóo` Fidié' lajō e laco' ni'uíing` guiá' quí'naa', dsea` lí'naa' dsea` quiá'r' i' 'neáang` ír'. Co' dsea` do nicaguíñ' jaléng' jneaa`aa' e laco' nijmó`naa' jialco' iin` 'ñia'r' e ni'uíing`. ²⁹ Jō lajii'~ latí' mĩ' uiiing` niñi' Fidié' i' jaléng' i' nilíing` dsea` quiá'r'. Jō lajii'~ latí' ie` jō cajo cali'íiñ` e lajaléng' í' ni'uíiñ` dseáng'~ laco' líng' i' Jóor' Dsea` Jmáang` do, jō lajōba' i' Jóor' camúing` do ni'uíiñ` jaang` i' niing`gui jee` lajaléng' i' rúin' do. ³⁰ Jō jaléng' dsea` i' nisi'íing` quiá'~ Fidié' jii'~ latí' mĩ' uiiing` do, nicatø'bre jaléng' í' e laco' ni'uíiñ' do dsea` quiá'r'. Jō jaléng' dsea` i' nicatø'r' do nica'íng'neiñ' e nilíiñ' dsea` i' ja` røøiñ` dsee` fí' quinir'. Jogui jaléng' í' nicangúin' quiá'~ dsea` do e nicuøong` e niliseeiñ` cóo'~ dsea` do fí' ñifí' quiá'r' fí' lí' niing` 'gøiñ'.

³¹ Jō co' lajōb lí', jōba' ¿e` cuøong` lí' fé'gui jóng? Jō co' Fidié'bing' i' sing' uii' quí-ii', jōba' jii'~ jaang` jō` ii' quíi'gui jmii` nijme'^ guiáa' jneaa`aa'. ³² Jō Fidié' ja` ca'áaiñ' í', co' cacuøøm`bre i' Jóor' Dsea` Jmáang` do e laco' cajáañ' e cajúañ' do fí' dse' crúu' uíi'~ quí-ii', dsea` lí'naa' dsea` quiá'r'. Jō co' lajōb cajméer', jōba' lana cuøong` lí' fe`ee' e nicuø`bre cajo e íaang` dsii' lajalé' e 'né`naa'. ³³ Jō jaléng' jneaa`aa', dsea` i' nicaguíng' Fidié', jii'~ jaang` cuøong` lí' cuø'gui jneaa`aa' dsee` fí' quinir'. Co' 'ñiab' Fidié' dsea` nica'íñ'

jneaa~aa' e laco' lana nilí'naa' dsea`i ja` røøng` dsee` fí` quinir`. ³⁴ Jo uí' e nilí'naa' lajo, joba' jo` ií` quí'~gui jmi~ fa' i nijmi'náng`gui jneaa~aa' cóo'~ Fidié`. Co' Dsea` Jmáam`bing' i cajúng` fí` dse` crúu` uí'~ dsee` quí`-ii', jogui dsea` íb` cajo i cají'tu calé` catú` mí` cangf` jo; jo dsu' lana dob niguiiñ` fí` ñifí` lí' lí' dséé` laco' guing` Tiquiá'r` Fidié` e mir' uii` quí`-ii', dsea` lí'naa' dsea` quiá'r`. ³⁵ Joba' lana dseáng`- nitab` dsí'naa' e jí'~ jaang` o'gui jí'~ cóo` cuóøng` lí` jníng` quí`-ii' e 'neáng` Dsea` Jmáang` jneaa~aa' nañí' fa' e íng'~naa' iihuí` osi e huíng` dsijéé` quí`-ii' é, osi e jmáng` dsea` jneaa~aa' ga` dsu' uí'~ e lí'naa' dsea` quiá'- Dsea` Jmáang`- é, osi e ja` 'ga' lí' sea` e quiee`naa' é, osi e nijngám'~bi dsea` jneaa~aa' é. Jo lajalé` e na jí'~ cóo` cuóøng` lí` jníng` e 'neáng` Dsea` Jmáang` jneaa~aa'. ³⁶ Jo dseáng`- lajob lí' lí' laco' fé' fí` ní` jì` quiá'- Fidié` lí' fé' lala:

Jo uí' e lí'naa' dsea` quiá'-

joba' contøøm` dseáng`~ see`-naa',

co' gab` jmáng` dsea` jneaa~aa'

lí' laco' la dsingúng`- jaang` jo'se` i tí' lí` nijngáng`- dsea`.

Jo lanab fé' júu` quiá'- Fidié`.

³⁷ Jo lajaléb` e dsingú`-naa' lajee` see`-naa' fí` jmigüí` la ja` jmóo` guiáa' jneaa~aa', co' Dsea` Jmáam`bing' i jmicóo'~ jneaa~aa' uí'~ e eáng` 'neáaiñ` jneaa~aa'. ³⁸⁻³⁹ Joba' fí' i 'ná', dsea` rú'naa', e dseáng`- lajam` nita` dsii` e jí'~ cóo` quí'~ jmi~ e nijmi'náng` jneaa~aa' e eáng` 'neáng` Fidié` jneaa~aa'; co' ja` quí'~ jmi~ jmé` lajo 'mó`, o'gui jalé` e dsingúng`-naa' lajee` see`-naa', o'gui jaléng` ángeles quiá'- Fidié`, o'gui jalé` guí` e í' fí` guiá' güí, o'gui jalé` e dsingú`-naa' lajee` lana osi lí' dsé`gui é, o'gui jalé` e sea` fí` yá' jmigüí, o'gui jalé` e sea` fí` ná' uó-, o'gui lí' doñí' ee` e cajmé` Fidié` e sea` fí` jmigüí. Co' jí'~ cóo` ja` cuóøng` fa' e nijmé` e ni'náng`naa' e eáng` 'neáng` Fidié` jneaa~aa'. Jo e jo nicajmitar` dsí'naa' la'eáng` cóo'~ Fí'naa' Dsea` Jmáang`.

9

Mi` caguíng` Fidié` dsea` Israel e ni'uíñ`- dsea` quiá'r`

¹ Jo fí' guí' 'nú', dsea` rú'naa', e dseáng`- júu` jáb' fá'- jnea` la, co' dsea` quiá'- Dsea` Jmáam` lán'n. Jogui e Jmiguí` quiá'- Fidié` e quie` nifí` quiá'- jalé` e í` dsii`, e joba' tí' ní` e dseáng`- ja` fá'-baa júu` ta` júu`. ² Jo dseáng`- eám` ljiuung` dsii` jogui dseáng`- contøøng` e cu' dsii` jaléng` dsea` góo'o dsea` Israel. ³ Co' jnea` jì`gui cartí` iin`n e si'lin`n fí` quini` Fidié` e laco' si'naan` cóo'~ Dsea` Jmáang` e faco' lajogui e nilí' i e nijmicóo'~o jaléng` i dsea` góo'o do e laco' ja` ni'íñ` iihuí` uí'~ jalé` dsee` quiá'r`. ⁴ Jo dsea` siju` dsea` Israel líng` jaléng` í` lí' laco'gui la líng` jnea` cajo. Jo Fidié`bing' i nicaguíng` jaléng` jnea` e laco' nica'uíng`-naa' dseáng`- jóor'. Jo contøøng` caliséng` Fidié` fí` jee` jaléng` dsea` áang` quí`-ii' e jmijnéiñ` jial tí' jlo' líiñ` cóo'~ jalé` e quí'r` jmi~ jmóor`. Jogui cajmirør` júu` cóo'~ jaléng` i dsea` í, jogui cacuø`bir cajo júu` quiá' ta` quiá'r`. Jogui cajím'~bir jial 'né` e nijmiféiñ` do ír` laco' catúng`, jogui cajím'~bir cajo ie` jo e nicuø`-breiñ` do lajee` ngóo'guijia jalé` e catúñ` lí' laco' júu` e nicacuø`reiñ` lami` jéeng`gui. ⁵ Jo jaléng` i dsea` í, dsea` siju` 'lí' dsea` cóøng` quíé`-baa líiñ`. Jo Dsea` Jmáang` fí` jee` job cagüi'fir cajo ie` lami` cajar` fí` jmigüí la e líiñ` jaang` dsea` jmigüí. Jogui Dsea` Jmáang` Fidiéeb` líiñ` cajo i quie` nifí` quiá'- lajalé` e sea` fí' la'úng` fí` jmigüí. Jo co' lajob líiñ`, joba' contøøm` 'né` e nijmiféng`naa're. Jo lajob 'né` lí'.

⁶ Dsu' ofa' cajé` e ja` cajmiti` Fidié` lají' júu` quiá'r` e cacuø'r` dsea` Israel; co' cajmiti`bre jalé` e júu` jo, lifa' e ja` lajüng` dsea` siju` dsea` Israel dseáng`- já'- líiñ` dsea` quiá'- Fidié`. ⁷ Jogui o' lajüng` dsea` siju` 'lí' yúu'~ Abraham líiñ` dseáng`- jóo' dsea` do, dsuco' lami` jéeng`gui lalab casí'- Fidié` i 'lí' yúu'~ Abraham do: "Jaléng` dsea` i dseáng`- já'- i nilíng` siju'~ niliseeiñ` la'eáng` cóo'~ jóo' i sii` Isáa'." ⁸ Jo uí' e júu` na, joba' lana cuóøng` fe`ee' e o' lajaléng` dsea` siju` 'lí' yúu'~ Abraham dseáng`- já'- líiñ` jóo' Fidié`, co' dseáng`- o' lajo. Dsaco' lají' dsea` i seeng` i já'- líng` lají' júu` e cacuø' Fidié` i 'lí'

yúu~ Abraham do lami~ jéeng'gui, lajii~ í'bing' i dseáng'- já'- líng' jóo' Fidiée'. ⁹ Dsuo' e lab júu^ e cacuo' Fidiée' i 'lii~ yúu~ Abraham do lami~ casí'r- lala: "Coo' lajee' lana, lajee' jii' ni'f, nigáa'túu, jo i dseamf' quíi'- i sii' Sara niliseeng' jaang' yuu~ siñuu^ quíá'r-."

¹⁰ Dsu' o' jii~ e jo, co' lajob cajméer' cajo cóo' i dseamf' i sii' Rebeca do i caliséng' jiuung~ suung~ quíá'- . Jo i tiquíá' i jiuung~ í, íb' i líng' 'lii~ yúu~ quí-i' i sii' Isáa'. ¹¹⁻¹³ Jo ná'-gui e niliseeng' i jiuung~ dsea` suung~ do, lajee' e ná'-gui e ja` mí cajméeeiñ' do jii~ coo' e guiá'- osi e ja` dseeng' é, jo lajii~ latí' ie~ job cajíng'- Fidiée' lala e casí'r- i Rebeca do: "I jiuung~ dsea` suung~ i niliseeng' quíi'- nifí, í'bing' i nijmé- ta~ quíá'- i jiuung~ i niliseeng' cøøng'guijia do." Jo røøb' cøøng' e júu^ na lí^ laco' la fé' Fidiée' fí' ni~ jì quíá'r- lí fé' lala: "Jo eáang' cajmi'neáang' jnea~ i Jacóo' do, dsu' ja' cajméee' lajo cóo' i Esaú do." Jo cóo' e júu^ na jmíta~ dsí'naa' e 'ñiab' Fidiée' sea' fí' quíá'r- e niguiñ' dsea' i iñ~ i ni'uíng- dsea' quíá'r- lí^ laco' iñ~ e nijméiñ'- do, jo ja' e lí' su nicajméer' e guiá'- osi e ja' mí cajméer' lajo é.

¹⁴ Jo uíi~ jalé' e na ja` cuøøng' lí fe'ee' fa' e Fidiée' ja` ír' í' røø' laco' catíng-, jco' dseáng'- o' lajo! ¹⁵ Co' lalab cajíng'- Fidiée' ie~ mali~gui do, ie~ lami~ casí'r- Moi' lala: "Guiúm- baa nijmee~ e cóo' lajaléng' dsea' i iin~ n nijmee~ e cóo' lajo, jogui nilí' fí' lín- n cajo cóo' jaléng' i iin~ n i nijmee~ e cóo' lajo." ¹⁶ Jo lajob lí, co' 'ñiab' Fidiée' i fí' líng- dsea' lí^ jialco' iñ~ e nijmér- cóo' lajaang' lajaang' dsea'. Co' ja' jmóor' jialco' iing~ dsea' o'gui jialco' bí' cuø' yaang~ dsea' cajo. ¹⁷ Jo lanab lí' e júu^ na lí^ laco' la fé' fí' ni~ jì quíá'- Fidiée' lí' sí'r' i dseata~ dsea' féng' quíá'- Egipto ie~ mali~gui do, ie~ lami~ cajíñ'- lala: "Cacuøø-ø' nu' e lín' dseata~ dsea' féng' e laco' niliñí' dsea' fí' la'úng- fí' jmigüí' jial tí' e 'gøng' jnea~, jogui e niliñí' dsea' cajo e jii~ jneab~ lín'n Fidiée' quíá'- lajaléng' dsea' i seeng' fí' jmigüí'." ¹⁸ Jo lajob lí, co' Fidiée' fí' lím-bre jaléng' dsea' i iñ~ nijmér- cóo' lajo, jogui jmóo'bir cajo e ue' dsí' jaléng' i dsea' i ja' iing~ ninú- júu^ quíá'r-.

¹⁹ Jo uíi~ e júu^ na, joba' cuøøm' sea' lí' jmíngí' nu' jnea~ lala: "¿Jialí' cuø' Fidiée' jneaa~aa' dsee- cóo' jalé' dsee- e ee-naa'? Co' jii~ jaang' cuøøng' lí' jníng- jalé' e iing~ dsea' do e nijmér-." ²⁰ Jo dsu' jnea~ fí' i nu', dsea' lín' jii~ dsea' jmigüí', e ja' sea' fí' quíi'- fa' e nifí' Fidiée' e~ uíng~ sea' quíá'- jalé' e jmóor'. Cofa' coo' tu' ja' fí' sea' quíá'- fa' e nisí' i dsea' i cajméee' do: "¿Jialí' cajmeaan'- jnea~ lala?" ²¹ Co' i dsea' i jmóo' tu' do seab' fí' quíá'r- e nijmér- doñí' ee' iñ~ cóo' e guóo' e jmáiñ' ta~ do. Co' cóo' e guóo' job cuøøng' lí' jmér- coo' tu' e nijmeáiñ' ta~ jii~ mí' jmí~ níng- osi e nijmér- coo'gui e nijmeáiñ' ta~ laco' jmí~ laco' jmí~ é.

²² Jo Fidiée' calí'iñ~ e nijmijnéeiñ' jial tí' 'gøiñ' jogui jial e nicuø'r- iihuí' jaléng' dsea' uíi~ quíá'- jalé' dsee- quíá'iñ'- ; jo dsu' ja' mí' cajméer' lajo uíi~ e eáang' jmóor' té'r' e féng' dsí'r' cóo' jaléng' i dsea' i catíng- ni'íng' e iihuí' jo jogui i catíng- ni'íng- congua' fí' lí' 'lí'. ²³ Jo Fidiée' iñ~ e jmili-bre cajo cóo' jneaa~aa' jial tí' jlo^ níng- 'gøiñ' cóo' jalé' e quíi'r- jmí~ jmóor', co' calí' fí' líiñ- jneaa~aa', joba' latí' mí' uim~ caguiéeeiñ' jneaa~aa' guiá'- e laco' nilisee-naa' cóo'r- fí' lí' níng- 'gøiñ'. ²⁴ Jo nicatø' Fidiée' jneaa~aa', dsea' i eáang' 'neáaiñ', e laco' nica'uíng-naa' dsea' quíá'r-, jo ja' ee' lí' si lí'naa' dsea' Israel osi ja' lí'naa' lajo é. ²⁵ Jo lajob lí' lí' laco' la fé' Fidiée' fí' ni~ jì e cajme' Oseas ie~ mali~gui do ie~ lami~ café' Fidiée' lala:

Jaléng' dsea' i ja' mí' calíng' dsea' quíe- e,
 dsu' lana nifí'ire e dsea' quíe- baa nilíiñ';
 jogui jaléng' dsea' i ja' mí' cajmi'neáan' lami~ jéeng'gui,
 dsu' lanagui nijmi'neáam' baa jaléng' í.

²⁶ Jo fí' ni~ e jì job cajo fé'gui Fidiée' lala:
 Cartí' lana ja' líng'na' dsea' quíe- e,
 jo dsu' lanagui jóo' baa nilíng'na' quíe- jnea~, dsea' lín'n Fidiée' i seeng' car' ngongí' jmí~.

Jo lanab lí' júu^ quíá'- Fidiée' e cajme' Oseas.

27 Jo lalab fé' Saí' fí' ní' jì' quiá' Fidié' cuaiñ' quiá' jaléng' dsea` Israel:
Nañ' fa' jialgui la fíng' jaléng' dsea` Israel

lí' laco'gui la jmguiá' tóo' e néé' fí' 'ní' jmiñí',
jo dsu' jii' tú' 'ní' mím'bing' i nilí' nileáng' jee' jalé' iihu' e nijaquíéng'.

28 Co' jo' huøø' nidsé'gui e dseáng' nijmiti' Fidié' laco' sí' e 'goo' e nica'fir' lami'
jééng'gui quiá' lajaang' lajaang' dsea` jmguiá'.

29 Jo lalab café'gui Saí' ie' malii'gui do cajo:
Jo faco' Fidié' i quí' jmi' jmé' doñi' ee'

ja' caseáaiñ' tú' 'ní' míng' dsea' siju'naa', dsea` Israel,
joba' dseáng' conguiab' nica'íiñ' jnea' jóng

lí' laco'gui cajméer' cóo' jaléng' dsea' i caliséng' fí' Sodoma cóo'gui fí' Gomorra.
Jo lanab fé' Saí' fí' ní' jì' quiá' Fidié' e cajme'r' ie' malii'gui do.

Catím' dsea` Israel júu' quiá' Dsea` Jmáang' cajo

30 Jo uí' quiá' jalé' e júu' na, joba' nicuøøng' lí' fe'ee' lana e nica'ím' Fidié' jaléng'
dsea' i ja' líng' dsea' Israel e niliñ' do dsea' i ja' røøng' dsee' fí' quinir' dsu' uí' e ja'
caliñ' do júu' quiá' dsea' do, nañ' fa' ja' cajméeiñ' do quijí' jial e ni'íng' Fidié' ír'. 31 Jo
dsu' jaléng' dsea' i líng' dsea' Israel i eáang' cuø' bí' yaang' e jmitir' la'uiing' jalé' júu'
quiá' ta' e laco' ni'íng' Fidié' ír' e líiñ' dsea' i ja' røøng' dsee' fí' quinir', jo dsu' ja' calí'r'
lajo. 32 Jo dsu' ja' calí'r' lajo uí' e cacuø' bí' yaaiñ' e jmitir' laco' catíng' e júu' quiá' ta'
do e laco' lajo ni'íng' Fidié' ír' e líiñ' dsea' i ja' røøng' dsee' fí' quinir'. Jo co' lajob cajméé'
dsea' Israel, joba' cangongím' bre e caquiuiñ' cóo' e cuu' e quiung' dsea'. 33 Co' lalab
fé' fí' ní' jì' quiá' Fidié' lí' fé' dsea' do lala cuaiñ' quiá' Dsea' Jmáang':

Niquiee' e cóo' cuu' fí' Sión,

jo cóo' e cuu' jo seem' dsea' i niquiung'.

Jo dsu' jaléng' dsea' i ja' líng' júu' quiá' Fí'naa' Dsea' Jmáang',

joba' ja' niligøøiñ' cóo' e jo,

co' Dsea' Jmáam'bing' líng' lafa' e cuu' do.

10

1 Dsea' rú'naa' dsea' quiá' Dsea' Jmáang', e laba' iin' car' ngocáng' dsii' jogui mii'í' Fidié', e jaléng' dsea' góo' dsea' Israel nileáiñ' jee' jalé' dsee' quiá'r'. 2 Jo jnea' fá'a uí' quiá'r' e eáam' iñ' nijmér' lajii' e iing' Fidié', lifa' ja' jmóor' dseáng' laco' iing' 'ña' Fidié' e nijmé' jaléng' dsea' quiá'r'. 3 Dsaco' i dsea' í' ja' iñ' ningáiñ' jial e íng' Fidié' dsea' e líiñ' do dsea' i ja' røøng' dsee' fí' quinir'. Jo co' lajob líiñ', joba' yaam'bre 'nó'r' jial e ni'íng' dsea' do ír' la'eáang' cóo' jalé' e la' tiiñ' yaaiñ', jo cab' 'náaiñ' jalé' e nicagua' Fidié' uing' e nilí' dsea' lajo. 4 Jo Dsea' Jmáam'bing' i ca'íng' bí' quiá' e júu' quiá' ta' do e laco' doñi' i dsea' i ja' líng' júu' quiá'r' nilí'r' e ni'íng' Fidié' ír' e líiñ' jaang' dsea' i ja' røøng' dsee' fí' quinir'.

5 Jo lalab cajme' Moí' ie' malii'gui do cuaiñ' quiá' e íng' Fidié' dsea' e líng' dsea' i ja' røøng' dsee' fí' quinir' la'eáang' e jmitir' e júu' quiá' ta' do, jo lalab fé' e júu' jo: "Jaléng' dsea' i jmiti' dseáng' røø' contøøng' e júu' quiá' ta' quiá' Fidié', joba' la'eáang' cóo' e job' niliseeiñ' cajo." 6 Jo dsu' lalab fé'gui cajo fí' ní' jì' quiá' Fidié' cuaiñ' quiá' jial ni'íng' Fidié' dsea' e líng' dsea' i ja' røøng' dsee' fí' quinir' uí' e nijá' caliñ' júu' quiá' dsea' do, jo lalab fé' e júu' jo: "Jie' m'í' o' e júu' la: ¿í' seeng' i cuøøng' nidséng' fí' ñif'?" —co' fíng' song' í' o' lajo, joba' nijmoo' jóng e lafa' nijgiáam' Dsea' Jmáang' fí' lí' guiiñ'. 7 Osi í'bi' o' é: "¿í' seeng' i cuøøng' nijgiáang' fí' lí' neáang' jaléng' 'lí'?" —co' fíng' song' í' o' lajo, joba' nijmoo' jóng e lafa' nijib'tu Dsea' Jmáang' calé' catú'. 8 Co' lalab fé'gui fí' ní' jì' quiá' Fidié': "Jo quiáb' seeng' cóo' 'nú' e júu' quiá' Fidié' lí' laco' la fó'na' jogui lí' laco' í' o'na'." Jo e júu' nab e guia'naa' jee' 'nú' e quiá' jial ja' líng' dsea' júu' quiá' Dsea' Jmáang'. 9 Jo e júu' job e la, e song' fó' fí' quini' dsea' e Jesús líiñ' Fí' jogui ja' lín'

car`ngocáng`o' e Fidiéé` cajmijí`r dsea` do mi` cangí` e cajúíñ` , joba' nileám` Fidiéé` 'nu` jóng jee` jalé` dsee` quí` . 10 Co' la'eáang` e já` lí`naa' e car`ngocáng` dsi`naa' e júu` jo, joba' nilí`'baa' e ni`íng` Fidiéé` jneaa`aa' e lí`naa' dsea` i ja` røøng` dsee` fí` quini` , jogui` nileám` Fidiéé` jneaa`aa' cajo jee` jalé` dsee` quí`naa' la'eáang` e fé`naa' fí` quini` dsea` e Dsea` Jmáam`bing` i líng` Fí`naa' .

11 Jo lalab fé`gui fí` ní` jì` quiá`- Fidiéé` : “Jo dsu` jaléng` dsea` i já` líng` júu` quiá`- Dsea` Jmáang` , joba' ja` quí`- jmí` fa' e nilitúng` dsíir` e já` calíñ` e júu` jo.” 12 Jo røøb` lí`naa' fí` quini` Fidiéé` , ja` ee` lí` su lí`naa' dsea` Israel osi ja` lí`naa' lajo` é, co' jaam` Fí`naa' Fidiéé` seeng` quí`naa' lajii`naa' , jo jlob`^ cuø` dsea` do mi` ee`go` mi` dsea` ír` . 13 Co' lalab fé`gui fí` ní` jì` quiá`- Fidiéé` cajo : “Jo jaléng` dsea` i mi` Fidiéé` e nileáng`neíñ` jee` jalé` dsee` quiá`r` , joba' lajob` nijmé` dsea` do.” 14 Dsu` ja` cuøøng` lí` mi` dsea` Fidiéé` song ja` mí` já` líñ` júu` quiá`- dsea` do; jogui` ja` cuøøng` fa' e nijá`- líng` dsea` júu` quiá`- Fidiéé` song ja` mí` canú`- guir` e júu` jo; jogui` cajo ja` cuøøng` lí` núr` e júu` quiá`- Fidiéé` do song ja` guí` i seeng` fa' i nini`- e júu` quiá`- dsea` do; 15 jogui` ja` cuøøng` e nini`- e júu` quiá`- dsea` do song ja` i seeng`gui` fa' i nisíng` dsea` e nijmér` lajo` . Jo lalab fé` fí` ní` jì` quiá`- Fidiéé` cuaiñ` quiá`- e júu` na : “Dsíng`- ia` mí` güilíng` jaléng` dsea` i quie` júu` quiá`- Fidiéé` .” 16 Jo dsu` jii`- tú`- 'ní` mím`- dsea` Israel i já` líng` e júu` jo lí` lacø` la fé` Saí` fí` ní` jì` quiá`- Fidiéé` lí` fé`r` lala : “Fí`i, jii`- tú`- 'ní` míng`- dsea` i já` nicalíng`- júu` quiá`- e guí` jnea` .” 17 Jo cuøøng` fe`ee` lana e la'eáang` e guí` dsea` júu` cuaiñ` quiá`- Dsea` Jmáang` , joba' núu` dsea` e júu` jo; jogui` la'eáang` e núu` dsea` e júu` jo, joba' já` líñ` e jo. 18 Jo uí`- joba' jmíngí`- jnea` lala : ¿Su ja` mí` canúu`- dsea` Israel e júu` cuaiñ` quiá`- Dsea` Jmáang`- do? Mó` dseáng`- nicanúu`-bíñ` . Jo e jáb`- e jo, co' dseáng`- lajob` nicalí`- lí` lacø`gui` la fé` fí` ní` jì` quiá`- Fidiéé` lí` fé` lala :

Jo fí` latøøng`- jmígülb` nicanúu`- dsea` júu` quiá`- i dsea` i guí` júu` quiá`- Fidiéé` , jogui` fí` dseáng`- tí` lí` huí` eáang` fí` ní` guóo`- uø` nicanú` júu` quiá`r` cajo .

19 Jo caléb`- catú`- jmíngí`- jnea` : ¿Su ja` mí` cangám`-bi` dsea` Israel jalé` e júu` jo? Mó` dseáng`- nicanám`-bre, co' lalab cajme` Moí` ie` malí`-gui` do e fé` Fidiéé` :

Jnea` Fidiéé` nijmee` e e jaléng` dsea` i ja` líng` dsea` Israel ni`uíñ` dsea` quie`-e, jo lajoba' nilí` dsihuíng` jaléng` dsea` Israel quiá`- jaléng` i dsea` í` .

Jogui` nijmee` e cajo e niligúíng` dsea` Israel quiá`- jaléng` i dsea` í` i ja` 'goo`ngáng` do .

20 Jo eáam` lahuíng` fé` Saí` e júu` la lí` fé` Fidiéé` lala :

Jo jaléng` dsea` i ja` ca`nang`- jnea` , cadsem`-bre jnea` .

Jogui` jaléng` dsea` i ja` cajmíngíng` jnea` ,

cajmijnéem`-ñiá`-a jee` jaléng` í` .

21 Jo dsu` lalab cajme`gui` Saí` e fé` Fidiéé` cuaiñ` quiá`- jaléng` dsea` Israel : “Contøøm` caní`-i guóo`- e jmicóo`-o` 'nú` , dsea` saang` óó`na` cóo`- jnea` jogui` dsea` i ja` iing` jmé`-núu` júu` quie`-e .”

11

Mí` cagúíng` Fidiéé` jaléng` dsea` Israel

1 Jo co' lajob` lí` , joba' lana jmíngí`- jnea` lala : ¿Su Fidiéé` nicaníuum`-bre jaléng` dsea` quiá`r` dsea` Israel? ;U` , dseáng`- o' lajo! Co' téé` óó`na` e dsea` Israel líng` jnea` cajo, jo dsea` siju` 'lí` yáa` Abraham lí`n`n, jogui` jee` 'lé` quiá`- Mim` iuun`- cajo . 2 Jo Fidiéé` , lajii`- latí` mí` uiim` , cagúíñ` jaléng` dsea` Israel e lacø` ni`uíñ`- do dsea` quiá`r` , jogui` cartí` lana jii`- coo`-ya` ja` mí` catiúung`-neíñ` do cajo . Co' lí` dsii`- e guíáb`- ní` 'nú` lajii`- e cajíng`- Lí` , jaang` i café` cuaiñ` quiá`- Fidiéé` ie` malí`-gui` do, ie` lamí`-caféíñ` Fidiéé` e ca`ñiñ` jaléng` dsea` Israel lala : 3 “Fí`i, nicanam` dsea` jaléng` i dsea` i fé` cuaiñ` quí`- , jogui` nicanajíem`-bre jalé` nife` quí`- lí` jmiféng` dsea` 'nu` ; jo lajii`- jneab` dsea` quí`- i ja` mí` cajngang` dsea` , jo dsu` lajob` iíñ` nijmér` cóo`- jnea` cajo .” 4 Jo dsu` lalab cañí` Fidiéé` quiá`- i Lí` do jo casí`-reiñ` do lala : “Lí` , dsu` o' jii`- 'nu` dsea` quie`-e i

seeng`gui lana, co' seem`bi guié` milgui dsea` quié` e i ja` mí` casí` uó` jni` e jmiféiñ' i diéé` dseacuú` i siú` Baal.” ⁵ Jo lajòb lí` lana cajo, co' seem`bi tú` 'ní` m'íng' dsea` Israel i nicaguíng' Fidiéé` e laco' nilíiñ` do dsea` quiá'r`. Jo nicalí` lajò uíi` e eáang' 'neáang' Fidiéé` jaléng' i dsea` í. ⁶ Jo Fidiéé` nicaguíng' neiñ' do uíi` e eáang' 'neáam`breiñ' jo o' uíi` cóo` jalé` e nicajméeiñ' do. Co' faco' nicaguíng' Fidiéé` jaléng' i dsea` do la'eáang' cóo` jalé` e nicajméeiñ' do, joba' cuóøng` fe`ee' jóng e e eáang' 'neáang' Fidiéé` jneaa`aa' do jo` cuóønguir lí` tá` cuóø` e íáang` dsíir` jóng.

⁷ Jo lalab líi, ja` calí` dsea` Israel e ni`uíiñ` dsea` quiá` Fidiéé` lí` laco'gui jii` e 'nó'r'. Jo dsu' i dsea` i caguíng' Fidiéé` 'ñia'r' do, calí` í e ca`uíiñ` dsea` quiá` dsea` do. Jo dsu' jaléng' i dsea` caguiaang` gui do cali`ueb` moguir, co' ja` iíñ` fa' canúur` júu` quiá` Fidiéé`. ⁸ Jo calí` lajò lí` laco' la fé` fí` ní` jì` quiá` Fidiéé` lí` fé` lala: “Jo Fidiéé` cajméer` cóo` jaléng' dsea` Israel e ue` moguiñ` e laco' ja` ningáiñ` laco' catíng`, jogui cajméé`bre jminiñ` cajo e lafa' ja` cuóøng` nijóøiñ` jogui loguaiñ` cajo e lafa' ja` cuóøng` ninúíiñ`.” Jo lanab líng' i dsea` í cartí` lana. ⁹ Co' lalab fé`gui fí` ní` jì` quiá` Fidiéé` e cajíng' dseata` dsea` féng' Daví`:

Míi`i 'nu`, Fidiéé`, e lajee` e seáang' rúng` dsea` góo` dsea` Israel e gø'r` ir` colíng` jii` laco' qui` tiiñ`,

jo lajee` jo, lajee` jii` e ja` lí`bre,

míi` e ni`uíing` ga` quiá'r` e laco' nitéiñ` fí` ní` dsee`,

jo lajòba' ni`íñ` iihuí` laco' catíng`.

¹⁰ Jogui míi`i 'nu` cajo, Fidiéé`, e lafa' güijnúb` jminir` e laco' ja` cuóøng` nijóør` jogui e lafa' nijúm` mocóo'r` congruaí`.

Mí` caleáang` Fidiéé` jaléng` dsea` i ja` líng` dsea` Israel jee` jalé` dsee` quiáiñ`

¹¹ Jo lana nijmingi` túu` calé` catú`: Jo mí` caquiung` dsea` Israel, ¿su dseáang` conguaib` ca`naaiñ` quiá` Fidiéé`? U~, dseáang` o' lajò. Jo dsu' mí` cajméé` dsea` Israel saang` dsíir` cóo` Fidiéé`, jo e jo cali`íng` ta` e laco' jaléng' dsea` i ja` líng' dsea` Israel nitiñ` e nileáang` Fidiéé` ír` jee` jalé` dsee` quiáiñ`. Jo lajòba' eáam` nilí` dsihuíng` jaléng' dsea` Israel quiá` jaléng' i dsea` í uíi` e lajò nicajméé` Fidiéé` cóoiñ` do. ¹² Jo co' saam` dsíi` jaléng' dsea` Israel cajméer` cóo` Fidiéé`, joba' dseeb` ca'éer`. Jo dsu' e jo eáam` cali`íng` ta` e laco' ca`uíing` guiá` quiá` jaléng' dsea` jmigüí. Jo nañi` fa' ja` calí` dsea` Israel e ca'íng' Fidiéé` ír`, dsu' eáam` guiá` nica`uíing` quiá` jaléng' dsea` i ja` líng' dsea` Israel. Jo co' lajòb líi, joba' cuóøng` lí` fe`ee' jóng e eáang`gui guiá` ni`uíing` quiá` jaléng' dsea` i ja` líng' dsea` Israel ie` lami` nijá` líng` jaléng' dsea` Israel júu` quiá` Fidiéé`.

¹³ Jo dsu' sea`bi júu` e 'né` fíi`i 'nú', dsea` ja` líng`na' dsea` Israel. Jo Fidiéé`bing' i nicasíng` jnea` e laco' niguiaa` júu` quiá'r` jee` jaléng' 'nú'. Jo jnea` eáam` jmi`goo` e ta` e nicangín`n quiá` dsea` do. ¹⁴ Jo uíi` e jmóo`o lajò cóo` ta` quié`e, joba' jnea` iin`n e faco' lajogui nilí`i e ni`íng' jaléng' dsea` góo` dsea` Israel e nileáiñ` jee` jalé` dsee` quiá'r`. ¹⁵ Jo uíi` e nica`náam` 'ñia' Fidiéé` e seeiñ` cøøng` cóo` dsea` Israel, joba' jaléng' dsea` i caguiaang`gui nicalí`bre e niseeiñ` juguiá` júu` røø` cóo` Fidiéé`. Jo dsu' mí` ni`íng' tu Fidiéé` jaléng' dsea` Israel, e jo líi` lafa' mí` jí`tu jaang` 'líi`. ¹⁶ Jo lajòb líi` e júu` na líi` laco'gui la líi` mí` jmóo` dsea` iñi`; co' song la`uii` e iñi` e nijmé` dsea` do quiá` e nicuóør` Fidiéé`, joba' lajaléb` e ca` caguiee`gui do güeam` cajo. Jogui song jmó` quiá` cóo` 'ma` catíng` Fidiéé`, joba' güeam` cajo e guo' quiá` e 'ma` do.

¹⁷ Jo cuóøng` fe`ee' e i líng` dsea` Israel líiñ` lafa' guo` 'ma` ofii` e cajní` dsea` jo dsu' cahuí`b` e guo` jo. Jo eáang` quiá` e guo` e cahuí` do, fí` job` caje` e guo` 'ma` ofii` e íáang` 'ñia' fí` jee` mó`. Jo jaléng' 'nú', dsea` ja` líng`na' dsea` Israel, 'nú`bing' i líng' lafa' e guo` e 'ma` ofii` jo. ¹⁸ Jo co' lajòb líng`na', joba' fíi`guí` 'nú' jie` mí` í` óo`na' e niing`gui laco'gui e guo` 'ma` e nica`huí` do, co' song í` óo`na' lajò, joba' 'né` e jmiguiéng' óo`na' e o' 'nú' i se`

e jmó[^] quiá⁻ e 'ma`do, cō['] la'eáang['] e jmó[^] doba['] e jí['] 'nú['], dsea`líng[']na['] lafa['] guo['] 'ma`ofi['] e ca'iaang['] 'ñia['] fí['] jee[~] mó['].

¹⁹ Jo dsu['] jangám⁻ ni['] o['] jo nifo[^] lala: “Cahu['] e guo['] quiá⁻ e 'ma`do e laco['] nija`jneá[~] ée[^] quiá⁻ e lí[~] cahu['] do.” ²⁰ Jo e jáb⁻, lajob calí⁻, dsu['] cahu['] jalé['] e guo['] jo uí['] e ja`já⁻ calíng⁻ júu[^] quiá⁻ Fidié[~]. Jo dsu['] 'nú['], dsea`ja`lin['] dsea`Israel, lafa['] casém[']-ba['] e fí['] dse['] e 'ma`jo uí['] e já⁻ calín⁻ júu[^] quiá⁻ Fidié[~]. Jo cō['] lajob calín⁻, joba['] ja`né⁻ e jmijlōng[^] uō['] uí['] quiá⁻ e jo, cō['] lí['] né⁻ e ñiing[~] o[']. ²¹ Jo cō['] ja`cajmée[~] Fidié[~] féng['] dsír['] cō['] e guo['] 'ma` e guita[~] cajní⁻ dsea`joba['] caqui['] bre, jo cō['] lajob cajmée[~] guir cō['] e guo['] jo, joba['] dseáam[~] e nijmér⁻ lajo cō['] 'nú['] cajo. ²² Jo cō['] lajob líí['], joba['] ne`naa['] jial tíí['] e guiúng⁻ Fidié[~] lifa['] ñ['] bre í['] laco['] catíng⁻ mí[~] ee[~] go jmóo[~] dsea` e ja`dseeng[~]. Jo cō['] lajob lííí['], joba['] iihu['] cacu['] r['] jaléng['] i dsea` i cajmée[~] saang['] dsír['] cō['] r[']. Jo dsu['] eám['] guiúí['] cō['] 'nú['], dsea`ja`líng[']na['] dsea`Israel, lifa['] né⁻ e seeng[']na['] e contōng⁻ já⁻ líng[']na['] júu[^] quiá⁻ bre. Jo dsu['] song ja`jmoo[']na['] lajo, joba['] dseáam[~] jōng e lafa['] nihuíng[']na['] e fí['] dse['] e 'ma`jo. ²³ Jo song já⁻ nilíng['] jaléng['] dsea`Israel júu[^] quiá⁻ Fidié[~] jogui e niquí['] jíng['] tu yaai['] fí['] quini['] dsea`do, joba['] caléb['] catú⁻ ni`uíng⁻ tur lafa['] guo['] quiá⁻ e 'ma` e lí[~] cahuí['] do. Cō['] quí['] b['] Fidié[~] jmí[~] e nijmé⁻ tur e niséng['] tur e guo['] quiá⁻ e 'ma` e caqui['] r['] do. ²⁴ Jo cō['] 'nú['], dsea`ja`líng[']na['] dsea`Israel, lafa['] cahuíng[']na['] fí['] cō['] 'ma`ofi['] e ca'iaang['] 'ñia['] fí['] jee[~] mó['], jo lafa['] caséng[']na['] fí['] cō['] 'ma`ofi['] e guita[~] cajní⁻ dsea`nañí['] fa['] ja`jmóo[']re dsea`lajo, dsu['] lajob calí⁻ cō['] 'nú[']; jo cō['] lajob calí⁻ cō['] 'nú['], joba['] eáang['] guí['] b['] ja`huíng['] e lafa['] niséng['] tu Fidié[~] e guo['] e nicaqui['] r['] do quiá⁻ e 'ma` e guita[~] cajní⁻ dsea`. Jo jalé['] e guo['] jo, íb['] lafa['] jaléng['] dsea`Israel, jo ie[~] mí[~] nilí['] lajo, joba['] nisém['] tu calé['] catú⁻ e guo['] quiá⁻ dseáng['] e 'ma` e guita[~] cajní⁻ dsea`.

Nileám`jaléng`dsea`Israel jee`jalé`dsee`quiá`r`mí`nití`e`í`jo

²⁵ Dsea`rú[']naa['] dsea`quiá⁻ Dsea`Jmáang⁻, iim[~]baa e ñí[']na['] e júu[^] la quiá⁻ Fidié[~] e ja`mí['] cajmijneí['] ñ['] lami[~] jéeng['] gui e laco['] lajo ja`nijmijlōng[^] yaang[']na['] e tíng[']na['] eáang[']. Jo e lab e júu[^] jo, e i líng['] dsea`Israel eám['] nicajmée[~] laai['] cō['] júu[^] quiá⁻ Fidié[~], jo dsu['] calí⁻ lajo e lí['] laco['] ni`ié['] jíé['] jíí['] sí['] né⁻ tí['] i dsea` i ja`líng['] dsea`Israel i nijá⁻ líng['] júu[^] quiá⁻ Fidié[~]. ²⁶ Jo mí[~] níng['] e nidsijéé['] jalé['] e jo cō['] jaléng['] dsea` i ja`líng['] dsea`Israel, joguiba['] nileáng['] jaléng['] dsea`Israel jee`jalé`dsee`quiá`r`. Jo e na líí['] lí['] laco['] la fé['] fí['] ní['] jí['] quiá⁻ Fidié[~] lí[~] fé['] r['] lala:

Jo fí['] Sión lí[~] nijáa['] i dsea` i nileáng⁻ dsea`jee`jalé`dsee`quiáí['].

Jo íb['] i nijé['] jalé['] e ja`dseeng['] jee`jaléng['] dsea`siju['] 'lí[~] yú['] Jacóo['].

²⁷ Jo e nab e júu[^] e nijmí['] rō['] cō['] jaléng['] í[']

mí[~] nití⁻ í['] e ni`lín[~] n jalé['] dsee`quiá`r`.

Jo lanab jíí['] lí['] júu[^] quiá⁻ Fidié[~].

²⁸ Jo latí['] jmí[~] na, i fím['] dsea`Israel 'ní['] níim⁻ bre Fidié[~], cō['] ja`mí['] ca'í['] júu[^] quiá⁻ dsea`do e quiá⁻ jial laang['] dsea`jee`jalé`dsee`quiá`r`. Jo líí['] lajo e lí['] laco['] cuōng['] nijá⁻ líng[']na['] júu[^] quiá⁻ Fidié[~], 'nú['] dsea`ja`líng[']na['] dsea`Israel. Jo dsu['] mí['] 'noo['] bí['] 'neáang['] Fidié[~] jaléng['] dsea`Israel dsu['] uí['] e caguí['] ñ['] jaléng['] dsea`áang['] quiáí['] do jogui e cajmée[~] júu[^] tigua['] cō['] ñ['] do cajo. ²⁹ Cō['] jalé['] e cuō['] Fidié[~] lí['] doñí['] i dsea`jo`quí['] jmí[~] fa['] e niguí⁻ tur calé['] catú⁻, o[']gui fa['] e nitiúung⁻ tur jaléng['] i dsea` i nicatō['] r['] i nilíng['] dsea`quiá`r`. ³⁰ Jo lami[~] jéeng['] gui jaléng['] 'nú['], dsea`ja`líng[']na['] dsea`Israel, eám['] cajmee⁻na['] e saang['] óo[']na['] cō['] Fidié[~]. Jo dsu['] lanagui, uí['] e lajob nicajmée[~] cajo jaléng['] dsea`Israel, joba['] Fidié[~] lana ní['] líí['] 'nú[']. ³¹ Jo lajob nicajmée[~] dsea`Israel cō['] Fidié[~] lana, jo dsu['] calí⁻ lajo cajo e lí['] laco['] lana nilí['] fí['] líng⁻ Fidié[~] 'nú['], dsea`ja`líng[']na['] dsea`Israel, jogui calí⁻ lajo cajo e lí['] laco['] lajo nilí['] fí['] líng⁻ Fidié[~] jaléng['] i dsea`Israel do. ³² Jo lajím['] dsea`jmigü['] nicajmée[~] saang['] dsír['] cō['] júu[^] quiá⁻ Fidié[~], cō['] lajob sí['] quiá⁻ dsea`do. Jo calí⁻ lajo e lí['] laco['] mí[~] nilí['] cōng['] gui, nilí['] fí['] líng⁻ Fidié[~] lajaléng['] i dsea`í['].

³³ Jo dseáng' ja` cøøng` cóo' jial tí' e guiúng` Fidié` cóo' lajaléng` dsea` jmigüí, jogui lajob cajo ja` cøøng` cóo' jial tí' e tiiñ` ngáiñ'. Jo jii' jaang` dsea` jmigüí quí'r` jmí` fa' e ningáiñ` jial laco' jii' e í` dsí' dsea` do cóo' jalé` e nijmér` , jogui jial e nijmér` lajalé` e jo.

³⁴ Co' lalab fé' Fidié` fí` ní` jì` quiá'r` : Jii' jaang` dsea` jmigüí quí'r` jmí` fa' e niliñir` jialco' í` dsí' Fidié` o'gui cajo fa' e nijíñ` e` jalé` e 'né` nijmé` dsea` do.

³⁵ Jogui jii' jaang` dsea` jmigüí ja` ee` mí` cacuø'r` Fidié` jéeng`gui e laco' dsea` do nijmér` qui'` táa` cóo' dsea` jmigüí. Jo lanab lí' júu` quiá' Fidié` e tóo' fí` ní` jì` quiá'r`.

³⁶ Dsaco' lajaléb' e sea` fí` jmigüí Fidié`bing' i` cajmée, jogui la'eáang' í`bre e sea` jalé` e jo, jogui e quiá' bir lí' lajalé` e jo cajo. joba' car` ngongí` jmí`b` 'né` e nijmiféng`naa' Fidié`!
Jo lajob 'né` niliti`.

12

Jáang` yaang`na' fí` jaguó` Fidié` lafa' cóo` feá'

¹ Dsea` rú`naa' dsea` quiá' Dsea` Jmáang` , uí' e eáang' fí` líng` Fidié` jneaa`aa', joba' mii`i 'nú' jmi`ee` e nijáang` yaang`na' fí` jaguór` e líng`na' lafa' cóo` feá' e jí', jogui e güeang`na' e líng`na' dseáng' jii' e quiá' bre, jogui e jlo' nití` dsíir` cajo; co' e nab feá' e 'né` nijii`na' fí` quini` Fidié` e laco' nijmiféng`naa're. ² Jogui jie` mí` síng` yaang`na' e fí` ja` dseeng` lí` ngí` dsea` jmigüí i` seeng` jmí` na, co' ja` 'né` jmée`na' lajo. Co' lí' lí' 'né` e nicuó' fí` yaang`na' e nilisíng` jialco' í` óo`na', jo lajoba' nilisíng` jialco' ee`na' fí` jmigüí la, jogui cajo e quí'na' jmí` e niliñí`na' e` e iing` Fidié` e nijmée`na' lí' lajalé` e guiá` jogui e jlo' e tí` dsí' dsea` do jogui cajo e røø` e ja` cøøng` cóo'.

³ Jo Fidié` nicacuø'r` jneaa`aa' ta` uí' e lajo cali'iaang` dsíir` cajmээр` cóo' jneaa`aa'. Jo co' lajob cajmée`gui, joba' fii`i 'nú', dsea` rú`naa' dsea` quiá' Dsea` Jmáang` , e jii' jaang` 'nú' 'né` ní'f` áa`na' e niing`gui eáang` laco' jii' e catíng` ní'f` áa`na' cuaiñ` quí'na'. Co' 'né` e ní'f` áa`na' jii' laco' catím` lí' laco' jii' tí' e cangíng`na' quiá' Fidié` e já' líng`na' júu` quiá'r` . ⁴ Dsaco' lajaang` lajaang` jneaa`aa' seab` jmini`naa' cóo'gui loguá`naa' jogui e jíe`gui cajo, jo laco` e jo quí`ii' jmaquíim' ta` íng` laco`. ⁵ Jo lajob lí' jneaa`aa' cajo, dsea` lí'naa' dsea` quiá' Dsea` Jmáang` , co' nañí` fa' fím`baa' eáang', dsu' lafa' jaam` dsea` lí'naa' i` já' líng` júu` quiá' Dsea` Jmáang` . Jo ja` ee` lí' lí' lí'naa' jmaquíing` lajaang` lajaang`naa', dsu' lafa' jaam` dsea` lí'naa' lajaléng`naa'.

⁶ Jo e cuø' Fidié` jneaa`aa' e íaang` dsíir` jmaquíim' nicangíng`naa' lajaang` lajaang`naa'. Joba' song nicacuø'r` jneaa`aa' e tii`naa' guía`naa' júu` quiá'r` fí` quini` dsea` jíéng', joba' lajob 'né` jmó`oo' lí' laco' jii' tí' e nicangíng`na' e já' lí'naa' júu` quiá'r` . ⁷ Jogui song nicacuø'r` jneaa`aa' e nijmé`naa' ta` e nijmicóo'naa' dsea` rú`naa', joba' lajob 'né` jmó`oo'. Jogui song nicangíng`naa' quiá'r` e tii`naa' e ní'é`naa' dsea` rú`naa' júu` quiá' Dsea` Jmáang` , joba' lajob 'né` jmó`oo' jóng. ⁸ Jogui song nicangíng`naa' quiá'r` e tii`naa' e nicuó'naa' bí` dsea` rú`naa', joba' lajob 'né` jmó`oo'. Jogui song nicangíng`naa' quiá'r` e nijmicóo'naa' dsea` rú`naa' cóo' jalé` e sea` quí'naa', joba' lajob 'né` jmó`oo' e ngocáng` dsí'naa'. Jogui song nicangíng`naa' quiá'r` e oo`naa' cóo' ta` , joba' eáam` 'né` e ñiing` dsí'naa' e nijmó`naa' e ta` jo. Jogui song nicangíng`naa' quiá' Fidié` e nijmicóo'naa' jaléng` dsea` rú`naa' i` lí' 'né` quiá' lajo, joba' lajob 'né` jmó`oo' e íaang` dsí'naa'.

Jial`né` seeng` dsea` quiá' Dsea` Jmáang`

⁹ Jo fii`guí` 'nú', dsea` rú`naa' dsea` quiá' Dsea` Jmáang` , dseáng' e ngocáng` óo`ba' 'né` nijmi`neáang`na' dsea` rúng`na', jo o' lí' júu` e fól'na' e jmoo`na' lajo. Jogui 'né` e

'ní' máam'ba' jalé' e ja' dseeng', co' lí' lí' dseáng' jii' e guiá'ba' 'né' nijmée'na'. ¹⁰ Jogui jmi'neáng'na' dsea' rúng'na' lí' laco'gui catúng' e jmóo' dsea' quiá' Dsea' Jmáang', jogui nijmi'goo' rúng'na' cajo.

¹¹ Jo ja' 'né' jmée'na' fíng'na', co' lí' lí' 'né' e nicuó' bî yaang'na' e nijmée'na' jalé' ta' e nicangúng'na' quiá' Fidié'.

¹² Jo e iáang' óo'ba' 'né' seeng'na' la'eáang' e dseáng' nitab' óo'na' e niliseem'ba' cøøng' cóo' Fidié' fí' ñíí' quiá'r' mi' nití' e í' jo. Jogui 'né' e jmée'na' féng' óo'ba' cóo' jalé' fí' dsi' e dsingúng'na', jogui cajo ja' 'né' tú'na' e føng'na' Fidié'.

¹³ Jo jaléng' dsea' rúng'na' dsea' quiá' Dsea' Jmáang' i lí' sea' go' fí' dsi' quiá', joba' 'né' e nijmicóo' baa're jóng. Jogui íng'na' cóo' júu' røø' jaléng' dsea' i guilíng' fí' qui'na'.

¹⁴ Jogui mi'na' Fidié' cóo' e guiá' uí' quiá' jaléng' dsea' i jmáang' 'nú' ga', jo dseáng' lajob' 'né' jmée'na' cóo'r' jogui jie' mi' fó'na' júu' 'lí' uí' quiá'r'.

¹⁵ Jo jmi'iáang' óo'na' cóo' jaléng' dsea' rúng'na' dsea' quiá' Dsea' Jmáang' i iáang' dsi', jogui jmee'na' fí' fíng' seeng' i líng' lajo.

¹⁶ Jo røøb' 'né' seeng'na' jee' la'ó' 'nú', dsea' líng'na' dsea' quiá' Dsea' Jmáang'. Jo ja' 'né' e jmi'ljøng' yaang'na', co' lí' lí' 'né' e seeng'na' e røøb' líng'na' laco'gui líng' i dsea' i ja' jmi'ljøng' yaang' jee' jaléng' 'nú'. Jogui ja' güi' óo'na' e dseáng' líng'na' dsea' i tíng' ngáng'. ¹⁷ Jo ja' jmoo'na' qui' táa' cóo' dsea' rúng'na' song ee' go' ca'lée' qui'na', co' 'nú' 'né' nijmi'úung'na' e nijmée'na' dseáng' jman' e guiáb' cóo' doñi' ii' dsea' rúng'na'. ¹⁸ Jo jie' jii' cartí' lí' qui'na' jmi' jmee'na' e niliseeng'na' juguiá' júu' røø' cóo' lajaléng' dsea' rúng'na'. ¹⁹ Jo e laba' iin' n fii'guí' 'nú', dsea' rú'naa' dsea' quiá' Dsea' Jmáang' i 'neáan' eáang', e mi' ee' go' ca'lée' dsea' qui'na', ja' 'né' fa' e nicó'na' qui'na', co' ja' dseeng' e jmée'na' lajo; co' lí' lí' 'né' e nisée'na' fí' jaguó' Fidié' e júu' jo, co' í'bing' i ní' í' laco' catúng'; co' lalab' fé'r' fí' ní' jii' quiá'r': "Jneab' Fidié' dsea' catúng'na' e ní' í' laco' catúng', jo jnea'bing' i ní' táa' dseáng' laco' sí'." Jo lanab' jii' lí' júu' e jing' Fii'naa' Fidié' fí' ní' jii' quiá'r'. ²⁰ Jo lalab' fé'gui cajo fí' ní' jii' quiá'r': "Jo song jaang' dsea' i 'ní' níng' 'na' mi'r' 'na' e nidø'r' osi e ní' é, joba' 'né' cuø'ba're lajii' e mi'r' 'na' do. Jo mi' nijme' lajo, lajoba' nilí' i líng' i 'ní' níng' 'na' do cóo' lajii' e jmóor' cóo' 'na' do." ²¹ Jo jie' mi' cuøøng' uø' fa' e jalé' e ja' dseeng' nilí' 'na', co' la'eáang' e jmoo' jalé' e guiá', lajoba' nilí' jalé' e ja' dseeng' do.

13

¹ Jo e laba' iin' n fii'guí' 'nú', dsea' rú'naa' dsea' quiá' Dsea' Jmáang', e lajii' 'nú' 'né' jmée'na' núu'na' jalé' ta' quiá' dseata' i seeng'. Dsaco' Fidié'bing' i nicacuø' e ta' jo quiá' jaléng' dseata', jogui cajo 'ñiab' Fidié' dsea' nicaguiar' uing' e seeng' jaléng' í'. ² Jo co' lajob' lí', joba' jaléng' dsea' i jmóo' laang' cóo' lajii' ta' quiá' dseata', joba' ja' jmóor' náu'r' jóng lajii' ta' e nicaguiar' Fidié'. Jo jaléng' dsea' i jmóo' lajo, joba' yaam'bre 'nó'r' e nidsijé' huúng' quiá'r', co' iihuú' ní'í'. ³ Dsaco' jaléng' dseata' ja' seeí' fa' e niféi' jaléng' dsea' i jmóo' jalé' e guiá', dsaco' jaléng' dsea' i jmóo' ga'bing' i nijmeái' lajo. Jo song 'na' iin' e niliseen' e ja' 'gón' dseata', joba' 'né' e ní'ee' e guiáb' jóng, jo lajoba' ní' dseata' guiá' uii' quií'. ⁴ Co' Fidié'bing' i caguíng' jaléng' dseata' e laco' nijmicóo'r' 'na'. Jo dsu' song jmoo' jalé' e ja' dseeng', joba' 'né' jme' 'gó'ba' cóo'r' jóng; co' e líng' ta'ba' e quie' dseata' 'ma'u' quiá'r', co' cóo' e joba' e cuø' lí' ee' ta' óor', co' 'ñiab' Fidié' dsea' cacuø'r' dseata' e óoiñ' do ta' e laco' nicuø'r' iihuú' jaléng' dsea' i jmóo' laang' lajii' ta' quiá'r'. ⁵ Jo uí' e lajob' lí', joba' dseáng' laguim' 'né' e nijmée' núu' jalé' ta' quiá' dseata', dsu' o' fa' e laco' ja' ní'ín' iihuú', co' uøø'ba' 'né' e ní' o' e dseáng' e guiá'ba' e nijmée' lajo. ⁶ Jo uing' e lajob' cajo, joba' qui' 'na' cuu' e mí' dseata'; dsaco' Fidié'bing' i caguíng' jaléng' dseata', joba' jii' jo ta' quiá'bre e quiá'r' ta'.

⁷ J_oba' fñ-guñ 'nú', dsea` rú'naa' dsea` quiá'- Dsea` Jmáang-, jmití'na' lajji~ e catíng-na'; j_oba' cuóø~na' jaléng' i dsea` i óo'g_o ta~ lajji~ e catíñ- e niñiñ, fa' jaléng' i catíng- e ni'íng' jalé' cuu- e soo' fñ, j_oba' qui~na' e j_o; j_ogui jalé' e cuu- e quiá'- ee'g_o ta~ jmoo'na' osi ee'g_o sea' quií'na', j_oba' qui~na' e j_o cajo. J_ogui jmi'goo'na' jaléng' dsea` i óo'g_o ta~, co' laj_oba' catíng- e nijmée'na', j_ogui jmi'féng'na' lajaléng' dseata~ laco' catíng- cajo.

⁸ J_o ja' jmi'røøng` yaang~na' cóo' jii~ jaang` dsea`, co' lí' lí' 'né- e nijmi'neáng`na' dsea` rúng'na'; dsuco' i dsea` i jmi'neáng` dsea` rúng' nica'jmiti~bre røø lajji~ júu^ quiu' ta~ e cajme' Moi'. ⁹ J_o lalab fé' e júu^ quiu' ta~ do: "Ja' lee~ e nigün' cóo' dseam' osi dseañu' i o' quií', j_ogui jie~ mí' jngán' dsea` rún', j_ogui ja' jmoo' ñ, j_ogui ja' fó' júu^ ta~ júu^ e laco' ni'lee' quiá'- dsea` rún', o'gui jmoo' dsihuñ' quiá'- jaléng' dsea` rún' cajo." J_o jalé' e júu^ quiu' ta~ na cóo' gui jalé'gui e júu^ quiu' ta~ e caguiee~gui do dseáng'- lalab jii~ lí' cóo' e júu^ quiu' ta~ e fé' lala: "Jmi'neáng` jaléng' dsea` rún' lí' laco'gui jmi'neán' uø'." ¹⁰ Dsuco' i dsea` i jmi'neáng` jaléng' dsea` rúng', jman' jalé' e guiáb- jmóor' cóo' jaléng' i dsea` í. Co' mi~ jmi'neáng` dsea` rúñ' dseáng'- laco' s'í', j_oba' jmiti~bre laco' fé' jalé' júu^ quiu' ta~ e cajme' Moi'.

¹¹ J_o sea'bi uüing~ quiá'- e nijmé'naa' laj_o, co' dseáng'- 'né- e ñí'baa' guiá- jialco' nilí' e see~naa' jmi~ na, j_ogui cajo 'né- e ñí'baa' e nicatí' í' e nijmijnée' dsí'naa' contøøng-. Co' dseáng'- nijaquiéem' e jmi~ e nijáa'tu Fí'naa' Dsea` Jmáang- fí' jmi'gü' la e laco' nitøø' jneaa'aa', dsea` i nicaleáaiñ' jee~ jalé' dsee- quiá'- . Dsuco' lana dseáng'- ni'quiá'-gui e jmi~ j_o laco'gui ie~ lamí~ já'- calí'naa' júu^ quiá'r-. ¹² Co' lana nilí' lafa' e tí' lí' nijneá', co' nijaquiéem' e jmi~ j_o; j_oba' 'né- e nitá'baa' jalé' e ja' dseeng' e lamí~ jmoo~naa' e quií'- tíng' dsea' jmóor' fí' lí' nuu, co' ja' 'né- jmó'oo' laj_o. Co' lí' lí' 'né- e nijmó'oo' jalé' e quií'- tíng' dsea' jmóor' fí' lí' jneá', e jmáang~naa' ta~ jalé' e nicacuø' Fidiée' jneaa'aa' e laco' nijmi'øng' yee~naa' lí' laco'gui jalé' e jmáang~ ta~ jaang' 'lée- mi~ dséer' fí' jee~ 'nií'. ¹³ J_o contøøm- 'né- ee~naa' røø' laco' catíng- lí' laco'gui la jmóo' dsea` i seeng' fí' lí' jneá'; co' ja' 'né- e jmó'oo' fa' e seáng' rú'naa' e nidsi'né'naa' méé' osi e nidsé'ee' lí' tí' jmi~ e ta' dsea' mii~ eéang', osi e güñ'naa' cóo' dseañu' osi dseam' i o' quií'naa', osi lí' doñí' ee' e 'lí' e jíe'gui é, o'gui e jmoo~naa' ta~ jíng' osi ta~ dsihuñg' quiá'- dsea` rú'naa' é. ¹⁴ Co' o' laj_o e 'né- jmée' 'nú', co' lí' lí' 'né- e teá'gui nisíng'-na' cóo' júu^ quiá'- Fí'naa' Dsea` Jmáang- e jmáang'na' ta~ jalé' e jmi'øng' yaang~na' e nicacuø' 'nú' lí' laco'gui jalé' e jmi'øng' 'ñia' jaang' 'lée-. J_ogui ja' 'no'na' jial e nijmi'iaang' óo'na' cóo' jalé' e ga' e lí' óo'na' e sea' fí' jmi'gü' la.

14

Ja'en' dsea` rún' dsea` quiá'- Dsea` Jmáang-

¹ J_o fñ-guñ 'nú', dsea` rú'naa' dsea` quiá'- Dsea` Jmáang-, íng'na' røø' jaléng' dsea` quiá'- Dsea` Jmáang- i ja' mí' 'goo' teáng- teá' cóo' júu^ quiá'- dsea` do, j_o ja' jmoo'na' ta~ jíng' cóo'r' uí' quiá'- jalé' e í' óo'na'. ² Co' seem' dsea` quiá'- Dsea` Jmáang- i í' dsí' e cuóøm' lí' dør- lí' doñí' ee' jmiñí, j_ogui dsu' seem'bi cajo i jmi~bi mí' teá' sing' cóo' júu^ quiá'- Dsea` Jmáang- j_o í' dsí' e jii~ ja'ba' cuóøng' lí' dør-. ³ J_o co' laj_oba' lí', j_oba' i dsea` quiá'- Dsea` Jmáang- i í' dsí' e cuóøm' lí' dør- lí' doñí' ee' jmiñí, j_oba' ja' cuóøng' fa' e jmi'jlong' 'ñia'r' uí' quiá'- i dsea` rúñ' i gø' layaang~ ja' do; j_ogui i dsea` i í' dsí' e cuóøm' lí' dør- layaang~ ja', j_oba' ja' cuóøng' e ni'eiñ- i dsea` rúñ' i í' dsí' e cuóøm' lí' dør- lí' doñí' ee' jmiñí. J_o dsu' quiá'- Fidiée' ja' ee' lí' e gø' dsea` lajalé', co' nica'ím'bre i dsea` i líng' laj_o.

⁴ J_o ja' dseeng' fa' e ni'éen~ jaang` dsea` i jmóo' ta~ quiá'- jaang'gui dsea`. Dsuco' cuaiñ' quiá'- i fii~ quiu' ta~ quiá'r- dob song ca'uüing- guiá- lajji~ ta~ jmóor' osi ca'uüing- ga' é. J_o dsu' guiáb- ni'uüing- quiá'r-, co' eám' 'gøng' Fí'naa' Dsea` Jmáang-, j_o í'bing' i nijmicóo' e ni'uüing- guiá- quiá'- i dsea` do.

⁵ Jōgui cajo: Seem` dsea` quiá'- Dsea` Jmáang- i í dsí' e niing-gui e liing- jmi~, jōgui seem`bi cajo i í dsí' e røøb` lí' lajalé' jmi~ jō ja` sea` jmi~ fa' e niing-gui. Jō dsu' lajaang` lajaam` dsea` 'né- e ta~ dsír' røø` cóo'~ lajii'~ e í dsír' do. ⁶ Jō có' i dsea` quiá'- Dsea` Jmáang- i í dsí' e niing-gui e liing- jmi~ jō jmóor` lajō e laco' nijmi'gór` Fí'naa' Fidiée~. Jōgui i dsea` quiá'- Dsea` Jmáang- i í dsí' e cuøøm` lí' dór` lí' doñí' ee` jmiñi~ jō jmóor` lajō e laco' nijmi'gór` Fí'naa' Fidiée~ cajo, jōgui cuø'bre gui'máang' dsea` do. Jōgui i dsea` quiá'- Dsea` Jmáang- i í dsí' e lajii'~ ja`ba' cuøøng` lí' dór` jō jmóor` lajō e laco' jmi'gór` Fí'naa' Fidiée~ jōgui cuø'bre gui'máang' dsea` do cajo.

⁷ Jō jii'~ jaang` jneaa`aa', dsea` lí'naa' dsea` quiá'- Dsea` Jmáang-, see`naa' la ne`naa' yee`naa' o'gui júung`naa' la ne`naa' yee`naa' cajo. ⁸ Co' song see`naa' fí' jmi'güi' la, lí' lajō e laco' e jmi'goo`naa' Fí'naa' Dsea` Jmáang-; jōgui song catí' í' e nijúu`naa', lí' lajō e laco' e nijmi'goo`naa' Fí'naa' Dsea` Jmáam- cajo. Jō ja` e lí' song see`naa' fí' jmi'güi' la osi nijúu`naa' é, có' dsea` quiá'- Dsea` Jmáam- lí'naa'. ⁹ Jō cajúng- Dsea` Jmáang-, jō mi~ cangí' jō, caji'tur calé` catú-; jō calí- lajō e laco' nilíiñ' Fii' qui`naa', dsea` see`naa' fí' jmi'güi' la, jōgui lajōb` líiñ' Fii' cajo quiá'- jaléng` dsea` quiá'r- i nicajúng-.

¹⁰ Jō có' lajōb` líi', jōba' ja' fí' sea` quiá'- fa' e ni'éen'~ dsea` rún' dsea` quiá'- Dsea` Jmáang-, o'gui fa' e nijøøn`re e uøng-gui cajo. Co' téé' óóna' e lajaang` lajaam` jneaa`aa' 'né- ngiing`naa' fí' quini~ Dsea` Jmáang- mi~ tí' lí' nití- í' lajō e laco' dsea` do niquidsir' í' qui`ii' laco' sí'í'. ¹¹ Co' lalab fé' Fí'naa' Fidiée~ fí' ni~ jì' quiá'r-: Jnea~ Fidiée~ fá'-a e dseáng'- e já'-ba' e seen-, jōgui fí' quini~baa` lí' nisí' lajüing` dsea` uø- jnir- e laco' nijmiféiñ' jnea~, jōgui nijíñ'- e jii'~ jneab~ Fidiée~. Jō lanab fé' Fidiée~ fí' ni~ jì' quiá'r-.

¹² Jō có' lajōb` nilí, jōba' lajaang` lajaam` jneaa`aa' 'né- e niguiéé`naa' júu` fí' quini~ Fidiée~ mi~ tí' lí' nití- í' e niquidsir' í' qui`ii'.

Ja`jmoo` e niténg` dsea` rún' fí' ni~ dsee-

¹³ Jō có' lajōb` líi', dsea` rún'naa' dsea` quiá'- Dsea` Jmáang-, jōba' ja' 'né- e ééng`naa' jaléng` dsea` rún'naa'. Co' lí' lí' 'né- e nijmi'úung`naa' e ja` nijmée`naa' jii'~ cóo' e ga` e dseáang'~ e niténg` dsea` rúng`naa' fí' ni~ dsee- osi e nitúr' e já'- líiñ' júu` quiá'- Dsea` Jmáang- é. ¹⁴ Jōgui jnea~, la'eáang' e lín'n jaang` dsea` i jmóo`o lajii'~ e iing` Fí'naa' Dsea` Jmáang-, jōba' eáam`nita~ dsii- e lajaléb' e quiee`naa' e sea' fí' jmi'güi' la jmang'- e guiáb- líi'. Jō dsu' seem` dsea` i í dsí' e seab` e ja' dseeng`, jōba' lajōb` líi' dsu' lajii'~ quiá'- i dsea` íb'. ¹⁵ Jōgui song cóo'~ jalé' e cø'na' seem` dsea` rúng`naa' dsea` quiá'- Dsea` Jmáang- i ja` tí' dsí' jalé' e jmoo`na' do, jō song lajōb` líi', jōba' lafa' ja' jmi'neáam`ba' i dsea` rúng`naa' do jóng. Jō uíi' e lajōb` líi', jōba' fii' i 'nú' e ja' cuøøng` e cóo'~ jalé' e cø'na' nijmé- e niténg` dsea` rúng`naa' fí' ni~ dsee-, có' uíi' i dsea` íbing' e cajúng- Dsea` Jmáang- fí' dse' crúu'. ¹⁶ Jōba' fii' i 'nú', ja` jmoo`naa' jii'~ cóo' e laco' dseáang'~ e nifé' dsea` ga` uii' quiá'- jalé' e í' óóna' e guiá-. ¹⁷ Jō mi~ Fidiée~ quier' nifí' qui`naa', jō quiu'gui ta~ qui`ii' fa' jalé' e quiee`naa' osi jalé' e 'né'naa' é, có' e laba' e eáang`gui 'né- nijmó`oo' la'eáang' cóo'~ Jmíguí' quiá'- Fidiée~, e see`naa' e jmoo`naa' laco' iing` Fidiée~, jōgui e see`naa' juguiú- júu` røø, jōgui e íáang` dsí'naa' cajo. ¹⁸ Jō i dsea` i jmóo` lana cóo'~ lajii'~ e ta~ e cangiñ' quiá'- Dsea` Jmáang-, jōba' i dsea` í jmi'íáam`bre dsí' Fidiée~ jōgui guiáb- fé' jaléng` dsea` rúñ' uíi'~ quiá'r- cajo.

¹⁹ Jō lana fii' i 'nú', dsea` rún'naa', e contøøm- 'né- e nijmi'úung`naa' e nijmó`oo' jalé' e laco' nilisee`naa' juguiú- júu` røø` cóo'~ jaléng` dsea` rún'naa', jōgui cajo e nijmicóo'~ rún'naa' e laco' nilí'naa' e teá'gui nisíng'-naa' cóo'~ júu` quiá'- Dsea` Jmáang-. ²⁰ Jō uíi'~ cóo'~ jalé' e cø'na' ja` jmoo`naa' e laco' dseáang'~ ni'íing- lajii'~ e jmóo` Fidiée~ cóo'~ lajaang` lajaang` dsea` quiá'r-. Jō dseáng'- e jáb'-, guiáb- lajalé' e gø' dsea', dsu' e doba' ja' dseeng' e song cóo'~ jalé' e cø'na' do nijmé- e niténg` dsea` rúng`naa' dsea` quiá'- Dsea` Jmáang-

fí ni~ dsee-. ²¹ Jòba' guiá~gui e ja` cø^na' nguú' o'gui u^na' jmí^ mí^ huíng` jø^ o'gui jmé^na' jii~ coo` e laco' dseáng~ e niténg` dsea` rúng`naa' dsea` quiá~ Dsea` Jmáang` fí ni~ dsee-. ²² Jòba' fii~i` 'nú' e jii~ yaam`ba' 'né` ñi^na' fí` quini` Fidiéé` jial` tí` já~ líng`na' cuaiñ~ quiá~ e jø. Jø eám` juguiá~ quiá~ i` dsea` i` ta~ dsíi' e guiáb~ jalé` e jmóor`, co' ja` cuø' dsee- 'ña'r` lajee` e jmóor` lajo. ²³ Jøgui dsu' song sea` coo` jmiñi` e ta~ dsíi' i` dsea` í e ja` cuøøng` lí` dør~ jø song cagør` e jø, jòba' dseeb~ ca'éer` jóng` fí` quini` Fidiéé`, co' dseáng~ ja` tab~ dsíir` e cajméer` e guiá~ mí~ cajméer` e jø.

15

Jø jii~ uø' 'né` jmi'íang` o', co' lajòb` 'né` jme'' cøo~ dsea` rún'

¹ Jø fii~guíi` 'nú', dsea` rú`naa' dsea` quiá~ Dsea` Jmáang~, e jaléng` jneaa~aa', dsea` eáang`gui teá` nitée~naa' cøo~ júu^ quiá~ dsea` do, 'né` e nijmicøo~baa' jaléng` dsea` rú`naa' i` ja`gui teáang~ teá` cøo~ e júu^ jø. Co' ja` 'né` jmóoo' dseáng~ lajii~ e guiá~ qui~naa' yee~naa'. ² Jø lajaang` lajaang` jneaa~aa' 'né` see~naa' e jmi'íang`naa' dsíi' jaléng` dsea` rú`naa' e laco' ni`uíng~ guiá~ quiá~r~, jø lajòba' cuøøng` e teá`gui nisíi~ cøo~ júu^ quiá~ Dsea` Jmáang~. ³ Co' jii`gui Dsea` Jmáang~ ja` ca'no'r~ jial` laco' nijmi'íang` dsíir` 'ña'r`, co' lí^ lí` cangongíiñ~ jii~ laco' fé' fí` ni~ jì` quiá~ Fidiéé` lí` fé' lala: "Jalé` e ga` e café` dsea` uii~ quií~', jneab~ cangongíing~ jalé` e jø." ⁴ Jø lajalé` júu^ e fé' fí` ni~ jì` quiá~ Fidiéé` e cajme' dsea` lamali~gui eáang` calí~ lajò e lí^ laco' e' jneaa~aa' jialco' nijmónaa' té'ee' cøo~ jalé` e huíng` e dsijéé` qui~ii', jøgui cuø' jneaa~aa' bí` cajo; jø lajòba' dseáng~ nita~ dsínaa' e nilisee~baa' cøøng` cøo~ Fidiéé` fí` ñifi~ quiá~r~ mí~ nití~ e í' jø. ⁵ Jø Fidiéeb~ dsea` i` cuø' jneaa~aa' e jmoo~naa' té'naa' cøo~ jalé` e dsingíing~naa' do jøgui e cuø'r` jneaa~aa' bí` cajo. Jø uíi~ e lajòb` líi', jòba' mii~i` dsea` do e güijmicøo~bre 'nú' e laco' røøb` niliseeng`na' lajee` la'ó' 'nú' lí^ laco'gui ca'éé` Fí'naa' Dsea` Jmáang~. ⁶ Jø lajòba' nijmiféng`naa' Fidiéé`, Tiquiá~ Fí'naa' Dsea` Jmáang~, colíing~ lajii~naa'.

Mí~ canúu~ dsea` i` ja` líng` dsea` Israel júu^ quiá~ Dsea` Jmáang~

⁷ Jø lajòb` fii~guíi` 'nú', dsea` rú`naa' dsea` quiá~ Dsea` Jmáang~, e íing~ rúng`na' e íang` óo'na' lí^ laco'gui ca'íng` Dsea` Jmáang~ 'nú', jø lajòba' e nijmiféng` dsea` Fidiéé`. ⁸ Jø jnea~ fii~i` 'nú' e Dsea` Jmáang~ cagüeiñ~ fí` jmigüi` la e laco' nijmicøo'r~ dsea` Israel. Jø calí~ lajò e lí^ laco' cuø' lí~ e dseáng~ jmitib~ Fidiéé` júu^ quiá~r~ lí^ laco' júu^ e cacuø'r` 'íi~ dsea` áang` qui~ii', dsea` Israel, ie~ mali~gui do. ⁹ Jøgui cajá~bi Dsea` Jmáang~ cajo e laco' jaléng` dsea` i` ja` líng` dsea` Israel nijmiféiñ` Fidiéé` uíi~ e eáang` fí' líng~ dsea` do jaléng` i` dsea` í lí^ laco'gui la fé' fí` ni~ jì` quiá~ Fidiéé` lí` fé' lala:

Jø nijmifén`n` 'nu` jee~ jaléng` dsea` i` ja` líng` dsea` Israel,

jøgui nijmifén`n` 'nu` cøo~ jalé` e øø~.

¹⁰ Jø lalab` fé'gui cajo fí` ni~ jì` quiá~ Fidiéé`:

jmi'íang` óo'na', dsea` quiá~ Fidiéé` i` ja` líng` dsea` Israel,

colíing~ cøo~ jaléng` dsea` i` líng` dsea` Israel!

¹¹ Jø lalab` fé'gui fí` ni~ jì` quiá~ Fidiéé` cajo:

Jmiféng`na' Fí'naa' Fidiéé` jaléng` 'nú', dsea` i` ja` líng` dsea` Israel,

i` seeng` jalé' fii`jiu` jøgui jalé' fii` cøo~.

¹² Jø lalab` fé'gui fí` ni~ jì` quiá~ Fidiéé` e cajme' Saíi`:

Nabi nijáa' jaang` dsea` siju` Isai,

jø íb` i` niquiá~ ta~ quiá~ jaléng` dsea` i` ja` líng` dsea` Israel.

Co' cøo~ i` dsea` i` nijáa' do,

íb` i` nicuø~ e ta~ dsíi' jaléng` i` dsea` í.

Jø lanab` fé' fí` ni~ jì` quiá~ Fidiéé`.

¹³ Jòba' mii~i` Fidiéé` i` cuø' e ta~ dsínaa' do e güicuø~bre 'nú', dsea` já~ líng`na' júu^ quiá~r~, e seeng`na' e íang` óo'na' jøgui e seeng`na' juguiá~ júu^ røø; jø lajòba', la'eáang`

cóo' bî e 'gøng' quiá' Jmiguí quiá'r, dseáng' eáang'gui güijmitar' óo'na' e niliseeng'na' cóo'r' fí' ñifí' quiá'r' mî' nití' e í' jø.

14 Dsea' rú'naa' dsea' quiá' Dsea' Jmáang-, dseáng' eáam' nita' dsii' e 'nú' eáam' guiúng-na' cóo' jaléng' dsea' rúng'na', jogui e guiúb- niñí'na' jial 'né' seeng'na', jogui cajo eáam' quií'na' jmî' e cuó'na' bî' rúng'na'. 15 Dsa' e fí' ni' jì' la nicateá' dsii' e nicajmée' e quií'na' tú' 'ní' mî' júu' e teáb'jiu; jø dsa' cajmé' e lajò e lí' laco' nijmigié'n' áa'na' jalé' e jø. Jø lajòb cajmé' e uí' e ta' e nicangín'n quiá' Fidié', có' dseáng' eáam' guiúng- dsea' do cóo' jnea' e jii' ja' catín'n lajò. 16 Jø cajméer' lajò cóo' jnea' e lí' laco' nijmee' e lajii' e iing' Dsea' Jmáang- fí' jee' jaléng' dsea' i ja' líng' dsea' Israel. Jø cangín'n cóo' ta' quiá' Fidié' e lí' laco' niní' i júu' quiá' jial láang' dsea' do jaléng' dsea' jee' jalé' dsee' quiá'ñ'. Jø jmóo' lajò e lí' laco' cuó'ng' nijøon'n fí' quinir' jaléng' i dsea' í' e liñ' do lafa' cóo' feá' e jlo' jmeafii' e nití' dsíir' jogui e nicaligüeang' la'eáang' cóo' Jmiguí quiá'r'.

17 Jø dsea' quiá' Dsea' Jmáang- líng' jnea', joba' seab' uing' quié' e eáang' jmi'iaang' dsii' uí' jalé' e ta' e nicangín'n e jmóo' quiá' Fidié'. 18 Dsaco' ja' teá' dsii' e nifá'a jii' cóo' júu' e jié'gui jii' laco' e nicajmée' Dsea' Jmáang- cóo' jnea' e quiá' e nicaguiáa' júu' jee' jaléng' dsea' i ja' líng' dsea' Israel e laco' nijméiñ' do náur' lajii' ta' quiá' Fidié'. Jø lajòb nicajméeiñ' do la'eáang' cóo' jalé' júu' e nicaguiá'a cóo'gui jial nica'ee' jee' jaléng' i dsea' í', 19 jogui cóo' jalé' e lí' e quií' Fidié' jmî' e jmóor' cóo' e güea' e 'gøng' quiá' Jmiguí quiá'r'. Jø lanaba' guiúb- nicatán'n e ta' do quié' e e quiá' e ní' i júu' quiá' Dsea' Jmáang- quiá' jial laang' dsea' jee' jalé' dsee' quiá'r', jø e jø canaan' fí' Jerusalén cartí' caguié' e fí' lí' se' Iliria. 20 Jø nicajmé' e úung' e niní' i júu' e quiá' jial laang' dsea' jee' jalé' dsee' quiá'r' dseáng' e fí' lí' ja' mî' canúu' dsea' júu' quiá' Dsea' Jmáang- jii' cóo' ya' lamí' jéeng'gui. Jø calí' lajò uí' e jnea' ja' iin'n fa' e niní' i e júu' jø fí' lí' nicajmée' dsea' lajò. 21 Có' cajmé' e lajò lí' laco' caliti' laco' la fé' fí' ni' jì' quiá' Fidié' lí' fé' lala:

Jaléng' dsea' i dseáng' jii' cóo' ya' ja' mî' canúu' júu' quiá' Dsea' Jmáang-,
dseáng' ninú-bre e júu' jø;

jogui dseáng' ningám' e júu' jø jaléng' dsea' i ja' mî' canúu' e júu' jø cajo.
Jø lanab fé' fí' ni' jì' quiá' Fidié'.

Mî' ca'f' dsí' Paa' e nidsér' fí' Roma

22 Jø uí' e ngü' ta' guiá' júu' quiá' Dsea' Jmáang-, joba' ja' mî' cacuø' fí' quié' e fa' e niní' i e ni'ee' e 'nú', dsea' rú'naa' dsea' quiá' Dsea' Jmáang- i neáang' fí' na fí' Roma, nañí' fa' jmiguiub' ya' nica'í' dsii' e nijmee' e lajò, dsa' ja' mî' calí' quié' e lajò. 23 Dsa' lanagui nicatób' ta' jmóo' e fí' guóo' uø' la; jø có' ningóob'jiu eáang' e í' dsii' e ni'ee' e 'nú', 24 joba' sijeer' e lajòb nilí' lajee' e iuun' fí' e ngóo' fí' guóo' uø' lí' sii' España. Jø mî' ningí' e nineeng' rú'naa' fí' na, joba' iin'n e jaléng' 'nú' nijmicóo'na' jnea' cóo' jalé' e 'né' e lajee' e ngóo' fí' España. 25 Jø dsa' ná' gui' e ngóo' fí' na fí' Roma, jang' níng' teáa' fí' Jerusalén e nicóo' capí' jalé' e 'né' dsea' quiá' Dsea' Jmáang- i tiñíng' i seeng' fí' jø. 26 Dsaco' jaléng' dsea' quiá' Dsea' Jmáang- i seeng' fí' Macedonia cóo'gui i seeng' fí' Acaya ca'f' dsíir' yaaiñ' e líng' e caseá'ñ' capí' jogui e nisíñ' quiá' dsea' rú'naa' dsea' quiá' Dsea' Jmáang- i tiñíng' i seeng' fí' Jerusalén. 27 Jø guiúb- cajmée' i dsea' í' uí' e ca'f' dsíir' e nijmicóo'r' i dsea' rú'ñ' do lajò. Dsaco' jaléng' dsea' quiá' Dsea' Jmáang- i líng' dsea' Israel eáam' nicajmicóo'r' jaléng' dsea' quiá' Dsea' Jmáang- i ja' líng' dsea' Israel e laco' teá'gui casíñ' yaaiñ' fí' guiá' cóo' Dsea' Jmáang-. Jø uí' e lajòb lí', joba' jaléng' dsea' quiá' Dsea' Jmáang- i ja' líng' dsea' Israel dseáng' 'né'ba' líng' ee'gø' jmicóo'r' jié' jii' quií' r' jmî' cóo' jaléng' i dsea' Israel do. 28 Joba' dsifí' mî' nité' e ta' e nijmee' e do e quiá' nijáa' dsea' quiá' Dsea' Jmáang- i neáang' fí' Jerusalén jalé' e caseáng' do, jogui'ba' nijúu' e niní' i fí' España jóng, jø lajee' e iuun' fí' e ngóo' fí' jø, joba' í' dsii' e

ningiñ n cateá fí na fí Roma. ²⁹ Jo eám nita dsii e mi niguiée e ni'ee'e 'nú' fí na, eám guiá nijmé Dsea Jmáng cóo' jneaa'aa'.

³⁰ Dsea rú'naa' dsea quiá' Dsea Jmáng, la'eáng cóo' Fí'naa' Dsea Jmáng jogui la'eáng cóo' e Jmiguí quiá' Fidiée e cuø' jneaa'aa' e eám 'neáng rú'naa' do, joba' lana má' i 'nú' jmi'ee e nijmicóo' rú'naa' coling e nimí'na' Fidiée uii' quié e. ³¹ Jo má'na' dsea do e nijmér í jnea jee jaléng' dsea i ja' já' líng' júu' quiá' Fidiée i neáng fí lí se' Judea. Jogui má'na'r cajo e eáng nili'íng' ta' quiá' jaléng' dsea rú'naa' dsea quiá' Dsea Jmáng i neáng fí Jerusalén lají' e quiee quiá'r. ³² Jo ngí jo, song nicuø' Fidiée fí, joba' niguiée'baa fí na jóng cóo' juguiá' e ni'ee'e 'nú', jo lajoba' cuøng lí jmi'ín'n lajee see'naa' coling. ³³ Jo má' i Fidiée i cuø' e seeng' dsea juguiá' júu' røø' e güiliseem bre cóo' jaléng' 'nú' lata'.

Jo lajob nilí.

16

Júu' guicóo' quiá' Paa' e catíng' dsea seeng' fí Roma

¹ Dsea rú'naa' dsea quiá' Dsea Jmáng i seeng' fí na fí Roma, lana fí' i 'nú' cuaiñ quiá' jaang' dseam' i sii Febe i jmóo' ta' jmicóo' jaléng' dsea quiá' Dsea Jmáng i seeng' fí Cencrea. ² Jo i dseam' la dsea quiá' Dsea Jmám líiñ', joba' ím'ba're cóo' e guiá' lí' laco'gui catíng' e íng' dsea i dsea la'í. Jogui jmicóo'na're cóo' lí' doñí' ee' e 'né' , dsuco' eám nicajmicóo'r' jaléng' dsea rú'naa' lí' laco'gui la nicajméer' cóo' jnea'.

³ Jogui guiéen'n júu' guicóo' quiá' Prisca cóo'gui i dseañu' quiá'r i sii Aquila, có' i dsea na røøb' nicajmó'naa' ta' guiá' júu' quiá' Dsea Jmáng cóo'r'. ⁴ Co' laj' gám' i dsea na jiu' ja' mí' cajúum bre dsu' uí' e nicajmicóo'r' jnea'. Jo có' lajob nicajméer' cóo' jnea', joba' cuøø'ore gui'máng'; jo dsu' o' jí' jnea' jmóo' lajo, có' lajob jmóo' cajo jaléng' dsea quiá' Dsea Jmáng i ja' líng' dsea Israel. ⁵ Jogui guiéen'n júu' guicóo' quiá' jaléng' dsea rú'naa' dsea quiá' Dsea Jmáng i seáng' fí na fí quiá' Prisca cóo'gui Aquila. Jogui guiém'baa júu' guicóo' cajo quiá' i seen' røø' cóo' i 'neán'n eáng' i sii Epeneto, có' íb' la'uii' dsea i calíng' dsea quiá' Dsea Jmáng fí la'úng' fí lí' se' Asia. ⁶ Jogui guiém'baa júu' guicóo' quiá' Yá' cajo, có' eám nicajméer' ta' jmicóo' jee' 'nú'. ⁷ Jogui guiéen'n júu' guicóo' quiá' dsea góo' i sii Andrónico cóo'gui Junias, dsuco' conrøøb' cajníng'naa' fí dsí' 'nú' cóo'r'. Jogui jaléng' dsea apóo' quiá' Dsea Jmáng eám guiá' fé'r' uii' quiá' laj' gáng' i dsea góo' na, jo i dsea na jéeng'guib calicuír' júu' quiá' Dsea Jmáng laco'gui jnea'.

⁸ Jogui guicóob' i dsea i sii Ampliato, i dsea quiá' Dsea Jmáng i eáng' røø' seen' cóo'. ⁹ Jogui guicóob' cajo i dsea i sii Urbano i jmóo' ta' coling cóo' jnea'; jogui guicóo'bi cajo i dseañu' i sii Apeles i nicagü'í' guiá' jee' jalé' e huíng' e nicangongüiñ' uí' e teá' siñ' cóo' júu' quiá' Dsea Jmáng; jogui guicóob' cajo jaléng' i dsea sinúu' quiá' Aristóbulo. ¹¹ Jogui guicóob' cajo i dsea góo' i sii Herodión cóo'gui jaléng' i dsea sinúu' quiá' Narciso, có' dsea quiá' Dsea Jmám líiñ' cajo. ¹² Jogui guicóob' Trifena cóo'gui Trifosa, có' laj' gám'biñ' na jmóor' lají' ta' e nicangüiñ' quiá' Dsea Jmáng; jogui guicóob' cajo i dseam' i sii Pérsida i eáng' seen' røø' cóo', có' i dseam' na eám nicajméer' ta' e nicangüiñ' quiá' Dsea Jmáng. ¹³ Jogui guicóob' cajo i dseañu' i sii Rufo, jaang' dsea i dsíng' ní' dsea e cuíñ' Dsea Jmáng jogui e eám teá' siñ' cóo' júu' quiá' dsea do cajo; jogui guicóob' niquiá'r' cajo, dsuco' í líng' lafa' niquié'baa cajo. ¹⁴ Jo guicóob' Asíncrito cóo'gui Flegonte cóo'gui Ermes cóo'gui Patrobas cóo'gui Ermas cóo'gui jaléng' dsea quiá' Dsea Jmáng i neáng cóo'r' do. ¹⁵ Jogui guicóob' Filólogo cóo'gui Julia cóo'gui Nereo cóo'gui i dseam' rú'naa' do, jogui guicóo' Olimpas cajo cóo'gui laj'ng' dsea quiá' Dsea Jmáng i neáng cóo' lajaléng' dsea na.

16 Jogui jaléng' 'nú', dsea` líng'na' dsea` quiá'- Dsea` Jmáang-, lacoó` ya' mi` fón' rúng'na' se' guoo` rúng'na'. Jo lajaléng' dsea` quiá'- Dsea` Jmáang- i seeng' fí' la guiéiñ' júu` guicóo'` quií'-na'.

17 Dsea` rú'naa' dsea` quiá'- Dsea` Jmáang-, iin`n nimíi`i 'nú' lahuíng' e nijmée` í' yaang`na' cóo'` jaléng' i dsea` i ngí' ta` jmóo` 'nii` jee` jaléng' dsea` quiá'- Dsea` Jmáang-, jogui jmóor` quiíi`- jial nitú` dsea` fí' guiá- li` niteáaiñ` cóo'` Dsea` Jmáang-, dsuco' cóo'` jalé' e jmóor` do ja` cóøng` røø` cóo'` júu` quiá'- Dsea` Jmáang- e nica'íing' 'nú'. Joba' fíi` i 'nú' e ni'naam` yaang`na' jee` jaléng' i dsea` í. 18 Dsuco' jaléng' i dsea` la'í' ja` jmóor` ta` e nicangíiñ` quiá'- Fíi'naa' Dsea` Jmáang-, co' jmóor` jíi'` laco' í' dsíir' yaam`bre. Jogui fé'r' júu` jlo` e róo` e lí' laco' li'r' jmigøøiñ` dsea` i ja` qui'` tñng` jmóo` jalé' e ga`, jo lajoba' li'r' jaléng' í. 19 Jo lajím` dsea` quiá'- Dsea` Jmáang- ñir' e eáam' núu` 'nú' júu` quiá'- Dsea` Jmáang-. Jo uíi` e líng'na' lajo, joba' eáam' iáang` dsii` cóo'` 'nú' jogui iin`n e cóo'` jalé' e niñi'na' do nili'íing` ta` quií'-na' quiá'- e nijmée`na' jmang' jalé' e guiá- jo o' quiá'- e nijmée`na' jalé' e ja` dseeng`. 20 Jo Fidiée` i cuø' e seeng` dsea` juguiá- júu` røø', lajmináb` nijgiáaiñ` fii` i 'ling' i sii` Satanás cartí' uii` tñ`na', jo lajoba' jo` cuøøng` fa' e nilí'guir 'nú'. Jo míi`i Fíi'naa' Dsea` Jmáang- e ni'ír` güea` quiá'r` fí' jee` 'nú' lajüng'na'.

21 Jogui Timoteo, jaang` dsea` rú'naa' i jmóo` ta` quiá'- Dsea` Jmáang- colüing` cóo'` jnea~, guiém'bre júu` guicóo'` quií'-na' cajo, jogui lajobi jaléng' i dsea` góo'o` i sii` Lucio cóo'` gui Jasón jogui Sosípater guiém'bre júu` guicóo'` quií'-na' cajo.

22 Jogui jnea` Tercio, dsea` jmo'o` e fí' ni` jì lajalé' júu` quiá'- Paa-, guiém'baa júu` guicóo'` quií'-na' cajo, co' dsea` quiá'- Dsea` Jmáang- lín`n cajo.

23 Jogui lajobi Gayo guiém'bre júu` guicóo'` quií'-na' cajo, co' fí' quiá'-bre guíing` jnea` lana, jo fí' job cajo li` seáng' jaléng' dsea` quiá'- Dsea` Jmáang- e jmiféiñ' Fidiée`. Jogui Erasto guiém'bre júu` guicóo'` quií'-na' cajo, jo lana líiñ` dsea` i 'mea' cuu` quiá'- fí; jogui lajobi jaang` dsea` quiá'- Dsea` Jmáang- i sii` Cuarto guiém'bre júu` guicóo'` quií'-na' cajo.

24 Jo güi'íb` Fíi'naa' Dsea` Jmáang- güea` quiá'r` jee` jaléng' 'nú'. Jo lajob nilí.

Júu` li` cadséng` quiá'- Paa- e jmiféiñ' Fidiée`

25 Jo majmifém'baa' Fidiée`, co' í'bing' i quíi` jmíi` i nijmé- e teá'gui nisíng'-na' cóo'` júu` quiá'- Dsea` Jmáang- lí' laco' la fé' e júu` quiá'- Dsea` Jmáang- e guiá' jnea` e quiá'- jial laang` dsea` jee` jalé' dsee` quiá'r-. Jo e júu` nab líi' e júu` quiá'- Fidiée` e lamí` si'maang` lajii`` nú'-gui e nitiroo` jmigüí. Jo dsu' lanagui nicajmijnéem`bre e jo, jo e júu` job e guiá' jnea` na. 26 Dsu' lanagui nicaliñib` dsea` e júu` na la'eáang` cóo'` jalé' jì e cajme' jaléng' i dsea` i café' cuaiñ` quiá'- Fidiée` malii` gui eáang'. Jo calí- lajo e lí' laco' niliti` ta` e caquiú' Fidiée` i seeng` car` ngongíi` jmíi` do. Jo dsu' e júu` e si'ma` quiá'- Fidiée` do, nicajmijnéem`bre lana e lí' laco' lajaléng' dsea` jmigüí nijá'- líiñ` e jo jogui e nijmér` núu'r` cajo.

27 Jo la'eáang` cóo'` Fíi'naa' Dsea` Jmáang- majmifém'baa' lata` jíi' Fidiée`, co' jíi' íb` i eáang` tñng` ngáng'. Jo lajob nilí.

Jo lanab cató' e jì e cajme' Paa- e catüing` dsea` quiá'- Dsea` Jmáang- i neáang' fí' Roma.

Júu^ e toq̃ fí ni~ jì la'uii~ quiá'- Paa- e catíng- dsea' seeng' fí CORINTO

¹ Jnea~ Paa- lín'n jaang` dsea` apóo^ i óo` ta~ quiá'- Dsea` Jmáang-. Jo nicatø'- Fidiée~ jnea~ e nijmee~ e ta~ jo uíi' e lajo nicali'iiñ. Jo jnea~, colíng~ cóo' i dsea` rú'naa' dsea` quiá'- Dsea` Jmáang- i sii` Sóstenes, síng'naa' e jì la ² e catíng- jaléng' 'nú', dsea` rú'naa' dsea` quiá'- Dsea` Jmáang- i neáng' fí na fí Corinto. Jo Fidiée~ nicatø' 'nú' e nilíng-na' dseáng'- jii~ dsea` quiá'- bre la'eáang' cóo' Fí'naa' Dsea` Jmáang-. Jogui lajob nicajméer' cóo' jaléng' dsea` i seeng' fí lí' jié' i jmiféng' Fí'naa' Dsea` Jmáang-, co' íbing' i líng' Fír' lí' laco'gui la líng' quí- jneaa~aa' cajo. ³ Jo mii' i Tiquí'ii' Fidiée~ jogui Fí'naa' Dsea` Jmáang- e ni'ír- güea'^ quiá'r- jee~ 'nú' jogui e nicuø'r- 'nú' e niliseeng'na' juguiá- júu^ røø.

Júu^ gui'máang' quiá'- Paa- e cuø'r' Fidiée~

⁴ Jo ja` mí catúu e cuøø-ø gui'máang' Fidiée~ uíi' quiá'na' uíi' cóo' jalé' e guiá- e nicajméer' cóo' 'nú' la'eáang' cóo' Fí'naa' Dsea` Jmáang- e jii~ ja` catíng-na' lajo, jo dsu' lajob nicajméer'. ⁵ Dsuo' la'eáang' cóo' Fí'naa' Dsea` Jmáang- jmigui'ba' nicalíng-na' quiá'- Fidiée~, co' nicangíng'na' e eáang' tíng'na' guiá'na' júu^ quiá'r- jogui e eáang' ngáng'na' e júu^ jo cajo. ⁶ Jo cóo' jalé' e na cuø' lí' e nicaliti~ lajii~ júu^ e nicalí' a cuaiñ~ quiá'- Dsea` Jmáang-. ⁷ Jo lajob nicalí-, joba' nicangíu'ba' lajalé' e cuø' Jmiguí quiá'- Fidiée~ lajee~ e sijeeng'na' e jmii~ e nijnéng-tu Fí'naa' Dsea` Jmáang- fí jmigüi' la. ⁸ Jo Dsea` Jmáam-bing' i nicuø' 'nú' bí' e laco' teám-bi' teá' fí guiá- lí' niteáang-na' cóo'r-, jo lajoba' jii~ jaang' ja` ii' cuøøng' lí' cuø' 'nú' dsee- mí' tí' lí' nití- í' e nijáa'tu Dsea` Jmáang- fí jmigüi' la. ⁹ Jo dseáng'- jmitib~ Fidiée~ jalé' júu^ quiá'r- e cacuø' jéeng'gui, jogui í'bi cajo i catø'- jneaa~aa' e nilisee-na' cøøng' cóo' Joor' Dsea` Jmáang- i líng' Fí'naa' cajo.

E~ uíng' e ja' síng' røø' dsea' quiá'- Dsea' Jmáang-

¹⁰ Jo la'eáang' cóo' júu^ quiá'- Dsea` Jmáang- mii' i 'nú' e ngocáng' dsii-, dsea` rú'naa', e nisiing-tu' røø, co' ja' 'né- e jmée'na' tá- coo' 'lé' lajee~ la'ó' 'nú'. Co' 'nú' lí' lí' 'né- e seeng'na' conrøøb' e í' óo'na' jogui e ee-na' guiá- lajiiing'na'. ¹¹ Jo uíng~ quiá'- e fii' i 'nú' e júu^ la, dsea` rú'naa', dsuo' dsea` sinúu^ quiá'- Cloé nicajmea'r' jnea~ júu^ e jmoob' 'nú' ta~ jíng' jee~ la'ó' 'nú', dsea' líng'na' dsea' quiá'- Dsea` Jmáang-. ¹² Co' i dsea' í' nicasí'r- jnea~ e i líng' 'nú' fó'na' e líng'na' dsea' quié-e, jogui i líng'gui 'nú' fó'na' e líng'na' dsea' quiá'- Apolos, jogui i jiéng'gui fé' e líiñ dsea' quiá'- Tú^, jogui i líng'gui dsea' í' dsíir' e jii~ í'bre líiñ dseáng'- jii~ dsea' quiá'- Dsea` Jmáang-. ¹³ Jo ja' 'né- jmée'na' lajo, co' ja' fíng' Dsea` Jmáang- seeng'; jogui o' jnea~ cajo dsea' catáng- fí dse' crúu^ e laco' nileáng'na' fí jee~ jalé' dsee- quiá'na', o'gui cajgáang-na' jmii' la'eáang' cóo' jnea~. i Co' dseáng'- o' lajo! ¹⁴ Jo gui'máang' Fidiée~ e jii~ jaang' 'nú' ja' mí caseán-n jmii', co' dseáng'- jii~ Crispo cóo'gui Gayobing' i nicajmé-e cóo' lajo. ¹⁵ Jo uíi' e lajob líí, joba' jii~ jaang' 'nú' cuøøng' lí' fo'na' e cóo' júu^ quiá'- Paab- cajgáang-na' jmii'. ¹⁶ Jaa-, dsu' cadsém' dsii- cajo e caseám-baa jmii' i dsea' sinúu^ quiá'- Estéfanos, jo dsu' jo tóo' dsii- fa' ii' caseáng-guú jmii' i jiéng'. ¹⁷ Dsuo' ja' casíng' Dsea` Jmáang- jnea~ fí jmigüi' la fa' e nijmee~ e ta~ seáng' dsea' jmii', co' casím-bre jnea~ dsu' quiá'- e niguiaa- júu^ quiá'- jial laang' dsea' jee~ jalé' dsee- quiá'-bre. Jo mí caguiá' a e júu^ jo, ja' café' a cóo' júu^ e tíng' dsea' jmigüi' e laco' ja' nijmi'uón-n jial tíí e níng- e cajúng- Dsea` Jmáang- fí dse' crúu^.

Jial 'gøng' Fidiée~ cóo' jalé' e tíiñ

¹⁸ Jo jaléng' i dsea' i niteáang- fí ngolíng' fí lí' lí' í' dsíir' e júu^ íib' líí' e quiá'- e cajúng- Dsea` Jmáang- fí dse' crúu^ . Jo dsu' o' lajo líí' e júu^ jo quí- jneaa~aa', co' e júu^ jo líí' júu^

e 'gøng'. Co' la'eáang' e júu^ joba' nicaláang-naa' jee~ jalé^ dsee- quí-ii'. ¹⁹ Jo lajob líí lí^ laco' fé' Fidiéé' fí' ní' jì' quiá'r- lí' fé'r lala:

Nijmee~ e e ni'ím- lajii'~ e í' dsí' dsea' jmigüü' e tiiñ',
jo cab' ni'naan- lajii'~ e í' dsíir' e ngáiñ'.

Jo lanab fé' Fidiéé' fí' ní' jì' quiá'r-.

²⁰ Jo çjnang~gui i dsea` i í' dsí' e eáang' tiiñ' ngáiñ'? Jogui çjnang~gui i dsea` i í' dsí' e ñir' lajalé'? Jogui cajo çjnang~gui i dsea` i tiiñ' júu^ quiá'- cóo'~ jalé' e sea' fí' jmigüü' la? Jo dsu' lajalé' e í' dsí' dsea' jmigüü' e tiiñ' ngáiñ', Fidiéé' nicajméer' e jalé' e jo lí' júu^ úib'. ²¹ Jo la'eáang' e eáang' tiiñ' ngáiñ' Fidiéé', joba' caguiar' uing~ e ja' nilicuíng' dsea' ír' la'eáang' cóo'~ jalé' e í' dsí' dsea' e tiiñ' ngáiñ' fí' jmigüü' la. Co' lí' lí' calí'iiñ' e nileáiñ' dsea' jee~ jalé' dsee- quiá'ñ'- la'eáang' e já'- líng' dsea' e júu^ cuaiñ' quiá'- e cajúng- Dsea' Jmáang- fí' dse' crúu^, nañí' fa' e júu^ jo líí' lafa' júu^ úib'.

²² Jo jaléng' dsea' Israel 'náñ' Fidiéé' dsu' la'eáang' cóo'~ jalé' e quí'~ dsea' do jmii~ jmóor' e dsigá' dsí' dsea'. Jogui jaléng' dsea' i ja' líng' dsea' Israel 'náñ' Fidiéé' dsu' la'eáang' cóo'~ e tiiñ' ngáiñ' fí' jmigüü' la. ²³ Jo dsu' jnea'~ guía'naa' júu^ quiá'- e~ uing~ e cajúng- Dsea' Jmáang- fí' dse' crúu^ . Jo dsu' e júu^ jo líí' júu^ e 'ní' níng- jaléng' dsea' Israel, jogui jaléng' dsea' i ja' líng' dsea' Israel í' dsíir' e júu^ úib' e jo. ²⁴ Jo lajii'~ e cangongúng- Dsea' Jmáang- fí' dse' crúu^ calí' lajo e lí' laco' niliñ' dsea' jial tí' 'gøng' Fidiéé' jogui jial tí' tiiñ' cóo'~ jalé' e jmóor'. Jo jalé' e jo catúng- jaléng' dsea' i nicatø'- Fidiéé' e ni'uíñ' dsea' quiá'r-, nañí' su líng' dsea' dsea' Israel osi ja' líñ' lajo é. ²⁵ Jo jaléng' dsea' jmigüü' í' dsíir' e júu^ úib' líí' lajalé' e nicagua' Fidiéé' uing~ e nicajméer'. Jo dsu' o' já'- e líí' lajo, co' eáang' guib tiiñ' ngáiñ' Fidiéé' cóo'~ lajalé' e jmóor' laco'gui jii'~ e í' dsí' dsea' jmigüü' e eáang' tiiñ' ngáiñ'. Jogui eáang' guib 'gøng' Fidiéé' cóo'~ e guiar' uing~ e jmóor' laco'gui jii'~ e í' dsí' dsea' jmigüü' e eáang' íng' ta~. ²⁶ Jo fii'~ i 'nú', dsea' rú'naa' dsea' quiá'- Dsea' Jmáang-, e 'né' e tóob' áa'na' e mi~ catø'- Fidiéé' 'nú' e laco' ni'uíng-na' dsea' quiá'r- jo jii'~ tú- 'ní' máng'~ 'nú' líng'na' dsea' i tiiñ' ngáiñ' jii'~ laco' í' dsí' dsea' jmigüü', jogui jii'~ tú- 'ní' máñ'~ba' líng'na' dsea' i óo' ta' fí' jmigüü' la osi líng'na' dsea' sinúu^ quiá'- jaléng' dsea' 'goo' é. ²⁷ Jo dsu' Fidiéé' bing' i cagúng' jaléng' dsea' i í' dsí' dsea' jmigüü' i úi'. Jo cajméer' lajo e lí' laco' nicuø'r- fí' i' jaléng' dsea' jmigüü' i í' dsí' i tiiñ' ngáiñ' eáang'. Jogui cagúñ' jaléng' dsea' i í' dsí' dsea' jmigüü' i ja' 'ga' lí' ta' íng'. Jo cajméer' lajo e lí' laco' nicuø'r- fí' i' jaléng' dsea' jmigüü' i í' dsí' e dsíng'- íñ' ta~. ²⁸ Jogui Fidiéé' nicagúñ' jaléng' dsea' i í' dsí' dsea' jmigüü' i ja' ta' íng' jii'~ capi' osi i uøng- osi i ja' sea' uing~ quiá'- jii'~ cóo' fí' jmigüü' la é, jo dsu' cajméer' lajo e lí' laco' ni'íñ' jalé' e í' dsí' dsea' jmigüü' e níng- eáang'. ²⁹ Jo co' lajob cajmée' Fidiéé', joba' jii'~ jaang' dsea' cuøng' lí' jmér- ráaiñ' fí' quini' dsea' do.

³⁰ Jo dsu' 'ñiab' Fidiéé' nicajméer' e lafa' jaam' dsea' nica'uíng-na' cóo'~ Dsea' Jmáang-, jogui nicajméer' cajo e laco', la'eáang' cóo'~ dsea' do, niline'naa' jial tí' tiiñ' ngáiñ'; co' la'eáang' cóo'~ Dsea' Jmáam~ba' nicajméer' e nilí'naa' dsea' i ja' røøng' dsee- fí' quini' jogui e nilí'naa' dseáng'- jii'~ dsea' quiá'- bre jogui cajo e nicaláang-naa' jee~ jalé' dsee- quí-ii'. ³¹ Jo co' lajob líí, joba' fé' fí' ní' jì' quiá'- Fidiéé' lí' fé' lala:

Jogui song seeng' dsea' i iing~ jmiféng' 'ñia',
joba' guíá'~gui e güijmifém' bre Fí'naa' Fidiéé'.

Jo lanab fé' fí' ní' jì' quiá'- Fidiéé'.

2

E~ uing~ e catáng- Dsea' Jmáang- fí' dse' crúu^

¹ Jo tée' óo'na', dsea' rú'naa', e mi~ cangó-o fí' na fí' Corinto e cangofii' i 'nú' júu^ quiá'- Fidiéé' quiá'- e~ uing~ jalé' e cangojée' cóo'~ Dsea' Jmáang-, jo dsu' ja' cafón'-n 'nú' cóo'~ júu^ e ñí' o'gui cóo'~ júu^ e 'goo' cajo. ² Jo lajee' e cataan~n jee~ 'nú' ja' cafá'-a júu^ e jíé'gui, co' dseáng'- lajii'~ júu^ quiá'- Dsea' Jmáam~ba' ca' fí' dsii' e cafá'-a jo dseáng'- jii'~ e júu^

quíá' e uuing e catáng Dsea Jmáang fí dse' crúu. ³ Jo mi caguié e jee 'nú' e quiá' e niguiaa e júu jo, í dsii e ja 'goo' quí' i jmi~ nijmee e lajo jogui e jlém' bñi cajo uí' e 'gó'o. ⁴ Jo mi cafón' n 'nú' e guiaa e júu jo, ja cajmeaan n ta júu jlo' e laco' já' nilíng' na' júu quié e. Co' 'nú' já' calíng' na' e júu quiá' Fidié e guiaa do la'eáang' cóo' jalé' e quí' jmi~ e cajmée Jmiguí quiá' Fidié e dsigá dsí' dsea. ⁵ Jo cafón' n 'nú' lajo e lí' laco' nijá' líng' na' júu quiá' Dsea Jmáang la'eáang' cóo' güea' 'gøng' quiá' Fidié jo o' la'eáang' cóo' jalé' e tñng' ngáng' dsea jmi~güí.

La'eáang' cóo' Jmiguí quiá' Fidié e licuíng' dsea ír'

⁶ Jo dsu' jnea sñm~baa júu jlo' cóo' i dsea rú' naa' i dseáng' lajang' niteáang teá cóo' júu quiá' Dsea Jmáang, lifa' e júu jlo' e sñ' naa' do e quiá' jial tí' tñng' ngáng' Fidié. Jo dsu' e júu jo o' jii' júu laco' ngáng' dsea jmi~güí o' gui jii' laco' júu e tñng' fé' jaléng' dsea quiá' ta fí jmi~güí la, jo jaléng' i dsea í ja uøø eer fí jmi~güí la. ⁷ Jo dsu' jalé' júu e guia' naa' do lí' júu jlo' e tñng' ngáng' jii' 'ñia' Fidié, jo e júu jo ja cajmijneeiñ' lamí jéeng' gui. Co' caguiar' uuing lajii' mi ná' gui e cajméer' latøøng' jmi~güí e laco' nilisee' naa' cóo' r' fí lí' niing' 'gøiñ' mi nití e í' jo. ⁸ Jo jaléng' dsea i quiá' ta fí jmi~güí la ja mí' cangám' bir e júu jo, cofa' mi cangáiñ' lamí jéeng' gui, joba' ja cateaaiñ' fí dse' crúu i Fí' naa' Dsea Jmáang i jáa' fí ñifí. ⁹ Jo lí' laco' fé' fí ni' jii' quiá' Fidié lí' fé' lala:

Fidié nicauiar' guíá' e nicuó' r' i dsea i 'neáang' ír'

jalé' e ja mí' canga' jii' jaang' dsea jmi~güí

o' gui mí' canúur' cajo,

jo jii' gui jalé' e ja mí' ca' í' dsí' r'.

Jo lanab fé' fí ni' jii' quiá' Fidié. ¹⁰ Jo Fidié nicajméer' e nicalíne' naa' lajalé' e na la'eáang' cóo' Jmiguí quiá' r'. Jo e Jmiguí quiá' r' doba' gui' júu la' uuing, jo jii' gui jmóo' lajo cóo' e ja cóøng' cóo' e í' dsí' 'ñia' Fidié.

¹¹ Jo lajob lí' cajo, co' jii' jaang' dsea cuøøng' líñir' jial í' dsí' jaang' gui dsea rú' ñí', co' jii' jmi~güí quiá' i dsea do cuøøng' lí' jmé' lajo. Jogui lajobi, dseáng' lajii' Jmiguí quiáb' Fidié ñí' lajii' e í' dsí' 'ñia' Fidié. ¹² Jo jaléng' jneaa' aa', dsea lí' naa' dsea quiá' Dsea Jmáang, ja ca' líng' naa' jii' laco' tñng' ngáng' dsea jmi~güí, co' lajii' Jmiguí e jáa' quiá' Fidié ba' nica' líng' naa' e laco' nilíne' naa' jalé' e cuø' Fidié jneaa' aa' uí' e eáang' guíúñ' cóo' jneaa' aa'. ¹³ Joba' mi guí' jnea' jalé' e júu na, jmóo' o' lajo la'eáang' cóo' jalé' e nica' e' Jmiguí quiá' Fidié jo o' cóo' júu e nicalitín' n jii' laco' tñng' ngáng' dsea jmi~güí. Co' la'eáang' cóo' Jmiguí quiá' Fidié ba' guí' naa' e júu na jee' jaléng' dsea i seeng' la'eáang' cóo' Jmiguí quiá' Fidié. ¹⁴ Jo i dsea i ja seeng' la'eáang' cóo' Jmiguí quiá' Fidié ja lí' r' ni' ñí' jalé' e cuø' Jmiguí quiá' Fidié, co' i dsea í' í' dsí' r' e í' b' lí' jalé' e júu jo. Jogui ja cuøøng' fa' e ningáiñ' e júu jo cajo, co' jii' la'eáang' cóo' Jmiguí quiá' Fidié ba' quí' dsea jmi~ e nigui' r' jalé' e jo. ¹⁵ Jogui i dsea i seeng' la'eáang' cóo' Jmiguí quiá' Fidié quí' bre jmi~ e nigui' r' lajalé'. Jo uí' e lajob lí' ñí', joba' jii' jaang' dsea jmi~güí i ja seeng' la'eáang' cóo' Jmiguí quiá' Fidié quí' r' jmi~ e ni' níng' neiñ'. ¹⁶ Co' lalab fé' fí ni' jii' quiá' Fidié:

Jo jii' jaang' dsea jmi~güí cuøøng' líñir' jialco' í' dsí' Fidié;

jo jii' jaang' cajo cuøøng' lí' sí' dsea do e jalé' e 'né' nijmér'.

Jo lanab jii' lí' júu quiá' Fidié. Jo dsu' jaléng' jneaa' aa', dsea see' naa' la'eáang' cóo' Jmiguí quiá' Fidié, røøb' í' dsí' naa' laco' gui' í' dsí' Fí' naa' Dsea Jmáang.

3

Jmaquím' ta' ngüñg' naa' quiá' Fidié'

¹ Dsea rú' naa' dsea quiá' Dsea Jmáang, dseáng' ja mí' calí' jnea' fa' e nica' fón' n 'nú' laco' gui' fón' n dsea i dseáng' lajang' seeng' la'eáang' cóo' Jmiguí quiá' Fidié.

Co' lí' lí' nicafón' n 'nú' lafa' dsea' i mí' 'noo'bi eáang' lí' dsí' jalé' e sea' fí' jmgüü' la, jogui cajo lafa' dsea' i tá'bi já' calíng' júu' quíá' Dsea' Jmáang'. ² Jo uí' e líng'na' lajo, joba' ca'ée' e 'nú' ie' jo júu' quíá' Dsea' Jmáang' cóo' júu' e ja' huím'. Co' 'nú' líng'na' lí' laco'gui la líng' jaang' yuu' i cu' tá' i ja' mí' cuóøng' dó' jmiñi'. Jo dseáng' mí' 'noo'bi líng' 'nú' lajo cartí' jmiñi' na. ³ Co' 'nú' dseáng' mí' 'noo'bi seeng'na' e lí' óo'na' jalé' e sea' fí' jmgüü' la. Co' mí' jmoo'na' ta' dsihuúng' quíá' rúng'na' jogui mí' jmoo'na' ta' jíng', joba' cuø' lí' jóng e dseáng' mí' 'noo'bi jmití'na' lajii' e lí' óo'na' yaang'na' lí' laco'gui la jmoo' doñi' ii' dsea' jmgüü'. ⁴ Co' mí' fó'na' lala: "Jnea' lín'n dsea' quíá' Paa", jogui i jiéng'gui jíng': "Jnea' lín'n dsea' quíá' Apolos", joba' cuø' lí' jóng e dseáng' lajii' e lí' óo'na' yaam'ba' jmití'na'.

⁵ Joba' fii' i 'nú' e jnea' cóo'gui i Apolos do lí'naa' dsea' i jmoo' lajii' ta' e nicangúng'naa' quíá' Dsea' Jmáang', jo la'eáang' cóo' jnea'ba' e já' nicalíng' 'nú' júu' quíá' Dsea' Jmáang'. Co' lajaang' lajaang' jnea' jmoo'naa' jii' laco' ta' e nicacuø' Fidié' jnea'. ⁶ Co' jnea' lafa' cajngá'a cóo' mijú', jogui i Apolos do lafa' caguieñ' jmiñi' e mijú' do, jo dsu' Fidié'bing' i cajmée' e lafa' e cacuáng' e mijú' do. ⁷ Joba' cuóøng' lí' fe'ee' e ja' e niing' i dsea' i cajni' do o'gui i dsea' i caguieng' jmiñi' do, jo dsu' jii' Fidié'bing' i niing'gui, co' í'bing' i cajmée' e cacuáng' e mijú' do. ⁸ Jo i dsea' i jni' e mijú' do jogui i dsea' i guieng' jmiñi' do, røøb' ta' quíá'r'. Jo dsu' ñiab' Fidié' dsea' nicuø'r' lajaang' lajaañ' do jié' jii' ta' e nicajméeñ'. ⁹ Dsaco' jnea' cóo' i Apolos do røøb' jmoo'naa' ta' lajii' ta' e nicacuø' Fidié' jnea'. Jogui jaléng' 'nú' líng'na' lafa' guóo' uø' e jmáng' Fidié' ta'. Jogui lím'ba' cajo lafa' 'nur'. ¹⁰ Jo uí' e eáang' guiúng' Fidié' cóo' jnea', joba' cacuø'r' jnea' ta' e lín'n lafa' jaang' tijii' i caguia' uing' tii' fii', jogui dsea' jiém' i nicanaang' se' ie' e fí' ni' jo. Jo lifa' lajaang' lajaam' dsea' 'né' ñiing' dsír' jial laco' jmo'r' e 'nú' do. ¹¹ Dsaco' ja' quí' jmiñi' fa' e nijmé' dsea' cóo'gui tii' fii' e jié', co' ñiab' Fidié' dsea' nicaguiar' uing' e tii' fii' do, jo íb' Dsea' Jmáang'. ¹² Jo e fí' ni' tii' fii' e nisea' do cuóøm' lí' jme' dsea' 'nú' e lí' cóo' layaang' cunee' osi cóo' cutee' osi cóo' cuu' e 'mo' eáang' é osi cóo' ma' osi cóo' layaang' nuu' osi cóo' quí' cuiñi'bi é. ¹³ Jo ie' jmiñi' mí' nigüéeng' tu Fii'naa' Dsea' Jmáang' fí' jmgüü' la e quíá' niquidsir' í' quíá' lajaang' lajaang' dsea' jmgüü', ie' jmiñi' joba' mí' nilili' røø' jial lí' jalé' e ta' e nicajmée' dsea'. Dsaco' ñia' ie' jmiñi' jo la'eáang' cóo' jii' nilili' jialco' lí' jalé' e ta' jo e nicajmée' dsea'. ¹⁴ Jo i dsea' i nicajme' 'nú' e ja' dseáng' e nicó' cóo' e jii' do, joba' i dsea' i ni'ím'bre lajii' e catiiñ' do. ¹⁵ Jo dsu' song nicó' jalé' e nicajme'r' do, joba' lajaléb' ni'íng' quíá'r' jóng, lifa' nileám'bre e ja' nicaiñ' laco' mí' laang' dsea' cóo' lí' iñ' jii'.

¹⁶ Jogui 'né' ñi'ba' cajo e 'nú' líng'na' lafa' guá' quíá' Fidié', jogui fí' joba' lí' seeng' Jmgüü' quíá' Fidié' cóo' 'nú'. ¹⁷ Jogui song i líng' 'nú' nijgiéng'na' e guá' quíá' Fidié' do, joba' ñiab' Fidié' ni'íñ' 'nú' cajo. Dsaco' güeam' e guá' do quíá'r', jogui 'nú' líng'na' lafa' e guá' do cajo.

¹⁸ Joba' fii' i 'nú', ja' jmgóøng' yaang'na' lala: e song jaang' 'nú' í' óo'na' e tíng' ngáng'na' jii' laco' tíng' ngáng' dsea' fí' jmgüü' la, joba' 'nú' 'né' jmeáang' yaang'na' lafa' dsea' i ja' tíng' ngáng' e lajo, jo lajoba' dseáng' lajang' ni'uúng'na' dsea' i tíng' ngáng'. ¹⁹ Dsaco' lajalé' e í' dsí' dsea' jmgüü' e eáang' tiiñ' ngáiñ', jmang' júu' íib' lí' jalé' e jo fí' quini' Fidié'. Co' lalab fé' fí' ni' jii' quíá' Fidié': "Fidié' nijmeaiñ' ta' jalé' e í' dsí' dsea' e tiiñ' ngáiñ' e laco' nijmgóøng' yaaiñ'." ²⁰ Jogui lalab fé'gui fí' ni' jii' quíá' Fidié' cajo: "Ñib' Fidié' e jmang' júu' íib' lí' jalé' e í' dsí' dsea' e eáang' tiiñ' ngáiñ' fí' jmgüü' la." ²¹ Jo uí' e lajoba' lí', joba' jii' jaang' 'nú' 'né' e nijmiráang' yaang'na' dsu' uí' e sitáang'na' cóo' doñi' ii' dsea' jmgüü'. Dsaco' lajaléb' e sea' e quíib' 'nú' lajalé' e jo; ²² dsaco' jnea' jogui Apolos jogui Tú' jogui lajalé' e sea' fí' jmgüü' jogui e seeng'na' osi e nijúung'na' é, jogui lajee' lana osi lí' dsé'gui é dseáng' e quíib' 'nú' lajalé' e jo. ²³ Jogui lajaléng' 'nú' dsea' quíá' Dsea' Jmáang' nilíng'na', jogui Dsea' Jmáang' cuøng' seeiñ' cóo'

Fidiée˘.

4

Ta˘ e jmoó˘ dsea˘ apóo˘ i s#ng˘ Dsea˘ Jmáang˘ cuaiñ˘ quiá˘r˘

¹ J_oba' f#i˘ i 'nú'˘, dsea˘ rú'˘naa', e 'nú'˘ 'né˘ ni'í˘ óo'na' e jnea'˘ lí'naa' dsea˘ i jmoó˘ laj#i'˘ ta˘ e nicacuø'˘ Dsea˘ Jmáang˘ jnea'˘, jogui cajo e lí'naa' dsea˘ i sinú'˘ júu˘ e ni'é˘naa' jalé'˘ júu˘ quiá'˘ Fidiée˘ e ja˘ mi' cajmijnéeiñ˘ lami˘ jéeng'gui. ² Jogui jaléng'˘ dsea˘ i nisínú'˘ júu˘ e óor˘ coo˘ ta˘, j_oba' dseáng'˘ 'né˘ jmiti˘ bre laco'˘ si'í˘ e ta˘ j_o. ³ Jogui jnea˘, ja˘ dsi'gó˘ dsii˘ f#ng song niquidsi'na' í' quié˘ e osi e niquidsi' í' quié˘ e é fí' quini˘ dseata˘ dsea˘ jmigüi'˘ i jmoó˘ laj_o. Co' j#i'gui 'ñiá'˘ a ja˘ í' dsii˘ fa' e nijmee˘ e laj_o quié˘ e cóo'˘ lajalé'˘ e jmoó˘. ⁴ Jo nañi' fa' í' dsii˘ e ja˘ mi' cajmé˘ e jalé'˘ e ja˘ dseeng'˘, dsu' o' uii'˘ e j_o fa' dseáng'˘ e nita˘ dsii˘ e l#n'˘n jaang˘ dsea˘ i ja˘ røong˘ dsee˘ fí' quini˘ Fidiée˘. Dsaco'˘ j#i'˘ Fí'naa' Fidiée˘ b#ng'˘ i quidsi' í' qui'naa' dseáng'˘ laco'˘ cat#ng˘. ⁵ Jo uii'˘ e laj_ob lí', j_oba' 'nú'˘ ja˘ cuøong˘ fa' e quidsi'na' í' quiá'˘ dsea˘ rúng'˘na' lajee˘ nú'˘gui e nigüéeng˘ tu Fí'naa' Fidiée˘ fí' jmigüi'˘ la. Dsaco'˘ ie˘ j_o í' b#ng'˘ i nijmijnéeng˘ jalé'˘ e cóong'˘ lajee˘ lana, jogui nijmilir˘ cajo jial dseáng'˘ í' dsi'naa' cóo'˘ jalé'˘ e jmoó˘naa'. Jo ie˘ joguiba' nifé'˘ Fidiée˘ guiá˘ quiá'˘ jaléng'˘ dsea˘ i cat#ng˘ laj_o lí'˘ jialco'˘ j#i'˘ lí' e nicajméer˘ lami˘ jéeng'gui.

⁶ Dsea˘ rú'˘naa' dsea˘ quiá'˘ Dsea˘ Jmáang˘, f#i˘ i 'nú'˘ lajalé'˘ e júu˘ na e lí'˘ laco'˘ ni'uíng˘ guiá˘ qui'na' jogui e laco'˘ nijméé˘na' laco'gui la jmoó˘ jnea˘ jogui laco'gui la jmoó˘ Apolos. Jo f#i˘ i 'nú'˘ laj_o e lí'˘ laco'˘ ni'ee˘na' j#i'˘ laco'˘ fé'˘ júu˘ quiá'˘ Fidiée˘, j_o laj_oba' j#i'˘ jaang˘ 'nú'˘ cuøong˘ nijmijl#ng'˘ yaang˘na' dsu' uii'˘ e sitáang˘na' cóo'˘ jaang˘ dsea˘ rúng'˘na', co' e j_o 'léeb'˘ quiá'˘ i caguaiang˘gui do mi˘ jmoó˘na' laj_o. ⁷ Jo j#i'˘ jaang˘ 'nú'˘ cuøong˘ lí' fo'˘na' e niing˘gui' laco' dsea˘ rúng'˘na' caguaiang˘gui. Jogui lajalé'˘ e sea˘ qui'na', 'ñiab'˘ Fidiée˘ dsea˘ nicacuø'r˘ 'nú'˘ jalé'˘ e j_o. Jo co' laj_ob lí', j_oba' ja˘ 'né˘ nijmijl#ng'˘ yaang˘na' e lafa' cóo'˘ bí' qui'na' yaang˘na' nicalí'˘na' lajalé'˘ e j_o.

⁸ Jo 'nú'˘ jmicaang˘na' e í' óo'na' e la'ieb'˘ nisea˘ qui'na' e ng#ng˘na' quiá'˘ Fidiée˘, jogui í' áa'na' e niseab˘ qui'na' lajalé'˘ e iing˘na', jogui cajo í' áa'na' e nil#ng˘na' dsea˘ 'goo˘ i quiu'˘ ta˘ e j#i'˘ j_o 'neáng˘na' jnea'˘ fa' e nijmicóo'˘gu#i'˘ 'nú'˘. Jo e˘gui guiá˘ fa' dseáng'˘ já'˘ e nil#ng˘na' dsea˘ 'goo˘ i quiu'˘ ta˘, j_o laj_oba' jnea'˘ cuøong˘ lí' dsitáang˘naa' cóo'˘ 'nú'˘ jee˘ e ta˘ j_o. ⁹ Jo jnea˘ í' dsii˘ e Fidiée˘ nicajméer˘ cóo'˘ jnea'˘, dsea˘ i s#ng˘ Dsea˘ Jmáang˘ cuaiñ˘ quiá˘r˘, e lí'naa' dsea˘ i uøng˘gui i lafa' nihuí'˘ ta˘ i 'né˘ nijúung˘. Co' jnea'˘ nica'uíng˘naa' dsea˘ i tí' dsii' ng#m˘ jaléng'˘ dsea˘ jmigüi'˘ jogui jaléng'˘ ángeles mi˘ jøøiñ˘ jnea'˘. ¹⁰ Jo uii'˘ e lí'naa' dsea˘ quiá'˘ Dsea˘ Jmáang˘, j_oba' í' dsii' dsea˘ jmigüi'˘ e dsea˘ i#b˘ lí'naa'; j_o dsu' 'nú'˘ í' áa'na' e uii'˘ e l#ng˘na' dsea˘ quiá'˘ Dsea˘ Jmáang˘, j_oba' t#ng˘na'. Jogui jnea'˘ lí'naa' dsea˘ i ja˘ quí'˘ jmi˘, j_o dsu' 'nú'˘ í' áa'na' e eáam' quí'˘na' jmi˘. Jogui eáam' gøøng˘ jøøng˘ dsea˘ jnea'˘, j_o dsu' eáam' jmi'gó˘ dsea˘ 'nú'˘. ¹¹ Jogui jnea'˘ latí' lana ngi'bí' e léé'naa' iihuí'˘ e íng'˘naa' oo˘ jogui e jmi'jmiing˘naa' jogui e ja˘ sea˘ sí'naa' e 'né˘naa', jogui gab˘ jmáng'˘ dsea˘ jnea'˘, jogui cajo ja˘ sea˘ 'núu'˘ lí' ni'ié˘naa'. ¹² Jogui dseáng'˘ eáam' jmoó˘naa' ta˘ cóo'˘ layaang˘ guóo˘naa'. Jogui mi˘ fé'˘ dsea˘ júu˘ 'lí'˘ uii'˘ qui'naa', j_oba' m#i'˘naa' Fidiée˘ e ni'ír˘ güea'˘ quiá˘r˘ quiá'˘ i dsea˘ í', jogui jmoó˘baa' té'naa' cóo'˘ jaléng'˘ dsea˘ i jmáng'˘ ga˘ jnea'˘, ¹³ jogui cóo'˘ juguiá˘ ngi'naa' quiá'˘ i dsea˘ i jmineang'˘ jnea'˘. Jogui latí' jmi˘ na jmáng'˘ dsea˘ jmigüi'˘ jnea'˘ e lí'naa' lafa' qui' quiá'˘ bre, jogui dseáng'˘ e lafa' ja˘ ta˘ íng˘naa' j#i'˘ coo'˘ quiá˘r˘.

¹⁴ Jo ja˘ jmo'˘o e júu˘ la qui'na' e lí'˘ laco'˘ nicuøøø'˘ 'nú'˘ f#i'˘, co' jmo'˘o e júu˘ la qui'na' e lí'˘ laco'˘ niliúun'˘n 'nú'˘, co' lafa' j_oo'baa l#ng˘na' i 'neáan˘ eáang˘. ¹⁵ Jo nañi' fa' seeng˘ lí'˘ lí' guí˘ mil tifa' qui'na' i e'˘ 'nú'˘ júu˘ quiá'˘ Dsea˘ Jmáang˘, dsu' ja˘ f#ng˘ i lafa' tiquí'na' seeng˘ i caguaí' júu˘ quiá'˘ Dsea˘ Jmáang˘, dsaco'˘ j#i'˘ jneab˘ l#n'˘n lafa' tiquí'na', dsea˘ l#ng˘na' dsea˘ quiá'˘ Dsea˘ Jmáang˘. Co' jneab˘ dsea˘ caguaí' júu˘ jee˘ jaléng'˘ 'nú'˘ e quiá'˘ jial nileáng˘na' jee˘ jalé'˘ dsee˘ qui'na'. ¹⁶ Jo co' laj_ob lí', j_oba' m#i'˘ i 'nú'˘ jmi'ee˘ e jméé˘ba' laco'˘ j#i'˘ e jmoó˘ jnea˘.

17 Jo uing~ e lajoba' e sán^n i Timoteo fí na i líng' lafa' jóo' o i 'neáan'n eáang', jogui i contøong- sing' teá' cóo'~ júu^ quíá'- Dsea' Jmáang-. Jo í'bing' i nijmicóo'~ 'nú' e nijmiguiéiñ' óo'na' jial ee- jnea~ dsu' uí'~ e lín'n dsea' quíá'- Dsea' Jmáang- lí' laco'gui jii'~ e ee- jnea~ jaléng' dsea' quíá'- Dsea' Jmáang- i neáang' laco' fí' lí' ngñ'n.

18 Jo i líng' 'nú' nicajmjiløng'^ yaang~na' dsu' uí'~ e í' óo'na' e jo' ninii' i fa' e ni'éé'guí' 'nú' fí' na. 19 Jogui song Fí'naa' Fidiéé' nicuó'r- jnea~ fí' lajo, joba' ngóo'baa fí' na e ni'ee~e 'nú' lajmináb- jia jóng, jo lajoba' nimoo~o quíá'- jaléng' i dsea' i jmjiløng'^ yaang~ do jie~ jii'~ quí'r~ jmí' e nijmér- cóo'~ jalé' e fé'r' do osi lico' eáang' jlo'^ mo'oor- jii'~ quíá'- e fé'bre é. 20 Dsuo' o' cóo'~ la'eáang' e fé' dsea' e cuó' lí' e Fidiéé' quíé' nifí' quíá'r-, co' la'eáang' cóo'~ bí' 'gøng' quíá'- Fidiéé'ba' e lí' lajo. 21 Joba' fí' i 'nú': ¿Jnang~ e iing~na' e nijmee' e quí'na' mí' niguié' e fí' na? ¿Su e nijíin^n 'nú' cóo'~ jalé' e ga' e jmoo'na', osi e nifón'^n 'nú' cóo'~ juguiá- uí'~ e 'neáan'n 'nú' é?

5

Jial tídsi' í' quíá'- dsea' i 'léé' cóo'~ dseamí'

1 Jo fí' i 'nú', dsea' rú'naa' dsea' quíá'- Dsea' Jmáang-, e nicaliseá' júu^ jee' 'nú' e seeng' jaang' 'nú' e jéeiñ' lafa' dseamí' quíá'r- i dseamí' i catí' gáng- quíá'- tiquíá'r'. Jo dseáng'- eáam' 'lí' e jo, co' jì'gui jaléng' dsea' i ja' cuíng' Dsea' Jmáang- ja' jmóor' lajo. 2 Jo dsu' 'nú' mí' 'noo'bi jmjiløng'^ yaang~na', jo dsu' lí' lí' 'né- e nijmeáang'~ yaang~na' fí' líb^ uí'~ e jo. Co' i dseañu' i jmóo' e 'lí' lajo 'né- e ni'øøm'ba're jee' 'nú', dsea' líng'na' dsea' quíá'- Dsea' Jmáang-. 3 Jo dsu' e já'- e ja' seeng' jnea~ jee' 'nú' fí' na lajee' lana, jo dsu' lafa' seem~baa cóo'~ 'nú' fí' na, joba' la'eáang' cóo'~ Fí'naa' Dsea' Jmáang- nica'í'baa í' laco' catíng- quíá'- i dsea' i jmóo' e 'lí' lajo. 4 Joba' mí' seáang'~ rúng'na' lajaléng'na', dsea' líng'na' dsea' quíá'- Dsea' Jmáang-, lí' e lafa' seem~baa jee' 'nú' jogui cajo niliseem' cóøng' cóo'~ 'nú' e güea'^ 'gøng' quíá'- Fí'naa' Jesús. 5 Joba' i dseañu' i ca'éé' dsee- do 'né- nijáang'na'r fí' jaguó' fí' i 'líng' i sií' Satanás e laco' ni'íng- ngúu' táaiñ'. Joba' mí' nigüéeng- tú Fí'naa' Dsea' Jmáang- fí' jmigüí' la, jangám- nileáang' jmigüí' quíá'r-.

6 Joba' fí' guí' 'nú', dsea' rú'naa', ja' 'né- fa' e nijmjiløng'^ yaang~na' cuaiñ~ quíá'- e jo. Dsuo' niñí'ba' lajii'~ júu^ róo' e fé' lala: "Jo cóo'~ capí'^ quieb'^ nijmé- e niróo- lajì' ca~ iñí'." 7 Jo co' lajob lí', joba' fí' i 'nú', dsea' rú'naa' dsea' quíá'- Dsea' Jmáang-, e 'né- cab' sée^na' jalé' e 'lí' e 'léé' quí'na' e lí' lafa' quíé'^ e nisíng'ng', jo lajoba' nilíng-na' lafa' e iñí'^ e lí' cóo'~ ca~ e ja' quíéeng' quíé'^ e gø' dsea' Israel mí' tí' jmí' Pascua. Jo dseáng'- lafa' e iñí'^ dob líng' 'nú'. Jo Dsea' Jmáang- i líng' i Jo'se' Jiuung~ quíá'- Fidiéé', í'bing' i cacó- jalé' dsee- quí'ii' mí' cajáng' 'ñia'r' e cajúñ- fí' dse' crúu^, 8 joba' 'né- e nijmó'naa' jmí' Pascua e ngocáng' dsi'naa' jogui e guíá- dsi'naa', dsuo' e job e lí' lafa' e iñí'^ e ja' quíéeng' quíé'^, co' 'né- e nijmó'naa' e jmí' jo e ja' í' dsi'naa' jalé' e 'lí' o'gui e saang' dsi'naa', co' jalé' e 'lí' lajo lí' lafa' e iñí'^ e quíéeng' quíé'^ e nisíng'ng' do.

9 Jo e fí' ni~ jì' quíé- e e nicajmé'^ e quí'na' lamí- jéeng'gui do fí' i 'nú' e ja' quíng'na' jee~ jaléng' i dsea' i jmóo' ta' 'léé' cóo'~ jalé' e lí' dsí' ngúu' táaiñ'. 10 Jo dsu' e júu^ jo ofa' cafi' i 'nú' e ni'naang- yaang~na' congua' cóo'~ jaléng' i dsea' i jmóo' jalé' e 'lí' lajo, osi cóo'~ jaléng' i eáang' iing~ e silí' jalé' e sea' fí' jmigüí', osi cóo'~ jaléng' i jmóo' íi, osi cóo'~ jaléng' i jmiféng' jaléng' diéé~ i o' já'- . Co' song iing~na' e ni'naang- yaang~na' congua' e quíng'na' jee~ jaléng' i dsea' lana, joba' 'né- e ni'naam- yaang~na' fí' jmigüí' la. 11 Jo e laba' sí'í' e cafi' i 'nú' e dseáng'- ja' quíng'^na' jee~ i dsea' i jíng'- e líiñ' dsea' quíá'^ Dsea' Jmáang- jo dsu' jmóo'bre jalé' e 'lí' e lí' dsí' ngúu' táaiñ', osi e eáang' iñ~ e silí'r' jalé' e sea' fí' jmigüí', osi e jmiféiñ' jaléng' diéé~ i o' já'-, osi e ngír' ta~ quíé' jalé' adsee, osi e jmóor' ta~ í' méé', osi e jmóor' íi' é. Jo cóo'~ jaléng' i dsea' lana jì'gui co' quíá'- cø'^na' í'na' ja' seáang'~ rúng'na' cóo'r-. 12-13 Jo dsu' jnea~ ja' catín-n e ni'í' i í' quíá'- jaléng' dsea' i ja' líng' dsea' quíá'- Dsea' Jmáang-, co' Fidiéé'bing' i niqidsí' í' quíá'- lajaléng' i dsea' í'.

Jō dsu' 'nú', dsea` líng'na' dsea` quiá'- Dsea` Jmáang-, 'né- ni'í'ba' í' jee` la'ó' rúng'na'. Jōba' fíi- i' 'nú' e 'né- ni'óòm'ba' jee` 'nú' i' dsea` i' ca'ée` dsee- do.

6

Dsea` quiá'- Dsea` Jmáam-bing' i' 'né- ni'í' í' jee` la'ó' rúñ'

¹ Jōba' fíi- guí' 'nú', dsea` rú'naa' dsea` quiá'- Dsea` Jmáang-, e mi~ jaang` 'nú' sea` dsee- quií'na' cōo~ jaang`gui dsea` rúng'na' dsea` quiá'- Dsea` Jmáang-, jōba' ja` cuóøng` fa' e mií'na' dsea` i' ja` cuíng` Fidiée` e ni'í'r- í' quií'na', dsuco' guiá' gui e dsea` quiá'- Dsea` Jmáam-bing' i' ni'í' í' quií'na'. ² Jogui 'néb- ní' 'nú' cajo e jaléng' dsea` quiá'- Dsea` Jmáam-bing' i' ni'í' í' quiá'- jaléng' dsea` jmi'güí' mi~ nití- e í' jō; jō cō' lajōb' nijmée'na', jōba' 'né- ní'ba' jial' ni'í'na' í' cōo~ jalé' e ja` 'ga' lí' niing- e dsijée' jee` 'nú'. ³ Jogui 'né- ní'ba' cajo e jì'gui jaléng' ángeles quiá'- Fidiée` 'né- ni'í'naa' í' quiá'r- mi~ nití- e í' jō. Jō cō' lajōb' nilí, jōba' lajang` júu'gui 'né- ni'í'naa' í' mi~ ee'gō dsijée' lajee` see-naa' fí' jmi'güí' la. ⁴ Jōba' song' i' líng~ lajee` la'ó' 'nú', dsea` líng'na' dsea` quiá'- Dsea` Jmáang-, jmoo'na' ta~ jíng, jōba' fíi- i' 'nú' e ja` dseeng` e nigüíling- na' fí' quini` dseata~ i' ja` cuíng` Fidiée` e laco' ni'í'r- í' quií'na', cō' jaléng' i' dsea` í' ja` catíng- e quiíñ'- jee` la'ó' 'nú'. ⁵ Jō uing~ e fíi- i' 'nú' lana e lí' laco' nicá'na' fí'i', cō' lí' dsii- e dseáng'- seem` jaang` dsea` i' lajang` quií~ jmi~ ni'í' í' jee` la'ó' 'nú', dsea` líng'na' dsea` quiá'- Dsea` Jmáang-. ⁶ Jō dsu' o' jii~ lico' jmoo'na' ta~ jíng' lajee` la'ó' 'nú', dsea` líng'na' dsea` quiá'- Dsea` Jmáang-, cō' jì'gui güíling- na' fí' quini` dseata~ i' ja` cuíng` Fidiée` e laco' ni'í'r- í' quií'na' cuaiñ~ quiá'- e ta~ jíng` do.

⁷ Jō cōo~ jii~ e ta~ jíng` e jmoo'na' do, cōo~ jii~ e jōbi' eáam' ni'lee' quií'na', dsuco' guiá'gui e nijmée'na' té'ba' cōo~ jalé' e ga` e dsingíng- na', jogui guiá'gui cajo e nijmée'ba' té'na' mi~ jmoo' dsea` rúng'na' íi' quií'na'. ⁸ Jō dsu' 'nú' lí' riquí' jmoo'na', cō' lajee` la'ó' yaang'na', dsea` líng'na' dsea` quiá'- Dsea` Jmáang-, jmoo'na' ga` quiá'- rúng'na' jogui jì'gui jmoo'na' íi' quiá'- rúng'na' cajo.

⁹ Jō 'nú' 'né- ní'ba' e jaléng' dsea` i' léé' ja` quií'- jmi~ fa' e nicá' Fidiée` nifi' quiá'r-. Jō uíi~ e lajōb' lí', jōba' fíi- i' 'nú' e ja` güijmigoøng` dsea` 'nú', cō' jaléng' dsea` i' jmoo' jalé' e 'lí' lala ja` quií'- jmi~ fa' e nicá' Fidiée` nifi' quiá'r-; fa' jaléng' dsea` i' jmoo' jalé' e 'lí' e lí' dsíí' ngúú' táaiñ, jogui jaléng' i' jmi'féng' jaléng' diée~ i' o' já', jogui jaléng' i' güíng` cōo~ dsea` jiénng' mi~ níngí' e cacúng'- guór, jogui jaléng' dseañu' i' tí' dsíí' jmang' yaang~ lafa' dseamí, jogui jaléng' dseañu' i' tí' dsíí' güíng` cōo~ jaléng' dseañu', ¹⁰ jogui jaléng' i' jmoo' íi, jogui jaléng' i' eáang` iing~ silíi~ jalé' e sea` fí' jmi'güí, jogui jaléng' i' jmoo' ta~ í' méé', jogui jaléng' i' jmoo' ta~ quie' júu' e o' já', jogui jaléng' i' jmi'í' e sea` quiá'- dsea` rúñ' la'eáang` e jmi'gøøng` neiñ'. Jō jaléng' i' dsea` la'í' ja` quií'- jmi~ fa' e Fidiée` nicá' nifi' quiá'r-.

¹¹ Jō jalé' e 'lí' lanab lami~ jmoo' i' líng~ 'nú' lami~ jéeng`gui, jō dsu' lana nica'ím- Fidiée` jalé' dsee- quií'na' jogui nica'jmée' e dseáng'- jii~ dsea` quiá'-bre nilíng'na'. Jogui la'eáang` cōo~ Fíi'naa' Dsea` Jmáang- jogui cōo~ Jmiguí' quiá'- Fidiée` 'nú' nilíng'na' lana dsea` i' ja` dsee- røøng` fí' quini` Fidiée`.

'Né- jmi'gób' dsea' Fidiée' cōo~ ngúú' táaiñ'

¹² Jō fíi- guí' 'nú' e júu' la e seem` dsea` i' fé' lala: "Cuóøm` lí' jmé- e lí' doñí' ee' e iin~n." Jō e jáb'- e jō, lifa' ja` lajì' íng` ta~ quiá'r-. Jō e jáb'- e cuóøm` lí' jmé'naa' lí' doñí' ee' ií'naa' jmé'naa', lifa' ja` 'né- cuóø' fí' yee'naa' e niquiá'- ta~ jneaa'aa' jalé' e lí' dsíí' ngúú' táang'naa' do. ¹³ Jogui fé'bi' dsea` e júu' la cajo: "Jō jalé' e quiee'naa' dsitoo~ fí' dsíí' tú'naa', jogui e tú'naa' do íng` ta~ quiá'- e guíng' jalé' e quiee'naa' do." Jō e jáb'- e júu' jō, lifa' Fidiée` tōob' jmi~ mi~ ni'íiñ- lajì' tú- e jō. Jogui ja` cajmée' Fidiée` ngúú' táang` dsea` e lico' íng` ta~ e nijmé- dsea` jalé' e ja` dseeng`, dsuco' jalé' ngúú' táang` dsea` íng` ta~ e nijmé- dsea` lajii~ e iing` Fíi'naa' Dsea` Jmáang-, jogui la'eáang`

cóo' Fí'naa' Dsea` Jmáam`bing' cuóøng` jmé`naa' lajō. ¹⁴ Jogui lí' laco' cajmijí' Fidiée` ì Fí'naa' Dsea` Jmáang` do la'eáang` cóo'` güea'` gøng'` quiá'r` mi` cangf` e cajúñ` , jōba' lajōb cajo nijmér` cóo'` jneaa`aa' mi` nití` í' lajō.

¹⁵ Jogui 'né` ñíb` 'nú'` cajo e jaléng'` 'nú'`, dsea` líng`na' dsea` quiá'` Dsea` Jmáang` , líng`na' lafa' jaam` dsea` cóo'` dsea` do. Jō cō' lajōb líí' , jōba' dseáng'` ja` dseeng` e jaang` dsea` nigüññ` cóo'` jaang` dseamî ì jmóo` ta` 'nínng` 'ñia'`. ¹⁶ Jogui 'né` ñíb` 'nú'` cajo e mi` jaang` dseañu'` güñññ` cóo'` jaang` dseamî ì jmóo` ta` 'nínng` 'ñia'`, jōba' lafa' jaam` dsea` uíññ` lajee` lajî` gáññ` do. Dsuo'` lalab fé'` fí` ni` jì` quiá'` Fidiée` : “Jō mi` güñng` dseañu'` cóo'` dseamî , uíññ` lafa' jaam`bre.” ¹⁷ Jō dsu'` mi` uíng` dsea` dsea` quiá'` Dsea` Jmáang` , jōba' jaam` dsea` uíññ` cóo'` dsea` do la'eáang` cóo'` Jmiguí` quiá'` Fidiée`.

¹⁸ Jōba' fñ` i` 'nú'`, dsea` rú'`naa' , cuíng'`na' jalé'` e 'lí'` lajō e lí` dsí'` ngúú` táang` dsea` . Dsuo'` lí'` doñí` ee` dsee` e jie'` e ée` dsea` ja` 'léé'` e jō quiá'` ngúú` táaiñ` , jō dsu'` ì dsea` ì jmóo` e 'lí'` lajō , jōba' 'léé`bre cóo'` ngúú` táaiñ` . ¹⁹ Jogui 'né` ñíb` 'nú'` cajo e ngúú` táang`na' líí' lafa' guá'` quiá'` Jmiguí` quiá'` Fidiée` e nicacuø'r` 'nú'` , jogui e Jmiguí` doba' seeng` cøøng` cóo'` 'nú'`. Jō cō' lajōb líí' , jōba' jō` líí' quií`na' yaang`na' e ngúú` táang`na' do, ²⁰ cō' Fidiée`bing'` ì nicalóng` 'nú'` cóo'` cōo'` 'móo'` e ñíí` eáang` . Jō uí'` e lajōb líí' , jōba' contøøm` 'né` e nijmi`goo`na' Fidiée` cóo'` jalé'` e jmoo`na' fí` ngúú` táang`na'.

7

Jalé'` e 'né` jmiti` dsea` mi` cúññ` guóor`

¹ Jogui lana niquí'` ì júu` quií`na' lajii'` e cajmingí'`na' jnea` ie` lami` jéeng`gui do e fí` ni` jì` quií`na' do. Jō jnea` lalab fñ` i` 'nú'` e guiá`gui quiá'` dseañu'` e ja` nigüññ` dseamî ; ² jō dsu'` uí'` e ja` téeng` dsea` yaaiñ` e iññ` güññ` cóo'` dsea` ì o'` quiá'r` , jōba' lajaang` lajaang` dseañu'` 'né` seeng` dseamî quiá'r` , jōgui lajaang` lajaang` dseamî 'né` seeng` dseañu'` quiá'r` cajo. ³ Jō ì dseañu'` do 'né` nijmiti`bre lajii'` e catñññ` cóo'` ì dseamî quiá'r` do ; jogui lajōbi ì dseamî quiá'r` do cajo 'né` nijmiti`bre lajii'` e catñññ` cóo'` ì dseañu'` quiá'r` do. ⁴ Cō' ì dseamî quiá'` ì dseañu'` do jō` seeng`guir fa' e quiu'`guir ta` 'ñia'r` cóo'` ngúú` táaiñ` , cō' quiá'` dseañu'` quiá'`bre nilíí' . Jogui lajōbi cajo ì dseañu'` quiá'r` do , jō` seeng`guir fa' e quiu'`guir ta` 'ñia'r` cóo'` ngúú` táaiñ` , cō' quiá'` dseamî quiá'`bre nilíí' . ⁵ Jō cō' lajōb líí' , jōba' fñ` i` 'nú'` e ja` sée'`na' 'leáang` e nigüñng`na' colíing` cóo'` ì dsea` ì nicacúung`na' guóo`na' cóo'` . Jō dsu'` cuøøm` cajo e ni'naang` teá yaang`na' quiá'` rúng`na' e ja` nigüñng`na' colíing` e laco'` nijmiféng`na' Fidiée` , lifa' røøb` 'né` siing`na' e nijmée`na' lajō . Jō mi` ningí` jō , 'néb` e nigüñng`tu' colíing` , jō lajōba' ja` dseáang` quií`na' e nijmi`gøøng` fii` ì 'líng'` ì sii` Satanás 'nú'` e laco'` niñiung`na' fí` ni` dsee` .

⁶ Jō lajalé'` e fñ` i` 'nú'` na lí'` júu` tñm`baa jō o'` dseáng'` fa' lana fé'` fí` ni` jì` quiá'` Fidiée` e 'né` nijmiti` dsea` . ⁷ Jō dsu'` jnea` iin`n e lajalém` dsea` ja` nicúññ` guóor` lí'` laco'`gui la líng` jnea` ; jō dsu'` ja` lajñ`naa' cangñng`naa' røø` quiá'` Fidiée` , cō' jmaquíim` cangñng`naa' quiá'` dsea` do lajaang` lajaang`naa' .

⁸ Jogui lana fñ` i` 'nú'` , dsea` ì ja` mí` cacung'` guó` , cóo'`gui jaléng` dseamî ì 'nñ` , e guiá`gui e ja` nicúng`na' guóo`na' lí'` laco'`gui la líng` jnea` . ⁹ Jogui dsu'` song ja` té'`na' e iing`na' güñng`na' cóo'` dseañu'` osi dseamî é , jōba' 'né` cúum`ba' guóo`na' jóng , cō' guiá`gui quií`na' e nijmée`na' lajō e laco'`gui e ngí`na' suung`na' e iing`na' e nigüñng`na' cóo'` dsea` .

¹⁰ Jogui lana lalab fñ` i` 'nú'` , dsea` ì nisicúng`na' guó` , jō dsu'` o'` cóo'` júu` quié` e 'ñiá'`a e fñ` i` 'nú'` la , dsuo'` Fí'naa' Dsea` Jmáam`bing'` ì quiu'` ta` e júu` e fé'` lala : “Ja` cuóøng` e jaang` dseamî nitiúuiñ` dseañu'` quiá'r` .” ¹¹ Jogui dsu'` song ì dseamî do dseáng'` catiúum`bre dseañu'` quiá'r` , jōba' 'né` nijér` e ja` nicúm` guóor` cóo'` dseañu'` ì jiéng` osi e nisíng`tur røø` é cóo'` ì dseañu'` quiá'r` ì catiúuiñ` do. Jogui lajōb cajo , ja` cuóøng` e jaang` dseañu'` nitiúuiñ` dseamî quiá'r` .

12 Jo lana nifíi'guíi 'nú' e júu' la lajii' e í dsii' 'nía'a jo o' júu' e sinú' quiá' Fíi'naa' Dsea' Jmáang', e song jaang' dseañu' i líng' dsea' quiá' Dsea' Jmáang' seeng' dseamí' quiá'r' i ja' líng' lajo, jo dsu' song i dseamí' do íaam' dsíir' e seeiñ' cøøng' cóo' i dseañu' quiá'r' do, joba' ja' cuøøng' fa' e i dseañu' i líng' dsea' quiá' Dsea' Jmáang' do nitiúuiñ' i dseamí' quiá'r' do. 13 Jogui song jaang' dseamí' i líng' dsea' quiá' Dsea' Jmáang' sicúng' guór' cóo' jaang' dseañu' i ja' líng' lajo, jo dsu' íaam' dsíiñ' do e seeiñ' cóo' i dseamí' do, joba' ja' cuøøng' e i dseamí' do nitiúuiñ' i dseañu' do. 14 Co' i dseañu' i ja' líng' dsea' quiá' Dsea' Jmáang' ligüeam'^bre fí' quini' Fidié' la'eáang' e sicúng' guór' cóo' jaang' dseamí' i líng' dsea' quiá' Dsea' Jmáang'. Jogui lajob lí' cajo, song jaang' dseamí' i ja' líng' dsea' quiá' Dsea' Jmáang' sicúng' guór' cóo' jaang' dseañu' i líng' dsea' quiá' Dsea' Jmáang', joba' ligüeam'^bre fí' quini' Fidié'. Jo song lajob lí', joba' i jiuung' quiá'r' i seeng' do ligüeam'^bre fí' quini' Fidié'. Jo dsu' song ja' lí' lajo, joba' i jiuung' quiá'r' i seeng' do, 'lim'^bre fí' quini' Fidié'. 15 Jogui song i dseañu' osi i dseamí' i ja' líng' dsea' quiá' Dsea' Jmáang' dseáng' jmóor' laguidseang' e nitiúung' rúiiñ', joba' güijmée'bre lajo. Jo mí' dsijée' lajo, joba' i dseañu' osi i dseamí' i líng' dsea' quiá' Dsea' Jmáang' do ja' 'né' e jniñ' i dsea' i iing' güi'í' do, dsuco' Fidié' nicatø'r' jneaa'aa', dsea' lí'naa' dsea' quiá'r', e laco' nilisee'naa' juguiá' júu' røø. 16 Dsuco' ja' ní' 'nú', dseamí' i líng' dsea' quiá' Dsea' Jmáang', su nilí' e ni'uíng' i dseañu' quiá' do dsea' quiá' Dsea' Jmáang'. Jogui lajobi cajo, ja' ní' 'nú', dseañu' i líng' dsea' quiá' Dsea' Jmáang', su nilí' e ni'uíng' i dseamí' quiá' do dsea' quiá' Dsea' Jmáang'.

17 Joba' fíi' i 'nú' e 'né' niliseeng'na' jii' laco' e cangíng'na' quiá' Fidié', jogui lí' laco'gui la líng'na' mí' catø' Fidié' 'nú' e ni'uíng'na' dsea' quiá'r'. Jo lanab' jii' lí' júu' e quiá' ta' quiá' lajaléng' dsea' quiá' Dsea' Jmáang'. 18 Jogui song Fidié' nicatø'r' jaang' dsea' i nicatø' lí' fí' ngúu' táang' lí' laco' quí' títng' dsea' Israel, joba' lajob 'né' niteáiñ' fí' jmigüi' la; jogui song Fidié' nicatø'r' jaang' dsea' i ja' mí' catø' lí' fí' ngúu' táang', joba' ja' 'né' fa' e nijmitir' lajii' e jo. 19 Co' ja' e lí' song tóo' lí' fí' ngúu' táang' dsea' osi ja' lí' lajo é, co' e laba' e niing' gui eáang' e 'né' nijmiti' dsea' jalé' júu' quiu' ta' quiá' Fidié'. 20 Joba' 'né' jé' dsea' jii' laco' líiñ' ie' mí' catø' Fidié' ír' e nilíiñ' dsea' quiá' dsea' do. 21 Jo song dsea' si'niing' i jmóo' ta' quiá' dsea' líng' 'nú' ie' mí' catø' Fidié' 'nú' e ca'uíin'^ dsea' quiá'r', jo dsu' ja' jmoo' fí' e lín' lajo. Jo dsu' song sea'bi fí' quiá' e ni'náang' uø' e lín' lajo, joba' jmi'o' jóng. 22 Dsuco' i dsea' i líng' dsea' si'niing' i jmóo' ta' quiá' dsea' ie' lamí' catø' Dsea' Jmáang' ír' e ca'uíiñ' do dsea' quiá'r', joba' lana nilíiñ' do jaang' dsea' i nisilaang' i nijmóo' lajii' e iing' Dsea' Jmáang'; jogui lajob lí' cajo cóo' i dsea' i silaang' ie' lamí' catø' Dsea' Jmáang' ír', co' lana nilíiñ' lafa' dsea' si'niing' i jmóo' lajii' e iing' Dsea' Jmáang'. 23 Jo co' lana Dsea' Jmáam'bing' nicaløng' 'nú' cóo' cóo' 'móo' e níi', joba' lana jo' cuø' fí' yaang'na' fa' e nijmeáng' tu' dsea' 'nú' lafa' dsea' si'niing'. 24 Joba' fíi' i 'nú', dsea' rú'naa' dsea' quiá' Dsea' Jmáang', e lajaang' lajaam' 'nú' 'né' niliseeng'na' fí' quini' Fidié' lí' jii' laco' la líng'na' ie' lamí' catø' dsea' do 'nú' e calíng'na' dsea' quiá'r'.

25 Jogui lana nifíi' i 'nú' cuaiñ' quiá' jaléng' dsea' i ja' mí' cacung' guoo', jo nifá'a e júu' la jii' laco' í dsii' 'nía'baa, jo o' laco' ta' quiu' Dsea' Jmáang'. Co' dsea' do nicatø'r' jnea' e ni'uíin' n dsea' quiá'r' uíi' e fí' líiñ' jnea', jo lajoba' cuøøng' e lí' jmita' óo'na' júu' quié' e. 26 Jo uíi' e eám' ni'huíng' see'naa' jmi' na, joba' jnea' í dsii' e guiá'gui quiá' jaléng' dseañu' e nijér' jii' laco' líiñ'. 27 Joba' fíi' i jaléng' 'nú', dseañu', e song niseeng' dseamí' quiá'na', joba' ja' tiúung'na're; jogui song ja' mí' seeiñ', joba' ja' mí' 'náng' dur lajminá'. 28 Jo ja' dsee' ee'na' song nicúung'na' guoo'na'; jogui lajob cajo ja' ee' dsee' ée' jaang' simí' song nicúuñ' guoor'. Jo dsu' jaléng' dsea' i cúng' guoo', huím'jiu nidsijée' quiá'r', jogui jnea' ja' iin' n e nidsing'íiñ' lajo.

29 Dsea' rú'naa' dsea' quiá' Dsea' Jmáang', lajii' e laba' iin' n e fíi' i 'nú', dsuco' jo' huøø' e røo'gui jmigüi'. Joba' jaléng' dsea' i niscúng' guoo' 'né' seeiñ' e lafa' ja' líiñ'

lajo; ³⁰ jogui jaléng' dsea' i seeng' fi'í lí' lí' 'né' seeiñ' e lafa' teáaiñ' jmiñ'; jogui jaléng' dsea' i lafa' teáang' jmiñ' 'né' e jmeáng' yaaiñ' e lafa' seeiñ' fi'í; jogui jaléng' dsea' i jmóo' ta' láa' lí' doñi' ee', joba' 'né' seeiñ' e lafa' o' quiá'-bre e jo; ³¹ jogui jaléng' dsea' i jmóo' ta' jmi'óo' jalé' e sea' fi' jmi'gü' la 'né' niliseeiñ' e lafa' ja' jmi'óo' bre e jo. Dsüco' e fi' jmi'gü' e li' see' naa' jmiñ' na, tóob' jmiñ' ni'ling'.

³² Jo jnea' iin' n e ja' ningüing' na' jalé' fi'í' dsii' e sea' fi' jmi'gü' la. Jo i dseañu' i ja' mi' cacung' guó', eáang' gui guing' dsii' e jmóor' jalé' e iing' Dsea' Jmaang' jogui jial e nijmi'iaaiñ' dsii' dsea' do. ³³ Jo dsu' i dseañu' i nisicung' guó', eáang' gui guing' dsii' cóo' jalé' e dsijee' fi' jmi'gü' jogui jial e nijmi'iaaiñ' dsii' dseam' quiá'r'. ³⁴ Joba' jmaquím' guing' dsii' e' nijmér' laca'ling' ca'liñ'. Jo i dseam' i ja' mi' sicung' guó' cóo' gui i dseáng' ja' cacung' guó', eáang' gui guing' dsii' e jmóor' lajii' e iing' Dsea' Jmaang' jogui e éer' guiá' fi' quini' dsea' do cóo' jalé' e jmóor' jogui cóo' jalé' e i' dsii'. Jo dsu' i dseam' i nisicung' guó', eáang' gui guing' dsii' cóo' jalé' e dsijee' fi' jmi'gü' jogui jial e nijmi'iaaiñ' dsii' dseañu' quiá'r'.

³⁵ Jo fi' i 'nú' e júu' na o' e laco' nijning' quí' na', co' jnea' fá' a e lí' laco' ni'uíng' guiá' quí' na' jogui e laco' niliseeng' na' e ee' na' røø' e jmóo' na' e ngocáng' óo' na' lajii' e ta' e nicangüing' na' quiá'- Dsea' Jmaang'. ³⁶ Jo song jaang' dseañu' i' dsii' e dseáng' ni'néb' e nicúiiñ' guóor' cóo' i dseam' i säng' cóo'r' do, dsüco' ti' li' ningáng' í' quiá'- i dseam' do e nicúiiñ' guóor', jogui song i' dsii' e joba' dseáng' la guing' gui 'né', joba' güijmée' bre lajii' e líiñ' e guiá' gui do, jo güicúm' bre guóor', dsüco' ja' e dsee' e jo. ³⁷ Jo dsu' i dseañu' i cóo' nica' dsii' jogui ja' lí' dsii' jalé' e iing' ngúu' táaiñ', jogui dseáng' nita' dsii' e dseáng' ja' nicúiiñ' guóor', co' lajob dseáng' iin' nijmér', joba' guiáb' nijmér' song cajmээр' lajo. ³⁸ Jo i dseañu' i nicung' guó' cóo' i sim' i ninée' júu' quiá'r' cóo' do, joba' cóo' e guiáb' jmóor'; jo dsu' i dseañu' i ja' nicung' guoo', cóo' e guiá' gui jmóor'. ³⁹ Jogui jaléng' dseam' i nisicung' guó', dseáng' la guim' 'né' e ja' nitiúuiñ' dseañu' quiá'r' lajee' e seeng' í; jo song cajúm' bi i dseañu' quiá'r' do, joba' cuøøm' nicung' tur guóor' calé' catú' cóo' dseañu' i jiéng', lífa' i dseañu' í' 'né' e líiñ' dsea' quiá'- Dsea' Jmaam'. ⁴⁰ Jo dsu' jnea' gui i' dsii' e nili'iaang' gui dsii' i dseam' do fing song ja' nicung' tur guóor'. Jo jalé' e júu' na lí' júu' tiim' baa. Jo jnea' i' dsii' e seem' Jmigu' quiá'- Fidiée' cøøng' cóo' jnea' cajo.

8

Jalé' jmiñi' e cuø' dsea' diée' i o' já'

¹ Jogui lana nifi' i 'nú' cuaiñ' quiá'- jalé' jmiñi' e lí' feá' e cuø' dsea' jaléng' diée' i o' já'. Jo e jáb' laco' gui fé' dsea' e lajii' baa' nine' naa' cuaiñ' quiá'- jalé' e jo; jo dsu' cóo' e nine' naa' do jmóo' e i' dsii' naa' e nili' naa' dsea' niing', jo dsu' e jmi'neáng' rú' naa' e joba' eáang' gui íng' ta' e nidsicuang' quí' ii' cóo' júu' quiá'- Dsea' Jmaang'. ² Jogui song jaang' dsea' i' dsii' e líing' go' nitiñ', jo dsu' o' já' e jo, co' mi' 'noo' bi 'né' líñir' e laco' nilitiñ' laco' si' í'. ³ Jo dsu' i dsea' i 'neáng' Fidiée', joba' Fidiée' nicúim' bre i dsea' í.

⁴ Jogui lana nifi' i 'nú' cuaiñ' quiá'- jalé' jmiñi' e có' na' e lí' feá' e cuø' na' jaléng' diée' i o' já'; jo guiáb' nine' naa' e jaléng' i diée' la' í ja' e ta' íñ' jii' cóo' fi' jmi'gü', dsüco' dseáng' jaam' Fidiée' i dseáng' já' i seeng'. ⁵ Jo nañi' fa' i líing' dsea' jmi'gü' i' dsii' e seeng' jaléng' diée' fi' yá' jmi'gü' jogui fi' ni' guoo' uø', jo co' lajob i' dsii', joba' i fim' lafa' diée' quiá'r' seeng' jogui lafa' fiir'. ⁶ Jo dsu' jaléng' jneaa' aa', dsea' lí' naa' dsea' quiá'- Dsea' Jmaang', guiáb' nine' naa' e jaam' Fidiée' i seeng', jogui íb' i líng' Tiquiá' jaléng' dsea' jmi'gü', jogui jneaa' aa' see' naa' e laco' nijmó' naa' lajii' e iin'. Jogui cajo jaam' Fii' naa' seeng', jo íb' Dsea' Jmaang'; jo la'eáang' íb' e sea' lajalé' e sea' fi' la'úng' fi' jmi'gü', jogui la'eáang' íb' cajo e see' naa' fi' jmi'gü' la.

⁷ Jo dsu' ja' lajiiñg' dsea' ñir' e júu' na. Dsüco' i dsea' i lamí' quí' tíng' e jmi'féiñ' jaléng' diée' i o' já', mi' 'noo' bi gø'r' jalé' e jmiñi' e lí' feá' e i' dsii' e nicacuø' jaléng' diée' quiá'r'. Jo lajee' e gø'r' e jo, líiñ' e jmi'lim' yaaiñ' cóo' i diée' i o' já' do, co' ja' cóo' e i'

dsír'. ⁸Jo dsu' ja' ee`jminghí Fidiée` ee` jalé' e quiee`naa' e laco' ni'íñ' jneaa`aa' fi' quinir`, dsuco' jo` nilí` guhí` dsea` i` guiúng` gui dsu' uí' e quiee`naa' e jo, jogui o'gui nilí`naa' dsea` i` ga`gui dsu' uí' e ja` quiee`naa' e jo.

⁹Jo dsu' jie` mí` jmeáng`na' ta` e fi' sea` quí`na' do e laco' nijmée`na' e niténg' fi' ni` dsee` jaléng' i` dsea` rúng`na' i` ja' mí' 'goo` teáng` teá` cóo' júu` quiá'` Dsea` Jmáang`. ¹⁰Jo song`i`líng` 'nú', dsea`niñí`na' guiá` cuaiñ` quiá'` e júu` jo, jo nigüíling`na' nigüiquié`na' fi' lí` jmiféng' dsea` jaléng' diée`, jo lajee` jo jaang` dsea` rúng`na' i` ja' 'goo` sing'` teá` cóo' júu` quiá'` Dsea` Jmáang` cangáñ'` 'nú' e jmoo`na' lajo, joba' dseám' e i` dsea` i` nijmér` lajo cajo e iñ` nidóø` jalé' e nicacuø` dsea` diée` i` o' já'. ¹¹Jo caquié`ba' e jo uí' e niñí`na', jo dsu' mí` cajmee`na' lajo, joba' jmoo`na' e nicá' fi' ga` i` dsea` rúng`na' i` ja' mí' 'goo` sing'` teá` cóo' júu` quiá'` Dsea` Jmáang` do. Jo uí' i` dsea` íb` cajo e cajúng` Dsea` Jmáang` fi' dse` crúu`. ¹²Jo mí` jmoo`na' e tú` ni'í` dsír' i` dsea` rúng`na' i` ja' mí' 'goo` sing'` teá` cóo' júu` quiá'` Dsea` Jmáang`, joba' dseeb` ee` 'nú' cajo fi' quini` Dsea` Jmáang`. ¹³Jo uí' e lajob lí', joba' song cóo' jalé' e góø` do nijmee` e e niténg' dsea` rún`n fi' ni` dsee`, joba' guiá`gui quié` e e jo`nidóø`guhí` e jmiñ' jo, jo lajoba' ja` dseáng' e e nijmee` e e niténg' dsea` rún`n fi' ni` dsee`.

9

Lajúi` e catñng` i` dsea` apóo` i` sñng` Dsea` Jmáang` cuaiñ` quiá'r`

¹Jo fhí` i` 'nú', dsea` rú`naa', e ja' 'né` guíe` e júu` lajúi` e jmóo`o, co' dseáng'` lím`baa jaang` dsea` i` sñng` Dsea` Jmáang` cuaiñ` quiá'r`. Co' dseáng'` nicamám`baa Fí`naa' Jesús jogui cajo, lajee` e nicajmé` e ta` jee` 'nú' e nicangñn` quiá'` Dsea` Jmáang`, joba' 'nú' nica`uíng`na' dsea` quiá'` dsea` do. ²Jo jangám` seeng` dsea` i` ja' jmicuíng` jnea` e lín`n jaang` dsea` i` sñng` Dsea` Jmáang` cuaiñ` quiá'r`, jo dsu' nijmicuíng`na' jnea` e lín`n jaang` dsea` la'í. Jo cuø` lí` e dseáng'` lajob lín`n uí' e la'eáng` jnea`ba' e nica`uíng` 'nú' dsea` quiá'` Dsea` Jmáang`.

³Jo júi` lalab lí' júu` e quí'` i` quiá'` jaléng' i` dsea` i` éeng` jnea` cuaiñ` quiá'` jalé' e jo. ⁴Jo jnea` dseáng'` catñ`baa' e ni'íng`naa' jalé' e ni'né` ni`quiee`naa' cuaiñ` quiá'` jalé' ta` jmoo`naa'. ⁵Jogui seab' fi' quí`naa' cajo e niliseeng` dseamí` quí`naa' i` líng` dsea` quiá'` Dsea` Jmáang` i` jeeng`naa' lacaang` fi' lí` ngí`naa' lí' laco'gui la jmóo` i` dsea` caguaang` i` sñng` Dsea` Jmáang` cuaiñ` quiá'r` jogui laco' la jmóo` jaléng' dsea` ngáang' cóo' Dsea` Jmáang` cóo'gui Tá` Simón. ⁶Jogui ¿su í` óo' 'nú' e júi` Bernabé cóo'gui jnea`bing' i` dseáng'` 'né` nijmé` ta` e laco' sea` jalé' e 'né`naa'? ⁷Dsuco' júi` jaang` 'lée` quí`r` jalé' e 'né`r` lajee` e jmóor` e ta` jo. Jogui júi` jaang` dsea` i` jni' mí' huñng` jó' fa' ja' cu'r` e jo. Jogui cajo júi` jaang` dsea` i` jmóo` ta` ní` jo'se' fa' ja' í'r` fi' quiá'` i` jó' í. ⁸Jo jie` mí` í` óo'na' e fhí` i` 'nú' jalé' e júu` la lí' la í` dsír' dsea` jmigüí, dsuco' lajob fé' cajo fi' ni` jì` quiá'` Fidiée` e cajme' Moi, ⁹jo lalab fé': "Ja` jni' mo'oo` jó' núu` quí'` lajee` e ø're' cui'iee'." Jo fé' Fidiée` jalé' e júu` na o' fa' í` dsír' júi` uii` quiá'` jaléng' jó' núu, ¹⁰co' í` dsír' uí' jneaa`aa' cajo, dsea` lí'naa' dsea` jmóo` ta` quiá'r`. Jo casé' Fidiée` e júu` quiá'` ta` na quiá'r` e laco' ni'uíng` guiá` quí`baa', dsuco' i` dsea` i` jmóo` ta` jí` uø` cóo'gui i` dsea` i` jmóo` ta` quiá'` cui'iee', jmóor` jalé' e jo dsu' uí' e nisijeeiñ` líng` ee` nisítñm`bre mí` nití` í' lajo uí' e ta` e cajméer` do. ¹¹Jo jneab` dsea` lafa' nicajní`naa' jee` 'nú' uí' e nicaguiá`naa' júu` quiá'` Dsea` Jmáang`, joba' í` dsí`naa' e o' 'leáng` song líng`go e mí'naa' 'nú' e nijmicóo'na' jnea` cóo' jalé' e 'né`naa'. ¹²Jogui song dsea` jíéng' seab' fi' quiá'r` e mí'r` 'nú' jalé' e 'né`, joba' jnea` e eáng`gui catñ`naa' e nijmó`na' lajo cóo' 'nú'.

Dsu' jnea` ja' mí` camí`naa' 'nú' lajúi` e sí'í` e catñ`naa' do, co' lí' lí' nica'íng`naa' iihuí` e nicajmó`naa' ta` jíe' e laco' sea` jalé' e 'né`naa', jo lajoba' ja` nijññng`naa' quiá'` e júu` quiá'` Dsea` Jmáang` e guia`naa' do. ¹³Jo niñí` 'nú' e jaléng' dsea` i` jmóo` ta` fi' sinúu` guá'` cuøøm` lí` jmeáiñ' ta` jalé' e feá' e dsicá` dsea` fi' jo. Co' jaléng' i` dsea` do i` jmóo`

ta~ e fi' nife' do e fi' li' jngaiñ' jaléng' jó' i líng' feá'~, joba' cuóom` lí dór' e ngúu' quiá'~ jaléng' i jó' i jngaiñ' fi' jo. ¹⁴ Jogui lajobi cajo Fíi'naa' Dsea` Jmáam`bing' nicagua' uing~ e jaléng' i dsea' i jmóo' ta~ guía' júu' quiá'r' 'né' seeiñ' e iñ' lajii'~ e 'né' la'eáang' cóo'~ e ta~ e jmóor` do. ¹⁵ Jo dsu' jnea~ dseáng'~ ja` mí' cajmeáam`baa ta~ lajii'~ e sí'í' e catín`n do, o'gui jmo'`o e júu' la quiá'na' e laco' 'nú' líng' ee` nicuó'na' jnea~ e 'né' e. ¡Dsucó' guiá'gui quié' e e nijúun`n e laco'gui i líng' dsea' nijé' e iáang' dsii` uí'~ e nicagua'a júu' quiá'~ Dsea` Jmáang` jee` 'nú' do e jii'~ cóo' ja` mí' cajmicóo'na' jnea~ cóo' jalé' e 'né' e!

¹⁶ Jo dsu' jnea~ ja` guíaa` e júu' quiá'~ Dsea` Jmáang` do e laco' jmijlóng' 'ñiá'a, dsucó' e la guím`baa 'né' nijmee` e e ta` jo e cangúin`n quiá'~ Fidiéé'. ¡Co' e ngi' fii' jnea~ fíng song ja` niguiáa` e júu' jo! ¹⁷ Jo song guíaa` e júu' jo e iáang' dsii` 'ñiá'a, joba' líim` ee` nisea` quié' e e ni'íin`n; jo dsu' song jmóo'`o e ta` jo laguidseaang`~, dsu' dseáng'~ 'né' jmee`baa, có' lajob ta~ e nicacuó' Fidiéé' jnea~. ¹⁸ Jo lajob líí, có' lajii'~ e catín`n e 'léen`n do, e job e iáang' dsii` e guíaa` júu' quiá'~ Dsea` Jmáang` e ja` e caa` jii'~ ca'í', joba' cuóong' fe'ee' e ja` jmáan`n ta~ lajii'~ e catín`n e ni'íin`n do quiá'~ e ta` guía' júu' quiá'~ Dsea` Jmáang` e jmóo'`o.

¹⁹ Jo nañi' fa' ja` lín'n lafa' dsea` si'núing' i jmóo' ta~ quiá'~ dsea', jo dsu' jnea~ nicajmeáang'~ 'ñiá'a e lafa' jaang` dsea` lajob lín'n quiá'~ lajaléng' dsea` e laco' lajo nilí'i fíng'gui dsea' i ni'uíng` dsea' quiá'~ Dsea` Jmáang`. ²⁰ Co' lajee` e seen` jee` jaléng' dsea` Israel, jmóo'`o laco' la jmóo' jaang` dsea' la'íb' e laco' lajo nilí'i e jaléng' í' ni'uíñ` dsea' quiá'~ Dsea` Jmáang`. Jo jnea~ jmáang'~ 'ñiá'a e lafa' e júu' quiá' ta~ quiá'~ Moi` quiá' ta~ jnea~, nañi' fa' ja` líí're' lajo. Co' jmóo'`o lajo e laco' nilí'i e jaléng' i dsea' í' ni'uíñ` dsea' quiá'~ Dsea` Jmáang`. ²¹ Jogui e laco' nilí'i i dsea' i ja` seeng' e quiá' ta~ quiá'r' e júu' quiá' ta~ quiá'~ Moi` do, joba' jnea~ jmáang'~ 'ñiá'a e lafa' jaang` dsea' la'íb' lín'n cajo, nañi' fa' dseáng'~ e júu' quiá' ta~ quiá'~ Fidiéé'ba' e quiá' ta~ quié' e, jogui lajob jmóo' cóo'~ jnea~ cajo e júu' quiá'~ Dsea` Jmáang`. ²² Jogui mí' seen` jee` jaléng' dsea' i ja` mí' 'goo' teáang` teá' cóo'~ júu' quiá'~ Dsea` Jmáang`, joba' lafa' jaang` dsea' la'íb' jmáang'~ 'ñiá'a cajo e laco' lajo nilí'i e ni'uíng` i dsea' í' dsea' quiá'~ Dsea` Jmáang`. Joba' cuóong' fe'ee' e nicajmeáang'~ 'ñiá'a røøb` laco' la líng' lí' doñi' i dsea' e lí' laco' lajo cuóong' nilí'i tú' 'ni' mún'g'~ dsea' i nileáang' jee` jalé' dsee` quiá'~. ²³ Jo jmóo'`o jalé' e na e laco' niní' júu' quiá'~ Dsea` Jmáang` jogui e laco' røøb` ni'íing'~naa' e jlo' e cuó' e júu' jo.

²⁴ Jo 'nú' niñi'ba' e mí' sea` ta~ cuíi, i fíim` dsea' cuíir, jo dsu' lifa' jaam`bing' i nilí' i niguieng' nifi'gui, jo lajoba' niñiñ` lajii'~ e catíin`. Jo có' lajob líí, joba' fii' i 'nú' e cuóo'~ bí yaang`na' e laco' lajim`ba' nilí'na' lajii'~ e catíing`na' do. ²⁵ Jo jaléng' dsea' i guía' guiá' quiá'~ jéeng'gui e quiá'~ e nicuír, 'né' e ja` nijmér` e jié' e dseáang' e ni'lé' quiá'r'. Jo jmóor` lajo e laco' líng' e iin` e nilí'r, jo lifa' e nilí'r do tóob` jmii` ni'íing`. Jo dsu' jaléng' jneaa`aa', dsea' lí'naa' dsea' quiá'~ Dsea` Jmáang`, cuó' bí yee`naa' e laco' nilí'naa' e niñing`naa' lajii'~ e catíin`naa' do e jo tóo' jmii` fa' e ni'íing`gui. ²⁶ Jogui dsu' jnea~ ja` cuíi i e lí' tá' cuíi, o'gui jmóo'`o lafa' ta` títng' e bá'a fi' guía' güí. ²⁷ Jo dsu' ja` jmóo'`o lajo, có' lí' lí' jnea~ quiá'~ ta` ngúu' tán`n e laco' nijmé` núu'~, jo jmóo'`o lajo e laco' ja` dseáang'~ e niseáan`n ca' mí' nicang' e nicagua'a júu' quiá'~ Dsea` Jmáang` jee` jaléng' dsea'.

10

Ja` dseeng' e jmiféng' dsea` jaléng' diéé' i o' já'

¹ Jo fii`guí 'nú', dsea` rú'naa' dsea` quiá'~ Dsea` Jmáang`, ja` iin`n fa' e ni'íing` óo'na' jalé' e cangongúng` 'lí' yúu' dsea` áang' qui'naa' ie~ lamí' ca'uóoñ' fi' Egipto, jo Fidiéé' ca'e' reiñ' do fi' la'eáang' cóo'~ cabøø` jní', jogui e lajaléin` do cangúin` fi' ni` jmiñi' e sií' mar Rojo. ² Jo ie` jo lajaléng' i dsea' í' ca'uíñ` dsea' i sitáang' cóo'~ Moi` ie~ lamí' lafa' cajgáiñ` jmii` cóo'~ e jní' do jogui ie~ mí' cangúin` e fi' ni` jmiñi' do. ³ Jogui lajob cajo, lajim` i dsea' do cajmítaang` yaaiñ` cóo'~ ca'íng'~ jmiñi' e cangúin` quiá'~ Fidiéé', ⁴ jogui

cajo cangáin` quiá'- Fidiéé' ca'ling' jmií' e ca'ién'g' fí' dse' cuu' jiáa'. Jo e jiáa' doba' e jée' quiá'r- lajee' e ngir' fí' ni' guóo' uó' quiá'. Jo e jiáa' jo cuóøng' lí' fe'ee' e íb' Dsea' Jmáang-.
 5 Jo dsu' i' fíim' i' 'lii' yúu' dsea' áang' qui'naa' do cajúin' lajee' e ngir' fí' ni' guóo' uó' quiá' uí' e ja' catí' dsí' Fidiéé' cóo' jalé' e cajméesi' do.

6 Jo lajalé' e na cangojée' cóo' i' 'lii' yúu' dsea' áang' do e laco' cuó' coo' li' qui'ii' e ja' 'né' nijmó'oo' jalé' e ga' e lí' dsí'naa' lí' laco' cajmées' i' dsea' í'. 7 Joba' ja' jmiféng'na' jaléng' diée' i' o' já' lí' laco'gui cajmées' i' liing' i' 'lii' yúu' dsea' áang' do, lí' laco' la fé' fí' ni' jì' quiá'- Fidiéé' lí' fé' lala: "Jaléng' dsea' caguár' ca'í' cagó'r, jo mi' cangí' jo, caróor- e cataiñ' jmií'." 8 Jogui ja' 'né' e ni'lee'naa' e nigüing'naa' cóo' dseañu' osi dseam' i' o' qui'naa' lí' laco'gui cajmées' i' liing' i' 'lii' yúu' dsea' áang' do ie' jo, co' uí' e cajmées' lajo, joba' cajúin' ie' jo lí' lí' guíeé' 'ní' mil dsea' lajee' coo' jmií'. 9 Jogui ja' 'né' jmé'naa' e nisí'naa' Dsea' Jmáang- ne' duu' jial tí' 'gøiñ' lí' laco'gui cajmées' i' liing' i' 'lii' yúu' dsea' áang' do, co' uí' e cajmées' lajo, joba' cajúin' e cacu' jaléng' mi' guíng' quiá'r-. 10 Jogui ja' jmiquíng' áa'na' cóo' Fí'naa' Fidiéé' lí' laco'gui cajmées' i' liing' i' 'lii' yúu' do, co' uí' e cajmées' lajo, joba' casíng' Fidiéé' dsea' mojí' i' cajnga' quiá'r-.

11 Jo lajalé' e jo cangongíng- 'lii' dsea' áang' qui'naa' e lí' laco' niline'naa' e ja' 'né' jmó'oo' lajo, jogui cató' fí' ni' jì' quiá'- Fidiéé' cajo e lí' laco' ni'í' 'goo' qui'naa', jneaa'aa' dsea' see'naa' jmií' na, mi' tí' lí' nijaquíéng' e ni'ling' jmiigüí'. 12 Jo co' lajob lí', song jaang' 'nú' í' áa'na' e teáb' sing'na' cóo' júu' quiá'- Dsea' Jmáang-, joba' dseáng'- eáam' 'né' e ñiing' áa'na' e laco' ja' niténg'na' fí' ni' dsee-. 13 Jo jí' jaang' 'nú' ja' mí' cangongíng'na' e dseáng'- niténg'na' fí' ni' dsee- e ja' mí' cangongíng- dsea' rúng'na'. Jo dsu' 'nú' cuóøm' lí' jmita' óo'na' cóo' júu' quiá'- Fidiéé', co' dseáng'- jmiti-bre júu' quiá'r-. Jo ja' nicuór- fí' fa' e nidsingíng'na' lajo eáang'gui e jí' laco' té'na', co' lajee' e dsingíng'na' lajo, nijmé-bre jial té'na' e ja' niténg'na' fí' ni' dsee-.

14 Jo uí' e lajob lí', dsea' rú'naa' i' neáan' eáang', joba' fí' guí' jaléng' 'nú' e jmi'náng' yaang'na' e ja' jmiféng'na' jaléng' diée' i' o' já'. 15 Jo fí' i' 'nú' lana, co' eáam' guí' moguí'na', jo yaam' 'nú' cuóøng' lí' fo'na' su' já' osi o' já' é' jalé' e júu' e fí' i' 'nú' na. 16 Jo mi' cuóø'naa' gui'máang' Fidiéé' e 'né'naa' capi' jmi' mí' huiing' jó' dsu' uí' e jmiquíéng' dsí'naa' e cajúng- Dsea' Jmáang- fí' dse' crúu', jo mi' jmoo'naa' lajo, joba' guóng' e jaam' dsea' uíng'naa' cóo' dsea' do la'eáang' e jmi'øøiñ' do. Jogui mi' fiing'naa' iñí' e quíeé'naa' do lajee' jo, joba' guóng' cajo e jaam' dsea' uíng'naa' cóo' dsea' do la'eáang' cóo' e ngúu' táaiñ' do. 17 Jo nañí' fa' fí'baa' la'ó' jneaa'aa' dsea' lí'naa' dsea' quiá'- Dsea' Jmáang-, dsu' lajii'baa' quíeé'naa' colíng' coo' iñí', jo e jo guóng' e lafa' jaam' jneaa'aa' lí'naa' lajalé'naa' colíng' cóo' Dsea' Jmáang-.

18 Jo quié'na' cuente e mi' gø' jaléng' dsea' Israel jalé' ngu' jó' e lí' feá'- e nicacuó'r' Fidiéé' fí' nife', joba' lí' lafa' coo' cøøm' uíng' cóo' Fidiéé' fí' nife' do. 19 Jo dsu' cóo' e júu' la ofa' fí' i' 'nú' e íng' ta' jaléng' diée' i' o' já', o'gui fa' e íng' ta' jalé' e feá'- e cuó' dsea' jaléng' i' diée' í' cajo. 20 Co' lajii' e júu' laba' e iin' n e fí' i' 'nú', e mi' jaléng' dsea' i' ja' cúing' Fidiéé' jmóor' feá'- ngu' jó' e cuó'r' lí' doñí' i' diée' quiá'r-, joba' jaléng' i' 'lim' cuó'r' jalé' e jo, jo o' Fidiéé' dsea' cuó'r'. Jo dsu' jnea' ja' iin' n e quíng'na' jee' jaléng' i' 'ling'. 21 Joba' dseáng'- ja' cuóøng' fa' e ni'u'na' jalé' e jmiquíéng' óo'na' Fí'naa' Dsea' Jmáang- jogui cajo e ni'u'na' jalé' e cuó' dsea' jaléng' i' 'ling', o'gui cuóøng' fa' e nicó'na' iñí' e jmiquíéng' óo'na' Fí'naa' Dsea' Jmáang-, jogui cajo e nicó'na' jalé' e feá'- e cuó' dsea' jaléng' i' 'ling'.

22 Jo ja' jmó'naa' lajo e laco' ja' niliguíng- Fidiéé' qui'naa'. Jo ja' gü'í' dsí'naa' e 'gøng'gui jneaa'aa' laco' dsea' í'. iCo' dseáng'- o' lajo!

Jalé' e cuóøng' jmóo' dsea' quiá'- Dsea' Jmáang-

23 Jo dsu' seem' dsea' i' fé' lala: "Cuóøm' lí' jmee' jnea' lí' doñí' ee' iin' n." Jo dsu' e jáb'- e jo, lifa' ja' lajalé' íng' ta' qui'ii'. Jogui e jáb'- e cuóøm' lí' jmé' dsea' lí' doñí' ee' iin' n, lifa'

ja` lajalé` e jo nijmicóo`~ quiá'r` e eáang`gui nidsicuáng` quiá'r` cóo`~ júu` quiá'- Dsea` Jmáang` . 24 Jo dsu` ja` 'né` e lico` nijmé`naa' jmang`^ e guiá` e qui`naa' yee`naa', co` lajob` 'né` jmé`ee' guiá` quiá'- jaléng` dsea` rú`naa' cajo.

25 Joba' fñ`guí` 'nú` e cø`'ba' lí`^ doñí` ee` ngúu` e 'nñ` dsea` fí` lí` 'nú`r`, jo ja` jmingí`na` cuaiñ` quiá'- e jo e laco` ja` ni`f`- óo`na' jmigui` su cuóøng` cø`'na' osi ja` cuóøng` é. 26 Dsuco` latøøng` jmigüi` jogui lajalé` e sea` fí` jo lí` quiá'- Fíi`naa' Fidié`.

27 Jo song jaang` dsea` i ja` líng` dsea` quiá'- Dsea` Jmáang` catø`r`- 'nú` e nigüi`quié`na` fí` quiá'r`, jogui 'nú` iim`ba' güilíng`-na', joba' güilíng`-na` jóng, jogui quié`na' lí`^ doñí` ee` e niguiár` fí` ni` mes` e ja` jmingí`na` jüi`~ cóo` cuaiñ` quiá'- jalé` e nicuó`r`- 'nú` do su cuóøng` cø`'na' osi ja` cuóøng` é. 28 Jogui dsu` song jaang` dsea` casí`r`- 'nú` lala: "Lajalé` e jmiñi` la nicacuóø`naa' e lí` feá'- jaléng` diéé`." Jo song lajob` lí`, joba' ja` cø`'na' uíi`~ i dsea` i cajíng`- do, jogui cajo e laco` ja` ni`f`- dsí`r` jmigui` cuaiñ` quiá'- e jo. 29 Jo dsu` cuaiñ` quiá'- jial` í` dsí` i dsea` i cacuø`' 'nú` e jmiñi` doba' e fá`-a, jo o` cuaiñ` quié`na' e jial` í` óo`na'. Jo dsu` jangám`- nijmingí` 'nú` lala: "Jo` ¿jialí` éeng` i dsea` do jnea` cóo`~ jalé` e gø`ø` uíi`~ jmigui` jalé` e í` dsí`r`?" 30 Co` song cuóø`-baa gui`máang` Fidié` cuaiñ` quiá'- lajüi` e gø`ø` do, joba' ¿jialí` éeng` dsea` jnea` dsu` uíi`~ e gø`ø` e jo?" 31 Jo song cø`'na' osi` u`na' osi` jmoo`na' lí`^ doñí` ee` e jié`gui` é, joba' jmee`na` lajalé` e jo e laco` nijmiféng`na` Fidié`. 32 Jo jie` mi` ee`-na' e ga` e laco` dseáang`~ e niténg` fí` ni` dsee`- si jaléng` dsea` Israel osi jaléng` i ja` líng` lajo, osi jaléng` dsea` quiá'- Dsea` Jmáang` caguiaang`-gui` é. 33 Co` jnea` jmi`úum`baa e jmóo`o e jmi`iáan`n dsí` jaléng` dsea` cóo`~ jalé` e jmóo`o, jo ja` 'no`-o jmóo`o e lico` ni`uúing`- guiá`- quié`- e 'ñiá`a, co` 'no`-o jmóo`o e jial` ni`uúing`- guiá`- quiá'- dsea` caguiaang`. Jo jmóo`o lajo e lí`^ laco` nilí` i dsea` í` e nileáiñ` jee` jalé` dsee`- quiá'r`.

11

1 Jo co` lajob` jmóo`o, joba' fñ`guí` 'nú`, dsea` rú`naa', e 'né` ee`-na' laco` la ee`- jnea`, co` jnea` ee`- laco` ca`ée` Dsea` Jmáang`.

Jial`né`- líng` dseamí` mi` jmiféiñ` Fidié`

2 Jogui lana eám` iáang` dsii` cóo`~ 'nú`, dsuco` contøøm`- jmiguiéng` áa`na' jnea` jogui` contøøm`- jmití`na' cajo jalé` júu` quiá'- Dsea` Jmáang` e nica`ée`- e 'nú` lamí` jéeng`gui.

3 Jo dsu` jnea` iin`n e ningám`ba' e Dsea` Jmáam`-bing` líng` dsea` mogui` quiá'- lajaléng` dseañu`, jogui dseañu`-bing` líng` dsea` mogui` quiá'- dseamí, jogui Fidiéeb` dsea` líiñ` dsea` mogui` quiá'- Dsea` Jmáang`. 4 Jogui song jaang` dseañu` ja` guir` loguir` lajee` e féiñ` Fidiéé` osi mi` fé'r` júu` quiá'- dsea` do é, joba' ja` jmi`gór` dsea` mogui` quiá'r` jóng. 5 Jogui song jaang` dseamí` ja` quidsir` 'mi` fí` moguir` mi` féiñ` Fidiéé` osi mi` fé'r` júu` quiá'- dsea` do é, joba' ja` jmi`gór` i dsea` mogui` quiá'r` do. Jo song jmóor` lajo, joba' fi`ib` quiá'r`, co` lí` e lafa` cahuí` cuo` moguir`. 6 Dsuco` song jaang` dseamí` ja` quidsir` 'mi` fí` moguir`, joba' guiá`-gui` quiá'r` e nijmicuó`bre moguir` conguaí`. Jogui song i dseamí` í` i` líim`-bre e nihiu` jñguir` osi e nilicuo` moguir` é, joba' guiá`-gui` quiá'r` e güijlí`-bre cóo`~ cóo` 'mi` lajee` e jmiféiñ` Fidiéé`. 7 Jo jaléng` dseañu` ja` 'né`- iá` loguir` lajee` e féiñ` Fidiéé`, dsuco` la'eáang` dseañu`ba' jmili` Fidiéé` jial` líiñ`, jogui` jmijnéeiñ` cajo jial` tí` niing`- 'gøiñ`. Jo dsu` jaléng` dseamí` jmilir` jial` tí` niing`-gui` dseañu`. 8 Co` ja` cajmeáang` Fidiéé` la'uii` dseañu` la'eáang` cóo`~ dseamí, co` la'eáang` cóo`~ dseañu`ba' e cajmeáaiñ` la'uii` dseamí. 9 Jo o` uíi`~ dseamí e ca`uúing`- dseañu`, co` uíi`~ dseañu`ba' e ca`uúing`- dseamí. 10 Jo uíi`~ e lajob` lí`, jogui uíi`~ jaléng` ángeles quiá'- Fidiéé, joba' jaléng` dseamí` 'né`-ba' e quier` 'mi` dsí` fí` moguir` e laco` cuø` lí` e jmi`gór` dsea` mogui` quiá'r`. 11 Jo dsu` jee` jaléng` dsea` quiá'- Dsea` Jmáang`- 'neám`- rúng` dseañu` cóo`~ gui` dseamí, co` ja` ee` quí`r` jmi` jmer` la` tñiñ` yaaiñ`. 12 Jo nañi` fa' e

jáb' e la'eáang' dseañu'ba' e ca'uíng' dseamî lamî uuing~, jò dsu' e jáb' cajo e la'eáang' dseamîba' e liseeng' dseañu'. Jò lajaléb' e jò Fidiée'bing' ì caguia' uuing~ e lí' lajo.

13 Jogui 'nú', ¿jial fó'na? ¿Su guiá' osi ja' dseeng' é e ja' dsí' 'mí' fí' moguí' jaléng' dseamî mi' jmiféin' Fidiée'? 14 Jò yee'baa' cuøøng' lí' í' dsi'naa' e fi'ib' lí' e jaang' dseañu' séer' guir~ e licuee'. 15 Jogui dsu' quiá' jaang' dseamî coo' e jlob' lí' e séer' guir~ e licuee', dsuco' cangíin' quiá' Fidiée' e cuee' guir~ e laco' jmáin' ta' e jò e lafa' jlí' 'mí' fí' moguir~. 16 Jò song seeng' dsea' ì iing~ nidsisí' júu' cuaiñ' quiá' e júu' la, joba' 'né' ñi'bre e o' jii' jneaa'aa' o'gui dsea' quiá' Dsea' Jmáang' caguiaang' gui quí' tñ'naa' e jmoo'naa' coo' 'lé'gui e jié' e ja' røø' lí' coo' e júu' la.

Laco' sí'í' 'né' jmó'naa' mi' quiee'naa' i'naa' colíing~

17 Jogui lana, dsea' rú'naa', e júu' e nifí' 'nú' la ofa' e nifá'a guiá' uii' quí'na'. Co' lí' e lí' lí' 'léeb' quí'na' mi' seáang' rúng'na' e jmiféng'na' Fidiée' e lafa' e nijmé' e guiá' quí'na'. 18 Jò la'uii' nifí' 'nú' e nicasí' dsea' jnea' e ja' røø' siing~na' mi' seáang' rúng'na' e jmiféng'na' Fidiée'. Jò seab' mi' jáb' líng' jnea' e júu' jò. 19 ¿Co' 'nú' í' óo'na' e dseáng' 'né' e sitáang'na' tá' coo' 'lé', jò lajoba' niliñ' dsea' ì dseáng' lajang' líng' dsea' quiá' Dsea' Jmáang'! 20 Jò uii' e lajòb' jmoo'na', joba' mi' seáang' rúng'na' e có'na' colíing~, ja' jmoo'na' fa' dseáng' e jmiguiéng' áa'na' Fí'naa' Dsea' Jmáang'. 21 Dsuco' mi' nití' í' e nicø' 'nú' í'na', joba' seem' 'nú' e güjéem'ba' e có'na' í'na'. Jò uii' e jmoo'na' lajo, joba' ì líng' 'nú' jò tñng'na' có'na' jii' capí', jogui lajee' jò ì líng' 'nú' jì'gui cartí' dsea' íim'ba'. 22 Jò dsu' 'nú', niseab' 'nú'na' lí' cuøøng' u' có'na', joba' ¿jiali' jmoo'na' ja' jii'na' jaléng' dsea' quiá' Dsea' Jmáang', jogui jiali' cuø'na' fi'í' jaléng' ì dsea' ì ja' sea' jii' capí' quiá'? Jò uii' e lajòb' jmoo' 'nú', joba' jii' ja' ñii' ee' nifá'a uii' quí'na'. ¿Co' dseáng' ja' íaang' dsii' coo' jalé' e jmoo'na' do!

Mi' gø' dsea' quiá' Dsea' Jmáang' colíing~ e laco' jmiguiéng' dsír' dsea' do (Mt. 26:26-29; Mr. 14:22-25; Lc. 22:14-20)

23 Jò lab nifí'túu' 'nú' e júu' e ca'ling' jnea' quiá' Fí'naa' Dsea' Jmáang' lí' lajii' e nica'ée' e 'nú' lamí' jéeng'gui e fé' lala: 'Ñia' ie' uøø' e cajáng' dsea' Fí'naa' Dsea' Jmáang', dsea' do catíin' iñí' 24 jogui cacuø'r' gui'máang' Fidiée'. Jò mi' cangí' jò, caffíin' jò cajíin' casí'r' dsea' quiá'r' lala: "Jó' o' e iñí' la jò quié'na'. Dsuco' e lab ngúu' táan' e nijáa' a' mi' nijúun' n' uii' dsee' quí'na'. Jò jmee'ba' laco' jii' e jmoo'o' jmí'na e laco' nijmiguiéng' óo'na' jnea'." 25 Jò mi' cangí' e cagø'r' e í' canuu' do, jò catíin' coo' cóo' e a' jmí' mí' huíng' jø' jò cajíin': "E a' dsí' e cóo' la guøng' júu' tigua' e 'mí' e nijmé' Fidiée' coo' 'nú' la'eáang' coo' jmi'øø'n' e nitú' mi' nitán' fí' dse' crúu'. Joba' lacoo' ya' mi' ni'u'na' e jmí' e la a' dsí' e cóo' la, jmee'ba' lajo e laco' nijmiguiéng' óo'na' jnea'." 26 Jò lajòb' lí', co' lacoo' ya' mi' có'na' iñí' quiá' Dsea' Jmáang' jogui mi' ú'na' e a' dsí' cóo' quiá'r' do, joba' jmiguiéng' óo'na' e cajúin' fí' dse' crúu'. Jò lajòb' 'né' jmée'na' cartí' mi' nití' í' e nijáa'tur fí' jmiguí' la calé' catú'.

Jial 'né' dø' dsea' e jmiguiéng' dsír' Dsea' Jmáang'

27 Jò co' lajòb' lí', joba' doñí' ì dsea' ì ja' jmoo' laco' catíng' e jmi'gór' Dsea' Jmáang' mi' gø'r' iñí' quiá' dsea' do jogui mi' í'r' e a' dsí' cóo' quiáin', joba' dseeb' éer' coo' ngúu' táang' dsea' do jogui coo' jmi'øø'in'. 28 Joba' lajaang' lajaam' dsea' 'né' í' dsír' jial líin' ná' gui e nidø'r' e iñí' do jogui ná' gui e ni'í'r' e jmí' e a' dsí' e cóo' do. 29 Dsuco' song gø'r' jogui í'r' e jò e ja' í' dsír' e guøng' e calí' coo' ngúu' táang' Dsea' Jmáang', joba' lico' 'nóor' e nicuø' Fidiée' í' iihuí'. 30 Jò uii' e lajòb' jmoo' 'nú', joba' fíim' 'nú' lana dsée'na' osi ua' í' áa'na' osi nicajúm'bi' é. 31 Jò faco' jang' í' dsi'naa' røø' jial lí'naa' ná' gui e niquiee'naa', joba' ja' ee' uuing~ sea' e nicuø' Fidiée' jneaa'aa' iihuí'. 32 Jò nañí' fa' cuø' Fidiée' jneaa'aa' iihuí', dsu' jmóor' lajo e laco' ni'é'r' jneaa'aa' jial 'né' see'naa' fí' quinir~, jò lajòb' ja' ni'níin' jneaa'aa' ie' jò colíing' coo' jaléng' dsea' ì ja' cuíng' ír'.

³³ Jo co' lajob líí, dsea` rún'n, joba' mi` seáang` rúng`na' e quiá'- e nicø`na', 'né` jøøm` rúng`na' e laco' nicø`na' colíing` lajaléng`na'. ³⁴ Jogui song i líing` 'nú' eáang` jmi'aang`na', joba' guiá-gui quií' na' e jang'` nicø`ba' fí quií' na', jo lajoba' ja` nicuø`- Fidiéé` 'nú' ihuú` uíi` e ja` røø` jmoo`na' mi` seáang` rúng`na' quiá'- e nicø`na'. Jogui jalé` e júu` e jié` e cajmingú` gui` 'nú' jnea` do, mi` niguiéé` túu` fí na e ni`éé` e 'nú', joguiba' moo`duu e` nilí`.

12

Jalé` e ngúing` dsea` e cuø` Jmiguí` quiá'- Fidiéé`

¹ Dsea` rú`naa' dsea` quiá'- Dsea` Jmáang`, e laba' iin`n e ní` 'nú' guiá- cuaiñ` quiá'- jalé` e ngúing` dsea` e cuø` Jmiguí` quiá'- Fidiéé`.

² Jogui` 'nú' ní`ba' guiá- e ie` lamí` ja` mí` líing`na' dsea` quiá'- Dsea` Jmáang`, joba' cuøb' fí` yaang`na' e jmi`goo`na' jaléng` díéé` i ja` fé'. ³ Jo co' lajob lamí` líing` 'nú', joba' lana iin`n e ní`na' e jíi` jaang` dsea` i fé' la'eáang` cóo` Jmiguí` quiá'- Fidiéé` cuøøng` lí` fé'r` jalé` júu` 'lí` uii` quiá'- Jesús. Jogui lajobi cajo, jíi` jaang` dsea` cuøøng` lí` fé'r` e Jesús líing` Fiir` fíng song i dsea` í` ja` fé'r` la'eáang` cóo` e bí` e 'gøng' quiá'- Jmiguí` quiá'- Fidiéé`.

⁴ Jogui e laba' fí` guí` 'nú', e jmiguiab` íing` sea` e cuøøng` lí` íng` dsea` e tíiñ`, dsu' lifa' jíi` Jmiguí` quiá'- Fidiéé`ba' e cuø` jalé` e jo. ⁵ Jogui jmiguiab` íing` ta` sea` e cuøøng` lí` jmé` dsea`, dsu' lifa' jíi` Fí`naa' Dsea` Jmáam`biñ` i cuø` jalé` e jo. ⁶ Jogui cajo jmiguiab` íing` sea` e tíing` dsea` jmóor`, dsu' lifa' dseáng` lajíi` 'nía' Fidiéé`bing` i jmóo` lajalé` e jo quiá'- lajaléng` dsea`. ⁷ Jo cuøb' Fidiéé` lajaang` lajaang` dsea` líing` ee` tíiñ` e laco' cuø` lí` e seeng` Jmiguí` quiá'- Fidiéé` cóo`r`, jo lajoba' ni`uíng` guiá- quiá'- lajaléng` dsea` quiá'- Dsea` Jmáang`. ⁸ Jo la'eáang` cóo` Jmiguí` quiá'- Fidiéé` i líing` dsea` ngúíñ` e tíiñ` ngáíñ` cóo` jalé` e fé'r`; jogui i líing`gui cajo, la'eáang` cóo` e Jmiguí` doba' e ngúíñ` e eáang` tíiñ` júu` quiá'- Fidiéé`. ⁹ Jo i líing` dsea` ngúíñ` e la'eáang` cóo` e Jmiguí` do e já` líiñ` e quí` Fidiéé` jmí` jmér` doñí` ee`; jogui i líing` dsea` ngúíñ` cajo la'eáang` cóo` e Jmiguí` do e jmi`leáaiñ` jaléng` dsea` dséé`; ¹⁰ jogui i líing`gui dsea` ngúíñ` e tíiñ` e quí`r` jmí` jmér` jalé` e dsigá` dsíi` dsea`; jogui i líing`gui dsea` ngúíñ` e tíiñ` guiar` júu` e íñ` quiá'- Fidiéé`; jogui i líing`gui dsea` ngúíñ` quiá'- Fidiéé` e ní`r` su fé' i líing` dsea` la'eáang` cóo` Jmiguí` quiá'- Fidiéé` osi la'eáang` cóo` jmiguí` quiá'- i 'lí`m` é; jogui i líing`gui dsea` ngúíñ` e tíiñ` fé'r` jmí` e ja` ní`r` jéeng`gui; jogui i líing`gui dsea` cajo ngúíñ` e jmóor` júu` e` guøng` e júu` e nicajíng` i dsea` i nicafé` e jmí` do. ¹¹ Jo jíi` Jmiguí` quiá'- Fidiéé`ba' e jmóo` lajalé` e na, jogui e Jmiguí` job cajo e cuø` lajaang` lajaang` dsea` lí` jialco' í` dsíi` e guiá-gui.

Lajalém` dsea` quiá'- Dsea` Jmáang` líiñ` lafa' jaam` dsea`

¹² Jo nañí` fa' jmiguiab` guotíi` dsea` sea, jo dsu' jaam` dsea` líiñ` cóo` jalé` e jo. Jogui lajob líing` Dsea` Jmáang` cajo. ¹³ Jo co' lajob líí, joba' lajalém` jneaa`aa' cajgáang`naa' jmí` la'eáang` cóo` jíi` Jmiguí` quiá'- Fidiéé` e laco' ni`uíng`naa' lafa' jaam` dsea, nañí` si líi`naa' dsea` Israel osi ja` líi`naa' lajo, osi líi`naa' dsea` si`níing` i jmóo` ta` osi ja` líi`naa' lajo é, jo dsu' lajalém`baa' cangúing`naa' e Jmiguí` quiá'- Fidiéé` do.

¹⁴ Jo dsu' lajaang` lajaang` jneaa`aa' jmiguiab` guotíi`naa' sea, lifa' jaam` dsea` líi`naa'. ¹⁵ Jogui song tíi` dsea` níjíng` lala: "Dsucø' ja` líi`n`n guoo', joba' ja` líi`n`n 'náan`n quiá'- guotíi`." Jo dsu' o' uíi` e ja` líing` lajo fa' níjé` e jo` líi` 'náang` guotíi` dsea. ¹⁶ Jogui song logua` dsea` níjíng` lala: "Dsucø' ja` líi`n`n jmini~, joba' ja` líi`n`n 'náang` quiá'- guotíi`." Jo dsu' o' uíi` e ja` líi` lajo fa' e níjé` e jo` líi` 'náang` quiá'- guotíi` dsea. ¹⁷ Jogui fa' jíi` jminib` dsea` sea, joba' jial cuøøng` lí` e ninúr`? Jogui fa' dseáng` jíi` loguab` dsea` sea, joba' jial cuøøng` e nicár` jmea`? ¹⁸ Jo dsu' Fidiéé` nicajméer` lacoø` guotíi` dsea` jogui nicaséer` e jo lacoø` éé` quiá'- jie` lí` ní`r` e guiá-gui nilí`íng` ta` quiá'- dsea. ¹⁹ Jo facø' ca`líim` guotíi` dsea` sea, joba' ja` seeíñ` jóng. ²⁰ Jo dseáng` e jáb` e jmiguiab` guotíi` dsea` sea, jo dsu' jaam` dsea` líiñ` cóo` lajalé` e jo.

²¹ Jo co' lajob líí, joba' jmini~ dsea` ja` cuøong` e nijíng' e nisi' guoo: "Ja` 'neán`n` 'nũ", o'gui mogui~ fa' e nijíng' e nisi' tii~: "Ja` 'neán`n` 'nũ". ²² Co' dseáng' o' lajo, co' jalé' guotii~ dsea` e í dsíir' e ja'gui niing~, e joba' e eáang'gui 'né~. ²³ Jogui jalé' guotii~ dsea` e ja` 'ga' lí jíi'r~, e joba' e eáang'gui qui'r' røø. Jogui jalé' e guotii~ dsea` e í dsíir' e eáang'gui ga` jnéeng~, e joba' e eáang'gui tiiing' jmaíiñ' guiá~, ²⁴ jo dsu' ja` ngii~ lí 'né~ jmé~ dsea` lajo cóo' e guotii~ e guiá~gui jnéeng~. Jo dsu' Fidié~ cajméer' e lacq' e guotii~ dsea` e eáang'gui ja` jíi'r~, e joba' e eáang'gui nijmeáiñ' guiá~. ²⁵ Jo lajob 'né~ lí e lacq' ja` si'naang` quiá'~ rúng' jalé' guotii~ dsea`, co' lí' lí 'né~ e lacqob' guotii~ dsea` 'né~ jmé~ í quiá'~ rúng'. ²⁶ Jo song e liing~ guotii~ dsea` íng' iihuú, joba' lajaléb' e caguiee~gui do íng' cajo; jogui song e liing~ guotii~ dsea` eáang'gui jmáng' dsea` guiá~, joba' lajaléb' e caguiee~gui do lí'íáam` dsíí cajo.

²⁷ Jogui lana fá' a e lajalém' 'nú' líing'na' lafa' jaam` dsea` cóo' Dsea` Jmáng~, jogui lajaang` lajaam`ba' líing'na' lafa' jmacó' guotii~ dsea` do. ²⁸ Jo Fidié~ nicali'íiñ~ e jee~ jaléng' dsea` quiá'r~ seeng' la'uii~ dsea` apóo' i síng' Dsea` Jmáng~ i nijmé~ ta~ ni' júu^ quiá'r~; jogui lí catí' tú~ i dsea` i fé' cuaiñ~ quiá'~ Fidié~; jogui lí catí' 'ní' jaléng' dsea` i tiiing' e júu^ quiá'~ Fidié~; jogui ngí jo jaléng' i dsea` i quii'~ jmi~ jmóo' jalé' e dsigá' dsíí dsea`; jogui jaléng' i dsea` i jmi'leáang~ jaléng' dsea` dsée'~; jogui jaléng' i dsea` i jmicóo'~ jaléng' dsea` rúng' cóo'~ jalé' e 'néiñ'~; jogui jaléng' i dsea` i quie' níí' quiá'~ jaléng' dsea` quiá'~ Dsea` Jmáng~; jogui jaléng' i dsea` i fé' jmi' e ja` ñir' jéeng'gui. ²⁹ Jo dsu' ja` lajaléng' dsea` líiñ' dsea` i síng' Dsea` Jmáng~ i nijmé~ ta~ ni' júu^ quiá'r~, o'gui lajaléng' dsea` jmóor' ta~ fé' cuaiñ~ quiá'~ Fidié~, o'gui lajaléng' dsea` tiiñ' er' júu^ quiá'~ Fidié~, o'gui lajaléng' dsea` quii'r~ jmi~ e jmóor' jalé' e dsigá' dsíí dsea`, ³⁰ o'gui lajaléng' dsea` quii'r~ jmi~ e jmi'leáiñ~ jaléng' dsea` dsée'~, o'gui lajaléng' dsea` lí'r' fé'r' jmi' e ja` ñir' jéeng'gui, o'gui lajaléng' dsea` fa' quii'r~ jmi~ e nigui'r~ e guøng' e jmi' do. ³¹ Jo dsu' 'nú' 'né~ e jmi'úung'na' e niñíng'na' e lali~ e jlo'gui e cuø' Jmigu' quiá'~ Fidié~.

Jogui lana ni'ée^ e 'nú' cóo' í' dseáng' e jlo'gui eáang'.

13

Jial lí' mi~ 'neáang' dsea` rúñ'

¹ Jogui song jnea~ cangín'n quiá'~ Fidié~ e fá'a jalé' jmi' e fé' dsea` jmigüi' e ja` mí' cuii' jéeng'gui, jogui j'gui fá'a e jmi' e fé' jaléng' ángeles quiá'~ Fidié~, jo dsu' ja` jmi'neáan'n jaléng' dsea` rún'n, joba' lín'n jóng lafa' mi~ ii' ñí' osi mi~ ii' ñí' chíi' e ta' mi' eáang' mi~ ii' bá. ² Jogui song jnea~ ngín'n quiá'~ Fidié~ e fá'a júu^ e íin'~n quiá'r~, jogui ñii~ jalé' e í dsíir' e nijmér~ cøøng'gui, jogui eáang' tiiñ~ ngán'n, jogui dseáng' e lajam'~ba' ja' lín'n júu^ quiá'r~ co' quii'~baa jmi~ jmee~ e nilisíng~ eé^ quiá'~ jalé' mó', jo dsu' ja'gui 'neáan'n jaléng' dsea` rún'n, joba' ja` ee` quíng' quie~ e jíi'~ cóo' jalé' e jo. ³ Jogui song jnea~ jmóo'baa jmá'~ jii' jee~ jaléng' dsea` tiñíng~ lajii'~ e sea` quie~ e, jogui song la quie'gui tí' 'ñiá'baa nijáang'~ 'ñiá'a í' ni~ jí, jo dsu' ja'gui 'neáan'n jaléng' dsea` rún'n, joba' e jo ja` ee` ta~ íing^ quie~ e jíi'~ cóo'.

⁴ Jo mi~ jmi'neáang' dsea` dsea` rúñ' e jo líí e jmóo'bre féng' dsíir', jogui e eáam' guiá~ dsíir', jogui ja` jmóor' dsihuúiñ', jogui ja` jmi'jlong'~ 'ñia'r', jogui ja` jmiráang~ 'ñia'r', ⁵ jogui ja` jmóor' soo' dsíir', jogui o' jii'~ uii~ quiá'r~ 'ñia'r' í dsíir', jogui ja` 'ní' dsíir' o'gui i~ dsíir' íng song ee'go cajmeáng' dsea` ír', ⁶ jogui ja` jmi'íáang' dsíir' cóo'~ jalé' e ga' e jmóo' dsea`, jo dsu' jmi'íáam' dsíir' mi~ jmóo' dsea` e guiá~. ⁷ Dsaco' mi~ 'neáang' dsea` rúñ', e jo líí e ja` ni'r' júu^ mi~ ii' dsea` rúñ' jmóo' ga', jogui ta~ dsíir' cóo'~ dsea` rúñ', jogui jmang' e guiáb~ sijeeiñ~ quiáiñ' do, jogui jmóo'bre té'r' mi~ jmáng' dsea` ga' ír'.

⁸ Jo dsu' e 'neáang' dsea` rúñ' ja` tóo' jmi~ fa' e ni'íng~. Jo dsu' tóob' jmi~ e nité' e júu^ e fé' dsea` e íñ' quiá'~ Fidié~, jogui lajob cajo e tiiing' fé' dsea` jmi' e ja` ñir' jéeng'gui, jogui cajo jo' nili'né~gui jalé' e tiiing' ngáng' dsea'. ⁹ Dsaco' jalé' e tiiing' ngáng' dsea` jogui jalé'

júu e fé' dsea e íñ' quiá' Fidié' ja ié' jalé' e jo. ¹⁰ Dsu' mi' nitá' í' e nijmi'ié' Fidié' lajalé', joba' niguiáb' lajalé' e ja ca'ie' do.

¹¹ Co' jnea' ie' lami' jiuun' do, la fé' jaang' jiuun' fá'a, jogui' í' dsii' la í' dsii' jaang' jiuung' jogui' lajob' jmó'o cajo. Jo dsu' mi' cacuan' n, cab' casee' e lajalé' e jo e jmó'o jaang' jiuung'. ¹² Jo dsu' lanagui' ja ne'naa' røø' jial lí' lajalé', co' lí' lafa' mi' jøøng' yee'naa' fí' ní' espejo e ja 'goo' jnéeng'. Jo dsu' niguiéeb' jmí' mi' niline'naa' jial dseáng' lí' lajalé'. Co' lana jalé' e tñn' ngán' n ja' mí' ñii' dseáng' la'ie' jial lí', jo dsu' niguiéeb' jmí' mi' niliñii' jial dseáng' lí' lajalé' lí' laco' la cuíng' Fidié' jnea'.

¹³ Jogui' dsu' 'ní' íing' jii' sea' e ja' tóo' jmí' fa' ní' íing', jo e lab e jo: e já' lí'naa' júu' quiá' Dsea' Jmáang', jogui' e nita' dsi'naa' cóo'r', jogui' e jmi'neáng'naa' rú'naa'. Jo dsu' e jmi'neáng'naa' rú'naa' do, e job e niing' gui eáang' lajee' laji' e 'ní' na.

14

Jial mi' ngúng' dsea' e fé'r' jmí' e ja' ñir' jéeng' gui

¹ Joba' fii' guí' 'nú', dsea' rú'naa', jmi'úung'na' e nijmi'neáng'na' rúng'na', jogui' jmee'na' quijí' e niñíng'na' jalé' e cuø' Jmiguí' quiá' Fidié' e tñng' dsea', dsu' lifa' dseáng' la guíng' gui eáang' e niñíng'na' e tñng'na' fó'na' júu e íng'na' quiá' Fidié'.

² Dsuco' i dsea' i cangúng' e fé'r' jmí' e ja' ñir' jéeng' gui, Fidié' bing' i féiñ' jo o' dsea' jmigüí', co' jii' jaang' dsea' jiéng' ngáng' e jmí' do. Jo i dsea' do fé'r' e jmí' do la'eáang' cóo' Jmiguí' quiá' Fidié', jo jalé' e fé'r' do ja' mí' cajmijnéeng' Fidié' lami' jéeng' gui.

³ Jo dsu' i dsea' i cangúng' e tñiñ' fé'r' jalé' e júu e íñ' quiá' Fidié' jmóor' lajo e laco' jmicóo'r' e teá'gui nisíng' dsea' cóo' júu quiá' Dsea' Jmáang', jogui' e laco' nicuø' reiñ' bí', jogui' cajo e laco' nijmití'r' dsíiñ'. ⁴ Jogui' i dsea' i fé' jmí' e ja' ñir' jéeng' gui, jii' quiá'r' 'ñia'bre jmicóo' jalé' e jo e laco' teá'gui nisíñ' cóo' júu quiá' Dsea' Jmáang'. Jo dsu' i dsea' i cangúng' e tñiñ' fé'r' jalé' júu e íñ' quiá' Fidié', jmóor' lajo e laco' jmicóo'r' e teá'gui nisíng' i dsea' rú'ñ' caguaang' gui cóo' júu quiá' Dsea' Jmáang'.

⁵ Jo eáam' íing' jnea' e lajim' 'nú' tñng'na' fó'na' jmí' e ja' cuí'na' jéeng' gui, dsu' lifa' eáang' gui íing' jnea' e tñng'na' fó'na' jalé' júu e íng'na' quiá' Fidié', co' e joba' eáang' gui niing' laco' gui e fó'na' jmí' e ja' ñi'na' jéeng' gui. Jo dsu' song seem' bi dsea' i nijmé' júu e guøng' e fó'na', jo lajoba' teá'gui nisíng'na' cóo' júu quiá' Dsea' Jmáang'.

⁶ Jo uí' e lajob' lí', dsea' rú'naa' dsea' quiá' Dsea' Jmáang', joba' ja' ee' ta' nili' íing' qui'na' jii' cóo' e jnea' ngóo' o' ní'ee' e 'nú' jo ní'fón' n 'nú' cóo' jmí' e ja' ngáng'na'. Jo dsu' eáam' nili' íing' ta' qui'na' song ní'fí' i 'nú' lajii' e nicajmijnéeng' Fidié' lafa' mi' qui' , osi e ní'ée' e 'nú' jalé' e tñn' ngán' n, osi e ní'fí' i 'nú' jalé' e júu e íin' n quiá'r' , osi líng' ee' ní'ée' e 'nú' é.

⁷ Jo lajob' lí' cajo cóo' lí' doñí' ee' lúu' e bó' dsea' osi e jiáur' é, co' song ja' røø' bó'r' osi jiáur' lacoø' lacoø', joba' ja' quí' jmí' e nilicuí' dsea' e e bó'r' do. ⁸ Jogui' fa' cóo' jee' 'nií', co' song ja' røø' nijjiáur' dsea' lúu' trompé' e laco' nicuø' lí' e nináng' e 'nií' do, joba' jii' jaang' dsea' nililí'r' e ní'né' guiéng' guiá' yaaiñ' e quiá' nináng' e 'nií' do. ⁹ Jo lajob' lí' cóo' 'nú' cajo, co' song ja' fó'na' júu e laco' ningáng' dsea' rúng'na', joba' jial ningáñ' lajii' e fó'na' do? ;Co' mi' jmoo'na' lajo, joba' lafa' fó'na' fí' guiá' güí! ¹⁰ Jo dseáng' e jáb' e jmiguiáb' jmí' fé' dsea' la'úng' fí' jmigüí', lifa' lacoø' jmí' e fé' dsea' seab' líng' uíng' quiá'. ¹¹ Jogui' song jnea' ja' ñii' e guøng' e júu e sí' dsea' jnea', joba' jnea' lín' n lafa' jaang' dsea' i jáa' fí' lí' huíib' quiá' i dsea' i féng' jnea' do, co' ja' ngán' n jmí' quiá'r', jogui' lajob' líng' jnea' quiá' i dsea' í' cajo, co' ja' ngáñ' n jmí' quié' e. ¹² Jo co' 'nú' jmoo'na' quijí' e oo'na' jalé' e cuø' Jmiguí' quiá' Fidié', joba' jmi'úung'na' e niñíng'na' lalíng' jalé' e nili' íing' ta' quiá' e laco' teá'gui nisíng'na' cóo' júu quiá' Dsea' Jmáang'.

¹³ Jo jaléng' dsea' i cangúng' e fé'r' jmí' e ja' ñir' jéeng' gui, joba' 'né' mí'r' Fidié' e nijmicóo' dsea' do quiá'r' e laco' nisí'r' dsea' rú'ñ' e guøng' e júu e fé'r' do. ¹⁴ Co' song jnea' fón' n Fidié' cóo' jmí' e ja' ñii' jéeng' gui, jo dsu' jmóo' o' lajo la'eáang' cóo' jmiguí'

quíe-baa, lifa' jíi' ñiá'baa jaa e ja ee ngán'n lajii' e fá'-a do. ¹⁵ Jo co' lajob líí, joba' mi' fón'-n Fidiée', 'né- jmée'e lajo cóo' jmiguí' quíe-baa, jogui dsu' 'né- ngám'baa cajo lajii' e fá'-a do. Jogui mi' øø- e jmifén'n Fidiée', 'né- øø cóo' jmiguí' quíe-baa, jogui dsu' 'né- ngám'baa lajii' e øø- do cajo. ¹⁶ Dsuco' song 'na' jmifén' Fidiée' cóo' lajii' jmiguí' quíi', jo dsu' lajee' jo ninú- jaang'gui dsea' i ja mí' ngáng' e júu^ e fó' do, joba' i dsea' i ja' cuøøng' nisí'r' Fidiée' e lajob nilí, dsuco' ja' ngáiñ' lajii' e júu^ e fó' do. ¹⁷ Jo jangám-, eáam' jlo' e júu^ gui'máang' e cuøø' Fidiée' do, jo dsu' song ja'gui ngáng' i dsea' i núu' do, joba' ja' e jmicóo' quíá'r- jíi' coo' fa' e nidsicuáng'gui quíá'r- cóo' júu^ quíá'- Dsea' Jmáang-. ¹⁸ Jo cuøø-ø gui'máang' Fidiée', dsuco' eáang'gui tiin- fá' a jmí' e ja' ñii- jéeng'gui laco'gui lajaléng' 'nú'. ¹⁹ Jo dsu' lacaang' jee- lí- seáng' dsea' quíá'- Dsea' Jmáang-, eáang'gui iin'-n fón'^nre cóo' tú- 'ní' mí' júu^ e laco' ngáiñ' e lafa' e nifón'^nre cóo' jmiguí' júu^ cóo' jmí' e dseáng' ja' ngáiñ'.

²⁰ Jo fii-guú' 'nú', dsea' rú'naa', e ja' í' áa'na' laco'gui í' dsí' jaang' jiuung-, co' 'né- líng'na' lafa' jaang' jiuung- cóo' lajalé' e ja' dseeng', jo dsu' la' í' dsí' jaang' dsea' féng' 'né- í' áa'na'. ²¹ Jo lalab fé' Fidiée' fí' ní- jí' quíá'r-: "Nifón'^n jaléng' dsea' Israel cóo' jmí' e ja' ngáiñ' jogui nisín'^n dsea' i ja' líng' dsea' Israel e laco' niguiar' júu^ quíe- e jee- jaléng' ír', jo dsu' ja' já'- nilíim'bir jnea'." Jo lanab jíi' fé' Fí'naa' Fidiée' fí' ní- jí' quíá'r-.

²² Jo co' lajob líí, joba' mi' fé' dsea' jmí' e ja' ñir' jéeng'gui, e jo cuøø cóo' lí- quíá'- jaléng' dsea' i ja' líng' dsea' quíá'- Dsea' Jmáang- jo o' quíá'- jaléng' i líng' dsea' quíá'- Dsea' Jmáang-. Jo dsu' mi' fé' dsea' jalé' júu^ e íñ' quíá'- Fidiée', e jo cuøø cóo' lí- quíá'- jaléng' dsea' quíá'- Dsea' Jmáang- jo o' quíá'- i dsea' i ja' líng' lajo. ²³ Dsuco' faco' lajee' e siseáng' jaléng' 'nú', dsea' quíá'- Dsea' Jmáang-, e jmiféng'na' Fidiée', jo teáang'na' fó'na' jmí' e ja' ñí'na' jéeng'gui, jo lajee' jo ní' fí' jo jaang' dsea' i ja' mí' ní' e'gui e fó'na' do, osi jaang' i ja' mí' já'- líng' júu^ quíá'- Dsea' Jmáang- é, joba' i dsea' i ní' dsíir' e ja' røø' lí'ba'. ²⁴ Jogui song lajiiim' 'nú' fó'na' jalé' júu^ e nica'íng'na' quíá'- Fidiée' jo lajee' jo ní' jaang' dsea' i ja' mí' já'- líng' júu^ quíá'- Dsea' Jmáang- osi jaang' i ja' mí' ní' e'gui e fó'na' do, jo dsu' mi' ninú- i dsea' do e júu^ jo, joba' dsifí' lajob ní' dsíir' e røøm'bre dsee-, jogui 'ña'bre ní' dsíir' jial líiñ' mi' ninú- lajii' e fó'na' do. ²⁵ Jo mi' ninú- jalé' e júu^ do, joguiba' nilí' r' guiá- jial dseáng' líiñ', jo job mi' nisí'r' uø- jnir- e nijmiféiñ' Fidiée', jo joguiba' nijá'- líiñ' e dseáng' lajam'ba' seeng' Fidiée' jee- lajaléng' 'nú'.

Jmee'na' røø' lajii' e cat#ng-na'

²⁶ Jo co' lajob líí, dsea' rú'naa' dsea' quíá'- Dsea' Jmáang-, joba' fii- i 'nú' e júu^ la, e mi' seáng'na' e jmiféng'na' Fidiée', i líng' 'nú' cuøøng' lí' ó'na' e jmiféng'na' Fidiée', jogui i líng' 'nú' cuøøng' lí' é'na' dsea' júu^ quíá'- dsea' do, jogui i líng' 'nú' cuøøng' lí' fo'na' jalé' e nica'e' Fidiée' lafa' mi' quí'na', jogui i líng' 'nú' cuøøng' lí' fo'na' jmí' e ja' ñí'na' jéeng'gui, jogui i líng'gui 'nú' cuøøng' lí' fo'na' e' guøng' e jmí' do. Jo dsu' lajalé' e jo 'né- jmée'na' e laco' nidsicuáng'gui quíi'na' cóo' júu^ quíá'- Dsea' Jmáang-. ²⁷ Jo mi' fé' dsea' jmí' e ja' ñir' jéeng'gui, cuøøm' lí' fé' gáng- dsea' osi gaang' dsea' e jmí' do, jo dsu' lifa' 'né- e tá'- jam' nijmé- lajo; jogui cajo i líng' 'nú' 'né- jmée'ba' júu^ e' guøng' e jmí' do. ²⁸ Jo song ja' seeng' dsea' i nijmé- júu^ e' guøng' e jmí' do, joba' guiá-gui quíi'na' e ja' nifo'ba' e jmí' e ja' ñí'na' jéeng'gui do fí' lí- seáng' rúng'na', jo lí' féeng'na' Fidiée' la tiing'na' yaang'na' e ja' núu' dsea' jíéng'.

²⁹ Jo lajob cajo, song seeng' dsea' i fé' jalé' júu^ e íñ' quíá'- Fidiée', joba' güfé'bre gáiiñ- osi gaaiñ' é, jogui jaléng' dsea' i núu' jalé' e júu^ jo, güí' b- dsíir' cuaiñ- quíá'- e júu^ jo. ³⁰ Jogui song Fidiée' líng' ee' ca'e'r' jaang'gui dsea' lafa' mi' quíiñ' lajee' e fé' b' i dsea' i ca'íng' e júu^ do, joba' guiá-gui e niquíum'- i dsea' i fé' e júu^ e ca'íñ' quíá'- Fidiée'. ³¹ Jo lajoba' lajaang' lajaang' i dsea' i fé' júu^ e íñ' quíá'- Fidiée' 'né- jém-bre e nitíiñ- cuaiñ- quíá'r-, jo lajoba' lajiiim' dsea' ninú- e júu^ jo e laco' nilíiñir' jogui e nicuøø' gui bí' yaaiñ-.

³² Co' i dsea' i fé' jalé' júu^ e íñ' quíá'- Fidiée' 'né- quíi'bre jmí' e nijéiñ- cartí' nitíiñ-

e nifé'r'. ³³ Jo lajob 'né-, co' Fidiéeb' dsea` cuør' e seeng` dsea` juguiá- júu^ røø, jo dsu' ja` iĩñ e eáang' ta' dsea` mí~ e jí~ ja` ñi' dsea` jnang` i fé'.

Jo lí^ laco' quí- tĩng` dsea` quiá- Dsea` Jmáang-, ³⁴ e jaléng' dseam' ja` cuøøng` fé'r' fí' quini' dsea` mí' tí' í' e seáng' dsea` e jmiféiñ' Fidiéé, dsuco' ja` catĩng- fa' e nijmér- lajo. Co' 'né- jmi'gór` dseañu' quiá- lí^ laco' fé' fí' ní' júu^ quiu' ta~ quiá- Fidiéé. ³⁵ Jogui song jaang` dseam' lĩng` ee` ja` cangáiñ', joba' guiá-gui e nijmingí'r- dseañu' quiá'r' fí' 'núu', dsuco' ja` catĩng- e jaang` dseam' nifé'r' fí' quini' dsea` lajee' e siseáng' dsea` quiá- Dsea` Jmáang- e jmiféiñ' Fidiéé.

³⁶ Jogui téé' áána' e o' cóo~ 'nú' canaang` uing` júu^ quiá- Dsea` Jmáang-, o'gui jí~ 'nú' cajo dsea` i nicalíng' e júu^ jo. ³⁷ Jogui song i lĩng` 'nú' í' áána' e cangĩng'na' e tĩng'na' fó'na' cuaiñ` quiá- Fidiéé, o'í' áána' e cangĩng'na' e tĩng'na' e jíé'gui é e cuø' Jmiguí quiá- Fidiéé, joba' 'né- ta` óona' e jalé' e júu^ e jmo' jnea~ la lí' júu^ ta~ huí' quiá- Fí'naa' Dsea` Jmáang-. ³⁸ Jogui song i dsea` í' ja` já- líiñ e lí' lajo, joba' ja` 'né- já- líng'na' e lĩng` ee` cangíiñ' e cuø' Jmiguí quiá- Fidiéé.

³⁹ Jo co' lajob lí', dsea` rú'naa' dsea` quiá- Dsea` Jmáang-, joba' fí- i 'nú' e jmi'úung'na' e niñing'na' e nifo'^na' jalé' júu^ e íng'na' quiá- Fidiéé, jogui cajo ja` jnĩng'na' quiá- dsea` rúng'na' e nifé'r' jmi' e ja` ñir' jéeng'gui. ⁴⁰ Jo dsu' lajalé' e jo 'né- jmée'na' røø lí^ laco' catĩng-.

15

Jial mi~ cají'tu Dsea` Jmáang-

¹ Jo lanagui, dsea` rú'naa' dsea` quiá- Dsea` Jmáang-, iin~n e nijmiguéng' áána' cuaiñ` quiá- e júu^ e quiá- jial laang` dsea` jee~ jalé' dsee- quiá-r- e nicaguiá'a jee~ 'nú'. Jo e júu^ job e nicalíng' 'nú', jogui cajo eáam' teáng-na' teá cóo~. ² Jogui lajobi cajo, la'eáang' cóo~ e júu^ job e nicaláang- 'nú' jee~ jalé' dsee- quiá-na', jo lajob lí' song ja` niqing' tu' tucang'na' calé' catú-; dsuco' song cajmee'na' lajo, joba' ja` ee` ta~ cali'ing` quiá-na' jóng lají~ e nijá- calíng-na' do.

³ Jo nica'éé-baa 'nú' lajalé' júu^ e nica'ín~n, jo e lab e júu^ jo e niing-gui: Dsea` Jmáam-bing' i cajúng- uí~ jalé' dsee- quiá-naa' lí^ laco' la fé' fí' ní' jì quiá- Fidiéé. ⁴ Jo mi~ cangí e cajúñ-, joba' ca'áiñ-, jo dsu' mí' catí 'ní' jmí~ lajo, cajíb'tur calé' catú- lí^ laco' la fé' fí' ní' jì quiá- Fidiéé cajo; ⁵ jo la'uii~ cajmijnéeng' 'ñia'r' fí' quini' Tú' Simón, jo mi~ cangí jo, cajmijnéeng' 'ñia'r' fí' quini' dsea` guitúung` quiá-r-. ⁶ Jo mi~ cangígui lajo, cajmijnéeng' 'ñia'r' fí' quini' i lí'gui lí' lí' 'ñia' ciento dsea` quiá-r-, jo i lĩng` i dsea` í' nicajúm-bre, jo dsu' i fĩm'bi seeng` lana. ⁷ Jo mi~ cangí jo, cajmijnéeng'gui 'ñia'r' fí' quini' Tiáa~, jo mi~ cangí jo, cajmijnéeng' 'ñia'r' cajo fí' quini' jaléng' i dsea` caguiaang-gui i sñiñ` cuaiñ` quiá-r-.

⁸ Jo tí lí' dséng-gui cajmijnéeng' 'ñia'r' fí' quini', jnea~ dsea` lín'n lafa' jaang` jiuung` i caliséng` nú-gui e catí í' lajo. ⁹ Jo jnea~ lín'n jaang` dsea` i ja` niing- jí~ capí^ jee~ lajaléng' i dsea` i síng` Dsea` Jmáang- cuaiñ` quiá-r-, jo dseáng- ja` catĩm-baa fa' e nilisii- lajo uí~ e lamí~ jéeng'gui gab` cajmeáan'~n jaléng' dsea` quiá- Dsea` Jmáang-. ¹⁰ Jo oo- e ta~ oo- la dsu' uí~ e eáang' guiúng- Fidiéé cóo~ jnea~. Jo e guiúñ- cóo~ jnea~ do eáam' nicalí'ing` ta~, co' jnea~ eáang'gui nicacuø' dsii- cóo~ e ta~ e jmóo'o la lí^ laco'gui i dsea` caguiaang-gui do. Jo nañi' fa' o' jnea~re dsea` nicajmé- e lajo, co' Fidiéeb' dsea` nicajmicóo~ jnea~ uí~ e eáang' guiúñ- cóo~ jnea~. ¹¹ Jo dsu' ja` e lingí- su nicajmé- jnea~ e ta~ jo o'í' nicajméé' jaléng' i dsea` í' é, co' conrøøb' guia'naa' e júu^ jo, jogui e júu^ job cajo e já- nicalíng'na' do.

Mi~ nijí'tu jaléng' 'lí~

¹² Jogui jnea'^ guia'naa' júu^ cuaiñ` quiá- e cají'tu Dsea` Jmáang- mi~ cangí e cajúñ-. Joba' çjialí' seeng` i lĩng` 'nú' i fé' e o' já- e nijí'tu jaléng' 'lí~? ¹³ Dsuco' faco' ja` jí'tu

jaléng' 'lii~, joba' o' já' e cají'tu Dsea` Jmáang-. 14 Jo co' faco' ja` cají'tu Dsea` Jmáang-, joba' e júu^ e guía` jnea'^ jee~ 'nú' ja` ee` quíng' jii~ coo, jogui cajo ja` ee` quíng' jii~ coo` e já' nicalíng-na' júu^ quía'- dsea` do. 15 Jogui faco' e ja` já' e jí'tu jaléng' 'lii~, joba' jnea'^ lico' lí'naa' dsea` i` jmigóob. Co' guía'naa' júu^ e Fidiéeb` dsea` cajmijí'tur Dsea` Jmáang-, jogui e o' já' e cajmijí'tur faco' dseáng'- já' e jo` jí'tu jaléng' 'lii~. 16 Jogui faco' ja` jí'tu jaléng' 'lii~, joba' ja` cají'tu Dsea` Jmáang- cajo. 17 Jogui faco' ja` cají'tu Dsea` Jmáang-, joba' ja` quíng' jii~ coo` quí-na' e já' líng'na' júu^ quía'r-, jogui cajo quíim~bi' jee~ jalé' dsee- quí-na' lana. 18 Jogui faco' lajo líí, joba' jaléng' dsea` quía'- Dsea` Jmáang- i` nicajúng- lamí~ jéeng'gui, fí lí' líb'^ nicangolíiñ jóng. 19 Jogui song lico' íng' ta~ quí-naa' jii~ fí` jmigüi' lab e lí'naa' dsea` quía'- Dsea` Jmáang-, joba' e ngí~ fíib` jneaa'aa' jee~ jaléng' dsea`.

20 Jo dsu' dseáng'- e jáb'- e cají'tu Dsea` Jmáang- mi~ cangí e cajúñ-. Co' í'bing' i` cají'tu la'uii~ jee~ jaléng' dsea` quía'r- i` nijí'tu mi~ nití- í' lajo. 21 Jo co' uíi~ jaang` dseañu^ e caliseá' 'mó- fí` jmigüi' la, jogui lajobi cajo uíi~ jaang`gui dseañu^ e nijí'tu jaléng' 'lii~ mi~ nití- e í' jo. 22 Jo lajob líí, dsuco' uíi~ e líng' dsea` dsea` siju` Adán, joba' tiiñ- 'mó- lajaléiñ'. Jogui lajobi cajo, la'eáang' e nilí'naa' dsea` quía'- Dsea` Jmáang-, joba' nijí'tu uí' e laco' nilisee-naa' cøong` cøo~ Fidiéé. 23 Jo lajob nilí, lífa' nijí'tu dsea` lí' laco' jii~ e sí'í; co' Dsea` Jmáam-biñ' i` la'uii~ i` cají'tu, jogui mi~ nijáa'tur calé' catú- fí` jmigüi' la, joguiba' nijí'tu jaléng' dsea` quía'r-. 24 Jo mi~ ningí jo, joguiba' nití- í' e ni'íng- jmigüi'. Co' ie~ jo Fíi'naa' Dsea` Jmáang- ni'íiñ- bí' quía'- jaléng' dseata~ niing- cøo~'gui bí' quía'- jaléng' i` líng' i` quíu' ta~, jo joguiba' nijá'r' fí` jaguó Tiquí'ii' Fidiéé` lajalé' e née' nir~ lana. 25 Co' dseáng'- 'né- e néeb' ni~ Dsea` Jmáang- lajalé' cartí mi~ niguiéng- Fidiéé` fí` uii~ tii- dsea` do lajaléng' i` 'ní' ní- quía'r-. 26 Jo Fidiéé` ni'íiñ- 'mó- tí lí' dséng'gui, co' e job e 'ní' ní- do. 27 Jo lajalé' niguiá- Fidiéé` fí` uii~ tii- Dsea` Jmáang-. Jo mi~ jíng- Fidiéé` e niné- lajalé' fí` uii~ tii- Dsea` Jmáang- dsu' ofa' éeng' 'ñia'r' cajo, dsuco' 'ñia'bre dsea` nijméer' e ninéé' lajalé' do fí` uii~ tii- dsea` do. 28 Jo mi~ nicató' e ninéé' fí` uii~ tii- Dsea` Jmáang- lajalé', joguiba' nijáng' Dsea` Jmáang- 'ñia'r' fí` jaguó Tiquíá'r' Fidiéé, co' í'bing' i` nicagua' lajalé' fí` uii~ tii- dsea` do. Jo lajoba' jii~ Fidiéeb` dsea` nicár' nifí' quía'- lajalé'.

29 Jo song í' óo' 'nú' e ja` jí'tu jaléng' 'lii~, joba' çjali' i` líng- 'nú' cajgáang-na' jmii' cuaiñ quía'- jaléng' 'lii~? ¿Jogui e~ uiiing~ quía'- e jmoo'na' lajo song í' óo'na' e ja` jí'tu jaléng' 'lii~ mi~ nití- í' lajo? 30 Jogui faco' ja` jí'tu jaléng' 'lii~, joba' çjali' contøong- dseáng~ seeng- jnea~ fí` jmigüi' la? 31 Jo lajob líí, dsea` rú'naa' dsea` quía'- Dsea` Jmáang-, co' laco' jmii'b` dseáng~ seen- fí` jmigüi' la. Jo dseáng'- e jáb'- júu^ e fá'a la lí' laco'gui la íaang` dsii- cøo~' 'nú' dsu' uíi~ e nilíng'na' dsea` quía'- Fíi'naa' Dsea` Jmáang-. 32 Jo song lico' sijeen`n e ni'ín'`n jalé' e ngín'`n jii~ mi~ seen- fí` jmigüi' la, joba' ja` ee` ta~ mí cali'íng' jii~ coo` quíe- e jalé' e ga' e nicangojéé' quíe- e ie~ lamí~ catíng' júu^ quíe- e cøo~' jaléng' dsea` i` soo` dsí' i` seeng' fí` Éfeso. Co' faco' o' já' e nijí'tu jaléng' 'lii~, joba' maquiee-naa' jogui ma'né'naa', co' dsa'ó' jo` ñí' su see- guíi', lí' laco' júu^ róo' e fé' i` líng- dsea`.

33 Jo fíi-guú' 'nú', dsea` rú'naa', e jie~ mi~ cuø' fí` yaang-na' e dsea` jiéng' nijmigøøiñ 'nú', co' íim- lajii~ e guíu- e quí' tíng' dsea` la'eáang' cøo~' dsea` rúiñ' i` ée' ga'. 34 Jo co' lajob líí, joba' fíi-guú' 'nú' e jmijnéetú óo'na' laco' catíng-, jogui jo` ee-na' dsee-, co' i` líng- 'nú' dseáng'- ja` mí cuíim~bi' Fidiéé. Jo uiiing~ quía'- e fíi- 'nú' jalé' e júu^ la e lí' laco' nicá'na' fí'i'.

Jial líng' dsea` mi~ cangí e cají'tur

35 Jo jangám- seeng' dsea` i` nijmingíi' lala: "Jo çjial nijí'tu jaléng' líí jogui jial líiñ' cajo?" 36 Jo júu^ íib' líí e jmíngii'na' do, co' niñíib' 'nú' guíu- e mi~ áng' dsea` mijú' fí' nú- uø-, jang'- 'né- lafa' e nijúum- e mijú' do, joguiba' cuøong' e nisáng' nii~ quía'- . 37 Jo ja` cuøong' e nijní- dsea` e sú' quía'- mijú', dsuco' lajii~ mijú'ba' cuøong' e nijní- dsea`, nañí' si mijú' micui'iee` osi lí' doñí' ee' mijú' é. 38 Jo mi~ cangí e cangojneaa' e mijú' do, joba' ñiab'

Fidiée` dsea` nijmér` jial iĩñ` e ni'uíng` e sú` quiá` do lí` laco' jmóor` cóo` laca'íng` mijú. ³⁹ Jo ja` røø` lí` ngúu` táang` lajaléng` i seeng` fí` jmigüü, co' e jiéb` lí` ngúu` táang` dsea` laco'gui` ngúu` táang` jó` nuu` cóo` gui` quiá` jaléng` ta` cóo` gui` quiá` jaléng` 'ñu. ⁴⁰ Jogui` lajobi` cajo, seab` e sea` fí` yú` jmigüü cóo` gui` e sea` fí` ni` guóo` uó, jo dsu' jmaquím` ia' e sea` fí` yú` jmigüü laco'gui` e sea` fí` ni` guóo` uó. ⁴¹ Jogui` e jiéb` jing` iee` laco'gui` e jing` si' osi` jaléng` núu` é, jo jì`gui` jee` jaléng` núu` e jiéb` jiiñ` laca'íng` ca'íñ`.

⁴² Jo lajob` lí` cajo` mi` nijí` tu` jaléng` 'lí. Co' nijiéb` ngúu` táang` dsea` mi` ningí` e ni'áiñ` fí` nú` uó, jo dsu' mi` nijí` tur` calé` catú, jo` tóo` jmii` fa' e nijié` gui. ⁴³ Jo e ngúu` táang` dsea` e ni'áng` fí` nú` uó` ja` ee` ta` íng` e jo, jo dsu' mi` nijí` tu` calé` catú, joba' eáam` niníng`. Jogui` cajo` ja` ee` bí` óo` e ngúu` táang` dsea` e ni'áng` fí` nú` uó, jo dsu' mi` nijí` tu` calé` catú, eáam` ni'gøng`. ⁴⁴ Jogui` jii` ngúu` táam` dsea` e ni'áng` fí` nú` uó, jo dsu' mi` nijí` tu` calé` catú, nilí` ngúu` táang` dsea` la'eáang` cóo` Jmiguü` quiá` Fidiée`. Dsaco' song` sea` ngúu` táang` dsea` fí` jmigüü` la, joba' seab` cajo` fí` jmigüü` coo` la'eáang` cóo` Jmiguü` quiá` Fidiée`.

⁴⁵ Jo lajob` lí` lí` laco' fé` fí` ni` jì` quiá` Fidiée` lí` fé` lala: "I dseañu` la'uii` i calisí` Adán` caliséiñ` e quier` ngúu` táang` dsea` jmigüü; jo dsu' i dseañu` i cøøng` gui` do, íb` i cuø` e seeng` dsea` lata`." ⁴⁶ Jo lajee` e see` naa' fí` jmigüü` la, dsea` guóob` lí` naa'. Jo dsu' la'eáang` cóo` Jmiguü` quiá` Fidiée` nilí` ngúu` táang` naa' mi` nisee` naa' fí` jmigüü` coo. ⁴⁷ Jo lajob` lí, co' i dseañu` la'uii` i calisí` Adán, cóo` guóo` ba' cajmeáang` Fidiée` ír, co' fí` guóo` uó` jmigüü` caliséiñ`. Jo dsu' i dseañu` i cøøng` gui` do, fí` ñifí` lí` jáa` í. ⁴⁸ Jo lajaang` lajaang` dsea` jmigüü` sea` ngúu` táaiñ` lí` laco'gui` ngúu` táang` Adán` e cajmée` Fidiée` cóo` layaang` guóo`. Jo dsu' ie` jo, røøb` nilíng` lajaléng` dsea` quiá` Dsea` Jmáang` lí` laco' la líng` dsea` do` ñia'r, dsea` jáar` fí` ñifí`.

⁴⁹ Jo lana, lajee` e see` naa' fí` jmigüü` la, lí` naa' lí` laco' la lí` ngúu` táang` Adán` e calí` cóo` layaang` guóo`. Jo dsu' ie` jo, nilí` naa' lí` laco' la líng` i dsea` i jáa` fí` ñifí`.

⁵⁰ Jo e laba' iin` n` fii` i` 'nú', dsea` rú` naa' dsea` quiá` Dsea` Jmáang, e jalé` ngúu` táang` dsea` cóo` gui` móo` teáaiñ` ja` catíng` fa' e nilisea` jalé` e jo` mi` nití` í` e dseáng` jii` Fidiée` dsea` nicár` nifí` quiá` lajalé`. Jogui` jalé` e tóo` jmii` ni'íng` ja` cøøng` cóo` jalé` e ja` tóo` jmii` ni'íng`. ⁵¹ Jo lana` lab` nifí` duu` 'nú' coo` júu` e ja` mí` ñí` na' jéeng` gui, jo e lab` e júu` jo: Ja` lajii` naa' nijúu` naa', jo dsu' lajii` baa' ni'uíng` naa' dsea` i` 'míng` mi` nití` e í` jo. ⁵² Jo e jo` nidsijéé` dseáng` lajee` cateáb` dseáng`, lafa' mi` báang` naa' jmini` naa'. Jo mi` ni'ii` fí` yú` jmigüü` e lúu` trompé` quiá` Fidiée` lí` cadséng, job` mi` nijí` tu` jaléng` dsea` quiá` Dsea` Jmáang` i` nicajúng` lami` jéeng` gui. Jo dsu' jo` quí` jmii` fa' e nijúung` tu` jaléng` í` calé` catú. Jogui` lajaléng` jneaa` aa', dsea` lí` naa' dsea` quiá` Dsea` Jmáang, ni'uíng` naa' dsea` i` 'míng`. ⁵³ Joba' e ngúu` táang` naa' e jgo` do` jo` tóo` jmii` fa' e nijié` gui, co' ni'uíng` coo` e ja` tóo` jmii` fa' e nijié` gui. Jo ie` jo e ngúu` táang` naa' e sea` 'mó` quiá` ni'uíng` coo` e jo` sea` 'mó` quiá`. ⁵⁴ Jo mi` nilisíng` e ngúu` táang` naa' e jgo` do, ni'uíng` coo` e jo` tóo` jmii` fa' nijié` gui, jogui` mi` nilisíng` e ngúu` táang` naa' e sea` 'mó` quiá` do` jo` ni'uíng` coo` e jo` sea` 'mó` quiá`, jogui` ba' dseáng` niliti` jii` laco' la fé` fí` ni` jì` quiá` Fidiée` lí` fé` lala: "Jo` tóo` jmii` fa' nilisea` gui` 'mó`, co' dseáng` conguiab` nica'íng` bí` quiá`." ⁵⁵ Jo co' lajob` lí, joba' cuøøng` fe` ee' e jo` sea` gui` bí` quiá` 'mó, joba' jo` ee` quí` jmii` fa' ee' ni'lé` gui, co' dseáng` conguiab` nica'íng` bí` quiá`. ⁵⁶ Jo la'eáang` cóo` dsee` ba' e sea` bí` quiá` 'mó, jogui` la'eáang` cóo` e júu` quiu' ta` quiá` Fidiée` e cajme' Moi, cóo` e joba' e lílí` dsea` e røøiñ` dsee. ⁵⁷ Jo e` gui` gui` máang` Fidiée` e jo` silí` gui` jneaa` aa' bí` quiá` 'mó, co' nicalí` baa' e jo` la'eáang` cóo` lajalé` e nicajmée` Fí` naa' Dsea` Jmáang`.

⁵⁸ Jo uíi` e lajob` lí, dsea` rú` naa' dsea` quiá` Dsea` Jmáang` i` 'neáan` eáang, joba' fii` i` 'nú' e teáb` 'né` teáang` na' cóo` júu` quiá` Dsea` Jmáang, jogui` cuø` óo` na' e jie` mí` lí` túng` áa` na' fí` lí` niteáang` na'. Jogui` cajo` contøøng` cuøø` bí` yaang` na' e jmée` na' e

ngocáng` óo`na' lajii' e ta` e nicangíng`na' quiá'- Fidiée`. Co' 'nú' ñí`ba' guiá- e ja' lí` tá'- jmoo`na' e ta` e jmoo`na' quiá'- dsea` do.

16

Mi` caseáng' jalé' e 'né- dsea` quiá'- Dsea` Jmáang`

¹ Jo lana nifí- i 'nú', dsea` rú`naa', cuaiñ` quiá'- jalé' e seáng`na' e 'né- dsea` rú`naa' dsea` quiá'- Dsea` Jmáang`. Jo e jo 'né- jmée`na' lí` laco' jii' e nicafí- i jaléng' dsea` quiá'- Dsea` Jmáang` i seeng` fí' lí` se' Galacia. ² Jo laco' jmi` domiing~, lajaang` lajaang` 'nú' 'né- nijmiñung`na' capí` lí` jial jii' e nicafí`na' e jmoo`na' ta`. Jo jalé' e jo 'né- 'meá`na' e laco' mi` niguiéé' e fí' na, jo 'né- fa' e niseáng' gui'. ³ Joba' mi` niguiéé' e fí' na, nisín`n fí' Jerusalén jaléng' dsea` i niguíng' 'nú', jogui nicuøø`øre jì lí` fé' e tab` óo`na' cóo'r, jo nicár` jalé' e nicaseáng`na' do quiá'- jaléng' i dsea` rú`naa' dsea` quiá'- Dsea` Jmáang` i neáng' fí' jo. ⁴ Jogui song lajam`ba' 'né- e ninii` jnea` fí' jo, joba' cuøøm` lí` dsilíng` i dsea` í` cóo' jnea` cajo.

Mi` ca'f' dsii' Paa- e nidsér- fí' Corinto

⁵ Jo lajee` e iuun` fí' e ngóo`o fí' na, dseáng' 'né-ba' e ningíin`n fí' lí` se' Macedonia; jo mi` ningí e ningíin`n fí' jo, joguiba' niguiéé' e fí' na fí' Corinto. ⁶ Jo jangám` nijaa` cóo' 'nú' fí' na cóo' tú` jmi` lajo, osi jangám` bí` é ningíin`n lata` jii` güi-. Jo song lajobi, joba' 'náb' cuøøng` lí` jmicóo'na' jnea` cóo' jalé' e 'né- e lajee` e iuun` fí' e ninii` i fí' lí` jiié'. ⁷ Jo dsu' jnea`, mi` niguiéé' e fí' na, ja` iin`n e lico' ningíin`n cateá' lajo cóo' 'nú', co' jnea` iin`n e nijaa` huøøb` jia` cóo' 'nú' fí' na song nicuøø` Fidiée` fí' lajo. ⁸ Jo dsu' jnea` í` dsii` e nija`bá fí' la fí' Éfeso cartí' e jmi` e sií` Pentecostés, ⁹ dsuco' lajee` lana fí' la, dsíng' sea` fí' quié- e e nijmee` e lajii' e ta` e nicangíin`n quiá'- Fidiée`, jogui ta` dsii` e guiáb` nidsijéé' quié- e, nañí` fa' i fíim`bre seeng` i 'ní' níng` jnea`.

¹⁰ Jogui song niguiéé' Timoteo fí' na, joba' jmi`úung`na' e niliseeiñ` guiá- cóo' 'nú', co' í` jmóor` ta` jii' laco' ta` jmóo` jnea` cajo lí` laco' jii' ta` e nicangíng`naa' quiá'- Fí'naa' Dsea` Jmáang`. ¹¹ Jo co' lajob ta` jmóor`, joba' ja` 'né- e jøøng`na'r uø-, co' lí` lí' 'né- e nijmicóo'baa're cóo' jalé' e 'né- e laco' iuuiñ` fí' juguiá- lajee` e jáar` e nija`eer` jnea` fí' la. Co' dseáng' nisijeem`baare colíng` cóo' jaléng' dsea` quiá'- Dsea` Jmáang` i caguiaang`gui.

¹² Jogui cuaiñ` quiá'- i dsea` rú`naa' dsea` quiá'- Dsea` Jmáang` i sii` Apolos, eám' nicamí`ire jmi`ee` e nidsér` cóo' jaléng' dsea` quiá'- Dsea` Jmáang` e nidsi`eer` 'nú', jo dsu' lajee` lana ja` mí` caguia` dsíir` fa' e nicangór`. Jo dsu' lajob nijmér` mi` lí` e nicuøø` fí' quiá'r` lajo.

Júu` guicóo' lí` cadséng` quiá'- Paa-

¹³ Jo e laba' fí- guí` 'nú', dsea` rú`naa' dsea` quiá'- Dsea` Jmáang`, e contøøm` 'né- jmiñiing` áa`na'; jogui teá` síng` yaang`na' cóo' e júu` quiá'- Dsea` Jmáang` e nijá` calíng`na' do; jogui cajo teá` teáng` óo`na' jogui cuøø' bí` yaang`na' e laco' ja` nitá`na' lajii' e fí' lí` niteáng`na'. ¹⁴ Jogui lajalé' e jmoo`na', jmee`ba' e laco' jmi`neáng`na' dsea` rúng`na'.

¹⁵ Jo niñí`b` 'nú', dsea` rú`naa', e jaléng' dsea` sinúu` quiá'- Estéfanos, í` la'uii` i já` calíng` júu` quiá'- Dsea` Jmáang` fí' latøøng` fí' lí` se' Acaya, jogui jaléng' íb` cajo i jmóo` ta` jmicóo' jaléng' dsea` quiá'- Dsea` Jmáang` i lí' 'né- quiá'- lajo. ¹⁶ Joba' jnea` iin`n e nijmee`na' núu`ba' júu` quiá'- i dsea` quiá'- Dsea` Jmáang` i líng' laco' i dsea` sinúu` quiá'- Estéfanos, jo lajob 'né- nijmee`na' cajo cóo' jaléng' i dsea` i jmicóo' jogui i jmóo` ta` lajo.

¹⁷ Jogui iáam` dsii` cajo e nicagüilíng` fí' la i dsea` quiá'- Dsea` Jmáang` i sii` Estéfanos cóo' gui Fortunato jogui Acaico, co' lí' lafa' e nicagüilíng` 'nú'ba' e nicagüilíng` í` fí'

la. ¹⁸ Ds̄co' jaléng' i dsea` na nicacuø'bre jnea~ bí e laco' nili'iaáng'gui dsii- lí^ laco' la nicajméer` cóo'~ 'nú'. Jōba' catim̄-ba' e nijmi'goo'na' i dsea` i líng' laco' i na.

¹⁹ Jogui jaléng' dsea` quiá'- Dsea` Jmáang- i seeng` fí lí se' Asia guiéiñ' júu^ guicóo'~ quií-na'. Jogui Aquila cóo'~gui dseam̄ quiá'r- i sií Prisca cóo'~gui jaléng' dsea` quiá'- Dsea` Jmáang- i seáng' fí quiá'r- e laco' jmiféiñ' Fidié~, íám` dsíir' e guiéiñ' júu^ guicóo'~ quií-na' lí^ laco' catíng- e jmóo` dsea` quiá'- Dsea` Jmáang-. ²⁰ Jogui íng'~na' júu^ guicóo'~ quiá'- lajñng` dsea` quiá'- Dsea` Jmáang- i seeng` fí la fí Éfeso. Jogui mi~ jíé' jíng' rúng'na', jōba' féeng'~ rúng'na' e sée'~ guoo` rúng'na'.

²¹ Jogui lana, jnea~ Paa- jmo'o e júu^ guicóo'~ la quií-na' cóo'~ guoo`o` ñiá'baa.

²² Jogui song seeng` dsea` i ja` 'neáang` Fí'naa' Dsea` Jmáang-, jōba' dseáng'- fí lí 'lib' catíñ-. Jo dseáng'- e já'-ba' e tí lí nijáab'tu Fí'naa' Dsea` Jmáang- calé' catú-.

²³ Jo mí'~i Fí'naa' Dsea` Jmáang- e nilír- gūea'^ quiá'r- fí lí seeng'na'. ²⁴ Jogui eám' 'neáang` jnea~ 'nú' lajñng'na', ds̄co' lajñ-baa' lí'naa' dsea` quiá'- Fí'naa' Jesús.

Jo lajob nilí.

Jo lana cató' e jí la'uii~ quiá'- Paa- e catíng- jaléng' dsea` quiá'- Dsea` Jmáang- i seeng` fí Corinto.

Júu[^] e too[~] fí[~] ni[~] jì[~] catí[~] tú[~] quiá[~] Paa[~] e catíng[~] dsea[~] seeng[~] fí[~] CORINTO

¹ Jnea[~] Paa[~] lín[~] n jaang[~] dsea[~] apóo[^] i[~] óo[~] ta[~] quiá[~] Dsea[~] Jmáang[~], co[~] lajòb cali[~] iáang[~] dsí[~] Fidié[~] cajméer[~] cóo[~] jnea[~]. Jo colíng[~] cóo[~] jaang[~] dsea[~] rú[~] naa[~] dsea[~] quiá[~] Dsea[~] Jmáang[~] i[~] sii[~] Timoteo, jmo[~] o e jì[~] la e catíng[~] jaléng[~] 'ná[~]', dsea[~] rú[~] naa[~] dsea[~] quiá[~] Dsea[~] Jmáang[~] i[~] neáang[~] fí[~] na fí[~] Corinto. Jogui cajo catíng[~] e jì[~] la i[~] dsea[~] rú[~] naa[~] dsea[~] quiá[~] Dsea[~] Jmáang[~] caguaang[~] i[~] neáang[~] fí[~] latøng[~] fí[~] guóo[~] uó[^] fí[~] lí[~] se[~] Acaya. ² Jo lana mii[~] i[~] Tiquí[~] ii[~] Fidié[~] cóo[~] gui Fí[~] naa[~] Dsea[~] Jmáang[~] e güi[~] í[~] bre güea[~] quiá[~] r[~] fí[~] lí[~] seeng[~] na[~] jogui e nicuó[~] r[~] 'ná[~]' e seeng[~] na[~] juguiá[~] júu[^] røø[~].

Jalé[~] iihuú[~] e caíng[~] Paa[~]

³ Jo contøom[~] 'né[~] jmiféng[~] naa[~] Fidié[~] i[~] líng[~] Tiquiá[~] Fí[~] naa[~] Dsea[~] Jmáang[~], co[~] íb[~] Tiquí[~] ii[~] i[~] fí[~] líng[~] jnea[~] aa[~] jogui íb[~] Fidié[~] i[~] jmití[~] dsí[~] naa[~] mii[~] ee[~] go huíng[~] dsijéé[~] quí[~] ii[~]. ⁴ Jogui íb[~] dsea[~] i[~] jmití[~] dsí[~] naa[~] jee[~] jalé[~] iihuú[~] e dsingíng[~] naa[~]; jo jmóor[~] lajo e laco[~] jnea[~] aa[~] cuøng[~] lí[~] nijmití[~] naa[~] dsí[~] jaléng[~] dsea[~] rú[~] naa[~] i[~] dsingíng[~] lajo; jo jmoo[~] naa[~] lajo cóo[~] dsea[~] rú[~] naa[~] lí[~] laco[~] gui la nicajméé[~] Fidié[~] cóo[~] jnea[~] aa[~]. ⁵ Jo lí[~] laco[~] eáang[~] íng[~] naa[~] iihuú[~] dsu[~] uí[~] e lí[~] naa[~] dsea[~] quiá[~] Dsea[~] Jmáang[~], joba[~] lajòb cajo, la'eáang[~] íb[~], e eáang[~] lití[~] dsí[~] naa[~] lana. ⁶ Jo jnea[~] dsingíng[~] naa[~] iihuú[~] e lí[~] laco[~] nilití[~] óo[~] na[~] jogui uí[~] e guí[~] naa[~] júu[^] jee[~] 'ná[~]' quiá[~] jial nileáang[~] na[~] jee[~] jalé[~] dsee[~] quí[~] na[~]. Jogui mii[~] jmití[~] Fidié[~] dsí[~] naa[~], jmóor[~] lajo e lí[~] laco[~] nilití[~] óo[~] na[~] jogui e laco[~] té[~] na[~] e ja[~] nilitúng[~] óo[~] na[~] jee[~] jalé[~] iihuú[~] e dsingíng[~] na[~] lí[~] laco[~] la dsingíng[~] jnea[~]. ⁷ Jo guiáb[~] nita[~] dsí[~] naa[~] cuaiñ[~] quí[~] na[~], co[~] nine[~] baa[~] e lí[~] laco[~] íng[~] na[~] iihuú[~] colíng[~] cóo[~] jnea[~], jogui lajòb cajo nijmití[~] Fidié[~] óo[~] na[~] colíng[~] cóo[~] jnea[~].

⁸ Dsea[~] rú[~] naa[~] dsea[~] quiá[~] Dsea[~] Jmáang[~], ii[~] baa[~] e nijmiguiéng[~] naa[~] áa[~] na[~] jalé[~] e iihuú[~] e cangongí[~] jnea[~] fí[~] lí[~] se[~] Asia. Jo eám[~] huíng[~] jalé[~] e cangongí[~] naa[~] do e car[~] jí[~] jo 'ga[~] lí[~] cateá[~] naa[~], co[~] jì[~] gui caí[~] dsí[~] naa[~] e jo[~] ni[~] uó[~] naa[~] e fí[~] jo e jí[~] naa[~]. ⁹ Jo caí[~] dsí[~] naa[~] e dseáng[~] nijngám[~] dsea[~] jnea[~]. Jo dsu[~] cangojéé[~] e jo e lí[~] laco[~] calilí[~] naa[~] e ja[~] quí[~] jmi[~] jmó[~] naa[~] yee[~] naa[~], dsuco[~] 'né[~] e niseáang[~] yee[~] naa[~] fí[~] jaguó[~] Fidié[~] i[~] jì[~] gui jmi[~] 'tu jaléng[~] 'lí[~].

¹⁰ Jo Fidié[~] dsea[~] caleáaiñ[~] jnea[~] ie[~] jo e laco[~] ja[~] cajiú[~] naa[~] fí[~] ni[~] 'mó[^], jogui íb[~] cajo i[~] nileáang[~] gui jnea[~] lajee[~] ngóo[~] guijiú. Jogui dseáng[~] nitab[~] dsí[~] naa[~] cajo e dseáng[~] nileám[~] bir jnea[~] jee[~] 'mó[^] ¹¹ fing song jmicóo[~] 'ná[~] jnea[~] e nimí[~] na[~] Fidié[~] uii[~] quí[~] naa[~]. Jogui song fí[~] m'ba[~] nimí[~] na[~] Fidié[~] uii[~] quí[~] naa[~], joba[~] fí[~] m'ba[~] cajo nicuó[~] na[~] gui máang[~] Fidié[~] uii[~] cóo[~] jalé[~] e guiá[~] e jmóor[~] cóo[~] jnea[~].

Jialí[~] ja[~] cangó[~] Paa[~] fí[~] Corinto

¹² Jo seab[~] coo[~] uing[~] e iáang[~] dsí[~] naa[~], jo e jo uii[~] e nicalilí[~] naa[~] e dseáng[~] guiáb[~] nica[~] ee[~] naa[~], jogui lí[~] dsii[~] e eáang[~] gui nicajmé[~] naa[~] lajo jee[~] 'ná[~]. Jo lajòb jmoo[~] naa[~], dsu[~] o[~] la'eáang[~] cóo[~] jalé[~] e tíng[~] naa[~] ngáng[~] naa[~] yee[~] baa[~], co[~] lí[~] naa[~] lajo dsu[~] uii[~] e lajo nicajméé[~] Fidié[~] cóo[~] jnea[~] uii[~] e eáang[~] 'neáaiñ[~] jnea[~]. ¹³ Jogui fí[~] ni[~] jalé[~] jì[~] e nicasiing[~] naa[~] quí[~] na[~], ja[~] mii[~] cajméé[~] naa[~] júu[^] e jé[~] e laco[~] huíng[~] ngáng[~] na[~] osi e ni[~] í[~] na[~]. Jo sijeén[~] e dseáng[~] ningám[~] ba[~] røø[~] ¹⁴ lí[~] laco[~] la nicangám[~] jiu[~] lí[~] líng[~] e mii[~] nigüéeng[~] tu Fí[~] naa[~] Jesús fí[~] jmi[~] güi[~] la, lajaléng[~] 'ná[~] nili[~] iáang[~] óo[~] na[~] cuaiñ[~] quí[~] jnea[~] lí[~] laco[~] gui jnea[~] nili[~] iáang[~] dsí[~] naa[~] cuaiñ[~] quí[~] na[~].

¹⁵ Jo co[~] lajòb nita[~] dsii[~] cóo[~] 'ná[~], joba[~] nicaí[~] dsii[~] e jang[~] nii[~] baa[~] e ni[~] ee[~] e 'ná[~] fí[~] na, jo lajòba[~] cuøng[~] e ni[~] uíng[~] guiá[~] quí[~] na[~] e nití[~] tú[~] ya[~]. ¹⁶ Co[~] lamii[~] sí[~] í[~] dsii[~] e ni[~] ee[~] e 'ná[~] lajee[~] e iuun[~] fí[~] e ngóo[~] o fí[~] lí[~] se[~] Macedonia, jogui e ni[~] ee[~] tú[~] 'ná[~] mii[~] niqing[~] tú[~] fí[~] jo, jo lajòba[~] cuøng[~] e nijmicóo[~] 'ná[~] jnea[~] cóo[~] jalé[~] e 'né[~] e lajee[~] e iuun[~] fí[~] e ngóo[~] o

fí lí se' Judea. ¹⁷ Jo çsu 'nú' í óó'na' e mi~ ca'f' dsii~ e nijmee~e lajo, ja` ca'f' dsii~ dseáng'~ laco' catíng~? U~, o' lajo. Co' jnea~ ja` jmóo'o e tú~ neáang' dsii~ mi~ ee'go jmóo'o, co' ja` fá' a e nijmee~e mi~ í dsii~ e ja` nijmee~e. ¹⁸ Jo lí' laco' jmiti~ Fidié~ júu^ quiá'r~, lajob jmoo' jnea'^ cajo, co' ja` sí'~naa' 'nú' e nijmó'naa' jogui mi~ ngoyúung'~ jo, ja` nijmó'naa'. ¹⁹ Jo jnea~ cóo'~gui Timoteo jogui cóo'~ Silvano guia'naa' jee~ 'nú' e júu^ quiá'~ Fí'naa' Jesús i líng' Joo' Fidié~. Jo Fí'naa' Jesús ja` tú~ neáang' dsíir', co' mi~ jín'~ ee'go nijmér~, joba' dseáng'~ jmóo'bre. ²⁰ Co' la'eáang' cóo'~ dsea` do e liti~ lajalé' júu^ e cuø' Fidié~. Jo co' lajob lí', joba' mi~ jmiféng'~naa' Fidié~, fé'naa' "Lajob nilí" la'eáang' cóo'~ Fí'naa' Jesús. ²¹ Jo Fidié~bing' i nicajmée~ e teá té~naa' fí' guiá~ cóo'~ Dsea` Jmáang~, jogui í'bi cajo i nicagúing'~ jneaa~aa' e laco' lana nilí'naa' dsea' quiá'r~. ²² Jogui Fidié~bi cajo dsea' nicajmée~ e lí' e nilí'naa' dsea' quiá'r~, jogui nicacuø'r' jneaa~aa' Jmiguí' quiá'r~ e seeng' cøøng' cóo'~ jneaa~aa'. Co' e Jmiguí' do lí' 'náng' quiá'~ e catíng~ ni'íng'~naa' mi~ nití~ e í' jo.

²³ Jo dsu' 'ñiab' Fidié~ dsea' tí' nir~ e ñir' e~ uing~ quiá'~ e ja` mí' calí~ e ninii~i fí' na fí' Corinto lí' laco'gui jíí'~ lamí~ í dsii~. Jo nicalí~ lajo e lí' laco' ja` lamí~ iin~n e nilíng~tu' fí' cóo'~ jalé' júu^ e sí'í' e nifí'í' 'nú'. ²⁴ Co' jnea'^ ja` ii~naa' e niquiá'~naa' 'nú' ta~ e nijá'~ líng'na' laguidseang~ jalé' e já' lí' jnea'^, co' 'nú' teáb' teáang~na' fí' guiá~ cóo'~ Dsea' Jmáang~. Co' jnea'^ lico' ii~naa' e nijmicóo'~naa' 'nú' jial niliseeng'na' e íaang' óó'na'.

2

¹ Jo uí'~ e lajob lí', joba' ca'f' dsii~ e ja` ninii~túu e ni'ee'e 'nú' e laco' ja` nijmijiuung'~ óó'na'. ² Dsuo' fing song cajmé~ e lajo, joba' jo' ii' seeng'gui i cuøøng' lí' jmi'iaang'gui dsii~, co' jo' cuøøng' lí' jmi'iaang'na' dsii~ fing song nicajmijiuung'~ óó'na'. ³ Jo uing~ e joba', cajmé'~ e e jí' la'uii~ do quií~na', dsuo' ja` iin~n nií'~i e ni'ee'e 'nú' e laco' nijmijiuung'~na' dsii~, co' lí' lí' 'né~ e nijmi'iaang'na' dsí'baa. Jo dseáng'~ lamí~ ta~ dsii~ e lajím' 'nú' nilí'iaang'~ óó'na' lajii'~ e íaang' dsí' jnea~. ⁴ Jo mi~ cajmé'~ e e jí' la'uii~ do quií~na', eám' guing~ dsii~ uii~ quií~na' jogui jmóo'baa fí'í' cajo, co' jí'gui cartí' quí'~baa. Jo dsu' ja` cajmé'~ e e jí' do quií~na' e lí' laco' nijmijiuung'~ óó'na', dsuo' cajmé'~ e e jí' do e lí' laco' nilí'í'na' jial tí' eáang' 'neáan' 'nú'.

Mi~ cajmée' Paa' féng' dsíir' uii' quiá'~ jaang' dsea' i ca'lee'

⁵ Jo i dsea' i nicacuø' fí'í' dsí' do, o' jíí'~ jnea~ dsea' nicacuø'r' fí'í', co' lajob 'nú' cajo, lifa' jiu~guijia. Jo fá' a jiu~guijia e lí' laco' ja` nilíng~na' fí'í' e eáang'. ⁶ Jo e iihuí' e nicacuøø'~ 'nú' i dsea' i ca'lee' do uii' quiá'~ lajii'~ e ga' e cajmée~ do, joba' líng~ jnea~ e nitéb' jíí'~ lajo. ⁷ Jo lana lí' lí' 'né' íng'na' dsee~ quiáb'~ i dsea' do, jogui e nijmití'~na' dsíir' cajo. Jo lajoba' ja` dseáang'~ e dseáng'~ nitár' congua' lajii'~ fí' guiá~ lí' nisí'í' uí'~ e eáang' líjiuung~ dsíir'. ⁸ Joba' mí'í' 'nú' jmi'ee~ e nijmita~na' dsí' i dsea' do e 'neám'~bi'r lí' laco' lamí~ jmoo'na' cóo'r~. ⁹ Jo lamí~ jéeng'gui nicaguiém'~baa jí' quií~na' cuaiñ~ quiá'~ e júu^ la e lí' laco' nilí'ii'~ jogui nilita~ dsii~ su dseáng'~ lajang'~ guiá' óó'na' e nijmée'na' náa'~na' jalé' júu^ e lí' un'~n 'nú'. ¹⁰ Joba' i dsea' i ni'íng'na' dsee~ quiá'~ do, lajob nijmee~ jnea~ cajo, co' ni'ím'~baa dsee~ quiá'r~ song sea' uing~ e nijmee~e lajo. Jo nijmee~e lajo uí'~ 'nú', jogui Dsea' Jmáam'bing' i tí' ni' quiá'~ e jo. ¹¹ Jo jmóo'o lajo e laco' ja` dseáang'~ e nijmi'óo'~ jneaa~aa' fí' i 'líng' i sí' Satanás, co' nine~baa' guiá~ jial lí' ta~ quiá'r~.

Ja' íaang' dsí' Paa' mi~ caguiér' fí' Troas

¹² Jo e laba' fí' 'nú', e ie~ mi~ caguié~ e fí' coo' fí' e sí' Troas e quiá'~ e niguiaa~ júu^ quiá'~ Dsea' Jmáang~, joba' eám' caliseá' fí' quié~ e e nijmee~e lajo. ¹³ Jo dsu' mi~ caguié~ e fí' jo, ja` íaang' dsii~ dsu' uí'~ e ja` cadsén'~n i dsea' rú'naa' dsea' quiá'~ Dsea' Jmáang~ i sí' Tito. Jo uí'~ joba', ladsifí' lajob ca'í'~i júu^ i dsea' i seeng' fí' jo, jo cangó' o fí' lí' se' Macedonia.

Jial lí'naa' la'eáang' cóo'~ Dsea' Jmáang~

14 Jo e ñgui gui'máang' Fidiéé, co' la'eáang' cóo' Dsea' Jmáam-ba' e contøøng- lí'-naa' doñí' ee' dsijéé' quí'-ii', jogui la'eáang' cóo' jnea'^ e ni' Fidiéé' júu^ quiá'r-. Jo e júu^ quiá'r- do ni' jee~ jaléng' dsea' lafa' coo' e jlo'^ jmeafii'. 15 Dsaco' la'eáang' cóo' Dsea' Jmáam-ba' lí'naa' lafa' coo' jmeafii' e jlo'^ e guilí' fí' quini' Fidiéé, jogui e joba' e lafa' ni' jee~ jaléng' dsea' i nisilaang- jee~ jalé' dsee- quiá'- jogui jee~ jaléng' dsea' i niteáang' fí' ngolíng' fí' lí' 'lí'. 16 Jo e jmea' e ñ do lí' lafa' coo' e jmeasi' quiá'- jaléng' i dsea' i niteáang' fí' ngolíng' fí' lí' 'lí'. Jo dsu' coo' e jlo'^ jmeafii' lí' quiá'- jaléng' i dsea' i nisilaang- jee~ jalé' dsee- quiá'-, co' í'bing' niteáang' fí' ngolíng' fí' lí' niliseeiñ' lata~. Jo çí' quí' jmi~ nijmé- e ta~ jo? 17 Jo ja' quí'- jmi~ fa' nijmé- lajo i dsea' i ngí' guia' júu^ quiá'- Dsea' Jmáang- e quiá'- e lí'r' cuu- lí' laco'gui la jmoo' i fíing' dsea'. Dsu' lífa' jnea'^ lí' lí' ngí'naa' guia'naa' júu^ e coob' í' dsi'naa', jo Fidiéeb' dsea' tíí' nir~ e jmoo'-naa' lajo, co' í'bre dsea' casíiñ' jnea'^ e jmoo'-naa' e ta~ jo uí' e lí'naa' dsea' quiá'- Dsea' Jmáang-.

3

Júu^ tigua' e 'mí' e cacuø' Fidiéé'

1 Dsea' rú'naa', jo mi~ fé' jnea'^ e júu^ na, jie~ mí' í' óo'na' e ninaang-túu' calé' catú- e nijmiféng' yee'naa', co' dseáng'- o' lajo; jogui cajo ja' 'né- e nicuøø'naa' 'nú' osi e nimí'naa' 'nú' mají' lí' fé' e ta~ óo'na' cóo' jnea'^ lí' laco'gui la jmoo' i líing- dsea'. 2 Co' yaam- 'nú' líing'na' lafa' e mají' e 'né- jnea'^ do, jo e mají' do lafa' nisilí' fí' dsí' jnea'^, jo doñí' ii' dsea' cuøøng' lí' jøø- jogui cuøøng' lí' í' e jo. 3 Joba' guiáb- lí' e lajalém' 'nú' líing'na' lafa' coo' mají' e cajme' Dsea' Jmáang- la'eáang' cóo' jnea'^. Jo dsu' e mají' jo ja' calí' cóo' í' jii' laco' jmáng' dsea' ta~ mi~ jmo'r', co' e jo calí' la'eáang' cóo' Jmiguí' quiá'- i Fidiéé' i seeng' car' ngongí' jmi~ do. Jogui cajo ja' calí' e mají' do fí' dse' cuu~ e jmá', co' e jo lafa' calí' fí' dsíib' dsea'.

4 Jo dseáng'- nita~ dsi'naa' cóo' Fidiéé' la'eáang' cóo' Dsea' Jmáang- e dseáng'- lajob líing' 'nú'. 5 Jo dsu' jnea'^ jii' coo' quí'naa' jmi~ e nijmé'naa' e lafa' e quí'naa' yee'naa' jalé' e jo, co' la'eáang' cóo' Fidiéé'ba' e quí'naa' jmi~ jmoo'-naa' jalé' e jmoo'-naa'. 6 Co' dsea' dob dsea' nicacuø'r' jnea'^ e quí'naa' jmi~ jmoo'-naa' ta~ guia' júu^ tigua' e 'mí' quiá'r-. Jo dsu' e júu^ tigua' do ja' silí' cóo' guoo' dsea', co' e jo silí' la'eáang' cóo' Jmiguí' quiá'- Fidiéé'. Co' e júu^ quiá' ta~ quiá'- Moi' do jii' fí' 'mób- si', jo dsu' la'eáang' cóo' Jmiguí' quiá'- Fidiéé'ba' cuøøng' liseeng' dsea' lata~. 7 Jo mi~ ca'íng' Moi' e júu^ quiá' ta~ e cajme' Fidiéé' fí' ni~ e cuu~ e jmá', dseáng'- eáang' jlo'^ níng' jii' co' jii' gui jaléng' dsea' Israel ja' cuøøng' lí' jøø- fí' ni~ Moi' uí' e eáang' jíing' jii'. Jo dsu' e jlo'^ jíing' jii' do ja' huøø- ee~, co' nijém'-tu. Jogui song dseáng'- eáam' jlo'^ níng' jii' mi~ cacuø' Fidiéé' e júu^ quiá' ta~ e si' jii' fí' 'mó-, 8 joba' dseáng'- ja' cøøng' cóo' jial tíí' níng' jlo'^ lí' mi~ cacuø' Fidiéé' e júu^ tigua' e 'mí' do la'eáang' cóo' Jmiguí' quiá'r-. 9 Joba' song dseáng'- eáam' níing- jlo'^ mi~ cacuø' Fidiéé' e júu^ quiá' ta~ quiá'r- e si' jii' fí' 'mó-, joba' ja' cøøng' cóo' jial tíí' eáang'gui níing- jlo'^ mi~ cacuø' e júu^ tigua' quiá'r- e 'mí' e jmoo' e jo røøng' dsea' dsee- fí' quinir-. 10 Jo dseáng'- ja' cøøng' cóo' jial tíí' eáang' níing- jlo'^ ie~ mi~ cacuø' Fidiéé' e júu^ tigua' e 'mí' do laco'gui e jii' ie~ mí' cacuø' e júu^ quiá' ta~ do. 11 Jogui song dseáng'- eáang' níing- jlo'^ mi~ cacuø' Fidiéé' e júu^ quiá' ta~ do e nicasung', joba' dseáng'- ja' cøøng' cóo' jial tíí' níing- jlo'^ gui e júu^ e sea' car' ngongí' jmi~ do.

12 Jo co' nitab~ dsi'naa' e ja' tóo' jmi~ ni'íing- jalé' e jo, joba' dseáng'- ja' 'gó'baa' e guia'naa' júu^ quiá'- Dsea' Jmáang-. 13 Dsaco' jnea'^ ja' jmoo'-naa' laco'gui cajmée' Moi' ie~ jo e caquí'r' nir~ cóo' coo' 'mí' e laco' ja' nililí' dsea' góor' dsea' Israel e ngo'ím- e jíing' jii' nir~ do tá'-jii. 14 Jo dsu' i dsea' Israel do ja' cali'iiñ~ cangáiñ', jogui lajobi líiñ' cartí' jmi~ na, co' mi~ ir' e júu^ tigua' e yúa' do, lí' lafa' sea' coo' 'mí' e jni' fí' moguir~ e laco' ja' níngáiñ' e júu^ jo, co' ja' mi' cajé' bi e 'mí' do quiá'r-, co' jii' la'eáang' cóo' Fí'naa' Dsea' Jmáam-ba' cuøøng' nijé'- e 'mí' jo. 15 Jo latí' jmi~ na ja' mi' ngám' bi i dsea' do mi~ ir' jalé' e jii' e cajme' Moi~, co' e 'mí' do bi lafa' sijná' fí' moguir~ e laco' ja' níngáiñ'. 16 Jo

dsu' mi~ jaang` dsea` quí'~ jing` 'ñaia'r' fí' quini` Fidié~, joba' dsifí' lajob lafa' je' e 'mi' do. ¹⁷ Jo røøb` cøøng` Dsea` Jmáang` cøø'~ Jmiguí' quiá'~ Fidié~, joba' e fí' lí' seeng` e Jmiguí' quiá'~ Fidié` do, fí' job sea` fí' e jo` quiá' ta` quiá'~ dsea` e júu` tigua` e yáú'~ do. ¹⁸ Jo co' jo` ee` sijli'gui fí' ni~naa', joba' lana nilí'naa' lafa' coo` sñ' espejo lí' jnéeng` jial tí' niing` jlo` líng' Fidié~. Jo lajob ngóo' uíng`-naa' lí' laco' la líng' Fidié~, co' lacoo` jmíi~ eáang`gui ngóo' lisea` quí'~ii' jial tí' e jlo` niíñ` do. Jo dsu' e jo` 'ñiab' Fidié~ dsea` jmóor` la'eáang` cøø'~ Jmiguí' quiá'r`.

4

¹ Jo co' eáam` guiúng` Fidié~, joba' cacuø'r` jnea'^ e jmoo`-naa' e ta` la. Jo co' lajob lí'gui, joba' dseáng`- ja` litúng` dsi`naa'. ² Jo dseáng`- ca' nica'naang`-naa' lajalé' e cuø' fí'i' e quí'~ títng` dsea` jmóor` fí' lí' cøøng`~; jo ja` ngí'naa' lí' jmigøøng`-naa' dsea` rú'naa', o'gui guia'naa' júu` e jié' jji'~ laco' fé' júu` quiá'~ Fidié~. Co' jnea'^ lí' lí' guia'naa' júu` dseáng`- laco' lí' júu` quiá'~ Fidié~, joba' guiáb`- nií' dsea` rú'naa' e dseáng`- lajob jmoo`-naa' jogui lajobi' tí' ni` Fidié~ cajo. ³ Jo e júu` quiá'~ Fidié~ e guia'naa' quiá'~ jial laang` dsea` jee` jalé' dsee` quiá'r` lí' e ja` 'goo` guøng`, dsu' lí' lajo jji'~ quiá'~ jaléng` i dsea` i niteáang`- fí' ngolíng` fí' lí' 'lí'. ⁴ Co' fii` i 'ling' i quiet` nifí' fí' jmigü' la, í'bing' i jmoo` e sijni' mogui` jaléng` i dsea` i ja` já' líng` júu` quiá'~ Fidié~ e laco' ja` ningáin' e júu` jo jogui e laco' ja` niníin' jial jlo` niing` e júu` quiá'~ jial laang` dsea` jee` jalé' dsee` quiá'r` lí' fé' jial tí' niing` jlo` líng' Dsea` Jmáang` i líng' Fidié~ cajo. ⁵ Dsu' jnea'^ ja` ngí'naa' guia'naa' júu` qui`-naa' yee`-naa', dsuco' jnea'^ guia'naa' júu` e Dsea` Jmáam` dsea` líin' Fí'naa', jo jnea'^ lico' lí'naa' dsea` i jmoo` ta` quini`na' uí'~ e lí'naa' dsea` quiá'~ dsea` do. ⁶ Jo Fidié~ i caquiá' ta` e caliseá' jì' fí' lí' nñu` sò', íb' Fidié~ i cajmée' cajo e lafa' nicaliseá' jì' fí' dsi`naa', jo la'eáang` cøø'~ e jo cuøøng` line`-naa' jial tí' jlo` niing` Fidié~ e jnéeng` fí' ni` Dsea` Jmáang`.

Jial see`-naa' la'eáang` cøø'~ júu` quiá'~ Dsea` Jmáang`

⁷ Jo e júu` jlo` e quíng` eáang` do, jneab'^ dsea` léé'naa' e jo. Jo dsu' jnea'^ lico' lí'naa' lafa' coo` tu' guóo'~ e laco' 'ñiab' Fidié~ dsea` jmilir` jial tí' 'gøiñ' cøø'~ e júu` jo, jo o' yee`-naa' dsea` jmoo`-naa' lajo. ⁸ Jo nañi' fa' eáam` dsingñng`- jnea'^ jalé' iihuñ', dsu' ja` lí' jnea'^ jalé' e jo. Jogui seab` mi` ee`go fí'í' dsi' jmoo`-naa', jo dsu' ja` litúng` dsi`naa' cøø'~ e jo. ⁹ Jogui seab` mi` 'ní' níng`- dsea` jnea'^, dsu' ja` yee`-naa' see`-naa'; jogui seab` mi` gab` jmáng' dsea` jnea'^, dsu' ja` quí'r`~ jmíi' fa' ni'íin` jnea'^. ¹⁰ Jo doñi' jié' ngí'naa', dseáng`- dseáam`~ see`-naa', co' dseáam`~ e nijngáng`- dsea` jnea'^ lí' laco' cangongñng`- Jesús; jo dsingñng`-naa' lajo e lí' laco' nilili` e cøøm` seeng` Jesús cøø'~ jnea'^. ¹¹ Jo jaléng` jnea'^ dseáng`- contøøm`- dseáng`- dseáng`- see`-naa' dsu' uí'~ e lí'naa' dsea` quiá'~ Jesús, jo lajoba' nilili` e seem`bre cøø'~ jnea'^, dsea` lí'naa' jji'~ dsea` jmigü'. ¹² Jo co' lajob lí', joba' dseáng`- jee` 'mó` see`- jnea'^ e laco' 'nú' lana niseeng`na' lata` cøø'~ Fidié~.

¹³ Jo lalab cajme' jaang` dsea` fí' ni` jì' quiá'~ Fidié~ ie` lami` café'r` lala: "La'eáang` e já'~ calín`-n júu` quiá'~ Fidié~, joba' café'a." Jo lajob jmoo` jnea'^ cajo, co' lajob já'~ lí'naa', jo uí'~ e joba' fé'naa'. ¹⁴ Co' guiáb`- nine`-naa' e Fidiéeb` dsea` cajmée'r` e caji'tu Fí'naa' Jesús, jogui nine`-baa' cajo e lajob nijmér` cøø'~ jneaa`-aa' lí' laco' cajmée'r` cøø'~ dsea` do; jo colíng` cøø'~ 'nú' nidsijeáaiñ`- jneaa`-aa' fí' quini` dsea` do. ¹⁵ Jo lajalé' e cangongñng`-naa' do, cangojée' e lí' laco' ni'uíng`- guiá'~ quí'~na'. Jo cangojée' lajo cajo e lí' laco' i fñng`gui ni'íng' júu` quiá'~ Fidié~ quiá'~ jial tí' guiúin`, jo lajoba' i fñng`gui nicuø'~ gui'máang` Fidié~ e laco' nili'goo` dsea` do.

¹⁶ Jo uí'~ e lajob lí', joba' ja` litúng` dsi` jnea'^ cøø'~ jalé' e dsingñng`-naa'. Jo nañi' fa' ngóo' dseáam`- ngúu' táang`naa' lacoo` jmíi~, jo dsu' lí' lí' dsi`naa' eáang`gui ngóo' lí' bí' dsi' lacoo` jmíi`. ¹⁷ Jo lajalé' e iihuñ' e dsingñng`- jnea'^ fí' jmigü' la, e cateáb' jalé' e jo, jogui ja` ee` 'ga' lí' tí'; jo dsu' lajalé' e jo nili'íng` ta` quí'~naa' lata` e laco' ni'uíng`- guiá'~ quí'~naa' e ja` cøøng` cøø'~ fí' ñifi'. ¹⁸ Jo uí'~ e lajob lí', joba' lana jo ta` dsi`naa' cøø'~ jalé' e jnéeng`

jòø^naa' fí jmigüü' la, cò' còo'~ jalé' e ja`jnéeng` jòø^baa', còo'~ e joba' e ta` dsi`naa'; dsuco' ja` uòø` ee` lajalé' e jnéeng` jòø^naa', jò dsu' lajalé' e ja` jnéeng` jòø^naa', dseáng'~ latab` dseáng'~ sea` lajalé' e jò.

5

¹ Jò guiáb` nine`naa', dsea` rú'naa', e lajee` see`naa' fí jmigüü' la, lí'naa' lafa' còo' 'núu' má' ^ 'ma` e ja` huòø` ee`. Jò dsu' nine`bú' cajo e mi` ni'ling` e 'núu' jò, nicajmeb' Fidiée` 'na`naa' e jlo` e sea` lata` fí ñiff` quiá'r`. Jò e 'núu' jò 'ñiab' Fidiée` dsea` nicajme'r', jò o' dsea` jmigüü' i` nicajme'. ² Jò uí'~ e lajòb nisea` quí`ii' fí ñiff`, joba' lana, lajee` e see`naa' fí jmigüü' la, eáam` seáang` dsi`naa' e dseáng'~ ni'ii`naa' e 'núu' 'mí' e nisea` quí`ii' fí ñiff`. ³ Cò' e joba' e niqúing'` jneaa`aa' lafa' còo'~ 'mí', jò lajoba' jò` nilíng`naa' lafa' dsea` ringúung`. ⁴ Jò lajee` e see`naa' fí jmigüü' la còo'~ e ngúu' táang`naa' la, eáam` seáang` dsi`naa' dsu' uí'~ e lijjuung` dsi`naa' còo'~ jalé' iihuú'. Jò dsu' jneaa`aa' ja` ii`naa' fa' e nijúung`naa', cò' lí' lí' ii`naa' e niqúing'` jneaa`aa' lafa' 'mí' e 'núu' e sea` fí ñiff` do, jò lajoba' e ngúu' táang`naa' la ni'uúing` còo' e sea` car` ngongú` jmí'. ⁵ Jò 'ñiab' Fidiée` dsea` nicaguiéiñ` jneaa`aa' guiá` quiá'~ e nilí lajò, jogui` íbi` dsea` nicacuø'r' jneaa`aa' Jmigüü' quiá'r` e lí' 'náang'~ quiá'~ e catú`naa' ni'ling`~naa' mi` nití` í' lajò.

⁶ Joba' dseáng'~ eáam` ta` dsi`naa' contøøng`, jò nine`bú' cajo e lajee` e see`naa' fí jmigüü' la còo'~ e ngúu' táang`naa' la, sihuím`baa' laco' fí lí` guíing` Fí'naa' Dsea` Jmáang`. ⁷ Jò lana ja` mí` cuøøng` neeng`naa' dsea` do, cò' lana see`naa' fí jmigüü' la e já' lí'naa' jí'~ júu` quiá'~bre. ⁸ Jò fá' túu` calé' catú` e eáam` nita` dsi`naa', jò dseáng'~ eáam` ni'ii`naa' e nitú`naa' fí jmigüü' la e laco' nilisee`naa' cøøng` còo'~ Fidiée` fí ñiff` quiá'r`. ⁹ Jò uí'~ e lajòb ii`naa', joba' dseáng'~ contøøm` jmoo`naa' quijí` e nití` dsí' Fí'naa' Dsea` Jmáang` còo'~ jalé' e jmoo`naa' nañí` su see`naa' fí jmigüü' la osi e nitú`naa' é. ¹⁰ Cò' lajaléng` jneaa`aa' 'né` ningúng`naa' fí quini` dsea` do fí lí` guíiñ` ñr' í' e laco' lajaang` lajaang`naa' ni'ling`~naa' lají'~ e catú`naa' lí' laco' jí'~ lí' e cajmó`oo' lajee` e cataang`naa' fí jmigüü' la, nañí` su guiá` osi ja` dseeng` é.

¹¹ Jò cò' lajòb nilí, joba' nine`baa' e contøøm` 'né` nijmi'goo`naa' Fí'naa' Dsea` Jmáang`, jogui` jnea`^ contøøm` jmoo`naa' quijí` jial e nijá' líng` dsea` júu` quiá'~ dsea` do. Jò guiáb` nicuíng` Fidiée` jnea`^ jial lí'naa', jogui` sijeem`baa' e cuím` 'nú' jnea`^ jial lí'naa' cajo. ¹² Dsu' ofa' jnea`^ nicanaang` túu' e jmiféng'` yee`naa', cò' jnea`^ fé'naa' e júu` na e lí' laco' 'nú' cuøøng` nifo`na' guiá` uii` quí`naa', jò lajoba' quí'na' jmí' e ningú' na' quiá'~ i` dsea` i` jmíráang` yaang` lí' caluu' jò o' dseáng'~ jial líiñ` fí dsí'r'. ¹³ Jogui` song lí' jnea`^ lafa' dsea` caang~, dsu' jí'~ cuaiñ` quí`baa' jogui` còo'~ Fidiéeb` e jò; jogui` song ja` lí'naa' lafa' dsea` caang~, joba' guiá` quí`ba' jóng. ¹⁴ Jò uí'~ e eáam` 'neáang` Dsea` Jmáang` jnea`^, joba' la guím` 'né` jmó`naa' e ta` e jmoo`naa', dsuco' dseáng'~ nitab` dsi`naa' e íb` dsea` cajúñ` fí dse' crúu` uí'~ jalé' dsee` quí`ii', jò uí'~ e lajòb calí`, joba' lana lajaléng` jneaa`aa' lafa' nicajúm`baa' cajo. ¹⁵ Jò Dsea` Jmáam` dsea` cajúñ` uí'~ dsee` quiá'~ lajaléng` dsea` jmigüü' jò lajoba' jaléng` dsea` i` nilíng` dsea` quiá'~ dsea` do jò 'né` seeiñ` e jmóor` lají'~ e iñ` yaaiñ~, dsuco' dseáng'~ lají'~ e iing` dsea` doba' e 'né` jmér`. Cò' íb` dsea` i` cajúng` jogui` cají'tur mi` cangí` lajò uii` quiá'~ jalé' dsee` quiá'~ jaléng` i` dsea` do.

¹⁶ Jò lají'~ ie` jmí' e já' calí`naa' e lajòb lí', joba' jò` í` dsi` jnea`^ uii` quiá'~ jaléng` dsea` laco' jí'~ e í` dsí' dsea` jmigüü'; jò nañí` fa' lami` jéeng`gui` í` dsi` jnea`^ e Dsea` Jmáang` líiñ` jí'~ dsea` jmigüü'b, jò dsu' lanagui` jò` í` dsi`naa' lajò uii` quiá'r'. ¹⁷ Cò' lana lajaléng` dsea` i` niseeng` cøøng` còo'~ Dsea` Jmáang` nica`uúñ` dsea` 'mám`; jò cab' nicasé` jalé' e lami` quí'` tñiñ` jmóor`, jò lana nijmóor` jalé' e guiá`, cò' jaam` dsea` 'máng` nilíiñ`.

¹⁸ Jò dsu' 'ñiab' Fidiée` dsea` jmóor` jalé' e jò, cò' la'eáang` còo'~ Dsea` Jmáam`ba' e cajméer` e lana nisee`naa' juguiá` júu` røø` còo'r` jogui` cacuø'r' jnea`^ ta` e niguiá`naa' júu` quiá'r` e laco' cuøøng` niliseeng` dsea` juguiá` júu` røø` còo'r` cajo. ¹⁹ Jò lí' laco'

cuøng` fe`ee' e la'eáang` cóo` Dsea` Jmáang` , Fidié` nicajméer` e niliseeng` dsea` juguiá` júu` røø` cóo`r` , jo ja` mí` cajme`r` cuente lajalé` dsee` e nica`ée` dsea` jmigúí` . Jo dsea` dob cajo dsea` nicacuø`r` jnea` ta` e laco` niguiá`naa` júu` e nicajméé` Fidié` e niliseeng` dsea` juguiá` júu` røø` cóo`r` jee` jaléng` dsea` jmigúí` . ²⁰ Jo jnea` lí`naa` dsea` i` casing` Fidié` cuaiñ` quía` Dsea` Jmáang` , jo cuøng` lí` fe`ee' e lafa` 'ñiab` Fidié` mí`r` 'nú` jmi`ee` la'eáang` cóo` jnea` . Jo uí` e lajob` lí` , joba` la'eáang` Fí`naa` Dsea` Jmáang` mñ` i` 'nú` jmi`ee` e nijméé`na` quijí` jial niliseeng`na` juguiá` júu` røø` cóo`r` Fidié` . ²¹ Jo jii` coo` dsee` ja` ca`ée` Dsea` Jmáang` , jo dsu` Fidié` cajméer` e dsea` dobing` i` cacó` lajalé` dsee` quí`-ii` . Jo cajméer` lajo e la'eáang` cóo` dsea` do ni`uíng`naa` dsea` i` ja` røøng` dsee` fí` quinir` .

6

¹ Jo lana, uí` e jnea` lí`naa` dsea` i` jmóo` ta` e nicangúng`naa` quía` Fidié` , joba` liúung`naa` 'nú` e ngocáng` dsi`naa` jo sí`naa` 'nú` e ja` lí` jmi`ñ`na` lajo e guiúng` Fidié` cóo` 'nú` . ² Dsuo` lalab fé` Fidié` fí` ni` jì` quía`r` : “Jo canú`baa júu` quí` mí` catí` í` lajo; jogui cajmicóo`baa 'na` mí` catí` í` e caláan` jee` jalé` dsee` quí` .” Jogui lanab catí` í` e ninú` Fidié` júu` quí`na` . Jogui lanabi cajo dseáng` catí` í` e nileáng` dsea` jee` jalé` dsee` quía`r` !

³ Jo jnea` contøom` ee`naa` guiá` fí` quini` dsea` rú`naa` e laco` ja` nifé` dsea` ga` uii` quía` e ta` e jmoo`naa` . ⁴ Jo dsu` jnea` lí` lí` jmoo`naa` lí` e lí`naa` dsea` i` jmoo` lajii` e iing` Fidié` , co` jnea` eáam` jmoo`naa` té`naa` e féng` dsi`naa` cóo` jalé` iihuñ` e dsingúng`naa` jogui cóo` jalé` e 'né`naa` jogui cóo` jalé` fí`í` dsí` e dsingúng`naa` . ⁵ Jogui jmoo`baa` té`naa` cajo mí` bøøng` dsea` jnea` cóo` sñ` , jogui mí` táng` dsea` jnea` fí` dsí` 'nuñí` , jogui mí` táng` dsea` jnea` mñ` , jogui mí` jmoo`naa` ta` ii` , jogui mí` ja` 'ga` lí` güñ`naa` uøø` , jogui cajo mí` ngúng`naa` oo` . ⁶ Jogui jmoo`naa` lí` e lí`naa` dsea` i` jmoo` lajii` e iing` Fidié` , co` jnea` ja` beáang` dsee` yee`naa` , jogui eáam` nine`naa` júu` quía` Dsea` Jmáang` , jogui eáam` guiúng`naa` , jogui eáam` féng` dsi`naa` cóo` jaléng` dsea` rú`naa` , jogui seem` Jmiguí` quía` Fidié` cóo` jnea` , jogui dseáng` lajam`ba` 'neáang`naa` jaléng` dsea` rú`naa` , ⁷ jogui dseáng` lajang` guí`naa` júu` quía` Dsea` Jmáang` , jogui la'eáang` cóo` bí` 'gøng` quía` Fidié` jmoo`naa` jalé` e quñ`naa` jmi` . Jo jmáang`naa` ta` e ee`naa` røø` na` e laco` jmi`øng` yee`naa` jee` jalé` e dsingúng`naa` jogui e laco` ningñ`naa` quía` dsea` . ⁸ Jo dsu` seab` mí` jmi`gó` dsea` jnea` , jogui sea`bi` mí` jmáañ` ga` jnea` , jogui sea`bi` mí` fé`r` guiá` uii` quí`naa` , jogui sea`bi` mí` fé`r` e ga` cajo . Jogui jmáañ` jnea` e lafa` dsea` quie` júu` e o` ja` lí`naa` , nañí` fa` júu` ja`-ba` e fé` jnea` ; ⁹ jogui jmáañ` jnea` e lafa` lí`naa` dsea` i` ja` cuim`bre , nañí` fa` guiáb` nicuíng` dsea` jnea` ; jogui lí`naa` lafa` dsea` i` tí` lí` nijúung` , dsu` mí` 'noo`bi` see`naa` ; jogui eáang` cuø`r` jnea` iihuñ` , dsu` ja` mí` cajngaiñ` jnea` ; ¹⁰ jogui lafa` fí`í` lí`naa` , dsu` o` ja` lajo , co` contøom` í`aang` dsi`naa` ; jogui lafa` dsea` tiñíng` lí`naa` , dsu` o` ja` lajo , co` i` fñm` dsea` eáang`gui nica`íñ` güea` quía` Fidié` la'eáang` cóo` jnea` ; jogui lí`naa` lafa` dsea` i` ja` sea` quía` jii` coo` , dsu` o` ja` e jo , co` lajaléb` e 'né`naa` seab` .

¹¹ Joba` fñ`guí` 'nú` , dsea` rú`naa` dsea` quía` Dsea` Jmáang` i` seeng` fí` na` fí` Corinto , e nicaféeng`naa` 'nú` dseáng` lajii` e í` dsi`baa` , jogui nicasí`naa` 'nú` e júu` na` uí` e eáang` 'neáang`naa` 'nú` . ¹² Jo ja` sea` jii` coo` quí` jnea` e fa` ja` 'neáang`naa` 'nú` , dsu` 'náb` dsea` i` ja` 'ga` lí` 'neáang`na` jnea` . ¹³ Joba` mñ` i` 'nú` jmi`ee` lana` lí` laco`gui jmóo` tiquía` jaang` jiuung` e féñ` joor` , e jmi`neáang`na` jnea` lí` laco`gui jmoo` jnea` cóo` 'nú` .

Jaléng` dsea` quía` Dsea` Jmáang` láñ` lafa` guá` lí` seeng` Fidié`

¹⁴ Jogui lana, dsea` rú`naa` , e laba` fñ` i` 'nú` e ja` quing` yaang`na` jee` jaléng` i` dsea` i` ja` ja` líng` júu` quía` Dsea` Jmáang` , co` ja` quí` jmi` e jaléng` i` dsea` i` ee` røø` niliseeñ` cøøng` cóo` jaléng` i` dsea` i` ja` jmoo` lajo; jogui ja` quí` jmi` cajo e nisíng` røø` lí` jnea` jì`

cóo' gui fi lí nua. ¹⁵ Jogui ja quí' jmĩ cajo fa' Dsea Jmáang nisíñ røø cóo' fi i' ling', o'gui jaang' dsea quiá' Dsea Jmáang fa' quí' jmĩ e nijmér lajo cóo' jaang' dsea i ja' já' líng' júu' quiá' dsea do. ¹⁶ Jogui ja quí' jmĩ cajo fa' e røø lí' e guá' lí' jmi'féng' dsea Fidié' laco'gui e guá' fi lí' teáng' jaléng' dié' dsea cuu'. Dsaco' jneaa'aa', dsea lí'naa' dsea quiá' Dsea Jmáang, lí'naa' lafa' guá' quiá' Fidié' i seeng' car' ngong' jmĩ lí' laco'gui cajíñ' 'ñia'r' ie' lami' jéeng'gui do ie' lami' cajíñ' lala:

Jø contøøm niliseen jogui ningĩ jee' jaléng' dsea quié'e.

Jøgui jneab' dsea nilíin' n Fidié' quiá'r'

jøgui íb' dsea nilíng' dsea quié'e cajo.

¹⁷ Jø uí' e lajob lí', joba' cajíng' gui Fidié' lala:

Jmi'naang' yaang'na' jee' jaléng' dsea i ja' já' líng' júu' quié'e,

jøgui jmihuíng' yaang'na' quiá'r'.

Jøgui ja quíng'na' jee' jalé' e 'lí' e jmoo' jaléng' i dsea do, jø lajoba' ni'íin' jnea' 'nú'.

¹⁸ Jogui jneab' dsea nilíin' n Tiquí'na',

jøgui 'náb' dsea nilíng'na' jóo'.

Jø lanab fé' Fí'naa' Fidié' i quí' jmĩ jmé' lí' doñí' ee'.

7

¹ Joba' fí' 'nú', dsea rú'naa' i 'neáan' eáang', e lanab lí' júu' quiá' Fidié' e nicacuø'r' jneaa'aa' e nijmitir'. Jø uí' e lajob lí' e júu' jø, joba' 'né' 'naam' yee'naa' jee' jalé' e dseáng' ni'lé' fi' ngúu' táang'naa' jogui fi' jmiguí' quí'naa', co' lí' lí' 'né' e nijáang' yee'naa' dseáng' congua' fi' jaguó' Fidié' e laco' nijmó'naa' jmang' e guiá' uí' e jmi'goo'naa' dsea do.

Mí' já' calíng' dsea Corinto júu' quiá' Dsea Jmáang'

² Jø fí' guí' 'nú' e nijmi'neáang'na' jnea' e ngocáng' óo'na'. Dsaco' cóo' jí' jaang' dsea fa' nicajmó'naa' e soo' dsi'naa', o'gui mí' ca'lee'naa' quiá' jí' jaang' dsea, o'gui mí' jmigóøng'naa' dsea cajo. ³ Jø dsu' ofa' éen' 'nú' cóo' e júu' la, co' lí' laco'gui la nicafí' 'nú' ie' lami' jéeng'gui do e dseáng' 'neáam'baa' 'nú' nañí' song see'naa' osi nijúu'naa' é.

⁴ Jogui dseáng' lají' e í' dsi'baa, e joba' fí' 'nú', jogui eáam' íáang' dsii' cóo' 'nú'. Jogui jee' jalé' iihuí' e dsing' n fi' la, eáam' jmi'íáang' dsii' jogui cuøø' bí' 'ñia'a'. ⁵ Jø lají' ie' lami' cagüé'naa' fi' la fi' lí' se' Macedonia, ja' mí' caliseá' fi' quí'naa' fa' e nicajmí'ng'naa' cateá', dsaco' huíng' eáang' cangojéé' quí'naa' lacaang' lí' ngí'naa' uí' e seeng' jaléng' i 'ni' ní' quí'naa' lacúng' lajín' lí' ngí'naa', jogui e 'gó'baa' cajo. ⁶ Jø dsu' Fidié' i jmití' dsí' jaléng' dsea i líng' fi' í', jø íb' dsea nicajmití'r' dsi'naa' uí' e nicagüéng' i dsea rú'naa' dsea quiá' Dsea Jmáang' i sii' Tito. ⁷ Jø dsu' o' jí' e cagüéng' Tito fi' la e íáang' dsi'naa', co' lajob lí'naa' cajo uí' e eáam' íáang' dsí' i Tito la dsaco' cajmí'íáang'na' dsí'. Jogui cajím' biguir cajo e eáam' iing' 'nú' e nimáang'tu' jnea', jogui cajím' bir jalé' fi' í' dsí' e jmoo'na' uí' jnea' jogui cajo eáam' guíng' óo'na' jnea'. Jø uí' e lajob jmoo'na', joba' cóo' e jø eáang'gui cali'íáang' dsii'.

⁸ Jø nañí' fa' e jí' e casín' n quí'na' do lami' jéeng'gui cajmé' e calíng'na' fi' í', jø dsu' ja' jó' dsii' lana uí' e cajmé' e lajo. Jø cajob' dsii' dsu' uí' e huøøm' jia' cajmee'na' fi' í' cóo' jalé' e júu' e fé' e fi' ní' jí' do. ⁹ Jø dsu' lanagui jmi'íáam' dsii', dsu' o' uí' e calíng'na' fi' í', co' jmi'íáang' dsii' e la'eáang' cóo' e calíng'na' e fi' í' dsí' doba' e caqu' jíng' yaang'na' fi' quini' Fidié'. Dsaco' lí' laco' la tí' dsí' Fidié' cajmee'na' e fi' í' dsí' e cangongíng'na' do, joba' jnea' ja' ee' ca'lee'naa' quí'na' jí' coo' cóo' e júu' e casí'naa' 'nú' do. ¹⁰ Dsaco' e lijiuung' dsí' e íng' dsea laco' la tí' dsí' Fidié' ja' se'r' dsee' mí' dsing'íñ' lajo, dsu' e jø íng' ta' e laco' niquí' jíng' yaaiñ' fi' quini' dsea do, jø lajoba' nileáíñ' jee' jalé' dsee' quiá'r', jø ja' jó' dsí'r' jalé' e cangongíñ' do. Jø dsu' jaléng' dsea i ja' cúíng' Fidié', mí' se'r' dsee' dsu' uí' e íñ' jalé' fi' í' dsí', joba' e jø jmoo' e 'naaiñ' congua' cóo' Fidié'. ¹¹ Jø quié'na' cuente e eáam' guí' nica'uíng' quí'na' cóo' jalé'

e fi'í dsí' e nicangongíng-na' do! Co' nica'íng-na' e jo lí' laco' la tí dsí' Fidié. Dsaco' e jo cajmée' e lajang' júu' ca'í' óo'na' laco' catíng- jogui e cajmí'óng' yaang-na', jogui e cajmí'óng'na' jnea~, jogui cajmée' e caligúing-na' uii~ quí-na', jogui cajmée'bi cajo e ca'í' f' quí-na'. Jo mi~ cangí jo, cali'ing~ 'nú' e nimáang-tu' jnea~, jogui ca'í' óo'na' e nicuó'na' iihu' i dsea' i ca'ée' dsee- do. Jo cóo'~ jalé' e nicajmee'na' do nicajmiliing~ yaang-na' e ja' ee' caquing'na' jíi'~ coo' jee~ jalé' e cangojée' do. ¹² Jo co' lajob lí', joba' mi~ cajme'e e jì' e casín-n quí-na' do, ja' ca'í' dsii- uii~ quíá'- i dsea' i ca'lee' do o'gui uii~ quíá'- i dsea' i cangongíng- ga' do, jo dsu' cajme'e e jì' do e lí' laco' nilili' fí quini' Fidié' jial tí' guing~ óo'na' uii'~ quí-naa'. ¹³ Jo uii'~ e lajob jmoo'na', joba' nicalití'~ dsí-naa'.

Jogui o' cóo'~ jíi' e jo e nicalití'~ dsí-naa', co' eáang'guib nicali'íang' dsí-naa' dsu' e nicagüéng- Tito fí la e íang' dsí' dsu' uii'~ e nicacuó'na' r bí jogui e nica'ee'na' guiá- cóo'r~. ¹⁴ Jo nicafib- jnea~ Tito lami~ jéeng'gui e eám' íang' dsii- cóo'~ 'nú'; joba' ja' lí' cøong' ta~ cafi' ire lajo. Dsaco' dseáng'- júu' jáb'- jalé' e nicasí'naa' 'nú' lí' laco'gui jíi'~ júu' e nicasí'naa' Tito cajo cuaiñ~ quíá'- e eám' íang' dsí-naa' uii~ quí-na'. ¹⁵ Jo lana eáang'guib íang' dsí' Tito uii~ quí-na' dsu' uii'~ e cajmee'na' núu'na' júu' quíá'r~, jogui e guiá- óo'ba' ca'íng'na're mi~ caguiér- fí na. ¹⁶ Jo jnea~ eám' íang' dsii- dsu' uii'~ e dseáng'- tab~ dsii- cóo'~ 'nú'.

8

Mi~ caseáng' cuu- e licóo' dsea' quíá'- Dsea' Jmáang-

¹ Jo lanagui, dsea' rú'naa' dsea' quíá'- Dsea' Jmáang-, ii'naa' sí'naa' 'nú' jial tí' guíng- Fidié' nicajméer' cóo'~ jaléng' dsea' quíá'r- i neáang' fí lí' se' Macedonia. ² Jo nañi' fa' eáang' nica'íng' jaléng' i dsea' do jalé' iihu', dsu' dseáng'- eám' íang' dsí' r. Jo nañi' fa' tiñim-bre eáang', jo dsu' e íang' dsí'bre nicaseáin' jalé' cuu- e laco' nijmicóo'r~ dsea' rúin', jo nicacuó' e jo lafa' eáang' sea' cuu- quíá'r-. ³ Jo tíb' ni~ jnea~ e íang' dsí' i dsea' do caseáin' jalé' e cuu- do lí' jie~ jíi'~ e quí'r' jmii~, jo car' jíi'~ lí' gui lajo nicaseáin'. ⁴ Jo i dsea' i seeng' fí lí' se' Macedonia do, eám' camí'r' jnea'^ jmí'ee' e laco' nicuó'naa' fí e cuóong' nijmicóo'r~ jaléng' i dsea' quíá'- Dsea' Jmáang- i seeng' fí Jerusalén. ⁵ Jo dsu' lí' guib cajméer' jíi'~ laco' lami~ í dsí-naa', co' j'gui cajáng' yaaiñ~ la'uii~ e nijmitir' dseáng'- lajíi'~ e iing~ Fidié', jo mi~ cangí jo, cajáng' yaaiñ~ fí quini'naa' e laco' nijmitir' lajíi'~ e nisí'naa're e nijmér- lí' jialco' la tí dsí' Fidié'. ⁶ Joba' nicamí'naa' Tito jmí'ee' e nisí'naa' lajíi'~ e nicaseáang' 'nú' e íang' óo'na' lí' laco' jíi'~ e nicanaaiñ' sití'ie~ lami~ jéeng'gui do. ⁷ Jo jaléng' 'nú', la'eáang' cóo'~ Jmiguí' quíá'- Fidié', quí'na' jmí' jmeé'na' doñi' ee' uii~ e jál- líng'na' júu' quíá'- Dsea' Jmáang-, jogui eáang' tíng'na' fo'na' júu' quíá'- Fidié', jogui eáang' tíng' ngáng'na' e júu' jo, jogui eáang' guía' áa'na' e jmico'o'na' jaléng' dsea' rúng'na', jogui eáang' 'neáang'na' jnea'^ lí' laco' jíi'~ e calítng'na' quí-naa', jo lajoba' 'né- e eáang'gui nisáng'na' cóo'~ jalé' e seáang'na' do.

⁸ Jo dsu' ofa' quí'~ ta~ 'nú' e dseáng'- lajo 'né- nijmí'naa'; dsaco' lico' jnea~ iin~n e nilí'ii- su dseáng'- lajang' júu' 'neáang' 'nú', dsea' rúng'na', e laco' nilili' su guía' óo'na' e nijmicóo'na' dsea' rúng'na' lí' laco' jmoo' i dsea' caguiang- do. ⁹ Jo guiáb- niñí' 'nú' e Fí'naa' Dsea' Jmáang-, uii'~ e eáang' guíiñ- cóo'~ jneaa'aa', joba' mi~ cagüéin' fí jmigüí' la ca'uíñ- jaang' dsea' tiñing- uii'~ jneaa'aa', nañi' fa' jaang' dsea' i niing- eám'bre lí'ñ' fí ñíí-. Jo cajméer' lajo e laco' la'eáang' e ca'uíñ- jaang' dsea' tiñing-, joba' jneaa'aa' ni'íng'naa' jalé' e jlo'^ e catí'naa'.

¹⁰ Jo e laco' ni'uíng- guíá- quí-na', joba' nifí' i 'nú' lajíi'~ e í dsii- cuaiñ~ quíá'- e júu' la. Co' jíi'~ ie~ mi~ cajii'ba' canaang' 'nú' e caseáang'na' jalé' e cuu- jo, jo dseáng'- e ngocáng' óo'ba' cajmee'na' lajo. ¹¹ Joba' lana jmité'na' cóo'~ lajíi'~ e nicanaang'na' jmoo'na' do lí' laco' jíi'~ jialco' lí' dsítíng' quí-na'. Jogui jmee'na' lajo e íang' áa'na' lí' laco' líng'na' ie~ lami~ ca'í' óo'na' e canaang'na' cajmee'na' e jo. ¹² Dsaco' mi~ jaang' dsea' dseáng'-

lajang' íáang` dsíir' e líing` go ee` iĩn` cuór` , joba' ím` Fidiée` lajii` e cuo' i dsea` do lí` laco' jii` e dsitíing` quiá'r` , dsuco' ja` mí` Fidiée` jalé` e ja` sea` quiá'- dsea` .

13 Jo dsu' ja` ii`naa' e fa' uii` e 'nú` nijmicóo`na' jaléng` i dsea` rúng`na' do, jo lajee` jo 'nú` nimó`na' oo` . 14 Co' guiú`gui e nilisea` conrøø` quii`na' lajaang` lajaang`na' . Dsuco' lanagui seab` quii` 'nú` lajii` e 'né` quiá'- i dsea` do. Jo dsu' mi` coo` née`gui i dsea` íb` nilisea` quiá'r` lajii` e 'né` quii` 'nú` , jo lajoba' nilisea` conrøø` quii`na' . 15 Jo lí` laco'gui la fé` fí` ni` jì` quiá'- Fidiée` lí` fé` lala: "Jo` e caseáng` quiá'- i dsea` i casití` jmiguiá' , o'gui cali`né`gui quiá'- i dsea` i casití` capí` ."

Mi` cangó` Tito fí` Corinto

16 Jo cuøø`ø` gui`maang` Fidiée` uii` e cajmээр` e Tito ca'í` dsíir' eáang` uii` quii`na' lí` laco' jii` e í` dsí` jnea` cajo . 17 Jo ca'íb` dsíir' e nijmér` lajii` e cafi`ire, jogui co' eáam` guíing` dsíir` 'nú` , joba' ñia`bre ca'í` dsíir' e nidsér` e nidsi`eer` 'nú` fí` na .

18 Jo colíing` cóo` Tito, nisín`n fí` na jaang` dsea` rú`naa' dsea` quiá'- Dsea` Jmaang` i eáang` guiú` fé` jaléng` dsea` quiá'- Dsea` Jmaang` uii` quiá'- uii` cóo` jalé` e guiú` e nicajmeer` lajee` e ngír` guiar` júu` quiá'- jial laang` dsea` jee` jalé` dsee` quiá'r` . 19 Jogui cajo jaléng` dsea` quiá'- Dsea` Jmaam`bing` caguíng` i dsea` do e laco' ningír` cóo` jnea` jogui e laco' nijmicóo`r` jnea` e nidsicá`naa' jalé` e caseáng` do. Jo jalé` e jo jmoo`naa' e laco' jmi`goo`naa' Fii`naa' Fidiée` jogui e laco' niní` dsea` jial tíi` e íáang` dsí`naa' e jmicóo`naa' dsea` rú`naa' . 20 Jo ii`naa' e ja` nifé` dsea` ga` uii` quiá'- jial née` ni`naa' jalé` e cuu` e seáang`naa' la . 21 Joba' jmi`úung`naa' e jmoo`naa' jman` e guiú` , jo o' jii` fí` quini` Fii`naa' Fidiée` jmoo`naa' lajo, co' lajob` jmoo`naa' cajo fí` quini` jaléng` dsea` jmigúí` .

22 Jo colíing` cóo` i dsea` gáng` na, nisín`n fí` na jaang`gui dsea` rú`naa' dsea` quiá'- Dsea` Jmaang` i eáang` nicajmili` e guia` dsíir' e jmicóo`r` jaléng` dsea` rú`naa' . Jo dsu' lana eáang`gui nijmilir` e líiñ` lajo uii` e nita` dsíir' cóo` 'nú` . 23 Jogui cuaiñ` quiá'- Tito fí` i 'nú` e líiñ` jaang` dsea` rú`naa' i ngí` jmoo` ta` colíing` cóo` jnea` e laco' nijmicóo`naa' 'nú` . Jogui fí` i 'nú` cuaiñ` quiá'- i dsea` quiá'- Dsea` Jmaang` i gáng`gui do e líiñ` dsea` i casíing` dsea` quiá'- Dsea` Jmaang` i seeng` fí` la jogui e eáam` jmiféiñ` Dsea` Jmaang` . 24 Joba' fí` i 'nú` e jmi`neáang`na' i dsea` gaang` i síing`naa' la, jo lajoba' nilita` dsíir' e sea` uíing` e jnea` eáang` íáang` dsí`naa' uii` quii`na' . Jo lajoba' niliñ` cajo jaléng` dsea` quiá'- Dsea` Jmaang` caguiaang`gui e dseáng` lajang` júu` e 'neáang` 'nú` i dsea` gaang` na .

9

Jial caseáng` jalé` e 'né` dsea` quiá'- Dsea` Jmaang`

1 Jo lana, dsea` rú`naa' dsea` quiá'- Dsea` Jmaang` , lín`n e jo` ngíi` lí` fa' 'né` e nisíing`guí` jì` quii`na' cuaiñ` quiá'- jalé` e 'né` seáng` e quiá'- nilicóo` i dsea` rú`naa' caguiaang` do i neáang` fí` Jerusalén, 2 co' niñi`baa` guiú` e eáam` íáang` óo`na' e nijmée`na' lajo . Joba' contøøng` e íáang` dsii` fí` i jaléng` dsea` seeng` fí` lí` se` Macedonia e jii` ie` cajii`ba' e íáang` óo` 'nú` , dsea` seeng`na' fí` na fí` lí` se` Acaya, e nijmicóo`na' jaléng` dsea` rúng`na' dsea` quiá'- Dsea` Jmaang` . Jo uii` e lajob` íáang` óo`na' e jmoo`na' , joba' lajob` iing` nijmé` cajo jaléng` i dsea` seeng` e fí` lí` se` Macedonia do . 3 Jo dsu' lanagui lab nisín`n fí` na lajì` gaang` i dsea` quiá'- Dsea` Jmaang` la, jo lajoba' nili` e dseáng` já` lajii` júu` e nicafá`a uii` quii`na' cuaiñ` quiá'- jalé` e seáang`na' do . Co' jnea` iin`n e néeb` guiú` quii`na' lí` laco' nicafá`a lamí` jéeng`gui . 4 Jo lajob` 'né` jmé`na' , co' jial fíng` song cangolíing` cóo` jnea` fí` na tú` 'ní` míng` dsea` i seeng` fí` Macedonia, jo ninír` e ja` mí` née` guiú` quii`na' . Jo song lajob` lí` quii`na' , joba' fí`ib` nicá` jnea` jóng` uii` e eáang` nicajmita` dsí`naa' cóo` 'nú` . Jo fá`a e júu` na e laco' ja` nifá`a e 'náb` dsea` ni`íing`na' e fí`i` do . 5 Jo uíing` e lajob` , joba' nica'í` dsii` e dseáng` guíim` e jang` nimí`i i dsea` rú`naa' dsea` quiá'- Dsea` Jmaang` la e jang` nidsi`eer` 'nú` la'uii` , jo lajoba' cuøøng` e

nijmicóo'r~ 'nú' e niseáng' lajii~ e nicacuó^na' júu^ quí~na' lami~ jéeng' e niseáng'~na'. Jo lajoba' niné~ guiá~ lajalé' e nicaseáng'~na' do e íáang' óó'na', jo o' e 'mang'~ óó'na'.

⁶ Joba' fii~i 'nú', dsea` rú'naa', e téé' óó'na' e júu^ la: "Í dsea` i ja` leáang~ mijú` jni', joba' ja` leáang~ nisitíiñ' mi~ niró'. Jogui i dsea` i jni' jmiguiú' mijú', joba' jmiguiú' nisitíiñ' mi~ niró'." ⁷ Joba' lajaang` lajaam` dsea` 'né~ cuór~ lajii~ e nica'f' dsíir' e nicuór~, jo ja` 'né~ cuór~ e jo e lijjuung` dsíir' osi e laguidseang~ é, dsuco' eámam' 'neáang` Fidiée` jaléng' i dsea` i cuo' e íáang` dsíi'. ⁸ Jo quíib'~ Fidiée` jmi~ jmér~ e nidsijée' guiá~ quí~na' e laco' nilisea` jmiguiú'gui jalé' e 'né~na'. Jo lajoba' nilisea` quí~na' lalíng` jalé' e jo, jogui cajo niseám~bi e laco' cuóøng` nijmicóo'~na' jaléng' dsea` rúng'na' i 'né~ quíá'~ lajo. ⁹ Dsuco' lalab fé' fí ni~ jì quíá'~ Fidiée`:

Jo e íáang` dsíi'bre nicacuó'r' jaléng' dsea` tiñíng~, jogui jalé' e guiá~ e cajméer~, dseáng'~ ja` tóo` jmi~ fa' e ni'íng~.

¹⁰ Jo Fidiéeb` dsea` cuór' jalé' e mijú' e jni' dsea', jo í'bi cajo i cuo' e laco' sea` jalé' e gø' dsea`. Jo íb' dsea` nicuó'~ 'nú' lajalé' e 'né~ quí~na' e laco' nijngá^na', jogui dsea` íb' cajo dsea` nijmér~ e nidsicuáng'gui jalé' e ro'na' e laco' cuóøng' e jmicóo'~na' e íáang' óó'na' jaléng' dsea` rúng'na'. ¹¹ Jo lajoba' nilisea` quí~na' langíng~ íng'~ jalé' e 'né~na' e laco' cuóøng' e eáang'gui nijmicóo'~na' dsea` rúng'na' e íáang' óó'na'. Jo mi~ nijáa'~naa' jaléng' dsea` rú'naa' dsea` quíá'~ Dsea` Jmáang~ jalé' e cuu~ e nicaseáng'~na' do, joba' eáang' nicuó'r' gui'máang'~ Fidiée`. ¹² Dsuco' lajii~ e nidsicá^naa' do e nicuóø^naa' i dsea` rú'naa' do o' jii' lico' nijmicóo'~naa' r' cóo'~ jalé' e 'né~, co' lajob cajo, la'eáang' cóo'~ jalé' e nicuóø'~naa' r' do, nijmé~ e eáang'gui nicuó'r' gui'máang'~ Fidiée`. ¹³ Jo jaléng' i dsea` i ni'íng' lajii~ e nicaseáng'~na' do, eáang' nijmiféiñ' Fidiée`, co' nililí'r' e dseáng'~ jmoo` 'nú' náa'~na' e júu^ quíá'~ Dsea` Jmáang~ e nijá'~ calíng~na' do. Jogui lajobi i dsea` do cajo nijmi'gó'bre Fidiée` uíi'~ jalé' e íáang' óó'na' e nicajmee'na' guiéé^jee~ ír' jogui jee~ jaléng' i caguaang~gui cajo. ¹⁴ Jogui i dsea` do nimí'~biguir Fidiée` uii~ quí~na' car` ngocáng` dsíir' uíi'~ jalé' e eáang' guiá~ e nicajmée' Fidiée` cóo'~ 'nú'.

¹⁵ Jo gui'máang'~ Fidiée` uíi'~ quíá'~ e nicacuó'r' jneaa~aa' e ja` cøøng` cóo'! i Jo dseáng'~ ja` ne~naa' e~ cóo'~ júu^ nifé^naa' cuaiñ~ quíá'~ e jo!

10

Mi~ cajmi'øng' 'ñia' Paa' quíá'~ jaléng' dsea' i 'nãng' ír'

¹ Jnea~ Paa~, jo lana má'~i 'nú' jmi'ee' la'eáang' cóo'~ Dsea` Jmáang~, i dsea` i ja` jmiféng' 'ñia' jogui i eáang' guiúng~. Jo seem` dsea` i fé' e mi~ táang' jnea~ jee~ 'nú', lín'n jaang` dsea` i ja` e júung~, jogui mi~ táan`n lí~ huíi~, lín'n jaang` dsea` i teáb` dsíi' fé' júu^ ii'. ² Joba' má'~i 'nú' jmi'ee' e mi~ niguiéé' e ni'ee' e 'nú' fí' na, ja` jmée^na' jii'~ cóo' e ja` dseeng' e laco' ja` nijmee~ e ii' júu^ quíé~ e cóo'~ jaléng' 'nú' lí' laco' í' dsii~ e nijmee~ e cóo'~ i líng~ 'nú' i 'nãng' jnea'^ e jmoo~naa' jalé' e jmoo~naa' lí' laco' lí' dsí'naa' yee~naa'. ³ Jo e já'~ e lí'naa' dsea` jmigüi, jo dsu' ja` jmáang'~naa' ta~ jalé' e tíng` ngáng' dsea` jmigüi e laco' nilí^naa' jaléng' i 'ní' ní~ júu^ quíá'~ Dsea` Jmáang~. ⁴ Co' jnea'^ ja` jmáang'~naa' ta~ jalé' e quí'~ táng` dsea` jmigüi jmáiñ' ta~ mi~ 'ní' níng~ rúñ'. Co' jnea'^ jmáang'~naa' ta~ bí' 'gøng' quíá'~ Fidiée`, co' e joba' quíi'~ jmi~ ni'íng~ jalé' e jnãng' quíá'~ júu^ quíá'~ dsea` do, jogui cóo'~ e bí' 'gøng' doba' ni'íng~naa' jalé' e 'nãng' júu^ quíá'~ Fidiée`, ⁵ jogui cóo'~ e joba' ni'íng~naa' cajo jalé' júu^ róo~ e ja` cuo' fí' e niliñi' dsea` júu^ quíá'~ dsea` do. Jogui jalé' e í' dsíi' dsea` jmigüi, fí' jaguó' Dsea` Jmáang~ guia'naa' e jo e laco' nijmé~ náa'~ jalé' ta~ quíá' dsea` do. ⁶ Jo mi~ nijmoo` 'nú' náa'~na' laco' sí'f' júu^ quíá'~ Dsea` Jmáang~, jo song lajee` jo seem'bi i líng~ 'nú' i ja` jmoo` lajo, joba' dseáng'~ néeb' guiá~ quí~naa' e nicuó'~naa' ihuú' jaléng' i dsea` í'.

⁷ Jo 'nú', mi~ ee'go jøø~na', lico' jøø~na' jii'~ laco' jnéeng~, dsu' ja` ca'na' cuente jial dseáng'~ lí'. Jo song i líng~ 'nú' ta~ óó'na' e líng'na' dsea` quíá'~ Dsea` Jmáang~, joba' 'né~ ñi'ba' e dsea` quíá'~ Dsea` Jmáam~ líng' jnea'^ cajo. ⁸ Jo nañi' fa' cangii'~bijiú e fé'naa' guiá~

uui~ quiá~ e ta~ e oo~naa' jee~ 'nú', jo dsu' ja' jmóo' o' i' lán~n uí' e nicajmée' lajo. Dsuo' Dsea' Jmáam~bing' i' nicacuø' jnea'^ e ta~ e oo~naa' la e laco' nijmó'naa' e 'nú' teá'gui nisíng'~na' cóo'~ júu^ quiá'r~, jo o' laco' e niqing'~tu' tucang'na' fí' lí' niteáang~na'. ⁹ Jo ja' iin~n e í' óo'na' e lico' fón'~n 'nú' cóo'~ jalé' e jmo'o' fí' ni~ jì' quié~e. ¹⁰ Jo seem' i' fé' e eám' iì' jogui huí' jalé' júu^ e tóo' fí' ni~ jì' quié~e, jo dsu' mi~ táan' jee~ 'nú' fí' na, ja' ee' tí'i jii'~ capí', jogui ja' 'ga' lí' jmi'gó' dsea' jnea~ mi~ fá'~a. ¹¹ Dsu' jaléng' i' dsea' i' fé' lajo 'né' e ñi'bre e lí' laco' la líng' jnea'^ cóo'~ jalé' e fé'naa' fí' ni~ jì' lajee' see~naa' huí~, dseáng'~ lajob lí'naa' cajo cóo'~ jalé' e jmoo~naa' mi~ niguié'naa' jee~ 'nú' fí' na.

¹² Jo e jáb'~ e ja' teá' dsi'naa' e nicøøng' yee~naa' conrøø' cóo'~ jaléng' i' dsea' i' jmoo' ta~ jmicøøng'~ yaang~. Co' iib' jmáng' yaang~ jaléng' i' dsea' i' jmoo' ta~ lajo mi~ guiéeng' í' la'ó' yaañ' jogui mi~ cøøng' rúñ' conrøø' quiá'~ jial líñ' lajaang' lajaañ'. ¹³ Jo dsu' jnea'^ ja' nijmijløng'^ yee~naa' lí'gui jii'~ laco' si'í' cóo'~ e ta~ e oo~naa'. Dsuo' Fidié'bing' i' quiá' ta~ qui'naa' jie~ jii'~ lí' catí'~naa' e nijmó'naa' ta~, jo jee~ jo quíng'~ 'nú', dsea' seeng'na' fí' na fí' Corinto. ¹⁴ Jo uí'~ e lajob lí', joba' jnea'^ ja' cajmé'naa' ta~ lí' ja' catí'~naa' ie~ lami~ calisé'naa' jee~ 'nú' lami~ jéeng'gui. Co' jneab~ dsea' la'uii' i' cangocá~ júu^ quiá'~ Dsea' Jmáang~ jee~ 'nú'. ¹⁵ Jo jnea'^ ja' jmiráang' yee~naa' cóo'~ jalé' ta~ e nicajmée' dsea' jiéng' e jmoo~naa' ta~ lí' ja' catí'~naa'. Co' jnea'^ lí' lí' sijeeng'naa' e eáang'gui nijmó'naa' ta~ jee~ 'nú' e lí' laco' ngóo' teá'gui síng'~na' cóo'~ júu^ quiá'~ Dsea' Jmáang~. Jo dsu' nijmó'naa' lajo jee~ 'nú' jie~ jii'~ lí' catí'~baa'. ¹⁶ Jogui jnea'^ sijeem'baa' cajo e niguiá'guí' júu^ quiá'~ jiallaang' dsea' jee~ dsee~ quiá'r~ e fí' lí' huí'~gui eáang' laco' neáang' 'nú', jo dsu' ja' i'naa' nijmó'naa' lajo fí' lí' ja' catí'~naa'. Dsuo' jnea'^ ja' i'naa' fa' nijmiráang~ yee~naa' cóo'~ jalé' ta~ e nicajmée' dsea' jiéng'.

¹⁷ Jogui song seeng' dsea' i' iing~ jmiféng' 'ña', joba' guiá'~gui e güijmifém'bre Fí'naa' Fidié'. ¹⁸ Dsuo' i' dsea' i' fé' Fidié'~ guiá'~ uui~ quiá'~, i' dsea' í'bing' i' catíng~ nil'goo', jo o' i' dsea' i' lico' fé'~guiá'~ uui~ quiá'r~ 'ña'r'.

11

'Né~ ñiing~ dsí' dsea' cóo'~ jaléng' dsea' i' jmigóo'

¹ Jo lana ne~duu' su nité' 'nú' e féng' áa'na' song lí' júu^ íí' jalé' e nifá'~a la! Jo dseáng'~ jmee~ba' té'na' cóo'~ jnea~ jialco' jii'~ e cuøøng'. ² Jo jnea~ ñ'baa' 'goo' qui'~na' e jie' mi~ jmee'na' jalé' e ga'. Co' 'nú' líng'na' lafa' jaang' simí' i' ja' ee' si'ling', joba' nicacuøø' jnea~ 'nú' júu^ quié~e e nijéen~n 'nú' e lafa' nicúung'na' guóo'na' dseáng'~ cóo'~ jaam' dseañu', jo i' dseañu' í', íb' Dsea' Jmáang~. ³ Jo dsu' jnea~ 'gó'baa' e niligøøng' 'nú' cóo'~ jalé' e í' óo'na', jo jalé' e jo nijmé~ e ni'náng'na' e jmiféng'na' Dsea' Jmáang~ e guiá'~ óo'na' jogui e ngocáng' óo'na' lí' laco' calí'~ i' mi' do cajmigøøng'ne' Eva ie~ malí' do. ⁴ Co' 'nú' jmoo'ba' té'na' e iáang' óo'na' cóo'~ lí' doñí' iì' dsea' i' guié' fé' júu^ quiá'~ i' jiéng'gui laco' Jesús lí' laco' e júu^ e nicaguiá' jnea'^ jee~ 'nú'; jogui e guiá'~ óo'ba' íng'na' jmiguí' e jie' lí' laco' e Jmiguí' quiá'~ Fidié' e nica'íng'na' do; jogui íng'na' cajo júu^ e jie'gui quiá'~ jiallaang' dsea' jee~ jalé' dsee~ quiá'r~ lí' laco'gui e nica'íng'na' do. ⁵ Jo dsu' jnea~ ja' í' dsii' fa' e uøng'~guí' laco' i' dsea' i' jíng'~ e líñ' dsea' cøøng'~ i' síng' Dsea' Jmáang~ cuaiñ' quiá'r~ cóo'~ i' güitáang' 'nú' do. ⁶ Jo nañí' fa' jnea~ ja' tñ'n' fá'~a júu^ jlo'^ mi~ guíaa~ júu^ quiá'~ Fidié', jo dsu' ja' lán'~n lajo cóo'~ jalé' e tñ'n' ngán'~n. Jo 'núb' dsea' nicañí'~na' e lajob lí'naa' cóo'~ jalé' e nicajmé'naa' jee~ 'nú'.

⁷ Jo ja' í' áa'na' e cajmé~ e e ga' dsu' uí'~ e ja' cacá'a jii'~ ca'í' ie~ lami~ caguiá'a jee~ 'nú' e júu^ quiá'~ jiallaang' dsea' jee~ jalé' dsee~ quiá'r~, co' ie~ jo, jnea~ cajgiaang~ 'ña'~a fí' quini'na' e laco' 'nú' casáng'na' yá'gui. ⁸ Co' jnea~ nica'ín'~n cuu~ e nicacuøø' dsea' quiá'~ Dsea' Jmáang~ i' seeng' fí' lí' jie' e laco' sea' e jmáan'~n ta~ lajee' e jmoo' ta~ fí' quini'na'. ⁹ Jo lajee' e cataan'~n jee~ 'nú' lñm' ee' calí'né~e, jo dsu' jii'~ jaang' 'nú' líng' ee' camí'~i, co' mi~ cagüiling' jaléng' dsea' rú'naa' dsea' quiá'~ Dsea' Jmáang~ i' seeng' fí' lí' se' Macedonia, í'bing' i' cacuøø' jnea~ jalé' e 'né~e. Dsuo' jnea~ cajmé~ e úung' e ja' ee' camí'~i 'nú' e 'né~e,

jogui dseáng' lajob nijmee' guá cajo e jii' coo' ja' ee' nimí' i 'nú'. 10 Jo uí' e dseáng' eám' nita' dsii' e cuí' baa jalé' júu' quíá' Dsea' Jmáang', joba' jii' jaang' dsea' i seeng' fi' latøong' lí' se' Acaya cuøong' lí' jniñ' quíe' e eéang' íaang' dsí' dsu' uí' e ja' mí' camí' i 'nú' jalé' e 'né' e. 11 Jo ¿jialí' fá' a lala líng' 'nú'? ¿Su e í' áa'na' e ja' 'neáan' 'nú'? ¡U~, dseáng' o' lajo! ¡Co' ñib' Fidiée' e eám' 'neáang' jnea' 'nú'!

12 Jo dseáng' mí' 'noo' bi nijmee' e jii' laco' jmóo' o' jee' 'nú', jo lajoba' ja' nicuøø' fi' jaléng' i dsea' i ngí' 'nó' uing' jial' e nijmi' íaang' dsí' jii' laco' e íaang' dsí' jnea'. 13 Co' jaléng' i dsea' í' lico' ngí' jmóor' ta' jmigøøng' dseab', dsuco' ngí' fé' r' e líiñ' dsea' i casíng' Dsea' Jmáang' cuaiñ' quíá', jo dsu' o' já' e líiñ' lajo.

14 Jo dsu' ja' dsigá' dsí' naa' e jmóor' lajo, dsuco' 'ña' fii' i 'líng' i sii' Satanás cajo, jmáng' 'ña' r' e líiñ' lafa' jaang' ángel i jing' i casíng' Fidiée'. 15 Jo ja' 'né' fa' e nidsi' gá' dsí' naa' cajo, co' lajob líng' jaléng' i dsea' i jmoo' ta' quíá' fii' i 'líng'; co' jaléng' i dsea' í' jmáng' yaaiñ' e líiñ' dsea' guíung'. Jo dsu' niguiéeb' jmí' mí' ni' íñ' iihu' lí' laco' gui catíng' cóo' jalé' e jmóor' do.

Jalé' iihu' e cangongíng' Paa'

16 Jo fii' túu' 'nú' calé' catú' e jii' jaang' 'nú' ni' í' áa'na' e jnea' ja' røø' lí' i; jo dsu' song lajobi' í' áa'na' e líiñ' n, joba' cuøø' na' jnea' fi' e nifón' n 'nú' laco' gui fé' jaang' dsea' i líng' lajo, jo lajoba' cuøøng' e nijmee' jnea' e ráan' n capí'. 17 Jo dsu' e jmíráang' jii' 'ña' a la jmóo' o' lajo e lafa' ja' røø' lí' baa jo dsu' o' laco' ta' quíu' Fí' naa' Dsea' Jmáang' e nijmee' e. 18 Dsuco' fíim' dsea' seeiñ' e jmíráang' yaaiñ' cóo' jalé' e tiiñ' ngáiñ' fi' jmigü' la, joba' lajob nijmíráang' 'ña' jnea' cajo. 19 Jo e jáb' e eéang' jmí' 'nú', jo dsu' jmoo' ba' té' na' e íaang' óo' na' cóo' jaléng' i dsea' i ja' røø' lí', 20 jogui jmoo' ba' té' na' cajo cóo' jaléng' i dsea' i quíu' 'nú' ta' e nijmíe' na' ta' fi' quinir', osi e jmí' r' jalé' e sea' quí' na', osi e jmigøøiñ' 'nú', osi e ja' jí' r' 'nú', osi e jmáiñ' 'nú' ga' é. 21 Jo dsu' í' líim' baa e nifí' i 'nú' e jnea' ja' caliseá' bí' quí' naa' fa' cajmó' naa' lajo cóo' 'nú'.

Jo song i dsea' i caguaang' gui do teáb' dsí' r' e jmíráang' yaaiñ', joba' teáb' dsí' jnea' e nijmee' e lajo cajo, nañí' fa' fá' a la fé' jaang' dsea' i ja' røø' lí'. 22 Co' jmíráang' yaang' i dsea' í' dsu' uí' e líiñ' dsea' hebreo, jo dsu' lajob líng' jnea' cajo; jogui jmíráang' yaaiñ' dsu' uí' e líiñ' dsea' Israel, jo dsu' lajob líng' jnea' cajo; jogui jmíráang' yaaiñ' dsu' uí' e líiñ' siju' 'lí' yúu' Abraham, jo dsu' lajob líng' jnea' cajo. 23 Jogui i dsea' í' jmíráang' yaaiñ' e jmóor' ta' e nicangíiñ' quíá' Dsea' Jmáang', jo dsu' jnea' gui eéang' gui jmóo' o' e ta' e nicangíiñ' quíá' Dsea' Jmáang' laco' gui i dsea' í'; jo dsu' fá' a lana lafa' fé' jaang' dsea' i ja' røø' lí'. Dsuco' jnea' eéang' gui nicajmé' e e ta' jo laco' gui i dsea' í', jogui jmigui' gui ya' nicajníng' dsea' jnea' fi' dsí' 'nú' í' laco' gui i dsea' í', jogui eéang' gui nicabøøng' dsea' jnea' laco' gui i dsea' í', jogui cajo jmigui' gui ya' jii' ja' mí' cajún' n. 24 Jo lajee' 'ña' né' cabøøng' dsea' judío jnea' guigui' dsí' 'nú' ya' cóo' 'nii'. 25 Jogui 'ní' ya' cabøøiñ' jnea' cóo' sii', jogui coo' ya' casí' ló' r' jnea' cuu'. Jogui 'ní' ya' cango' ang' móo' fi' lí' iuun', jogui coo' ya' cangongíiñ' e cajáa' a fi' ní' jmí' í' lajee' coo' jmí' jogui coo' uøø'. 26 Jogui eám' nicajmé' e ta' ngí', jogui eám' nicalidseáng' seen' mí' cuóo' o' jalé' gua' jogui mí' jín' n jaléng' i jogui mí' seen' jee' jaléng' dsea' góo' o' cóo' gui mí' seen' jee' jaléng' dsea' i ja' líng' lajo. Jogui lajobi' nicalidseáng' seen' fi' lacaang' góo' dsea' cóo' gui lacaang' jee' mó' jogui lacaang' fi' ní' jmí' í'. Jogui nicalidseám' bí' seen' cajo fi' jee' jaléng' dsea' i jmicaang' e líiñ' dsea' quíá' Dsea' Jmáang'. 27 Jo eéang' nicajmé' e ta' ii', jogui huíng' nicangojée' quíe' e, jogui jmigui' b' ya' ja' mí' caliseá' fi' quíe' e fa' e güiñ' laco' sí' í', jogui nicamó' baa oo' cóo' jalé' e gó' ø jogui cóo' jalé' jmí' e gú' u, jogui jmigui' b' ya' nicajáa' a e ja' mí' cagó' ø ii', jogui nicangongíim' baa iihu' mí' tí' jii' güí', jogui nicangongíim' baa iihu' cajo uí' e ja' sea' sí' i. 28 Jo o' cóo' jii' e na' eéang' huíng' nicangojée' quíe' e, co' eéang' huíng' dsijée' quíe' e laco' jmí' uii' e guíng' dsii' jial seeng' lajaléng' dsea' quíá' Dsea' Jmáang'. 29 Jo song i líng' dsea' quíá' Dsea' Jmáang' ja'

quá'r~ jmí~ cóo~ e ta~ e nicangáin` quíá~ Fidié~, joba' lafa' lajob líng' jnea~ cajo. Jogui song i líng~ i dsea' la'í' cajméer' e catóng' jaang'gui dsea' rúin' fí' ni~ dsee~, joba' eám' niligúin~n. ³⁰ Jo song seab' uiing~ e nijmiráang~ 'ñiá'a, joba' lajob nijmee~ e cóo~ jalé' e cuø' lí' e ja' quí~i jmí~ jmóo'o. ³¹ Jo Fidié~, i líng' Tiquiá'^ Fí'naa' Dsea' Jmáang~, í'bing' i catíng~ nijmiféng'naa' car` ngongú' jmí~, jogui dsea' íb` dsea' niñi' røø` cajo e jman'g' júu^ já'ba' nicafá'~a. ³² Jo ie~ mi~ cataan~n fí' Damasco, i dseata~ i quíu' ta' fí' jo i jmoo' ta' quíá~ dseata~ dsea' féng' i sii' Aretas do, casíin' 'léé~ quíá'r~ fí' tíi~ jn' e lí' sí' iá' cuu~ e sí' lacúng' e fii' do e laco' ja' nicuør~ fí' e nijúu' u, co' lami~ iin~ e nisáin' jnea~ jo nitøø'r jnea~ fí' dsii' 'nuñi'. ³³ Jo dsu' calisém' dsea' i cajgiáang~ jnea~ fí' dse' e iá' cuu~ quíá~ e fii' do e iuun~ fí' coo' dsii' 'matá', jo lajoba' calí' i e caláan~n fí' jaguó' i dseata~ do.

12

Jalé' e cangá~ Paa~

¹ Jo nañi' fa' jii~ coo' ja' ee' lí' i dsu' uii~ e jmiráang^ 'ñiá'a, jo dsu' lanagui 'né~ba' e nifii~ i 'nú' jalé' e nicamó~o lafa' mi~ quí~ jogui jalé' e nica'ín'~n e ja' mí' cajmijnéeng' Fidié~ jéeng'gui. ² Co' jnea~ cuim'baa jaang' dseañu' i líng' dsea' quíá~ Dsea' Jmáang~, jogui lana ningóo' guiquiú' jii~ mi~ cajéeng' Fidié~ ír' cateá' fí' lí' catf' 'ni' yá'^ jmigúí'. Jo dsu' ja' ñii~ si cangó~ i dsea' do cóo~ ngúu' táaiñ' osi lajii~ jmiguí' quíá~ bre é, co' dseáng'~ lajii~ Fidié~bing' i ñi' jalé' e jo. ³⁻⁴ Jo dsu' ñib' jnea~ e i dseañu' do cangór~ fí' ñiff~, jo fí' jo canúur~ júu^ e dseáng'~ jii~ ja' ñi' dsea' jial nifé'r' uii~ e jlo'^ eáang', jogui e jii~ jaang' dsea' jmigúí' sea' fí' quíá'r~ fa' e nifé'r' lajo; jo lifa' doba' ja' ñii~ su cangó~ i dsea' do cóo~ ngúu' táaiñ' osi jii~ cóo~ jmiguí' quíá~ bre é, co' dseáng'~ lajii~ 'ñiab' Fidié~ ñir' e jo. ⁵ Jo jnea~ cuøøm' lí' jmiráang^ 'ñiá'a uii~ quíá~ jaang' i dsea' la'í', jo dsu' o' nijmiráang^ 'ñiá'a uii~ quíé~ e 'ñiá'a, lifa' nijmiráam^ 'ñiá'a jii~ quíá~ e ja' quí~i jmí~ jmee~. ⁶ Jo nañi' fa' iim~baa e nijmiráang^ 'ñiá'a, jo dsu' song jmóo'o lajo, ofa' e lín'n jaang' dsea' i ja' røø' lí'^, dsuco' júu^ já' lí' jalé' e fá'~a na. Jo dsu' ja' iin~n e ni'í' dsii' dsea' e niing'guí' jii~ laco' e jnéen~n osi laco' jii~ e jmóo'o osi jii~ laco' e fá'~a é. ⁷ Jo dsu' e laco' ja' ni'í' dsii~ e niing'guí' laco' jii~ e lín'n lana dsu' uii~ e ca'iin~n quíá~ Fidié~ jalé' e jlo'^ e ja' mí' cajmijnéeiñ' jéeng'gui, joba' cangáin~n coo' iihuú' e lí' lafa' coo' tóo' e ca'ién~n, jo e jo lí' lafa' coo' e jmáng' ta' fii~ i 'líng'^ i sii' Satanás e jmáin' jnea~ ga'. ⁸ Jo 'ni' néé~ nicamí' i Fí'naa' Dsea' Jmáang~ e nijé'r~ e iihuú' do quíé~e, ⁹ jo dsu' ír' nicasí'r~ jnea~ lala: "Lajii~ e guíun~n cóo~ 'nu'ba' e 'né~ quí'~, co' la'eáang' cóo~ jaléng' i dsea' i ja' quí~i jmí~ yaang' cóo~ jalé' e jmóo' eáang'gui jnéeng~ jial tí' 'gøñ'n." Jo uii~ e lajob lí', joba' jmi'íáam' dsii~ cóo~ jalé' e ja' quí~i jmí~ jmee~ e 'ñiá'a, co' la'eáang' cóo~ e joba' jmili' Dsea' Jmáang~ jial tí' 'gøñ'". ¹⁰ Jogui jmi'íáam' dsii~ cajo uii~ quíá~ jalé' e ja' quí~i jmí~ jmee~ e 'ñiá'a do, jogui lajob lín'n cajo mi~ jmineang'^ dsea' jnea~, jogui mi~ ja' 'ga' lí' sea' jalé' e 'né~e, jogui mi~ jmáng' dsea' jnea~ ga', jogui mi~ dsijéé' huíng' quíé~e; jo dsu' lí'íáang' dsii~ mi~ dsingáin~n jalé' e na dsu' uii~ e lín'n dsea' quíá~ Dsea' Jmáang~, dsuco' mi' lí' i e eáang'gui ja' quí~i jmí~ jmee~ 'ñiá'a, joba' eáang'gui quí~i jmí~ e jmóo'o.

Eáang' guíng' dsii' Paa~ jaléng' dsea' i seeng' fí' Corinto

¹¹ Jo jnea~ lafa' jaang' dsea' i ja' røø' lí'^ lín'n uii~ cóo~ jalé' e nicafá'~a na uii~ quíé~e; jo dsu' 'núb' dsea' nicacuøø'na' jnea~ 'goo' e nicafá'~a lana. Co' 'nú' dsea' catíng~na' e nifo'na' guíu~ uii~ quíé~e. Jo nañi' fa' ja' 'ga' lí' niim~bi jnea~, dsu' ja' uøng~guí' laco' i dsea' caguaang~gui i güitáang~ 'nú' cóo~ do i ngí' fé' e líiñ' dsea' cóøng' i casíng' Dsea' Jmáang~ cuaiñ~ quíá'r~. ¹² Jo 'núb' dsea' tí' ní'na' e lajee~ e nicataan~n jee~ 'nú', dseáng'~ lajang'^ júu^ lím'baa jaang' dsea' i casíng' Dsea' Jmáang~ cuaiñ~ quíá'r~, co' nicajmé~baa té' e cóo~ jalé' iihuú' e dsingáin~n. Jogui cuø' lí' cajo e lím'baa jaang' dsea' la'í' uii~ cóo~ jalé' e lí' e quí~i jmí~ e dsigá' dsii' dsea' e nicajmé~e la'eáang' cóo~ bí' 'gøng' quíá~ Fidié~. ¹³ Jo dsu' ofa' cajmi'uøng~guí' 'nú' uii~ e ja' ee' camí' i 'nú' fa' e nijmicóo'na'

jnea~ lí^ laco'gui nicajmé~ e cóo~ jaléng^ dsea` quiá~ Dsea` Jmáang~ i seeng` fí lí~ jié'. Jōba' féng' óó'na' uii~ quié~ e fíng song uii~ e jōba' cajmiquíng^ óó'na'.

14 Jōgui lanagui ninéeb' guiá~ quié~ e e ni'ée~ túu 'nú' e catí 'ní ya', jō dsu' o'gui lana nimí~ i 'nú' jalé' e 'né~ e. Dsūco' ja 'nó' jnea~ jalé' e sea' quií~ 'nú', dsūco' jii~ 'nú'bing' i 'nán'n. Co' 'núb' dsea` líng'na' lafa' joo'ō, cofa' jaléng' tiquiá^ dsea` 'né~ to' fíim'bre jiuung~ quiá'r~, jō o' i jiuung~ quiá'r~ do 'né~ to' fíng' tiquiá'r^'. 15 Jō jnea~ e guiá~ dsí'baa nijmeáan~ n ta~ jalé' e sea' quié~ e, jō jì'gui cartí 'ñiá'a nijmeáan~ n 'ñiá'a lajō e laco' ni'uíng~ guiá~ quií~ na'; jō dsu' laco' ngóo' e eáang'gui lí'neáan~ n 'nú', 'nú' lí^ riquí' jmoo'na' cóo~ jnea~, co' jiu~gui 'neáang'na' jnea~ laco' ya'.

16 Jō e jáb~ e lajee~ e cataang~ jnea~ cóo~ 'nú' fí na, jii~ coo' ja' ee' camí~ i 'nú' e 'né~ e, jō dsu' seem~ i líng' 'nú' i fé' e lico' cajmé~ e e caligóm'ba' e jii~ ja' calilí'na' lajō. 17 Jō dseáng~ ja' mí' cajmigóøng' jnea~ 'nú' cóo~ i dsea` i nicasín~ n i nicango'ee~ 'nú' fí na. 18 Jō camí~ i Tito jmí'ee~ e nidsi'éer~ 'nú' fí na, jō colíng~ cóo~ ír' casín~ n i jaang'gui dsea` rú'naa' dsea` quiá~ Dsea` Jmáang~. Jō i Tito do dseáng~ ja' cajmigóøm'bre 'nú' mí~ caguiér~ fí na; jō dseáng~ e jáb~ cajo e lajì huóo~baa' røø' nica'ee~naa', co' conrøøb' í dsí'naa'.

19 Jō jangám~ ni'í^ áa'na' cóo~ jalé' e júu^ la e jmí'óng' yee~naa' fí quini^na', jō dsu' dseáng~ o' lajō, co' jnea~ lí^ lí fé'naa' fí quini~ Fidiée~ jalé' e júu^ na jōgui uii~ e lí'naa' dsea` quiá~ Dsea` Jmáang~ cajo. Jō jalé' e júu^ e síi~naa' 'nú', dsea` rú'naa' i 'neáan~ n eáang', e lí^ laco' nidsicuáng'gui quií~ na' cóo~ júu^ quiá~ Dsea` Jmáang~. 20 Jō fá~ a jalé' e júu^ na, co' 'gób'jiu e mí~ niguiée~ e e ni'ee~ e 'nú' fí na, ja' niguién' n 'nú' jii~ laco' iin~ n e líng'na', jōgui 'nú' cajo ja' nimáang~na' jnea~ jii~ laco' e í óó'na' e lín'n. Co' 'gób'jiu e jmoo'na' ta~ jíng' jōgui ta~ dsihuíng' quiá~ rúng' jōgui ta~ guíng^ quiá~ rúng' jōgui ta~ guíng~ dsíi' jii~ cuaiñ~ quií~ na' yaang~na', jōgui e ngí'na' ta~ quié' jalé' adsee', jōgui e éeng'na' dsea` rúng'na', jōgui e jmíráang^ yaang~na', jōgui cajo e 'lee~na' quiá~ dsea` rúng'na'. 21 Jōgui 'gób'jiu cajo e mí~ niguiée~ e e ni'ee~ e 'nú' fí na calé' catú~, Fidiée~ nijmér~ e nilí' í lín~ n uii~ quií~ na', jōgui nijmér~ cajo e nilíin~ n fí'í^ car' niquí' i uii~ quiá~ i fíng' 'nú' cóo~ jalé' e dsee~ e ñilíng~na' ee~na' malí~ eáang', co' ja' mí' catúu'bi' e jmoo'na' jalé' e 'lí^ e lí dsíi' ngúu' táang'na' o'gui mí' catúu'na' e jmoo'na' jalé' e ja' catúng~ dsea` jmóor' cóo~ ngúu' táaiñ~ cóo~ lí^ doñí' i dsea', jōgui cajo dseáng~ ja' mí' catúu'bi' e jmoo'na' jalé' e 'lí^ lana lí^ laco' quií~ tíng'na' e jmoo'na' latí jmí~ na.

13

Júu^ # 'goo' lí^ cadséng~ quiá~ Paa~

1 Jō nití~ 'ní ya' e ni'ee~ e 'nú' mí~ niguiée~ e fí na fí Corinto. Jō fí ni~ jì quiá~ Fidiée~ fé' e 'neáng~ gáng~ osi fíng'gui dsea` i tíi ni~ e laco' cuóøng' ni'í^ í' mí~ ee'gō ga' jmoo' dsea'. 2 Jō ie~ mí~ cataan~ n cóo~ 'nú' fí na e catí tú~ ya', ca'í~baa' 'goo' quiá~ jaléng' i nica'lee' lamí~ jéeng'gui, jō co' lanagui huíim~ táan~ n laco' seeng'na', jōba' í' túu 'goo' quiá~ jaléng' í jōgui quiá~ jaléng' dsea` caguaang~gui cajo, e mí~ niguiée~ túu fí na, dseáng~ ngóo' e guiab' dsii~ e nicuóøø iihuí' laco' catúng~ lajaléng' í, jō dseáng~ ja' nijmee~baa' féng' dsii~. 3 Jō dsu' uii~ e 'nú' iing~na' ñí'na' røø' e su já' e fé' Dsea` Jmáang~ la'eáang' jnea~, jōba' dseáng~ ni'ée~baa' 'nú' e lajōb' lí'. Jō Dsea` Jmáam~ ja' ua~ líiñ' cóo~ jalé' e jmóor' jee~ 'nú', co' jmijnéem~bre jial tíi 'gøiñ'. 4 Jō e jáb~ e jaang' dsea` jmigüi i ua~ líng' Dsea` Jmáang~ ie~ mí~ cajúñ~ fí dse' crúu^, jō dsu' seeiñ' la'eáang' cóo~ bí 'gøng' quiá~ Fidiée~. Jōgui e já~ bi cajo e jnea~ lí'naa' dsea` jmigüi i ua~ lí^ laco' lamí~ líng' ír', jō dsu' jnea~ nilisee~naa' cóo~ 'nú' fí na la'eáang' cóo~ bí 'gøng' quiá~ Fidiée~ lí^ laco'gui la seeng' Dsea` Jmáang~ 'ñiá'r' e laco' cuóøng' e nijmó^naa' ta~ fí quini^na'.

5 Jōgui lana, dsea` rú'naa', fíi~ i 'nú' e nijáang~ yaang~na' su dseáng~ lajang^ júu^ teá teáang~na' cóo~ júu^ quiá~ Dsea` Jmáang~, jōgui e nijøø'na' cajo jial í óó'na'. Jōgui cajo niñí'baa' e cøøm' seeng' Dsea` Jmáang~ cóo~ 'nú', jō song ja' lí' lajō, jōba' dseáng~

nicalitúng- óo'na' lajii~ e fi' guiá- li~ niteáang-na' cóo~ júu^ quiá'- dsea` do. ⁶ Jogui dseáng'- nitab~ dsii~ e jáb'- líng' 'nú' e dseáng'- ja` mí calitúng- dsí jnea'^ lajii~ e fi' guiá- li~ nitée~naa' cóo~ dsea` do. ⁷ Joba' jnea'^ mii~naa' Fidiée~ uii~ quií~na' e lí'^ laco' ja` nijmée~na' jii~ cóo~ e ga`. Jo dsu' jnea'^ ja` jmoo~naa' lajo e lí'^ laco' nijmilí~naa' fi' quini~ dsea` rú'naa' e nicateá'- lí'^naa' lajii~ fi' guiá- li~ nitée~naa' cóo~ Dsea` Jmáang-, co' jnea'^ mii~naa' Fidiée~ e lí'^ laco' 'nú' nijmée~na' jmang'^ e guiá-, nañí fa' jnéeng~naa' e lí'naa' dsea` i nicalitúng- dsí lajii~ fi' guiá- li~ nitée~naa'. ⁸ Dsucó' jnea'^ catí~naa' e nijmó~naa' dseáng'- jii~ laco' fé' júu^ quiá'- Dsea` Jmáang-, co' ja` catíng- fa' e nijmó~naa' jalé' e jié' jii~ laco' la fé' e júu^ jo. ⁹ Joba' jnea'^ eáang' íaang' dsínaa' mi~ ja' 'ga' lí' quií~naa' jmii~ cóo~ jalé' e jmoo~naa', jo dsu' lajee~ jo teáb` teáang- 'nú' lajii~ fi' guiá- li~ niteáang-na' cóo~ Dsea` Jmáang-. Jogui cajo dseáng'- mí 'noo'bi nimii~naa' Fidiée~ e laco' nisíng'- tu' teá' fi' guiá- cóo~ dsea` do. ¹⁰ Jo uí' e lajob líí, joba' jmo' o e jì la quií~na' ná' gui e ninii~ i e ní'ee' e 'nú' fi' na e laco' mi~ niguiée' e fi' na, ja` ngii~ lí' fa' 'né- e nijmeáan~n ta~ e ta~ e oo- la e nicangín`n quiá'- Dsea` Jmáang- e laco' ni'ii~i 'goo' quií~na' dseáng'- lahuíng'. Dsucó' Dsea` Jmáang- nicacuø'r' jnea~ e ta~ e oo- la e laco' nijmee~ e 'nú' teá'gui nisíng'-na' fi' guiá- cóo~r' jo o' e laco' niqing'^tu' tucang'na' e fi' lí~ niteáang'na'.

¹¹ Jo lí' ngóo' cadséng-, dsea` rú'naa' dsea` quiá'- Dsea` Jmáang-, iin~n e seeng`na' e íaang' óo'ba', jogui jmi'úung`na' e laco' nisíng'-tu' teá' e fi' guiá- cóo~ Dsea` Jmáang-, jogui cuøø' bí rúng'na', jogui røø' siing~na' lajaléng'na', jogui güiliseem`ba' juguiá- júu^ røø' conrøø' lajiiing`na'. Jo lajoba' Fidiée~ i 'neáang' jneaa~aa' do jogui i cuø' jneaa~aa' e see~naa' juguiá- júu^ røø', dseáng- cøøm` niliseeiñ` cóo~ 'nú'.

¹² Jogui féeng' rúng'na' e se' guoo' rúng'na' lacoø ya' mi~ jié' jíng' rúng'na'.

¹³ Jo lajiiim` dsea` rú'naa' dsea` quiá'- Dsea` Jmáang- i seeng' fi' la guiéiñ' júu^ guicóo~ quií~na'.

¹⁴ Jo mii~i Fii'naa' Dsea` Jmáang- e laco' niliñí'gui' jial tí' guiúíñ- cóo~ 'nú' jogui e niliñí'gui' jial tí' 'neáang' Fidiée~ 'nú', jogui cajo e laco' yejí- güiliseeng' Jmiguí quiá'- Fidiée~ cøøng' cóo~ 'nú' lajaléng'na'.

Jo lajob nilí.

Jo lana cató' e jì catí tú- quiá'- Paa- e catíng- jaléng' dsea` quiá'- Dsea` Jmáang- i seeng' fi' Corinto.

Júu^ e toq~ fí ni~ jì quiá'- Paa- e catíng- dsea` seeng` fí GALACIA

¹ Jnea~ Paa- lín'n jaang` dsea` apóo^ i óo` ta~ quiá'- Dsea` Jmáang-, dsu' o' dsea` jmigüi i ca'náang- jnea~ o'gui dsea` jmigüi i casíng` jnea~ e nijmee` e e ta~ la, dsuco' Dsea` Jmáang- 'ñia' bre cóo' gui Tiquí'ii' Fidié~, íbing' i cajmée` lajo, jo Tiquí'ii' Fidié~, íb` cajo cajmээр` e cají'tu Joor' Dsea` Jmáang- mi~ cangí e cajúñ-. ² Jo jnea~, colíng` cóo' jaléng` dsea` quiá'- Dsea` Jmáang- i caguiaang- gui i taang` cóo' jnea~ fí la, guiéng` naa' júu^ guicóo' quií-na' jaléng` 'nú', dsea` quiá'- Dsea` Jmáang- i neáng` fí lí se' Galacia. ³ Jo nimí'i Tiquí'naa' Fidié~ cóo' gui Fí'naa' Dsea` Jmáang- e ni'ír- güea'^ quiá'r- jee~ 'nú' jogui e nicuø'r- 'nú' e seeng`na' juguiá- júu^ røø. ⁴ Jo Dsea` Jmáam-bing' i cacuøng` 'ñia' e cajúñ- fí dse` crúu^ uí' dsee- quií-naa' e laco' ja` nisíng` yee~naa' fí ga` cóo' jalé' e 'lí' e sea` fí jmigüi la, co' lajob cali'iing` Tiquí'ii' Fidié~ e cajmээр`. ⁵ Majmifém' baa're lata~! Jo lajob 'né- lí.

Ja` sea` e jié'gui júu^ laco' e júu^ quiá'- Dsea` Jmáang-

⁶ Jo eáam` dsigá` dsii- e lajmináb- catiúung` 'nú' Fidié~ e ja` mí ngóo' eáang` e cajáang` yaang`na' fí jaguór, co' dsea` dobing' i caguíng` 'nú' uí' e eáang` guiúng- Dsea` Jmáang- cóo' 'nú'; jo dsu' lana, 'nú' ninaang`na' e já' líng`na' júu^ e jié'gui laco'gui júu^ quiá'- Dsea` Jmáang- e quiá'- jial laang` dsea` jee~ dsee- quiá'r-. ⁷ Dsu' dseáng'- e já' e ja` sea` e jié'gui júu^, co' dseáng'- lajii~ júu^ quiá'- Dsea` Jmáam-ba' sea`. Dsu' lajii~ e lí' e seeng` dsea` i jmicaang` quií-na' jogui iñ~ nijmisíñ- júu^ quiá'- jial laang` dsea` jee~ dsee- quiá'r-. ⁸ Dsu' song seeng` dsea` i jmóo` lajo, ja` e lí' fa' jneab~ osi jaang` ángel i líng` guotí- Fidié~ i jáa' fí yá' jmigüi i guía' júu^ e jié'gui laco' júu^ quiá'- Dsea` Jmáang- e nicaguiá'naa' jee~ 'nú', jo jnea~ fá' a, güiguiém` Fidié~ fí lí 'lí' i dsea` í lata~. ⁹ Jogui fí-túu 'nú' calé` catú- lajii~ e nicafí-i 'nú' do: Lí' doñí' i dsea` i guía' júu^ e sisíng`gui laco' e júu^ e nica'íng` 'nú' do quiá'- jial laang` dsea` jee~ dsee- quiá'r-, jo güi'naang` i dsea` í quiá'- Fidié~ lata~.

¹⁰ Jo e já'-, ja` jmóo` jnea~ jii~ e jmi'iaang` dsí' dsea` jmigüi, co' dseáng'- lajii~ e jmi'iaang` dsí' Fidié~ba' jmóo'o. Dsuco' faco' jnea~ iin~n e lico' niliseen- guiá- cóo' jii~ dsea` jmigüi, joba' ja` lín'n jaang` dsea` i jmóo` lajii~ e iing` Dsea` Jmáang- jóng.

Jial mi~ ca'uíng- Paa- dsea` quiá'- Dsea` Jmáang-

¹¹ Joba' iin~n e ñí'ba', dsea` rú'naa' dsea` quiá'- Dsea` Jmáang-, e lajii~ e júu^ e guía' jnea~ quiá'- jial laang` dsea` jee~ dsee- quiá'r-, dsu' e júu^ jo ja` lí' laco' la í dsí' mogui dsea` jmigüi. ¹² Jogui ja` ca'íng` jnea~ o'gui calit'n` quiá'- lí' doñí' i dsea` jmigüi cajo, co' dseáng'- lajii~ Dsea` Jmáam-bing' cacuø' jnea~ e calicuí'i e júu^ jo.

¹³ Jo nicanáb- 'nú' e ie~ lamí~ jéeng`gui do, lajee~ nú' gui e nilicuín` Dsea` Jmáang-, cajmé-baa úung` e cajmitii` røø lajii~ e tíng` dsea` áang` quié- e dsea` Israel. Jogui eáam` ga` cajmeáan` jaléng` dsea` quiá'- Dsea` Jmáang- co' cartí cajmé- e úung` e nijúum- jaléng` i dsea` í. ¹⁴ Jo ie~ jo, jee~ jaléng` dsea` rún`n dsea` Israel i conrøng`jia cóo' jnea~, lajii~ jnea~bing' i jmiti~gui røø jalé' e quí' tíng` dsea` góo'o dsea` Israel e jmóor', jogui cuøø-øre bí e laco' nijmitir- laco' sí'í e jo. ¹⁵ Dsu' Fidié~ caguíñ` jnea~ e ni'uín`n dsea` quiá'r- latí jii' ie~ ná'- gui niliseen-baa, jogui co' eáam` 'neáiñ` jnea~ joba' catø'r- jnea~ e nijmee` e ta~ quiá'r-. Jo mi~ catí' í' e iing` ¹⁶ Fidié~ e nilíñi- e Jesús líng` Joor', joba' calicuín`nre e laco' jnea~ niguiaa- e júu^ quiá'- jial láaiñ` dsea` jee~ jalé' dsee- quiá'r-, jo nijmee` e e jo jee~ jaléng` dsea` i ja` líng` dsea` Israel. Dsu' ie~ jo ja` cangó-o fa' e cangojming`i dsea` jiéng` quiá'- e júu^ jo, ¹⁷ o'gui ngó-o fí Jerusalén ladsifí cajo e ngosiin`n e júu^ do cóo' jaléng` dsea` i líng` dsea` apóo^ quiá'- Dsea` Jmáang- lajee~

ná' gui e nilíin n lajo cajo. Dsu' ja` cajmé` e lajo, co' dsifi' ladob cangó` o fi' Arabia fi' li' ja' 'ga' lí' dsea` seeng', jo mi' cangí' jo, caquim' túu fi' Damasco.

18 Jo mi' cangí' 'ni' jii' e calicuín n Dsea` Jmáang`, joguiba' cangó` o fi' Jerusalén e cangojmicuín n Tú` Simón, jo cóo' íb` cataan n jii' gui'niá' jmii'. 19 Jo fi' jo, lajii' Tiáa` i rúng' Fii'naa' Dsea` Jmáam`bing' camán` n, jo ja` camán` n dsea` apóo' quía' Dsea` Jmáang` i jiéng' gui. 20 Jogui dseáng' nitab` dsii' fi' quini' Fidié` e jalé` e jmo' o la dseáng' e jáb', co' ja' fá` a júu` ta` júu`.

21 Jo mi' cangí' e táan n fi' Jerusalén, joguiba' cangó` o fi' li' se' Siria cóo' gui fi' li' se' Cilicia. 22 Dsu' ie' jo, jaléng' dsea` quía' Dsea` Jmáang` i neáng' fi' li' se' Judea ja' mi' cuiñ` jnea` dseáng'` quini' lana. 23 Jo lico' núu` i dsea` do e fé' dsea` jiéng' lala uii' quie` e: "I dseañu' i jmáng' jneaa` aa' ga' ie` lami' jéeng' gui do, lana ningir' guiar' júu` quía' Dsea` Jmáang` røb` laco' jii' júu` e já' lí' jneaa` aa' do, jo ie' lami' jéeng' gui do carti' jngam' bre jaléng' dsea` i já' líng' júu` jo, co' lami' iin` dseáng' ni' íim` e júu` do congua'." 24 Joba' i dsea` í' jmiféiñ' Fidié` uí' e nicalisím` jnea`.

2

Mi' ca'íng' dsea` apóo' quía' Dsea` Jmáang` i caguiaang` gui do júu` quía' Paa`

1 Jo mi' cangí' guiqui' jiiing' lajo, cangób` túu fi' Jerusalén colíing` cóo' jaang` dsea` rú'naa' dsea` quía' Dsea` Jmáang` i si' Bernabé, jo jeem` bñ` jaang' gui dsea` rú'naa' i si' Tito cajo. 2 Dsu' cangó` baa fi' jo, co' lajob` júu` cajmea' Fidié` jnea`. Jo mi' caguié` e fi' Jerusalén, caseáng' naa' fi' cóo' lí' ja' 'ga' lí' dsea` jøø` cóo' tú` mñng' dsea` i si' neaang` i teáng` nifi' quía' dsea` quía' Dsea` Jmáang` fi' do, jo lajee` jo cafi' ire lajii' júu` e guiaa` jee` jaléng' dsea` i ja' líng' dsea` Israel e quía' jial laang` dsea` jee` dsee` quía' r`. Dsu' cajmé` e lajo, co' ja' iin` n e ja' ni'íng' i dsea` teáng` nifi' do jalé` ta` e nicajmé` e, co' song lajo, joba' ja' ni'íng' jaléng' dsea` caguiaang` gui e ta` e nicajmé` e do jóng. 3 Dsu' jalém' dsea` i quie` nifi' quía' dsea` quía' Dsea` Jmáang` fi' Jerusalén røb` casíiñ` cóo' jnea`, jo ja' cajméer` laguidseang` e ni'íng' Tito e li' fi' ngúu` táaiñ` lí' laco' quí' tñng` dsea` Israel e jmóor', co' dsea` griegob` líiñ' do jo ja' líiñ' dsea` Israel. 4 Dsu' e já' , i líng` dsea` i jmicaang` e líiñ' dsea` quía' Dsea` Jmáang` cali' iin` fa' Tito ni'íñ' e li' fi' ngúu` táaiñ' do lí' laco' litñng` dsea` Israel. Jo i dsea` do cangotáaiñ` jee` jnea` e laco' cár` cuente jial guiá` see` naa' la'eáang` e cajáang' yee` naa' fi' jaguó` Dsea` Jmáang`, co' i dsea` do iin` fa' jnea` nisíi` naa' røø` e dseáng' 'né` nijmitib` túu' e júu` quí' ta` quía' Moi' do e laco' ni'íng` dsee` quí` naa'. 5 Dsu' dseáng' ja' cajmití` naa' jii' cóo' laco' iing` i dsea` i jmicaang` do e laco' ja' nilisíng` júu` quía' Dsea` Jmáang` e guia` naa' jee` 'nú' quía' jial laang` dsea` jee` dsee` quía' r`, co' iin` naa' e ta` óo' na' e dseáng' jáb' e júu` jo, jo cóo' jii' e júu` job` laang` dsea` jee` jalé` dsee` quía' r`.

6 Jo lajaléng' dsea` i si' neaang` e teáiñ` nifi' quía' dsea` quía' Dsea` Jmáang` ja' cajíñ' fa' e jnea` nijmisíñ` n lajii' e júu` e guiaa` do. Dsu' ja' e lí' quie` jnea` iin` i dsea` í, co' røb` lí' naa' lajalé` naa' fi' quini' Fidié`. 7 Jo ja' cajméé` i dsea` do fa' cajmisíiñ` lajii' júu` e guiaa` do, co' calilí` bre e Fidié` bing' cacuø' jnea` e ta` e jmóo' o la lana quía' e guiaa` e júu` jo fi' quini' jaléng' dsea` i ja' líng' dsea` Israel, jo lajobi' Fidié` cajo cacuø' bre Tú` Simón ta` guía' e júu` jo fi' quini' jaléng' dsea` i líng' dsea` Israel. 8 Jo calilí` i dsea` do e Fidié` bing' ca' náang` Tú` Simón e nilíiñ` dsea` apóo' quía' Dsea` Jmáang` i guía' júu` quía' dsea` do jee` jaléng' dsea` Israel, jo lajob` cajo ca' náang` Fidié` jnea` e nilíin` n dsea` apóo' quía' Dsea` Jmáang` e laco' niguiaa` e júu` jo jee` jaléng' dsea` i ja' líng' dsea` Israel.

9 Jo Tiáa` cóo' gui Tú` Simón jogui Juan i si' neaang` e líiñ' dsea` teáng` nifi' jee` jaléng' dsea` quía' Dsea` Jmáang`, í' bing' i calilí` e Fidié` bing' i cacuø' jnea` e ta` jo e íaang` dsír'. Jo laco' calita` dsí' i dsea` í e røb` ta` jmoo` naa' cóo' r`, co' røb` júu` e guia` naa' do, joba' casá' bre guóo` naa', jnea` cóo' Bernabé, jo catigua` júu` quí` naa' e jnea`

nidsijmó'naa' ta' guia' júu' quia'- Dsea' Jmáang- jee' jaléng' dsea' i ja' líng' dsea' Israel, jogui i dsea' í nidsijmээр- ta' lajob cajo jee' jaléng' dsea' i líng' dsea' Israel. ¹⁰ Jo jii' laba' casí' guir jnea' e nijmigiéng' dsi'naa' e jmicóo'naa' jaléng' dsea' quia'- Dsea' Jmáang- i tiñíng- i neáang' fí Jerusalén, dsu' jnea' jéem' nicajmi'úung'naa' e jmoo'naa' lajo.

Mi' ca'gaang' Paa- quia'- Tú' Simón fí Antioquia

¹¹ Jo mi' cangí jo, cangó'o fí Antioquia, jo lajee' job caguie'- Tú' Simón fí jo, jo cajim'baare dseáng'- fí quinir' lana, co' ja' dseeng' jalé' e cajmeer' do. ¹² Co' lajee' e ná'gui niguiling- coo' tú' máng' dsea' Israel i cuíng' rúng' coo' Tiáa~, colim' gø' Tú' Simón coo' jaléng' dsea' quia'- Dsea' Jmáang- i ja' líng' dsea' Israel. Dsu' mi' tí lí' caguiling- í, cajim' 'ñia'r' coo' i dsea' i ja' líng' dsea' Israel do, o'gui gø' guir coling- cooiñ' do cajo, co' 'góm'bre jaléng' dsea' Israel i quia' ta' e too' lí' fí ngúu' táang' jaléng' dsea' i ja' líng' dsea' Israel. ¹³ Jo i dsea' Israel caguiaang- gui i neáang' fí Antioquia i líng' dsea' quia'- Dsea' Jmáang- canaaiñ' eer' laco'gui Tú' Simón nañí' fa' niñí'bre'r e ja' dseeng' jalé' e jmoor' do, jo latí Bernabé canaaiñ' eer' lajo ie' jo cajo. ¹⁴ Dsu' mi' calilí' i e ja' røø' ta' ée' i dsea' do, co' ja' cøøng' røø' coo' júu' quia'- Dsea' Jmáang-, joba' ca'gaan- quia'- Tú' Simón fí quini' jaléng' dsea' quia'- Dsea' Jmáang- i teáang- do ie' jo, jo cafi' ire lala: "Nu' calisén' e lin' dsea' Israel, jo nicajmee'- e lafa' ja' lin' dsea' Israel, dsuco' jo jmití' laco' jii' laco' quí' tñng' dsea' í mi' caquie' coo' dsea' i ja' líng' dsea' Israel. Jo jiali' lana iin' e niquia' ta' laguidseang' quia'- jaléng' dsea' i ja' líng' dsea' Israel e laco' nijmitir- jii' laco' quí' tñng' dsea' Israel jo lajoba' uiiñ- dsea' quia'- Dsea' Jmáang-? Dseáng' ja' dseeng' laco' í o'."

Jial íng' Fidié' dsea' e ja' røøiñ' dsee- fí quinir'

¹⁵ Jogui 'nu', Tú' Simón, coling- coo' jnea~, dsea' Israel lí'naa' latí mi' cangáam'baa', jogui ja' lí'naa' la líng' dsea' i ja' líng' dsea' Israel i í dsi'naa' e líiñ' dsea' dsee- dsea' quí, co' ja' jmitir- jalé' júu' quia' ta' quia'- Moi' e quí' tñng'naa' dsea' lí' dsea' Israel. ¹⁶ Dsu' jneaa'aa' nine'baa' røø' e ja' íng' Fidié' jii' jaang' dsea' e líiñ' dsea' i ja' røøng' dsee- dsu' uii' e jmitir- e júu' quia' ta' do, co' nine'baa' e jii' e jaang' yee'naa' fí jaguó' Dsea' Jmáam-, lajoba' íng' Fidié' jneaa'aa' e ja' dsee- røø'naa' fí quinir'. Co' Fidié' jii' e jii' jaang' dsea' líiñ' dsea' i ja' røøng' dsee- fí quini' dsea' do dsu' uii' e jmitir- júu' quia' ta' quia'- Moi'.

¹⁷ Jo song jmi'úung'naa' jial ni'íng' Fidié' jneaa'aa' e ja' dsee- røø'naa' fí quinir' la'eáang' coo' Dsea' Jmáang-, jo lajee' job calilí'naa' e lí' dsea' dsee- dsea' quí cajo, co' ja' cajmití'naa' e júu' quia' ta' do, dsu' o' Dsea' Jmáang- dsea' cajmeer' e jneaa'aa' calilí'naa' lajo. ¹⁸ Jo dsea' dsee- dsea' quib' lín'n song já'- nilíng'túu e ja' dsee- røøn- fí quini' Fidié' dsu' uii' e jmitii' e júu' quia' ta' quia'- Moi' do mi' cangí e nicajáang' 'ñiá'a' fí jaguó' Dsea' Jmáang-. ¹⁹ Dsuco' jnea~, lana lí' lafa' ni'lím'baa, co' jo' seen- e e júu' do quia'gui ta' quie'-e, dsu' lanagui niseen- e jmoo'o' lajii' e iing' Fidié'. Jo mi' catáng- Dsea' Jmáang- fí dse' crúu', joba' lí' lafa' røøb' catán- n coo'r'. ²⁰ Jo jo' seen- e laco' iin' n 'ñiá'a' lana, co' Dsea' Jmáam- nijmicóo' jnea~ e seen- laco' iing' ír'. Jo niseen- fí jmi'güí la la'eáang' e cajáang' 'ñiá'a' fí jaguó' Dsea' Jmáang-. Jo íb' cajo i cajmi'neáang' jnea~ jo cartí cacuøøng' 'ñia'r' e cajúñ- fí dse' crúu' uii' dsee- quie'-e. ²¹ Jo ja' niguiaa' ca' lajii' e guiúng- Fidié' coo' jnea~. Jo faco' jaang' dsea' quí'r- jmi' e ni'íng' Fidié' ír' e ja' røøiñ' dsee- dsu' uii' e jmitir- e júu' quia' ta' quia'- Moi' do, joba' ja' cali'né- e cajúng- Dsea' Jmáang- uii' dsee- quí-ii' faco' lajo.

3

Jna~ e la guíng'gui

¹ i jmicang' 'nú', dsea' gálatas! jiali' ca'uúing- e cajgiéeng' óo'na' e jo' 'ga' lí' náu'na' júu' quia'- Dsea' Jmáang-? Dsuco' lajee' e nicaguia' jnea' júu' quia'- Dsea' Jmáang- jee'

'ná', røøb`nica'éé`naa' 'ná' e` uiing` e catáng` Dsea`Jmáang` fí`dse` crúu`. ²Jo jii` jo iin`n e jmiguiéng` áa`na' e ja`ca'ling`na' Jmiguí` quiá'- Fidiéé` la'eáang` e jmití`na' júu` quiu` ta` quiá'- Moi~, co' ca'lim`ba' dsu' la'eáang` e cajáang` yaang`na' fí` jaguó` Dsea`Jmáam`. ³Dseáng` bó`jiu`líng`na', co' la'uii`ca'uúing`na' dsea` quiá'- Dsea`Jmáang` la'eáang` cóo` Jmiguí` quiá'- Fidiéeb`, jogui` lana` líng`na' e quí`ba' jmíi` e seem`bi' cóo` Dsea`Jmáang` la'eáang` cóo` jii` bí` quií`na' yaang`na'. ⁴Jo ja` e ta` cali'ling` quií`na' lajii` e ca'ling`na' quiá'- Fidiéé` lajee` líng`na' dsea` quiá'- Dsea`Jmáang` song` lanagui`ni`liing`na' nicá`na' fí` jiéeb`. ⁵Joba' mi` cuø' Fidiéé` 'ná' Jmiguí` quiá'r` laco' sí'í` jogui` jmóor` jalé' e quí`r` jmíi` jee` 'ná', dsu' ja` cajméer` lajo` uúí` 'ná' jmití`na' e júu` quiu` ta` quiá'- Moi~, co' cajmée`bre` lajo` dsu' la'eáang` e cajáang` yaang`na' fí` jaguó` Dsea`Jmáang` mi` cangí` e canáa`na' júu` quiá'-bre.

⁶Jo güiguiéng` áa`na' jial`calí` cóo` 'líi` yúu` Abraham, co' lalab`fé' Fidiéé` fí` ni` jì` quiá'r` : “Dseáng`- jáb`- calíng`- yúu` Abraham júu` quié`-e, joba' ca'lin`nre e líiñ` jaang` dsea` i` ja` røøng` dsee`.” ⁷Joba' güiguiéng` óo`na' cajo` e doñí` ií` dsea` i` dseáng`- jáng` 'ñia' fí` jaguó` Fidiéé`, jii` íb` dsea` i` líng` jóo` 'líi` yúu` Abraham. ⁸Co' lamí` jéeng`gui` fé' Fidiéé` fí` ni` jì` quiá'r` e ni`ím`bre` jaléng` dsea` i` ja` líng` dsea` Israel e líiñ` dsea` i` ja` røøng` dsee`, dsu' lajii` i` dsea` i` jáng` yaang` fí` jaguó`bre. Jo lanab`lí' e júu` jlo` quiá'- Fidiéé` e cacuø'r` 'líi` yúu` Abraham mi` cajíñ` fí` ni` jì` quiá'r` lala: “Ni`ee`- guiá` cóo` lajiing` dsea` seeng` fí` la'úng` fí` jmigüi` la'eáang` cóo` 'na', Abraham.” Jo lanab`jii` lí' júu` quiá'- Fidiéé`. ⁹Jo lajoba' jaléng` dsea` i` nijáng` yaang` fí` jaguó` Fidiéé` lí' laco`gui` cajáng` 'ñia' 'líi` yúu` Abraham, joba' guiáb`- ni`é` Fidiéé` cóo` jaléng` dsea` í`.

¹⁰Jogui` jaléng` dsea` i` í` dsí' e Fidiéeb` ni`íng` ír` e líiñ` dsea` i` ja` røøng` dsee`- la'eáang` e jmitir` júu` quiu` ta` quiá'- Moi~, joba' nibíib` Fidiéé` quiá'- i` dsea` í, co' lalab`fé' fí` ni` jì` quiá'r` : “Dseáng`- nibíib` Fidiéé` quiá'- jaléng` dsea` i` ja` jmiti` dseáng`- røø` contøøng` jalé' júu` quiu` ta` quiá'r` e ca'ling` Moi~”. Jo dsu' jii` jaang` dsea` quií`r` jmíi` nijmér` lajo. ¹¹Joba' nine`baa' røø` e ja` íng` Fidiéé` jii` jaang` dsea` e líiñ` dsea` i` ja` dsee` røøng` dsu' uúí` e jmitiñ` e júu` quiu` ta` quiá'- Moi~; dsuco' lalab`fé' fí` ni` jì` quiá'- Fidiéé` : “Jo la'eáang` e já`- líng` jaang` dsea` júu` quiá'- Fidiéé`, joba' Fidiéé` íñ` i` dsea` í e líiñ` jaang` dsea` i` ja` røøng` dsee` fí` quinir`.” ¹²Jo e fí` ni` júu` quiu` ta` quiá'- Moi` do ja` fé' e 'né`- nijáng` yaang` dsea` fí` jaguó` Fidiéé`; dsuco' lalab`fé' e júu` quiu` ta` do: “Jaléng` dsea` i` jmiti` dseáng`- røø` contøøng` e júu` jo, joba' la'eáang` cóo` e júu` dob` seeíñ` cajo.” ¹³Jo Dsea`Jmáam` caquíir` dsee`- quí`-ii' e laco' ja` cabíng` Fidiéé` jneaa`aa', dsu' o' uúí` e cajmití`naa' dseáng`- røø` contøøng` lajì` júu` quiu` ta` quiá'- Moi~, co' caquíir` dsee`- quí`-ii' la'eáang` e cabíng` Fidiéé` ír` cuaiñ` quí`- jneaa`aa', dsuco' lalab`fé' fí` ni` jì` quiá'- Fidiéé` : “Mí` júung` dsea` fí` dse` crúu`, joba' cuø' lí' e Fidiéeb` bíi` quiá'r`-”. ¹⁴Dsu' la'eáang` e caquíí` Dsea`Jmáang` dsee`- quí`-ii' fí` dse` crúu`, lajoba' ée` Fidiéé` guiá` cóo` jaléng` dsea` i` ja` líng` dsea` Israel laco`gui` nica'éer` guiá` cóo` 'líi` yúu` Abraham lamí` jéeng`gui` eáang` cajo. Jo co' Dsea`Jmáang` caquíí` dsee`- quí`-ii' fí` dse` crúu`, lajoba' ni`íng`naa' Jmiguí` quiá'- Fidiéé` la'eáang` e cajáang` yee`naa' fí` jaguó'r, co' lajob` júu` nicacuø'r` jneaa`aa' lamí` jéeng`gui.

Mí` cacuø' Fidiéé` júu` 'líi` yúu` Abraham

¹⁵Joba' fíi`-guíi` 'ná', dsea` rú`naa' dsea` quiá'- Dsea`Jmáang`, coo`gui` júu` e laco' cuøøng` lí` síng` dsea` : Facó' jaang` dsea` líng` ee` júu` síiñ` cóo` jaang`gui` dsea`, jogui` caráang` mají` quiá'r` quiá'- e júu` do, jogui` catéer` niguóor` ni~, jo mi` ningí` jo, joba' jo` cuøøng` fa' nijgiéeng`-gui` jii` camí` júu` laco' jii` nitoo` e ni` mají` do. ¹⁶Jogui` Fidiéé` cajmirør` júu` cóo` 'líi` yúu` Abraham cóo`gui` jaang` dsea` siju` dsea` do. Güilíñ`bi' cajo` e ja` tóo` fí` ni` jì` quiá'- Fidiéé` fa' e cajmirør` e júu` do quiá'- fíng` dsea` siju` Abraham, co' quiá'- jaam` dsea` e fé' e fí` ni` jì` do, jo íb` Dsea`Jmáang`. ¹⁷Joba' fíi`-guíi` 'ná' e júu` la: Fidiéé` cacuø'r` júu` 'líi` yúu` Abraham jogui` cajmirør` júu` cóo` dsea` do cajo. Jo mi` cangí`gui

cuatrocientos treinta jii` lajo, ca'ing' Moi` júu` quiu' ta` quiá'- Fidiée'; dsu' e júu` jo ja` quí' jmi` fa' niguiéng` ca' e júu` e cajmiró' Fidiée` cóo'` 'lii` yúu' Abraham do lamí` jéeng'gui, o'gui quí'` jmi` ni'náng` e jo` ta` íng` e júu` jo cajo. ¹⁸ Facó' jalé' e cuó' Fidiée` jneaa`aa' do íng'`naa' la'eáang` e jmití'naa' e júu` quiu' ta` quiá'- Moi` do, joba' ja` cacuó' Fidiée` e iáang` dsír' e jo facó' lajo. Dsu' Fidiée` cajmiti`bre e júu` e cajmiró' cóo'` 'lii` yúu' Abraham e iáang` dsír', co' lajob júu` nicacuó'r' dsea` do lamí` jéeng'gui.

¹⁹ Joba' laco' cuóong` fe`ee', ¿jie` lí` íng` ta` júu` quiu' ta` quiá'- Moi'? Co' cacuó' Fidiée` e júu` quiu' ta` do mi` cangf` e cajméer` júu` cóo'` 'lii` yúu' Abraham e laco' nililí'` dsea` jmi`güi` e røøiñ` dsee`. Jo calí'ím` ta` e jo cartí` cagüéng` i` dsea` sijur` do, co' e júu` e cajmée` Fidiée` cóo'` 'lii` yúu' Abraham lamí` jéeng'gui do fé'` cuaiñ` quiá'- i` dsea` sijur` dob. Jo la'uii` cangüñg` Fidiée` quiá'- jaléng` ángeles i` líng` guotii` e júu` quiu' ta` do, jo ígui` cangüñ` quiá'- Moi`, jo Moi` gui cartí` quini` jaléng` dsea` Israel. ²⁰ Dsu' ja` fa' dseáng'` la guíng` 'neáng` i` dsea` i` ningíng` e júu` do mi` e júu` jo jáa' tí` quini` jaam` dsea`, co' 'ñiab' Fidiée` cangüñ` e júu` jo fí` quini` Abraham.

E` uiing` e júu` quiu' ta` quiá'- Moi`

²¹ Jo ¿su cuóom` fe`ee' e e júu` quiu' ta` quiá'- Moi` do ja` cóong` røø` cóo'` e júu` e cajmée` Fidiée` cóo'` 'lii` yúu' Abraham do? iU~, ja` lí' lajo; Dsuco' facó' e júu` quiu' ta` do cuó' e seeng` dsea` cóong` cóo'` Fidiée`, joba' facó' lajo cuóom` sea` lí'íng' Fidiée` dsea` e liiñ` dsea` i` ja` røong` dsee` song` jmitir` jalé' e júu` jo. ²² Dsu' lí' laco' fé' Fidiée` fí' ni` jì` quiá'r-, e lajii` dsea` jmi`güi` dseáng'` jmitir` lajii` ta` quiu' dsee` quiá'r-, jo lajoba' Fidiéeb` nicuó'r- jaléng` dsea` i` cajáng` yaang` fí' jaguó` Dsea` Jmáang` lí' laco'gui júu` cacuó' lamí` jéeng'gui. Co' lajob júu` cajmiró' Fidiée` lajii` ie` mi` ná'` gui e nicuó'r- Moi` júu` quiá'r-.

²³ Jo lajee` ná'` gui e nigüéng` Dsea` Jmáang` fí' jmi`güi` la e laco' já'` nilí'naa' júu` quiá'r-, joba' e júu` quiu' ta` quiá'- Moi` do jéeng` jnea` lafa' 'ñúum`baa' la'ó' lí'naa' dsea` Israel cartí` mi` já'` calí'naa' e cagüéng` Dsea` Jmáang` i` caleáang` jnea` jee` dsee` quí`ii'. ²⁴ Jo laco' jaang` tiquiá'` jiuung` jeeiñ` dsea` léeng'` i` jmóo' í` quiá'` jiuung` quiá'r-, jogui lajob e júu` quiu' ta` quiá'- Moi` do quie` nifí` quí`ii' cartí` mi` catí` í' e calicuíng`naa' Dsea` Jmáang-, jogui ca'íng' Fidiée` jneaa`aa' e lí'naa' dsea` i` ja` røong` dsee` la'eáang` e cajáng'` yee`naa' fí' jaguó` Dsea` Jmáang-. ²⁵ Dsu' lanagui e nicajáng'` yee`naa' fí' jaguó` dsea` do, joba' jo` 'ga' lí' quie` nifí` quí`naa' e júu` quiu' ta` do.

²⁶ Dsuco' jneaa`aa', la'eáang` e nicajáng'` yee`naa' fí' jaguó` Dsea` Jmáang-, joba' nilí'ii' jóg' Fidiée` lana. ²⁷ Jo la'eáang` e nicajgáang`naa' jmi` e cuó' lí' e lí'naa' dsea` quiá'- Dsea` Jmáang-, joba' nilí'naa' lafa' jaam` dsea` cóo'r- lana. ²⁸ Jo jaléng` dsea` quiá'- Dsea` Jmáang-, ja` e lí' si lí'naa' dsea` Israel osi o' lajo é, si dsea` si'niim`bi é osi o' lajo cajo, si lí'bí' dseañu' osi dseamí` é; dsuco' song` see`naa' cóong` colíng` cóo'` Dsea` Jmáang-, joba' lafa' jaam` dsea` lí'naa' lajalé'naa' cóo'r- jóng. ²⁹ Jo co' dsea` quiá'- Dsea` Jmáam` nilí'guí', joba' dsea` siju` 'lii` yúu' Abraham lí'ii' cajo, joba' dseáng'` catí`baa' lajii` e cajíng' Fidiée` e nicuó'r- dsea` quiá'r- lamí` jéeng'gui.

4

¹ Jo e laba' iin`n fii`guí` 'nú': Facó' jaang` dsea` seeng` jaang` siming'` jiuung` quiá'r-, jo lajii` e sea` quiá'` i` tiquiá'r` do, joba' i` siming'` jiuung` dob nilí` quiá'- mi` niféng'`gui; jo dsu' lajee` e jiuuiñ` do, lí' lafa' e o' quiá'-bre, nañí' fa' e quiá'-bre'r mi` niféiñ'. ² Jo lajee` jo i` jiuung` do dsea` jiem'` to'` fíng` ír` jogui dsea` jiem'` néé` ni` e sisée` quiá'r- do. Jo lí'` mi` catí` í' lajii` júu` casée' tiquiá'` i` jiuung` do, joba' nicuóong` jmeá'r- ta` lajii` e casée' dsea` do. ³ Jo lajob cangongí` jneaa`aa' cajo, lajee` e lí'naa' lafa' jiuung-, ná'` gui e nilicuíng`naa' Dsea` Jmáang-, e dseáng'` 'né` jmití'baa' jalé' e quiu' ta` quí`ii' e quí'`tí'naa' fí' jmi`güi` la. ⁴ Dsu' mi` catí` í' lajo, joba' casíng` Fidiée` jóor` Dsea` Jmáang` fí' jmi`güi` la e caliséiñ` laco' liseeng` lí'` doñí` ii` dsea` jmi`güi`. Jo gui co' dsea` Israel líiñ, joba'

'né- jmiti~bre e júu^ quiu' ta~ quiá'- Moi~ do. ⁵ Jo lajoba' caleáaiñ` jnea^, dsea` lí'naa' dsea` Israel e dseáng' 'né- jmiti'baa' e júu^ quiu' ta~ do e laco' ni'ing' Fidié~ jnea^ e lí'naa' jóor'. ⁶ Jogui calili~ e nilí'naa' jóo' Fidié~, co' Fidié~ casíiñ` Jmiguí' quiá'r- la'eáang' cóo'~ Jóor' Dsea' Jmáang- fí' dsi'naa' lajaang` lajaang`naa'; joba' la'eáang' e Jmiguí' quiá'- Fidié~ do fé'naa' lala e iáang` dsi'naa': "¡Tea~! ¡Tea~!" ⁷ Jo lajob lí', jo lí'guí' dsea` i jmiti~ jalé' ta~ quiu' e qui'~ tñ'naa' fí' jmigü' la, co' lana nilí'naa' jóo' Fidié~ lajaang` lajaang`naa', jo lajoba' niñing`naa' e nicajíñ'- lamí~ jéeng'gui e nicuó'r- dsea` quiá'r-.

Jial guing~ dsí' Paa~ jaléng` dsea` quiá'- Dsea` Jmáang~ i seeng` fí' lí' se' Galacia

⁸ Dsu' lamí~ jéeng'gui, lajee~ nú'-gui e calicu'ing` 'nú' Fidié~, líng'na' lafa' dsea` si'niing` uí'~ e jmiti'na' jalé' e qui'~ tñng'na' jmoo'na' cóo'~ jaléng` dié~ i o' já'. ⁹ Dsu' lanagui nicalicu'ím'ba' Fidié~, osi laco' cuóøng` fe'ee', e dsea` íb` dsea` i nicalicu'ing` 'nú'. Joba' çjali' e nijmiti'tu' calé' catú~ jalé' e qui'~ tñng'na' do? Co' e jo ja` jié' lí' íng` ta~ qui'~ na' jji'~ cóo'. ¹⁰ Co' 'nú' jmi'goo'na' jalé' jmí~ osi jalé' si' osi jalé' jji' é. ¹¹ Joba' eáam' guing~ dsii~ 'nú' fíng song ja` cali'ing` ta~ jji'~ cóo' lajji'~ ta~ e nicajmé~ e jee~ 'nú'!

¹² Joba' má'i i 'nú' la gu'ing`, dsea` rú'naa' dsea` quiá'- Dsea` Jmáang~, e nijmée'na' laco'gui nicajmé~ jnea~ e jo jmiti'tu' lajji'~ e qui'~ tñng'na' do. Dsu' 'nú'gui, eáam' guiá~ nica'ee~na' cóo'~ jnea~. ¹³ Jogui niñi'bi' cajo e jmohu'íb' quiee~ mi~ canaan~ guiaa~ júu^ quiá'- Dsea` Jmáang~ jee~ 'nú' e quiá'- jial laang` dsea` jee~ dsee~ quiá'r-. ¹⁴ Dsu' ja` e lí' e gab' e jmohu'í' e quiee~ do, co' 'nú' ja` cajmee'na' fa' e ja` cajmijíng'na' jnea~ o'gui ca'naang'na' jnea~ ca' dsu' uí'~ e lín'n e jmohu'í' do. Co' 'nú' guiáb~ ca'ling'na' jnea~ laco'gui íng' dsea` jaang` ángel i líng' guotí~ Fidié~ i casíng` dsea` do, osi laco' Dsea` Jmáang~ 'ñia'bir é. ¹⁵ Jo çjie~ fí' ca'í' e jmi'íáang` óo' 'nú' cóo'~ jnea~ ie~ do? Co' lanagui jo` 'ga' lí' iáang` óo'na'. Dsaco' cuóøm` fá'a uíi~ qui'~ na' ie~ do e dseáng'~ lafa' niguí' 'nú' jminí'na' e nicuó'na' jnea~ e laco' cuóøng` e nijmicóo'na' jnea~. ¹⁶ Jogui lanagui lí' lafa' e ni'ní' máam'baa' 'nú' dsu' uí'~ e fón'n 'nú' e júu^ já' la.

¹⁷ Jo i dsea` i iing~ nijmisíng~ e júu^ e quiá'- jial laang` dsea` jee~ dsee~ quiá'r- iññ~ e nigüitáang~ 'nú' cóo'r~, jo dsu' jaléng' i dsea` í ja` í dsíir' laco' catíng~, co' lico' iññ~ e nimáang~ 'nú' jnea~ 'níb'. ¹⁸ Dsu' guiáb~ cajo song seeng` dsea` i iing~ e nigüitáang~ 'nú' cóo'r~, lifa' i dsea` í 'né' í dsíir' laco' catíng~ jogui 'né' e contøøm~ eer' guiá~ cóo'~ 'nú' lí' laco'gui ee~ jnea~ mi~ táan`n jee~ 'nú'.

¹⁹ Dsea` rú'naa' i iin`n eáang', calé' catú~ caa~ iihu'í' uíi~ qui'~ 'nú' laco'gui iihu'í' íng' jaang` dseamí' mi~ liseeng` jiuung~ quiá'r-; jogui caa~ e iihu'í' do cartí' Dsea` Jmáang~ nicuó'r- 'nú' e ni'u'íng~na' dseáng'~ dsea` quiá'r-. ²⁰ Jo eáam' iin`n e táan`n jee~ 'nú' lana, co' jié'gui lí' e si'naa' dseáng'~ quini'na' lana; co' ja` ñii~ ee` ni'í' dsii~ uíi~ qui'~ na'!

E~ calí~ cóo'~ Agar jogui Sara

²¹ Jogui iin`n e ningí~na' quie~ e e júu^ la, jaléng' 'nú' i dseáng'~ iing~na' jmiti'na' júu^ quiu' ta~ quiá'- Moi~. Jo çsu ja` mí' cangáng' 'nú' jial lí' e júu^ jo? ²² Co' jee~ e júu^ jo fé' e i 'lí' yúu~ Abraham do caliséng` gáng~ jóor', jaang` i caliséng` cóo'~ jaang` dseamí' i si' Agar i si'niing` i jmoo' ta~ hu'í' e ja` 'léng'~, jogui i jaang`gui do caliséng` quiá'r- cóo'~ dseáng'~ dseamí' quiá'r- i si' Sara i née' ni~ jalé'b' e óor' cóo'~ dseañu' quiá'r-. ²³ Jo i jóo' i dseamí' i si'niing` do caliséiñ` laco'gui liseeng` lí' doñí' i jóo' dsea'; jogui i jóo' dseáng'~ dseamí' quiá'- 'lí' yúu~ Abraham do caliséiñ` lajob cajo, dsu' lí' laco' niliti~ lajji'~ júu^ e nicacuø' Fidié~ ír' lamí~ jéeng'gui. ²⁴ Jo dsu' lñm~ ee` guóng' jalé' e la; dsaco' laj' gáng~ i dseamí' do lñm~ ee` júu^ sisée' quiá'r- lajaang` lajaaíñ`. Jo i dseamí' jaang` i si' Agar do cuø' cóo' lí' quiá'r- quiá'- lajji'~ júu^ e cajmirø' Fidié~ cóo'~ Moi~ fí' yú' mó' Sinaí; joba' jaléng' dsea` i níng'~ la'eáang' cóo'~ e júu^ jo líiñ' lafa' dsea` si'niim~. ²⁵ Jogui i dseamí' i si' Agar do cuø' cóo' lí' quiá'r- fí' yú' mó' Sinaí e sí' fí' Arabia e guóng' e jaléng' dsea` Jerusalén i seeng' fí' lí' se' Israel líiñ' lafa' dsea` si'niim~. ²⁶ Dsu' jaléng' dsea` quiá'- Dsea` Jmáang~ i catíng~

e fii Jerusalén 'mí- quíá'- Fidiéé do ja líiñ' dsea` si'nning. Jogui líí lafa' niquí'baa' e fii jo. ²⁷ Co' lalab fé' fí' ni~ jì quíá'- Fidiéé:

Jmi'iaang` o', dseamí,

'nu` i ja` mí cangoqueeng` yuu;

jogui jmi'iaang` a' cajo e ja` mí ca'íin' iihuú' laco' mi~ liseeng` jiuung` quíá'- dsea`.

Dsuo' 'nu, dseamí i catúu` dseañu` quíí',

fíng'gui jóo' niliseeng` laco'gui i dseamí i seeng` dseañu` quíá'-.

Jo lanab fé' Fidiéé fí' ni~ jì quíá'r`.

²⁸ Joba' fii-guú' 'nú', dsea` rú'naa' dsea` quíá'- Dsea` Jmáang-, jneaa`aa' colíng` cóo' i jóo' Abraham i sii' Isáa' do lí'naa' jóo' Fidiéé e laco' niliti~ lajii' júu^ quíá'r` e nicacuø'r' 'líi' yuu' Abraham lami~ jéeng'gui. ²⁹ Jo co' ie~ jo i jóo' i dseamí si'nning` do cajmeaíñ' ga` i jóo' dseamí quíá'- 'líi' yuu' Abraham do i caliséng` la'eáang` cóo' ta~ quíá'- Jmiguí quíá'- Fidiéé, jo lajob cajo jmóo` dsea` sijur` cartí' lana e jmáíñ' ga` rúíñ'. ³⁰ Jogui quie`na' cuente lajii' júu^ quíá'- Fidiéé e cas'r` Abraham: "Uøng` fí' quíí' i dseamí i si'nning` colíng` cóo' jóo' do, co' ja` catíng` jóo' i dseamí do lajii' guíeé^ quíá'- i jóo' dseáng' dseamí quíí' i néé' ni~ jalé'b' e sea` quíí'na', yuu' Abraham." ³¹ Jo lajob líí, dsea` rú'naa', ja` lí'naa' lafa' jóo' dseamí i si'nning`, co' lana nilíí' lafa' jóo' dseáng' dseamí i ja` si'nning` do.

5

Dsea` Jmáam`bing' láang` jneaa`aa' e laco' ja` líí' dsea` i lafa' si'nning`

¹ Joba' fii-guú' 'nú', dsea` gálatas, e Dsea` Jmáam`bing' caleáang` jneaa`aa' e laco' jo` 'ga' lí' quie` nifí' quí-ii' e júu^ quíu' ta~ quíá'- Moi~ do. Joba' 'né- e niliseeng`na' e silaam`ba', jogui jo` cuó'tu fí' yaang`na' calé' catú- e nijmití'tu' jalé' e júu^ jo.

² Jnea~ Paa-, jo núu`na' júu^ quíe`e, jogui quie`na' cuente røø` jalé' e nifí' 'nú', e song cacuøø' fí' yaang`na' e nitó- lí' fí' ngúu' táang`na' laco'gui táng` dsea` Israel, joba' ja` e ta` íng` quíí'na' jalé' e cangongíng` Dsea` Jmáang- uíí' 'nú' jóng. ³ Joba' fii-túu' 'nú' e lí' doñí' ii' 'nú' i tóo' lí' fí' ngúu' táang`, joba' 'né- nijmití'na' dseáng'- røøb` lajalé' e júu^ quíu' ta~ quíá'- Moi~ do. ⁴ Jo jaléng' 'nú' i í' dsíí' e Fidiéeb` ni'íñ' 'nú' e líng`na' dsea` i ja` røøng` dsee- uíí' e jmití'na' e júu^ jo, joba' catiúum`ba' Dsea` Jmáang- jogui ca'náam- yaang`na' e laco' jo` ni'íng`na' lajii' e guíung` Fidiéé do. ⁵ Dsu' jaléng' jneaa`aa' nisita` dsí'naa' e Fidiéé ni'íng' jneaa`aa' e lí'naa' dsea` i ja` røøng` dsee- la'eáang` cóo' Jmiguí quíá'r` jogui la'eáang` e cajáang` yee`naa' fí' jaguó' Dsea` Jmáang-. ⁶ Jogui song lí'naa' dseáng'- lajang'- dsea` quíá'- Dsea` Jmáang-, joba' ja` e líí' nañí' fa' tóo' lí' fí' ngúu' táang`naa' laco'gui litíng` dsea` Israel, dsuo' ja` e quííng` e jo; co' lajii' e quííng` fí' quíni` Fidiéé e jáang' yee`naa' fí' jaguó' Dsea` Jmáam- e laco' nijmi'neáang`naa' dsea` rú'naa'.

⁷ Jogui 'nú', guíub- lami~ seeng`na' cóo' Dsea` Jmáang-; dsu' lanagui líim` ii` nicatáng' 'nú' júu^ e nicatúu`na' e jo` núu`na' lajii' júu^ quíá'- Dsea` Jmáang-. ⁸ Dsu' o' Fidiéé i cajéeng` 'nú' e cajmee`na' lajo, co' dsea` do nicatø'r` 'nú' e laco' ni'uíng`na' dsea` quíá'-bre. ⁹ Jo lalab júu^ róo': "Coo' capí' quie'b' nijmé- niróo- ca~ quíá'- iñí'." ¹⁰ Dsu' jnea~ tab~ dsii- e la'eáang` cóo' Dsea` Jmáang- ni'í'tu' áa'na' calé' catú- laco'gui í' dsí' jnea-. Jo Fidiéeb` nicuø'- iihuú' i dsea` i jmigøøng` 'nú' cóo' jalé' e 'né- jmití'na', jo ja` e líí' ii' dsea`.

¹¹ Dsea` rú'naa' dsea` quíá'- Dsea` Jmáang-, faco' jnea~ guíab` júu^ e dseáng'- la guím' 'né- jmé- dsea` quíá'- Dsea` Jmáang- e lí' fí' ngúu' táaiñ' lí' laco' litíng` dsea` Israel, joba' faco' lajo, ja` e ta~ e jmáng' dsea` Israel jnea~ ga` jóng. Jo faco' lajob jmóo'o, joba' ja` liguíng` dsea` Israel uii~ quíá'- jalé' e júu^ e guíaa- quíá'- jalé' e cangongíng` Dsea` Jmáang- fí' dse' crúu' jóng. ¹² Jogui jaléng' i dsea` i ngí' ta~ jmigøøng` 'nú' do e quíá'- e tó- lí' fí' ngúu' táang`na', guíu' guí' fa' nidsi'ím`bre congua' jo lajoba' nitiúu'ñ' 'nú'!

¹³ Jogui co' 'nú', dsea` rú'naa', Fidié` cató'r- 'nú' e laco' jo` quiu'gui ta` quíi-na' e júu` quiu' ta` quiá'- Moi` do. Jo co' lajob` líng'na', joba' jo` jmée'na' lí' doñí ee' lí' óo'na' yaang`na', co' dsea` silaam` nilíng'na'. Dsaco' guiá-gui e jmicóo'` rúng'na' lajee` la'ó' yaang`na' uíi' e 'neáang` rúng'na'. ¹⁴ Co' lajaléb' lí' fé' júu` quiu' ta` quiá'- Fidié`, e júu` laba' eáang`gui liti': "Jmi'neáang` jaléng' dsea` rún' lí' laco'gui jmi'neáang` uø'." ¹⁵ Jo song jmoo'na' ta` jíng` osi ta` tíng` cóo'` jalé' e siing`na', joba' ni'lim- lajii'` juguiá- júu` røø` e sea` jee` 'nú' e cangíng'na' e cacuø' Fidié`.

Jalé' e lí' dsí' dsea` fí' jmigüü' jogui jalé' e iing` Jmiguü' quiá'- Fidié`

¹⁶ Joba' fíi-guü' 'nú' la guíng', dsea` rú'naa': Güiliseem`ba' contøøng- la'eáang` cóo'` Jmiguü' quiá'- Fidié`, jo lajoba' ja` jmití'na' lajii'` e lí' óo'na'. ¹⁷ Dsaco' jalé' e lí' dsí'naa' do ja` cóøng` røø` cóo'` jalé' e iing` Jmiguü' quiá'- Fidié`, jogui jalé' e iing` Jmiguü' quiá'- Fidié` ja` cóøng` røø` cóo'` jalé' e lí' dsí'naa' do. Dsaco' lajii'` e na ja` røø` cóøng` quiá'-, joba' ja` cuøøng` e jmée' 'nú' lajii'` e lí' áa'na' do. ¹⁸ Dsu' song 'nú' seem`ba' e quie' nifi' Jmiguü' quiá'- Fidié` quíi-na', joba' e júu` quiu' ta` quiá'- Moi` do jo` quiu' ta` quíi-na' lana jóng.

¹⁹ Jo ja` e huíng' e jøø'naa' quiá'- jaléng' dsea` i cá' fí' ga` jogui jmóor` lajii'` e lí' dsír' yaaiñ` fa' jalé' e la: mi` 'léé' jaléng' dseañu' osi jaléng' dseamí e güüiñ` cóo'` dsea` i o' quiá'r-, osi mi` jmóo' dsea` jalé' e lí' e jié'gui, osi mi` jmóor` jalé'gui e ja` tíi ta` e quíi-` tiiñ` jmóor', ²⁰ osi mi` jmiféng' dsea` lí' doñí ee', jogui mi` jmóor` ta` dsea` láang', osi mi` 'ní' ní- dsea` quiá'- jaléng' dsea` rúñ', osi mi` jmóor` ta` jíng', osi mi` suuiñ` laco'gui la líng' jaang`gui dsea', osi mi` jmináb- liguiñ-, osi mi` iin` e íbre silí'r` jalé' e sea', osi mi` 'naam`bre quiá'- rúñ' co' ja` røø` síiñ', osi mi` jii'` la'ó' íbre tí' dsír' síiñ', ²¹ osi mi` dsihuüiñ` quiá'- jaléng' dsea', osi mi` jmóor` ta` jngang' rúng', osi mi` jmóor` ta` í', osi mi` dsíng'- cúñ', osi mi` jmóo'biguir jalé' e ga' e jié' cajo. Joba' fíi-guü' 'nú' calé' catú- laco'gui nicafíi- i 'nú' ie` lamí` jéeng`gui do e jaléng' dsea` i quíi-` tíng' jmóo' jalé' e ga' lajo, joba' i dsea` í ja` niñiñ` e Fidié` quie' nifi' quiá'r-, jogui ja` niñiñ` guieé' quiá'r- e cuø' Fidié` jaléng' dsea` quiá'r- cajo.

²² Dsu' mi` seeng` dsea` la'eáang` cóo'` Jmiguü' quiá'- Fidié`, co' la'eáang' e Jmiguü' doba' jmi'neáang` rúñ', jogui e iáang` dsír', jogui e seeiñ` juguiá- júu` røø` cóo'` dsea` rúñ', jogui e féng' dsír' quiá'- rúñ', jogui e guiüiñ- cóo'` jaléng' dsea` rúñ', jogui guiáb- éer` cóo'` jaléng' dsea` rúñ', jogui jmiti`bre lajii'` júu` e cuø', ²³ jogui ja` jmicøøng'` yaaiñ` jee` dsea` rúñ', jogui ja` jmóor` lajii'` ta` quiu'r` yaaiñ`. Jogui lajib` júu` quiu' ta` cóøng` røø` cóo'` e júu` la. ²⁴ Jogui jaléng' i dsea` i líng' dsea` quiá'- Dsea` Jmáang- lafa' cató- fí' dse' crúub` jalé' e ga' e jmóor` cóo'`gui jalé' e lí' dsír' yaaiñ~, jo lajoba' ca'naam`bre quiá'- e jo. ²⁵ Jo co' la'eáang` cóo'` Jmiguü' quiá'- Fidiéeb` nisee- naa', joba' 'né- cuøø' fí' yee`naa' e e Jmiguü' dob quie' nifi' quíi-ii'.

²⁶ Jogui ja` 'né- jmicøøng'` yee`naa' jee` jaléng' dsea` o'gui nijmijløng'^ yee`naa' o'gui nijmóo'` dsihuüing`naa' quiá'- jaléng' dsea` rú'naa' cajo.

6

Jmicóo'`na' jaléng' dsea` rúng'na'

¹ Joba' fíi-guü' 'nú', dsea` rú'naa' dsea` quiá'- Dsea` Jmáang-, song móo- 'nú' e jaang` dsea` rúng'na' nicatøng' fí' ni` dsee-, joba' jaléng' 'nú', dsea` seeng`na' la'eáang` cóo'` Jmiguü' quiá'- Fidié`, 'né- nijmicóo'`ba' i dsea` í e laco' niliseeiñ` laco' la seeng` dsea` quiá'- Dsea` Jmáang-. Jo jmee`ba' e guiúng`na' cóo'r', jogui ñiim` áa'na' e laco' ja` güilí e la quie' 'núb' cajo nijjúng'na' fí' ni` dsee-. ² Jogui jmicóo'` rúng'na' cóo'` jalé' e huíng' lí' quíi-na', jo lajoba' dseáng'- niliti` lajii'` júu` quiá'- Dsea` Jmáang-.

³ Jo song jaang` dsea` í dsír' e niing`guir, dsu' o' já'- e lajo, co' lico' jmicøøng` 'ñia'bre song í dsír' lajo. ⁴ Dsaco' lajaang` lajaam` dsea` 'né- í dsír' su guiá- jalé' e jmóor` osi ja`

dseeng` é. Jo song í dsír' 'ñia'r' e guiá~ lajii~ e jmóor` do, jo song dseáng~ lajob líí, joba' ja` 'né` jòor~ jial jmóo` dsea` jiéng`. ⁵ Dsaco' lajaang` lajaam` dsea` 'né` to' fiiñ` lajii~ e líí` quiá'r~. ⁶ Jogui i dsea` i jmitiing` júu` quiá~ Dsea` Jmáang~ 'né` cuø~ bre i dsea` i e' quiá'r~ do lajii~ e catiñ~ do e laco' nijmicóo~ reiñ' do.

⁷ Jo ja` jmigøøng` yaang~na' cóo~ jalé` e jmoo`na', co' jii~ jaang` dsea` cuøøng` lí` jmigøøiñ` Fidiéé. Cofa' lajii~ e jni` dsea` fí` ni` guóo~ uø~ quiá'r~, e job cajo e nisitiñ` mi~ niró. ⁸ Jo lajob líí` cóo~ i dsea` i seeng` laco' lí` dsír' yaaiñ~, co' mi~ nití` í` quiá'r~ e nijúuiñ~, ni'nám`bre quiá~ Fidiéé` lata~. Jogui i dsea` i seeng` laco' iing~ Jmiguí` quiá~ Fidiéé, joba' la'eáang` e Jmiguí` quiá~ Fidiéé` dob niliseeiñ` cøøng` cóo~ dsea` do lata~. ⁹ Jogui song cuø` bí` yee`naa' e jmó`oo' jmang~ e guiá~, jogui song dseáng~ ja` jmitúng~ dsí`naa' e jmó`oo' e jo, joba' mi~ nití` í`, ni'ím~baa' guiéé` quí`ii' e cuø' Fidiéé` jaléng` dsea` quiá'r~. ¹⁰ Joba' contøøm~ 'né` jmó`naa' jmang~ e guiá~ cóo~ jaléng` dsea` jogui e jmicóo~naa're, dsu' la guíng`gui eáang` 'né` jmó`oo' lajo cóo~ jaléng` dsea` rú`naa' dsea` quiá~ Dsea` Jmáang~.

Júu`#`'goo`quiá~ Paa~

¹¹ Jo jòor~na', dsea` rú`naa', jial tíí` cóo~ e júu` e jmo`o la quí~na'! ¹² Jo jaléng` i dsea` i jmóo` úung` e nitó`na' lí` fí` ngúu` táang`na', jmóor` lajo e laco' nijér~ guiá~ cóo~ jaléng` dsea` caguaang~gui jogui e laco' ja` nijmeáng` dsea` ga` ír` uii~ quiá~ e guiar` júu` e cajúng~ Dsea` Jmáang~ fí` dse` crúu`. ¹³ Jo jii`gui jaléng` i dsea` i jmóo` úung` e tóor` lí` fí` ngúu` táaiñ` do ja` jmitir~ jalé` e júu` quiá~ ta~ quiá~ Moi~. Dsu' jmóor` úung` e 'nú` nitó`na' lí` fí` ngúu` táang`na' e laco' nijmér~ ráaiñ~ fí` quini~ jaléng` dsea` jiéng` e nicalí~bre 'nú` e nicajmee`na' lí` fí` ngúu` táang`na'. ¹⁴ Dsu' jnea~, jii~ cóo` ja` e jmóo`o ráan~n e jié`gui; co' dseáng~ lajii~ e calí~ cóo~ Dsea` Jmáang~ fí` dse` crúub~, jii~ joba' sée~e teá. Co' la'eáang` e catáng~ Dsea` Jmáang~ fí` dse` crúu`ba', jo` ee` ta` íng` quíe~ e jii~ cóo` jalé` e sea` fí` jmigüí` la lana, jogui líí` lafa' e cajúm~baa, co' jo` seen~ e quia' ta~ jnea~ jalé` e sea` fí` jmigüí`. ¹⁵ Jogui jo` ee` ta` íng` quí~na' song tóo` lí` osi ja` tóo` lí` fí` ngúu` táang`na' é; dsaco' lajii~ e quíng`gui quí~na' e nicaquí~ jíng` yaang~na' fí` quini~ Fidiéé, jo joba' nilíng`na' dsea` 'mám~ lana. ¹⁶ Jo jaléng` i dsea` i seeng` laco' la líí` e júu` e nicafá~a na, cóo~gui jaléng` dsea` Israel i quíe` Fidiéé` nifí` quiá'r~, güiliseem`bre juguiá~ júu` røø, jogui güilíb` fí` líng~ Fidiéé` ír` cajo.

¹⁷ Latí` lana jogui lí` dsé~gui cajo jii~ jaang` dsea` nicuø'~guir jnea~ iihuí; co' jalé` e güi' e quíe~ la lana cuø` lí` e jmóo`o lajii~ e iing~ Fíi`naa' Dsea` Jmáang~.

¹⁸ Joba' dsea` rú`naa', nimí~i Fíi`naa' Dsea` Jmáang~ e ni'ír~ güea` quiá'r~ jee~ 'nú'. Jo lajob 'né` lí.

Jo lanab jii~ fé` jii` quiá~ Paa~ e catiing~ jaléng` dsea` quiá~ Dsea` Jmáang~ i seeng` fí` lí~ se' Galacia.

Júu^ e toq̃ fí ni~ jì quiá'- Paa- e catíng- dsea` seeng` fí ÉFESO

¹ Jnea~ Paa- lín'n jaang` dsea` apóo^ ì jmóo` ta~ ni' júu^ quiá'- Dsea` Jmáang-, co' lajob ta~ e cali'iaang` dsíí' Fidiée~ cacuø'r' jnea~. Jo guiéen'~n júu^ guicóo'~ quií~na', jaléng' 'nú', dsea` quiá'- Fí'naa' Fidiée~ ì neáang' fí Éfeso ì já'- líng' júu^ quiá'- Dsea` Jmáang-. ² Jo mii'~i Tiquí^naa' Fidiée~ cóo'~gui Fí'naa' Dsea` Jmáang- e ni'ír- güea^ quiá'r- jee~ 'nú', jogui e nicuø'r- 'nú' e seeng'na' juguiá- júu^ røø.

Jalé' e guiá- e nicacuø' Fidiée~ jneaa~aa'

³ Jo majmifém'baa' Fidiée~ ì líng' Fidiée~ quiá'- Fí'naa' Dsea` Jmáang- jogui ì líng' Tiquiá'r^ cajo, dsuco' la'eáang' e líí'í' lafa' jaang` dsea` cóo'~ Dsea` Jmáang-, lajoba' Fidiée~ nicacuø'r' jneaa~aa' jalé' e guiá- e sea` quiá'r- e jáa' fí lí' guiíñ~ e laco' uíng- guiá- quií~ii'. ⁴ Jo Fidiée~ caguíñ' jneaa~aa' latí' jii'~ mi~ nú'- gui e nitiroo'~ jmigüí' e laco' niliguiúng-naa' fí' quinir~ e ja` dsee- sea` quií~ii' la'eáang' cóo'~ Dsea` Jmáang-. ⁵ Jo co' eáam' 'neáang' Fidiée~ jneaa~aa', joba' caguiar' guiá- latí' mali' e laco' nijéiñ- jneaa~aa' laco' jóo'bre la'eáang' cóo'~ Dsea` Jmáang-, lí^ laco'gui jii'~ e cali'iaang` dsíir' 'ñia'r'. ⁶ Jo cajméer` lajo e laco' nijmiféng'naa' Fidiée~, co' eáam' guiúíñ- cóo'~ jneaa~aa' nañí' fa' ja` catí~naa' e jo. Jo cacuø'r' jneaa~aa' e jo e ja` 'lee'~ jii'~ cóo' la'eáang' cóo'~ Jóor' Dsea` Jmáang- ì 'neáaiñ` eáang' do. ⁷ Jo co' eáam' 'neáang' Fidiée~ jneaa~aa' nañí' fa' ja` catí~naa', joba' nicaleáaiñ` jneaa~aa' jee~ dsee- quií~ii' la'eáang' cóo'~ jmi'øøng- Jóor' Dsea` Jmáang- e catuú' fí' dse' crúu^'. Jo la'eáang' cóo'~ e jmi'øøng- dsea` do ca'íiñ- dsee- quií~naa'. ⁸ Jo co' eáam' guiúng- Fidiée~ cóo'~ jneaa~aa' nañí' fa' ja` catí~naa', joba' cacuø'r' jneaa~aa' e tí~naa' jogui e ngáng'naa' ⁹ jalé' e iíñ~ jmóor' 'ñia'r' e ja` ñí' dsea` jéeng'gui, lí^ lajii'~ júu^ e nicacuø'r' jéeng'gui quiá'- jalé' e nijmitir~ la'eáang' cóo'~ Dsea` Jmáang-. ¹⁰ Jo lí^ laco'gui jii'~ e nicagua' Fidiée~ guiá- jéeng'gui, dseáng'- nilitib~ laco' sí'í' mi~ nití' í' lajo e Dsea` Jmáam- nilíiñ- dsea` mogui~ quiá'- lajaléng' jogui quiá'- lajalé' e sea` fí' ñifí- cóo'~ gui fí' ni~ guóo'~ uø~ la.

¹¹ Jo lajii'~ mali' Fidiée~ nicaguíñ' jnea^, dsea` lí'naa' dsea` Israel, e laco' ni'uíng-naa' jóor' la'eáang' cóo'~ Dsea` Jmáang- lí^ laco'gui nica'í' dsíir' jéeng'gui e nijmér-; jo jaléb' e jmóo' Fidiée~ do, jmóor' laco' jii'~ e líiñ- e guiáb-. ¹² Jo nicajméer` lajo e laco' jnea^, dsea` nita~ dsí'naa' la'uii~ e Dsea` Jmáang- nileáiñ- jnea^ jee~ dsee- quií~ii', see~naa' e nijmiféng'naa' Fidiée~, co' íb` dsea` laniing- 'gøiñ'. ¹³ Jo lajobi jaléng' 'nú', dsea` ja` líng'na' dsea` Israel, mi~ canáa~naa' e júu^ já'- quiá'- Dsea` Jmáang- e quiá'- jial laang` dsea` jee~ dsee- quiá'r-, jogui ca'uíng-na' jóo' Fidiée~, joba' cacuø'r' Fidiée~ 'nú' Jmiguí quiá'r- lí^ laco'gui júu^ e nicacuø'r' jéeng'gui e laco' liing-na' e líng'na' dsea` quiá'r-. ¹⁴ Jo co' seem' e Jmiguí quiá'- Fidiée~ do cóo'~ jneaa~aa', joba' lita~ dsí'naa' e ni'líng'naa' lajii'~ e catí~naa' quiá'- Fidiée~ cartí' mi~ nileáiñ- jneaa~aa' congua' jee~ jalé' dsee- quií~naa', jneaa~aa' dsea` lí'naa' dsea` quiá'r-. Jo lajob nijmiféng'naa're, co' íbre dsea` laniing- 'gøiñ' fí' la'úng-.

Jalé' e mi' Paa- Fidiée~ uii' quiá'- jaléng' dsea` quiá'- Dsea` Jmáang-

¹⁵⁻¹⁶ Jo uii~ quiá'- e cajmée' Fidiée~ e nilíng'naa' jóor', joba' lacoø' ya' mi~ fón'n dsea` do, cuøø-øre gui'máang' uii' 'nú' latí' mi~ cali'íiñ- e cajáang'~ yaang-na' fí' jaguó' Dsea` Jmáang- jogui eáam' jmi'neáang' rúng'na' cóo'~ jaléng' dsea` quiá'- Dsea` Jmáang- caguiaang-gui cajo. ¹⁷ Jogui mii'~i Fidiée~ ì líng' Fidiée~ quiá'- Fí'naa' Dsea` Jmáang-, jogui ì líng' Tiquí^ii' ì laniing- 'gøng' do cajo, e nicuø'r- 'nú' e tíng' ngáng'na' ì dseáng'- Fidiée~ la'eáang' cóo'~ Jmiguí quiá'r-, jo lajob nilicuíng'gui'r guiá- cajo. ¹⁸ Jogui mii'~i Fidiée~ e nicuø'r- 'nú' e nijnea' moguí'na' e laco' nilíiñ'na' e~ e nisijeeng'na' e ni'líng'na'

quiá'r, co' dsea` quiá'-bre níling'na', jogui jial tí' jlo^ jogui niguó^ jalé' e cuø' Fidiéé` jaléng' dsea` quiá'r` i catíng- lajo. ¹⁹ Jogui mii~i Fidiéé` cajo e niliñí^ 'nú' jial ja` cóong` cóo~ 'gøng' Fidiéé`, jo cóo~ e 'gøiñ' do jmicóo~ jneaa~aa', dsea` lí'naa' dsea` quiá'- Dsea` Jmáang-. Jo cóo~ e laniing- 'gøng' dsea` do, cóo~ e job cajo cajméer` ²⁰ e cají'tu Dsea` Jmáang- mi~ cangí e cajúñ~, jo caguiéiñ` lí^ lí dséé' laco' guiiñ~ 'ñia'r' fí' ñifi~. ²¹ Jo cacuø' Fidiéé` Dsea` Jmáang- e íbing' laniing- gui eáang' jee~ lajaléng' i seeng' fí' yá^ jmigüi, fa' jaléng' dsea` mogui, jogui jaléng' i si'neaang' i quiu' ta~, cóo~ gui dsea` laniing- i quiu' ta~, lí^ doñí` i dsea` ee` ta~ oor` i quiu' ta~ lajee` lana osi lajee` lí dsé- gui é. ²² Jo lajalé' niguiá- Fidiéé` fí' uii~ tii- Dsea` Jmáang-, jo cangím`bir cajo e líng' dsea` do dsea` mogui` quiá'- lajaléng' dsea` quiá'r-. ²³ Jo jaléng' dsea` quiá'- Dsea` Jmáang- líiñ` lafa' coo` ngúu` táaiñ` cóo~ dsea` do, joba' røøb` sea` qui`-ii' laco'gui la sea` quiá'- dsea` do, jo dsea` íb` dsea` mogui` quiá'- lajaléng' cóo~ gui lajalé' e sea` fí' la'úng-.

2

Fidiéé` dsea` caleáaiñ` jneaa~aa' jee~ dsee- qui`-ii'

¹ Jo lamí` jéeng'gui do, jaléng' 'nú' líng'na' lafa' líim~ba' fí' quini` Fidiéé` uii~ jalé' e 'lee~na' jogui uii~ jalé' dsee- e ee~naa', ² co' caliséng'na' e jmoo'na' jialco' nirøng'na' dsee- laco'gui la jmoo` dsea` jmiçüi, jogui cajmití'na' lajii~ ta~ quiu' fii~ i 'líng' i quie' nifi' quiá'- jalé' guí` lí^ e í' fí' yá^ jmigüi. Jogui i fii~ i 'líng' do néé' nir~ jaléng' dsea` i ja` jii~ Fidiéé`. ³ Jo lajob cajo lamí` see- jneaa~aa' lajii~naa' lamí` jéeng'gui e jmoo~naa' lajii~ e ja` dseeng` e ii~naa' yee~baa', co' jmoo~naa' doñí` ee` ja` dsí'naa' jogui í' dsí'naa'. Jo co' lajob jmoo~naa', joba' catí~baa' e ní'íng'naa' iihuí` eáang' quiá'- Fidiéé` uii~ quiá'- jalé' e ja` dseeng` e jmoo~naa' do lí^ laco'gui iihuí` e íng' jaléng' dsea` jmiçüi i jmoo` jialco' nirøiñ` dsee-. ⁴⁻⁵ Dsu' Fidiéé` eám' fí' líiñ` jaléng' jneaa~aa', jogui eám' cali'neáaiñ` jneaa~aa', joba' cangíng'naa' quiá'r- e see~naa' lafa' 'mím~baa' la'eáang' cóo~ Dsea` Jmáang- nañí` fa' lí'naa' lafa' e 'líim~bii' uii~ dsee- qui~naa'. Co' la'eáang' e guíum- Fidiéé` cóo~ 'nú' nañí` fa' ja` catíng-na', joba' nicaleáaiñ` 'nú' jee~ jalé' dsee- qui~na' lana. ⁶ Jo Fidiéé` cajméer` e lafa' røøb` cají'túu' cóo~ Dsea` Jmáang- mi~ cají'tu dsea` do, jogui lafa' caguiéiñ` jneaa~aa' colíng~ cóo~ dsea` do fí' ñifi~ quiá'r-. ⁷ Jo cajméer` e jo e laco' nicuø- lí` lata~ jial tí' guíung- Fidiéé` cóo~ jneaa~aa' e jii~ ja` catí~naa' e eám' 'neáaiñ` jneaa~aa' la'eáang' cóo~ Fii'naa' Dsea` Jmáang-. ⁸ Jo co' guíum- Fidiéé` cóo~ 'nú' e jii~ ja` catíng-na', joba' nicangíng'na' e nileáng'na' jee~ dsee- qui~na' la'eáang' e cajáang~ yaang~na' fí' jaguór`. Dsu' e jo ja` calí~na' yaang~na', co' Fidiéé`bing' cacuø' 'nú' e jo e ja` 'lee~. ⁹ Jo jalé' e jo ja` lí'naa' uii~ quiá'- jalé' e jmoo~naa', dsuco' faco' lajo, joba' cóo~ e job nijmijløng` yee~naa' jóng. ¹⁰ Dsu' Fidiéé`bing' nicajmée` jalé' e jo qui`-ii', co' cajméer` e lafa' cali'mím~baa' la'eáang' cóo~ Fii'naa' Dsea` Jmáang- e laco' nijmó'oo' jmang' e guíá- lí^ laco'gui jii~ guíá- nicaguiar` qui`-ii' jéeng'gui e nijmó'oo'.

Jial see~naa' juguiá- júu` røø` la'eáang' cóo~ Dsea` Jmáang-

¹¹ Jo téé' áa'na' jial líng'na' ie~ lamí` jéeng'gui do, 'nú' dsea` ja` líng'na' dsea` Israel. Jo jaléng' jnea^ i líng' dsea` Israel i tíng' tóo` lí` fí' ngúu` táang' lajii~ dseañu' e laco' cuø` lí` e lí'naa' dsea` quiá'- Fidiéé`, jo jneab^ cajo i fé' e ja` líng' 'nú' dsea` quiá'- Fidiéé`. ¹² Jo jmiçuiéng' áa'na' e ie~ lamí` jéeng'gui do ja` mí` cuíng'na' Dsea` Jmáang-, jogui jmaquíim' í' óo'na' laco'gui jnea^, dsea` lí'naa' dsea` siju` dsea` Israel, jogui ja` catíng-na' lajii~ júu` e cajmée` Fidiéé` jogui cajmirør` cóo~ jnea^'. Jo lamí` jéeng'gui dsea` i ja` cuíng' Fidiéé` lamí` líng'na', o'gui líng` ee` sijeá^na' quiá'- Dsea` Jmáang-. ¹³ Jo lamí` jéeng'gui ja` cuíng'na' Fidiéé`, dsu' lanagui nicuíim`ba' dsea` do la'eáang' cóo~ Dsea` Jmáang- i catuu` jmi'øøng- fí' dse~ crúu` mi~ cajúñ- uii~ jneaa~aa'. ¹⁴ Jogui lana, la'eáang' cóo~ Dsea` Jmáam~ba', røøb` ní'í dsí'naa' lajii~naa', jogui jo`ní' néeng' rú'naa'. Co' lamí` jéeng'gui lí' lafa' si' íáb` e sijní` qui`-ii' laca'líng'naa', co' 'ní' néem' rú'naa'. Jo lí' lafa' Dsea` Jmáang- cajgiéiñ-

e iá do mi~ cajúñ~ fí dse` crúu^ . 15 Co' mi~ cajúñg~ Dsea` Jmáang~ uíi~ jneaa~aa', joba' ca'uíng~ e laco' jo' quie' nifi' quí~ii' e júu^ quia' ta~ quia'~ 'lii~ Moí~. Jo cajméer~ lajo e laco' ca'uíng~naa' coob` lé' e 'má~ laji' tú~ íng'~naa' do la'ó' ca'uíng~naa' dsea' quia'~ Dsea' Jmáang~ . Jo lajob cajméer~ e laco' jo' 'ní' néeng' rú'naa' . 16 Jogui la'eáang' e cajúñg~ Dsea' Jmáang~ fí dse` crúu^ cuaiñ~ quí~ii', joba' juguiá~ júu^ røøb` nisee~naa' cóo'~ Fidiée~ lana laji' tú~ íng'~naa', dsea' ca'ní' néeng' rú'naa', jo cajméer~ e lafa' jaam` dsea' ca'uíng~naa' . 17 Jo Dsea' Jmáang~ cajar~ cajaguiar~ júu^ jial niliseeng` dsea' juguiá~ júu^ røøb` cóo'~ Fidiée~ laco'gui 'nú', dsea' ja` lamí~ cuíng'na' Fidiée~, cóo'~gui jnea'^, dsea' lí'naa' dsea' Israel i cuíng' Fidiée~ latí' mi~ uíing~ . 18 Co' la'eáang' cóo'~ e cangongíng~ Dsea' Jmáang~ fí dse` crúu^ cuaiñ~ quí~ii', joba' lajaang` lajaang` jneaa~aa', dsea' lí'í' dsea' Israel osi o' lajo é, nicuøøm` sii~naa' cóo'~ Tiquí'ii' Fidiée~ la'eáang' e jmicóo'~ jneaa~aa' e Jmiguí' quia'r~ 'ñia'r' do .

19 Joba' lanagui, røøb` ni'í' dsi'naa' laji' tú~ íng'~naa' do, co' dsea' quia'~ Fidiéeb~ nilí'í' ; jogui lana lafa' coob` fií' nilí'í' laji' tú~ íng'~naa' . Co' lanagui laco' coob` fií' nisee~naa' cóo'~ dsea' do, jo laco' dsea' sinúu^ quia'~ Fidiéeb~ nilí'í'naa' lana . 20 Jo jaléng' jneaa~aa', dsea' lí'naa' dsea' quia'~ Fidiée~, lí'naa' lafa' coo' 'núu' . Jo lafa' tíi~ fií' quia'~ e 'núu' do lí' jnea'^, dsea' lí'naa' dsea' apóo^ quia'~ Dsea' Jmáang~ cóo'~gui i dsea' i jmóo' ta~ fé' cuaiñ~ quia'~ Fidiée~ cajo . Jogui 'ñia' Dsea' Jmáang~ líiñ' lafa' e cuiteá^ la'uii~ e dsée' quia'~ quiúung' e 'núu' do . 21 Jogui lajaang` lajaang` jneaa~aa', dsea' quia'~ Dsea' Jmáang~, lí'naa' lafa' cuiteá^ e ngóo' só røøb` quia'~ e 'núu' do la'eáang' cóo'~ Dsea' Jmáang~ cartí' ni'uii~naa' coo' 'núu' güeang'^ quia'~ Fidiée~ . 22 Jo 'nú', dsea' quia'~ Dsea' Jmáang~ nilíng'na' colíng~ cóo'~ jaléng' jnea'^, jo ngóo' uíng~na' laco'gui ngóo' uíng~ e 'núu' quia'~ Fidiée~ do . Jogui jee~ jaléng' jneaa~aa' seem` Fidiée~ la'eáang' cóo'~ Jmiguí' quia'r~ .

3

Mí~ cagua' Paa~ júu^ quia'~ Dsea' Jmáang~ jee~ dsea' i ja` líng' dsea' Israel

1 Jnea~ Paa~, jo sijñn~n fí la lana dsu' uíi~ e guiaa~ júu^ quia'~ Dsea' Jmáang~ jee~ 'nú', dsea' ja` líng'na' dsea' Israel . 2 Co' niñib` 'nú' e eáam' guiúng~ Fidiée~ cóo'~ jnea~ nañí' fa' ja` catín~n, joba' nicacuø'r' jnea~ e ta~ la e laco' ni'uíng~ guiá~ quí~na' . 3 Dsaco' Fidiée~ cajméer~ e ñii~ jalé' e cali'iiñ~ e nilinee'~ jéeng'gui e nijmér~ jee~ jaléng' dsea' e ja` mí' ñí' dsea' jéeng'gui . Jogui Fidiée~ nicacuø'r' jnea~ e cali'iii~ lí' laco'gui e nicajméé'~ e capí'^ fí ni~ jì' quie~ e e nicasín~n quí~na' . 4 Jo mi~ ni'í'na' e jì' do, joba' niliñí'na' e niñib` jnea~ lajii'~ e cali'íing~ Fidiée~ jmér~ la'eáang' cóo'~ Dsea' Jmáang~ e ja` mí' ñí' dsea' jéeng'gui . 5 Co' lajii'~ e quia'~ Fidiée~ e ja` mí' cali'ñí' dsea' jéeng'gui do, lanagui nicacuø' Fidiée~ jnea'^, dsea' lí'naa' dsea' apóo^ quia'~ Dsea' Jmáang~, e ngáng'naa' colíng~gui cóo'~ i dsea' quia'r~ i jmóo' ta~ fé' cuaiñ~ quia'r~ cajo . Jo cajméer~ lajo la'eáang' cóo'~ Jmiguí' quia'~ bre . 6 Jo e nab e ja` cali'ñí' dsea' jéeng' do e la'eáang' e já' líng' 'nú' cóo'~gui jaléng'gui dsea' i ja` líng' dsea' Israel e júu^ quia'~ Fidiée~ e quia'~ jial laang` dsea' jee~ dsee~ quia'r~ la'eáang' cóo'~ Dsea' Jmáang~, joba' jaléng' 'nú', dsea' quia'~ Fidiéeb~ nilíng'na' laco'gui jnea'^, dsea' lí'naa' dsea' Israel . Jogui coob` lé' nilí'naa' lajee~ lajalé'naa' do, jogui catím~baa' e ni'íng'~naa' conrøø lajii'~ e sijeeng'naa' quia'~ Fidiée~ lí' laco'gui jii'~ júu^ e nicacuø' Dsea' Jmáang~ jneaa~aa' .

7 Jo co' eáam' guiúng~ Fidiée~ cóo'~ jnea~ nañí' fa' ja` catín~n, joba' cacuø'r' jnea~ ta~ e guiaa~ e júu^ jo . Jogui la'eáang' cóo'~ e laniing~ 'gøiñ' do, joba' nicuøøm` jmee~ e ta~ jo .

8 Jo jnea~ ja` catín~n jii'~ capí'^ e ni'íin'~n e ta~ jo jee~ jaléng' dsea' quia'~ Fidiée~ . Dsu' la'eáang' e guiúm~ Fidiée~ cóo'~ jnea~ e jii'~ ja` catín~n, joba' cacuø'r' jnea~ ta~ e guiaa~ júu^ quia'~ Dsea' Jmáang~ jee~ jaléng' dsea' i ja` líng' dsea' Israel, jalé' e jlo' nigoo' e 'gøng' eáang' quia'~ Fí'naa' Dsea' Jmáang~ e jii'~ ja` quí'~naa' jmí~ ningáng'naa' jial lí' .

9 Jogui nicacuø' Fidiée~ jnea~ cajo e nijmee~ e e niliñí' dsea' lajii'~ e cali'iiñ~ jmér~ jee~ 'nú', lí' lajaléng' 'nú', dsea' ja` líng'na' dsea' Israel, e ja` mí' ñí' dsea' lajii'~ mali', co' ja`

mí cajmijnéeng` dsea` do e jo. Jo íb` dsea` cajméer` jalé` e sea` fí` la`úng` fí` jmigüü. ¹⁰ Jo uúí` e nilíí` cōo` `lé` la`ó` jneaa`aa', dsea` líí` dsea` quiá` Dsea` Jmáang`, joba` lanagui jaléng` i` quiá` jmíi` i` quiá` ta` fí` guiá` gūi` cōo` gui jaléng` dsea` mogui` i` quiá` ta` fí` jo cajo niliñir` e jmiguiá` íim` tíi` tñing` Fidié` jmóor` lí` laco`gui jíi` guiá` e guiar`. ¹¹ Jo Fidié`bing` cajméé` jalé` e jo lí` laco` í` dsíir` malíi`gui eáang` e nijmér`, lajíi` mí` nú`gui e nitiroo` jmigüü. Jo e jo caliti` quiá` Fidié` la'eáang` cōo` Fíi`naa' Dsea` Jmáang`. ¹² Jo cōo` dsea` quiá` Dsea` Jmáang` nilíi`naa', jogui la'eáang` e nicajáang` yee`naa' fí` jaguór`, joba` nicuóom` síi`naa' cōo` Fidié`, jogui nisita` dsíi`naa' cajo e dseáng` ninú`bre júu`quí`ii'. ¹³ Joba' mii` i` 'nú` e ja` jmitúng` óo`na' uii` quiá` jalé` iihuí` e íing` jnea` uíi` 'nú`, dsu` íin`n e iihuí` la e lí` laco` nidsijéé` guiá` qui`na'.

Mi` camí` Paa` Fidié` uii` quiá` dsea` seeng` fí` Éfeso

¹⁴ Jo uii` quiá` jalé` e jo nisi`i uó` jnii` fí` quini` Tiquí`ii' Fidié`. ¹⁵ Jo íbing` líng` Tiquiá` jaléng` dsea` jmigüü cōo`gui jaléng` dsea` i` nineáang` fí` ñíí`. ¹⁶ Jogui mii` i` Tiquí`ii' Fidié` e la'eáang` cōo` Jmiguí` quiá`r` nicuóor` 'nú` gūea` 'gøng` quiá`r` e laco` nijmicōo` qui`na', cōo` jíi` íb` dsea` i` sea` quiá` jalé` e jlo` jogui niguo` e jíi` ja` tōo` jmíi` niguiá`. ¹⁷ Jo mí`bíi` e contøng` guing` áa`na' Dsea` Jmáang` la'eáang` e nicajáang` yaang`na' fí` jaguór`. Jo mí`bíi` cajo e la'eáang` e eám` 'neáang` Fidié` 'nú', joba' 'nú` eám` nili`neáang`na' dsea` do cajo, jo ja` jmitúng` áa`na' lajíi` fí` niteáang`na'. ¹⁸ Jo mí`bíi` cajo e ningáng` 'nú` røø` colíng` cōo` jaléng`gui jnea`, dsea` líí` dsea` quiá` Dsea` Jmáang`, jial` tíi` laniing` e 'neáang` Dsea` Jmáang` jneaa`aa'. ¹⁹ Jo mí`bíi` Tiquí`naa' cajo e niliñi`gui` dseáng` røø` jial` tíi` laniing` 'neáang` Dsea` Jmáang` 'nú', nañi` fa' jíi` jaang` dsea` ja` qui`r` jmíi` dseáng` e ningáiñ`. Cōo` song` niñi`ba' lajo, joba' seab` la dsíing` qui`na' laco`gui la dsíing` e sea` quiá` Fidié` 'ñia`r`.

²⁰ Jo güilífém` Fíi`naa' Fidié`, i` dsea` i` tñing` jmóo` e jmiguiá`gui laco`gui jíi` e í` dsíi`naa' osi e mii`naa`r` é, jo e jo jmóor` la'eáang` cōo` bí` quiá`r` e jmicōo` jneaa`aa' quiá` jalé` e jmoo`naa' do. ²¹ Jo majmifém`baa' Fidié` contøng` jogui lata` jaléng` jneaa`aa', dsea` líi`naa' dsea` quiá` Dsea` Jmáang`.

Jo lajob` nilí`.

4

Dsea` quiá` Dsea` Jmáang` líiñ` lafa` jaam` dsea` lajee` la`ó` rúñ`

¹ Jnea` Paa`, jo sijñán`n uíi` e guiaa` júu` quiá` Dsea` Jmáang` jee` 'nú', dsea` ja` líng`na' dsea` Israel. Jo mii` i` 'nú` e güiliseem`ba' laco` síí` e seeng` dsea` i` cató` Fidié` i` ni`uíng` dsea` quiá`r` lí` laco`gui nicató`r` 'nú` e ca`uíng`na' lajo. ² Jo ja` jmicøng` yaang`na' jee` jaléng` dsea` rúng`na', jogui ee`ba' guiá` jee` ír`, jogui ja` jmoo`na' guíng`na' cōo`r`, jogui jmee`ba' féng` áa`na' la`ó` rúng`na' e 'neáang` rúng`na'. ³ Jo cōo` juguiá` júu` røøb` niseeng` 'nú` la`ó` 'nú', dsea` líng`na' dsea` quiá` Dsea` Jmáang`, la'eáang` cōo` Jmiguí` quiá` Fidié`, joba' jmi`úung`na' e seeng`gui` lajo. ⁴ Jo cōo`b` `lé` nilíí` la`ó` jneaa`aa', dsea` líí` dsea` quiá` Dsea` Jmáang`, jogui dseáng` lajíi` Jmiguí` quiá` Fidié`ba' seeng`jee` jneaa`aa', jogui ca`íim` e guiá` e sijeeng`naa' e nilisee`naa' cøng` cōo` Fidié` lata`. ⁵ Jo jaam` Fíi`naa' Dsea` Jmáang` i` seeng`, jogui jíi` júu` quiá` dsea` íba' nijá` líi`naa', jo uíi` joba' cajgáang`naa' jmíi`. ⁶ Jo jaam` Fidié` i` seeng`, jo íbing` líng` Tiquiá` lajaang` lajaang` jneaa`aa', dsea` líí` dsea` quiá`r`; jogui íbi` cajo i` líng` Fii` quiá` lajíi`naa' la`ó` jneaa`aa'; jogui jmáiñ` ta` jneaa`aa' e laco` nijmé`naa' lajíi` e iíñ` 'ñia`r`, jogui seeíñ` cōo` jneaa`aa' lajíi`naa' cajo.

⁷ Jo Dsea` Jmáang` cacuø`r` jneaa`aa' lajaang` lajaang`naa' lajíi` ta` e síí`ii' nijmó`oo' quiá`r` lí` laco`gui nicali`iíñ` e cuø`r` jaléng` dsea` quiá`r`. ⁸ Joba' fé` fí` ni` jì` quiá` Fidié` cuaiñ` quiá` e na e nidsijéé` cōo` Dsea` Jmáang` jo fé`:
Jo cajgóo`bre fí` yú` jmigüü e jéeíñ` jaléng` dsea` i` calí`r`,

jogui cacuø'r dsea` quiá'r e tñiñ` lajii~ e si'í` nicuø'r dsea` do.

9 Jo ce~ guøng` e nisør` fí` yú` do? Co' guøng` e la'uii~ nijgiáaiñ` fí` jmigüi` la cartí` fí` ná' uø~. 10 Jo Dsea` Jmáam~ i dsea` i cajgáng~ do, jo í'bi cajo i cangáng`-tu cartí` yú`gui li~ niniing~gui eáang` e laco' íb` nilíng~ Fii~ quiá'- lajalé'. 11 Jo í'bre dsea` cacuø'r` jaléng` jneaa~aa', dsea` lí'íi' dsea` quiá'r~, lajii~ e si'í` nicuø'r~. Jo cacuø'r` e i líng~ jnea'` jmoo~naa' ta~ ni' júu` quiá'- Dsea` Jmáang~, jogui e i líng~gui jneaa~aa' jmoo~naa' ta~ fé' cuaiñ~ quiá'- Fidié~, jogui e i líng~gui jmoo` ta~ guiá' júu` quiá'- jial laang` dsea` jee~ dsee~ quiá'r~, jogui e i líng~gui jmoo` ta~ quie' nifi' quiá'- ta~ quiá'- Fidié~ jogui jmoo`bir ta~ e júu` quiá'- dsea` do cajo. 12 Jo lajob` caguiéng` Dsea` Jmáang~ guiá~ jaléng` jneaa~aa', dsea` lí'íi' dsea` quiá'r~, e laco' nijmicóo~naa' dsea` rú'naa' laco' catíng~, jo lajob` nicuøø~ bí` rú'naa' la'ó' jneaa~aa', dsea` nilí'naa' dsea` quiá'- Dsea` Jmáang~. 13 Jo lajob` 'né` jmó'guí' cartí` conrøøb` nijá'- lí'naa' júu` quiá'- Dsea` Jmáang~ jogui conrøøb` nilicuíng`naa' dsea` do i líng` Jóo' Fidié~, jo lajob` nili~naa' dsea` quiá'- Dsea` Jmáang~ i niráang` cartí` nilié' qui~naa' laco'gui dsea` do 'ñia'r'.

14 Jo lajob` jo` nilí'guí' laco'gui líng` jaang` jiuung~ i lajmináb~ jmisiing~ jalé' e í` dsír' lí' laco'gui coo` móo' fí` ni' jmi~ e dsée' lí' doñi' jié' fí` li' í' gui'. Co' i jiuung~ do lajmináb~ naaiñ` e jmitir` lí' doñi' ee` júu` 'má' cartí` nilí` e nijmigøøng` dsea` ír', fa' jaléng` dsea` i nitíng` jmigøøng` dsea` rúng'. 15 Dsu' guiá~gui e sii~naa' jmang~- júu` já', jogui e nijmi'neáang` rú'naa' dsea` lí'íi' dsea` quiá'- Fidié~, jo lajoba' nidsicuáng`gui qui~ii' dseáng~- cartí` ni'ee~naa' laco'gui la ée` Dsea` Jmáang~ 'ñia'r'; co' íb` dsea` líiñ` lafa' mogui~ quiá'- jalé'naa', dsea` lí'íi' dsea` quiá'r~. 16 Jo jaléng` jneaa~aa', dsea` lí'íi' dsea` quiá'- Dsea` Jmáang~, lí'íi' lafa' coob` ngúu` táang`naa' coo'~ dsea` do; jo dsea` íb` dsea` líiñ` lafa' mogui~ quiá'- lajii~naa', dsea` lí'íi' dsea` quiá'r~. Jo dsea` í'bi cajo dsea` cacuø'r` jneaa~aa' coo` ta~ lajaang` lajaang`naa', dsea` lí'íi' dsea` quiá'r~; joba' mi~ guiáb~ jmoo~naa' e ta~ jo e jmi'neáang`naa' dsea` rú'naa', joba' colíim~ dsicuáng` e ee~naa' guiá~ lajii~naa'.

Jial seeng` dsea` la'eáang` cóo'~ Dsea` Jmáang~

17 Jo e lab` fii~guí' 'nú', dsea` rú'naa', la'eáang` cóo'~ júu` quiá'- Dsea` Jmáang~, e jo` güiliseeng`gui laco'gui la seeng` dsea` góona' i ja` cúing` Fidié~. Co' i dsea` í` seeiñ` e í` dsír' jmang~- jalé' e ja` ta~ íim~, 18 jo lí' lafa' naab` dsír', co' dsíng~- ja` lí'r` ni'í' dsír' røø; jo ja` íiñ` lajii~ e cuø' Fidié~ jaléng` jneaa~aa', dsea` lí'íi' dsea` quiá'r~, uí' e ja` iñ~ e nilicuíiñ` dsea` do, co' eáam` ue' dsír'. 19 Jo jii~ ja` lí'r` i' líiñ~ e cuø' fí` yaaiñ` e jmóor` jalé' e 'li', jo dseáng~- ja` quie' íb` jmóor` jalé' e 'li' e tñiñ` jmóor` do.

20 Dsu' 'nú'gui, dsea` cúing`na' Dsea` Jmáang~, ja` calicuíng`na' dsea` do e laco' ni~jmée`na' jalé' e 'li' lajo. 21 Co' dseáng~- já'ba' nicanúu~na' júu` quiá'- dsea` do, jogui líim~ ee` calítíng`na' quiá'r~ jo lajoba' niñi'na' e jmang~- e jáb~- júu` quiá'- Dsea` Jmáang~. 22 Joba' túu`na' jalé' e 'li' e lami~ qui' títíng`na' jmoo`na' do, co' cóo' e jo cajmée` e eáam` caligøng`na'. 23 Jogui jmisiing`na' jalé' e í` óona', jo íi` áana' jmang~- e guiá~. 24 Jogui güiliseeng`na' e nicali'míim~ba' e laco' ni'ee~na' laco'gui la ée` Fidié~ 'ñia'r', jogui jmée`na' jmang` e guiá~, jogui ee~na' røø` laco' si'í` jee~ jaléng` dsea` rúng`na'.

25 Joba' túu`na' e quie`na' júu` e o' já', jo fée'ba' jmang~- júu` e já' cóo'~ dsea` rúng`na', dsuco' lajii~baa' lí'naa' lafa' coo` ngúu` táang`naa' la'ó' jneaa~aa', dsea` lí'íi' dsea` quiá'- Dsea` Jmáang~.

26 Jo song` jmiguíng` áana', ja` cuø' fí` yaang`na' e ni'ee~na' dsee~; jogui jmi'úung`na' e ja` huøø` ee~ e guíng`na' do cajo, 27 jo lajob` ja` cuø'na' fii~ i 'líng` fí' e nijmigøøiñ` 'nú'.

28 Jogui jaléng` 'nú' i lami~ jmoo` íi, quiúum~ba' e jo` jmée`na' lajo, jo jmee~ba' ta~ guiá~ cóo'~ layaang~ guóona' e laco' seab` e cuø'na' jaléng` dsea` i 'né~ quiá'- lajo.

29 Jo ja` cá`na' júu` 'lé', co' dseáng~- lajii~ júu` e guiá~ jogui e íng` ta~ba' 'né~ cá`na' e laco' nijmicóo'~ quiá'- jaléng` dsea` i ninú` e júu` jo jial nidsicuáng`gui quiá'r~ e cuíiñ` Dsea` Jmáang~. 30 Jo ja` jmoo`na' e nilíng` fí'í' Jmiguí` quiá'- Fidié~, co' í'bing' seeng` cóo'~

'nú' e laco' cuø' li~ quíi~ na' e nilíng~ na' dsea` silaang~ mi~ nití~ í' e nileáng~ Fidiée~ jaléng' dsea` quiá'r~ laco' si'í'.

³¹ Jogui túu'na' jalé' e 'ní' áa'na' cóo'~gui jalé' e guíng~na' quiá'~ rúng'na' cóo'~gui jalé' e jüing~na', jogui ja' fo'na' júu' 'lé' quiá'~ rúng'na', lí' lajalé' e 'lí' e jié'gui é. ³² Jo ee~ba' jmang'~ e guiá~ cóo'~ jaléng' dsea` rúng'na', jogui jmee~ba' fi' líng~na' jaléng' dsea` rúng'na', jogui íng'na' dsee~ quiá'~ dsea` rúng'na' lí' laco'gui la jmóo' Fidiée~ e íiñ~ dsee~ quíi~ 'nú' la'eáang' cóo'~ Dsea` Jmáang~.

5

Jial 'né~ seeng' dsea` quiá'~ Dsea` Jmáang~

¹ Jo co' 'nú' líng'na' jóo' Fidiée~ i iññ' eáang', joba' jmi'úung'na' e ni'ee~na' laco' 'ñia' dsea` do. ² Jo güiliseem~ba' e jmi'neáang'na' jaléng' dsea` rúng'na' lí' laco'gui Dsea` Jmáang~ jmi'neáañ' jneaa~aa' jogui cajáng' 'ñia'r' e cajúñ' fi' dse' crúu' uíi' jneaa~aa'; jo e cajúñ' do lí' lafa' coo' e jmeafñ' jlo' e catíng~ Fidiée~.

³ Jo co' dsea` quiá'~ Fidiée~ líng' 'nú', joba' jüi' ja' cuøøng' í' óo'na' fa' e siing~na' cóo'~ dseañu' osi dseam' i o' quíi~ na' é, o'gui e í' óo'na' jalé' e 'lí' e jié'gui cajo, o'gui suung'na' lí' doñí' ee'. ⁴ Jo ja' fo'na' júu' 'lí' o'gui júu' 'í' o'gui júu' ga' e ja' uíng~ sea', co' ja' catíng~ jmée' 'nú' lajo; co' guiá~gui quíi~ na' e jmiféng'na' Fidiée~. ⁵ Jogui güilita~ óo'na' cajo e lí' doñí' i dsea` i 'lé' e güiññ' cóo'~ dsea` i o' quiá'r~, osi jmóor' e 'lí' e jié'gui é, osi suuiñ' lí' doñí' ee', joba' i dsea` í' ja' quíi'~ jmi' e Dsea` Jmáang~ cóo'~gui Fidiée~ nicá' nifi' quiá'r~. Co' i dsea` i suung' lí' doñí' ee' do, joba' lí' e lafa' e job' jmiféñ'. ⁶ Jo ja' cuø' fi' yaang~na' e jüi' jaang' dsea` nijmígøoiñ' 'nú' cóo'~ jalé' júu' e ja' íng' ta'. Dsaco' uii' quiá'~ jalé' e 'lí' e nicafá' a na, joba' cuø' Fidiée~ iihu' eáang' jaléng' dsea` i ja' núu'~ lajüi' júu' quiá'r~. ⁷ Joba' ja' quíng'na' jee~ jaléng' i dsea` i jmóo' lajo.

⁸ Dsu' 'nú', lamí~ jéeng'gui, fi' lí' nuub' seeng'na'; dsu' lanagui, co' nilíng'na' lafa' jaam' dsea` cóo'~ Dsea` Jmáang~, joba' fi' lí' jneáb' niseeng'na'. Joba' güiliseem~ba' laco'gui i dsea` i seeng' fi' lí' jneá'. ⁹ Jo mi' seeng' dsea` fi' lí' jneá', joba' jmang'~ e guiá~ jmóor' cóo'~ dsea` rúññ', jogui éer' røø' cóo'~ dsea` do cajo, jogui jmang'~ júu' jáb'~ quier'. ¹⁰ Jo fi' guí' 'nú', jmi'úung'na' e güiliseem~ba' laco' la íaang' dsí' Fí'naa' Dsea` Jmáang~. ¹¹ Jo ja' sicøøng' yaang~na' e jmée'na' jalé' e ja' ta' íng' laco'gui la jmóo' dsea` i seeng' fi' lí' nuu'; co' guiá~gui e nifi'na're e ja' dseeng' jalé' e jmóor' do. ¹² Dsaco' lí' lí' lám~baa' e lico' fé' b'í' uii' quiá'~ jalé' e 'lí' e jmóo' i dsea' la' í' fi' lí' ñng'. ¹³ Dsu' mi' nifi'na're e ja' dseeng' jalé' e jmóor' do, joba' cajneáb~ niing~ jalé' e jo, jo lajoba' nililí' jaléng' dsea` jial lí' jalé' e jmóo' dsea` í' ¹⁴ lí' laco'gui e júu' la:

Jmijnée' a', 'nu' dsea` lafa' güññ' uíi'~ dsee~ quíi'~,

jo güijí' tu' la'eáang' cóo'~ Dsea` Jmáang~;

jo lajoba' dsea` do nijmér~ e niliseen' fi' lí' jneá' jir~.

¹⁵ Jo fi' guí' 'nú', dsea` rú'naa', ñiing~ áa'na' jial ni'ee~na' jmang'~ e guiá~, jo ja' güiliseeng'na' e jmoo'na' jalé' e ja' uíng~ sea', co' lí' lí' 'né' í' áa'na' laco' catíng~ cóo'~ jalé' e jmoo'na' do. ¹⁶ Jogui jmi'úung'na' e ee~na' guiá~ contøøng~ cóo'~ jaléng' dsea` rúng'na', co' eáam' ga' nijmóo' dsea` lajee~ lana. ¹⁷ Jo ja' jmoo'na' jüi' coo' e ja' mí' ca'í' áa'na' røø' laco' catíng~, co' 'né' jmi'úung'na' e ningám'ba' lajüi' e iing~ Fí'naa' Fidiée~ e nijmée'na'. ¹⁸ Jogui ja' jmée'na' jmang'~ ta' í', co' fi' gab' cá' jaléng' dsea` i jmóo' lajo; co' guiá~gui e jüi' Jmiguí' quiá'~ Fidiée~ nicá' nifi' quíi~ na'. ¹⁹ Jogui mi' føng' rúng' 'nú' la'ó' líng'na' dsea` quiá'~ Dsea` Jmáang~, féeng'~ rúng'na' cóo'~ jalé' júu' quiá'~ Fidiée~ e toø' fi' ni' jì' salmos jogui cóo'~ jalé' júu' e ø' dsea` quiá'~ Fidiée~ cajo cóo'~gui jalé' júu' e cuø' Jmiguí' quiá'~ Fidiée~. Lajobi cajo, mi' ø'na' jogui mi' jmiféng'na' Fí'naa' Dsea` Jmáang~, jmee~ba' car' ngocáng' óo'na'. ²⁰ Jogui ja' tiúung'na' e cuø'na' gui'máang' Tiquí'í' Fidiée~ la'eáang' cóo'~ Fí'naa' Dsea` Jmáang~ quiá'~ jalé' e dsingíng~na'.

Jial seeng`dsea`quia`- Dsea`Jmaang`cog`jaleng`dsea`sinu`quia`r`

²¹ Jo jme`na' nu`na' juu` quia`- rung`na' e iaang` aa`na' e laco' cuo' li` e jmi'goo`ba' Dsea`Jmaang`.

²² Jo e laba' fii`i` 'nu'`, jaleng` dseamf, jmi'goo`ba' jaleng` dseanu` quii`na'. Jo song lajob`jmoo`na', joba' nu`ba' juu` quia`- Fii`naa' Dsea`Jmaang`. ²³ Dsaco' dseanu`bing' ling`dsea`mogui` quia`- jaleng`dseamf quia`r` laco'gui Dsea`Jmaang` liin`dsea`mogui` quia`- jaleng`dsea` quia`r`. Jo jaleng` i` dsea` quia`r` do li` lafa' coob`nguu` taa`iñ` cog` dsea` do. Jo dsea`dob dsea` laaiñ` jaleng` dsea` quia`r` jee` dsee` quia`iñ`. ²⁴ Jo jaleng` dseamf`ne` nu`bre juu` quia`- dseanu` quia`r` e iaang` dsir` li` laco'gui jaleng` dsea` quia`- Dsea`Jmaang`ne` jmer` nu`bre juu` quia`- dsea` do cajo.

²⁵ Jo e laba' fii`i` 'nu'`, jaleng` dseanu`, jmi'neang`na' jaleng` dseamf quii`na' laco'gui Dsea`Jmaang` jmi'neaiñ` jaleng` jneaa`aa', dsea`li`naa' dsea` quia`r`, jogui cajang`'nia'r` e cajuiñ` uii` quii` cajo. ²⁶ Jo cajmeer` lajo e laco' ca'uing`naa' dseang` jii` dsea` quia`- Fidié. Jogui cajmeer` e lafa' cajgang`naa' cog` e jmi` e cajgaang`naa' do cog`gui e juu` quia`r` e caguar` do cajo. ²⁷ Jo cajang`'nia` dsea` do e cajuiñ` e laco' nisin` jaleng` jneaa`aa' fi` quinir` laco' jaang` dsea` i` siguing` jogui i` siguiung` fi` quini` dsea` do jogui i` jii` cog` dsee` ja` sea` quia`. ²⁸ Jo jaleng` dseanu`'ne`'neam`bre jaleng` dseamf quia`r` li` laco'gui la`neang` yaaiñ`. Co' i` dsea` i`'neang` dseamf quia`, joba' 'neaiñ` yaaiñ` cajo. ²⁹ Dsaco' ja` seeng` dsea` fa' e ja` to` fiiñ` yaaiñ`, co' li` li` jmoor` i` røb` jogui to` fiiñ` cog` jalé` e 'ne` quia`r`. Jo lajob`jmoo`gui Dsea`Jmaang` cog` jaleng` jneaa`aa', dsea`li` dsea` quia`r`, røb` to` fiiñ` cajo, ³⁰ co' lafa' nguu` taam`bre li` jneaa`aa', dsea`li` dsea` quia`r`. ³¹ Co' lalab fé` fi` ni` ji` quia`- Fidié: "Naam` jaleng` dseanu` quia`- tiquia`r` jogui quia`- niquia`r`, jo dsiliñ` cog` dseamf i` nicung` guo` cog`bre, joba' laji` huaiñ` do ni`uiñ` lafa' jaam` dsea`." ³² Jo e juu` quia`- Fidié` na ja` mi` cangang` dsea` røb` jéeng`gui, dsu` jneagui` fá`a e juu` la lana cuaiñ` quia`- Dsea`Jmaam` coling`gui cog` jaleng` jneaa`aa', dsea`li` dsea` quia`r`. ³³ Jo lajob`li`, lajaang`lajaam`'nu'` dseanung`na', 'ne`'neam`ba' dseamf quii`na' laco'gui`neang`na' yaang`na'; jogui lajobi` jaleng` dseamf`ne` jmi`gob`bre dseanu` quia`r` cajo.

6

¹ Jogui e laba' fii`i` 'nu'`, jaleng` jiuung`, jme`na' nu`na' jalé` ta` quia` tiqui` niqui`na', co' lajob`iing` Fidié` e catiing` nijme`na'. ² Jogui e lab juu` la`uii` e quia` ta` quia`- Fidié` e song jmiti` dsea` e jo, joba' ni`iñ` e nisi`iñ` e nicuø`- Fidié` ir; jo lalab fé` e juu` do: "Jmi'goo` tiqui` cog` niqui`, ³ jo lajoba' niliseen` juguia` jogui niñin` e huøb` seen` fi` jmi`güi`."

⁴ Jogui jaleng`'nu'`, dsea`ling`na' tea, ja` jmoo`na' e niliguing` jaleng` joo`na'; co' guia`gui e jmicuaang`na're e iib`'goo` quia`r` cog` jalé` e e`na're laco'gui`cøng` cog` juu` quia`- Dsea`Jmaang`.

⁵ Jogui lalab fii`i` jaleng`'nu'`, dsea`si`ning` i` jmoo`ta` hu` i` ja`'léeng`, jmee`ba' nu`na' jalé` ta` quia` fii` quii`na'. Jogui jmee`ba' jalé` ta` jo e jmi'goo`ba're jogui e ngocang` oo`na' cajo li` laco'gui catiing` e 'ne` jme`na' cog` Dsea`Jmaang`'nia'r`. ⁶ Jogui jmee`ba' ta` røb` laco' si`i, jo o' jii` mi` ni` fii` quii`na' 'ne` jme`na' ta` e li` laco' nij`na' guia` cog`r`. Jo co' 'nu'` dsea` i` jmoo`lajii` e iing` Fii`naa' Dsea`Jmaam` niling`na', joba' car` ngocang` aa`ba' 'ne` jmiti`na' e ta` do, jo lajoba' iaang` dsii` Fidié` cog` jalé` e jmoo`na' do. ⁷ Jo 'ne` jme`na' e ta` do e iaang` oo`ba' laco'gui catiing` jme`na' mi` jmoo`na' lajii` e iing` Dsea`Jmaang`, jo o' laco' mi` jmoo`na' ta` fi` quini` dsea` jmi`güi`. ⁸ Co' niñib`'nu'` e doñi` ii` dsea`, si dsea`si`ning` i` jmoo`ta` hu` e ja`'léeng` osi o' lajo é, ni`im`bre lajii` e catiñ` e cuo' Fidié` quia`- jalé` e guia` e cajmeer` do.

⁹ Jogui jaleng`'nu'`, dsea`ling`na' fii`, ee`ba' røb` cog` jaleng` dsea`jmoo`ta` quii`na', jo ja` jme`na' soo` aa`na' cog`r`. Jogui téé` oo`na' e jaam` Fii`naa' Fidié` i` seeng` i` guing`

fí ñíff- i quiá' ta~ quiá-na' cóo'gui dsea` i si'ñing` i jmóo` ta~ quiá-na' cajo. Co' fí quini` Fidié` røøb` lí'naa' lajaang` lajaang`naa'.

Jial jmi'ðng` dsea`yaañ~jee` i`ling`^

¹⁰ Jogui lana, dsea` rú'naa', cuøø` bî yaang`na' lajii` fí niteáang`na' la'eáang` cóo' e bî 'gøng` quiá'- Fí'naa' Dsea` Jmáang`, co' dsea` quiá'- dsea` dob niling`na'. ¹¹ Jo jmi'ðng` yaang`na' cóo' jalé' e cangúng`na' e cacuø' Fidié` 'nú' e laco' ja` nicá'na' fí ga` mi` iing` fii` i`ling`^ jmigóøiñ` 'nú', lafa' jaang` 'léé` quie`bre cóo' jalé' e jmi'ðng` 'ñia'r` mi` dséer` jee` 'nií'. ¹² Co' ja` jmoo`naa' ta~ tting` cóo' dsea` jmiguí, co' ta~ tting` cóo' jalé' guí 'li` e eáang` óo` bî e í' fí guiá` güf'ba' jmoo`naa', co' e guí jo quie` nifí jogui silí` jaléng` dsea` fí la fí na. ¹³ Joba' jmeáang`na' ta~ jalé' e cangúng`na' e cacuø' Fidié` 'nú' e nijmi'ðng` yaang`na', jo lajoba' nité'na' cóo' i`ling`^ mi` nití` í' e nijmeáiñ` 'nú' ga`. Joba' mi` cali`na' jalé' e jo, jie` mí tú'na' lajii` fí teáang`na' jóng.

¹⁴ Jo jie` mí tú'na' lajii` fí niteáang`na' e quie`ba' jmang`- júu` já'- quiá'- Fidié`; jo e júu` já'- na lí' lafa' coo` lo'ñúu` tu' e 'ñúu` teá' tu' jaang` 'léé`. Jogui ee`ba' røø` fí quini` Fidié` contøøng`; jo e na lí' lafa' coo` 'mi'qui'` ñí` quiá'- jaang` 'léé` cóo' e jmi'ðiñ` fí nidsíir` fí jee` 'nií'. ¹⁵ Jogui 'né` néeb` guiá` quiá-na' contøøng` e laco' ni'uøng`na' nigüiguiá'na' júu` quiá'- Dsea` Jmáang` e quiá'- jial seeng` dsea` juguiá` júu` røø` cóo' Fidié`; jo e na lí' laco'gui mi` jaang` 'léé` quieeng` guiá` 'ñia'r` e ni'ø'r` lomíir`. ¹⁶ Jo co' nicajáam` yaang`na' fí jaguó` Dsea` Jmáang`, joba' quí'ba' jmi` nijmi'ðng` yaang`na' jee` jalé' e ga` e iing` fii` i`ling`^ nijmeáiñ` 'nú'; jo e na lí' laco'gui mi` jaang` 'léé` quie`bre cóo' e nijmi'ðng` 'ñia'r` jee` ñisü`. ¹⁷ Jo nisilaam`ba' jee` dsee` quiá-na'; jo e na lí' laco'gui coo` logui` ñí` quiá-na' cóo' e jmi'ðng`na' moguí'na'. Jogui jmeáam`ba' ta~ e júu` quiá'- Fidié` e nica'ling`na' do e cacuø' Jmiguí quiá'r`; jo e júu` na lí' laco'gui coo` ñisü` e eáang` dsea` jee` 'nií'. ¹⁸ Jo lajee` jo, ja` tiúung`na' e føng`na' Fidié` jogui mí'na' dsea` do contøøng` la'eáang` cóo' Jmiguí quiá'r` e nijmicóo'r` 'nú'. Jo contøøm` 'né` e ñiing` áa'na' e ja` nilitúng` óo'na' e mí'na' Fidié` uii` quiá'- lajiiing` dsea` quiá'r`.

¹⁹ Jogui mí'na' Fidié` uii` quie` jnea` cajo, e nicuø'r` jnea` e ñi'baa` e júu` niguiaa` jee` dsea` e ja` 'gó'o` e laco' niliñí` dsea` júu` quiá'- Dsea` Jmáang` e quiá'- jial laang` dsea` jee` dsee` quiá'r` e ja` mí caliñir` lamí` jéeng`gui. ²⁰ Co' Fidié` castiñ` jnea` fí la e laco' niguiaa` júu` quiá'- jial laang` dsea` jee` dsee` quiá'r`, jo uing` e joba' e sijnín`n lana. Jo mí'guí` Fidié` uii` quie` e e laco' nifá'a` e júu` jo jee` jaléng` dsea` e ja` 'gó'o` jii` capí'.

Júu` guicóo` lí` cadséng` quiá'- Paa`

²¹ Jo Tíquico líiñ` jaang` dsea` quiá'- Fidié` i`neáang`naa' eáang` jogui i`ée` ta~ røø` cóo' jalé' ta~ quiá'- Fidié`. Jo dsea` íb` nicár` júu` fí na jial seen` jogui jalé' e jmóo`o` fí la cajo. ²² Jo uing` lajoba' nisín`nre fí na e laco' nijmeár` 'nú' júu` jial see`naa' fí la, jo lajoba' nicuø'r` 'nú' bî e laco' ja`gui líng`na' fí'í` uí' jnea`.

²³ Jo mí' i` Tiquí'naa' Fidié` cóo'gui Fí'naa' Dsea` Jmáang` e nijmér` e niliseeng` 'nú', dsea` líng`na' dsea` quiá'r`, juguiá` júu` røø`, jogui e nijmi'neáang` rúng`na' la'eáang` e nicajáang` yaang`na' fí jaguó` dsea` do. ²⁴ Jo mí' i` Fidié` e güi'f'bre güea` quiá'r` jee` jaléng` dsea` quiá'r` i`neáang` Fí'naa' Dsea` Jmáang` contøøng` jogui lata`.

Jo lanab` jii` fé' jii` quiá'- Paa` e catúng` jaléng` dsea` quiá'- Dsea` Jmáang` i` seeng` fí Éfeso.

Júu^ e toq̃ fí ni~ jì quiá'- Paa- e catíng- dsea` seeng` fí FILIPOS

¹ Jnea~ Paa- cóq̃ Timoteo lí'naa' dsea` i jmóo` lajii~ e iing~ Dsea` Jmáang-. Jogui lana guiéeng'-naa' júu^ guicóq̃ quií-na', dsea` quiá'- Fidié~ i neáang' fí na fí Filipos i líng' lafa' jaam` dsea` cóq̃ Dsea` Jmáang-. Jogui lajobi guiéeng'-naa' júu^ guicóq̃ quiá'- jaléng' dsea` mogui~ i quiu' ta~ jee~ 'nú' cóq̃ gui jaléng' i jmicóq̃ gui quiá'r- cajo. ² Jo mí' i Tiquí'naa' Fidié~ cóq̃ gui Fí'naa' Dsea` Jmáang- e ni'ir- güea^ quiá'r- jee~ 'nú' jogui e nicuó'r- 'nú' e seeng'na' juguiá- júu^ røø`.

Mi~ caféng' Paa- Fidié~ uí' quiá'- dsea` seeng` fí Filipos

³ Jo lacq̃` née~ mi~ dséng' dsii- 'nú', cuøø-ø gui'máang' Fidié~ uii~ quií-na'. ⁴ Jogui lacq̃` née~ mi~ fón'n Fidié~ uii~ quií-na' lajaléng'na', jmóo`o e íaang` dsí'baa, ⁵ co' eám' cajmicóq̃` rú'naa' e guia'naa' júu^ quiá'- Dsea` Jmáang- jii~ ie~ latí mi~ caneeng- rú'naa' jo cartí jmi~ na. ⁶ Jo tab~ dsii- e Fidié~bing' i canaang` jmóo` jalé' e guiá- jee~ jaléng' 'nú', jogui íb' cajo i nijmé-gui lajo cartí niteaíñ' e ta~ jo ie~ mi~ nití- í' e nigüéeng-tu Dsea` Jmáang- fí jmigüí la. ⁷ Jo dseáng'- lajob catíng- e í dsii- uii~ quií-na' lajaléng'na', co' eám' 'neáan`n 'nú' jogui røøb` nica'íng'-naa' jalé' e guiá- e cuø' Fidié~ jneaa~aa', nañí' fa' iuun- sijnín`n fí dsí' 'nuñí' osi e niguién'-n fí quini` dseata- é, e jmi'ø'ø osi jmitaa` dsí' dsea` e júu^ quiá'- jial laang` dsea` jee~ jalé' dsee- quiá'r-. ⁸ Jo Fidiéeb` dsea` ñir' jial tí' e iin`n nimáan`n lajaléng' 'nú' lí' lacq̃` jii~ e cuø' Dsea` Jmáang- jnea~ e nijmi'neáan`n 'nú'.

⁹ Jo mí' i Fidié~ e eáang'gui nidsicuáng` e jmi'neáang` rúng'na', jogui e nicuó'-guir 'nú' e nilijmí'na' jogui e ningáng'na' ¹⁰ e lacq̃` lí'na' guí'na' contøøng- lajalé' e guiá-. Jo lajob quí'na' jmi~ e seeng'na' e ee-na' guiá- e lacq̃` ja` nilisea` dsee- quií-na' mi~ nití- jmi~ e nigüéeng-tu Dsea` Jmáang- fí jmigüí la. ¹¹ Jo ie~ jo jaléng' 'nú' nijáa~na' júu^ cuaiñ` quiá'- jalé' e guiá- e cajmee'na' la'eáang` cóq̃ Dsea` Jmáang- e lacq̃` nijmi'goo'na' Fidié~ jogui nijmiféng'na' dsea` do.

Seen- fí jmigüí' la e jmóo`o lajii~ e iing~ Dsea` Jmáang-

¹² Jo jnea~ iin`n e niliñí' 'nú', dsea` rú'naa', e jalé' e nicangongín`n fí la dseáng'- eám' nicalí'íng` ta~ e lacq̃` nini'^gui júu^ quiá'- jial laang` dsea` jee~ jalé' dsee- quiá'r-. ¹³ Co' jaléng' dsea` i jmóo` ta~ fí 'núu' lí' guíng~ dseata~ dsea` féng' quiá'- dsea` romano cóq̃ jaléng'gui dsea` caguaang-, guiáb- ñir' e sijnín`n fí dsí' 'nuñí' dsu' uí' e lán`n dsea` quiá'- Dsea` Jmáang-. ¹⁴ Jogui mi~ caliñí' jaléng' dsea` rú'naa' dsea` quiá'- Dsea` Jmáang- e sijnín`n fí la, joba' e jie~ ja' lajalém' dsea` do eáang'gui nicagua' dsíir' e ni'r' júu^ quiá'- Dsea` Jmáang-, jogui dseáng'- ja' 'gó'bre jmóor' lajo.

¹⁵ Jo e jáb'-, i líng` i dsea` í guiar' júu^ quiá'- Dsea` Jmáang- dsu' e dsihuím`bre osi e 'ní' ní-bre é, jo dsu' i líng`gui jmóor' e ta~ jo e guiá- dsí'bre. ¹⁶ Jogui i líng` i dsea` í jmóor' e ta~ jo e ngocáng` dsí'bre co' eám' 'neáaiñ` Fidié~, co' ñi'bre e uíng~ e iuung- jnea~ fí la e lacq̃` jmi'ón`n júu^ quiá'- Dsea` Jmáang-; ¹⁷ jo dsu' i líng` i dsea` í guiar' júu^ quiá'- Dsea` Jmáang- e lí' lacq̃` nijmeáng- quiá'r- yaam~bre, jogui ja` jmóor' e ngocáng` dsíir' e ta~ jo, co' licq̃` iñ` e ni'meáang'guir jnea~ lí' iuun- fí dsí' 'nuñí' la. ¹⁸ Jo dsu' ja' e cuaiñ` quié- e jialco' guia' dsea` e júu^ jo, si e ngocáng` dsíir' osi o' lajo é; co' jmi'íáam` dsí' jnea~ dsu' e guia' dsea` júu^ quiá'- Dsea` Jmáang-.

Jo eám'bi nili'íáang` dsii-, ¹⁹ co' ñi'baa e nileám`baa lí' iuun- la, co' jaléng' 'nú' mí'ba' Fidié~ uii~ quié- e, jogui jmicóq̃`bi Jmiguí quiá'- Dsea` Jmáang- jnea~ cajo. ²⁰ Jo dsu' eám' iin`n jogui eám' sijeñ` e ja` nicuó'- Fidié~ fí e nicaa~ fí'í', co' lí' lí' eáang'gui sijeñ` e teá' dsii- e guíaa- júu^ fí quini` jaléng' dsea`, jo lajob nijmi'goo- Dsea` Jmáang-

e ngocáng` dsii` jò ja` e líí` e seen` osi e júun` n é. ²¹ Co' jnea` seen` fí` jmigüí` la e jmóo` ò lajüí` e iing` Dsea` Jmáang` ; jogui song júun` n, jòba' guiá` guib ni`uúing` quié` e jóng. ²² Jò dsu' song seeng` guí` fí` jmigüí` la, nilí` bñi` jmee` e ta` e laco' nilifíng` gui dsea` quiá` - Dsea` Jmáang` ; jòba' ja` ñii` e` niguií` i, su e seeng` guí` ofa' e júum` baa é. ²³ Co' huñm` líí` quié` e e niguií` i coo` lajee` e tú` júu` la: ca` líng` e iáang` dsii` e nijúun` n e laco' niní` i coo` - Dsea` Jmáang` fí` jmigüí` coo`, co' lajòba' e eáang` gui nijmeáang` quié` e; ²⁴ jogui e ca` líng` gui do, eáang` gui la guíng` quií` na' e seem` bñi` fí` jmigüí` la. ²⁵ Jò co' nitab` dsii` e seem` bñi` fí` jmigüí` la, jòba' nija` bñi` coo` - 'nú` fí` na e laco' nijmicoo` - bñi` 'nú` e nidsicuáang` gui quií` na' coo` - júu` quiá` - Dsea` Jmáang` , jogui e laco' eáang` gui nili` iáang` óo` na' coo` e júu` e já` - nicalíng` na' do. ²⁶ Jò mi` niguiéng` - túu` fí` jee` - 'nú`, nili` iáang` gui óo` na' uíí` quiá` - jalé` e guiá` e nicajmée` Dsea` Jmáang` coo` - jnea` .

²⁷ Jò jmi` úung` na' e niliseeng` na' røø` laco' cøøng` coo` - júu` quiá` - Dsea` Jmáang` . Jòba' nañi` fa' e gáa` a ga` ee` e 'nú` osi huíí` - bi` táan` n é, dsu' tab` dsii` e teá` teáang` na' coo` - júu` quiá` - Dsea` Jmáang` jogui e dseáng` - conrøø` sñng` na' lajaléng` na' e cuø` - bi` bí` yaang` na' colíng` e laco' nijá` - líng` dsea` júu` quiá` - jial laang` dsea` jee` jalé` dsee` quiá` r` , ²⁸ jogui e ja` føøng` - na' jii` - capi` - jaléng` dsea` i` 'ní` 'nii` quií` na'. Co' e na cuø` lí` quiá` - jaléng` i` dsea` do e ningoliiñ` fí` lí` 'li` , jò dsu' quií` - 'nú` cuø` lí` e niliseem` ba' lata` coo` - Fidiée` , co' lajòb` nisi` í` quiá` - dsea` do. ²⁹ Co' dsea` quiá` - Dsea` Jmáam` líng` 'nú` , jòba' ngíng` na' e já` - líng` na' júu` quiá` r` , jogui ngñm` ba' cajo e nimó` na' iihuñ` dsu' uíí` e nilíng` na' lajò , ³⁰ co' conrøø` 'ní` níng` - dsea` jneaa` aa' lana, jò móob` - 'nú` e lajòb` cajmeáang` dsea` jnea` lamí` jéeng` gui, jogui niñi` - bi` cajo e lajòbi` jmóor` coo` - jnea` latí` lana.

2

Dsea` Jmáang` cajmi` uóng` - ñia` r` jò ca` uíiñ` - jaang` dsea` niing`

¹ Jò teáb` óo` na', dsuco' lafa' jaam` dsea` líng` na' coo` - Dsea` Jmáang` ; jogui ja` fi` lí` líng` na', co' Dsea` Jmáam` - neáang` 'nú` jogui Jmiguí` quiá` r` seem` røø` colíng` coo` - 'nú` ; jogui jmi` neáang` rúng` na', jogui fi` líng` - rúng` na' cajo, ² jòba' jmee` - bi` bí` e laco' jmi` iáang` na' dsii` e seeng` na' colíng` - juguiá` - júu` røø` , jogui neáam` rúng` na' lajñng` na', jogui coo` ba' í` óo` na' lajüí` - fí` teáang` - na'. ³ Jò jie` mí` jmoo` na' jii` - coo` e móo` - na' e jmóo` dsea` rúng` na' dsu' uíí` e 'ní` máang` na' r` osi e jmicøøng` - yaang` na' é, co' lí` lí` 'né` e jmi` uóng` - yaang` na' jogui e jmi` goo` na' dsea` rúng` na' eáang` gui laco' yaang` na'. ⁴ Jò dsu' ja` jmée` na' e lico' 'no` - na' jial ni` uúing` - guiá` - quií` na' yaang` na', co' lajòb` 'né` - 'no` - na' cajo jial ni` uúing` - guiá` - quiá` - jaléng` dsea` rúng` na'.

⁵ Jò íí` óo` na' røø` lajüí` - fí` teáang` - na' lí` - laco' gui cajmée` Dsea` Jmáang` .

⁶ Co' ír` røøb` cøøiñ` coo` - Fidiée` ,

jò dsu' ja` cajmeáang` - ñia` r` fa' e røø` cøøiñ` coo` - dsea` do,

⁷ co' cab` caséer` lajüí` - e si` íiñ` quiá` - Fidiée` ,

jò ca` uíiñ` - e røøb` cøøiñ` laco' jaang` dsea` jmigüí` i` jmóo` ta` fí` quini` dsea` rúng` ,

jò caliséiñ` fí` guoo` - uø` e líiñ` jaang` dsea` jmigüí` .

⁸ Jò dsu' lajee` e ca` uíiñ` lajò , cajmi` uóng` - ñia` r` e ja` cajméer` ta` quiu` r` - ñia` r` , co' lajüí` - ta` quiu` Fidiée` - ba' cajméer` car` cartí` í` e catáiñ` - fí` dse` - crúu` , jò fí` jòb` cajúíñ` .

⁹ Jò uíí` e lajòb` cajméer` , jòba' Fidiée` caseaiñ` - dsea` do yá` - gui, jogui cajméer` e niing` - gui dsea` do lajee` lajalé` jogui lajee` lajaléng` i` seeng` fí` la` úng` - fí` jmigüí` .

¹⁰ Jò cajmée` Fidiée` lajò e laco' mi` ninú` jial tíí` niing` - Jesús, jòba' coo` quiéeb` - nisi` dsea` uø` - jnir` doñi` jié` seem` bre, si fí` jmigüí` coo` - osi fí` jmigüí` la osi fí` lí` teáang` - líí` é,

¹¹ jò nililí` lajñng` dsea` jò nifé` r` e jáb` - e Dsea` Jmáam` líiñ` Fii` i` quiu` ta` fí` la` úng` , jò lajòba' nijmi` gó` lajñng` dsea` Tiquí` - ii` Fidiée` .

Dsea` quíá' Dsea` Jmáang` líiñ' dsea` i lafa' sijing' jee` dsea` jmigüi`

¹² Jo lana, dsea` rú'naa' i iin`n eáang', jo lí' laco' nicajmee`na' núu'na' contøng` júu` quíá' Fidié` e nicafí` i 'nú' lajee` e nicataan`n cóo' 'nú', joba' eáang`gui 'né` jmée`na' núu'na' cajo mi` ja` quiigeáan`n cóo' 'nú'. Jo jmi'goo`na' e ngocáng` óo`na' lajii` e fi` guiá` li` niteáang`na' cóo' Dsea` Jmáang`; ¹³ co' Fidié`bing' i cuø' 'nú' e iing`na' jmée`na' jmang' e guiá`, jogui dsea` íb` cajo i jmicóo' 'nú' e laco' nijmée`na' jalé' e jo lí' laco' e iáang` dsíir' 'ña'r.

¹⁴ Jo jmée`na' lajalé' e jmoo`na' e ja` sée`na' dsee` jogui e ja` jing`na', ¹⁵ jo lajoba' jii` jaang` dsea` niguié'r' jial ni'niñ` 'nú' osi nicuø'r` 'nú' dsee` é. Jo jmiliing` yaang`na' e líng`na' dseáng' joo' Fidié` i ja` si'ling' jee` dsea` jmigüi` i seeng` jmi` na. Co' jaléng' i dsea` seeng` jmi` na eáam' 'liiñ` jogui ja` í dsíir' laco' catíng`. Jo dsu' 'nú' líng`na' dsea` i lafa' sijing' jee` jaléng' dsea` jmigüi` i seeng` fi` li` nuu' lí' laco'gui jing' jaléng' núu' i sitøng' yá' jmigüi` mi` canuu`. ¹⁶ Jo lajob líng`na', joba' ée`na' jaléng' dsea` e júu` quíá' jial niliseeng` dsea` cøng` cóo' Fidié` lata`. Joba' mi` nití` í' e nijáa`tu Dsea` Jmáang` fi' jmigüi` la, eáang`gui nili'íáang` dsii` uii` quí`na', co' ñi'baa e eáam' nicalí'íng` ta` lajii` e ta` huíng' e nicajmé` e jee` 'nú' jogui lajobi lajalé' iihuí' e nicamó`o jee` 'nú' cajo. ¹⁷ Jo nañi' fa' nijáang' 'ña'a e nijúun`n e laco' ni'ie' lajii` e cuø' 'nú' Fidié` uii` e já' líng`na' júu` quíá'r, joba' eáam' nili'íáang` dsii` fíng song calí` lajo lí' laco' nili'íáang` óo' 'nú' cajo. ¹⁸ Jogui lajobi 'nú' nijmi'íáam` áa`na' colíng` cóo' jnea`.

Mi` cajmée` Paa` júu` e niguiéiñ' Timoteo cóo' Epafrodito fi' Filipos

¹⁹ Jo song Fí'naa' Jesús cuø' fi' lajo, joba' lajmináb` iin`n nisín`n Timoteo e nidsi'éer` 'nú' fi' na. Joba' nitíin`n bí` quíe` e mi` ni'íin`n júu` quí`na' e nicóo` dsea` do e quíá' jial seeng`na'. ²⁰ Jo jo` i dsea` seeng`gui quíe` e i jíeng`gui laco' Timoteo i guíing` dsii` dseáng' lajang' uii` quí`na'; ²¹ co' lajalém` dsea` 'nó'r' jmóor` lali` e tí dsíir` yaam`bre, jo ja` 'nó'r' jmóor` jalé' e guiá` e iing` Dsea` Jmáang`. ²² Dsu' niñib` 'nú' jial tí' guiá` nica'éé` Timoteo jogui jial nicajmó`naa' ta` e guia`naa' júu` quíá' Dsea` Jmáang`, co' nicajmicóo'r` jnea` laco' jaang` joo' dsea` mi` jmóor` ta` jmicóo' sejmiir`. ²³ Jo íbing' sijeem` e nisín`n e dsí'er` 'nú' fi' na ladsifi' mi` niliñii` jial ngóo' quíe` e fi' la. ²⁴ Jo sijeem`baa cajo e Fí'naa' Dsea` Jmáang` nicuø'r` jnea` fi' e ngóo`baa 'ña'a e ni'ee` e 'nú' fi' na lajminá`.

²⁵ Jogui lín`n e la guím` 'né` niguiéeng` túu` fi' na i dsea` rú'naa' dsea` quíá' Dsea` Jmáang` i sií` Epafrodito i nicajmée` bí` cóo' jalé' ta` e nicajmé` e colíng` cóo'r, co' íb` dsea` i casíng` 'nú' fi' la e quíá' jmicóo'r` jnea` cóo' jalé' e 'né` e lí` iuun` sijín`n fi' la. ²⁶ Jo i Epafrodito na eáam' ni'íiñ` e niníiñ` 'nú', co' fi' íb` líiñ` dsu' e nicaliñ`na' júu` e calidsée'r` eáang'. ²⁷ Jo e já' e nicalidsée'r` jo jie` ja` mí` cajúum`bre; jo dsu' Fidié` calí` fí` lím`breiñ' do, joba' cajmi'leáam`bre, jo la quíe` tí` jneab` calí` fí` líng` Fidié` cajo cóo' jalé' fi' í' dsii` seen, co' nilifé'gui b' fi' í' quíe` e fíng song cajúuñ`. ²⁸ Joba' niguiém`ba're lajminá` fi' na e laco' nili'íáang` áa`na' mi` nimáang`na'r calé' catú`, jogui jnea` guáa`guijiu` fi' í' quíe` e cajo. ²⁹ Jo mi` niguieng`tur` fi' na, íng`na'r e iáang` óo`na', co' dsea` quíá' Fí'naa' Dsea` Jmáang` líiñ`. Jogui jmi'goo`ba' jaléng' dsea` i ée` laco'gui ée` i dsea` na. ³⁰ Jo jie` ja` mí` cajúum`bre dsu' uii` e jmóor` ta` e nicang`íiñ` quíá' Dsea` Jmáang`. Co' caguia' dsíir` doñi` eé` calím`bre e laco' cajmée'r` ta` jmicóo' jnea` uii` e 'nú' ja` dsitíng` quí`na' jmée`na' lajo.

3

Jii' coo` e quíng`gui eáang' e laco' e licuíng`gu# Dsea` Jmáang`

¹ Jogui lana, dsea` rú'naa', jmi'íáang`gui óo`na' uii` e líng`na' dsea` quíá' Fí'naa' Dsea` Jmáang`.

Jo dsu' ja` e 'ní' tñn`n jnea` e fí` túu` 'nú' calé' catú` e fi' ni` jì` la lajii` e nicafí` i 'nú' lamí` jéeng`gui, co' e júu` la eáam' nili'íng` ta` quí`na'. ² Jo jmeáang` í` yaang`na' quíá'

jaléng' i 'ná^ dsinóó i ja' ée ta' røø jogui too' li' fí ngúú táaiñ. ³ Jo dsu' jneaa~aab' dsea' lí'naa' i dseáng' lajang' dsea' quiá' Fidiée', co' la'eáang' cóo' Jmiguí' quiá' bre e jmiféng' naa' r jogui jmi'íáam' bi dsí'naa' cajo dsu' uí' e lí'naa' dsea' quiá' Dsea' Jmáang', jogui ja' ta' dsí'naa' e niliguiúng' naa' fí quini' Fidiée' cóo' jalé' e jmoo' naa' osi jial lí'naa' fí jmigüü' la é. ⁴ Co' nañí' fa' jnea' seab' uing' e nijmee' e ta' dsii' e niliguiún' n fí quini' Fidiée' cóo' jalé' e jo, jo dsu' jii' jaang' dsea' cuøøng' lí' jmita' gui dsíir' laco' gui jnea' cóo' jalé' e jo. ⁵ Co' jnea', jñiá' jmi' bi ngóo' o mi' cató' li' fí ngúú táan' n lí' laco' quí' tting' dsea' Israel; jogui lín' n siju' dsea' Israel; jogui dsea' quiá' 'lí' yúu' Míing' lín' n; jogui jmi' hebreo fá' a jogui lajobi dsea' cuøøng' quié' e cajo; jogui dsea' Israel i líng' fariseob lín' n cajo, co' cajmi' goo' dseáng' laco' sí' í' jalé' júu' quiu' ta' quiá' Moi'; ⁶ jogui eáam' caliguiing' dsii' jalé' e 'né' jmitii' cóo' dsea' góo' o dsea' Israel, co' jiguí' cajmeán' n ga' jaléng' dsea' quiá' Dsea' Jmáang'; jogui cajmé' baa' núu' lajii' júu' quiu' ta' quiá' Moi', joba' jii' coo' dsee' cuøøng' lí' cuø' dsea' jnea'. ⁷ Jo dsu' jalé' e ca' f' dsii' lami' jéeng' gui e eáam' quíng' quié' e, dsu' lana jo' e quíng' quié' e jii' coo' jalé' e jo, co' lana Dsea' Jmáam' bing' i nicalicuín' n. ⁸ Jo jnea' í' dsii' e jii' coo' e quíng' e níing' gui eáang' laco' e quíng' e licuíng' guí' Fí'naa' Dsea' Jmáang'. Jo jalé' e lami' í' dsii' e eáam' quíng' quié' e do, dseáng' jo' e ta' íng' quié' e lana, co' lafa' quib' calí'; dsuco' níing' gui eáang' quié' e e nilicuíng' guí' Fí'naa' Dsea' Jmáang'. ⁹ jogui e nilín' n lafa' jaam' dsea' cóo' r'. Dsu' ofa' nijmiguiúng' 'ñiá' a fí quini' Fidiée' uí' e jmóo' o núu' u e júu' quiu' ta' quiá' Moi', co' lanagui nilín' n dsea' guíúng' fí quini' Fidiée' dsu' la'eáang' e nicajáang' 'ñiá' a fí jaguó' Dsea' Jmáang'. Co' lí' laco' cuøøng' fe' ee', e Fidiée' bing' cajmée' e caliguiún' n fí quini' la'eáang' e cajáang' 'ñiá' a fí jaguór'. ¹⁰ Jo dsu' jnea' iin' n e nijmicuíim' bii' Dsea' Jmáang' jogui e niñín' n e bí' 'gøøng' quiá' Fidiée' cóo' e cajmijí' tur Dsea' Jmáang' jee' jaléng' 'lí', jogui e moo' o iihu' uí' e lín' n dsea' quiá' Dsea' Jmáang', jogui cajo ca' guíaa' jalé' e iin' n jmee' e 'ñiá' a, co' uí' e cajmée' Dsea' Jmáang' lajo, joba' cajúñ' fí dse' crúu'; ¹¹ jo lajob' jmóo' o uí' e nitab' dsii' e nilí' i e nijí' túu' jee' jaléng' 'lí' mi' nití' í' lajo.

Nijmi'úung' guí' e laco' nilí' i lajii' e nisi' íng' Fidiée' jnea' fí jmigüü' coo'

¹² Jo dsu' ofa' fá' a e nilí' i lajalé' e fá' a na, o' gui e dseáng' niguiún' n fí quini' Fidiée' cajo; dsu' jmi' úum' bii' e laco' nilí' i e jo, co' uii' e joba' catáng' Dsea' Jmáang' jnea' lami' jéeng' gui. ¹³ Dsea' rú' naa' dsea' quiá' Dsea' Jmáang', dsu' ofa' fá' a e dseáng' nicalí' i 'ñiá' a jalé' e na; dsu' e jáb' dseáng' jo' ee' í' gui dsii' cuaiñ' quiá' jalé' e nicajmé' e lami' jéeng' gui do, co' lí' lí' jmi' úung' guí' e nilí' i jalé' e sijée' gui quié' e ¹⁴ e laco' niñín' n jalé' e nisi' í' e nicuø' Fidiée' jneaa' aa' fí jmigüü' coo' uí' e nicatø' r' jneaa' aa' e nica' uíng' naa' dsea' quiá' Dsea' Jmáang'.

¹⁵ Jo lajob' 'né' í' dsí'naa' jaléng' jneaa' aa', dsea' ningóo' cuí' naa' jogui jmití' ii' júu' quiá' Dsea' Jmáang'. Jo song' sea' e í' óo' 'nú' e jié' gui jii' laco' e nicafá' a na, joba' 'ñiab' Fidiée' dsea' nineár' moguí' na' cuaiñ' quiá' e jo. ¹⁶ Jo dsu' lifa' 'né' see' naa' jialco' cuøøng' røø' cóo' lajii' e nicalí' naa'.

¹⁷ Dsea' rú' naa' dsea' quiá' Dsea' Jmáang', jmi' úung' na' e seeng' na' røø' laco' gui la seeng' jnea', jogui jøø' na' røø' quiá' jaléng' dsea' i niseeng' lajii' laco' e nica' ée' jnea' 'nú'. ¹⁸ Jo jmiguiub' ya' nica' fí' i 'nú', jogui lana fii' túu' 'nú' carji' quí' baa' uí' e fii' m' bing' seeng' i e' e ja' ee' uing' sea' lajii' i iihu' e ca' íng' Dsea' Jmáang' mi' catáñ' fí dse' crúu'. ¹⁹ Jo i dsea' la' í' fí lí' 'lib' nidsilíñ' mi' nijúuñ' , jo dseáng' lajii' e lí' dsí' yaam' bre jmitir', jogui lí' lí' jmi' jløng' yaaiñ' e lafa' nilí' i' líiñ' quiá' jalé' e 'lí' e jmóor' do. Jo lí' guíing' dsíir' lajii' e dsijée' fí jmigüü' la. ²⁰ Jo dsu' jneaa' aa', dsea' seeng' ñi' fí' b' nilí' naa', jogui fí' job' cajo nijáa' tu' Fí'naa' Dsea' Jmáang' i nisi' jeeng' naa' do i nica' leáang' jneaa' aa' jee' dsee' quí' ii'. ²¹ Jo nijmisím' bre ngúú' táang' naa' e ja' bí' sea' quiá' fí jmigüü' la, jo

nicuø'r- jneaa~aa' ngúu' táang'naa' e 'mú- e nigüeang' l' laco' lí' e ngúu' táaiñ' ñia'r'. Jo nijmér- lajo la'eáang' cóo' e bí 'gøng' quiá'r- cóo' e quiu'r' ta' fí' la'úng-.

4

Jmi'iaang' óo'na' contøøng- uí' e nilíng'na' dsea' quiá'- Dsea' Jmáang-

¹ Jo uí' e lajob lí', dsea' rú'naa' i iin' n eáang', joba' fí' i 'nú' e güiteáam-bi' teá' lajii' e fí' lí' niteáang-na' cóo' Dsea' Jmáang-. Jo eáam' iin' n 'nú' jogui dsing' iin' n nimáang-túu 'nú' calé' catú-, co' jmi'iaam' dsii' cóo' 'nú' uí' e nicalíng-na' dsea' quiá'- Dsea' Jmáang- la'eáang' cóo' ta' e nicajmé- e jee' 'nú'.

² Jogui liúun' n 'na', dseam' i sii' Evodia cóo' gui' 'na', dseam' i sii' Síntique, e nisim-tu' røø' laco' catíng- e jmóo' dsea' quiá'- Dsea' Jmáang-. ³ Jogui 'na', dsea' i dseáng'- i ja' calitúng- dsii' e cajmicóo' jnea' cóo' ta' guiá' júu' quiá'- Dsea' Jmáang-, joba' mii' i 'na' e nijmicóo' laji' huáang- i dseam' na i líng' dsea' quiá'- Dsea' Jmáang- e laco' nisíng-tur røø', co' laji' huáam-biñ' na cacuø' bí' yaaiñ' e cajmicóo'r' jnea' lajee' e caguiá'a júu' quiá'- jial laang' dsea' jee' jalé' dsee- quiá'r- l' laco' cajmicóo' jnea' i dseañu' i sii' Clemente cóo' gui' jaléng' gui' dsea' caguiáang- i cajmé' ta' colíng- cóo' jnea-. Jo jaléng' i dsea' na nicateáang' Fidié' fí' ni' jii' quiá'r- fí' lí' nitaang' jaléng' dsea' i niliseeng' lata' cóo'r'.

⁴ Jo jmi'iaang' óo'na' contøøng- uí' e nilíng'na' dsea' quiá'- Dsea' Jmáang-. Jo fí' túu 'nú' calé' catú- e nijmi'iaang' óo'na'. ⁵ Jo güilicúing' lajaléng' dsea' 'nú' e líng'na' dsea' guiá- dsii'. Jo nijaquíem' e nigüéeng-tu' Fii'naa' Dsea' Jmáang- fí' jmigüi' la calé' catú-.

⁶ Jo ja' jmijiuung' óo'na' cóo' doñi' ee' e lí' qui'na', co' l' lí' 'né- e yeji' føng'na' Fidié' cuaiñ' quiá'- jalé' e jo; jogui mii'na'r' jalé' e 'né-na', jo ja' tiúung'na' e cuø'na'r' gui'máang' quiá'- jalé' e mii'na'r' do. ⁷ Jo lajoba' nicuø'- Fidié' 'nú' e seeng'na' juguiá- júu' røø' e jii' jaang' dsea' jmigüi' qui'r' jmi' e ningaiñ'; jo cóo' e juguiá- do Fidié' nijmér- í' 'nú' cóo' jalé' e í' óo'na' uí' e nilíng'na' lafa' jaam' dsea' cóo' Dsea' Jmáang-.

Í' áa'na' lali' e guiá-

⁸ Jo lí' ngóo' cadséng- gui' fí' guí' 'nú', dsea' rú'naa', e í' óo'na' lali' júu' e ja' jogui júu' e catíng- jmi'gó' dsea', jogui jmang'- júu' dséeb' 'né- cá'na'. Jogui 'né- cá'na' cajo jmang'- juguiá- cóo' gui' júu' íaang' dsii' jogui júu' niguo'. Jogui í' áa'na' lali' e guiá- jogui jalé' e catíng- nífé' dsea' guiá- uii' quiá'-.

⁹ Jogui jmiti'na' jalé' e nica'ée- e 'nú' jogui jalé' e júu' e nica'fí' i 'nú' jogui jalé' e nicanuu'na' e nica'fá' a jogui jalé' e nicañii'na' e nicajmé- e; jo jmee'ba' lajo. Jo Fidié' i cuø' e seeng' dsea' juguiá- júu' røø', íb' dsea' niliseeng' cøøng' cóo' 'nú'.

Jalé' e cajmicóo' dsea' seeng' fí' Filipos quiá'- Paa-

¹⁰ Jo eáam' jmi'iaang' dsii' la'eáang' cóo' Fii'naa' Dsea' Jmáang- uí' e 'nú' nicadseng' tu' óo'na' jnea' calé' catú-. Dsu' ofa' fí' i 'nú' cóo' e júu' na e nica'íng- óo'na' jnea-, co' niñib' jnea' e uí' e ja' dsitíng' qui'baa' fa' e nicajmicóo'na' jnea-. ¹¹ Jo dsu' ofa' fí' i 'nú' e júu' na uí' e ja' sea' 'né- e, co' nicalitím'baa' e jmi'iaang' dsii' cóo' lajii' e sea' quié- e. ¹² Co' nicalitím'baa' jial seen- e tiñi' jogui lajobi' mi' eáang' sea' cajo. Jogui nicalitím'baa' cajo e jmi'iaang' dsii' cóo' doñi' ee' e dsingín-n, si e røøng' tú'u osi e jø' tú'u é. Jogui nicalitím'baa' cajo e sea' lalíng' quié- e osi e ja' sea' jii' cóo' é. ¹³ Jo Dsea' Jmáam-bing' i cuø' jnea' bí' quiá'r- e laco' l' i jmóo' lajalé' e 'né- jmee- e. ¹⁴ Jo dsu' 'nú', eáang' guiá- cajmicóo'na' jnea' ie' lamí' cangongín-n jalé' iihuí'.

¹⁵ Jo guiáb- ní' 'nú', dsea' líng'na' dsea' quiá'- Dsea' Jmáang- i neáang' fí' na fí' Filipos, e jii' 'nú'bing' i cajmicóo' jnea' cóo' jalé' e 'né- e ie' lamí' canaan- e caguiá'a júu' quiá'- Dsea' Jmáang- jee' 'nú'. Co' jii' jaang' dsea' jiéng' i cúing' Dsea' Jmáang- cajmicóo'r' jnea' ie' jo ie' mi' cajú- u fí' Macedonia. ¹⁶ Jogui lajobi' cajo, ie' lamí' cataan-n fí' cóo' fí' e sii' Tesalónica, casím'ba' tú- 'ní' né- e jalé' e 'né- e. ¹⁷ Jo dsu' ofa' jnea' í' dsii' jmang' e

ni'ín'~n, co' jnea~ lico' iin~n e nidsicuáng`gui quíi~na' cóo'~ jalé' e nicuó'~ Fidiée' 'nú' mĩ~ nití' í' lajo. ¹⁸ Jo dsu' jnea~ nica'íim'~baa lajalé' e nicacuó'~na' jnea~ e casíng`na' cóo'~ Epafrodito, joba' seab`lalíng`quíe~ e náng co' jì'gui cartí niseáang~. Jo jalé' e cacuó'~na' jnea~ do lí' lafa' cóo' e jmeafi' jlo'^ e cacuó'~na' Fidiée', joba' dsea` do eáam' tí' dsíir' mĩ' íñ'. ¹⁹ Jo co' jíi'~ Fidiée' quíi~baa' dsea` sea` lajì' quíá'r~, joba' íb` dsea` nicuó'~ 'nú' lajalé' e 'né~na' e jlo'^ e ja` cóong` cóo'~ la'eáang` cóo'~ jalé' e nicajmée` Dsea` Jmáang~ cóo'~ jneaa~aa'. ²⁰ Jo majmiféng'naa' car` ngongh' jmi'~ Tiquí'ii' Fidiée' dsea` guíng~ ñifí'. Jo lajob 'né' lí'.

Júu^ guicóo'~ quíá'~ Paa~ lí~ cadséng~

²¹ Jo lana guíen'~n júu^ guicóo'~ quíá'~ jaléng' dsea` i seeng` fí' na i nilíng' dsea` quíá'~ Fidiée' la'eáang` cóo'~ Dsea` Jmáang~. Jo gui cajo jaléng' dsea` rú'naa' dsea` quíá'~ Dsea` Jmáang~ i taang~ cóo'~ jnea` fí' la guíem~bre júu^ guicóo'~ quíi~na'. ²² Jo lajobi cajo lajìng` dsea` i seeng` fí' la i nilíng' dsea` quíá'~ Fidiée' guíem'~bre júu^ guicóo'~ quíi~na', jo dsu' laniing~gui eáang` guíéng' júu^ guicóo'~ quíi~na' jaléng' i dsea` i jmóo` ta` quíá'~ dseata` dsea` féng' i quíu' ta` fí' la fí' Roma.

²³ Jo güi'íb` Fí'naa' Dsea` Jmáang~ güea'^ quíá'r~ jee~ lajaléng' 'nú'.

Jo lanab jíi'~ fé' jì' quíá'~ Paa~ e catíng~ jaléng' dsea` quíá'~ Dsea` Jmáang~ i seeng` fí' Filipos.

Júu^ e toq̃ fí ni~ jì quiá'- Paa- e catíng- dsea` seeng` fí COLOSAS

¹ Jnea~ Paa-, jo lín'n jaang` dsea` apóo^ i jmóo` ta~ ni' júu^ quiá'- Dsea` Jmáang-, co' lajob ta~ e cali'íang` dsíí Fidiée` e cacuø'r` jnea~. Jo lana, colíng` cóo~ Timoteo, jaang` dsea` rú'naa' dsea` quiá'- Dsea` Jmáang-, ² guiéeng`naa' júu^ guicóo'` quí-na', dsea` rú'naa' dsea` quiá'- Dsea` Jmáang- dsea` neáng'na' fí na fí Colosas, 'nú' dsea` teáng-na' teá fí guiá- cóo~ dsea` do. Jo mí'i Tiquí'naa' Fidiée` cóo~ gui Fí'naa' Dsea` Jmáang- e ni'ír- güea' quiá'r- jee~ 'nú' jogui e nicuø'r- 'nú' e seeng'na' juguiá- júu^ røø.

Mi` féng' Paa- Fidiée` uí~ quiá'- jaléng' dsea` quiá'- Dsea` Jmáang-

³ Jo lacoø` née~ mi~ fóng'naa' Fidiée` i línng` Tiquíá' Fí'naa' Dsea` Jmáang-, sojiéb' cuøø-naa'r` gui'máang'` uii~ quí-na'. ⁴ Co' nicaline~baa' jial niteáng-na' fí guiá- cóo~ Fí'naa' Dsea` Jmáang-, jogui jial 'neáng` rúng'na' cóo~ jaléng' dsea` quiá'- dsea` do i caguaiang-gui cajo. ⁵ Jo jmee~ba' e jo uí~ e tab~ óo'na' e ni'im'ba' jalé' e sijeeng'na' do e si'má'^ Fidiée` fí ñiff- quiá'r-. Co' calitab~ óo' 'nú' uii~ quiá'- e jo mi~ canú-na' júu^ quiá'- Fidiée` e catíng- Dsea` Jmáang- e quiá'- jial laang` dsea` jee~ dsee- quiá'r-. ⁶ Jogui e júu^ nab e cagua' dsea` jee~ 'nú', jo lana nicanib' la'úng- fí jmigüí. Jogui e júu^ jo eám' cali'íng^ ta~ e caquí' jíng' yaang` dsea` fí quini` Fidiée` lí' laco' nicalí- jee~ 'nú' lajii~ mi~ canú-na' jogui cangáng'na' e eám' guiúng- Fidiée` cóo~ 'nú' nañí' fa' ja` catíng-na'. ⁷ Jo e júu^ jo ca'e' i Epafras 'nú', jaang` dsea` i 'neáng'naa' eáng` i nicajmée` ta~ guiá' júu^ quiá'- Dsea` Jmáang- colíng` cóo~ jnea~; jo i dsea` í líiñ jaang` dsea` i cuøøm` lí jmíta` óo'na' cóo~ i jmóo` lajii~ e iing` Dsea` Jmáang-. ⁸ Jogui íbre cajo dsea` cagüeiñ- fí la e quier` júu^ quí-na' quiá'- jial 'neáng` rúng'na' la'eáng` cóo~ Jmiguí quiá'- Fidiée` e cangíng'na' do.

⁹ Jo uing` lajoba' ja` mí' catiuung-naa' e mí~naa' Fidiée` uii~ quí-na' lati' e jmí~ e caline-naa' júu^ quí-na'. Jogui mí~naa'r` e la'eáng` cóo~ Jmiguí quiá'r- nicuø'r- 'nú' e ngáng'na' jogui tíng'na' jo lajoba' niliñ'na' røø` e e iing` dsea` do e nijmée'na'. ¹⁰ Jo jmee'naa' lajo e laco' nilí'na' niliseeng'na' røø` laco' catíng- e jmóo` dsea` i cúing` Dsea` Jmáang-: e jmoo'ba' lajii~ e íang` dsíí Fidiée`, jogui e jmoo'gui' cajo jmanj- jalé' e guiá-, jogui e licuíng'gui' Fidiée` e eáng'gui cajo. ¹¹ Jogui mí~bí' Fidiée` e nicuø'r- 'nú' bí' la'eáng` cóo~ e laniing- 'gøiñ' do, jo lajob nilí' 'nú' nité'na' jogui niliféng' óo'na' cóo~ jalé' e nidsingíng-na', ¹² jogui nicuø'r'ba' gui'máang' Tiquí'ii' Fidiée` e íang` óo'na', co' nicaguiém'bre 'nú' guiá- e laco' niñíng'na' jalé' e jlo^ e catíng-na' e sea` quiá'- Fidiée` fí ñiff- quiá'r- e nicuø'r- jaléng' dsea` quiá'r-. ¹³ Co' íbre caleáaiñ` jneaa~aa' fí lí' nua` sò' e laco' jo` see-naa' e quiá' i 'líng'^ ta~ jneaa~aa', jogui cajáiñ' jneaa~aa' fí quini` Jóor' i eáng` iñ~, jogui lana íbing' quie` nifí quí-ii'. ¹⁴ Co' la'eáng` e cajáng' 'ña' i Jóor' do fí dse' crúu^, joba' Fidiée` caleáaiñ` jneaa~aa' e ca'íñ- jalé' dsee- quí-ii'.

Jo` si'naang`gui dsea` cóo~ Fidiée`

¹⁵ Jo ja` quí' jmí~ niníng- dsea` Fidiée`, dsu' mi~ níng- dsea` Dsea` Jmáang- joba' líñir` jial línng' Fidiée` dsea` guing` ñiff-. Jogui i Jóor' Dsea` Jmáang- do, íbing' i níng-gui lajee` lajalé' jogui lajaléng', co' niseeiñ` lajii~ ná'-gui e nináng` Fidiée` guiar' uing` jmigüí. ¹⁶ Co' la'eáng` cóo~ Dsea` Jmáang- 'ña'bre, Fidiée` cajmées` lajalé' e sea` fí yá' jmigüí jogui lajalé' e sea` fí guoo'` uø-, jalé' e jnéeng- tá- jalé' e ja` jnéeng-, jogui lajobi cóo~ jaléng' dsea` guí i ée` guiá- i línng' fii~ jogui jaléng' i óo` bí, jogui jaléng' i quidsí' í, jogui jaléng' i quiá' ta~ cajo. Jo lajaléb' e la cajmées` Fidiée` la'eáng` cóo~ Dsea` Jmáang-, jogui íbing' i catíng- lajalé' e la. ¹⁷ Jo lajii~ lati' mali'ba' e niseeng` Dsea` Jmáang-, lajii~ e ná'-gui e nijmé- Fidiée` lajalé' e sea` fí jmigüí. Jogui la'eáng` íbre cajo røø` ngóo`

laca'íng' ca'íng'. ¹⁸ Jogui íbre líiñ dsea` mogui` i quie` nifi` quia`- jaléng' dsea` quia`r-, jogui` i dsea` quia`r- do líiñ lafa' coob` ngúu` táaiñ` cóo` dsea` do. Jo Dsea` Jmáang- lajii`- ná`-gui nitiroo` jmi`güi`ba' niseeiñ, jogui` íbi` cajo` i la`uui` i cají`tu` jee` jaléng' 'líi` e laco` nicár` nifi` quia`- lajalé`ba' e sea` fí` jmi`güi`. ¹⁹ Co' Fidiée` cali`iñ` e lajalé` e líiñ` 'ñia`r` líng` Dsea` Jmáang- cajo. ²⁰ Jo la`eáang` cóo` Dsea` Jmáang- nicajmé` Fidiée` e niliseeng`tu` juguiá` cóo`r` lajaléng` cóo` lajalé` e sea` fí` la`úng` fí` jmi`güi`, fa' jalé` e sea` fí` guóo` uó` jogui` jalé` e sea` fí` yá` jmi`güi`. Jo cajmér- lajo la`eáang` cóo` jmi`øøng- Dsea` Jmáang- e catuu` mi` cajúñ` fí` dse` crúu` e laco` niliseeng` juguiá` júu` røø` cóo` Fidiée` lajaléng` jogui` lajalé` e sea`.

²¹ Jogui` 'nú`, lamí` jéeng`gui, dsea` si`naang` quia`- Fidiée` líng`na', jogui` 'ní` máam`bi` dsea` do cajo, co' jmang`- e 'li` í` óo`na' jogui` jmang`- e 'li` jmoo`na' cajo. ²² Dsu` lanagui` Fidiée` nicajméer` e niliseeng`tu` dsea` juguiá` cóo` dsea` do la`eáang` cóo` jalé` iihuí` e cangá- Dsea` Jmáang- fí` ngúu` táaiñ` mi` cajúñ` fí` dse` crúu`. Jo cajméer` lajo e laco` nijáñ` 'nú` fí` quinir`, dsea` nilíng`-na' dseáng`- dsea` quia`r- i ja` si`líng` jogui` i ja` dsee` táang` jii` coo`. ²³ Dsu` 'né` jmée`na' e ja` tú`na' e já` líng`na' júu` quia`- Dsea` Jmáang- o`gui` tá`na' e júu` ta` dsí` e sijeeng`na' e quia`- jial`laang` dsea` jee` dsee` quia`r- lí` laco` jii` e nicanáa`-na' lamí` jéeng`gui. Jo e júu` nab` nicani` fí` la`úng` fí` jmi`güi`, jo jnea` Paa` jmicóo`b` e niguia`gu` e júu` na` fí` jo.

Jalé` ta` e cang`ng` Paa` quia`- Fidiée`

²⁴ Jo ín`n` iihuí` fí` ngúu` táan`n` uí` e guiaa- júu` quia`- Dsea` Jmáang- jee` jaléng` dsea`, jo 'nú` nica`íng`na' e júu` jo cajo. Jo dsu` iáang` dsii` e ín`n` e iihuí` na, co' cóo` jalé` e jo nijmicóo` e nijmi`ié`baa lajii` iihuí` e 'né` e ni`íng`gui` jaléng` dsea` i jmóo` lajii` ta` quia`- Dsea` Jmáang-. Jo jalé` e iihuí` e ín`n` lana` nijmicóo` quia`- jaléng` dsea` quia`- Dsea` Jmáang- i líng` lafa' ngúu` táaiñ`. ²⁵ Jo Fidiée` nicajméer` e nilíng`na` jaang` dsea` i jmicóo` jaléng` dsea` quia`r-. Jo dsea` do nicacuø`r` jnea` ta` e niguiaa`-la`ié` júu` quia`r-, jo lajõb` ni`uíing`-guiá`-quí`na'. ²⁶ Jo laco` cuøøng` fé`naa' e e júu` quia`- Fidiée` do líb` eáang` si`má`r` quia`- jaléng` dsea`, dseáng`- malí`-gui` eáang` laco` nicangong`ng` jii`, dsu` lanagui` nicajmijnéem`bre e júu` do jee` jaléng` dsea` quia`r-. ²⁷ Jo 'ñiab` Fidiée` cali`iñ` cacuø`r` jaléng` dsea` quia`r- e tiiñ` ngáiñ` jial` tí` jlo` jogui` jial` tí` quíng` e júu` e lamí` si`má`r` do e catíng`-la` quie`gui` dsea` i ja` líng` dsea` Israel cajo. Jo e júu` e lamí` si`maang` do, íb` Dsea` Jmáang- i seeng` cøøng` cóo` 'nú`, dsea` i ja` líng`na' dsea` Israel. Jo i dsea` do cuø`r` 'nú` e jmitar` óo`na' e ni`íng`na' lajii` e catíng`-na' e nicuø` Fidiée` jaléng` dsea` quia`r-. ²⁸ Joba` jnea`` guia`naa' júu` jee` lajii`ng` dsea` jalé` e cajmé` Dsea` Jmáang-, jogui` fõng`naa`r` jogui` ée`naa`r` cartí` ningáñ` røø, jo lajõba` nilíñ` e ni`ié` quia`r- dseáng`-laco` líng` Dsea` Jmáang- 'ñia`r`. ²⁹ Jo uí` quia`- e la, jngáam`b` dsii` e jmóo`b` e ta` la, co' eáam` oo` bí` la`eáang` cóo` e laniing`-gøng` quia`- Dsea` Jmáang- e nicacuø`r` jnea`.

2

¹ Jo iin`n` e ñí`ba' e jngáam`b` dsii` e jmóo`b` bí` uí` quí`na' cóo`gui` jaléng` dsea` quia`- Dsea` Jmáang- i seeng` fí` Laodicea, lí` lajaléng` dsea` rú`naa' dsea` quia`- Dsea` Jmáang- i ja` mí` calicuíng` jnea`. ² Jo jmóo`b` bí` e laco` jaléng` 'nú`, dsea` i nilíng`na' dsea` quia`- Dsea` Jmáang-, ni`íng`gui` bí` e laco` niliseeng`na' cøøng` e 'neáang`na' rúng`na', jo lajõba` ningáng`na' dseáng`-laco` si`í` e júu` e lamí` si`ma` quia`- Fidiée` do. Jo e júu` do, íb` Dsea` Jmáang- 'ñia`r`. ³ Jo jii` íb` dsea` laniing` tiiñ` quí`r` jmi` e cuø`r` dsea` e tiiñ` ngáiñ` lajii` e jlo` e niguo` quia`- Fidiée`. ⁴ Joba` fí`-i` 'nú` e júu` na e laco` jii` jaang` ja` ii` nijmigiøøng` 'nú` cóo` jalé` júu` jlo` e o' já`. ⁵ Dsu` nañí` fa' ja` seen` 'ñia`a` jee` 'nú` lana, dsu` seem` jmi`guí` quie` e cóo` 'nú', jogui` iáam` dsii` e núu` júu` quí`na' e røøb` seeng`na' colíng~, jogui` e teáb` teáang`-na' cóo` júu` quia`- Dsea` Jmáang- cajo.

La`eáang` cóo` Dsea` Jmáam`ba` úing` dsea` dsea` m`ng`

⁶ Jo co' 'nú' nica'ím'ba' Dsea` Jmáang` e líiñ' Fii` quí'na', joba' 'né' ni'ee'na' laco'gui la iing` dsea` do, co' dsea` quía'bre nilíng'na'. ⁷ Jo síng'na' teá' yaang`na' cóo' júu` quía'r, jogui güiliseem`ba' la'eáang` cóo'r, jogui ja` jmitúng` óo'na' lajii' fí niteáang`na' cóo'r, co' nicajám` yaang`na' fí jaguór` lí' laco' jii' júu` e nica'e' dsea' 'nú'. Jogui cuøø'ba' gui'máang` Fidié` contøøng`.

⁸ Niing` óo'na' jo ja` cuø' fí yaang`na' e dsea` jiéng` nijmigøøiñ` 'nú' e laco' nitú'na' lajii' fí niteáang`na' cóo' Dsea` Jmáang`. Co' jaléng` i dsea' la'í e'r dsea` jogui féiñ' dsea` cóo' jalé' júu` quíu' ta` e jmi'uíng` dsea` jmigüi. Jo jalé' e júu` jo ja` cøøng` røø` cóo' júu` quía' Dsea` Jmáang`, co' jalé' e júu` jo jmang' júu` e casée' jaléng` dsea` mí áang` cóo' jalé' ta` huí' e quí' títng` dsea` e 'né' jmitir` fí jmigüi la.

⁹ Jo lajalé' e líng` Fidié`, líng` Dsea` Jmáang` 'ñia'r, jo lajob cajo lajee` cateáaiñ` fí jmigüi la. ¹⁰ Jogui 'nú' cøøm` seeng`na' cóo' Dsea` Jmáang`, joba' dsea` si'ieem` nilíng'na' la'eáang` cóo' dsea` do. Jogui íbre líiñ' dsea` mogui` i quíu' ta` quía' jaléng` dsea` jmigüi i quie' nifí jogui óor` bí e quíu'r ta` quía' lí' doñí' ee'. ¹¹ Jo co' cøøm` seeng`na' cóo' Dsea` Jmáang`, joba' jo` quie' nifí quí'na' jalé' e 'lí' e lami` jmoo'na' do. Jo e la lí' e lafa' nica'ím'ba' e lí' e títng` dsea` Israel tóor` fí ngúu` táaiñ', dsu' o' lajo, co' calí' lajo uí' e Dsea` Jmáang` caleáaiñ` 'nú' jee` jalé' dsee` quí'na'. ¹² Jogui mí' cajgáang`na' jmii, joba' lí' lafa' røøb` ca'áng`na' laco'gui ca'áng` Dsea` Jmáang`, jogui lafa' røøb` cají'tu' laco'gui cají'tu dsea` do, co' jáb' calíng`na' e quíu' Fidié` jmii e cajmijí'tur Dsea` Jmáang` jee` jaléng` 'lí' la'eáang` cóo' e 'gøiñ' do. ¹³ Jogui 'nú', lami` jéeng`gui do líng'na' lafa' sijúum`ba' uí' dsee` quí'na', jogui e job cajo quíu' ta` quí'na'; jo dsu' lana Fidié` nicacuø'r 'nú' e lafa' nicají'tu' laco'gui cajmijí'tur Dsea` Jmáang`. Jo la'eáang` cóo' dsea` doba' nica'íng` Fidié` lajalé' dsee` quí'ii'. ¹⁴ Jo Fidié` cajgiéiñ` jì e caráang` e 'níng` jneaa`aa' lí' laco'gui la ta` huí' quía'r, jo uí' e lafa' cabá' e jì do fí dse' crúu` cóo' mí' clavo, lajoba' cajgiéng` jalé' e si'niing`naa' do. ¹⁵ Jogui la'eáang` e catáng` Dsea` Jmáang` fí dse' crúu`, jo lajoba' Fidié` ca'íiñ` jalé' bí quía' dsea` jmigüi i 'líng' i quie' nifí jogui óor` bí e quíu'r ta`, jogui cajmi'uøng` neiñ' do fí quini` jaléng` dsea` e catør` laco'gui tee' dsea` dsea` 'níung'. Jo lajoba' cajmijnéng` Fidié` fí quini` jaléng` dsea` e nicalí'bre.

Í' óo'na' lajii' e sisée` quía' Fidié` fí ñifí

¹⁶ Jo lajob lí', ja` jmijí'na' mí' éeng` dsea` 'nú' cóo' jalé' e ú' có'na', osi e` jalé' jmii e jmi'goo'na' laco' jii', osi fíng` jmi'goo'na' mí' yuung` si' é, osi jial jmi'goo'na' jalé' jmii e jmi'íng' dsea'. ¹⁷ Co' jalé' e ta` huí' na jii' líco' cuø' lí' quía' jalé' e nidsijée' cøøng`gui, jo lí' lafa' i' quía' jaang` dsea` i ngóo' jéeng`gui laco' ngóor'. Jo dsu' i dsea` i líng` lafa' i dsea` quía' e i' do, íb` Dsea` Jmáang` 'ñia'r. ¹⁸ Jogui ja` jmijí'na' mí' jíng' dsea` e iíñ` niguír` quí'na' lajii' e nisi'íng`na' quía' Fidié`, fa' jaléng` dsea` i tí' dsí' e jmicaaiñ` e jgiáang` yaaiñ, jogui jmiféiñ' jaléng` ángeles, jogui jíñ' e ngii`gui quía' jalé' e ja` mí' cangar', jogui jmicøøng` yaaiñ` cóo' jalé' e í' dsír' quía' fí jmigüi la. ¹⁹ Jo jaléng` i dsea` í' si'naam`bre cóo' Dsea` Jmáang` i líng` dsea` mogui` quía' jaléng` dsea` quía'r. Jo Dsea` Jmáang` cuø'bre i dsea` quía'r do jalé' e 'néiñ' e laco' cøøm` seeiñ` cóo' dsea` do jogui cøøm` seeiñ` lajee` la'ó' yaaiñ` cajo lí' laco' la iing` Fidié`.

²⁰ Jo co' 'nú' lafa' røøb` cajúng`na' cóo' Dsea` Jmáang` fí dse' crúu', joba' jo` quíu' ta` quí'na' jalé' ta` huí' e quí' títng` dsea` e 'né' jmitir` fí jmigüi la. Joba' 'jialí' seeng`na' e ee'na' laco'gui la ée` dsea` jmigüi e náu'na' jalé' ta` huí' e jíng' dsea` e 'né' jmée'na', ²¹ fa' mí' jíñ': "Ja` güí'na' e la, ja` có'na' e na osi ja` jmó'na' e do" é? ²² Jo jalé' e ta` huí' na jii' lajee` cateá'ba' e íng` ta`, jo cøøb` mí' jo' e ta` íng`, co' jii' dsea` jmigüi jmóor` jalé' e ta` huí' na. ²³ Dsu' e já', jalé' e ta` huí' na cuøøm` sea' lí' dsí'naa' e guiáb, dsuco' quíu' ta` dsea` e 'né' lí' e jo e ngocáng` dsí' laco'gui ta` quíu' fí jmigüi la. Jogui quíu' ta` cajo e lafa' e jmi'uøng` yaang` dsea` jogui laguidseaam` quíu' ta` yaaiñ` cóo' jalé' e jmóor` fí

ngúú táaiñ. Dsu' ja` e ta` íng` e ta` huí` do fa' e nijmicóo~ quiá'r- e jo` nijmé` guir jalé' e 'li' e iin~ jmóor` fí` ngúú táaiñ` do.

3

¹ Jo co' 'nú' lafa' nicajíb` túu' colíng~ cóo~ Dsea` Jmáang~, joba' 'né` jmée`na' e í` óóna' jíi~ caníng~ e sisée` quíi`na' fí` lí` guíá~ fí` lí` guíng~ Dsea` Jmáang~ lí` lí` dsée` cáang` Tiquiá'r` Fidiée` fí` ñíff~ quiá'r-. ² Jo íi` óóna' lajíi~ e sisée` quiá~ Fidiée` fí` ñíff~, jo ja` í` óóna' jíi~ cuaiñ` quiá~ fí` jmígúí` la. ³ Co' líi` lafa' nicajúm`ba', joba' lana Fidiée` nicajmítar~ óóna' e nilíng`na' dsea` 'míng~ la'eáang` cóo~ Dsea` Jmáang~. ⁴ Jo jíi~ Dsea` Jmáam`bing' cuo' 'nú' e nilíng`na' dsea` 'míng~, jogui mi~ nijmijnéng`tu` ñia'r` jee~ jneaa`aa' fí` jmígúí` la, joba' 'nú' nijnéng`na' colíng~ cóo'r~ jee~ jalé' e níng~ 'gøng` quiá'r-.

Jial líng` dsea` mi` cang` e calicuíñ` Dsea` Jmáang~

⁵ Joba' jmee`ba' e nilíim` jalé' e 'li' e quíu' ta` quíi`na' fí` jmígúí` la: fa' mi~ 'léé` dsea` e güíiñ` cóo~ dseañu' osi dseam` í` o' quiá'r-, osi jalé`gui e 'li' e jíé' e jmoo`na' cóo~ ngúú táang`na', osi jmití`na' jalé' e iing~ ngúú táang`na', osi í` áána' e jmée`na' jmang` e 'li', osi suung`na' lí` doñí` ee` e ja` catíng`na', co' e na líi` lafa' e jmiféng` dsea` díe~ í` o' já~. ⁶ Jo co' jmóob` dsea` jalé' e na, joba' iihuí` eáam` nicuo' Fidiée` jaléng` í` dsea` la'í` í` ja` núu~ júu` quiá'r-. ⁷ Jogui 'nú', lajob` lamí~ seeng`na' e jmoo`na' jalé' e 'li' na. ⁸ Dsu' lana 'né` tú`ba' jalé' e na: fa' mi~ liguíng`na', osi mi~ 'ní' óóna', osi mi~ jmoo`na' jalé' e 'li', osi mi~ fó`na' ga` uii~ quiá~ jaléng` dsea` rúng`na', osi mi~ fó`na' jalé' júu` e 'li' e jíé`gui é. ⁹ Jogui ja` fí` rúng`na' júu` e o' já~, dsuco' lana nicatúu`ba' e lamí~ jmoo`na' e eáang` beáang~ dsee` yaang`na' cóo~ jalé' e ga` e nicasi' nifí` quíi`na' lamí~ jéeng`gui do. ¹⁰ Joba' lana dsea` 'míng~ nilíng`na', jo Fidiée` dsea` jmoo` e nili`míng`gui' e laco' ni`ee`na' laco'gui la ée` dsea` do, jo lajoba' nilicuíng`gui' dsea` do dseáng~ laco' sí'í. ¹¹ Jo ja` e língíi` fí` quini` Fidiée` su líng`na' dsea` Israel osi ja` líng`na' lajo` é, osi tóo` e lí` fí` ngúú táang`na' osi ja` tóo` é, osi líng`na' dsea` í` jalíng~ tí` lí` huíi` osi í` neáang` tí` lí` huíi` lí` jíé`gui é, osi líng`na' dsea` sí`níng` osi fii` í` quíu' ta` é. Co' lajíi~ Dsea` Jmáam`bing' níng~gui jee~ lajalé' cóo~ jee~ lajaléng`, jogui í`bre seeiñ` cøøng` cóo~ jaléng` dsea` quiá'r- cajo.

¹² Jo Fidiée` eáam` 'neáaiñ` 'nú', jogui nicaguiñ` 'nú' e laco' nilíng`na' dsea` quiá'r-. Joba' güiliseem`ba' e jmoo`ba' fí` líng~ rúng`na', jogui e guíung`na' cóo~ dsea` rúng`na', jogui e ja` jmicøøng` yaang`na' jee~ dsea` rúng`na', jogui e ee`ba' guíá~ cóo~ jaléng` dsea` rúng`na', jogui e jmée`na' féng` áána' uii~ quiá~ rúng`na' cajo. ¹³ Jmee`ba' féng` óóna' quiá~ dsea` rúng`na', jogui íng`na' dsee` quiá~ rúng`na' mi~ ee`go` léer` quíi`na'. Jo laco'gui Dsea` Jmáang~ ca'íim`bre dsee` quíi`na', joba' lajob` 'né` jmée` 'nú', 'né` íim`ba' dsee` quiá~ jaléng` dsea` rúng`na'. ¹⁴ Dsu' e nifí`gui quiá~ jalé' e la e røøb` 'né` nijmi`neáang` rúng`na' lajee` la'ó' yaang`na', co' lajoba' niliseeng`na' cøøng` dseáng` laco' sí'í. ¹⁵ Jo co' Dsea` Jmáam`bing' cuo' 'nú' e seeng`na' juguíá~ júu` røø, 'nú' dsea` líng`na' dsea` quiá'r-, joba' seem`bi' la'eáang` cóo~ e juguíá~ júu` røø` do, co' uíi` lajoba' catø` Fidiée` 'nú' e nilíng`na' lafa' coo`b` ngúú táang`na' la'ó' 'nú'. Jo cuøø`ba' Fidiée` gui`máang` cóo~ lajalé' e jmóor` cóo~ 'nú'.

¹⁶ Jo 'né` quie`bi` nifí` quíi`na' júu` quiá~ Dsea` Jmáang~. Jogui ée~ rúng`na' jogui cuøø` bí` rúng`na' cóo~ jalé' júu` niguo` e níí`na'. Jogui cuøø`ba' gui`máang` Fidiée` e o'na' júu` e toø` fí` ní` jí` salmos cóo~gui jalé`gui júu` e o' dsea` quiá~ Fidiée` cóo~gui jalé' júu` e cuø` Jmígúí` quiá~ Fidiée` cajo.

¹⁷ Jogui jalé' e jmoo`na' jogui jalé' e fó`na', jmee`ba' la'eáang` cóo~ júu` quiá~ Dsea` Jmáang~ e cuø`na' gui`máang` Tiquí`ii' Fidiée` la'eáang` cóo~ Fíi`naa' Dsea` Jmáang~.

Jial 'né` seeng` dsea` quiá~ Dsea` Jmáang~ jee~ la'ó' rúíñ`

18 Jogui 'nú', jaléng' dseamî, jmi'goo'ba' jaléng' dseañu' quí-na', cō' lajob catíng' e jmóo' dseá' quíá'- Dseá' Jmáang-. 19 Jogui jaléng' 'nú', dseañung'na', jmi'neáang'na' dseamî quí-na', jogui ja' jmoo'na' ta~ jíng' cōo'r~.

20 Jogui jaléng' 'nú', jiuung~, núu'ba' jalé' ta~ quíu' tiquíu' níquíu'na', cō' lajoba' e iáang' dsí' Dseá' Jmáang-. 21 Jogui jaléng' 'nú', dseá' líng'na' sejmií, ja' jmoo'na' e niligúing' jiuung' quí-na', jō lajoba' ja' nilitúng' dsí' cōo' jalé' e 'né- jmér-.

22 Jogui jaléng' 'nú', dseá' í jmóo' ta~ e ja' ee' 'léeng', jmee'ba' núu'na' jalé' ta~ quíu' fii' quí-na' fí' jmigüí' la; dsu' o' jí' mî' nír' 'né- cuó' áa'na' e laco' nijmiguiúng' yaang'na' fí' quinir~, cō' e ngocáng' óo'ba' 'né- jmée'na' e jmi'goo'na' Fidiée'. 23 Jō lajalé' e jmoo'na', 'né- jmée'na' e ngocáng' óo'ba' lí' laco' quíá'- 'ñiab' Fidiée' e jmoo'na' e jō, jō o' laco' mî' jmoo'na' lajii' e iing' dseá' jmigüí'. 24 Cō' niñib' 'nú' e seab' guiéé' quí-na' e catíng'na' fí' jmigüí' cōo' e nicuó' Fidiée' 'nú'. Dsuo' jaléng' 'nú' jmoo'ba' lajii' e iing' Dseá' Jmáang-, jogui íb' dseáang' í líng' Fii' quí-na' cajo. 25 Dsu' í dseá'gui' í jmóo' ga, jōba' Fidiée' nicuó'r' iihuí' í dseá' í quíá'- lajii' e ga' e jmóoiñ' do, cō' ja' jmingí' Fidiée' e líng' dseá' lajaang' lajaaiñ, cō' røøb' niquidsir' í' quíá'- lajii' dsee' sea' quíá'- dseá' mî' nití' í' lajō.

4

1 Jogui jaléng' 'nú', dseá' líng'na' fii~, ee'ba' guiá' cōo' jaléng' dseá' í jmóo' ta~ quí-na' í ja' ee' 'léeng', jogui quíé'na' í' júu' quí-na' cōo'r~. Jogui téé' óo'na' cajo e seem' jaang' Fii' quí-na' fí' ñifí' í quíé' nifí' quí-na'.

2 Jō jaléng' 'nú', dseá' neáang'na' fí' Colosas, ja' tiúung'na' e fōng'na' Fidiée', jō lajee' jō 'né- e siñiim' áa'na' cajo, jogui yejí' cuó'ba' gui'máang' Fidiée'. 3 Jogui féem'ba' Fidiée' uii' quí-naa' cajo e laco' sea' fí' e guiá'naa' júu' quíá'- Dseá' Jmáang- e si'ma' lamí' jééng'gui' do, cō' uii' e guíaa' e júu' jō, jōba' sijñín' n' lana. 4 Jogui mii'ba' Fidiée' e ni'e'guí' e júu' la dseáang' laco' si'í' e laco' ningáng' jaléng' dseá', cō' lajob catíng' e nijmee'e.

5 Jogui ee'ba' røø' cōo' jaléng' dseá' í ja' cúing' Dseá' Jmáang- lí' laco'gui' catíng' e jmóo' dseá' quíá'r~, jogui lajee' jō jmi'óo'ba' e fōng'na' júu' quíá'- Dseá' Jmáang-. 6 Jogui féem'ba'r cōo' jmang' juguiá' e nití' dsí' r, jogui 'né- ñí'na' jial ningí'na' quíá'- lajaang' lajaang' í dseá' í fōng'na' do.

Júu' guicóo' e cadséng' quíá'- Paa'

7 Jō Tíquico, jaang' dseá' rú'naa' dseá' quíá'- Dseá' Jmáang- í 'neáang'naa' eáang' í contøøng' nicajmicóo' jnea~ jogui colim~ nicajmó'naa' lajii' e iing' Fii'naa' Dseá' Jmáang-, jō íbing' nicá' júu' quíé' e fí' na. 8 Jō nisín'nre fí' na cōo' 'nú' e laco' niliñí'na' jial seé'naa' fí' la jogui e laco' nicuó'guir' 'nú' bí' cajo. 9 Jogui cōo' í nab cajo nijang' Onésimo, jaang' dseá' rú'naa' dseá' quíá'- Dseá' Jmáang- í ta' dsi'naa' cōo' jogui í ii'naa' eáang' jogui í líng' dseá' góo'na' cajo. Jō í dseá' gáng' la nijmeá'r- 'nú' júu' jalé' e dsingí'naa' fí' la.

10 Jogui Aristarco, jaang' dseá' rú'naa' dseá' quíá'- Dseá' Jmáang- í iuung' 'nñí' colíng' cōo' jnea~ fí' la, guiéíñ' júu' guicóo' quí-na' cajo, jogui lajobi' í sii' Marcos cajo, jaang' rúng' Bernabé. Jogui 'nú', nicanúu'ba' júu' quíá'- Marcos; jō song dsi'eer' 'nú', íim'ba'r cōo' e guiá' fí' na. 11 Jogui lajobi' Chúi', í sii'bi' cajo Justo, guiém'bre júu' guicóo' quí-na' cajo. Jō jí' í gaang' lab dseá' Israel dseá' quíá'- Dseá' Jmáang- í nicajmée' ta~ colíng' cōo' jnea~ cōo' jalé' ta~ guiá' júu' quíá'- jial quíé' Fidiée' nifí' quíá'- jaléng' dseá' jmigüí', jogui nicajmicóo'bre jnea~ e catí'gui' dsii' cajo. 12 Jogui lajobi' Epafras, jaang' dseá' góo'na' í jmóo' lajii' e iing' Fii'naa' Jesús, guiéíñ' júu' guicóo' quí-na'. Jogui contøøm- féiñ' Fidiée' uii' quí-na' e ngocáng' dsí' e laco' teáang'na' teá' lajii' fí' niteáang'na' e dseáang' nijáam' yaang'na' e jmée'na' jalé' e iing' Fidiée' e jmée'na'. 13 Jō niñib' jnea~ jial guíng' dsí' í uí' 'nú' jogui uii' quíá'- dseá' neáang' fí' Laodicea cōo' gui

fi' Hierápolis cajo. ¹⁴ Jogui Lucas, jaang` timíí` i` 'neáang`naa' eáang', guiéiñ' júu^ guicóo'` quíi`-na' colíing`~ cóo'~ jaang` i` sù` Demas.

¹⁵ Jogui 'nú', dsea` neáang`na' fi' Colosas, cuøø'~ba' guicóo'` jaléng` dsea` quiá'- Dsea` Jmáang` i` neáang` fi' Laodicea cuaiñ`~ quié`-e, jogui lajobi Ninfá cóo'~ lajaléng` dsea` i` seáng'` i` jmiféng'` Fidiéé` fi' quiá'r`. ¹⁶ Jogui mi` ningí` e ni'í` 'nú' e jì` quié`-e la fi' quini` jaléng` dsea`, síim`ba' quiá'- dsea` quiá'- Dsea` Jmáang` i` neáang` fi' Laodicea, jo lajob ni'ír` cajo; jogui lajobi 'nú' ni'í`ba' jì` quié`-e e ni'íng`~na' e jáa' fi' Laodicea cajo. ¹⁷ Jogui síi`ba' Arquipo cajo cuaiñ`~ quié`-e e güijmiti`bre røø` lajii'` ta` e nicacuø'` Dsea` Jmáang` ír`.

¹⁸ Jnea` Paa` jmo'`o e júu^ guicóo'` quíi`-na' la cóo'~ guóo`o` ñiá`baa. Jo jmiguiéng'` áa`na' cajo e sijníim`baa fi' la.

Jo míi`~i` Fidiéé` e ni'ír` güea`^ quiá'r` jee` 'nú'. Jo lajob nilí`.

Jo lanab jii'` fé' jì` quiá'- Paa` e catíng` jaléng` dsea` quiá'- Dsea` Jmáang` i` seeng` fi' Colosas.

Júu^ e toq̃ fí ni~ jì la'uii~ quiá'- Paa- e catíng- dsea` seeng` fí TESALÓNICA

¹ Jnea~ Paa-, colíng~ cóo~ Silvano jogui Timoteo, jmo'naa' e jì la e catíng- jaléng' 'nú', dsea` rú'naa' dsea` quiá'- Dsea` Jmáang- i seeng` fí na fí Tesalónica, dsea` nilíng'na' dsea` quiá'- Tiquí'ii' Fidié~ cóo~ gui Fí'naa' Dsea` Jmáang-. Jo mii'naa' Fidié~ e ni'í'r- güea' quiá'r- jee~ 'nú' jogui e nicuó'r- 'nú' e niliseeng'na' juguiá- júu^ røø`.

Gui'máang~ Fidié~ e calicúing` dsea` seeng` fí Tesalónica Dsea` Jmáang-

² Jo lacoq̃ ya' mi~ féng'naa' Fidié~, cuóø-baa'r gui'máang~ uii~ quí- 'nú' lajñng'na', jogui lacoq̃ ya' mi~ mii'naa' Fidié~, mii'baa'r la quie' tí uii~ quí- 'nú' cajo. ³ Jogui lacoq̃ ya' mi~ féng'naa' Tiquí'ii' Fidié~, jmiguiéng' dsí'naa' lajii~ ta~ quí- 'nú' e jmoo'na' la'eáang' e nicajáang~ yaang~na' fí jaguó` Dsea` Jmáang-; jogui jmiguiéng' dsí'naa' uii~ e ta~ e nicajmee'na' e iáang` óo'na' la'eáang' e 'neáang'na' Dsea` Jmáang-; jogui jmiguiéng' dsí'naa' cajo jial nicateá'-na' lajii~ fí teáang'-na' cóo~ Dsea` Jmáang- e sijeeng'na' mi~ nijáa'tu dsea` do. ⁴ Dsea` rú'naa', 'neáam` Fidié~ 'nú', jogui nine~bí' e íbre dsea` caguiñ' 'nú' e nilíng'na' dsea` quiá'r-. ⁵ Jo mi~ caguiá'naa' júu^ quiá'- Dsea` Jmáang- fí jee~ 'nú' e quiá'- jial laang` dsea` jee~ dsee- quiá'r-, ja` cajmó'naa' cóo~ jii~ layaang~ júu^ quí- 'nú' e yee~naa', co' caguiá'naa' e júu^ do la'eáang' cóo~ e 'gøng' quiá'- Jmiguí quiá'- Fidié~, jogui e lajam'-ba' ta~ dsí'naa' e dseáng'- jáb'- e júu^ jo cajo. Jogui niñí'ba' jial nica'ee- 'nú' e laco' guiáb- ni'uíng- quí- 'nú'.

⁶ Jo 'nú', ee-ba' laco'gui la ee- jnea' laco'gui la ée' Fí'naa' Dsea` Jmáang- 'ñia'r' cajo. Jo ja' e líí e cangíng'na' iihuí' uii~ e ca'íng'na' e júu^ quiá'- Dsea` Jmáang- do, dsu' iáam` óo'na' la'eáang' cóo~ Jmiguí quiá'- Fidié~. ⁷ Jo co' guiáb- ee- 'nú', joba' jaléng' dsea` quiá'- Dsea` Jmáang- i seeng` fí lí se' Macedonia cóo~ gui fí lí se' Acaya niñir' jial 'né- ér- cajo. ⁸ Jo la'eáang' cóo~ 'nú', dsea` seeng'na' fí Tesalónica, jaléng' dsea` seeng` fí lí se' Macedonia cóo~ gui fí lí se' Acaya nicanúur- júu^ quiá'- Dsea` Jmáang-. Jo jaléng' dsea` seeng` doñí' jié' fí lí dsé'naa' niñir' e dseáng'- nicajáam~ yaang~na' fí jaguó` Fidié~. Jo jii~ o' 'né- fé'gui jnea' e jo uii~ quí- 'nú', ⁹ co' yaam~ i dsea` í nisí'r' jnea' jial mi~ ca'íng' 'nú' júu^ quiá'- Dsea` Jmáang- e léé'naa' mi~ caguié- 'nú' e cango'ee'naa' jaléng' 'nú', dsea` seeng'na' fí na fí Tesalónica. Jogui sí'r' jnea' cajo jial mi~ catáa'na' e jmiféng'na' lí' doñí' ee' lafa' dié~ i o' já'-, jo lajob canaang'-na' e jmoo'na' lajii~ e iing~ i Fidié~ i dseáng'- já'- do. ¹⁰ Jogui fé'bir cajo e sijeem' 'nú' e nijáa'tu Jesús fí niñí' i líng' Joo' Fidié~ i cajmijí'tu Fidié~ quiá'r- jee~ jaléng' 'líí'. Jo íb' dsea` i láang` jneaa'aa' cóo~ jalé' iihuí' eáang' e nijaquíéng' e ni'íng' dsea` uii~ jalé' dsee- quiá'r- e nica'éer`.

2

Jalé' e cajmée' Paa- fí Tesalónica

¹ Jo 'nú', dsea` rú'naa', niñí'ba' guiá- e liim~ ta~ cali'íng' jalé' e cajmó'naa' lajee~ cataang~naa' cóo~ 'nú' fí Tesalónica. ² Co' niñí'ba' 'nú' guiá- e ná'-gui e nidsé'naa' fí na, lajee~ cataang~naa' fí cóo' fii' e sii' Filipos, eáam' ga' cajmeáng' i dsea` í jnea', jogui fé'r' ga' uii~ quí- 'nú' uii~ e guia'naa' júu^ quiá'- Dsea` Jmáang-. Jo mi~ caguiá'naa' e júu^ jo jee~ 'nú', 'ní' níib- dsea` quí- 'nú'; dsu' ja' e líí e jo, co' Fidiéeb' eáang' cajmicóo~ quí- 'nú' e caliseá' bí quí- 'nú' e caguiá'naa' e júu^ jo. ³ Jo lajii~ júu^ e caguiá'naa' jee~ 'nú' do, jmang'- júu^ jáb'-, jogui e car` ngocáng' dsí'baa' caguiá'naa' e júu^ do cajo. Jo dseáng'- ja' í dsí'baa' fa' e nijmigoøng'naa' dsea` cóo~ jalé' e júu^ e guia'naa' do. ⁴ Jo dseáng'- ja' jmoo-baa' lajo, co' Fidié~bing' i caguíng' jnea' jogui cacuø'r' jnea' ta~ e guia'naa' júu^ quiá'- jial laang` dsea` jee~ dsee- quiá'r-; jo co' lajob líí, joba'

fé'naa' e júu^ jo. Co' ja' 'né-naa' e lico' nijá'naa' guiá- cóo~ jii~ dsea` jmigüí, co' lajii~ e iing~ Fidiée'ba' jmoo-naa', co' jii~ íb' dsea` niñir' jogui nicuúir` dsi'naa' lajaang` lajaang'naa'. ⁵ Jo niñib' 'nú' guiá- e jii~ coo` née~ ja' caféeng'naa' 'nú' cóo~ júu^ 'goo` e laco' nijmicóong'naa' 'nú' lajee` e ngi'naa' guia'naa' júu^ quiá'- Dsea` Jmáang-, o'gui cajmó'naa' fa' e cajmigóong'naa' 'nú' e lí' laco' nili'naa' cuu- quí-naa'; lí' Fidiée'bigui ninir' lajalé' e la. ⁶ Jo dseáng'- ja' mí cajmó'naa' fa' e nijmiféng' dsea` jnea'^ o'gui 'nú' fa' nijmiféng'na' jnea'^ o'gui dsea` jiéng' cajo. Co' nañí' fa' cuóom`bre e jmó' jnea'^ e lí'naa' lafa' dsea` niing- i quiá' ta~ jee~ 'nú' uíi~ e lí'naa' dsea` i casíng' Fidiée' i quie' júu^ quiá'- Dsea` Jmáang- jee~ jaléng' dsea', ⁷ dsu' ja' cajmó'naa' lajo. Co' guiáb- ca'ee-naa' jee~ 'nú' lí' laco' jaang` niquiá'^ jiuung~ jmóo`bre í' jóor' jogui to' fíim`bre laco' catíng- co' 'neáam`bre. ⁸ Jo co' eáam' 'neáang'naa' 'nú', joba' ii'naa' e nicuóo'naa' 'nú' e júu^ quiá'- Fidiée' e quiá'- jiallaang` dsea` jee~ dsee- quiá'r-; dsu' o' dseáng'- jii~ júu^ jo cajo, co' cartí' jáang~ yee`baa' song 'né- lajo uíi~ e 'neáang'naa' 'nú'. ⁹ Jogui tóob' áa'na', dsea` rú'naa', jial cacuóo' bí yee`naa' e cajmó'naa' ta~ e quiá'- lí' jiiu' e 'né-naa' lajee` taang~naa' fí' na. Co' ie~ jo cajmó'naa' ta~ e lico' cajnea' jogui cartí' canuu' e laco' ja' nicuóo'naa' iihuí' jii~ jaang' 'nú' lajee` e guia'naa' júu^ quiá'- Fidiée' fí' na.

¹⁰ Jo niñib' 'nú', jogui niñi'bi Fidiée' cajo, e eáam' guiá- nica'ee-naa' jee~ 'nú', dsea` líng'na' dsea` quiá'- Dsea` Jmáang-, jo ja' jmoo-naa' ga` cóo~ jii~ jaang' 'nú', jogui lajalé'ba' e nicajmó'naa' dseáng'- nicajmó'naa' røø laco' si'í'b', jogui jii~ coo` dsee- ja' cuóong` cuó'- dsea` jnea'^. ¹¹⁻¹² Jogui ní'bi 'nú' guiá- e nicacuóo'baa' 'nú' bí jogui nicajmitii-baa' óo'na' lajaang` lajaang'na' lí' laco'gui la jmóo' jaang` tiquiá'^ dsea` cóo~ jóor'. Jogui sii'naa' 'nú' e ee-ba' røø laco'gui catíng- e jmóo' dsea` quiá'- Fidiée', co' íb' cató'r- 'nú' e nimó'na' jial tí' niing- 'gøiñ' jogui jial quiá'r' ta~ fí' la'úng- fí' jmigüí.

¹³ Jo uíi~ joba' contóong- cuóo'naa' gui'máang' Fidiée', dsuco' mi~ la'uii' canuu' 'nú' e júu^ quiá'- Dsea` Jmáang- e caguiá' jnea'^ jee~ 'nú', dsifib' ca'íng'na' e júu^ jo, co' calilí'ba' e quiá'- Fidiée' e júu^ jo, jo o' quiá'- dsea` jmigüí. Dsuco' dseáng'- lajam'ba' e júu^ e caguiá'naa' do lí' júu^ quiá'- Fidiée'b', jo la'eáang' Fidiée'b' cajo jmóo' ta~ e júu^ jo fí' áa'na' cóo~ jalé' e jmoo'na', 'nú' dsea` já' líng'na' júu^ quiá'- Dsea` Jmáang-. ¹⁴ Jogui jaléng' 'nú', dsea` rú'naa', mi~ ca'íng'na' jalé' iihuí' e cacuó' dsea` góo'na' uíi~ e líng'na' dsea` quiá'- Dsea` Jmáang-, røøb' ca'íng'na' e jo laco'gui ca'íng' dsea` quiá'- Dsea` Jmáang- i seeng' fí' lí' se' Judea, dsuco' lajob' iihuí' cangá- í' cajo e cacuó' dsea` góor' dsea` Israel. ¹⁵ Jo i líng~ i dsea` Israel cajo, íb' i cajngang' jaléng' dsea` rúin' i café' cuaiñ' quiá'- Fidiée' malí'gui eáang'. Jo mi~ cangí'gui e jo, i líng~gui i dsea` í' cajngaiñ' Fí'naa' Dsea` Jmáang- i líng' dsea` góor' cajo. Jogui i líng~guiiñ' do cajmeáiñ' ga' jnea' cajo, dsea` lí'naa' dsea` quiá'- Dsea` Jmáang-. Jo ja' jmóor' laco' tí' dsí' Fidiée', jogui 'ní' níim-bre lajaléng'gui dsea` jmigüí cajo. ¹⁶ Co' mi~ ii'naa' guiá'naa' júu^ quiá'- Dsea` Jmáang- jee~ jaléng' dsea` i ja' líng' dsea` Israel e laco' jial nileáiñ' jee~ dsee- quiá'r-, dsu' i dsea` Israel do ja' cacuó'r' jnea'^ fí' lajo, jo lajoba' eáam' nicajmi'míiñ' dsee- quiá'r- uíi~ jalé' e nicajméer' do. Joba' lanagui catí'b' í' quiá'- i dsea` do e ni'íñ' iihuí' e eáang' e jáa' quiá'- Fidiée'.

Mí' ca'í' dsí' Paa- e nidsé-tur fí' Tesalónica

¹⁷ Jo fíi'guí' 'nú', dsea` rú'naa', e mi~ cangohuíng-naa' quí' 'nú' e huóom`jia, nañí' fa' ja' neeng~ rú'naa' dseáng'- lana, dsu' contóom- guíng~ dsi'naa' uii~ quí'na', jo dseáng'- ii'naa' fa' e dsi'eeb'túu' 'nú' fí' na calé' catú-. ¹⁸ Jo cajmó'baa' quijí- e nidsé'naa' fí' na; jo jnea~ Paa-, eáang'gui jmiguiá' ya' cajmé- e quijí- e ninii-túu' fí' na, dsu' fii~ i 'ling' i sii' Satanás cajnir' fí' quí'naa' e ja' cajmó'naa' lajo. ¹⁹ Jo yaam~ 'nú' dsea` cuó'na' jnea'^ e tab~ dsi'naa' jogui e iáang' dsi'naa' jogui e guiáb- fé'naa' uii~ quí'na'. Co' dseáng'- 'nú'bing' i nicuó'- jnea'^ e iáang' dsi'naa' mi~ tí' lí' nití- í' e nijáa'tu Fí'naa' Dsea` Jmáang- fí' jmigüí

la. ²⁰ Dsua e jáb'-, dseáng'- 'nú'bing' i cuø' jnea' e guiáb- fé'naa' uii~ quíi~na' jogui e nijmi'íáang' dsi'naa' uii~ quíi~na' cajo.

3

Paa casíñ`Timoteo fí`Tesalónica

¹ Jo co' eáam' cali'iin~n e ninuu~u júu^ quíi~na' calé' catú-, joba' ca'f' dsii- e guiá-gui e cajá'baa 'ñiá'a' fí' la fí' Atenas, ² jo casín~n fí' na jaang' dsea` rú'naa' dsea` quíá'- Dsea` Jmáang- i sii' Timoteo. Jo i dsea` í' líiñ' jaang' dsea` i jmóo' lajii'~ e iing~ Fidiée~, jogui jmóor' ta~ røø' cóo'~ jnea~ e guia'naa' júu^ quíá'- Dsea` Jmáang-. Jo casín~nre fí' na e laco' dsi'eer~ 'nú' jogui tíi' nir~ jial seeng'na' jogui cuø'r' 'nú' bí' e laco' teáang-na' teá' cóo'~ júu^ quíá'- Dsea` Jmáang-. ³ Jo casín~nre fí' na e laco' jii'~ jaang' 'nú', dsea` seeng'na' fí' na fí' Tesalónica, nijmitúng^ óo'na' cóo'~ jalé' iihuú' e móo~na' uii'~ e nilíng'na' dsea` quíá'- Dsea` Jmáang-. Dsuo' niñi'ba' e dseáng'- nisi'í'ba' e nidsingíng~naa' iihuú' uii'~ e líng'naa' dsea` quíá'- Dsea` Jmáang-. ⁴ Jo niñi'ba' 'nú' guiá- e lajee~ e taam~bí' fí' na cóo'~ 'nú', cajmó'baa' 'nú' júu^ e dseáng'- nidsingím~baa' jalé' iihuú' uii'~ e lí'naa' dsea` quíá'- Dsea` Jmáang-, jo lajob lí' e calí-. ⁵ Jo co' lahuím' cali'iin~n caliñii- júu^ quíi~na', joba' casín~n Timoteo fí' na e laco' caliñii- jial seeng'na' lajii'~ fí' teáang-na' cóo'~ Dsea` Jmáang-. Co' jmoob- jnea' fí' í' fíng song fii' i' líng'^ casíñ' 'nú' fí' ga'. Dsuo' fíng song lajo, ja' e ta~ nilí'íng^ lajii'~ ta~ quíi~naa' e nicajmó'naa' jee~ 'nú' fí' na jóng.

Mi~caguiéng~tu Timoteo fí`Atenas

⁶ Dsua lanagui nicagüeam'- Timoteo e jaiñ' fí' na fí' Tesalónica, jo quiéer~ jmang'- júu^ guiáb- quíi~na' e teáb' teáang-na' cóo'~ júu^ quíá'- Dsea` Jmáang- jogui e 'neáam'ba' dsea` rúng'na'. Jogui jing'-gui Timoteo e contøøm- dséng' óo' 'nú' jnea', co' eáam' 'neáang'na' jnea', jogui eáam' iing~na' nimáang~tu' jnea' laco'gui jnea' ii~naa' e nineeng~túu' 'nú'. ⁷ Jo lajob lí', dsea` rú'naa', e jee~ jalé' iihuú' e íng'naa' cóo'~gui e jmáng' dsea' ga' jnea', jee~ job quiéeng' e jmi'íáang' dsi'naa' mi~ caline~naa' e teá' teáang-na' cóo'~ júu^ quíá'- Dsea` Jmáang-. ⁸ Jo mi~ caline~naa' e jo, joba' cuø'gui bí' jnea' lajii'~ fí' tee~naa' cóo'~ Dsea` Jmáang-. ⁹ Joba' í' dsii- jial cuøøng' e nicuøø'naa' Fidiée~ jmigui'gui gui'máang' uii~ quíi~ 'nú' jogui uii~ quíá'- e jmi'íáang' dsi' jnea' uii~ quíi~ 'nú' fí' quini~ 'ñia'r' cajo. ¹⁰ Jogui uøø' jmáb' dseáng'- mii'naa' Fidiée~ e nijmicóo'r~ jnea' e nineeng~tu rú'naa' fí' na calé' catú-, jogui e nijmicóo'~guú' 'nú' jial laco' nisíng'-gui' teá' cóo'~ júu^ quíá'- Dsea` Jmáang- cartí' nilíé' quíi~na' laco' sí'í'.

¹¹ Jo mii'naa' Fidiée~ i líng' Tiquí'ii' do cóo'~ Fii'naa' Jesús, e nijmicóo'r~ jnea' e laco' nilí'naa' nineeng~tu rú'naa' calé' catú- fí' na fí' Tesalónica. ¹² Jogui mii'naa' Fii'naa' Dsea` Jmáang- e nijmicóo'r~ 'nú' e nili'neáang'gui' dsea` rúng'na' lí' lajaléng' dsea' laco'gui jnea' eáam' 'neáang'naa' jaléng' 'nú' cajo. ¹³ Jogui mii'naa'r' cajo e nijmicóo'r~ 'nú' e laco' ja' nilitúng- áa'na' lajii'~ fí' niteáang-na' cóo'~ Dsea` Jmáang-, jogui e nilíng~gui' dseáng'- dsea' quíá'- Tiquí'ii' Fidiée~ i jo' dsee- sea' quíá'- fí' quini~ dsea' do mi~ nití- í' e nigüéeng~tu Fii'naa' Jesús fí' jmigüí' la colíng' cóo'~ jaléng' dsea' quíá'r-. Jo lajob 'né' liti~.

4

Jial íáang' dsí' Fidiée~ cóo'~ jneaa'aa'

¹ Jo lanagui, dsea` rú'naa', nica'ée^baa' 'nú' jial seeng'na' e laco' íáang' dsí' Fidiée~ lí' laco'gui seeng'na' lana. Joba' mii'ba' 'nú' jogui síi'ba' 'nú' cajo la'eáang' cóo'~ Fii'naa' Jesús e güiliseem'ba' laco'gui la íáang' dsí' Fidiée~, jo jmée^bi' lajo cajo.

² Co' 'nú' niñi'ba' guiá- jalé' e nica'ée^naa' 'nú', jo e jo nicajmó'naa' la'eáang' cóo'~ Fii'naa' Jesús. ³ Co' lajii'~ e iing~ Fidiée~ e líng'na' dseáng'- dsea' quíá'- dsea' do e ja' jmée'na' jalé' e lí' dsí' ngúu' táang'na'. ⁴ Co' iing~ Fidiée~ e lajaang' lajaang' 'nú' ñi'na'

jial 'né- ee-na' røø` còo~ lajii~ dseamf quí-na', jogui jial 'né- e jmi'goo`na're cajo laco' catíng-. ⁵ Co' ja` catíng- e jmée`na' jalé' e ja` dseeng` lajo laco'gui la jmóo`dsea` jmigüi` i ja` cúing` Fidiée` e suuiñ` dsea` i o' quíar-. ⁶ Dsea` rú'naa' dsea` quíar- Dsea` Jmáang-, ja` cuóøng` e jii~ jaang` dseañu` nijmér- jalé' e ja` dseeng` lajo e nijmigóøiñ` jaang`gui dsea` rúñ` dsea` quíar- Dsea` Jmáang- lí^ laco'gui jii~ e nicañi` i 'nú' na. Dsu` iihuñ` eáam` nicuó~ Fidiée` jaléng` i dsea` i jmóo` lajo lí^ laco'gui 'goo` nica'í'naa' quí-na' jéeng`gui. ⁷ Dsuo' ja` cató~ Fidiée` jneaa`aa' fa' e nijmó`naa' jalé' e 'lí^, co' cató~r- jneaa`aa' e lí^ laco' nilisee`naa' e lí'naa' dseáng'- dsea` quíar-bre. ⁸ Jo doñi` ii` dsea` i guí' ca' e júu` quíar- Dsea` Jmáang- e guí' jnea` do, joba' ja` 'né- í- dsíir' e júu` quíar- dsea` jmigüi` e guíar' ca' do, co' júu` quíar- Fidiéeb` e jo. Jo Fidiéeb` cajo i cacuø' jneaa`aa' dseáng'- Jmiguí` quíar-.

⁹ Jo jo` 'né- fa' jnea`gui nifi`i 'nú' e 'né- nijmi'neáang` rúng`na' la'ó' líng`na' dsea` quíar- Dsea` Jmáang-, dsuo' 'ñiab' Fidiée` nica'e'r' 'nú' jial nijmi'neáang`na' dsea` rúng`na'. ¹⁰ Jogui lajob` jmoo` 'nú', dsea` rú'naa', co' 'neáang`na' jaléng` dsea` quíar- Dsea` Jmáang- i seeng` fi' la'úng- lí` se' Macedonia. Jo síi`guí' 'nú' e güli'neáang`gui rúng`na' laco` jmi~ laco` jmi~. ¹¹ Jogui jmi'úung`na' e niliseeng`na' juguiá- júu` røø` còo~ jaléng` dsea`, jogui ja` jmoo`na' e quíng`na' lí` ja` catíng`na', jogui jmee`na' ta` còo~` layaang` guóo`na' lí^ laco'gui nicasíi`naa' 'nú' lami~ jéeng`gui do. ¹² Jo lajob` 'né- jmée`na' e laco' nijmi'gó` jaléng` dsea` i ja` cúing` Dsea` Jmáang- 'nú' jogui e laco' niliseab` jalé' e 'né- quí-na' cajo.

Mi~ nijáa`tu Dsea` Jmáang- fi' jmigüi` la

¹³ Jo e laba' fi~ guí' 'nú', dsea` rú'naa', co' ii` jnea` fa' e 'nú' niliñi`na' jial lí` còo~` jaléng` dsea` quíar- Dsea` Jmáang- i nicajúng- e laco' ja` cuó~` fi'í' yaang`na' laco'gui la jmóo`dsea` i ja` já- líng` e jí'tu jaléng` 'lí~. ¹⁴ Jo co' jáb- lí'naa' e cajúm- Jesús jogui cajíb`tur calé' catú-, joba' lajob` já- lí'naa' cajo e Fidiée` còo~`gui Jesús nijmér- e nijí'tu jaléng` dsea` quíar- i cajúng- e já- líiñ` júu` quíar-.

¹⁵ Joba' síi`guí' 'nú', dsea` rú'naa', lí^ laco'gui júu` e ca'e' Fí'naa' Dsea` Jmáang-, e jaléng` jneaa`aa', dsea` lí'naa' dsea` quíar-, e see`bñi` mi~ tí` lí` nití- í' e nigüéeng`tur fi' jmigüi` la calé' catú-, ja` nidseá'naa' còo~r- jéeng`gui laco'gui dsea` quíar- i nicajúng- lami~ jéeng`gui. ¹⁶ Jo ie~ jo nijgiáang` Fí'naa' Dsea` Jmáang- fi' lí` guíiñ` fi' ñifi-. Jo lajee` jo niná' luu~ Fidiée` e quiu'r' ta` fi' yá^ jmigüi`, jogui niná' e guinifé' jaang` ángel i niing`gui lajee` lajaléng`, jogui niná' e ni'ii~ lúu` trompé^ quíar- Fidiée` fi' yá^ jmigüi` cajo. Jogui jaléng` dsea` quíar- Dsea` Jmáang- i nicajúng-, í'bing` i nijí'tu la'uii~ mi~ nití- e í' jo. ¹⁷ Jo mi~ ningf` jo, jaléng` jneaa`aa', dsea` i jí'gui, colim~ nidseá'naa' còo~r- fi' guíá^ güi, jo nijí' rú'naa' còo~` Fí'naa' Dsea` Jmáang- fi' yá^ jmigüi, jo lajob` nilisee`naa' còo~r` lata-. ¹⁸ Joba' fi~ i 'nú' e cuóø~ bí` rúng`na' còo~` lajalé' e júu` na.

5

¹ Joba' fá'guí, dsea` rú'naa', ja` 'né- jmée`e quí-na' e fi' ni~ ji` la lana lí~ dseáng'- nidsijée` jalé' e fá'a la. ² Co' niñb^ 'nú' røø` e jii~ jaang` dsea` ñir` jéeng`gui e~ jmi~ e nigüéeng`tu Fí'naa' Dsea` Jmáang-, lí^ laco'gui mi~ jaang` dsea` ja` ñir` jéeng`gui lí` niguiée' jaang` ii` i dsí'lee~ fi' quíar- mi~ uøø. ³ Jo mi~ nijíng'- jaléng` dsea` i ja` cúing` Dsea` Jmáang-: "Tiib- í' jogui juguiáb- sea", dsu` ie~ job` dseáng'- ni'íñ` iihuñ` e jo` tóo` jmi~ nileáiñ` lajee` e ja` ñiing` dsíir', lí^ laco'gui jaang` dseamf i quíéeng` jiuung` jii~ ja` ñir` lí` dseáng'- nináng` e dseá` jmohuí` quíar- e niliseeng` yuu` quíar-. Jo ie~ jo, jii~ jaang` i dsea` í` quíar- jmi~ nileáng`guir e ja` ni'íñ` e iihuñ` do. ⁴ Dsu` 'nú'gui, dsea` rú'naa', jo` seeng`gui e ja` 'ga' lí` ñi`na' laco'gui la líng` dsea` i seeng` fi' lí` nuu, joba' ja` nidsigá` óo`na' mi~ tí` lí` nití- í' e nijáa`tu Dsea` Jmáang- fi' jmigüi` la laco'gui dsigá` dsíi` jaang` dsea` mi~ guíée' jaang` i dsijmée- ii` fi' quíar- mi~ uøø. ⁵ Co' lajalém' 'nú', dsea` rú'naa', líng`na' dsea` quíar- Dsea` Jmáang- i jmóo` jmang'- e guíá-, jo` fi' lí` jneáb` seeng`na'. Jo ja` líng`na'

dsea`i ja` cuing` Dsea` Jmaang` i jmoo` jalé` e `li`^, co` fí` lí` nuaab` seeng` i la`í; ⁶ joba` 'né` e ja` sijlí` jmini`na` laco`gui la líng` dsea` i ja` cuing` Dsea` Jmaang`, dsu` 'né` e sijnéeb` dsi`naa` contøong` jogui` 'né` e í` dsi`naa` dseang`- laco` catíim` cajo. ⁷ Co` jaléng` dsea` i ja` cuing` Dsea` Jmaang` líiñ` la líng` dsea` i sijlí` jmini` mí` uóø, jogui` jmoor` ta` í` mí` uóø cajo. ⁸ Dsu` jneaa`guí, dsea` see`naa` fí` lí` jneá, contøom` 'né` í` dsi`naa` dseang`- laco` catíim`. Jo co` nicajáam` yee`naa` fí` jaguó` Fidiée` jogui` jmi`neáam`bí` dsea` do cajo, joba` e jo lí` lafa` coo` 'mi`qui` ní`^ còo` e jmi`øng` yee`naa`. Jo co` nitab` dsi`naa` e dseang`- nileám`baa` jee` dsee` qui`naa`, joba` e la lí` lafa` coo` logui` ní`^ còo` e lí`øng` mogui`naa`. ⁹ Co` ja` sí`líng`naa` quiá`- Fidiée` e nicuør` jneaa`aa` ihuú, dsu` sí`ím`baa` quiá`r` e laco` nileáng`naa` jee` jalé` dsee` qui`naa` la'eáng` còo` Fí`naa` Dsea` Jmaang`. ¹⁰ Co` Dsea` Jmaang` cajúñ` cuaiñ` qui`ii` e laco` nilisee`naa` cøong` còo`r` lata~, song see`naa` tá`sa` see`naa` mí` nijáa`tu. ¹¹ Joba` fí`guí` 'nú`, dsea` rú`naa`, cuøø` bí` rúng`na` jogui` jmicóo` rúng`na` e ja` tiúung`na` lajíi` fí` niteáng`na` lí`^ laco`gui la jmoona` lana.

Jalé` e cast`- Paa` dsea` quiá`- Dsea` Jmaang`

¹² Jo fí`guí` 'nú', dsea` rú`naa`, e jmi`goo`ba` dsea` quiá`- Dsea` Jmaang` i jmoo` ta` jmicóo` 'nú` e quiet` nifí` qui`na` jogui` e`r` 'nú` jial laco` catíng` e niliseeng`na`, dsea` líng`na` dsea` quiá`- Dsea` Jmaang`. ¹³ Jo eáam` 'né` ee`na` guiá` còo`r~, jogui` 'né` jmi`neáng`na`re quiá`- jalé` e ta` e jmoor` jee` 'nú`. Jo güiliseem`ba` juguiá` júu` røø` còo` jaléng` dsea` rúng`na`.

¹⁴ Jogui` síi`guí` 'nú` cajo, dsea` rú`naa`, e jíng`na` jaléng` dsea` i ja` iing` jmé` ta~, jogui` cuøø`na` bí` jaléng` dsea` i litúng` dsíi` còo` júu` quiá`- Fidiée`, jogui` jmicóo`na` jaléng` dsea` i ja` mí` sea` bí` quiá`- la'ie` fa` dseang`- nilíiñ` dsea` quiá`- Dsea` Jmaang`, jogui` jmee`na` féng` óo`na` còo` lajíng` dsea`.

¹⁵ Jo níing` óo`na` e jíi` jaang` dsea` quír` còo` e ga` quiá`- jaang`gui dsea` rúíñ` uii` quiá`- e ga` e jmoo` í` quiá`r`. Co` lajíi` e 'né` jmé`na` e jmi`úung`na` jmé`na` j mang` e guiáb` còo` jaléng` dsea` rúng`na`, lí` lajaléng` dsea` jmigüi`.

¹⁶ Jo jmi`iáng` óo`na` contøong`. ¹⁷ Jo féeng`na` Fidiée` yejí. ¹⁸ Jogui` cuøø`ba`r gui`maang` quiá`- lí` doñi` ee` catíng`na`, co` lajoba` iñ` e nijmé`na` laco`gui catíng` e jmoo` dsea` quiá`- Dsea` Jmaang`.

¹⁹ Jo ja` jniing`na` lajíi` e iing` Jmiguí` quiá`- Fidiée` e jmér` jee` 'nú`. ²⁰ Jo ja` guiá`na` ca` jalé` e fé` i dsea` i fé` cuaiñ` quiá`- Fidiée`. ²¹ Dsu` quie`na` cuente lajíi` júu` quiá`- i dsea` í, su dseeng` osi ja` dseeng` é, jo 'mea`baa` lajíi` e guiá`. ²² Jo 'naang` yaang`na` còo` jalé` e `li`^ e sea` fí` jmigüi`.

²³ Jo mii`naa` Fidiée` i cuø` juguiá` júu` røø` e nijmeáiñ` 'nú` dseang`- jíi` dsea` quiá`- bre. Jogui` mii`naa`r cajo e nijmér` í` 'nú` lajíi` fí` niteáng`na` còo` jalé` e í` áa`na`, jogui` e nijmér` í` 'nú` jial laco` seeng`na` fí` ngúu` táang`na` e laco` ja` dsee` nilisea` qui`na` jíi` còo` mí` nití` í` e nijáa`tu Fí`naa` Dsea` Jmaang` fí` jmigüi` la. ²⁴ Jo Fidiéeb` dsea` cató`r` jneaa`aa` e laco` ni`uíng`naa` dsea` quiá`r~, jogui` dseang`- jmiti`bre e jo.

Júu` guicóo` quiá`- Paa` lí` cadséng`

²⁵ Dsea` rú`naa` dsea` quiá`- Dsea` Jmaang`, féem`ba` Fidiée` uii` qui`ii`.

²⁶ Jo røøng` rúng`na` e ngocáng` óo`na` còo` jaléng` dsea` quiá`- Dsea` Jmaang` i neáng` fí` na.

²⁷ Jo fí`i` 'nú', la'eáng` còo` Fí`naa` Dsea` Jmaang`, e í`na` e jí` la fí` quini` jaléng` dsea` quiá`- Dsea` Jmaang` i seeng` fí` na.

²⁸ Güi`lib` Fí`naa` Dsea` Jmaang` güea` quiá`r` jee` 'nú`.

Jo lanab jíi` fé` jí` la`uii` quiá`- Paa` e catíng` jaléng` dsea` quiá`- Dsea` Jmaang` i seeng` fí` Tesalónica.

Júu^ e too~ fi' ni~ ji' catî tú~ quiá'- Paa~ e catíng~ dsea' seeng' fi' TESALÓNICA

¹ Jnea~ Paa~, colíng~ cóo~ Silvano jogui Timoteo, jmo'naa' e ji' la e catíng~ jaléng' 'nú', dsea' rú'naa' dsea' quiá'- Dsea' Jmáang~, dsea' neáang'na' fi' na' fi' Tesalónica, i seeng' cøong' cóo~ Tiquí'ii' Fidiée~ jogui cóo~ Fí'naa' Dsea' Jmáang~. ² Jo mii'naa' Tiquí'ii' Fidiée~ cóo~ gui Fí'naa' Dsea' Jmáang~ e ni'ír~ güea'^ quiá'r~ jee~ 'nú' jogui e nicuø'r~ 'nú' e niliseeng'na' juguiá~ júu^ røø.

Fidiée~ niquidsí' í' quiá'- jaléng' dsea' røøng' dsee~

³ Dsea' rú'naa' dsea' quiá'- Dsea' Jmáang~, yejib~ 'né~ cuøø'naa' gui'máang' Fidiée~ uii~ quí~ 'nú', co' lajòb catíng~ 'né~ jmó'naa', co' eáang'gui já~ líng' 'nú' júu^ quiá'- Dsea' Jmáang~ lacoo~ jmii~ jogui eáang'gui jmi'neáang'na' dsea' rúng'na' lacoo~ jmii~ lacoo~ jmii~ cajo. ⁴ Jo lajòba' fé'naa' júu^ uii~ quí~ 'na' jee~ jaléng' dsea' quiá'- Dsea' Jmáang~ e iáang' dsi'baa'; jo fé'naa' e téb' 'nú' lajii~ fi' teáang'na' cóo~ Dsea' Jmáang~, jogui já~ bi líng'na' júu^ quiá'- dsea' do cajo jalí li~ móo~na' jalé' iihuú' cóo~ gui jalé' e jmáang' dsea' ga' 'nú' uii' e cúing'na' Dsea' Jmáang~. ⁵ Jo cóo~ e jòb cuø li~ e dseáang' røøb' quidsí' Fidiée~ í' quiá'- jaléng' dsea' jmigüi', jo la'eáang' e iihuú' e íng'na' do, lajòba' nitíng'na' e Fidiée~ nicár~ nifi' quí~ 'na'.

⁶ Co' Fidiée~ laco' catím~ jmóor~, jòba' nicuø'r~ iihuú' jaléng' dsea' i cuø' iihuú' 'nú'. ⁷ Jogui 'nú', dsea' móo~na' iihuú' lana, Fidiée~ nicuø'r~ 'nú' e jo' nidsingíng'na' jii~ coo' iihuú', jogui lajòbi jnea'^ cajo, jo' nine'naa' iihuú'. Jo jalé' e la nidsijée' mi~ nití' í' e nigüéeng~tu Fí'naa' Jesús fi' jmigüi' la colíng~ cóo~ jaléng' ángeles i 'gøng' quiá'r~, jo nijgiáaiñ' fi' yú'^ jmigüi' e quíiñ' jee~ niing~ ji'. ⁸ Jo nijáar' fi' jmigüi' la e laco' nicuø'r~ iihuú' jaléng' dsea' i ja' iing~ jmicuíng' Fidiée~ o'gui jí'r~ júu^ quiá'- jial nileáang' dsea' jee~ jalé' dsee~ quiá'r~ la'eáang' cóo~ Fí'naa' Dsea' Jmáang~. ⁹ Jo jaléng' dsea' í'bing' ni'íng' iihuú' e eáang' mi~ nijúuiñ' e jo' tóo~ jmii~ tíiñ', co' huúib~ eáang' ni'náiñ' cóo~ Fidiée~ jogui cóo~ e laniing~ 'gøng' dsea' do. ¹⁰ Jo lajòb nilí mi~ nijáa'tu Fí'naa' Dsea' Jmáang~. Jo ie~ jo, jaléng' dsea' quiá'r~ nijmi'gò'bre dsea' do jogui nijmiféiñ' dsea' do cajo; jogui lajòbi 'nú' cajo, lajòb nijmée'na', co' eáam' já~ nicalíng'na' lajalé' júu^ e nicaguiá'naa' jee~ 'nú'.

¹¹ Jòba' eáam' féng'naa' Fidiée~ uii~ quí~ 'na', jogui mii'naa're e nijmicóo'r~ 'nú' e niliseeng'na' røø' lí' laco' catíng~ e jmé~ dsea' i nicatø'r~ e ni'uiiñ' do dsea' quiá'r~. Jogui mii'naa're e nijmicóo'bre 'nú' cóo~ e 'gøiñ' do e laco' guiúb~ ni'uíng~ jalé' e iing~ 'nú' jmée'na' cóo~ gui jalé' ta~ jmoo'na' la'eáang' e cajáang'na' fi' jaguó' Dsea' Jmáang~. ¹² Jo féng'naa' Fidiée~ lana e laco' eáam' nijmi'gò' dsea' Fí'naa' Jesús la'eáang' cóo~ 'nú', jogui Fí'naa' Jesús eáam' nijmi'gò' 'nú' cajo. Jo nilí jalé' e jo' dsuco' eáam' guiúng~ Fidiée~ cóo~ gui Fí'naa' Dsea' Jmáang~ cóo~ 'nú'.

2

Júu^ quiá'- mi~ nijáa'tu Dsea' Jmáang~ fi' jmigüi' la

¹⁻² Jogui lana, dsea' rú'naa', nifi'guú' 'nú' quiá'- mi~ nijáa'tu Fí'naa' Dsea' Jmáang~ fi' jmigüi' la, jogui mi~ nijí' rú'naa' cóo'r~ cajo, jaléng' jneaa'aa', dsea' lí'naa' dsea' quiá'r~. Jogui mii'naa' 'nú' e ja' jmisíng'na' lajii~ e í' óo'na', o'gui fòøng'na' mi~ nijíng' dsea' e nicagüém~ Dsea' Jmáang~ fi' jmigüi' la. Co' seem' dsea' i nijíng' e fé'r' cuaiñ' quiá' Fidiée~ e júu^ jo, dsu' o' já'. Jogui seem'bi dsea' i fé' e quiá'- Fidiée~ e júu^ jo, dsu' o' já' e lajò. Jo seem'bi dsea' cajo e jíiñ' e jneab~ cajmée' e fi' ni~ ji' quíe~ e júu^ jo, dsu' o' já' e lajò cajo. ³ Jòba' fii'guú' 'nú', dsea' rú'naa', e ja' jmigøøng' yaang'na' jii~ coo' mi' fé' dsea' e nicagüéng~tu Dsea' Jmáang~. Dsuco' lajee~ nú'gui e jmii~ jo, dseáang' cab' niguiéng~

dsea` Fidiée~, jo ie~ job cajo nijmijnéeng` 'ñia' i dsea` i 'ling'^ do fi' jmgüü` la, jo Fidiée` dseáng`- nibíim`breiñ` do fi' li` 'li'^. ⁴Jo i dsea` i 'ling'^ do dseáng`- cab' niguiár` jalé' e jmféng' dsea` laco'gui mi~ jmféiñ' e quiá'- Fidiée`. Jogui iing` i dsea` i 'ling'^ do fa' e nijmféng' dsea` ír` cartí` nijmér` e nigüear` li` si' ée^ quiá'- Fidiée` fi' dsí' sinúu^ guá'-, jogui nijmeáng' 'ñia'r' e íbre 'gøng'guir laco' Fidiée`.

⁵¿Já` tóo` áa' 'nú', dsea` rú'naa', e cafí-i 'nú' jalé' e la ie~ lami~ cataang`naa' coling` cóo` 'nú' fi' na fi' Tesalónica? ⁶Jogui lana niñib^ 'nú' e~ e nicajníng' quiá'- i dsea` i 'ling'^ do e laco' ja' mí` cajmijnéeng` 'ñia'r' jéeng'gui júi~ laco' jmí~ e si'í e nijmijnéeng` 'ñia'r'. ⁷Jo lana fíim` dsea` nijmóor` jalé' e 'li'^, jo júi~ Fidiéeb` dsea` cuø'r` jneaa`aa' e ngáng`naa' jiali' jmóo` dsea` jalé' e 'li'^ do. Jo lico' 'né`-gui e ja` ii` nijníng`- quiá'- jalé' e 'li'^ do e laco' nidsijéé` jalé' e nicafá'-a na. ⁸Jo mi~ nijmijnéeng` 'ñia' i dsea` i 'ling'^ do jee~ jaléng' dsea` jmgüü`, job mi~ nití` í' e nijáa`tu Fíinaa' Jesús fi' jmgüü` la calé' catú` e quiá'- nijmgüíeíñ` quiá'- i 'ling'^ do la'eáng` cóo` e jiiñ` eáng` do jogui cóo` capí^ guí e nijjáur` fi' mo'oor`. ⁹Jo mi~ nijáa` i dsea` i 'ling'^ do la'eáng` cóo` bí` quiá'- i fií` i 'ling'^ rúíñ` i sií` Satanás, joba' nijmgóøiñ` dsea` cóo` jalé' e li` e nijmér` cóo`-gui jalé' e quí'r` jmí~ la'eáng` cóo` e bí` quiá'- fií` i 'ling'^ do. ¹⁰Jo nijmgóøiñ` jaléng' dsea` i niteáang` fi' e nidsilíñ` fi' li` 'li'^ cóo` jalé' e 'li'^ e quí'r` jmí~ jmér`. Jo jaléng' i dsea` í` niteáaiñ` e fi' jo, co' ja` cali'iiñ` fa' ca'íñ` lajúi~ júu^ quiá'- Dsea` Jmáang` e laco' nileáiñ` jee~ jalé' dsee` quiá'r`. ¹¹Jo uing` e ja` ca'íng' i dsea` do e júu^ jo, joba' cuøb` Fidiée` fi' e jáb`- lãng` i dsea` do jalé' e o' já` e nijmgóo` i dsea` i 'ling'^ do. ¹²Joba' dseeb` nicuø' Fidiée` jaléng' i dsea` í` mi~ tí` li` nití` í' lajo, co' cali'iiñ` e cajméer` jalé' e 'li'^ do jogui ja` cali'iiñ` fa' já`- caliñ`- lajúi~ júu^ quiá'- Dsea` Jmáang`.

Jial guíng` Fidiée` jaléng` dsea` i nileáang` jee~ jalé' dsee` quiá'-

¹³Dsea` rú'naa' dsea` quiá'- Dsea` Jmáang`, eám` 'neáang` Fidiée` 'nú'. Jo jnea'^, sojiéb' 'né`-cuøø'naa' gui'máang' Fidiée` cuaiñ` quií` 'nú', dsuco' Fidiée` caguíñ` 'nú' latí` mi~ uing` e quiá'- nileáang`na' jee~ jalé' dsee` quií`na'. Jo cajméer` lajo la'eáng` cóo` e ta~ quiá'- Jmgüü` quiá'r` e cuø` e uíng`na' dseáng`- dsea` quiá'r` jogui la'eáng` e já`- nicalíng`na' júu^ quiá'- Dsea` Jmáang` cajo. ¹⁴Jo uing` e laba' caguíng' Fidiée` 'nú' la'eáng` cóo` júu^ quiá'- Dsea` Jmáang` e guia` jnea'^ jee~ 'nú' e laco' nilí`na' nilisea` quií`na' fi' li` niing`- 'gøng' Fíinaa' Dsea` Jmáang`.

¹⁵Joba' fíi-guáí` 'nú', dsea` rú'naa', jie~ mí` túna' lajúi~ fi' niteáang`na' cóo` Dsea` Jmáang`, jo ja` túna' lajúi~ júu^ quiá'- Dsea` Jmáang` e nica'ée`naa' 'nú' lajee` cataang`naa' coling` o'gui jalé' e too` fi' ni` jì` e nicasiing`naa' quií`na' fi' na cajo. ¹⁶⁻¹⁷Jo co' eám` guíung` Fidiée` cóo` jneaa`aa', nañí` fa' ja` catí`naa', dsu' cajmi'neáam`bre jneaa`aa' jogui nicacuø'r` jneaa`aa' e tab~ dsí`naa' lata~ lajúi~ fi' tée`ee' cóo` Dsea` Jmáang`, jogui jman' e guiá`-ba' sijeeng`naa' quiá'r` cajo. Joba' mii`naa' Fíinaa' Dsea` Jmáang` cóo`-gui Tiquí`ii' Fidiée` e nicuø'r` 'nú' bí` lajúi~ fi' niteáang`na' e jmee`-ba' jman' e guiá`- jogui e fó`na' jman' júu^ guiáb` cajo.

3

Mí`na' Fidiée` uíi` jnea'^

¹Jo li` ngóo` cadséng`-gui fíi`-i 'nú', dsea` rú'naa', féeng`na' Fidiée` uíi` jnea'^ e laco' jminá`-gui nini`- júu^ quiá'- Dsea` Jmáang` fi' la'úng`- fi' jmgüü`. Jogui féeng`na' dsea` do cajo e jaléng' dsea` i ninú` e júu^ do ni`im`bre e ngocáng` dsíir` lí'^ laco'gui cajmee` 'nú' mi~ canúu`na' júu^ quiá'- Dsea` Jmáang`. ²Jogui míi`na' Fidiée` cajo e laco' nileáiñ` jnea'^ jee~ jaléng' dsea` i 'ling'^ i soo` dsíí, co' ja' lajiing` dsea` já`- lãíñ` júu^ quiá'- Dsea` Jmáang`. ³Jo dseáng`- jmitib` Fidiée` lajúi~ júu^ cuø'r`, jo jmicóo`-bir` 'nú' e ja` nijmitúng` óo`na' lajúi~ fi' teáang`na' cóo` Dsea` Jmáang`, jogui nijmi`øiñ` 'nú' e laco' ja` nijmgóøng` fií` i 'ling'^ 'nú' cajo. ⁴Jogui nisita` dsí`naa' e Fíinaa' Dsea` Jmáang`- nijmicóo`r` 'nú' e jmoo`ba' jogui

e jmée^bi' jalé' e nicasí'~naa' 'nú' do. ⁵ Jo m'í'~naa' Fíi'naa' Dsea` Jmáang` e nicuó'r` 'nú' e lí'na' jial tí' 'neáng` Fidiéé` 'nú' jogui e nicuó'r` 'nú' bí' quiá'r` e nité'na' e féng'` óo'na' lajii'~ fí' teáng`na' laco'gui cateá'~ Dsea` Jmáang` 'ñia'r'.

La guím'ba' 'né- e jmé- dsea` ta`

⁶ Jo sí'~guí' 'nú', dsea` rú'naa' dsea` quiá'~ Dsea` Jmáang`, la'eéang` cóo'~ júu^ quiá'~ Fíi'naa' Dsea` Jmáang`, e ja` quing`^ yaang`na' jee` jaléng'` dsea` quiá'~ Dsea` Jmáang` i ja` iing`~ jmé- ta`, co' i dsea` í ja` seeiñ` cøøng` cóo'~ jalé' júu^ e casí'~naa' 'nú' lamí` jéeng`gui. ⁷ Co' niñib`^ 'nú' guíá'~ jial dseáng'~ 'né- niliseeng`na' lí' laco'gui nicalisé` jnea'^ jee` 'nú'; dsuco' jmoob` jnea'^ ta` lajee` calisé`naa' jee` 'nú', ⁸ jo jii'~ coo` néé`~ ja` camí'naa' e niquíee`naa' quiá'~ dsea` e ja` niquí'naa' quiá'r`. Co' lí' lí' cajmí'úung`naa' e cajmó`naa' ta` uóø` jmáb` e laco' ja` cacuóø`~naa' iihuí' jii'~ jaang` 'nú'. ⁹ Dsu' ofa' ja` catíng`naa' e nimí'~naa' 'nú' e nijmicóo'~na' jnea'^, co' lí' lí' cali'ii'naa' e ni'éé`naa' 'nú' jial dseáng'~ 'né- jméé`na' tab`. ¹⁰ Co' mí` cataang`~ jnea'^ jee` 'nú', cacuóø`^baa' 'nú' lajii'~ e júu^ la e fé' lala: Doñí' ii` dsea` i ja` iing`~ jmé- ta`, ja` cuó'na'r e nidó'r`. ¹¹ Dsu' lanagui nicalíneb` jnea'^ e seem` 'nú' e fíng'~na' jméé`na' ta`, jo lico' tí' óo'na' e quíng'~na' lí' ja` catím`ba'. ¹² Jo jaléng'` i dsea` í nisí'~naa'r, la'eéang` cóo'~ júu^ quiá'~ Fíi'naa' Dsea` Jmáang`, e güijméé`bre ta` laco' catíng`, jo lajoba' nilí'r` jalé' e 'né- lajee` e taaiñ` fí' jmígüi' la.

¹³ Joba' fíi'~guí' 'nú', dsea` rú'naa' dsea` quiá'~ Dsea` Jmáang`, jie` mí' tú'na' e jmoo'na' e guíá' lí' laco'gui jii'~ fí' niteáng`na'.

¹⁴ Jogui song seeng` jaang` lajee` 'nú' i ja` núu'~ lajii'~ júu^ e fé' jnea'^ e fí' ni` jì la, joba' quié`na' cuente røø` i` í jo jo` sicøøng`gui yaang`na' cóo'r~, jo lajob i dsea` í nilí' i' líiñ`~ quiá'~ jalé' e jmóor` do. ¹⁵ Dsu' o' uíi'~ jo 'ní' nimáang`na're cajo, co' lí' lí' 'né- føng`na'r jial laco' catíng` e niliseem`bre lí' laco'gui la catíng` e føng`na' jaang`gui dsea` rúng`na' dsea` quiá'~ Dsea` Jmáang`.

Júu^ lí' cadséng`~ quiá'~ Paa` e catíng`~ dsea` seeng` fí' Tesalónica

¹⁶ Jo 'ñia' Fidiéé` i cuó' juguíá` júu^ røø` güijméé`bre lajo cóo'~ 'nú' contøøng` cóo'~ doñí' ee'gø` jmoo'na'; jogui güiliseem` dsea` do contøøng` cóo'~ 'nú' cajo.

¹⁷ Jnea` Paa` jmo'o e júu^ guicóo'~ e catíng` 'nú' la cóo'~ layaang` guóo'o. Jo jii'~ lanaba' e tín`n jmóo'o cóo'~ jalé' jì quié` e caguíee`~gui cajo e laco' líñí' dsea` e jneab` dsea` jmo'o.

¹⁸ Jo güi'íib` Fíi'naa' Dsea` Jmáang` güea'^ quiá'r` fí' jee` 'nú' lajaléng`na'.

Jo lanab jii'~ fé' jì tî tú` quiá'~ Paa` e catíng`~ jaléng'` dsea` quiá'~ Dsea` Jmáang` i seeng` fí' Tesalónica.

Júu[^] e to_o fí ni[~] jì la'uii[~] quiá^{^-} Paa⁻ e catíng⁻ TIMOTEO

¹ Jnea[~] Paa⁻, jo línⁿ jaang[^] dsea[^] apó[^] i jmóo[^] ta[~] ni' júu[^] quiá^{^-} Dsea[^] Jmáang⁻. Jo Fidié[^] i láang[^] jneaa[~]aa' jee[~] dsee⁻ qui^{^-} ii' cóo[^] gui Dsea[^] Jmáang⁻ i cuø[^] jneaa[~]aa' e nita[~] dsi[^]naa' cóo[^]r[~], íbing[^] caqui^u ta[~] lajo. ² Jo jmo[^]o e jì la e catíng⁻ 'nà, Timoteo, co' 'nab[^] lin[^] lafa[^] dseáng[^] jóo[^] i dseáng[^] lajang[^] nicajáng[^] uø[^] fí jaguó[^] Dsea[^] Jmáang⁻. Jo mii[^] i Tiquí[^]ii' Fidié[^] cóo[^] gui Fíi[^]naa' Dsea[^] Jmáang⁻ e ni[^]r[^] güea[^] quiá^{^-} r[^] fí lí[^] táan[^], jogui e nilí[^] fí[^] líiñ[^] 'nà, jogui cajo e nicuø[^] e niliseen[^] juguiá^{^-} júu[^] røø.

Júu[^] # 'goo[^] quiá^{^-} jaléng[^] dsea[^] i jmigóøng[^] dsea[^] cóo[^] jalé[^] e er[^]

³ Jo lí[^] laco[^] jii[^] e nicafí[^] i 'nà, Timoteo, ie[~] cangó[^] o fí lí[^] se[^] Macedonia, jo fá[^]túu lana, e dobi[^] nijá[^] e fí fí[^] Éfeso e laco[^] niliúun[^] jaléng[^] i dsea[^] i e' júu[^] e ja[^] cóøng[^] røø cóo[^] júu[^] quiá^{^-} Dsea[^] Jmáang⁻ e jo[^] nijmé[^] guir lajo. ⁴ Jogui nifí[^]re cajo e ja[^] 'né[^] cår[^] cuente lajii[^] júu[^] cuento quiá^{^-} dsea[^] mí[^] áang[^] qui^{^-}naa' o'gui jalé[^] júu[^] e ja[^] tóo[^] jmii[^] té[^] cuaiñ[^] quiá^{^-} dsea[^] mí[^] áang[^] qui^{^-}naa'. Co' cóo[^] jalé[^] e júu[^] la lico[^] uuing[^] e sea[^] jii[^] ta[~] jím[^] jo ja[^] e jmico[^] e jo fa[^] nidsicuáng[^] gui laco[^] sí[^] e júu[^] quiá^{^-} Fidié[^] e quiá^{^-} jial já^{^-} líng[^] dsea[^] júu[^] quiá^{^-} Dsea[^] Jmáang⁻.

⁵ Dsu[^] e lab uuing[^] quiá^{^-} e júu[^] quiá^{^-} Fidié[^] do e 'né[^] nijmi[^]neáng[^]naa' dsea[^] rú[^]naa' e guiá^{^-} dsi[^]naa', jogui e tíng[^]naa' guí[^]naa' jnang[^] e guiá^{^-} e catíng⁻ jmé[^]naa', jogui cajo e já^{^-} líng[^]naa' júu[^] quiá^{^-} Dsea[^] Jmáang⁻ e ngocáng[^] dsi[^]naa'. ⁶ Co' seem[^] i líng[^] dsea[^] i nicatá[^] e júu[^] la jo nicár[^] fí[^] jié[^] jo nifé[^]r[^] jmang[^] júu[^] e ja[^] uuing[^] sea[^]. ⁷ Dsuo[^] lico[^] iñ[^] jmeáng[^] yaaiñ[^] tifa[^] i e' júu[^] quiá^{^-} ta[~] quiá^{^-} dsea[^] Israel, dsu[^] ja[^] ngáñ[^] do e guøng[^] laco[^] laco[^] e júu[^] e er[^] la úung[^] do.

⁸ Co' nine[^]baa' guiá^{^-} jalé[^]naa' e eám[^] íng[^] ta[~] e júu[^] quiá^{^-} ta[~] do e cajme[^] Moi[^] do fíng song jmáng[^] dsea[^] ta[~] dseáng[^] laco[^] sí[^] quiá^{^-}. ⁹ Jogui 'né[^] e tóo[^] dsi[^]naa' cajo e jii[^] co[^] júu[^] quiá^{^-} ta[~] ja[^] calí[^] fa[^] e catíng⁻ jaang[^] dsea[^] i jmóo[^] jmang[^] e guiá^{^-}; dsuo[^] e júu[^] e quiá^{^-} ta[~] do calí[^] e catíng⁻ jaléng[^] dsea[^] soo[^] dsí[^] cóo[^] gui jaléng[^] dsea[^] i laang[^] mí[^] ee[^]go ta[~] huí[^], jogui cóo[^] jaléng[^] dsea[^] i jmóo[^] jalé[^] e lí[^] e laco[^] jmíróng[^] dsee⁻ yaaiñ[^], jogui jaléng[^] dsea[^] i ja[^] jmí[^]gó[^] Fidié[^] o'gui jmí[^]gór[^] júu[^] quiá^{^-} dsea[^] do cajo, jogui jaléng[^] dsea[^] i jngang[^] tiquíá[^] niquíá[^], osi lí[^] doñí[^] i dsea[^] i jmóo[^] ta[~] jngang[^] dsea[^] rúng[^], ¹⁰ lí[^] lajaléng[^] dsea[^] i 'léé[^] e güiñ[^] cóo[^] dsea[^] i o' quiá^{^-} r[^], osi dseañ[^] 'léé[^] e güiñ[^] la'ó[^] dseañ[^]iñ[^], osi dseamí[^] 'léé[^] e güiñ[^] la'ó[^] dseamí[^]iñ[^] é, jogui jaléng[^] dsea[^] i jmóo[^] ta[~] løøng[^] jogui ta[~] 'náng[^] dsea[^], jogui jaléng[^] dsea[^] i ngí[^] ta[~] quie[^] jalé[^] júu[^] adsee[^], jogui jaléng[^] dsea[^] i éeng[^] fii[^], jo dsu[^] o' já^{^-} jalé[^] e fé[^]r[^] do. Jo lí[^] laco[^] cuøøng[^] fe[^]ee[^], e e júu[^] quiá^{^-} ta[~] do catíng⁻ jaléng[^] i jmóo[^] lí[^] doñí[^] ee[^] e ja[^] cóøng[^] røø cóo[^] júu[^] niguo[^] quiá^{^-} Fidié[^]. ¹¹ Jo e júu[^] niguo[^] do røøb[^] cóøng[^] cóo[^] e júu[^] jlo[^] quiá^{^-} jial laang[^] dsea[^] jee[~] jalé[^] dsee⁻ quiá^{^-} r[^]. Jo i Fidié[^] dsea[^] güeang[^] nicacuø[^]r[^] jnea[~] ta[~] e niní[^] guí[^] e júu[^] jo.

Gui[^]máang[^] Fidié[^] e fí[^] líiñ[^] jnea[~]

¹² Jo cuøø[^]ø gui[^]máang[^] Fíi[^]naa' Dsea[^] Jmáang⁻ car[^] ngocáng[^] dsii[^] e nicacuø[^]r[^] jnea[~] bí[^] e laco[^] niní[^] guí[^] júu[^] quiá^{^-} r[^], co' eám[^] nita[~] dsí[^]r[^] cóo[^] jnea[~], joba[^] nicacuø[^]r[^] jnea[~] e ta[~] jo. ¹³ Jo nañí[^] fa[^] jnea[~] malí[^] gui eáang[^] gab[^] café[^] a uii[~] quiá^{^-} Fíi[^]naa' Dsea[^] Jmáang⁻, jogui gab[^] cajmeán[^] n jaléng[^] dsea[^] quiá^{^-} r[^], jogui caløøm[^]bí[^] jaléng[^] i dsea[^] í[^] cajo, dsu[^] ie[~] jo eám[^] calí[^] fí[^] líng[^] Fidié[^] jnea[~], co' ja[^] mí[^] cuín[^] Dsea[^] Jmáang⁻ ie[~] jo, jogui ja[^] ñii[^] cajo e jalé[^] e ga[^] e jmóo[^] do. ¹⁴ Jo dsu[^] Fíi[^]naa' Fidié[^] eám[^] caliguiúñ[^] cóo[^] jnea[~], jo cajméer[^] e nicajáng[^] 'ñiá[^] a fí jaguór[^] jogui e nijmi[^]neán[^]re cajo e ngocáng[^] dsii[^] uí[^] e cóøng[^] see⁻naa' cóo[^] Dsea[^] Jmáang⁻.

15 Dsaco' dseáng' e jáb' e júu' la, jogui dseáng' la guím' 'né' nilí' já' líng' jaléng' dsea' e júu' la cajo; Fí'naa' Dsea' Jmáang' cajár' fí' jmgüü' la e laco' nileáin' jaléng' dsea' røøng' dsee', jo lajee' lajaléng' dsea' røøng' dsee', jnea'bing' i eáang'gui líng' lajo. 16 Jo uí' e lajob lí', joba' Fidiée' eáam' calí' fí' líin' jnea'; jo cajméer' lajo e laco' Fí'naa' Dsea' Jmáang' cajmijnéein' fí' quini' jaléng' dsea' jiéng' jial tí' e féng' dsíir' uii' quie' e. Jo cajméer' lajo cóo' jnea' e laco' cuø' lí' quia' jaléng' dsea' i nabi' nijáng' yaang' fí' jaguó' dsea' do, jo lajoba' niliseein' cøøng' cóo' Fidiée' lata'. 17 Joba' majmi'goo'naa' Fidiée' jogui majmiféng'naa're cajo, co' íb' Fidiée' i quia' ta' fí' la'úng' fí' jmgüü' lata', jogui íb' cajo i ja' cuøøng' lí' júung' jogui ja' quí' jmi' fa' e nineeng'naa're, jogui jii' íb' Fidiée' i já'! Jo lajob lí'.

18-19 Joba' fí' guí' 'nu', Timoteo, 'nu' i lin' lafa' joo'o, lí' laco'gui jii' júu' e nicafé' jaléng' dsea' quia' Dsea' Jmáang' lami' jéeng'gui uii' quí', e la'eáang' cóo' e júu' jo nijmi'úun' e nijméel' røø' lajii' ta' e nicang'ín'. Jo jméel' e ta' jo la'eáang' e nisín' teá' fí' guiá' cóo' Dsea' Jmáang' jogui e nitin' guí' e guiá' e catín' e nijme'. Dsu' i líng'gui dsea' niñi'bre jalé' e guiá' e 'né' jmér' dsu' ja' cajméer' lajo, joba' ja' té'r' e teáaiñ' teá' fí' guiá' cóo' Dsea' Jmáang'. 20 Jo lajob nicalí' cóo' gáang' dseañu', jaang' i sii' Himeneo jogui jaang'gui i sii' Jaang', jo nicajáan' n i dsea' la fí' jaguó' fii' i 'ling' e laco' nijmitíin' e ja' cår' júu' ga' uii' quia' Fidiée'.

2

Jial 'né' nimí' dsea' Fidiée' uii' quia' dsea' rúin'

1 Jo e laba' la guíng' e liúun' n jaléng' dsea' rú'naa', e mi' féin' Fidiée', 'né' mír' jmi'ee' uii' quia' jaléng' dsea' rúin' e laco' sea' jalé' e 'néin', jogui e cuø'r' gui'máang' Fidiée' cóo' jalé' e jmoo' dsea' do. 2 Jogui 'né' bi' mí'r' Fidiée' cajo uii' quia' jaléng' dsea' cóøng' i quia' ta' cóo'gui quia' lí' doñi' i dseata' cajo, e laco' cuøøng' e nilisee'naa' juguiá' júu' røø' e ja' jmoo'naa' ta' jéng', jogui e jmi'goo'naa' Fidiée' e ngocáng' dsí'naa', jogui e see'naa' e jmoo'naa' jman' e guiá'. 3 Co' e joba' guiá', jogui cajo lajoba' e íaang' dsí' Fidiée' i caleáang' jneaa'aa' jee' jalé' dsee' quí'ii', 4 co' Fidiée' iin' e lajim' dsea' nileáin' jee' dsee' quia'r', jogui iin' e niliñi' dsea' lajii' júu' quia'r' e catíng' Dsea' Jmáang'. 5 Dsaco' jo' seeng'gui Fidiée' i fíng'gui, co' jaam' Fidiée' i seeng'; jogui ja' seeng' fíng' i quí' jmi' i í' uii' quia' dsea' jmgüü' fí' quini' Fidiée', co' jii' Dsea' Jmáam'bing' i quí' jmi' jmé' lajo. 6 Jo íb' dsea' i cajáng' 'ña' car' cajúin' e laco' niquír' cuaiñ' quia' jalé' dsee' quia' jaléng' dsea' jmgüü', jo jalé' e jo cajmijnéem' Fidiée' mi' catí' í' lajo. 7 Jo uí' e joba' e ca'naang' Fidiée' jnea' e lín'n jaang' dsea' apoo' i quie' júu' quia' Dsea' Jmáang' jogui i ni' júu' quia' dsea' do. Jo casíin' jnea' e laco' ni'ée' e jaléng' dsea' i ja' líng' dsea' Israel e júu' sea' contøøng' e catíng' Dsea' Jmáang' jogui jial nijáng' yaaiñ' fí' jaguó' Fidiée' cajo. Jo dseáng' já' e júu' e cafa' a na, co' ja' jmgüo'o.

8 Jo lajoba' iing' jnea' e jaléng' dsea' güijmifém'bre Fidiée' fí' doñi' jié' fí' lí' seein' e í' dsíir' jman' e guiá' jogui e o' guíin' o'gui e jiiñ' cajo. 9 Jogui lajobi' iing' jnea' cajo e jaléng' dseamí' güiquí'bre sí'r' laco' catíng', jogui e ja' 'né' fa' e cår' 'mi' e 'goo' e toø' jalé' e 'mo', o'gui 'né' fa' e nijmi'iing' 'ña'r' e nijmér' e jlo'gui jñuguir' o'gui 'né' e cår' jalé' ní' e 'mo' eáang' lafa' cunée' osi' cuu' e 'mo' eáang' o'gui sí'r' e 'mo' eáang' cajo. 10 Jo dsu' ja' 'né' jmér' lajo, co' lí' lí' 'né' e jmér' jman' e guiáb' laco' catíng' e jmoo' jaléng' dseamí' i dseáng' nijáng' yaang' fí' jaguó' Fidiée'. 11 Jo lajaléng' dseamí' 'né' e nú'bre lajalé' e e' dsea' quia' Dsea' Jmáang' e ja' séer' teá' jii' cóo', jogui cajo 'né' e núu'bre lajii' e ta' e sí'í' e nijmitir'. 12 Jo o'gui jnea' cuøø' fí' e jaléng' dseamí' ni'ér' fí' lí' siseáng' dsea' o'gui e nisór' yá'gui laco' dseañu', co' iing' jnea' e tiib' nijér' mi' nití' lí' siseáng' dsea' quia' e nijmiféin' Fidiée'. 13 Dsaco' cuøøng' Adámbing' i cajméaang' Fidiée', joguiba' cajmeáaiñ' i dseamí' i sii' Eva do. 14 Jogui o' Adán i caligøng', co' i dseamí'

ī sii`Eva do, íb`ī caligóng` quíá`- fii` ī`ling` do ie` jo, jogui mi` caligóin` quíá`- ī`ling` do, job mi` ca`uíng` dsee` fí` jmigü` la. ¹⁵ Dsü` nileám` jaléng` dseam` jee` dsee` quíá`r` song nijmitir` lajii`~ e jmóo` jaang` niquíá`^ dsea, jogui song e ngocáng` dsíir` nijáng` yaaiñ` fí` jaguó` Dsea` Jmáang` e ja` litúng` dsíir` jogui song nijmi`neáaiñ` jaléng` dsea` rúin`, jogui cajo song seein` laco` catíng` e jmóo` dsea` ī` cúing` Dsea` Jmáang`.

3

Jial`né`-láng` dsea`ī` quie` nifí` quíá`- dsea` quíá`- Dsea` Jmáang`

¹ Jo lajob fii` guí` nua, Timoteo, jo dseáng` e jáb`- e júu` la: song jaang` dsea` iin` e nicár` nifí` quíá`- dsea` quíá`- Dsea` Jmáang`, joba` coo` ta` guiáb` jøør` e iin` nijmér` jóng. ² Co` ī` dsea` ī` quie` nifí` do` né`- jmér`- jmang`- e guiáb`- e laco` ja` cuøøng` e nicuø`- dsea` dsee`- ír`. Jogui ja` 'né`- e seeng` fíng` dseam` quíá`r`, jogui 'né`- e iu` dsíir` cóo`~ jalé` ta` quíá`r`- jogui e guing` dsíir` cóo`~ jalé` ta` e nijmér`, jogui 'né`- e nijmi`gó` dsea` ír`. Jogui 'né`- e sitíin` e cuø`r` lí` doñí` i` dsea` e nidóin`- jogui lí` nijéin`- mi` i` guiling` fí` quíá`r`-; jogui eáang` 'né`- tiiñ` e e`r` jaléng` dsea` cajo; ³ jo ja` cuøøng` fa` e líin` jaang` dsea` íng` o`gui e jmóor` ta` títng` cóo`~ dsea` rúin`, co` 'né`- e líin` jaang` dsea` ī` jmicóo`~ dsea` rúng`, jogui e ja` 'nóor` mii`~; jogui 'né`- e líin` jaang` dsea` ī` ja` dsináang` cuu` cajo. ⁴ Jo ī` dsea` í` 'né`- e tii`bre quíá`r` ta` sinúu` quíá`r`, jogui 'né`- e quíá`r` ta` røø` jaléng` jóor` e laco` nijmitiñ`- røø` jalé` ta` huí`; ⁵ dsuco` song jaang` dseañu` ja` tiiñ` quíá`r` ta` røø` sinúu` quíá`r`, joba` çjial nilí`r` e niquíá`r` ta` jaléng` dsea` quíá`- Dsea` Jmáang` jóng? ⁶ Jo lajob líí, co` ī` dsea` ī` quie` nifí` do ja` cuøøng` e líin` jaang` dsea` ī` tá` caquí`- cajíng` 'ñia` e ca`uíin`- dsea` quíá`- Dsea` Jmáang`, co` jial fíng` cabíng` Fidié` ír` uíi` e cajmijlóng` 'ñia`r` lí` laco` calí` cóo`~ fii` ī` ling` malii`gui eáang`. ⁷ Jogui 'né`- e líin` jaang` dsea` ī` catíng` e nijmi`gó` ī` dsea` ī` ja` láng` dsea` quíá`- Dsea` Jmáang` do ír`, jo lajoba` ja` nicuø`- dsea` dsee`- ír` o`gui nijmigøøng` fii` ī` ling` ír` cajo.

Jial`né`-láng` jaléng` ī` dsea` ī` néé` ni` jaléng` dsea` quíá`- Dsea` Jmáang`

⁸ Jogui lana iin`n fá`a quíá`- jaléng` dsea` ī` jmóo` ta` néé` ni` jaléng` dsea` quíá`- Dsea` Jmáang`. Jo jaléng` í` 'né`- líin` dseañu` ī` guíung` ī` jmi`gó` dsea` quíá`, jogui 'né`- e quier` jmang` júu` e jáb`, jogui ja` cuøøng` fa` e nijmér` ta` í` o`gui e jmér` ta` jmigøøng` dsea` cajo e laco` nilí`r` cuu`. ⁹ Jogui 'né`- e dseáng` e jáb`- líin` car` ngocáng` dsíir` e júu` quíá`- Dsea` Jmáang` e jáb`- líinaa` do, jogui 'né`- ñi`bre jnang` e guiá`- e nijmér`. ¹⁰ Dsü` la`uii`- jang`- 'né`- ñiñ` coo` ta` jiaub` e fí` lí` seáng` dsea, jo song guiá`- nijmér` e ta` jo, jogui ba` nicuøøng` e niliñ`- dsea` ī` néé` ni` dsea` quíá`- Dsea` Jmáang`. ¹¹ Jogui lajobi` jaléng` dseam` quíá`- jaléng` ī` dseañu` ī` néé` ni` jaléng` dsea` quíá`- Dsea` Jmáang`- 'né`- e líin` dseam` ī` catíng` e nijmi`gó` dsea` ír`, jogui 'né`- e ja` quier` jalé` adsee, jogui dseáng`- eáang` 'né`- e iu` dsíir` cóo`~ jalé` ta` jmóor`, jogui 'né`- e éer` laco` catíng` cóo`~ jalé` e jo. ¹² Jo ī` dseañu` ī` néé` ni` do ja` cuøøng` fa` e seeng` fíng` dseam` quíá`r`, jogui 'né`- e tiiñ` quíá`r` ta` røø` jaléng` jóor` cóo`~ gui jaléng` dsea` sinúu` quíá`r` ī` caguaang`-gui. ¹³ Dsüco` mi` jmóo` jaléng` ī` dsea` ī` néé` ni` do røø` jalé` ta` quíá`r`, joba` lí`bre e jmi`gó` jaléng` dsea` ír` jogui e eáang`gui líta` dsíir` e teáaiñ`- teá` fí` guiá`- cóo`~ Dsea` Jmáang`.

Júu` laniing`- e caliñi` dsea` quíá`- Dsea` Jmáang`

¹⁴ Jo eám` iin`n e ninii` i` fí` na lajee` lajmináb`- e nimáang` túu` nua` calé` catú`-; dsü` lana jmo`o` e jii` la, ¹⁵ dsuco` song cacøøng`-guí` e ja` mí` guiéé` e fí` na, joba` niñi`ba` jial` 'né`- ée` jaléng` dsea` quíá`- Dsea` Jmáang`- ī` líng` laco` dsea` sinúu` quíá`- Fidiéé` ī` jí` jogui ī` seeng` contøøng` do. Jo jaléng` ī` dsea` í`bing` ī` se` teá` jogui e jmi`ø`r` lajii`~ e júu` jáb`- e cajmée` Fidiéé` la`eáang` cóo`~ Dsea` Jmáang`. ¹⁶ Jo dseáng`- eám` laniing`- 'gøng` jalé` e júu` jo e ja` cajmijnéeng` Fidiéé` lamí`- jéeng`gui do. Jo lalab` líí e júu` jo: Dsea` Jmáang`- cajmijnéin` 'ñia`r` fí` jmigü` la e líin` jaang` dsea` la jneaa`~aa,

jō e Jmiguí quiá' Fidié' do
 cuø li' e Dsea` Jmáang` líiñ` jaang` dsea` i ja` røøng` dsee` jii` coo`.
 Jō cangám` jaléng` ángeles ír`.
 Jō eáang` cani' júu` quiá'r` fí la'úng` fí jmigüí,
 jōgui i fíim` eáang` já' calíng` júu` quiá'r`,
 jō cangám`-tūr fí ñifí` calé` catú`.

4

Jial lí' cóo` jaléng` dsea` i tú` e teáaiñ` fí guiá` cóo` Dsea` Jmáang`

¹ Jō dseáng` lí' laco' fé' Jmiguí quiá' Fidié' e mi' tí lí' jaquiéeng' e ni'íng` jmigüí, jō ie` jō niliseeng` i líng` dsea` i nitú` e teáaiñ` fí guiá` cóo` Dsea` Jmáang`, co' nijmér` náur` lajii` júu` e ni'é` jalé' guí` lí' e jmigóo`; jō jalé' e nijmigóo` do jáa' quiá' jaléng` i líim`'. ² Jō jaléng` i dsea` i e' jalé' e júu` jō líiñ` dsea` i jmicaang` jōgui i adsee` cajo, jō lajii` e í dsír' do ja` quí'` jmü` e niliñir` su guiá` osi ja` dseeng` é, co' contøøm` jmóor` jalé' e ja` dseeng` e coøb` mi` jáb'` niliñ` e guiáb` jalé' e jmóor` do. ³ Jō jaléng` i dsea` lala quiá'r` ta` e ja` cuøøng` nicúng` dsea` guóor` o'gui cuøøng` e nidó'` dsea` lí' doñí` ee` jmiñi`; dsu' Fidié`bing' i cuø' fí jaléng` dsea` i nilíng` dsea` quiá'r` i nicuí' jalé' júu` já' quiá'r` cajo e cuøøm` dóiñ` do doñí` ee` jmiñi`, lifa' 'né` e niñiñ` gui'máam` quiá' jalé' e jō. ⁴ Dsaco' guiáb` laji` e cajmée` Fidié' fí jmigüí la, jōba' ja` cuøøng` fa' e nifé'`naa' e ja` dseeng` song ni'íng`naa' jalé' e jō e cuøø`naa' gui'máang` Fidié'. ⁵ Co' la'eáang` cóo` e júu` quiá' Fidié' e fé'` dsea` mi` féiñ'` dsea` do, ligüeam` jalé' e jō.

Jial líng` jaang` dsea` i jmóo` lajii` e iing` Dsea` Jmáang`

⁶ Jō song ni'é'` jaléng` dsea` quiá' Dsea` Jmáang` e júu` la, jōgui eáam` tí o' e jmitím`bi' e júu` quiá' e teáang` dsea` teá` cóo` Dsea` Jmáang` jōgui jalé' e júu` jlo' e nicañí'` jmitín', jōba' ni'uíin` jóng jaang` dsea` i jmóo` guiá` lajii` e iing` Dsea` Jmáang`. ⁷ Jō dsu' 'nu' 'né` jmée' e ja` já'` líin` jalé' júu` e ja` e uiing` sea` lí' laco'gui la fé' i líng` dsea` áang` qui`naa'; co' lí' 'né` e nijmi'úun` e jmi'goo`bi' Fidié' car` ngocáng` o' cóo` jalé' e jmoo' jōgui cóo` jalé' e fó', co' e lajōba' e íng` ta` quí'. ⁸ Jō íim`jiu` ta` quiá' dsea` mi` jmóor` e cuø'r` bí ngúu` táaiñ`, jō dsu' eáang`gui íng` ta` fíng e jmi'gó` dsea` Fidié' car` ngocáng` dsír', dsaco' e jō eáam` íng` ta` quiá'r` fí jmigüí la jōgui fí jmigüí coo` cajo. ⁹ Jō lajalé' e fá'a na dseáng` lajam`ba' e já', jōba' lajiim` dsea` 'né` e jáb'` niliñ` e júu` jō cajo. ¹⁰ Jō uiing` e lajōba' e cuø' bí yee`naa' jōgui eáam` íng`naa' iihu'`jee` e ta` la, co' nita` dsí'naa' cóo` i Fidié' i jí' do e íbing' i láang` dsea` jee` dsee` quiá'r`, lifa' eáang`gui jee` jaléng` dsea` i já'` líng` júu` quiá' Dsea` Jmáang`.

¹¹ Jō lajalé' e júu` la 'né` fí' jaléng` dsea` jōgui 'né` é're cajo. ¹² Jō jie` mí cuø' fí uø' fa' e nijmé` dsea` e ja` já'` líiñ` júu` quiá' dsu' uí' e simim`bi' laco'gui yaaiñ`. Co' lí' 'né` e nisín` nifí`jee` jaléng` dsea` quiá' Dsea` Jmáang` cóo` lajalé' e fó' jōgui cóo` lajalé' e jmoo' jōgui cóo` jial`neáan` dsea` rún'. Jōgui 'né` e sin'` teá' fí guiá` cóo` Dsea` Jmáang` jōgui e jmée'`jmang` e guiá` e laco' ja` ni'ee'`dsee`. ¹³ Jō lajee` e ja` mí guiéé` fí na, cuøø'` bí uø' e ni'í'` jalé' júu` quiá' Fidié' fí lí' seáng' dsea', jōgui cuøø'`gui' bí jaléng` i dsea` í cóo` e júu` jō, jōgui ée'`guir cajo. ¹⁴ Jōgui jmée'` ta` røø` lajii` e tñn` ngán' e cacuø' Fidié' 'nu' mi` caquidsí` jaléng` yáa' dsea` cóøng` quiá' dsea` quiá' Dsea` Jmáang` guóor` fí moguí' jō lajee` jō fé'r` júu` quiá' dsea` do.

¹⁵ Jōgui quie'`cuenta røø` cóo` jalé' e na, jō lajōba' cuøøng` e niliñí` dsea` jiéng` jial jmicaúan' e sin'` teá` cóo` júu` quiá' Dsea` Jmáang`. ¹⁶ Jō tñng` cóo` lajalé' e jmoo' jōgui cóo` lajalé' e e' dsea` jiéng` cajo, jōgui ja` jmitúng` o' e sin'` teá` cóo` júu` quiá' Dsea` Jmáang`. Jō song jmití'ba' lajalé' e júu` na, jōba' Fidié' nileáng` 'nu' jee` jalé' dsee` quí', jōgui lajōb`nijmér` cajo cóo` jaléng` dsea` i núu` jōgui náa' júu` quí'.

5

Jial 'né- ée`dsea`côo`~ dsea`quíá`- Dsea`Jmáang`

¹ Jo fñ-guñ 'nu, Timoteo, jie` mí` jmoo` e jín`- jaléng` dsea` cóong`~, co` lí` lí` 'né` e cuó`re bí` cóo`~ júu` røø` lafa` mí` sñn`~ cóo`~ tiquí`ba'. Jogui` 'né` sñn`~ røø` cóo`~ jaléng` siming` e lafa` sñn`~ cóo`~ rún` dsea` ngáang`~ cóo`~ba'. ² Jogui` 'né` jmi`goo` jaléng` dseamf` ñ` ñidseáng` lafa` níquí`ba', jogui` cajo` 'né` jmi`goo` jaléng` simf` e lafa` rúm`ba' jo` ja` cuóong` e í` a` e ga` cóo`r`.

³ Jogui` cajo` jmi`goo` jaléng` dseamf` 'nñ` ñ` ja` seeng` ñ` ñijmicóo`~ quiá`r` cóo`~ jalé` e 'né`r`. ⁴ Jo song` ñ` dseamf` 'nñ` do seeng` jóor` osi` guieer` é, joba` í`bing` ñ` catíng` ñ` 'né` ñijmé` í` ír` e laco` ñijmitíiñ` do la`uii` jial` e 'né` ñijmicóo`r` jaléng` dsea` sínúu` quiá`r` jogui` jial` e ñijmér` lí` laco` cato` fñng` sejmiir` ír`, dsuco` lajoba` e guiá` jogui` cajo` lajoba` e íaang` dsí` Fidié`. ⁵ Jo ñ` dseamf` ñ` dseáng`- já`- ñ` 'nñng` ñ` ja` ñ` seeng` ñ` ñijmé` í` ír`, dsu` nitab` dsír` e Fidié`bing` ñ` ñijmé` í` ír` contøong`, joba` yejib` féiñ` dsea` do jogui` uøø` jmáb` mí`r` dsea` do jmi`ee` e ñijmicóo`reiñ`. ⁶ Dsu` ñ` dseamf` 'nñ` ñ` suung` lajmang`- e jlo` e sea` fí` jmigüí` la` líiñ` lafa` ñ`lñm`bre cóo`~ jalé` e lí` dsír` do. ⁷ Jo fñ-guñ 'nu, Timoteo, í`- 'goo` cóo`~ jaléng` dsea` quiá`- Dsea` Jmáang` e júu` e nicafá`-a na` e laco` ja` cuóong` nicuó`- dsea` dsee` ír`. ⁸ Jo song` ñ` dsea` ja` guing` dsír` fa` e ñijmicóo`r` dsea` rúñ` lí` la` quie` cartí` dsea` sínúu` quiá`r` ja` iñ` fa` e ñijmér` lajo, joba` ñ` dsea` í` nicatú`bre lajii` e sññ` teá` fí` guiá` cóo`~ Dsea` Jmáang`, jo` dseáng`- ga`guib` lí` quiá`r` laco`gui` jaang` dsea` ñ` ja` mí` já`- líng` júu` quiá`- dsea` do.

⁹ Jo lajii` dseamf` 'nñ` ñ` ñitaang` fí` ní` jì` quiá`- e ñilicóo`r` cóo`~ jalé` e 'né`r` 'né` e ngoliiñ` lí`gui` laco` sesenta` jii` jogui` e jaam` dseañu` quiá`r` caliséng` lajee` cateáaiñ` fí` jmigüí` la. ¹⁰ Jo ñ` dseamf` 'nñ` do 'né` e ñib` dsea` e líiñ` jaang` dsea` ñ` guiúng` cóo`~ jalé` e guiá` e nicajméer`; lafa` song` nicato` fññ` røø` jaléng` jóor`, jogui` song` nica`éer` e guiá` cóo`~ jaléng` dsea` ñ` guilíng` fí` quiá`r`, jogui` song` nicaru`r` tí` jaléng` dsea` quiá`- Dsea` Jmáang`, jogui` song` nicajmicóo`r` jaléng` dsea` ñ` nica`íng` iihuí`, lí` lajee` lajì` e guiá` e nicacuø` bí` 'ñia`r` e nicajméer`.

¹¹ Jogui` ja` 'né` fa` e ñitaang` fí` ní` jì` do jaléng` ñ` dseamf` 'nñ` ñ` ja` mí` ngolíng` sesenta` jii` e laco` ñilicóo`r` cóo`~ jalé` e 'né`r`; dsuco` coob` mí` ñilí`iñ` e ñidsihuiñ` cóo`~ júu` quiá`- Dsea` Jmáang`, jo` iñ` e ñicúm`tur` guóor` calé` catú-, ¹² joba` dseeb` ñilísea` quiá`r` jóng` quiá`- e ja` ñijmitir` lajii` e sí` í` e catíiñ` e ñijmér`. ¹³ Jogui` cajo` jmóor` ta` ngí` la` gui` 'núu` e o` e ta`, jo` lajoba` e uíng` e lífññ`-; jogui` o` jii` e lífññ`- do cajo, co` ngír` ta` quie` adsee` lí` doñí` lacaang` jie` lí` ja` catíiñ`, jogui` fé`r` jalé` júu` e ja` catíng` ñijmér` lajo. ¹⁴ Joba` iing` jnea` e ñicúm`tu` guoo` calé` catú- jaléng` dseamf` 'nñ` ñ` bí`bi` dsí`, jogui` e ñiliseeng` jóor`, jogui` e níquí`-bre ta` røø` sínúu` quiá`r-, jo` lajoba` jii` jaang` dsea` cuóong` nicuó`-reiñ` dsee-. ¹⁵ Dsuco` seem` ñ` líng` dseamf` 'nñ` ñ` nica`naam` yaang` fí` guiá` cóo`~ Dsea` Jmáang` jo` ñicanaaiñ` e síng` yaaiñ` fí` ga` cóo`~ fii` ñ` líng`.

¹⁶ Jo jaléng` dsea` quiá`- Dsea` Jmáang` ñ` seeng` dseamf` 'nñ` jee` dsea` sínúu` quiá`r-, güijmée`breiñ` í`, jo` lajoba` ja` 'né` e nicá` ñ` dsea` quiá`- Dsea` Jmáang` ñ` caguiaang`-gui` do ta` e ñijmicóo`~reiñ` cóo`~ jalé` e 'néiñ`.

¹⁷ Jogui` jaléng` dsea` cóong` ñ` quiu` ta` røø` jee` jaléng` dsea` quiá`- Dsea` Jmáang` 'né` e níquí` e 'léiñ` laco` catíng-, dsu` eáang`gui` guíng` 'né` lí` lajo` cóo`~ jaléng` dsea` ñ` jmóo` ta` guia` jogui` ta` e júu` quiá`- Fidié`. ¹⁸ Dsuco` lalab` fé` fí` ní` jì` quiá`- Fidié`: "Ja` jñí` mo`oo` jó` núu` qui`- lajee` e ø`re` cu`íee`." Jogui` fé`gui` cajo: "Jaang` dsea` ñ` jmóo` ta` dseáng`- 'né` quí` e 'léiñ` laco` catíng`."

¹⁹ Jogui` ja` jmijí` cajo` fñng` song` jmóo` dsea` dsee` quiá`- jaang` lajee` ñ` dsea` cóong` ñ` quie` ní` quiá`- dsea` quiá`- Dsea` Jmáang` song` ja` mí` caguilíng`-gáng`-gaang` dsea` jéng` ñ` tí` ní` ñ` ñija`- júu` røø` cuaiñ` quiá`- jalé` e jo.

²⁰ Jogui jaléng' dsea` quiá'- Dsea` Jmáang- i ja` quiá' dsí' e jmóo`bir jalé' e 'li'^, joba' 'né' fí' re fí' quini` jaléng' dsea` quiá'- Dsea` Jmáang- e ja` dseeng` jalé' e jmóor` do, jo lajoba' ni'í- 'gó' quiá'- i caguaang-gui i iing` jmé- lajo.

²¹ Joba' fí-guá' 'nà, Timoteo, jalé' e júu^ la fí' quini` Fidié` qui`-ii' jogui fí' quini` Dsea` Jmáang- cóo`-gui fí' quini` jaléng' ángeles, e dseáng'- 'néb- e contøøm- tóo` o' jalé' e júu^ e nicafí- i 'nà' la, jo ja` jmo' cuente jalé' e fé' dsea, jo cóo` gui'náb' 'né' i'^ í'. ²² Jogui jie` mí' quidi' guóo' fí' mogui` jíi'- jaang` dsea` lajminá- e ja` mí' ca'í' o' røø, jo lajoba' ja` niquin'^ jee` dsee- quiá'- i dsea` í, jogui jmi'úun' e ja` nitén' fí' ní' dsee-.

²³ Jo fí-guá' 'nà, Timoteo, e mí' ja` 'goo` dseeng` tu' jo ja` u'^ layaang` jmi, co' guiá'-gui ni'u'^ capi'^ jmi'^ mí'^ huing` jó'^ e nicó'.

²⁴ Jo seab` dsee- quiá'- i iing` dsea` e dsifib' líni' dsea` nú'-gui e nití- fí' lí' nitidsí' í' quiá'r-, dsu' sea`bi dsee- cajo e ja` líni' dsea` cartí' mí' niguié- i dsea` i óo` dsee- do fí' quini` dseata-. ²⁵ Jo lajob lí' cóo`- jalé' e guiá'- e cajmée` dsea, sea`ba' e dsifib' líl'r^, jo sea`bi cajo e ja` nililí'r^ dsifí' jo cøøng`gui nililí'r^, dsuco' ja` cuøøng` fa' lí' nijé- lajo e si'maang`.

6

¹ Jogui jaléng' dsea` quiá'- Dsea` Jmáang- i jmóo` ta` quiá'- dsea` 'né- e eám' nijmi'gór' fíir~ e lí' jmóor` ta` do, jo lajoba' ja` ni'uíng- e nífé' dsea` ga` uii~ quiá'- Fidié` jogui uii~ quiá'- júu^ quiá'r- cajo. ² Jogui song i iing` dsea` quiá'- Dsea` Jmáang- i jmóo` ta` quiá'- dsea` do seeng` fíir~ i líng` dsea` quiá'- Dsea` Jmáang- cajo, jo jie` mí' tár' e jmi'gór'eiñ', dsuco' røøb` teáaiñ` fí' guiá'- cóo`- Dsea` Jmáang-. Co' lí' lí' 'né- e nijmitir` røø`gui jalé' ta` quiá' i fíir~ do, dsuco' dsea` quiá'- Dsea` Jmáang- i 'neáng` rúng' líng` i dsea` i íng' e ta` e jmóo` i dsea` i jmóo` ta` quiá'r- do. Joba' fí-guá' 'nà, Timoteo, ée' gui dsea` jalé' e júu^ na jogui síi~ guir cajo e güjmiti~ bre lajii~ e júu^ jo.

Jial lí' mí' dsináang` dsea` cuu-

³ Jo song seeng` i e' júu^ e jíé'gui e ja` cøøng` røø` cóo`- jalé' júu^ e ca'e' Dsea` Jmáang- jogui cóo`- jalé' júu^ quiá'- jial niliseeng` dsea` cøøng` cóo`- Fidié`, ⁴ joba' i dsea` í líni' jaang` i jløm' i ja` e tíng` jíi'- cóo`. Co' dseá' lafa' jmohuí' quiá'r- e jmóor` ta` tíng` júu^ quiá'r- e ja` cuø'r` júu^ rúñ' cóo`- lí' doñí' e sáiñ'; jo fí' job lí' uíng- jalé' dsihu' jogui e ja` seeiñ` røø` jogui e jmiguiñ- dsea` rúñ' jogui e ja` sea` júu^ ta` dsí' quiá'- rúñ', ⁵ jogui jmóor` ta` tíng` e ja` guiéng- jee~ jaléng' dsea` rúñ', co' jmang'- jalé' e 'li'^ba' í' dsír', jogui ja` cuír' lajii~ júu^ sea` contøøng- e catíng- Dsea` Jmáang-, jo jmáñ' ta` e júu^ jo e laco' nilí'r` cuu-. Jo jie` mí' jmoo' e niquin'^ jee~ jaléng' i dsea` í. ⁶ Jo e jáb'- dseáng'- lajob lí', co' eám' jlo'^ jogui eám' quíng` cajo e júu^ quiá'- Fidié` quiá'- jial niliseeng` dsea` cøøng` cóo'r~, dsu' lí' lajo jíi~ quiá'- jaléng' dsea` i jmi'íáang` dsí' cóo`- jíi~ e sea` quiá'-bre. ⁷ Dsuco' jíi~ cóo` ja` ee` mí' sea` qui'naa' mí' caliséng'naa' fí' jmigüí' la, jogui jíi~ cóo` ja` e cuøøng` lí' lé'naa' fí' jmigüí' la mí' nidseá'^naa' fí' jmigüí' cóo`; ⁸ jogui song seab` jalé' e quiee~naa' jogui jalé' sí'^naa', joba' cóo`- jíi~ e job 'né- e nijmi'íáang` dsí'naa'. ⁹ Jo dsu' jaléng' dsea` i eáang` iing` jmeáng' yaang~ e nilisea` cuu- quiá'r-, ja` té'r' e iñ~ nijmér- jalé' e ja` dseeng` e laco' nilí'r' e cuu- do. Jo job lí' uíng^ e nisi' fí' ga` quiá'r- e nijmér- jalé' e ja` uíng~ sea` jogui eáang` 'léé' quiá'r- cajo. Jo mí' jmóo` dsea` jalé' e jo, job lí' uíng^ e íng- quiá'- dsea` jogui e nidsilíñ` fí' lí' 'li'^ mí' nití- oor~ quiá'r-. ¹⁰ Dsuco' mí' dseáng'- eáang` dsináang` dsea` cuu-, job lí' uíng~ quiá'r- e iñ~ nijmér- jalé' e 'li'^; jogui i iing` dsea` nicatúbre e teáaiñ` fí' guiá'- cóo`- Dsea` Jmáang- dsu' uíi~ e jmóor` lajo, joba' lana eám' ja` juguiá- niseeñ`.

Júu^ laniing- quiá'- Paa- e casí'r- Timoteo

¹¹ Jo fí-guá' 'nà, Timoteo, 'nà i líng` dsea` quiá'- Fidié`, jmihuíng` uø' quiá'- jalé' e 'li'^ na. Jo güiliseem`ba' fí' jmigüí' la e ee' jmang'- e guiá-, jogui contøøm- 'né- guíng~

o' e jme' jii' e iaang` dsii' Fidié' jogui e sin' teá' cóo' júu' quiá'r- jogui e jmi'neán' dsea' rún' jogui e féng' o' cóo' jalé' iihu' e in' jogui e ja' jmi'jløng' uø' cóo' dsea' rún'.
 12 Jogui cuøø' bí uø' e contøøng- sín- teá' fí' guiá- cóo' Dsea' Jmáang-; jogui jie' mí' tiun' jalé' e júu' na, joba' nitin' fí' lí' guiá- mi' nijúun'-, dsuco' uuing~ e lajoba' e catø'- Fidié' 'na', jogui uuing~ e joba' cajo cajmee- 'na' júu' fí' quini' fíng' dsea' e dseáng'- e já'-ba' e sin' teá' cóo' Dsea' Jmáang-. 13 Jogui lana fii'-guú' 'na', Timoteo, fí' quini' Fidié' i cuø' e jí' dsea' fí' jmi'güi' la, jogui cajo fí' quini' Dsea' Jmáang- i café' juguiá- quiá'- Fidié' fí' quini' Poncio Pilato, 14 joba' fii'-guú' 'na' e jmée'ba' náu' jalé' e nifí' 'na', jo ja' jmi'sín' jalé' e jo cóo' e jié', jo lajoba' ja' e uuing~ sea' e nijün'. Jo jmee'-bí' lajo cartí' mi' nití' í' e nigüéeng-tu Fí'naa' Dsea' Jmáang- fí' jmi'güi' la. 15 Jo nijmé- Fidié' lajo mi' nití' e í' jo, dsuco' jii' íb' dsea' i güeang' jogui i néé' ni' lajalé' cóo' lajaléng' jogui i niing-gui eáang' jee' jaléng' dsea' mogui~, jogui jii' íb' Fii' féng' quiá'- jaléng' dsea' quiá' ta' cajo. 16 Jogui jii' íb' i ja' tóo' jmi' e nijúuiñ-, jogui contøøng- seeiñ' e guiiñ- lí' jlo' jneá' jí' e jii' jaang' dsea' jmi'güi' cuøøng' lí' dsiquiéiñ' fí' jo, o'gui jii' jaang' dsea' mí' cangáaiñ' dsea' do o'gui lí'r' fa' e niníiñ- dsea' do cajo. Jo majmifém'baa're lata~, co' jii' íb' dsea' i 'gøng'! Jo lajob nilí.

17 Jo fii'-guú' 'na', Timoteo, e júu' la: Síi' jaléng' dsea' i eáang' sea' cuu- fí' jmi'güi' la e ja' güijmi'jløng' yaaiñ' e eáang' ta' dsíir' cóo' jalé' cuu- quiá'r-, dsuco' jalé' e jo seab' mí' ja' ee' quíng' jii' cóo'. Dsa' ja' 'né- jmér- lajo, co' lí' lí' 'né- jmér- e ta' dsíir' jii' cóo' Fidié' b', co' jii' íbing' dseáng'- i cuø' jalé' e 'né-naa' quiá'- e see-naa' fí' jmi'güi' la. 18 Jo síi' jaléng' i dsea' sea' cuu- do e güijmée'bre jmang'- jalé' e guiá-, jogui e eáang' güijmicóo'r~ jaléng' dsea' rúin', jogui e contøøng- guiiing~ dsíir' e nijmicóo'r~ cóo' jalé' e sea' quiá'r- jaléng' dsea' i ja' sea' jalé' e 'né-. 19 Jogui song nijmicóo' i dsea' sea' cuu- do jaléng' dsea' rúin' cóo' jalé' e sea' quiá'r-, joba' sea' uuing~ quiá'r- e nitíiñ' fí' lí' guiá- mi' nijúuiñ- e niliseeiñ' juguiá- júu' røø' lata~.

Júu' lí' cadséng- quiá'- Paa-

20 Jo fii'-guú' 'na', Timoteo, jie' mí' jmi'túng- o' lajii' ta' e nica'ín' quiá'- Fidié'. Jogui jie' mí' já'- nuu' jalé' júu' 'lí' e ja' uuing~ sea', o'gui e jmée' ta' jíng' cóo' jaléng' dsea' i jíng'- e tiiñ' ngáin'. 21 Dsuco' i líng' dsea' i já'- nicalíng- e júu' jmi'gúo' do nica'tá'bre e já'- líiñ' júu' quiá'- Dsea' Jmáang-.

Jo mí' i Fí'naa' Fidié' e ní'r- güea' quiá'r- fí' lí' seeng'na'. Jo lajob nilí.

Jo lanab jii' fé' jí' la'uii' quiá'- Paa- e catíng- Timoteo.

Júu^ e toq̃ fí ni~ jì catí tú~ quiá'- Paa~ e catíng~ TIMOTEO

¹ Jnea~ Paa~, jo jaang` dsea` apóo^ i jmóo` ta~ ni' júu^ quiá'- Dsea` Jmáang~ lín'n, co' lajob íaang` dsíí Fidiée` cajméer` cóo'~ jnea~. Jo la'eáang` e niseen~ cøong` cóo'~ Fíinaa' Jesús, joba' Fidiée` nicacuør' r' jnea~ e niliseen~ cøong` cóo' r' lata` lí' laco' lí' júu^ quiá' r' e nicacuør' lami~ jéeng' gui. ² Jo jmo' o e jì la e catíng~ 'nu', Timoteo, co' lin' lafa' jóo` i eáang` iin~ n. Jo mí' i Tiquí' naa' Fidiée` jogui Fíinaa' Dsea` Jmáang~ e ni' r' güea' quiá' r' fí lí' táan' jogui e nilí fíí líiñ~ 'nu' jogui e nicuør' r' 'nu' e niliseen' juguiá~ júu^ røø.

'Né~ guiá~ dsea` júu^ e jalé' jmóo` Dsea` Jmáang~ cóo' r'

³ Jo lacoq̃` née'~ mí' fón'n Fidiée`, dséng' dsii~ 'nu', Timoteo, jo uøø` jmíib` cuøø-ø gui'máang'~ dsea` do uii~ quíí'. Jo dseáng'~ lajii~ e iing~ Fidiée` jmóo` o lí' laco' gui la cajmée` jaléng' lí' dsea` áang` quié~ e, jo tab~ dsii~ e guiúb~ jmóo` o jalé' e ta~ jo fí quini~ Fidiée`. ⁴ Jo toq̃b` dsii~ jial fí' í calín'~ mí' ca' í' júu^ rú' naa', joba' iim~ baa máang' túu' nu' calé' catú~ e laco' nilí' íaang' tu dsii~. ⁵ Jo toq̃b` dsii~ cajo e dseáng'~ e lajam' ba' teá` sin' cóo'~ júu^ quiá'- Dsea` Jmáang~ e ngocáng` o'. Co' la' uii~ cajmée` lajo i niyúng' quíí' i sii' Loida jogui niquíí' i sii' Eunice, jo tab~ dsii~ e lajob nilíng' 'nu' cajo.

⁶ Joba' fíi~ guíi' nu', Timoteo, jmeáang' gui' ta~ lajii~ e quíí'~ jmíi~ e cangíng` quiá'- Fidiée` mí' caquidsii~ guóo` o fí yá' moguí'. ⁷ Dsaco' Fidiée` ja` cacuør' jneaa` aa', dsea` lí' naa' dsea` quiá'- Dsea` Jmáang~, Jmiguí' quiá' r' e laco' nijmó' naa' 'gó' naa', co' cacuør' r' jneaa` aa' Jmiguí' quiá' r' e 'gøng' e laco' quíí'~ naa' jmíi~ jogui e nijmi' neáang` rú' naa' jogui e lajang'~ í dsí' naa' røø` cóo'~ jalé' e jmoo~ naa'. ⁸ Joba' ja` jmoo' e í' lín'~ e niguiá' júu^ jalé' e cajmée` Fíinaa' Jesús, o' gui jmoo' í' lín'~ uii~ quié~ e cajo dsu' uíí' e sijnñ' n fí dsíí' 'nañí' dsu' e guiaa~ júu^ quiá'- dsea` do. Dsu' lí' lí' né~ e guiab' o' e ni' íin'~ jalé' iihuí' lí' laco' la íin'~ jnea~ uíí' e guia' naa' júu^ quiá'- Dsea` Jmáang~ quiá'- jial laang` dsea` jee~ jalé' dsee~ quiá' r'. Jo Fidiée` bing' i jmicóo'~ 'nu' cóo'~ bí' quiá' r' jee~ jalé' e dsingín'~ do. ⁹ Jo Fidiéeb` dsea` i caleáang` jneaa` aa' jee~ dsee~ quíí' ii' jo nicatør' r' jneaa` aa' e laco' dseáng'~ lajang'~ ni' uíng'~ naa' dsea` quiá' r' i jmóo` jmang' e iin~. Jo lajii~ ná' gui e nitiroo` jmigüi' ba' e ca' í' dsíir' e nijmér~ lajo; dsu' ja` cajméer` lajo uíí' e nicajmó' oo' e guiá~, co' cajméer` lajo uíí' e lajob cali' iin~ jogui co' eám' guiúin~ cóo'~ jneaa` aa' la'eáang` cóo'~ Dsea` Jmáang~. ¹⁰ Jo lana Fidiée` nicajmilir~ e eám' guiúin~ cóo'~ jneaa` aa', co' casíin~ Dsea` Jmáang~ fí jmigüí' la e laco' nileáiñ~ jneaa` aa' jee~ jalé' dsee~ quíí' ii' jogui e ca' íim~ bre bí' quiá'~ 'mó' cajo. Jo la'eáang` cóo'~ e júu^ e quiá'~ jial laang` dsea` jee~ jalé' dsee~ quiá' r' do, cajmijnéeng` Fidiée` jee~ jneaa` aa' jial e nilisee~ naa' cøong` cóo' r' lata~.

¹¹ Jo Fidiée` bing' i nica' náang~ jnea~ e laco' niguiaa~ jalé' e júu^ na, jogui e nicasíin~ jnea~ e lín'n jaang` dsea` apóo^ jogui e lín'n jaang` tifa' i e jalé' e júu^ jo. ¹² Jo uíing~ e joba' e dsingín~ n iihuí' lana. Dsu' ja` jmóo` o í' lín'~ n cuaiñ~ quiá'~ jalé' e jo, dsaco' dseáng'~ lajam'~ nicuín' n Dsea` Jmáang~ jo fí jaguó' bre nicajáang'~ 'ñiá' a. Jogui eám' nita~ dsii~ e quíí'~ bre jmíi~ e ni' méiñ~ jalé' ta~ e nicangín' n quiá' r' cartí' mí' nijáa' tur calé' catú~ fí jmigüí' la.

¹³ Jo fíi~ guíi' nu', Timoteo, jmee~ e quie' nifí' quíí'~ jalé' e nica' ée~ e 'nu' lami~ jéeng' gui e quiá'~ jial teáang~ dsea` teá' cóo'~ júu^ quiá'- Dsea` Jmáang~ jogui jial jmi' neáang` dsea` rúin'. ¹⁴ Jogui la'eáang` cóo'~ Jmiguí' quiá'- Fidiée` e seeng` jee~ jneaa` aa', jmee~ í' lajii~ e juguiá' quiá'- Dsea` Jmáang~ e nicaguiar' fí jaguó'.

¹⁵ Jo niñíb' 'nu' guiá~ e jaléng' dsea` quiá'- Dsea` Jmáang~ i seeng` fí lí' se' Asia catiúum~ bre jnea~; jo jee~ í' quíng'~ i dsea` i sii' Figelo cóo'~ gui Hermógenes. ¹⁶ Jo mí' i Fíinaa' Dsea` Jmáang~ e nilí' fí' líiñ~ jaléng' dsea` sinúu^ quiá'~ i dseañu' i sii' Onesíforo,

dsuco' jmiguiab' ya' cajmicóo'r~ jnea~, co' cajar~ e jajmití'r~ dsii~, jogui ja' cajméer' i' líiñ uí' quié e dsu' uí' e sijñá'n. ¹⁷ Co' mi' cagüéiñ' fí' la fí' Roma, jo dsifí' lajob canaañ' 'náñ' jnea~ car' cadséiñ' jnea~, jo ja' cajmi'íñ' jii' capí' lajee' jo. ¹⁸ Joba' mii' i' Fidié' uii' quiá' i' Onesíforo do e nilí' fí' líng' neiñ' mi' nití' jmii' e nijáa'tu Dsea' Jmáang~ fí' jmi'güí' la. Jo niñib' 'nu' guiú' e eám' cajmicóo' i' dsea' do jneaa~aa' lajee' cataang~naa' fí' Éfeso.

2

'Né e jmó'naa' té'baa' cóo' jalé' iihuí'

¹ Jo fii' guí' 'nu', Timoteo i' líng' lafa' joo'o, teá' sin' uo' e fí' nisín' la'eáang' cóo' e bí' e nicangüin' quiá' Dsea' Jmáang~. ² Jogui jalé' júu' e canáa' e nicafá' jnea~ fí' quini' jaléng' dsea' fíng', joba' fii' i' 'nu' lana e ni'é' dsea' jiéng' e júu' jo. Jo 'né' jméé' lajo jii' cóo' dsea' i' ta' o' cóo', lí' lajaléng' dsea' i' lí' quí' jmii' e ni'é'r~ jaléng' dsea' jiéng'.

³ Jogui jmee' té' cóo' jalé' iihuí' e dsingüin' uí' e lin' dsea' quiá' Dsea' Jmáang~ lí' laco'gui la jmóo' jaang' 'léé' té'r' cóo' jalé' e dsingüiñ'. ⁴ Dsuco' jii' jaang' 'léé', e lajee' e jmóor' ta~, catíng~ e nijmér~ náa'r~ lajii' ta' quí' jaang' dsea' jiéng' i' ja' líng' fii'r~, co' lajii' fii'bre 'né' e nijmi'iaañ' dsíiñ'. ⁵ Jogui lajobi cajo, fa' jaang' dsea' cóo' bõø', ja' catíng~ e ni'íñ' lajii' e cal'r~ do fíng' song ja'gui cajmitir~ røø' laco'gui jii' e sí' e cóo' dsea'. ⁶ Jogui lajobi cajo, fa' jaang' dsea' jmóor' ta' jenuu', catí'm~bre e ni'íñ' guiéé' quiá'r~ la'uii' mi' niró' jalé' e jni'r'. ⁷ Joba' fii' guí' 'nu', Timoteo, í' o' røø' lajii' e júu' e fii' i' 'nu' lana, jo lajoba' Fí'naa' Dsea' Jmáang~ nijmicóo'r~ 'nu' e ningán' røø' lajii' e júu' na.

⁸ Jo contøøng~ jmi'guién' o' jalé' e cangongüing~ Dsea' Jmáang~, i' dsea' i' cají'tu la'uii' jee' jaléng' 'líi', jogui i' líng' dsea' siju' dseata~ dsea' féng' Daví'; jo lanab' jii' lí' júu' e guia' jnea~ quiá' jial laang' dsea' jee' jalé' dsee' quiá'r~. ⁹ Jogui uí' e guiaa' júu' labá' e íin' n' jalé' iihuí', jo j'gui e 'ñúum' baa' iuun' fí' dsí' 'nañí' lafa' jaang' dsea' i' nica'léé'; dsu' e júu' quiá' Dsea' Jmáang~ e guiaa' la ja' lí' fa' e ja' cuøøng' líñi' dsea' dsuco' ja' jié' sijñi' quiá'. ¹⁰ Jo uí' e lajob lí', joba' jmóo' baa' té' e cóo' jalé' e iihuí' la e laco' jaléng' dsea' i' nicaguíng' Fidié' i' nilíng~ dsea' quiá'r~ nilí'r' e nileáiñ' jee' jalé' dsee' quiá'r~ jo niliseeíñ' fí' ñifí' lata' la'eáang' cóo' Fí'naa' Dsea' Jmáang~.

¹¹ Jo dseáng' e jáb' lajii' e júu' e fii' i' 'nu' la:
Song nijúu' naa' uí' e lí'naa' dsea' quiá' Dsea' Jmáang~,
joba' nilisee~baa' cóo'r~ lata' cajo.

¹² Jogui song jmoo' baa' té'naa' cóo' jalé' iihuí' e ngíng'naa',
joba' ni'í' baa' í' røø' cóo'r~ fí' jmi'güí' coo'.

Jogui song fé'naa' e ja' cuíng'naa'r,
joba' lajob nijíñ' cajo e ja' cuíñ' jneaa~aa' mi' tí' lí' jo.

¹³ Jogui song jmoo' naa' e ja' já' líng'naa' júu' quiá'r~,
dsu' ír' contøøm~ jmitir~ jalé' e nicajíñ',
co' ja' cuøøng' fa' e ja' jmitir~ jalé' júu' quiá'r~.

Jaang' dsea' i' jmóo' ta' e íaang' dsí' Fidié'

¹⁴ Jo fii' guí' 'nu', Timoteo, jmi'guién' dsí' jaléng' dsea' quiá' Dsea' Jmáang~ jalé' júu' e nifá'a la, jo liúung' jaléng' í' fí' quini' Fidié' e ja' güiquíñ' e tñng' júu' quiá'r~ cóo' lí' doñí' ee' júu'. Dsuco' jalé' e júu' jo ja' e ta' íng' jii' coo'; jo lico' 'léeb' jogui jmóo' e dsicam' jaléng' i' dsea' i' núu' jalé' e jo. ¹⁵ Jo jmee' quijí' car' ngocáng' o' e nilí' íaang' dsí' Fidié' cóo' jalé' ta' jmoo', jo lajoba' ja' nilí' i' líñ' quiá' jalé' e jo. Jogui ée' røø' jaléng' dsea' júu' sea' contøøng~ quiá' Fidié'. ¹⁶ Jogui jie' mi' jmoo' fa' e quín' jee' jaléng' dsea' i' fé' jalé' júu' e ja' uíng' sea'; dsuco' jaléng' dsea' i' jmóo' lajo, eáang'gui dsihuíñ' quiá' Fidié' laco' jmii' laco' jmii', ¹⁷ jogui eám' ni'r' jalé' e júu' 'lí' e er' do lí' laco' lí' coo' jmohuí' e dsicuáng' jmi'ná'. Jo lajob cangongüing~ i' dseañu' i' sii' Himeneo cóo'gui i' sii'

Fileto, ¹⁸ co' i dsea`gáng` la nicacár` fí ga`lajee` e cuíñ` Dsea`Jmáang` , jo lana ningir` fé'r` júu` e nicajíb`tu jaléng` dsea` i nicajúng` . Jo cóo` jalé` e júu` e fé'r` do, nicaligóm` i líng` dsea` i já` líng` e júu` e sea` contøng` quíá`- Fidiée` . ¹⁹ Dsu` Fidiée` lafa' catá'r` coo` tíi` fíi` quíá`- 'núu` e té` huóø` e ja` ni`líng` , jo e tíi` fíi` do líí` la líí` e júu` la e ja` tóo` jmíi` ni`líng` , jo lalab fé': "Jo nicuíim` Fíi`naa' Fidiée` jaléng` dsea` i líng` dsea` quíá'r`"; jogui fé`bi cajo: "Jaléng` dsea` i jíng` e líiñ` dsea` quíá`- Fíi`naa' Fidiée` 'né` nitá`bre e jo` jmér` jalé` e ja` dseeng` e lamí` jmóor` do."

²⁰ Dsaco` fa' coo` dsíi` sinúu` quíá`- jaang` dsea` i sea` cuu` , o' laji` e jmáañ` ta` do líí` cóo` cunée` o'gui cóo` cutee` , co' seab` cajo e líí` cóo` 'ma` jogui cóo` guóo` . Dsu` e líng` e jmáañ` ta` do jmáañ` ta` mi` jmóor` jmíi` laniing` , jogui e líng`gui e do jmáañ` ta` contøng` . ²¹ Jo song jaang` dsea` contøng` jmíi`úuiñ` e laco' ja` nitéiñ` fí` ni` dsee` , joba' ni`uíñ` jaang` i si`líng` jogui i líng` ta` quíá`- Fidiée` . Jo Fidiée`bing` i nijmeáng` ta` ír` e laco' nijmér` jmang` e guiá` .

²² Jo fíi`guí` 'nu` jie` mí` quín` jee` jalé` e ja` dseeng` e litíng` jaléng` siming` cóo` simí` e jmóor` , jo teá`gui sin` uø` e jmóo` jmang` jalé` e guiá` , jo e já` gui lín` júu` quíá`- Dsea` Jmáang` , jogui e jmíi`neáang`gui` jaléng` dsea` rún` , jogui e seeng`gui` juguiá` júu` røø` . Jo jmee` jalé` e jo colíng` cóo` jaléng` dsea` i 'náng` Fidiée` e ngocáng` dsír` . ²³ Jogui jie` mí` quín` jee` jalé` júu` íí` e ja` uíng` sea` , co' niñ`ba' guiá` e jalé` e júu` jo quíeé` jii` ta` jím` . ²⁴ Jo jaang` dsea` i jmóo` lajii` e iing` Fíi`naa' Dsea` Jmáang` ja` cuøøng` e ningir` ta` tíng` cóo` jaléng` dsea` , co' o' lajo e catíng` e nijmér` . Co' líí` lí` 'né` jmér` jmang` e guiá` cóo` líí` doñí` ii` dsea` , jogui 'né` e quíi`bre jmíi` jial ni'é'r` dsea` , jogui 'né` e féng` dsíi`bre cóo` jaléng` dsea` rúñ` , ²⁵ jogui 'né` e ja` jmíi`løng` 'ñia`r` mi` liúñ` jaléng` dsea` i ja` jii` júu` quíá`- Dsea` Jmáang` ; jo la'eáang` cóo` e jo, jangám` nijmicóo` Fidiée` quíá`- jaléng` i dsea` í` e laco' niquí` jíng` yaaiñ` fí` quini` dsea` do, jogui e nijá` líñ` júu` quíá`- Dsea` Jmáang` , ²⁶ jo lajoba' ni`íi` tu dsír` røø` e laco' nijmihuíng` yaaiñ` cóo` fii` i líng` , dsaco' íbing` i lamí` 'mé` quíá'r` e jmóor` líí` doñí` ee` e iing` í` .

3

Jial nilíng` dsea` mi` nijaquíéng` e tí` lí` ni`líng` jmigüü`

¹ Jogui fíi`guí` 'nu` , Timoteo, 'né` ní`ba' e mi` nijaquíéng` e tí` lí` ni`líng` jmigüü` , eáam` huíng` nilí` . ² Dsaco` jaléng` dsea` i niliseeng` ie` jo lico' nijmijíñ` jii` yaam`bre jo jo` jmijíñ` jaléng` dsea` jíéng`gui` , jogui eáam` nilí` dsináaiñ` cuu` , jogui nijmíi`løng` yaaiñ` , jogui eáang` nijmiráang` yaaiñ` cóo` jalé` e nicajméer` . Jogui gab` nifé'r` quíá`- dsea` jogui quíá`- Fidiée` cajo, jogui ja` nijmér` núu`r` cóo` jalé` ta` quíi` sejmiir` , jogui ja` nicuø`r` gui`máang` dsea` mi` ee`go ngíiñ` o'gui nijmí`gór` Dsea` Jmáang` cóo` jalé` júu` quíá`- dsea` do cajo . ³ Jogui ja` nijmí`neáaiñ` o'gui nilí` fíi` líiñ` jaléng` dsea` , jogui nifé'r` júu` adsee` e 'niiñ` jaléng` dsea` rúñ` , jogui ja` téeng` yaaiñ` e iñ` nijmér` lajii` e 'lí` e lí` dsír` , jogui eáam` nijmér` saang` dsír` cóo` jaléng` dsea` rúñ` , jogui nijmér` e 'ní` níim`bre lajalé` e guiá` e jmóo` dsea` . ⁴ Jogui gab` nifé'r` e 'niiñ` jaléng` dsea` i seeng` røø` cóo`r` , jogui eáang` niliteá` dsír` e nijmér` jalé` e ga` e lí` dsír` , jogui eáang` nijmér` e nijmíi`løng` yaaiñ` cóo` jalé` e í` dsír` e tíiñ` , jogui eáang`gui` ni`nó`r` jalé` e jmíi`iáang` dsír` e lafa` nijmiféiñ` Fidiée` . ⁵ Jogui cóo` jalé` e jmóo` i dsea` do, eáang` nijmigøøiñ` jaléng` dsea` e líiñ` dsea` quíá`- Dsea` Jmáang` , dsu` dseáng` ja` já` e líiñ` lajo, co' ja` jmóor` laco' catíng` e jmóo` dsea` quíá`- Dsea` Jmáang` i seeng` la'eáang` cóo` e 'gøng` quíá`- dsea` do .

Joba' fíi`guí` 'nu` , Timoteo, jie` mí` jmoo` fa' e niquín` jee` jaléng` i dsea` lana . ⁶ Dsaco` i líng` i dsea` la'í` lico' jmóor` ta` ngí` quíá`- dsea` jo jmigøøiñ` jaléng` dseamí` i ja` huíng` tøng` fí` ni` dsee` . Jo jaléng` i dseamí` í` eáam` røøiñ` dsee` , co' lico' jmóor` lajii` e ga` e lí` dsír` yaam`bre , ⁷ jo contøøm` tí` dsír` jmíi`ñ` mi` ee`go júu` 'míi` sea` , dsu` dseáng` ja` tóo` jmíi` e quíi`r` jmíi` fa' e ningáñ` e júu` já` quíá`- Fidiée` e catíng` Dsea` Jmáang` . ⁸ Joba' fíi`guí` 'nu` e júu` la, e líí` laco' cajmée` i dsea` láang` gáng` i caliséng` malíi` do i sii`

Janes cóo'gui Jambres ie~ lamí~ cajníñ' quíá'- Moi~, jo lajōb cajo nijmé~ jaléng' i dseá~ i seeng' mĩ~ nijaquíéng' e tí lí~ ni'íng~ jmgüí, co' nijním~ bre quíá'- e júu^ já'- quíá'- Fidiée' e catíng~ Dseá Jmáang~. Jo jaléng' i dseá í líñ' dseá i í dsí' jmang' e 'lí^ joguí i nicajgiéng~ dsí' e teáaiñ~ teá' fí' guíá~ cóo' Dseá Jmáang~. ⁹ Jo dsu' ja' huíi~ dsilíñ~ cóo' e jmgóor' do, co' jalém' dseá niliñir' guíá~ e jaléng' i dseá la'í ja' í dsíir' røø lí^ laco' calí~ cóo' i dseá gáng~ i sii' Janes cóo'gui Jambres ie~ lamí~ cajníñ' quíá'- Moi~ do.

Júu^ e ca'í#- Paa~ quíá'- Timoteo

¹⁰⁻¹¹ Dsu' 'nu, Timoteo, guíab~ niñí^ lajii' júu^ e ée~ e dseá, joguí jial seen~ røø laco' seeng' dseá quíá'- Dseá Jmáang~, joguí niñí^bi' cajo lajii' e í dsii~ e nijmee~e, joguí jial já'- lán'n e nisín'-n teá cóo' júu^ quíá'- Dseá Jmáang~ e car' ngocáng' dsii~, joguí jial féng' dsii~ cóo' jaléng' dseá jiénng', joguí jial e 'neáan'n jaléng' dseá rún'n, joguí jial nicateá'-a cóo' jalé' iihuí' e nica'ín'-n. Joguí niñí^bi' cajo e cateá'-baa cóo' jalé' e ga' e nicajmeáng' dseá jnea~ fí' Antioquía cóo'gui fí' Iconio joguí fí' Listra; dsu' cateá'-baa, co' Fí'naa' Dseá Jmáam~bing' i caleáng' jnea~ jee~ jalé' e jo. ¹² Dsu' dseáng' e jáb'- jalé' e la, e jaléng' dseá i iing~ seeng' e s'naaiñ' jee~ jalé' e 'lí^ uíi' e líñ' dseá quíá'- Dseá Jmáang~, joba' 'né~ nidsingim~bre iihuí' e jmó' dseá quíá'r'. ¹³ Jo dsu' jaléng' dseá i jmóo' ga' joguí i jmgóong' jaléng' dseá rúng', ga'guib nidsijée' quíá'r- laco' jmi~ joguí eám' nijmgóoñ' jaléng' dseá rúñ' lí^ laco' jmgóoñ' yaaiñ~.

¹⁴ Dsu' fíi~guí 'nu, Timoteo, teá' sing' uø' lí^ laco' jmoo' cóo' jalé' e nicajmitín', co' dseáng' niñí^ba' e dseáng' jáb'- jalé' e jo. Joguí niñí^bi' guíá~ cajo i dseá i ca'e' 'nu' jalé' e jo, ¹⁵ co' e júu^ güeang' quíá'- Fidiée' e niñí^ catí' ie~ lamí~ jiuun~ do, e joba' e nilí'íng' ta~ quíi' e nilíñí^ jial e nileán' cóo' jalé' dsee~ quíi' la'eéang' e nicajáng' uø' fí' jaguó' Dseá Jmáang~. ¹⁶ Jo lajib' e júu^ quíá'- Fidiée' cajme' dseá la'eéang' cóo' 'ñiab' Jmiguí quíá'- Fidiée'; jo jalé' e júu^ jo eám' íng' ta~ e e' jneaa~aa' jmang' jalé' e já'-, joguí e jmicóo' jneaa~aa' e line~naa' mĩ~ ee~naa' dsee~ joguí jial cuøøng' e nisíng' túu' teá' fí' guíá~ cóo' Dseá Jmáang~; joguí e' jneaa~aa' cajo jial e nijmó'oo' lajii' e iing~ dseá do. ¹⁷ Jo jalé' e júu^ jo íng' ta~ e laco' jaang' dseá quíá'- Fidiée' néé' guíá~ quíá'r- laco' catíng~, jo lajōba' cuøøng' nijmér~ jalé' e guíá~.

4

¹ Joba' fíi~guí 'nu, Timoteo, fí' quini' Fidiée' joguí fí' quini' Fí'naa' Dseá Jmáang~ i nijáatú mĩ~ tí lí~ ni'íng~ jmgüí e laco' niquidsir' í' røø jo nicár' nifi' quíá'- lajaang' lajaang' dseá, ja' e lí' su seeng'guir' osi nijúm~bre é, ² jo fíi~i 'nu' car' ngocáng' dsii~ e niguíá^bi' júu^ quíá'- Dseá Jmáang~ jee~ jaléng' dseá; jo dseáng' jmi'úung' e jme'^ lajo mĩ~ lí~ sea' fí' osi mĩ~ ja' sea' é. Joguí 'né~ jmitá^ba' dsí' jaléng' dseá i ja' 'goo' já'- líng' júu^ quíá'- Dseá Jmáang~, joguí 'né~ íi^ba' 'goo' mĩ~ jmóor' doñí' ee' e ja' dseeng', joguí 'né~ cuø'-bir bí' e laco' nilítíi' dsíir', jo 'né~ é're lajo dseáng' e féng' óo'ba'. ³ Dsuo' coøb' mĩ~ nití' í' e jo' té' dseá e núur' lajii' júu^ niguó' quíá'- Fidiée'; dsuo' ie~ jo lí^ iñ~ e nijmitir~ lajii' ta~ quíá'r' yaam~bre, joguí nijmér~ quijí~ cabøø tifa' i ni'é~ quíá'r- lí^ doñí' ee' jalé' e iñ~ ninúr~. ⁴ Joguí jo' iñ~ fa' e ninúr~ lajii' e júu^ niguó' do, co' lajii' júu^ cuento quíá'- dseá áam'ba' iñ~ e ninúr~. ⁵ Dsu' e laba' fíi~guí 'nu, Timoteo, jang' í' o' røø mĩ~ eègō nijme'^, joguí jmee~ té^bi' cóo' jalé' iihuí' e dsingín', joguí cuøø^bi' bí' uø' e quíá'- niguíá^guí' júu^ e quíá'- jial laang' dseá jee~ jalé' dsee~ quíá'r-, joguí jmiti~ røø jalé' ta~ e nicangíng'.

⁶ Jo tí lí~ nití^b- í' e nijngáng' dseá jnea~, co' nijaquíém' oor~ quíe~ e e tí lí~ nijúun~n. ⁷ Jo teáb' eéang' nicasín' n fí' guíá~ cóo' Dseá Jmáang~, joguí lana nicatí^b- í' e nicadsín~n cóo' jalé' ta~ quíe~e, jo jii' cateá' ja' calítúng~ dsii~ cóo' júu^ quíá'- Dseá Jmáang~. ⁸ Jo lana nisijeeng' jnea~ e ni'ín'-n lajii' e catín~n. Jo Fidiée', i dseá i quidsí' í' røø, íb' i nicuø'- jnea~ e jo uíi' e nica'íñ' jnea~ e lán'n jaang' dseá i ja' røøng' dsee~ fí' quini'. Jo

o' jii~ jnea~ ni'lin'~ n e jo, co' lajob ni'ing' cajo jaléng' dsea` i nigüijeeng` e iáang` dsír' e nijáa'tu Dsea` Jmáang` calé` catú~ fí' jmigüi' la mi~ nití~ í' lajo.

Júu` e cajíng'~gui Paa` casí'r~ Timoteo

⁹ Jo fii~ guíi' 'nu, Timoteo, e jmee~ úung` e niñi'ba' lajmináb~ e niñi'ee'~ jnea~; ¹⁰ dsu' i dseañu' i sii` Demas do eáang`gui catí' dsír' e nijmér~ jalé' e jmóo` dsea` fí' jmigüi' la, jo uing~ e joba' nicatiúuiñ~ jnea~, jogui lana nicangór~ fí' Tesalónica fí' lí~ se' Macedonia. Jo i dseañu' i sii` Crescente nicangór~ fí' lí~ se' Galacia, jogui i sii` Tito nicangór~ fí' lí~ se' Dalmacia. ¹¹ Jo lajii'~ Lucasbing' i táang` cóo'~ jnea~ fí' la lana. Jogui fii~ i 'nu e nigüi'ném'ba' Marcos jo nijóøm^ba'r fí' la mi~ niñi', dsuco' liim~ ee` ta~ nili'íiñ` quié~ e cóo'~ jalé' ta~ guia' júu^ quiá'~ Dsea` Jmáang~ e jmóo'o fí' la. ¹² Jogui nicasín~ n i dseañu' i sii` Tíquico do fí' na fí' Éfeso. ¹³ Jo fii~ i 'nu, Timoteo, e mi~ niñi'tu' calé' catú~ fí' la, jo cá`go' e 'mijñá' iá~ luu~ do quié~ e e casee~ e fí' quiá'~ i dseañu' i sii` Carpo i seeng` fí' Troas; jogui cá`bi' cajo jalé' jì quié~ e, jo dsu' e laniing~gui eáang` e 'né~ cá' e mají e sibéeng` e lí~ too~ júu^ quié~ e do.

¹⁴ Jo fii~ guíi' 'nu uii~ quiá'~ jaang` dseañu' i líng' tiñí^ i sii` Jaang~ e eám' ga` nica'éer` cóo'~ jnea~; dsu' Fidiéé'bing' i niqui'^ laco' catíng~ quiá'r~ cóo'~ jalé' e ga` e nicajmér` do. ¹⁵ Jo uii'~ e joba' e fii~ i 'nu e jmeáang'~ í' uø' cóo'~ i dseañu' do, dsuco' eám' ga` 'ní' níiñ~ júu^ quiá'~ Dsea` Jmáang~ e guia'naa'.

¹⁶ Jogui la'uii~ néé'~ mi~ cangó~o fí' quini' dseata~ i quidsí' í' e laco' nijmi'óng'~ 'ñiá'a, jii'~ jaang` dsea` ja` i cajmicóo'~ jnea~ ie~ jo, co' lajii~m` dsea` catiúuiñ~ jnea~. Jo míi'~ i Fidiéé' uii~ quiá'~ jaléng' i dsea` í e ja` güijme'r~ cuente cóo'~ jalé' e cajméeiñ' do. ¹⁷ Dsu' eám' cajmicóo'~ Fii'naa' Dsea` Jmáang~ jnea~, jogui cacuø'r' jnea~ jalé' bí quiá'r~ e laco' cateá~ dsii~ e caguiaa~ júu^ quiá'r~ e quiá'~ jial laang` dsea` jee~ jalé' dsee~ quiá'r~; jo lajoba' canúu~ jaléng' dsea` i ja` líng' dsea` Israel jalé' e júu^ jo. Jo Fii'naa' Dsea` Jmáam~bing' i caleáang` jnea~ ie~ jo jee~ jaléng' i dsea` i 'ni' ní~ quié~ e fa' laco' mi~ laang` jaang` dsea` e ja` cu' ie' quiá'r~; ¹⁸ jogui dsea` íbi cajo i nileáang~ jnea~ jee~ jalé' e 'li'^, jogui dsea` íbi cajo i nito' fíng` jnea~ cartí mi~ nitøø'r' jnea~ fí' lí~ quiu'r' ta~ fí' ñiff~ quiá'r~. iJogui majmifém'baa' dsea` do car` ngongíi' jmií! Jo lajob 'né~ lí.

Júu^ guicóo'~ quiá'~ Paa~ lí~ cadséng~

¹⁹ Jo lí~ ja` quiéeng` niguéng` fii~ guíi' 'nu, Timoteo, e guicóob'~ i dseamí i sii` Prisca cóo'~gui i dseañu' quiá'r~ i sii` Aquila, jogui guicóob'~ cajo jaléng' dsea` sinúu^ quiá'~ i dseañu' i sii` Onesíforo. ²⁰ Jo i dseañu' i sii` Erasto do, dob cajer' fí' Corinto, jogui i dseañu' i sii` Trófimo, dob caseaan~ nre e dsée'r~ fí' Mileto. ²¹ Jo fii~ i 'nu e nijmi'úung` quií'~ e niñi' fí' la nú'~gui e nití~ jii' güíi'. Jo i dseañu' i sii` Eubulo jogui Pudente jogui Lino cóo'~gui i dseamí i sii` Claudia, lí'^ lajaléng' dsea` quiá'~ Dsea` Jmáang~ i caguiaang~gui i seeng` fí' la, guiéiñ' júu^ guicóo'~ quií'~.

²² Jo güiliseem` Fii'naa' Dsea` Jmáang~ contøøng~ cóo'~ 'nu. Jogui míi'~ i Fidiéé' e ni'ir~ güea'^ quiá'r~ fí' lí~ seeng`na', dsea` líng`na' dsea` quiá'~ Dsea` Jmáang~.

Jo lanab jii'~ fé' jì catí tú~ quiá'~ Paa~ e catíng~ Timoteo.

Júu^ e toq̃ fí ni~ jì quiá'- Paa- e catíng- TITO

¹ Jnea~ Paa- lín'n jaang` dsea` i jmóo` lajii~ e iing~ Fidiée~, jogui lín'n cajo jaang` dsea` apóo^ i jmóo` ta~ ni' júu^ quiá'- Dsea` Jmáang-. Jo oo- e ta~ la e laco' ni'ée^e jaléng' dsea` i nicaguíng' Fidiée~ lami~ jéeng'gui e quiá'- jial nijáng' yaaiñ~ fí jaguó` dsea` do, jogui jial niliñir' lajii~ e júu^ e sea` contøøng- quiá'- Fidiée~ e laco' nijmér- dseáng'- laco' iing~ dsea` do. ² Jo nitab~ dsi'naa' e niliseem~baa' cøøng` cóo'~ Fidiée~ lata~, co' lajob júu^ e cacuø' Fidiée~ lami~ jéeng'gui lajii~ mi~ nú'-gui e nitiroo~ jmiçúí, jo dsea` do dseáng'- ja` fé'bre júu^ ta~ júu^ . ³ Jo lana nicatíb` í' e nicacuø'r' jneaa~aa' e niline~naa' lajii~ e júu^ ta~ dsí' do, jo cajmээр` lajo la'eáang` cóo'~ e júu^ quiá'r- e guiaa~, co' lajob ta~ caquiur' e nijmee~e. Jo dsea` íb` i láang` jneaa~aa' jee~ jalé' dsee- qui-ii'.

⁴ Jo jmo'o e jì la e catíng- 'nua, Tito, jo lafa' joo`baa lín', co' lajì gó`baa' já' lí'naa' júu^ quiá'- Dsea` Jmáang-. Jo mii~i Tiquí'naa' Fidiée~ jogui Fí'naa' Dsea` Jmáang- i láang` jneaa~aa' jee~ jalé' dsee- qui-ii' do, e güi'í'bre güea'^ quiá'r- fí lí' seen', jogui e nicuø'r- 'nua e niliseen' juguiá- júu^ røø'.

Lajii~ ta~ e cajmée` Tito fí Creta

⁵ Jo caseaan~n 'nua e fí ni~ guoo~ uø- e røo` fí ni~ jmiñí'^ do e sii` Creta e laco' nijmité' røø' lajii~ e ta~ e 'né- niliti~gui do, jogui e fí lacoø` fii' ni'nan'^ dsea` cøøng' i niné- ni~ dsea` quiá'- Dsea` Jmáang- lí' laco'gui jii~ e nicafii~i 'nua lami~ jéeng'gui. ⁶ Jo i dsea` i ni'nanng'^ do 'né- e røøb` seeiñ` e lí' laco' ja` cuøøng` fa' e nicuø' dsea` dsee- ír, jogui ja` cuøøng` fa' e seeng` fíng` dseamî quiá'r-, jogui jaléng' joor` 'né- e jáb'- líiñ` júu^ quiá'- Dsea` Jmáang-, jogui 'né- e ja` jméiñ'- do saang` dsír', jogui 'né- jmér- núu~bre cóo'~ jalé' ta~ quiu' dsea` cøøng' quiá'r- cajo. ⁷ Co' jaléng' i dsea` i néé ni~ do, íb` dsea` i néé ni~ jalé' ta~ quiá'- Fidiée~, joba' dseáng'- la guím` 'né- e jmér- lajii~ e guiá- e laco' ja` cuøøng` fa' e nicuø' dsea` dsee- ír. Jogui ja` 'né- fa' e ráaiñ- uii~ quiá'r- o'gui líiñ` dsea` i 'ní' dsí', o'gui cuøøng` fa' e jmér- ta` í' méé, o'gui fa' e jmér- ta` jíng` ta` tíng', o'gui fa' e jmér- e dsináaiñ` cuu- tá' sea. ⁸ Dsaco' o' lajo e 'né- jmér-, co' lí' lí' 'né- e eám` guiá- ni'íñ` jaléng' dsea` i guilíng- fí quiá'r-, jogui 'né- e tí dsír' jmóor` lajii~ e guiá-, jogui 'né- e quier' júu^ røø' contøøng-, jogui 'né- e eer` røø' contøøng-, jogui 'né- e jmér- dseáng'- lajii~ e tí dsí' Fidiée~ jogui contøøng- iu~ dsír' e jmitir~ jalé' e qui'~ tiiñ` jmóor'. ⁹ Jo jaléng' i dsea` i néé ni~ do eám` teá' 'né- teáaiñ- cóo'~ e júu^ sea` contøøng- quiá'- Fidiée~ lí' laco' jii~ e nica'ée-ere lami~ jéeng'gui, jo lajoba' cuøøng` e nijmití'r~ dsí' jaléng' dsea` jiéng' cóo'~ e júu^ jo, jogui e nisí'r` jaléng' dsea` i 'ní' níng- júu^ quiá'- Dsea` Jmáang- e ja` dseeng` laco' jmóoiñ` do.

¹⁰ Joba' fii~i 'nua, Tito, jalé' e júu^ na, dsaco' fii'm` dsea` seeiñ` i ja` iing~ nijmé- núu~ e júu^ quiá'- Dsea` Jmáang- do, jogui fé'r` jalé' júu^ e ja` oo- ni~ sea` e lí' laco' cóo'~ e jo jmóor` e jmiçøøiñ` jaléng' dsea`. Jo jee~ i dsea` í quíng'~ jaléng' dsea` i jíng'- e dseáng'- la guím`ba' 'né- e niliti~ lajii~ e qui'~ tíng` dsea` Israel. ¹¹ Jo jaléng' i dsea` i 'né- e ni'í- tiib- mo'oor-, dsaco' eám` cøøiñ- dsí' dsea` jì'gui latøøng- coø` sinuu^ e laco' jmiçøøng` neiñ', co' e' reiñ` jalé' e ja` catíng- ni'ér- e lí' laco' lí'r` cuu- tá' sea.

¹² Jo malii~gui eáang` caliséng` jaang` dsea` i eáang` tíng` fé' e fí Creta na, jo lalab fé'r` e éeiñ` dsea` góor` jo jiiñ'-: "Jaléng' dsea` góo`o dsea` seeng` fí Creta contøøm- quier' júu^ adsee, jogui líiñ` lafa' jó' núu^, co' dsíng'- soo` dsír' jogui dsíng'- cúiñ, jogui eám` iíñ` e tá'- séiñ` cajo." ¹³ Jo dseáng'- e já'-ba' e líng' i dsea` seeng` fí na laco' cajíng'- i dsea` í. Jo uíi~ joba' fii~i 'nua, Tito, e dseáng'- cóo'~ júu^ teáb` 'né- líuun~ jaléng' i dsea` í, jo lajoba' e nidsicuáng`gui quiá'r- e teáaiñ- teá cóo'~ júu^ quiá'- Dsea` Jmáang-. ¹⁴ Jo 'né- líuum'~ba're cajo e laco' ja` nijm'gór` jalé' júu^ cuento e jmi'uúing- jaléng' dsea` Israel, o'gui jalé' ta~ quiu' jaléng' dsea` i nicatú e teáaiñ- teá cóo'~ e júu^ sea` contøøng- quiá'- Fidiée~.

15 Jo jaléng' dsea`i i' dsí' j mang' e guiá, joba' lajib` e nír` guiáb` cajo; dsu' jaléng' gui dsea`i ja`já' líng` júu` quiá' Dsea` Jmáang` jogui i' dsír' j mang' e 'li', joba' lajib` e nír` do 'lib' cajo, dsuco' jíi' ja` lír` gui'r` su dseeng` o si ja` dseeng` lajalé' e 'li' e i' dsír' do. 16 Jogui fé'r` e cuím`bre Fidié, dsu' o' já' e líiñ` lajo, co' j mang' jalé' e ja` dseem`ba' jmóor; jo ja` iñ` jmér` núur` jalé' ta` huí', jogui dseáng' ja` quí`bre jmí` fa' e nijmér` coo` e guiá.

2

Jalé' e 'né' é' Tito dsea` rúñ'

1 Jo fí`guí`'na, Tito, e lajalé' júu` e e' dsea` 'né' e cóom` røø` cóo' júu` quiá' Fidié. 2 Jo 'né' é' jaléng' dsea` cóong' e ja` 'né' jmér` ta` í', jogui e 'né' é' røø` cóo' jalé' e jmóor, jogui e 'né' iu` dsír' e jmitir` cóo' jalé' e quí' tñiñ` jmóor, jogui e 'né' e jmi`neáaiñ` jaléng' dsea` rúñ', jogui e 'né' cajo e nicuó' bí` yaaiñ` e laco' nijmér` té'r` cóo' jalé' iihuí' e íñ'. 3 Jo 'né' é' bí' cajo jaléng' dseam` i nidseáng` e 'né' é' laco' iing` Fidié, jogui 'né' e ja` ngir` ta` quie` adsee, o'gui 'né' jmér` ta` í' méé' cajo. Co' lí' lí' 'né' e ni'é'r` dsea` j mang' jalé' e guiáb, 4 jogui 'né' é' ba' jaléng' dseam` i li'eáng` gui e 'né' nijmi`neáaiñ` jaléng' dseañu` quiá'r` cóo' gui jaléng' jóor; 5 jogui 'né' é' bí' cajo e iu` dsír' e jmitir` cóo' jalé' e quí' tñiñ` jmóor, jogui 'né' e i' dsíiñ` contøng` j mang' e guiá, jogui 'né' e iu` dsír' cóo' jalé' ta` sea` fí` sinúu` quiá'r`, jogui 'né' e eám` guiúñ` cóo' dseañu` quiá'r` jogui e nijmér` núur` jalé' ta` quíu' dsea` do cajo, jo lajoba' jíi' jaang` dsea` cuøng` lí` fé'r` ga` uii` quiá' júu` quiá' Fidié.

6 Jo fí`guí`'na, Tito, e 'né' liúun` jaléng' siming', jo fí`re e jang' 'né' ni'í' dsír' røøb` mi` ee`go nijmér`. 7 Jogui 'nab', Tito, dsea` 'né' ee' røø` laco' catíng` fí` quini` jaléng' dsea. Jogui mi` e' dsea, 'né' jmeé' cóo' j mang' júu` røø, jogui ja` fí`re júu` e sicáng'; 8 jogui 'né' é' re cóo' júu` já' quiá' Fidié e laco' jíi' jaang` dsea` cuøng` lí` fé'r` ga` uii` quí'. Jo lajoba' nilí` i' líng` jaléng' i dsea` i' ní' ní' quí`naa', dsuco' jo` niguié'r` júu` ga` e nifé'r` uii` quiá' jalé' júu` quí`naa'.

9 Jo lajob fí`guí`'na, Tito, síi`go jaléng' dsea` i jmóo` ta` e güijmée`bre núur` cóo' jalé' ta` quíu' fíir, jogui e güijmi`úum`bre e nijmér` j mang' e guiá` cóoiñ` do, co' ja` catíng` e niñír` júu` 'ní' quiáñ' do. 10 Jogui 'né' fí`re cajo e ja` güijmээр` i, jo lajoba' tab` dsíi` dsea` cóo'r` contøng`. Jo mi` nini` dsea` jiéng' jial seeiñ, joba' guiá` nifé' dsea` quiá' e júu` jlo` quiá' Fidié, dsea` i láang` jneaa`aa' jee` jalé' dsee` quí`ii'.

11 Jo 'né' see`naa' lajo, dsuco' Fidié` nicajmijnéem`bre e ja` cóong` cóo' jial tíi` 'neáaiñ` jneaa`aa', jo jee` jo quieéng` e cuøng` lí` leaiñ` dsea` jee` jalé' dsee` quiá'r`. 12 Jo dsuco' eám` 'neáng` Fidié` jneaa`aa', jo uing` e joba' e jo` ii`naa' e nijmó`guí' jalé' e 'li' cóo' gui jalé' e ga` e jmóo` dsea` fí` jmigüí` la, co' lí' lí' ii`naa' e see`naa' fí` jmigüí` la e jang' ni'í' dsí`naa' røø` mi` ee`go nijmó`oo', jogui e see`naa' e ee`naa' lajii` e guiá, jogui e jmó`naa' lajii` e iing` Fidié. 13 Jo lajee` jo, sijeeng`naa' e nití` e jmí` iáang` dsíi` mi` nijáa`tu fí` jmigüí` la Fí`naa' Dsea` Jmáang` i líng` Fidié` i láang` jneaa`aa' jee` jalé' dsee` quí`ii'. Jo mi` nijáar, joguiba' nijnéng` jial dseáng' jlo` e ja` cóong` cóo' líiñ. 14 Jo dsea` í`bing' i cajáng' 'ñia' e cajúñ` cuaiñ` quí`ii' e laco' caleáaiñ` jneaa`aa' jee` jalé' e 'li'. Jo ca`naaiñ` jneaa`aa' jee` jalé' dsee` quí`ii' e laco' nilí`naa' dseáng' dsea` quiá'r` i iing` Jmé` j mang' e guiá.

15 Joba' fí`guí`'na, Tito, e é' bí' dsea` e júu` e nicafá' a na, jogui cuøø`biguir bí` cajo, jogui íi` 'goo' laco' catíng` mi` ee`go jmóor` e ja` dseeng`, co' lajob ta` sinú'. Jo song` jmoo' lajo, joba' nijmi`gób` dsea` jalé' júu` e e' jóng.

3

Lajii` e catíng` e nijmé` dsea` quiá' Dsea` Jmáang`

¹ Jo fñi-guñi 'nu, Tito, e jmiguiéng' go dsíi jaléng' dsea` quiá'- Dsea` Jmáang- e ja` güisээр` teá` cóo' jaléng' dseata` osi cóo' jaléng' dsea` quie` nifí` é, jogui e güijmée`bre núu'r` contøøng- cóo' lajalé` ta` quiuñ', jogui e iu` dsíir' contøøng- cóo' lajii' ta` e guiá- e catíng- nijmér-. ² Jogui 'né- fí'bi jaléng' i dsea` í e ja` güifé'r` ga` uii` quiá'- lí' doñi` ii` dsea`, jogui ja` güijmээр` ta` jíng, jogui e güijmée`bre guiúñ- cóo' jaléng' dsea` rúñ', jogui cajo ja` güijmээр` e jløiñ' cóo' lí' doñi` ii` dsea`.

³ Jo lalab lami` líi` jneaa`aa' ie` lami` jéeng'gui do, co' saam` dsi`naa' cóo' júu` quiá'- Fidiée`, jogui ja` núu`naa' e júu` jo cajo, jogui dseáng'- jmang'- fí` gab` téé`naa', jogui jmoo`naa' lajii' ta` quiu' yee`baa' cóo' gui lajalé` e ja` dseeng` e tí` dsi`naa'. Jogui lami` jmoo`naa' jmang'- e ga`, jogui e lami` dsihuñg`naa' cóo' jaléng' dsea`, jogui lami` 'ní` neeng`naa' jaléng' dsea` rú`naa' jogui lajob lami` líng' í cóo' jneaa`aa' cajo. ⁴ Jo ie` lami` jmoo`naa' jalé` e ja` dseeng` do, lajee` job mi` cajmijnéeng` Fidiée` i láang` jneaa`aa' jee` jalé` dsee` quí`ii' jial tíi` e guiúñ- jogui jial tíi` e 'neáañ` jaléng' dsea`. ⁵ Jo uii' e lajob líiñ- cóo' jneaa`aa', joba' nicaleáañ` jneaa`aa' jee` jalé` dsee` quí`ii', dsu' ofa' uii' e jneaa`aa' cajmé`naa' coo` e guiá-. Jo cajmээр` lajo cóo' jneaa`aa' la'eáang` e nica'íiñ- dsee` quí`ii', joba' lana nilí`naa' lafa' dsea` i nicaliséng`túu` calé' catú-, jogui cajo la'eáang` cóo' e Jmiguí` quiá'r` dob e nilí`naa' lajo. ⁶ Jo la'eáang` cóo' Fíi`naa' Dsea` Jmáang` i caleáang` jneaa`aa' jee` jalé` dsee` quí`ii', nicacuøb' Fidiée` jneaa`aa' Jmiguí` quiá'r` lalíng'. ⁷ Jo uii' e eáam` 'neáang` Fidiée` jneaa`aa', joba' nicajmээр` cóo' jneaa`aa' e líi`naa' dsea` i ja` røøng` dsee` fí` quinir', jo nicacuør' jneaa`aa' e nita` dsi`naa' e nilíng`naa' lajii' e sijeeng`naa' do e nilisee`naa' cøøng` cóo'r` lata`.

⁸ Jo fñi-guñi 'nu, Tito, dseáng'- e jáb' jalé` e júu` e nicafá'- a na, jo uii' joba' iin`n e ja` tá' e fí' dsea` jalé` e jo e laco' jaléng' dsea` i dseáng'- lajang` níjá' líng` e júu` quiá'- Fidiée` 'né- cuø'- dsíir' e nijmér- contøøng- jalé` e guiá-. Jo eáam` jlo' e júu` jo jogui eáam` íng` ta` cajo quiá'- lí' doñi` ii` dsea`. ⁹ Jogui e lab iin`n fñi-guñi 'nu, Tito, e jie` mí` quín' jee` jaléng' dsea` i fé' júu` ii' e ja` uing` sea` jogui jee` jalé' júu` e quí'` títng` jaléng' dsea` áang`, jogui jie` mí` jmoo' ta` jíng` ta` títng` uii' e júu` quiu' ta` quiá'- Moi', dsuco' jalé` e jo ja` ee` ta` íng` jii' coo` jogui ja` ee` uing` sea` cajo.

¹⁰ Jogui song jaang` dsea` jmóor` 'niñ` lajee` la'ó' dsea` quiá'- Dsea` Jmáang-, joba' tú- 'ní` ya' síi' gor e ja` güijmээр` lajo. Jogui song ja` núu'r` jii' coo` e júu` quií' do, joba' guíñ- jee` 'nú'. ¹¹ Jo cóo' jii' e job nilíñ' guiá- e i dsea` í nicajgiém- dsíir' jogui`ñia'bre ninaang` beáng' dsee` 'ñia'r'.

Júu` quiá'- Paa- e cast'- guir Tito

¹² Jogui mí` nisín`n fí` na i Artemas osi i Tíquico é, joba' jmee- úung` jóng e niguó' fí` Nicópolis e nigüi'ee' jnea~, dsuco' fí` job nica'f` dsii- e ningiñ`n lajee` jii' güí-. ¹³ Jogui i dsea` quidsí' í' i sii` Zenas cóo' gui i Apolos jmicoo'bre cóo' jalé' e 'né- lí' jíé' jii' lí' quí'` jmí` e jme', jo lajoba' seab` jalé' e 'né- e laco' cuøøng` e niguillíñ- fí` lí' sí'f` e ngolíñ-. ¹⁴ Jo 'né- e nijmitíng` jaléng' dsea` rú`naa' dsea` quiá'- Dsea` Jmáang- e nijmér- jmang'- e guiá- jogui e nijmicoo'r` jaléng' dsea` i 'né- quiá'- lajo, jo lajoba' nilí'íng` ta` quiá'r- lajee` e taaiñ` fí` jmigüi` la.

Júu` guicóo' lí` cadséng- quiá'- Paa-

¹⁵ Jo lajím` dsea` quiá'- Dsea` Jmáang- i taang` cóo' jnea~ fí` la guiéñ' júu` guicóo' quí'- . Jogui jnea~ guiéen`n júu` guicóo' quiá'- jaléng' dsea` quiá'- Dsea` Jmáang- i seeng` fí` na cajo.

Jo güi'f` Fidiée` güea' quiá'r- jee` jaléng' 'nú'. Jo lajob nilí'.

Jo lanab jii' fé' jii' quiá'- Paa- e catíng- Tito.

Júu^ e too~ fi' ni~ ji` quiá'- Paa- e catíng- FILEMÓN

¹ Jnea~ Paa-, jo fi' 'nuñíab^ sijnín~n dsu' uíi~ e guiaa- júu^ quiá'- Dsea` Jmáang-. Jo sín~n e ji` la colíng~ cóo~ jaang`gui dsea` rú'naa' dsea` quiá'- Dsea` Jmáang- i sií Timoteo. Jo fi' ni~ e ji` la too~ júu^ quié- e e catíng- 'nu, Filemón, co' lin' jaang` dsea` rú'naa' dsea` quiá'- Dsea` Jmáang- i 'neáang`naa' eáang' jogui i jmóo` ta~ colíng~ cóo~ jnea^ jee~ ta~ guia` júu^ quiá'^ Dsea` Jmáang-. ² Jogui catím- e ji` la cajo jaléng` dsea` quiá'- Dsea` Jmáang- i seáang' fi' quií'- e jmfíeñ' Fidié~, jogui lajobi cajo catím- i dseamf i sií Apia cóo~ gui i dseañu' i sií Arquipo. Jo i dseañu' na eám' cuø' bí` ñia'r' jee~ ta~ e cangñiñ` quiá'- Dsea` Jmáang- lí^ laco'gui la jmóo` jnea^'. ³ Jo mñi~naa' Tiquí'ii' Fidié~ jogui Fí'naa' Dsea` Jmáang- e ni'fr- güea^ quiá'r- jee~ 'nú' jogui e nicuø'r- 'nú' juguiá- júu^ røø.

Jial 'neáang' Filemón jaléng' dsea` rúíñ'

⁴ Jo lacoø ya' mi~ fón'n Fí'i Fidié~, contøøm- cuøø-øre gui'máang' uii~ quií'-, Filemón, ⁵ dsuco' nica'ím'baa júu^ quiá'- jial tíí e 'neáan' jaléng' dsea` rún' dsea` quiá'- Dsea` Jmáang- jogui jial já'- lín' júu^ quiá'- Dsea` Jmáang- cajo. ⁶ Jo uíi~ e já'- lín'naa' e júu^ jo, joba' mñi~i Fidié~ e nicuø'r- 'nu e guiá-gui ningán' jial tíí jlo^ niguo^ e ngíng'naa' quiá'- Fidié~ la'eáang' e se~naa' cøøng` cóo~ Dsea` Jmáang-. ⁷ Jo uíi~ e 'neáan' jaléng' dsea` rún', joba' eám' íaang` dsii- jogui nicatíi~tu dsii- cajo, co' la'eáang` cóo~ 'nu b` jaléng' dsea` rú'naa' dsea` quiá'- Dsea` Jmáang- nicalíiñ~tu dsíir' calé' catú-.

Mi~ camí' Paa- jmi'ee' uii~ quiá'- Onésimo

⁸⁻⁹ Jo co' eám' 'neáan' jaléng' dsea` rún' jogui uíi~ e coøb` fi' tí'-naa' cóo~ Dsea` Jmáang-, joba' lín- n e seab` fi' quié- e e nifñi~i 'nu coø' e 'né- jme^'. Dsu' ja' iin~n jmee- lajo, co' lín- n e guiá-gui e nimñi~i 'nu jmi'ee' uíi~ e eáang' 'neáan' 'nu. Joba' jnea~, Paa-, mñi~i 'nu coø' jmi'ee~, nañi' fa' jaang` dsea` fém' nilíin~n, jo lana lab iuun- sijnín~n fi' dsíí 'nuñí^ dsu' uíi~ e guiaa- júu^ quiá'- Dsea` Jmáang-. ¹⁰ Joba' mñi~i 'nu e jmi'ee~ jo cuaiñ~ quiá'- i dseañu' i sií Onésimo, co' i dsea` la, lajee' iuun- jnea~ fi' la, jáb'- nicalíiñ- júu^ quiá'- Dsea` Jmáang-, joba' lana lafa' joo`baa nica'uíiñ-.

¹¹ Jo lami~ jéeng'gui i Onésimo la lami~ líiñ' jaang` dsea` i jmóo` ta~ quií'- e ja` 'léeiñ' i ja` 'ga' lí ta~ íng` quií'-. Jo dsu' lanagui, eám' ni'íiñ^ ta~ quií'- jogui quié- jnea~ cajo. ¹² Jo niguiém' túure cóo~ 'nu calé' catú- fi' na, jo cóo~ e guiáb- 'né- íin' re lí^ laco'gui la jmoo` cóo~ jnea~. ¹³ Jo eám' lami~ iing~ jnea~ e nijé-guir fi' la cóo~ jnea~ e laco' nijmicóo'r~ jnea~ cuaiñ~ quií'- lajee' e iuun- e sijnín~n fi' la uíi~ e guiaa- júu^ quiá'- Dsea` Jmáang-. ¹⁴ Dsu' ja' iing~ jnea~ jmee- laco' tñn` 'ñiá'a fa' e nijé-guir cóo~ jnea~ fi' la, co' jang'- iing~ jnea~ e nisí~naa' røø, jo lajoba' ja` cuøøng` fo^ fa' e nijmicóo~ jnea~ e laguidseaang^, co' iing~ jnea~ e nijme^' jié' jíi~ e íaang` óo'ba'. ¹⁵ Jo jangám- i Onésimo la ca'naaiñ` quií'- e huøøb- jia e lí^ laco' lanagui nitíng' tur jo niliseeiñ` cóo~ 'nu contøøng-. ¹⁶ Dsu' jo` 'né- jmeáan~re lafa' jaang` dsea` i jmóo` ta~ quií'- i ja` 'léen', co' 'né- e guiá-guib nijmeáan~re laco' jaang` i dsea` la'í, co' lana nilíiñ' jaang` dsea` rú'naa' dsea` quiá'- Dsea` Jmáang- i 'neáang`naa' eáang'. Jo jnea~, eám' 'neáan`re, dsu' 'nu, eáang'gui nili'neáan`re, dsu' o' uíi~ e nilíng' tur jaang` dsea` i nijmé- ta~ quií'-, co' lana nilím`bre cajo jaang` dsea` rú'naa' dsea` quiá'- Dsea` Jmáang-.

¹⁷ Jo lajob líí, uíi~ e líí'naa' dsea` quiá'- Dsea` Jmáang-, joba' íim~ i Onésimo la cóo~ e guiá- lí^ lafa' mi~ íin~ jnea~. ¹⁸ Jogui song líng~ ee' nica'léer' quií'- osi ee' nicarøøiñ` quií'- é, joba' jneab~ niquí- i cuaiñ~ quiá'r-. ¹⁹ Jnea~ Paa- jmo'o e júu^ la cóo~ layaang~ guóo'o. Jogui dseáng' e jáb'-, jneab~ niquí- i jalé' e nicarøøng` i Onésimo la quií'-. Jo lín- n e ja` ngñi~li fa' 'né- e nijmiguién' n o' e lafa' 'nu b` røøñ' quié- e, dsuco' la'eáang` jnea~ba' e calín'- dsea` quiá'- Dsea` Jmáang-. ²⁰ Jo mñi~i 'nu lajo uíi~ e coøb` fi' tí'-naa' cóo~ Dsea`

Jmáang̃, joba' jmeẽ-gō uíi'~ diéẽ e ni'ím'~ba' i Onésimo la cóo'~ júu^ røø' uíi'~ e lin' dsea` quiá'- Dsea` Jmáang̃; jō mĩ~ nijme'~ lajō, joba' eám' nili'íáang` dsii' jóng.

²¹ Jō guiéen'~n e jì' la quií'- e catín'-, dsuco' dseáng'- nitab~ dsii' e nijmití'ba' e jmi'ee' e nicamíi'~i 'nua, jogui niñí'~bñi cajo e jmiguiá'guiib nijmée'~ laco' jíi'~ e nicafá'- a na. ²² Jogui jmeẽ-gō uíi'~ diéẽ quií'- e niguiá'~ guiá'~ jíé'~ fí' lí'~ nijaa' fí' na, dsuco' nitab~ dsii' e nijmitib~ Fidiée'~ lajii'~ e nicamíi'~na're uii'~ quié'- e nicuø'r'~ jnea' fí' e ninii'~túu fí' na e ni'ee' e 'nú'~ calé'~ catú'.

Júu^ guicóo'~ lí'~ cadséng̃ quiá'- Paa'

²³ Jō lí'~ ngóo' cadséng̃-gui fíi'~i 'nua, Filemón, e guiéng'~ i Epafra la júu^ guicóo'~ quií'-, jaang` dsea` rú'~naa' dsea` quiá'- Dsea` Jmáang̃ i sijníng'~ colíing'~ cóo'~ jnea' fí' la uíi'~ e guia'~naa' júu^ quiá'- Fíi'~naa' Dsea` Jmáang̃. ²⁴ Jogui lajōbi cajo i dsea` quiá'- Dsea` Jmáang̃ caguiáang̃-gui i seeng'~ fí' la i nicajmicóo'~ jnea' jee'~ ta' e guia' júu^ quiá'- Dsea` Jmáang̃ guiéiñ'~ júu^ guicóo'~ quií'-na' cajo; jō jaléng'~ i dsea` la siir' Marcos jogui Aristarco jogui Demas cóo'~gui Lucas.

²⁵ Jō mĩ'~naa' Fíi'~naa' Dsea` Jmáang̃ e ni'ír'~ güea'~ quiá'r'~ jee'~ jaléng'~ 'nú'. Jō lajōb nilí. Jō lanab jíi'~ fé'~ jì' quiá'- Paa' e catíng̃ Filemón.

Coo` jì e catoeing` jaléng` dsea` Israel i loeing` dsea` quia`- Dsea` Jmáang`

Nicacuø` Fidiée` júu` quia`r` la'eáang` cóo` i Joor` camúng` do

1 Lajíi` lamali`gui eáang`, jmiguiub` ya` cangúng` Fidiée` júu` quia`r` fí quini` jaléng` dsea` áang` quí`ii` la'eáang` cóo` fúing` dsea` i café` cuaiñ` quia`r`. Jo jalé` e júu` e ca'ing` jaléng` i dsea` do, jmaquíim` líi` jial ca'íñ` lajaang` lajaaíñ`. 2 Jo dsu` lanagui, lajee` lí` ngóo` cadséng`, Fidiée` cangúíñ` júu` quia`r` condsee` quí`ii` la'eáang` cóo` i Joor` camúng` do. Jogui la'eáang` cóo` i Joor` do cajo cajméer` latøng` yá` jmigüi` cóo`gui guóo` uø` latí` mi` uing`, jogui nicangúíñ` fí jaguó` i Joor` camúng` do dseáng` lajalé`ba` e sea` fí jo. 3 Jogui i Joor` camúng` do, íb` i dseáng` jing` güeang` i 'gøng` quia`r`, jogui dseáng` laco` líiñ` 'ñia`bre líng` dsea` do cajo; jo íb` i neé` ni` lajalé` e sea` cóo` lajaléng` i seeng` la'eáang` cóo` e júu` 'gøng` quia`r`. Jo mi` cangf` e nicajáng` 'ñia`r` e laco` nicaleáaiñ` jneaa`aa` jee` jalé` dsee` quí`ii`, nicangám`-túr` fí` ñifí`, jo lana dob niguiiñ` lí` lí` dsée` cáang` lí` lí` ée` quia`r` Fidiée`.

'Gøng`gui i Joor` Fidiée` i camúng` do laco`gui jaléng` ángeles

4 Jo Fidiée` cajméer` e 'gøng`gui i Joor` camúng` do laco`gui jaléng` ángeles, co` nicangúíñ` quia`r` dsea` do e líiñ` jaang` dsea` i niing`gui laco`gui líng` jaléng` ángeles i líng` jíi` guotii` Fidiée`. 5 Co` Fidiée` jíi` cóo` ya` ja` cajíñ` e sí`r` jíi` jaang` ángel lala: 'Nub` dseáng`-lin` Joo`o;

jogui jmii` na nijmee` e e niliñi` dsea` e jneab` lán`n` Tiquíi`.

Jogui cajo ja` cajíñ` lala e éeiñ` jíi` jaang` ángel:

Jneab` nilín`-n` Tiquia` dsea` do,

jogui dsea` do niliñ` Joo`o.

6 Jo fé`bi` Fidiée` fí` lí` jie` cuaiñ` quia`r` i Joor` camúng` do ie` mi` cacuøng`neiñ` do fí` jmigüi` la, jo lalab` cajíñ`:

'Né` nijmifém` jaléng` ángeles quie` e i Joo`o na.

7 Jogui cajíng`-guir` cajo cuaiñ` quia`r` jaléng` ángeles mi` cajíñ` lala:

Jmoo`o e jaléng` ángeles quie` e líiñ` laco` guí,

jogui jmoo`o e lajaléiñ` do líiñ` laco` mi` sóng` niing` jì.

8 Jogui dsu` jing`-gui Fidiée` uii` quia`r` i Joor` camúng` do mi` fé`r` lala:

'Nub` líng` Fidiée`, jogui car` ngongú` jmii`ba` e nicá` nifi` quia`r` jaléng` dsea` quí`i`,

jogui dseáng`-røøb` í` í` quia`r` jaléng` dsea` do cajo.

9 Jogui eáam` tí` a` jalé` e guia`,

jogui eáam` 'ní` man` jalé` e 'lí`;

jo uii` joba` jneaa`, i líng` Fidiée` quí`i`, caguíin`-n` 'nu`

jo cajmé` e lajo e laco` nili`iaang`gui o` laco`gui lajaléng` dsea` i seeng` røø` cóo` 'nu`.

10 Jogui jíim`-bigui Fidiée` cajo cuaiñ` quia`r` i Joor` do mi` fé`r` lala:

Janú` 'nu`, Fíi`i, 'nub` cajmee` e catiroø` jmigüi` latí` mi` uing`,

jogui 'nu`bi` cajo dsea` cajmee` yá` jmigüi`.

11 Jo jalé` e jo tóob` jmii` ni`líng`, dsu` 'nu`, latab` seen`.

Co` jalé` e jo niguiáb` mi` nití`-í`

laco`gui la dsea` lí` doñi` ee` 'mi`;

12 jogui nijmée` laco` tú`-ju` jalé` e jo laco`gui mi` júng` dsea` cóo` 'mi`,

jogui nijmisín` jalé` e jo laco`gui mi` jmisúng` dsea` sí`r`.

Dsu` 'nu`gui, røøb` lin` contøng`, co` ja` sisín` jíi` capí`^,

jogui cajo ja` tóo` jmii` fa` e ni`lín`.

13 Jo jii~ coo` née~ ja` cajíng~ Fidiée` fa' sí'r` jaléng` ángeles quiá'r~ mi~ fé'r` lala:
Ní lí^ lí` dsée` laco' guin~n,

cartí` nijmee~ e e jaléng` dsea` i` ní` níng~ 'nu`
nisí'r` uó~ jnir~ fí` quini^ e laco' nijmi'gór` 'nu`.

14 Jo jaléng` ángeles dsea` jmiguí` lúíñ` i` jmóo` lajii~ ta~ e iing~ Fidiée~, jogui jaléng` íb` cajo
i` síng` Fidiée` i` jmicóo~ jaléng` dsea` i` cangíng` e nileáiñ` jee~ jalé` dsee~ quiá'r~.

2

Ja` né~ jmitúng` dsi`naa' e fí` lí` nitée~naa' cóo~ Dsea` Jmáang~

1 Jo co' lajob líí, joba' eáang`gui guíng` 'né~ e nicuóø~ bí` yee~naa' e nijmi'goo~naa' lajii~ júu^ e nicajá~ líí`naa' do e laco' ja` ní`náng`naa' lajii~ fí` guíu~ lí` nitée~naa' cóo~ Dsea` Jmáang~. 2 Jo dseáng~ røøb` íí` jalé` e júu^ e cacuø` Fidiée` lamí~ jéeng`gui la'eáang` cóo~ jaléng` ángeles, joba' jaléng` dsea` i` ja` cajmi'gó` o'gui cajméer` náu'r~ jalé` e júu^ jo, dseáng~ iihuí`b` ca'íñ` laco' catíng~. 3 Jo dseáng~ ja` nileáang`naa' jee~ jalé` iihuí` e catí~naa' do song jmitú~ bí` dsi`naa' e júu^ e cacuø` i` jóor` camíng~ do e quiá~ jial laang` dsea` jee~ jalé` dsee~ quiá'r~. Co' 'ñiab` Fí`naa' dseáng~ cacuø` e júu^ jo la'uii~, jo mi~ cangí`gui lajo, cajme' jneaa~aa' júu^ jaléng` dsea` i` canúu~ e júu^ jo, jo casí'r~ jneaa~aa' e dseáng~ lajob cangojée'. 4 Jo lajobi Fidiée` cajo cajméer` e calita~ dsi`naa' e dseáng~ jáb~ e júu^ jo la'eáang` cóo~ jalé` e lí~ e cajméer` colíng~gui cóo~ jalé` e 'gøng` e dsigá` dsíí` dsea` e quíí~ jmíi` jmóor~, jogui cajmée`bir cajo e ta~ dsi`naa' e lajo, co' cacuø'r` jneaa~aa' Jmiguí` quiá'r~ lajaang` lajaang`naa' jmaquíng` lí^ laco' la íaang` dsíir` 'ñia'r`.

Mí~ calíng` Dsea` Jmáang~ jaang` dsea` jmigüí`

5 Jo ja` cacuø' Fidiée` jaléng` ángeles quiá'r~ ta~ fa' e niné~ niñ~ lajalé` e sea` fí` jmigüí` lí^ laco'gui jii~ e síi~naa' lana. 6 Dsu' o' lajo, co' lalab fé' fí` ní` jì` quiá'r~ lí~ fé' jaang` cuaiñ~ quiá~ dsea` jmigüí`:

Fidiée~, ¿e~ líng` dsea` jmigüí` e laco' eáang` iin~ e nijmicóo~re?,
jogui ¿e~ líng` dsea` dsee~ dsea` quí` e laco' niné~ ní`re?

7 Jo lajee~ cateá`ba' cajmée~ e ja`gui níng~ dsea` jmigüí` laco' jaléng` ángeles;
jo mi~ cangí` jo, cacuøø~re coo` ta~ e jlo^ e níng~,
jogui cajmée~ e cajmi'gó` dsea` ír`,

8 jo cacuøø~re ta~ e cané~ nir~ lajalé` e sea` fí` jmigüí`.

Jo mi~ cacuø` Fidiée` e née` ní` dsea` jmigüí` jalé` e jo, jii~ coo` ja` e caséer` ca' fa' e ja` cané~ niñ~. Dsu' doñí` fa' e cajméer` lajo, dsu' ja` mí` ne~bí` fa' e ninéé` ní` dsea` dseáng~ laco' sí'í'. 9 Dsu' e já~, nine`baa' e Fidiée`bing` cajmeáang` Jesús ja`gui fa' dseáng~ níiñ~ laco'gui jaléng` ángeles lajee~ e calíñ~ dsea` jmigüí`. Jo co' eáam` 'neáang` Fidiée` jneaa~aa', joba' cajméer` e cajúng~ Jesús cuaiñ~ quí`ii'. Jo la'eáang` cóo~ e iihuí` e cangíng` Jesús mí` cajúíñ~ do, joba' lana nine~naa' e nicajmée` Fidiée` e dsea` do ca'uíñ~ jaang` dsea` 'gøng` i` 'né~ nijmi'gó` jaléng` dsea` jmigüí` jogui i` 'né~ nijmiféng` dsea` cajo.

10 Jo Fidiée`b` dsea` cajméer` lajalé` e sea` fí` latøøng~ jmigüí`, jogui la'eáang` cóo~ í`bre cajo e sea`bí` jalé` e sea`. Jo co' iíñ~ e lajaléng` dsea` i` ní`líng` dsea` quiá'r~ ní`liseeng` cøøng` cóo`r~ lata~ fí` ñífi~ fí` lí~ níng~ 'gøíñ', joba' la'eáang` cóo~ e iihuí` e cangíng` Dsea` Jmáang~ mí` cajúíñ~, Fidiée` cajméer` e ca'uíng~ dsea` do dseáng~ laco' sí'í'. Jo lajoba' ca'uíng~ Dsea` Jmáang~ jaang` i` íng~ dsee~ quiá~ jaléng` dsea` quiá'r~. 11 Jo cajmée` i` jóor` camíng~ do e ní`lí`naa' dsea` i` jo` røøng`gui dsee~ fí` quini` Fidiée` lí^ la lúíñ` 'ñia'r'; joba' colíng~ cóo~ i` jóor` do cajmée` Fidiée` e ní`lí`naa' lafa' coob` sínúu^ cóo`r~, co' jaam` Tiquí`naa' níseeng`. Jo uii~ joba' ja` e í` líng~ i` jóo' Fidiée` do jii~ coo` e sí'r` jaléng` dsea` quiá'r~, rú'u, 12 co' lalab fé'r` fí` ní` jì` quiá~ Fidiée`:

Nííi` i` jaléng` rún`n` jial líng` 'nu`,

jogui ní`øø~ quiá~ e jmifén`n` 'nu` jee~ jaléng` dsea` i` seáng` e jmiféíñ` 'nu`.

13 Jo lalab cajíng' guir cajo:

Dseáng' fí jaguó Fidiéeb' seen, co' íb' dsea` i quie' nifí quie`e.

Jogui jim' biguir cajo lala:

Lab seen colíng' cóo' jaléng' dsea` quie`e i líng' jóo' i nicacuøng' Fidié` jnea`.

14 Jo jaléng' jneaa`aa', dsea` lí'naa' dsea` jmigüí, røøb` sea` ngúú` táang`naa' cóo' gui jmi'øøng`naa'. Jo lajob cajo mi` cajá` Jesús fí jmigüí la, seab` ngúú` táaiñ` cóo' gui jmi'øøiñ` lí' laco' gui la líng' dsea` jmigüí. Jo dsea` do ca'uiñ` lajo e laco' la'eáang' cóo' e cajúñ` e líiñ` jaang` dsea` jmigüí, ca'íiñ` bí quíá' fii` i 'líng' i líng' fii` quíá' 'mó`.

15 Jo la'eáang' e nica'íng` Jesús bí quíá' i fii` i 'líng' do, joba' nicaléaam`bre jaléng' dsea` jmigüí i lí' jó' jmi` táang' fí jmigüí e 'gór' nijúúñ`. 16 Co' dseáng' e jáb' e ja` cajá` Jesús fí jmigüí la e laco' nijmicóo'r` jaléng' ángeles, dsu' cajá`bre e laco' nijmicóo'r` jaléng' dsea` i líng' siju` 'lí' yúu` Abraham. 17 Jo e laco' nijmicóo'` Jesús jaléng' i dsea` rúíñ` dsea` jmigüí do, joba' la guím` 'né` e ca'uiñ` røøb` laco' dsea` do. Jo uíi` lajoba' ca'uiñ` fí quini` Fidié` jaang` jmidsea` i laniing` gui eáang' i ée` røø` lata` jogui i eáang' fii` líng` i dsea` rúíñ` dsea` jmigüí do, jogui cajáng' 'ñia'r` e cajúñ` fí dse` crúú` e laco' ni'íng` jalé` dsee` quíá' dsea` jmigüí. 18 Jo lí' laco' cangíng' Jesús jee` jalé` iihu` e laco' nitéiñ` fí ni` dsee`, dsu' ja` calí` lajo, joba' lana dsea` do nicuøøm` nijmicóo'r` jneaa`aa' mi` ngíng`naa' jee` jalé` e jo e laco' ja` nijjá`naa' fí ni` dsee`.

3

'Gøng' gui Jesús laco' Moi`

1 Jo co' lajob lí', dsea` rú'naa' dsea` quíá' Dsea` Jmáang` i nicatø` Fidié` e laco' ni'uíng`na' dsea` quíá'r`, joba' 'né` jmigüím` áa'na' car` ngocáng` óo'na' e Jesús i casíng` Fidié` fí jmigüí la cuaiñ` quíá'r`, ca'uiñ` jaang` jmidsea` i laniing` gui jee` jaléng' jmidsea` e laco' nifé'r` fí quini` Fidié` dsea` guiing` fí ñifí` uii` quí`ii', dsea` já` lí'naa' júu` quíá'r`. 2 Jo dseáng` eáam` røø` ée` Jesús jalé` ta` e cangíiñ` quíá' Tiquiá'r` Fidié`, jogui røø` ca'ée` Moi` cajo lajii` ta` e cajméer` jee` jaléng' dsea` quíá' Fidié`. 3 Dsu' eáang' gui catíng` e nijmi'gó` dsea` Jesús laco' gui Moi` lí' laco' gui la lí' quíá' jaang` dsea` i née` ni` cóo` sinúu` eáang' gui catíng` e nijmi'gó` dsea` i dsea` í laco' gui e 'núu` do 'ñia'. 4 Jo dsea` jmigüíbing' jmo' jalé` 'núu`, jo dsu' Fidié`bing' i cajméé` lajalé` e sea` fí la'úng`. 5 Jo dseáng` røøb` dseáng` ca'ée` Moi` lajii` ta` e ca'íñ` quíá' Fidié` jee` jaléng' dsea` quíá' dsea` do; jo jalé` ta` e cajméer` do quíá' e fé'r` fí quini` jaléng' dsea` jalé` e nijmé` Fidié` cøøng`gui. 6 Jo dsu' Dsea` Jmáang` dseáng` røøb` éer` ta` quíá'r` e líiñ` Jóo' Fidié` e née` nir` dsea` quíá' Tiquiá'r`. Jo jnea`bi dsea` lí'naa' i dsea` quíá' dsea` do song`já`bi lí'naa' júu` quíá'r` car` ngocáng` dsinaa', jogui song` sijeeng`naa' e nita` dsinaa' e niñíng`naa' lajii` e catíng`naa' mi` nití` í' lajo.

Jial niñíng` dsea` e jmi'íñ' cóo' Fidié` laco' ngóo' jmi`

7 Jo lí' laco' fé' fí ni` jì quíá' Fidié` lí' fé' Jmiguí quíá'r` lala:

Jo song` lana ninúu`na' lajii` júu` quíá' Fidié`,

8 joba' ja` jmoo`na' saang` áa'na'

laco' gui cajméé` dsea` áang' quíi`na', dsea` Israel, mi` cajméer` saang` dsír' cóo' Fidié` ie` lamí` cangir` fí jee` uø` quíú`,

mi` cali'íiñ` caliñir` jial tí' féng' dsí' Fidié` cóo' jaléng' dsea` do.

9 Jo fé'bi Fidié`:

Jo ie` jo jaléng' 'lí' dsea` áang' quíi`na' contøøm` cajméer` e cali'íiñ` e caliñir` e su dseáng' já`ba' e quíi` i jmi` e nijmicóo'`ore,

doñi` fa' lajee` e cangí` jaléng' i dsea` do fí jee` uø` quíú` cangá`bre jalé` e guíá` e quíi` i jmi` e cajmé` e cóo'r` lajee` tuló` jii`.

10 Joba' ie` jo eáam` caliguín`n cóo' jaléng' i dsea` í jo cafí`ire lala:

“Contøøm̄ i dsea` quié̄ e la ja` mí` ca'íñ` e jnea` quieē nifi` quiá'r`
o'gui iñ̄ e nijmitir` jalé` júu` quié̄ e.”

11 Jo cō' eáam` siguíñ`n quiá'- jaléng` i dsea` quié̄ e do,
jōba' cacuøø júu` quié̄ e quiá'- i dsea` do lala:

“Dseáng'- ja` niñiñ` e nijmi'íñ` e seeiñ` cøøng` cōo' jnea` laco' ngóo' jmiñ̄”.

12 Jōba' fñ̄` guí` 'nú', dsea` rú'naa' dsea` quiá'- Dsea` Jmáang-, jmiñiing` óo'na' e laco' jji' jaang` 'nú' ja` nijmée`na' saang` áa'na' cōo' Fidiéé` e laco' nijmitúng- áa'na' fí` lí` niteáang`na' cōo'r`, cō' jji' dsea` íb` i já'- i cuø' e see`naa' fí` jmiñiñ` la. 13 Cō' lajee` lana, lajee` e fém'bi dsí' Fidiéé`, lí' lí' 'né- e cuø'gui bí` rúm'ba' laco' jmiñ̄ laco' jmiñ̄ e laco' jji' jaang` 'nú' ja` nijmiñiñ` yaang`na' e niténg`na' fí` ní` dsee-, cō' fíng song cajmee`na' lajō, jōba' ni'uíng`na' e saam'tu óo'na' cōo' Fidiéé` jóng. 14 Jo lata` nilisee`naa' cøøng` cōo' Dsea` Jmáang- song teá'bi téé`naa' lajji' fí` guiá- lí` nitée`naa' cōo'r` lata` see`naa' fí` jmiñiñ` la lí' laco'gui nicajmée`naa' latí` mĩ` uíng`.

15 Jo lalab fé'gui fí` ní` jì` quiá'- Fidiéé` lí' fé' lala:

Jo song lana ninúu`na' júu` quiá'- Fidiéé`,

jōba' ja` jmoo`na' saang` áa'na' laco'gui cajmée` dsea` áang` quií`na' dsea` Israel malñ̄`gui eáang` mĩ` cajmээр` saang` dsíir` cōo' Fidiéé` lajee` cangir` fí` jee` uø` quiú`.

16 Jo çí` i dsea` i cajmée` saang` dsí' cōo' Fidiéé` mĩ` cangí` e canúur- júu` quiá'- dsea` do? Cō' jaléng` dsea` Israel i ca'uøøng` Moí` fí` Egipto, dsea` íbing' i cajmée` saang` dsí' cōo' Fidiéé`. 17 Jōgui çí` cōo' jaléng` dsea` cajmée` Fidiéé` guíñ̄` lajee` tuló` jii'? Cōo' jaléng` i dsea` íb`, cō' íbing' i cabeáng` dsee- yaang` ie` jō, jōba' cajúñ̄` tá'- jáiñ̄` fí` jee` uø` quiú` cartí` cadsém`bre. 18 Jōgui çí` cōo' jaléng` dsea` i cacuø' Fidiéé` júu` quiá'r- e ja` nijmi'íñ` e seeiñ` cøøng` cōo' dsea` do? Cōo' jaléng` íb` cajo, cō' ja` cajmээр` núur` júu` quiá'- dsea` do. 19 Jo lajōb calilí`naa' e ja` calí' jaléng` i dsea` do fa' e nijmi'íñ` e seeiñ` cøøng` cōo' Fidiéé`, cō' ja` já'- calíñ̄` júu` quiá'- dsea` do.

4

1 Jōba' fñ̄` guí` 'nú', dsea` rú'naa', e lajee` e sea`bi fí` quií`ii' e jmi'íng`naa' e see`naa' cøøng` cōo' Fidiéé`, jōba' lajee` jō` 'né- e nijmiñiñ̄` dsí'naa' e laco' jji' jaang` jneaa`aa' ni'náng`naa' fa' e ja` ni'íng`naa' e jō. 2 Cō' nicaguiab` dsea` júu` fí` jee` jneaa`aa' quiá'- jial láang` Fidiéé` dsea` jee` jalé` dsee- quiá'r- lí' laco' jji' júu` e canúu- jaléng` i dsea` i cangí' fí` jee` uø` quiú` do malñ̄`gui eáang`. Dsu' ja` e ta` cali'íng` jji' cōo' e jō quiá'- i dsea` í, cō' ja` já'- calíñ̄- e júu` e canúur- do o'gui calinúur` cajo. 3 Jo dsu' jneaa`guí', dsea` nijá'- lí' jii' júu` quiá'r-, niñiñ`baa' e nijmi'íng`naa' e see`naa' cøøng` cōo' Fidiéé`, jō` o' laco' i dsea` i éeng` Fidiéé` fí` ní` jì` quiá'r- mĩ` fé'r` lala:

Jo cō' eáam` siguíñ`n quiá'- jaléng` i dsea` i saang` dsí' do,

jōba' cacuøø júu` quié̄ e quiá'- i dsea` do lala, e dseáng'- ja` niñiñ` e nijmi'íñ` e seeiñ` cøøng` cōo' jnea` laco' ngóo' jmiñ̄.

Jo cajíng'- Fidiéé` lajō nañí` fa' cartí` mĩ` canaang` uuiñ̄` jmiñiñ`ba' catáñ̄` jalé' ta` quiá'r- e cajmээр` latøøng- jmiñiñ̄. 4 Cō' nínē`baa' e lajalé'ba' ninéé` guiá- quiá'- Fidiéé` lamĩ` uíng` lí' laco' la fé' fí` ní` jì` quiá'r- lí' fé' lala:

Jo lajee` jñúu- jmiñ̄` catób' jalé' ta` quiá'- Fidiéé`,

jōba' cajmi'ím'bre mĩ` catí` e jmiñ̄` guié- do.

5 Jo lalab cajíng'-gui Fidiéé` cajo fí` ní` jì` quiá'r- cuaiñ̄` quiá'- jaléng` i dsea` i cajmée` saang` dsí' cōo' do:

Ja` niñiñ` i dsea` na e nijmi'íñ` e seeiñ` cøøng` cōo' jnea` laco' ngóo' jmiñ̄.

6 Jo jaléng` i dsea` i canúu- lamĩ` jéeng`gui júu` quiá'- Fidiéé` e quiá'- jial laang` dsea` jee` jalé' dsee- quiá'r-, dsu' ja` cangíñ̄` e seeiñ` cøøng` cōo' Fidiéé`, cō' saam` dsíir` cajmээр` cōo' dsea` do. Dsu' latí` lana tí'bi e ni'íng` dsea` e jō, cō' cuø'bi Fidiéé` fí' e nijmi'íng` dsea`

cóo'r. 7 Jo co' lajob líí, joba' Fidiée' nicatée'r cõõ'gui jmíi lí lí^ dsea` e ni'íñ' e seeíñ' cõõng` cóo' dsea` do, jo e jmíi` job líí lana. Co' Fidiée' nicasí'r` jneaa`aa' la'eáang` cóo' júu` quiá'r` e cajme' dseata` Daví' fí ni` jì ie` lamí` casúung` jmiguiá` jii` e cajmée` dsea` Israel saang` dsír' cóo' Fidiée':

Jo song lana ninúu`na' lajii` júu` quiá' Fidiée',
 joba' ja` jmoo`na' saang` áa`na' cóo' dsea` do.

8 Co' faco' 'líi` yúu` Josué cacuø'r` dsea` góor` dsea` Israel fí e nijmi'íñ' ie` jo lí^ laco'gui cajíng` Fidiée' lamí` jéeng`gui e nicuø'`reiñ', joba' ja` ee`ta` café' Fidiée' e nilísea` cõõ'gui jmíi` e nijmi'íng' dsea` lana faco' lajo. 9 Jo co' lajob líí, joba' sea`bì fí e niñíng` ì dsea` ì nijá'` líng` júu` quiá' Fidiée' e nijmi'íñ' e seeíñ' cõõng` cóo' dsea` do. 10 Co' jaléng' dsea` ì ngíng` e nijmi'íñ' e seeíñ' cõõng` cóo' Fidiée', joba' nijmi'íñ' e nicatáíñ' jalé' e 'né` jmér` lí^ laco'gui cajmi'íng' Fidiée' mí` cangí e catáíñ' ta` quiá'r` e cajmée'r` latõõng` jmigüí. 11 Joba' 'né` e nicuøø'`bì bí yee`naa' e laco' niñíng`naa' e nijmi'íng'naa' e see`naa' cõõng` cóo' Fidiée' e laco' jii` jaang` jneaa`aa' ja` nijmó'oo' laco'gui cajmée' ì dsea` Israel do ie` malíi`gui do mí` ja` já' calíiñ` júu` quiá' Fidiée' o'gui calinúu'r` e júu` quiá' dsea` do cajo.

12 Co' eáam' 'gõng' júu` quiá' Fidiée' jogui cuø` e seeng` dsea`. Jo eáang`gui jlo` bí quiá' jogui íng`gui ta` cajo laco'gui cõõ` ñisú' e 'mé` lajì tú` taang`, jogui cuø` e ngáng` dsea` jial laco' catíng` e í dsír' fí dsír' jogui jial e í dsír' cóo' jmigui` quiá'r`; jogui cuø` e líñi` dsea` su guiá` osi ja` dseeng` jalé' e í dsír' jogui su guiá` osi ja` dseeng` jalé' e iíñ` nijmér`. 13 Jo jii` cõõ` e sea` fí la'úng` fí jmigüí lí 'meá` dsea` e ja` ní Fidiée' osi e ja` jøø` é, co' jaléb' e jmoo`naa' niñir` jogui nijøø'r` cajo, jogui dseáng' fí quini`bre cajo lí ni'í` í' røø` qui` ií` mí` nití` í' lajo.

Jesús líiñ` jmidsea` dsea` féng' i laniing`gui

14 Jo co' Jesús dsea` líiñ` Jóo' Fidiée' ì camíng` do, jogui íb` cajo ì jmidsea` dsea` féng' ì laniing`gui do qui` ií', jo íb` dsea` ì nicangáng` tú fí ñíff` fí lí` guíng` Tiquiá'r` Fidiée', joba' 'né` e tée`naa' teá' fí guiá` lí` nitée`naa' e já'` lí`naa' júu` quiá' dsea` do. 15 Jo ì jmidsea` dsea` féng' ì laniing`gui qui` ií' do quíi`bre jmíi` e nilí' fí` líiñ` jneaa`aa', dsuco' niñi`bre jial dseáng'` huíng` see`naa' fí jmigüí la e ja` nité'naa' fí ni` dsee`. Co' dsea` í cajo cangí`m`bre jee` jalé' iihuí` lajee` cateáaiñ` fí jmigüí la, lífa' ír` jii` cõõ` dsee` ja` ca'éer'. 16 Jo uíi` e lajob líí, joba' nita` dsí`naa' e nidsiquiéeng`naa' fí quini` ée` lí` guíng` Fidiée' e laco' nilí` fí` líiñ` jneaa`aa' jogui e laco' nijmicóo'r` jneaa`aa' mí` dseáng'` 'né` qui` ií' lajo; dsuco' ì dsea` í eáang` 'neáaiñ` jneaa`aa' jogui dsíng'` eáang` guiúíñ` cóo' jneaa`aa' cajo.

5

1 Jo jee` jaléng' dsea` jmigüí` lí` 'náang` dsea` jaléng' jmidsea` laniing` e laco' ni'é'r` ta` quíe` júu` quiá' jaléng' dsea` do fí quini` Fidiée', jogui e niguiár` guiá` jalé' feá' e nicuø'r` Fidiée', jogui e nijngáiñ` jaléng' jó' ì catíng` dsea` do e laco' ni'íng` dsee` quiá' jaléng' ì dsea` do. 2 Jo co' jaléng' ì jmidsea` do ní`bre jial huíng` e ja` niténg' dsea` fí ni` dsee`, joba' tím`bre e nilí` fí` líiñ` jaléng' ì dsea` ì ja` ní` e dseeb` éer` cóo' jalé' e jmóor` do; 3 jo co' dsea` dsee` dsea` quib` líng' jaléng' ì jmidsea` do, joba' 'né` líng` e feá'` nijjír` fí quini` Fidiée' e laco' ni'íng` dsee` quiá'r` yaaiñ` jogui jalé' dsee` quiá' jaléng' dsea` caguaang`gui cajo. 4 Jo jii` jaang` dsea` cuøõng` lí` jmeáng' 'ñia'r` e ni'é'r` e ta` 'goo` la e ni'uíiñ` jaang` jmidsea` laniing`, co' Fidiée'bing' 'náang` dsea` e laco' ni'é'r` e ta` 'goo` jo lí^ laco'gui cajmée` Fidiée' cóo' ì jmidsea` la'uii` ì caliséng` malíi`gui eáang` ì calísí` Aarón. 5 Jo lajob líí cajo cóo' Dsea` Jmaang`, co' o' 'ñia'r` dsea` ca'náng` 'ñia'r` e ni'é'r` e ta` 'goo` jo e ca'uíiñ` jmidsea` dsea` féng' ì laniing`gui, dsuco' Fidiée'bing' ì ca'náng` ír` e ni'é'r` e ta` 'goo` jo car` ngongí` jmíi`, co' 'ñiab' Fidiée' dsea` cajíñ` lala malíi`gui eáang':
 'Nub` dseáng'` líñ' Jóo'o;

jogui jmi~ na jneab~ dseáng~ lín'n Tiquíi^ cajo.

⁶ Jo cajím~ biguir cajo fí' ni~ jì quiá'r~ mi~ cajíñ~ casí'r~ i Joor Dsea Jmáang~ do lala:

Jo car`ngonghí jmi~b~ óo~ ta~ e lin' jmidsea`dsea`féng' i laniing~gui,

lí^ laco' calíng~ i jmidsea` i sii` Melquisedec ie~ malí~gui do.

⁷ Jo lajee` cateáng` Dsea` Jmáang~ fí jmigüi la, eám` teá` caféiñ~ Fidié` jogui camí'r` dsea` do e ngocáng` dsíir` carjì qui`bre e quí~ dsea` do jmi~ e nileáng~ neiñ` fí' ni~ 'mó^; jo uíi~ e cajmiti` Dsea` Jmáang~ car` ngocáng` dsíir` lajii~ e iing~ Fidié`, joba' jáb~ canúu~ dsea` do lajii~ júu^ quiá'r~.

⁸ Jo doñí` fa' e Dsea` Jmáang~ líiñ` dseáng~ i Joo Fidié` camíng~ do, dsu' dseáng~ 'né`ba' e cangonghíñ` jalé' e iihuí` do e laco' calíi'r` jial`né` jmér~ náu'r` mi~ quiu' Tiquiá'r` ta~ lajo. ⁹ Jo mi~ ca'uíiñ` dseáng~ laco' jii~ e si'íiñ` quiá~ Tiquiá'r` Fidié`, joba' nicuøng` leaiñ` lata~ jee~ jalé' dsee~ jaléng' i dsea` i jmóo' lajii~ e iing~ dsea` do. ¹⁰ Joba' Fidié` ca'náaiñ` dsea` do e oor` ta~ 'goo' e líiñ` jmidsea` dsea` féng' i laniing~gui lí^ laco'gui calíng~ i jmidsea` i sii` Melquisedec ie~ malí~gui do.

Jial dseáng~ e nilitúng~ dsíi' dsea` cóo~ júu^ quiá~ Dsea` Jmáang~

¹¹ Jo jmigui~bi jalé' e ii~naa' e nisíi~guí' 'nú' uii~ quiá~ jalé' júu^ e nicasi~naa' na, lifa' huími`jiu qui~naa' e ni'éé`naa' 'nú' e júu^ jo, co' eám` tá`jiu ngáng' 'nú' e júu^ jo. ¹² Jo ningóob` eáang` e ca'íng~ 'nú' júu^ quiá~ Dsea` Jmáang~, joba' lana nidsi` í' e nilíng`na' tifab' quiá~ e júu^ jo; dsu' lí^ riquib' lí' quií' 'nú' lana, co' 'nú' ni'neáng~tu` jaang` tifab' i ni'éi~tu` 'nú' jalé' júu^ quiá~ Fidié` e nicanúu`na' lami~ jéeng`gui. Co' lanagui eám` jo` teá` teáang~na' cóo~ júu^ quiá~ Dsea` Jmáang~, co' nilíng`na' lafa' yuu` pí^ e jmang` fib' iing~na' u`na', jo ja` iing~na' co`na' laco' gø' dsea` cóong~. ¹³ Jo jaléng` dsea` i líng` lafa' yuu` pí^ i j' jmang` fí', lajob` líng` jaléng` dsea` i ja` lí' gui' su` guiá~ osi ja` dseeng` jalé' e jmóor` do. ¹⁴ Dsu' jaléng` i líng` laco' dsea` cóong~, lafa' jmiñib` tíng` í' gø'r, co' í'bing` nitíng` gui' e~ e guiá~ jogui e~ e ja` dseeng`, jo nisitím`bre e jmóor` jii~ e guiá~.

6

¹ Joba' fii`guí' 'nú', dsea` rú'naa' dsea` quiá~ Dsea` Jmáang~, matéé`guí' fí' guiá~ lí` nitée`naa' cartí' ni'uíng~naa' dseáng~ laco' si'í' fí' quini` Fidié`. Jo ja` jmití`túu' lajii~ júu^ tíi` fii` quiá~ Dsea` Jmáang~ e canú`naa' la'uii~ do quiá~ jial`quí' jíng` yaang~ dsea` fí' quini` Fidié` jogui quiá~ jial`mi~ tú` dsea` jalé' e 'lí' e si' jii~ fí' 'mó~, jogui jial`já~ líng` dsea` júu^ quiá~ Fidié`, ² osi jial`mi~ saang` dsea` jmi~, osi e~ uíng~ mi~ quidsi` dsea` guoor` fí' yú^ mogui~ jaléng` dsea` quiá~ Dsea` Jmáang~, osi jial`lí' mi~ nijí`tu` jaléng` dsea` quiá~ Dsea` Jmáang~ i nicajúng~, osi jial`mi~ niquidsi` Fidié` í' quiá~ jaléng` dsea` cóo~ jalé' dsee~ e nica'éer`. ³ Jo majmó`guí' bí' e ni'uíng~naa' dsea` quiá~ Dsea` Jmáang~ dseáng~ laco' si'í', lí^ jialco' iing~ Fidié` e nilíi~naa'.

⁴ Jo jaléng` i dsea` i cangíng` quiá~ Fidié` e nijá~ calíiñ` júu^ quiá~ Dsea` Jmáang~, jogui e nicajmi`iáang` dsíir` cóo~ lajalé' e guiá~ e nicajmée` Fidié` cóo'r, jogui e nica'íiñ` lajii~ e cuø` Jmiguí` quiá~ dsea` do, ⁵ jogui e niñi`bre jial`tí' dseáng~ guiá~ e júu^ quiá~ Fidié` jogui jial`tí' 'gøng' e jmiçüi` 'mí~ e nilisea` ie~ jo, ⁶ jo jaléng` i dsea` i ca'íng` jalé' e na, jo dsu' mi~ cangí` jo, catú`tur lajii~ e nica'íiñ` do, joba' jo` quí~ jmi~ jóng` e niquí~ jíng`tu` yaaiñ` fí' quini` Fidié`, co' fíng` song` jmóor` lajo, joba' lí' lafa' e í`bre niteáng~tur i Joo Fidié` camíng~ do fí' dse' crúu` calé' catú~, co' fíng` song` jmóor` lajo, joba' niløng~tur dsea` do jóng. ⁷ Jo jaléng` dsea` i ca'íng` júu^ quiá~ Dsea` Jmáang~ do, jo mi~ cangí` jo` catú`tur fí' teáiñ~, joba' i dsea` í' líiñ` la` lí' cóo` guoo~ uø~ e ca'íng` jalé' jmi~ e tuu~; jo mi~ niró` jalé' e cangojneá~ e fí' ni~ guoo~ uø~ do, joguib` nili'íng` ta~ quiá~ i dsea` i cajni` do; ⁸ jo dsu' song` e fí' ni~ guoo~ uø~ do ca'íang` lajii~ 'matóo` cóo~gui jalé' onuu` guí~, joba' ja` e ta~ íng` jii~ cóo` e uø~ do jóng; joba' lí' lafa' e tí' lí~ nijéb~ Fidié` e güeang` quiá'r~ e catá'r` e fí' ni~ guoo~ uø~ do, jo ni'ím~ cartí' nicó.

E lab e júu^ e cuø` ta~ dsíi' e tée`naa' teá' fí' guiá~ cóo~ Dsea` Jmáang~

⁹ Dsea` rú`naa' dsea` quiá'- Dsea` Jmáang- i 'neáan`n eáang', dsu' doñí' fa' e nicafíi- 'nú' cóo' e júu` jo, dsu' ofa' nicafá'-a uii` qui`na', co' eáam` nita` dsii- e dseáng'- teáb` teáang-na' fí' guiá- cóo' Dsea` Jmáang- e nileáang`na' jee` jalé' dsee- qui`na'. ¹⁰ Jo dseáng'- eáam` guiúng- Fidiée~, joba' ja` qui'- jmi~ fa' e ni'íng- dsír' jalé' e guiá- e nicajmee- 'nú' e nicajmicóo'na' jaléng' dsea` rúng`na' dsea` quiá'- Dsea` Jmáang- jogui e nicajmi'neáang`na' jaléng' í' cajo lí' laco'gui la jmoo`na' lana. ¹¹ Jo ii`naa' e lajaang` lajaang` 'nú' jmée`bi' e iáang` óo`na' e jmicóo' rúng`na' lata` seeng`na', jo lajoba' ni'íng`na' lajii' e nisijeeng`na' e catíng`na' e nicuø'- Fidiée~ 'nú' mi~ nití- í' lajo. ¹² Jo ja` ii`naa' e 'nú' nijmée`na' fíng`na' e fí' guiá- lí' niteáang`na' cóo' Dsea` Jmáang-, co' lí' lí' 'né- e 'nú' nijmée`na' laco'gui la jmoo` jaléng' i dsea` i ja` líng` júu` quiá'- Dsea` Jmáang- e ja` litúng- dsír' doñí' ee` dsijée' fí' lí' nicasing` yaaiñ~, jo la'eáang' e joba' e nidsijée' guiá- quiá'r- e ninaaiñ` íñ' lajii' e catíiñ- e nicajíng' Fidiée~ e nicuø'- reiñ' lami~ jéeng`gui.

Lajii' júu` e cacuø' Fidiée` jaléng' dsea` quiá'r-

¹³ Jo ie~ malii`gui eáang' Fidiée` cacuø'r' líi` yáa' Abraham júu` quiá'r-, jo e jo dseáng'- cajmitir~ 'ñia'r', co' ja` ii` seeng' i 'gøng'gui laco' ír' i nicuø'r- júu` quiá'r- 'ñia'r'. ¹⁴ Jo e lab júu` e cacuø'r' dsea` do ie~ jo mi~ cajiñ'- lala: "E jáb-, jneab~ nijmigüean`n 'na' jogui nijmee~ e e niliseeng' i 'leáang- dsea` sijú'." ¹⁵ Jo mi~ ca'íng' 'líi` yáa' Abraham e júu` jo, joba' cajém`bre e féng' dsír' e nijmiti~ Fidiée~ lajii' e nicajíñ'-; jo mi~ cangí jo, ca'ím' 'líi` yáa' Abraham lajii' e nicajíng'- Fidiée~ e nicuø'-reiñ' lami~ jéeng`gui do. ¹⁶ Co' mi~ cuø' doñí' ii` dsea` júu` quiá'r- e líng- e nijmitir~, joba' e jo jmóor' fí' quini` jaang`gui dsea` i niing`gui laco' ír'. Jo mi~ cuø' dsea` júu` quiá'r- fí' quini` jaang` dsea` i niing`gui, joba' la guím' 'né- nijmitir~ e júu` quiá'r- do. ¹⁷ Jo co' Fidiée~ cali'iiñ~ e cacuø'r' júu` quiá'r- condséeb' fí' quini` jaléng' i dsea` i nisi'íng- e ni'íng' jalé' e nicajíñ'- lami~ jéeng`gui e nicuø'-reiñ' do, joba' cacuø'r' júu` quiá'r- fí' quinir~ 'ñia'r' e ja` qui'- jmi~ fa' e nijgiéeng`gui lajii' e nicajíñ'- lami~ jéeng`gui e nicuø'r' jaléng' dsea', jogui dseáng'- 'né- e guiab' dsír' e nijmitir~ jalé' e jo e ja` jmisíiñ- jii' cóo'. ¹⁸ Jo la'eáang' cóo' e tú- íng- júu` na e cacuø' Fidiée~ e ja` jmisíiñ- jii' cóo' jogui e ja` lí' cajo, co' dseáng'- ja` quie`bre júu` adsee~, joba' la'eáang' cóo' e tú- íng- júu` na nitab~ dsí'naa' e íbre nito' fíiñ~ jneaa`aa', jogui nisitab~ dsí'naa' cajo e ni'íng`naa' lajii' e catíi- naa' e sijeeng`naa' e nicuø'r- jneaa`aa' lí' laco'gui jii' júu` e nicacuø'r' jneaa`aa' lami~ jéeng`gui. ¹⁹ Jo la'eáang' cóo' e júu` ta` dsí' na nitée- naa' teá fí' guiá- cóo' Dsea` Jmáang- jogui nitab~ dsí'naa' cóo' dsea` do cajo; jo e jo lí' lafa' 'lo' ní' quiá'- cóo' móo' e quíng' dsea` teá fí' 'ni' jmiñí' e laco' nijé- tii- e móo' do. Jo nitab~ dsí'naa' cóo' Jesús, jo íb' dsea` i nicangíng' fí' lafa' 'mi' e íi', jogui lana dob guiiñ~ fí' lí' laniing- 'gøng' quiá'- Fidiée~ fí' ñífi-. ²⁰ Co' job e fí' e caneaa' Jesús lami~ jéeng`gui e laco' cuøng' e niguié'-naa' dseáng'- fí' quini` ée` lí' guing~ Fidiée~, jo lajoba' cangíiñ~ e óor' ta' 'goo' e ca'uíiñ- i jmidsea` dsea` féng' i laniing`gui qui`ii' car` ngongíi jmi~ lí' laco'gui calíng- i jmidsea` i sii' Melquisedec ie~ malii`gui do.

7

Jesús líiñ' i jmidsea` dsea` féng' i laniing`gui lí' laco'gui la calíng- Melquisedec

¹ Jo i Melquisedec na calíiñ- dseata~ dsea` féng' fí' cóo' fíi' e calisi' Salem ie~ lami~ jéeng`gui eáang', jogui calíiñ- cajo jmidsea` laniing- quiá'- Fidiée~ dsea` guing~ ñífi-. Jo ie~ jo i 'líi` yáa' qui`ii' Abraham do ni'iuuiñ- fí' e jaiñ' fí' lí' cangór- fí' jee~ 'nií' fí' lí' calí'r- jaléng' dseata~ dsea` féng' i seeng' fí' fíi' lí' jíe'; jo lajee~ job cangó- Melquisedec e cangojmijíng'neiñ' jo cajmigüeam`bre cajo; ² jo mi~ cangí e jo, i yáa' Abraham do cacuø'r' i Melquisedec do cóo' lajee~ guí- íng' jalé' e calí'r- jee~ e 'nii' do. Jo i Melquisedec la guøng' "jaang` dseata~ dsea` féng' i íi' í' laco' catíng-"; jogui co' líiñ' dseata~ dsea` féng' quiá'- e fíi' do e sii' Salem e guøng' "juguiá- júu` røø", joba' cajo sii' bre "jaang` dseata~ dsea` féng' i quie` juguiá- júu` røø". ³ Jo jii' cóo' ja' e ní' dsea` quiá'- i

Melquisedec do fa' i~ calíng- niquiá'r^ jogui i~ calíng- tiquiá'r^ jogui i~ jaléng' 'lii~ dseá' còong' quiá'r- caguiang- gui cajo; o'gui ní dseá' li~ cangáang' i Melquisedec do o'gui li~ cajúin-. Jo latab~ líiñ' jmidsea' laniing- lí' laco'gui la líng' i Joo' Fidiéé' camíng' do e latab~ líiñ' jmidsea' dseá' féng' i laniing- gui.

⁴ Jo lana quie'na' cuante, dseá' rú'naa', jial tí' laniing- calíng- i Melquisedec do e jì'gui 'lii~ yúu' qui-ii' Abraham cacuø'r' dseá' do coo' lajee' guí- íng' quiá'- lajalé' e calí'r- jee' 'nii' mi' catiñ' còo' jaléng' dseata~ dseá' féng'. ⁵ Jo lí' laco'gui la fé' e júu^ quiu' ta~ e caséé' Moi~ malí~gui eáang' e lajii' dseá' i teáang' jee' 'lé' dseá' Israel i sií' Levíbing' cuòong' líng' jmidsea', jo lajii' dseá' í'bing' i sea' fí' quiá'- i ní'íng' quiá'- jaléng' dseá' góor' coo' lajee' guí- íng' lajalé' e sea' quiáin-, doñí' fa' e jaléng' i dseá' do líiñ' dseá' siju' 'lii~ yúu' Abraham lí' laco'gui la líiñ' yaain~ cajo. ⁶ Jo dsu' i Melquisedec do ja' líiñ' dseá' siju' 'lii~ yúu' Leví, dsu' ca'ím'bre coo' lajee' guí- íng' quiá'- lajalé' e calí' 'lii~ yúu' Abraham, jogui cajmigüeam'^bre cajo. Jogui téé' óo'na' cajo e i 'lii~ yúu' Abraham dobing' i calíng' jalé' júu^ lajii' e cajíng'- Fidiéé' e nicuø'-reiñ'. ⁷ Jo jii' jaang' ja' cuòong' jing' e o' lajo e júu^ la: Niing- gui jaang' dseá' i jmigüeam'^ jaang' dseá' rúng' laco'gui i dseá' i jmigüeam'^ ír do. ⁸ Jo jaléng' jmidsea' quiá'- dseá' Israel líiñ' siju' quiá'- 'lii~ yúu' Leví, jo ím'bre quiá'- dseá' góor' coo' lajee' guí- íng' quiá'- lajalé'; jo dsu' mi' nití' í' e nijúuin-, joba' júum-bre jóng' lí' laco'gui doñí' ii' dseá' jmigüé'; jo dsu' lí' laco' fé' fí' ní' jì' quiá'- Fidiéé' e lafa' seem'bi i Melquisedec do latí' lana. ⁹ Joba' laco' cuòong' fe'ee' e jaléng' jmidsea' i líng' dseá' siju' Leví, dseá' í'bing' íng' lana lajii' e coo' lajee' guí- íng' e catiñ'- do, jo lí' lafa' e caquíb' jaléng' i jmidsea' do e jo e catíng- i Melquisedec do ie~ lamí~ caquí' yúu' Abraham quiá'- dseá' do. ¹⁰ Jo e jáb'-, ja' mí' calisém'bi i Leví do ie~ jo ie~ lamí~ cacuø' Abraham i Melquisedec do coo' lajee' guí- íng' lajii' e catiñ'- do; dsu' cuòong' fe'ee' e jobi lafa' niquié' Abraham mijú' quiá'- jaléng' dseá' siju' i niliseeng' còong'gui, co' i Leví do líiñ' jaang' dseá' siju' dseá' do.

¹¹ Jo jaléng' dseá' Israel cangüin' jalé' e júu^ quiu' ta~ quiá'- Fidiéé' la'eáang' còo' jaléng' jmidsea' i líng' dseá' siju' Aarón i líng' siju' yúu' Leví do cajo. Jo faco' e ta~ e cajmée' jaléng' i jmidsea' do íng' ta~ e íng' dsee- e laco' liguiúng- dseá' fí' quini' Fidiéé', joba' ja' 'neáng- jmidsea' i jiéng'gui faco' lajo; dsu' dseáng'- la guím' 'neáng- jaang'gui jmidsea' lí' laco' calíng- Melquisedec, jo o' laco' líng' i jmidsea' siju' Aarón do. ¹² Co' mi' jmísiing- dseá' lajii' ta~ óo' jmidsea', joba' 'né- jmísim'-bre cajo lajii' e júu^ quiu' ta~ quiá'r-. ¹³ Jo uii~ quiá'- Fí'naa' fé' fí' ní' jì' quiá'- Fidiéé' e dseá' í' líiñ' siju' quiá'- coo'gui 'lé' dseá' quiá'- dseá' Israel; jo jii' jaang' dseá' ja' i mí' calíng' jmidsea' fí' jee' e 'lé' jo lamí~ jéeng'gui. ¹⁴ Jo nitab~ dsí'naa' e Fí'naa' Dseá' Jmáang- cajár- fí' jee' 'lé' dseá' Israel i sii' Judá, jo ja' cajár- fí' jee' 'lé' dseá' Israel i sii' Leví; jogui nine'bí' røø' cajo e Moi~ ja' cajíñ'- jii' coo' uii~ quiá'- e 'lé' dseá' Judá do ie~ lamí~ café'r' uii~ quiá'- jaléng' jmidsea'.

¹⁵ Jo eáang'gui nita~ dsí'naa' røø' lana còo' jalé' e nicafá'-a na, co' nicagüem- i jmidsea' dseá' féng' i laniing- gui do i còong' laco' i jmidsea' Melquisedec do, jogui i quíng' jee' 'lé' lí' jié' laco'gui jee' 'lé' dseá' Leví. ¹⁶ Jo Fí'naa' caliñ- jmidsea' dseá' féng' i laniing- gui dsu' o' uii' laco' ta~ huí' e 'né- güi'ír' jee' dseá' siju' quiá'- dseá' Leví, co' calím'-bre jmidsea' dseá' féng' i laniing- gui dsu' la'eáang' còo' e 'gøng' quiá'- e seeiñ' do e ja' tóo' jmí~ ní'íng- . ¹⁷ Co' lalab fé' Fidiéé' fí' ní' jì' quiá'r- e éeiñ' dseá' do:

Jo car' ngongü' jmíib~ oo'- ta~ e lin' jmidsea' dseá' féng' i laniing- gui

lí' laco' calíng- i jmidsea' i sii' Melquisedec ie~ malí~gui do.

¹⁸ Jo Fidiéé' cab' caguiar' jalé' e júu^ quiu' ta~ e cacuø'r' Moi~, co' e júu^ jo jo ta~ íng' jogui jo' bí' sea' quiá'- cajo fa' e nijmé- e nileáng' dseá' jee' jalé' dsee- quiá'r-. ¹⁹ Jo jalé' e júu^ quiu' ta~ e calíng' Moi~ ie~ lamí~ jéeng'gui do ja' caquí' jmí~ fa' e cajmée' e caliséng' dseá' còong' còo' Fidiéé' dseáng'- laco' sí'í'. Jo dsu' lana nisea' coo' e nita~ dsí'naa' e 'gøng'gui e laco' nijmicóo' jneaa'aa' e niñíng'na' e nilisee'-naa' còong' còo' Fidiéé'.

²⁰ Jogui cajo Fidiée cacuør' júu ta dsí' quiá' e júu jo la'eáang' cóo' júu quiá'r e cacuør' ñia'r ie lamí cajín' e Jesús ni'uíñ jmidsea` dsea` féng' i laniing-gui. Dsa' i jmidsea` caguaang-gui do ja` cacuør' Fidiée júu quiá'r ñia'r e ni'uíñ do lajo. ²¹ Jo Fí'naa' Jesús ca'uíñ jmidsea` dsea` féng' i laniing-gui uí' e cacuør' Fidiée júu quiá'r ñia'r lí' laco' la fé' fí' ni' jì quiá'r lí' fé' lala:

Fí'naa' cacuør' júu quiá'r ñia'r e 'né' niliti' jo ja' qui' jmí' fa' e nijgiéeng-gui e júu jo.

Co' lalab fé' cuaiñ quiá' i Jóor' camíng' do:

“Car` ngongí' jmí' líng' 'nà' jmidsea` dsea` féng' i laniing-gui lí' laco' la líng' i Melquisedec do.”

²² Jo co' Fidiée cacuør' e júu quiá'r ñia'r do, joba' nítá' dsí'naa' e Jesús tí' nir' e júu tigua' catí' tú' do e 'gøng'gui laco'gui júu e cacuør' Fidiée lamí' jéeng'gui do. ²³ Jo jaléng' i jmidsea` caguaang-gui do cajúm-bre mí' catí' oor' quiá'r, joba' i jiém' caguá' éé' quiá'r. ²⁴ Jo dsa' Jesús latá' seeíñ, joba' latá' líiñ jmidsea` dsea` féng' i laniing-gui, jo uí' joba' jo 'neáng-gui jmidsea` i jiéng'gui i ni'íng' éé' quiá'r. ²⁵ Jo co' lajob líng' Jesús, joba' la'eáang' íbre cuøøng' e leaiñ jaléng' dsea` jee' jalé' dsee quiá'ñ lata' e laco' niliseeíñ cøøng' cóo' Fidiée, co' car` ngongí' jmí' seeíñ e laco' mí'r Fidiée cuaiñ quiá' jaléng' dsea`.

²⁶ Joba' Jesús líiñ dseáng' i jmidsea` dsea` féng' i laniing-gui do i 'neáng-naa' do, co' íbre dsea` caneáar' fí' e laco' cuøøng' nilisee-naa' cøøng' cóo' Fidiée. Jo dseáng' dsea` güeam' líng' dsea' do fí' quini' Fidiée, jo jí' coo' dsee ja' táaiñ, jogui ja' líiñ laco' la líng' dsea' dsee dsea' qui'. Jo lana dob niguiñ fí' ñifí' lí' lí' dsée' éé' laco' guíng' Tiquiá'r Fidiée. ²⁷ Jo Jesús ja' líiñ laco'gui i jmidsea` caguaang-gui i caliséng' lamí' jéeng'gui do, co' jaléng' jmidsea` í laco' jmí' laco' jmí' 'né' jngáiñ jaléng' jó' e quiá' nicuøíñ Fidiée, jo lajoba' ni'íng' dsee quiá'r la'uii, jo mí' ningí' jo, 'né' nijmé-guir e laco' ni'íng' dsee quiá' jaléng' dsea` rúíñ'. Dsa' Jesús coo' né'ba' 'né' e cajáng' ñia'r e laco' ni'íng' dsee quiá' dsea' jmigüí' lata'. ²⁸ Jo jalé' e júu quiá' ta' e ca'íng' Moí' do dsea' dsee dsea' qui'bing' guíng' i i ni'uíng' jmidsea' laniing-; jo e júu e cacuør' Fidiée ñia'r do e café'r mí' cangí' e cacuør' Moí' jalé' e júu quiá' ta' do lamí' jéeng'gui, jo dsa' cóo' e júu e café' Fidiée doba' ca'náaiñ i Jóor' camíng' do e laco' ni'uíñ jmidsea` dsea` féng' i dseáng' laniing-gui i dseáng' lata' ée' ta' røø cóo' lajalé' e cangí' quiá' Tiquiá'r Fidiée.

8

Jesús ca'uíñ jmidsea` dsea` féng' i laniing-gui qui'ii'

¹ Joba' fí' guí' 'ná', dsea' rú'naa' dsea' quiá' Dsea' Jmáang-, e lab e uiing- e niing-gui eáang' quiá' lají' e júu e sí'naa' 'ná', e Jesúsbing' líng' i jmidsea` dsea` féng' i laniing-gui qui'ii', jogui íb' cajo i niguiing- lana fí' ñifí' lí' lí' dsée' laco' guíng' Fidiée dsea' laniing- 'gøíñ'. ² Jo guíñ fí' jo e éer' ta' e líiñ jmidsea` dsea` féng' i laniing-gui, co' fí' job dseáng' lí' lí' éé' já' quiá' Fidiée fí' lí' cajméer' ñia'r jo o' fí' lí' cajmée' dsea' jmigüí'.

³ Jo jaléng' jmidsea` laniing- si'neaaiñ e nicuør- lají' feá' e catíng- Fidiée jogui e nijngáiñ jaléng' jó' e laco' nicuøíñ dsea' do; jo lajob lí' cóo' Fí'naa' Dsea' Jmáang-, co' la guím'ba' 'né' líng' ee' nicacuør' fí' quini' Fidiée uí' dsee quiá' jaléng' dsea' jmigüí'.

⁴ Jogui faco' ír' táam'bir fí' jmigüí' la, joba' ja' qui' jmí' jóng e líiñ jmidsea` faco' lajo, co' fí' jmigüí' la niseem' jmidsea` i cuøøng' lí' cuø' feá' fí' quini' Fidiée lí' laco'gui e ta' e caquiá' Fidiée e cajme' Moí' fí' ni' jì quiá'r. ⁵ Co' jalé' ta' e cajmée' jaléng' i jmidsea` do fí' jmigüí' la, rúm'jiu lí' laco'gui la lí' fí' ñifí', co' cajméer' lajo fí' jmigüí' la e lí' laco' cuø' lí' e quiá' jial dseáng' lí' fí' ñifí'. Jo nine'baa' røø' e jalé' e la e lico' cuø' lib-; dsa'co' ie' malí'gui do, ie' lamí' caquiá' Fidiée ta' quiá' Moí' e nijméíñ coo' 'ná' 'mí' fí' lí'

jmiféng' jaléng' dsea` Israel Fidiéé', jo ie~ jo casí'r- Moí~ lala: "Moí~, quie` cuente røø', jo jméé' e 'núú' jo lí' laco'gui jíí' e nica'éé' e 'nú' e fí' yú' mó' Sinaí do." ⁶ Jo dsu' Jesús i líng' jmidsea` dsea` féng' i laniing-gui quí-ii' do, íb` dsea` i nica'íng' e ta~ e 'gøng'gui eáang' laco'gui e ta~ quíá'- jaléng' jmidsea` i seeng' fí' jmigüí' la; co' dsea` íb` i caneáa' fí' e laco' cuøøng' e dseáng'- niliseeng' dsea` jmigüí' cøøng' cøø' Fidiéé' lata~. Jo cajméer' lajo la'eáang' cøø' e júu^ e cajmirø' Fidiéé' cøøng'gui do, co' e jo 'gøng'gui laco'gui e júu^ tigua~ e cacuø'r' Moí~ lamí~ jéeng'gui do. Jo e júu^ e cajmirø'r' cøøng'gui do líí' cøø' júu^ tíí' fíí' e guíá'-gui, co' eáang'gui cuø' e ta~ dsíí' dsea`.

⁷ Jo faco' cali'íng' ta~ dseáng'- laco' sí'í' e júu^ tigua~ la'uii~ e cacuø' Fidiéé' malíí'gui do, joba' jo cali'né'-gui jóng e júu^ tigua~ e cacuø' Fidiéé' cøøng'gui do faco' lajo. ⁸ Jo dsu' mí' calilí' Fidiéé' e ja' jíí' jaléng' i dsea` quíá'r- do e júu^ tigua~ la'uii~ quíá'r- do, joba' cajmiquím'- dsíír' cøøíñ' do, jo lalab cajíñ'- fí' ní' jí' quíá'r-:

Lalab fá'a: Niguiéeb' jmíí' mí' nicuøø'ø jaléng' dsea` Judá cøø'gui jaléng' dsea` Israel caguiaang-gui cøø'gui júu^ tigua~ e 'míí'.

⁹ Jo e júu^ tigua~ e 'míí' e nicuøø'ø i dsea` í'

e jíéb' líí' laco' e júu^ tigua~ la'uii~ do e cacuøø'ø jaléng' dsea` áang' quíá'r-

mí' cacá'a níí' quíá'r- e ca'uøø'n-re fí' ní' guóo' uø' quíá'- dsea` Egípto;

jo dsuco' jaléng' i dsea` áang' quíá'r- do ja' calináa'r~ lajíí' júu^ tigua~ e cacuøø'ø-re do, joba' ca'náam- 'níá'a quíá'r- jóng.

¹⁰ Jo e lab e júu^ tigua~ e 'míí' e nicuøø'ø dsea` Israel mí' niguiéé' e jmíí' jo:

Nicuøø'ø jaléng' i dsea` í' e laco' ní'í' dsíír' røø' lajíí' júu^ quíá' ta~ quíé'-e

jogui e ní'íñ' car` ngocáng' dsíír' jalé' e júu^ jo cajo.

Jogui dsea` do nijmiféíñ' jnea~,

co' jíí' jneab~ nilín-n Fidiéé' quíá'r-,

jogui jíí' íb` nilíng- dsea` quíé'-e cajo.

¹¹ Joba' ie~ jo jo' 'né'-gui fa' e nijmeá'-gui dsea` júu^ rúíñ' jial laco' nijmicuííñ' jnea~,

co' lajíím' dsea` nilicuííñ' jnea' ie~ jo,

nañí' fa' líííñ' dsea` níng- osi ja' líííñ' lajo é.

¹² Jo ie~ jo ní'im~baa dsee- quíá'r- uii~ quíá'- jalé' e ga' e nicajméer',

jo jo' nijmiguiéng'gui dsii- jalé' dsee- e nica'éer' lamí~ jéeng'gui.

¹³ Jo mí' fé' Fidiéé' e nicuø'r- e júu^ tigua~ e 'míí' do, joba' cuø' lí' jóng e nicadseáb- bí' quíá'- e júu^ tigua~ e la'uii~ do e cacuø'r' lamí~ jéeng'gui do; jogui jalé' e níyúu~ jogui e jo ta~ íng^, capí'ba' 'né'-gui quíá'- e tí' lí' ní'íng- congua'.

9

Jial líí' fí' lí' jmiféng' dsea` Fidiéé'

¹ Jogui lanagui fíí'-guíí' 'nú', dsea` rú'náa' dsea` quíá'- Dsea` Jmáang-, e mí' cacuø' Fidiéé' e júu^ tigua~ quíá'r- lamí~ jéeng'gui do, jo cacuø'r' e júu^ jo e laco' jial 'né- jmé- dsea` mí' jmiféíñ' Fidiéé', jo jalé' e jo 'né- jmér- fí' cøø' dsíí' 'núú' 'mí' e cajme' yaang~ dsea` jmigüí'. ² Jo e 'núú' 'mí' do quíéeng' tú- jnúng', jo e jnúng'- la'uii~ do, fí' job lí' sí' e ní' cunéé' e fí' lí' téé' candíí' e coo' do; jo fí' job cajo fí' lí' sí' cøø' mes' fí' lí' néé' íñí' güeang'^ e catíng- Fidiéé'. Jo e jnúng'- la'uii~ la síí' Éé' lí' Güeang'^ quíá'- Fidiéé'. ³ Jo e jnúng'- e catí tú- quíá'- e 'núú' do líí' cøø' cøø' 'mí' fé' e niguo'^ e í' e fí' dsíí' 'núú' do, jo e fí' dsíí' job lí' síí' Éé' e Laníng- Güeang'^ quíá'- Fidiéé'. ⁴ Jo e fí' jo sea` cøø' nife' e líí' cøø' layaang~ cunéé', jo fí' job lí' jí'r' sù'; jo fí' quíá'- job cajo sí' e guóo' e fí' lí' téé' júu^ tigua~ quíá'- Fidiéé' e caráaiñ' lamí~ jéeng'gui do, jo e guóo' jo síbé' dse' cøø' layaang~ cunéé'. Jo e fí' dsíí' guóo' do íu~ cøø' dsu~ e líí' cøø' layaang~ cunéé'; jo e fí' dsíí' job lí' sí'ma' capí' e maná e cacuø' Fidiéé' jaléng' dsea` Israel mí' cangiíñ' do fí' ní' guóo' uø' quíé'. Jo fí' dsíí' guóo' job cajo fí' lí' sí'ma' e 'ma'u' quíá'- 'líí' yúu~ Aarón e ca'íéé' tú má' quíá'- calé'

catú; jogui e fí dsí' guó' job cajo lí' iá e cuu e lí' to' júu tigua' quí' Fidié e cacuø' malí' gui do. ⁵ Jo e fí ní' e guó' e sibé' cuné' do teáng gáng i dsi' cué', jo e fí nú' lí' dsi' cueí' do cuø' lí' e dob seeng' Fidié, jogui e fí nú' job cajo fí lí' íng' dsee' quí' dsea. Jo dsu' lana jo' ngí' lí' fa' 'né' gui e ní' guí' 'nú' dseáng' la'uiing' cuaiñ' quí' jalé' e jo.

⁶ Jo mí' tí' lí' cató' e guí' dsea' guí' lajalé' e ní' né' e fí dsí' 'nú' 'mí' do, joba' jaléng' jmidsea' nicuø'm' dsitáaiñ' jóng' laco' jmi' laco' jmi' e fí e jnúng' la'uii' quí' e 'nú' 'mí' do e laco' niguiár' guí' lajii' e feá' e catíng' nicuø'r' Fidié. ⁷ Jogui e jnúng' lí' catí' tú' quí' e 'nú' 'mí' do dseáng' lajii' jmidsea' laniim' bing' i cuøng' lí' í e fí dsí' jo co' né' laco' jii'; joba' mí' tí' lí' nití' í' e ní' r' e fí jo, 'né' e ní' quier' feá' e lí' co' jmi' jó' nú' e laco' nicuø'r' Fidié, jo lajoba' dsea' do ní' iñ' jalé' dsee' quí' i jmidsea' do 'ña'r' co' gui jalé' dsee' quí' jaléng' dsea' góor' caguaang' gui mí' éeí' dsee' e ja' lí' r' lajo. ⁸ Jo co' jalé' e na, la'eáng' co' Jmiguí' quí' Fidié' ba' jmicó' jneaa' aa' e laco' line' naa' e ja' mí' sea' fí e ngíng' dsea' e catí' dsí' Ée' lí' Laniing' Güeang' do lajee' e jmáang' ta' e fí lí' lí' jnúng' la'uii' do. ⁹ Jo lajalé' e la cuø' co' lí' quí' jial lí' lana; dsuco' jalé' e calí' e fí dsí' 'nú' 'mí' do; fa' jaléng' jó' i cajíng' jmidsea' fí quini' Fidié' co' gui jalé' e feá' e jié' gui e cacuø'r' Fidié, jo dsu' jalé' e jo ja' quí' jmi' fa' e niliguiá' dsí' dsea' i jmiféng' Fidié' co' jalé' e feá' do dseáng' laco' sí' fí quini' dsea' do. ¹⁰ Co' jalé' e quí' títng' dsea' fí quini' Fidié' la'eáng' e júu' tigua' la'uii' do e cacuø' dsea' do lámí' jéeng' gui do, dsu' e jo quí' ta' jii' quí' jalé' e jmóob' dsea', fa' jalé' e gø' dsea' co' gui jalé' e í' dsea' osi jalé' e jié' gui é, e laco' niliguiá' dsí' dsea' laco' sí' fí quini' Fidié'; jo dsu' jalé' e jo íng' ta' jii' cartí' mí' nicuø' Fidié' e júu' tigua' e 'mí' do.

¹¹ Jo dsu' lana nicagüém' Dsea' Jmáang' e nilíiñ' i jmidsea' dsea' féng' i laniing' gui e laco' nijmicó'r' jneaa' aa' e ní' íng' naa' jalé' e guí' e sí' í' naa' quí' Fidié. Jo e fí lí' éer' e ta' 'goo' e cangíiñ' do, fí job lí' 'gøng' gui jogui níng' gui cajo, co' o' dsea' jmi' i cajme', o' gui cajme'r' co' e sea' fí jmi' cajo. ¹² Dsu' lanagui nicangím' Dsea' Jmáang', joba' dob niguiñ' e fí Ée' lí' Laniing' Güeang' do dsu' o' uí' e cacuø' fí quini' Fidié' jmi'øng' jo' chí' osi jmi'øng' güitá' jiuung' é, co' cangím' bre fí jo dsu' la'eáng' e cacuø' jmi'øñ' 'ña' bre, jo lajoba' calí' e ní' eáng' naa' jee' dsee' quí' ii' lata. ¹³ Dsu' e jáb', e lajee' e jmáang' ta' e júu' tigua' la'uii' e cacuø' Fidié' lámí' jéeng' gui do, ie' lámí' jmáang' ta' jalé' jmi'øng' güitá' jiuung' co' gui jo' chí' colíng' gui co' fa' quí' jaang' güitá' iee' mí' níng' e cáng' ne' fí nife', joba' co' jalé' e jo seab' jia' capí' bí' e laco' nijláb' Fidié' dsee' quí' dsea', jo lajoba' niliguiiñ' lajee' cateá' fí quini' dsea' do. ¹⁴ Jo e já', e jalé' e jmi'øng' jó' do óob' jia' bí', jo dsu' e jmi'øng' Dsea' Jmáang' 'ña'r' do dseáng' e eáng' gui laniing' 'gøng' jogui e eáng' gui óo' bí' cajo, co' dseáng' conguiab' íng' dsee' quí' ii' fí quini' Fidié' lata. Co' la'eáng' co' Jmiguí' quí' Fidié' e sea' lata do, Dsea' Jmáang', dsea' ja' dsee' røñ' jii' co', cajáng' 'ña'r' e cajúñ' jogui cacuø' jmi'øñ'. Jogui la'eáng' e jmi'øñ' do calí' naa' e jo 'né' nijmó' guí' jii' co' e lámí' quí' títng' naa' jmoo' naa' do e sí' jii' fí 'mó', jo lajoba' cuøng' nijmó' oo' dseáng' laco' iing' Fidié' i dsea' i seeng' car' ngongí' jmi'.

¹⁵ Jo la'eáng' e cajáng' 'ña' Dsea' Jmáang' e cajúñ' fí dse' crúu', joba' niseab' fí quí' ii' e nilisee' naa' cøng' co' Fidié' la'eáng' co' e júu' tigua' e 'mí' do, jo lajoba' ní' íng' e iihuí' e catí' naa' do uí' jalé' dsee' quí' ii' lí' laco' la fé' fí ní' e júu' tigua' la'uii' do. Jo la'eáng' co' e cajúng' Dsea' Jmáang' do, joba' jalém' dsea' i nicagúing' Fidié' i ní' uíng' dsea' quí' r' cuøng' e ní' r' e ní' iñ' jalé' e guí' e catíiñ' lí' laco' gui jii' júu' e nicacuø' Fidié' lámí' jéeng' gui do. ¹⁶ Jo faco' jaang' dsea' iñ' níng' iñ' jalé' e sea' quí' r' fí jaguó' jaang' gui dsea' mí' níng' e nijúñ', dsu' ja' cuøng' e ní' íng' i dsea' í' jalé' e jo lajee' e seem' bí' i dsea' i nicuø' do, co' jang' 'né' líta' dsí' song' nicajúng' i dsea' i nicuø' e do, joguiba' nicuøng' e níng' fí jaguó' i dsea' i catíng' do. ¹⁷ Co' ja' bí' sea' e níng' fí

jaguó`i dsea`i catíng` jalé` e jo_lajee` e seem`bi`i dsea`i nicuó` do, dsu` mi` ningf` e nijúum` i dsea`i nicuó` do, joguiba` nisea` fí` e ni`íng` i dsea`i catíng` do. ¹⁸ Jo co` lajob líí, joba` e júu` tigua` e cacuø` Fidiée` dsea` lamí` jéeng`gui do la guíim`'né` jmi`øøng` jó` núu` e laco` sea` bí` quiá`- fí` quini` Fidiée`. ¹⁹ Jo ie` malí` do Moi` cajme`r` júu` jaléng` dsea` góor` dsea` Israel jalé` júu` quiu` ta` quiá`- Fidiée` e 'né` nijmitiñ` do fí` quini` Fidiée`; jo mi` cangf` e café`r` e júu` jo, joba` cacár` coo` sñ` e silíng` e 'ñúu` ñí` yúu`, jo cajgiéer` jmi` jó` núu` e nisicang`^ cóo`~ jmi` fí` ni` lí` too` júu` quiá`- Fidiée` e cajme`r` do, jogui cajgiéer` bre quiá`- lajüng` dsea` do cajo. ²⁰ Jo mi` cató` e jo, lalab cajíng`- Moi` casí`r` jaléng` i dsea` góor` dsea` Israel do: "E jmi`øøng` la cuø` e tíí` ni` e júu` quiá`- Fidiée` e cacuø`r` jneaa`aa` e dseáng`- 'né` e nijmití`baa`." ²¹ Jogui ca`ée`-bi Moi` e jmi`øøng` do cajo fí` dsíí` e 'núu` 'mi` güeang`^ lí` jmiféng` dsea` Fidiée` cóo`~ gui fí` ni` jalé` e jmáang` ta` e fí` dsíí` 'núu` do. ²² Jo lí`^ laco` la fé` júu` quiu` ta` quiá`- Fidiée` e cajme`r` Moi`, e cóo`~ lajüí` jmi`ba` ligüeang`^ lí`^ doñí` ee`; jogui cajo ja` quí`- jmi` ni`íng` Fidiée` dsee` song ja` catuü` jmi`øøng`.

La`eáang` e cajúng` Dsea` Jmáang` fí` dse` crúu`^, joba` laang`naa` jee` dsee` quí`-ii`

²³ Jo e 'núu` 'mi` güeang`^ lí` jmiféng` dsea` Fidiée` cóo`~ jalé` e jmáang` ta` fí` dsíí` jo líí` lafa` rúm`^jüa` cóo`~ jalé` e sea` fí` ñíff` fí` lí` guíng` Fidiée`, jo jalé` e sea` e fí` dsíí` 'núu` do ligüeang`^ cóo`~ jmi`øøng` jó` núu`; jo dsu` jalé`gui e sea` fí` ñíff` quiá`- Fidiée` dseáng`- lajib` nigüeang`^, joba` 'né` jmi` e 'gøng`gui laco` jmi` jó` núu`. ²⁴ Jo dsu` Fíí`naa` Dsea` Jmáang` ja` ca`í`r` fí` Ée`^ Laniing` Güeang`^ quiá`- e 'núu` 'mi` e cajme`r` dsea` jmigüí, co` e 'núu` jo líí` jüí` lafa` coo` e lí` e sea` fí` ñíff` fí` lí` Laniing` Güeang`^ quiá`- Fidiée`. Co` Dsea` Jmáang` dseáng`- fí` ñíff` lí` caguiéiñ`, jo lana dob niguiñ` cóo`~ Fidiée` e mi`r` dsea` do uii` quí`-ii`. ²⁵ Jo lacoo` jüí` lacoo` jüí` jaléng` jmidsea` laniing` quiá`- dsea` Israel 'né` e dsitáaiñ` e fí` Ée`^ lí` Laniing` Güeang`^ quiá`- e 'núu` 'mi` do e dsijüí`r` jmi` jó` núu` fí` quini` Fidiée`. Jo dsu` ja` cajméé` Dsea` Jmáang` laco`gui cajméé` i jmidsea` í, co` coo` ya`ba` ca`í` dsea` do fí` Ée`^ lí` nigüeang`^gui fí` ñíff` e cacuø`r` jmi`øøiñ`, jo ja` ca`í`r` jmiguiu` ya`. ²⁶ Co` faco` lajob líí, joba` jmiguiab` ya` catí` jóng e cajúng` Dsea` Jmáang` ie` lamí` catiroo` jmigüí faco` lajo; dsu` lajee` lana jo cartí` mi` niguiá` jmigüí, coo` néé`ba` dseáng`- cagüéng` dsea` do fí` jmigüí la, jogui coo` néeb` cajo e cajáng`^ ñia`r` e cajúíñ` e laco` ni`íng` congua` jalé` dsee` quiá`- dsea` jmigüí. ²⁷ Jo co` coo` néé`ba` e júung` jaléng` dsea`, jo mi` ningf` jo, niguilíñ` fí` quini` Fidiée` e laco` nitidsí` í` quiá`r` uii` quiá`- jalé` e nicajméer` lajee` ie` lamí` seeng`guir` fí` jmigüí la, ²⁸ jo lajob Fíí`naa` Dsea` Jmáang` coo` néé`ba` s`ííñ` quiá`- Tiquiá`r`^ Fidiée` e cajáng`^ ñia`r` e cajúíñ` e laco` congua` ca`ííñ` jalé` dsee` quiá`- i fíng` dsea` jmigüí. Jo mi` nijáa`tur fí` jmigüí la calé` catú`, jo nijáar` fa` e nijúung`-tur uíí` dsee` quiá`- dsea` jmigüí, co` nijáa`bre dsu` e jaleaaiñ` jaléng` dsea` quiá`r` i nisijeeng` ír` i nisita` dsíí` e nigüéeng`-tur calé` catú`.

10

¹ Jo e júu` quiu` ta` quiá`- Fidiée` e cajme`r` Moi` do cuø` lí` e laco` líí`jüa` dsea` jalé` e guiú` e nidsijéé` cøøng`gui, dsu` o` dseáng`- jial laco` líí` e jo. Joba` jalé` e feá`- e cuø` jaléng` i jmidsea` do lacoo` jüí` lacoo` jüí` ja` quí`- jmi` fa` dseáng`- e niliguiá` dsíí` dsea` dseáng`- laco` si`í` fí` quini` Fidiée`. ² Co` faco` e júu` quiu` ta` quiá`- Fidiée` do dseáng`- e já`- quí`- jmi` e ni`íng` jalé` dsee` quiá`- dsea`, joba` jo` í` dsíí` dsea` jóng e lííñ` dsea` oo` dsee`, jogui nitá`bre cajo e nicuø`r` jmi` jó` núu` uíí` dsee` quiá`r` faco` lajo. ³ Jo uíng` e dsicar` e jmi` jó` núu` do fí` quini` Fidiée` lacoo` jüí` lacoo` jüí` e lí` laco` jmiguiéng` dsíí` lacoo` jüí` e lím`bir dsea` oo` dsee`. ⁴ Co` dseáng`- e jáb`-, e jmi` güitá` jiuung` do cóo`~ gui jmi` jaléng` jo`chí`^ dseáng`- ja` quí`- jmi` fa` e ni`íng` jalé` dsee` quiá`- dsea` jmigüí.

⁵ Jo co` ja` quí`- jmi` yaang` e jmi`øøng` jó` do e ni`íng` dsee` quiá`- dsea`, joba` mi` cagüéng` Fíí`naa` Dsea` Jmáang` fí` jmigüí la, lalab casí`r` Tiquiá`r`^ Fidiée`:
Jo co` ja` tí` oo` 'núu` e jüí` dsea` jmi`øøng` jó` 'líí` fí` quini`^

o'gui e ji' dsea`lí^ doñí ee` feá'- e laco' jmiféiñ' 'nə̀,
 joba' 'nə̀ nicacuøø'~ jnea~ ngúú táan`n cóo'~gui jmi'øøñ~
 e laco' nijmitii- lajii'~ e iing~ 'nə̀, Fíi' Fidiée'.

6 Jo co' ja` tí óo' 'nə̀ mi~ jing` dsea` jó' núu^ i nicacáang- fí nife' o'si jalé' feá'- e jié'gui e
 cuø' dsea` 'nə̀ e laco' ni'íin'- dsee- quiá'r~,

7 joba' lalab cafa'- a: "Lab caguén- n fí jmi'güi' la e laco' nijmitii- jii'~ laco' iing~ 'nə̀, Fíi' Fidiée',

lí^ laco'gui la fé' fí ni~ ji' quií'- lí fé' cuaiñ~ quié'-e."

8 Jo nicajing'- Dsea` Jmáang- e ja` iing~ Fidiée' o'gui tí dsír' e ji' dsea` jmi'øøng- jó' núu^
 fí quinir' o'gui jalé' feá'- quiá'- jaléng' jó' i nicacáang- fí nife' e laco' ni'íing- dsea` do
 dsee- quiá'- dsea`. Jo cajíñ'- lajo doñí fa' e lajob ta` quiu' fí ni~ ji' quiá'- Fidiée' e cacuø'r'
 Moi' ie~ malii~gui do, e dseáng'- lajob guing` 'né- jmé- dsea` jmi'güi'. 9 Jo cajím'- bigui
 Dsea` Jmáang- cajo e casí'r- Tiquiá'r^ Fidiée' lala: "Teaa~, lana lab nicaguén- n fí jmi'güi'
 la e laco' nijmee~ e dseáng'- jii'~ laco' e iing~ 'nə̀." Jo laco' cuøøng' fe'ee' e mi~ caguéng-
 Dsea` Jmáang- fí jmi'güi' la, caséer' coo` e guiá'-gui jogui e 'gøng'gui eáang' cajo, jogui cab'
 ca'naang` e feá'- e lami~ qui'~ tíng` dsea` jmóor' lami~ jéeng'gui do. 10 Jo uíi'~ e Dsea`
 Jmáang- nicajmitir~ lajii'~ e iing~ Fidiée' e cajáng' 'ñia'r' coo` née'~ e cajúñ- fí dse' crúu^ e
 laco' ni'íing- dsee- qui'-ii' lata~, joba' uíi'~ e jo Fidiée' nicajméer' e nilí'naa' dsea` guiúng-
 fí quinir'.

11 Jo lajalém' jmidsea` quiá'- dsea` Israel qui'~ tiiñ` e dsijíñ'- jó' fí quini' Fidiée' lacoo`
 jmi' lacoo` jmi'; jo jmóor' lajo, co' lajob júu^ tigua` e cacuø' Fidiée' ír' lami~ jéeng'gui. Dsu'
 jalé' e jmóor' do, ja` qui'~ jmi' fa' e ni'íing- jalé' dsee- e røøng` dsea` jmi'güi'. 12 Jo dsu' Dsea`
 Jmáang- gui cajáng' 'ñia'r' e cajúñ- coo` née'~ 'ñiab' carta~ róo` jmi'güi', jo e jo íing` ta~ e
 ni'íing- dsee- qui'-ii' lata~. Jo mi~ cangí e cajméer' e jo, cangám'- bre jóng jo cangogüear' lí^
 lí dsé' laco' guing~ Tiquiá'r^ Fidiée' fí ñiff'. 13 Jo fí job niguiiñ~ lana e sijeeiñ` e Tiquiá'r^
 Fidiée' nijmé- e nijmi'gó' jaléng' dsea` i 'ní' ní- quiá'r- jogui e nisí' jaléng' dsea` do uø-
 jnir~ fí quiniñ~ e laco' nijmiféng'neiñ'. 14 Jo coo` née'~ 'ñia'ba' cajáng' 'ñia'r' e cajúñ- e
 laco' ca'íñ- dsee- quiá'- jaléng' dsea` jmi'güi', jo lajoba' cajmigüeang'neiñ' laco' sí'í' fí
 quini' Fidiée' car` ngongí jmi'. 15 Jo lalab tí' ni~ Jmi'güi' quiá'- Fidiée' e jáb'- e júu^ la
 mi~ fé' lala:

16 Jo lalab jing'- Fíi'naa' Fidiée':

Jo e lab e júu^ tigua` e 'mí- e nijmirøø- cóo'~ jaléng' dsea` Israel mi~ niguiéé' e jmi' jo:
 Nicuøø`øø jaléng' dsea` quié'-e e nilíñir' jalé' júu^ quiu' ta~ quié'-e,
 jogui nijmee~ e e nijmér- náu'~ bre jalé' e júu^ jo laco' sí'í'.

17 Jo dseáng'- jo` nijmiguiéng' dsii- jalé' dsee- e nica'éer' fí quini'
 cóo'~gui jalé' dsee- e nica'éer' cóo'~ jaléng' dsea` rúñ',
 co' dseáng'- latab~ ni'íin~n jalé' e dsee- jo.

18 Jo co' dseáng'- conguiab' nica'íing- Fidiée' jalé' dsee-, joba' dseáng'- jo` 'né- fa' ee` líing`
 feá'- nijj'-gui dsea` fí quini' dsea` do e laco' ni'íiñ- jalé' dsee-.

Nicuøøng` e ningüing`naa' fí Êe` Laniing` Güeang` quiá'- Fidiée'

19 Jogui lana fí' guí' 'nú', dsea` rú'naa' dsea` quiá'- Dsea` Jmáang-, e cóo' e jmi'øøng-
 Dsea` Jmáang- e catuu' fí dse' crúu^ mi~ cajúñ- cuaiñ~ qui'-ii', la'eáang' cóo' e joba' lana
 nisea` fí qui'-ii' e nicuøøng` e ningüing`naa' e ja` 'gó'naa' jii'~ capí' fí Êe` lí Laniing-
 Güeang' fí lí guing~ Fidiée' fí ñiff'. 20 Co' la'eáang' e cajáng' 'ñia' Dsea` Jmáang- e cajúñ-
 fí dse' crúu^ uii~ qui'-ii', joba' nicaneáa'bre coo' fí 'mí- e laco' cuøøng` e ningüing`naa' fí
 lí guing~ Fidiée', co' cajéb' e lafa' 'mi' e sijní fí jo. 21 Jo co' Jesús ca'uiñ- i jmidsea`
 dsea` féng' i laniing-gui qui'-ii' i niquie' nifí quiá'- lajaléng' dsea` quiá'- Fidiée', 22 joba'
 madsiquiéeng'naa' cóo'~ Fidiée' car` ngocáng' dsí'naa' jogui e nita~ dsí'naa' e dseáng'-
 nijmitib~ dsea` do jalé' júu^ quiá'r-. Jo madsiquiéeng'naa' cóo'~ Fidiée' cajo e jo røø-
 naa'

dsee- jogui e nilí'naa' lafa' dsea` sijgúing^ cóo'~ jmíi. ²³ Jo dseáng'- teáb' 'né- téé-naa' fí' guiá- lí' nitée-naa' cóo'~ Dsea` Jmáang-, e dseáng'- ta` dsí'naa' e jáb'- júu^ quiá'- dsea' do, có' dseáng'- nijmitib~ Fidiée~ lajii'~ júu^ quiá'r- e nicacuø'r' jneaa~aa' lamí~ jéeng'gui do. ²⁴ Jo 'né- nijmi'úum`bii' jial e nijmicóo'~naa' jaléng' dsea` rú'naa' e nijmi'neáaiñ` rúíñ' jogui jial e nijmér- jmang'^ e guiá-. ²⁵ Jo fii-guá' 'nú', dsea` rú'naa' dsea` quiá'- Dsea` Jmáang-, e ja` dseeng`fa' e nijmi'naang- yee~ee' e ja` seáng'~ rú'naa' lí' laco' jmóo` i líing~ dsea`, có' o' lajo e 'né- jmó^ jneaa~aa'; có' lí' lí' 'né- e nicuøø'~gui bí' rú'baa' e laco' ja` nitá' fí' lí' nitée-naa' cóo'~ Dsea` Jmáang-, jo eáang'gui 'né- jmi'úung'naa' e jo lana, có' ninee- jøø`baa' e nijaquíem' e tí' lí' nigüéeng-tu Fíi'naa' Dsea` Jmáang- fí' jmigüi' la calé' catú-.

²⁶ Jogui fón'n 'nú', dsea` rú'naa', e song la ee-bii' dsee- e guita~ dsí'naa' mi~ cangí e nicalicuúing'naa' Dsea` Jmáang-, joba' jo` sea` feá'- jóng e laco' cuøøng` e ni'ling- gui jalé' e dsee- jo` fíng song jmoo-naa' lajo. ²⁷ Co' song la ee-bii' dsee-, joba' eám' nisijéé' qui-ii' lajii'~ iihuú' e nicuø- Fidiée~ mi~ tí' lí' niquidsir' í' quiá'- lajaang`lajaang` dsea` mi~ nibíiñ- jaléng' i dsea` i 'ní' ní- quiá'r- fí' lí' coo' jí' e ja` tóo' jmíi~ yu'. ²⁸ Jogui nine`baa' e mi~ jaang` dsea` ja` jmitir~ laco' catíng- e júu^ quiá' ta~ quiá'- Fidiée~ e cajme' Moí~, jogui song seeng` gáng- si gaang` dsea` i tí' ní- quiá'- lajii'~ e dsee- e ca'éé' i dsea` do, joba' dseáng'- ja` mii' seab` jóng, có' dseáng'- ja` fí' lí' 'né- júung- i dsea` do uí' e dsee- e nica'éer` do. ²⁹ Jo dsu' iihuú' eáang'gui ni'ling' jaléng' i dsea` i jmóo' ta~ 'ní' níng- i Jóo' Fidiée~ camíng'~ do cóo'~ gui jaléng' i dsea` i ja` jmi'gó' e jmi'øøng- dsea` do cóo'~ gui jaléng' i dsea` i fé' ga` uii~ quiá'- Jmiguí' quiá'- Fidiée~ e 'neáang` jneaa~aa' do cajo. Co' la'eáang' cóo'~ e jmi'øøng- dsea` dob e jmita~ dsí'naa' e júu^ tigua' e 'mii- e cacuø' Fidiée~, jogui la'eáang' cóo'~ e jmi'øøng- dsea` dob cajo e caligüeang'naa' fí' quini~ Fidiée~. ³⁰ Jogui nine`baa' e lalab cajíng'- Fíi'naa': "Jneab~ dsea` catín-n e ni'ii' i í' laco' catíng- jogui e niquii'~ táa' lí' jialco' ée` dsea`." Jogui cajím'-biguir cajo: "Ñiá'baa dsea` niquidsii' í' quiá'- jaléng' dsea` jmigüi'." ³¹ Jo dseáng'- eám' ga` ni'í' fø' quiá'- jaléng' i dsea` røøng` dsee- mi~ ní' fí' Fidiée~ i seeng` car` ngongii' jmíi' í' quiá'r-!

³² Jogui jmiguiéng' áa'na' cajo e ie~ mi~ tá` já'- calíng-na' júu^ quiá'- Dsea` Jmáang-, jmiguiú' íing'~ iihuú' ca'ling'na', lifa' cajmee-ba' té'na' cóo'~ jalé' e jo, jo ja` calítung- óo'na' lajii'~ fí' lí' niteáang-na' cóo'~ Dsea` Jmáang-. ³³ Jo ie~ jo, i líing` 'nú' gab` café' dsea` uii~ quiá'na' jogui gab` cajmeáng' dsea` 'nú' fí' quini~ fii' cajo. Jo mi~ cangá- dsea` quiá'- Dsea` Jmáang- i caguaang- gui e dsingúing-na' lajo, joba' caquim'bre cajo e ca'íñ' iihuú'. ³⁴ Jogui eám' calí- fii- líng-na' jaléng' dsea` rúng'na' dsea` quiá'- Dsea` Jmáang- i cajníng- fí' dsí' 'nuñí' ie~ jo, jogui ja` calíng-na' fí' lí' mi~ cajmée` dsea` ii' jalé' e sea` quií-na', có' niñí'ba' guiá- e fí' ñifib- nisijéé' jalé' e jlo' quií-na' e ja` quií- jmíi~ fa' e ni'ling-. ³⁵ Joba' fii' i 'nú' lana e teá'gui síng' yaang-na' e ja` jmitúng^ óo'na' lajii'~ fí' niteáang-na', dsuco' la'eáang' cóo'~ e joba' e ni'ling'na' jalé' e jlo' e nicuø'- Fidiée~ 'nú' mi~ nití- í' lajo. ³⁶ Jogui fii-guá' 'nú' e la guím'ba' 'né- e cóo'~ e féng' óo'ba' 'né- nijmití'na' lajii'~ e iing- Fidiée~ e nijmée'na', jo lajoba' cuøøng` e ni'ling'na' lajii'~ e nijíñ- e nicuø'r- 'nú' lamí~ jéeng'gui. ³⁷ Co' lalab fé'r' fí' ní' jí' quiá'r-:

Jo dseáng'- lajee~ lajminá- nijáa'tu fí' jmigüi' la i sí'í' nijáa', jo jo` fa' dseáng'- lí'íing~ guir eáang'.

³⁸ Jo doñí' ii' dsea` i jmóo` lajii'~ e iing~ jnea~, joba' niliseeiñ` la'eáang' e já'- líiñ` júu^ quié-e; jo dsu' song ii' dsea` ni'náng` ñia'r' lajii'~ fí' lí' nisíñ' cóo'~ jnea~, joba' jnea~, Fidiée~, ja` iáang' dsii- cóo'~ i dsea` í' jóng.

³⁹ Jo dsu' jneaa~aa' ja` lí'naa' dsea` i jmi'náng` yaang~ e fí' guiá- lí' nitée-naa' cóo'~ Dsea` Jmáang- e laco' nibíing- Fidiée~ jneaa~aa' fí' lí' 'lí'; dsuco' jneaa~aa' nilí'naa' dsea` i nita~ dsí' cóo'~ Fidiée~, joba' dsea` do nileáíñ- jneaa~aa' jee~ jalé' dsee- qui-ii' la'eáang' e já'- lí'naa' júu^ quiá'r-.

11

Jial lí' mi' dseáng' já' líng' dsea' júu' quiá' Fidié'

¹ Jo e laba' fi' guí' 'nú', dsea' rú'naa' dsea' quiá' Dsea' Jmáang', e mi' jaang' dsea' dseáng' já' lí' j'úu' quiá' Fidié', j'oba' dseáng' nitab' dsír' j'óng e nijmitib' dsea' do jalé' júu' e sí'reiñ', jogui dseáng' lafa' nica'ím'bre laj'í' e nicamir' do nañí' fa' ja' mí' ní'rer. ² Jo eáam' cali'iaang' dsí' Fidié' cóo' jaléng' 'lí' dsea' áang' qui'naa' uí' e jáb' calíng' jaléng' dsea' do júu' quiá' dsea' do.

³ Jo uí' e já' lí'naa' júu' quiá' Fidié', j'oba' nitab' dsí'naa' e la'eáang' cóo' júu' quiá'bre cajméer' lajalé' e sea' fí' la'úng' fí' jmigüí', jo lí' laco' cuøng' fe'ee' e lajalé' e ne'naa' lana ca'uíng' cóo' jalé' e ja' cuøng' ne'naa'.

⁴ Jo i' dseañu' i' calisí' Abel i' caliséng' mali'gui eáang', la'eáang' e jáb' caliñ' júu' quiá' Fidié', j'oba' cacuø'bre dsea' do cóo' feá' e guiá'gui laco'gui e feá' e cacuø' i' rúíñ' i' calisí' Caín do, jo ca'ím' Fidié' i' Abel do e lí'ni' jaang' dsea' i' ja' røng' dsee', jogui ca'ím'bir laj'í' e cacuøíñ' do cajo. Jo ja' e lí' e mali' b' eáang' nicajúng' i' Abel do, dsu' sea'bi' júu' quiá'r' latí' lana la'eáang' e jáb' caliñ' júu' quiá' Fidié'.

⁵ Jogui la'eáang' e jáb' calíng' júu' quiá' Fidié' i' dsea' i' calisí' Enoc i' caliséng' mali'gui eáang', j'oba' condseé' catø' Fidié' dsea' do fí' ñifí' e j'í' ja' cajúíñ'. Jo có' condseéb' cangáíñ' fí' ñifí', j'oba' jo' i' cangá'gui quiá'r' mi' cangí' jo. Jo lí' laco' la fé' fí' ní' j'í' quiá' Fidié', e lajee' e nú'gui nitøø' dsea' do ír' fí' ñifí', jmang' e cali'iaang' dsí' Fidié' cajméer'. ⁶ Jogui ja' quí' jmí' e nijmó'oo' e nili'iaang' dsí' Fidié' song ja' já' lí'naa' júu' quiá'r', có' doñí' i' dsea' i' iing' nijáng' yaang' fí' jaguó' Fidié', jang' 'né' e jáb' nilíñ' e dseáng' seem' dsea' do, jogui e cuø'bre jmang' e guiá' jaléng' i' dsea' i' cuø' bí' yaang' i' iing' nijmicuíng' ír'.

⁷ Jo lajob cajo i' 'lí' yúu' i' calisí' Noé, la'eáang' e jáb' caliñ' júu' quiá' Fidié', j'oba' jáb' caliñ' mi' cajíng' Fidié' e nidsijéé' jalé' e iihuí' e nijaquíéeng' e j'í' ja' mí' ní' dsea' jéeng'gui, jo Noé cajméé'bre núu'r' laj'í' júu' quiá' Fidié' ie' jo, jo cajméer' cóo' móo' dséé' e ní' fí' ní' jmí' lí' laco'gui la ta' e caqui' Fidié' e nijmér', jo cóo' e job nilí'r' nileáiñ' jaléng' dsea' sinúu' quiá'r' mi' tí' lí' nitú' e jmí' dsíing' do. Jo có' jáb' calíng' Noé júu' quiá' Fidié', j'oba' dsea' ja' røom' dsee' ca'uíñ' fí' quini' dsea' do, jo dsu' jaléng' dsea' jmigüí' caguiaang'gui ca'naam'bre quiá' Fidié' lata'.

⁸ Jogui 'lí' yúu' Abraham la'eáang' e jáb' caliñ' júu' quiá' Fidié', j'oba' cajméé'bre núu'r' mi' cajíng' dsea' do e 'né' nitár' góor' jo nidsér' nidsigüear' fí' guóo' uø' fí' lí' huí' fí' lí' nicajíng' Fidié' e nicuø' reiñ' lamí' jéeng'gui. J'oba' cagü'í'bre e fí' góor' do colíng' cóo' jaléng' dsea' sinúu' quiá'r' cóo'gui jalé' e sea' quiá'r' e j'í' ja' ní' r' jie' fí' lí' ngóor'. ⁹ Jo la'eáang' e jáb' caliñ' júu' quiá' Fidié', j'oba' cangó'bre cangogüear' e fí' guóo' uø' fí' lí' cajíng' dsea' do lamí' jéeng'gui e nicuø' reiñ' e nigüear' lafa' dsea' i' jáa' fí' lí' jié'. Jo 'núu' 'mí' cajme'r' e caguár', jogui lajob calí' 'nú' i' j'óor' i' sí' Isáa' do jogui i' guieer' i' sí' Jacóo' do cajo, jo laj'í' huáang' i' dseañu' na ca'ím'bre laj'í' e cajíng' Fidié' e nicuø' reiñ' lamí' jéeng'gui lí' laco' ca'íng' dsea' cóøng' quiá'r' cajo. ¹⁰ Jo i' 'lí' yúu' Abraham do dseáng' lamí' sijeem'bre e nigüear' e fí' fí' 'mí' e ja' tóo' jmí' ní'íng' e cajíng' Fidié' e nicuø'r' dsea' do. Jo 'ñiab' Fidié' dsea' caguíar' guiá' jogui cajme'r' e fí' jo.

¹¹ Jo la'eáang' e já' calíng' Abraham júu' quiá' Fidié', j'oba' caquí'bre jmí' e caliséng' j'óor' cóo' dseam' quiá'r' i' sí' Sara, nañí' fa' eáam' nidseáaiñ' laj'í' huáaiñ' do. Jo lajob calí', có' dseáng' jáb' caliñ' e nijmitib' Fidié' laj'í' júu' e nicacuø' reiñ' lamí' jéeng'gui. ¹² Jo ja' e lí' e eáam' nidseáang' 'lí' yúu' Abraham mi' tí' lí' canaang' e liseeng' j'óor', dsu' mi' cangí'gui lajo, i' leáam' dsea' sijur' caliséng' lí' laco'gui la fíng' núu' i' sí' t'ng' fí' yú' jmigüí' mi' canu', osi lí' laco' la jmigüí' tóo' e néé' 'ní' jmí'í' e j'í' ja' quí' dsea' jmí' nijmí'í'.

13 Jo jalém' i dsea' í cajúm-bre mi' catí' í' lajo quiá'- lajaang' lajaaín', jo júi' ja' mí' ca'ím'bir lajúi' e cajíng'- Fidiée' e nicuó'- reiñ' do lamí' jéeng'gui. Jo co' jaléng' i dsea' do jáb'- calíiñ' júu' quiá'- Fidiée', joba' lí' e lafa' ca'ím'bre jalé' e jo; jo cóo'~ jalé' e jo cajmée' e íaam' dsíir', co' calilí'bre e o' dseáng'- góor' fí' jmigüi' la, co' lí' cateá'ba' ngíng'tear fí' jmigüi' la lafa' jaang' dsea' i uuung' fí'. 14 Jo jaléng' dsea' i' dsíi' e o' dseáng'- góor' fí' jmigüi' la, joba' cuó' b' lí' quiá'r' e sijeem'bre e nidsilíiñ' e fí' fí' 'mí' quiá'- Fidiée'. 15 Co' faco' jaléng' i dsea' do guim'bi dsíir' uii' quiá'- e fí' lí' ca'uó'oiñ' do, joba' caquim' tur jóng e fí' jo faco' mi' cajmээр' lajo. 16 Dsu' jaléng' i dsea' í eáang'guib cali'iiñ' e nidsigüear' e fí' fí' 'mí' e jlo' eáang' quiá'- Fidiée' e sea' fí' ñifí'. Jo uuing' e joba' Fidiée' ja' jáa' e í' líiñ' e líiñ' Fidiée' quiá'- i dsea' do, co' nicagua'bre guíá' e fí' 'mí' jo fí' lí' nidsigüea' i dsea' quiá'r' do lata'.

17 Jogui la'eáang' e jáb'- calíng' Abraham júu' quiá'- Fidiée', joba' calinúu'bre lajúi' e camí' Fidiée' ír' mi' cali'ing' dsea' do e ñir' su dseáng'- nijmiti' Abraham lajúi' e nicajíng'- dsea' do e nijngáiñ' i jóor' Isáa' do e laco' nicuó'iñ' dsea' do. Joba' ie' jo dseáng'- ni'í' ñijli' quiá'r' e si'í' nijngám'-bre i jóor' do, jo ja' e lí' e Fidiée' nicacuó' júu' quiá'r' lamí' jéeng'gui mi' cajíñ' lala: 18 "La'eáang' cóo' i jóo' Isáa' nab niliseeng' i fíng' dsea' sijú' lí' laco' júu' quié' e e cacuó'ø'ø' 'na' lamí' jéeng'gui." 19 Jo co' niñib' 'lí' yáa' Abraham ie' jo e quíib' Fidiée' jmí' nijmér' doñi' ee' j'gui e nijmij'r' jaléng' 'lí', joba' lajob cuó'ng lí' fe'ee' quiá'- i jóor' Isáa' do e lafa' cajíib' tuiñ' do, co' ja' cajúñ' ie' jo, jo e jo lí' coo' lí' e nidsijée' cø'ng'gui.

20 Jogui la'eáang' e jáb'- calíng' i Isáa' do júu' quiá'- Fidiée', joba' cacuó'bre júu' quiá'r' i jóor' gáng' do i si' Jacóo' jogui i si' Esaú e guíab' nidsijée' quiáiñ' do.

21 Jogui la'eáang' e jáb'- calíng' i Jacóo' do júu' quiá'- Fidiée', joba' lajee' e tí' lí' nijúuiñ', cajmigüeam'bre lajaang' lajaang' i guieer' i líng' jóo' Sé' do, jo lajee' jo cajmiféiñ' Fidiée' e siñúuiñ' e cuó' 'ma'u' quiá'r' do.

22 Jogui la'eáang' e jáb'- calíng' i Sé' í' júu' quiá'- Fidiée', joba' cajíñ' casí'r' jaléng' dsea' sinúu' quiá'r' lajee' e niráaiñ' e tí' lí' nijúuiñ' e fí' Egipto do e ni'uóm' jaléng' dsea' góor' dsea' Israel mi' ningóo'gui jii' lajo, jo nidsilíiñ' fí' guóo' uó' lí' nicajíng'- Fidiée' e nicuó'- reiñ' lamí' jéeng'gui. Jogui casí'-gui Sé' jaléng' i dsea' sinúu' quiá'r' do e nicóo'biñ' do e móo' teáiñ' fí' coo' dsíi' guóo' mi' tí' lí' nitaiñ' fí' e nidsilíiñ' e fí' jo, co' jo seeng' i Sé' do mi' nití' e í' jo.

23 Jogui la'eáang' e jáb'- calíng' sejmi' Moí' júu' quiá'- Fidiée', joba' ca'méem'bre i yuu' Moí' do quiá'r' lajee' gaang' si' mi' cangí' e caliséiñ' do; co' calilí'bre e Fidiée' caguíng' i yuu' do quiá'r', jogui ja' cajmi'gór' lajúi' ta' caqui' dseata' dsea' féng' ie' jo e 'né' nijúung' jaléng' yuu' siñuu' quiá'- dsea' Israel.

24 Jogui la'eáang' e jáb'- calíng' i Moí' do júu' quiá'- Fidiée', joba' mi' tí' lí' cacuaiñ', ja' cali'iiñ' fa' e nifé' dsea' e calí' ni'quiá'r' i dseamí' i líng' jóo' dseata' dsea' féng' do, i dseamí' i cajmicuóo' quiá'r' júi' ie' latí' mi' cadséng'neiñ' do e fí' 'ni' gua' Nilo. 25 Jo ja' cali'iiñ' fa' e calíiñ' dsea' sinúu' quiá'- i dseata' dsea' féng' quiá'- Egipto do, jo cóo' dsea' góor' dsea' Israel cangotáaiñ', co' eáang'gui cali'iiñ' e ni'íiñ' iihu' lí' laco' la íng' dsea' góor' e lafa' e caliséiñ' juguiá' e nijmi'óor' cateá' jalé' e ja' dseeng' e sea' fí' jmigüi' la. 26 Co' ie' jo ca'í' dsíi' i Moí' do e guíá'guib ni'uíng' quiá'r' e ni'íiñ' iihu' uí' e sijeieñ' i dsea' i nisíng' Fidiée' i nileáng' ír' cóo'gui jaléng' i dsea' góor' dsea' Israel e lafa' e niliseeíñ' juguiá' e nijmi'óor' jalé' e jlo' e sea' fí' quiá'- i dseata' dsea' féng' quiá'- Egipto do; jo ja' cajmээр' lajo, co' nitab' dsíir' e ni'ím'bre lajúi' e catíiñ' e nicuó'- Fidiée' ír'.

27 Jogui la'eáang' e jáb'- calíng' i Moí' do júu' quiá'- Fidiée', joba' cagüi'í'bre cóo' jaléng' dsea' góor' e fí' Egipto do e júi' ja' lí'r' 'gór' doñi' fa' dsíng' caligüíng' i dseata' dsea' féng' do; jo ja' caquíiñ' tucaiñ' fí' lí' nisiñ', co' núu'bre cajmээр' laco' si'í' júu' quiá'- Fidiée' lí' laco' cuó'ng' fe'ee' e fa' dseáng'- lanab níiñ' i Fidiée' i seeng' car' ngongí' jmí'. 28 Jogui la'eáang' e jáb'- calíiñ' júu' quiá'- Fidiée' ie' jo, joba' coo' jmí'

ná'gui e ni'uóñ cō' jaléng' dseá' góor' e fí Egipto do, cajmée'bre náur' júu' quíá' Fidié' mĩ caquiá' dseá' do ta' quíá' lajaléng' dseá' Israel e nisúuñ' capí' jmi' jó' núu' fí dse' jn' quíá'r' lajaang' lajaañ', jo lajoba' ja' nijúung' i jiuung' siñuá' la'uii' quíá'r' do mi' tí' li' ningíng' i dseá' mojj' i nijngáng' jaléng' i jiuung' siñuá' la'uii' quíá' dseá' Egipto lí' laco'gui la ta' caquiá' Fidié' lamĩ jéeng'gui.

²⁹ Jogui la'eáang' e jáb' calíng' dseá' Israel júu' quíá' Fidié', joba' mi' tí' li' ca'uóñ' fí Egipto e cangotáañ' fí, jo lajee' teaañ' fí cacuo'r' e jmiñ' e siñ' mar Rojo lí' lafa' mi' ngir' fí ni' guóo' uó' quíá'; jo co' ngolíng' dseá' Egipto e óom'bre dseá' do, jo dsu' mi' tí' li' caguilíng' i dseá' Egipto e nicuá'r' e jmiñ' jo, jo lajee' e ningolíñ' guíá' jóob' jmiñ' mi' cajgó'r' jmiñ', joba' conguiab' cajúñ' lajññ' jóng.

³⁰ Jogui la'eáang' e jáb' calíng' dseá' Israel júu' quíá' Fidié', joba' cangir' coo' ya' laco' jmiñ' lajee' guíe' jmiñ' fí lacúng' lajíng' e iá' cuu' e ñí' eáang' e si' lacúng' e fiñ' Jericó. Jo mi' catí' e jmiñ' guíe' do, job mi' caquí' e iá' cuu' do. ³¹ Jogui la'eáang' e jáb' calíng' i dseam' i calisí' Rahab do júu' quíá' Fidié', joba' ja' cajúñ' colíng' cō' i dseá' góor' i seeng' fí Jericó do mi' tí' li' calíng' e fiñ' jo; co' i dseam' do guíab' calíñ' cō' tú' máng' dseá' Israel i caguilíng' fí quíá'r' lamĩ jéeng'gui i cangoquie' cuente jial lí' e fí jo. Jo i Rahab do lamĩ jmóor' ta' 'ñíng' 'ñia'.

³² Jo jmigui'bi sea' e 'né' fiñ' i 'ná' faco' dsitíng' quíe' e lajo: fa' jalé' júu' quíá' jaléng' i dseá' la i jáb' calíng' júu' quíá' Fidié' ie' malí' gui eáang' do lí' lajaléng' i dseañu' la: jaang' i calisí' Gedeón cō'gui jaang' i calisí' Barac jogui jaang' i calisí' Sansón cō'gui jaang' i calisí' Jefe' jogui jaang' i calisí' dseata' Daví' cō'gui jaang' i calisí' Samuel, jogui jaléng' dseá' i café' cuaiñ' quíá' Fidié' cajo. ³³ Jo la'eáang' e jáb' calíng' jaléng' i dseá' na júu' quíá' Fidié', joba' calí'bre jalé' 'ni' e catíñ' cō' dseá' jiéng', jogui ca'í'bre í' røø' jee' jaléng' dseá', jogui ca'ím'bre jalé' e guíá' e cajíng' Fidié' e nicuó' reiñ' lamĩ jéeng'gui, jogui caquí'bre jmiñ' e caláañ' e ja' cajmeáng' ie' í' jii' cō' mi' cangotáañ' fí jee' i jó' í'. ³⁴ Jogui calisém'bi cajo i líng' dseá' i caquí' jmiñ' i cayu' j' jo ja' cacáañ' cō' e j' do, jogui calisém'bi i caquí' jmiñ' i caleáang' yaang' e ja' cajúñ' cō' ñisú', jogui calisém'bi dseá' i caguá' fong', joba' dseá' laniim' ca'uíñ' quíá' jalé' jee' 'ni' jogui calí'bre jaléng' dseá' i 'ní' ní' quíá'r' cajo. ³⁵ Jo calisém'bi jaléng' dseam' ie' jo e la'eáang' e jáb' calíñ' júu' quíá' Fidié', joba' cangáb' tur e cají' tu' jaléng' dseá' sinuá' quíá'r' mi' cang' e nicajúñ'.

Jogui i líng'gui i dseá' i jáb' calíng' júu' quíá' Fidié' do ca'ím'bre iihu' e eáang' cartí' cajúñ', co' cajmeáang'gui quíá'r' e cajúñ' e laco'gui e nileáñ' ni' 'mó' fíng' catúr' júu' quíá' Dseá' Jmáang', co' calilí'bre e guíá'gui nidsijee' quíá'r' mi' nijí' tur calé' catú' fí ñif'. ³⁶ Jogui i líng' i dseá' do eám' ga' calé' dseá' cō'r' co' cartí' cabóong'neiñ' jogui calóong'neiñ' cajo, jogui i líng'gui ca'ñung' cō' ní' cadena, jogui i líng'gui cajo cangotáang' fí dsí' 'nuñí'. ³⁷ Jogui i líng'gui i dseá' i jáb' calíng' júu' quíá' Fidié' do cajngab' dseá' quíá'r' cō' layaang' cuu' osi cajmeér' tú' 'náang' dseá' do cō' ñí' sieer' é, osi cajúñ' e ca'ieíñ' ñisú' é. Jogui calisém'bi i dseá' í' cajo i ja' 'ga' lí' caliseá' jalé' e 'né', jogui cangir' fí la fí na e jii' loo' jó'ba' lí' s'í'r', jogui eám' ga' cajmeáng' jaléng' dseá' í', jogui cacuo'reiñ' iihu' e eáang' cajo. ³⁸ Jo jaléng' i dseá' í' jii' ja' catíñ' e nidsingñ' jalé' e iihu' do e fí jmigú' la fí lí' seeng' dseá' dsee' dseá' quí', jo dsu' jaléng' i dseá' í' eám' ca'íñ' iihu' e ngir' fí la fí na fí jee' mó' jogui fí ni' guóo' uó' quíá', jogui e jar' fí ná' lí' sitá' 'loo' cuu' fí lí' í' quíá' osi lacaang' lí' sitá' quíá' fí 'náang' uó' é.

³⁹ Jo nañ' fa' ca'ím' Fidié' jaléng' i dseá' do e líñ' dseá' i ja' røong' dsee' fí quinir' uí' e jáb' calíñ' júu' quíá' dseá' do, dsu' jii' jaang' i dseá' do lajee' taañ' fí jmigú' la ca'íñ' lajii' e nicajíng' Fidié' e nicuó' reiñ' lamĩ jéeng'gui quíá' e nisíñ' jaang' i nileáng' í' jee' jalé' dsee' quíá'r'; ⁴⁰ dsuco' Fidié' nicaguir' e guíá'gui quí' jneaa'aa', joba' jaléng' i dseá' i cajúng' lamĩ jéeng'gui do ja' mí' ca'íñ' lajii' e nicajíng' Fidié' lamĩ jéeng'gui

e nicuó'~reih' cartí mi~ niñing'naa' lajalé'naa' e nicajíng'~ Fidié~ e nicuó'r~ jneaa~aa' lamí~ jéeng'gui.

12

Jesúsbing' i 'né~ quie' nif' quí~ii'

¹ Jo co' fím' jaléng' dsea' quíá'~ Fidié~ i nicaliséng' ie~ mali' do tí' nir~ fí' quini'naa' lana jial dseáng'~ já'~ calíñ~ júu^ quíá'~ Fidié~ e car' ngocáng' dsír', joba' jneaa~aa' lanagui 'né~ e nisée~naa' cab' jalé' e ja' dseeng' e jmóo' jii' quí~ii' jogui jalé' dsee~ e jnáng' quí~ii' e ja' cuó' fí' e nijmó'naa' e guiá~, jogui 'né~ e nijmi'úung'naa' e teá'gui nisíng'~naa' lajii'~ fí' guiá~ lí' nitée~naa' lí' laco' catíng' e nijmé~ jaléng' dsea' quíá'~ Dsea' Jmáang~. ² Joba' fí~i 'nú', dsea' rú'naa', e lí' laco' ca'ée' Jesús, lajob 'né~ quíé'naa' cuente e ni'ee~naa' cajo, co' la'eáang' dsea' dobing' canaang' e já'~ lí'naa' júu^ quíá'~ Fidié~, jogui la'eáang' íb' cajo i jmi'ie' e laco' sí' e já'~ lí'naa' do. Jo Jesús ja' caquíñ'~ tucaiñ' mi~ ca'íñ' jalé' iihu' lajee~ e catáñ' fí' dse' crúu^ nañí' fa' e eám' ga' fí' quíá'~ jaléng' dsea' i júung' fí' jo. Co' niñi'bre e mi~ ning' e ni'íñ' e iihu' jo, eám' guiá~ ni'uíng' quíá'r' ; jo e jáb'~, lajob calí~, co' lana dob niguiñ' fí' ñif' lí' lí' dsé' laco' guíng' Tiquíá'r' Fidié~.

³ Jo uí'~ joba' í' ó'na' jalé' e guiá~ e cajmée' Jesús lajee~ e ga' cajmeáng' jaléng' dsea' dsee~ dsea' quí' ír', jo uí'~ joba' ja' 'né~ fa' e nijmifíng' yaang~na' o'gui fa' e nijmitúng' áa'na' e teáng~na' fí' guiá~ cóo'r'. ⁴ Co' 'nú' ja' mí' calíng'na' fa' e nicajúng~na' uí'~ e cuó'na' bí' yaang~na' e ja' nijjúng'na' fí' ni~ dsee~. ⁵ Jogui 'né~ e tóob' áa'na' cajo jalé' e cajíng'~ Fidié~ fí' ni~ jì' quíá'r' e sí'r' jaléng' 'nú', dsea' líng'na' jóor', co' lalab fé'r' fí' ni~ e jì' jo:

Jóo'o, ja' jmoo' laan' mi~ í' 'goo' quí'~,

o'gui jmitúng' o' cajo mi~ jín'n 'nú'.

⁶ Co' íb' jnea~ 'goo' quíá'~ i dsea' i 'neáan',

jogui røob' quidsii' í' cajo quíá'~ i dsea' i líng' jóo'o.

⁷ Joba' fí~i 'nú' e ni'ím'ba' lajii'~ e 'goo' e í' Fidié~, jo lajoba' dsea' do nito' fím'bre 'nú' e líng'na' jóor'; co' ja' jíe' lí' seeng' jaang' jóo' dsea' i ja' í' tiquíá' 'goo'. ⁸ Co' song Fidié~ ja' ír' 'goo' quí'na' mi~ 'né~ lajo lí' laco' jmóor' cóo'~ jaléng' jóor', joba' cuóong' fe'ee' jóng e jaléng' 'nú' ja' líng'na' dseáng'~ jóo' Fidié~ jóng. ⁹ Co' ie~ lamí~ jiuung~naa' do, íb' tiquí'ii' 'goo' quí'ii' laco' catíng~, joba' jmi'goo~baa're. Jo eáang'uib 'né~ e nijmi'goo~naa' Tiquí'ii' Fidié~ dsea' guíng' ñif' mi~ ír' 'goo' quí'ii', jo lajoba' nilí'naa' e nilisee~naa' cøong' cóo'r'~ lata~. ¹⁰ Jo lajee~ e seeng~teáa' fí' jmigü' la, íb' tiquí'ii' 'goo' cajo lí' laco' jii'~ e í' dsír' e guiá~gui quí'ii'. Dsu' Fidié~gui íb'bre 'goo' quí'ii' e lí' laco' nilí'íng' ta~ quí'ii' car' ngong' jmi~, jo lajoba' ni'uíng~naa' dseáng'~ dsea' guíng' lí' laco' lííñ' 'ñia'r'. ¹¹ Dsu' e já'~, ja' cuó' e íaang' dsí'naa' dseáng'~ ladsif' mi~ í' Fidié~ 'goo' quí'ii', co' hu'ím'jia lí' lajee~ jo; jo dsu' song ni'íng'~naa' e jo e ja' sée'~naa' dsee~, joba' guiáb' ni'uíng' quí'ii' jóng, co' lajoba' e niñing'naa' e nilisee~naa' juguiá~ cóo'~ Fidié~ e jmoo~naa' lajii'~ e iing' dsea' do.

Dseám' mi~ ja' iing' dsea' núr~ júu^ quíá'~ Fidié~

¹² Jo fí' guí' 'nú', dsea' rú'naa' dsea' quíá'~ Dsea' Jmáang~, cuóo'~gui bí' yaang~na' e laco' ja' nilitúng' áa'na' mi~ í' ó'na' e eám' hu'íng' lajii'~ e fí' guiá~ lí' niteáang~na', ¹³ jogui jmi'úung'na' e teá'gui nisíng'~na' e fí' jo, jo lajoba' cuóong' e nijmicóo'~na' jaléng' i dsea' rúng'na' i ja' 'goo' teáang' teá' e fí' guiá~ jo e laco' teá'gui nisíñ' fí' jo.

¹⁴ Jo jmi'úung'na' e seeng'na' juguiá~ júu^ røo' cóo'~ jaléng' dsea' rúng'na', jogui jmi'úung'na' cajo e laco' ja' nijjúng'na' fí' ni~ dsee~, co' jii'~ jaang' dsea' cuóong' liseeíñ' cøong' cóo'~ Fidié~ song ja' ni'náng' 'ñia'r' jee~ jalé' dsee~ quíá'r'. ¹⁵ Jo jmi'úung'na' lajaléng'na' e laco' ja' nitú'na' lajii'~ e guiá~ e ngíng'na' quíá'~ Fidié~. Jo ja' cuó' fí'

yaang~na' cajo fa' e nijmée^na' guíng~na' uii~ quíá'^ jaléng' dsea` rúng'na', co' e jo líf' lafa' e nilíng'na' coo` onuu' e guí~; co' fing líng'na' lajo, joba' dseáam~ e ni'lee~na' quíá'- jaléng' dsea` rúng'na' jogui e nidsicuáng'gui dsee~ quí-na' cóo'~ jaléng' dsea` caguaiang~gui. ¹⁶ Jo jíi'~ jaang' 'nú' jie~ mí' lee~na' e nigüíng'na' cóo'~ dsea` i o' quí-na', jogui jie~ mí' jmoo'na' e ja` nijmi'goo'na' lajii'~ ta~ quíu' Fidiée' lí' laco' cajmée` jaang' dseañu' i calisí Esaú ie~ malii~gui eáang' mi~ ja' cajmi'gór' lajii'~ e catíiñ~ quíá'- Fidiée'; co' i dseañu' í líiñ' siñuu' la'uii~ quíá'- tiquiá'r^, jo dsu' catá'bre e líiñ' lajo ie~ lamí' casiúiiñ~ coo` huí' e a~ jmiñ'. ¹⁷ Jo ñib' 'nú' guíá~ e mi~ cangí'gui lajo, mi~ cali'ing~ tiquiá'r^ e nicuó' reiñ' lajii'~ e catíiñ'~ do dsu' uí'~ e líiñ' jóor' la'uii~, dsu' ja' caquí'~ jmiñ' fa' e calíng'guir e jo, co' catá'bre e líiñ' lajo lajii'~ lamí' jéeng'gui; jo nañí' fa' eáam' camir' jmi'ee' cartí' caquí'r' ie~ jo, dsu' jo' e mí' caliseá' quíá'- lajii'~ e cajmée'r do.

¹⁸ Jo fíi~guí' 'nú', dsea` rú'naa' dsea` quíá'- Dsea` Jmáang~, e ja` caguiquíéeng'na' fí' quini' Fidiée' laco'gui cajmée' dsea` áang' quí-naa' dsea` Israel ie~ lamí' cangoquíéeiñ' e fí' tíi~ mó' Sinaí ie~ lamí' cangíiñ' e júu' quíu' ta~ quíá'- Fidiée'; co' ie~ jo e fí' jee~ mó' do uøø' niing~ jí' jogui sibé' jni' e nuu' só' jogui e eáang' í' guí' jogui e quie' güi'ñiá' cajo; ¹⁹ jogui canúur~ cajo jial tí' teá' calíi~ lúu' trompé'^ jogui canúur~ jial tí' teá' caná' luu~ Fidiée'. Jo jaléng' dsea` i canúu~ luu~ Fidiée' ie~ jo camir' jmi'ee' e niquiúu'~ dsea` do lajii'~ e fé'r' do, ²⁰ co' ie~ jo dseáng'~ eáam' cafóng' jaléng' i dsea` do mi~ canúur~ e caquíu' Fidiée' ta~ lala: "Doñí' ii' dsea` i nisi' tíi~ e fí' mó' la 'né~ nijúum~bre cóo'~ layaang~ cuu~ osi cóo'~ ñisu' é, jo ja' e lí' doñí' fa' jaang' jó", lajob 'né~ líng'ne' cajo." ²¹ Jo dseáng'~ eáam' cafóng' jaléng' dsea` áang' quí-naa' mi~ cangár~ jalé' e jo, co' jí'gui cartí' Moi~ cajíñ' ie~ jo e 'gó'r' cartí' jléeiñ'.

²² Jo dsu' jaléng' 'nú' ja' calíng~na' lajo, co' niseab' fí' quí-na' e nigüiquíéeng'na' dseáng'~ condsée' e fí' yú'^ mó' Sión fí' dseáng'~ lí' guíng~ Fidiée' i seeng' car' ngongí' jmí~, jo e fí' job lí' sii' Jerusalén 'míi~ e sea' fí' ñífi~ fí' lí' siseáng' i 'leáang~ ángeles i jmiféng' Fidiée'. ²³ Jogui lana niseab' fí' quí-na' e niseáng'na' colíing~ cóo'~ jaléng' dsea' quíá'- Dsea` Jmáang~ i caliséng' ie~ malii~gui do jo i nitaang~ fí' ni~ jí' quíá'- Fidiée' fí' ñífi~. Jogui cajo niseab' fí' quí-na' e nigüiquíéeng'na' fí' quini' Fidiée' i quidsí' í' laco' catíng~ quíá'- jaléng' dsea' jmigüi'; jogui niseab' fí' quí-na' e niseáng'na' colíing~ fí' ñífi~ cóo'~ jalé' jmigüi' quíá'- jaléng' dsea' i nicaláang~ jee~ jalé' dsee~ quíá', jo lana nilíiñ' dseáng'~ laco' iing~ Fidiée' e líiñ'. ²⁴ Jo niseab' fí' quí-na' cajo e cuóong' e niguilíng'na' dseáng'~ condsée' fí' quini' Fidiée' fí' lí' niguiing~ Jesús lana, i dsea' i caneáa' e fí' jo. Jogui íb' dsea' cajo i cacuø' jmi'øøng~ e laco' sea' fí' quíá'- jaléng' dsea' lana e niliseeiñ' cøøng' cóo'~ Fidiée' la'eáang' cóo'~ e júu' tigua' e 'míi~ e cacuø' Fidiée'; co' e jmi'øøng~ Jesús do eáang'gui laniing~ laco'gui e jmi'øøng~ Abel i caliséng' ie~ malii~gui do.

²⁵ Joba' fíi~ 'nú', dsea` rú'naa' dsea` quíá'- Dsea` Jmáang~, e contøøm~ 'né~ ñiing~ óo'na' e nijmée^na' náu'na' lajii'~ júu' e sí' Fidiée' jneaa~aa', dsuco' ne~baa' e ie~ malii~gui do jaléng' i dsea' i ja' calinúu' júu' quíá'r~ ja' caláaiñ~ jee~ jalé' iihuí'. Jogui jneaa~aa' eáang'guib ja' quí'naa' jmiñ' fa' e nileáng'naa' jee~ jalé' iihuí' e catíi~naa' song nijmó'naa' laang'naa' lajii'~ e júu' e sí' Fidiée' jneaa~aa' e cangíiñ' cóo'~ Jóor' Jesús fí' jmigüi' la e jáa' tí' ñífi'. ²⁶ Jo ie~ malii~ do e luu~ Fidiée' do cajmée' e cajlé' guóo'~ uø' fí' mó' Sinaí, dsu' lanagui jíng'~ Fidiée' e o' jíi'~ guóo'~ uø' nijmér~ e nijlé~tu, co' la quie' tí' yú'^ jmigüi'bij' nijmér~ e nijlé'. ²⁷ Jo mi~ fé' Fidiée' e nijmér~ e jo calé' catú~, joba' niñí' dsea' e ni'íim~ dsea' do jalé' e cajmée'r mi~ cagua' uiiñ~ jmigüi', jo nisé~guir fí' jmigüi' la lajii'~ e ja' quí'~ jmiñ' e ni'íing~. ²⁸ Jo ja' quí'~ jmiñ' fa' e ni'íing~ e Fidiée' quier' nifí' quíá'- jaléng' dsea' quíá'r~, joba' lana 'né~ nicuøø'baa' gui'máang' dsea' do jogui e nijmiféng'naa'r e ngocáng' dsi'naa' jogui e nijmi'goo'naa'r e nijmó'oo' jmang'~ jalé' e tí' dsíir'. ²⁹ Joba' majmé^naa' lajo, co' Fidiée' quí-i' líiñ' lafa' coo' jí' e íng' congua' lajalé'.

13

Jalé' e iáang` dsí' Fidié'ba' 'né' jmó'oo'

¹ Jo lalab fíi-guá' 'ná', dsea` rú'naa' dsea` quiá'- Dsea` Jmáang-, ja` tiúung'na' e jmi'neáang'na' jaléng' dsea` rúng'na' lí' laco' catíng- e jmóo' jaléng' dsea` quiá'- Dsea` Jmáang-. ² Jogui íing'na' e iáang` óo'na' jaléng' dsea` i guilíng- fí' quií'na' i jalíng- fí' lí' jíe', co' mĩ' cajmée` dsea` lajo lamĩ' jéeng'gui, i líng- i dsea` i caguilíng- fí' quiá'r- do líiñ' ángeles e jíi' ja' calilí'r^ e líiñ' do lajo.

³ Jogui jmicóo'na' jaléng' dsea` i sijnáng' fí' dsí' 'nuañí' lí' laco' iing'na' e nijmé- dsea` cóo' 'ná' fa' mĩ' 'ná' sijnáng'na'. Jogui jmicóo'na' cajo jaléng' dsea` i nicajmé' dsea` ga` quiá'- lí' laco'gui iing'na' e ni'é- dsea` guiá- cóo' 'ná' song cajmeáng' dsea` 'ná' lajo.

⁴ Jo lajaléng' 'ná' eáam' 'né- e nijmi'goo'na' quiá'- e cung' guoo' dsea`, jogui jie' mĩ' 'lee'na' e güüng'na' cóo' dseañu' osi dseam' i o' quií'na'; co' Fidié' niquidsí' í' laco' catíng- quiá'- jaléng' i dsea` i güüng' cóo' dseañu' osi dseam' mĩ' ná' gui e nicúng'- guór' osi jaléng' i dsea` i jmóo' lajo cóo' dsea` i o' quiá'r- mĩ' ningf' e nicúng'- guór'.

⁵ Jo ja' jmoo'na' e eáang' suung'na' jalé' cuu-, co' lí' lí' 'né- e nijmi'iaang` óo'na' cóo' lajíi' capí' e sea` quií'ba', co' lalab fé' Fidié' fí' nĩ' jí' quiá'r-: "Ja' quií' jmi' fa' e nijmihuíng' 'ñia'a cóo' 'na' o'gui fa' e nitiúun' 'na' cajo." ⁶ Joba' lalab cuøøng' fé'naa' e dseáng'- ta' dsí'naa':

Fíi Fidiéeb' dsea` i jmicóo' jnea~;

joba' ja' 'gó'o jíi' capí' ee' iing' dsea` jmigüi' nijmér- cóo' jnea~.

⁷ Jogui jmiguiéng' áa'na' cajo quiá'- jaléng' dsea` rúng'na' dsea` quiá'- Dsea` Jmáang- i nicajmicóo' 'ná' lamĩ' uii' quiá'- jialjá'- calíng'-na' júu' quiá'- Fidié'; jogui íi' óo'na' jial caliséiñ' cøøng' cóo' Fidié' cartí' catí' í' e cajúñ-, joba' teá'gui síng' yaang'na' cóo' júu' quiá'- Dsea` Jmáang- lí' laco'gui cajmée' i dsea` í' cóo' júu' quiá'- dsea` do.

⁸ Jo ja' sisíng' jíi' capí' Fíi'naa' Dsea` Jmáang-, co' røøb' líng' dsea` do latí' lajíi' lamĩ' ná' gui e nitiroo' jmigüi' jogui lana lí' car' ngongí' jmi' lajob líng' dsea` do. ⁹ Jo ja' cuø' fí' yaang'na' fa' e nijmi'goo'na' jalé' júu' e ja' cøøng' røø' cóo' júu' quiá'- Dsea` Jmáang-. Co' eáang'gui quíng' e tée'naa' teá' fí' guiá- cóo' Dsea` Jmáang- la'eáang' e 'neáang' Fidié' jneaa'aa' e lafa' e jmití'naa' júu' cuaiñ' quiá'- jalé' e cuøøng' osi e ja' cuøøng' dó'- dsea` é; co' jalé' e jo ja' ee' ta' íng' jíi' cóo' fa' e nijmicóo' quií'ii' fí' lí' nitée'naa'.

¹⁰ Jogui jneaa'aa', dsea` lí'naa' dsea` quiá'- Dsea` Jmáang-, seab' lafa' feá'- quií'ii' e jíi'naa' fí' quini' Fidié' mĩ' jmiféng'naa're. Jo dsu' ja' fí' sea` quiá'- jaléng' jmidsea` i lamĩ' jí' jalé' feá'- fí' quini' Fidié' lamĩ' jéeng'gui fa' e nidó'r- e lafa' feá'- quií'ii' do. ¹¹ Co' ie' lamĩ' jéeng'gui do, e ta' quiá'- jmidsea' laniing- quiá'- dsea` Israel quiá'- e nidsicar' jíi' jmi' jó' catí' Ée' lí' Laniing- Güeang'^ quiá'- e 'núu' 'mĩ' e lí' jmiféng' jaléng' dsea` do Fidié', jo cuø'r' Fidié' e jo e laco' la'uii' ni'íng- dsee- quiá'r- 'ñia'r', jogui mĩ' ningf' jo, ni'íng- dsee- quiá'- jaléng' dsea` góor'; jo dsu' i jó' i ca'uøø' jmi'øøng- do, cartí' caluu' fii' dsijíiñ' í'. ¹² Jo lajob calí' cóo' Jesús cajo, fí' caluu' fii' Jerusalén cajúñ- e laco' cóo' e jmi'øøñ- e catuu' do cajmée' cóo' jaléng' dsea` quiá'r- e jo' røøng'guiñ' dsee-. ¹³ Joba' fíi' 'ná', dsea` rú'naa' dsea` quiá'- Dsea` Jmáang-, 'né- e lafa' e nidsé'naa' cóo' dsea` do fí' caluu' fii' e ja' í' lí'naa' fa' jialgui la fé' dsea` ga' uii' quií'ii' lí' laco'gui cajmée' dsea` cóo' dsea` do. ¹⁴ Co' ja' sea` quií'ii' fí' jmigüi' la lí' see'naa' lata~, dsu' sijeem'baa' e nilisee'naa' e fí' fii' 'mĩ' quiá'- Fidié' e néé' fí' ñiff- quiá'r-, co' e job fii' e sea' lata~. ¹⁵ Jo uii' e joba' contøøm- 'né- jmiféng'naa' Fidié' la'eáang' cóo' Fíi'naa' Dsea` Jmáang-, jo e lab lí' lafa' e feá'- e 'né- e nijjíi'naa' fí' quini' Fidié'. Jo contøøm- 'né- e nijmiféng'naa're cóo' lajalé' e fé'naa'! ¹⁶ Jo e laba' 'né- cajo e contøøng- 'né- jmée'na' e ni'ee'na' guiá- cóo' jaléng' dsea` rúng'na' jogui e nijmicóo'na'r cóo' jalé' e sea` quií'na'; dsu' jalé' e naba' lí' lafa' e feá'- e nijjíi'na' fí' quini' Fidié' e laco' cuø' e iáang' dsí'r'.

¹⁷ Jo 'nú', jmee-ba' núu~na' cóo~ jaléng' dsea` quie' nifi' quí~na' jogui jmi'goo'na' dsea` do cajo, co' íb` dsea` i nées' ni' 'nú' contøøng~; co' niñib' i dsea` do guiá~ e fi' quini~ Fidiéeb' niguiéer' cuente jalé' e jmóor' cóo'~ 'nú'. Jogui cuøø~ bí yaang~na' e guiá~ ta~ nijmées'na' fi' quini~ i dsea` do, jo ja` jmeáang'~ yaang~na' e nijmées'na' laguidseaang^ doñí' ee` jmoo'na', co' fing song jmoo'na' lajo, joba' ja' e ta~ nili'íing^ quí~na' jíí'~ coo' jalé' e jo.

¹⁸ Joba' síi~naa' 'nú', dsea` rú'naa' dsea` quiá'~ Dsea` Jmáang~, e nimí'~na' Fidiéé' uii~ quí~naa'. Jo nitab~ dsi'naa' e Dsea` Jmáam~bing' i nica'íing~ conguaí' jalé' dsee~ quí~naa', jo uíi~ joba' ii~naa' e contøøm~ ni'ee~naa' e guiá~ cóo'~ lí' doñí' ee` jalé' e jmoo~naa'.

¹⁹ Jogui la guíim' mii'~i 'nú' cajo e niføng'^na' Fidiéé' uii~ quie~ e e laco' dsea` do nicuø'r~ jnea~ fi' e lajee~ lajminá~ niliseeng~ túu cóo'~ 'nú' calé' catú~.

Júu^ lí' ngóo' cadséng~ e catüng~ dsea` Israel

²⁰ Jo mii'~i Fidiéé' i cuø' e see~naa' juguiá~ júu^ røø', jogui i cajmée' e cají'tu Fii'naa' Jesús jee~ jaléng' 'lí', jogui i jmóo' í' jneaa'aa', dsea` lí'naa' lafa' jo'se' quiá'r~; joba' mii'~i la'eáang' cóo'~ jmi'øøng~ Dsea` Jmáang~ e catúu' fi' dse' crúu^ e tíi' ni~ lata~ e júu^ tigua' e 'mii' e cajmée' Fidiéé' cóo'~ jneaa'aa', ²¹ joba' mii'~ire e la'eáang' cóo'~ e job nijmér~ e ni'uíing~na' dsea` guiúng~ i ée' røø' laco' sí'í', jo lajoba' cuøøng' e jmées'na' dseáng'~ lajíí'~ e iíñ~; jogui mii'~i dsea` do e nijmér~ lajíí'~ e iíñ~ cóo'~ jneaa'aa' e iáang' dsíir' la'eáang' cóo'~ i Jóor' Dsea` Jmáang~. iJo majmifém'baa' Dsea` Jmáang~ lata~! Jo lajob 'né' lí'.

²² Jo mii'~i 'nú', dsea` rú'naa' dsea` quiá'~ Dsea` Jmáang~, e ni'ím'~ba' e féng' óo'na' lajíí'~ capí' júu^ cuø' bí e nica'fii'~i 'nú' e fi' ni' jì' quie~ e la. ²³ Jogui jmóo'~o 'nú' júu^ cajo e i dsea` rú'uu' dsea` quiá'~ Dsea` Jmáang~ i sii' Timoteo nicagüi'í'bre fi' dsíi' 'nañí'; jo song cagüéiñ~ fi' la lajminá~, joba' nijøøm^baare fi' na mi~ ninii'~i ni'ee' e 'nú' jóng.

²⁴ Jogui guicóob'~ jaléng' dsea` quiá'~ Dsea` Jmáang~ i quie' nifi' quí~na' fi' na, lí' lajaléng' dsea` rú'naa' dsea` quiá'~ Dsea` Jmáang~ caguaang~gui i seeng' fi' na. Jogui guicóo'~baa' jíng'~ jaléng' dsea` rú'naa' dsea` quiá'~ Dsea` Jmáang~ i neáang' fi' la fi' lí' se' Italia.

²⁵ Jo güi'íib' Fidiéé' güea'~ quiá'r~ fi' jee~ 'nú' lajaléng'na'. Jo lajob nilí'.

Jì e cajme' TIÁÁ~

¹ Jnea~ sii~ Tiáá~, jaang` dsea` ì jmóo` lajii~ e iing~ Fidiée` cóo~ gui Fíi`naa' Dsea` Jmáang~, jo jmo'o e jì la e catíng~ lajì` guitu' 'lé' dsea` Israel ì líng' dsea` quiá~ Dsea` Jmáang` ì sisoo` sijóng` fí' la'úng~ fí' jmi'güí. Guicóo~'baa' lajaang` lajaang`na'.

Fidiée`bing' ì jmicóo~ dsea` e ñir' e~ nijmér~

² Dsea` rú'naa' dsea` quiá~ Dsea` Jmáang~, güili'iaang` óo'na' mi~ íng~'na' lí' doñí' ee' e huíng', ³ dsucó' niñí' 'ná' guiá~ e mi~ móo~na' jalé' e huíng' do, joba' eáang'gui sea` bí quií'na' e té'na' fí' guiá~ lí' niteáang`na' cóo~ Dsea` Jmáang~. ⁴ Jo có' jmi'úum`ba' e dseáng~ té'ba' e nisíng~na' teá'gui e fí' guiá~ do cóo~ jalé' e dsingúng~na' do, joba' niliguiúng~na' laco' sí' fí' quini' Fidiée`.

⁵ Jo song jaang` dsea` lajee` la'ó' 'ná' ja` ñir' e~ nijmér~ quiá~ lí' doñí' ee', joba' 'né' e nimí'r~ Fidiée` e nijmicóo~ quiá~ e ni'f' dsír' e~ jalé' e nijmér~ quiá~ jalé' e camír' do; có' í'bing' cuø' jaléng` dsea` lalíng` jogui e íaang` dsír' mi~ mi' dsea` ír' e jmicóoiñ~ do quiá'r~, jogui ja' e 'gaaiñ` jii~ cóo' quiá~ jalé' e jo cajo. ⁶ Dsu' mi~ nimí'r~ Fidiée` lajo, 'né' e jáb~ nilíiñ` e nijmicóob~ dsea` do quiá'r~, jogui ja' í' dsír' jii~ cóo' fa' e dsea` do ja` nijmicóo~ cóo~ e jo; có' song ii~ dsea` ja` óor` júu` ta` dsí' e nijmicóo~ Fidiée` quiá'r~, joba' ì dsea` í' líiñ` lafa' jmi~ mi~ dsiguíng~ cóo~ guí' fí' la' fí' na. ⁷ Jo ì dsea` ì líng' lajo ja` güi'f' dsír' fa' líng~ ee' nijmicóo~ Fidiée` quiá'r~, có' ja` niñíiñ` jii~ cóo' e jo quiá~ dsea` do. ⁸ Có' ì dsea` la'f', lana í' dsír' cóo' jogui dsa'ó' e jiéb' ni'f' dsír', jogui ja' iu~ dsír' cóo~ jalé' e jmóor` do cajo.

⁹ Jo fíi' guí' 'ná', dsea` rú'naa' dsea` quiá~ Dsea` Jmáang~, e ii~ lajee` la'ó' 'ná' ì ja' 'ga' lí' sea` quiá~ fí' jmi'güí la, joba' 'né' e nijmi'iaam` dsí' ì dsea` la'f', có' Fidiée`bing' ì niseáng' ì dsea` do yú' mi~ nití' oor~ quiá'r~. ¹⁰ Jogui lajobi cajo ii~ lajee` la'ó' 'ná' ì sea` cuu~, 'né' e nijmi'iaam` dsí' dsea` do fíng' cajmée` Fidiée` e nijgiáaiñ~ dsea` do, có' ì dsea` sea` cuu~ do líiñ` lafa' cóo' lí' quiá~ lí' doñí' ee' onuu, có' ja' huøø` té' e jí'. ¹¹ Có' mi~ niliguii~ iee', dsifí' lajob lífíng~ lí' quiá~ e onuu` do, jo dsifí' ladob nité' fí' ni~ uø~, jogui íim~ lajii~ e ia' do. Jo lajob lí' cóo~ ì dsea` sea` cuu~, có' mi~ nití' oor~ quiá'r~ e nidséiñ~ fí' jmi'güí cóo~, catá'bre lajalé' e sea` quiá'r~ fí' jmi'güí la.

Mi~ dsingúng~ dsea` jalé' e huíng'

¹² Juguiá~ jiu quiá~ jaléng` dsea` ì jmóo` té' cóo~ jalé' huíng' e dsingúñ~ uíi~ e ja` jmóor` jalé' e ja` dseeng`, dsucó' mi~ ningí' e cajmээр` e jo, joguiba' ni'íñ' lajii~ e guiá~ e catíiñ~ e niliseeiñ` cøong` cóo~ Fidiée` lata~, có' lajob júu` cacuø' Fidiée` lamí~ jéeng'gui quiá~ jaléng` dsea` ì jmi'neáang` ír'.

¹³ Jogui mi~ iing~ jaang` dsea` e nijmér~ e ja` dseeng`, jo ja` güi'f' dsír' e Fidiée`bing' ì jmóo` e iñ~ e nijmér~ lajo, có' Fidiée` ja` catíiñ~ jii~ capí' fa' e nijmér~ e ja` dseeng`, o'gui jmóor` fa' e lajob nijmé~ dsea` jíeng` cajo. ¹⁴ Dsu' ja' lí' lajo, có' lí' lí' yaam~ dsea` í' dsír' ga', jogui yaam~bre cajo iñ~ e nijmér~ jalé' e ja` dseeng`, có' job' liquiéé' quiá'r~ e niligøøiñ` e nijmér~ jalé' e ja` dseeng` do. ¹⁵ Jo cóo~ jalé' e ga' e í' dsír' do, e joba' jmóo` e jmirøng` dsee~ yaaiñ~. Jogui mi~ ni'múng~ eáang' e dsee~ do, joba' ì dsea` í' ni'nám`bre cóo~ Fidiée` lata~ jóng.

¹⁶ Joba' fíi' guí' 'ná', dsea` rú'naa' ì 'neáan`n eáang', ja` jmi'gøøng` yaang~na' cóo~ jalé' e jo. ¹⁷ Jo Fidiée`bing' ì cuø' jneaa`aa' jalé' e guiá~ jogui jalé' e niguo', jo íb` cajo ì cajmeáang` jaléng` ì jmi'neá` jì ì seeng` fí' yú' jmi'güí e laco' sea` jmi~ jogui sea` uøø. Jogui 'ñia' Fidiée` ja` tóo~ jmi~ fa' e nilisíiñ~ laco'gui lísing~ jalé' jì ì seeng` fí' yú' jmi'güí, có' ja` quí' jmi~ e nilí' lajo, có' dseáng~ røøb` líng' dsea` do lata~. ¹⁸ Jo có' Fidiée` 'ñia'bre cali'iñ~, joba' cacuør' e nilisee~naa' cøong` cóo~r~ la'eáang` cóo~ e já' lí'naa' júu`

quíá'- Dsea` Jmáang-. Jo cajméer` lajo e laco' jaléng' jneaa`aa', dsea` lí'naa' dsea` quiá'r-, nisíng'-naa' fí' quini`gui jee` jaléng' dsea` i nijmé- Fidiée` i nilíng- dsea` quiá'r-.

Jial lí' mi` dseáng'- e já'- e licuíng` dsea` Dsea` Jmáang-

¹⁹ Jo téé' óó'na' jalé' e júu` la, dsea` rú'naa' i 'neáan`n eáang', e lajim` 'nú' 'né- guiéeng` guiá- yaang`na' e ninúu`na' røøb`; dsu' ja` 'né- fo`na' ladsifí' e ja` mí' ca'íi' óó'na' røø, o'gui cuó' fí' yaang`na' e jmée`na' guíng`na' quiá'- doñí' ee' e jmóo` dsea` cóo' 'nú'.

²⁰ Dsuo' mi` jmiguíng- dsea` rúin', joba' ja` éer` røø laco' catíng- e jmóo` dsea` quiá'- Dsea` Jmáang-, co' ja` jmóor` laco' iáang` dsíi' Fidiée` e nilí. ²¹ Joba' fíi' i 'nú' e 'né- tú'ba' jalé' e ja` dseeng` e jmoo`na' fí' jmigüi` la, jogui ca' 'naang`na' cajo jalé' e 'lí' e sea' fí' jmigüi` la, jo íng'na' e ngocáng` óó'na' lajii` júu` quiá'- Dsea` Jmáang- e nicanáa`na', dsuo' e júu` joba' e quíi` jmií' e nileáng`na' jee` jalé' dsee- quí'na'.

²² Jo dsu' ja` e ta` íng` quíi`na' lico' nuu`na' e júu` jo song ja`gui jmití'na'. Dsuo' song ja` jmití'na' e jo, joba' lí' jmigøøng` yaam`ba' jóng e líng`na' dsea` quiá'- Dsea` Jmáang-.

²³ Jo jaléng' i dsea` i lico' núu' e júu` jo dsu' ja`gui jmitir` laco' catíng-, joba' i dsea` í líin' lafa' jaang` dsea` mi` jøøng- 'ñia'r' dsíi' sí' jo jnéem- jial laco' ír; ²⁴ jo dsu' dsifí' mi` cangí e cangáng- 'ñia'r' dsíi' e sí' do, ca'ím- dsíir' jialco' líin' ladsifí' lado jóng. ²⁵ Jo dsu' i dsea` i ja` íng- dsíi' jalé' e júu` quiá'- Dsea` Jmáang- e núur` do, jogui núu`bir e ngocáng` dsíir' e jo, joba' dsea` í'bing' i contøøm- tóo' dsíi' e nileáiñ` jee` jalé' dsee- quiá'r` la'eáang` cóo' júu` quiá'- Dsea` Jmáang-, jogui íb` cajo i niliseeng` juguiá- cóo' Fidiée`.

²⁶ Jogui song jaang` dsea` í' dsíir' e líin' dsea` quiá'- Dsea` Jmáang- jo dsu' mí' 'noo`bi fé'r' júu` e ja` dseeng`, joba' i dsea` í'bing' i jmigøøng` yaang` e líin' dsea` quiá'- dsea` do, jo dseáng'- ja` ee' ta` íng` jii` cóo' quiá'r- cóo' lajii` e fé'r' do e cuiñ` Dsea` Jmáang-.

²⁷ Jo lajii` dsea` i ja` beáng' dsee- yaang` cóo' jalé' e 'lí' e sea' fí' jmigüi` la, jogui jmicóo'r` jaléng' jiuung` 'ná' jogui jaléng' dseam` i 'ná' cóo' jalé' fí' í' dsíi' e sea' quiáin'- do, jo lajii` dsea` í'bing' i dseáng'- lajang'- líng' dsea` quiá'- Dsea` Jmáang-, jogui ja` ee' si' líin' jii` cóo' fí' quini` Fidiée` cajo.

2

'Né- ée` dsea` røøb` cóo' jaléng' dsea` rúin'

¹ Jogui fíi` guíi` 'nú', dsea` rú'naa' dsea` quiá'- Dsea` Jmáang-, co' 'nú' líng`na' dsea` quiá'- Dsea` Jmáang- i dsea` i laniing- 'gøng' do, joba' 'né- e ee`na' røøb` cóo' jaléng' dsea` jmigüi`. ²⁻³ Cofa' lí' lí' lala: e cóo' lí' siseáng`na' fíng`na' colíng-, jo lajee` e siseáng`na' do niguiée' jaang` dsea` i sea` cuu- i qui' 'mi' e jlo` jogui quier` ní' iu` niguoo' e 'mo' eáang', jo joba' eáam` guiá- ni'íng`na're, jogui jaang` 'nú' nifí'na're lala: "Ní' e fí' lí' jlo`gui la." Dsu' lajee` job cajo niguiée' jaang` dsea` tiñíng- e fí' lí' siseáng`na' do i qui' 'mi' e sito', jo jaang` 'nú' nifí'na're lala: "Do güinoo`tea 'nu' lí' doguijia", osi "Güiguieeng`tea uø' lí' ni` uø' lí' do." ⁴ Jo song lajobi fó'na', joba' gab` lí' qui'na', co' nijmoo`na' e niguíim`ba're jóng uíi` e ní'í' óó'na' e dsea` sea` cuu`bing' i niing`gui, dsu' o' lajo.

⁵ Jo náu`na' jalé' e nifíi`guíi` 'nú' la, dsea` rú'naa' dsea` quiá'- Dsea` Jmáang-: 'Né- nicá- 'nú' cuente e Fidiée`bing' nicaguíng' jaléng' dsea` tiñíng- fí' quini` jaléng' dsea` jmigüi` e laco' ni'uíin'- do dsea` i lajang'- teáang- teá' fí' guiá- cóo' Dsea` Jmáang- laco' si'í', jogui lajoba' e ni'íng' i dsea` í' e Fidiée` quie' nifí' quiá'r- lí' laco' jii` e nicajíng'- dsea` do lamí- jéeng`gui e nicuø'r- jaléng' dsea` i 'neáang` ír. ⁶ Jo dsu' 'nú' lí' lí' jmi'uøng`na' jaléng' dsea` tiñíng-, co' ja` jmi'goo`na're. Jo zja` ca`na' cuente e jaléng' dsea` sea` cuu`bing' i jmáng' 'nú' ga', jogui í'bing' cajo i dsijeáang- 'nú' laguidseang` fí' quini` dseata`? ⁷ Jo téé' óó'na' cajo e i dsea` sea` cuu`bing' i fé' júu` 'lí' quiá'- Dsea` Jmáang- cóo' jaléng' dsea` quiá'r-.

⁸ Jo e guiá`ba' jmoo` 'nú' song dseáng'- e lajang'- náu`na' lajii` júu` e laniing- eáang` lí' laco'gui la fé' fí' ní' jii' quiá'- Fidiée` lí' fé' lala: "Jmi'neáang` jaléng' dsea` rún' lí' laco'gui jmi'neáan' uø'." ⁹ Dsu' fíng song ja` røø` jmoo`na' cóo' lajaang` lajaang` dsea` rúng`na',

joba' nilí' e nibeáang~na' dsee- yaam~ba' jóng, jogui ni'oo~ba' dsee-, co' ja' cajmití~na' júu^ quiá' ta~ quiá'- Fidiéé. ¹⁰ Jo fa' núu~ jaang' dsea' jalé' e júu^ quiá'- Fidiéé do dsu' ja' jmitir~ fa' coob' e júu^ do, joba' dseáng~ oo~bre dsee- jóng, co' ja' jmitir~ dseáng~ lajalé' e júu^ quiá'- dsea' do. ¹¹ Co' 'ñiab' Fidiéé dsea' cajíñ'- lala cajo: "Ja' 'lee~ e güñ' cóo~ dseañu' osi dseamí i o' quií'." Jogui cajím'-biguir cajo: "Ja' jngan'^ dsea' rún'." Joba' jia' fíng ja' mí cajmée' dsea' e güññ' cóo~ dsea' i o' quiá'r-, jo dsu' song nicajngam~bre dsea' rúññ', joba' nicabeám' dsee- 'ñia'r' jóng, co' ja' mí calinúu'r~ dseáng~ lajalé' júu^ quiá'- Fidiéé. ¹² Jo lí' doñí ee' e nifo~na' osi lí' doñí ee' e nijmée~na', 'né- ni'ee~na' røð' laco' catíng- e jmóo' dsea' quiá'- Dsea' Jmáang-, co' Fidiéé~bing' i niquidsí í' quií~na' cóo~ e júu^ e nileáang~naa' jee~ jalé' dsee- quií~ii' do. ¹³ Jo jaléng' dsea' i ja' mí fí~ calíng- jaléng' dsea' rúng', joba' lajob nijmé- Fidiéé cóo~ ír' cajo mí tí lí~ nití- í' quiá'r-; jo dsu' jaléng' gui dsea' i nicalí- fí~ líng- jaléng' dsea' rúng', guiáb- nidsijéé quiá'r- mí nití- oor~ e niquidsí Fidiéé í' quiá'- jaléng' dsea' jmigüf.

'Né- e jmitib~ dsea' o' lico' fé'r'

¹⁴ Jo lajoba' fí~guí 'nú', dsea' rú~naa' dsea' quiá'- Dsea' Jmáang-, dseáng~ ja' ee' ta~ íng^ quií~na' e fó'na' e já'- líng~na' júu^ quiá'- Dsea' Jmáang- song ja'gui jmití~na' lajii~ júu^ quiá'- dsea' do. Co' i dsea' i fé' e já'- líññ' júu^ quiá'- Dsea' Jmáang- jo dsu' ja' núu'r~ e fa' jmitir~ e júu^ jo, joba' dseáng~ ja' nileám~bre jee~ jalé' dsee- quiá'r-. ¹⁵⁻¹⁶ Fa' majmée~duu' cuente e jaang' dseamí osi jaang' dseañu' i líng' dsea' quiá'- Dsea' Jmáang- i ja' sea' jalé' e 'né-, fa' la sí'r^ osi jalé' e dór- e lalíng' laco~ jmí~ laco~ jmí~, jogui jaang' lajee~ 'nú' nifí~na' relala: "Guóng' cóo~ e guiá- guiá' fí, jo ja' güñí güiquín', jogui quié' la tí' e já- o'." Jo dsu' fíng song i dsea' i cajíng~ do ja' ee' cuø'r' jii~ coo' i dsea' í lajii~ e 'né- quiá'r- e táañ' fí jmigüf la, joba' dseáng~ ja' ee' ta~ íng^ e jo jii~ coo' quiá'r- fíng song lajobi jmóor'. ¹⁷ Jo lajob lí' mí jíng~ dsea' e já'- líññ' júu^ quiá'- Dsea' Jmáang-, dsu' fíng song ja'gui núu~ dsea' dseáng~ lajalé' e júu^ quiá'- dsea' do, joba' ja' ee' ta~ íng^ quiá'r- e jiiñ- e já'- líññ' e júu^ jo. Co' song ja' éer' laco' sí'f' cóo~ e júu^ e já'- líññ' do, joba' ja' ee' ta~ íng^ quiá'r- jii~ coo'.

¹⁸ Jo jialfa' i líng~ dsea' nifé'r': "Nu' fó' e já'- lín' júu^ quiá'- Dsea' Jmáang-, jogui jnea~ fá'- a e núu~baa e júu^ jo." Joba' fí i 'nú', ée~du' jnea~ e já'- lín' júu^ quiá'- Dsea' Jmáang- nañí fa' e ja' núu~ e júu^ jo, jogui jnea~gui ni'ée~duu' nu' e dseáng~ e jáb'- lín'n júu^ quiá'- Dsea' Jmáang-, co' dseáng~ núu~baa e júu^ jo.

¹⁹ Jogui 'nu' nijá'- nilín' e seem' Fidiéé, jo guiáb- jmóo' song lajob í' o', co' e já'- e júu^ jo. Dsu' 'né- e tóo' o' cajo e la quie' tí jaléng' i 'lim'^ já'- líññ' e jo, joba' dsíng~ jléeññ' dsu' uí' e 'gñíñ' Fidiéé. ²⁰ Jo jie~ mí jmícaan' melé-, co' ja' ee' ta~ íng^ jii~ coo' quií'- e já'- lín' júu^ quiá'- Dsea' Jmáang- song ja'gui núu~ e júu^ jo. ²¹ Co' 'né- e tóob' o' cajo e ca'ím' Fidiéé i 'lí~ yúu~ quí'ii' i sii' Abraham do e líññ' jaang' dsea' guiúm- fí quinir~, co' cajmée~bre núu'r~ júu^ quiá'- Fidiéé mí cacuøíñ' i jóor' i sii' Isáa' do e sí'f' nijngáññ'- do fí quini~ dsea' do. ²² Joba' niñí~bi e i 'lí~ yúu~ Abraham do cajmilir~ e já'- líññ' júu^ quiá'- Fidiéé uí' cóo~ jalé' e cajmée~r' do. Jo la'eáang' cóo~ e jo, joba' cuø' lí- e ca'lié' e dseáng~ e jáb'- líññ' júu^ quiá'- dsea' do laco' sí'f'. ²³ Jo lajoba' caliti~ jalé' e fé' fí ni~ jii' quiá'- Fidiéé lí' fé' lala: "I 'lí~ yúu~ Abraham do jáb'- calíññ' júu^ quiá'- Fidiéé, joba' Fidiéé ca'íñ' dsea' do e líññ' jaang' dsea' i ja' carøng' dsee-." Joba' calisí i 'lí~ yúu~ Abraham do jaang' dsea' i eáang' iing~ rúng' cóo~ Fidiéé.

²⁴ Jo niñí~bi 'nú' guiá- cajo e ím' Fidiéé dsea' e líññ' dsea' i ja' røøng' dsee- jaléng' i núu~ jalé' júu^ quiá'r-, jo o' i dsea' i jii~ lico' fé' e já'- líññ' júu^ quiá'- dsea' do.

²⁵ Jo lajob calí- cajo cóo~ jaang' dseamí i sii' Rahab i caliséng' malií~gui eáang' i cajmée' ta~ 'núng' 'ñia'. Co' ie~ jo Fidiéé ca'ím' breññ' do e líññ' jaang' dsea' i ja' røøng' dsee- fí quinir~ uí' e cajmée~r' e cacuø' lí~ nijé- dsea' Israel i casíng' dsea' góo' Josué nú'-gui e níngíng- jaléng' dsea' Israel do fí lí~ se' Canaán. Jo i dseamí la cajmicóo~bre i dsea' do e

caguiéng'neiñ' fí lí' jié' e laco' caláiñ' do cóo' jaléng' dsea' i 'ní' ní' quiá'r'. ²⁶ Jo lajob lí', fa' mi' cango' jmiguí' quiá' jaang' dsea' jo júum' bre, joba' jo' ee' ta' íng' jíi' cóo' e ngúu' táaiñ' do jóng. Jo lajob lí' cajo, ja' ee' ta' íng' mi' fé' dsea' e já' líiñ' júu' quiá' Fidié' song ja'gui núu'r' fa' e nijmitir' e júu' quiá' dsea' do.

3

'Né' e quie' í'ba' jalé' e fé' dsea'

¹ Dsea' rú'naa' dsea' quiá' Dsea' Jmáang', ja' í' óo'na' fa' e ja' huíng' e líng'na' tifa' i e' júu' quiá' Fidié', co' nín'ba' guiá' e eáang'gui ni'í' Fidié' í' qui'íi' jaléng' jneaa'aa' dsea' lí'naa' tifa' mi' ja' núu'naa' e júu' jo laco'gui i dsea' caguaang'gui i ja' e' e' júu' jo. ² Jo e jáb', e lajii'baa' dsea' lí'naa' dsea' jmigüi' ee'naa' dsee'. Jo dsu' song seeng' jaang' dsea' i ja' røong' jíi' cóo' dsee' cóo' jalé' e fé'r', jo i dsea' í'bing' i guiúng' laco' sí'í' fí' quini' Fidié', jogui íb' cajo i lí' jmé' e ja' nitéiñ' fí' ni' dsee' cóo' lí' doñi' ee' e lí' dsí' ngúu' táaiñ' do cajo.

³ Fa' laco' mi' iing' jaang' dsea' e nilinúu' cuea' quiá'r' lajii' ta' quiu'r', joba' ta'r' coo' ní' freno fí' mo'oo' i cuea' do e laco' nilinúu're' lajii' ta' quiu' fí're'. Jo cóo' jíi' e ní' dob e jmóo' dsea' e núu' i cuea' do mi' ee'go iing' dsea' e nijmé're'. ⁴ Jogui lajobi lí' cajo cóo' jalé' móo', e nañi' fa' jialgui la tí' cóo', jogui 'lea' gui' e huíng' eáang' e móo' do e laco' ningí', dsu' cóo' coo' ní' jiba' e sií' timón e e' fí' jié' fí' lí' iing' i dsea' i quie' do e nidsé' e móo' do.

⁵ Jo lajob lí' cóo' nisí'naa' cajo, co' coo' e pí'gui lí' jee' lajalé' guotii'naa', dsu' cóo' e jo dseáng' jmgui'ba' e cuøong' fé' dsea' e guiá' jogui e ja' dseeng'. Jogui lajobi cajo cóo' capí' 'ma' í' cuøom' e nijmé' e nicó' mó' e fe' eáang', ¿já' já'? ⁶ Jo e nisí'naa' do lí' lafa' jib'; jogui cajo lí' lafa' coo' e 'li' e 'léé' mi' fé' dsea' e ja' dseeng'. Jo mi' litíng' e fé' dsea' lajo, gab' uíng' quiá'r' jóng lajee' e seeiñ' fí' jmigüi' la, jo jalé' e 'li' e fé'r' do jáa' fí' lí' 'li'.

⁷ Jogui seem' i líng' dsea' i tíng' e' jaléng' jó' e laco' nilinúu're', fa' jaléng' jó' i ngí' jee' mó' jogui jaléng' ta' jogui jaléng' jó' i dsijñúung' uo' cóo' jaléng' jó' teáang' jmí'. ⁸ Dsu' jíi' jaang' dsea' jmigüi' quí'r' jmí' e ni'é'r' nisí'r' e laco' nilinúu', co' e nisí'r' do lí' lafa' nó' mi', co' contøom' í' jleng' e 'léé' cóo' jalé' e fé' dsea'.

⁹ Jo cóo' nisí'baa' jmiféng'naa' Tiquí'ii' Fidié' dsea' guíng' ní'fí', jogui cóo' e job cajo 'lee'naa' mi' ee'go fé'naa' ga' uii' quiá' jaléng' dsea' rú'naa' i cajmeáang' Fidié' lí' laco' líiñ' 'ña'r'. ¹⁰ Jo lajob lí', dsea' rú'naa', dsuco' fí' mo'oo' jaang' dsea' cuøom' lí' uo' júu' e jmiféiñ' Fidié' jogui júu' e fé'r' ga' quiá' dsea' rú'iñ' cajo, jo dseáng' ja' dseeng' e nijmé' dsea' lajo. ¹¹ Jo lajob lí', dsea' rú'naa', co' ja' cuøong' e fa' coo' ojmí' nicuø' tú' 'lé' jmí', ca'íng' e ráang' jogui ca'íng' e níi'. ¹² Jogui lajobi cajo fa' coo' 'ma' güiñí', ja' cuøong' fa' nicuø' ofí' e jié', co' jíi' güiñí'ba' e cuøong' ni'í' yá'; o'gui huíng' güíng' jó' cuøong' fa' e nicuø' güiñí' yá', o'gui coo' ojmí' níi' cuøong' cuø' jmí' e ráang', co' jíi' lajob lí', ¿já' já'?

Jial líng' dsea' mi' dseáng' já' e cangíiñ' e tíiñ' ngáiñ'

¹³ Jo lajob fí' guí' 'nú', dsea' rú'naa', song seeng' i líng' lajee' la'ó' 'nú' i dseáng' lajang' e ngíiñ' e tíiñ' jogui e ngáiñ', joba' 'né' e nijmilib' i dsea' do e líiñ' lajo la'eáang' e éer' røo' jee' la'ó' dsea' rú'iñ' jogui la'eáang' e jmicóo'r' dsea' rú'iñ' cajo, dsu' ja' tíng' e jmicøong' yaaíñ'. ¹⁴ Jogui song íi' 'nú' í' óo'na' e tíng'na' ngáng'na' dsu' contøom' guíng'na' dsea' rúng'na' jogui jmoo'na' jløng'na' cóo'r', jogui lajii' e jmoo'na' do lí' jíi' e líng'na' yaam'ba', joba' gab' lí' song jmoo'na' lajo, co' júu' ta' júu' e líng'na' jaang' dsea' i cangíng' e tíng' ngáng'na' song jmoo'na' lajo. ¹⁵ Dsu' mi' líng'na' lajo, o' e cacuø' Fidié' e tíng'na' do, co' laji' e na' jíi' e jmóo' dsea' dsee' dsea' qui' fí' jmigüi' lab e núu'r' lajii' ta' quiu' 'ña' fí' i 'lí' m'. ¹⁶ Co' mi' seeng' dsea' i dsihuíng' quiá' rúng' osi jmi'jløng' yaaíñ' é, jo job lí' uíng' e có' ga' quiá' i dsea' la'í, jogui uíng' quiá' e jmóo'guir jalé' e 'li' e jié'gui

e sea` fí jmiǵüü` la cajo. 17 Dsu` jaléng`gui dsea` i dseáng`- lajang`- cangíng` quiá`- Fidié` e tiiñ` ngáiñ`, joba` jmang`- e guiá`ba` jmóor`, jogui juguiá` júu` røø` seeiñ`, jogui guiáb` dsír`, jogui fém`bi dsír` cõo`~ jaléng` dsea` rúíñ`, jogui eám`bi fi` líiñ`- jaléng` dsea` rúíñ` jogui jmicõo`~bre jaléng` í cajo, jogui jmang`- júu` jáb`- fé`r`. 18 Co` jaléng` dsea` i cuø` bí yaang` e seeiñ` røø` cõo`~ jaléng` dsea` rúíñ` jogui e jmicõo`~biguir jaléng` dsea` rúíñ` cajo e laco` lajím`bre niliseeñ` lajo, joba` i dsea` í nilí`r` e líiñ` dsea` guiúng`- fí` quini` Fidié`.

4

Güiliseem`ba` cõo`~ Fidié`

1 Jo lalab fí` guí`'nú`, dsea` rú`naa` dsea` quiá`- Dsea` Jmáang`-: ¿Jie` fí` lí` naang` uing` jalé` e jmiquíng`- óo`na` jogui jalé` mii` e jmoo`na` la`ó` rúng`na`? Jo jmoo`na` lajo co` contøom` suung`na` jalé` e lí` óo`na` fí` jmiǵüü` la, jogui jmang`- e gab` í` óo`na`, ¿já` já`-? 2 Co` mi` ee`go iing`na` e sea` fí` jmiǵüü`, jo mi` lí`na` e ja` cuøøng` nilí`na` e jo, joba` jie` ja` nijngám`ba` dsea` rúng`na` jóng. Jogui eám` dsihuíng`na` mi` ee`go sea` quiá`- dsea` rúng`na`, jo dsuco` ja` lí`gui` e jo, joba` eám` jmoo`na` 'nii` cõo`r`, ¿já` já`-? Dsu` ja` mí` cali`na` jalé` e iing`na` do co` ja` mí` camí`na` Fidié` e nicuø`r` 'nú` e jo. 3 Jo dsu` mi` mii`na`re ee`go iing`na`, ja` nicuø`r` 'nú` jalé` e mii`na`re do, dsuco` mii`na`r lajii` e ja` dseeng` e lico` jmi`iaang` óo`na` yaam`ba`.

4 ;Dsea` 'ling`^ 'nú`, co` líng`na` dsea` i tú`- í`! ¿já` ñí` 'nú` e mi` iing`na` e jmi`iaang` óo`na` cõo`~ lajii` e sea` fí` jmiǵüü` la, joba` 'ní` máam`ba` Fidié` jóng dsea` guíñ` ñiff`? Cofa` lí` doñí` ii` dsea` i iing` e nijmi`iaang` dsír` cõo`~ lajii` e sea` fí` jmiǵüü` la, joba` ni`uíñ`- jóng jaang` dsea` i 'ní` níng`- Fidié`. 5 Co` e líng` uim`ba` e tóo` fí` ni` jì` quiá`- Fidié` lala: “Fidié` dseáng`- e lajam`-ba` eáang` neaaiñ` jneaa`aa`, co` í`bing` cacuø` lajaang` lajaang` jneaa`aa` e jmiǵüü` cõo`~ e see`naa`.” 6 Dsu` eám` jmicõo`~ dsea` do jneaa`aa`, co` dsíng`- guíiñ` cõo`~ jneaa`aa`, dsea` ja` catí`naa` lajo, co` lalab fé` fí` ni` jì` quiá`r`-: “Dseáng`- teáb`see` Fidié` quiá`- jaléng` dsea` i jmicøøng` yaang`, dsu` eám` guiá` jmicõo`r` jaléng` dsea` i ja` jmoo` lajo co` ñi`bre e 'né` e nijmicõo`~ Fidié` quiá`r`.”

7 Joba` jáang`- yaang`na` fí` jaguó` Fidié`, jogui ja` cuø`na` fí` yaang`na` e jmiǵíng`na` i fi` i` ling`^, jo lajoba` i do nidsihuíñ`- fí` lí` seeng`na`. 8 Güiquiéeng`gui` fí` quini` Fidié`, jo dsea` do nijaquíéeng`guir fí` quini`na` cajo. Jogui jaléng` 'nú`, dsea` dsee`- dsea` qui`, túu`na` jalé` e ja` dseeng` e jmoo`na`, jo jmisíng`na` jalé` e ga` e í` óo`na`, co` jaléng` 'nú` líng`na` dsea` i tú`- neaang` dsíi`, dsuco` iing`na` teaang`na` fí` guiá`- cõo`~ Dsea` Jmáang` jogui iim`bi` cajo e jmée`na` jalé` e ga` e sea` fí` jmiǵüü` la. 9 Quíi`na`, jogui jmée`na` e líng`na` fí` í` quiá`- jalé` dsee` e nica`ee`na` do. Jogui ja` dseeng` fíng song ningí`na` uíi` quiá`- jalé` e dsee`- jo, co` 'né` e qui`ba` uíi` quiá`- e dsee`- quíi`na` do. Jogui fíng song e íaang` óo`na` cõo`~ jalé` dsee`- quíi`na` e nicarøøng`na` do, joba` 'né` e nilíng`na` e fi` íb` jóng uíi` quiá`- jalé` e jo. 10 Jogui mi` lí`na` e røøng`na` dsee`, joba` 'né` e ja` nijmiráang` yaang`na` fí` quini` Fidié`, jo lajoba` dsea` do nijmicõo`r` 'nú` e seeng`na` cøøng` cõo`r`.

Ja` cuø`na` dsee`- jaléng` dsea` rúng`na`

11 Dsea` rú`naa` dsea` quiá`- Dsea` Jmáang`-, ja` fó`na` ga` uii` quiá`- jaléng` dsea` rúng`na`. Dsuco` i dsea` i fé` ga` uii` quiá`- dsea` rúng`na` osi cuø`reiñ` dsee`- é, joba` lí` laco` e fé`r` ga` uii` quiá`- júu` quiá`- Fidié` jóng, jo o`gui` jmitir` lajii` e júu` quiá`- dsea` do. Co` jaléng` i dsea` i ja` jmi`gõ` jalé` e júu` do, joba` lí` laco` gab` nífé`r` uii` quiá`- e júu` jo e lafa` e nijmér`- núu`r` e jo laco` sí`í`. 12 Jo jaam` dsea` féng` seeng`, jo íb` i cacuø` e júu` do. Jogui í`bi` cajo i tíng` quidsí` í` røø` quiá`- dsea`, jo lajii`- í`bi` cajo dsea` i tíng` láang` dsea` jmiǵüü` jee` jalé` dsee`- quíaiñ`- osi cuø`r` dsea` iihuí` laco` catíng`- é uíi` quiá`- jalé` e jo. Jogui 'nu`, ¿i` lín`- e lín` e sea` fí` e nicuø`^ dsea` rúng` dsee`-?

Ja` ne`naa` e` nidsijé` dsa`ó`ié`

13 Jogui lana, dsea` rú`naa' dsea` quiá'- Dsea` Jmáang-, núu`na' jalé' e nifí`i 'nú' la, jaléng' 'nú', dsea` jmicóøng~ yaang~na' e fó'na' lala: "Dsa'ó' iée' nidsé`naa' fí' fíi' la oši fí' fíi' do é, jo fí' job nitaang~naa' cōo` jii' e jmó`naa' ta` lí' cuu-." 14 Jo ʒjali' í' óo`na' lajo?, cō' jii'~ ja` mí' ñí`bì' e~ nidsingíng~na' lí' dsa'ó' lí' iée'. Cō' 'nú' líng`na' lafa' jní' tií, cō' e joba' e jnéeng` jii'~ lajee` cateá' jo ni'íim- jóng. 15 Joba' ja` dseeng` e fo`na' lajo, dsu' lalaba' e catíng- e nifo`na': "Song cuø' Fidiée` fí' lajo e see` guíi' fí' jmigüi' la, joba' nilí' jalé' e 'né- lí' jóng." 16 Dsu' 'nú'gui lí'~ riquib' í' óo`na', joba' eám' jmicóøng~ yaang~na' cōo'~ jalé' e fó'na' e nijmée`na'. ¿Su ja` ñí`na' e mí' jmoo`na' e jmicóøng~ yaang~na' lajo, gab' líi'? 17 Jo 'né- e tōo' óo`na' e la cajo: Song ñib' jaang` dsea' jalé' e guiá- e 'né- jmér-, jo dsu' song ja`gui jmitir` jalé' e jo, joba' jmiróm` dsee- 'ñia'r' jóng.

5

Júu`#`'goo`quiá'-jaléng`dsea`sea`cuu-

1 Jogui fíi` guíi' 'nú', jaléng' dsea` rú`naa' dsea` i sea` cuu-, núu`na' jalé' e júu` e nifí`i 'nú' la: Quíi`na' jogui oo`na' quiá'- e fí'í' e nilíng`na' cōo'~ jalé' iihuí' e nabi nidsingíng~na' mí' niquidsí' Fidiée' í' quiá'- dsee- quíi`na'. 2 Cō' ni'íim- lajalé' e 'mo' e nisi' mó'na', jo jo` e ta` nilí'íng` jii'~ cōo' quíi`na'; jogui jalé' sáí~ quíi`na' cajo ni'íim- e nidø' jaléng' jó' fí'. 3 Jogui jalé' cutee` cōo'~ cunée` e si'má`na' nisó' 'lee', jo jo` ee' ta` nilí'íng`gui quíi`na' jóng. Jo e 'lee' e só' dob nicuø' lí' quiá'- jalé' e ja` dseeng` e jmoo`na' e cajmí'óo`na' yaang~na' jalé' e sea` fí' jmigüi' la, jo e jo líi' lafa' nicáng` 'nú' cōo'~ jì, cō' eám' nicajmí'óo`na' jalé' e jo lajee` lana e nijaquíéeng` e tí' lí' ni'íng- jmigüi'.

4 Núu`na' e jaléng' i dsea` i cajmée` ta` quíi`na' i ja` caquí`na' e 'léeciñ~ laco' catíng-, joba' lana máib'~ nitáng' i dsea` do 'nú', dsu' nicanúub- 'ñia' Fidiée` dsea' 'gøng' i guíng~ fí' ñifí- jalé' e júu` e nicafé` teá' jaléng' i dsea` í. 5 Jogui lajee` e taang` 'nú' fí' jmigüi' la, nicaliséng`na' lí' laco' jaang` dsea' 'goo' eáang` e jmoo`na' la tíi' e já- óo`na', jogui e sea` jalé' e iing`na' e laco' jmi'iaang` óo`na' laco' jaang` jó' i jmi'úng- dsea` quiá'- e nijngáiñ-. i jo dsu' lana nicatí' í' quíi`na'! 6 Jo 'nú', eám' nicacuøø'na' dsee- jaléng' dsea` i ja` dsee- røøng` cartí' nicajngam'baa're, jo ja` ee' teá' casée` i dsea` do cōo'~ 'nú' jii'~ capí'.

'Né- jmó`oo'féng' dsí'baa'

7 Jo fíi` guíi' 'nú', dsea` rú`naa' dsea` quiá'- Dsea` Jmáang-, jmée`na' féng' óo`na' cōo'~ jalé' e dsingíng~na' cartí' mí' nigüéeng-tu Fíi`naa' fí' jmigüi' la. Jo 'né- jmée`na' e jo laco' jaang` dsea` i jmóo' ta` jenuu` e sijeem`bre lajii'~ e niró' fí' guóo'~ uø- quiá'r- car` mí' nití- jii' jmíi', cō' lajoguiba' e nicuáng` laco' sí'í' lajalé' e cajnir` do. 8 Jo e laco' e féng' dsíi' i dsea` í, lajobi 'né- e féng' óo' 'nú' cajo, jogui cuøø'~ gui' fí' yaang~na' e teáang`gui' teá' fí' guiá- cōo'~ Dsea` Jmáang-, cō' lajee` lajmináb- nigüéeng-tu Fíi`naa' fí' jmigüi' la calé' catú-.

9 Jo lajob fíi` guíi' 'nú', dsea` rú`naa': Ja` jmoo`na' e jmiquíng'~ óo`na' la'ó' rúng`na', cō' lajoba' ja` nicuø' Fidiée` 'nú' dsee-; cō' nijaquíéem` e nigüéeng-tu Fidiée` fí' jmigüi' la calé' catú- e niquidsir' í' quiá'- dsea` jmigüi'.

10 Jo lajob líi', dsea` rú`naa', jmiguiéng' óo`na' jalé' e cajmée` jaléng' i dsea` i café' cuaiñ` quiá'- Fidiée` malíi`gui eáang` mí' cangár- jalé' iihuí', cō' cajméeb` dsea` do e féng' dsíir' cōo'~ jalé' e jo. 11 Jo fé`naa' e juguiú`-jiu quiá'- jaléng' i dsea` i cajmée` té' cōo'~ jalé' e iihuí' e ca'íñ' do. Jo nicanúub- 'nú' cajo jalé' júu` e café' dsea` quiá'- jaang` dseañu' i calisí' Job i caliséng` malíi`gui eáang', cō' ie~ jo i dsea` í eám' califéng' dsíir' cōo'~ jalé' iihuí' e cangár-. Jogui ñí`bi 'nú' guiá- cajo jial cajmicóo'~ Fíi`naa' Fidiée` e ni'uíng- guiá- quiá'r- mí' cangí' jalé' e jo; cō' eám' guiúng- Fidiée` cōo'~ jaléng' dsea` jogui eám' fí' líiñ- cajo. 12 Jo lí' lajee` lajalé' e niing`gui, dsea` rú`naa', e lab e jo; mí' cuø`na' júu` quíi`na', ja` éeng`na' fii- quiá'- lí' doñí' ee: ja` éeng`na' fii- ñifí- o'gui éeng`na' fii- guóo'~ uø- o'gui quiá'- lí' doñí' jíé' é. Dsu' mí' cuø`na' júu` quíi`na' e jmée`na' lí' doñí' ee, jo dseáng'~ 'né- e jmití'ba' jóng; jogui mí' cuø`na' júu` quíi`na' e ja` jmée`na' lí' doñí' ee,

jòba' dseáng' 'né' e ja`jmée`ba' jóng. Jò fíng song jmití`na' jalé' e júu`quí`na' do, jòba' ja`nicuó' Fidiée' 'nú' dsee`quíá' jalé' e jò.

Dsíng' íng`ta` e féng' dsea`Fidiée`

¹³ Jò fí`guí` 'nú', dsea`rú`naa' dsea`quíá' Dsea`Jmáang, fíng song jì` la'ó' 'nú' móo`na' iihuí', jòba' i` dsea` í` 'né' m'í`r` Fidiée' e nijmicóo' dsea`do`quíá' jalé' e jò. Jògui fíng song jì` la'ó' 'nú' e íaang`óo`na', jòba' 'né' e ó`bre`quíá' e jmiféiñ' Fidiée'. ¹⁴ Jògui song jaang`dsea`la'ó' 'nú' ráaiñ`dsée'r, jòba' 'né' e nitó'r`jaléng' dsea`i`quíe' nifí`quíá' dsea`quíá' Dsea`Jmáang` e lacó`i` dsea` í`nimí`r` Fidiée' uii`quíá' i` dsea`dsée' do e ni`leáam`biñ` do, jò la'eáang`cóo' júu`quíá' Dsea`Jmáang` nisúur`capí`noo`fí`guiaquí`i` dsea`dsée' do, jò lajòba' ni`leáaiñ` do. ¹⁵ Jògui mi`já' líiñ` e Fidiée' niñí`lajíi` e m'í`reiñ` do, jòba' ni`leáam`i` dsea`dsée' do jóng, jò la'eáang`cóo' Fí`baa' e nitíng`tur`calé`catú`. Jògui fíng song nica'éé`i` dsea`i`lamí`dsée' do dsee, jòba' ni`ím`Fí`naa' dsee`quíá'r`jóng. ¹⁶ Jò fí`guí` 'nú', dsea`rú`naa', jmée`na' júu`la'ó' rúng`na'`quíá' jalé' dsee` e nicarøøng`na', jò m'í`na' Fidiée' uii`quíá' rúng`na' cajo` e lacó`nitíng`na'. Cò' mi`jaang`dsea`sing`teá'fí`guiá`cóo' Dsea`Jmáang`jò féng' i` dsea`do`Fidiée`dseáng' e caníng`í`dsíir, jòba' eáam`íng`ta` e 'gøng' e júu`jò`fí`quini`Fí`naa'.

¹⁷ Jò jmiguiéng'`óo`na'`quíá' e calí`ie`malíi` do ie`cateáang`jaang`dsea`i`café`cuaiñ`quíá' Fidiée' fí`jmigüi`la`i`calisí`Líi`. Jò i`dseañu` í`líiñ`jaang`dsea`jmigüi`lacó`líng`jneaa`aa', dsu`mi`cami`dsea`do`Fidiée' la'eáang`cóo' Jmiguí`quíá' dsea`do`e`niquiúng' e tuu`jmí', jò lajòb`calí`. Jòba' lajee`ni`jii`dsí`ca`ná`ja`catuu`jmí`fí`e`guóo' uó`jò. ¹⁸ Jò mi`cang`jò, i`Líi`do`cami`tur`Fidiée' e nitú`tu`jmí', jòba' lajòb`calí, catuu`tu`jmí', jògui canaam`tu`cuó`jalé' e jni`dsea`fí`guóo' uó`.

¹⁹ Jò fí`guí` 'nú', dsea`rú`naa' dsea`quíá' Dsea`Jmáang, e song jaang`la'ó' 'nú' i`casíng' fí`guiá`cóo' Dsea`Jmáang, jò dsu`lajee`jò`ninaang`i`dsea`do`e`nilítung`dsíir`cóo' júu`quíá' dsea`do, jò song jaang`gui`dsea`la'ó' 'nú' cajméer` e calinúu`tu`i`dsea`do`júu`quíá' Dsea`Jmáang, ²⁰ jòba' güiliñí`na'`guiá, dsea`rú`naa', e doñí`jii`dsea`i`niquí`nijíng`jaang`gui`dsea`rúng`i`ngóo`fí`ga, jòba' i`dsea` í`jmóor` e ni`ím`jalé' dsee` e nirøøng`i`dsea`do, jògui nileám`i`dsea`do`e`ja`nidséiñ` fí`lí`lí`mi`nití`oor`quíá'r` e nidséiñ` fí`jmigüi`còo`.

Jò lajòb`nilí.

Jò jii`lanab`fé`jì`quíá' Tiáa`.

Ji' la'uii~ e cajme' TŮ SIMÓN

Júu^ guicóo~ e cat#ng~ dsea` quiá'- Dsea` Jmáang~

¹ Jnea~ sii' Tú^, jogui lín'n jaang` dsea` i casíng` Fíi'naa' Dsea` Jmáang~ e quiá'- niníi'~i júu^ quiá'r~, jo jmo'o e ji' la e cat#ng~ jaléng' 'nú', dsea` quiá'- Dsea` Jmáang~, i neáang' sisoo~ sijóng' fí' caluu~ fi# góo`na', i neáang' fí' lí' se' Ponto cóo~gui fí' lí' se' Galacia jogui fí' lí' se' Capadocia cóo~gui fí' lí' se' Asia jogui fí' lí' se' Bitinia. ² Jo Tiquí'ii' Fidié~ nicaguíng' jaléng' 'nú' lamí~ jéeng'gui e laco' nilíng~na' dseáng'~ dsea` quiá'r~ lí' laco' jíi'~ e nica'f' dsíir'; jo e jo nicajméer' la'eáang' cóo~'ñia' Jmiguí' quiá'-bre e laco' nijméé`na' núu~na' júu^ quiá'r~. Jo la'eáang' cóo~' jmi'øøng~ Dsea` Jmáang~ e catu~ fí' dse' crúu`ba' nica'íng~ jalé' dsee~ quií`na'.

Jo güi'íim~ba' güea^ quiá'r~ lalíng' e laco' niliseeng`na' juguiá~ júu^ røø.

Nitab~ dsi'naa' e see~naa' cøøng' cóo~' Fidié~

³ Jo majmifém'baa' Fidié~, Tiquiá'^ Fíi'naa' Dsea` Jmáang~, dsuco' la'eáang' e eám' guiúíiñ~ cóo~' jneaa~aa', joba' nicajméer' e lafa' nicangáang'~naa' calé' catú~ la'eáang' e cají'tu Dsea` Jmáang~ mi~ cangí e cajúíiñ. Jo e jo nicuoø' júu^ ta~ dsíib' quií`naa' e see~naa' cøøng' cóo~' Fidié~ ⁴ lajee~ e sijeeng`naa' e nilíng'~naa' lajíi'~ jalé' e niguo' e catí~naa' do e nicuó'~ Fidié~ jneaa~aa' e nisi'má'r~ fí' ñifi' quiá'r~. Jo jalé' e sijeeng`naa' do ja` tóo' jmi~ fa' e nilíng~ o'gui tóo' jmi~ fa' e nili'li' o'gui fa' e nilíng' laco'gui cóo' lí'. ⁵ Jo có' jáb'~ líng' 'nú' lajíi'~ júu^ quiá'- Fidié~, joba' dsea' í'bing' jmóo' í' 'nú' la'eáang' cóo~' e eáang' 'gøiñ' do; jo lajoba' nilí'na' e nileáang'na' jee~ jalé' iihuí' e cat#ng~ jaléng' dsea` dsee~ dsea' qui' cartí' mi~ tí' lí' nití' í' e Fidié~ nileáiñ~ lajaléng' jogui lajalé' e sea`.

⁶ Jo la'eáang' e joba' íaang' óo' 'nú' lalíng', nañí' fa' lajee~ cateá' jangám~ dsingíng~na' jmiguiab' jalé' e huíng' fí' jmigüí' la. ⁷ Jo e uiing~ e dsingíng~na' lajo e laco' cuø' lí' e ne~duu' su dseáng'~ já' líng'na' júu^ quiá'- Dsea` Jmáang~. Co' e já' líng'na' e júu^ quiá'- Dsea` Jmáang~ do lí' lafa' cunéé': có' song iing~ dsea' nilita~ dsíir' su dseáng'~ já' cunéé' e do osi o' lajo é, joba' jang'~ 'né' nisigui' do ni' jib', joguiba' nilíi'. Jo eáang'gui quíng' laco' cunéé' e já' líng'na' júu^ quiá'- Dsea` Jmáang~ mi~ ee'go huíng' dsingíng~na'. Jo nañí' fa' e cunéé' do cuøøng' lí' íng~, dsu' e júu^ quiá'- Dsea` Jmáang~ ja' lí' lajo, có' seab' lata'. Joba' song ja' nilitúng~ óo`na' e já' líng'na' e júu^ jo, joba' nilím' Fidié~ 'nú' e guiúm~ba', jogui e yúb'^ niseáiñ' 'nú' mi~ nití' í' e nigüéeng~tu Fíi'naa' Dsea` Jmáang~ fí' jmigüí' la calé' catú~.

⁸ Jo 'nú'gui, nañí' fa' ja' mí' cañíng'na' Fíi'naa' Dsea` Jmáang~, dsu' eám' iing~na'r; jogui lana dseáng'~ jáb'~ líng'na' júu^ quiá'r~, nañí' fa' ja' mí' cañíng'na' dsea' do. Jogui dseáng'~ laniim~ eám' íaang' óo`na' la'ie' e jíi'~ ja' sea' júu^ jial nifo`na' uií~ quiá'r~, ⁹ có' la'eáang' íbre e caláang~na' jee~ jalé' dsee~ quií`na'; có' lajoba' e íng'na' mi~ já' calíng~na' júu^ quiá'- dsea' do.

¹⁰ Jo lajíi'~ malí'gui eáang' jaléng' dsea' i café' cuaiñ~ quiá'- Fidié~ cajmitíiñ~ jogui ca'no'r~ e quiá'- jial nileáang' dsea' jee~ jalé' dsee~ quiá'r~, jo cajím'~biguir quiá'- jial guiúng~ Fidié~ nijmér~ cóo~' 'nú'. ¹¹ Jo cajmeab' Jmiguí' quiá'- Dsea` Jmáang~ júu^ jaléng' i dsea' i café' cuaiñ~ quiá'- Fidié~ malí'gui eáang' do lajíi'~ e iihuí' e 'né' nidsingíng~ Dsea` Jmáang~ jogui jial nili'gøiñ' mi~ ningí' jo; jogui jaléng' i dsea' í' cajméer' quijí' i~ i dsea' i nijáa' do, jogui e~ jmi~ e jíng'~ e Jmiguí' quiá'- Fidié~ do e nijáa' i dsea' do. ¹² Dsu' Fidié~ cajmea'bre i dsea' í' júu^ e lajíi'~ júu^ e guiaiñ' do o' e quiáiñ'~ do yaaiñ~, có' e jmicóo~' 'núb' e júu^ do cajo. Jogui lanagui e lab e júu^ jo e canúu`na' e nicaguia' yaam~ i dsea' i caguia' júu^ quiá'- jial nileáang' dsea' jee~ dsee~ quiá'r~ la'eáang' cóo~' Jmiguí' quiá'-

Fidiéé e jáa' fí' ñifí' quiá'r-. Jo lajalé' e la yaam~ ángeles i líng' guotii~ Fidiéé cali'iiñ~ cangár~ jogui cangáin~ cajo.

Fidiéé' iiñ e ni'náng'naa' jee~ dsee~ quí~naa'

¹³ Jo fíi~guí' 'nú', dsea` rú'naa' dsea` quiá'- Dsea` Jmáang~, guieeng~ guiú~ yaang~na' jogui íi' óo'na' røø' lajii~ e nijmée^na' dseáng'- e ngocáng` óo'ba', jogui güiliseeng~na' e ta~ óo'na' e ni'líng'na' lajii~ e iáang` dsíi' Fidiéé' e nicuó'r- 'nú' mi~ nití- í' e nijáa'tu Dsea` Jmáang~ calé' catú-. ¹⁴ Jo co' lanagui nilíng'na' dsea` i náa~ júu^ quiá'- Dsea` Jmáang~, joba' jo' jmée^na' lajii~ e 'lí' e lí' áa'na' yaang~na' laco'gui lami~ jmoo'na' ie~ ná'-gui e nilicuíng'na' Fidiéé'. ¹⁵ Co' 'né- niliseeng~na' laco' jaang` dsea` güeang^ e ni'naang'na' jee~ jalé' dsee~ quí~na', dsuco' Fidiéé'bing' i cató' 'nú' e ca'uíng~na' dsea` quiá'r-, jo íb` dsea` i líng' jaang` i güeang^ i ja' dsee~ røøng' jii~ coo'; ¹⁶ co' lajob fé' fí' ni~ jì' quiá'- Fidiéé': "Güi'naang'na' jee~ jalé' dsee~ quí~na' e laco' nilíng~na' dsea` güean^, dsuco' jnea~ líin'n jaang` i güeang^ i ja' dsee~ røøng' jii~ coo'."

¹⁷ Jo niñib' 'nú' e røøb` ée' Fidiéé' cóo'~ lajaléng' dsea`, jo quidsir' í' quiá'- lajaang` lajaang` dsea` lí' jialco' lí' dsee~ quíá'- dsea`, jogui ja' jmóor' ta~ guíng' dsea` cajo. Jo song' 'nú' fó'na' Teaa~ fí'na' Fidiéé', joba' contøøm- 'né- e nijmiféng'na'r carjó' jmii~ e ngíng'na' taang~na' fí' jmigüi' la. ¹⁸ Jo co' caiéé'na' laco' líng' dsea` cóøng'~ quí~na' e seeng~na' e ja' uíng~ sea, joba' Fidiéeb~ nicaléaaiñ' 'nú' jee~ dsee~ quí~na'. Jo dsu' 'nú' niñí'ba' guiú- e ja' caquí' e caláang~na' jee~ dsee~ quí~na' do cóo'~ jalé' e tóo' jmii~ ni'íng-, fa' cunée' osi cutee' é, ¹⁹ dsu' caláam~ba' jee~ jalé' dsee~ quí~na' la'eáang' cóo'~ jmi'øøng- Fíi'naa' Dsea` Jmáang~ e niing~ eáang' e catuü' mi~ cataiñ- fí' dse' crúu^'. Jo dsea` do, i líng' Jo'se" Jiuung~ i guiúng~ i ja' si'ling' jii~ coo', cajúin~ uí' dsee~ quí~ii'. ²⁰ Dsuco' lajii~ mali'ba' nisi'íng^ Dsea` Jmáang~ e nidsingüiñ- lajo, lajii~ mi~ ná'-gui e nitiroo' jmigüí, dsu' lanagui nicatíb' í', joba' nicagüém~bre fí' jmigüí' la e laco' nijmér- lajii~ ta~ e si'íin~ e laco' nijmicóo'r- 'nú'. ²¹ Jo la'eáang' cóo'~ Fíi'naa' Dsea` Jmáang~, 'nú' nicajáang'~ yaang~na' fí' jaguó' Fidiéé'; jo i dsea` í'bing' i cajmée' e cají'tu Fíi'naa' Dsea` Jmáang~, jogui cajmээр' e casáng' dsea` do yá'; joba' 'nú' jáb'- nicalíng'na' júu^ quiá'- Fidiéé' jogui nisita'bi' óo'na' cóo'~ dsea` do cajo.

²² Jogui 'nú', la'eáang' e nicalinú~ba' júu^ quiá'- Fíi'naa' Dsea` Jmáang~, joba' lana nilíng'na' dsea` i jo' beáng'gui dsee~ yaang~ jogui i 'neáang' rúng' la'ó' dsea` quiá'- Dsea` Jmáang~; jo lajob 'né- cajo e nijmi'neáam'bi' dsea` rúng'na' dseáng'- e ngocáng` óo'na' jogui cóo'~ jalé' bí' quí~na'. ²³ Co' 'nú' lanagui nilíng'na' lafa' e nicangáang'~tu' calé' catú-, dsu' o' e laco' nicangáang'~tu' fí' jmigüí' la e seeng` tiquíi' niquíi'na' i cuóøng' lijúung-; co' la'eáang' cóo'~ e júu^ quiá'- Fidiéé' e ca'íng'na' do, cóo'~ e joba' nicalí- lajo. Jo e júu^ jo ja' tóo' jmii~ ni'íng-, co' latab~ sea. ²⁴ Co' lalab fé' fí' ni~ jì' quiá'- Fidiéé':

Co' lajii~ dsea` jmigüí' líiñ' lafa' onuu;

jogui e 'gøiñ' do lí' lafa' lí' quiá'- e onuu` do.

Co' e onuu` do cateáb` té', co' niliquiüü'b;

jogui e lí' quiá'- do nijiúb' cajo.

²⁵ Jo dsu' e júu^ quiá'- Fidiéé' do ja' tóo' jmii~ ni'íng-, co' latab~ sea.

Jo e lab júu^ e quiá'- jial laang` dsea` jee~ dsee~ quíá'r- e nicagua' dsea` jee~ 'nú'.

2

¹ Joba' fíi~guí' 'nú', dsea` rú'naa' dsea` quiá'- Dsea` Jmáang~, túu'na' jalé' e 'lí' e qui' jmoo'na' fí' jmigüí' la, fa' mi~ jmigøøng'na' jaléng' dsea` rúng'na', jogui mi~ jmicaang~na' cóo'~ jalé' júu^ e fo^na', jogui mi~ jmoo'na' e dsihuíng'na' quiá'- jaléng' dsea` rúng'na', jogui mi~ quié^na' júu^ adsee` cajo. ² Jmeáang'~ yaang~na' laco'gui jiuung~ i tá' cangáang'~ e 'nó'r' yaang~ fí' quiá'- niquíá'r^ e ni'í'r', co' la'eáang' cóo'~ e joba' e cuaaiñ; jo lajobi' 'nú' cajo, cuóø' fí' yaang~na' e ni'íng'na' layaang~ júu^ quiá'- Fidiéé' la'eáang' cóo'~ Jmiguí' quiá'r- e laco' nidsicuáng'gui quí~na' cóo'~ jalé' e júu^ jo, jo lajoba' niléang'na' jee~ jalé'

dsee` quí`na'. ³ Co' lana lajam`ba' eáang' já`- nicalilí`na' e dsím`ba' guiúng` Fí`naa' Dsea` Jmáang`.

Dsea` Jmáam`bing' i caguíng' Fidié`

⁴ Joba' fí`guí`'nú', dsea` rú`naa' dsea` quiá`- Dsea` Jmáang`, jmée`na' e nilicuíng`gui' Fí`naa' Dsea` Jmáang`, co' doñí` fa' ja` jíi` dsea` jmigüi` i dsea` do, dsu' í`bing' i caguíng' Fidié` e laco' líiñ`lafa' e cuu` e nisiguó` jogui e quíng' eáang'. ⁵ Jo lajoba' 'nú' cajo, Fidié` cajméer` e nilíng`na' lafa' cuu` e quíng', joba' cuø`' fí` yaang`na' e Fidié` nijmeáiñ` 'nú' ta` e lafa' nilíi` coo` guá`- güeang`^ quiá`- Fidié`, jogui e nilíng`na' lafa' jmidsea` quiá`- Fidié` i jmóo` lajii` e iing` dsea` do, co' la'eáang' cóo` Fí`naa' Dsea` Jmáang` cuø`na' Fidié` jalé` e catíiñ` e laco' iáang` dsíir'. ⁶ Co' e lajoba' fé' fí` ni` jì` quiá`- Fidié` mí` fé' cuaiñ` quiá`- Dsea` Jmáang` lala:

Jnea` niquíee` e coo` cuu` quiá`- tíi` fíi` quiá`- 'ñuu` fí` Sión

jogui e cuu` job e nisiguó` quíe` e jogui eáam' quíng' cajo;

jo dsu' jaléng` dsea` i já`- líng` júu` quiá`- Dsea` Jmáang`,

ja` niligøøiñ` cóo` e jo, co' Dsea` Jmáam`bing' líng` lafa' e cuu` do.

⁷ Jo jaléng` 'nú', dsea` i já`- líng`na' júu` quiá`- Dsea` Jmáang`, eáam' quíng' e cuu` do quí`na'; jo dsu' quíi` 'nú', dsea` i ja` já`- líng`na' e jo, joba' nilitib` laco' fé' fí` ni` jì` quiá`- Fidié` lí` fé' lala:

E cuu` e ja` calijíi` dsea` jmigüi` quiá`- tíi` fíi` quiá`- 'nær`,

lanagui dseáng`- cuu` laniim` nica`uíng` quiá`^ 'núu`.

⁸ Jogui litib` cajo laco' fé'gui fí` ni` jì` quiá`- Fidié`:

Jo cóo` e cuu` jo

seem` dsea` i niquiung`^.

Jo co' uii` e ja` jíi` i dsea` do júu` quiá`- Dsea` Jmáang`, joba' caquiuiñ`, dsuco' lajob dseáng`- sílíiñ`.

⁹ Dsu' 'nú'gui nilíng`na' dsea` i nicaguíng` Fidié` e laco' nilíng`na' dsea` quiá`r`, jogui nilíng`na' lafa' jmidsea` i jmóo` lajii` e iing` Fidié`, jogui nilíng`na' lafa' coo` fíi` güeang`^ quiá`r`. Jo lajob líi` e laco' niguiá`na' júu` quiá`- jalé` e guiá` e cajméé` Fí`naa' Dsea` Jmáang` cóo` 'nú', co' í`bre dsea` cató`r` 'nú' e laco' nilíng`na' dsea` quiá`r` i seeng` fí` lí` jneá` jir` e laco' jo` seeng`na' fí` lí` nua` só` fí` lí` jmoo`na' ta` quiu` i 'ling`^'. ¹⁰ Jo 'nú', lamí` jéeng`gui, dseáng`- ja` lám`ba' dsea` fíi` quiá`- Fidié`, dsu' lanagui dsea` fíi` quiá`- dsea` dob nilíng`na'; jogui lamí` jéeng`gui ja` mí` catíng`na' e fíi` líng` Fidié` 'nú', dsu' lanagui nicatím`ba' lajo.

'Né` liseeng`na' e jmoo`na' lajii` e iing` Fidié`

¹¹ Jo fíi`guí` 'nú', dsea` rú`naa' dsea` quiá`- Dsea` Jmáang` i iin`n eáang', dsea` i seeng`na' fí` jmigüi` la e sisoo` sijóng`na' fí` caluu` fíi` góo`na', joba' fíi` 'nú' e ja` cuø` fí` yaang`na' e nijméé`na' jalé` e ga` e iing` ngúu` táang`na', co' mí` jmoo`na' lajo, joba' ni`íng` quíi`na' yaam`ba' jóng. ¹² Jo ee`na' guiá` jee` jaléng` dsea` i ja` mí` cuíng` Fidié`, co' nañí` fa' lana gab` fé' i dsea` í` uii` quíi`na' e lafa' 'nú' líng`na' dsea` i jmóo` ta` 'lée', dsu' mí` nití` í` e nijáa`tu Dsea` Jmáang` calé` catú` fí` jmigüi` la, joba` i dsea` í` nijmifém`bre Fidié` cajo co' nililí`bre lajii` e guiá` e jmoo` 'nú' fí` jmigüi` la.

¹³ Jo la'eáang' Fí`naa' Dsea` Jmáang` jmi`goo`na' jogui jmití`na' jalé` ta` quiu` jaléng` dseata` quíi`na': fa' jaléng` dseata` dsea` mogui` quiá`- latøøng` góo`na', ¹⁴ jogui i dsea` i casíng` i dseata` dsea` mogui` do e laco' dsea` do niquidsir` í` quíi`na' jogui e nicuø`r` iihuí` jaléng` dsea` i jmóo` ta` 'lée' jogui e nijmi`gór` cajo jaléng` dsea` i jmóo` jalé` e guiá`.

¹⁵ Dsuco' iing` Fidié` e ni`ee`na' røø` laco' sí`í`, jo lajoba' nitú` dsea` e fé`r` ga` uii` quíi`na', jo i dsea` i 'lée' ja` mí` cangáiñ` røø` jalé` e jmóor` do.

¹⁶ Jo güiliseeng`na' e jo` quíe`gui nifí` quíi`na' jalé` dsee`. Jo dsu' lajee` e seeng`na' lajo, ja` cuø` fí` yaang`na' e sí` nifí` e nijméé`na' e ga`. Joba' fíi` 'nú' e ee`na' guiá` laco'gui

éè dsea` i jmóo` lajii~ e iing~ Fidiée~. ¹⁷ Jogui jmi'goo`na' jaléng` dsea` dseáng`- laco' si'í, jogui jmi'neáng`na' jaléng` dsea` rúng`na' dsea` quiá'- Dsea` Jmáang- laco' catíng-, jogui jmféng`na' Fidiée~, jogui lajobi jmi'goo`na' dseata~ dsea` féng` quiá'- latøng- góo`na' cajo.

E~ uiing~ e cacá- Dsea` Jmáang- iihuí'

¹⁸ Joba' fii- guí jaléng` 'nú', dsea` rú`naa' i líng` dsea` 'léng` quiá'- dsea`, e jmi'goo`ba' jaléng` fii` quiá`na' jogui jmití`na' jalé` júu` quiá'r-, dsu' o' dseáng`- jii~ cóo~ fii`na' i féng` dsí' cóo~ 'nú' 'né- jmée`na' lajo, dsu' lajob 'né- jmée`na' cóo~ i fii`na' i soo` dsí' cajo.

¹⁹ Co' guiá- guib fing song jaang` dsea`, la'eáng` e iin~ jmér- lajii~ e iing~ Fidiée~, nijmér- té'r` cóo~ jalé` e huíng` e cangúin~ e ja` catúin~. ²⁰ Co' song cangongúng`na' e huíng` dsu' uí~ e nicajmée`na' e ga, joba' ja` ee` ta` íng` quiá`na' jii~ cóo~ e nijmée`na' féng` áa`na' quiá'- e huíng` do jóng. Jo song 'nú' cangúng`na' e huíng` dsu' uí~ e nicajmée`na' e guiá-, jogui e jmoo`ba' té`na' cóo~ jalé` e huíng` do, joba' e jo eáng`gui quíng` fí` quini~ Fidiée~.

²¹ Co' uii~ e lajoba' e cató'- Fidiée~ 'nú', co' mi~ ca'íng` Dsea` Jmáang- iihuí' uii~ quiá`na', ca'e'r` 'nú' jial e 'né- té`na' cóo~ jalé` e huíng` lí' laco'gui cajmээр` 'ñia'r` mi~ ca'ín~ iihuí'.

²² Jo Fii`naa' Dsea` Jmáang- ja` ca'éer` jii~ cóo~ dsee- o'gui cajmigóo`iñ` jii~ jaang` dsea` cóo~ jalé` e fé'r`. ²³ Jo mi~ casí'- dsea` júu` 'lé` dsea` do, dsu' ja` cañír` cóo~ júu` 'lé` quiá'- dsea` í; jogui mi~ cacuø` dsea` jalé` iihuí' dsea` do, dsu' ja` cañír` e cuø'r` dsee- i dsea` í, dsuco' lí- lí e cajáng` 'ñia'r` fí` jaguó` Fidiée~, co' niñir` e quidsí` dsea` do í' quiá'- lajüing` dsea` laco' catím-.

²⁴ Jo cacó- Dsea` Jmáang- jalé` dsee- qui`naa' mi~ cacár` jalé` iihuí' fí` dse` crúu` e laco' jneaa`aa' lafa' nicajúm`baa', co' jo` quiu`gui ta~ qui`ii' jalé` dsee-, jogui e laco' nisee`naa' e ee`naa' røø` laco' catíng-. Dsuco' Fii`naa' Dsea` Jmáang- calihuíin~ e catáin~ fí` dse` crúu` e lí' laco' 'nú' nilí`na' e niliseeng`na' røø` laco' si'í. ²⁵ Dsuco' 'nú' lami~ jéeng`gui ngi`na' laco' ngí` jo'se` i si'ím^ i ja` seeng` fii~, dsu' lanagui nicaqui'- jím` yaang`na' e nicajmicuíng`na' Dsea` Jmáang-, jogui lana íb` dsea` i ninée`ni~ 'nú' jogui i nijmóo` í' 'nú' laco'gui jaang` dsea` i jmóo` í' guiá- jo'se` quiá'- contøng-.

3

Jial 'né- seeng` jaléng` dsea` sicúng` guó`

¹ Joba' fii- guí 'nú', dsea` rú`naa' dsea` quiá'- Dsea` Jmáang-, jaléng` 'nú' dseamí` 'né- nijmi'goo`ba' jaléng` dseañu` quiá`na'. Co' song iñ` lajee` la'ó` dseañu` ja` já- mí` calíin~ júu` quiá'- Fii`naa' Dsea` Jmáang-, dsu' song guiáb- ee`na' cóo'r~, jangám- já- nilíin~ e júu` jo doñí` fa' ja` mí` casí~na'r` jii~ camí` júu` quiá'- dsea` do. ² Co' mi~ niní` jaléng` i dseañu` do e eám` guiá- jalé` e jmoo`na' jogui e eám` jmi'goo` rúng`na' cajo, joba' jangám- ni'ín` e júu` do jóng. ³ Dsu' o' jii~ e jmáang~ guiá- yaang`na' lí' caluu~, fa' jalé` e si'náng` guí`na' e jlo` osi` quié`na' jalé` ñí` cunée` é` osi` jalé` mi'ñúung~ e niguo`. ⁴ Co' guiá- gui jogui niing`gui fí` quini~ Fidiée~ e jial guiá- jmáang~ yaang`na' cóo~ jalé` e í` óo`na', jogui e ja` jmicøng~ yaang`na' cóo~ dsea` rúng`na', jogui e seeng`na' juguiá- júu` røø, co' lajii~ e naba' e eáng`gui quíng` fí` quini~ Fidiée~. ⁵ Jo lajob líng` jaléng` dseamí` i caliséng` malíi~ i calicuíng` Fidiée~, co' jaléng` i dseamí` í` cajáng` yaaiñ~ fí` jaguó` Fidiée~ jogui cajmi'góbir dseañu` quiá'r- cajo. ⁶ Jo lajob cajmée` jaang` dseamí` i caliséng` malíi~ i calisí` Sara, cajmée`bre núu'r~ júu` quiá'- dseañu` quiá'r- i calisí` Abraham jo eám` cajmi'gór` í. Jogui 'nú', dseamí, lafa' jóo` i Sara dob líng`na' song jmoo`na' jmang`- e guiá- jogui e ja` 'gó`na' jii~ cóo~ e jmoo`na' jalé` e jo.

⁷ Jogui jaléng` 'nú', dsea` líng`na' dseañu`, jmee`na' féng` áa`na' cóo~ jaléng` dseamí` quiá`na'. Jmi'goo`na'r` dseáng`- laco' si'í e jmi'gó` dsea` jaang` dseamí, jo o' uí~ lajii~ e dseamí dseáng`guir laco' dseañu` e 'né- jmée`na' lajo, dsu' lajob 'né- jmée`na' cajo uí~

e røøb` íng` Fidiée` jneaa`aa' e see`naa' cøøng` cóo`r`~ lata~, doñí fa' dseañu` osi dseamí é. Jøba' jmee`ba' lajò e laco' ja` ee` jn`íng` quíá`- júu` quí`na' mi` føng`na' Fidiée`.

Jaléng` i` íng` iihu` uí` e jmóor` jalé` e guiá`

⁸ Jøba' fii`guí` 'nú', dsea` rú`naa', e güiliseem`ba' e guiá`- la'ó` rúng`na', jøgui e siing`na' røø, jøgui e iing` rúng`na' laco' cat`íng`- e jmóo`dsea` quíá`- Dsea` Jmáang`. Jøgui jmée`na' e guiúng`na' cóo`~ jaléng` dsea` jøgui e ja` jmijløng`^ yaang`na' cajo. ⁹ Jøgui song i` líng` dsea` éer`ga` cóo`~ 'nú', jøba' ja` jmée`na' quí` taa` lajò cóo`r`~, jøgui song sí`r` 'nú' 'leáang`, dsu' 'nú'gui ja` 'né` e ngii`na' lajò quíá`r`-, dsuco' o' lajò e 'né` jmée`na'. Co' lí` lí` 'né` mii`na' Fidiée` uii` quíáb`- i` dsea` la`í` e laco' nijmigüeang`^ neiñ', co' Fidiée`bing` i` nicatø`- 'nú' e ni`íng`na' güea` quíá`r`-. ¹⁰ Dsuco' lalab fé` fí` ni` jì` quíá`- Fidiée`:

Ii` dsea` iing` e niliseeng` guiá`- fí` jmigüi` la

jøgui e seeiñ` juguiá`- laco` jmii`-,

'né` nijmeáiñ` í` nisí`bre e laco' ja` nifé`r` ga`,

jò lajòbi losu`r` cajo e laco' ja` nifé`r` júu` adsee`.

¹¹ Jø` 'né` e nitá`na' e jmoo`na' jalé` e ga`,

jò` 'né` nijmée`na' jmang`- e guiá`-

jøgui 'né` nijmi`úung`na' e seeng`na' juguiá`- júu` røø` cóo`~ dsea` rúng`na'.

¹² Co' Fii`naa' jmóo`bre í` jaléng` dsea` quíá`r`- i` jmóo` jalé` e guiá`-,

jøgui jáb`- núur` jalé` júu` quíá`- dsea` í` mi` ee`gø` mi`r` dsea` do,

dsu' 'ní` ním`bre jaléng` i` dsea` i` jmóo` ga`.

¹³ Co' jii`~ jaang` dsea` cuøøng` lí` jmeáiñ` 'nu` ga` song jmi`úung`na' e jmoo`na' jmang`- e guiá`-. ¹⁴ Dsu' car` jii`~ e ee`na' e guiá`- do ni`ím`ba' e huíng`, dsu' eéam` juguiá`- quí`- 'nú' song lajò. Jøba' ja` føøng`na' quíá`- i` dsea` i` jmáng` 'nú' ga`, o`gui jmoo`na' 'gó`na' cajo. ¹⁵ Co' lí` lí` 'né` e nijmi`goo`na' Fii`naa' Dsea` Jmáang`- e car` ngocáng` óo`ba', jøgui 'né` e néeb` guiá`- quí`na' contøøng`- e ningii`na' quíá`- jaléng` dsea` i` iing` niliñi` cuaiñ` quíá`- lajii`~ e nisita` óo`na' e nicuø`- Fidiée` 'nú'. ¹⁶ Dsu' mi` ngii`na' quíá`- i` dsea` í`, 'né` jmée`na' e jmi`goo`ba're jøgui 'né` e ja` jmijløng`^ yaang`na' cóo`r`~, jøgui lajòbi 'né` ee`na' guiá`- e jø` í` áa`na' jalé` e ga` e lamí` jmoo`na' lamí` jéeng`gui, jò lajòba' jaléng` i` dsea` i` fé` ga` uii` quíá`- jalé` e guiá`- e jmoo`na' do nilí` í` lím`bre quíá`r`- yaaiñ` cóo`~ lajii`~ e fé`r` do.

¹⁷ Co' guiá`-gui e ni`íng`naa' iihu` uí` e jmoo`naa' e guiá`- song lajò iing` Fidiée`, dsu' ga`guib` lí` e ni`íng`naa' iihu` uí` e jmoo`naa' jalé` e ga`. ¹⁸ Co' 'ñiab` Fii`naa' Dsea` Jmáang`- cacár`- iihu` cartí` cajúñ`- uí` dsee`- quí`naa', co' lajò nisi`íb` e nidsingiiñ`- coo` ya` lata` røo` jmigüi`. Dsuco' ír` líiñ` jaang` i` ée` røø` i` ja` dsee`- røøng`, dsu' cajám` 'ñia`r` e cacár`- iihu` uii` quíá`- jaléng` jneaa`aa', dsea` líng`naa' dsea` dsee`- dsea` quí`, e laco' nitøø`r` jneaa`aa' fí` quini` Fidiée`. Jø ír` cajnga` dsea` quíá`r`- lafa' jaang` dsea` jmigüib`, dsu' cajíb`-túr` la'eéang` cóo`~ Jmiguí` quíá`- Fidiée`. ¹⁹ Jø la'eéang` cóo`~ e Jmiguí` quíá`- Fidiée` do e jmicóo`~ quíá`r`- do cangór`- e cangoguiar` júu` quíá`- Fidiée` jee` jaléng` 'lí` i` sijníng` cartí` mi` nití` í` e Fidiée` quidsí` í` quíá`r`-. ²⁰ Jø jaléng` i` dsea` í` laam`bre cajméer` ie` malii`gui do, ie` lamí` seeng`gui Noé, ie` lamí` cajéeng` Fidiée` e féng` dsír` cóo`~ ír` do lajee` e lí` e móo`dsée`- do e fí` lí` caláang`- jñíng`- dsea` sinúu` quíá`- Noé la'eéang` fí` dsí` e móo` do mi` calá` jmii` fí` jmiguí` la. ²¹ Co' e jmii` jø guøng` lafa' jmii` cóo`~ e saang` dseab`, dsuco' la'eéang` cóo`~ e jøba' e cuø` lí` e caláang`naa' jee` dsee`- quí`-ii'. Dsu' e saang` dsea` jmii` do ofa' guøng` e jgíng`- ngúu` táang` dsea`, co' lí` lí` guøng` e 'né` mii`naa' Fidiée` e ni`íñ`- dsee`- quí`-ii' e laco' jø` lí`guí` dsea` dsee`-. Jø dsu' jø` lí`naa' lajò, co' nicajgáang`naa' jmii` uí` e cají`tu Fii`naa' Dsea` Jmáang`- mi` cangí` e cajúñ`-. ²² Jø mi` cangí` e cají`r` do, cangám`-túr` fí` ñífi`, jø lana` dob` niguiñ` lí` lí` dsée` laco' guíng`- Tiquíá`r` Fidiée`, jø fí` job` quier` nifi` quíá`- jaléng` ángeles i` líng` guotúr`- cóo`~ gui jaléng`gui dsea` guí` i` 'gøng` jøgui jaléng` i` óo` ta` cajo.

4

Majmicóo'~naa' dsea` rú'naa' lí' laco' e cangñng'naa' e cacuø' Fidiée' jneaa'aa'

¹ Joba' fñi-guñ 'ná', dsea` rú'naa' dsea` quiá'- Dsea` Jmáang-, e lí' laco'gui cangongñng- Dsea` Jmáang- iihuñ lajee` táaiñ' fí jmigüi' la, joba' lajob 'ná' cajo 'né- e jmée'na' té'ba' jogui e féng' óo'na' mi~ ningñng'na' e huñng'. Jo doñi' i' dsea` quiá'- Dsea` Jmáang- i ngñng' e huñng' fí jmigüi' la, nica'im- bí quiá'- dsee- quiá'- i dsea` í'. ² Jo co' lajob lí', joba' jo 'né- jmér- lajii'~ e iing~ ngúu' táaiñ' laco'gui la jmoo' dsea` i si'nñm'bi cóo'~ dsee- quiá'-, dsu' lana 'né- nijmitir~ lajii'~ e iing~ Fidiée' lata~ seeiñ'. ³ Dsu' té' jii'~ lana e jmoo'na' laco'gui la jmoo' dsea` i ja` cúing' Fidiée'; co' 'ná', ie~ ná'-gui e calicúing'na' dsea` do, cajmee'na' jalé' e ga' e ja` dseeng', fa' mi~ suung'na' jalé' e sea' fí jmigüi', jogui jmoo'na' ta~ güñng' cóo'~ dseañu' osi dseamñ' i o' quií'na', jogui jmoo'na' ta` í', jogui jmoo'na' ta` gø'` cúng', jogui eáang' ta'na' mñi' fí lí' néé' júu^, jogui jmiféng'na' jaléng' diée' i o' já'- . ⁴ Jo laco' 'ná' nicatúu'ba' lana e jmoo'na' jalé' e ga' do, joba' eáam' dsigá' dsí' jaléng' i dsea` i jmoo'bi e lí' do cóo'~ 'ná', jogui gab' nifé'r' uii~ quií'na' cajo. ⁵ Jo dsu' jaléng' i dsea` í' niguiéeb' jmi~ mi~ niguiéer- cuente quiá'r- fí quini' Fidiée', dsea` ninéé' guiá' quiá'r- e niquidsir' í' quiá'- jaléng' dsea` jmigüi' i seeng'gui cóo'~gui jaléng' dsea` i nicajúng- cajo. ⁶ Jo dsu' uii'~ e lajob lí', joba' nicagua' dsea` júu^ quiá'- Dsea` Jmáang- jee~ jaléng' i dsea` i nicajúng- do e laco' e caliséiñ' fí quini' Fidiée' e cajmicóo' Jmiguí' quiá'- Fidiée' quiá'r-, nañi' fa' nicatidsib' í' quiá'r- lajee' e seeiñ' fí jmigüi' la.

⁷ Jo jo` huø- røo'gui jmigüi' e nidsijée' lajii'~ e si'í' quiá'- Fidiée' e nidsijée'. Joba' fñi- 'ná', dsea` rú'naa', i' óo'na' laco' catñng-, jogui ñiim'bi óo'na' e laco' lí'na' e fong'na' Fidiée' e ngocáng' óo'na' mi~ ee'go mñi'na'r. ⁸ Dsu' niing-gui eáang' e nijmi'neáang'na' dsea` rúng'na' e ngocáng' óo'na', dsuco' mi~ jmi'neáang'na' rúng'na', joba' nilb' niliféng' óo'na' quiá'- rúng'na' doñi' fa' sea' jmiguiá' dsee- quiá'r-. ⁹ Jogui íim'ba' e iáang' óo'na' jaléng' dsea` cóo'~ júu^ røø' mi~ i' guilíng- fí quií'na'. ¹⁰ Jogui 'né- jmicóo' rúng'na' laco' si'í', dseáng'- lí' laco' jii'~ e catñng- e cangñng'na' quiá'- Fidiée' lajaang' lajaang'na'. ¹¹ Jogui song i' 'ná' cangñng'na' e guia'na' júu^ quiá'- Fidiée', 'né' fo'na' e júu^ jo laco' iing~ Fidiée' e fo'na'. Jogui mi~ i' jaang' 'ná' ngñng'na' e jmoo'na' coo' ta~ e jmoo'na' lajii'~ e iing~ Fidiée', 'né- jmée'na' e jo dseáng'- la'eáang' cóo'~ bí e cuø' dsea` do 'ná'. Jo lajaléb' e jmoo'na', jmee'ba' dseáng'- laco' nijmiféng'na' Fidiée' la'eáang' cóo'~ Fí'naa' Dsea` Jmáang-, co' íb' dsea` i féng' jogui i' gøng' lata~. Jo lajob 'né- niliti'.

Mi' íng' dsea` quiá'- Dsea` Jmáang- jalé' iihuñ'

¹² Jo lalab fñi-túu' 'ná', dsea` rú'naa' dsea` quiá'- Dsea` Jmáang-, ja' jmoo'na' e dsi'gó' óo'na' mi~ ngñng'na' jee~ jalé' iihuñ' uii'~ e líng'na' dsea` quiá'- dsea` do, jogui ja' í' áa'na' e jii'~ 'ná' dsingñng'na' lajo. ¹³ Dsuco' o' lajo e 'né- jmée'na', co' lí' lí' 'né- e cuø'^ bí rúng'na' e jmi'iaang' óo'ba' lajii'~ e iihuñ' do, co' lajob e cangongñng- Dsea` Jmáang- fí jmigüi' la, jo lajoba' nili'iaang' óo'na' mi~ nimó'na' e nijaa'tu Dsea` Jmáang- fí jmigüi' la cóo'~ e laniing- 'gøiñ' do. ¹⁴ Jo juguiá' quií'na' song i' dsea` i si' 'ná' júu^ 'lí' uii'~ e líng'na' dsea` quiá'- Dsea` Jmáang-, co' contøom- seeng' cóo'~ 'ná' e Jmiguí' jlo'^ niing- quiá'- Fidiée' do. ¹⁵ Jogui song i' 'ná' móo'na' iihuñ', dsu' gab' lí' song e iihuñ' do ca'ling'na' uii'~ quiá'- e cajngang'na' dsea`, osi quiá'- e jmoo'na' i', osi quiá'- e nica'lee'na' é, osi quiá'- e quíng'na' jee~ jalé' e ja' e cuaiñ' quií'na'. ¹⁶ Jo dsu' song e iihuñ' e móo'na' do ca'ling'na' uii'~ quiá'- e líng'na' dsea` quiá'- Dsea` Jmáang-, joba' ja' 'né- jmée'na' e i' líng'na', co' lí' lí' 'né- e jmiféng'gui' Fidiéeb' uii~ quiá'- e jo.

¹⁷ Jo lanagui nicatib' í' e Fidiée' niquidsir' í' quiá'- jaléng' dsea` jmigüi', jogui nináng' lajee' la'ó' jneaa'aa', dsea` lí'naa' dsea` quiá'r-. Jo co' lajob lí', joba' zjialgui tí' ga' iihuñ' nidsingñng- jaléng' dsea` i ja' nñu' júu^ quiá'- Fidiée'? ¹⁸ Jogui laco' fé' fí ni' jii' quiá'- Fidiée' lala: "Song jaléng' i dsea` i guiúng- laco' si'í' huñm' nileáiñ' jee~ dsee- quiá'r-, joba' zjialgui tí' ga' nidsijée' cóo'~ jaléng' dsea` i 'líng' jogui cóo'~ i beáng' dsee- yaang'?"

¹⁹ Jo song cuø' Fidiée' fí e íng' jaléng' dsea` quiá' Dsea` Jmáang` iihuí', joba' jaléng' i dsea` í 'né- jmé' bir jmang' e guiá', jogui nijáng' yaaíñ car` ngocáng' dsír' fí quini' Fidiée' i cajmeáng' ír' do, co' dseáng' jmitib' Fidiée' jalé' júu' quiá'r'.

5

Júu' # 'goo' e cat#ng' jaléng' dsea` quiá' Dsea` Jmáang`

¹ Jo lanagui iin` n nifón' n jaléng' dsea` cøøng' i quie' nifí quií' na' jee' la' ó' 'nú', dsea` líng' na' dsea` quiá' Dsea` Jmáang`, co' jnea` lín' n jaang' i quie' nifí laco' í bre cajo, jogui camó' bái jalé' iihuí' e cangongíng' Dsea` Jmáang` fí dse' crúu', jogui nitím' baa cajo laco' i dsea` í e nimoo' o e laniing' 'gøng' quiá' Dsea` Jmáang` mí' nijáa' tur fí jmigüí' la. ² Joba' fí' i 'nú', dsea` líng' na' dsea` cøøng' i quie' nifí, jmee' na' í jaléng' dsea` i cangíng' na' i nicane' ní' na' i nicacuøng' Fidiée' 'nú', co' i dsea` í líiñ' lafa' jo' se' quiá' Fidiée'. Jogui jmee' ba' e jo e ngocáng' óo' na' laco' gui iing' Fidiée', jo ja' jmée' na' e laguidseaang' o' gui e laco' dsináang' na' cuu' cajo. Dsu' jmee' ba' jalé' e jo e íang' óo' na'; ³ jo ja' 'né- jmée' na' lafa' dsea' fí' i laguidseaang' quiá' ta' quiá' jaléng' dsea' quiá', dsu' lí' lí' 'né- e nijmí' úung' na' e ni' ee' na' røø, jo lajoba' cuøøng' nijøø' i dsea' quií' na' do e nijmér' laco' sí' í' cajo. ⁴ Joba' mí' tí' lí' nijáa' tu Dsea` Jmáang`, i dsea' i laniing' do i jmóo' lafa' ta' n' í' jo' se', joba' 'nú' ni' íng' na' lajii' e sí' íng' na' quiá' Fidiée' e jlo' e éang' e ja' tóo' jmí' fa' e ni' íng'.

⁵ Jogui lajobi 'nú' cajo, jaléng' siming', 'né- jmée' na' núu' na' jogui e jmí' goo' na' jaléng' dsea' cøøng'. Jo lajüing' 'nú' ja' 'né- jmée' na' jløng' na' quiá' rúng' na', dsuco' lalab fé' fí' ní' jì' quiá' Fidiée' lí' fé' lala:

Dseáng' teá' sée' Fidiée' quiá' jaléng' dsea' i jmicøøng' yaang',

dsu' eáam' guiá' jmicóo' r' jaléng' dsea' i ja' jmóo' lajo dsu' ñi' bre e 'né- e nijmicóo' Fidiée' quiá'r'.

⁶ Joba' cuøø' fí' yaang' na' e Fidiée' nicár' nifí quií' na', co' íb' dsea' laniing' 'gøng' cajo, jo lajoba' niseáiñ' 'nú' yú' mí' nití' í' quií' na'. ⁷ Joba' fí' i 'nú', dsea' rú' naa' dsea' quiá' Dsea` Jmáang`, 'naang' na' ca' jalé' fí' í' dsí' e seeng' na' fí' jmigüí' la jo guiá' na' jalé' e jo fí' jaguó' Fidiée', dsuco' dsea' dobing' i eéang' to' fíng' 'nú' contøøng'.

⁸ Jogui 'né- e í' áa' na' røø, jogui cajo 'né- e síiing' áa' na' contøøng' e laco' ja' nijmigøøng' fí' i 'líng' 'nú', dsuco' í' dseáng' 'ní' níim' bre jneaa' aa' e ngír' fí' la fí' na lafa' jaang' ie' e 'náng' ne' líng' i nisáng' ne'. ⁹ Dseáng' ja' cuø' na' fí' e fí' i 'líng' do nijmér' e nijmigøøíñ' 'nú' lajo, jogui jie' mí' tiúung' na' e já' líng' na' júu' quiá' Dsea` Jmáang`, co' niñí' na' e jaléng' rúng' dsea' quiá' Dsea` Jmáang` i seeng' fí' la' úng' fí' jmigüí' røøb' ngíiñ' iihuí' laco' 'nú'. ¹⁰ Dsu' mí' níng' e nica' íng' 'nú' jalé' iihuí' lajee' cateá', job mí' nijmé' Fidiée' e ni' uíng' na' dsea' guiúng' dseáng' laco' sí' í', jogui nijmér' e nisíng' na' teá' gui' fí' guiá' cóo' Dsea` Jmáang`, jogui e nita' óo' na' e Fidiée' dsea' nicá' nifí quií' na'. Dsuco' dsea' dobing' i eéang' 'neéang' jneaa' aa', jo nicatø' r' jneaa' aa' cajo e laco' ni' uíng' na' dsea' i seeng' cøøng' cóo' r' lata' colíng' cóo' Joor' Dsea` Jmáang'. ¹¹ Jo eéang' laniing' 'gøng' dsea' do lata' jee' jalé' e sea' fí' jmigüí'. Jo lajob 'né- niliti'.

Júu' guicóo' e lidséng'

¹² Jo la' eéang' cóo' Silvano, jaang' dsea' rú' naa' i dseáng' i lajang' líng' dsea' quiá' Dsea` Jmáang`, nicajmée' e jì' jia' la e laco' nifón' n 'nú' jogui e nicuøø' ø' 'nú' bí' e laco' nijmitaa' óo' na' e lajalé' e güea' e nica' íng' na' do cuø' lí' dseáng' e lajam' ba' 'neéang' Fidiée' 'nú'. Joba' fí' i 'nú' e lajob 'né- jmée' na' e teáam' bí' teá' fí' lí' niteéang' na' cóo' Dsea` Jmáang`. ¹³ Jogui jaléng' dsea' quiá' Dsea` Jmáang` i neéang' fí' Babilonia i nicaguíng' Fidiée' do laco' gui nicaguíñ' 'nú', guiéiñ' júu' guicóo' quií' na' cajo, jogui lajobi i joo' o' i sii' Marcos. ¹⁴ Jogui se' na' guoo' rúng' na' mí' jíng' rúng' na' uii' e 'neéang'

rúng'na'. Jøgui güiliseem`ba' juguiá- júu^ røø` lajüing`na' dsea` líng'na' dsea` quiá'-
Fíinaa' Dsea` Jmáang-.

Jø jüi~ jøb quiá'- lana.

Jø lanab jüi~ fé^ jì la'uii~ quiá'- Tú^ Simón.

Jì e catí tú e cajme' TŪ SIMÓN

¹ Jnea TŪ Simón, jaang dsea ì jmóo lajii e iing Fí'naa Dsea Jmáang jogui ì síiñ cuaiñ quiá'r, jmo'o e jì la e catíng 'nú', dsea ì røø nicangíng'na' e já' líng'na' júu quiá' Fí'naa Dsea Jmáang laco'gui nicangíng' jnea' e já' lí'naa' júu quiá' dsea do cajo, co' eáang' guiúng Fidié' cóo' jneaa'aa' e nicaleáaiñ jneaa'aa' jee dsee quí'ii' la'eáang' cóo' Fí'naa Dsea Jmáang. ² Jogui íim'ba' lalíng' e güea' quiá' Fí'naa Dsea Jmáang, jogui güiliseeng'na' juguiá' júu røø la'eáang' e nicuíng'na' Fidié' cóo' gui'ña' Dsea Jmáang cajo.

Jial líng' dsea' quiá' Dsea Jmáang

³ Jo lalab fii' 'nú', dsea rú'naa' dsea quiá' Dsea Jmáang, e la'eáang' cóo' güea' 'gøng' quiá' Fidié'ba' nicangíng'naa' jalé' e 'né'naa' e quiá' jial nilisee'naa' laco' catíng' e seeng' dsea quiá' Dsea Jmáang, co' nicatø' ì dsea do jneaa'aa' la'eáang' cóo' güea' quiá'r jogui la'eáang' cóo' e eám' guiúñ e laco' nilicuíng'naa'r. ⁴ Joba' la'eáang' cóo' jalé' e nicangíng'naa' do, nicacuøb' Fidié' júu quiá'r e niñíng'naa' jalé' e jlo' niguo' quiá'r, jo jalé' e júu e nicacuø Fidié' do eám' 'gøng' jogui eám' quíng' cajo, co' la'eáang' cóo' e júu joba' e nicangíng'na' e nica'naam'ba' jee jalé' e 'lí', fa' jalé' e lí' dsí' yaang' dsea e sea' fí' jmigü' la, jogui nicangíng'na' e nilíng'na' dsea ì seeng' cøøng' cóo' dsea do. ⁵ Jo uí' e cajmé' Fidié' jalé' e jo quí'na', joba' 'né' e jmi'úung'na' e jmicuáam'bi' e já' líng'na' júu quiá' Dsea Jmáang; jo cóo' e jo 'né' jmé'bi' lajii' e guiá' cóo' dsea rúng'na' laco' catíng'; jo cóo' e jo 'né' nijmé'bi' quijí' jial e laco' nilicuíng'gui' Fidié'; ⁶ jo cóo' e jo 'né' jmé'na' jialco' ja lí' áa'na' yaang'na'; jo cóo' e jo 'né' cuø' bí' yaang'na' e féng' áa'na' nañí' fa' e ngíng'na' iihuí'; jo cóo' e jo 'né' e dseáng' lajang' nijáang' yaang'na' fí' jaguó' Fidié' e nijmee'na' lajii' e iing' dsea do; ⁷ jo cóo' e jo 'né' jmé'bi' quijí' e nijmicóo' rúng'na'; jo cóo' e jo 'né' jmé'na' e nijmi'neáang'na' dsea rúng'na'.

⁸ Joba' song 'nú' jmi'úung'na' e jmoo'na' jalé' e la, jogui jmoo'bi' jalé' e jo laco' sí'í', joba' íim' ta' quí'na' e nilicuíng'gui' Fí'naa Dsea Jmáang jogui cajo seab' uing' quiá' jalé' e jmoo'na' do. ⁹ Jo dsu' jaléng'gui' dsea ì ja' jmóo' jalé' e júu la líiñ lafa' jaang' dsea tiuum' osi jaang' dsea ì jo jné' røø'é, co' nica'ím' dsíir' e Fidié'bing' ca'íng' jalé' dsee quiá'r e laco' ca'uíng' dsea do jaang' dsea guiúng' mi' calí' já' líiñ júu quiá' dsea do.

¹⁰ Joba' fii'guí' 'nú', dsea rú'naa' dsea quiá' Dsea Jmáang, e 'né' jmi'úung'na' e niliseeng'na' e laco' cuø' lí' e dseáng' nicatø' Fidié' 'nú' jogui e nicaguíñ' 'nú' cajo. Jo song jmoo'ba' lajo, joba' ja' dseáang' quí'na' e nijíung'na' fí' ni' dsee. ¹¹ Jogui song jmé'na' jalé' e jo cajo, jo lajoba' nilita' óo'na' e Fidié'bing' ní'íng' 'nú' cóo' e guiá' fí' jmigü' coo' fí' lí' guíng' Fí'naa Dsea Jmáang quiá'r ta' lata', ì dsea ì caleáang' jneaa'aa' jee jalé' dsee quí'ii'.

¹² Joba' dseáng' nijmee'bí' e nijmiguiém'bí' áa'na' jalé' e júu na contøøng', nañí' fa' lajam' e niñí'na' e júu jo jogui e niteáang'na' teá' fí' guiá' cóo' dsea do lí' laco' jii' e nica'e' dsea 'nú'. ¹³ Dsu' jnea'gui' lajee' e seen' fí' jmigü' la lín' e catím'baa e niliúun' 'nú' e niguiéng' áa'na' jalé' e júu na. ¹⁴ Dsu' lanagui Fí'naa Dsea Jmáang nicajmea'r jnea' júu e jo huøø' seeng'guí' fí' jmigü' la, ¹⁵ joba' dseáng' nijmee'bí' bí' e niguiém'bí' áa'na' e júu la mi' ning' e ningán'n fí' jmigü' coo'.

Mi' cangá' dsea' jial tí' 'gøng' Dsea Jmáang

¹⁶ Jo nica'é'naa' 'nú', dsea rú'naa', quiá' jial tí' 'gøng' Fí'naa Dsea Jmáang jogui jial lí' mi' nijáa'tur fí' jmigü' la calé' catú', jo dseáng' lajang' e júu jo, jo o' júu e cuøøng' nijmi'uíng' dsea e nijmé'r e ja' mí' cangar', co' dseáng' e já' e cane'naa'

cóo' jmini'naa' yee'baa' jial tí' 'gøng' Fíi'naa' Dsea` Jmáang-. 17 Co' cane'baa' mi' ca'e' Tiquí'ii' Fidiée' jnea'^ jial líng' Dsea` Jmáang- cóo' jalé' e niing- 'gøiñ' do, jogui ie' job caná'na' mi' café' Fidiée' catí' ñifí' quiá'r- lala cuaiñ~ quiá'- Dsea` Jmáang-: "Í lab Joo'ó i' 'neáan'n eáang', jo dsíng'- íaang' dsii- cóo'r~." 18 Jo jneab'^ dsea` caná'naa' e júu^ jo e jáa' tí' yú'^ jmi'güi, co' taam'baa' cóo' Fíi'naa' Dsea` Jmáang- e fí' yú'^ mó' e güeang'^ do ie' jo. 19 Jo e jo dseáng'- e lita' gui dsí'naa' e já'- e júu^ e cagua' jaléng' i dsea' i café' cuaiñ~ quiá'- Fidiée' mali' gui eáang', jo e júu^ job dseáng'- 'né' e jmi'goo' 'nú' cajo, co' e júu^ jo lí' lafa' coo' jì' quiá'- candíí', jo e joba' jmáng' dsea' ta' mi' canuu. Jo e jo jneá' cartí' nijneá' e jmí' e nití' mi' nijáa'tu Dsea` Jmáang- fí' jmi'güi' la e líiñ' lafa' i nuu' ée' i camíng' i jnéng'- fí' yú'^ jmi'güi' mi' la'ee'. Jo ie' jo jaléng' 'nú', dsea' líng'na' dsea' quiá'r-, jo' niliseeng'gui' lafa' fí' lí' nuu, co' ni'uíng'-na' dseáng'- laco' la líng' dsea' do 'ñia'r'. 20 Jo dsu' e júu^ laba' iin' n e niliñ'na', e jii' coo' júu^ e cajme' jaléng' dsea' i café' cuaiñ~ quiá'- Fidiée' fí' ní' jì' quiá'r- dseáng'- ja' café'r' o'gui cajméer' júu^ e' guøng' e júu^ jo dseáng'- laco' iñ~ yaaiñ~. 21 Co' jaléng' i dsea' i café' cuaiñ~ quiá'- Fidiée' do ja' café'r' júu^ dseáng'- laco' í' dsí'r' yaaiñ~, co' lí' lí' café' jaléng' i dsea' do la'eáang' cóo' 'ñia' Jmiguí' quiá'- Fidiée'b~.

2

Jaléng' dsea' i e' júu^ e o' já'- (Judás 4-13)

1 Jo lala fí' guí' 'nú', dsea' rú'naa' dsea' quiá'- Dsea` Jmáang-, e lamí' jéeng'gui calisé'm dsea' jee' dsea' Israel i cajmicaang~ e café'r' cuaiñ~ quiá'- Fidiée', dsu' o' já'-, co' e júu^ e caguiar' do jmang'^ júu^ e o' já'-; jogui lajee' lanab cajo niliseeng' dsea' i nijmicaang~ e líiñ' tifa' i e' júu^ quiá'- Fidiée', dsu' júu^ e o' já'-ba' ni'é'r- jee' 'nú', dsea' líng'na' dsea' quiá'- Dsea` Jmáang-. Jo jaléng' i dsea' la'í' e ñim' ni'é'r- e júu^ e 'léé' do e o' já'-, jogui nífé'r' ga' uii' quiá'- Fíi'naa' Dsea` Jmáang-, jogui i dsea' la'í' fé'r' e ja' cuíñ' i dsea' i caquí' jalé' dsee' quiá'- dsea' jmi'güi'. Joba' lajmináb- niquidsí' Fidiée' í' quiá'- i dsea' la'í', jogui nicuø' reiñ' iihu' cajo e catíiñ- uii' quiá'- jalé' e nicajméer' jogui e mí' 'noo'bi jmóor'. 2 Jo fíim' dsea' niligøøiñ' cóo' e júu^ e o' já'- do, jo nisíng'tu yaaiñ~ e fí' ga' do, jo uii' jaléng' i dsea' la'í' gab' nífé' dsea' uii' quiá'- fí' guiá' quiá'- Dsea` Jmáang-. 3 Jo uii' e lí' dsí' jaléng' i dsea' i e' jalé' e 'lí' do cuub-, joba' nilí'r' e nijmi'gøøiñ' 'nú' cajo cóo' jalé' e júu^ e o' já'- e er' do. Jo dsu' nisijéeb' e fí' lí' 'lí' do quiá'r- fí' lí' jo' mí' sea'gui, dsuco' tí' nití' í' e Fidiée' niquidsí' í' quiá'r-.

4 Jo nine'naa' guiá- e ja' ca'íng- Fidiée' dsee- quiá'- jaléng' ángeles i ca'éé' dsee-, dsu' lí' lí' cangojéiñ' fí' lí' 'lí' jaléng' í' jo fí' lí' nuu' sób' caseáang'neiñ' do e si'ñúuiñ~ do cóo' ñí' cadena cartí' mi' niquidsí' Fidiée' í' quiá'iñ- do. 5 Jogui lajobi nine'naa' guiá- e ja' ca'íng- Fidiée' dsee- quiá'- jaléng' dsea' dsee- dsea' qui' i caliséng' mali', co' ie' jo Fidiée' cacuø' reiñ' do iihu' e cajméer' e ca'á' jmí' fí' la'úng- fí' jmi'güi' e quiá'- cajúm- lajím' dsea' i soo' dsí' i cajméé' ga' do. Jo dseáng'- lajii' Noébing' i caseáang'gui, co' jii' í'bing' i ca'éé' e guiá- laco' catíng- fí' quini' Fidiée', jo lajob cajo caseáam'bi guiáng-gui dsea' sinúu' quiá'r- ie' jo. 6 Jogui lajob cajo ca'ím- Fidiée' jaléng' dsea' i seeng' fí' fí' Sodomá cóo' gui fí' fí' Gomorra e cacóo- eáang' fí' jo cartí' cajé' yaang~ fa' e laco' niliñ' jaléng' dsea' i niliseeng' cøng'gui e lajob iihu' ni'íng' jaléng' dsea' i jmóo' ga' i 'ní' níng- Fidiée'. 7 Dsu' ie' jo caleáam'bre jaang' dseañu' i sii' Lot, co' jaang' dsea' guiúm- líng' í', jogui eáam' óor' fí' cóo' jalé' e 'lí' e nír' e jmóo' jaléng' i dsea' i seeng' fí' lí' táaiñ' do.

8 Jo laco' jmi'b~ i dsea' guiúng- i sii' Lot do seeiñ' e eáam' óor' fí' cóo' i dsea' i soo' dsí' do uii' e nír' jogui e núur' jalé' e 'lí' e jmóo' i dsea' 'líng' do. 9 Jo co' já'- jalé' e la, joba' nine'naa' guiá- e ja' huíng' quiá'- Fíi'naa' Fidiée' e láaiñ' jaléng' dsea' jee' jalé' iihu'. Jo nine'naa' cajo jial cuø' Fidiée' iihu' jaléng' i dsea' i jmóo' ga' cartí' mi' niquidsí' í' 'ñia'r' quiá'- i dsea' la'í'. 10 Jo lajee' lajaléng' dsea', eáang'gui nicuø' Fidiée' iihu' quiá'- jaléng' dsea' i lí' dsí' e jmóor' jalé' e 'lí' lajee' la'ó' yaaiñ~ jogui i ja' iing' e Fíi'naa' Fidiée'

quier nifí quiá'r. Jo jaléng' i dsea' la'í iib' líiñ', jogui teáb' dsír' jmér' lí' doñí ee' e 'li'^, jogui ja' 'gó'r e fé'r' ga' uii~ quiá'- jaléng' i 'gøng' i ja' jnéng' i seeng' fí' yá'^ jmigüí. ¹¹ Jo jaléng' ángeles i líng' guotii~ quiá'- Fidiéé, nañí' fa' í'bing' dseáng'- e sea'gui bí' quiá'- laco' i dsea' i e' júu^ e o' já'- do, jogui nañí' fa' sea'gui fí' quiá'r- cajo laco'gui i dsea' í, dsu' niñí'bre e ja' dseeng' fa' e nifé'r' ga' fí' quini' Fí'naa' Fidiéé uii~ quiá'- jaléng' i 'gøng' do i ja' jnéng' i seeng' fí' yá'^ jmigüí.

¹² Jo dsu' jaléng' i dsea' i e' júu^ e o' já'- do líiñ' lafa' jó' núub^ co' ja' e ngáiñ' jii' coo, co' lí' seeiñ' lajob; co' jó' núu^bing' i líng' e lico' ngáang'~ne' e sáang' dsea' í're' jo jngaiñ', joba' lajob líng' jaléng' i dsea' la'í, co' fé'r' ga' uii~ quiá'- jalé' e ja' ngáiñ' do. Dsu' lajob nidsingíiñ' e ni'íim~ quiá'r- cajo mi~ nití' í' quiá'r- laco'gui júung~ jaléng' i jó' í, ¹³ jo røøb' ni'íng' i dsea' la'í iihu# laco'gui nicajmeaiñ' jaléng' dsea' rúíñ' i jíéng'gui. Jo dseáng'- ja' i' líng' jaléng' i dsea' í e jmóor' lajo mi~ jmii~, co' lico' í' dsír' e eám' juguiá' seeiñ' e lí' dsír' jalé' e sea' fí' jmigüí la; dsu' dseáng'- gab' lí' e seeng' jaléng' i dsea' la'í jee~ 'nú' i tá'- mii~ lajee' ee'go jmi~ jmoo'na', jo i dsea' la'í lico' jmi'iaang' dsír' lajii' e lí' dsír' yaam~bre fí' jmigüí la mi~ ee'go jmigøoiñ' dsea'.

¹⁴ Jo jaléng' i dsea' la'í ja' lí' níiñ' jaang' dseamí e fa' ja' suuiñ'; jo dseáng'- ja' fím'bre e beáng' dsee~ yaaiñ'. Jogui eám' jmóor' ta~ jmi'óo' e cøoiñ' dsí' jaléng' dsea' i ja' mí' teáng' teá' cøo' júu^ quiá'- Dsea' Jmáang~, jogui dseáng'- tí' i dsináang' cuub~ líiñ'. Jo uii' quiá'- jalé' e 'li'^ e jmóo' i dsea' la'í, joba' dseáng'- 'ñiab' Fidiéé niblíiñ' jaléng' i dsea' í.

¹⁵ Jo si'íim~ dsea' do lana, co' nicatú'bre e teáiñ' fí' guiá' cøo' Dsea' Jmáang~. Jo nicajméer' laco' cajmée' jaang' dsea' i si'í' café' cuaiñ' quiá'- Fidiéé malii'gui i calisí Balaam, jóo' jaang' dseañu' i calisí Beor, co' i dsea' í lí' lí' cajméer' lí' doñí ee' e ga' e laco' nilí'r' cuub~ lamí~ líiñ', ¹⁶ jo dsu' i dsea' í cajím~bre uii' e dsee~ e ca'éer' do, co' cajíim~ bú' quiá'r- ír, co' i bú' do café're' laco' fé' dseab, jo job mi~ cajníng'ne' lajii' e lí' dsí' i dsea' do.

¹⁷ Jo jaléng' i dsea' í i e' júu^ e o' já'- do líiñ' laco' dsea' i ja' ta' íng', co' líiñ' lafa' coo' ojmí' lí' ja' a~ jmii, osi lafa' jnii' e dsigúing~ cøo' guí e ja' quie' jmii' é; jo Fidiéé'bing' cacuø' e nisi'íing' i dsea' do dseáng'- e nidsiliñ' fí' lí' nuu' sò' lata'. ¹⁸ Co' yaam~bre guiar' júu^ e røo~ jogui júu^ e ja' uiiing~ sea, jo cøo' e ga' e sitíiñ' jmóor' do jogui cøo' jalé' e lí' dsír' yaaiñ' do cøoiñ' dsí' jaléng' dsea' i nabi' 'lé' já'- líng' júu^ quiá'- Dsea' Jmáang~ jogui e nabi' nicanaaiñ' e 'naaiñ' yaaiñ' jee~ jaléng' i dsea' dsee~ dsea' qui' do. ¹⁹ Co' i dsea' i e' júu^ e o' já'- do sí'r' jaléng' i dsea' do e cuøøm' lí' jméiñ'- jalé' e iíñ~, jogui ja' 'né' jmitiñ' júu^ quiá'- Fidiéé, dsu' o' já'- e júu^ e ca'er' do, co' yaam~bir líiñ' lafa' dsea' i si'niing' cøo' jalé' e 'li'^ e sea' fí' jmigüí la; co' niñí' dsea' e lí' doñí ií' dsea' i nicajáng' 'ñia' e nijmér' jalé' e 'li'^ e sea' fí' jmigüí la líiñ' lafa' i dsea' i nicalí' e quia' ta~ quiá'r- jalé' e 'li'^ e jmóor' do. ²⁰ Jo dsu' jaléng' dsea' i nicalicuíng' Fí'naa' Dsea' Jmáang~ i láang' dsea' jee~ jalé' dsee~ quiá'r-, jo la'eáang' cøo' e joba' nica'naang' yaaiñ' jee~ jalé' e 'li'^ e jmóo' dsea' fí' jmigüí la, jo dsu' song caquing'-tu i dsea' do e fí' ga' do jo cajmée'tur jalé' e 'li'^, jogui niquiá'-tu ta~ quiá'r- jalé' e jo, joba' eáang'gui ga' ni'uíng~ quiá'r- laco'gui lamí~ jéeng'gui ie~ lamí~ nú'-gui e nilicuíñ' Dsea' Jmáang~. ²¹ Joba' guiá'-gui quiá'- jaléng' i dsea' la'í fa' e ja' mí' canaaiñ' e teáiñ' fí' guiá' cøo' Dsea' Jmáang~ laco'gui catú'tur jalé' e nicangíiñ' do mi~ nicalicuíñ' dsea' do jogui e nicasíñ' yaaiñ' fí' guiá' cøoiñ' do. ²² Co' nicalitib~ cøo' jaléng' i dsea' la'í lajii' júu^ e røo' e fé' lala: "Yaam~ dsii' gø'ture' ñu~ quiá're' e ñá're' do"; jogui "Jaang' cú' i dseáng'- lalí' calá'- nitáang'-tu 'ñia're' jee~ jmijii'".

3

Mi~ nijáa'tu Fí'naa' Dsea' Jmáang~ fí' jmigüí la

¹ Joba' fii'guí 'nú', dsea' rú'naa' dsea' quiá'- Dsea' Jmáang~ i iin~n eáang', la catí' túb' e jii' la e jmo' o e catíng~na'. Jo e jii' la cøo'gui e lamí~ jéeng'gui do jmo' o e laco' ni'í' áa'na' røø' jogui e ni'ee~na' guiá' laco' catíng~ e jmóo' dsea' quiá'- Dsea' Jmáang~. ² Jogui

iin~n e jmiɡuieꞑ' áána' jalé' e júu^ e caséé' jaléꞑ' i dsea' i café' cuaiñ~ quiá'- Fidiéé' malii' gui eáang', jogui cajo iin~n e nitó^ óóna' lajii'~ júu^ quiá'- Fii'naa' Dsea' Jmáang~ i láang' jneaa~aa' jee~ dsee~ qui~ii'; jo jaléꞑ' i dsea' apóo^bing' i ca'e' jneaa~aa' jalé' e júu^ jo.

³ Jo e lab e niing~gui e 'né~ e nitó~ áána' nifi' quiá'- e júu^ la, e mi~ tí' lí' nijaquíeꞑ' e ni'íing~ jmiɡuú', nijalíing~ jaléꞑ' dsea' e lí' niliseeiñ' e jmóor' lajii'~ e ga' e lí' dsír' yaam~bre, jogui jaléꞑ' i dsea' la'í' nijmér~ ta~ lóø^ cóo'~ jalé' júu^ güeang'^ quiá'- Fidiéé' jogui cóo'~ dsea' quiá'r~ cajo, ⁴ jo nijmér~ ta~ jmingii' lala cóo'~ júu^ e lóø': "¿E~gui calí~ cóo'~ lajii'~ júu^ e sisée^ e quiá'- si'í' e nijáa'tu Dsea' Jmáang~ calé' catú~ fí' jmiɡuú' la? Dsu' niingóo' jiu jii' e cajúꞑ~ Dsea' Jmáang~ do, jo ja' e lí' e nigüeꞑ~tu dsea' do fí' la, dsuco' ja' ee' sisíing^ jii'~ cóo' jalé' e sea' fí' jmiɡuú' la, co' røøb' lí' laco' lí' lamí~ uiing~ do lí' lana cajo." ⁵ Jo dsu' o' já'- e laco' fé' i dsea' do, co' 'né~ e ní' 'nú' e jaléꞑ' i dsea' la'í' ja' iin~ fa' e nicár' cuente e lati' lajii'~ mali'ba' nisea' latøøꞑ~ yá'^ jmiɡuú' la'eáang' cóo'~ júu^ quiá'- Fidiéé', jo la'eáang' cóo'~ ta~ e caquiú' Fidiéé'ba' cajo e cagüi'fí' guóo'~ uó' fí' é' jmi, jogui la'eáang' cóo'~ jmi'ba' cajméer' e jo cajo. ⁶ Jo ie~ mali' do ca'ím~ jaléꞑ' dsea' jmiɡuú' la'eáang' cóo'~ jmi' cajo, co' ca'á' jmi' fí' ní' la'úꞑ~ guóo'~ uó'. ⁷ Jo dsu' latøøꞑ~ jmiɡuú' cóo'~gui guóo'~ uó' e sea' lana nisisée^ e quiá'- e nicób', co' lajob ta~ e caquiú' Fidiéé' e nilí'. Jo cóo'~ e jì job nicáꞑ' dsea' mi~ tí' lí' nití' í' e niqidsí' Fidiéé' í' quiá'- lajaang' lajaang' dsea' jmiɡuú', jo ie~ job mi~ ni'íing^ jaléꞑ' dsea' i ja' calinúú'~ jalé' júu^ quiá'- Fidiéé'.

⁸ Jogui fii'~bí' 'nú' e la, dsea' rú'naa' i iin~n eáang', jie~ mí' íing~ áána' e la: Røøb' tí' quiá'- Fii'naa' Dsea' Jmáang~ e cóo' jmi' osi cóo' mil jii' é, co' líing~ dsea' do e lafa' cóo' jmi'~ quiá'r~ e cóo' mil jii' do, jogui e cóo' mil jii' do líiñ~ lafa' cóo' jmi' tøøm~. ⁹ Jo ofa' jmi'ing~ Fii'naa' Dsea' Jmáang~ e nijmitir~ lajii'~ júu^ e nicacuø' lamí' jéꞑ'gui laco'gui í' dsí' i líing~ dsea', dsu' o' lajo, co' e eáang' féꞑ' dsíib' dsea' do, co' ja' iin~ fa' lí' e nidsilíing' jii'~ jaang' dsea' lajo fí' lí' 'lí', dsu' iing~ dsea' do e lajím' dsea' niqú'~ nijíꞑ' yaaiñ~ fí' quini' Fidiéé', jo lajoba' ni'náng' dsea' jee~ jalé' dsee~ quiá'r~.

¹⁰ Dsu' dseáng'~ jáb' e nijaquíeꞑ' e jmi' e nijáa'tu Fii'naa' Dsea' Jmáang~ calé' catú~ fí' jmiɡuú' la, jo jii'~ ja' ii' nilí'í', co' nijáar' lajee' ja' ñiiñ~ dsí' dsea' laco' mi~ ngí' jaang' dsea' i jmóo'~ ii' mi~ uøø'. Jo ie~ job mi~ ni'ii' eáang' car' níféꞑ' dsea' mi~ ninga' la'úꞑ~ fí' yá'^ jmiɡuú', jogui ni'ím~ jaléꞑ' i seeng' fí' yá'^ do cajo, co' nicám~bre cóo'~ jì, jogui lajobi guóo'~ uó' cóo'~ jalé' e sea' fí' jo, nicób' cóo'~ jì cajo.

¹¹ Jo co' lajib' e sea' fí' latøøꞑ~ jmiɡuú' nicó' cartí' ni'íing~, joba' 'né~ e nijmiñíing' áána' e ni'naang~ yaang~na' jee~ jalé' dsee~ quiá'na', jogui contøøm~ 'né~ jmée^na' lajii'~ e iing~ Fidiéé' car' ngocáꞑ' óóna'. ¹² Jo jmée^na' jalé' e jo lajee' e nisijeem'ba' e jmi' e nijáa'tu Fidiéé' fí' jmiɡuú' la, jo jmi'úum'ba' e nigüeá' lajminá~ e jmi' jo. Jo mi~ nití' e jmi' jo, ni'ím~ la'úꞑ~ jmiɡuú' co' nicób', jogui jaléꞑ' i seeng' fí' yá'^ jmiɡuú' nijmím~bre cóo'~ e niing~ jì do cajo. ¹³ Dsu' jneaa~guú', dsea' lí'naa' dsea' quiá'- Dsea' Jmáang~, sijeeng~naa' jmiɡuú' e 'míib~ cóo'~gui guóo'~ uó' e 'míib~ cajo lí' laco' lajii'~ júu^ e nicacuø' Fidiéé' lamí' jéꞑ'gui e nicacuø'r' jneaa~aa', jo lajalém' i niliseeng' e fí' jmiɡuú' 'mí' do líiñ' i guiúꞑ' i jmóo' lajii'~ e iing~ dsea' do jogui i güeang'^.

¹⁴ Joba' fii'~guú' 'nú', dsea' rú'naa' i iin~n eáang', e lajee' e sijeeng~na' jalé' e jo, jmee~ba' úꞑ' quiá'na' e nijmée^na' jman'~ e guiá~ e laco' mi~ nigüeꞑ~tu Fidiéé' fí' jmiɡuú' la calé' catú~, e nigüeiñ' 'nú' e seem'ba' juguiá' júu^ røø' e ja' si'ling'^na' fí' quini' jogui e ja' dsee~ røøꞑ'na' jii'~ cóo'. ¹⁵ Jogui téé' áána' e contøøm~ féꞑ' dsí' Fii'naa' Dsea' Jmáang~ e laco' tí'bi' niqú'~ nijíꞑ' yaang~na' fí' quini' dsea' do e laco' nilí'na' nileáꞑ'na' jee~ jalé' dsee~ quiá'na'. Jo quiá'- lajobi cajo, jaang' dsea' rú'naa' dsea' quiá'- Dsea' Jmáang~ i ii'naa' eáang' i sii' Paa~ nicajme'r' jalé' jì e quiá'- jial laang' dsea' jee~ dsee~ quiá'r~ lí' laco' jii'~ e cacuø' Fidiéé' quiá'r~ e tiiñ' ngáiñ'. ¹⁶ Jo fí' ní' jalé' e jì e nicajme' dsea' do, røø' nicaféiñ' 'nú' cuaiñ~ quiá'- lajì e júu^ e quiá'- jial laang' dsea' jee~ dsee~ quiá'r~, naí'

fa' jee~ e ji`jo sea`bi e huíng' e ningáng' jaléng' i dsea`i ja`ngáng' e júu^ jo cóo'~gui jaléng' dsea`i ja`mí teáang~ teá` cóo'~ jalé' e júu^ jo cajo, co' jaléng' i dsea` la'í lí'^ riquib' fé'r' e~ guóng' e júu^ e er' do, jogui jmisím~bre cajo e~ guóng' e júu^ quiá'- Fidié' caguiee~gui do, dsu' mi~ jmóor` lajo lico' guiéng' yaaiñ~ fí lí' 'lí'^ latab~.

¹⁷ Joba' fíi~guíi 'nú', dsea` rú'naa' dsea` quiá'- Dsea` Jmáang~ i iin~n eáang', co' 'nú' dseáng'- niñí^ba' guiú~ jial lí' e júu^ la, joba' fíi~i 'nú' e jmeáang'~na' í^ yaang~na' e laco' ja` nijmigóong` dsea` 'nú' e laco' fa' e nilí'r' e nitiúung~na' Fí'naa' Dsea` Jmáang~. ¹⁸ Dsu' 'nú' lí'^ lí' 'né' e nijmicuíim`bi' eáang'gui Fí'naa' Dsea` Jmáang~, co' íb` dsea` láang` jneaa~aa' jee~ jalé' dsee~ quí^ii', jogui 'né' e niline~guíi' jial tíi' 'neáang` dsea` do jneaa~aa', dsea` i ja` catíng~ lajo. ijoba' majmifém'baa' dsea` do contøong~ jogui lajob lata~!

Jo lajob nilí^.

Jo lanab jíi'~ fé' jì e catî tú~ quiá'- Tú^ Simón.

Ji' la'uii~ e cajme' JUAN

E~ uiing~ e calí e jì la

¹ Lalab fii~i 'nú' e fí' nî jì la cuaiñ~ quiá'~ jaang` i niseeng` lajii~ mi~ nú'~gui nitiroo~ jmiigüü. Jo dsea` î dseáng'~ nicanú'baa' jial fé'r', jogui nicanem~baa'r dseáng'~ quini~naa' lana, jogui nicalé'naa' cuente e dsea` la jneaa~aab' líiñ', co' quiá'~ lanab nicalisé'naa' cóo'r~ la'ó'~ jnea'^, dsea` oo~naa' ta~ quiá'~ Fidiée~. Jo dsea` íb` Dsea` Jmáang~ i cuo' e ee~ dsea` lata~ cóo'~ Fidiée~. ² Jo i dsea` i cuo' e jo dseáng'~ nica'éem` 'ñia'r' fí' jmiigüü la, jo nicanem~baa'r, joba' nicaní'~naa' júu^ quiá'~ jalé' e nicané'naa' quiá'r~; jogui lana guia'naa' júu^ jee~ 'nú' quiá'~ i dsea` i cuo' e ee~ dsea` lata~ cóo'~ Fidiée~ do, jo dsea` íb` cajo i caguá' fí' ñiff~ lamí jéeng'gui cóo'~ Tiquiá'r', jogui i Tiquiá'r' do nica'éem`bre dsea` do jee~ jneaa~aa' fí' jmiigüü la. ³ Jo lajob júu^ e guia'naa' jee~ 'nú' quiá'~ lajii~ e nicané'naa' jogui lajii~ e nicanú'naa' quiá'~ dsea` î, co' ii~naa' e 'nú' seeng'na' cøøm` cóo'~ jnea'^ laco'gui jnea'^ cøøm` see~naa' cóo'~ Tiquí'ii' Fidiée~ dsea` guing~ ñiff~ colíing~gui cóo'~ Jóor` Dsea` Jmáang~. ⁴ Joba' jmo'naa' jalé' e júu^ la quí'na' e laco' nicuo' e íaang` dsì'naa' laco' sí'í'.

Fidiée~ líiñ' jaang` i jing' jlo'^

⁵ Jo e lab e júu^ e ca'e' Dsea` Jmáang~ jnea'^, jo e job e ee~naa' 'nú' lana, e Fidiée~ líiñ' jaang` i jing' jlo'^, jo jii~ capí'^ e nua` só' ja` sea` quiá'r~. ⁶ Jo mi~ fé'naa' e cøøm` see~naa' cóo'~ Fidiée~, jogui dsu' lajee~ jo beáam~ dsee~ yee~naa' laco'gui la jmoo` i dsea` i seeng` fí' lí' nua` só', joba' jmiigøøm` yee~naa' cóo'~ e fé'naa' do jóng, co' ja` jmoo~naa' laco'gui la iing~ Fidiée~ e nijmó'oo'. ⁷ Dsu' song see~naa' cøøng` cóo'~ Fidiée~ i jing' jlo'^ do, joba' cøøm` see~naa' lajee~ la'ó' rú'naa', dsea` lí'naa' dsea` quiá'~ Dsea` Jmáang~, jogui nileám'baa' jee~ dsee~ quí'ii' la'eáang` cóo'~ jmi'øøng~ Jesús i líng` Jóo' Fidiée~ e catuu` mi~ cajúiiñ~.

⁸ Jo mi~ fé'naa' e ja` dsee~ røø~naa' jii~ coo', joba' lí' lí' jmiigøøng` yee~baa' jóng, co' ja` léé'ee' júu^ já'~ quiá'~ Fidiée~. ⁹ Jo dsu' song jmoo~baa' júu^ røø` uii~ quiá'~ jalé' dsee~ quí'ii' fí' quini~ Fidiée~, joba' dseáng'~ nisita~ dsì'naa' e guiáb~ ee` Fidiée~ cóo'~ jneaa~aa', jogui jmiti~bre júu^ quiá'r~ e íim~bre jalé' dsee~ quí'ii' jogui láaiñ` jneaa~aa' jee~ jalé' e ga` e jmoo~naa'. ¹⁰ Jo dsu' song fé'naa' e ja` dsee~ mí' ca'ee~naa' jii~ coo', joba' lí' e lafa' fé'naa' e adseaam` Fidiée~ song lajo; jo ja` léé'ee' dseáng'~ lajang'~ júu^ já'~ quiá'~ dsea` do song lajob fé'ee'.

2

Dsea` Jmáam`bing' mi' Fidiée~ cuaiñ~ quí'ii'

¹ Dsea` rú'naa' i 'neáan`n eáang`, jmo'o e júu^ la e catíing~na' e laco' ja` ee~na' dsee~. Jo nañí' fa' sea`bre mi~ jiiung'na' nî dsee~, dsu' seem` jaang` i jmicóo'~ jneaa~aa' i mi' Tiquí'ii' dsea` guing~ ñiff~ cuaiñ~ quí'ii', jo íb` Dsea` Jmáang~ i ee` guiá~ do. ² Jogui dsea` íb` i cajúng~ fí' dse' crúu^ e laco' ca'íng~ lajii~ dsee~ quí'ii' e røø~naa' fí' quini~ Fidiée~. Dsu' o' jii~ dsee~ quí'ii' yee~ee' dsea` lí'ii' dsea` quiá'~ Dsea` Jmáang~ e ca'íiñ~, co' lajob ca'íiñ~ dsee~ quiá'~ lajiiing` dsea` jmiigüü cajo.

³ Jo song náu'baa' jalé' júu^ quiá'~ Fidiée~, joba' nisita~ dsì'naa' e nicalicuíim`baa're jóng. ⁴ Jo song seeng` dsea` jiiñ' e cuíim`bre Fidiée~ jo dsu' ja` náu'r~ lajii~ júu^ quiá'~ dsea` do, joba' i dsea` î líiñ' jaang` i adseaang`, co' ja` quier' júu^ já'~ quiá'~ Fidiée~. ⁵ Jo dsu' song seeng`gui dsea` i contøøm~ náu' júu^ já'~ quiá'~ dsea` do, joba' líta~ dsì'naa' e dsea` î 'neáam`bre Fidiée~ laco' sí'í'; jo song jmoo~baa' lajo, joba' líne~naa' e cøøm` see~naa' cóo'~ Fidiée~. ⁶ Jo song seeng` dsea` i jing'~ e cøøm` seeiñ` cóo'~ Fidiée~, joba' 'né' ni'é'r~ laco'gui ca'ée' 'ñia' Dsea` Jmáang~ fí' jmiigüü la.

Júu^ 'né- liti~ e nisea`lati' mi~ uing~

⁷ Dsea` rú`naa' i` neáan`n eáang', ja` lí' laco' coo` júu^ 'má- e júu^ e 'né- liti~ quiá'- Fidiéé` e jmo'`o la e catíng-`na', co' e lab cajo e ca'íng'~ 'nú' lati' mi~ calicuíng`na' Dsea` Jmáang-. Jo e júu^ e 'né- liti~ do ja` sisíng^` cóo'~ e júu^ e ca'íng'~ 'nú' lami~ jéeng`gui do. ⁸ Jogui dsu' e júu^ e 'né- liti~ e jmo'`o la quií-`na' lana laco' coo` júu^ 'máib- lí'; jo dseáng'-` jáb'- e júu^ jo, jo cajmitib~ Dsea` Jmáang- laco'gui jmití' 'nú' cajo, co' nicango'ím' e nua` só' do, jo lana nicanaang` jing' i` jing' jlo'^ do.

⁹ Jo song seeng` dsea` i` jing'- e cøm` seeiñ` cóo'~ i` jing' jlo'^ do jo dsu' 'ní' níim-`bre dsea` rúíñ', joba' i` dsea` í' fí' lí' nua` só'`bi seeiñ`. ¹⁰ Jogui i` dsea` quiá'- Dsea` Jmáang- i` jmi'neáang` rúng', cøm` seeiñ` cóo'~ i` jing' jlo'^ jo ja` e uing~ sea` quiá'r- e nitéiñ' fí' ní' dsee-. ¹¹ Jo dsu' i` dsea` i` 'ní' níng-` rúng' do, seem`bir e jmóor` laco'gui la jmóo` dsea` i` seeng` fí' lí' nua` só'; jo jíi'~ ja` ñir` jie` fí' lí' ngóor', co' fí' lí' nua` só'` dob seeiñ`, joba' lí' lafa' tiuum-`bre.

¹² Dsea` rú`naa' i` lafa' jóo`o, jmo'`o e júu^ la e catíng-` 'nú' quiá'- e jmiguiéng'` áa'na' e nicalíim-` Fidiéé` dsee-` quií' na' la'eáang` cóo'~ jalé' e calíng-` Dsea` Jmáang- fí' dse'` crúu^. ¹³ Jogui jmo'`guí e júu^ la quií-` 'nú', dsea` líng`na' dsea` cóong'~ jee~ dsea` quiá'- Dsea` Jmáang-, quiá'- e jmiguiéng'` áa'na' e nicuíim`ba' i` niseeng` lajíi'~ mi~ nú'-`gui nitiroo` jmigüi' do. Jogui jmo'`guí e júu^ la quií-` 'nú', dsea` i` ni'lé'` cuíng`na' Dsea` Jmáang-, quiá'- e jmiguiéng'` áa'na' e nicalí'-`ba' e jo` lí' fii' i` 'ling'` jmigóoiñ` 'nú'.

¹⁴ Dsea` rú`naa' i` lafa' jóo`o, nab nicajméé'~ e quií-`na' e laco' nijmiguiéng'` áa'na' e nicalicuíim`ba' Tiquí'ii' Fidiéé`. Jogui nicajméé'~ baa quií-`na' cajo jaléng'` 'nú', dsea` líng`na' dsea` cóong'~ jee~ dsea` quiá'- Dsea` Jmáang-, e jmiguiéng'` áa'na' e nicuíim`ba' i` niseeng` lajíi'~ mi~ nú'-`gui nitiroo` jmigüi' do. Jogui nicajméé'~ bí quií-` 'nú', dsea` i` ni'lé'` cuíng`na' Dsea` Jmáang-, e jmiguiéng'` áa'na' e nicalíim`ba' júu^ quiá'- Fidiéé` car` ngocáng` óo'na', jo ja` mí' catiúung`na' jíi'~ capí', jo nicalí'-`ba' e jo` lí' fii' i` 'ling'` jmigóoiñ` 'nú'.

¹⁵ Joba' fíi'-`guí jaléng'` 'nú' e ja` síng'` yaang`na' fí' ga, o'gui jmoo`na' dsináang`na' jalé'` e 'lí' e sea` fí' jmigüi'; jo song seeng` dsea` i` jmóo` lajo, joba' i` dsea` í' ja` 'neáaiñ` Tiquí'ii' Fidiéé`. ¹⁶ Co' jalé' e 'lí' e lí' dsí' dsea` fí' jmigüi' la ja` jáa' quiá'- Tiquí'ii' Fidiéé`, co' quiá'- i` 'lí' lí' jáa' do cofa' jalé' e la: mi~ lí' dsí' dsea` jalé' e iing~` ngúu` táaiñ` fí' jmigüi' la, jogui mi~ dsináaiñ` lí' doñí' ee' 'lí' cangár-` fí' jmigüi' la, jogui mi~ iñ~ e í'bre silí'r' jalé' e jlo'^ e sea` fí' jmigüi' la e laco' jmféng'` dsea` ír'. ¹⁷ Dsu' coob` mi~ nití-` í' e ni'íng-` lajíi'~ bí e sea` quiá'- i` 'ling'` fí' jmigüi' la colíng~` cóo'~ jalé' e 'lí' e dsináang` jaléng'` dsea` jmigüi'. Jogui jaléng'` i` dsea` i` jmóo` jíi'~ e iing~` Fidiéé`, latab~ niliseeiñ` cøng` cóo'~ dsea` do.

Jial ñi' dsea` jnang` júu^ e já'- jogui jnang` júu^ e o' já'-

¹⁸ Dsea` rú`naa' i` neáan`n eáang', lana nijaquíéeng' e tí' lí' ni'íim-` jmigüi'. Jogui nicanáub-` 'nú' e nú'-`guiji e jo, nijáa' jaang` dsea` i` 'ling'` i` 'ní' ní-` quiá'- Dsea` Jmáang-. Jo nicalíiñ`baa' røø` e téeb-` róo'gui jmigüi', co' lati' lanab nicanaang` ngí' fíng' dsea` i` 'ní' ní-` quiá'- Dsea` Jmáang-. ¹⁹ Jo jaléng'` i` dsea` í' cangotáam-`bre jee~ jneaa`aa' lami~ jéeng`gui, dsea` lí'í' dsea` quiá'- Dsea` Jmáang-, dsu' catiúum-`tur jneaa`aa'; cofa' mi~ ja` cajméer` lajo, joba' quiim-`bir jee~ jneaa`aa' lati' lana jóng, dsu' catiúum-`bre jneaa`aa'. Jo calí-` lajo e laco' calíiñ` dsea` røø` e jíi'~ jaang` i` dsea` do líiñ` laco' jneaa`aa', dsea` lí'í' dsea` quiá'- Dsea` Jmáang-.

²⁰ Dsea` rú`naa', Dsea` Jmáang- nicaguíñ` jneaa`aa', dsea` lí'naa' dsea` quiá'r-, e nicangíng`naa' Jmiguí quiá'r-, jo lajoba' nine`naa' jnang~` dseáng'-` júu^ já'- . ²¹ Jo uing~` joba' jmo'`o e jí' la e catíng-` 'nú', dsu' ofa' uii~ e ja` mí' cuí'na' jnang~` júu^ já'-; co' 'nú', dseáng'-` røøb` niñí'na' e jo. Jogui ñi'`bi 'nú' cajo e jíi'~ coo` júu^ já'- ja` cuøng` nigüí'íng' jee~ júu^ e o' já'- . ²² Joba' fá' jnea~: ¿í i` dsea` adseaang` do? Co' íb' i` dsea` i` fé' e o' já'- e Jesús líiñ` Dsea` Jmáang-. Jo íb' i` dsea` i` 'ní' ní-` quiá'- dsea` do, dsuco' mi~ 'ní' níiñ` Jóo' Fidiéé` joba' 'ní' níim-`bre la quié' Tiquíá'^ dsea` do cajo. ²³ Jo doñí' ii' i` 'ní' níng-` Jóo'

Fidiéé, lajob 'ní' níñ Tiquiá^ dseá do cajo; dsu' i dseá'gui i fé' e jáb' e Dseá Jmáang- cagüéñ e lñiñ jaang dseá jmigüí, joba' dseá do e já' ba' cuíñ Dseá Jmáang- jóng, jogui nicuímbre la quie' Tiquiá^ dseá do cajo.

²⁴ Jo fñ-guñ 'nú', jie~ mí tú'na' e júu^ já' quíá' Dseá Jmáang- e canúu-na' latí mi~ uiing~ do. Jo song ja' catiúung'na' e júu^ jo, joba' cøøm niliseeng'na' cóo' Joo' Fidiéé jogui lajobi cóo' Tiquiá^ dseá do cajo. ²⁵ Jo e lab e júu^ e dseáng' nicacuø' Dseá Jmáang- jneaa'aa', e nilisee-naa' cøøng cóo' Fidiéé lata~. ²⁶ Jo nicajmée' e e júu^ la quí'na' e laco' niliñ'na' quíá' jaléng' dseá i iing~ nijmigøøng' 'nú' e nisíñ' 'nú' fí ga. ²⁷ Jo dsu' la'eéang' e seem' Jmiguí quíá' Fidiéé cøøng cóo' 'nú' e cangñng'na' cacuø' Dseá Jmáang- do, joba' ja' 'neáng'na' e dseá'jiéng' ni'é' 'nú' laco'gui jii~ e niñ'na', co' 'ñiab' Jmiguí quíá' Fidiéé e e' 'nú' jalé' e 'né' niliñ'na'. Jo jalé' e er' do jmang' júu^ jáb', jo jii~ coo' fa' lí júu^ e o' já'. Joba' fñ-i 'nú', jie~ mí tú'na' e seeng'na' cøøng cóo' Dseá Jmáang- laco'gui nica'e' Jmiguí quíá' Fidiéé 'nú'.

²⁸ Joba' fá'guñ dseá rú'naa' i 'neáan'n eéang', jie~ mí tiúung'na' e seeng'na' cøøng cóo' Dseá Jmáang-, jo lajoba' nisita' dsi'naa' e jo' 'gó'naa' o'gui i' líng-naa' fí quinir' mí nigüéeng-tur fí jmigüí la. ²⁹ Co' niñ'na' 'nú' guiú' e Dseá Jmáam-bing' i dseáng' ée' guiú', jogui niñ'bi 'nú' cajo e doñí i dseá i ée' guiú' contøøng-, dseá íb' dseáng' i líng' joo' Fidiéé.

3

Jial lí' mi~ uíng- dseá joo' Fidiéé

¹ Joba' fñ-guñ 'nú', dseá rú'naa' dseá quíá' Dseá Jmáang- i 'neáan'n eéang', ñi'na' jial tí' 'neéang' Tiquí'ii' Fidiéé jneaa'aa', co' í'bing' nicacuø' jneaa'aa' e lí'ñi' laco' joo'bre. Co' e já', dseáng' joo'bre lí'ñi'. Jo uí' e lajob lí'naa', joba' jaléng' i dseá i ja' mí calicuíng' Fidiéé ja' cuíñ jneaa'aa' cajo. ² Jogui lana, dseáng' joo' Fidiéé nilí'ñi'; dsu' ja' ne'ee' røø' ee' e nidsijéé quí'ii' cøøng'gui, lifa' nisitab' dsi'naa' e mí nigüéeng-tu Dseá Jmáang- fí jmigüí la, joba' ie~ jo nilí'naa' laco'gui la líng' Fidiéé 'ñia'r', dsuco' niline'baa' jial dseáng' líng' dseá do. ³ Jo doñí i dseá i nita' dsi' e nilí'ñi' laco'gui Fidiéé mí nijáa'tu Dseá Jmáang-, joba' nijmi'úuiñ e ni'é' guiú' laco'gui dseá do 'ñia'r'.

⁴ Dsu' doñí i dseá i beáng' dsee yaang~, joba' jmóor laco'gui dseá i 'ling' i 'ní' níng' Fidiéé, dsuco' dseeb- mi' 'ní' níng' dseá Fidiéé. ⁵ Jo 'núb' niñ'na' guiú' e cajá' Dseá Jmáang- fí jmigüí la e caja'íiñ dsee quí'baa', jo dseá íb' dseá i ja' røøng' jii~ coo' dsee. ⁶ Jogui doñí i i contøøm seeng' cøøng cóo' Dseá Jmáang-, joba' ja' beáng' dsee yaaiñ. Jogui doñí i i beáng' dsee yaang~, joba' dseáng' ja' mí cangáaiñ dseá do o'gui cuíñ dseá do cajo. ⁷ Joba' fñ-guñ 'nú', dseá rú'naa' i 'neáan'n eéang', ja' cuø' fí yaang'na' e nijmigøøng' dseá 'nú'; co' song jaang' dseá éer' guiú' laco' catíng' e jmóo' jaang' dseá quíá' Dseá Jmáang-, joba' dseá guiúm- líiñ, co' guiáb- éer' laco'gui 'ñia' dseá do. ⁸ Jogui song seeng' dseá i ja' tú' e beáng' dsee 'ñia'r', joba' dseá quíá' fí i 'lim' líiñ, dsuco' í'bing' i beáng' dsee 'ñia' latí mi~ uiing~. Jo uiing~ joba' cajá' Joo' Fidiéé fí jmigüí la e laco' ni'íiñ jalé' ta' quíá' fí i 'ling' do.

⁹ Jo jii~ jaang' dseá i líng' joo' Fidiéé jmóor ta' jmiróng'gui dsee 'ñia', dsuco' i dseá í seeñ' la'eéang' cóo' Jmiguí quíá' Fidiéé; joba' jo' catíiñ fa' ni'é' guir dsee, co' joo' Fidiéé nilí'ñi'. ¹⁰ Co' nine'baa' røø' i i líng' joo' Fidiéé jogui i i líng' joo' fí i 'ling' cajo, co' doñí i dseá i ja' ée' guiú' fí quini' Fidiéé o'gui jmi'neáaiñ dseá rú'naa', joba' i dseá í ja' já' e líiñ joo' Fidiéé.

'Né- nijmi'neáam'baa' dseá rú'naa'

¹¹ Jo latí mi~ uiim~ nicanúu- 'nú' e 'né' jmi'neéang'naa' dseá rú'naa'. ¹² Jo ja' güijmeéang' yee'naa' laco' Caín, dseá cali'íiñ e caliñ' dseá quíá' fí i 'ling'; jo uí' e

lajoba' cajngaiñ' jaang` rúíñ' dsea` ngáang' cōo'r, cō' jmang' e guiáb` ca'ée` i` lñi` rúíñ' do, jogui` ñia'r' jmang' e gab` ca'ée'r.

¹³ Jōba' fñi-guñi` 'nú', dsea` rú'naa' dsea` quiá'- Dsea` Jmáang-, ja` güidsigá` óo'na' e 'ní' níing- jaléng' dsea` jmigüi` i` ja` cuíng' Dsea` Jmáang- 'nú'. ¹⁴ Jō nine~baa' e jo` líi'guñi` lafa' 'lñing~naa' uíi' dsee- quiá'-ii', cō' lanagui` cøøm` nisee~naa' cōo' Fidiée`. Jo guiáb- nine~ee' e jo, cō' jmi'neáam` rú'naa' la'ó' jneaa~aa', dsea` líi' dsea` quiá'- Dsea` Jmáang-. Jogui` i` dsea` i` ja` jmi'neáang` dsea` rúng', lafa' 'lñim~bir` líiñ' uíi' dsee- quiá'r-. ¹⁵ Jogui` doñi' i` dsea` i` jmóo' ta` 'ní' níing- rúng' líiñ' laco' jaang` dsea` i` jmóo' ta` jngang' rúng'. Jogui` 'náb' ñiñi'na' cajo e jñi~ jaang` dsea` i` jmóo' ta` jngang' rúng' cuøøng` liseeiñ` cøøng` cōo' Fidiée` lata~. ¹⁶ Jō nicuñi'baa' jial` líi' e jmi'neáang` dsea` rúíñ' do, cō' lajōb` cajmée` Dsea` Jmáang- e 'neáaiñ' jneaa~baa' mi~ cajáng' 'ñia'r' e cajúñi' fí' dse' crúu` uíi' dsee- quiá'-ii'. Jō lajōb` 'né- jmó' jneaa~aa' cajo e nijáang' yee~naa' e nijmicōo' rú'naa', jō lajōba' cuø' lí- e jmi'neáam` rú'naa'. ¹⁷ Facō' jaang` dsea` i` seab` jalé' e 'né-, jogui` ñi'bre cajo e seem` dsea` dseáng'- laniing- 'né- e licōo'r, jō dsu' jñi~ cōo' ja` e jmicōo'r i` dsea` í, jōba' ja` 'neáang` i` dsea` do Fidiée`, cō' ja` jmicōo'r i` dsea` rúíñ' do.

¹⁸ Jōba' fñi-guñi` 'nú', dsea` rú'naa' i` lafa' jōo'o, ja` cá'na' júu` ta` júu` e fó'na' e jmi'neáang`na' dsea` rúng'na'; cō' la tíi' la líib' júu` 'né- cá'na', jō lajōba' nilili~ e dseáng'- jmi'neáam` rúng'na'.

Jial ta` dsí' e se~naa' cōo' Fidiée`

¹⁹ Jō song jmi'neáam` rú'naa', jōba' dseáng'- nitab~ dsí'naa' e líi' dsea` quiá'- Fidiée`, jō lajōba' nine~naa' røø e jo` i' líi'naa' mi~ nití' fí' quini` dsea` do, cō' jmi'neáam` rú'naa'. ²⁰ Jō song i' líim~baa' fí' quini` Fidiée` uíi' e jmoo~naa' jalé' e ja` catñing- do, jōba' güiguiéng' dsí'naa' e dseáng'- dsea` féng' líiñ' jogui` ñiñir' lajalé'. ²¹ Jōba' fñi-guñi` 'nú' dsea` rú'naa' i` 'neáan` eáang', song ta` dsí'naa' e ja` i' líing~naa' fí' quini` Fidiée`, jōba' nitab~ dsí'naa' e ja` 'né- jmó'oo' 'gó'naa' fí' quinir` mi~ féng'naa'r` jóng. ²² Jōba' mi~ mñi~naa' Fidiée` líi' doñi' ee, núu'bre júu` quiá'-ii' jō lajōba' ngñim~baa', cō' núu'baa' júu` quiá'r- e 'né- liti~ do, jogui` jmoo~baa' jalé' e iáang` dsíir' cajo. ²³ Jō e lab e júu` quiá'- Fidiée` e 'né- liti~ do, e nijáang' yee~naa' fí' jaguó' Fíi'naa' Dsea` Jmáang-, jogui` e nijmi'neáang`na' dsea` rú'naa' laco' ta` quiu' Fidiée`. ²⁴ Jō doñi' i` dsea` i` núu' jalé' júu` e 'né- liti~ quiá'- Fidiée`, jōba' cøøm` seeiñ` cōo' Fidiée`, jogui` dsea` do seem`bre cøøng` cōoiñ' do cajo. Jō ne~baa' e seem` Fidiée` cōo' jneaa~aa' la'eáang' cōo' Jmiguí` quiá'r- e nicangñing`naa' do.

4

Jial líi' Jmiguí` quiá'- Fidiée` jogui` jial líi' bí` quiá'- dsea` i` 'ling'

¹ Jōba' fñi-guñi` 'nú', dsea` rú'naa' i` 'neáan` eáang', ja` já'- güilíing`na' quiá'- jaléng' dsea` i` fé' e la'eáang' cōo' Jmiguí` quiá'- Fidiée`ba' guiar' e júu` quiá'r- do, cō' la'uii~ jang' cá'na' cuante su e júu` e guia' i` dsea` do guiar' la'eáang' cōo' Jmiguí` quiá'- Fidiée` osi la'eáang' cōo' bí` quiá'- i` dsea` i` 'ling' dob é. Cō' fñim` dsea` niseeiñ` lana e jmigoor` e fé'r' cuaiñ` quiá'- Fidiée`, dsu' o' já'- e lajō. ² Jō niliñi' 'nú' i` i` guia' júu` la'eáang' cōo' Jmiguí` quiá'- Fidiée`: cō' doñi' i` i` jing'- e já'-ba' cagüéng- Dsea` Jmáang- fí' jmigüi' e líiñ' jaang` dsea` la jneaa~aa', dsea` líi' dsea` jmigüi', jōba' dsea` íb` i` guia' júu` la'eáang' cōo' Jmiguí` quiá'- Fidiée`. ³ Jō doñi' i` i` fé' e ja` já'- e Jesús cagüéiñ- lajō, jōba' i` dsea` í ja` fé'r' la'eáang' cōo' Jmiguí` quiá'- Fidiée`, dsuco' fé'r' la'eáang' cōo' jmiguí` quiá'- i` 'ling' i` 'ní' ní- quiá'- Dsea` Jmáang-. Cō' ninúub- 'nú' lami~ jéeng'gui e dseáng'- nisi'í' quijgeáam` bí` quiá'- i` dsea` i` 'ling' do jee~ dsea` jmigüi', jō latí' lana, lab niqijgeáaiñ' fí' jmigüi' la.

⁴ Dsea` rú'naa' i` lafa' jōo'o, 'nú' seeng`na' la'eáang' cōo' Jmiguí` quiá'- Fidiée`, jōba' ja` mí' cali' i` dsea` i` ngí' ta` jmigoo' do fa' nicajmígøøiñ' 'nú'; dsuco' 'gøng'gui Jmiguí` quiá'- Fidiée` e seeng`jee~ 'nú' laco'gui bí` quiá'- i` dsea` i` 'ling' i` quijgeáang`jee~ dsea` i` ja` cuíng' Fidiée`. ⁵ Jō jaléng' i` dsea` i` ngí' ta` jmigoo' do líiñ' dsea` i` ja` cuíng' Fidiée`, jogui` fé'r' quiá'-

lajjĩ e ia' e ligøøng` dsea` e sea` fĩ jmiɡũĩ la, joba' jaléng`gui dsea` i ja` cuíng` Fidié` tib` dsír` núur` e júu` jo. ⁶ Dsũ` jneaa` guĩ, dsea` quiá' Fidiéeb` líĩ, joba' dońĩ i dsea` i cuíng` Fidié` tib` dsír` núur` júu` qui`-ii'. Jogui i dsea` i ja` cuíng` Fidié` ja` jíi`r` júu` qui`-ii'. Jo job` lí` line`naa' i i dsea` i fé` la'eáang` cóo` Jmiguĩ quiá' Fidié` jogui i i fé` la'eáang` cóo` bĩ quiá' i dsea` i líng` do.

Jaang` i 'néeb` líng` Fidié`

⁷ Jo fĩ`guĩ 'nú', dsea` rú`naa' i 'neáan`n eáang`, e dseáng`- 'né` e nijmi'neáang`naa' dsea` rú`naa', dsuco' lajob` cangíng`naa' cacuo' Fidié` jneaa`aa'. Jo jalém` dsea` i jmi'neáang` rúng`, dseáng`- já`-ba' nicuím`bre Fidié`, joba' jóo' dsea` dob niliĩ. ⁸ Co' dońĩ i i ja` jmi'neáang` rúng`, joba' ja` mí` calicuíñ` Fidié`, co' jíi` dsea` íb` dsea` líiñ` jaang` i 'né`. ⁹ Jogui laco' nililí`naa' jial` tíi` 'neáaiñ` jneaa`aa', joba' Fidié` casíiñ` i jóo' camíng` do fĩ jmiɡũĩ la e laco' la'eáang` ír`, cøøm` nilisee`naa' cóo` Fidié` lata`. ¹⁰ Jo lajob` line`naa' jial` tíi` 'neáang` Fidié` jneaa`aa'; dsũ` jneaa`aa' ja` cajmi'neáang`naa' dsea` do la'uii`, co' íbre dsea` cajmi'neáaiñ` jneaa`aa' la'uii`, jo uíng` lajoba' casíiñ` i jóo' i cajúng` fĩ dse' crúu` do e laco' ca'íng` dsee` qui`-ii'.

¹¹ Joba' fõn`túu` 'nú', dsea` rú`naa' i 'neáan`n eáang`, e laco' nicajmi'neáang` Fidié` jneaa`aa', lajob` cajo` jneaa`aa' 'né` nijmi'neáang`naa' dsea` rú`naa'. ¹² Dsũ` e já`, jíi` jaang` dsea` ja` quĩ`r` jmi` níiñ` Fidié` dseáng`- lana, jo dsũ` song` jmi'neáang`naa' rú`naa', joba' seem` Fidié` cóo` jneaa`aa' contøøng`, jogui dsea` do jmi'neáam`bre jneaa`aa' laco' síi'. ¹³ Jo ne`baa' røø` e cøøm` see`naa' cóo` Fidié` jogui dsea` do cøøm` seeiñ` cóo` jneaa`aa' contøøng` la'eáang` cóo` Jmiguĩ quiá'r` e nicangíng`naa'. ¹⁴ Jo co' jnea` dseáng`- nicane`baa', joba' cuøøng` fe`ee' e já` e Tiquí`ii' Fidié` casíiñ` jóo' Dsea` Jmáang` fĩ jmiɡũĩ la e laco' nileáiñ` dsea` jmiɡũĩ jee` dsee` quiáiñ`. ¹⁵ Jogui dońĩ i i jáb` líng` jogui fé`r` e já`-ba' e Jesús líiñ` i jóo' Fidié` camíng` i cagüéng` fĩ jmiɡũĩ la, joba' i dsea` í cøøm` seeiñ` cóo` Fidié`, jogui Fidié` cøøm` seeiñ` cóo` dsea` do cajo.

¹⁶ Jo co' lajob` líi', joba' dseáng`- nicaline`baa' jogui jáb` líi' cajo, e eáam` jmi'neáang` Fidié` jneaa`aa'. Jogui co' jáb` e dsea` do líiñ` jaang` i 'né` qui`-ii', joba' dońĩ i dsea` i seeng` i jmi'neáang` rúng`, seem`bre cøøng` cóo` Fidié` jogui Fidié` seem`bre cøøng` cóo` dsea` do cajo. ¹⁷ Jo co' nisitab` dsi`naa' e jmi'neáam` Fidié` jneaa`aa' laco' síi', joba' jo` 'né` jmó`naa' 'gó`naa' mí` nití` í' e niquidsí` Fidié` í' quiá' jalé' dsee` quiá' dsea`, co' laco'gui líng` Dsea` Jmáang`- ñia`r', lajob` líi' jneaa`aa' fĩ jmiɡũĩ la cajo. ¹⁸ Jo song` see`baa' e Fidié` jmi'neáaiñ` jneaa`aa', joba' ja` 'gó`naa' fĩ quini` dsea` do mí` niquidsír` í' qui`-ii'. Jo co' dseáng`- laco' síi`b` jmi'neáang` dsea` do jneaa`aa', joba' jgiéem` e 'gó`naa' do. Jo song` i jneaa`aa' jáá` qui`-ii' e 'gó`naa', dsũ` e jo` líi` uii` quiá' jalé' dsee` e 'né` qui`baa'. Joba' song` eáang` líi`naa' e 'gó`naa', joba' ja` mí` calita` dsi`naa' e 'neáam` Fidié` jneaa`aa' dseáng`- laco' síi'.

¹⁹ Jo co' Fidiéeb` dsea` la'uii` cajmi'neáaiñ` jneaa`aa', joba' jmi'neáam`baa' dsea` rú`naa' jogui jmi'neáam`baa' Fidié` cajo. ²⁰ Jo song` seeng` dsea` i jíng`- e já`-ba' 'neáaiñ` Fidié`, jo dsũ` lajee` jo` ta` 'ní` níng` jaléng` dsea` rúm` jmóor`, joba' i dsea` í líiñ` jaang` i adseaam`. Co' song` jaang` dsea` ja` jmi'neáaiñ` dsea` rúiñ` i níiñ` contøøng`, joba' ja` quĩ`r` jmi` nijmi'neáaiñ` Fidié`, co' dsea` dogui ja` mí` cangáaiñ` jíi` coo` née`. ²¹ Jo 'ñiab` Dsea` Jmáang` cajíiñ` e júu` quiá' Fidié` e 'né` liti` na: "Dońĩ i dsea` i jmi'neáang` Fidié`, lajob` 'né` jmi'neáaiñ` dsea` rúiñ` cajo."

5

Jial` lí`naa' e ja` ligøøng`naa' cóo` jalé' e lí' e sea` fĩ jmiɡũĩ

¹ Jo dońĩ i 'nú' e dseáng`- jáb` líng`naa' e Jesús líiñ` Dsea` Jmáang` i casíng` Fidié` fĩ jmiɡũĩ la, joba' i dsea` í jóo' Fidiéeb` líiñ`; cofa' jneaa`aa' jmi'neáam`baa' jaléng` tiquí`ii', joba' la quie` tí jaléng` rúm`baa' jmi'neáang`naa' jóng. ² Jo nitab` dsi`naa' e

dseáng' jmi'neáam'baa' jaléng' dsea` i líng' jóo' Fidiéé' mi' jmi'neáam'bí' Fidiéé' 'ñia'r' jogui núu' bí' dseáng' laco' catíng' jalé' júu' né' liti' quiá'r'. ³ Jo song jmi'neáam'baa' Fidiéé', joba' núu' baa' e júu' quiá'r' do; jo o' júu' i' e jo fa' ja' quí' jmi' nijmití'ii'. ⁴ Jo jaléng' dsea` i líng' jóo' Fidiéé', li'bre e ja' ligøøiñ' cóo' jalé' e 'li' e sea' fí' jmi'güü'. Jogui la'eáang' e jáb' lí'naa' e Jesús líiñ' Dsea` Jmáang', joba' calí'baa' e ja' caligøng'naa' cóo' jalé' e 'li' e sea' fí' jmi'güü'. ⁵ Jo jí' i dsea` i já' líng' e Jesús líiñ' jóo' Fidiéé', jí' í'bing' li' e ja' ligøøng' cóo' jalé' e 'li' e sea' fí' jmi'güü'.

Júu' e cacuø' Fidiéé' quiá' Joor' Dsea' Jmáang'

⁶ Jo i Jesús i líng' Fí'naa' Dsea` Jmáang', dsea' íb' i cagüéng' fí' jmi'güü' la jo cajgáaiñ' jmi' jogui catuü' jmi'øøiñ' mi' cajúíñ' e laco' cuø' lí' quiá' jalé' ta' quiá'r' e cajajméer' fí' jmi'güü' la. Dsu' o' jí' e cajgáaiñ' jmi' do, co' 'né' laj'í' túb' colíng', e cajgáaiñ' jmi' do cóo' gui jmi'øøiñ' e catuü' mi' cajúíñ'. Jo e Jmiguí' quiá' Fidiéé' do tí' ni' jogui cuø' júu' quiá' jalé' e jo, jogui jmang' júu' jáb' cuø' e Jmiguí' quiá' Fidiéé' do. ⁷ Jo lí' laco' 'ni' íng' e tí' ni' do jogui cuø' júu' quiá' e jo: ⁸ jo ca'íng' do Jmiguí' quiá' Fidiéé', jo ca'íng' gui e cajgáang' Dsea` Jmáang' jmi', jogui e ca'íng' gui do e jmi'øøng' e catuü' quiá' Dsea` Jmáang' mi' cajúíñ', jo røøb' júu' quiá' laca'íng' do. ⁹ Jogui jáb' lí'naa' laj'í' júu' e cuø' dsea' jmi'güü' quiá' laj'í' e cangár', dsu' e júu' e cuø' gui Fidiéé' eáang' gui 'né' já' nilí'naa', co' laniing' gui lí', dsuco' Fidiéé' cuø' júu' uii' quiá' Joor' Dsea` Jmáam'. ¹⁰ Jo i' i já' líng' e júu' e cacuø' Fidiéé' quiá' Joor', joba' dseáng' ím'bre e júu' jo car' ngocáng' dsír'. Jogui i' i ja' já' líng' laj'í' e júu' e cacuø' Fidiéé' do, joba' lí' lafa' fé'r' e Fidiéé' líiñ' jaang' i adsee', co' ja' já' líiñ' laj'í' júu' e cacuø' dsea' do uii' quiá' Joor' Dsea' Jmáang'. ¹¹ Jo e lab' júu' e cacuø' Fidiéé' jneaa'aa' e cuøøng' see'naa' cøøng' cóo'r' lata~, jo e jo cacuø'r' jneaa'aa' la'eáang' cóo' Joor' Dsea' Jmáang'. ¹² Jo doñí' i' i seeng' cøøng' cóo' i' jóo' Fidiéé' do, joba' seem'bre cøøng' cóo' Fidiéé' lata~; jogui i' i ja' seeng' cøøng' cóo' i' jóo' Fidiéé' do, joba' ja' seeiñ' cøøng' cóo' dsea' do lata~ cajo.

Júu' lí' cadséng' e lí' Juan

¹³ Joba' jmo'o' jalé' júu' e too' fí' ni' jì' la e catíng' jaléng' 'nú' e laco' niliñ'na' e seeng'na' cøøng' cóo' Fidiéé' lata~, 'nú' dsea' jáb' líng'na' e Jesús dseáng' já' líiñ' jóo' Fidiéé'.

¹⁴ Jogui nitab' dsí'naa' mi' líng' ee' má'naa' Fidiéé' e cøøng' cóo' laj'í' e iñ' 'ñia'r', joba' núu'bre júu' qui'ii'. ¹⁵ Jo mi' dseáng' nine'baa' røø' e jáb' núu' Fidiéé' jalé' júu' qui'ii', lajoba' nita' dsí'naa' e dseáng' nicangám'baa' laj'í' e nicamí'naa're do.

¹⁶ Jo song jaang' dsea' nír' e jaang'gui dsea' rúíñ' éer' dsee-, jo song e dsee- jo ja' jmóo' e 'naang' dsea' cóo' Fidiéé' lata~, joba' 'né' ním'r' Fidiéé' uii' quiá' i' dsea' í' e laco' nitáíñ' do e jo, jo lajoba' Fidiéé' nicuør' e niliseem'biñ' do cøøng' cóo'r' song e dsee- e sea' quiá' dsea' do ja' lí' quiá' coo' dsee- e jmóo' e 'naang' dsea' cóo' Fidiéé' lata~. Dsu' e já-, seab' dsee- cajo e jmóo' e 'naang' dsea' cóo' Fidiéé' lata~, jo ja' fá'a e 'né' má'naa' Fidiéé' uii' quiá' e dsee- jo. ¹⁷ Dsu' jaléb' e ga' e jmóo' dsea', dseeb' lí' fí' quini' Fidiéé'; dsu' seab' e dsee- do e ja' jmóo' e 'naang' dsea' cóo' Fidiéé' lata~.

¹⁸ Jo nine'baa' røø' e jaléng' dsea' i' fé' e já' ba' Fidiéé' dseáng' líng' Tiquiá'r', joba' jo' beáng'gui dsee- yaaiñ~, dsuco' 'ñia' i' jóo' Fidiéé' dob' nijmóo' í' ír', jo lajoba' jo' dsiquiéeng' fí' i' 'ling' cáaiñ' e nijmeáng'neiñ' ga'. ¹⁹ Jogui nine'baa' røø' e jóo' Fidiéé' lí'í', jogui laj'íng' dsea' i' ja' jí' Fidiéé', fí' i' 'lí'm'bing' quie' nifí' quiá'r'. ²⁰ Jogui nine'bí' cajo e nicagüém' i' 'ñia' jóo' Fidiéé' do fí' jmi'güü' la e laco' cacuø'r' jneaa'aa' e nilicuíng'naa' dseáng' i' Fidiéé' i' já' do. Jo lana cøøm' nisee'naa' cóo' i' Fidiéé' i' já' do jogui cóo' i' jóo' Dsea' Jmáang' do cajo. Jo í'bing' líng' dseáng' i' Fidiéé' i' já' do, jo la'eáang' cóo' íb' cajo ngíng'naa' e see'naa' cøøng' cóo' Fidiéé' lata~. ²¹ Joba' liúung' gui 'nú', dsea' rú'naa' i' lafa' jóo'o, jmee- í' yaang'na', jo ja' güiligøøng'na' e nijmiféng'na' diéé' i' o' já'.

Jo lajob' nilí'.

Jō lanab jí'~ fé' jì la'uii~ quiá'~ Juan.

Ji e catî tú e cajme' JUAN

Jial 'neáang' dsea` rúin' la'eáang' e já' líin' júu` quiá' Dsea` Jmáang`

¹ Jnea` sii Juan, jo lín`n jaang` dsea` féng' i quie` nifí jee` dsea` quiá' Dsea` Jmáang`, jo jmo'o e ji` la e catíng` 'nú', dsea` i nicaguíng` Fidié` e ca'uíng`-na' dsea` quiá' Dsea` Jmáang`. Jo dseáng` lajam`-ba' e 'neáang` jnea` 'nú', jo o' jíi` jnea` cajo, co' lajob jaléng`gui dsea` i nica'íng` júu` quiá' i Fidié` i já' do. ² Jo dseáng` 'neáam`baa 'nú', co' seem` fí dsí'naa' e júu` quiá' i Fidié` i já' do, jo dseáng` contøøm` nilisea` e júu` jo fí dsí'naa'. ³ Jo míi` i Tiquí'ii' Fidié` colíng`gui cóo' Joo' Dsea` Jmáang` e nijmigüeiñ` 'nú' jogui e nilí fíi` líin` 'nú' jogui e nicuó'r` 'nú' juguiú` júu` røø. Jo jaléb` e na nicuó'r` 'nú', dsea` jáb`-líng`na' júu` quiá' i Fidié` i já' do jogui jmi'neáam`bi rúng`na' cajo.

⁴ Jo eáam` cali'íang` dsii` mi` calicuíng` rú'naa' cóo' coo` tú` máng` dsea` quiá' Dsea` Jmáang` i neáang` fí` na e seem`bir cøøng` cóo' júu` quiá' i Fidié` i já' do, co' lajob júu` e 'né` liti` e nica'íng`-naa' quiá' dsea` do. ⁵ Jo lana fíi`-guí 'nú', dsea` rú'uu', e 'né` nijmi'neáam`ba' dsea` rú'naa'. Jo lajaléb` e júu` e jmo'o na quíi`-na' ja` líi` coo` júu` e 'né` liti` e 'míi`, co' e job cajo e ca'íng`-naa' latí` mi` uíng` do. ⁶ Jo song see`-naa' e jmi'neáam`baa' Fidié` cóo'gui jaléng` dsea` rú'naa', lajoba' núu`-naa' jalé` júu` e 'né` liti` quiá' Fidié`. Jo e lab e júu` e 'né` liti` e canú`naa' latí` mi` uíng` do e quiá' nilisee`-naa' e jmi'neáam`baa' Fidié` cóo'gui jaléng` dsea` rú'naa'.

Jial líng` dsea` i ngí` ta` jmigóo`

⁷ Jo fíi` i 'nú' cajo e fíim` dsea` ngir` ta` fé` e o' já' e cagüéng` Fíi'naa' Dsea` Jmáang` fí` jmigüi` la e líin` jaang` dsea` jmigüi`. Jo jaléng` i dsea` íb` ngí` ta` jmigóo` jogui 'ní` níim`-bre Dsea` Jmáang` cajo. ⁸ Jo ñiing` áa`na' jo ja` güiligøøng`na' quiá' i jmigóo` do, co' song lajo, joba' ja` uíng` nilisea` lajii`-ta` quíi`-na'. Jo ñiing` áa`na' cajo jie` mí` tú'na' lajii`-guié` quíi`-na' e nisi'í' Fidié` e nicuó'r` 'nú', dsea` líng`na' dsea` quiá'r`. ⁹ Jo doñí` ii` dsea` i ja` núu` o'gui seeiñ` cøøng` cóo' jalé` júu` e e' Dsea` Jmáang`, joba' i dsea` í ja` seeiñ` cøøng` cóo' Fidié`; jo dsu' i dsea`gui i seeng` cøøng` cóo' e júu` e e' Dsea` Jmáang` do, joba' seem`bre cøøng` cóo' Tiquí'ii' Fidié` colíng`gui cóo' i Joo' dsea` do. ¹⁰ Jo song ii` dsea` jalíng` i iing` ní'é' 'nú' júu` e ja` cøøng` cóo' e júu` quiá' Dsea` Jmáang` do, joba' ja` ní'íng`-na're fí` sínúu` quíi`-na' o'gui føng`na're, ¹¹ dsuco' song ca'íng`-na're, joba' líi` lafa' røøb` cøøng`na' cóo'r` jogui cóo' jalé` e jmóor` do.

Júu` lí` cadséng` quiá' Juan

¹² Jo jmiguiú`bi sea` jalé` e 'né` nifíi` i 'nú' lí` ja` 'goo` tí` dsii` e nijmée` e jalé` e jo fí` ní` jí` la; co' eáang`gui iin`n e nii`baa` ní'ee` e 'nú' fí` na e laco' cuøøng` sii`naa' dseáng`-quini`naa' lana, jo lajoba' nili'íang` dsí'naa' dseáng`-laco' sí'í`.

¹³ Jo jaléng` dsea` i nicaguíng` Fidié` i líng` dsea` quiá' Dsea` Jmáang` i neáang` fí` la guiéiñ` júu` guicóo' quíi`-na', dsea` neáang`na' fí` na.

Jo lanab jíi` fé` jí` e catî tú` quiá' Juan.

Ji' e catí 'ní e cajme' JUAN

Júu^ e catíng- jaang` dseañu' i sii' Gayo

¹ Jnea~ sii' Juan, jo lín'n jaang` dseañu' féng' i quie' nifí jee~ dseañu' quíá'- Dseañu' Jmáang-, jo jmo' o e ji' la e catíng- 'nu', Gayo, jaang` dseañu' rún'n i 'neáan'n eáang'.

² 'Nu' Gayo lín' jaang` dseañu' rún'n i 'neáan'n eáang', jo mí'i Fidié' e guiá'-bi nidsijé' quíá'- lí' lajii' fí' nisin' cóo' Dseañu' Jmáang-, jogui e guiúm-ba' contøng- cajo. ³ Jo eám' lí'iaang` dsii- mi' güilíng-tu i líng- dseañu' rún'naa' dseañu' quíá'- Dseañu' Jmáang- fí' la e jma'r' jnea~ júu^ e sim'ba' fí' guiá'- cóo' Dseañu' Jmáang- jogui e seem'ba' cøng' cóo' e júu^ quíá'- i Fidié' i já'- do. ⁴ Jo ja` sea' quie' e iáang'gui dsii- laco'gui e iáang' dsii- mi' lí'ii- e dseañu' quíá'- Dseañu' Jmáang- i líng' lafa' joo' o seem'bre cøng' cóo' e júu^ quíá'- i Fidié' i já'- do.

⁵ Jo fí' guí' 'nu', rú'u i 'neáan'n eáang', iáam' dsii- e guiáb- ee'- e jmicóo' jaléng' dseañu' rún'naa' dseañu' quíá'- Dseañu' Jmáang-, jo ja' e lí' e i dseañu' i cajmicóo' do ja' mí' cuín're jéeng'gui. ⁶ Jo mi' cagüilíng' i dseañu' do fí' jee~ jaléng' dseañu' quíá'- Dseañu' Jmáang- fí' la, nicasíiñ- jial tí' 'neáang' 'nu' dseañu' do mi' cajmicóo're. Jöba' fí'i 'nu', jgié' o' e jmicóo' bire cóo' jalé' e 'né- quíá'r- e laco' cuøng' níngi'guir ta~ guíá' júu^ quíá'- Dseañu' Jmáang-, co' lajób iáang' dsii' Fidié'. ⁷ Jo jaléng' i dseañu' í, huím- nicangir' e jmóor' ta~ guíá' júu^ quíá'- Dseañu' Jmáang-, jo ja' mí' camir' fa' e dseañu' i ja' cuíng' Dseañu' Jmáang- nijmicóo' quíá'r-. ⁸ Jöba' jneaa'aa', dseañu' lí'ii' dseañu' quíá'- Dseañu' Jmáang-, 'né- nijmicóo'baa' i dseañu' i guíá' júu^ quíá'- Dseañu' Jmáang- do e laco' conrø' níni' guí' júu^ quíá'- Fidié' i já'- do.

Jalé' e ga' e cajmé' Diótréfes

⁹ Jnea~ nicajmé' e cóo' ji' e catíng- dseañu' quíá'- Dseañu' Jmáang- i seeng' fí' na, dsu' i dseañu' i sii' Diótréfes do jnám'bre quie' e jo ja' íñ' jalé' e júu^ quie' e do, co' 'ñia'bre iin~ cár' nifí' quíá'- jaléng' dseañu' quíá'- Dseañu' Jmáang- i neáang' fí' na. ¹⁰ Jöba' mi' niguiéng'- jnea~ fí' na, ní'baa' i Diótréfes do fí' quíá'na' jialí' jmóor' lajo, co' níngi' ta~ quie' júu^ ga' jogui júu^ adsee' e éeíñ' jnea'. Jo o' jii' e jo e jmóor' cajo, co' ja' íñ' jaléng' dseañu' quíá'- Dseañu' Jmáang- i dsilíng- dsí'ee' ír' fí' quíá'r-, jogui jnám'bir quíá'- jaléng' dseañu' i iing~ jmé- lajo, jogui øm'bre congua' fí' jee~ dseañu' quíá'- Dseañu' Jmáang- jaléng' i dseañu' i jmóo' lajo.

¹¹ Dseañu' rún'n i 'neáan'n eáang', ja' jmo' laco' jmóo' i dseañu' ga' do, dsu' jmee- laco' jmóo' jaang` dseañu' guiúng-. Co' jaléng' dseañu' i jmóo' lajii' e guiá-, jöba' dseañu' quíá'- Fidiéeb' lí'iiñ'; dsu' jaléng'gui dseañu' i jmóo' e ga', jöba' dseañu' í ja' mí' calicuíñ' Fidié'.

¹² Jo lajím' dseañu' fé'r' guiá- uii~ quíá'- i dseañu' i sii' Demetrio do, jo la quie'gui jalé' e jmóor' do fé' guiá- uii~ quíá'r-. Jogui lajii'b' jnea' fé'naa' guiá- uii~ quíá'- i dseañu' í cajo, jogui 'nu' ní'ba' e jmang' júu^ jáb- fé'naa' contøng-.

Júu^ lí' cadséng- quíá'- Juan

¹³ Jo jmiguiáb' jalé' e sea' e 'né- ní'ba' 'nu', dsu' ja' 'ga' lí' tí' dsii- e jalé' e jo nítoq' o fí' ní' ji, ¹⁴ dsuco' lajmináb- ní'íin~ n máan~ n 'nu', jo joguiba' ní'naa' jalé' júu^ quíá'-ii' dseañu' quíá'naa' lana.

¹⁵ Jo güiliseem'ba' juguiá- júu^ røø. Jo guicóo'ba' jing'- jaléng' dseañu' quíá'- Dseañu' Jmáang- i cuíng'na' fí' la. Jogui guicóob' lajaléng' dseañu' rún'uu' i cuíng'naa' fí' na e fá' jnea~.

Jo lanab jii' fé' ji' e catí 'ní' quíá'- Juan.

Ji' e cajme' JUDAS

Júu^ guicóo' e cat#ng- dsea` quiá'- Dsea` Jmáang-

¹ Jo jnea~ sii Judas, jogui lín'n jaang` dsea` ngáang~ cóo'~ Tiáa~, jogui lajúi~ e iing~ Fí'naa' Dsea` Jmáang~ jmóo'o. Jo jmo'o e ji' la e cat#ng- jaléng' 'nú', dsea` i nicat#- Tiquí'ii' Fidié~ e laco' ni'uíng-na' dsea` quiá'r-, jo Fidié~bing' i 'neáang' 'nú' jogui Fí'naa' Dsea` Jmáang-bing' i jmóo' 'nú' í cajo. ² Jo f#i- 'nú' lana e ni'íng-na' laling` e f#i- líng- Fidié~ 'nú' jogui e nicu#r- 'nú' e seeng-na' juguiá- júu^ r#ø` jogui e jmi'neáiñ' 'nú' cajo.

E~ uiing~ e cal#- e ji' la
(2 Pedro 2:1-7)

³ Dsea` rú'naa' dsea` quiá'- Dsea` Jmáang-, eáang' nicali'iin~ n e nijméé'~ e ji' e cat#ng-na' li' fé' cuaiñ~ quiá'- e júu^ quiá'- jial nicaláang-naa' jee~ jalé' dsee- quí'ii'; jo dsu' lanagui nicalilí'- i e dseáng'- la guím' 'né- nijméé'~ e ji' quií'-na' li' f#i- 'nú' e dseáng'- nijmi'úung-na' e cu#^ óo'na' e jmi'ø'na' e júu^ quiá'- Dsea` Jmáang- e nicacu# Fidié~ jaléng' dsea` quiá'r- latí' mi~ uiing~. ⁴ Co' i líng~ dsea` i jmigóo' nicaquiíñ'^ jee~ 'nú' lí' laco' la fé' fí' ni~ ji' quiá'- Fidié~ latí' mi~ uiing~ li' fé' e nisi'íng^ jaléng' i dsea` la'í e nidsilíñ' fí' li' 'li'^; jo jaléng' i dsea` í eáam' éer' ga', co' jmi'óo'r~ jial tí' guíung- Fidié~ e laco' jmóor' lí'^ doñí' ee' 'li'^ lí' dsíir', jogui cajo ja' jmi'gór' Fí'naa' Dsea` Jmáang-, jo júi~ dsea` íb' i quie' nifí' quí' jneaa~ aa'.

⁵ Jo niñí' 'nú' jial calí- malí~, jo dsu' lana iin~ n nijmiguién' n óo'na' calé' catú- e doñí' fa' caleáam' Fí'naa' Fidié~ jaléng' dsea` Israel e fí' Egipto do, jo dsu' mi~ cangí' jo, jaléng' i dsea` í i ja' calinúu~ júu^ quiá'r- ie~ jo dseáng'- ca'ím' breiñ' do conguaí'. ⁶ Jo lajob calí- cajo cóo'~ jaléng' ángeles i ja' caguá' fa' cajméer' ta~ quiá'r- laco' sí'í' lí' lajúi~ li' cat#iñ-, jo dsu' fí' li~ nuu' sób' caseáang' Fidié~ jaléng' í, jogui fí' job nijér- e 'ñúuiñ~ cóo'~ ñí' cadena cartí' mi~ nití' í' e nitidsí' í' quiá'r- cuaiñ~ quiá'- lajúi~ e dsee- e ca'éer' do. ⁷ Jogui lí' laco' ja' calinúu~ i ángeles na, lajob cajo cajméé' jaléng' dsea` seeng' fí' Sodoma cóo'~ gui fí' Gomorra cóo'~ gui fí' jalé' f#i' e néé' lacúng' lajúing; jo jaléng' i dsea` í cajméer' jalé' e 'li'^ cóo'~ dseañu~ jogui cóo'~ dseamf i o' quiá'r-, jogui cajméé'bre cajo jalé' e 'li'^ e jié'gui e lí' dsíi' ngúu' táaiñ' fí' jmigúí' la. Jo uíi~ e lajob cajméé' jaléng' i dsea` í, joba' cacár- iihuí' e cacáiñ- fí' ni~ ji' e ja' t#o` jmí~ yu'. Jo e jo cajméé' Fidié~ e laco' nililí' jaléng' dsea` i jalíng- c#ong'gui quiá'- jial laniing- 'né- nijmi'g# dsea` Fidié~.

⁸ Jo lí' la lí' jalé' e 'li'^ e cajméé' jaléng' i dsea` na, lajob lí' cajo jalé' e jmóo' jaléng' i dsea` i jmóo' ta~ jmigóo' do, co' lí' tí' dsíir' fé'r' jalé' e nir' lafa' mi~ quir', jo dsu' o' já'- jalé' e fé'r' do; jogui jmi'ling'^ yaaiñ~ cóo'~ jalé' e tí' dsíir' jmóor' fí' ngúu' táaiñ', jogui gab' fé'r' quiá'- jaléng' i güeang'^ quiá'- Fidié~ i seeng' fí' ñifí-. ⁹ Jogui i fii~ féng' quiá'- jaléng' ángeles quiá'- Fidié~ i sii' Yé' do, doñí' fa' eáang' 'g#iñ' jogui sea' bí' quiá'r-, jo dsu' ja' cajméer' fa' cabíiñ- i fii~ i 'ling'^ do cóo'~ júu^ 'li'^ mi~ catíñ' ngúu' táang' Moi~, co' júi~ júu^ laba' casí'- reiñ' do: "¡Fí'i' Fidié~ dsea` ni'gaiñ' quií'!" ¹⁰ Jo jaléng' i dsea` i jmóo' ta~ jmigóo' do lí' jmine'r^ lajúi~ e ja' ñí'bre; jo dsu' jalé' e ñir' lí' fé'r' jial líiñ' yaam~bre lí' laco' líng' jaléng' jó', co' jaléng' í ja' í' dsíi're'; jo dsu' cóo'~ jalé' e fé' jaléng' i dsea` do, cóo'~ e job nidsijéng' yaaiñ~ fí' li' 'li'^ car' ngongí' jmí~.

¹¹ Jo e ngí' f#i' jaléng' i dsea` i jmigóo' do, co' nicasíng' yaaiñ~ fí' ga' lí' laco' cajméé' jaang' dseañu' i calisí' Caín ie~ malí' do, jogui laco' cajméé' jaang' i calisí' Balaam i cajméé' lí' doñí' ee' e ja' dseeng' e lí' laco' calí'r- cuu-. Jo jaléng' i dsea` i jmigóo' do nidsingíiñ- lí' laco' cangongíng- jaang' dsea` i calisí' Coré ie~ malí' do, co' i dsea` í ja' cajméer' núu'r~ júu^ quiá'- Fidié~. ¹² Jogui jaléng' i dsea` i jmigóo' do jmi'lí'bre fí' li' jmoo' 'nú' jmí~ lí'

seáng' rúng' na' e có' na' í' na' colíng. Co' lí' tí' dsíir' e teáaiñ' ta' jmi'íáang' dsíí' e í' gø'r', jogui ja' ee' jmi'gór' jii' capí' lajee' e jmoo' 'nú' e jmii' do. Jogui i' dsea' i' jmigóo' do líiñ' lafa' dsea' i' ní' jo'se' i' eáang' gui jmoo' í' 'ña' e lafa' nijmér' í' jo'se' quíar'; jogui líiñ' cajo lí' laco' lí' jni' e dsiguíng' cóo' guí lajo, jo jii' ja' tuu' jmii'; osi líiñ' lafa' 'ma' ofii' e ja' cuó' ofii' mi' nití' jii' quíar'. Jo co' lajob líng' gui i' dsea' do, joba' lana líiñ' lafa' 'ma' ofii' e nicagüitøø' catí' jmó' quíar', jo ninéé' guíar' e nidsitoo' fí' ni' jì' e ja' tóo' jmii' yu'.
 13 Jogui jaléng' i' dsea' i' jmigóo' do líiñ' la lí' ja' e róo' fí' 'ni' jmi'í' mi' í' guí' teá', co' jnéeng' jøø' baa' jalé' e ga' e jmóor'. Jogui líiñ' cajo lafa' náa' i' nica'íng' lajii' ée' quíar', jogui lana niteáaiñ' fí' e nidsiliñ' fí' lí' náa' sò' car' ngongí' jmii'.

14 Jo i' dsea' i' calisí' Enoc i' caliséng' ie' malii' do mi' catí' guíe' 'lé' dsea' mi' cangí' e cajmeáang' Fidié' i' Adán do, jo i' Enoc do café'r' cuaiñ' quíar' Fidié' e éeiñ' jaléng' i' dsea' i' jmigóo' do mi' cajíng' lala: "Nícamám' baa Fí'naa' e nijáar' cóo' i' leáang' ángeles quíar' 15 e niquidsir' í' quíar' lajaang' lajaang' dsea' jmigüí' jogui mifíng' nicuø'r' iihuí' jaléng' dsea' soo' dsíí' uii' quíar' jalé' e ga' e nicajméer' jogui uii' quíar' jalé' júu' 'lí' e nicafér' uii' quíar' Fidié'." 16 Jo jaléng' i' dsea' soo' dsíí' do contøøm' jmóor' ta' jíng' cóo' dsea' rúñ', jogui jmóor' ta' éeng' jaléng' í' cajo, jogui lí' jmitir' lajii' e lí' dsíí' ngúu' táam'bre. Jo eáam' jmicøøng' yaaiñ' jogui fé'r' jalé' júu' róo' e laco' lí'r' cøøiñ' dsíí' dsea' rúñ', jo lajoba' lí'r' jalé' e iin' quíar' i' dsea' rúñ' do.

Júu' í' 'goo' e catíng' dsea' quíar' Dsea' Jmáang'

17 Jo dsu' fii' guí' 'nú', dsea' rú'naa' dsea' quíar' Dsea' Jmáang', e téé' óo'na' lajii' e júu' e nicafé' jaléng' i' dsea' i' síng' Fí'naa' Dsea' Jmáang' cuaiñ' quíar' 18 ie' mi' casí'r' 'nú' lala: "Mí' tí' lí' nijaquíéeng' e ní'íng' jmigüí' nigüeam' dsea' i' nijmine' jalé' e güeang' quíar' Fidié', jo lí' ní' jmitir' lajii' e 'lí' e lí' dsíí' yaam'bre." 19 Jo jaléng' i' dsea' la'íb' jmóo' ta' 'naang' dsea' quíar' rúñ', jogui caníng' jmóor' lajii' e lí' dsíí' ngúu' táam'bre, jogui ja' seeng' Jmiguí' quíar' Fidié' cóo'r' cajo.

20 Joba' fii' guí' 'nú', dsea' rú'naa' dsea' quíar' Dsea' Jmáang' i' iin' eáang', e cuøø' gui bí' rúng' na' e laco' nidsicuáng' gui' quí' na' cóo' júu' quíar' Dsea' Jmáang' lí' lajii' e fí' güeang' lí' niteáang' na' cóo'r'. Jogui féeng' na' Fidié' la'eáang' cóo' Jmiguí' quíar'.
 21 Jogui contøøng' jmiguiéng' óo'na' jial' tí' 'neáang' Fidié' jneaa'aa' jogui jeeng' na' e nití' e jmii' e ní'íng' na' quíar' Fí'naa' Dsea' Jmáang' e niliseeng' na' cøøng' cóo' Fidié' lata' uii' e fii' líiñ' jneaa'aa'. 22 Jogui jmee' na' úung' e laco' ningáng' jaléng' dsea' i' ja' gui mí' ngáng' røø' laco' sí' júu' quíar' Dsea' Jmáang'. 23 Jogui jmicóo' na' cajo jaléng' dsea' e laco' nileáiñ' jee' jalé' dsee' quíar', jo lajoba' ja' nidsiliñ' fí' lí' 'lí' fí' lí' cóo' jì' e ja' tóo' jmii' yu'. Jogui jmee' na' fii' líng' na' jaléng' dsea' cajo, jo dsu' 'né' ñiim' óo'na' jie' mí' síng' yaang' na' fí' ga' lí' teáang' jaléng' i' dsea' i' jmigóo' do, jogui jie' mí' jmee' na' e jmeáang' na' ta' jalé' sí'r', co' jì' gui cartí' jalé' e jo 'lí' uii' e jmóor' jalé' e ja' dseeng'.

Júu' lí' cadséng' quíar' e jmiféng' dsea' Fidié'

24 Jo dsu' jaam' Fidié' i' seeng', jogui íb' i' nicaleáang' jneaa'aa' jee' jalé' dsee' quí' ii', jogui íb' i' jmóo' í' jneaa'aa' cajo e laco' ja' nijí' naa' fí' ní' dsee', co' eáam' 'gøiñ', jo jmóor' lajo e laco' niguiéiñ' jneaa'aa' fí' quinir' e ja' sí' líng' naa' cóo' jii' coo' dsee'. Joba' eáang' íáang' dsí' naa' mi' nití' fí' lí' jlo' níiñ' fí' ñifí' quíar'. 25 Jo jii' íb' dsea' catíng' nijmiféng' dsea', co' jii' íb' dsea' líng' Fí'naa' dsea' féng' dsea' ñíng' fí' la'úng', jogui dsea' íb' dsea' cuøøng' lí' jmér' lí' doñí' ee', jogui jii' íb' dsea' óor' ta' e quíar' ta' fí' la'úng' la'eáang' cóo' Fí'naa' Dsea' Jmáang', jo lajob' jmóor' lajii' nú' gui e nitiroo' jmigüí', jogui lajob' jmóor' lana jogui tí' lí' dsé' gui cajo lí' dseáng' car' ngongí' jmii'. Jo lajob' níí'.

Jo lanab jii' fé' jì' quíar' Judas.

Lajíi~ júu^ e cajíng'- Dsea` Jmáang- e nidsijéé'

¹ Jalé' júu^ e fé' e fí' ni~ jì la lí' júu^ e cacuø' Fí'naa' Dsea` Jmáang- e ca'íñ' quiá'- Fidiéé' e ja` mí' cajmijnéeng` dsea` do lami~ jéeng'gui. Jo Fidiéé' cacuø'r' dsea` do jalé' e júu^ la e laco' ni'é'- dsea` do jaléng' dsea` quiá'r- e jalé' e nidsijéé' lajee' lajmináb- jia fí' jmigüí' la. Jo Dsea` Jmáang- casíñ' jaang` ángel quiá'r- e laco' cajmééiñ' do júu^ fí' quini~ jaang` dsea` quiá'r- i sii' Juan. ² Jo i dsea` í'gui guiar' jalé' e júu^ quiá'- Fidiéé' do jee~ jaléng' dsea` jmigüí' cuaiñ~ quiá'- jalé' e cangár- do lafa' mi~ quir', jogui tíb' nir~ cajo lajii' e júu^ e cacuø' Fidiéé' e caliti~ la'eáang' cóo' Dsea` Jmáang-.

³ Jo juguiá- o' quiá'- i dsea` i í' jalé' e júu^ la jogui juguiá- o' cajo quiá'- jaléng' i dsea` i jmoo' náa' mi~ núur' jalé' e júu^ e silí' e fí' ni~ jì la, co' jalé' e júu^ la lí' júu^ e jáa' quiá'- 'ñiab' Fidiéé', dsu' nijaquíém' e jmíi~ e niliti~ lajii' e júu^ e fé' e fí' ni~ jì la.

Júu^ e cajme' Juan e catíng- laji' guié- 'lé' dsea` quiá'- Dsea` Jmáang-

⁴ Jnea~ sii- Juan, jo jmo'o e jì la e catíng- laji' guié- 'lé' dsea` rú'naa' dsea` quiá'- Dsea` Jmáang- i neáang' fí' lí' se' Asia. Íng'na' güea^ quiá'- Fidiéé' jogui güiliseeng'na' juguiá- júu^ røø' la'eáang' cóo' dsea` do, co' lajii' íb' dsea` i seeng' lajii' latí' mi~ uing~ jogui latí' lana jogui i nijáa'tu calé' catú-. Jogui lajobi cajo ím'ba' güea^ quiá'- laji' guiáng- jmigüí' i seeng' fí' quini~ lí' lí' éé' laniing- fí' lí' guing~ Fidiéé' quiá'r' ta~. ⁵ Jogui cajo ím'ba' güea^ quiá'- Dsea` Jmáang-, co' íb' dsea` i dseáng'- tí' ni~ røø' jalé' e júu^ la, jogui íb' dsea` i la'uii~ cají'tu jee~ jaléng' 'lí', jogui íb' dsea` niing- i quie' nifí' jee~ jaléng' dsea` i oo' ta~ i seeng' fí' la'úng- fí' jmigüí'. Jogui cajo íb' i eáang' 'neáang' jnea~aa', jogui cajáng' 'ña'r' e cajúñ- e laco' caleáaiñ' jnea~aa' jee~ jalé' dsee- quí-ii' la'eáang' cóo' e jmi'øøiñ- e catuu' do. ⁶ Jogui nicajméer' e jaléng' jnea~aa', dsea` lí'naa' dsea` quiá'r-, nilí'naa' coo' 'lé' dsea` i líng' lafa' jmidsea` i jmoo' lajii' e iing- Tiquiá'r' Fidiéé'. Jo majmi'goo-baa' jogui majmifém'baa' dsea` do, co' íb' dsea` i eáang' 'gøng' jogui i güeang' car' ngongí' jmíi'! Jo lajob nilí'.

⁷ Jøø-na' jogui quie'na' cuente!

Dob nijáa' Dsea` Jmáang- fí' jee~ cabøø~ jní',
jo lajim` dsea` niníñ- dsea` do, jo jì'gui jaléng' i dsea` i líng~ ee' ca'íéiñ- dsea` do
niníng- neiñ';
jo ie~ job mi~ niquí' jogui nilijia~ dsí' jaléng' dsea` i seeng' latøøng- fí' jmigüí' uí' dsea`
do, jo e jáb' e jo.
Jo lajob nilí'.

⁸ Jo lalab jíng'- Fí'naa' Fidiéé': "Jneab~ i la'uii~ do jogui jnea~bi i lí' cadséng- do cajo, co' jneab~ Fidiéé' i 'gøng' i quí'~ jmíi~ jmé- lí' doñí' ee', jogui jnea~bi cajo i seeng' lajii' latí' mi~ uing~ jogui latí' lana jogui i nijáa'tu calé' catú-."

Mí' cangá- Juan jial tí' jlo^ jnéeng- Dsea` Jmáang-

⁹ Jnea~ sii- Juan, jogui la'ó' rú'baa' lí'naa' uí' e nilí'naa' dsea` quiá'- Dsea` Jmáang-. Jo røøb' íng'naa' iihuí' dsu' uí' e lí'naa' dsea` quiá'- dsea` do, jogui røøb' cajo catí'naa' e quie' Fidiéé' nifí' quí-ii', jogui røøb' jmoo'naa' té'naa' cóo' jalé' iihuí' e dsingíng-naa' do. Jo uí' e guiaa- júu^ quiá'- Fidiéé' e caliti~ la'eáang' cóo' Dsea` Jmáang-, joba' casíng' dsea` do jnea~ fí' coo' guoo' uø'-jia e sii' Patmos e néé' fí' ni~ jmiñí'. ¹⁰ Jo cangojéé' e lajee' e jmíi~ domiing~ e jmféng' dsea` Fidiéé' cajá'a jee~ Jmiguí' quiá'- dsea` do jo canú-u lí' calúu' coo' luu~ e fé' teá' eáang' lí' laco' mi~ ii- coo' lúu' trompé', jo lalab cajíng'- sí' jnea~:

¹¹ —Jo fí' i 'na', Juan, e nijméé' fí' coo' ni~ jì lajalé' e móo'- la jmíi~ na, jo mi~ níng' jo, nisín' jalé' e jì jo quiá'- laji' guié- 'lé' dsea` quie' e i neáang' fí' e fí' e sii' Éfeso, jogui e fí'

e sii` Esmirna, jogui e fii` e sii` Pérgamo, jogui e fii` e sii` Tiatira, jogui e fii` e sii` Sardis, jogui e fii` e sii` Filadelfia, jogui e fii` e sii` Laodicea; jo laji` guié` e fii` na née` fí` lí` se` Asia.

¹² Jo mi` cangf` e canú`-u e luu` do, joba` cajú` i` ní` lí` calú`-u e laco` nicaa`^ cunee` i` gui` i` tó` jnea` do; jo job mi` camó`-o guié` candeléer` e ji` e lí` cóo`~ layaang` cunee`.

¹³ Jo jeeng` e guié` candeléer` e ji` do camán`-n jaang` i` jnéeng` dseáng`- laco` jaang` dsea` jmgüi` i` qui` cóo` 'mi` e cuee` e tí` cartí` uii` tír`, jogui 'ñúú` ná`- dsír` cóo` e lí` cóo`~ layaang` cunee`, ¹⁴ jogui tee` jñuguir` lí` laco` tee` 'moo` osi joo` é, jogui jminir` lí` lafa` sǒng` ji`, ¹⁵ jogui tír` lí` dseáng`- lafa` cóo` ñí` e sii` bronce e dseáng`- jing` ji` lafa` mi` iá` fí` ní` ji`, jogui júu` quiá`-r` ná` lí` laco` i` cóo` lóo`~ e fé` eáang`. ¹⁶ Jogui e fí` jaguór` dsée` do teáng`- guiáng`- náú, jogui fí` mo'oor` güi`-fí` cóo` ñisú` e dsing`- 'mé` laji` tú`- taang`. Jogui nir` dseáng`- jing` ji` lí` laco` jnéeng`- iee` mi` íiñ` guieñí`- joo`.

¹⁷ Jo mi` camán`-n i` dsea` do, joba` dseáng`- caquím`-baa fí` uii` tír`- lafa` jaang` 'lí`. Jo dsu` ír` caquidsir` guóor` dsée` fí` yá` moguii` jo casí`-r` jnea` lala:

—Ja` fǒon`~ jii` cóo`; co` jneab` dsea` i` la'uii` jogui jnea`-bi` dsea` i` tí` lí` cadséng`- do cajo, ¹⁸ jo jnea`-bi` cajo i` dsea` i` seeng` lana; jogui e já`-ba' e cajún`-n cateá, dsu` cajib`-túu calé` catú-, jo dsu` car` ngongh` jmi` seen` náng; jogui jneab` dsea` quiee`- joñí` quiá`- 'mó`- jogui joñí` quiá`- fí` lí` 'lí` cajo. ¹⁹ Joba` lana nijmée`- fí` ní` jì` lajii`~ e nicañí`- jogui jalé` e móo`- jmi` na cóo`-gui` jalé` e nimó`-gui` cǒng`-gui. ²⁰ Jo lalab guǒng` i` guiáng`- náú i` nicañin` fí` jaguóo`-o dsée` la, jogui lalab guǒng`- cajo laji` guié` candeléer` e ji` e lí` cóo`~ layaang` cunee` do: i` guiáng`- náú do guǒng`- quiá`- jaléng`- dsea` i` quie` nifí` quiá`- dsea` quie`- e i` seeng` fí` laji` guié` fii` e née` fí` lí` se` Asia, jogui laco` e candeléer` e tí` guié` do guǒng` i` guié`- 'lé` dsea` quie`- e i` seeng` fí` laco` e fii` jo.

2

Júu` e catñng`- dsea` quiá`- Dsea` Jmáang`- i` neáang` fí` Éfeso

¹ Jo fii`-guí` 'nú, Juan, e nijmée`- cóo` jì` e catñng`- i` dsea` i` quie` nifí` quiá`- dsea` quie`- e i` neáang` fí` fii` Éfeso, jo lalab jmée`-: “Lalab jing`- i` dsea` i` teáng`- laji` guiáng`- náú fí` jaguór` dsée` jogui i` ngí` fí` jee` laji` guié` candeléer` e ji` e lí` cóo`~ layaang` cunee` do: ² Jo lalab fii`-i` 'nú e guiá`- ñii`- lajalé` e jmoo`- lafa` jalé` e la; e eáam` cuø`- bí` uø` e jmoo`- ta` jogui e eáam` iá`- ní` cóo`~ jalé` e jo cajo, jogui ñi`-baa cajo e ja` cuø` fí` e nijmé`- dsea` jalé` e ja` dseeng` lí` ee` já`- dsír`. Jogui ñi`-baa guiá`- e nicajøø`- su já`- laco` fé`- jaléng`- i` dsea` i` jing`- e líiñ` dsea` apóo` i` ní` júu` quié`-e, jo dsu` o`- já`- e líiñ` lajo, jo 'nú` nicalilí`-ba' e jaléng`- i` dsea` í`- jmang`- i` adseam`. ³ Jogui eáam`- nicajmee`- féng`- a` jogui nicateá`- lí`-bi` cóo`~ jalé`- iihuí` e nica`-in`- uii`- jnea~, jo dseáng`- ja` mí` calitúng`- o` e sin`- teá` fí` guiá`- cóo`~ jnea`. ⁴ Jo dsu` seab` cóo` júu` e ní`-lee` quií`- lana, jo e lab e jo: jo`- guiéé` e 'neáan` jnea` o`-gui dsea` rún` laco`-gui lamí`- uiing`- do ie`- lamí`- canaan` e cuín`- jnea`. ⁵ Joba` fii`-i` 'nú e ní`-h`-du o`- jie`- lí` nica`-lee`- quií`- lana, jo quí`- jing`- tu uø`- calé`- catú`- fí` quini`- Fidiéé`, jogui jmee`- tu` lajalé` lí` laco`-gui lamí`- quí`- tñn` e jmoo`- latí`- mi`- uiing`- do. Jo song ja`- nijmée`- lajo, joba` lajmináb`- nigáa`-a fí` na jo nijé`-baa ée`- quiá`- e candeléer`- do quií`-, jo dsu` ja`- nilí` lajo song niquí`- jing`- tu uø`- fí` quini`- Fidiéé`. ⁶ Jo dsu` e laba`- guiá`- e jmicóo`~ quií`-, e 'nib`- man`- jalé` e jmoo`- i` dsea` nicolaíta lí` laco`-gui jnea`- 'nib`- máan`-re cajo. ⁷ Joba` fá`-a: I`- jaléng`- dsea`- dsi`- logua~, güinú`-bre lajii`~ júu` e jing`- Jmiguí`- quiá`- Fidiéé` e catñng`- laji`- guié`- 'lé`- dsea`- quie`-e: Jaléng`- i` dsea`- i` nité`- lí` cóo`~ jalé`- iihuí`- jogui ja`- nitiúuñ`- jnea~, joba`- nicuøø`-baare e nidø`-r`- lajii`~ e sea`- quiá`- e 'ma`- e cuø`- e seeng`- dsea`- lata`- e si`- fí`- ñifi`- quiá`- Fidiéé`.”

Júu` e catñng`- dsea` quiá`- Dsea` Jmáang`- i` neáang` fí` Esmirna

⁸ Jo fii`-guí` 'nú, Juan, e nijmée`- cóo` jì` e catñng`- i` dsea` i` quie` nifí` quiá`- dsea` quie`- e i` neáang` fí` fii` Esmirna, jo lalab jmée`-: “Lalab fé`- i` dsea`- la'uii`- do jogui i` dsea`- tí`- lí`- dséng`- gui do, i` dsea`- i` cajúng`- do jogui i` cají`- tu mi`- catí`- 'ní`- jmi`- lajo: ⁹ Jo lalab fii`-i` 'nú e

guiáb̄ ñiī lajjī' iihuú' e íin' joguī jial̄ tiñín' cajo, nañí' fa' eáam' bre jmicóo' Fidiée' 'nu' cóo' jalé' e lí' quií'. Joguī ñi' bñī guiá' cajo jial̄ fé' dsea' ga' uiī quií', fa' jaléng' i dsea' i jing' e líiñ' dsea' Israel, jo dsu' o' já' e líng' i dsea' í lajo, co' i dsea' í lico' líiñ' dsea' i jmiféng' fiī i 'lim'. ¹⁰ Jo fñī 'nu' e ja' fòon' lajjī' iihuú' e tí' lí' ni'ín'; co' fiī i 'ling' nijmér' e i líng' 'nú' nigütáang' na' fí' dsii' 'nuñí' e laco' nijmér' quijī' jial̄ nitú' na' e teáang' na' teá' fí' guiá' cóo' jnea; jo e iihuú' jo ni'íng' na' lajee' guí' jmñī. Jo dsu' fñī 'nu' dseáng' jie' mí' litúng' o' e sin' teá' fí' guiá' cóo' jnea, doñí' fa' iing' dsea' jngaiñ' 'nu' uiī e jo, joba' jneab' nicuóø'ø' 'nu' lajjī' e catñn' e niliseen' cøong' cóo' jnea' car' ngongñī jmñī. ¹¹ Jo jaléng' 'nú', dsea' dsii' loguá' na', núu' na' lajjī' e júu' e jing' Jmiguí' quiá' Fidiée' e catñng' lajī guié' 'lé' dsea' quié' e: Jo jaléng' dsea' i ja' nilitúng' dsii' e teáaiñ' teá' fí' guiá' cóo' jnea, joba' i dsea' í jo' tóo' jmñī fa' e nitñiñ' fí' lí' 'li' mí' nití' fí' fñī cóo'."

Júu' e catñng' dsea' quiá' Dsea' Jmáang' i neáang' fí' Pérgamo

¹² Jo fñī guí' 'nu', Juan, e nijmée' cóo' jiī e catñng' i dsea' i quié' nifi' quiá' dsea' quié' e i neáang' fí' fñī Pérgamo, jo lalab' jmée': "Lalab' fé' i dsea' i quié' e ñisú' e 'mé' lajī tú' taang' do: ¹³ Jo lalab' fñī 'nu', e guiáb̄ ñiī lajaléb' e jmoo', joguī ñi' baa' cajo e seen' fí' lí' quiú' fiī i 'ling' ta', dsu' ja' mí' catiun' e dseáng' já' lín' lajjī' júu' quié' e. Joguī ja' mí' catiun' jnea' fa' e ja' mí' jmití' lajjī' ta' quiá' u, o' gui' mí' catiun' jnea' ie' mí' cajngang' dsea' i dsea' quié' e i sii' Antipas i cajmiti' júu' quié' e e fí' fñī e fí' lí' quiú' fiī i 'ling' i sii' Satanás ta' do. ¹⁴ Dsu' fñī guí' 'nu' e seab' cóo' tú' íng' e 'léé' quií', jo e lab' e jo: ja' mí' cajniin' quiá' cóo' tú' máng' dsea' i seeng' fí' na' i ja' mí' catú' e jmitñiñ' lajjī' júu' 'li' e caguia' Balaam, co' i dsea' na' ca' e' r' jaang' gui' dsea' i sii' Balac, jo i dsea' í guib' i cajmigóøng' jaléng' dsea' Israel e laco' éeiñ' dsee' e gø'r' ngu' jó' i nicacuøiñ' diée' i o' já' joguī e 'léer' e güñiñ' cóo' dseañu' osi dseamí' i o' quiá' r'. ¹⁵ Jo lajobi' cajo seem' bi' cóo' tú' máng' dsea' la' ó' 'nu' i neáang' fí' na' i ja' mí' catú' jalé' e 'li' e qui' tñng' e jmoo' jaléng' dsea' nicolaíta. ¹⁶ Joba' fñī 'nu' lana e qui' jing' uø' fí' quini' Fidiée'; jo dsu' song' ja' nijme' lajo, joba' lajmináb' nigáa' a' fí' lí' guin' e nitñn' cóo' jaléng' i dsea' í cóo' e ñisú' e iu' fí' mo'óo'. ¹⁷ Jo jaléng' 'nú', dsea' dsii' loguá' na', núu' na' lajjī' júu' e jing' Jmiguí' quiá' Fidiée' e catñng' lajī guié' 'lé' dsea' quié' e: Jo i dsea' i ja' nilitúng' dsii' e núu' r' júu' quié' e, joba' nicuóø' baare cóo' e lafa' iñí' e catññiñ' e si' ma' fí' ñifi'; joguī nicuóø' baare cajo cóo' cuu' e tee, jo e fí' ni' e cuu' do nijé' cóo' júu' e 'mñi' laco' sii' i dsea' do, jo dsu' jiī' jaang' dsea' jíéng' ja' niliñí' e júu' jo, co' jiī' i dsea' i ni'íng' do, jiī' í'bing' i niliñí' e júu' jo."

Júu' quiá' Fidiée' e catñng' dsea' quiá' Dsea' Jmáang' i neáang' fí' Tiatira

¹⁸ Jo fñī guí' 'nu', Juan, e nijmée' cóo' jiī e catñng' i dsea' i quié' nifi' quiá' dsea' quié' e i neáang' fí' fñī Tiatira, jo lalab' jmée': "Lalab' jing' i Joo' Fidiée' camñng' do i quié' jmini' e lí' lafa' sòng' jiī joguī tíir' jnéeng' lafa' ñi' e jing' jii' jlo' e sii' bronze: ¹⁹ Jo lalab' fñī 'nu', e guiáb̄ ñiī lajaléb' e jmoo', joguī e eáam' 'neáan' dsea' rún', joguī e teáb' sin' fí' guiá' cóo' jnea, joguī eáam' la' úng' nicajmee' lajjī' ta' e iin' n, jo ja' mí' cajmitúng' o' lajjī' e ta' jo, co' dseáng' nicateá' ba', jo ñi' baa' guiá' e eáang' gui' nicuø' b' uø' lana e røø' gui' nijmoo' ta' laco' gui' lamí' jmoo' lamí' uing' do. ²⁰ Lí' jiī' e laba' e 'léé' quií' e ga: ja' mí' cajniin' quiá' i dseamí' i sii' Jezabel e sí' 'ñia' r' e líiñ' jaang' dseamí' i fé' cuaiñ' quiá' Fidiée', jo dsu' i dseamí' í lí' jmigóøiñ' jaléng' dsea' quié' e cóo' jalé' e e' r' do, co' iññ' e nisíng' tu' jaléng' dsea' quié' e fí' gab' e jmé' tur ta' 'léé' cóo' jaléng' dseañu' osi dseamí' i o' quiá' r', joguī e jmé' tur ta' gø' jalé' e nicuø' r' diée' i o' já'. ²¹ Jo huøøb' nicacuøø' øre fí' fa' e niquí' jing' 'ñia' r' fí' quini' e laco' jo' nijmér' e ga' lajo, jo dsu' ja' mí' cali' iññ' fa' e nicajméer' lajo e jo' nibeáng' gui' 'ñia' r' dsee', co' ja' iññ' fa' nicatúr' jalé' e 'li' e jmoor' do. ²² Jo dsu' lalab' fá' a' uiī quiá' jaléng' i dsea' i jmoo' ta' 'léé' cóo' i dseamí' í, e song' ja' niliúng' yaaiñ' e jmoor' jalé' e jo, joba' nijmee' e e nilidsée' bre lajaléiñ' do, co' eáam' nicár' iihuú', joguī huñm' nidsijéé' quiá' r'. Jo jalé' e iihuú' nab nidsingñiñ' song

ja` niqui'~ jing' yaaiñ~ uii~ quiá'~ jalé' e dsee~ e nica'éer` do. ²³ Jogui nijngám'^baa jaléng' joo' i dsea' í e laco' jaléng' dsea' i líng' dsea' quié' e niliñir' e jneab~ dsea' móo'o jogui cuí' i jial lí' dsí' dsea' lajaang' lajaañ'; jo jneab~ dsea' catín~ n e nicuøøø 'nú' lajii' e catíng~ na' lajaang' lajaang' na' uii~ quiá'~ lajii' ta~ e nicajmee' na' fí' jmigüí' na. ²⁴ Jo fii' i jaléng' 'nú' caguaang~ gui dsea' i seeng' fí' na fí' Tiatira; ii' i ja' mí' casíng' yaang~ fí' ga' cóo'~ i dseamí' ga' do o'gui mí' cajmitir~ lajii' e fé' dsea' e lí' júu^ nuu' quiá'~ fii' i 'ling' i sii' Satanás, joba' lalab fii' i 'nú' e jo' nicuøøø guí' 'nú' ta~ ii' e jié'gui. ²⁵ Joba' lí' jie~ mí' tá' na' lajii' e guiá~ e jmoo' na' na cartí' mí' nití' í' e ninii~ túu calé' catú~ fí' jmigüí' na. ²⁶ Jo jaléng' dsea' i nigüeang' e jmitir~ lajii' e iing~ jnea~ e nijmér~, joba' nicuøøø' baare ta~ e niquiúr~ ta~ fí' jalé' fii' e sea' fí' jmigüí' na; ²⁷ jogui dseáng' lí' laco'gui nicacuø' Tiquié' e jnea~ fí' e niquiú' u ta~ quiá'~ jaléng' dsea' jmigüí', lajob i dsea' í' cajo niñiñ' lafa' 'ma' u' quiá'~ dseata~, jo cóo'~ e job niquiúr~ ta~ fí' jalé' fii' cartí' nijmér~ jmiguiá' cuí' laco'gui mí' fíng~ coo' tu'. ²⁸ Jogui cajo nicuøøøm'^baa 'nú' i núu' i jnéng' mí' la'ee'. ²⁹ Jogui fii' i 'nú', ii' 'nú' dsea' dsi' loguá' na', núu~ na' lajii' júu^ e jing' Jmiguí' quiá'~ Fidié' e catíng~ laji' guié' 'lé' dsea' quié' e."

3

Júu^ quiá'~ Fidié' e catíng~ dsea' quiá'~ Dsea' Jmáang~ i neáang' fí' Sardis

¹ Jo fii' guí' 'nu', Juan, e nijmées' coo' jii' e catíng~ i dsea' i quié' nifí' quiá'~ jaléng' dsea' quié' e i neáang' fí' fii' Sardis, jo lalab jmées': "Lalab jing' i dsea' i quié' laji' guié' jmiguí' quiá'~ Fidié' jogui i teáang' guiáng~ núu' fí' jaguór': Lalab fá'a e dseáng' ñi'baa guiá~ lajalé' e jmoo', jo fii' dsea' i dsí' e dseáng' lajam'^ e lin' jaang' dsea' i seeng' cøøng' cóo'~ jnea~, jo dsu' o' já' e lin' lajo, co' ñi'baa guiá~ e lin' jaang' dsea' lafa' i sijúung~ i si'naang' cóo'~ jnea~. ² Joba' fii' i 'nu' e í' a' røø' jogui cuøø' bí' uø' e nijmées' laco' sí'í' lajii' e sisée' e 'né' jmées' gui'; jo song ja' nijme' lajo, joba' dseám' seen' e ni'ling~ conguiá' quií'; co' lí' lajii' e móo'o e jmoo' na dseáng' ja' dseem' lí' fí' quini' Fidié'. ³ Jo tee' a' lajii' júu^ quié' e e nica'ín' jogui e nicaná'u'; jo jmee' lajii' e jo, jogui quií' jing' uø' fí' quini' Fidié'. Co' song ja' nijmées' lajalé' e fii' i 'nu' na, joba' niguiéeb' jmi~ mí' niguié' e fí' quini' lajee' e ja' ñiing~ o', lafa' mí' ngí' jaang' ii' e dsijmées' ii' quiá'~ dsea' e jii' ja' ñiing~ dsí' i dsea' do lí' niguiéiñ' do. ⁴ Jo dsu' e fí' fii' Sardis na seem' bí' coo' tú~ máng' dsea' i la'ó' røø' cúing' na' jnea~, jo i dsea' í' ja' mí' cajmi'ling' yaaiñ' fí' quini' Fidié', joba' i dsea' í' catíng~ bre e ningír~ cóo'~ jnea~, co' ja' si'liiñ' jii' capí'. ⁵ Jo jaléng' dsea' i nité' lí' e já' líiñ' jalé' júu^ quié' e, joba' niquí' bre sí' r' e tee' e laco' cuø' lí' e niguiúm~ bre fí' quini' Fidié', jogui ja' tóo' jmi' fa' e ni'uøng' guir lí' niteáaiñ' fí' ní' jii' lí' nitaang~ jaléng' dsea' quié' e, jogui nijmee' e júu' fí' quini' Tiquié' e dsea' guíng~ ñiff' jogui fí' quini' jaléng' ángeles quiá' r' e jaléng' i dsea' í' dsea' quié' baa niliñ'. ⁶ Joba' fii' i 'nú', ii' 'nú' dsea' dsi' loguá' na', núu~ na' lajii' e jing' Jmiguí' quiá'~ Fidié' e catíng~ laji' guié' 'lé' dsea' quié' e."

Júu^ quiá'~ Fidié' e catíng~ dsea' quiá'~ Dsea' Jmáang~ i neáang' fí' Filadelfia

⁷ Jo lalab fii' guí' 'nu', Juan, e nijmées' coo' jii' e catíng~ i dsea' i quié' nifí' quiá'~ jaléng' dsea' quié' e i neáang' fí' fii' Filadelfia, jo lalab jmées': "Lalab jing' i dsea' güeang'^ jogui i fé' jmang'^ júu^ já' contøøng~ jogui i quié' joñí' quiá'~ dseata~ dsea' féng' Daví'; jo mí' náa' i dsea' i quié' e joñí' do, joba' jii' jaang' dsea' jo' ii' nilí' fa' e nijnír~; jogui mí' jnír', joba' jii' jaang' dsea' ja' ii' nilí' fa' e nineár'. ⁸ Jo jnea~ ñi'baa guiá~ lajalé' e jmoo'. Jogui lana lafa' nicaná'a coo' jni' fí' quini' e jii' jaang' ja' ii' quí' jmi' fa' nijní' tu, jo nañí' fa' ja' 'leáang~ bí' quií' sea', dsu' nicajmee' ba' núu' lajii' júu^ quié' e, jo ja' mí' cajmee' fa' e ja' jmicuín' jnea~. ⁹ Jogui jnea~ nijmee' e e jaléng' i dsea' i teáang' jee' 'lé' quiá'~ Satanás, jaléng' i adsee' i fé' e líiñ' dsea' Israel jo dsu' o' já' e líiñ' lajo, jo nijmee' e e nisí' jaléng' i dsea' í' uø' jnir' fí' quini', jo lajob niliñir' e eám' 'neáang' jnea' 'nu'. ¹⁰ Jo

co' contøø̃m̃ nicateá' e jmoo' náu' lajii' júu' quié' e ja' mí' calitúng' o' e júu' jo, jo uí' e joba', jnea' nijmee' e í' 'nua' mi' nijaquíéeng' e niní' dsea' iihu' fí' latøøng' jmigüí', co' ie' job mi' nijøøø' jial líng' lajaang' lajaang' dsea' seeng' fí' ni' guóo' uó' na, jo ne' duu' su teáaiñ' teá' fí' guiá' cóo' jnea' osi o' lajo é. ¹¹ Jo lajee' lajmináb' nigáa'túu' fí' jmigüí' na, lí' jie' mí' tú' lajii' e jmoo', jo lajoba' jii' jaang' ja' ii' cuøøng' niguí' quií' lajii' e catín' quiá' Fidié'. ¹² Jo jnea' nijmee' e ii' i nité' lí' jogui e ja' nitár' júu' quié' e, íb' dsea' i nilí' e nilíiñ' jaang' i niing' i niliseeng' colíng' cóo' jnea' fí' lí' guing' Tiquié' e Fidié', jo jo' quí' jmi' fa' e nidsihuíng' guir fí' jo; jogui jnea' nijmee' e e jaléng' i dsea' í' nilíiñ' dsea' quié' e jogui e nilíiñ' dsea' góo' Tiquié' e fí' fí' lí' sii' Jerusalén e 'mí' e jáa' fí' ñiff' quiá' Fidié', jogui nijmee' e e nilíiñ' jaléng' i dsea' do e júu' 'mí' e nilisii' ie' jo. ¹³ Jo fí' 'nú', ii' 'nú' dsea' dsi' loguá' na', náu' na' lajii' júu' e jíng' Jmiguí' quiá' Fidié' e catíng' lajii' quié' 'lé' dsea' quié' e."

Júu' quiá' Fidié' e catíng' jaléng' dsea' quiá' Dsea' Jmáang' i neáang' fí' Laodicea

¹⁴ Jo fí' guí' 'nua', Juan, e nijmée' coo' jii' e catíng' i dsea' i quié' nifi' quiá' jaléng' dsea' quié' e i neáang' fí' fí' Laodicea, jo lalab jmeé': "Lalab jíng' i dsea' i líng' dseáng' lajang' Fí' naa' Fidié', jogui i dseáng' tí' ni' røø' i fé' jmang' júu' já', jogui cajo la'eáang' cóo' íb' cajmée' Fidié' lajalé' e sea' fí' jmigüí': ¹⁵ Jo lalab fá'a e niñí' jnea' guiá' lajalé' e jmoo', joba' ñi'baa e ja' mí' 'naan' cóo' jnea' o'gui cuø' bí' uø' fa' e nisíng' gui' teá' cóo' jnea'. Dsu' e laba' fí' 'nua' e 'né' e ni'í' o' røø' jnang' fí' e iin' e nicá'; su e nisín' teá' cóo' jnea', osi e 'ní' man' jnea' é. ¹⁶ Jo dsuco' lí' í' o' e ja' ee' lí' quií' jié' fí' sin', uí' joba' e nibíin' 'nua' fí' caluu'. ¹⁷ Co' 'nua' fó' e lin' jaang' dsea' sea' cuu', jogui guiáb' nicangojéé' quií', jo jo' e 'né' quií' jii' coo'; dsu' ja' ca' cuente uø' fa' e huím' lí' quií' cóo' jalé' e í' o', jo dseáng' fí' ba' co' lafa' tiñim' ba' lin', jogui lafa' fí' í', jogui lafa' tiuun', jogui lafa' ringúum' ba' cajo. ¹⁸ Jo uí' e joba' liúun' 'nua' e lá' cunée' quié' e e nicaguo' jlo' fí' ni' jii', jo lajoba' e nilíin' lafa' jaang' dsea' sea' cuu'; jogui la'eáang' jneab' cajo e lafa' nilá' sí' e jlo' e tee' e niquí', jo lajoba' ja' nilí' i' lin' e ngí' lafa' ringun'; jo lajob cajo lafa' nilí' mí' quiá' jminí' e laco' cuøøng' e nilijné' røø'. ¹⁹ Jo jnea' liúum' baa jogui í' baa 'goo' quiá' jaléng' dsea' i 'neáan'. Joba' fí' 'nua' e cuøø' bí' uø' e ngocáng' o' laco' catíng', jogui quí' jíng' uø' fí' quini' Fidié'. ²⁰ ¡Janú'! Náu' e júu' la: jnea' tøøø' dsea' catí' o' 'nú'; jo ii' dsea' i ninú' júu' quié' e jogui nineár' jn' e laco' ni'íñ' e júu' do quié' e mi' nitøøøre, joba' ni'ú' baa fí' dsí' sinúu' quiá'r', jo colíim' niquiee' naa' í' naa' cóo' i dsea' do. ²¹ Jo ii' dsea' i nité' lí' e já' líiñ' jalé' júu' quié' e, joba' nicuøø' baare fí' lí' nigüéar' colíng' cóo' jnea' fí' ñiff' lí' laco' nicalí' jnea' e guiin' n cóo' Tiquié' e fí' ñiff' quiá'r' fí' lí' quiá'r' ta'. ²² Jo fí' 'nú', ii' 'nú' dsea' dsi' loguá' na', náu' na' lajii' júu' e jíng' Jmiguí' quiá' Fidié' e catíng' lajii' quié' 'lé' dsea' quié' e."

4

Jial lí' lí' jmiféng' dsea' Fidié' fí' ñiff'

¹ Jo mi' cangí' e jo, lalab jíng' gui' Juan e cangár': Jo camó' o e óob' coo' jn' quiá' ñiff', jo canú' u e guica' ii' fí' yá' jmigüí' coo' luu' e ii' lafa' coo' lúu' trompé' lí' laco' canú' u lamí' uii' do, jo lalab casí' jnea':

—Ñiquiéeng' fí' la, jo nijmée' e 'nua' júu' lajii' e 'né' nidsijéé' lajee' mi' ningíng' e la.

² Jo ladsifí' lajob cajá' a jee' Jmiguí' quiá' Fidié', jo lajee' jo camán' n jaang' dsea' fí' ñiff'; jo i dsea' í' guíiñ' e fí' éé' e lí' gua' dsea' i laniing' i quiu' ta'. ³ Jo camán' nre e jnéeng' nir' laco' gui' la lí' coo' cuu' jlo' e jii' eáang' e sii' cornalina, jogui jnéeiñ' cajo laco' coo' cuu' e sii' jaspe e jíng' jii'; jogui lacúng' lajíng' e lí' guing' i dsea' 'ña' do camó' o e lafa' sí' coo' cuu' e jnéng' mi' dséé' jmigüí' e tí' ié', jo e jo jíng' jii' jlo' laco' coo' cuu' røø' e sii' esmeralda. ⁴ Jo fí' job camó' guí' cajo jé' gui' guiequié' gui' éé' fí' lacúng' lajíng' e lí' guing' i dsea' laniing' do, jo fí' job camán' n guiequiúung' yúu' dsea' cøøng' e neáaiñ'

fi' jo, jo lajɨng` i dsea` i` qui'r` 'mi' té, jogui téé~ fi' moguir~ lajaang` lajaañ` jma'~ có lí^ corona e lí^ cóo~ layaang~ cunée~. ⁵ Jo e fi' lí~ guing~ i dsea` laniing~ do jnéeng~ lafa' mi~ liji~ güi'ñiá, jogui nab' mi~ nii` cajo, jo dseáng'~ eáam` téé~ mí~; jogui e fi' quini~ lí~ guing~ i dsea` laniing~ do jnéeng~ coo` guié~ bõø~ jì, jo e jo guóng'` quiá'~ laji` guiáng~ jmi'guí` quiá'~ Fidiée~. ⁶ Jo e fi' quini~ e lí~ guing~ i dsea` do, fi' job jnéeng~ cajo laco' la jnéeng~ fi' ni~ jmiñí^, jo jnéeng~ ta' jmi^ lafa' coo` sá' jì. Jo dseáng'~ guiá'` jóo` jogui lacúng'` lajɨng` e fi' lí~ guing~ i dsea` laniing~ do, neáang'` quiúung~ i jí' i dsi~ jmi'guiá'` jmini~ lí^ quini~ jogui lajobi lí^ caluu~ cajo. ⁷ Jo i jí' i la'uii~ do jnéeiñ~ lafa' jaang` ie^, jogui i jí' i catí` tú~ do jnéeiñ~ lafa' jaang` güitá^, jogui i jí' i catí` 'ní do, íbing'` líng~ laco' jaang` dsea` jmi'guí` la jneaa`aa', jogui i jí' i lí~ catí` quié~ do jnéeiñ~ lafa' jaang` mi~ i líng'` guiá'` güí. ⁸ Jo lajaang` lajaang` i quiúung~ do dsi~ jñú~ cuéer', jogui dsi~ jmi'guiá'` jminir~ lí^ lí' ni~ jogui lí^ lí' ná'~ cajo; jo dseáng'~ uøø` jmi'b` ja` tár` e fé'r` lala:

Dseáng'~ ja` cóøng` cóob'~ güeang'` Fí'ii',
Fidiée~ dsea` guing~ ñifí~.

Dseáng'~ dsea` güeam'^ dsea` do,

dseáng'~ dsea` guiúm~ dsea` do, jo íb` dsea` 'gøng', jogui tñiñ` jmér~ lí^ doñí` ee`.

Jo íb` Fidiée~ i seeng` lajii'~ lati' mali~gui, lajii'~ ná'~gui e nitiroo~ jmi'guí` jogui lati' lana jogui cajo i nijáa`tu calé` catú~, i seeng` car` ngongú` jmi~.

⁹ Jo laco~ néé~ mi~ jmi'féng'` i quiúung~ do Fidiée~ e cuø'r` dsea` do gui'máang'~, jogui mi~ jmi'gór` dsea` do dsea` guing~ fi' ñifí~, dsea` i seeng` car` ngongú` jmi~, ¹⁰ jo mi~ jmóor` lajo, joba' fi' quini~ i dsea` i guing~ fi' lí~ niing~ do, laji` guiequiúung` i dsea` cóøng'~ do jmi'féiñ'` dsea` do e téé~ uø~ jnir~, jogui uø'r` e lí^ corona cunée~ e téé~ fi' moguir~ lajaang` lajaañ~, jo guar' fi' quini~ dsea` do jo fé'r` lala:

¹¹ Fí'naa' Fidiée~, 'nab` dseáng'~ dsea` féng'` dsea` ñíng'` fi' la'úng~ fi' jmi'guí`,

joba' 'nab` dsea` catíng~ e nijmi'féng'` dsea` 'na`,

jogui e nijmi'gó` dsea` 'na`,

jogui e nifé'` dsea` e eáam'` 'gøñ'` cajo,

co' 'nab` dsea` cajmee'~ lajalé'` e sea` fi' jmi'guí`,

jo jaléb'` e cajmee~ 'na` caliseá` dseáng'~ laco' la iin'~ uø'.

5

Ji` quiá'~ Fidiée~ e róo` fi' ñifí~

¹ Jogui camó~ guí cajo e fi' jaguó` dsée'` quiá'~ i dsea` i guing~ fi' lí~ niing~ do e ia~ coo` jì e sibéeng` e silí~ lí^ lí' dsí' jogui lí^ caluu~ cajo, jogui sijni` røø` cóo~ guié~ sello e laco' ja` sea` fi' e nineá~ lí^ doñí` jì. ² Jo camám~ bñ cajo jaang` ángel i 'gøng'` eáang'` quiá'~ Fidiée~, jo jmingí~r` cóo~ luu~ teá' lala:

—¿I~ dsea` i catíng~ i nineá~ e jì do jogui e nifíñ~ laji` guié~ e sello quiá'~ e ja` cuøøng` ninea` do?

³ Jo dsu' ja` jié'` lí~ seeng` jaang` i catíng~ i nijmé~ lajo, o'gui fi' yá' jmi'guí` o'gui fi' guóo'~ uø~ o'gui fi' ná'~ uø~ cajo fa' seeng` jaang` i catíng~ i nineá~ e jì do o'gui e ír~ cajo. ⁴ Jogui jnea~, Juan, dob sín'`n qui'`i jí'~ ja` ñii~ ee` nijmee'`e, co' ja` mí caliséng'` jí'~ jaang` fa' i catíng~ i nineá~ e jì do o'gui e nijøø~r` o'gui e ni'í~r~ cajo. ⁵ Dsu' jaang` lajee~ i dsea` cóøng'~ i tí' guiequiúung` do cas'í~r~ jnea~ lala:

—Jo` qui'`gui, co' ja` ee` fi'í^ sea, co' i do i líng'` i Ie'` i iuung~ jee~ 'lé'` quiá'~ dsea` quiá'~ Judá jogui i líng'` dsea` siju~ dseata~ dsea` féng'` Daví', íb` i nicalí', joba' lana nicuøøm` nifíñ~ laji` guié~ e sello do, jo lajoba' nilí'r` nineár~ e jì do.

⁶ Jo mi~ cangí e café'` i dsea` do, joba' camán~n i Jo'se'` Jiuung~ i sing'` fi' guiá'` jóo` e fi' lí~ guing~ i dsea` laniing~ do cóo'~gui e lí~ neáang~ i quiúung~ do jogui e fi' guiá'` jóo` e fi' lí~ neáang'` i guiequiúung` dsea` cóøng'~ do. Jo i Jo'se'` Jiuung~ do líng'`ne' lafa' jaang` i nicajúng~ i nicajnga'` dsea` quiá'~. Jogui dsi~ guié~ fi're' jogui guié~ jmini're' cajo; jo e

job lí' lafa' laji' guiáng- jmiɡuá' quiá'- Fidiée' e casíñ' fí' la'úng- fí' jmiɡuá'. ⁷ Jo i Jo'se' í' cangó-re' jo catíng-ne' casá'-re' e jì' e iá' fí' jaguó' dsée' quiá'- i dsea' féng' i guíng- fí' lí' níng- do. ⁸ Jo dsifí' mĩ' catíng-ne' e jì' do, i quiúung- do jogui laji' guiequiúung- i dsea' cóong'- do casíng' yaaiñ- e téé- uó- jnir- fí' quini' i Jo'se' Jiuung- do. Jo lajaang- lajaañ- do quier' coo' lúu' e sií' arpa, jogui quier' úu' e lí' cóo'- layaang- cunée' e téé'- sũ' e coo', jo e joba' lí' jalé' e júu^ quiá'- dsea' quiá'- Dsea' Jmáang- mĩ' jmiféiñ' Fidiée'. ⁹ Jogui ør' júu^ e 'mĩ' e ngóo' lala:

'Nub`dseáng'- i catíng- i nisó' e jì' do, jogui i nífing- jalé' e sello quiá'- do, co' cajngang' dsea' 'nũ, jo cóo'- e jmi'øøñ'- e catuu- do íng' ta~ quiá'- jaléng' dsea' e lacó' ni'uíñ- dsea' quiá'- Fidiée';

jo jee- i dsea' do quíng'- jmaquíng' 'lé' dsea',

jogui jmaquíng' íng'- jmí' e fé'r',

jo jaléng' i dsea' í' jalíñ- fí' jmaquíng' fí' e sea' fí' la'úng- fí' jmiɡuá'.

¹⁰ Jo cajmee'- cóo'- lajaléng' i dsea' í' e 'nub`dsea' quié' ní' quiá'-r- lajaang- lajaañ-.

Jogui cajmee'- cajo e jaléng' i dsea' í' líñ' lajii'- jmidsea' quiá'- Fidiée'.

Jogui coob' mĩ' niguiéé' jmĩ' e niquiá'r^ ta~ fí' latøøng- jmiɡuá'.

¹¹ Jo mĩ' cangí' e jo, jo cajó-ø jo canú-u luu~ dseáng'- i 'leáang- eáang' ángeles i teáang- lacúng' lajíng' e lí' guíng- i dsea' níng- quia' ta~ do jogui lacúng' lajíng' e lí' neáang' i quiúung- do jogui i dsea' cóong'- i tí' guiequiúung' do, ¹² jo guicaná' e guicaféiñ' do lala cóo'- júu^ teá' eáang':

I Jo'se' Jiuung- i cajúng- do dseáng'- catím-bre'

e ní'íng'-ne' jalé' e 'gøng' jogui jalé' e jlo'^ e sea' fí' la'úng- fí' jmiɡuá'

jogui e tíng'-ne' eáang',

jogui catím-bre' e íng'-ne' jalé' bĩ' cajo,

jogui e nijmi'gó' dsea' í're',

jogui e nijmi'íáang' dsí' dsea' cóo'-re',

jogui e nijmiféng' dsea' í're' contøøng- cajo.

¹³ Jo mĩ' cangí' jo, canú-biɡuá' cajo -jíng'- Juan- e lajib' e cateáa' Fidiée' fí' yá'^ jmiɡuá' jogui fí' ni' guóo'- uó- la jogui fí' lí'^ ná'- uó- jo lajobi fí' lí'^ ná'- jmiñí'^ cajo, jo lalab guicajíng'-:

I dsea' quie' ní' i guíng- fí' lí' níng- quia' ta~ do, jogui i Jo'se' Jiuung- do cajo,

í'bing' i catíng- i nijmiféng' dsea' jogui i nijmi'gó' dsea' cajo,

co' dsea' íb' dsea' i 'gøng' i tíng' jmé- lí'^ doñí' ee',

joba' dseáng'- catím-bre' e nijmér- lajii'- e íáang' dsíir' lata~ róo' jmiɡuá'.

¹⁴ Jogui i quiúung- do cañir' lala:

-iE jáb'-, lajob lí'!

Jogui laji' guiequiúung- i dsea' cóong'- do casí'r' uó- jnir- jogui ja' quuiñ' e jmiféiñ' dsea' do.

6

Mĩ' cafiing- laji' guié- sello

¹ Jo mĩ' cangí' jo, camó-guá' -jíng'- Juan- jial i Jo'se' Jiuung- do cafiing'-ne' la'uii~ e guié- sello do. Jo mĩ' calí- jo, jo canú-u e guicafé' jaang- lajee' i quiúung- do, jo dseáng'- caná' lafa' e líng- ee' coo' guicaniib' dseáng'- e tea' eáang' jo cajíñ'-:

-iNea' jo jóø- e la!

² Joba' cajóø- jnea~ ladsifí' lana, jo camán-n jaang- cuea~ teaang', jo i dsea' i guíng- fí' mocóo'-re' do se'r' coo' 'lí'. Jo i dsea' í' cangíñ' coo' e lí' corona e nitó'r' fí' moguir- jo líñ' jaang' dsea' i calí'- jogui i nilí' bi' cajo.

³ Jo mĩ' tí' lí' cafiing' i Jo'se' Jiuung- do e sello e catí tú- do, joba' canú-u e guicajíng'- i catí tú- do lajee' i quiúung- do, jo lalab cajíñ'- do:

—¡Nea' jo jòø e la!

⁴ Jòba' cajòø jnea~ ladsifí lana, jo camán~n jaang` cuea~ i yúung^, jo i dsea` i guing~ fí mocóo~re' do cangíiñ` e tiiñ` e ni'nór~ 'nií` quiá~ dsea` e laco' niliseeng` dsea` mí~ fí jmigüí la, jogui e nijmér~ e nijngáng~ rúng` dsea` lajee` la'ó' rúñ`'; jo mifíng` cangíiñ` coo` ñisú' e niguó~ quiá~ jee` 'nií`.

⁵ Jo mí~ tí li~ cafiing` i Jo'se' Jiuung~ do e sello e catí` 'ní` do, jòba' canú~u e guicajíng~ i catí` 'ní` lajee` i quiúung~ do, jo lalab cajíñ~ do:

—¡Nea' jo jòø e la!

Jòba' cajòø jnea~ ladsifí lana, jo camán~n jaang` cuea~ i uíng~, jo i dsea` i guing~ fí mocóo~re' do se'r' coo` cueí'. ⁶ Jo jee~ laco' neáng` i quiúung~ do canú~u lafa' luu~ dsea` jo guicajíng~ lala:

—Dseáng~ coob` kiil~ micui'iee` jjí~ e tíng~ dsea` quiá~ e 'léeiñ~ coo` jmí~ ta~, jogui jjí~ 'ní` kiil~ micuí~ ceadaba' e 'léeiñ~ quiá~ coo` jmí~ ta~ cajo; dsu' ja` cuøong` e lí^ nidsi'í~ lajo e aceite o'gui e jmí^ mí^ huíng` jó^ cajo.

⁷ Jo mí~ tí li~ cafiing` i Jo'se' Jiuung~ do e sello e catí` quiú` do, jòba' canú~u e guicajíng~ i catí` quiú` do lajee` i quiúung~ do, jo lalab cajíñ~ do:

—¡Nea' jo jòø e la!

⁸ Jòba' cajòø jnea~ ladsifí lana, jo camán~n jaang` cuea~ i iuung~ i rø` uaang~, jo i dsea` i guing~ fí mocóo~re' do siir` 'mó~. Jo caluu` i dsea` í` jáa' jaang` gui i líng~ fii` quiá~ 'mó~; jo cangíiñ` e tiiñ` e quiú'r' ta~ latøng~ caquiúung~ fí jmigüí e nijngáiñ~ dsea` cóo~ jalé` ñisú', jogui niseáiñ~ dsea` e jo` sea` dóiñ~, jogui nitó'r' jalé` jmohuí', jogui nitáiñ' jaléng` jó' nuu` e laco' nijngáng~ ne' dsea`.

⁹ Jo mí~ cafiing` i Jo'se' Jiuung~ do e sello e catí` 'níá` do, jòba' camán~n fí nú~ nife' jaléng` i dsea` i cajúng~ i cajnga' dsea` quiá~ uí~ e cani'r' júu` quiá~ Fidiée`. ¹⁰ Jo fé' jaléng` i dsea` í` cóo~ júu` e teá` eáng', jo lalab jíñ~ do:

—Fí'naa', 'nab` dsea` i güean^ i ja` dsee~ røong` jjí~ coo` jogui dseáng~ i jmiti~ júu` quiá~ contøng~. Jo ¿lí~ catí` niquidsi' í' quiá~ jaléng` dsea` jmigüí jogui nicuó~re` iihuí` uii` quiá~ e cajngaiñ' jnea^?

¹¹ Jo lajaang` lajaang` i dsea` do cangíiñ` sí'r^ e tee` jlo^, jogui canúur~ e 'né~ nijmi'ím` bir cateá` lajo, co' 'né~ e nijém~ bir jaléng` gui dsea` caguaang~ gui quiá~ Dsea` Jmáang~ i jmóo` ta~ quiá~r~ e nijúuiñ~ lí^ laco' cajúng~ jaléng` ír` cajo, jo lajoguiba' nidsíng~ i sí'íng^ lajo.

¹² Jo dob sín'n jòø~ø mí~ tí li~ cafiing` i Jo'se' Jiuung~ do e sello e catí` jñúu~ do. Jo lajee` job mí~ cajó' uó~ dseáng~ e eáng'. Jo íee` dseáng~ caliniúm` bre dseáng~ lafa' coo` 'ná^ 'mí' uí~ e qui' dsea` mí` líiñ` fí'í^; jogui sí' dseáng~ caliyúuiñ~ lafa' jmí', ¹³ jogui jaléng` núu` i sitóng~ fí yú^ jmigüí cajiúm` bre' fí ni~ uó` lí^ laco' gui sijjú` güíñí^ sí' fí yú^ 'ma` quiá~ mí` íí` guí e teá` eáng'. ¹⁴ Jogui yú^ jmigüí ca'ím~ e casítíng` yaang~ laco' gui mí~ béeng` coo` mají, jogui lajalé` mó' cóo~ gui jalé` guóo~ uó` jiu e néé' ni~ jmiñí^ calisím~ ée^ quiá~ laco` laco`. ¹⁵ Jo jaléng` dseata~ dsea` féng` cóo~ gui jaléng` dsea` laniing~ i quiú' ta~ fí jmigüí na, jogui jaléng` 'lée~ laniing~ i quié` nifí, cóo~ gui jaléng` dsea` sea` cuu~, jogui jaléng` dsea` laniing~ i quié` nifí jogui jaléng` dsea` i silaang~, cóo~ gui jaléng` dsea` i sí'niing~ i jmóo` ta~, jo jaléng` dsea` íb` i canaang` 'méeng` fí dsí' tó` jogui lacaang` jee~ jáa' fí jee~ mó' cajo, ¹⁶ jogui canaaiñ` sí'r' jalé` e mó' do cóo~ gui jalé` e jáa' do:

—Jlíng~ jnea^ jo 'meeng~ jnea^ quiá~ i dsea` i laniing~ i guing~ quiú' ta~ do jogui quiá~ i Jo'se' Jiuung~ do cajo, co' eám` niguíiñ~ quí'naa' jòba' iihuí` eám` nicuó~ lana.

¹⁷ Dsaco' lanab cadsíng~ jmí~ e nidsijéé` iihuí` e eáng', jòba' ¿i~ nité` lí' cóo~ e jo?

7

Lajíi~ dsea` quiá~ Fidiée` i nísí'íng^

¹ Jo mi~ cangî e jo, camán~n —jíng~ Juan— quiúung~ ángeles i teáang~ laji` quiú` quiúung~ ni~ guóo~ uó~ jmiǵúî e se~r laji` quiú` quiúung~ jmiǵúî e laco~ jo` ni~f` gui` gui` fí` ni~ guóo~ uó~ o~gui` fí` ni~ jmiñí~^ o~gui` fí` jee~ 'ma` cajo. ² Jo camám~biguí` cajo jaang`gui` ángel i jáa` fí` lí~ lí` guo~^ iee~, jo jáar` se~r e sello quiá~ Fidiée~ i seeng` car` ngongú~ jmi~ do. Jo i ángel do cóo~ júu^ teáb` eáang` cató~r~ laji` quiúung~ i ángeles i cangúng` e tiiñ` quiá~ e ni~lér~ fí` ni~ guóo~ uó~ jogui` fí` ni~ jmiñí~^ cajo. ³ Jo i ángel i jáa` fí` lí~ lí` guo~^ iee` do casí~r~ i ángeles i quiúung~ do jo lalab cajíñ~':

—Ja` lee~na` jii~ coo` fí` ni~ guóo~ uó~ osi ni~ jmiñí~^ osi jalé~ 'ma` é cartí` mi~ nité~naa' e sello quiá~ Fidiée~ quí~ii' fí` guiaquí~ lajaang` lajaang` dsea` i jmóo` lajii~ e iing~ Fidiée~.

⁴ Jogui canú~bú` cajo jie` jii~ tíi` i dsea` i ni~íng` e sello quiá~ Fidiée~ do, jo i dsea` í` tíir` ciento cuarenta y cuatro mil jee~ jaléng` 'lé` dsea` Israel. ⁵ Jo jaléng` i dsea` í` quíng~ guitu` mil dsea` i teáang~ jee~ 'lé` quiá~ dsea` siju` Judá, jogui guitu` mil dsea` i teáang~ jee~ 'lé` quiá~ dsea` siju` Rubén, jogui guitu` mil dsea` i teáang~ jee~ 'lé` quiá~ dsea` siju` Gad, ⁶ jogui guitu` mil dsea` i teáang~ jee~ 'lé` quiá~ dsea` siju` Aser, jogui guitu` mil dsea` i teáang~ jee~ 'lé` quiá~ dsea` siju` Neftalí, jogui guitu` mil dsea` i teáang~ jee~ 'lé` quiá~ dsea` siju` Manasés, ⁷ jogui guitu` mil dsea` i teáang~ jee~ 'lé` quiá~ dsea` siju` Simeón, jogui guitu` mil dsea` i teáang~ jee~ 'lé` quiá~ dsea` siju` Leví, jogui guitu` mil dsea` i teáang~ jee~ 'lé` quiá~ dsea` siju` Isacar, ⁸ jogui guitu` mil dsea` i teáang~ jee~ 'lé` quiá~ dsea` siju` Zabulón, jogui guitu` mil dsea` i teáang~ jee~ 'lé` quiá~ dsea` siju` Sé~, jogui guitu` mil dsea` i teáang~ jee~ 'lé` quiá~ dsea` siju` Míing~.

Jaléng` dsea` i nitee` sí~^

⁹ Jo mi~ cangî e jo —jíng~ gui Juan— camán~n dsea` i dseáng~ i 'leáang~ eáang`, jo jii~ jaang` dsea` ja` ii` quí~ jmi~ fa' e nijmi~íñ` jóng` i dsea` do tíir`. Jo jee~ i dsea` do quíng~ dsea` i seeng` fí` lajalé~ fii~, jogui laca'íng~ ca'íng~ dsea`, jogui laca'íng~ fii` e sea` fí` jmiǵúî, jogui lajalé~ jmi~ e fé~ dsea` e sea` fí` jmiǵúî. Jo lajiiñ` do, dob teáaiñ` fí` quini~ e ée~ e lí~ guíng~ i dsea` laniing~ do jogui fí` quini~ i Jo'se~ Jiuung~ do cajo. Jo lajii~bre qui~r` sí~r` e tee` jogui se~r` guo~^ moo` quíee~ lajaang` lajaaiñ`. ¹⁰ Jo lalab féiñ` do cóo~ júu^ e teá:

i nab Fidiée~ quí~naa' colíng~ cóo~ i Jo'se~ Jiuung~ do i nicalí~ cacuó~r~ jnea~ e nicaláang~naa' jee~ jalé~ iihuú~ e catúng~naa' uí~ jalé~ dsee~ quí~naa', co~ i nab dsea` i guíng~ e fí` lí~ níng~ do fí` lí~ qui~r` ta~!

¹¹ Jo lajii~ ángeles teáaiñ` lacúng` lajíng` e lí~ guíng~ i dsea` laniing~ qui~r` ta~ do jogui lacúng` lajíng` e lí~ neáang` jaléng` dsea` cóong~ jogui e lí~ neáang` i quiúung~ do; jo lajiiñg` i ángeles do catúuiñ` cartí` cajnúu~ dsequí~r` e fí` quini~ e lí~ guíng~ i dsea` níng~ do e jmiféng`neiñ` lala:

¹² iLajob nilí!

Jo catúim~ Fidiée~ quí~ii' e nijmiféng`naa'r,
jo catúim~bre e ni~íñ` dseáng~ lajii~ e 'gøng`,
jogui í~bi dsea` i tíng` ngáng`,
jogui catúim~bre e nicuó~naa're gui'máang~
jogui e nijmi'goo~baa're cajo jo tíim~bre jmér~ lí~ doñí` ee`,
jogui seab` bí` quiá~r~ cajo car` ngongú~ jmi~.
iJo lajob nilí!

¹³ Jo jaang` lajee~ guiequiúung` i dsea` cóong~ do cajmingí~r~ jnea~ lala jo cajíñ~':

—¿Í~ jaléng` i dsea` i qui~ 'mi~ té` na? ¿Jo jie~ fí` lí~ cajalíñ~ na?

¹⁴ Joba' lalab cangú~ jnea~ quiá~r~:

—Ée~, 'nub` dsea` ní~^.

Joba' cañí~tur` quié~ e lala:

—I nab jaléng` dsea` i nicangúng` jee~ jalé~ iihuú~, jogui nicaru~bre sí~r` jo teeb` nicaséer` la'eáang` cóo~ jmi~øong~ i Jo'se~ Jiuung~ do.

15 Jo uí~ joba' teáaiñ~ fí quini~ laco' li~ guing~ Fidié~ quiu'r' ta~.
Jo uøø jmiñb' jmicóo'r~ fí sinúu^ guá~ quiá~ Fidié~,
jo nijméb~ i dsea i guing~ fí laniing~ do í jaléng' i dsea í.

16 Jo ja' tóo' jmiñ~ fa' niguiá' jmi'aañ~
o'gui jmiñmiiñ~ calé' catú~,
o'gui nilí guí'r' iee'
o'gui e guiné'r' cajo,

17 co' i Jo'se' Jiuung~ i guing~ dseáng' fí quini~ e li~ guing~ i dsea` niing~ quiu' ta~ do,
íb i nilíng~ dsea i jmóo' í jaléng' i dsea í lafa' jaang' dsea i jmóo' í jo'se' quiá'r~,
jo íb i nijé~ quiá'r~ cajo fí li~ sea' lafa' jmiñ jlo' e jmóo' e seeng' dsea` cøøng' cóo' Fidié~
lata~;
jo Fidié~ nijmér~ e jo' niquí~ li jaléng' i dsea í.

8

Mi~ cafiing~ e sello e catí guié~ do

1 Jo mi~ cangí jo, jo camó~ o mi~ tí li~ cafiing~ i Jo'se' Jiuung~ do e sello e catí guié~ quiá~
e jì do, jo dsifí mi~ calí lajo dseáng' tiib~ ca'ñi~ fí yá^ jmiñgüi lajee~ ca'ná^ oor~. 2 Jo
lajee~ job, camán~ n laji' guiáng~ ángeles e teáaiñ~ fí quini~ Fidié~, jo cangíiñ' do lajaang'
lajaaiñ~ jmacó' lúu' trompé'. 3 Jo mi~ cangí jo, cajnéng~ jaang' gui ángel, jo casíñ' do 'ñia'r'
fí nife' jo quier' coo' úu' e lí' cóo'~ layaang~ cunée~, jo røøm' téel~ sũ e silíng~. Jo jmiñguib'
e sũ do cangíiñ', jo cacang' niung' cóo'~ jalé' júu^ e jmiñféng' dsea' Fidié~ quiá~ jaléng'
dsea i nilíng' dsea' quiá~ dsea do. Jo jalé' e jo, fí dob caje' fí nife' e li~ silí' cóo'~ layaang~
cunée~ e si' fí quini~ e li~ lí' ée^ e li~ guing~ i dsea' laniing~ i quiu' ta~ do. 4 Jo mi~ cacóo~
e sũ e silíng~ do e téel~ e fí dsíí úu' quiá~ sũ do e se' i ángel do, joba' e jmiñi~ quiá~ do
canaang' soo' fí quini~ Fidié~ colíng~ cóo'~ jalé' júu^ e fé' dsea' mi~ féiñ' Fidié~. 5 Jo
mi~ cangí jo, i ángel do cajmíroñiñ' e úu' do cóo'~ mi' jito' quiá~ nife', jo ngí jo coo'
cafeá'bre fí ni~ guóo'~ uø~; jo job mi~ caná' e gab' canii' jogui catá~ mi' eáang' jogui
caquie' güi'ñiá' jo cajó' uø~ e eáang' cajo.

Mi~ ca'ii~ jalé' lúu' trompé'

6 Jo mi~ cangí jo, laji' guiáng~ ángeles i quie' jmacó' lúu' trompé' caguiéng' guíá~ yaañ~
e nijíu~ bre.

7 Joba' i ángel la'uii~ do cajiúur~ lúu' trompé' quiá'r~, jo dsifí lajob canaang' cabí~ fí ni~
guóo'~ uø~ jalé' dsíí cóo'~ jì e sicáng' cóo'~ jmi'. Jo cacóob~ jie~ ja' ca'ná^ fí latøøng~ guóo'~
uø~, jogui lajobi jalé' 'ma' cacóob~ jie~ ja' condseá', lí^ lajalé' onuu' rø' e sea' lajob calí~.

8 Jo i ángel i catí gáng~ do cajiúur~ e lúu' trompé' quiá'r~, jo dsifí lajob camó~ o —jíng'~
Juan— coo' e lí' la lí' coo' mól' e fé' e iu~ jì eáang', jo e jo fí dob cabí~ fí ni~ jmiñí^, jogui
jie~ ja' condseá' jmiñí^ ca'uíng~ jmi'. 9 Jogui cajo jie~ ja' condseá' jaléng' jó' teáang' é'
jmiñí^ cajúm~ bre', jogui ca'ím~ cajo jie~ ja' condseá' jalé' e móo' e ngí fí ni~ jmiñí^.

10 Jo i ángel i catí gaang' do cajiúur~ lúu' trompé' quiá'r~, jo dsifí lajob catóng' jaang'
núu' féng' i íng' fí yá^ jmiñgüi i caang' lafa' coo' bøji'. Jo i la catóñiñ' jie~ ja' condseá' fí ni~
lajalé' gua' jogui lacaang' fí li~ níng'~ jmiñ' cajo. 11 Jo gab'jiu ná' júu^ jíi' laco' e sií i náu'
do, co' siir' Coo' e Guí~; jogui jie~ ja' condseá' lajee~ lajalé' jmiñ' cali'lib' e caliguí~, jo i
fiim' jaléng' dsea' cajúng~ dsu' e ca'í'r~ e jmiñ' e cacáng' lafa' oguí~ do.

12 Jo mi~ cangí jo, i ángel i catí quiúung~ do cajiúur~ lúu' trompé' quiá'r~, jo dsifí lajob
jie~ ja' condseá' iee' jogui jie~ ja' condseá' si' jogui jie~ ja' condseá' lajee~ lajaléng' núu'
ca'léb' quiá'r~, lí^ jie~ ja' condseá' tøøng~ laca'íng' ca'íiñ' do, jo jo' e jir~ caliseá'gui jíi'
capí^. Joba' jie~ ja' ca'ná^ jmiñ' jogui jie~ ja' ca'ná^ uøø' jo' ee' jì caliseá' jíi' capí^.

13 Jo ngí jo, camán~ n jaang' jó' i jnéng~ lafa' mii' e cangíng'ne' íng'ne' fí guíá^ güí. Jo
lalab cajíng'ne' cóo' júu^ teá:

—jE ngi~ fíib^ jaléng^ dseá^ i seeng^gui fí' ni~ guóo^~ uó~ jmigüi^ mi~ tí' lí' nití' í' e ni'ii^ lúu^ trompé^ e nabi nijiaú~ i gaang^gui ángeles do!

9

¹ Jo mi~ cangí jo, i ángel i catí 'ñíng~ do cajiáur~ lúu^ trompé^ quiá'r~, joba' camán~n ladsifí lado jaang^núu^ i íing^ fí' yá^ jmigüi^ jo catóin^ fí' ni~ guóo^~ uó~; jogui cangáin^ do e joíní^ quiá'- too' lí' núu^ só'. ² Jo mi~ cana' e too' jo, dseáng^- ca'u00^ jmiñi^ 'ñuu^ lafa' jmiñi^ e u00^ fí' dsí' too' hornob dseáng^-; jogui e jmiñi^ e ca'u00^ e fí' too' núu^ só' do cajmée^ e caliná, co' caquiáam^~ iee^ cóo^~ e jmiñi^ do. ³ Jo i 'leáang~ 'miñí^ ca'u00ng^ jee~ e jmiñi^ do jo caning^ne' fí' ni~ guóo^~ uó~; jo cangúng^ i jó' do e ca'uíng~ne' jó' i guíim~ jogui e í're' lafa' tacúb^ . ⁴ Jo cahuí^ ta~ quiá' i jó' do e ja' ni'lé're' jíi^ coo^ onuu, dseáng^ jíi^ ca'íng~ onuu r0^ o'gui jalé' 'ma'. Jo dseáng^- lajíi^ dseá^ i ja' too^ sello quiá'- Fidiée^ fí' guiaquí, lajíi^ íbing^ i ni'íng^ i jó' do. ⁵ Jo dsu^ jaléng^ i 'miñí^ do ja' cangúng^ne' fí' fa' dseáng^- e nijngáng^-ne' jaléng^ dseá, co' lajíi^ fí' e cangúng^ne' e lico' nicu0^re' dseá iihuí^ eáam^ lajee^ 'ñíng~ sí'; jo e lí' ni'í're' do cu' laco'gui cu' lí' í' jaang^ tacú^ guíng~. ⁶ Jo ie~ jmiñi^ jo jaléng^ dseá nijmé-bre quijí- jial nijúuiñ~, jo dsu^ ja' niguié'r^ e~ uíng~ e nijngáng^- yaaiñ~; co' iim~bre e nijúuiñ~, dsu^ ja' 'mó~ nilísea^ quiá'r~.

⁷ Jo i 'miñí^ do jnéeng~ne' laco' cuea~ i nilíng^ guíá~ quiá'- e nidsilíng~ne' fí' jee~ 'nii'; jo téel~ mogui~re' lajaang^ lajaang^ne' lí^ corona e lí' cóo^~ layaang~ cunée~, jogui ni~re' líb^jiu laco' lí' ni~ dseá jmigüi^ . ⁸ Jogui jñá're' líb^jiu laco' lí' jñugui~ dseamí, jogui maja~re' lí' la lí' maja~ ie'. ⁹ Jogui lacaang^ nidsí're' sibé^ layaang~ ní^ e laco' jmi'0ng^ yaang~ne', jogui lajíi^ e míi^ e ta' cuée're' do laco' íng^ne' ná' lafa' mi~ ii~ jalí b00^~ carreta e jñu^ cuea~ e níngolí fí' jee~ 'nii'. ¹⁰ Jogui nicúu're' lí' laco' lí' nicúu^ tacú^, jo cóo^~ e job í're'. Jo cangúng^ne' e líng^ne' jó' guíng~ e laco' ni'íng^ne' jaléng^ dseá lajee^ 'ñíng~ sí'. ¹¹ Jo seem^ jaang^ i quíe' nífi^ quiá' jaléng^ i 'miñí^ do i quiu^ ta~ quiáa-re', jo íb^ i ángel i 'líng^ laniing~ do i néé' ni~ e fí' too' núu^ só' do. Jo Abadón siir^ cóo^~ jmi' hebreo, jogui Apolión siir^ cóo^~ jmi' griego, jo e jo gu0ng^ jaang^ i 'lée'.

¹² Jo lanab cadséng~ la'uii~ coo^ 'lé' e iihuí^ do; dsu^ lí^ uim~bi j0ng, co' nabi jalí tú~ 'lé'gui iihuí^ e eáang^gui.

¹³ Jo mi~ tí' lí' cajiáur~ i ángel i catí jñúung~ do lúu^ trompé^ quiá'r~, jo dsifí lajob canú~u luu~ dseá e guicajá~ e fí' lí' téel~ laji^ quiú^ fí' fí' laji^ quiú^ quiúung^~ quiá'- nife' e lí' lí' cóo^~ layaang~ cunée~ do e sí' fí' quini^ Fidiée^ . ¹⁴ Jo e luu~ jo casí~ lala i ángel i catí jñúung~ do i quíe' lúu^ trompé^ jo cajiñ^-:

—Leaang~ laji^ quiúung~ i ángeles i 'ñúung^ cóo^~ ní^ cadena do e fí' gua^ fé' e sií Éufrates.

¹⁵ Jo caláam~ i ángeles i quiúung~ do e laco' nijngáin^~ jie~ ja' condseá^- t00ng~ jaléng^ dseá i seeng^ fí' jmigüi^, co' jéem^ nicané^ guíá~ quiáin^~ do e~ oor~ jogui e~ jmiñi^ jogui e~ sí^ jogui e~ jíi^ e nijméin^~ do lajo. ¹⁶ Jo i 'lée~ i neáang^ cuea~ do canú~baa e tíir^ doscientos millones.

¹⁷ Jo lajoba' camó~o lajíi^ e iing~ Fidiée^ e nimoo~o do e camán~n jaléng^ i cuea~ do, jo jaléng^ i dseá i neáang^ fí' mocóo~re' do quier^ fí' ni~ dsíir^ chalé^ e lí' cóo^~ ní^ e laco' jmi'0ng^ yaaiñ~. Jo e jo jnéeng~ laco' jnéeng~ jì jogui azul lí^ laco' lí' coo^ cuu~ e sií jacinto, jogui e née~ laco'gui lí' azufre. Jogui mogui~ jaléng^ i cuea~ do lí' laco' lí' mogui~ ie', jogui fí' mo'oo~re' u00^ jì jogui jmiñi^ jogui azufre cajo. ¹⁸ Jo jie~ ja' condseá^- t00ng~ lajüing^ dseá jmigüi^ cajúin^ cóo^~ e jì do cóo^~gui e jmiñi^ do jogui cóo^~ e azufre do e u00^ fí' mo'oo~ i jó' do. ¹⁹ Dsaco' e óo^ i cuea~ do e quíi~re' jmiñi^ fí' mo'oo~re' cóo^~gui fí' nicúu're', co' nicúu're' lí' laco' lí' mogui~ mi', jo cóo^~ e job e cú're' car^ jngang^ne' dseá.

²⁰ Jo jaléng^ dseá i ja' cajúng~ cóo^~ jalé^ e iihuí^ e calísea^ do, dsu^ ja' catúbir e jmóor^ jalé^ e 'lí^ e tá~ jmóor^, o'gui catár^ e jmiféin^ jaléng^ i 'líng^, o'gui catár^ e jmiféin^ jaléng^ diée~ i o' já~ i líng^ cóo^~ layaang~ cunée~ osi cóo^~ cutee^ osi cóo^~ ní^ bronce osi cóo^~ jalé^ cuu~ osi cóo^~ jalé^ 'ma' é; jo jíi^ jaang^ i diée~ i o' já~ do cu00ng^ lí' j00r~ o'gui cu00ng^ lí'

núr- o'gui cuóøng` lí ngír- cajo. ²¹ Jo dseáng'- ja` cali'ing~ i dsea` do fa' catár` e jmóo`bir jalé` ta` jngang' jaléng' dsea` rúng' jogui jalé` ta` dsea` láang` jogui jalé` ta` 'lée' cóo' dseañu` osi dseamf i o' quiár- jogui jalé` ta` jmóo` i cajo.

10

Jaang` ángel cóo' cóo' jìjiu

¹ Jo mi~ cangf jo —jíng'- Juan— camáng- guí jaang` ángel i 'gøng' i jajgiáang` fí yá'^ jmigüi i quíng'~ jee~ cabøø` jníí, jo e fí lacúng' moguir~ sí' cóo' cuu~ e jnéeng- mi~ dsée' jmigui'^ jogui e tíí iee. Jogui nir~ jíng` jí' laco' jí' iee, jogui tír- lí' laco' mi~ søng' níng- jí' e cuee. ² Jogui se'r' cóo' jìjiu e siná, jo casí' i ángel do tír- dsée' fí ni~ jmiñí'^, jogui e tír- tuung~ do casí'r' fí ni~ guóo' uó^. ³ Jo teá' eáang` ca'óor` lí' laco'gui mi~ óo- jaang` ie'; jo mi~ tí' lí' ca'óor`, e luur~ do canú' lafa' e caquie' güi'ñiá^ guié- ya'. ⁴ Jo mi~ cangf e canii` e guié- ya' do, jnea~ lamí~ sí'í^ nijmée'~ baa jalé' e jo fí ni~ jí; dsu' lajee` job mi~ tí' lí' canú- u cóo' luu~ e jáa' fí yá'^ jmigüi jo casí' jnea~ lala:

—Juan, lico' 'meeng- fí dsíí' moguí'^ lajalé' júu^ e canúu'- quiá'- e guié- ya' e nicanií do, jo jie~ mí' í' a' fa' e nijmée'~.

⁵ Jo i ángel i camán- n do i casí' tír- e dsée' fí ni~ jmiñí'^ jogui tír- e tuung~ fí ni~ guóo'~ uó~, caséer` guóor` dsée' fí yá'^ jmigüi ⁶ jo cacuør` júu^ quiár- uii~ quiá'- i dsea i seeng` car` ngongí' jmií~ do, i dsea i cajmée' yá'^ jmigüi jogui jaléng' i seeng` fí jo, cóo'~ gui guóo'~ uó- cóo'~ jalé' e sea` fí jo jogui jalé' jmiñí'^ lí' lajaléng' i seeng` fí la'úng- fí jmigüi, jo lalab cajíñ'-:

—Jo 'né- fa' e nili'í~ gui e niliti~ jalé' e na; ⁷ co' mi~ tí' lí' nití- í' e i ángel i catí' guiáng- do nináiñ` nijjiur- lúu' trompé'^ quiár-, jo ie~ job mi~ nilií~ lajíí~ e sí'má'^ Fidiée` e 'né- niliti~ e ja` ní' dsea` jéeng`gui, lí' laco' jíí~ júu^ e casí'r- jaléng' dsea` quiár- i café' cuaiñ~ quiár- malí~ gui eáang'.

⁸ Jo lajíí~ e luu~ e canú- u la'uii~ do e jáa' fí yá'^ jmigüi, caléb' catú- caféng' tu jnea~ jo casí' jnea~ lala:

—Juan, gua~ jo quie` e jìjiu e siná do e iu~ fí jaguó' i ángel i sí'ø' fí ni~ jmiñí'^ jogui fí ni~ guóo'~ uó^.

⁹ Joba' cangób- jnea~ fí lí' sing' i ángel do, jo camí'~ ire e jìjiu e óo' do, jo lalab cañír' quie~ e:

—Jó'-o jo quie'. Jo lifa' fí mo'oo'~ niliróob- laco'gui la róo- ta', jo dsu' fí dsíí' tú' niliguíb'^.

¹⁰ Jo mi~ cangf e jo, catím- baa' e jìjiu do e fí lí' se' i ángel do jo cagó'-baa; jo já'-ba' e fí mo'óo' jlob'^ róo- e do, lifa' mi~ catí' fí dsíí' tú'u, gab' guí'^ e do. ¹¹ Joba' guicanú' cóo' luu~ e guicajíng'- casí' jnea~ lala:

—'Nu` 'né- niguiá' tu calé' catú- jalé' júu^ e jíng'- Fidiée` cuaiñ~ quiá'- jaléng' dsea i seeng` fí jalé' fí jogui laco' sinúu^ jogui laca'íng'~ jmíí' e fé' dsea` jogui fí quini' jaléng' dseata~ dsea` cøøng' i quie' nifí cajo.

11

Gáng- dsea` i tí' ni~

¹ Jo mi~ cangf jo —jíng'- gui Juan— cangín- n cóo' sñ- e quiá' guía' í' e lí' lafa' cóo' cuiñí'^, jo canú- u e líng~ i casí' jnea~ lala:

—Ráan'- jo quie` e sñ- guía' í' na quíí- jo quiee' í' jíe' jíí~ tíí' e guá'- quiá'- Fidiée` jogui jíe' jíí~ tíí' e fí nifé' quiár- cajo, jogui nijmi'ím^ ba' cajo jaléng' i dsea i dsilíng- fí jo e dsijmiféíñ' Fidiée`. ² Dsu' lifa' jie~ mí' guía' í' fí siguí' quiá'- e guá'- do, co' e fí jo nicangíng' jaléng' dsea i ja` mí' cúing' Fidiée` e laco' dsea` íb i niso'øng' fí jee~ fí güeang'^ quiá'- Fidiée` lajee` 'ní' jíí' dsí' ca'ná'^. ³ Jo jnea~, Fidiée`, nisín- n gáng- lajee` dsea` quie~ e

i tíi ni~, jo i dsea` î qui'r 'mi' e qui' dsea` mi` líiñ' fi'í, jo jneab~ cajo nicuóø`øre e nifér' cuaiñ~ quié~ e lajee` mil doscientos sesenta jmí~.

⁴ Jo i dsea` gáng~ i tíi ni~ do líiñ' lafa' lajì tú~ e 'ma` olivo cóo' gui lajì tú~ e candeléer~ do e téé~ fi' quini' Fí'naa' dsea` néé' nir' fi' la'úng~ fi' ni~ guóo' uó~ jmigüí. ⁵ Jo doñi' i dsea` i iing~ nijmeáng' ga` i dsea` gáng~ do, joba' i gáng~ do uøø` jì fi' mo'oor~ jo cóo' e job jñiñ~ dseáng' congua' jaléng' dsea` i 'ní' ní~ quiá'r~, jo lajob nijúung~ doñi' i dsea` i iing~ nijmeáiñ' do ga'. ⁶ Jo i dsea` gáng~ i tíi ni~ do ngím`bre fi' e laco' quí'r~ jmí~ e jmér~ e nijná~ yá'^ jmigüí e laco' jo` nitú' gui jmí' lajee` e taaiñ~ e jmóor` ta~ e fé'r' cuaiñ~ quiá' Fidié~, jogui cajo seab` fi' quiá'r~ e lí'r' e nijmi'uíñ~ jmí' jalé' jmí, jogui seab` fi' quiá'r~ cajo e nicuó'r~ lajñg` dsea` jmigüí lí'^ doñi' ee` iihu' lí'^ jó' ya' e cali'íñ~ lajo. ⁷ Jo dsu' mi' tí' lí' cató' ta~ quiá' i dsea` gáng~ do e nicafé'r' cuaiñ~ quiá' Fidié~, joba' i jó' 'líng' i dsée~ i nigüi' fi' too` nua` só' do, íb' i nitíng~ cóo'r~ jogui íb' i nilí' ír' jogui nijnga' bing' do quiá'r~. ⁸ Jo i 'lí' gáng~ do fi' dob nirisaañ~ fi' jee` 'núu' quiá' e fi' fé' e lí' catáng~ Fiir~ fi' dse' crúu^. Jo e fi' jo lí' lafa' fi' Sodomá osi lí' lafa' Egipto é. ⁹ Jo lajee` 'ní' jmí~ dsí condseá' niní lajñg` dsea` i seeng` fi' fi' pí'^ osi fi' fi' cóo' é, jo laco' laco' sinúu' jogui laca'íng' laca'íng' jmí' e fé' dsea', e dob risaang~ i dsea` gáng~ i ni'líng~ do fi' jee` 'núu'. Jo jaléng' i dsea` do ja` nicuó'r~ fi' fa' e ni'áng~ i dsea` i teng' 'líng~ do. ¹⁰ Jo ie~ jo jaléng' dsea` i seeng` fi' ni~ guóo' uó~ eáam' nili'íang` dsír' dsu' e nicajúng~ i dsea` gáng~ do, jo jmí~ nidsitáaiñ~ e laco' cuó' lí~ e eáam' íang` dsír', jo nicuó' rúíñ' jalé' e íang` dsír' la'ó' ír'. Jo nijmér~ lajo uí' e i dsea` gáng~ do eáam' jmiguiá' jalé' iihu' cacuó'r' jaléng' dsea` seeng` fi' jmigüí.

¹¹ Jo dsu' mi' cangí e 'ní' jmí~ dsí condseá' do, Fidié~ cajmér' e cajíb' tu i dsea` gáng~ i tíi ni~ do, jo caráam~ tuiñ' do calé' catú~; jo jaléng' dsea` i cangá~ e cají' tuiñ' do, dsíng' cafóíñ'. ¹² Jo i dsea` gáng~ do canúur~ cóo' luu~ teá' e jáa' fi' yá'^ jmigüí jo lalab guicajíng' e luu~ do:

—iHu' na' fi' la!

Joba' lajob cajméeiñ' do, cajgóo~bre e quíñ' jee~ cabøø~ jní', jo jaléng' dsea` i 'ní' ní~ quiá'r~ cangá~bre jalé' e jo. ¹³ Jo ladsifí' lajob cajó' uó~ e eáang', jo cóo' e job cajléng' guóo' uó~ jo calím~ caquiúung' jia e fi' jo, co' caquí'b~ jalé' 'núu' jo guié~ mil dsea` cajúng~. Jogui lajii' i ja' cajúng~ cóo' e jo, eáam' cafóíñ', jo joguib mi~ canaañ~ e jmiféiñ' Fidié~ dsea` guíng~ ñifí~.

¹⁴ Jo casúum~ jia e iihu' e catí tú~ do; dsu' jo` huóø~ dsé~ gui e nijáa' e iihu' e catí 'ní' do.

Mí' ca'íi~ lúu' trompé' e catí guíé~ do

¹⁵ Jo cóo'b' mi' cajíu~ i ángel i catí guíang~ do lúu' trompé'^ quiá'r~, jo job mi' tí' lí' canú' jmiguiá' luu~ e teá' eáang' fi' yá'^ jmigüí jo lalab ná' guicajíng':

Lanab catí í' e Fí'naa' Fidié~,

colíng~ cóo' i jóor' Dsea' Jmáang~ i casíiñ' do,

niquíur~ ta~ fi' latøøng~ fi' ni~ guóo' uó~ jmigüí, jo car` ngongí' jmí~ nijmér~ lajo.

¹⁶ Jogui lajì guiequiúung~ i yá' dsea` cóøng' i neáang' ée^ quiá' fi' quini' laco' guíng~ Fidié' 'ña'r', lajím' i dsea` cóøng' do catúuiñ' cartí' cajnúu~ nir' fi' ni~ uó~, jo lajob cajmiféiñ' Fidié~ ¹⁷ jo fé'r':

Cuóø~naa' 'nu' gui'máang', Fí'naa' Fidié~,

'nu' dsea' féng' dsea' ñin' i quí' jmí~ jmé~ lí'^ doñi' ee',

jo 'nu' dsea' i seeng' lajii' latí' malí' lajii' ná' gui e nitiroo' jmigüí jogui cajo cartí' lana,

jogui i nijáa' tu calé' catú~,

dsuco' 'nu' nicangím`ba' e tiin' e quí' jmí~ lí'^ doñi' ee',

jogui latí' lanab nicanaan' e quí' ta~.

¹⁸ Jo lajalém' dsea' seeng' fi' jmigüí eáam' nicaligúíñ~ quí'~; jo dsu' lanab catí í' e nijmiguíng' uó' uí~ quiá'r~ cajo,

jogui lanab cajo catí í' e niquidsi' í' quiá' jaléng' dsea` i nicajúng`;
 jogui lanab catí í' e nicuó' guiée' quiá' jaléng' i dsea` i cajmée' ta` quií' i café' cuaiñ`
 quií'

coling` cóo' jaléng' dsea` i caling` dsea` quií' i cajmi'gó' 'na, nañi' su dsea` i niing`
 osi ja` niñ` é.

Jogui lanab catí í' cajo e ni'im`ba' jaléng' i nica'lee',
 jaléng' i nicacuó' jalé' iihuá' fi' ni` guóo' uó' jmi'güí'.

19 Jo ngí jo, joguib cana' e guá' quiá' Fidiée' e si' fi' ñifi', jogui fi' dsí' job si' e guóo'
 e siling` e li' si'ma' laji' júu' tigua' quiá' Fidiée'. Jo lajee' jo dsíng' liji' güi'ñiá', jogui
 dsíng' nií, jo téé' mii' eéang' cajo, jogui cajó' uó', jo dseáng' dsí' e cóob' cajiá' fi' ni`
 guóo' uó' cajo.

12

Jaang`dseamí cóo' jaang`jó' guié` mogui`

1 Jo mi' cangí e jo —jín' Juan— cóo'gui e li' e dsigá' dsí'naa' eéang' cajnéng' fi' yá'
 jmi'güí: jo cajnéng' jaang`dseamí i quíng' iee' lafa' e qui'r' si'r', jo lí' uii' tír' do íng' si'
 jogui iu' moguir` cóo' lí' corona e taang` guitúung` náu'. 2 Jogui yuu' bi' ni'quiéeng' i dseamí
 do cajo, jo dseáng' teá' eéang' óor', có' tí' li' niliseem' i yuu' do quiá'r'. 3 Jo mi' cangí e jo,
 cóo'gui li' e cajnéng' fi' yá' jmi'güí: jo cajnéng' jaang`jó' 'ling', jo i jó' do latøom`bre'
 yúung`ne', jo guié` mogui`re' tí' jogui guí' fi' re' cajo, jo lacoo' e mogui`re' do téé' jmacó'
 lí' corona. 4 Jo cóo' nicúub' i jó' 'ling' do ca'ling`ne' jie' ja' condseá' tøong` lajaléng'
 náu' i sitøng' fi' yá' jmi'güí jo cabíng`ne' fi' ni` guóo' uó'. Jo i jó' 'ling' do casing' 'ñia' re'
 fi' quini' i dseamí i tí' li' niliseeng' yuu' quiá' do; jo i jó' do nisijeeng`ne' e nijngám`bre'
 i yuu' quiá' i dseamí do e nicúng`ne' ladsifí mi' niliseeiñ' do. 5 Jo cóob' mi' tí' li' catí í'
 e cangáam' i yuu' quiá' i dseamí do, jo jaang` jiuung` siñuub` caliséng', jo íb' i ni'quiá'
 ta' fi' la'úng' fi' jmi'güí, jo nijmeáiñ' ta' e 'ma'u' e lí' cóo' layaang` ní'. Jo dsu' i jiuung`
 do condseé' cangáiñ' fi' lí' guing` Fidiée' e fi' lí' lí' ée' li' niing` do; 6 jo i dseamí do
 cacuí`bre cangór' fi' ni` guóo' uó' quiá', có' fi' jo caguia' Fidiée' guiá' e niliñ' do í'
 lajee' mil doscientos sesenta jmi'.

Mi' caliseá' nií' fi' yá' jmi'güí`

7 Jo mi' casúung` e jo, canaang` 'nií' fi' yá' jmi'güí. Jo i ángel i eéang' 'gøng' i sii' Yé'
 cóo' jaléng' ángeles quiá'r` catíñ' cóo' i jó' 'ling' i guié` mogui` do coling` cóo' jaléng'
 ángeles i 'ling' quiá' i jó' do. 8 Jo dsu' i jó' 'ling' do cóo'gui jaléng' ángeles i 'ling'
 quiáa`re' ja' sea' bí' quiáa`re' fa' e calí`re' e 'nií' do. Joba' jo' caliseá'gui ée' quiáa`re'
 fi' ñifi' fa' e nigüéa`re' fi' jo. 9 Jo lajoba' catóm' i jó' guié` mogui` do, jo íbing' líng' fi'
 i 'ling', jo sii`bire' Satanás cajo, jo íb' i jmóo' ta' jmi'gøng' jaléng' dsea` seeng' fi' la'úng`
 fi' jmi'güí. Jo tí' yá' jmi'güí cabíng`ne' cartí' ni' guóo' uó' coling` cóo' jaléng' ángeles i
 'ling' quiáa`re'.

10 Jo job mi' tí' li' canú' túu' cóo' luu' e teá' eéang' fi' yá' jmi'güí e guicajín' lala:

Jo lanab nicatí í' e Fidiéeb' nileáiñ' jaléng' dsea` jmi'güí,

jo nicár' nifi' quiá' dsea' la'eéang' cóo' e 'gøiñ' do.

Jogui i Joor' Dsea' Jmáang` i casing' Fidiée' do

lana ni'quiá'r` ta' røø' quiá' jaléng' dsea` jmi'güí,

có' nicabiim' i lamí' 'níng' jaléng' dsea' rú'naa' dsea' quiá' Dsea' Jmáang`

i lamí' 'níng' jaléng' í' fi' quini' Fidiée' e uøø' jmi'.

11 Jo jaléng' i dsea' rú'naa' dsea' quiá' Dsea' Jmáang` do nicalí'bre i do la'eéang' cóo' e

jmi'øøng` i Jo'se' Jiuung` do e catuu' fi' dse' crúu'

jogui la'eéang' cóo' jalé' júu' quiá' Fidiée' e nicaguiar',

jo ja' cafóñ' fa' e nijúuiñ`,

co' caguiab' dsíir' e doñí' ee' calíb'.

¹² Jo uíi' joba' güili'iaam' dsí' fí' ñíí' fí',

jogui jaléng' 'nú', dsea' nineáng'na' fí' jo, güili'iaam' óo'na' cajo!

Jo dsu' e ngí' fíib' jaléng' i seeng' fí' ni' guóo' uó' jmi güü' cóo' gui jaléng' i seeng' fí' ni' jmiñí',

dsuco' nicajgáng' fí' i 'ling' fí' jee' 'nú' e eáang' nisiguíiñ' quí'na',

co' guiáb' ñíir' e si' fí' jmi'ba' seeng' guir' fí' jmi güü' na!

¹³ Jo mi' calilí' i jó' guié' mogui' do e cabiing'ne' fí' ni' guóo' uó', joba' canaang'ne' ngí're' 'nám'bre' i dseam' i cangoquieeng' i yuu' siñuu' do. ¹⁴ Jo dsu' i dseam' do cangüiñ' quíá' Fidié' e sea' tú' cuér' e fe', jo e jo lí' laco' lí' cué' jaang' mi', jo cóo' e jo nilí'r' ni'ñíñ' jo nidsér' fí' quíá'r' e fí' ni' guóo' uó' quí' do, jo lajoba' niliseeíñ' huí' gui laco' seeng' i jó' guié' mogui' do, jo fí' guóo' uó' job' cangüiñ' jalé' e 'né' lajee' 'ní' jii' dsí' ca'ná'. ¹⁵ Jo i jó' guié' mogui' do canaang'ne' ñá're' jmi güü' jmi' e fí' lí' taang' i dseam' do e lí' laco' nijúung' i dseam' do e nijgié'r' jmi'; ¹⁶ Jo dsu' 'ña' guóo' uó' cajmicóob' i dseam' do co' canab' lafa' mo'oo', jo fí' guóo' uó' canaang' ya' e jmi' quíá' e gua' do e catuu' fí' mo'oo' i jó' 'ling' do. ¹⁷ Jo dsu' cóo' e jo i jó' 'ling' do dseáng' eáam' caligüing'ne' quíá' i dseam' do, jogui cangó-bre' e cangotíng'ne' cóo' jaléng' dsea' siju' i dseam' do i seeng' gui fí' guóo' uó', jaléng' i dsea' i miti' jalé' júu' quíá' Fidié' jogui i teáng' teá' fí' gui' cóo' Jesús cajo. ¹⁸ Jo i jó' guié' mogui' do fí' dob caje're' fí' 'ni' jmiñí'.

13

Gáng' gui jó' dsée' i 'ling'

¹ Jo mi' cang' e jo —jíng'— Juan— camó-guá' e cagüi'í' jee' é' jmiñí' jaang' jó' dsée', jo guié' mogui're' tí' jogui dsí' guí' fí're' cajo. Jo laco' laco' e fí're' do téel' jmacó' lí' corona, jogui e fí' laco' mogui're' do tó' júu' e ga' e jmineang' Fidié'. ² Jo i jó' dsée' i camán' n do jnéem-bre' la jnéeng' jaang' ie' i si' leopardo; jogui tii're' líb' jiu' la lí' tii' jó' i si' oso, jogui mo'oo-re' lí' la lí' mo'oo' ie'. Jo i jó' guié' mogui' la'uii' do cacuó'bre' i jó' dsée' do lajii' e bí' quíáa-re' jogui lajii' éé' lí' guíng'ne', jogui cacuó're' fí' e quíiñ' do ta'. ³ Jo cóo' mogui' i jó' dsée' do jnéeng' lafa' e sicu' e jo' tó' jmi' nijíng' mí'; jo dsu' ca'lóob' e lí' sicu' quíáa-re' do, joba' lajím' dsea' jmi güü' eáam' cangogá' dsí'r' jo lajím' dsea' casíñ' uii' quíá' i jó' dsée' do. ⁴ Jo cajmifém' dsea' i jó' guié' mogui' la'uii' do dsuco' cacuó'bre' i jó' dsée' do fí' e quíiñ' do ta', jo cajmifém' bi dsea' i jó' dsée' do cajo, jo lalab' casí' reiñ':

—Jo' jíé' lí' seeng' jaang' gui laco' i jó' dsée' la, jo jii' jaang' ja' i' quí' jmi' e nilí' i jó' dsée' do mi' i' níng' cóo're'.

⁵ Jogui cangüim' bi i jó' dsée' do fí' e nífe're' júu' róa' jogui jalé' júu' ga' uii' e 'ní' níng'ne' Fidié', jogui cangüing' bire' fí' cajo e níqui' re' ta' lajee' tuló' dsí' gáng' si'. ⁶ Jo lajob' cajmée're'; café'bre' júu' ga' uii' quíá' Fidié' cóo' gui fí' lí' guíng' dsea' do, jo café' bire' júu' ga' cajo uii' quíá' jaléng' i neáang' fí' ñíí' fí'. ⁷ Jogui cangüim'bre' fí' cajo e nijmé-re' 'ni' cóo' jaléng' dsea' i líng' dsea' quíá' Fidié' cartí' nilí'bre' jaléng' i dsea' í; jo dseáng' i jó' dsée' dobing' i quí' ta' lí' doñí' i' dsea' i seeng' fí' fí' cóo' osi fí' fí' pí' é' osi lí' doñí' ee' jmi' e fé' dsea' é. ⁸ Jo i fíim' dsea' i seeng' fí' ni' guóo' uó' jmi güü' nijmiféiñ' i jó' dsée' do, dsu' nijmé- lajo lajaléng' i dsea' i ja' sijnéeng' fí' ni' jii' latí' mi' catiroo' jmi güü' e fí' lí' taang' jaléng' dsea' i nisiguáng' quíá' i Jo'se' Jiuung' do i cajúng' fí' dse' crúu'.

⁹ Jo i' 'nú' sea' loguá'na', joba' núu'na' jalé' e júu' na:

¹⁰ Jo jaléng' dsea' i nisi'íng' quíá' Fidié' e nidsilíiñ' fí' 'nuñí',

joba' fí' 'nuñí' nidsilíiñ';

jogui jaléng' dsea' i nisi'íng' quíá' dsea' do e nijnga' dsea' quíá'r',

jo lajob nijmé Fidiée e nijúuñ do cajo lí' laco'gui cóo' e jngang' dsea` rúñ'. Jo uí' cóo' jalé' e na, joba' jaléng' dsea` i nilíng' dsea` quiá' Dsea` Jmaang` 'né` teáañ` teá cóo' júu^ quiá' Fidiée` jogui e ja` nilítung` dsíir' cóo' e júu^ jo.

11 Jo mi~ cangf e jo -jíngr Juan- camán` n jaang`gui jó' dsée` i líng' , jo i jó' í cagüi'fí' re' fí guóo' uó. Jo dsí` tú` fí' re' e lí' jiá la lí' fí' jaang` jó' se' jiuung~, dsu' fé' re' laco' fé' i jó' guié` mogui` la' uui` do. 12 Jo i jó' dsée` la i cagüi'fí' fí' ni` guóo' uó` seab` fí' quiáa` re' fí' quini` i jó' dsée` la' uui` do e quiá' re' ta~, jo cajmée` re' e lajím` dsea` seeng` fí' ni` guóo' uó` jmigüi` cajmiféiñ' i jó' dsée` i la' uui` do i lamí` jnéeng` dseáng' e sicuáng' ne' e la huáng' e jo` nijíng` mii, dsu' ca' láam` ture'. 13 Jo i jó' dsée` do i cagüi'fí' fí' guóo' uó` quí' bre' jmii` e jmóo` re' jalé' e lí' e dsigá` dsí' dsea`, co' lí' bre' e nijmé` re' e nijjá' jì fí' yá^ jmigüi` jo nisojiá' fí' ni` guóo' uó` dseáng' laco' la ní' dsea` lana. 14 Jo cóo' jalé' e lí' e jmóo` re' do fí' quini` i jó' dsée` la' uui` do cajmigóøng` ne' jaléng' dsea` seeng` fí' ni` guóo' uó`, jo caquiá' re' ta` e calíng` jaang` dié` dsea` guóo' quiá' i jó' dsée` la' uui` do i sicuáng' lahuíng` cóo' ñisü' e ja` mii` nijíng` quiáa` re', dsu' ca' láam` bre'. 15 Jo i jó' dsée` i cagüi'fí' fí' ni` guóo' uó` do cangúng` ne' e quí' re' jmii` e nijmé` re' e jí' i dié` dsea` guóo' quiá' i jó' dsée` i la' uui` do e laco' i dié` do lí' bre' e nifé' r' jogui e nijmér` e nijúung` jaléng' dsea` i ja` nijmiféng' ír'. 16 Lajobi cajo cajmээр` e cóo' gui' náb' nité` dsea` cóo' e lí' fí' guóor` dsée` osi fí' guiaquí' é, na i le'eáng` jogui na i cóøng`, na i tiñíng` jogui na i sea` cuu~, na jaléng' dsea` i silaang` jogui na jaléng' dsea` i si' nñng` i jmóo` ta` tá' jmóo` quiá' dsea`. 17 Jo jíi~ jaang` dsea` cuóøng` ee' lí' lár` o' gui ee' lí' nír` song ja` quier` e lí' do o' gui táaiñ` e júu^ quiá' i jó' dsée` la' uui` do osi e número quiá' jial siiñ' do é.

18 Jo 'né` dseáng' e tíim` dsea` e laco' ningáiñ' e júu^ la; jo i dsea` i ngáng' do, áam` bre' í' e` número quiá' i jó' dsée` la' uui` do, jo e job` número quiá' dsea` jmigüi, jo e número jo lí' seiscientos sesenta y seis.

14

Lajii~ e ca'ø' i dsea` i tíi' ciento cuarenta y cuatro mil

1 Jo mi~ cangf gui e jo -jíngr Juan- camáng` túu i Jo' se' Jiuung` do e sing' ne' si' ø' re' fí' yá^ mó' Sión. Jo dob teáng` colíng` cóo' i Jo' se' Jiuung` do ciento cuarenta y cuatro mil dsea` quiá' r` i tóo` e lí' quiá' r` fí' guiaquí' jial sii` i Jo' se' Jiuung` do jogui jial sii` Tiquiáa` re' cajo. 2 Jo mi~ cangf jo, canú` u cóo' e guica' ii` e jáa' fí' yá^ jmigüi, jo e jo nú' laco' nú' lí' í' cóo' lóo' e fé' jogui canú' ca' ii` laco' gui la nú' mi` quie' güi' ñiá^ e teá` eáng', jo nú' bi cajo laco' la nú' fa' mi~ teáng' dsea` fíng' i bó' jalé' lúu' quiá' r` e sii` arpa. 3 Jo jaléng' i dsea` do ø' cóo' e ø' e 'mii` fí' quini` e lí' lí' ée` e lí' guíng` i dsea` niing` do jogui fí' quini` i quiúung` do jogui fí' quini` jaléng' i yáu` dsea` cóøng` do cajo. Jo jíi~ jaang` dsea` ja` niquí' r` jmii` fa' e nilitiiñ` e ø' do, co' dseáng' lajii~ i dsea` fíng' i tíi' ciento cuarenta y cuatro mil dob jíi~ i quí' jmii` nilitíng', co' jíi~ í' bing' i caláang` jee` jalé' dsee` quiá' lajee` lajaléng' dsea` i seeng` fí' ni` guóo' uó` jmigüi. 4 Jo jaléng' i dsea` nab i ja` cajmeáng' yaang` fa' e ca' léer' cóo' dseamí, jo jaléng' i dsea` nab i teáng` uii` quiá' i Jo' se' Jiuung` do jogui dsea` quiá' íb' líiñ` jogui contøøm` seeiñ` cóo' dsea` do. Jo jaléng' i dsea` nabing' i caláang` jee` jalé' dsee` quiá' lajee` lajaléng' dsea` jmigüi, jo e jo guóng' lafa' cóo' e cacuø' r' la' uui` e catíng` Fidiée` cóo' gui i Jo' se' Jiuung` do. 5 Jo jaléng' i dsea` í' jíi~ cóo' júu^ e o' já' ca' uøø' fí' mo' oor`, joba' dseáng' ja' e si' líiñ' jíi~ cóo' fí' quini` Fidiée`.

Lajii~ júu^ e quie' i ángeles i gaang` do

6 Jo mi~ cangf jo -jíngr Juan- camáng` guí jaang` gui ángel i ngang' íng` fí' guiá' jóo' yá^ jmigüi. Jo i ángel do quier` júu^ quiá' Fidiée` e ja` tóo` jmii` ni' íng` e quiá' nidsiguiar` jee` jaléng' dsea` i seeng` fí' ni` guóo' uó` jmigüi lí' laco' laco' fii` e pí'

osi e cóo' é, jogui laca'íng' ca'íng' dsea, jogui laca'íng' ca'íng' jmí' e fé' dsea cajo.
7 Jō lalab fé'r cóo' júu^ teá':

—Jmí'goo'na' Fidié' dsea' guing' ñifí' jogui jmiféng'na'r, co' lanáb catí í' e niquidsir' í' quiá'- lajaang' lajaang' dsea' jmigüí'. Jō jmiféng'na' i dsea' í, co' í'bing' i cajmée' yá' jmigüí' cóo' guóo' uó' jogui jmiñí' lí' lacaang' lí' níng' jmí'.

8 Jō mí' cangí jō, jaang'gui ángel cajíñ' cóo' júu^ teá' lala:

—¡Lanáb catí í'! ¡Lanáb catí í' e dseáng' ni'íng' e fií' fé' e sii' Babilonia, co' jaléng' i dsea' i seeng' fí' jō nicajmi'liñí' jaléng' dsea' i seeng' fí' la'úng' fí' jmigüí' e jmóor' lí' doñí' ee' e lí' dsí' ngúu' táaiñ'!

9 Jō mí' cangí jō, cangoquiéeng' jaang'gui ángel, jō cóo' i la catí' gaaiñ', jō lala cajíñ' do cóo' júu^ teá':

—Songü' i jmiféng' i jó' dsée' la'uii' do cóo' gui' dié' guóo' quiáa-re' do, jogui e ni'íñ' e nitó' e lí' quiáa-re' fí' guiaquí' osi fí' guóor' é, 10 jōba' jaléng' i dsea' í' né' e ni'ím'bre e guíng' Fidié' e jō' té'guir' uí' e dsee' e jmiróng' yaaiñ' do, jō e jō lafa' nicajmiñí' fí' dsí' cóo' quiá'r, co' eám' nisiguiñ' quiá' jaléng' i dsea' í; jōba' iihuí' e eám' ni'íñ' do e nidsitáaiñ' fí' ni' j' e quiéeng' azufre lí' coo' e ja' tóo' jmí' yu', jō e jō nilí' fí' quini' jaléng' ángeles i güeang' quiá' Fidié' jogui fí' quini' i Jo'se' Jiuung' do cajo. 11 Jō e jmiñí' quiá' e lí' coo' e lí' teáang' i dsea' íng' iihuí' do jō' tóo' jmí' fa' e niquiúng' gui, jogui ja' tóo' jmí' sí' e jmí' osi e uó' fa' e nijmi'íng'gui jaléng' i jmiféng' i jó' dsée' la'uii' do cóo' gui' i dié' guóo' quiáa-re' do jogui jaléng' i nica'íng' lajüí' e lí' quiáa-re' do cajo. 12 Jō jaléng' i dsea' i líng' dsea' quiá' Fidié' i núu' jalé' júu^ quiá'r jogui teáaiñ' teá' fí' guí' cóo' Jesús, jō jaléng' i dsea' í'bing' i' né' cuó' bí' yaang' e ja' nitúr' lajüí' e fí' niteáaiñ' do.

13 Jō mí' cangí e jō, canú' u cóo'gui luu' fí' yá' jmigüí' e cajíng' lala:

—Juan, jmée' e júu^ la: “Juguiá' jia latí' jmí' na jogui lí' dsé' gui quiá' jaléng' i dsea' i júung' uí' Fí'naa' Dsea' Jmáang'.”

—Lajōb lí' —cajíng' Jmiguí' quiá' Fidié' — lana nijmi'ím' jaléng' i dsea' í' uí' jalé' ta' e nicajmée', co' e jōb cuó' lí' fí' quini' Fidié' e guí' jalé' e jō.

Lajüí' e sitíng' dsea' fí' ni' guóo' uó'

14 Jō cajó' guí' jóng' —jíng' Juan— jō camó' o cabó' jní' e tee; jō fí' ni' e jní' do camó' o e guíng' jaang' i jnéem' jia la jnéeng' jaang' dsea' la jneaa'aa'. Jō iá' fí' moguir' coo' lí' corona e lí' cóo' layaang' cunée' jogui se'r' coo' ní' hoz e 'mé'. 15 Jō cagüí' h' jaang'gui ángel fí' dsí' sinúu' guá' e si' fí' ñifí', jō i ángel do óor' teá' lala e áiñ' i dsea' i guíng' fí' ni' e jní' do, jō casí' reiñ' do lala:

—Jmée' ta' e ní' hoz na quií', jō sitíng' lajüí' e nicaroo', co' lanab catí í', jogui lajüí' e lafa' e cajní' dsea' fí' ni' guóo' uó', lanab nicaroo'!

16 Jōba' i dsea' i guíng' e fí' ni' jní' do cangím'bre e ní' hoz do quiá'r fí' ni' guóo' uó', jō casití'bre lajüí' e lí' e lafa' e caroo' fí' jō.

17 Jō mí' cangí jō, cagüí' h' jaang'gui ángel fí' dsí' sinúu' guá' e si' fí' ñifí', jō í' quie'bre cajo coo' ní' hoz e 'mé'. 18 Jō e fí' nife' do cagüí' h' jaang'gui ángel i quí' jmí' nijmé' e nicó', jō cató'r' cóo' júu^ teá' i ángel i quie' e ní' hoz e 'mé' do, jō casí' reiñ' do lala:

—Jmée' ta' e ní' hoz e 'mé' na quií', jō quiúu' jalé' guáng' huíng' jó' e sea' fí' ni' guóo' uó', dsuco' nicatíb' í' quiá' e nilí' lajō, co' ní'fíb' m'í' huíng' jó' quiá'!

19 Jō i ángel do caquiú'bre e huíng' jó' do cóo' e ní' hoz e 'mé' do, jō cató'r' coo' lí' cató'r', jō fí' jōb lí' niyéé' do, jō e la guóng' lajüí' e iihuí' sóong' e nicuó' Fidié' jaléng' dsea' jmigüí'. 20 Jō e m'í' huíng' jó' do fí' lí' caluu' fíb' cangolí' e cayéé', jō e fí' lí' cangotóo' e niyéé' do jmíb' ca'iéng', jō e jmí' jō cadsí' cartí' mo'oo' cuea' lí' iá' e ní' e sii' freno quiáa-re', jō cani' e jmí' do lí' b'jia la trescientos kilómetros.

15

Lajì`guié` iihuú` lí` cadséng`

¹ Jo mi~ cangí jo, camó`guí fí yá^` jmigüü` coo`gui e li~ e dsigá` dsíí` dsea` eáang', jo camán`n guiáng` ángeles i` quie' jíé`gui guié`gui íng'~ iihuú' e cartí lí` dséng~, jo cóo'~ e job e niguiá` féng'` dsíí` Fidiéé` quiá'-` lajii'~ e nisiguiñ'^ do.

² Jogui camó`bái cajo coo` lí` jnéeng` laco' la jnéeng` jmiñí'^ e jnéeng` laco' jnéeng` síí' e sicáang'~ cóo'~ jí; jo quiá'-` e jmiñí'^ e jnéeng` la jnéeng` síí' do teáang` lajiiing` dsea` i` calí'-` e ja` caquiá' ta~ quiá'r-` i` jó'^ dsée-` la'uii~ do cóo'~ gui i` diéé` guóo'~ quiáa`re' do, jogui e ja` calíñ'^ cajo e lí` quiá'-` i` jó' do o'gui lajii'~ e número e sii're' do cajo. Jogui quier' lúu' e sii' arpa e canguiñ' e cacuø' Fidiéé'. ³ Jo i` dsea` í` ør' coo` e ca'ø' Moi~, jaang` dsea` i` cajmée' lajii'~ ta~ e iing` Fidiéé~, jogui ca'ø' cajo coo` e ca'ø' i` Jo'se' Jiuung` do, jo lalab ngóo' e jo: Eáam` jlo'^ jogui niguo'^ lajii' e nicajmee` 'na, Fí'ii',

co' 'nab` Fidiéé` dsea` féng'` dsea` ñíng' i` 'gøng' fí` jmigüü` i` quí'~ jmiñ' jme-` lí'^ doñí` ee`;

jo jmang'~ júu^` jáb'-` quié' 'na,
jogui jmang'~ fí` røøb` sin' cajo,
co' 'nab` lin' Fii` féng' fí` la'úng` fí` jmigüü`.

⁴ Jo lajiiim` dsea` 'né` nijmi'gór` 'na, Fí'ii',
jo lajiiim` dsea` 'né` nijmiféiñ' 'na cajo.

Co' dseáng'~ lajii'~ 'nab` dsea` güeang'^;
jo lajiiim` dsea` seeng` fí` la'úng` fí` jmigüü` nijalíñ` e nijajmiféiñ' 'na,
co' nicajmilí`ba' e dseáng'~ røøb` quidsi' í' quiá'-` lajaang` lajaang` dsea` jmigüü`.

⁵ Jo mi~ cangí e jo, camó`guí e cana' fí` yá^` jmigüü`, jo camó`o fí` ñíí' fí` lí` lí' e 'núu` güeang'^ quiá'-` Fidiéé` fí` lí` sí'ma' e lí` tóo` júu` tigua` quiá'-` Fidiéé` cóo'~ dsea` jmigüü`.

⁶ Jo e fí` dsíí` sínúu` do, fí` job lí` ca'uøøng` i` ángeles i` guiáng` do i` quie' lajii' guié` íng'~ iihuú' lí` cadséng` do. Jo lajiiim`bre qui'r' 'mi' e tee' jlo'^ e niguo'^ e jlo'^ jíng' jí', jogui cajo 'ñúu' nú'-` dsíí' coo` e lí' cóo'~ layaang` cunée'. ⁷ Jo jaang` lajee` i` quiúung` do cacuø'r' lajaang` lajaang` i` ángeles i` guiáng` do jmacó` cóo^` e lí' cóo'~ layaang` cunée~, jo fí` dsíí` job lí` sírøøng` e iihuú' quiá'-` e guíng` Fidiéé` i` seeng` car` ngongú` jmiñ' do. ⁸ Jo e fí` dsíí` sínúu` güeang'^ do dseáng'~ caróm` e téé' jmiñi~, jo e jo calí` la'eáang` cóo'~ güea'^ e 'gøng' quiá'-` Fidiéé~, jo jii'~ jaang` ja` ii' quí'~ jmiñ' fa' e ni'ír' e fí` jo lajee` e ná'`gui e nité' lajii'~ e guié` iihuú' do e quie' i` ángeles i` guiáng` do.

16

Lajii'~ cóo^` e sírøøng` iihuú'

¹ Jo mi~ cangí jo, canú`u coo`gui luu` teá' e jáa' fí` dsíí` sínúu` güeang'^ do quiá'-` Fidiéé~, jo lalab jíng'~ sí' lajii' guiáng` i` ángeles do:

—Güíling`na' fí` ní` guóo'~ uø` jmigüü', jo fí` job nigui'íng`na' e cóo^` e lí` a~ e iihuú' quiá'-` e eáang` guíng` Fidiéé` cóo'~ jaléng'` dsea` jmigüü`.

² Jo dsifí` lajob cangó` i` ángel la'uii~ do, jo cangojiim`bre e cóo^` quiá'r-` do fí` ní` guóo'~ uø~, jo lajiiim` dsea` i` quie' e lí` quiá'-` i` jó'^ dsée-` la'uii~ do jogui i` cajmiféng' i` diéé` guóo'~ quiáa`re' do, lajalém' i` dsea` í` ca'íeeiñ` coo` íng'~ 'mi' e 'lí'^ e dseáng'~ eáang` ga` cu'.

³ Jo mi~ cangí jo, i` ángel i` catí` gáng` do cangojiim`bre e cóo^` quiá'r-` do fí` ní` jmiñí'^, jo ladsifí` lanab ca'uúing` jmi' e jmiñ' do laco'gui la lí' jmi' quiá'-` jaang` dsea` i` cajnga' dsea` quiá'-`, jo coo` gui'náb'^ cajúng` jaléng' i` seeng` fí` dsíí' e jmiñí'^ do.

⁴ Jo mi~ cangí jo, i` ángel i` catí` gaang` do cangojiim`bre e cóo^` quiá'r-` do fí` lacaang` gua` jogui lacaang` lí` níng'~ jmiñ', jo ladsifí` lanab ca'uúing` jmi' e jmiñ' do.

⁵ Jo mi~ cangí jo, canú`u e cajíng'~ i` ángel i` jmóo` í` jalé' jmiñ' do lala: Fidiéé` quí`ii', ja` dsee` røøñ' jii'~ coo`;

co' nicaquidsi'ba' í' laco' catíng-,
 jo 'nub` i seeng` jogui niseem'ba' cajo lajii~ ná' gui e nitiroo` jmigüí,
 6 co' jaléng` i dsea` í nicaingaiñ' jaléng` dsea` quí'~ cóo' gui jaléng` dsea` áang` i café`
 cuaiñ~ quí'~ malii~gui eáang',
 joba' 'na' lana nicacuøø'ba're e ni'í' r' jmi'øøng- e laco' ni'íñ' lajii~ e catíiñ-.

7 Jo mi~ cangí jo, canú-guü coo'gui luu~ e jáa' fí nife` e jing'- lala:

—Jáb'-, lajob líí, Fii'naa' Fidiée~, 'nub` dsea` i quü~ jmi~ jmé` lí^ doñí ee, co' nicaquidsi'ba' í' laco' catíng` jogui laco' si'í cajo.

8 Jo mi~ cangí jo, i ángel i catí quiúung- do cangojiñ^ cóo^ quiá'r- fí lí íng' iee, jo iee` cangíiñ` e quü'r~ jmi~ e cóo'~ e jí e jmiyneár` do nijíiñ- jaléng` dsea` seeng` fí jmigüí.

9 Joba' dseáng'- coo' gui'náb'^ eáang` cacáng- dsea`; dsu' car` jii~ jo ja` caqu'í~ jím'bi yaaiñ~ fí quini` Fidiée` o'gui cajmiféiñ' dsea` do cajo, co' lí^ lí jmang'- júu^ ga`guib café'r` uii~ quiá'- dsea` do ie~ jo, doñí fa' quü'b~ Fidiée` jmi~ e nijmihuíiñ- jalé` e iihuü` do faco' mi~ caqu'í~ jing` yaang~ i dsea` do.

10 Jo mi~ cangí jo, i ángel i catí ñíing- do cajíiñ` cóo^ quiá'r- fí lí líí ée^ lí guing` i jó` dsée- la'uii~ do, jo ladsifí lanab cango'íng` lajii~ e quü'~ i jó' do jmi~ e quia're' ta~, jo nuu` sób' ca'uíng- fí la'úng- fí lí lamí~ quia're' ta~. Joba' lajaléng` dsea` canaiñ` cu'r` nisí'r~ uii~ e iihuü` eáang` e cangíiñ` do; 11 jo dsu' car` jii~ jo ja` catú'bir e jmóor` jalé` e ga, co' lí^ lí eáang`gui caliguím-bre quiá'- Fidiée` dsea` guing` ñiff-, jogui fé'bir jmang'- jalé` júu^ ga` quiá'- dsea` do uí'~ e ca'íñ' jalé` e iihuü` do cóo'~ gui jalé` e 'mi' e ca'ieeiñ` do.

12 Jo mi~ cangí jo, i ángel i catí jñúung- do cajíiñ` e cóo^ quiá'r- do fí lí ía~ gua` laniing- e sii` Éufrates, jo ladsifí lanab caliquíü jmi~ e sea` e fí gua` jo, jo lajoba' caliseá' fí e cangíng` jaléng` dseata~ dsea` féng' i neáang` lí^ lí 'ngóo'~ lí guo' iee`.

13 Jo mi~ tí lí cangí e jo, camán-n gaang` i 'ling'^ i jnéem` jia la jnéeng- tee~, jo ca'uøøng`ne' tá' jáng`ne' fí mo'oo- i jó' guié- mogui~ do cóo'~ gui fí mo'oo- i jó' dsée- la'uii~ do cóo'~ gui fí mo'oo- i jó' dsée- i catí tú- i jmicaang~ i fé' cuaiñ~ quiá'- Fidiée`.

14 Jo jaléng` i 'ling'^ do i jnéem` jia la jnéeng- tee~ quü'~bre' jmi~ e jmóore' jalé` e lí e dsigá` dsí' dsea, jo jaléng` i 'ling'^ í uøøng`ne' e seáang`ne' lajüing` dseata~ dsea` féng' i quia' ta~ fí la'úng- fí jmigüí, jo jmóore' lajo e laco' nitíñ- do jee~ coo' 'nií, jo job mi~ nití- e jmi~ e nisi'í quiá'- Fidiée` dsea` féng' dsea` ñíing` i quü'~ jmi~ jmé- lí^ doñí ee e niquidsir' í'.

15 Jo lalab cajíng` Dsea` Jmáang-: “Quié`na' cuente e jii~ ja` ñíing~ dsí' dsea` jmigüí mi~ nigáa`túu calé` catú- fí jmigüí na, lí^ laco' líí mi~ guiéé` jaang` íi i jmóo` íi. Joba' fá'a: juguiá` jia quiá'- i dsea` i sijnéé` dsí' ie~ jo jogui néé` guiá- quiá'r- e qui'bre si'r e laco' ja` nilí í' líiñ- uí'~ e ja` néé` guiá- quiá'r- mi~ niguiéé` e jmi~ jo.”

16 Jo ie~ jo, jaléng` i 'ling'^ do i jnéeng- la jnéeng- tee~ caseáng`ne' lajüing` dseata~ dsea` féng' i quia' ta~ fí la'úng- fí jmigüí e laco' nitíñ- e fí lí sii` Armagedón cóo'~ jmí' hebreo.

17 Jo mi~ cangí e jo, i ángel i catí guiáng- do cajmijø`bre e cóo^ quiá'r- do fí guiá'^ güí; jo tí dsí' sinúu` güeang'^ e si' fí ñiff- guicaná' coo' luu~ e teá e jáa' e fí lí líí ée^ e lí guing~ i dsea` níing- i quia' ta~ do jo fé' lala:

—iLanab nicatí í' e nicató' lajalé'!

18 Joba' ladsifí lanab canaang` quie` güi'ñiá^ e teá eáang`, jogui liji~re' cajo, jogui eáang` téé~ mí'~, jogui cajø' uø- dseáng'- e teá eáang` e jii~ coo' néé~ ja` mí cajø' lajo lajii~ tí mi~ caliséng` dsea` fí jmigüí. 19 Jogui e fi' fé' laniing- do 'ní dseá'- ca'uíng-, jogui lajalé'gui fi' e sea` fí jmigüí si' cangolí lí néé'; joguib mi~ tí lí cadse'- dsí' Fidiée` e fi' laniing- e sii` Babilonia do e laco' nicuø'r- jaléng' i dsea` seeng` fí jo e méé` do e ni'íñ' do laguidseang^ e guóng` jalé` iihuü` e casíng` Fidiée` quiá'- jaléng' i dsea` í uí'~ e eáam` nisiguiñ^ quiáñ'- do. 20 Jo ie~ jo cango'íim' lajalé' uø- jia e néé` lacaang` ni` jmiñ'^ cóo'~ gui jalé' mó'. 21 Jogui cajia' fí ni` guóo' uø- dsí' e cóo' eáang` e ii' lí' gui cuarenta kiil~ lacoo'. Joba' café' jaléng`

dsea`jmang' júu` ga` uii` quia' Fidiée` uí' e ca'íñ' e iihu' e cajiá' e dsí' cóo' do, dsuco' coo' iihu' e huim' eám' dseáng' cangár'.

17

Mi` cangñng` iihu' i dseam' i ca'ée` dsee` do

¹ Jo jaang' lajee` i ángeles i guiáng' do i quie' guié` e cóo` do cajar' fi' li' sín'n jo casí'r` jnea` lala:

—Juan, nea' fi' la! Jo lab ni'ée` e 'na` lajii' iihu' e catíng' ni'íng' i dseam' i jmóo` ta` 'nñng' 'ñia' i guing' fi' lacaang' ni` jmii' e sea' fi' la'úng' fi' jmigüi'. ² Jo i fñm' dseata` dsea` féng' i quia' ta` fi' jmigüi' dseeb' nica'ée'r' cóo' i dseam' i cóo' jalé' e li' dsí' ngúu' táaiñ'. Jo i fñm' dsea` jmigüi' cajo lafa' nicadseá' ím'bre cóo' jalé' e li' e jmóo` i dseam' do.

³ Jogui jnea` —jíng' Juan— dseáng' lafa' dsea` quib' dseáng' camó` guí e cajá'guí jee` Jmiguí quia' Fidiée`, jo i ángel do cangojéiñ` jnea` fi' coo' li' lí' jee` guóo' uó' quíu', jo fi' job camán` n jaang' dseam' i guing' fi' mocóo' jaang' jó' dsée` i yúung' i sea' guié` mogui` jogui guí` fi're'. Jo fi' latøng` i jó' do tóo` jmang' júu` e gab' e jmineang' Fidiée`.

⁴ Jo i dseam' i jmóo` ta` 'nñng' 'ñia' do qui'r' si'r` e ia' i ná' cóo' e yúu', jogui quier' jalé' cunée' cóo' gui jalé' cuu` ji' e jie' e 'mo' eáang'. Jo ngóor' se'r' coo' cóo' e lí' cóo' layaang' cunée', jo fi' dsí' jo sirøng' jmang' júu` e 'ní' ní' cóo' gui jalé' dsee` e eer' quia' e jmóor' ta` 'nñng' 'ñia'r' do; ⁵ jogui quie'bre cajo coo' júu` e tóo' fi' guiaquí'r', jo lñm' ee' guóng' do quia'r' lifa' ja` ii' ñi' lí' lajii' 'ñia'bre dsea` ñir', jo lalab tóo': "Eám' fé' niing' jogui 'gøng' fi' fé' e si' Babilonia, co' e joba' e lí' lafa' niquia' lajaléng' dseam' i ee' dsee` e jmóor' ta` 'nñng' yaang', jogui e job cajo lí' lafa' niquia' lí' lajalé' e li' e sea' fi' jmigüi' la." ⁶ Job mi' calilí' i jóng —jíng' Juan— e ím' i dseam' do cóo' jmí' jaléng' dsea' i líng' dsea' quia' Fidiée` jogui cóo' jmí' jaléng' gui dsea' i cajúng' uí' e guar' júu` quia' jalé' e cajmée` Jesús.

Jo mi' camó` o jalé' e jo, eám' cangogá' dsii'. ⁷ Joba' cajíng' i ángel do casí'r` jnea` lala:

—Juan, ¿jalí' dsigá' o'? Lab nijmée' duu 'na` júu` e` guóng' lajii' e tóo' fi' guiaquí' i dseam' do, jogui e` uing' e guíñ' fi' mocóo' i jó' dsée` i yúung' i sea' guié` mogui` do jogui guí` fi're' cajo. ⁸ Jo i jó' dsée` i niñin' i seeng' lajii' latí malib' na, dsu' lana jo` seeng' ne'; jo dsu' lifa' nigüi'bre' e fi' li' li' lí' too' nuu' só' ná' gui e ni'íng' ne' congua'. Jo jaléng' dsea' i seeng' fi' ni' guóo' uó' jmigüi' i ja' mí' taang' fi' ni' ji' quia' Fidiée' lajii' mi' canaang' uing' jmigüi' fi' li' nitaang' jaléng' dsea' quia'r' i nitøor' mi' nití' í' lajo, jo jaléng' íb' i eáang' nidsigá' dsí' mi' tí' li' niníñ` i jó' dsée` i guié` mogui' i lami' seeng' do jogui lana jo` seeng' ne', dsu' lifa' nijáab'ture' mi' tí' li' nití' í' lajo.

⁹ Jo lalab nililí' i dsea' i quí' jmii' ningáng': E mogui're' e guié` do guóng' guié` mó', jo e fi' ni' job guing' i dseam' do; jo guóm'bi' cajo e guié` mogui're' do guiáng' dseata` dsea' féng' i quia' ta`. ¹⁰ Jo 'níng' lajee` i dseata` dsea' féng' do nicajúm`bre, jo jaang' lajee` ír' quia'bir' ta` latí' lana, jo i jaang'gui do ja' mí' catí' í' fa' mí' güeeiñ'. Jo dsu' mi' nití' í' e nigüéng` i li' cadséng` lajee` ír' do, ja' huøø` nigüear' niquia'r' ta`. ¹¹ Jogui i jó' dsée` i yúung' i seeng' lami' jéng' do jogui e lana jo` seeng' ne', íb' i dseata` dsea' féng' i li' catí' jñíng` do; jo iuum`bir' cajo jee` i guiáng' do, jo lifa' ningóor' dseáng' e ni'ím`bre congua'.

¹² Jogui lajii' guí' fi're' e cañí' do guóng' guíng' dseata` dsea' féng' i ja' mí' canaang' quia' ta`; jo dsu' jii' lajee` coo' oor' niñiñ' fi' e niquia'r' ta` colíng' cóo' i jó' dsée` i yúung' do, jo nilisea' fi' quia'r' e niquia'r' ta` laco' jaang' dseata` dsea' fém'. ¹³ Jo lajee` laji' guíng' i dseata` dsea' féng' la røøb' sñiñ', jogui cuó'bre i jó' dsée` i yúung' do lajii' bí' quia'r' jogui e tñiñ' quia'r' ta`. ¹⁴ Jo nitím`bre cóo' i Jo'se' Jiuung' do; dsu' lifa' i Jo'se' Jiuung' dob nilí' ír' colíng' cóo' jaléng' dsea' i nicaguíng' Fidiée' i dseáng' lajang' eáang' teáang` teá cóo' júu` quia' dsea' do; dsuco' i Jo'se' Jiuung' do Fii' quia' jaléng' fib' líng'ne' jogui Dseata` Dsea' Féng' quia' jaléng' dseata` dsea' fém' líng'ne' cajo.

15 Jo cajím' bigui i ángel do casí'r jnea~ lala cajo:

—Lajíi' e jmií e cañíi' do e fí lí guing~ i dseamí i jmóo' ta~ 'níng' 'ñia' do, e jo guóng' jalé' fíi' pí' osi jalé' fíi' cóo' é jogui laca'íng' ca'íng' dsea' jogui laca'íng' ca'íng' jmíi' e fé' dsea' cajo. 16 Jogui lajii' gui' fí e cañíi' quiá' i jó' yúung~ do 'náb' niníng~ i dseamí i jmóo' ta~ 'níng' 'ñia' do, jogui cab' nijmi'náng' neiñ' do, jogui nijmér~ ringúuiñ' do; jogui nidó'r~ ngúu' táaiñ, jogui cajo nijm~ bre cóo' jì mi~ ningí jo. 17 Jo Fidiéeb' nicuó' jial ni'f' dsíi' jaléng' i dseata~ dsea' féng' do e laco' nijmitir~ lajii' e iing~ Fidiée' e nijméiñ' do, jo røøb' nisíng~ jaléng' i dseata~ dsea' féng' do e laco' nija'r' i jó' dsée~ do lajii' ta~ óor' cartí niliti' lajii' júu' e nicajíng' Fidiée'. 18 Jogui i dseamí i cañin' do, íbing' líng' lafa' e fíi' fé' e laniing~ e quíi' jmií quiu' ta~ jaléng' dseata~ dsea' féng' i quiu' ta~ fí ni' guóo' uó' jmiigüi'.

18

Mí ca'íng' fí Babilonia

1 Jo mi~ cangí e jo —jíng' Juan— camán n jaang'gui ángel i jajgiáang' fí yá' jmiigüi'. Jo eáam' 'gøng' i ángel do e quiu'r' ta~; jo mi' tí lí catiíiñ' fí ni' guóo' uó', dseáng' jlo' cajneá' cóo' lajii' e jiiñ' do. 2 Jo café'r' cóo' júu' teá lala:

¡Lanab catí í! ¡Lanab catí í! e dseáng' ni'íng~ e fíi' fé' e 'gøng' eáang' e sií Babilonia!

¡Co' jmang' jaléng' i 'lim'bing' i seeng' do jmií na,

jo jmang' jalé' e 'li'ba' jmóor',

jogui líi' lafa' 'núu' fí lí seáng' jaléng' i 'ling';

jo e fíi' jo líi' cajo lafa' sií jaléng' i 'ní' níi' i jmóo' jmang' e ja' dseeng'!

3 Co' lajii' dsea' i seeng' fí la'úng' fí jmiigüi' nicadseá' íim'bre cóo' e lafa' méé' e jmóo' e éé' dsea' dsee~ e léer' cóo' dseañu' dseamí i o' quiá'r';

jogui jaléng' dseata~ dsea' féng' i quiu' ta~ fí jmiigüi' nica'ée'bre dsee~ cajo cóo' i dseamí i 'ling' do.

Jogui jaléng' dsea' i seeng' fí ni' guóo' uó' jmiigüi' i jmóo' ta~ 'nii' jogui ta~ láa', eáam' nicaliseá' cuu' quiá'r' la'eáang' cóo' jalé' e nicalí'r' lajee' e nicajméer' jalé' ta~ e 'léé' do.

4 Jo ngí jo canú' u coo'gui luu' e jáa' fí yá' jmiigüi', jo lalab cajíng' e do:

Uøøng'na' e fí jee' fíi' na, 'nú' dsea' líng'na' dsea' quié~e,

jo lajjoba' ja' nibeáang' dsee~ yaang~na' e nijméé'na' ta~ 'léé',

jo lajjobi cajo ja' nitíng~na' jalé' iihuí' e catíng~ jaléng' i dsea' seeng' e fí fíi' jo.

5 Dsuo' lajii' dsee~ e nica'ée' jaléng' i dsea' í,

dseáng' e níib' eáang' e tíi' cartí yá' jmiigüi'.

Jo nitóob' dsíi' Fidiée' jalé' dsee~ e nica'éeiñ' do,

joba' lana ninéeb' guiá' quiá' Fidiée' e nicuó' reiñ' do iihuí' uíi' quiá' jalé' e jo.

6 Jo qui'na' quiá' jaléng' i dsea' do laco'gui ír' nicajméer' cóo' dsea' jiéng',

jo cuøø'na'r tú' 'lé'gui iihuí' laco'gui jii' e nicajméer';

jo cáang'na' fí dsíi' cuée' huí' tú' ya'gui iihuí' e líi' lafa' méé' guí',

jo cuøø'na'r e jo lí' laco' jii' e nicacuø'r' dsea' jiéng' lamí jéeng'gui.

7 Jo jmeáang'na'r ga' jogui cuøø'na'r jalé' iihuí',

dsuo' lajjob cali'iiñ' 'ñia'r' e cateáaiñ' juguiá' fí jmiigüi' e cajméer' ta~ 'níng' 'ñia' jogui

e jmiiféng' 'ñia'r'; co' lalab fé'r' e jmiijløng' 'ñia'r':

“Fí lab guing~ jnea~ dseáng' laco' guing~ jaang' dseamí niing~ i quiu' ta~;

co' ja' líng' jnea~ jaang' dseamí i 'nii',

jo dseáng' ja' e fíi' níjía' quié~ e jii' coo'.”

8 Jo uii' quiá' jalé' e jo, joba' eáam' huíng' nidsijéé' quiá'r' lajee' ta~ jii;

co' eáam' ni'íñ' iihuí' e cu' jnga' jogui ninír' oo'

jogui eáam' nilíiñ' fíi'

jogui nicám bre cóo' jì mi nití í' lajo,
 dsuco' 'ña' Fí'naa' Fidiée' dsea' 'gøng' dsea' ñíng' fí' la'úng' fí' jmigüí,
 íb' dsea' nicajíng' e nidsingíng' i dseamí do lajo uí' jalé' dsee' e nica'éer'.

9 Jo mi cangígui lajo, jaléng' dseata dsea' féng' i quiu' ta i cajmée' ta 'lée' cóo' i dseamí do jogui eáang' cajmi'iaang' dsír' cóo' jalé' e 'lí' e sea' quiáíñ' do, eáam' nijmér' fí' jogui ta qui' mi tí' lí' ninír' jalé' jmiñí' quiá' mi nicáíñ' do. 10 Jo dsu' huím' ni'náng' yaaiñ' quiá' i dseamí do, có' 'gó'bre e ninír' lajii' iihuí' e catííñ' do. Jogui yaam' bí jaléng' i dseata dsea' féng' do fé'r' lala:

¡E ngí' fíib' 'nu'! ¡E ngí' fíib' 'nu', fí' fé' e laniing' 'gøng' e sií' Babilonia!

Dsuco' cóo' lajee' jalí' lanab cagüea' iihuí' quií'.

11 Jogui jaléng' dsea' i seeng' fí' ni' guóo' uó' jmigüí i jmóo' ta láa' jogui ta 'nái', eáam' fí' nilíñ' có' carjì niquí' bre, dsuco' jo' jíe' lí' seeng' gui i nijmé' ta láa' jalé' e iíñ' e nidsi'niñ' quiá'r' do. 12 Dsuco' lamí' jéeng' gui eáang' cajmээр' ta 'nái' cunée' cóo' gui cutee' lí' lajalé' cuu' jì' e jlo' e 'mo' eáang', jogui 'nái' jalé' 'mí' jlo' e niguo' eáang' jogui 'mí' e niung' cóo' gui 'mí' e yáú' e lí' cóo' layaang' ñí' e 'mo' eáang', jo langíng' íim' jalé' 'ma' e jmeafí, jogui 'nái' bír' cajo jalé' e tí' dsí' dsea' e lí' cóo' yaang' maja' jaléng' jó', jo 'nái' bír' cajo jalé' e jmilííñ' cóo' yaang' jalé' 'ma' e quíng' cuu' eáang', jo 'nái' bír' cajo jalé' ní' bronce lí' langíng' íng' cuu' e quíng' cuu'. 13 Jogui jmóor' ta 'nái' langíng' íng' jalé' oo' quiá' jmiñí' jogui jalé' jmiñí' jmeafí, jo 'nái' bír' cajo langíng' íng' jalé' mée' cóo' gui jalé' aceite jogui fí' cui'iee', lí' langíng' íng' jalé' fí'. Jo 'nái' bír' cajo jaléng' jó' i cá' lee' cóo' gui jaléng' jo'se' jogui jaléng' cuea' cóo' gui jalé' carreta e jñu're', jo cajmée' bír' cajo ta 'nái'ng' la quíe' gui jaléng' dsea' i jmóo' ta tá' jmóo' e ja' ee' 'léeiñ' jii' capí'. 14 Jo jaléng' i dsea' í, lalab nisí'r' e fí' fé' do:

Lají' e jlo' e lamí' sea' quií' do, lají' e jo nisí'íim' quií' lana.

Jogui lají' cuu' quií' cóo' gui jalé' e sí' í' oo' fí' jmigüí nisí'íim' quií' cajo.

Jo jo' tóo' jmiñ' fa' e nitíng' tu' jalé' e jo.

15 Jo jaléng' dsea' i cajmée' ta 'nái' jogui ta láa' jalé' e jo, jogui e ca'uííñ' dsea' sea' cuu' la'eáang' e fí' fé' do, jaléng' íb' i nijmihuíng' yaang' dsu' uí' e 'gó'r' lajii' iihuí' e jóør' do. Jo ie' job eáam' nijmér' ta qui' jogui ta jmíiuung' dsí', 16 jo lalab nífé'r' ie' jo:

¡E ngí' fíib' 'nu', e ngí' fíib' 'nu', fí' fé' laniing' 'gøng' e sií' Babilonia!

Có' lamí' jéeng' gui lí' lafa' jaang' dseamí i qui' 'mí' niguo' e jlo' eáang',

jogui i qui' cajo 'mí' e niung' jogui e yáú' jogui i síng' 'ña' jlo' e quier' jalé' cunée' cóo' gui jalé' cuu' jíng' jì' jlo' e quíng' cuu' eáang'.

17 ¡Dsu' cóo' lajee' jalí' lanab ca'íng' lajalé' e sea' quií'!

Jo jaléng' i dsea' i jmóo' ta quíe' jalé' móo' cóo' gui jaléng' dsea' i jmóo' ta cóo' e móo' do colíng' cóo' jaléng' dsea' i teáang' dsí' móo' do cajo i ngí' fí' la fí' na cóo' gui jaléng' dsea' i jmóo' ta caguíee' gui fí' ni' jmiñí', jaléng' í ca'náam' yaaiñ' quiá' e fí' jo. 18 Jo mi tí' lí' cangár' jmiñí' quiá' e nicoo' e fí' do, jo lalab canaaiñ' fé'r' e teá' eáang':

—Jii' cóo' ya' ja' mí' caliseá' cóo' fí' e laniing' 'gøng' e cøøng' røø' cóo' e fí' Babilonia do.

19 Jo canaaiñ' jgiéer' 'lee' fí' moguir', jo canaaiñ' qui'r' dseáng' e lijiuung' dsír' jo lalab fé'r':

¡E ngí' fíib' 'nu', e ngí' fíib' 'nu', fí' fé' e laniing' 'gøng'!

Có' fí' nab lí' ca'uíng' dsea' sea' cuu' jaléng' dsea' i líng' fí' jalé' móo'.

¡Dsu' lanagui náng' cóo' lajee' jalib' nica'íng' lají' e jo!

20 Jo jaléng' 'nú', dsea' seeng' na' fí' ñíí', eáang' jmi'iaang' oo' na' colíng' cóo' jaléng' dsea' i café' cuaiñ' quiá' Fidiée' malí' gui eáang' jogui colíng' cóo' jaléng' dsea' quiá' Fidiée' jogui cóo' jaléng' dsea' apóo' i sí' íng' e ni' júu' quiá' Dsea' Jmáang' ;

jō jmi'iaang` óo'na' jóng uii~ e nicacuø' Fidiée~ iihuí' laco' catíng~ jaléng' i dsea` seeng` e fí fii fé' do i eáang' cajmeáng' 'nú' ga.

21 Jō mi~ cangf jō, jaang` ángel i 'gøng' eáang' caséer` cōo` cuu~ 'loo` e lí' laco'gui la lí' e cuu~ tōo` quía'~ lí~ dsir' micui'iee~, jō e cuu~ 'loo` do cabír' fí dsí' jmiñí'^, jō lalab cajíñ'~ mi~ cabíre' do:

Jō 'nu, fii fé' e laniing~ 'gøng' e sii' Babilonia, lanab nibíin'~ é' jmiñ' cajo lí'^ laco'gui cabí e cuu~ 'loo` do,

jō jō` tōo` jmiñ' fa' e ii` niníng~ gui 'nu`.

22 Jōgui jalé' lúu' e bó' jaléng' dsea` fí jee~ fii na,

fa' jalé' lúu' e sii' arpa

cōo'~ gui jalé' lúu' tá`

jōgui jalé' lúu' trompé'^,

jō` tōo` jmiñ' fa' e niná'gui e ni'ii~ jalé' e jō.

Jō ie~ jō jō` nijnéng'gui jíi'~ camíng'~ dsea` i jmóo` ta~,

o'gui e ii~ e cuu~ 'loo` do niná'gui fí quini'^ cajo.

23 Jōgui jō` nilijneá'gui jíi'~ cōo` jí' fí quíi'~,

o'gui niná'gui cajo jalé' juguiá'~ júu^ jlo'^ quía'~ jial mi~ cúng' dsea` guóor' fí quini'^.

Jō jaléng' dsea` i caliséng' fí na i cajmée' ta~ láa' jōgui ta~ 'ní',

íb' dsea` i lami~ líng' i laniing~ eáang' fí jmigüi'.

Jō 'nub` dsea` i cajmée' ta~ jmigøøng' jaléng' dsea` jmigüi' e cajmigøøng're cōo'~ jalé' ta~ dsea` láang' quíi'~.

24 Jōgui e fí fii nab cajo lí~ nicajnéng~ jmi'øøng~ jaléng' yúu~ dsea` cøøng'~ i café' cuaiñ' quía'~ Fidiée~ malí~ gui eáang', lí'^ lajaléng' i líng' dsea` quía'~ Fidiée~ jōgui lí'^ lajaléng' dsea` i cajúng~ i cajnga' dsea` quía'~ fí ni~ guóo'~ uø~ jmigüi'.

19

Jial jmi'féng' dsea` Fidiée' fí ñifi~

1 Jō mi~ cangf jalé' e la —jíng'~ Juan— jō canú~ túu cōo` luu~ e teá' lí'^ laco'gui la ná' luu~ i 'leáang~ dsea`, jō e jō canú~ u e jaa' fí ñifi~, jō lalab fé' do:

Majmiféng' naa' Fidiée' quí~ ii', cō' íb' dsea` láaiñ' jneaa~ aa'

e laco' ja' ni'íng'~ naa' iihuí' uí'~ quía'~ dsee~ quí~ ii';

jō majmi'goo~ naa'r,

dsuco' íb' dsea` féng' dsea` i ñíng' i 'gøng' fí jmigüi',

2 dsuco' í'bing' i tíng' í' laco' catíng~,

cō' nisi'í'bre jial tí' iihuí' e catíng~ lajaang~ lajaang' dsea`;

jōgui í'bre cajo dsea` nicacuø'r' iihuí' jaléng' dsea` i seeng' fí e fii e lí' lafa' i dseamî i cajmée' ta~ 'núng' 'ña' do,

cō' cōo'~ jalé' e 'lí' e nicajméer' do ca'ié'r' ta~ e laco' cajmi'ling'^ yaang~ jaléng' dsea` jmigüi';

jō uii~ jōba' Fidiée' nicacuø'r' iihuí' jaléng' i dsea` i cajngang' jaléng' dsea` quía'r~ i jmóo` lajii'~ ta~ e iing~ Fidiée' 'ña'r'.

3 Jō mi~ cangf jō, canú~ túu e guicafé'tu calé' catú~ i dsea` 'leáang~ do, jō cajíñ'~:

¡Majmiféng' naa' Fidiée' quí~ ii'!

Cō' e jmiñi' quía'~ e caang' i dseamî do

ja' tōo` jmiñ' fa' e ni'quíung'~ gui.

4 Jōgui laj' guiequíung' i yúu~ dsea` cøøng'~ do cōo'~ gui i quíúung~ do catúuiñ' cartí' ni~ uó^ e cajmiféiñ' Fidiée' dsea` guing~ e fí ée^ lí~ niing~ lí~ quíu'r' ta~ do, jō lalab café'r': "¡Lajōb nilí! ¡Majmifém' baa' Fíi' naa' Fidiée'!"

5 Jō cartí' e lí' lí' ée^ quía'~ Fidiée' e fí lí~ niing~ guíiñ~ quíu'r' ta~ do guicaná' cōo' luu~ dsea` jō guicajíng'~ lala:

jMiféng'na' Fidiée' quí'ii' lajiiing' 'ná',
dsea' jmoo'na' jii' laco' iing' dsea' do 'ña'ra' jogui náa'na' jalé' ta' quia'r' cajo, nañi'
su líng'na' dsea' niing' osi ja' líng'na' lajo é!

Jmii' e cung' guó' i Jo'se' Jiuung' do

⁶ Jo canú' bii' cajo —jíng' Juan— coo'gui luu' mi' cang' e jo e ná' laco' luu' dsea' i fíng',
jo ii' laco' ii' coo' lóo' e fé' e ii' jmií, jogui ii' cajo lafa' mi' quie' güi'ña' e teá' eáang', jo
lalab fé' e luu' do:

jMajmifém'baa' Fii'naa' Fidiée' dsea' féng',
dsea' 'gøng' i quii' jmií' jmé' lí' doñi' ee!

Co' lanab nicat' í' e dsea' do nináin' niquiá'r' ta' fí' jee' dsea' jmiigüi'.

⁷ Jo 'né' e nijmi'iaang' dsi'baa', jogui e nilisee'naa' juguiá' jogui e nijmiféng'naa'r' cajo,
co' lanab cat' í' e nicúng' guó' i Jo'se' Jiuung' do.

Jo 'ña'ab' i nilí' dseam' quiáa're' do nicaguiar' guiá' quiá'r';

⁸ Jo lana i dseam' do nicangim'bre fí' e niqui'r' si'r' e jlo' jogui e 'mo' eáang' jogui e tee'
e jíng' jii' jlo' eáang' cajo.

Jo e 'mi' e niguo' do cuo' lí' e jaléng' i dsea' i líng' dsea' quiá' Fidiée' teáaiñ' teá' fí' guiá'
cáo' dsea' do.

⁹ Jo mi' cang' jo, i ángel do casí'r' jnea' lala:

—Juan, jmé' e júu' la: “Juguiá' jii' quiá' jaléng' dsea' i nisimíng' quiá' e nidsilíin'
jmií' lí' nicúng' guó' i Jo'se' Jiuung' do.”

Jo cajíng' guir:

—Jo e lab júu' já' quiá' Fidiée'.

¹⁰ Joba' casí'i uó' jnii' fí' uii' tii' i ángel do e laco' nijmifén'nre, dsu' ír' cañiir' quie' e
lala:

—Juan, ja' jmoo' lana; co' jnea' jaang' i jmoo' ta' quiá' Fidiée'b' líin'n' cajo, co' røøb'
lí'naa' cóo' 'na' cóo' gui jaléng' dsea' rún' i teáang' teá' i jmiti' dseáng' lajang' júu'
quiá' Jesús. Jo fii' 'ná' e lajii' Fidiée'bing' i 'né' nijmifén'.

Jogui lajii' e júu' já' e guiá' dsea' quiá' Jesús, e job cajo e cagua' jaléng' i 'lii' yúu' i
café' cuaiñ' quiá' Fidiée' malii' gui eáang'.

Jaang' i guíng' fí' mocóo' cuea' teaang'

¹¹ Jo ngí' jo, camó'o e óo' fí' ñifí'; jo fí' job cajnéng' jaang' cuea' teaang', jogui i dsea' i
guíng' fí' mocóo're' do líiin' jaang' dsea' i dseáng' lajang' jmiti' jalé' júu' quiá'r' jogui
jmang' júu' já' ba' fé'r' cajo, dsuco' lajii' ta' e quia'r' jogui jalé' 'nii' e guiar', dseáng'
røøb' jmoo'r' dseáng' lí' laco' sí'í'. ¹² Jogui jminir' dsíng' jíng' jii' co' uøø' niing' jii', jogui
fí' moguir' té' jmiiguiá' lí' corona, jo fí' dse' jo silii' coo' júu' e jii' 'ña'bre dsea' ngáin'
e' guóng' e do. ¹³ Jo ngóor' qui'r' si'r' e siñi' jmi'øøng' dsea', jogui siir' lajii' Júu' quiá'
Fidiée'. ¹⁴ Jo i fii' 'lé' i neáang' fí' ñifí' ti'leáang' laco' ngóor', jo lajii' biñ' do qui'r' 'mi'
e niguo' e jlo' tee', jo lajii'bre neáaiñ' fí' mocóo' jaléng' cuea' teaang' cajo. ¹⁵ Jogui fí'
mo'oo' i dsea' quie' nifí' do güi' coo' ñisii' e 'mé' jlo' e laco' nijmihuñiñ' jaléng' dsea'
seeng' fí' la'úng' fí' jmiigüi' cóo' e ñi' jo. Jo í'bre niquiá'r' ta' jee' i dsea' í' e jmeaiñ' ta'
'ma'u' quiá' dseata' e lí' cóo' ñi'. Jogui niquidsir' í' quiá' lajaang' lajaang' dsea' lafa'
mi' ngí' dsea' jee' lí' sea' mí' huñg' jó' fí' lí' jmi'uiñ' méé' guí'. Jo e méé' guí' do lí'
lafa' iihu' e jáa' quiá' Fidiée' i 'gøng' i quii' jmií' jmé' lí' doñi' ee', jogui e iihu' do
catíng' jaléng' i dsea' í' uii' e eáang' niguíng' Fidiée' quiá'r'. ¹⁶ Jo fí' ni' 'mi'qui'r' jogui fí'
dse' quiar', fí' job lí' silii' e júu' la: “Dseata' Dsea' Féng' quiá' jaléng' dseata' dsea' féng',
jogui Fii' quiá' jaléng' fii'!”

¹⁷ Jo mi' cang' jo, camán' n jaang'gui ángel i sing' sí'ø' fí' lí' íng' iee' i ca'áng' teá' eáang'
jaléng' mii' i ngí' fí' guiá' güi', jo lalab casí'r' reiñ' do:

—Seáng'~ yaang'~ na' jò ñilíng'~ na' fí' la, co' fí' lab nicató'~ Fidié'~ 'nú' e niñiquié'~ na' í' na'.
 18 Ñilíng'~ na' jò ñiquié'~ na' ngu~ jaléng'~ dseata~ dsea' féng', cóo'~ gui ngu~ jaléng'~ fii~ quía'~
 'lée', cóo'~ gui ngu~ jaléng'~ dsea' i teá' táang' dsí', cóo'~ gui jalé'~ ngu~ cuea~ cóo'~ gui ngu~
 jaléng'~ i gua' fí' mocóo'~ re' do cajo, jogui ngu~ jaléng'~ dsea' lí' coo'~ gui' ná', na i ñiing'~ osi
 na i ja' ñiing'~ é, na i líng'~ dsea' silaang'~ jogui na i líng'~ dsea' si' ñiing'~ i jmóo'~ ta' tá'~ jmóo'
 e ja' 'léeiñ'~ jí'~ capí'.

19 Jo mi~ cangf'~ gui lajo, camán~ n i j'ó'~ dsée~ i la'uii~ do cóo'~ gui jaléng'~ dseata~ dsea'
 féng'~ i seeng'~ fí' jmigüi'~ colíng'~ cóo'~ jaléng'~ 'lée~ quía'r'. Jo nicaseáiñ'~ yaaiñ'~ e laco'
 nitíñ'~ cóo'~ i guíng'~ fí' mocóo'~ i cuea~ teaang'~ do cóo'~ gui jaléng'~ 'lée~ quíaíñ'~ do cajo.
 20 Jo job catáng'~ i j'ó'~ dsée~ la'uii~ do colíng'~ cóo'~ i j'ó'~ dsée~ catí' tú~ do i cajmícaang'~ i
 café'~ cuaiñ'~ quía'~ Fidié', co' i j'ó'~ lab i cajmíe'~ jalé'~ e quí'~ re' jmiñ'~ dseáng'~ fí' quini'~ i
 j'ó'~ dsée~ la'uii~ do. Jo la'eáng'~ cóo'~ jalé'~ e lí' e cajmíe'~ re' do, cóo'~ e job cajmigóong'~ ne'
 jaléng'~ i cacuóong'~ yaang'~ e catáiñ'~ e lí' quía'~ i j'ó'~ dsée~ do e laco'~ líiñ'~ e líiñ'~ dsea' quía'~
 i j'ó'~ dsée~ la'uii~ do. Jogui cajo jaléng'~ í' cajmífém'~ bre i dié'~ guóo'~ quíaíñ'~ do cajo. Jo fí'
 ni' j'í' lí' coo'~ j'í' e quíéng'~ azufre e jo' t'óo'~ jmiñ'~ yu'~ cabiing'~ ne' laco'~ j'í' bre' i j'ó'~ dsée~ la'uii~
 do colíng'~ cóo'~ i j'ó'~ dsée~ catí' tú~ do i cajmícaang'~ e líng'~ ne' dsea' i café'~ cuaiñ'~ quía'~
 Fidié'. 21 Jogui i dsea' caguiaang'~ gui do cajúm'~ bre cóo'~ e ñisú' e iu'~ fí' mo'oo'~ i dsea' i
 guíng'~ fí' mocóo'~ i cuea~ teaang'~ do, jo lajím'~ tusí'~ cóo'~ gui jaléng'~ tujl'~ cajmí'oo'~ re'
 dseáng'~ la guíum'~ jalé'~ nguú'~ táaiñ'~ do.

20

Lajee'~ coo'~ mil jii'

1 Jo mi~ cangf'~ gui lajo —caj'íng'~ Juan— camán~ n jaang'~ gui ángel i jajgiáang'~ fí' yú'~ jmigüi'
 jo quier'~ joñí'~ quía'~ e fí' lí' 'lí' fí' lí' lí' too'~ nuu'~ só', jogui se'r' coo'~ ñí' cadena e fé'. 2 Jo
 i ángel la ca'ñúñ'~ i j'ó'~ guíe'~ mogui~ do i líng'~ j'ó'~ 'líng'~ i níng'oo'~ seeng', jo íb' i líng'
 fii' i 'líng'~ i sii' Satanás, jo ca'ñúng'~ neiñ'~ do cóo'~ ñí' cadena lajee'~ mil jii'. 3 Jo fí' dob
 cabíng'~ neiñ'~ do e fí' lí' lí' too'~ nuu'~ só' do, jo fí' job cajniñ'~ do lajee'~ coo'~ mil jii', jo catéer'
 coo'~ sello fí' dse'~ jn'í' e laco'~ jo' quí'~ jmiñ'~ fa' e nijmigóong'~ guíñ'~ do dsea' jmigüi'~ cartí'
 níng'íng'~ e coo'~ mil jii' do. Jo mi~ níng'í' jo, joguiba' e nicuóong'~ nileáiñ'~ do cateá'.

4 Jo mi~ cangf'~ jo, camó'~ guí'~ ée'~ lí' gua' jaléng'~ dsea' i nicang'íng'~ fí' e quidsir' í' quía'~
 dsea' jmigüi'. Jo dob camó'~ o cajo ni~ jaléng'~ 'lí' i nicajúng'~ e caquiú'~ dsea' moguir'~ uí'~
 e teáaiñ'~ teá' cóo'~ e júu'~ e caséé'~ Jesús jogui cóo'~ jalé'~ e fé'~ júu'~ quía'~ Fidié'. Jo jaléng'
 i dsea' í' ja' cajmíféiñ'~ i j'ó'~ dsée~ la'uii~ do o'gui cajmí'gór' i dié'~ guóo'~ quíaíñ'~ do cajo
 o'gui cacuóong'~ yaaiñ'~ fa' e catáiñ'~ lajii'~ e lí' quía'~ i 'líng'~ do fí' guiaquí'~ osi fí' guóor'~ é.
 Jo camó'~ o e cají'~ b'~ tu jaléng'~ i dsea' í' calé'~ catú', jo røøb'~ caquiú'r' ta' colíng'~ cóo'~ Dsea'
 Jmáang'~ lajee'~ coo'~ mil jii'. 5 Jo dsu'~ e naguib'~ e la'uii'~ e jí'~ tu dsea' jee'~ jaléng'~ 'lí'. Co'
 jaléng'~ gui i 'lí' i caguiaang'~ gui do ja' cají'~ tur cartí' mi~ cangf'~ e coo'~ mil jii' do. 6 Juguí'~ jii'
 quía'~ jaléng'~ dsea' i níng'íng'~ mi~ nití'~ í' e níj'í'~ tu dsea' la'uii'~ jee'~ jaléng'~ 'lí', dsuco'~ jaléng'
 i dsea' íb' dseáng'~ dsea' quía'~ Fidié'~ ní'í'í'! Jo ja' ee'~ bí' sea' quía'~ e 'mó'~ e catí' tú'~ ya'
 fa' e níng'íng'~ gui jaléng'~ i dsea' í, co' jaléng'~ í' ní'uíñ'~ jmidsea' quía'~ Fidié'~ jogui quía'~
 Dsea' Jmáang'~ jo colíim'~ níquiú'r' ta' cóo'~ dsea' do lajee'~ coo'~ mil jii'.

Mi'~ cacá'~ quía'~ fii' i 'líng'~ dseáng'~ congüia'

7 Jo mi~ tí' lí' casúung'~ e coo'~ mil jii' do, job mi~ catí' í' e nileáng'~ i fii' i 'líng'~ do fí' lí'
 sijñíñ'. 8 Jo job mi~ tí' lí' níng'í'~ e nijmigóoñ'~ jaléng'~ dsea' i seeng'~ fí' la'úng'~ fí' jmigüi',
 jo jaléng'~ íb' i sii' Gog cóo'~ gui Magog, jo lajím'~ í' niseáiñ'~ ie~ jo e quía'~ nisér'~ 'ni'. Jo
 dsea' 'leáam'~ bing'~ niseáng'~ e jmiñ'~ jo lí' laco'~ tí' t'óo'~ e néé'~ 'ni'~ jmiñ'~ í'.

9 Jo jaléng'~ i dsea' í' la'úm'~ fí' ní' guóo'~ uó'~ jmigüi'~ niniñ'~ mi~ nití'~ í' lajo, jogui cajo
 lacúng'~ laj'íng'~ lí' neáng'~ jaléng'~ dsea' quía'~ Fidié', jogui lacúng'~ laj'íng'~ e fii' e lí' iing'~
 Fidié'. Jo dsu'~ lajee'~ job canaang'~ jii' j'í' fí' yú'~ jmigüi', jo lajím'~ i dsea' í' cacáiñ'~ ie~ jo

dseáng' conguaí'. ¹⁰ Jogui i fií i 'ling' i cajmigóøng' jaléng' dsea` jmiǵüü' lamí jéeng'gui do, fí' dob cabiíñ' fí' é' guiéé' lí' coo' jì' e téé' azufre e jo' tóo' jmií' niyá', jogui fí' job cajo lí' cabíng' i jód' dséé' la'uii' do cóo' gui i jód' dséé' catí' tú' do i cajmicaang' e café' cuaiñ' quiá' Fidiéé'. Jo fí' job lí' nicá' jaléng' í' iihuí' e uóø' jmií' dseáng' car' ngongí' jmií'.

Jial mi' ni'ing' iihuí' jaléng' dsea` i røøng' dsee`

¹¹ Jo mi' cangí' jo —jíng' Juan— camó'o cóo' éé' e jlo' tee', jo fí' jo guíng' i dsea` i quidsí' í'. Jo fí' quini' i dsea` í' camó'o e dseáng' conguaí' ca'íng' guóo' uóø' cóo' gui yá' jmiǵüü', jo jo' jíé' lí' cajnéng' gui jíí' cóo'. ¹² Jogui camán' n lajüñg' 'lí' e teáaiñ' fí' quini' e éé' do, na i niing' jogui na i ja' niing'; jogui canab' jalé' jì, jo mi' cangí' jo, jíé' gui cóo' jì' cana' cajo, jo e jì' job e lí' nitáang' jaléng' dsea` quiá' Fidiéé'. Jo joguib mi' tí' lí' catidsí' í' quiá' jaléng' i 'lí' do lí' laco' jíí' e cajméer' ie' lamí seeiñ' fí' jmiǵüü' lí' laco' gui jíí' la fé' e fí' ní' jalé' e jì' quiá' Fidiéé' do. ¹³ Jo camó'o e cawang' jmií' jaléng' 'lí' i catíng', jogui i fií' e lí' teáng' jaléng' 'lí' cajam' bre lajüí' i 'lí' i catíñ' cajo. Jo lajaang' lajaang' i dsea` í' catidsí' í' quiá' lí' laco' jíí' e cajméer' ie' lamí seeiñ' fí' jmiǵüü'. ¹⁴ Joguib e 'mó' cóo' gui e fí' lí' teáng' jaléng' 'lí' do, fí' dob cabiíñ' e fí' é' guiéé' fí' lí' coo' jì' e téé' azufre e ja' tóo' jmií' niyá'. Jo e guiéé' do, e job e guóng' 'mó' e catí' tú' do. ¹⁵ Jo jaléng' dsea` i ja' sijnéng' e fí' ní' jì' lí' taang' jaléng' dsea` quiá' Fidiéé', fí' dob bíñ' cajo e fí' é' guiéé' e fí' lí' iú' jì' e quiéng' azufre e ja' tóo' jmií' niyá'.

21

Yá' jmiǵüü' 'mí' cóo' gui guóo' uóø' 'mí'

¹ Jo mi' cangí' jo —jíng' Juan— camó'o cóo' yá' jmiǵüü' e 'mí' cóo' gui cóo' guóo' uóø' e 'mí' cajo; dsuco' e yá' jmiǵüü' e la'uii' do cóo' gui e guóo' uóø' e la'uii' do nica'ím', jo lajobi jalé' jmií' cajo nica'ím'. ² Jo camó'bí' e fií' e güeang' quiá' Fidiéé' do e sií' Jerusalén 'mí' e cagó' fí' yá' jmiǵüü' e fí' lí' guíng' dsea` do. Jo dseáng' eám' jlo' silí' e fií' do lí' laco' gui la líng' jaang' simí' ie' jmií' e nicung' guór'. ³ Jo mifíng' canú' u cóo' luu' e jáa' fí' lí' lí' éé' e fí' lí' guíng' i laniing' quiá' ta' do, jo lalab' cajíng' cóo' júu' e teá' eáang':

—Lana Fidiéé' niseeiñ' jee' jaléng' dsea` jmiǵüü', jo contøø'm' niliseeiñ' cóo' dsea` do, jo jaléng' dsea` íb' ni'uíng' dsea` quiá'r', jogui 'ñiab' Fidiéé' niliseeiñ' cóo'íñ' do, jogui jíí' íb' ni'uíng' Fidiéé' quiá'r' cajo. ⁴ Jogui Fidiéé' cajo dsea` nijmiquié'r' jmií' í' jmií' lajaang' lajaang' dsea', jogui jo' tóo' jmií' fa' e nilisea'gui 'mó' quiá'r', o'gui jalé' fí' í', o'gui jalé' ta' jmiquíng' dsí', o'gui jalé' e cu' jnga'; dsuco' lajib' e lamí sea' fí' jmiǵüü', caquium' e sea' jalé' e jo.

⁵ Jo i dsea` i guíng' e fí' lí' lí' éé' e fí' lí' niing' quiá'r' ta' do cajíñ' lala:

—Jnea' jmóo' e 'mí' lajalé' e sea' fí' latøøng' jmiǵüü'.

Jogui cajím' biguir cajo:

—Juan, jmée' lajalé' e júu' la, có' lajalé' ba' la lí' júu' dseáng' e laniing' e já', jogui dseáng' catí'm' e nilí'goo' cajo.

⁶ Jo mi' cangí', jo casí' tur' jnea' lala:

—Lajib' nicalití'. Jo jneab' lín' n i la'uii' do jogui jnea' bí' lín' n i tí' lí' cadséng' do cajo. Jo lí' doñí' ií' dsea` i jmií'ng', jneab' nicuóø'øre e jmií' e jmóo' e seeng' dsea` cøøng' cóo' Fidiéé' lata', jo e jmií' jo' ja' e quíng' jíí' cóo' 'ní' quiá' i dsea` i iing' ní' í' e jo. ⁷ Jo ií' dsea` i nigüeáng' i nité' lí' e siñ' teá' cóo' júu' quié' e, ni'ím' bre lajalé' e la; jo jneab' nilí'n' n Fidiéé' quiá'r', jogui í'bre nilíñ' jód' o' cajo. ⁸ Jo dsu' jaléng' gui dsea` i 'gó' fí' quini' dsea` jíéng' uii' júu' quié' e, jogui jaléng' gui dsea` i ja' já' líng' júu' quié' e nañí' fa' nicalíñ' bre, cóo' gui jaléng' dsea` i 'ní' níng' rúng', cóo' gui jaléng' dsea` i jmóo' ta' jngang' dsea` rúng', cóo' gui jaléng' dsea` i 'léé' cóo' ngúu' táaiñ', cóo' gui jaléng' dsea` i jmóo' ta' dsea` láang', cóo' gui jaléng' dsea` i jmiféng' díéé' i o' já', jogui lajobi jaléng' dsea` i jmóo' ta'

quie' júu^ e o' já^- cajo, fí' dob nibíiñ^- e fí' é' guiée' lí^- coo` jì e tée^- azufre e ja` tóo` jmiñ^- yu'. Jo e lab e 'mó^- e catí' tú^- do.

Jerusalén e 'mñ^-

⁹ Jo mi~ cangí' jo, camán^-n jaang` lajee` i guiáng^- ángeles i lamí^- quie' e guié^- cóo^ do e lamí^- siróong` guié^- íing` iihuí' e lí^- cadséng^- do, jo cangoquieeiñ' fí' lí^- sín^n, jo cóo` júu^ lalab casí'r^- jnea^-:

—Juan, nea' fí' la, jo lab ni'éen^n 'nu` i simí' i nicúng`- guó` cóo` i Jo'se' Jiuung` do.

¹⁰ Jo lajee` job —jíng`- Juan— e Jmiguí' quía^- Fidiée` cajmée` e camó^-o e i ángel do cangojéeiñ` jnea` fí' cóo` yú'^ mó^n e fé^n jogui e ñí', jo fí' job ca'e'r' jnea` e fiñ` laniing^- e güeang` e siñ` Jerusalén e nijgó^- fí' ñifí^- fí' lí^- guing` Fidiée`. ¹¹ Jo dseáng` eáam` jlo'^ jíng` jì e fiñ` do la'eáang` cóo` güea'^ niing^- jì quía^- Fidiée`, jo jnéeng^- lajo lí'^ laco' la lí' cóo` cuu` e jì e siñ` jaspe, jogui cajo lí' laco' lí' cóo` sí' e ta' jmí'. ¹² Jogui lacúng` lajíng` e fiñ` do sijniñ` cóo` cóo` iá` cuu` fé^n e ñí' eáang`, jo e iá` do sea` guitu` jn' quía^- lí^- cuóong` dsitáang` dsea, jo laco` laco` e jn' do seeng` jaang` ángel i jmóo` í'; jogui e fí' laco` dse' jn' do tóo` jial siñ` ca'lé' jee` lajì guitu` 'lé' dsea` seeng` fí' Israel. ¹³ Jo 'ní' e jn' do jóo^- lí' lí' guo' iee`, jogui 'ní' jóo^- lí' lí' ñí', jogui 'ní' gui jóo^- lí' lí' uóo^, jogui 'ní' lí' lí' dsea' iee`. ¹⁴ Jo e iá` cuu` e si' fí' lacúng` e fiñ` do tée' guitu` cuu` e lafa' quía^- tñ^- fiñ`, jo fí' laco` e cuu` do tóo` jmacó` jial siñ` lajaang` lajaang` lajee` guitúung` i dsea` apóo^ i si'íng` i cajmée` ta` ni' júu^ quía^- i Jo'se' Jiuung` do.

¹⁵ Jo i ángel i síng` cóo` jnea` do quier' cóo` siñ^- e lí' cóo` layaang` cunée` e laco' niguiár^- í' e jee` fiñ` fé^n do cóo` gui jalé' jn' quía^- jogui e iá` cuu` do cajo. ¹⁶ Jo e fiñ` fé^n do quiúum` lí', jo røo`b` í' óo` lí' lí' cuee` cóo` gui lí' lí' ú. Jo i ángel do caguiar' í' e fiñ` do cóo` e siñ^- cunée` e quier' do; jo mi~ caguiar' í', jo óo` tú^- mil la dsî tú^- ciento kilómetro; jo røo`b` óo` lí' lí' cuee` jogui lí' lí' ú jogui røo`b` cajo lí' lí' ñí'. ¹⁷ Jo mi~ cangí' jo, caguiar' í' e iá` cuu` do, jo lalab í' óo` e jo: óo` sesenta y cinco metros. Jo i ángel do cacór^- í' lí' laco' jí' í' quía^- dsea` jmigüi' e jmáin' ta`.

¹⁸ Jo e iá` cuu` do lí' cóo` jmang`- cuu` jì e siñ` jaspe, jogui e fiñ` do lí' cóo` jmang` cunée` yaang` e lí' lafa' sí' e jlo'^ huí'. ¹⁹ Jo jalé' cuu` tñ^- fiñ` quía^- e iá` cuu` do jlo'^ siñ` cóo` jalé' cuu` e jlo'^; jo e la'uii` do lí' cóo` cuu` e jì e siñ` jaspe; jogui e catí' tú^- do lí' cóo` cuu` jlo'^ e iñ` í' azul e siñ` zafiro; jogui e catí' 'ní' do lí' cóo` cuu` e jlo'^ e iñ` í' teá langáng` e siñ` ágata; jogui e cuu` e catí' quí' do lí' cóo` cuu` jlo'^ e iñ` í' rø' e siñ` esmeralda; ²⁰ jogui e cuu` lí' catí' 'ñiá' do lí' cóo` cuu` e siñ` ónice; jogui e cuu` lí' catí' jñá^- do lí' cóo` cuu` e yúu^- e siñ` cornalina; jogui e cuu` lí' catí' guié^- do lí' cóo` cuu` e siñ` crisólito; jogui e cuu` e lí' catí' jñiá^- do lí' cóo` cuu` e siñ` berilo; jogui e cuu` e catí' ñá^- do lí' cóo` cuu` ue' e jing` e neáang^- e siñ` topacio; jogui e cuu` lí' catí' guí^- do lí' cóo` cuu` e siñ` crisoprasa; jogui e cuu` lí' catí' guicó^- do lí' cóo` cuu` e siñ` jacinto; jogui e cuu` e lí' catí' guitu` do lí' cóo` cuu` e siñ` amatista. ²¹ Jo lajì guitu` e jn' do lí' cóo` cóo` cuu` e jì jlo'^ e siñ` perla. Jogui e fí' laniing^- e ngóo` jee` 'núu` e sea` e fí' jee` fiñ` fé^n do lí' cóo` layaang` jmang` cunée`, jogui dseáng`- jlob'^ ta' jmí' lí' laco' gui la lí' cóo` sí'.

²² Jo ja` camó^-o jí' cóo` guá^- e fí' jee` fiñ` do, co' Fí'naa' Fidiée` dsea` féng` dsea` ñíng` fí' jmigüi' i quí' jmiñ` jmé^- lí' doñí' ee' cóo` gui i Jo'se' Jiuung` do, í'bing` líng` laco' guá^- quía^- e fiñ` do. ²³ Jo ja` ngí' lí' fa' dseáng`- 'né^- jì iee` e fí' jee` fiñ` do oñi jì si' é e laco' nijneá', dsuco' lají' e güea'^ quía^- Fidiée` do, e joba' jmóo` e jneá' jlo'^, jo i Jo'se' Jiuung` dobing` líng` e jì quía^- e fiñ` do. ²⁴ Jo jaléng` dsea` seeng` fí' ni~ guóo` uó^- jmigüi' cóo` e jì job ningír^, jogui jaléng` dseata` dsea` féng` i seeng` fí' jmigüi', fí' dob nija'r' jalé' bí' quía'r^- fí' quini' Fí'naa' Fidiée` e laco' e nijmiféiñ' dsea` do jogui nijmi'gó' reiñ' cajo. ²⁵ Jogui jalé' e o'ná^ quía^- e fiñ` do jo` nijñá^- gui lajee` jmí', jogui cajo jo` nilisea' gui uóo` e fí' jo. ²⁶ Jo job nijá'^ dsea` jmigüi' jalé' e niguo'^ e sea` quía'r^- cóo` gui lajalé' e jlo'^ e sea` fí' jmigüi'; ²⁷ jo dsu' ja' quí' jmiñ` fa' e ni' í' fí' jo jí' cóo` e 'lí' o' gui jí' jaang` i ée' dsihuí'

osi jaléng' i jmi'gúo' é. Co' dseáng' lajii' dsea i nitaang' e fi' ni' ji' quiá' i Jo'se' Jiuung' do li' nitaang' jaléng' dsea i si'íng' seeng' lata', jo jii' í'bing' cuø'ng' nidsitáang' fi' jo.

22

Coo' tú' gui' júu' quiá' fi' Jerusalén e 'má' do

¹ Jo mi' cangí' gui' lajo, i ángel do ca'e'r' jnea' coo' gua' fi' li' sea' jmi' e jmóo' e seeng' dsea' cø'ng' coo' Fidié' lata'. Jo e jmi' jo dseáng' jlo' jii', co' lí' dseáng' laco' lí' coo' sí' e ta' jmi'. Jo e fi' ná' e li' lí' éé' e fi' li' niing' li' guing' Fidié' quiá'r' ta' colíng' coo' i Jo'se' Jiuung' do, fi' job' fi' li' níng' e jmi' do. ² Jo guiá' jóo' e fi' guiá' fi' laniing' quiá' e fi' do jogui lacataang' cataang' e gua' do, fi' job' li' cuaang' e 'ma' e jmóo' e seeng' dsea' cø'ng' coo' Fidié' lata'. Jo e 'ma' jo cuø' guitu' íng' ofii' laco' jii', coo' íng' ofii' lajaang' si'. Jogui mamó' quiá' e 'ma' ofii' do íng' ta' e jmi'leáang' jaléng' dsea' jmi'gúu'. ³ Jo jii' coo' jo' e nilisea' gui' e fi' jee' fi' do e ja' dseeng' e nijmé' e ni'é' dsea' dsee'. Jo fi' job' nijé' e éé' li' niing' li' guing' Fidié' coo' gui' i Jo'se' Jiuung' do, jogui jaléng' i dsea' i jmóo' lajii' e iing' dsea' do caniing' jii' ta' jmi'féng' dsea' dobing' nijmér'. ⁴ Jo fi' joguib' li' niníng' rúng' Fidié' fi' quini' lana coo' jaléng' dsea' quiá'r', jo fi' guiaquí' jaléng' i dsea' í' nitó' jialco' si' dsea' do. ⁵ Jo e fi' jo' jo' nilisea' gui' uø'; jo jaléng' i dsea' i nigüea' fi' jo, jo' nili'né' guir' ji' o'gui' ji' iee', co' contø'm' Fii'naa' Fidié' nicuø'r' jir', jo jaléng' i dsea' í' contø'm' niquiá'r' ta' car' ngongí' jmi'.

Lajmináb' nijáa'tu' Dsea' Jmáang'

⁶ Jo mi' cangí' jo, cajíng' gui' i ángel do casí'r' jnea' lala:

—Juan, lajii' e júu' la dseáng' laniim' e ja' jogui dseáng' catíim' e nili'goo' cajo. Jo Fii'naa' Fidié' bing' i cacuø' júu' jaléng' dsea' i café' cuaiñ' quiá'r' mali' gui' eáang', joba' lana nicasiñ' jaang' ángel quiá'r' e laco' niliñ' jaléng' dsea' i jmóo' ta' quiá'r' lajii' e nidsijé' lajee' lajminá'.

⁷ Jo cajíng' Fii'naa' Dsea' Jmáang':

—i'Núu' na! Lajee' lajminá' nigáa'túu. Jo joguiá' jii' quiá' jaléng' dsea' i jmiti' lajii' e fé' e fi' ni' ji' la!

⁸ Jo jnea', Juan, nicanú' u jogui nicamó' o lajalé' e la. Jo mi' cangí' jalé' e la, casí' i uø' jni' fi' uii' tii' i ángel i ca'e' jnea' jalé' e jo e laco' e nijmifén' nre sí'í'. ⁹ Jo dsu' cajíñ' casí'r' jnea' lala:

—Juan, ja' jmoo' lana, co' jnea' lín'n jaang' i jmóo' ta' quiá' Fidiéeb' cajo, jo røøb' lí'naa' coo' 'nu' colíng' coo' gui' jaléng' dsea' rún' i café' cuaiñ' quiá' Fidié' mali' gui' eáang' lí' lajaléng' i jmiti' jalé' e júu' e fé' e fi' ni' ji' la. Jo fii' i 'nu' e lajii' Fidié' bing' i 'né' nijmifén'.

¹⁰ Jogui casí' gui' i ángel do jnea' lala:

—Juan, jie' mí' jmoo' e ja' nijmijnéen' e ni'mea' e ñng' lajii' e júu' quiá' Fidié' e fé' e fi' ni' ji' la, dsuco' lajee' lajminá' nidsijé' lajalé' e la. ¹¹ Joba' fii' guí' 'nu' e jaléng' dsea' i í' dsí' jalé' e ga', güijmée' bre lajii' e 'lí' rúñ' e iñ' jmér'; jogui jaléng' dsea' i teáang' fi' ga', güiteáam' bir' fi' jo; jo dsu' jaléng' dsea' i seeng' røø' coo' Fidié', güijmée' bre lajii' e guiá' e jmóor' do; jogui jaléng' dsea' i jmóo' lajii' e iing' Fidié', güijmée' bre lajo cajo.

¹² Jo lalab' cajíng' gui' Dsea' Jmáang':

—i'Núu' na! Lajee' lajminá' nigáa'túu; jo joguib' nigáa' a quiee' lajii' e catíng' jaléng' dsea' lí' jialco' jii' lí' e nicajmээр' lamí' jéeng' gui'. ¹³ Jo jneab' dsea' i la'uii' do jogui jnea' bi' i tí' li' cadséng' do cajo, jo jneab' i seeng' ie' lajii' mi' catiroo' jmi'gúu', jogui jnea' bi' cajo i seeng' cartí' mi' ní'íng' jmi'gúu'.

¹⁴ Jo joguiá' jii' quiá' jaléng' dsea' i lafa' ru' jalé' sí' e laco' nilisea' fi' quiá' e nidsitáañ' e fi' li' lí' o'nú' quiá' e jee' fii' quiá' Fidié' do, co' lajoba' nilisea' fi' quiá'r' e nidø'r' e ofii' quiá' e 'ma' e cuø' e seeng' dsea' cø'ng' coo' Fidié' lata'. ¹⁵ Jo dsu' fi'

lí' caluu' e fiñ do nijé' jaléng' i jmóo' jalé' e 'lí', lafa' jaléng' dsea' i jmóo' jalé' ta' dsea' láang', jogui jaléng' dsea' i ée' dsee' e 'léer' cóo' jalé' e lí dsí' ngúu' táaiñ, jogui jaléng' i jmóo' ta' jngang' jaléng' dsea' rúng', jogui jaléng' dsea' i jmóo' ta' jmiféng' jaléng' diée' i o' já', jogui jaléng' dsea' i tí dsí' jmóo' ta' jmigóo'.

¹⁶ Jo mi' cang' jo, lalab cajíng' Jesús:

—Jneab' dsea' nicasín' n ángel quié' e fi' quiní' e quier' jalé' e júu' la e catíng' jaléng' i líng' dsea' quié' e. Jo jneab' lín' n dsea' siju' dseata' dsea' féng' Daví', jogui jnea' bi cajo lín' n lafa' i núu' jing' i jnéeng' jlo' mi' la'ee'.

¹⁷ Jo Jmiguí' quiá' Fidié' jogui i líng' lafa' dseam' quiá' i Jo'se' Jjuung' do lalab fé'r' jo jíñ':

—iNea' fi' la!

Jo lajob nijíng' jaléng' i ninú' cajo:

—iNea' fi' la!

Jo doñ' i' dsea' i jmjimíng', güijalím' bre jo güija' í'r' e jmí' e jmóo' e seeng' dsea' cøng' cóo' Fidié' lata', jo e jmí' jo jíñ' cóo' ja' ee' quíng' quiá'r'.

¹⁸ Jo jaléng' dsea' i núu' e júu' quiá' Fidié' e tóo' e fi' ni' jì la, joba' jmiñim' baa dsír' lala: Song i líng' iñ' nijmíng' guir lajíñ' e júu' e dseáng' fé' e fi' ni' jì la, joba' Fidié' nijmíng' bre cajo jalé' iihu' quiá' i dsea' í lí' laco' la fé' e fi' ni' jì la. ¹⁹ Jogui song i líng' dsea' iñ' e nijé' guir fa' camí' e júu' e fé' e fi' ni' jì la, joba' Fidié' nijé' bre cajo quiá' i dsea' í lajíñ' e 'ma' e jmóo' e seeng' dsea' cøng' cóo' Fidié' lata', jogui cajo ja' nitíñ' e nigüear' e fi' fi' güeang' quiá' Fidié' e fé' e fi' ni' jì la.

²⁰ Jo i dsea' i jmita' dsí' jalé' e júu' la jíñ' lala:

—Dseáng' e jáb', lajee' lajminá' nigá'a.

Jo lalab jíng' dsea' quiá' Dsea' Jmáang':

—Lajob nilí. iNea' fi' la, Fí'naa' Jesús!

²¹ Jo güi' b' Fí'naa' Jesús güea' quiá'r' fi' jee' jneaa' aa' lajalé' naa'.

Jo lajob nilí!

Jo jíñ' lanab jíñ' fé' jì e cajme' Juan.